

მისეილ ზანდუკელი

# თხზულებანი

.III

ახალი ქართული ლიტერატურა



თბილისის უნივერსიტეტის გამომცემლობა  
თბილისი 1978

მახვილ ზანდუქელას თხზულებათა III ტომში ორი მონოგრაფიაა გაერთიანებული: I — „ხალხოსნური მიმართულება ქართულ ლიტერატურაში“, რომელიც თავის დროს სამჯერ გამოიცა „ახალი ქართული ლიტერატურის“ III ტომის სახით, II — „ვაჟა ფშაველა“, რომელიც 1953 წელს გამოქვეყნდა.

ტექსტები იბეჭდება უმნიშვნელო ცვლილებებით. წიგნი განკუთვნილია სტუდენტების, მასწავლებლები-სა და ქართული ლიტერატურის ისტორიის საკითხებით დაინტერესებულ მკითხველთათვის.

ს ა რ ე ღ ა ჭ ც ი ო კ ო ლ ე ბ ი ა

პროკლე კ ე კ ე ლ ი ძ ე (მთავარი რედაქტორი)

გრიგოლ კ ი კ ნ ა ძ ე

ნოდარ ტ ა ბ ი ძ ე

ჯუმბერ ჭ უ მ ბ უ რ ი ძ ე

სოლომონ ხ უ ც ი შ ვ ი ლ ი

მესამე ტომის რედაქტორი ჯუმბერ ჯუმბურიაძე.

© თბილისის უნივერსიტეტის გამომცემლობა. 1978

ხადხმსწერი მიმართულება.  
ქართულ დიტიმრატურაში.



## წინასიტყვაობა პირველი გამოცემისათვის

„ახალი ქართული ლიტერატურის“ III ტომი მიზნად ისახავს 1934 წელს ამავე სახელწოდებით გამოსული ჩვენი შრომის II ტომის ბუნებრივი გაგრძელება მისცეს მკითხველს, რათა XIX საუკუნის ქართული ლიტერატურის განვითარების მეორე პერიოდი მას ძირითად ხაზებში წარმოუდგინოს.

ამ მიზნით წინამდებარე ტომში დასამუშავებლად გათვალისწინებულია შემდეგი ლიტერატურული მოვლენები: 1) ზალხოსნური მიმართულება და მისი წარმომადგენელნი ქართულ ლიტერატურაში; 2) ფეოდალურ-კონსერვატორული ლიტერატურა — გადაგვარებული რომანტიზმი და მისი წარმომადგენელნი და 3) „მთის პოეზია“ (ამ ტერმინით პირობით აღვნიშნავთ ე. წ. მთის პოეტების შემოქმედებას) და მისი წარმომადგენელნი.

როგორც ჩვენი შრომის „ახალი ქართული ლიტერატურის“ მეორე ტომში გვქონდა აღნიშნული, XIX საუკუნის ქართული ლიტერატურის განვითარების მეორე პერიოდის (1845—1890 წწ.) მანძილზე კაპიტალიზმის განვითარებისა და მით გამოწვეული სოციალური ცვლილებების საფუძველზე საქართველოს საზოგადოებრივ ცხოვრებაში სამი ძირითადი მოქმედი სოციალური ფენა ჩნდება და ქართულ ლიტერატურაშიც საკმარისად თვალსაჩინოდ მკლავდება მათი შესაბამისი სამი ლიტერატურული სტილი.

1. ერთი მოქმედი ფენაა საშუალო შეძლებისა და გაღარიბების გზაზე დამღვარი მემამულეები და მათი ახალგაზრდა მოწინავე ნაწილი. ამ ფენამ იგრძნო ახალი ცხოვრების მძლავრი მოწოლა; იგრძნო ძველი ყოფის ნიადაგის მაგარი რყევა; განიცადა შიში, რომ თავადაზნაურობა, როგორც კლასი, ახალი ეკონომიური ფაქტორის (კაპიტალიზმის) განვითარების გამო, წაილეკება, დაიღუპება; რწმუნდება, რომ კაპიტალიზმის განვითარებასთან ბრძოლა უკვე შეუძლებელია, მასთან შეთანხმება საჭიროა და ამიტომ ცდილობს შეეგუოს მას. ამ მსოფლმხედველობის გამომსახველნი არიან ე. წ. თერგდალეულთა სახელით ცნობილი მწერლები, რომელთაც გაითვალისწინეს კაპიტალი-

ზმის განვითარების აუცილებლობა და მასთან შეზრდის ნაკლები მტკივნეული გზის გამონახვას შეეცადნენ. მხოლოდ ამ გარემოებით შეგვიძლია ავხსნათ, რომ თერგდალეულები ლიტერატურასა და კრიტიკა-პუბლიცისტიკაში გამოდიან რეალიზმის უტილიტარული ტენდენციებით.

ჟანრის მხრით თერგდალეულნი ავითარებენ: კომედიას, სატირას, სოციალურ მოთხრობას, ისტორიულ პოემას, იგავ-არაკს, ფელეტონს.

ამ მიმართულებას ქართულ ლიტერატურაში იწყებენ გ. ერისთავი, მ. თუმანიშვილი, ლ. არდაზიანი, 60-იანი წლებიდან კი ავითარებენ ე. წ. თერგდალეულნი, რომელთა შორის მალე სხვადასხვაობა იჩენს თავს. ესენი არიან: ილ. ჰავჭავაძე, აკაკი წერეთელი, გ. წერეთელი, რაფ. ერისთავი, გ. ჰალაღიძელი; პუბლიცისტიკაში: ნ. ნიკოლაძე, ს. მესხი, ვ. თულაშვილი, დავ. ყიფიანი და სხვანი.

2. კაპიტალიზმის განვითარება თანდათან მედგრად არღვევს ბატონყმურ ბორკილებს. გლეხი თანდათან ითავისუფლებს თავს ბატონყმობის უღლისაგან; აწყობს აჯანყებებს, რომელთაც, თუმცა ხშირად სტიქიური ხასიათი ჰქონდათ, მაგრამ გლეხთა რეფორმის გატარებისათვის კი გადამწყვეტი როლი ითამაშეს. ამ ამოძრავებელი გლეხობის განწყობილების გამომხატველია ე. წ. „რანზოჩინეცი“.

50-იანი წლების მიწურულში სამწერლო ასპარეზზე გამოდის ხალხის წრიდან გამოსული „რანზოჩინეცი“ დან. ჰონქაძე, რომელიც ხალხის სულიერ განწყობილებასა და მისი ცხოვრების სინამდვილეს, მის ბატონყმობასთან შეურიგებელ ბრძოლასა და ადამიანური ცხოვრების დაუშრეტელ ნდომას რეალურ ფერებში გვიხატავს „სურამის ციხეში“.

დან. ჰონქაძის სახით ქართულ ლიტერატურაში ასე მძლავრად პირველად იჭრება ხალხი და მისი შემოქმედება. ამ მიმართულების გამგრძელბელი XIX საუკუნის მეორე ნახევარში წვრილბურჟუაზიული ხალხოსნური მწერლობაა (მ. ასათიანი, ნ. ლომოური, ს. მგალობლიშვილი, ზაქ. გულისაშვილი და სხვანი) და წვრილბურჟუაზიული ხელოსნური მსოფლმხედველობის გამომხატველნი, ხოლო პუბლიცისტიკაში: ნ. ინაშვილი, ანტ. ფურცელაძე, ნ. ხიზანაშვილი, სტ. ჭრელაშვილი და სხვანი. გლეხი და მისი ვაკირვებული მდგომარეობა, გლეხზე ზრუნვა, მომავალი ცხოვრებისათვის მისი მომზადება — აი ძირითადი საკითხები ამ მწერლებისა. დან. ჰონქაძე და მისი გამღრმავებელი — ხალხოსანი მწერლები ჩვენს ლიტერატურაში ობიექტურად გამომხატველნი არიან კაპიტალიზმის ამერიკული გზით განვითარებისა.

ეს მწერლები ლიტერატურაში ავითარებენ წვრილბურჟუაზიულ რეალიზმს, ხოლო ჟანრის მხრით ძირითადად — სოციალურ რომანს ან მოთხრობას, ნარკვევს, ავტობიოგრაფიულ მოთხრობას.

70—80-იან წლებში ქართული ლიტერატურის განვითარებაში თავს იჩენენ ყაზბეგი, ვაჟა-ფშაველა და სხვანი.

ეს მწერლები ქართულ ლიტერატურაში უახლოვდებიან ხალხოსანი მწერლების მიმართულებას და ძირითადად ავითარებენ რეალიზმს. ესენი მთის პირობებში შექმნილი წვრილბურჟუაზიული-გლეხური მსოფლმხედველობის ამსახველნი არიან. ამ მიმართულებას, ზოგიერთი თავისებურების გამო, პირობით ვუწოდებთ მთის პოეზიას.

ჟანრის მხრით ესენი ძირითადად ავითარებენ: მოთხრობას, პოემას, სიმღერას.

3. თავადაზნაურობის მეორე ნაწილი (მსხვილი მემამულეები) განაგრძობს ძველი მსოფლმხედველობის, წყობისა და ტრადიციების უპირატესობის აღიარებას; გრძნობს ეკონომიურ რღვევას, ნიადაგგამოცლილობას; ძველს ეჭაჭგურება; ფერცვლილი ცხოვრების მოთხოვნის ლებებს ალღოს ვეღარ უღებს, წარსულის ლანდებში მძიმე ტკივილებით დასცურავს. ეს მწერლები ძირითადად ავითარებენ რომანტიულ მოტივებს და რომანტიულ სტილს, ამასთანავე ისინი საგრძნობლად ამჟღავნებენ სინამდვილესთან მისვლის სურვილს. მაგრამ სინამდვილის სწორ გაგებას ვერ ახერხებენ, რადგანაც სათანადო ალღო აღარა აქვთ. მათი ლიტერატურული სტილი მაჩვენებელია რომანტიზმის სტილის დაშლისა, გადაგვარებისა, რომელსაც რეალიზმის ნიშნებიც ახასიათებს. ესენი არიან — ალ. ორბელიანი, ვახტ. ორბელიანი, მამია გურიელი, დ. ერისთავი, გრ. აბაშიძე და სხვანი.

ჟანრის მხრით ესენი ლიტერატურაში ავითარებენ: ელეგიას, რომანტიულ პოემას, პატრიოტულ დრამას, ოდას.

აღნიშნული სამი სოციალური ფენის ლიტერატურული მიმართულებისაგან პირველი, ე. წ. თერგდალეულთა ლიტერატურული მოღვაწეობა, ხასიათი და მნიშვნელობა „ახალი ქართული ლიტერატურის“ II ტომში განვიხილეთ. დანარჩენ ორ თანაარსებულ ლიტერატურულ მიმართულებათა განხილვა განზრახული გვქონდა მკითხველისათვის წინამდებარე წიგნში მოგვეცა.

მაგრამ, ვინაიდან წიგნის მოცულობა ძალიან გაიზარდა, გადავწყვიტეთ ჩვენი შრომის მესამე ტომი გავვეყო ორ დამოუკიდებელ ნაწილად.

პირველ, წინამდებარე ნაწილში მკითხველს ვაძლევთ ზევით აღნიშნულ თანამიმდევრობის მიხედვით შემდეგ სპეციალურ თავს: „ხალხოსნური მიმართულება და მისი წარმომადგენელნი ქართულ ლიტერატურაში“. დანარჩენი თავები კი შევა შემდეგ ტომში, რომლის დაბეჭდვაც უახლოეს მომავალში გვაქვს განზრახული.

## ნ ა წ ი ლ ი ჰ ი რ ვ ე ლ ი

# ხალხოსნური მიმართულება ქართულ ლიტერატურაში

### ხალხოსნები და მათი მისწრაფებანი

#### I

XIX საუკუნის ქართული საზოგადოებრივი ცხოვრების განვითარება, რაც ჩვენი შრომის „ახალი ქართული ლიტერატურის“ წინა ტომებშიც ფართოდა გვაქვს განმარტებული, მეტად თავისებურად მიიმართებოდა. მისი ეკონომიური, სოციალური და კულტურული ინტერესი XIX საუკუნის დასაწყისიდანვე „გავერობიელებისაჲსაჲს“ მძლავრად მიტრიალდა და ახალ ცხოვრებას დაეწაფა. ისტორიამ საქართველოს ახალი გზა რუსეთს დაუკავშირა. კაპიტალიზმის განვითარებით ამოძრავებული რუსეთის საზოგადოებრივი ცხოვრების განვითარებას დარღვეული, ჯერ კიდევ ფეოდალური საქართველოც გაჰყვა. საქართველომ რუსეთთან ერთად იწყო ძველის გამოგლოვება, ახლის ძიება. ისტორიულ ცხოვრებას განვითარების აჩქარებული ტემპი განსაკუთრებით დაეტყო რუსეთში სამრეწველო კაპიტალიზმის განვითარების შემდეგ. ამ გარემოებამ ძველი ფეოდალური ყოფის განადგურების საკითხი საბედისწეროდ დააყენა. სამრეწველო კაპიტალიზმის ამოქმედებამ საქართველოსაც მძლავრად ჩასჭიდა თავისი ხელი და რუსეთის საზოგადოებრივი ცხოვრების საერთო კალაპოტისაჲსაჲს ძალუმად გაიტაცა. ახალ საფეხურზე აყვანილმა ახალი ეკონომიური ფაქტორის განვითარებამ ძველი ფეოდალური საქართველოს დასუსტებული ორგანიზმი ადვილად დაიმორჩილა. მწვავედ დაისვა საკითხი განვითარების ახალი გზის გამონახვისა, საზოგადოებრივი ცხოვრების ახალი შინაარსის ძიებისა. ამ ნიადაგზე ჩნდება გაბატონებულ კლასში



მოწინააღმდეგე შიდა ფენები, იწყება ძველსა და ახალ თაობებს შორის შეუთრეგებელი ბრძოლა, ე. წ. „მამათა“ და „შვილთა“ ბრძოლა, ამ ნიადაგზე გაიშალა თერგდალეულთა საგულისხმეო მოღვაწეობა.<sup>1</sup>

ამ საკითხის გამწვავებას და გაღრმავებას ვხედავთ ბატონყმობის გადავარდნის შემდეგ, რაც საქართველოში, შედარებით რუსეთთან, ცოტა მოგვიანებით (1864—1867 წწ.) გატარდა.

ამ რეფორმამ გლეხკაცობას არამც თუ სასურველი მდგომარეობა არ შეუქმნა, არამედ მათი ცხოვრების პირობები პირველ ხანებში საგრძნობლად დაამძიმა კიდევ. საგლეხო რეფორმამ გლეხებს მრავალ შემთხვევაში ჩამოართვა მიწები, რომლებიც აქამდე მათ ხმარებაში იყო და მით უფრო გაამწვავა მათსა და მემამულეთა შორის ურთიერთობა. რეფორმის შემდეგ მთელი თავისი ცხოვრების სიმძიმით გლეხი დარჩა კაბალურ დამოკიდებულებაში მემამულისაგან.

ცნობილია, რომ „დიდმა რეფორმებმა“ იმედი გაუცრუეს არა მარტო გლეხებს, არამედ აგრეთვე საზოგადოების მოწინავე ნაწილს. მთავრობის მიერ დეკლარირებული გლეხკაცთა და ერობათა თვითმმართველობა, თავისუფალი ბეჭდვა და დამოუკიდებელი სასამართლო ფიქცია აღმოჩნდა. „დიდმა რეფორმებმა“ ოდნავაც კი ვერ შეძლო საზოგადოებაში აღძრული თვითმოქმედების სურვილის დაკმაყოფილება.

ხსენებული რეფორმის გატარებას საფუძვლად ედვა კაპიტალისტური ურთიერთობის თავისუფალი განვითარებისათვის რუსეთში ფართოდ კარის გაღება. მაგრამ, ვინაიდან, ერთი მხრით, თავადაზნაურული და ბიუროკრატიული მმართველობა, რომელიც ჯერ კიდევ განაგრძობდა თავადაზნაურობაზე დაყრდნობას, მძლავრი აღმოჩნდა, ხოლო, მეორე მხრით, ბურჟუაზია — სუსტი, რადგანაც რუსეთში შექმნილი სოციალური პირობების გამო, ეკონომიურად განადგურებული მოსახლეობის უდიდესი ნაწილი — გლეხკაცობა შინაგანი ბაზრის შესაქმნელად გამოუსადეგარი იყო, რადგანაც მოთხოვნილებას სიღარიბის გამო ვერ დაიკმაყოფილებდა, ეს გარემოება შინაგანი ბაზრის გაფართოებას აყოვნებდა. ამას გარდა, დიდი იყო უცხო კომერციის კონკურენცია, რომლის მოწესრიგებაც მთავრობას ძალიან უძნელდებოდა. სავაჭრო-სამრეწველო წამოწყებათა გარეშეც ჰქონდა კაპიტალს ფართო ასპარეზი თავისი გამოყენებისა: კუსტარული და შინამრეწველური წარმოების საშუალებით ზარალის ნაკლები შიში ჰქონდა და დიდ მოგებასაც ჩვეულებრივ ყოველთვის იღებდა. ამით აიხსნება, რომ რუსეთის ბურჟუაზია არ ცდილობდა ფართო და რადიკალური ეკონომიური რეფორმის გატარებასა და მით პოლიტიკურ ძალაუფლებაზე გავლენის ხელში ჩაგდებას. მაგრამ, მიუხედავად ამისა, რუ-

<sup>1</sup> დაწვრილებით იხ. მ. ხ. ზ ა ნ დ უ კ ე ლ ი, ახალი ქართული ლიტერატურა, ტ. II.

სეთში მაინც მძლავრად ვითარდებოდა კაპიტალიზმი; ბურჟუაზიის სახით რუსეთის ბიუროკრატიულმა მმართველობამ ახალი მძლავრი დასაყრდენი გაიჩინა.

ამრიგად, ე. წ. „დიდი რეფორმები“, თუმცა უძლური და უბადრუკი გამოდგა, მაგრამ ხალხისა და სახელმწიფოს სოციალურ-ეკონომიურ ცხოვრებაში მას მაინც უდიდესი მნიშვნელობა ჰქონდა (ქვეყნის კაპიტალიზმის გზით განვითარება და მასთან დაკავშირებული ღრმა სოციალურ-ეკონომიური ცვლილებები უდავო ფაქტი გახდა). აქედან თანდათან უფრო ღრმავდება ის უფსკრული, რომელიც ახალსა და ძველ ქვეყანას შუა გაჩნდა. თანდათან უფრო მწვავედება და გარკვეულ ხასიათს იღებს მჩაგვრელსა და დაჩაგრულს შორის წინააღმდეგობა.

ბატონყმობის გადავარდნის გარდა, ჩვენი ქვეყნის კაპიტალიზაციის სწრაფ განვითარებას ხელი შეუწყო კიდევ შემდეგმა გარემოებამ: რკინიგზის გაყვანამ, ნავთის დამუშავებამ, ტყიბულისა და ჭიათურის შავი ქვის წარმოების დაწყებამ, ფაბრიკა-ქარხნების დაარსებამ როგორც თბილისის, ისე ქუთაისის გუბერნიებში. ყველა ეს მოვლენა, რასაკვირველია, გამოწვეულია რუსეთის სამრეწველო კაპიტალიზმის განვითარებით, რომელიც თანდათან შინაურ ბაზარს იპყრობდა და დამორჩილებულ პროვინციაზე დიდ ეკონომიურ გავლენას ახდენდა. ამ ნიადაგზე ჩნდება საქართველოში ალებ-მიცემობის თვალსაჩინო ზრდა. ამ გარემოებას კი მოჰყვა ქართული საზოგადოებრივი ცხოვრების სოციალური რღვევის გართულება. საზოგადოებრივი ცხოვრების ასპარეზზე ჩნდება ახალი ფორმაციები, ხდება ახალი სოციალური გადაინაცვლება. თვით გლეხობაში შეიმჩნევა მეტად თვალსაჩინო და თავისი შედეგებით მეტად საგულისხმო შინაგანი დაჯგუფებანი: დარღვეული გლეხკაცის მეურნეობა და ბიუროკრატიულ-პოლიტიკური სახელმწიფოებრივი აპარატი ხელს უწყობდა გლეხობის დიფერენციაციას. 70-იანი წლების დასაწყისშივე გლეხებს შორის ჩნდება: შეძლებული („კულაკი“), საშუალო შეძლების („მეურნე გლეხი“) და უმიწაწყლო გლეხი (დატაკი — სოფლის პროლეტარი).

აღნიშნულ მოვლენას ვლ. ლენინი თავის ცნობილ შრომაში „კაპიტალიზმის განვითარება რუსეთში“ ასე ასაბუთებს: „კაპიტალისტურ წარმოებაში შინაური ბაზრის შექმნის საფუძველს წარმოადგენს პროცესი წვრილ მიწათმოქმედთა დარღვევისა — სასოფლო-სამეურნეო მეწარმეებად და მუშებად. თითქმის ყოველი თხზულება რუსეთის გლეხობის ეკონომიური მდგომარეობის შესახებ რეფორმების შემდგომ ხანაში აღნიშნავს ეგრეთწოდებულ გლეხობის „დიფერენციაციას“.

ლენინი, რუსეთის სხვადასხვა გუბერნიაში ამ მდგომარეობის დავკრილებით შესწავლის შემდგომ მიდის ასეთ დასკვნამდე: „შეძლე-

ბული გლახობა ბევრად უფრო უზრუნველყოფილია ინვენტარით, ვიდრე ღარიბი და საშუალო გლახობაც კი ...სავსებით ბუნებრივია, რომ შეძლებულ გლახობას მიწათმოქმედების ტექნიკაც საშუალოზე გაცილებით უფრო მაღალი აქვს (მეურნეობის უფრო მეტი ოდენობა, უფრო ბევრი ინვენტარი, მეტი თავისუფალი ფული და სხვ.), სახელდობრ: შეძლებული გლახები „თესენ უფრო ჩქარა, უკეთესად სარგებლობენ ხელსაყრელი ამინდებით, უფრო ტენიან მიწაში ჰყრიან თესლს“. თავის ღროზე იღებენ პურს; გამოზიდვის ერთდროულად ლეწავენ მას და სხვ. ბუნებრივია აგრეთვე, რომ მიწათმოქმედების პროდუქტთა წარმოების ხარჯი კლებულობს (პროდუქტის ერთეულზე) იმდენად, რამდენადაც მატულობს მეურნეობის ოდენობა... გლახობის უმაღლესი ჯგუფის დასახასიათებლად საჭიროა დავუმატოთ კიდევ დაქირავებული შრომის მნიშვნელოვნად გამოყენება... გადავდივართ დაბალ ჯგუფზე. ეს ჯგუფი შესდგება არამთესველ და მცირემთესველ მეურნეთაგან; ისინი „ერთმანეთისაგან დიდად არ განსხვავდებიან თავიანთი სამეურნეო მდგომარეობით... როგორც ერთნი, ისე მეორენი ან მოჯამაგირეებად მსახურობენ თანასოფლელებთან, ანდა გარეშე, უმეტეს ნაწილად იმავე სამიწათმოქმედო სამუშაოს ეწევიან... დგებიან სოფლის პროლეტარიატის რიგებში... სოფლის პროლეტარიატი თავის სამუშაო ძალის გაყიდვასთან ერთად შემოსავალს იღებს თავისი სანადელო მიწის იჯარით გაცემით... ამასთან სოფლის პროლეტარიატის ნადელებს უმთავრესად გლახური ბურჟუაზია იღებს იჯარით... „სანადელო მიწა ახლა გადაქცეულია ფართო სპეკულაციის საგნად სამხრეთ რუსეთის გლახობის ცხოვრებაში. მიწაში იღებენ სესხს თამასუქის გაცემით... მიწა იცემა იჯარით ან იყიდება ერთი წლით, ორი წლით და უფრო მეტი ვადით... ამრიგად, გლახური ბურჟუაზია ამავე დროს სავაჭრო და სავაზხო კაპიტალის წარმომადგენელიც არის“<sup>2</sup>.

აი, სწორედ, სოციალური რღვევისა და ძვრების ამ საფუძველზე გლახკაცობაში რუსეთში ჩნდება ის რთული იდეოლოგიური დიფერენციაცია, რომელიც 70—80-იან წლებში ჩვენი საზოგადოებრივი ცხოვრების სარბიელზეც სიცხადით გამოიმკლავნდა.

## 2

რა გზით უნდა წავიდეს ჩვენი ცხოვრება მომავლისაკენ? როგორი გზით უნდა დაიწყოს ჩვენი საზოგადოებრივი ცხოვრების გარდაქმნა, რომ გაძვალტყავებული ხალხის მასები გაძლიერდნენ? ეს საკითხები მთელი სიმძიმითა და სიმწვავეით წამოიჭრა 60—80-იანი წლების სა-

<sup>2</sup> ვ. ლ ე ნ ი, კაპიტალიზმის განუთარება რუსეთში, თხზ., ტ. 3, 1948, გვ. 69 — 75.

ზოგადოების მოწინავე მოაზროვნე ნაწილის წინაშე და დაუყოვნებლივ მოითხოვა რადიკალურად გადაკრა.

ამავე საკითხების გაგებას და გადაწყვეტას გამოაჩინა დიფერენცია-ცია ჩვენი მოაზროვნე საზოგადოების რიგებშიც. განსხვავება მათ შორის იმდენად დიდია და არსებითი, რომ ისინი ცალ-ცალკე იკრიბებიან, თავ-თავიანთ ორგანოს აარსებენ და ცხოველ პრინციპულ კამათსაც აწარმოებენ ერთმანეთში.

70-იანი წლებისათვის ჩვენი საზოგადოებრივი აზროვნების განვითარების ისტორიაში შემდეგ მთავარ დაჯგუფებებთან გვაქვს საქმე. ერთი ნაწილი ქართველი ინტელიგენციისა, ე. წ. თერგდალეულნი — ილია ჭავჭავაძე, ს. მესხი, ნ. ნიკოლაძე, გ. წერეთელი, აკ. წერეთელი, გრ. თარხან-მოურავი, პ. უმიკაშვილი და სხვანი თავს იყრიან „დროება“ — „კრებულის“ გარშემო. მართალია, ზემოაღნიშნული საკითხების გაგება-გადაწყვეტაში მათ შორისაც არის სხვაობა, — ზოგი მარჯვნივ იწევს, ზოგი მარცხნივ, მაგრამ ესენი, როგორც ნიკო ნიკოლაძე გვიმოწმებს, მაინც თითქოს ერთ საერთო პოზიციაზე იდგნენ: „განა ამ სტრიქონების დამწერი, — ახასიათებს ხსენებული თაობის მუშაობას ნიკო ნიკოლაძე, — ყველაფერში ეთანხმება გ. წერეთელს, ილია ჭავ-... ჭავაძეს, აკაკი წერეთელს ან ს. მესხს? ან განა ესენი ყველაფერში ეთანხმებიან იმას? არა. ზოგიერთ საქმეში, ზოგიერთ კითხვაზე ჩვენ სხვადასხვა აზრისანი ვართ. მაგრამ ჩვენ საზოგადო მიზანი ყველას ერთი და იგივე გვაქვს და უნდა გვქონდეს. ამ საზოგადო მიზანს ჩვენ ყველანი, ჩვენი ძალისა და ცოდნის მიხედვით, ერთგულად ვემსახურებით“<sup>3</sup>.

რა თქმა უნდა, უდავოა, რომ „დროება“ — „კრებულის“ თანამშრომელთ, მიუხედავად ინდივიდუალური მსოფლმხედველობის სხვადასხვაობისა, საერთო მიზანიც ჰქონდათ. და ეს მიზანი იყო — ეროვნული საკითხის მოგვარება. „მხოლოდ 1860 წლიდან, — წერს გ. მაიაშვილი, — ჩანს მოძრაობის ნიშნები ჩვენის მიძინებული ქვეყნისა... ეს მოძრაობა იყო ხალხში ახალი ეკონომიური პირობების შეტანის პასუხად. აზრმა გაიღვიძა, სამშობლოსათვის მოღვაწენი გამოვიდნენ საზოგადო ასპარეზზედ, საზოგადო საჭიროებამ მოითხოვა მათი გამოსვლა... მე უარს არა ვყოფ მათს გავლენას ჩვენი ქვეყნის საქმეების მიმდინარეობაზედ. არა, იმათ მისცეს მიმართულება და სახე მოძრაობას... მათის მოღვაწეობის წყალობით, მათის დაუღალავის და კეთილშობილურის მუშაობის მეოხებით მოძრაობას ფერი დაედო, მაგრამ... გაკადნიერდები და ვიტყვი, რომ, ცოტა არ იყოს, იმათვე მოქმედების

<sup>3</sup> ნ. ს. კ. ა. ნ. დ. ე. ლ. ი. (ნ. ნიკოლაძე), ახალი ახალგაზრდობა, „კრებული“, 1873 წ. № 1.

წყალობით მოძრაობამ მიიღო ერთგვარი ხასიათი, მეტისმეტი, თუ შეიძლება ასე ვთქვათ, — კულტურული და მხოლოდ მცირედ ხალხოსნური<sup>4</sup>.

უნდა ითქვას, რომ „დროება“—„კრებულის“ თანამშრომლებმა, მართლაც, ეროვნულ საკითხს მიაქციეს განსაკუთრებული ყურადღება, და უფრო ეროვნულ-კულტურული მუშაობისაკენ მიმართეს თავიანთი ძალები. თერგდალეულთა მოღვაწეობის ასეთი შეფასება ჩანს „დროების“ რედაქტორის ს. მესხის მიერ „დროების“ ათი წლის (1876 წ.) თავზე წარმოთქმულ სიტყვებშიც: „ძალიან კარგათ მესმის, — მიმართავს დამსწრე საზოგადოებას ს. მესხი, — რომ კერძოდ მე-კი არ მიცხადებთ ამ თანავარძობასა, არამედ უცხადებთ იმ დროშას, რომლის ქვეშ დღეს ყველანი შეკრებილნი ვართ აქ. ეს დროშა მარტო ერთს გაზეთს, ან რომელსამე მიმართულებას ანუ თაობას-კი არ წარმოადგენს! ამ დროშაზე არ აწერია არც ბატონი, არც გლეხი, არც ახალი და არც ძველი თაობა, — ეს არის დროშა ქართულის ლიტერატურისა (ე. ი. ქართული აზროვნებისა, ქართული ეროვნული საქმისა. — მ. ზ.). შესაძლებელია, — და არა თუ შესაძლებელი, უეჭველიცაა, რომ ზოგს თქვენგანს არ აკმაყოფილებს „დროება“ და იმის მიმართულებას ზოგი თქვენგანი ახალს მოდგმას, ახალს თაობას ეკუთვნის და ზოგი ძველსა. მაგრამ, როდესაც ჩვენს საზოგადო ქართულს ლიტერატურაზე ჩამოვარდება ლაპარაკი, მაშინ ამგვარი გარჩევა აღარ უნდა იყოს, მაშინ ჩვენ ერთის მიწის შვილნი, ენისა და ლიტერატურის მოყვარენი ვართ“<sup>5</sup>.

თერგდალეულების მოღვაწეობა, მიუხედავად მათი შინაგანი სხვადასხვაობისა, ხანდახან მათ მიერ თვით რადიკალური იდეების წამოყენებაც კი, რომელთაც ხშირად განყენებული ხასიათი ჰქონდათ, ჩვეულებრივ ეროვნულ-კულტურული მიმართულების საქმიანობაში ითქვიფებოდა. ესენი ასოციაციებისა და ამხანაგობების თეორიებითაც ხშირად სარგებლობდნენ ეროვნულ-კულტურული განვითარების მიზნით, რათა ხალხში ფართოდ გაეტანათ გაგება ეკონომიური ცხოვრების გაძლიერებისა და გზის გაფართოების აუცილებლობისა.

„იცხოვრეთ ძმურად, თანხმობით, ნუ იქონიებთ ერთმანეთ შორის შურსა და უკმაყოფილებას და მტერი, ხუთჯერ თქვენზე ძლიერიც რომ იყოს, ვერ მოგერევათ თქვენ“ — აი სასიქადულო და სანუკველი ოცნება თერგდალეულთათვის, აი ჩვეულებრივი ლოზუნგი, რომელსაც ისინი ყოველთვის აყენებდნენ. და ს. მესხიც ამ აზრს ასე განმარტავს—

<sup>4</sup> გ. მ ა ი ა შ ე ი ლ ი, შერილი ჩვენ საზოგადო მოღვაწეთა მიმართ, „ივერია“, 1882 წ., №№ VII—VIII, გვ. 116.

<sup>5</sup> ს. მ ე ს ხ ი, ნაწერები, ტ. I, გვ. 345.

„რა კარგი იქნებოდა, რომ ეს ბრძნული სიტყვები მუდამ გვახსოვდეს ჩვენ და დარიგებისა თანახმად ვიქცეოდეთ! რა კარგი იქნება, რომ ჩვენ ერთმანეთში უფრო მეტი თანხმობა და ძმური სიყვარული გვექონდეს“<sup>6</sup>.

თერგდალეულნი, როგორც ჩვენი შრომის მეორე ტომში დაწვრილებით გვაქვს განმარტებული, ბატონყმობის გადავარდნის შემდეგ ეროვნულ-კულტურულ მუშაობაში ჩაებნენ. ისინი დარჩნენ რადიკალდემოკრატებად. ისინი გატაცებულნი იყვნენ ევროპის ქვეყნების მდგომარეობით, რომელიც, წარმოებისა და მრეწველობის განვითარების გამო, ჩქარი ტემპით მიდიოდა წინ. ამიტომ თერგდალეულნი ცდილობდნენ ევროპის ცხოვრებისათვის თვალყური ედევნებინათ. ისინი ცდილობდნენ გაეცნოთ, მკითხველისათვის აუხსნათ და მიეთითებინათ მისი ცხოვრების გაუმჯობესების საშუალებებზე. ამით ისინი ერთგვარ აგიტაციას ეწეოდნენ ჩვენი ცხოვრების სინამდვილეში მათი გადმონერგვის სასარგებლოდ. ისინი საქართველოს „გაევროპიელების“ გზას უწყობდნენ ხელს, როგორც ამას არაერთხელ აღნიშნავდა ილია ჭავჭავაძეც.

1866 წლიდან თერგდალეულებს აღარ ახასიათებთ სოციალურ საკითხებში ის ბრძოლის ჟინი, რომელსაც ისინი 1861—1864 წლებში ამქლავებდნენ ბატონყმობის წინააღმდეგ. განსაკუთრებული ენერჯითა და ყურადღებით თერგდალეულები, როგორც ტიპიური განმანათლებლები, ბრძოლას აგრძელებენ ეროვნულ-განმათავისუფლებელი და ქვეყნის კულტურული აღორძინების ფრონტზე, რაც მათ სიკვდილამდე არ შეუწელებიათ. ეს აშკარავდება 80-იანი წლებისათვის, როდესაც „დროება“ და „ივერია“ ერთმანეთს ხელს უწყვიდნენ და, ბოლოს, შეერთდებიან კიდევ.

70-იანი წლებისათვის, როდესაც წინააღმდეგობა მემამულეთა და გლეხთა შორის მწვავედება, კლასთა შორის ბრძოლა დარაზმულობას თხოულობს, თერგდალეულთა საზოგადოებრივი ცხოვრების თანდათანობითი წინმსვლელობის სურვილები არ აკმაყოფილებს ჩვენი ინტელიგენციის ერთ ფრთას, შეიძლება უფრო მცირეს, მაგრამ უფრო რადიკალურად განწყობილს. სწორედ 70-იანი წლების უღელტეხილზე (1869 წელს) ამ ჯგუფმა დააარსა ჟურნალი „მნათობი“.

თავის მოწინავე წერილში ჟურნ. „მნათობის“ რედაქცია აცხადებს, რომ „საქართველოს მოამბის“ შემდეგ ქართველ საზოგადოებას ჯერ კიდევ არა აქვს დამაკმაყოფილებელი ჟურნალი, რომლის საშუალებითაც შეეძლოს ფართოდ გაიტანოს ხალხში მისთვის სასარგებლო იდეებიო.

<sup>6</sup> ს. მესხი. ნაწერები, ტ. I, გვ. 5.

„მნათობი“, თითქოს „დროება“ — „კრებულთან“ დაპირისპირების სახით, თავის დევიზად აცხადებს ხალხთან დაახლოებას, ხალხისა და მის გათვითცნობიერების სამსახურს. „ჩვენი დრო, — აცხადებს ნ. ინაშვილი საპროგრამო წერილში, — არის კრიტიკული დრო; ჩვენ ვცხოვრობთ ძველსა და ახალს შუა. ძველი სამუდამოდ წავიდა ჩვენგან, მაგრამ ახალი გზა კი ჯერ არ გაგვიკვლევია. ჩვენ უნდა ვეცადოთ გავუნათლოთ ხალხს მსვლელობის გზა გონებითი, ზნეობითი და ნივთიერებითი წარმატებისათვის... ამისათვის არის კიდევ საჭირო ჟურნალი, რომ იმან შეიყვანოს ხალხი თავის ცნობაში, ახსნას და შეიმუშაოს ის კითხვანი, რომელნიც ყველაზე მომეტებულად შეეხებიან ხალხის ცხოვრებას, მის კეთილდღეობას და სხვა“<sup>7</sup>.

მართლაც, „მნათობის“ გარშემო შემოკრებილი იყო იმ დროისათვის რადიკალურად, უფრო თავისუფლად მოაზროვნე ნაწილი ქართველი საზოგადოებისა, სახელდობრ: ნ. ინაშვილი, მ. ქიქოძე, ან. ფურცელაძე, დიმ. ჯანაშვილი და სხვანი. ჟურნალ „მნათობს“ წერილებიდან აშკარად ჩანს, რომ მას არა მარტო მძლავრი სურვილი აქვს ხალხთან ახლო მივიდეს, არამედ გარკვეულიცა აქვს საშუალებანი, როგორ უნდა ემსახუროს მის ცხოვრების მოთხოვნილებათა დაკმაყოფილების საქმეს, რა საშუალებით შეიძლება ასწიოს ხალხის კულტურული დონე.

„ბუნების მეცნიერების ნაწილში, — წერს ნ. ინაშვილი რედაქციის სახელით, — ისეთი სტატიები იქნებიან დაბეჭდილნი, რომელნიც შეიცავენ თავისში კაცის სხეულის აგებულებისა და მისი შინაგანი ცხოვრების აღწერას. ამავე ნაწილში იქნება ბუნების მოვლენების აღწერა, მათი მიზეზები, მნიშვნელობა, ხალხზედ გავლენა და საზოგადოდ იმგვარი სტატიები, რომელნიც ამოფხვრიან ხალხში ცრუ და ამაო მორწმუნებას. აქვე დაბეჭდავთ გიგიენურ სტატიებს, ანუ იმგვარ სტატიებს, რომელთაც საგნათ ექნებათ კაცის კარგამყოფობა და ხანგრძლივი სიცოცხლე: აგრეთვე ყმაწვილების მოვლა და გაფრთხილება... სხვადასხვა საგნის შესახები სტატიების ნაწილში ისეთს სტატიებს დაბეჭდავთ, რომელთაც საგნათ ექნებათ: ჩვენი ცხოვრების აწმყო მდგომარეობა და მიმართულება მისი გაუმჯობესებისათვის საჭირო მოთხოვნილებანი“<sup>8</sup>. უნდა აღინიშნოს, რომ ჟურნალ „მნათობში“ ამ მიმართულებით იწერება სტატიების მთელი რიგი.

„მნათობისა“ და „დროება“ — „კრებულის“ მიმართულებათა შორის განსხვავება აშკარაა და თვალსაჩინო, თუმცა იდეოლოგიური მხრით მათ შორის გამიჯვნა ჯერ კიდევ არ არის გარკვეული. „მნათო-

<sup>7</sup> „მნათობი“. 1869 წ., № 2, გვ. 5.

<sup>8</sup> „მნათობი“, 1869 წ., № 1.

ბის“ თანამშრომელთა მსოფლმხედველობა ჯერ კიდევ მერყევია, არ არის სათანადოდ გარკვეული თავის ახალ გზაში და მიმართულებაში. „ღროება“—„კრებულის“ მიმართულება და თანამშრომელთა ბანაკი უფრო ძლიერი გამოდგა, ვიდრე „მნათობისა“. „მნათობის“ გამოცემა მალე შეწყდა, მისი საგრძნობი ნაწილი „ღროება“—„კრებულის“ მიმართულებაში გაითქვიფა, მიუხედავად ნ. ინაშვილის განცხადებისა, რომ „მნათობის რედაქცია თავის ჩასახვიდან აქამომდე ჰგრძნობს ძალიან უხერხულ გარემობას, მაგრამ მაინც მტკიცედ არის თავის საქმეზედ, ერთი ორის სულით მახინჯის აზრი და წინააღმდეგობა ისე შეიმუხსრება იმის სიმტკიცეზედ, როგორც ზვირთები შეიმუხსრებიან ხოლმე კლდეზედ“<sup>9</sup>.

უპრნალ „მნათობის“ დაწყებული საქმე: ხალხთან ახლო მისვლა, მისი აწმყო ცხოვრებისათვის ზრუნვა, ხალხის კულტურული და ეკონომიური ცხოვრების გაცნობა-შესწავლა და მისი მომავლის მოწყობა უფრო გარკვეულ მსოფლმხედველობაში და მიმართულებაში ყალიბდება 80-იანი წლების დასაწყისშივე.

გიორგი მიააშვილი, ერთ-ერთი საუკეთესო წარმომადგენელი 70—80-იან წლების მოწინავე ახალთაობისა, თავაზიანობით, მაგრამ გამიჯვნის გარკვეული მიზნით, ასე მიმართავს „ღროება“ — „ივერიის“ თანამშრომლებს: „თქვენი მოქმედება, ბატონებო, ძლიერ პატივსაცემია, თქვენი ღვაწლი ყველასათვის ცხადია, ჩვენც თანავუგრძნობთ მას. მაგრამ ამასთანავე ჩვენის მხრით დიდი უზრდელობა იქნებოდა თქვენის წმინდა განზრახვათა წინაშე დაგვემალა თქვენთვის, რომ ის კითხვები და საგნები, რომელთაც თქვენ ეხლა სულითა და გულით მისცემიხართ, ჩვენ უსაჭიროეს და არსებით საგნებათ არ მიგვაჩნია: ღალადება სკოლებში ქართული ენის შემოღებაზედ, სახალხო სკოლების დაფუძნებაზედ, ქართულის თეატრის გამართვაზედ, სასარგებლო წიგნების გამოცემაზედ, ჩვენის ენის განვითარებასა და გამშვენიერებაზედ და სხვადასხვა. და ყოველივე ესენი ძლიერ საჭირონი და თანაგრძნობის ღირსნი საგნები არიან. მაგრამ ამ საგანზედ გაჩერება, მათ გარშემო ტრიალი და მასთანვე კმაყოფილებით ძახილი, რომ მხოლოდ ამებზედ არის დამყარებული ჩვენი ქვეყნის ბედნიერებაო, იმასა ნიშნავს, რომ თქვენ მოქმედების პროგრამაჲ ჯერ კიდევ არა გქონიათ შემუშავებული და მტკიცე ნიადაგზე დამყარებული. ეს მიუტევებელი ცოდვა გახლავთ თქვენთვის. არც ერთ წრეს ხალხის ბელადთა, რომელსაც კი სურს შეიქმნეს ჭეშმარიტი გამომეტყველი და წარმომადგენელი. თვის ქვეყნის ინტერესებისა, არ ექნება მომავალი, თუ რომ იგი განზრახ ან გაუგებრობით უქცევს გზას ეკონომიური საგნების ახსნას და დაღწევე-

<sup>9</sup> „მნათობი“. 1869 წ., № 2, გვ. 5—6.



ტას, რომლების გამოსარკვევადაც იბრძვის ესლა ყველა თანამედროვე პარტიები, მთელი კაცობრიობა“<sup>10</sup>.

გ. მიააშვილი კარგად იცნობს „ჩვენ საზოგადოებრივ მოღვაწეთა“ მოქმედებასა და მიმართულებას, იცის, რომ იმათ მოქმედებაშიცაა ჩაქსოვილი კაცობრიობის ახლანდელი ბრძოლის, საქმიანობის საჭირობოროტო საკითხები. მაგრამ მან ისიც კარგად იცის, რომ ამ საკითხთა გადაწყვეტას მათ თავი ვერ გაართვეს. გ. მიააშვილი ცდილობს თერგდალულთ უჩვენოს მოღვაწეობის ჭეშმარიტი დასაყრდენი ბაზა, რომელსაც მათ ვერ მიაგნეს. „არ შეიძლება, — მიმართავს თერგდალულთ გ. მიააშვილი, — რეფორმა მოახდინო რომელისამე საზოგადოების ცხოვრების ნაწილისა, თუ იგი უცნობია და გამოურკვეველი. ამისათვის არის საჭირო სეინდისიერი და ყოველმხრივი შესწავლა ხალხის ეკონომიურის ცხოვრების ყოველ მხარეთა. მხოლოდ ამგვარ შესწავლაზე დამყარებით შეიძლება დაასკვნა ესა თუ ის დიდი აზრი, გამოიკვილო ხელმძღვანელი პრინციპი და გზის მაჩვენებელი ნათელი ჭეშმარიტი, რომლის შემწეობით შესაძლებელი იქნება მოიპოვოს კაცმა ზომანი და ღონისძიებანი საჭიროებათა დასაკმაყოფილებლად, დამაშვრალ და ტანჯულ მშრომელთა გაჭირვების და უილაჯობის ცრემლების მოსაწმენდათ. მართლაც, ვიცით განა ცოტა მაინც წესიერად ესლანდელი მდგომარეობა ხალხისა? შეგვიძლიან ვუჩვენოთ უახლოესი მიზეზნი ხალხის წუხილისა, გაჭირვებისა და გაღარიბებისა? მეტისმეტად უსასოობაა ჩვენში შესახებ ამგვარ წყართა და მასალათა“<sup>11</sup>.

გ. მიააშვილი თავის იმ დროისათვის მეტად საგულისხმიერო სტატიასში, გამონახავს რა მომავალი ცხოვრების მშენებლობისათვის ახალს, დასაყრდენ ნიადაგს, საჭიროდ თვლის დაწვრილებით იქნას შესწავლილი ჩვენი ხალხის ეკონომიური ცხოვრება და მისი ზნე-ჩვეულებანი: ხალხის — გლეხობის ოჯახური და საზოგადოებრივი (თემური) ცხოვრება, მის წევრთა იურიდიული მდგომარეობა და უფლება. ამისათვის ის იძლევა „შემოქმედების პროგრამასაც“, რომელსაც უმთავრესად გლეხის, ვაჭრის, ამქრისა და ბოგანო პროლეტარიატის ეკონომიური საკითხების გამორკვევის ხასიათი აქვს. უნდა კი აღინიშნოს, რომ ხსენებულ წერილში დებულებები კონკრეტულობით არ არის წამოყენებული. გ. მიააშვილი თავის ცნობილ სტატიას ათავებს მისთვისა და მის თანამოაზრეთათვის ასეთი დამახასიათებელი მოწოდებით: „შევაწყეთ და შევეუთანებოთ ჩვენი ნაწერების ხასიათი და მიმართულება ხალხის ინტერესებს და მოთხოვნილებათა, ვისწავლოთ და განვვითარდეთ ხალხ-

<sup>10</sup> გ. მიააშვილი, წერილი ჩვენ საზოგადოებრივ მოღვაწეთა მიმართ, „ივერია“, 1882 წ., №№ VII—VIII, გვ. 99—100.

<sup>11</sup> იქვე, გვ. 101—102.

თან ერთად, მასთან ერთადვე შევიმუშავით საზოგადოებრივი იდეალები, რომელნიც მხოლოდ ხალხის მიერ მიიღებენ უადრეს ძალას და შეიძლებენ ყოველგვარ ბრძოლისა და დევნის ატანას<sup>12</sup>.

აი სწორედ ეს „ხალხოსნური“ მიმართულებაა საფუძველი იმ ახალგაზრდა ჯგუფისა, რომელმაც 80-იანი წლების დასაწყისშივე თავი შემოიკრიბა ჟურნალ „იმედის“ გარშემო და მოინდომა მათგან გამიჯვნა. „მათი (ე. ი. აზნაურული პერიოდის)<sup>13</sup> (1860—1881) მწერლობისა. — მ. ზ.) დიდი ნაკლულევაანება,—წერს „იმედის“ ერთი ბურჯთაგანი სტ. ჰრელაშვილი „იმედის“ საპროგრამო წერილში, — იმაში მდგომარეობს, რომ თავიანთ ნიჭიერებასთან და სწავლასთან სრულებით ავიწყდებოდნათ დროება, გარემოება და ადგილი... მთელი ხალხი სწყდებოდა შიმშილითა და უმოსავლობითა, ამ დროს ჩვენი მწერლები გაცხარებული ბაასობდნენ ტიერზე და გიზოზე; ხალხს ავიწროებდა და სტანჯავდა ათასნაირი გაცხარებული უსამართლობა მოსამართლეებისაგან, — მწერლები აღტაცებულნი მოგვითხრობდნენ ლუიბლანზე, რომფორებზე და გამბეტაებზე; ხალხი იწვებოდა და იდაგებოდა უთვალავი ხარჯისა და ბეგარისაგან, — მწერლები კი ბოკლისა და დარვინის თეორიების მეტს ვერას პოულობდნენ სალაპარაკოდ; ხალხს უჭირდა დაწყებითი სწავლის მიღება, ჩვენ მწერლებს კი სრულებით დავიწყებოდნათ ესა და ელაპარაკებოდნენ ქართველს მკითხველებს მეცნიერებისა და ცხოვრების უკანასკნელ სიტყვებზე“<sup>14</sup>.

სწორედ ამ ჯგუფისაგან გამიჯვნა და მასთან წინააღმდეგობა გამოაცხადა „იმედის“ ჯგუფმა. დაიწყო ბრძოლა „იმედსა“ და „ივერია“-„დროებას“ შორის.

„დროების“ ფურცლებზე თერგდალეულთა აზრსა და დამოკიდებულებას ახალი ჯგუფისა და მისი ჟურნალისადმი აკაკი წერეთელი ასე გამოხატავს: „ამ დღეებში ჟურნალი „იმედი“ გამოხოხორიკდა, და მართლა, რომ ხოხორიკივით არც თავი ეტყობა და არც ბოლო! რაღაც ნამორია გამოუკობიტებელი, და მისი ხუროები კი იძახიან ეს არის ჩვენი ქვეყნის ბედისწერაო! დღემდის არც მწერლობა ყოფილა, არც მწიგნობრობა და არც ახალგაზრდობაო! ჩვენა ვართ და ჩვენი ნაბადი გამთენებული ღამისო, რადგანაც მისთანა ხელობას ვადგევართ, რომელსაც არც ნიჭი ეჭირვება და არც სწავლა-ხელოვნებაო!...

<sup>12</sup> გ. შ ა ი ა შ ვ ი ლ ი. წერილი ჩვენ საზოგადოებრივ მოღვაწეთა მიმართ, „ივერია“, 1882 წ., №№ VII—VIII, გვ. 123.

<sup>13</sup> ეს ტერმინი ეკუთვნის სტ. ჰრელაშვილს, ნახმარი აქვს სტატიაში, „ქართული მწერლობა“ („იმედი“, 1881 წ., № II, სადაც XIX საუკ. ქართული ლიტერატურის ისტორიას ის ყოფს სამ პერიოდად — თავად უ რ ი, აზნაურული და ხალხური (ხალხოსნური).

<sup>14</sup> სტ. ჰრელაშვილი, ქართული მწერლობა, „იმედი“, 1881 წ., № 1, გვ. 97.

იმე! იმე! იმე! რა ხელობაა იმისთანა, რომელსაც არაფერი არ ეპირ-  
ვება? უთუოთ ლობიოს ჭამაა!.., და მართლაც, ამ მუშებს ეტყობათ,  
რომ ლობიოს ოსტატები უნდა იყვნენ. გაბერილან ლობიოთი, ჩაუვ-  
ლიათ ერთმანეთისათვის ხელი, ერთმანეთს ყურს უგდებენ და ალტაცე-  
ბაში მოდიან... რაებს არ ამბობენ?!

„არ გახლავართ მდიდრის შვილი,  
არც თავადი, აზნაური.“<sup>15</sup>

ამას ისეთის დატრამბახებით იძახიან, თითქო რამე ღირსება იყო.  
თურმე მათის აზრით, ვისაც ან თავადი ჰყოლია წინაპარი და ან აზნაუ-  
რი, მომაკვდინებელი ცოდვა ჰქონია დღეს და მხოლოდ მღვდლის შვი-  
ლობა საკვირველი რამ ყოფილა, და არც გვეცოდნია!.. დახეთ, დღემდის  
კი ჩვენს თვალში დიაკვნობას მაინცდამაინც დიდი ფასი არა ჰქონია  
რა და არც რამე გაგვიგონია მათზე შესამჩნევი, გარდა ამ ლექსისა:

„ღიაკვანო, კერასა,  
თავი გიგავს ძერასა,  
აი თვალი კი დაუდგა  
მაგ შენ კითხვა-შერასა!“<sup>16</sup>

ცხადია, „ღროება—ივერიელებს“ „იმედის“ გამოსვლა არაფრად  
ეჭაშნიკათ. ცხადია, პირველთ უნდათ მეორეთა მნიშვნელობა და ძალა  
მკითხველის თვალში დააქნინონ. „ღროება—ივერიელთა“ ამგვარი სუ-  
ლიერი განწყობილება იქიდანაც ჩანს, რომ ისინი მიმართავენ უღირსი,  
დამამცირებელი სახელების გამონახვასაც კი. აშკარაა, ბრძოლას ღრმა  
სოციალური და იდეური საფუძველი აქვს, რასაც არც ერთი მხარე არ  
მალავს.

აკაკი წერეთელს „იმედის“ რედაქტორი მიხ. გურგენიძე ახალი  
ჯგუფის სახელით საკმარისად მახვილ პასუხს აძლევს: „რატომ უკვირს  
უფ. აკაკის, — გესლიანი კილოთი წერს მიხ. გურგენიძე, — რომ  
„მღვდლის შვილები“ — „ღიაკვნები“ სალიტერატურო ასპარეზზე  
გამოსულან? ეს ხომ უეჭველად ასე უნდა ყოფილიყო. მაშ ვის შეეძლო  
აკაკისა და მის ამხანაგების ანდერძის აგება! ყოველივე წესის აგება  
მხოლოდ მღვდელ-ღიაკვნებს შეუძლიანთ, და ბედის წერამაც საქმე  
ისე მოიყვანა, რომ „იმედში“, — რომლის დანიშნულებაც არის დას-  
თრგუნოს ყოველგვარი გონებითი, ზნეობითი და მოქმედებითი მახინ-  
ჯობა, მაშასადამე, მწერლობისაც, — მიიღებენ მონაწილეობას „ღრო-  
ება“ — „ივერიისაგან“ მოძულეებული ღიაკვნები“<sup>16</sup>.

<sup>15</sup> აკაკი, ცხელ-ცხელი ამბები. „ღროება“, 1881 წ., № 44.

<sup>16</sup> მიხ. გურგენიძე, ერთი ჩვენი მწერლობის სენი, „იმედი“, 1881 წ.,  
№ II, გვ. 100.

ქურნალ „იმედში“ მოხდა პირველად ჯგუფობრივი გამოსვლა სამ-  
წერლო ასპარეზზე ჩვენი „რაზნოჩინეცისა“. ესენი იყვნენ: მიხ. ასათი-  
ანი, მიხ. გურგენიძე, სტ. ჭრელაშვილი, ნიკო ხიზანაშვილი, გ. ჭრე-  
ლაშვილი, გრ. ყიფშიძე, შაქრო (ზ. გულისაშვილი) და მრავალი სხვა.  
„რაზნოჩინეცები“ „დიაკვნის“ შვილები იყვნენ. „იმედის“ თანამშრომ-  
ლები თავიანთ ვინაობას და სოციალურ მდგომარეობას რაღაც დაკმა-  
ყოფილებისა და თითქოს უპირატესობის გრძნობითაც აშკარად ამჟღა-  
ვნებენ ქურნალის პირველსავე ნომერში<sup>17</sup>.

არ გახლავართ მდიდრის შვილი,  
არც თავადი, აზნაური,  
ამის მეტად ჯერედ ხელში  
არც მჭერია მე ჩონჯური!..  
მამა მყვანდა მიწის მუშა,  
დედას მე არ მოვსწრებივარ!..  
დაბრიყვებას, სისაწყულესა  
თვის უბეში გაუზრდივარ!<sup>18</sup>

და ამ „უენომ დაბრიყვებულმა“, სისაწყლეში გამოზრდილმა მი-  
წის მუშის შვილმა, ტანჯვასა და კვნესაში შეიგნო ჭეშმარიტება და  
გაემიჯნა იმათ, ვისაც გულით უნდათ „თვალმარგალიტი, ჩინ-აპელატი,  
მაზედ დადგმული ბედნიერება“. ის იქით არ მიისწრაფვის, რადგანაც,  
სადაც შეძლებულნი გრძნობენ თავს ბედნიერად, იქ მათი „სული ამო-  
იხრჩობა“. ეს თაობა თერგდალეულებისაგან თავის განსხვავებას რო-  
გორც სოციალურს, ისე ფსიქოლოგიურსაც კარგადა გრძნობს. აი რასა  
წერს ახალი თაობის მისწრაფებათა გამომხატველი „სტუდენტი“ პე-  
ტერბურგიდან:

ის ჰია, რაიც თერგის ნაპირზედ  
ილიას „მგზავრსა“ გულს უღირღნიდა,  
ეხლა სრულიად მე არ მიაწუნებს,  
ის დრო ჩემთვისა მანდვე წავიდა.  
მე ეს კითხვები კარგა ხანია  
დამიძლევია, გამომიხსნია!..  
ჩემ გულის ბოლმა, თქვენთან საკითხი,  
სიტყვა სრულებით სხვანაირია;

<sup>17</sup> ქურნალი „იმედის“ გამოცემა ჯგუფს ნდომებია 1879 წლიდან, მაგრამ ვერ  
შთუხერხებია, როგორც მიხ. გურგენიძის წერილიდან („ერთი ჩვენი მწერლობის სენი“)  
ბრკვევა, ეს მდგომარეობა გამოწვეული იყო ქურნალის ნებართვის ძალიან დაკვიანებით.  
მრავალი სტატია, დაბეჭდილი შემდეგ „იმედში“, როგორც წერილების თარიღები გვი-  
ჩვენებს, ეკუთვნის 1879 წ. უნდა ვიფიქროთ, რომ ქურნ. „იმედის“ ჯგუფის მუშაობა  
დაწყებულია იდრე, არა უკვიანეს 1878 წლისა.

<sup>18</sup> მიხ. ასათიანი, შიკრიკი, „იმედი“, 1881 წ., № 1.

მექნება ნება ლაპარაკისა?  
ხალხთან საუბრათ მე მიმიშვეებენ?  
სწორე სიტყვასა სამართლიანსა  
განა მისთვისა მათქმევინებენ?<sup>19</sup>

ასეთია რეალური მისწრაფებანი ახალი თაობისა, რომელიც ლამობს გზა ჩამოართვას წინათაობას, თერგდალეულთ და ცხოვრებას ჩაუდგეს სათავეში. მართალია, „იმედის“ გარშემო შემოკრებილ ახალთაობას „არც ხანში შესული და არც მოხუცებული არა სძაგდა განუსაზღვრელი სიძულვილით, ძლიერ ბევრს იმათში პატივსაცა სცემდა“, მაგრამ სწამდა (და ამას ცხოვრების საერთო მსვლელობაც უმტკიცებდა), „რომ საქმის სიყვარული, საქმით გატაცება დაეწყებამდის, საქმის დაწყება და ბოლომდის გატანა შეუძლიან ახალგაზრდობას, ოლონდ-კი იმან მოიწადინოს“<sup>20</sup>. ამიტომ მ. იმედაშვილი (მ. ასათიანი) აღტაცებით მოუწოდებს პეტერბურგელ სტუდენტებს:

სამკალი გვაქვს მეტად დიდი,  
მომკლები კი არ გვიჩანან...

. . . . .

მისაც ვერჯით, მართლა, გული,  
სამუშაოდ მოდიო აქა!..  
წინ დაგხვდებით, შამოგძახებთ:  
გამარჯობა და ბარაქა!  
კარგ ნამკლებთან წაშორდეთ  
ტარიანი მჭრელი ცილი:  
ყანას ნარი შორევია  
არ დაგპრათ რომ მან ხელი!<sup>21</sup>

მართლაც, უნდა ითქვას, რომ იმ პერიოდში ჩვენი ცხოვრების ყანის სამკალად გამოვიდა ეს თაობა, რომელიც კარგად იცნობდა ჩვენ ცხოვრებაში მორეულ ნარ-ეკალს, კარგად იცნობდა მისი წარმოშობის მიზეზს. ტანჯული ხალხის ცხოვრების წიაღიდან გამოსვლა, მისი პირობების ზედმიწევნით ცოდნა, სურვილი ცხოვრების ასპარეზზე შეჭრისა, ხალხის ახალი უკეთესი ცხოვრების გზის გაკაფვაში გატაცებით ჩაბმა — აი რა ახასიათებდა ქართველი ხალხოსნების მოწინავე ნაწილს (გ. მაიაშვილს, სტ. ჭრელაშვილს, ნ. ხიზანიშვილს და სხვათ).

ჩვენი ხალხოსნები სამოღვაწეო ასპარეზზე გამოსვლისთანავე აღნიშნავდნენ, რომ ისინი სამოქმედო სარბიელზე ახალი მიმართულებების, ცხოვრებისა და მოღვაწეობის ახალი გზის გამონახვისათვის გამოდიან. უურნალ „იმედის“ გარშემო შემოკრებილი ხალხოსანთა ჯგუ-

<sup>19</sup> მის. ასათიანი, შიკრიკი, „იმედი“, 1881 წ., № 2, გვ. 54.

<sup>20</sup> მისი ი ვ ე, შიკრიკი, „იმედი“, 1881 წ., № 2, გვ. 55.

<sup>21</sup> მისი ი ვ ე, შიკრიკი, „იმედი“, 1881 წ., № 1, გვ. 56—58.

ფი თავის ორგანოს ფურცლებზე არაერთხელ აღნიშნავს, რომ ის ახალი ცხოვრების მქადაგებელია, ცხოვრების ახალი ფორმების მაძიებელია. ეს ჯგუფი ამაში ხელდას ერთ-ერთ მთავარ განსხვავებას თავისა და „ივერია“ — „დროებას“ შორის. მაგალითისათვის: 1981 წელს თბილისში მოწყობილმა არქეოლოგიურმა ყრილობამ ქართული ჟურნალ-გაზეთებისა და მათ წარმომადგენელთადმი სათანადო ყურადღება არ გამოიჩინა. „იმედი“ ამ შემთხვევაშიც სარგებლობს და აი რასა წერს: „ახალ ჟურნალსა და გაზეთს — „იმედსა“ და „შრომას“ თავი დავანებოთ, თუ გნებავთ, რადგანაც ესენი მაინც და მაინც ძველს მაგდენათ არა სწყალობენ და ქადაგებენ, რომ საქმე სისხლშია და არა ძვალშიო, სიცოცხლეში და არა სიკვდილშიო, აწმყო მომავალში და არა წარსულშიო; მაგრამ „დროებას“ და ივერიამ“ რაღა დაუშავეს იმათ, რომ ჩირადაც არ ჩაავდეს. ნუთუ ამ ჟურნალ-გაზეთის თანამშრომლები, რომლებიც იმდენად „ყოველივე ძველის“ თავყანისმცემლები არიან, რომ სურთ კიდევ ხელი მიადარონ მას და დაიხსნან ის ახალი თაობის ავი თვალისა და ენისაგან, ღირსნი არ იყვნენ არხეოლოგებისაგან კეთილ მოხსენებისა?!“ ეს წერილი, ვინმე ეკალაძისა, მთავრდება ლექსით, რომელშიც აშკარადაა გამოთქმული „იმედის“ ახლისკენ მისწრაფება: „მათ (ე. ი. ახალ თაობას, მოწინავე ნაწილს. — მ. ზ.) ვეძახით ამ უსტარით.

ვიწვევთ ყველას დაგეხმაროთ,  
 ვღვენოთ იგინი ისარით,  
 მით მომავლისკენ გზა ვკაფოთ“<sup>22</sup>.

ჟურნალ „იმედის“ თანამშრომლებს კარგად ესმით, რომ „ახალი ჩვეულება, რომელმაც უნდა განავდოს ძველი, ვერ მოთავსდება ძველ ჭურჭელში“. ეს გარემოება აუცილებელივ იწვევს ბრძოლას ძველსა და ახალს შორის. „იმედის“ თანამშრომლებს კარგად ესმით, რომ „ეს ბრძოლაც არ არის ადვილი საქმე, როდესაც, მაგის გარდა, — წერს სტ. ჰრელაშვილი, — საბრძოლი ბევრი სხვა რამა გვაქვს. მაგალითად, ლუკმა-პურის შოვნა, კაცური ღირსების დაცვა და სხვანი“<sup>23</sup>. რაზნოჩინეცი ხალხოსანისათვის ეს აზრები უდავოდ დამახასიათებელია.

### 3

ქართველი ხალხოსნები, ეჭვგარეშეა, რუსი ხალხოსნების იდეოლოგიის დიდი და უშუალო გავლენის ქვეშ აღიზარდნენ და განვითარდნენ.

<sup>22</sup> ე კ ა ლ ა ძ ე, ისარ., „იმედი“, 1981 წ., № 9, გვ. 34—37.

<sup>23</sup> სტ. ჰ რ ე ლ ა შ ვ ი ლ ი, მამულისშვილი, „იმედი“, 1981 წ., № 10—11—12, გვ. 74.

როგორც სხვადასხვა ცნობით ვრწმუნდებით, მათ 70-იანი წლების ნახევრიდან რუსეთის ხალხოსნურ ორგანიზაციებთან გარკვეული კავშირი ჰქონდათ. „გამოდითონ რა იმ დებულებიდან,—წერს შ. დავითაშვილი,—რომ საქართველო მჭიდროთ არის დაკავშირებული რუსეთთან და რომ ქართველი ხალხის ხსნა სავსებით დამოკიდებულია რუსეთის სახელმწიფოებრივი წესწყობილების დამხობაზე (მეფის რეჟიმისაგან დაჩაგრული რუსეთის ხალხის განთავისუფლებისათვის), ქართველი რევოლუციონერები ფიქრობდნენ, რომ, ემსახურებიან რა რუსეთის რევოლუციის საქმეს ცენტრში, ამით ისინი ემსახურებიან ქართველი ხალხის ინტერესებსაც“<sup>24</sup>.

რუსი ხალხოსნების მოძრაობითა და მოქმედებით გატაცებულნი ჩვენი ხალხოსნებიც ცდილობენ ხალხში გასვლას. 70-იანი წლების დასაწყისში ჩვენი ცხოვრების სინამდვილეში ადგილი აქვს ხალხში სიარულის დასაწყისს. ეს სიარული ზოგან, შეიძლება ითქვას, ორგანიზაციულია. „ტფილისში მე კვლავ შევეუდექი, — წერს შ. დავითაშვილი, — რევოლუციური ლიტერატურის გავრცელებას, ხოლო სასწავლებლების დახურვის დროს ზაფხულზე გადავწყვიტე „ხალხში გასვლა“.

„წავედი ქ. გორში აუარებელი არალეგალური ლიტერატურით და ვესტუმრე მასწავლებელ სოფრომ მგალობლიშვილს, რომელმაც გამაცნო მათე კერესელიძე და ივანე ხიმშიაშვილი. რამდენიმე დღის შემდეგ გავსწიე საზოგადოდ ქართლის სოფლებში, მაგრამ საზაფხულო თვეების უდიდესი ნაწილი დაეყავი სოფ. ტყვიავში“.

„ტყვიავში მოვიდნენ მშობლებთან ტფილისიდან კოლია ფავლენიშვილი და პეტერბურგიდან სტუდენტი რომან ფავლენიშვილი, რომელსაც მოჰყვა თავისი ამხანაგი გიგო გაბაევი (მედიკი). სტუმართმოყვარეობით სახელგანთქმულ ფავლენიშვილებს ესტუმრნენ აგრეთვე სოფრომ მგალობლიშვილი, ვანო ხიმშიაშვილი, ანტონ ფურცელაძე, დავით ფურცელაძე, ილიკო მაჭავარიანი, ვასო დეკანოზოვი (რევოლუციონური ბროშურების მთარგმნელი) და სხვანი“.

„დაარსდა პატარა რევოლუციონური წრე ადგილობრივი მღვდელის — ვასო სამადოვის აქტიური მონაწილეობით. წარეს მიემხრნენ ადგილობრივი წვრილი მემამულენიც — მიხეილ და ლუარსაბ ერისთავები, დები — კესო და ნატო გაბუნეები და ბაბო კორინთელი (ბოლოს ქართული სცენის არტისტები). რევოლუციონური ლიტერატურა ხელიდან ხელში გადადიოდა, რევოლუციური სიტყვები და სიმღერები თავისუფლად გაისმოდა“.

„როგორც ტყვიავის, ისე სხვა სოფლების გლეხობაში რევოლუ-

<sup>24</sup> შ. დავითაშვილი, მოგონებანი, „რევოლუციის მატანი“, 1923 წ., № 3, გვ. 204.

ციური აზრი იწვევდა ცოცხალ ინტერესს, მაგრამ მათ ვერ წამოაყენეს აქტიური მოძრაობები: გლეხები მეტისმეტად დატვირთულნი იყვნენ მუშაობით საარსებო პირისათვის<sup>25</sup>.

დასახელებულ პირთა გარდა, შ. დავითაშვილი და სხვები ასახელებენ კიდევ მრავალთ, რომლებიც ამ დროს გატაცებულნი იყვნენ ხალხში რევოლუციონური მოძრაობის გაღვივებით. ისინივე გვაძლევენ ცნობებს ამ ადგილობრივი ორგანიზაციების კავშირის შესახებ რუსეთის ანალოგიურ რევოლუციონურ ორგანიზაციასთან. როგორც იმ პერიოდის მოღვაწეთა მოგონებანი გვაუწყებს, ისინი ცდილობდნენ არ ჩამორჩენილიყვნენ რუსი ხალხოსნების მოძრაობას.

1876 წელს შემოდგომის გასულს საქართველოში მოხდა მრავალი გაჩხრეკა (ეს, ალბათ, დაკავშირებული იყო რუსეთში მომხდარ გლეხთა აჯანყებებთან და რუსეთის „რევოლუციონერთა“ მიმართ მიღებულ რეპრესიებთან). „ამ გაჩხრეკას მოჰყვა მრავალი რევოლუციონერის დატუსაღება: ტფილისში დაატუსაღეს — ეგნატე იოსელიანი და სტამბის მეპატრონე არსენ კალანდაძე. გორში — ვასო დეკანოზოვი, სოფ. მერეთში — დ. ფურცელაძე, სოფ. ტყვიავში — მღვდელი ვასო სამადოვი, სოფ. ქვიშხეთში — მიხ. ყიფიანი. ქუთაისში — ვარლამ გაბიჩვაძე და პოლიევქტ კვიციანი და სხვანი.“<sup>26</sup>.

ამ პირველმა რევოლუციურმა ორგანიზაციამ გორში გაშალა მოღვაწეობა<sup>27</sup>. იქ ის უფრო კულტურულ მოღვაწეობას მისდევდა: წარმოდგენების გამართვას ხალხისათვის, კითხვა-საუბრების მოწყობას. ამასთან ერთად, უნდა აღინიშნოს, რომ ეს ორგანიზაცია ხალხში რევოლუციური ჟინის გაძლიერებასაც ცდილობდა.

1878 წლის გაზაფხულზე მთავრობა კიდევ დაესხა თავს ამ ჯგუფს. ორენბურგის გუბერნიაში გადასახლა ეგნატე იოსელიანი და მიხ. ყიფიანი, „ზოგიერთი ამხანაგი, — გადმოგვცემს შ. დავითაშვილი, — და, სხვათა შორის, სოფ. მგალობლიშვილი და ვანო ხიმშიევი დატუსაღებულ იქნენ განუსაზღვრელი ვადით“. ვასო დეკანოზიშვილი და რომან ფავლენიშვილი ციხეში დასნეულდნენ ჭლექით და მალე დაიღუპნენ.

ამის შემდეგ რევოლუციონერთა რიგები თანდათან დიდდება, რევოლუციონური მოძრაობა თანდათან ღრმავდება და ჩვენ ხალხოსნების მოღვაწეობაც თავის კეთილ კვალს ტოვებდა დიადი საქმის, ხალხის განთავისუფლებისა და ბედნიერების მოპოვების მიღწევაში. ხალხის მასების გაღვივებაში, თვით ხალხის მასების ამ დიადი საქმის

<sup>25</sup> შ. დ ა ვ ი დ ო ვ ი, მოგონებანი, „რევოლუციის მატიანე“, 1923 წ., № 3, გვ. 201.

<sup>26</sup> ი ქ ვ ე.

<sup>27</sup> ანალოგიური ორგანიზაციები მოქმედებდნენ სხვა ადგილებშიც: თბილისში, ქუთაისში, თელავში, ოზურგეთში, სამეგრელოში (იხ. სოფ. მგალობლიშვილის მოვინება).



გამარჯვების პროცესში ჩაბმით. ამაშიც ჩვენი ხალხოსნები რუსებისაგან იღებენ მავალითს.

60—70-იან წლებში რუსი ინტელიგენცია (ხალხოსნები) მასიურად დაიძრა ხალხისაკენ, დაიწყო გლეხის ქოხში შესვლა, მისი ახლო გაცნობა, ინტელიგენციის ცხოვრების გასადავება, გლეხის ცხოვრების მიბაძვა. რუსი ინტელიგენციის მამოძრავებელი დევიზი იყო: ყველაფერი გასწიროს, თავის თავიც კი ხალხის საკეთილდღეოდ, ხალხის თემობრივი წყობილება შეინახოს და გარდაქმნას ის კომუნად (ფურციესებურ ფაქტანსტერად). მაგრამ, როგორც ვლ. ლენინი სამართლიანად განმარტავს, — ისინი „პრაქტიკულად დარწმუნდნენ გლეხის კომუნისტურ ინსტიქტებზე წარმოდგენის გულუბრყვილობაში“.<sup>28</sup>

ხალხოსანთა მოღვაწეობა, რევოლუციური მოძრაობის ისტორიის განვითარების თვალსაზრისით ერთი საუკეთესო და საინტერესო ფურციელთაგანია როგორც რუსი, ისე ჩვენი ხალხის გამათავისუფლებელი მოძრაობისა, მიუხედავად ხალხოსნების მოღვაწეობის მრავალი შეცდომისა.

#### 4

სანამდე თვით ხალხოსნურ მიმართულებაზე ქართულ ლიტერატურაში და მათ წარმომადგენლებზე საუბარს შევედგებოდეთ, მკითხველის ყურადღება გვინდა მივაქციოთ ერთ საგულასხმიერო მოვლენას. ზევით აღვნიშნეთ, რომ ჩვენი ხალხოსნობა რუსული ხალხოსნობის დიდი გავლენის ქვეშ განვითარდა. გავლენა იმდენად ძლიერი იყო, რომ ჩვენი ხალხოსანი მწერლები და საზოგადო მოღვაწენი ხშირად შეუცნობლადაც კი მიდიოდნენ იმ გზით, რომელსაც რუსული ხალხოსნური ჟურნალ-გაზეთების საშუალებით გაეცნობოდნენ ხოლმე. მაგრამ, მიუხედავად ასეთი მჭიდრო ურთიერთობისა და გავლენისა, ჩვენი ხალხოსნები თავისებურებას მაინც გამახვილებულად ამჟღავნებენ. მათ შორის არის განსხვავება და განსხვავება, უნდა ითქვას, თვალსაჩინო. როდესაც ხალხოსნების მოღვაწეობის შეფასება გვიხდება, ჩვენ აუცილებლად მხედველობაში უნდა მივიღოთ ხალხოსანთა მსოფლმხედველობის ორმაგი ბუნება, რომელიც მათ, როგორც ვლ. ლენინი განმარტავს, ახასიათებს: „ის (ე. ი. ხალხოსანი. — მ. ზ.), — წერს ლენინი, — პროგრესულია, რამდენადაც ზოგად-დემოკრატიულ მოთხოვნებს აყენებს, ე. ი. ებრძვის საშუალოსაუკუნეობრივი ეპოქისა და ბატონყმობის ყოველივე ნაშთს; ის რეაქციულია, რამდენადაც ებრძვის თავისი, როგორც წერილი ბურჟუაზიის, მდგომარეობის შესანარჩუნებლად დაცდილობს შეაჩეროს, უკან მოაბრუნოს ქვეყნის საერთო განვითარება ბურჟუაზიული მიმართულებით“.<sup>29</sup>

<sup>28</sup> ვ. ლ ე ნ ი ნ ი, რანი არიან „ხალხის მეგობრები“, თხზ., ტ. I, 1948. ვვ. 325.

<sup>29</sup> ი ქ ვ ე, ვვ. 340.

ხალხოსნები, უდავოდ, წვრილბურჟუაზიული იდეოლოგიის გამო-  
მხატველნი იყვნენ; ისინი ცდილობდნენ სხვადასხვა პროგრესული  
საშუალებით გაეუმჯობესებინათ ხალხის მეურნეობა და სრულებით  
ვერ ამჩნევდნენ, რომ არსებულ საწარმოო ძალთა ურთიერთობაში  
ყველა ეს საშუალება უფრო ღრმად მოახდენდა პროლეტარიზაციის  
პროცესს. ხალხოსნები, ამბობს ლენინი თავის შრომაში „ნაროდნიკო-  
ბის ეკონომიური შინაარსი“, ვერ ამჩნევდნენ კაპიტალიზმის პროგრე-  
სულ მნიშვნელობას, ვერ ხედავდნენ, რომ კაპიტალიზმის განვითარებამ  
დაარღვია საზოგადოების ცხოვრების ძველი პირობები; მწარმოებელს  
მისცა საშუალება თავისი ბედი საკუთარ ხელში დაეჭირა; ისინი ვერ ამ-  
ჩნევდნენ, რომ კაპიტალიზმის განვითარებამ დაარღვია ძველი ზღუ-  
დეები — გვარის, ოჯახის, ტერიტორიალური თემისა და წარმოშვა მრავ-  
ალმხრივი განვითარების შესაძლებლობა, რომელმაც ასე წასწია წინ  
დასავლეთი ევროპა.

გამომდინარეობს რა ასეთი განწყობილებიდან, რუსი ხალხოსნების  
უმეტესი ნაწილი რუსეთს და მისი განვითარების გზას უპირისპირებს  
დასავლეთ ევროპას, აღნიშნავს რუსეთის სხვაობას, მის უპირატესობას  
დასავლეთ ევროპასთან შედარებით; ამტკიცებს, რომ კაპიტალიზმი რუ-  
სეთში წარმოადგენს „შემთხვევითს“ მოვლენას, რომ იგი ვერ განვი-  
თარდება რუსეთში, და რომ რუსეთმა დასავლეთ ევროპისაგან არაფე-  
რი არ უნდა გადმოიღოს, რადგანაც, რუსი ხალხოსნების შეხედულე-  
ბით, დასავლეთ ევროპა უკვე ძალა გამოლევულია, იხრწნება. რუსი  
ხალხოსნების რწმენით, რუსეთი უნდა წავიდეს არა დასავლეთ ევრო-  
პის (ბურჟუაზიული), არამედ თავისი ისტორიული გზით, რომ მან შე-  
ძლოს ნამდვილი წინმსვლელობის გზა გამოინახოს.<sup>30</sup>

ჩვენი ხალხოსნები, რა თქმა უნდა, იტოვებენ რუსი ხალხოსნების  
ამგვარ ორმაგ ბუნებას, მაგრამ მათსავით მტრულად არ უყურებენ და-  
სავლეთ ევროპას. პირიქით, ქართველი ხალხოსნები ცდილობენ მისი  
ცხოვრების გაკვეთილებით ისარგებლონ. „ჩვენ, — წერს სტ. ჭრელა-  
შვილი „იმედის“ საპროგრამო წერილში, — არც ევროპულ მეცნიერე-  
ბაზედ და ცხოვრებაზედ ავიღებთ ხელსა, რადგან მხოლოდ მასში ვხე-  
დავთ კაცობრიობის გაუმჯობესების და მადლა აწევის ძალას. მხოლოდ  
ამაზე გვაქვს დამყარებული იმედი ჩვენი ძალღუმადური ცხოვრების  
განათლებლისა და ამაღლებისა“<sup>31</sup>.

<sup>30</sup> ხაზგასმით უნდა აღინიშნოს, რომ, მიუხედავად ასეთი შეხედულებისა, რუსი ხა-  
ლხოსნების მსოფლმხედველობა არ არის გამოქუშაებული ევროპის გავლენის გარეშე.  
ისინი გარკვეულად განა:ცილიან ევროპის უტოპიური სოციალიზმისა და იდეალისტური  
ფილოსოფიის გავლენას.

<sup>31</sup> სტ. ჭ რ ე ლ ა შ ვ ი ლ ი, ქართული მშერლობა, „იმედი“, 1881 წ., № 1,  
გვ. 100.

მაგრამ ახალი ცხოვრების აგების საფუძვლად ჩვენი ხალხოსნებიც თხოულობენ თვით ჩვენი ხალხის, გლეხობის ცხოვრების სინამდვილისა და მოთხოვნების დადებას. „არ შეიძლება, — წერს გ. მაიაშვილი, — რეფორმა მოახდინო რომელიმე საზოგადოებრივი ცხოვრების ნაწილისა, თუ იგი უცნობია და გამოუტყვეველი, ამისათვის არის საჭირო სვინდისიერი ყოველმხრივი შესწავლა ხალხის ეკონომიური ცხოვრების ყოველმხარეთა. მხოლოდ ამგვარ შესწავლაზე დამყარებით შეიძლება დაასკვნა ესა თუ ის დედა-აზრი, გამოიკვლიო ხელმძღვანელი პრინციპი და გზის მაჩვენებელი ნათელი ჭეშმარიტება, რომლის შემწეობით შესაძლებელი იქნება მოიპოვოს კაცმა ზომანი და ღონისძიებანი საჭიროებათა დასაკმაყოფილებლად, და მაშვრალ დატანჯულ მშრომელთა გაჭირვების და უილაჯობის ცრემლების მოსაწმენდათ. მართლაც, ვიცით განა ცოტად მაინც წესიერად ეხლანდელი მდგომარეობა ხალხისა? შეგვიძლიან ვუჩვენოთ უახლოესნი მიზეზნი ხალხის წუხილისა, გაჭირვებისა და გაღარიბებისა? მეტის-მეტი უსასოებაა ჩვენში შესახებ ამგვარ წყართა და მასალათა“<sup>32</sup>.

გ. მაიაშვილის ეს შენიშვნა, როგორც სტატიის სათაურიდანაცა ჩანს, დაწერილია ჩვენი მოღვაწეების მიმართ, რომელნიც ხშირად ოცნებებში დანავარდობდნენ, ხოლო ფაქტიურად, ერთი მხრით, მათ სურვილებსა, ხოლო მეორე მხრით, სინამდვილესა და შესაძლებლობას შორის დიდი და გარდაუვალი უფსკრული არსებობდა.

ასეთსავე აზრს გამოთქვამს „იმედის“ მეორე თანამშრომელი გრ. ყიფშიძეც. მისი სამართლიანი აზრით, ჩვენი მოწინავე ახალგაზრდობა ისეთი არ არის როგორიც უნდა იყოს; მას ან სწავლა-განათლება აკლია და მეცნიერების იარაღით არ არის შეჭურვილი, ან, თუ აქვს განათლება, იგი ისე ვრცელი და ფილოსოფიურია, რომ სრულიად ვერ გამოუყენებია ხალხისა და ქვეყნის ხელმძღვანელობისათვის. „საჭიროა, — წერს ის, — ჩვენი ქვეყნის შესწავლა და დამყარება ისტორიული, ეთნოგრაფიული და ეკონომიური მეცნიერებისა ჩვენში. ესევე არის პირდაპირი მოვალეობა იმ ახალგაზრდობისა, რომელიც უმაღლეს განათლებას იღებს რუსეთის სხვადასხვა ქალაქებში“<sup>33</sup>.

რუსი ხალხოსნების ერთი დამახასიათებელი თვისება კიდევ ის იყო, რომ ისინი უარყოფითად უყურებდნენ კაპიტალისტურ წყობილებას, რომელმაც წარმოშვა პროლეტარიზაცია საშინელი ტანჯვითა და მწუხარებით. „ნაროდნიკი თეორიაში, — წერს ვლ. ლენინი, — სწორედ

<sup>32</sup> გ. მაიაშვილი, წერილი ჩვენ საზოგადოებრივ მოღვაწეთა მიმართ, „იმედის“, 1882 წ., № 9, გვ. 101—102.

<sup>33</sup> გრ. ყიფშიძე, თავიდან თუ ბოლოდან (შენიშვნა ჩვენი სტუდენტობის მიმართ: უღებაზედ), „იმედი“, 1881 წ., № 5, გვ. 105.

ისეთივე იანუსია, რომელიც ერთი სახით წარსულისაკენ იცქირება, მეორეთი კი — მომავლისაკენ, როგორც ცხოვრებაში იანუსია წვრილი მწარმოებელი, რომელიც ერთი სახით წარსულისაკენ იყურება, სურს რა გაამაგროს თავისი წვრილი მეურნეობა, არაფერი იცის და არც სურს იცოდეს საერთო ეკონომიურ წყობილებაზე და იმაზე, რომ აუცილებელია ანგარიშის გაწევა გამგე კლასისათვის, — ხოლო მეორე სახით, — იცქირება მომავლისაკენ, მტრულად განწყობილი მისი გამადატაკებელი კაპიტალიზმის წინააღმდეგ<sup>34</sup>.

რუსი ხალხოსნების მიზანი იყო, ხალხი წაეყვანათ განვითარების ისეთი გზით, რომ კაპიტალისტური სტადია თავიდან აეცილებინათ. ასეთმა შეხედულებამ წარმოშვა კულტი თემობრივი წყობილებისა, რომლის საფუძვლების განვითარება, ხალხოსნების რწმენით, ხალხს საშუალებას მისცემდა უშუალოდ სოციალიზმში გადასულიყო.

ჩვენი ხალხოსანი მწერლების მსოფლმხედველობაში თემობრივი წყობილების კულტს მნიშვნელოვანი ადგილი არ უჭირავს (გამონაკლისს მხოლოდ ყაზბეგი<sup>35</sup> შეადგენს, რაც აიხსნება ჩვენი მთის თავისებურებებბით, რომელმაც თემური წყობილება თითქმის XX საუკუნის კარამდე მოიტანა). ამით აიხსნება, რომ მათ კაპიტალიზაციისადმი ისეთი მტრული დამოკიდებულება არ ეტყობათ, როგორც რუს ხალხოსნებს. ისინი თითქოს კაპიტალის ძალას ურიგდებიან. „დღეს ყველა თვალხილულისათვის, — წერს „იმედის“ თანამშრომელი დ. აბდუშელიშვილი, — ცხადია, რომ მეცნიერებით დაიარაღებული კაპიტალი, რომელმაც ხალხს ხელიდან გამოაცალა მიწა და ხელფხვის მეტი არა დაუგდო რა, დღეს თუ ხვალ ჩვენც გვესტუმრება, და აბა რას გვიჩვენებს ჩვენი ლიტერატურა? ხმასაც არ იღებს. ყურსაც არ ანძრევს... თითქოს ჩვენი ქვეყნის ყველა კუთხიდან იწერებიან სიღარიბეს და სიღატაკეს გლახისას, რომელიც ღმერთს თავყვანსა სცემს, თუ კი დღიური ლუკმა-პური არ შემოაყვდა, ტანზე ძველი შალის ჩოხა და ფეხზე ქალამანი მაინც არ შემოაცვდა... ყოველივე ეს კარგად ვიცით და კარგად ვხედავთ, რომ, მებატონის გადასახადს გარდა, ჩვენ გლახს საზოგადო და სახელმწიფო გადასახადიც არ აკლია; მაგრამ ჩვენი ახლანდელი ლიტერატურა, ნაცვლად იმისა, რომ... გლახის ნამდვილი ეკონომიური მდგომარეობა დაენახვებინა, გვარწმუნებს, რომ ჩვეულებრივი გლახი ბევრად უფრო მდიდრათა ცხოვრობს, ვინემ გგონიათო“<sup>36</sup>.

<sup>34</sup> ვ. ლ. ე. ნ. ი. ნ., ნაროდნიკობის ეკონომიური შინაარსი, თხზ., ტ. 1, გვ. 610.

<sup>35</sup> ყაზბეგისა და ვაჟა-ფშაველას შემოქმედებაში საკმარისად იგრძნობა ხალხოსნური მიმართულების მოტივები, მაგრამ მათ შემოქმედებაში ეს მოტივები არაა წამყვანი. ამიტომ წინამდებარე გამოკვლევაში, რომელშიც ხალხოსანი მწერლების სპეციალური განხილვა-შეფასება მოცემული. ყაზბეგი და ვაჟა-ფშაველა არ არიან განხილულნი.

<sup>36</sup> დ. ა. ბ. დ. უ. შ. ე. ლ. ა. შ. ე. ი. ლ. ბიბლოგრაფია, „იმედი“, 1881 წ., № 1, გვ.

აშკარაა, არა მარტო დ. აბდუშელიშვილი, არამედ მთელი ის ჯგუფი ხალხოსნებისა, რომელიც „იმედის“ გარშემო მუშაობდა, იღებს კაპიტალიზაციის პროცესს, როგორც ფაქტს და ცდილობს ალლო აუღლოს ცხოვრების ახალ მიმდინარეობას, თუმცა, რა თქმა უნდა, სათანადოდ ვერ აფასებს კაპიტალიზმის ისტორიულ მნიშვნელობას.

„იმედის“ ერთ-ერთი საუკეთესო თანამშრომელთაგანი და ქართული ხალხოსნების ერთ-ერთი ნიჭიერი გამომხატველი სტ. ჭრელაშვილი ჟურნალ „იმედის“ შემდეგ ნომერში, თითქოს დ. აბდუშელიშვილის აღნიშნული წერილის საპასუხოდ, არჩევს ლ: არდაზიანის რომანს „სოლომონ ისაკიჩ მეჯღანუაშვილს“ და შემდეგ საგულისხმეო შეხედულებას გამოთქვამს: „ერთი სიტყვით, — წერს ის, — მეჯღანუაშვილი და კიდევ მეჯღანუაშვილი. ეს არის თავი და ბოლო ჩვენი ცხოვრების ბორბლისა. ეს ამშვენებს და აძლევს სპეტაკ ფერს დღევანდელ ჩვენს უფერულებას. ყველანი გულწრფელად ვიტყვი, რომ უამისოთ ჩვენ ჩალათაც არ ველირებოდით. ამიტომაც მეჯღანუაშვილს შეუძლია ამაყად და გულდაგულ შეპყუროს ქვეყანას, რომლის უმთავრეს მოვალეობას შეადგენს დაუთმოს ყველგან უპირველესი ადგილი... რომ მოკლეთა ვსთქვათ, მეჯღანუაშვილი გახლავთ ყველაფერში მოწინავე პირი ჩვენი ცხოვრებისა, ნამდვილი იდეალი, მთელი ხალხისა“

„რის წყალობით დაუჭერია, — განაგრძობს აზრის განმარტებას სტ. ჭრელაშვილი, — ჩვენს გმირს ასეთი მაღალი ადგილი, რით გამხდარა ასეთ მოწინავე პირად? ჯერ პირველად იმითი, რომ იმას ზურგზე აკრამს ვეებერთელა ტობრაკი, პირამდის გაჭედული თითქმის ერთი მილიონი თეთრი ფულით; მეორე კიდევ იმიტომ არის იგი ძვირფასი, რომ ეს ამოდენა ფული იმას უშოვნია თავის საკუთარი ოფლით, თავის მეცადინეობით“<sup>37</sup>.

სტ. ჭრელაშვილიც აშკარად ხედავს და რწმუნდება, რომ ეს მოვლენა ჩვენი ცხოვრების ბუნებრივი და აუცილებელი გზაა, ეს მოვლენა „ჩვენი ცხოვრების ნამდვილი ყვავილია“. „საქმე არც სოლომონის პიროვნებაზეა, — წერს კატეგორიული ტონით სტ. ჭრელაშვილი, — ის არ იქნება, სხვა იქნება... საქმე თითონ იმ საზოგადოებაზეა, იმ ცხოვრებაზეა, სადაც ამისთანა პირები თამამად დაიარებიან, სადაც ცხოვრება თითონ გვიჩვენებს მათზე და თავმომწონეთ გვეუბნება: „აჰათ, ესე არს ძველი ძვალთა ჩემთაგან და ხორცი ზორცთა ჩემთაგან! ამაშია ჩემი დიდება და სსაოება. ეს არის ჩემი ძალა და ღონება, ვის შეგიძლიათ ხმა გაგვეთ ან სოლომონებს, ან მე. სოლომონი გავამდიდრე, ავაყვავე... მაგივრად ათასი სოლომონისთანა ობოლი შემოვანარცხე და ვინაცვლე“.

<sup>37</sup> სტ. ჭ რ ე ლ ა შ ვ ი ლ ი, ჩვენი ცხოვრების ღვიძლი შვილი, „იმედი“, 1891 წ., № 2, გვ. 59—60.

სტ. ჭრელაშვილი იმავე წერილში ცოტა ქვევით უფრო გარკვევით აღნიშნავს მეჯღანუაშვილთა წარმოშობის აუცილებლობას: „მეჯღანუაშვილი კი არა, თვით უცუღესი ქვეყნის გამომწუნავი რომ ერთ დღეზე ამოაგდოთ დედამიწის ზურგიდან, მაინც ხვალე თქვენი გამტერებული თვალები დაინახავენ, რომ იმათი ადგილები სხვებს დაუქერიათ, მათ სკამზე სხვები გამოჰიმულან, იმიტომ, რომ... ყველა ჩვენთაგანში ცხოვრების უარაქათობამ ღრმად ჩანერგა ფულის მოყვარობა... ყველას ფული მიგვაჩნია უღონიერეს იარაღად ნეტარების და სიამის მოსაპოვებლად“.

მეჯღანუაშვილს და გაფულიანებას სტ. ჭრელაშვილი რომ უარყოფითად არ უყურებს, რომ მეჯღანუაშვილებსა და დაბალ ხალხს შორის ერთგვარ ნათესაობასაც კი ხედავს, ამას ის იქვე გამოთქვამს: „ისა (ე. ი. მეჯღანუაშვილი. — მ. ზ.) და ათასი იმისთანა სუყველა უბრალო დაბალ ჩამომავლობისანი არიან, მათ მამა-პაპებს ჩვენსავით შავი სისხლი უღუღღათ ძარღვებში“.

ავტორს თითქოს მეჯღანუაშვილის უხეშობის გამართლებაც უნდა. ამ თვისების განვითარების მიზეზებს მის გარშემო აუტანელ ცხოვრებაში ხედავს: „ცხოვრებამ, — წერს იქვე სტ. ჭრელაშვილი, — ქვეყნის ეკონომიურმა მდგომარეობამ გაუჭირა იმას (მეჯღანუაშვილს) საქმე იქამდის, რომ მარტო ტალახში დაინახა მან სიცოცხლის წყარო“<sup>38</sup>.

ასეთი შეხედულებით აიხსნება, რომ „იმედის“ თანამშრომლები დიდ ყურადღებას აქცევენ ვაჭრობა-მრეწველობის განვითარებას. აკი „იმედის“ თანამშრომლებს ჩვენი ცხოვრების წინმსვლელობისათვის საჭიროდ მიაჩნიათ ბაზრის გაჩენა. „ხეირიანად მეურნეობის წაყვანა, — წერს ვინმე \*\*\* — რამდენადაც პატრონის ცოდნაზე, იმდენად ხეირიან მახანდაზედაც და ნაწარმოების გასაღებაზედ არის დამოკიდებული“. ამიტომ, მისი შეხედულებით, საჭიროა სასოფლო ბაზარი: „ერთი უმთავრესი მუწუჟი, — ამბობს ის, — ჩვენი მეურნულ ცხოვრებისა არის ისეთი ადგილის უქონლობა, საცა ყოველ მემამულეს შეეძლოს ჰირნახულის რიგიანად გასაღება“<sup>39</sup>.

ამ აზრს უფრო გარკვევით ავითარებს ნ. ხ — ი. (ნ. ხიზანიშვილი), „ივერიის“ ეკონომისტს რომ აკრიტიკებს: „ჩვენ ვამტკიცებთ მხოლოდ იმ აზრს, — წერს იგი, — რომ ეკონომიურ ცხოვრებაში მიწის მუშაობა თანდათან ნელ-ნელა ჰკარგავს უწინდელ თავის დიდს მნიშვნელობას და საპატიო ნაწილს მფლობელობისას უნებლიედ უთმობს სხვა ეკონომიურ ფაქტორებს. მაგ., ქართულ მრეწველობას, ვაჭრობას და

<sup>38</sup> სტ. ჭ რ ე ლ ა შ ვ ი ლ ი, ჩვენი ცხოვრების ღვიძლი ზვილი, „იმედი“, 1981 წ. № 3—4, გვ. 25—26.

<sup>39</sup> \*\*\* რამდენიმე სიტყვა ჩვენს მეურნეობაზე, „იმედი“, 1881 წ., № 1, გვ. 59—60.

სხვა. ამას ცხადად ამტკიცებს ეკონომიური ისტორია<sup>40</sup>. ცხადია, ჩვენი ხალხოსნები ქვეყნის კაპიტალისტურ განვითარებას იღებენ, მაგრამ, ისიც უდავოა, რომ ისინი სათანადოდ ვერ აფასებენ კაპიტალიზმის განვითარების დადებით მხარეებს და ვერ ითვალისწინებენ მის ისტორიულ როლს. ამიტომაც, რომ ისინი ხშირად კაპიტალიზმის უარყოფით მხარეებს გამახვილებულად და ცალმხრივად ასახავენ თავიანთ შემოქმედებაში.

მაგრამ მაინც ქართველი ხალხოსნების ასეთი შეხედულება კი კაპიტალიზმის განვითარებაზე მათი მოღვაწეობის პროგრესულ მიმართულებას უფრო აღრმავებდა და ხალხოსნობის რეაქციონურ ბუნებას, რომელიც, ვლ. ლენინის სიტყვით, გლახკაცს ამავრებს მიწას და წარმოების ძველ საშუალებებს... „მტრულად განწყობილი მისი (გლახის. — მ. ზ.) გამალატაკებელი კაპიტალიზმის წინააღმდეგ“<sup>41</sup> — ასუსტებდა.

რუს ხალხოსნებთან შედარებით, ჩვენი ხალხოსნების მსოფლმხედველობა განსხვავდება ეროვნული საკითხის გადაჭრითაც. მაშინდელი საქართველოს პოლიტიკური მდგომარეობა მეტად უმწეოდ მოჩანს. „მეფის რუსეთი ხალხთა საპყრობილე იყო. მეფის რუსეთის მრავალრიცხოვანი არარუსი ხალხები სრულიად უუფლებონი იყვნენ, განუწყვეტლივ განიცდიდნენ ყოველგვარ დამცირებასა და შეურაცხყოფას. მეფის მთავრობა აჩვენდა რუს მოსახლეობას ისე ექცირა ნაციონალური ოლქების მკვიდრი ხალხებისათვის, როგორც დაბალი რასისათვის, ოფიციალურად უწოდებდა მათ „ინოროდცებს“, ნერგავდა ზიზღს და სიძულვილს მათდამი. მეფის მთავრობა შეგნებულად აღვივებდა ნაციონალურ შუღლს, ამხედრებდა ერთ ხალხს მეორის წინააღმდეგ. აწყობდა ებრაელთა დარბევებს, თათარ-სომეხთა ხოცვა-ჟლეტას ამიერკავკასიაში“.

ქართველი თავადაზნაურობის საგრძნობი ნაწილი, ეკონომიურად დარღვეული, რუსეთის მთავრობის მიერ ადვილად შეიქმნა მოსყიდული. მან თავდავიწყებით დაიწყო აცოცება ჩინოვნიკურ და ბიუროკრატიულ კიბეზე, მისი უმრავლესობა ცხოვრებას ისე უყურებდა, როგორც სოფრომ მგალობლიშვილის მიერ დახატული გმირი ლეჟიაშვილი. „ბევრი ადამიანი ასეა, — გადაუშლის ლეჟიაშვილი ცოლს თავისებურ ცხოვრების ფილოსოფიას, — ბევრი მიხვდება ცხოვრებაში: ზოგან ქიმუნჯს წაჯკრავენ, ზოგან წკიპურტს, იქნება სახრეც მოგხვდეს, მაგრამ აწინდელ ცხოვრებას მაინც არ უნდა ჩამორჩე. უნდა იწიო მა-

<sup>40</sup> ნ. ხ ი ზ ა ნ ი შ ვ ი ლ ი, ივერიის ეკონომისტი, „იმედი“, 1882 წ., № 9—10, გვ. 82.

<sup>41</sup> ვ. ლ ე ნ ი ნ ა, ნაროდნიკობის ეკონომიური შინაარსი, თ.ზ., ტ. 1, გვ. 611. ო

ღლა-მადლა და ახვიდე სამსახურის ზემო საფეხურზე“<sup>42</sup>. ასეთი იყო ქართული საზოგადოების პრივილეგიური ნაწილის მდგომარეობა.

ხალხი კი, თუმცა, თითქოს, ბატონყმობის გადავარდნის შემდეგ, უფლებამინიჭებული იყო, მაგრამ სილატაქე, უკულტურობა მას თავს მადლა ვერ აღებინებდა. ქვეყნის პოლიტიკური შევიწროებაც საშინელ უღლად აწვებოდა.

ამ გარემოებას არ შეიძლებოდა ჩვენს ხალხოსნებზე თავისი მწვავე დაღი არ დაესვა; არ შეიძლებოდა მას ნაციონალური საკითხი არ ჩამატებინა და მტკიცედ არ ჩაეწერა მათ მსოფლმხედველობაში. „დღეს, ვინც უყურებს ჩვენს ცხოვრებას, — წერს სტ. ჭრელაშვილი, — ქართველი კაცი თუ უცხო ქვეყნელი, ყველას უკვირთ, რომ მთელი ჩვენი სამშობლოს შინაგანი, თუ გარეგანი არსების აქტი ხდება სხვა ქვეყნების ხელით: — ვაჭრობა გინდა — სხვის ხელშია, გამგეობა ჩვენი ბედისა — სულაც არ გვეკითხება ჩვენა, მისვლა-მოსვლაში სხვას შეეყურებთ. ერთი სიტყვით, დაგვწოლია კისერზედ ცხრათავიანი დევი და ყოველ ჩვენ საქმეს იგი ასრულებს, რასაკვირველია, ჩვენდა საზარალებლად. იგი სუნთქავს ჩვენს მაგივრად, იგი ფიქრობს ჩვენი ტვინის საფიქრებელზედა და სხვანი. ეს დევი გახლავთ ჩვენი დაწყევლილი ბედი, ჩვენი ცხოვრების გარემოებანი“<sup>43</sup>.

სწორედ ამ გარემოებამ მისცა ნიჭიერ ხალხოსან მწერალს სოფ. მგალობლიშვილს მასალა ასეთი გესლითა და დაუნდობლობით დაეხატა ჩინ-მენდლებისათვის გამყიდველი ქართველი ინტელიგენტი ლექსიაშვილის სახით მოთხრობაში „წითელი სარჩული“.

სოფ. მგალობლიშვილი აპოლოს პირით ლექსიაშვილებს, რომელთაც სამშობლოს სალაროში ხელუკუღმა თავიანთი წვლილი შეჰქონდათ, აი რას ეტყვის: „ისტორიის კვლევა სხვა არის, კაცური კაცობა კიდევ სხვაა, შუა დიდი ზღვარი უდევთ, რად გვინდა შენი ისტორიკოსობა, თუ დღევანდელ დღეს პირნათლად არ ემსახურები, თუ შენ ახალთაობას ჩაჰკლავ, ენას მოჰკლავ, ენას მოგლეჯ და წმინდათა წმინდას შეუეგინებ“<sup>44</sup>.

ასეთია შეხედულება ჩვენი ხალხოსნებისა. ეროვნული გრძნობა მათში უდაოდ მძლავრია.

მაგრამ დაბრმავებული პატრიოტიზმი, შოვინიზმი მათთვის უცხოა, და ეს იმიტომ, რომ ხალხოსნები თვით ცხოვრების წიაღიდან არიან გამოსულნი, მათ გამოიარეს ხალხის ცხოვრების სიღუბჭიერე, განიცადეს ხალხის ტკივილი. ამ გარემოებამ მათი ფიქრი და მისწრაფება ცხო-

<sup>42</sup> სოფ. მგალობლიშვილი, წითელი სარჩული, თბ., ტ. II, 1926 წ., გვ. 48.

<sup>43</sup> სტ. ჭრელაშვილი, ძვირფასი მხარე ჩვენი წარსული ცხოვრებისა, „იმედო“, 1882 წ., № 7—8, გვ. 38—39.

<sup>44</sup> სოფ. მგალობლიშვილი, წითელი სარჩული, 1926 წ., გვ. 61.



ვრების სინამდვილეს მიაჯაჷვა და მათ მიმართულებას რეალური ხასიათი მისცა. საუკეთესო რეალისტ მწერლებად გლეხის ცხოვრების, სინამდვილის მკვეთრი და სწორი ჩვენების მიხედვით, ჩვენს ლიტერატურაში (ასეა რუსეთშიც) ხალხოსნებიც უნდა ჩაითვალოს.

ხალხოსნებს, რა თქმა უნდა, თავისებური გაგებით, უკრიტიკოდ, ხალხის ინტერესების გარეშე არც ერთი დებულება არა აქვთ წამოყენებული, არც პატრიოტული, მამულიშვილური გრძნობა უნდათ აღნიშნულ პირობებს გარეშე. მათ არ მოსწონთ გადაჭარბებული, უსაფუძვლო. ლაპარაკი ქართველი საზოგადოების გზადაფანტული წევრებისა, რომელთა პატრიოტობა პირადი სარგებლობისა და სახელის მოხვეჭის მიზნისათვის უნდათ. ამ პატრიოტებს, ხალხოსნების შეხედულებით, ნამდვილი არსი ამ გრძნობისა არა აქვთ შეთვისებული და გათვალისწინებული. „ვინც კერძო საქმეს ადგა, — გესლიანად წერს სტ. ჭრელაშვილი, — და აკეთებს რასმე სამშობლოს სახელით, იმას შეუძლია ერთი თვალის დახამხამებაზე უდიდესი სახელი დაიმსახუროს მამულის მხსნელებ შუა, და, ვისაც განსაზღვრული სახელი არა აქვს, ან არ შეუძლიან, არც ის არის სამუდამოდ იმედმისხილი, რომ მამულისადმი არ მიუძღოდეს რაიმე დეაწლი: იმას ნება აქვს მინიჭებული, რომ თავისი მდიდარი სუფრიდან თითო-ოროლა ნალირლი ლუკმა, რომელიც ძალს უნდა რგებოდა, გადაუგდოს საწყალ ლაზარე-საქართველოს, ან თუ ფული ვერ გაუმეტებია, აქოს და აღიდოს ჩვენი პატრიოტები, სადაც კი შეხედება, თეატრში უყვიროს ჩვენ აქტიორებს და მეტადრე აქტრისებს „ბრავო“ და „ბისი“, შეერთებული ხმამალა ტაშის კვრასთან, და მეტიც საჭირო არ არის, მისი სახელიც პანთეონში გამოიჭიმება. ამიტომაც ვხედავთ, რომ ჩვენი პატრიოტების რაზმს შეადგენს ჩვენი თავადაზნაურობა. გლეხობა ამ მაიმუნობას ვერც გაიგებს და არც მონაწილეობას მიიღებს, იმას უჩვენე ნამდვილი საქმე და ჭკვიანი აზრი. მაშინ სრულებით სხვა მოთხოვნილებებს წაუყენებენ იმათ, ვინც მონდომებდა ნამდვილ პატრიოტებში ფეხის შედგმას, მაშინ თვითონ ეროვნული კითხვები სხვა ნიადაგზე აშენდებოდნენ“<sup>45</sup>.

ამიტომ ქართველ ხალხოსნებს, რათა ცრუ პატრიოტების ყვირილს ფასი დაუკარგონ, პატრიოტულ გრძნობაზე ლაპარაკი ზედმეტადაც კი შიარჩნათ; „თითქოს ქვეყანაზე, — გესლიანი კილოთი წერს სტ. ჭრელაშვილი, — გარდა ათასში ერთი მახინჯისა, მოიძებნებოდეს სალი კაცი, რომელსაც ან თავისი სამშობლო არ უყვარდეს და მისი ენა... თითქო (ვისმე) შეეძლოს, რომ წაგვართვას, გამოგვწუწუნოს ისა, რაც ჩვენს სხეულს შეუთვისებია და ბუნებად გადაუქცევია“<sup>46</sup>.

<sup>45</sup> სტ. ჭრელაშვილი, მამულის შვილი, „იმედი“, 1881 წ., № 10, 11—12, 83-94.

<sup>46</sup> მისივე, ქართული მწერლობა, „იმედი“, 1881 წ., № 1, გვ. 92.

ქართველი ხალხოსნების შეხედულებით ეროვნული გრძნობა ჩვეულებრივი, ბუნებრივი გრძნობაა სალი ადამიანისათვის და ამ ეროვნული გრძნობის ღირებულება, მათი გაგებით, იმდენადაა ღირსების მატარებელი, რამდენადაც ის ხალხის მდგომარეობის გაუმჯობესებას ემსახურება. „ერთი და იგივე მამულის შვილნი, — წერს სტ. ჭრელაშვილი, — განირჩევიან ერთმანეთისაგან არა მამულის სიყვარულით, არამედ იმითი, თუ რომელი მათგანი მომეტებულ სამსახურს გაუწევს თავის სამშობლოს. მაშასადამე, — დაასკვნის ავტორი, — ჩვენი პირდაპირი მოვალეობაა გამოვიკვლიოთ ჩვენი ქვეყნის მდგომარეობა. მისი ისტორიული მიდრეკილებანი, ტრადიციები. მისი ჩვეულებანი, მატერიალური გარემოებანი, მისი ავი და კარგი, მოკეთე და მტერი, ერთი სიტყვით, მთელი მისი ავან-ჩავანი. რომ ამით წარმოდგენილი გვექონდეს მისი ფიზიონომია, და შეძლებისდაგვარად, მივცეთ მას ხელი, ვაჩვენოთ მას გაუმჯობესების საღსარი და შეუდგეთ იმ გზას, რომელიც დააყენებს წარმატებისაკენ“<sup>47</sup>.

აქაც გარკვეულად და მძლავრად გვესმის ხალხის საკეთილდღეოდ მთელი ენერჯის მიმართვის აუცილებლობა, რომელიც წითელი ზოლივითაა გატარებული ჩვენ ხალხოსნურ ლიტერატურაში და რომელიც ყოველ სფეროში თავისებურ გეზს აძლევდა მას.

ხალხოსნები არა მარტო ასეთ კულტურულ მიზანსა და დანიშნულებას უყენებენ ეროვნულ გრძნობასა და პატრიოტს, არამედ ისინი უფრო მეტის გარკვევით და, იმ დროისათვის გაბედულად, გამოთქვამენ თავიანთ ეროვნულ სურვილებს. „ყოველ ისტორიულს და კულტურულს ერს, — წერს ნ. ხიზანაშვილი, — ბუნებრივად უფლება აქვს თავისუფალი და ეროვნული სახის პირის დაცვის... ჩვენ ღრმად ვართ დარწმუნებული, რომ ამ დედააზრის დასარღვევად არც ერთი მტერი კაცობრიობისა და ცალკე ხალხის წარმატებისა ვერ წარმოადგენს არა რაიმე შესაწყენარებელ საბუთს, გარდა რომელიმე პოლიტიკური მოსაზრებისა, და ეს უკანასკნელი ხომ მეცნიერებაზე არ არის დამყარებული. მას ხომ დროებითი მნიშვნელობა აქვს“<sup>48</sup>.

ჩვენი ხალხოსნები, როგორც ცხოვრების დუდილში გამოსულნი, აწყყოსი და მომავლის შვილები არიან. მთელი მათი გულისყური აწყყოს გაუმჯობესებისა და უკეთესი მომავლის გამოქედვისაკენაა მიმართული. ამიტომ ვერ ეგუებოიან იმ პატრიოტებს, რომელთათვისაც „დიდება ივერიისა“ წარსულში იყო დამარხული და წარსულის დიდებით

<sup>47</sup> სტ. ჭ რ ე ლ ა შ ვ ი ლ ი, მამულის შვილი. „ივედა“, 1881 წ., № 10—11—12, გვ. 17.

<sup>48</sup> ნ. ხ ი ზ ა ნ ა შ ვ ი ლ ი, მცირედი რაიჟე ჩვენს „მამულს-სვილობაზე“, „მედი“, 1882 წ., № 11—12, გვ. 51.

თავი დიდად მოჰქონდათ და კმაყოფილების ალერსით ითვრებოდნენ. „არ შეიძლება, — წერს ნიკო ხიზანაშვილი, — წარსული აღიარებული იქნას ცხოვრების დასაბამად და დასაწყისად, რადგანაც ეს წინააღმდეგი იქნებოდა საზოგადო წარმატების კანონისა... ეს უკანასკნელი (ბედნიერი მომავალი) უნდა იყოს მიზანი ხალხისათვის მოღვაწე პირთა. ამისათვის საჭიროა წინ ცქერა და არა უკან ხედვა, გოდვა და ტირილი კი არა წარსულზე, მხიარული სიმღერა კეთილ მომავალზე... თუ აწმყო შავითა და ბნელით მოცულია, ეს კიდევ იმას არ ამტკიცებს, რომ წარსული ელვარებდა წმინდა ნათელით: თუ კიდევ აწმყო ქვევით სდგას წარსულზე, აქედან ის დასკვნა არ გამოდის, რომ წარსული უნდა შეადგენდეს ჩვენს „წმინდათა-წმინდასა“<sup>49</sup>.

ჩვენს ხალხოსნებს ეროვნული გაგებაც არა აქვთ ვიწრო პატრიოტული, რომელსაც კაცი ხშირად შოვინიზმამდე მიჰყავს: მომეტებულად აყვარებს თავისას ყველაფერს, ხოლო სხვისას გულგრილად აყურებიან.

„იმედის“ თანამშრომელი ხერხიანად სარგებლობენ ეროვნული გრძობის განმარტებით, რომ თავიანთი რადიკალურ-რევოლუციურ-დემოკრატიული მისწრაფებანი გამოთქვან და მკითხველის მასებში გაიტანონ: „მე, როგორც ნამდვილი პატრიოტი (!), — გაკვირვებული და აღშფოთებული მოკამათის ტონით მიმართავს პატრიოტებს ტატალა<sup>50</sup>, — უნდა მიყვარდეს ჩემი სახელმწიფოსა ყველაფერი და ყველაფერში უნდა იგულისხმებოდეს მთელი ის უწესობაც, რომელიც ხდება გარეშე ჩემისა: მიყვარს ის სახარჩობელა, რომელმაც მოუხპო დღენი მშვენიერ ახალგაზრდას... მიყვარს ის უშველებელი ციხეებიც, რომლებშიაც აგერ სული ხდებათ იმოტელა ხალხს ბრაღიანს და უბრალოს სამართლის მოლოდინითა და განუსაზღვრელი უსაქმურობითა. მიყვარს აგრეთვე ისა, რომ ჩვენში გამართლებას იპოვის ფულით, გინდა უშველებელი დამნაშავე იყოს... უნდა მეჭავრებოდეს, — განაგრძობს ტატალა თავის პოლიტიკურ-სოციალურ მსოფლმხედველობის გადაშლას, — ხალხთა თვითმპყრობელობის აზრი, რომელიც ქადაგებს, რომ ხალხი... არა ჰგავს ცხერის ჯარას, ანუ ცხენის ჯოგს, ამიტომ იმას უნდა ჰქონდეს სრული უფლება თავისი ბედ-იღბლის მომართვისა სურვილისამებრ თვისაო“<sup>51</sup>.

მძლავრად და ხერხიანადაა გაშლილი „იმედის“ ჯგუფის რადიკალური შეხედულებანი ცხოვრების სხვადასხვა მოვლენაზე.

<sup>49</sup> ნ-ო ხ-ი, მცარედა რაიმე ჩვენს „მამულისშვილობაზე“, „მედი“, 1882 წ., № 11—12, გვ. 53.

<sup>50</sup> ტატალა, როგორც ირკვევა სტ. ჰრელაშვილის დის, ეკატერინე ასათიანის მოწმობით, სტ. ჰრელაშვილის დის ევდო ნიმიან.

<sup>51</sup> ტატალა, პოლიტიკა, „იმედი“, 1881 წ., № 2, გვ. 157—159.

თავის შეხედულებათა მეტი სიმკვეთრით გამოტანის მიზნით, ტატალა გაბედულად ხსნის თავისი აზრების ფრჩხილებს: „რათ უნდა მეჯავრებოდეს, — კითხულობს ტატალა და თვითონვე არაორაზროვნად უპასუხებს, — რათა და იმათა, რომ... ხალხი ჩვენს თვალში მართლა და მართო ცხერის ფარაა, რომელსაც ჰკრეჭენ მოხერხებული მწყემსები... ვემტერებოდე იმ აზრს, რომელიც თხოულობს შემდეგ სამართლიან წესიერებას: რადგანაც ყოველი სარჩო მოიპოვება მხოლოდ შრომით, რადგანაც ყოველი ნივთი გაკეთებულია მხოლოდ მუშის ხელით, ამიტომ ყველაფერი უნდა შეადგენდეს იმის საკუთრებას, ვისაც ის გაუკეთებია. მანამდის ასეთ გვარად არ იცვლის ყველაფერი ფერს, მანამ უბედურება კაცობრიობისა კი არ იკლებს, დღითი დღე იმატებს... მე, როგორც ნამდვილმა პატრიოტმა, უნდა ყოველი ღონისძიება ვინმარო ამ აზრის დანერგვისათვის... იმიტომ, რომ ჩვენი სარჩოს მოპოვება ცარცვა-გლეჯაზეა აშენებული და ზემოდ მოყვანილი საშიში აზრი ჩვენ მიწა-წყალზე არ დაბადებულა“<sup>52</sup>.

აშკარაა, ხალხოსნებს ეროვნული საკითხი მჭიდროდა აქვთ დაკავშირებული ხალხის მასების ეკონომიური, პოლიტიკური და კულტურული ცხოვრების სხვადასხვა მოვლენის რადიკალურ გადაჭრასთან.

ჩვენი ხალხოსნები ეროვნულ შეხედულებას არამც თუ ვიწროდ არა ფარგლავენ, პირიქით, მათი ღრმა რწმენით, რაც ბევრი ჭკუა შეერთდება ერთად, რაც უფრო დიდად ეყვარება ყველას ერთმანეთი, მით უფრო ბევრი საქმე გაკეთდება, მით უფრო მომეტებული დღეგრძელობა ჩამოვარდება კაცობრიობაში... „ვისაც მართლა თავისი ხალხი უყვარს, — წერს ტატალა, — იმას იმავე სიყვარულით უნდა უყვარდეს მთელი ქვეყნიერებაც, რადგან მისი ხალხისათვის საჭიროა ქვეყნიერების დახმარება და ქვეყნიერებისათვის კიდევ იმისი ხალხისა. აი, ნამდვილი პატრიოტობაც და მამულის სიყვარულიც ეს არის“<sup>53</sup>.

ცხადია, ჩვენი ხალხოსნების შეხედულებაში ეროვნული გრძნობა ფართო ფარგლებში იშლება. ცხადია, ამ მხრივ, ჩვენ ხალხოსნებს შედარებით წინა თაობებთან, ეროვნული საკითხის გადაწყვეტა ახალ ეტაპზე აყავთ. ერის წინმსვლელობა დაკავშირებული აქვთ კაცობრიობის, სხვა ქვეყნების განვითარებასთან. აკი ისინი პრაქტიკულ მოღვაწეობაშიც ფართო გეზს ატარებენ — როგორც გადმოგვცემს შ. დავითაშვილი, ეს ერთ-ერთი პრაქტიკული მოღვაწე ქართველი ხალხოსანი. ჩვენი ხალხოსნების ადგილობრივი რევოლუციური ჯგუფი, მიზნად ისახავდა მოემზადებინა „მთელი კავკასიის მოსახლეობა, განურჩევლად

<sup>52</sup> ტ ა ტ ა ლ ა, პოლიტიკა, „იმედი“, 1881 წ., № 2, გვ. 159—160.

<sup>53</sup> ი ქ ვ ე, გვ. 161.

ეროვნებისა, საერთო აჯანყებისათვის იმ მომენტში, როდესაც შიდა რუსეთში დაკრავდა ბრძოლის საათი“<sup>54</sup>.

ყველა აღნიშნულიდან უდავოა, რომ ჩვენი ხალხოსნებისათვის ეროვნულ საკითხსა და გრძნობას, მაშინდელი პოლიტიკური მდგომარეობით გამახვილებულს, არ დაუყარგავს სიმწვავე და სიმკვეთრე. ეროვნულ საკითხი ჩვენი ხალხოსნებისათვის მტკივნეული და საჭირბოროტო საკითხია, მაგრამ ეს საკითხი ისე ძირითადად არ იპყრობს მთელ მათ შემოქმედებით ნიჭსა და უნარს, როგორც ამას თერგდალეულთა მოღვაწეობაში აქვს ადგილი.

ხალხოსნებმა პრიორიტეტი ხალხის (გლეხობის) სოციალურ-ეკონომიური მდგომარეობის მოგვარების საკითხს მიანიჭეს და ამ საკითხის გადაჭრა დაუდევს საფუძვლად მომავალ ქვეყანას, სადაც ადამიანური ცხოვრება უნდა დამყარებულიყო (მ. ასათიანი, ნ. ლომოური, ს. მგალობლიშვილი, შაქრო, ტატალა, ნ. ხიზანიშვილი და სხვანი). ამასთან ერთად ისიც უნდა აღინიშნოს, რომ ჩვენი ხალხოსნების მოღვაწეობა, შედარებით რუსი ხალხოსნების მოღვაწეობასთან, ნაკლებ რევოლუციონურია, უფრო მკრთალია. ქართველი ხალხოსნები ხშირად რუსების მიმდევარნი არიან თემის გადაჭრაშიც და სხვა სტილური ნიშნების გამოყენებაშიც. მაგრამ თავისებურებასა და ორიგინალობას, რასაკვირველია, ისინი მაინც ინარჩუნებენ და ამჟღავნებენ.

## 5

80-იან წლებისათვის ქართველი ხალხოსნები პოლიტიკაში გულუბრყვილო ოცნების მიმყოფნი აღარ არიან, პოლიტიკაშიც სიფხიზლეს იჩენენ, ყოველსავე მოვლენას ზომიერ ხალხისა და კაცობრიობის კეთილდღეობის თვალსაზრისით. ეს აიხსნება იმით, რომ ჩვენი ხალხოსნები, „იმედის“ გარშემო რომ იყრიდნენ თავს, თითქმის ყველა რაზნოჩინეცია. როდესაც ეცნობით „იმედს“, გაკვირვებთ მისი თანამშრომლების აზრის გამოთქმის სითამამე და გაბედულობა. ამ გაბედულობასა და სითამამესთან ერთად ჟურნალ „იმედი“-ს თანამშრომელთა შორის ბევრია საკმარისად დაჯილდოვებული პუბლიცისტიური ნიჭითა და პოეტური ალღოთი. ამიტომ „იმედი“ საზოგადოებრივ საჭირბოროტო მოვლენებს, ამა თუ იმ საკითხს შეძლებისდაგვარად ხალხის მასების საკეთილდღეოდ აშუქებს და წყვეტს.

იგივე ტატალა თავის პოლიტიკურ მიმოხილვაში არჩევს ომისა და მისი მნიშვნელობის საკითხს და საკმარისად თამამად გამოთქვამს

<sup>54</sup> შ. დ ა ვ ი ლ ო ვ ი, მოგონებანი, „რევოლუციის მატთან“, 1923 წ., № 3.

სწორს, მოწინავე დემოკრატიულ შეხედულებებს<sup>55</sup>: „კაცი რომ ღრმად იყურებოდეს ქვეყნიერების ცხოვრებაში და არ ჰქონდეს გარშემო გასართობი, სწორედ რომ ჰკუაზე უნდა შესცდეს: რანაირი სისაძაგლე გინდა, რომ იქ არ ტრიალებდეს. მაგრამ ამაზე უშველებელი და წარმოუდგენელი სისაძაგლე კი არ იქნება, როგორც არის საზოგადოდ ომიანობა, კაცთა ჟღეტვა და მუსერა, მეორე ისიც... დამყარებული სამხედრო მეცნიერებაზე“<sup>56</sup>.

ტატალა გაბედულადა და გონებამახვილობით აღნიშნავს კაცის მკვლელობის წინააღმდეგობას ადამიანის ბუნებასთან და ხალხის ეკონომიური ცხოვრების ინტერესებთან და ბოლოს დაისკვნის: „კიდევ ჯანი გავარდნოდა, რომ ომიანობას მართო ხალხის დროებითი გამუსერა და ხანგრძლივი ეკონომიური ჰიჯანდაგე მოსდევდეს, — ძნელი ის არის, რომ ამ უშველებელ ვაი-ვაგლახთან ერთი ისეთი თვისება სჭირს, რომელიც ყოველ სხვა ზარალს აღემატება და ყველაზე ძლიერ სწევს უკან მთელი კაცობრიობის გონებითა და ზნეობით ამალვებას... ეს თვისება არის ხალხთა შორის სიძულვილი, ნაციონალური მტრობა, ისეთი ჰირი, რომელსაც ცალი და ბადალი არ გამოუჩნდება ქვეყნის უბედურებაში და რომელიც სრული შედეგია ომიანობისა“<sup>57</sup>. აქედანაც ცხადია რადიკალური აზროვნება და ინტერნაციონალური ტენდენციები ჩიენი ხალხოსნებისა.

ამასთან ერთად „იმედს“ და მის თანამშრომლებს რევოლუციონური მოძრაობის ჟინიც ახასიათებთ. თუმცა „იმელი“ და მისი თანამშრომელი ძირითადში კულტურტრეგერი ხალხოსნების მიმართულების გამტარებლები არიან, მაგრამ ისინი აგრეთვე მიზნად ისახავდნენ ხალხში რევოლუციონური იდეების გავრცელებას. არც ერთ მოვლენას, რომელიც მათ შესაძლებლობას აძლევდა ხალხის საკეთილდღეო მისწრაფებანი ცხოვრებაში გამოეტანათ, არ ტოვებდნენ უპასუხოდ და აღუნიშნავდ. ცენზურა, რომელიც რუსეთის გამათავისუფლებელ საზოგადოებრივ აზროვნებას რკინის ბრჭყალებში ხუთავდა, ლამობდა თავისუფალი აზრი ძირშივე მოესპო, არაჯითარი გასაქანი არ მიეცა, აქ ჩვენში თითქოს დაუღვერობას იჩენდა<sup>58</sup>. მაგ., მიხ. გურგენიძე, „იმედის“ რედაქტორი,

<sup>55</sup> საცენზურა კომიტეტის არჩვიც მკუერმტყველურად დასტურებს ჩვენს ამ შეხედულებას. „იმედის“ გამოსკლას ზანძილზე (1881—1883 წწ.) მისი თანამშრომლების შრავალი წირილი აქვს კონიტეტს „შეჩერებელი“. მათ შორის ტატალასი ყველაზე მეტი.

<sup>56</sup> ტატალა, პოლტოკა, „იმედა“, 1891 წ., № 2, გვ. 143.

<sup>57</sup> იქვე, გვ. 157.

<sup>58</sup> ეს გარემოება, რა თქმა უნდა, აიხსნება არა იმით, რომ ხელისუფლება ცენზურის საქმიანობას საქართველოში ასუსტებდა. არა. ცენზურას ყურადღება საქართველოში განსაკუთრებით გამოხვილებული ჰქონდა ეროვნული საკუთხის შიშიართ. ამს გარდა, ილევორიისა, ქარაგმებისა, გადაკრულისა და ივანის გამოყენება, რაც დამახასიათებელი შეიქნა ქართული ლიტერატურასათვის XIX საუკუნეში, ცენზორს თვალს უხვივდა.

მოგვითხრობს ალექსანდრე მეორის მოკვლის ამბავს, მის მზადებას, ე. ი. რევოლუციური მოძრაობის პროცესს და აგრეთვე ახალი იმპერატორის ალექსანდრე III მუქარას. ყველა ამას, რასაკვირველია, აგიტაციის მიზანი აქვს. მაგრამ მიხ. გურგენიძე ისეთ ეპიურ ფორმას აძლევს, რომ მის საწინააღმდეგოდ, ალბათ, ვერაფრის თქმა ვერ მოახერხეს. თავის წერილს ის იგავის ხერხიანობით შემდეგნაირად ამთავრებს: „რუსეთის ლიტერატურა კი, ჩვეულებრივ, ან უცხადებს რევოლუციონერებს თავის უქმყოფილებას, ან კიდევ ურჩევს სამეფო სასახლე მოსკოვში გადასახლდეს. როდემდის უნდა ვატყუოთ ასე ან სხვა, ან ჩვენი თავი. ამგვარი საშუალებები ბევრი დაიხარჯა, მაგრამ ყველა ამაო გამოდგა. რევოლუციონერები მაინც თავისას არ იშლიან. ვერც ამ საშუალებამ, რომელსაც აქამდის მართებლობა ხმარობდა რევოლუციონერთა მოსასპობად, გააწყო რამე. როგორც ვხედავთ, დრო არის გაიღვიძოს ლიტერატურამ, გამოიფხვინტოს თვალები და შეუდგეს თავის წმინდა მოვალეობას — ამ შემადრწუნებელი მიზეზის გამოკვლევას და იმის ძირში ამომფხვრელი საშუალებების ჩვენებას!“<sup>59</sup> აქ, რა თქმა უნდა, გურგენიძე იყენებს გადაკრულ, იგავურ ხერხს.

ქართველი ხალხოსნები და მათი ორგანო „იმედი“ იმ დროისათვის, რასაკვირველია, რამდენადაც მათი წვრილბურჟუაზიული მსოფლმხედველობა მათ ამის შესაძლებლობას აძლევდა, ცდილობენ საკმარისად ღრმად და სერიოზულად გაერკვნენ საჭირბოროტო სოციალურ-ეკონომიურ და პოლიტიკურ საკითხებში. და უნდა ითქვას, მათ იმ დროისათვის საკმარისად რადიკალური გაგება აქვთ რევოლუციური მოძრაობის მოვლენებისა და მათი გამომწვევი მიზეზებისა<sup>60</sup>. ამას მშვენივრად ამჟღავნებს ჟურნალ „იმედის“ თანამშრომელთა და სხვა ხალხოსანთა სტატიები. სანიმუშოდ მოვიყვანოთ ციტატას სტ. ჰრელაშვილის პოლემიკიდან „ივერიასთან“.

სტ. ჰრელაშვილი „ივერიის“ თანამშრომლებს უკიყინებს, რომ, მათი აზრით, „აქამდის გამოგდებული შეგირდები იყვნენ არეულობის უსტაბაშებად ტოლსტოის მეოხებით, ეხლა კიდევ ჩინოვნიკების ტყუილა ცილისწამებამ, სიცრუემ და გარყვნილობამ მოიგონა ვიღაც სოციალისტები, მართებლობის წინააღმდეგნი, რომლებიც რყულივბრალოდ დაღუპეს ციმბირში. თავი არ უნდა ამისთანა სიბრძნის გამოთქმას?! — უხამიანად უენიშნავს სტ. ჰრელაშვილი, — მე იქნება მომეტებული ზიზლით ვუყურებდე საზოგადოდ ყოველგვარ ბიუროკრატას, ვიდრე გ. თ-მ-ი, მაგრამ საქმე აქ ჩვენს გრძნობაზე კი არ არის,

<sup>59</sup> მიხ. გ უ რ გ ე ნ ი ძ ე, შინაურა მ-მობილვა. „იმედი“, 1881 წ., № 2. გვ. 142.

<sup>60</sup> რასაკვირველია, ხალხოსნებს აქ ეზიზნავთ ამ დროს საქართველოში არსებული სხვა სოციალურ დაჯგუფებებთან შედარებით.

საქმე იმაშია, თუ რამდენად ჩინოვნიკობაა პირველი და უკანასკნელი მიზეზი არეულობისა... რუსეთის ახლანდელი მოძრაობა, — განაგრძობს ის, — თითო რამე წვრილმანით არ აიხსნება: ამ მოძრაობას აქვს თავისი ნიადაგი, სადაც მას გაუღდგამს ფესვები და იკვებება ათასნაირი ნაყოფიერი საზრდოთი. ჩვენ იმას ვკითხულობთ, თუ ვინ ამზადებს ასე უხვად ამ საზრდოს?.. ტოლსტოი დიდი დამნაშავეა ამ საქმეში, მაგრამ ისიც ვიკითხოთ, ტოლსტოვსა ჰქონდა ამოდენა შეძლება, რომ მარტო თვითონ ეკვებნა ეს უშველებელი ვეშაპი — რევოლუცია? შეუძლებელია, რომ ერთმა კაცმა, ისიც სწავლა-განათლების სისტემით, მოახდინოს „სოციალური არეულობა“... უმანკო ანგელოზები რომ ყოფილიყვნენ ჩვენი ჩინოვნიკები, რუსეთი სრულებით დაწყნარებული იქნებოდა? რევოლუციონერები აღარ გაჩნდებოდნენ?.. ჩინოვნიკობასაც ბევრი დანაშაული აქვს ამ მოძრაობაში, იმანაც კაი საზრდო მისცა რევოლუციონერებს... მაგრამ მარტო ჩინოვნიკებს არ შეუძლიათ ამოტელა მოძრაობის აღძვრა, სოციალური არეულობის მარტო თავის ჯიბიდან მოტანა... თუ მართლა არ შეიძლება ამ საგანზე ლაპარაკი, — მკვახედ შენიშნავს სტ. ჰრელაშვილი, — მაშინ რათ ლაპარაკობთ? და თუ შეიძლება კიდევ და ამნაირად არა, ჩემო ბატონო. ეს მართლა ბავშვური ლიტერატურაა, როგორც სამართლიანად გაწყენინათ დ. აბღუშელიშვილი<sup>61</sup>.

მართალია, ჩინოვნიკების უკუღმართი და უსინდისო საქციელი გაკიცხვისა და დაგმობის ერთ მთავარ საგნად და მოვლენად გადაიქცა ხალხოსანი მწერლებისათვის — ნიკო ლომოურის, სოფ. მგალობლიშვილის, შაქროსი და სხვათათვის, მაგრამ ისინი, თითოეული ცალკე და ყველა ერთად კარგად ხედავდა, რომ ჩინოვნიკობა, როგორც ასეთი, არაფერ შუაშია. მათ კარგად ესმოდათ, რომ საერთო ხელსაყრელი მდგომარეობაა საჭირო და მაშინ ჩინოვნიკები თავიანთი მოვალეობის ჰემარატი შემსრულებელნი იქნებიან. „ჩვენ ვხედავთ, — წერს ტატალა, — სხვა სახელმწიფოებს..., სადაც ხალხს ვეღარ უყურებენ მგლის თვალებით, სადაც თითონ ხალხს ნებას არ აძლევენ თავის დაჩაგვრისას, სადაც პოლიტიკა ძალაუვნებურად. ემსახურება ხალხის პირდაპირ მოთხოვნილებათა, სადაც ზრუნავენ მთელი სახელმწიფოს ამალღებას, განათლებას, სადაც ჩინოვნიკები ბატონებათ კი არ მიაჩნიათ, არამედ ხალხის წყნარ მოსამსახურებად ითვლებიან“<sup>62</sup>.

ცხადია და მკაფიო ხალხოსნების მისწრაფება (ყოველ შემთხვევაში სუბიექტურად მაინც) — ცხოვრების მთლიანი გარდაქმნა ახალ საფუძვლებზე. უმთავრესი, რაც მათ ყურადღებას იპყრობს, არის ხალხის

<sup>61</sup> სტ. ჰრელაშვილი, ბიბლიოგრაფია („ივერიის“ IV ნომერი), „იველი“, 1881 წ., № 3—4, გვ. 61—63.

<sup>62</sup> არადელი, პოლიტიკა, „იველი“, 1881 წ., № 7—8, გვ. 162.



ცხოვრების ეკონომიური მოუწესრიგებლობა. ამიტომ მათ პირველ რიგში ხალხის ეკონომიური ცხოვრების გაუმჯობესების პრობლემა აქვთ დასახული. ხალხის მდგომარეობის ეკონომიური უზრუნველყოფა, ხალხოსნების შეხედულებით, ძირითადი საწინდარია ხალხის ბედნიერებისა და ადამიანური ცხოვრების პირობების მოპოვებისა.

პრაქტიკულმა მოღვაწეობამ ისინი მალე დაარწმუნა, რომ სოციალურ-ეკონომიური კეთილდღეობის მოპოვებისათვის ხალხი უნდა შეეცადოს პოლიტიკური თავისუფლების მოპოვებას.

1878 წლიდან ამ მიმართულებით მომხდარი გარდატეხა რუს-ხალხოსნების მსოფლმხედველობასა და პრაქტიკულ მოღვაწეობაში, უდავოდ, ჩვენ ხალხოსნებზეც თავის დიდ გავლენას ახდენს. „ამჟამად, — წერს არადელი, — თითქმის მთელ ევროპაში მცნებათ არის აღიარებული... და ცხოვრებაში განხორციელებული ერთი აუცილებელი პირობათაგანი საზოგადოებრივი ცხოვრების კანონიერი, სამართლიანი და მართებული მიმდინარეობისათვის. ეს პირობა გახლავთ თვით ხალხის, ერის მიერ მონაწილეობის მიღება საზოგადო, სახელმწიფოებრივ საქმეთა მსვლელობაში. ხალხი თუ ერი დას-დასებად, თემებად თუ რგოლებად დაყოფილი, ირჩევს თავის წარმომადგენლებს... ეს წარმომადგენელი ხალხის აზრისა და გრძნობისა, მოთხოვნილებათა და სურვილთა ერთად შეკრებილი, შეადგენენ ერთ უზენაეს სახელმწიფო დაწესებულებას, ხელმწიფობითი აგებულების მთავარ ორგანოს“<sup>63</sup>.

აქ აშკარადაა გამოთქმული რესპუბლიკური მიმართულება ქართველი ხალხოსნებისა: ძალა-უფლება უნდა ხალხის ხელში იყოს; სახელმწიფოსა და ხალხის ცხოვრების სრულუფლებიანი გამგებელი თვით ხალხი უნდა იყოს.

მაგრამ ხალხოსნები მარტო პოლიტიკური თავისუფლებით არ კმაყოფილდებიან. ისინი სოციალიზმისაკენ მიისწრაფვიან და ასეთ შეხედულებას ააშკარაებენ „იმედას“ ფურცლებზე.

ჩვენი ხალხოსნები, რასაკვირველია, აქაც იმავე პოზიციაზე დგანან, როგორზეც რუსი ხალხოსნები, რომელთა შესახებ ლენინი ამბობს, რომ ისინი მხოლოდ სუბიექტურად იყვნენ სოციალისტები. ამ თეორიას (ე. ი. ხალხოსნობას), ამბობს ლენინი, — „სწამდა... ერთი მხრით, თეორიული დამუშავება, დამამტკიცებელი ფაქტები რუსეთის ცხოვრებიდან და, მეორე მხრით, გამოცდილება ისეთი პოლიტიკური პროგრამის გამოყენებაში, რომელიც გლეხის ამ ნაევარუდეგ თვისებებს დაეყრდნობოდა... მაგრამ ამ მასალამ, რაც უმთავრესად მიწათმოქმედების ფორმას შეეხებოდა, სრულიად დაჩრდილა მკვლევარებისათვის სოფლის ეკონომიკა“<sup>64</sup>.

<sup>63</sup> ტ ა ლ ა, პოლიტიკის მაგიერ, „იმედი“, 1881 წ., № 1, გვ. 151.

<sup>64</sup> ვ. ლ ე ნ ი ნ ი, რანი არიან „ხალხის მეკობრეები“, თხზ., ტ. I, გვ. 323—324.

ზოგიერთ შემთხვევაში ქართველი ხალხოსნები ცდილობდნენ უფრო თვალღიათ შეეხედათ ამ მოვლენისათვის, მაგრამ ესენიც სოციალისტები იყვნენ მხოლოდ სუბიექტური განწყობილებით.

„ბურჟუამ თავისუფლების ძალით, — წერს ნიკო ხიზანიშვილი, — ტყავი გააძრო მუშა ხალხს. თუ რა შეუძლიან მარტო პოლიტიკურ თავისუფლებას, სჩანს იმ ფაქტიდან, რომ დიდი რევოლუციის შემდეგ ბურჟუა სულ ლიბერალობს, სულ თავისუფლებას დაჟღერებს, სულ ეწინააღმდეგება სახელმწიფო მზრუნველობას და არა მარტო პოლიტიკურ სფეროში, არამედ ეკონომიურშიც... ნაყოფი ამ დაჟღერებისა იშვიათ, მას ყველა ჰხედავს, იგი ბევრს მოსვენებას არ აძლევს, მისი მრავალთ ეშინიანთ. ეს ნაყოფი არის ბურჟუას უკანონო შვლი, რომელიც ითხოვს უფლებასა და რომელიც ქვეყანაზედ გააჩინა მუდამ ჟამს თავისუფლების ღაღადებამ და ამ თავისუფლების ძალით მეტად თავისუფლად დაბალი ხალხის ყვლეფამ, გლეჯამ. ამ ნორჩ არსებას ჰქვიან სახელად სოციალიზმი“<sup>65</sup>.

ვინ უნდა იყოს, ხალხოსნების რწმენითა და განჰკვრეტით, ამ მომავლის, ხალხის ბედნიერების — სოციალიზმის დამყარების ბურჯად? ვინ უნდა შეძლოს გაკვლევა უმადური ცხოვრების ნარ-ეკლიანი გზისა? ვინ უნდა შეიყვანოს ხალხი აღთქმის ქვეყანაში? ვისი შემწეობით უნდა მოხდეს სოციალიზმის განხორციელება? ვის გამოიყვანს სამოქმედო ასპარეზზე მომავალი?

აი საკითხები, რომლებიც ამ დროს არა მარტო ქართველ საზოგადოებას, არამედ მთელ კაცობრიობას გადასაწყვეტად წინ ედგა.

ჩვენი ხალხოსნები ამ საკითხებს წყვეტდნენ ისე, როგორც რუსი ხალხოსნები. „მაინც უნდა ითქვას, — წერს ნიკო ხიზანიშვილი, — რომ ჩვენში მომავალი გლეხკაცობას განავითარებს. დაბალი წოდება უნდა შეიქმნას კეთილ ცხოვრების ბურჯად. ამას გრძნობს ყველა, ამას დაჟღერებს თვით ჩვენი მწერლობაც“. და არა მარტო გლეხკაცი უნდა შეიქმნეს მომავლის ბურჯად, არამედ თვით გლეხკაცის ცხოვრება და მისი წყობილება უნდა დაედევას საფუძვლად მომავლის შენებას. „საჭიროა, — განაგრძობს ნიკო ხიზანიშვილი, — ჩვენი გლეხკაცობის წარსული უფლებრივი მდგომარეობის შესწავლა, საჭიროა მით უფრო, რომ მხოლოდ ამ შესწავლის შემდეგ შევიტყობთ, თუ რა გზას უნდა დაადგეს ჩვენი მწერლობა, რა მიმართულება უნდა მიეცეს ჩვენ შეერთებულ ღვაწლს“<sup>66</sup>.

<sup>65</sup> ნიკო ხიზანიშვილი, საუბრეველი სახალხო განათლებისა, „იმედი“, 1881 წ., № 9. 10. ვვ. 35.

<sup>66</sup> მისივე უფლება და კანონი ძველ საქართველოში, „იმედი“, 1882 წ., № 11—12, გვ. 25.

უნდა აღინიშნოს, რომ ხალხოსნები 80-იანი წლების დასაწყისიდანვე არა მარტო გლეხის მდგომარეობითა და მისი გაუმჯობესებით არიან დაინტერესებულნი, არამედ აგრეთვე მუშის მდგომარეობითაც. მუშებთან მჭიდრო კავშირის დაპყრობას ცდილობენ (მაგ., შაქრო. იხ. ქვევით). უნდა ითქვას, რომ მუშა და ხელოსანი მათ ხშირად გაიგივებული ჰყავთ. მუშის ისტორიულ როლს ვერ ითვალისწინებენ. ცნობილია, რომ ამ დროს ხალხოსნები ცდილობდნენ ურთიერთობა ხელოსნებთანაც დაემყარებინათ.

1883 წ. უკრნალ „იმედის“ იანვრის ნომერში რედაქცია მკითხველთა საყურადღებოდ აცხადებს: „თებერვლის წიგნიდან „იმედში“ დაიწყება ბეჭდვა ვრცელი სტატიისა — „მუშა ხალხი საქართველოში“. ეს სტატია მნიშვნელობას არ არის მოკლებული, რადგანაც ჯერ-ჯერობით ჩვენს მწერლობაში შესახებ მუშა ხალხისა თითქმის არაფერი არ არის ნათქვამი“.

ასეთი წინასწარი განცხადება იმის მაჩვენებელია, რომ „იმედი“ ამ ახალ საკითხს — მუშის მდგომარეობას უტრიალებს და მის მოწესრიგებას დიდ მნიშვნელობას აძლევს.

აღნიშნული წერილის ავტორი — ი. ა-ძე მწუხარებას გამოთქვამს, რომ „საქართველოს ისტორიულ წერილებში არ მოიპოვება არც ერთი ცნობა იმის შესახებ, თუ როგორ ვრცელდებოდა ჩვენში ხელოსნობა, ანუ მუშა ხალხი როდის რა გვარ მდგომარეობაში იყო?“ მას სურს ეს ნაკლი შეავსოს. მკითხველს მიუთითებს, რომ ევროპაში ამ მოვლენას დიდ ყურადღებას აქცევენ და ცდილობენ გაჭირვებულ მოძმეთა — მუშათა ცხოვრება გააუმჯობესონ. „ჩვენში კი — წერს ის, — სადაც მუშა ხალხის სიღარიბე, სამწუხაროდ დღე-დღეობით მატულობს, ყურს არვიან ათხოვებს. თითქოს არვის შეეხებოდეს... თუ დავაკვირდებით და გავიცნობთ, ჩვენშიაც შევნიშნავთ იმგვარ სურათს, რომელნიც ევროპაში ფრიად ხშირნი არიან, ჩვენსაც დღე-დღეობით თითო-ოროლა ოჯახებს იმსხვერპლებს ხოლმე სიღარიბე“<sup>67</sup>.

ავტორი აღნიშნავს, რომ მუშის უგულვებელყოფა მწერლობის ერთ-ერთი დიდი ნაკლია. ის ერთგვარი გულისწყრომით აცხადებს „თითქოს ამ კითხვებს კი კავშირი არა ჰქონდეთ ეროვნების აღორძინებაში“<sup>68</sup>.

ი. ა-ძეს, როგორც თითქმის ყველა ხელობაში გამოცდილს, როგორც თვითონვე წერს, შეუძლია მკითხველს მიაწოდოს ცნობები მუშის შესახებ. ავტორი აღნიშნავს, რომ „ამ ბოლო დროს საქართველოს ყველა ქალაქებში, განსაკუთრებით ქ. თბილისში, ერთობ გამრავლდა ხელოსანი მუშა ხალხი“, რომელთა მუშაობის პირობები ერთობ მძი-

<sup>67</sup> ი. ა-ძე, მუშა ხალხი საქართველოში, „იმედი“, 1883 წ., № 2, გვ. 35.

<sup>68</sup> ი. ა-ძე, გვ. 37.

მეა. ხშირად, — გადმოგვცემს ავტორი, — როდესაც კი მათთან მივსულვარ და მისაუბრია, შემოუჩივლიათ თავიანთ ავადმყოფობაზედ და ათასნაირ სხვადასხვა სატყვიერებზე. განსაკუთრებით მცირეწლოვან შავირდებს და სუსტის აგებულობისას ზომ მეტის, განუზომელის შრომისაგან გული უტრუედებათ, ხშირად ხელობასაც სტოვებენ და მით ვერ სარგებლობენ“. სამწუხაროდ, ი. ა-ძის წერილი დაუმთავრებელია. მაგრამ, ცხადია, ავტორს სურვილი აქვს წერილი ხელოსნების შევიწროებული მდგომარეობა აგვიწეროს, ხაზი გაუსვას მათი მოღვაწეობის მნიშვნელობას და მათზე ზრუნვის აუცილებლობას.

უნდა ხაზგასმით აღინიშნოს, რომ ავტორი ვერ ხედავს მუშის ნამდვილ სახეს და მის ისტორიულ როლს. და ეს დამახასიათებელია არა მარტო ავტორისათვის, არამედ, როგორც ზევითაც აღვნიშნეთ, საერთოდ ხალხოსნებისათვის.

მუშის შესახებ ამგვარ შეხედულებას ამ დროს, რა თქმა უნდა, სხვა ხალხოსნებიც აყენებენ, მაგრამ ძირითადად მათი საზრუნავი მაინც გლეხი რჩებოდა. თითქოს გვერდს უხვევდნენ სოციალურ ცხოვრებაში მომხდარ ცვლილებას, რომელიც ურყევი ფაქტი იყო, ქვეყნის კაპიტალიზაციით გამოწვეული. ამაში იყო ხალხოსნების მსოფლმხედველობის სისუსტე და მისი დარღვევის მიზეზი. მიუხედავად იმისა, რომ ხალხოსნები გულწრფელნი იყვნენ თავიანთ ზრახვებში და მოღვაწეობაში ხალხის საკეთილდღეოდ, რამდენადაც ისინი ცალმხრივი იყვნენ — ეყრდნობოდნენ გლეხობას, ვერ ითვალისწინებდნენ მუშის ისტორიულ როლს და კაპიტალიზმის განვითარების მნიშვნელობას — „აფერხებდნენ მუშათა კლასისა და გლეხობის რევოლუციური ინიციატივისა და აქტივობის განვითარებას. ნაროდნიკები ხელს უშლიდნენ მუშათა კლასს შეეგნო თავისი ხელმძღვანელი როლი რევოლუციაში და აფერხებდნენ მუშათა კლასის დამოუკიდებელი პარტიის შექმნას“<sup>69</sup>.

გლეხკაცის ცხოვრების შეფასებაში „იმედის“ თანამშრომელი არ იზიარებდნენ „დროება“ — „ივერიის“ მიერ ჩვენი ხალხის წარსული ცხოვრების განდიდებას, გაიდევალებას, ერთგვარი ქება-დიდებას შესწმას. ასეთი გზა „იმედს“ ისტორიის დამახინჯებად მიაჩნია. მისი სამართლიანი შეხედულებით, ეს არც საჭიროა და არც სარგებლობა მოაქვს მას. „ჩვენ, — აცხადებს ნიკო ხიზანაშვილი, — ვიწყებთ მით, რომ ვამბობთ: ჩვენი გლეხი იურიდიულად იყო ყოველ მხრივ დაჩაგრული არსება“<sup>70</sup>.

გლეხი, რომელიც, ხალხოსნების შეხედულებით, მომავლის ბუ-

<sup>69</sup> საკ. კომ. 3. (ბ) ისტორია, 1948 წ., ვვ. 15.

<sup>70</sup> ნ. ხ ა ნ ა შ ვ ი ლ ი, უხვდება და კანონი ქველ საქართველოში, „იმედი“, 1882 წ., № 11, 12.

რჩად უნდა შეიქმნას, ყოველთვის დაჩაგრული იყო. ახლაც, ბატონ-ყმობის გადავარდნის შემდეგაც, დაჩაგრული დარჩა. მართალია, ამ აქტის შემდეგ თითქოს, მან პირადი (პიროვნული) თავისუფლება მოიპოვა, თითქოს ის ადამიანად იქნა აღიარებული და ცნობილი, მაგრამ უფლებას ხომ მოპოვება, შენახვა და დაცვა უნდა. ამას კი ეკონომიურად გამაგრებული წელი ესაჭიროება, რაც გლახს ყოველთვის და ყველგან აქლდა. ამიტომ მონობის უღელი კვლავინდებურად მძიმედ ედგა მას კისერზე.

სოფ. მგალობლიშვილი ასე გვიხატავს გლახკაცის მდგომარეობას ბატონყმობის გადავარდნის შემდეგ: „რაც დღე გადიოდა, სოფელი უკან-უკან მიდიოდა, ლარიბ-ლატაკდებოდა; ვისიც ოჯახში ხალხი მრავალი იყო, იმას კიდევ არა უშავდა რა; ვინც მარტახელი იყო, მისი საქმე მთლად დაღუპული იყო; სული გაუნთავისუფლდა ხალხს, ხორცი კი ბატონს დარჩა; სულის ძალა ჯანის სინამდვილეზეა დამყარებული, თუ ხორცი უძღურია, სულიც უძალოა, მაგრამ ბოლოს და ბოლოს ხალხის სულიც ბრჭყალებში ჩაიჭირეს და მისი სულის თავისუფლება გალიაში ჩამწყვდეულ ბულბულის ყოფაში ჩავარდა, ყოველ მხრივ შეეზღუდა თავისუფლება; საითაც კი გაიწევედა, მაგარ კედელს აწყვდებოდა, როგორც გალიაში ჩიტი — ბულბული“<sup>71</sup>.

ამ დაჩაგრული არსების ვინაობისა და მისწრაფებათა გამოსამყლავნებლად, მისი ინტერესების დასაცავად სამოქმედო ასპარეზზე გამოვიდნენ ჩვენი ხალხოსნები — „რაზნოჩინეები“. აქი ისინი თავიანთი ორგანოს „იმედის“ პირველი ნომრის პირველივე წერილით გვაცნობენ თავიანთ სულიერ განწყობილებას: „ის კაცი (ე. ი. ტეტიაშვილი — ხალხის შვილი — მ. ზ.), — წერს მიხ. ასათიანი, — მართლა ბედისაგან ძლიერ დატანჯული ვინმეა და თუ მართლა მოახერხა როგორმე და ჩამოვიდა აქა, ბევრს ყურადღების ღირსს და თავზარის დამცემს ამბავს გვიამბობთ“<sup>72</sup>.

აქი გიორგი ჭრელაშვილი, „იმედის“ ერთ-ერთი თანამშრომელი, ამ ხალხის სახელით აღფრთოვანებით მიმართავს „იმედის“ ჯგუფს:

ყველა მოგვლვარძლა უსამართლობამ...  
მხსნელად ვამოჩნდი... მაშ აპა ხელი  
შელავათს, მშიაბას, პატროსნებას  
ეხლა კი მტკიცედ შენგან მოველი.  
წინასწარ მთქმელად, გინდ იყო ერთი,  
ნუ შეშინდები — ახსენე ლმერთი!

ბევრი ისურვებს შენსა დაჩაგრას...  
მაგრამ დაუხვდი, — ვერ დაგ'ლევს ავა,

<sup>71</sup> სოფ. მგალობლიშვილი, ჟორ-ზაქარა, თხზ. ტ. II, 1926 წ., გვ. 155.

<sup>72</sup> მიხ. ასათიანი, შიკრიკია, „იმედი“, 1881 წ., № 1, გვ. 7.

იყავ ტანჯულთა მომხრე, ერთგული,  
სიმართლეს დაბლა დაუკარ თავი!  
წინასწარ...

ხალხს ჩააგონე სიტყვა მართალი,  
მაღალ აზრს მიეც გზა რიგიანი,—  
გულში ჰქარ მტერსა მწვეტი ისარო  
და იყავ მულამ პატრონანი!  
წინასწარ...<sup>73</sup>

ამგვარი განწყობილებით გამოდის „იმედის“ მთელი ჯგუფი, ხალხის წიალიდან გამოსული მოღვაწეთა გუნდი, ხალხის ცხოვრების კარგი მცოდნე და, მართლაც, გამოაქვს საზოგადოებაში ბევრი ყურადღების ღირსი და თავზარდამცემი ამბავი ტანჯული ხალხის ცხოვრებისა. სწორედ ამ ჯგუფმა დაისახა მიზნად საზოგადოებისათვის გაეცნო ამ ხალხის მძიმე მდგომარეობა: მისი კულტურულად დაქვეითება, მისი ეკონომიური უილაჯობა, მისი სულიერი ტკივილები — თუ რა ღუპავს და რა ნთქავს მას, რა ანადგურებს მის სიცოცხლეს. ამასთან ერთად ეს ჯგუფი შეეცადა ეჩვენებინა ხალხის ბუნებისა და ცხოვრების დადებითი მხარეებიც, რომელთაც შეუნახეს და არ მოუსპეს მას (ხალხს) ცხოველმყოფელი ძალა. შეეცადა ხალხის ცხოვრებისაგან ხშირად შევიწროებულ და გატეხილ გულში ღრმად ჩაეხედა და ამოეკითხა მისი მისწრაფებანი.

უნდა ითქვას, რომ ჩვენი ხალხოსნები, მიუხედავად მათი ორმაგი ბუნებისა — რეაქციონურ-პროგრესულისა, გატაცებით წავიდნენ აღებული გზით და მტკიცედ შეებრძოლნენ დაბრკოლებებს არჩეულ ნარეკლიან გზაზე.

ჩვენი ხალხოსნების მოღვაწეობა მხატვრულ ლიტერატურაში ძირითადადში ერთი მთავარი კულტურტრეგერული მოღვაწეობის გზით გაიშალა (ყურნალ „იმედის“ თანამშრომელთა უმრავლესობაც კულტურტრეგერული მიმართულებით განვითარდა, ამიტომ ყურნალ „იმედს“ ამ მიმართულების გარკვეული ბეჭედი აზის). მართალია, ქართულ მხატვრულ ლიტერატურაში ხალხოსან მწერალთა შორის გვხვდებიან რევოლუციური მიმართულების გამომხატველნიც — მაგ., სოფ. მგალობლიშვილი, მაგრამ არც ეს არის ტიპიური რევოლუციონერი ხალხოსანი (მისი შემოქმედების პირველი პერიოდი უხვადაა მატარებელი კულტურტრეგერული ელემენტებისა). ჩვენი ხალხოსანი მწერლობისათვის: მიხ. ასათიანის, ნიკო ლომოურის, შაქროს (ზაქარია გულისაშვილის), ანტ. ფურცველადის და სხვათათვის ძირითადი კულტურტრე-

<sup>73</sup> გიორგი ქ რ ე ლ ა შ ვ ი ლ ი, ლექსი, „იმედი“, 1881, წ., № 2.

გერული მიმართულებაა, თუმცა მათთვის უცხო არ იყო რევოლუციური მოტივებიც.

უნდა აღინიშნოს, რომ რუსეთშიც კი ხალხოსანი მწერლების უმეტეს ნაწილში (შეიძლება ითქვას, ჩვენში თითქმის ყველაში) ორივე ეს მიმართულება ერთმანეთში მჭიდროდ იკვანძებოდა. უმეტესი მათგანისათვის გზა კულტურტრეგერული მოღვაწეობისა ეკონომიურად და კულტურულად დაცემული და დაქინებული ხალხის ცხოვრების გაუმჯობესებისათვის მთავარი და უფრო დამახასიათებელი შეიქმნა. მათი მიზანი იყო ხალხის ცხოვრებასთან ახლო მისვლა, შესწავლა და აღნიშვნა-ასახვა მისი ცხოვრების იმ თვისებათა და მოვლენათა, რომელნიც გაუძაძლარ წურბელასავით მოჰკიდებიან ხალხის ორგანიზმს და უსპობენ მას გაჯანსაღების საშუალებას. ეს „ხალხის მოკეთებები“ აგრეთვე ცდილობდნენ გამოეძებნათ და დაენახებინათ ის საშუალებანი, რომელნიც საჭირონი იყვნენ მისი ცხოვრების გამოფხიზლებისათვის, ამოქმედებისათვის, გადახალისებისათვის.

აკი ამ მიზნით გატაცებული ჩვენი ხალხოსნების ჯერ მცირე, შემდეგ კი კარგა მოზრდილი ჯგუფი 70—80 წლების უღელტეხილზე გადის ხალხში, როგორც თავისი პრაქტიკული მოღვაწეობით, ისე თავისი ლიტერატურული შემოქმედებით, ყველასათვის და უპირველესად მშრომელ გლეხთათვის ახალი ადამიანური ცხოვრების მქადაგებლად.

ხალხოსანთა ტიპიურ სულისკვეთებას, მისწრაფებას, და მათ გამომწვევ მიზეზებს ნიკო ლომოური მშვენივრად გვიხატავს თავის მოთხრობაში „გიგო ღრუბელაშვილი“.

გიგო ღრუბელაშვილი ტიპია გატაცებული ხალხოსნისა, რომლის ფიქრი და გონება ხალხის ბედს გადაჰკვანძოდა და მის ჭირისუფლად შექმნილა. „მას წარმოუდგა, — გადმოგვცემს ღრუბელაშვილის სულისკვეთებას ავტორი, — საცოდავი ქოხმანები, რომლებშიაც მცხოვრებნი ამ სოფლებისა წვითა და დაგვიტ ათრევდნენ თავიანთი სიცოცხლის მწარე დღეებსა. ის ცხადად ხედავდა გლეხკაცის განუზომელ სიღარიბეს, მის დავრდომილებას, მისი აზრისა, გრძნობისა და გონების დაუძღურებას. ხედავდა მის გამუდმებულ მძიმე ჯაფასა, რომლისაგან იგი ჯანითა და აგებულებით სუსტდებოდა, წრიოკდებოდა და გადაშენების საზარელ უფსკარულს უახლოვდებოდა. შემდეგ მას გადაეშალა წინ საზიზღარი სურათი იმ ავაზაკთა კრებისა, რომელნიც მთელი თავიანთი მეცადინეობით ხელს უწყობენ მუშა კაცის უბედურებასა, მის დაჩაგვრას და მიწასთან გასწორებასა. ბოლოს მას წარმოუდგა ის შავბნელი გარემოებანი, რომელთაც დაბადეს ქვეყნად, ერთის მხრივ, ეხლანდელი მშვიერ-მწყურვალი გლეხკაცი, ხოლო, მეორეს მხრივ, მისი ოფლისა და სისხლის მსმელი, მისი მჭამელა ორფეხა ნადირი...“

„არა, არა — დაიძახა გიგომ ხმამაღლა, — საქმე ძლიერ ცუდათ მი-

დის. ასე რომ გაგრძელდეს კიდევ ოციოდე წელიწადს, ხალხი სრულ-ლიად დაეცემა, სასოებას დაჰკარგავს; სიღარიბე და უსამართლობა სა-მუდამოთ ბოლოს მოუღებენ მას. დაე, რაც მოსახდენია მოხდეს. მე უნდა მოვეშველო ხალხსა, ძმურად გვერდში ამოვუდგე და მის ფეხზე წამოყენებას შევწირო მთელი ჩემი სიცოცხლე!<sup>74</sup>

ამ ნაწყვეტში და მთლიანად ხსენებულ ნაწარმოებში ნიკო ლომო-ური მეტად მკვეთრად იძლევა არა მარტო ჩვენი ხალხოსნური მიმარ-თულების გამომწვევ მიზეზს, მის მიზანსა და სამოქმედო გეგმასა, არა-მედ საერთოდ ხალხოსნებისასაც. ხალხოსანთა ამ დეკლარაციას თავი-სუფლად ხელს მოაწერდნენ არა მარტო ქართველი, არამედ რუსი ხა-ლხოსნებიც.

აი ასეთი მიზნისა და გეგმის განხორციელებისათვის ხალხოსნებმა გამოიყენეს „ხალხში სიარულიც“, ჟურნალიც და მხატვრული შემოქ-მედებაც, განსაკუთრებით 70—80-იან წლებში.

1883 წლიდან რუსეთში და მასთან დაკავშირებით საქართველოშიც თანდათან იწყება ხალხოსნური იდეოლოგიისა და ორგანიზაციების დე-კადანსი. ეს დაკავშირებულია ალექსანდრე III მეფობაში გაძლიერე-ბულ რეაქციასთან. მაგრამ ხალხოსანთა მიმართულების დეკადანსი ძირითადში გამოწვეულია კაპიტალიზმის სწრაფი განვითარებით. კა-პიტალიზმის განვითარების ნიადაგზე გართულებულ სოციალურ-ეკო-ნომიურ ცხოვრებას ხალხოსნებმა სათანადოდ ვეღარ აართვეს ალღო.

80-იანი წლებიდან რუსეთში (90-იანი წლების დასაწყისიდან საქარ-თველოში) განვითარდა ახალი იდეოლოგია (მარქსიზმი), რომელმაც კა-პიტალისტური განვითარების საფუძველზე შექმნილი სოციალურ-ეკონომიური ცხოვრების ბუნების სწორი გაგება შეძლო და თავისი მსოფლმხედველობის შესაფერი სამოქმედო პროგრამის გამომუშა-ვებას შეუდგა.

ხალხოსნური მიმართულება და ორგანიზაციები როგორც რუსეთში, ისე საქართველოში იძულებული შეიქმნა თანდათან მარქსისტული მიმართულებისა და ორგანიზაციებისათვის დაეთმო საბოლოო ასპა-რეზი. მარქსიზმისა და ახალი რევოლუციური სოციალ-დემოკრატიული მოძრაობის განვითარებას აბრკოლებდა ხალხოსნების მოქმედება, რომელიც ამ დროს გაგრძელებული იყო გლეხობასა და რევოლუციურად განწყობილ ინტელიგენციაში. მარქსიზმი რუსეთში შეიძლება განმტკი-ცებულიყო ხალხოსნურ მიმართულებასთან ბრძოლის გზით.

80-იანი წლების დასაწყისშივე გ. პლუხანოვმა დააარსა მარქსისტული ჯგუფი „შრომის განათვისუფლებისა“ და პირველმა დაიწყო ხა-ლხოსნების მცდარი შეხედულებებისა და მოქმედების გზის მხილება,

<sup>74</sup> ნიკო ლომოური, გიგო ღრუბელაშვილი, 1925 წ., გვ. 136—139.



რაც საბოლოოდ დაამთავრა ვლ. ლენინმა. მათ თავიანთ მთელ რიგ შრომებში ამხილეს, რომ ხალხოსნები ვერ ითვალისწინებენ რუსეთის მტკიცედ დადგომას კაპიტალიზმის გზაზე და რომ არაერთარ ძალას არ ძალუძს ის ამ გზას ააცდინოს. ხალხოსნები განაგრძობდნენ მტკიცებას, რომ კაპიტალიზმი რუსეთში შემთხვევითი მოვლენაა, რომ ის რუსეთში ვერ განვითარდება და პროლეტარიატიც ვერ გაიზრდება. გამომდინარეობენ რა ამ მოსაზრებიდან, ხალხოსნები მთავარ წამყვან რევოლუციურ ძალად თვლიდნენ გლეხობას, ინტელიგენციის ხელმძღვანელობით, და გლეხურ თემს, რომელშიც ისინი ხედავდნენ სოციალიზმის ჩანასახს და არა მუშათა კლასს, პროლეტარიატს, რომლის გარეშეც ისინი ლამობდნენ სოციალიზმის მიღწევას.

ვლ. ლენინი და გ. პლехანოვი, იღებდნენ რა მხედველობაში რუსეთის სინამდვილეს, მასში კაპიტალიზმის ძლევამოსილებით განვითარებას, ამტკიცებდნენ: რევოლუციონერები იმას კი არ უნდა ცდილობდნენ, რომ შეაჩერონ რუსეთში კაპიტალიზმის განვითარება, არამედ უნდა მიიღონ კაპიტალიზმი, როგორც შესრულებული ფაქტი და გარკვეულად დაეყრდნონ იმ მძლავრ რევოლუციურ ძალას, რომელსაც წარმოშობს კაპიტალიზმის განვითარება, — მუშათა კლასს — პროლეტარიატს; ხელი შეუწყონ მასში კლასობრივი შეგნების გაღვივებას, მის დარაზმვას და დაეხმარონ მას შექმნას თავისი პარტია.

ამ ბრძოლაში, როგორც „საკავშირო კომუნისტური პარტიის (ბოლშევიკების) ისტორიის“ მოკლე კურსი გვასწავლის, მარქსისტები ემყარებოდნენ შემდეგ სწორ მოსაზრებებს: „...პროლეტარიატი, როგორც კლასი, წლითიწლობით იზრდება, პოლიტიკურად ვითარდება, მსხვილ წარმოებებში შრომის პირობების გამო ადვილად შეიძლება ორგანიზებულ იქნას და ყველაზე რევოლუციურია თავისი პროლეტარული მდგომარეობის გამო, ვინაიდან რევოლუციაში იგი არაფერს დაჰკარგავს, გარდა თავისი ბოროტებისა.“

სულ სხვაა გლეხობის საქმე.

გლეხობა, „...მიუხედავად მისი მრავალრიცხოვნებისა, წარმოადგენს ისეთ მშრომელ კლასს, რომელიც დაკავშირებულია მეურნეობის ყველაზე ჩამორჩენილ ფორმასთან, — წვრილ წარმოებასთან, რის გამო მას არა აქვს და არც შეიძლება ჰქონდეს დიდი მომავალი.

გლეხობა არა თუ არ იზრდება, როგორც კლასი, არამედ, პირიქით, წლითიწლობით იყოფა ბურჟუაზიად (კულაკები) და დარიბებად (პროლეტარები, ნახევრად პროლეტარები), ამასთან იგი უფრო ძნელი დასარაზმავია თავისი დაქსაქსულობის გამო და უფრო ნაკლები ხალისით,

ვიდრე პროლეტარიატი, ებმება რევოლუციურ მოძრაობაში თავისი წვრილმესაკუთრული მდგომარეობის გამო...“<sup>75</sup>

ამასთან ერთად, დიალექტიკური მატერიალიზმის თანახმად, მარქსისტები ხალხოსნებს უმტკიცებდნენ, რომ მათ ისტორიაზე არა აქვთ სწორი წარმოდგენა, რომ ისინი იდეალისტები არიან, რომ „საზოგადოების განვითარებას საბოლოო ანგარიშით განსაზღვრავს არა გამოჩენილ პიროვნებათა სურვილები და იდეები, არამედ საზოგადოების არსებობის მატერიალურ პირობათა განვითარება, იმ მატერიალური დოვლათის წარმატების საშუალებათა ცვლილებები, რაც აუცილებელია საზოგადოების არსებობისათვის... იდეები კი არ განსაზღვრავენ ადამიანთა საზოგადოებრივ-ეკონომიურ მდგომარეობას, არამედ ადამიანთა საზოგადოებრივ-ეკონომიური მდგომარეობა განსაზღვრავს მათ იდეებს. გამოჩენილი პიროვნებები შეიძლება იქცნენ არარაობად, თუ მათი იდეები და სურვილები ეწინააღმდეგება საზოგადოებრივ-ეკონომიურ განვითარებას, ეწინააღმდეგება მოწინავე კლასის მოთხოვნილებებს, და პირიქით, — გამოჩენილი ადამიანები შეიძლება გახდნენ მართლა გამოჩენილ პიროვნებად, თუ მათი იდეები და სურვილები სწორედ გამობატავენ საზოგადოების ეკონომიური განვითარების მოთხოვნილებებს, მოწინავე კლასის მოთხოვნილებებს.

ნაროდნიკების მტკიცებას იმის შესახებ, რომ მასა ბრბოა, რომ მხოლოდ გმირები ქმნიან ისტორიას და ბრბოს აქცევენ ხალხად, მარქსისტები უბასუხებდნენ: „გმირები კი არა ჰქმნიან ისტორიას, არამედ, ისტორია ჰქმნის გმირებს; მაშასადამე, — გმირები კი არ ჰქმნიან ხალხს, არამედ ხალხი ჰქმნის გმირებს და ხალხს მიჰყავს წინ ისტორია“<sup>76</sup>.

ასეთი მარცხიანი კატეგორიის გმირებად მარქსისტები თვლიდნენ (და სინამდვილეშიც ასე აღმოჩნდა) ხალხოსნებს. ამიტომაც 80-იანი წლებიდან იწყო ხალხოსნურმა მიმართულებამ სწრაფი რღვევა, რაც ქართველი ხალხოსნებისათვისაც დამახასიათებელი და აუცილებელი შეიქმნა.

90-იანი წლებისათვის ხალხოსნური მიმართულება საქართველოში საბოლოოდ დაიშალა: ხალხოსნების ერთი ნაწილი (უმეტესი) წავიდა „ივერია“ — „მოამბის“ ჯგუფისაკენ, ნაწილიც „კვალში“ მომუშავე ახალ — „მესამე დასთან“ — ლეგალურ მარქსიზმთან მივიდა.

<sup>75</sup> საკავშირო კომუნისტური პარტიის (ბოლშევიკების) ისტორია, მოკლე კურსი, 1948 წ., გვ. 18.

<sup>76</sup> იქვე, გვ. 19—20.

## ხალხოსნების მხატვრული შემოქმედება

ხალხოსნების მოღვაწეობა, როგორც ორგანიზებული მიმართულების გამოხატულება, სისრულითა და სიმახვილით გაიშალა ალექსანდრე II მეფობაში რეაქციის გაძლიერების დროიდან (1866 წ. კარაკოზოვის გასროლის შემდეგ). აქედან რუსეთის საზოგადოებრივი ცხოვრება და აზროვნება უფრო გამახვილებული წინააღმდეგობით განვითარდა: თანდათან საგრძნობი და თვალსაჩინო სისწრაფით ძლიერდება, როგორც მთავრობის მხრით რეაქცია, თეთრი ტერორი, აგრეთვე მოწინავე საზოგადოების რევოლუციური მოძრაობა, ტერორი, რომელსაც ხალხოსნები 70-იან წლებში აწარმოებდნენ.

საშინელი რეაქციის პერიოდში ხალხოსნებმა თავისი მიზნების განსახორციელებლად საჭირო და სასარგებლო იარაღად მიიჩნიეს მწერლობა და, კერძოდ, მხატვრული შემოქმედება.

ჩვენი ხალხოსნები მწერლობის მნიშვნელობისა და დანიშნულების გაგებაში პირმო შვილები არიან რუსეთის 60—70-იანი წლების საზოგადოებრივი აზროვნებისა. ისინი ადამიანის მოღვაწეობას, მეცნიერებას, ხელოვნებას და, კერძოდ, ლიტერატურას უტილიტარულ მიზნებს უსახავენ. ლიტერატურა, ხალხოსნების შეხედულებით, იარაღია, რომლითაც ისინი უნდა ებრძოდნენ ძველ, დრომოჭმული ცხოვრების პირობებს, ახალი ცხოვრების ყველა შემაფერხებელ მოვლენას. ხალხოსნების შეხედულებით, ლიტერატურა მათ უნდა დაეხმაროს ახალი ცხოვრების გზის გაკვალვაში. „ეძიეთ ახალი იდეალები კაცობრიობის ბრძოლაში თავისუფლებისათვის... აი აქ უნდა იყოს ახლანდელი ხელმძღვანელი აზრი ხელოვნებისათვის“ — ამბობს ა. გერცენი. და თითქოს ის ერთგვარ ბიძგს აძლევს იმ შეხედულებას, რომელიც 60-იანი წლებიდან საფუძვლად დაედო რუსეთის საზოგადოების მოწინავე ნაწილის აზროვნებას. სწორედ ამ მისწრაფებათა საფუძველზე, რასაკვირველია, უფრო რადიკალურზე, გაიშალა ნ. ჩერნიშევსკის თეორიული შეხედულებანი ხელოვნებაზე („Эстетические отнесения искусства к действительности“). ამ საფუძველზე 60-იანი წლების საუკეთესო მოღვაწეებმა: ნ. დობროლიუბოვმა, დ. პისარევმა, ნ. ნეკრასოვმა, ს.

ტიკოვ-შჩედრინმა და სხვებმა განავითარეს თავისი შინაარსიანი და იდეური მოღვაწეობა.

მწერლის მოღვაწეობას ნ. ნეკრასოვი, ლიტერატურაში ხალხოსნური მიმართულების ერთ-ერთი საუკეთესო გამომხატველი, ასე განმარტავს:

Служи не славе, не искусству,  
Для блага ближнего живи,  
Свой гений подчинишь чувству  
Всеобщимаякою любви.

როგორც დავინახეთ (იხ. ჩვენი „ახალი ქართული ლიტერატურა“, ტ. II), უტილიტარული შეხედულება პოეტურ შემოქმედებაზე ქართულ ლიტერატურაში პირველად თერგდალეულებმა შემოიტანეს. თერგდალეულნიც შეეცადნენ თავიანთი პოეტური ნიჭი გამოეყენებინათ მოძმის საკეთილდღეოდ, რომ მათ ჩონგურს ორხმოვნად ექლერა: მათ ჩონგური მისთვის უნდათ, „რომ დაჩაგრულს მის სიმღერით თვალს ცრემლები ეშრობოდეს, და მჩაგვრელს კი გულში ძგერით ისარივით ესობოდეს“<sup>1</sup>.

რასაკვირველია, მხედველობიდან არ უნდა გამოგვრჩეს ის გარემოება, რომ იდეოლოგიურად ჩვენ თერგდალეულებსა და 60-იანი წლების რუს მოღვაწეთა (ჩერნიშევსკის, დობროლიუბოვსა და მათთანებს) შორის მსგავსებასთან ერთად არის ძირითადი განსხვავებაც.

უტილიტარული შეხედულება თერგდალეულ მწერალთა შემოქმედებაში თავისი ძალით, შემბორკავი ხასიათითა და შედეგებით ისეთი თვალსაჩინო არ იყო, როგორც ხალხოსან მწერალთა მოღვაწეობაში. ეს ასეც უნდა ყოფილიყო. ეს მოვლენა შეიძლება აიხსნებოდეს შემდეგი გარემოებით: 1) თერგდალეული მწერლები წარმოშობით დარღვეული თავადაზნაურობის კლასებიდან გამოდიან. ეს ჯგუფი ამ კლასის რღვევის პროცესში შინადაჯგუფების ერთ-ერთი სახეა, რომელიც ძველის დამცველ კონსერვატორულ ნაწილს თუმცა ეწინააღმდეგება, მაგრამ მისი კლასობრივი ბუნებისაგან სავსებით მაინც ვერ თავისუფლდება. ჯერ კიდევ ცნობრების ასპარეზზე ძალა-უფლების მქონე, თუმცა ძალიან დაძაბუნებული კლასი, თავადაზნაურობა თავისი ესთეტიზაციის მიღრეკილებით თერგდალეულებზეც, რასაკვირველია, ავრცელებდა თავის სუსტს, მაგრამ მაინც გავლენას. 2) თერგდალეულთა წარმომადგენელნი ლიტერატურაში — ილია ჭავჭავაძე და აკაკი წერეთელი დიდი პოეტური ნიჭით იყვნენ დაჯილდოებულნი. მიუხედავად იმისა, რომ სარგებლიანობისა და აზრის უპირატესობის პრინციპი ჟღინთავს ილიასა და აკაკის შემოქმედებას, მათი შემოქმედება მაინც მძლავრი და ფა-

<sup>1</sup> აკაკი წერეთელი, ჩონგური, თბზ., ტ. I, 1950, გვ. 208.

რთო მხატვრული სახეების საშუალებით იშლება მკითხველის წინ. ეს ორი გარემოება ანელეებს იმ უტილიტარიზმს, რომელიც მათ პოეტურ მოღვაწეობაშიც მთავარი მამოძრავებელი ძალაა.

მაგალითისათვის მოვიყვანოთ რამდენიმე ნაწყვეტი:

ერთ ბედ ჭვეშა ვართ, ლაბავ, მე და შენ,  
წალად გვარგუნეს შავი მიწა ჩვენ,  
ერთგულად ვცემოთ ჰაპანი ჩვენი,  
უსიხარულოდ დავლიოთ დღენი...

შენ პირუტყვი ხარ და მე მეტყველი?..  
ეგ, ჩემო ლაბავ, ნუ შეგშურდება...  
რად მინდა ხმალი, თუნდ იყოს მჭრელი,  
თუ სიმათლისთვის დამიჩლუნგდება?

მე ჩემს ჭირის, ჩემის წუხილის,  
ჩემის კაცობის გულის დუდილის,  
სიტყვანი გულში მებადებნიან,  
მაგრამ გულშივე უხმოდ კვდებაან.  
შენ ვერ გაიგებ მეტყველის ტანჯვას,  
როცა სიტყვასა მართალს გულში ჰკლავს...  
აქ მენდე, ლაბავ, ჩემი უღელი  
შენს უღელზედა უფროა ძნელი?

ი. ჭავჭავაძის ეს ლექსი თითქმის მთლიანად მხოლოდ სარგებლიანობის პრინციპზეა აგებული. პოეტს მიზნადა აქვს გამოხატოს მასში პროტესტი გლენკაცის დაბეჩავებული მდგომარეობის წინააღმდეგ და მისი დაუძლეველი ნდომა ადამიანური ცხოვრებისა. ამ ლექსში ყოველი სიტყვა, ყოველი სახე წინასწარ განზრახული მიზნითა და აზრითაა გამოწვეული. მაგრამ პოეტის დიდმა მხატვრულმა ინტუიციამ ინდივიდუალური პოეტური გასაქანით გაანელა და დაიკვა თავისი შემოქმედება უტილიტარიზმის უკიდურესობისაგან. ასეთი მხატვრული სახეობითაა აღბეჭდილი ილია ჭავჭავაძის „მგზავრის წერილები“, „განდევნილი“, „კაცია ადამიანი?!“, „ოთარაანთ ქვრივი“ და სხვა<sup>2</sup>.

მართალია, ილია ჭავჭავაძე, აზრისა და სარგებლიანობისადმი სამსახურით გატაცებული, ხანდახან ამძიმებს თავის პოეტურ შემოქმედებას; ალაგ-ალაგ მის შემოქმედებას ნაძალადეობაც კი ემჩნევა (მხოლოდ ლექსს კი), მაგრამ დიდი ნიჭი პოეტისა თავს ართმევს უტილიტარული შეხედულებით გამოწვეულ ტენდენციას, პოეტური ილუზიის ქვეყანა-

<sup>2</sup> ილია ჭავჭავაძე, გუთნის დედა, თბზ., 1957 წ., გვ. 11.

<sup>3</sup> იხ. მიხ. ზანდუკელი, ახალი ქართული ლიტერატურა, ტ. II, 1954 წ., გვ. 245—336.

ში აყავს მკითხველი, თუმცა კი მიწას არასოდეს არც თვითონ შორდება და არც მკითხველს აშორებს. ეს, რასაკვირველია, მაჩვენებელია ილია-ზე ეპოქის დიდი გავლენისა, რაც მის შემოქმედებაში ბუნებრივადაა შესისხლხორცებული.

ესევე უნდა ითქვას აკაკი წერეთელზედაც. მასში პოეტური ცეცხლი და აღმაფრენა უდავოდ ძლიერია; ენა და ლექსი მისი მკვირცხლია და მსუბუქი, რითმა მდიდარი, რიტმი ანაკალებული.

ამაღლით, გრძნობავ, ღონიბავ...  
ასცილდით მზეს და მთვარესა...  
შეუკავშირდით ვარსკვლავებს,  
მოციმციმ-მოელვარესა.

მე მაშინ მხოლოდ გავბედავ,  
ხელი შევახო ჩონგურსა  
და მწარე ზარი ამ ქვეყნის  
შევრთო იმ ქვეყნის ზეესურსა.

შეიტყვეთ საიდუმლობა  
ზეციურ ტკბილს ხმებისა  
და შეისწავლეთ კანონი  
იმათი შეთანხმებისა.

რომ მეც გალობით, გედივით,  
დავაგლო ქვეყნის საზღვარი,  
ჩავდნე ჩემსავე ჰანგებში  
და გავქრე როგორც ლამპარა<sup>4</sup>.

მგოსანს იმისათვის უნდა პოეტური აღმაფრენა, იმისთვის ეტრფის მას, რომ ასცილდეს მზესა და მთვარეს, შეუკავშირდეს ვარსკვლავებს, რომ შეიტყოს საიდუმლოება „ზეციურ ტკბილი ხმებისა“, შეისწავლოს კანონი „იმათი შეთანხმებისა“. ყველა ეს აკაკი წერეთელს მისთვის უნდა, რომ მაშინ მან აიღოს ჩონგური „და მწარე ზარი ამ ქვეყნისა შეუერთოს იმ ქვეყნის ზევსურსა...“ ცხადია, პოეტი მართლ ტკბილ ხმათათვის არ აქლერებს თავისი ჩონგურის სიმებს.

საკმარისია მოვიგონოთ აკაკის „სულიკო“, „თავო ჩემო“, აღმართ-აღმართ“ და მრავალი სხვა მისი ლირიკული და ეპიკური ნაწარმოები, რომ ზემოგამოთქმული აზრის ჭეშმარიტებაში დავრწმუნდეთ.

თუ თერგდალეულ მწერალთა საუკეთესო წარმომადგენლებმა მაინც თავი დააღწიეს მათ მიერვე წამოყენებული უტილიტარისმის უკიდურესობას და მხატვრებადაც (დიდ მხატვრებადაც, რომელთაც დღესაც არ დაუკარგავთ თავიანთი დიდი მნიშვნელობა და მიმზიდველობა) შეიქმნენ ჩვენს ლიტერატურაში, ამისივე თქმა არ შეგვიძლია ხალხოსანი მწერლების შესახებ. მათ შემოქმედებაში უტილიტარისმმა უფრო მძლავრად გაიდგა ფესვი.

ეს გარემოება ძირითადში აიხსნება შემდეგით: ხალხოსნების უმეტესი ნაწილი თავისი სოციალური წარმოშობით „რაზნოჩინეცია“, ხალხის ცხოვრების ნაცარტუტაში, სიღარიბესა და დაჩაგრულობაში აღზრდილი და გამოვლილი. მან, მუდამ ადამიანური ცხოვრების წრის გარეთ მყოფმა, დამცირებულმა, სხვისი ნასუფრალით მცხოვრებმა, ახალი

<sup>4</sup> აკაკი წერეთელი, ნათელა, 1740 წ.

ცხოვრების პირობებით გამოფხიზლებულმა მოინდომა ცხოვრება. ამისათვის მან ყველაფერი უკუაგდო, რაც უშუალოდ ასეთი ცხოვრების მოპოვებას არ ემსახურებოდა. ამგვარმა სულიერმა განწყობილებამ ჩვენი „რაზნოჩინეცი“ — ხალხოსანი გადააგდო უკიდურეს უტილიტარნიზმში. ეს უკიდურესობა ყველას ერთად და ყოველს მათგანს ცალკე მძლავრად ამჩნევია.

ხალხოსნების შეხედულებით, „მწერლობა არის ექიმობა მთელი ხალხის ავადმყოფობისა, როგორც მედიცინა კაცის ავადმყოფობისა“<sup>5</sup>.

ქურნალი „იმედიც“ მთლიანად ასეთი შეხედულებით არის გაყვნილი და ცდილობს ცხოვრებაში ურყევად გაატაროს ის. „ყოველი მწერლობის დანიშნულება, — წერს „იმედის“ საპროგრამო წერილში სტ. ჰრელაშვილი — იმაში უნდა მდგომარეობდეს, რომ იგი თვალებგაფაციცებული ჩაიყურებოდეს ცხოვრებაში, სულგანაბული ყურს უგდებდეს იმის ჩარხის ტრიალს, ეფარებოდეს და ესარჩლებოდეს ყველა საკეთილო ფეხის გადადგმას, დაუღალავად ებრძოდეს და წიხლსა კრავდეს ყოველ სიბოროტეს და მანვე შეცთომილებას. მწერლობა, რომელიც დაუძინებლივ არა წინამძღვრობს ასეთი შეხედულებით თავის მოვალეობაზე, არის უმნიშვნელო, ფუჭი და ჭიანი“<sup>6</sup>.

ასეთსავე შეხედულებას გამოთქვამენ ქურნალ „იმედის“ სხვა თანამშრომელნიც, რომელთა შეხედულებით ლიტერატურა ხალხის კეთილდღეობის, სარგებლობის მომტანი საშუალებაა. „მწერლობამ, — წერს „იმედის“ რედაქტორი მიხ. გურგენიძე, — უნდა გაუსწოროს ხალხს ხასიათი, უჩვენოს მას მისი ნაკლოვანებები და მათგან განმათავისუფლებელი საშუალებები“<sup>7</sup>.

ასეთივე აზრი გამოთქვა ქართველი ხალხოსნების ერთ-ერთმა საუკეთესო წარმომადგენელმა გ. მათაშვილმა, რომელიც, გაუგებარია, რატომ გამოვიდა მეტად საგულისხმიერო, შეიძლება ითქვას ჩვენ ხალხოსანთა საპროგრამო სტატიით „ივერიაში“ და არა „იმედში“. ეს გარემოება მით უფრო გვაკვირვებს, რომ გ. მათაშვილი ამ სტატიაში — „წერილი ჩვენ საზოგადოებრივ მოღვაწეთა მიმართ“, თუმცა რბილსა და მორიდებულს, მაგრამ მაინც კრიტიკას უკეთებს „ივერიის“ და „დროების“ მესვეურთა მოღვაწეობას. „ლიტერატურა, — წერს ის — უნდა შეიქმნეს უპირველეს ყოვლისა სახალხო ლიტერატურად, უკეთეს ვესურს, რომ მას ჰქონდეს გავლენა, ძლიერება, ფასი და მნიშვნელობა ჩვენი ქვეყნის საქმეების და საგნების გადაწყვეტის დროს. მხო-

<sup>5</sup> სტ. ჰრელაშვილი, ქართული მწერლობა, „იმედ“, 1881 წ., № 1, გვ. 99.

<sup>6</sup> იქვე, გვ. 84.

<sup>7</sup> მიხ. გურგენიძე, ერთი ჩვენი მწერლობის სენი, „იმედი“, 1881 წ., № 2, გვ. 89.

ლოდ ეს მაშინ მოხდება, როცა ლიტერატურა ერთად ერთს ნამდვილს გზას და ჭეშმარიტს მიმართულებას დაადგება, როცა იგი მიიღებს პატივდებაში ხალხის სურვილს და, რაც უფრო პირველია, დაიცავს მის ინტერესებს, ე. ი. ლიტერატურის მიერ ხშირად და უმთავრესად წამოყენებული იქნება საასპარეზოდ ხალხის გულის მომგები საგნები ეკონომიური და საზოგადოებრივი საქმეების<sup>8</sup>.

ასეთს გარკვეულსა და, შეიძლება ითქვას, განსაზღვრულს დანიშნულებასა და მიზანს უყენებენ ხალხოსნები მხატვრულ ლიტერატურას. და მართლაც, ლიტერატურა და თავიანთი ლიტერატურული ნიჭი ხალხოსნებმა გამოიყენეს, როგორც ბრძოლის საშუალება, რათა შეეტანათ სხივი და ნდომა ცოდნისა, განათლებისა, წინმსვლელობისა, ადამიანური ცხოვრების უფლებების მოპოვებისა წყვედიადით მოცული, დაჩაგრული, დამონებული ხალხის მოღუწებულ და ჩამორჩენილ ცხოვრებაში. ხალხოსან მწერალთა შემოქმედება ბუნებრივი გაგრძელება იყო მათი პრაქტიკული და იდეოლოგიური ბრძოლისა და მოქმედებისა.

ნიკო ლომოური, თავის მოთხრობაში „გიგო ღრუბელაშვილი“, ხალხოსნებისათვის მეტად დამახასიათებელ შეხედულებას ჩაურთავს. გიგო ღრუბელაშვილს მწერალი აღტაცებით ათქმევინებს ახალგაზრდა ქალისადმი შემდეგს (რასაკვირველია თავის აზრს): „წელან ბუნების სიმშვენიერემ დაატკბო მთელი ჩემი არსება. მაშინ მზად ვიყავი: ეს სიმშვენიერე ღვთაების გამოხატულებად მეღიარებინა და მისთვის მოწიწებით თაყვანი მეცა. მაგრამ ამ დროს ჩემმა მრავალმოწყალე ბედის ვარსკვლავმა გამომიშუქა, საჩქაროზე თვალები ამიხილა და მითხრა: რაც უნდა დახატული იყოს უსულდგმულო ბუნება, მაინც სულიერი მშვენიება მასზე დაშორებით მალა იდგება. და აი ახლა თქვენ წინ ვდგევარ და ხმამალა ვიძახი: თაყვანისცემა შეშვენის მხოლოდ იმ მშვენიერებას, რომელშიაც დამკვიდრებულია სული ცხოველი“<sup>9</sup>.

ასე უყურებდნენ ხელოვნებას და, კერძოდ, ლიტერატურას ხალხოსნები როგორც საქართველოში, ისე რუსეთშიც. სინამდვილეშიც ასეთი გამოყენება ჰქონდა პოეზიას მათ მოღვაწეობაში. რასაც ხალხოსნები, როგორც ჩვენში, ისე რუსეთში, პუბლიცისტური და პრაქტიკული მოღვაწეობის შემწეობით ვერ ახერხებდნენ, იმის შევსებასა და განმტკიცებას ცდილობდნენ მხატვრული შემოქმედების დახმარებით.

ხალხოსნების ამგვარმა სულიერმა განწყობილებამ და მხატვრულ შემოქმედებაზე, საერთოდ ხელოვნებაზე უტილიტარულმა შეხედულებამ თავისებური დაღი დაასვა მათ ლიტერატურულ მოღვაწეობას.

<sup>8</sup> გ. მ ა ი ა შ ვ ი ლ ი, წერილი ჩვენს საზოგადოებრივ მოღვაწეთა მიმართ, „ივერია“, 1882 წ., № 9, გვ. 24.

<sup>9</sup> ნიკო ლომოური, გიგო ღრუბელაშვილი.



მხატვრული ლიტერატურა 60-იანი წლებიდან (რუსეთში უფრო ადრეც) შეუხისხლხორცდა პუბლიცისტიკას — ჟურნალისტიკას. მწერალი გამოდიოდა, როგორც საზოგადო მოღვაწე, პედაგოგი, მკვლევარი, მოთხრობის პარალელურად ვითარდებოდა ფელეტონი, ფიზიოლოგიური ნარკვევი, საჟურნალო „შენაერთები“ („СМЕСИ“), რომლებიც მკითხველს მხატვრულ ფორმებში აწვდიდა დროის შესაფერ მცნიერულ, ეკონომიურ, ტექნიკურ, საყოფაცხოვრებო ცნობებს. აქ ხდება თავისებური შეზრდა პუბლიცისტიკისა ხელოვნებასთან და არა თანაარსებობა მწერლობის ორი სახისა.

ხალხოსანი მწერლები მხატვრულ ლიტერატურაში ჩვენი ხალხის ყოფა-ცხოვრების „შეუფერავი“ ამსახველები არიან. გატაცებულნი ხალხის კეთილდღეობის იდეით, თავიანთ მხატვრულ შემოქმედებას ისინი ხშირად ისე უდგებიან, როგორც პუბლიცისტები. მხატვრული სახეები მათ შემოქმედებაში ხშირად ახსნა-განმარტებით არის დაძეწილი (სოფ. მგალობლიშვილი, ნიკო ლომოური, ანტ. ფურცელაძე, შაქრო და სხვანი).

ეს გარემოება, რასაკვირველია, ხალხოსან მწერალთა შემოქმედებას მხატვრულობის მხრით ადარებს. მათი შემოქმედების ეს თვისება გამოწვეულია მით, რომ ხალხოსანი მწერლების თხზულებებში მოქალაქეობრივი ინტერესი სჭარბობს მხატვრულს. ეს კიდევ აიხსნება მით, რომ თვით ავტორი უშუალოდ ჩაბმულია ცხოვრების მდინარებაში, უშუალო მონაწილეა ცხოვრების პროცესისა, ის უპირველესად დაინტერესებულია გაერკვიოს თვითონ და მკითხველსაც გაურკვიოს ესა თუ ის საზოგადოებრივი მოვლენა. ამიტომაც, რომ ხალხოსანი მწერლის პოეტური ასახვა შერეულია სოციალური ხასიათის პუბლიცისტურ მსჯელობაში. ხალხოსან მწერალში მოაზროვნე ხშირად ჩრდილავს მხატვარს. ხალხოსანი მწერლის შემოქმედებაში მხატვრული სახეები კი არ ირევიან, არამედ უფრო ხალხის ცხოვრების მტკივნეული საკითხები.

ამ გარემოებამ გამოიწვია მათ შემოქმედებაში მხატვრობის მხრით დაუმუშავებლობა: მშვენიერი მაღალი პოეტური ნიჭითა და აღმაფრენით შესრულებულ ადგილებთან ერთად გვხვდება მეტად მოსაწყენი პუბლიცისტური ხასიათის მსჯელობა, რომელიც მდარე პოეტური სახეებითაა შეხამებული. ხალხოსანი მწერლისათვის ფორმა, ნაწარმოების გარეგნული მხარე, მეორეხარისხოვანია, მთავარია შინაარსი. ისინი არ ცდილობენ ენა დახვეწონ, ნაწარმოებში მოცემული მხატვრული სახეები ლამაზ ლიტერატურულ ფორმაში ჩამოაყალიბონ. მათ შემოქმედებას მხატვრობის მხრივ დაუდევრობა ეტყობა. ეს მოვლენა ხალხოსანი მწერლების შემოქმედებაში მეტად საგრძნობია. ასეთსავე მოვლენას ვხედავთ რუსეთის ლიტერატურის ისტორიაშიც. ხა-

ლხოსანი მწერლები იქაც შემოქმედების პოეტური მხრისადმი ერთგვარ დაუდევრობას იჩენენ (გლ. უსპენსკი, ზლატოვრატსკი და სხვები). ამ გარემოებას ხშირად დიდი პოეტური ნიჭით დაჯილდოებული ხალხოსანი მწერალი მეორეხარისხოვან მწერალთა ბანაკში გადაჰყავს — ფორმისა და საერთოდ მხატვრული სტილური ნიშნების დაუმუშავებლობის გამო. ხალხოსანი მწერლების შემოქმედება მხატვრული მთლიანობის მხრით მოისუსტებს. ცალკეული დეტალი და უმნიშვნელო სახეები ხშირად არაბუნებრივადაა გაზრდილი, მართალია, ძირითად იდეას ამახვილებს, მაგრამ მხატვრულად აკნინებს.

ეს აიხსნება ნაწილობრივ მაინც მწერალთა სოციალური მდგომარეობით. ისინი, როგორც ზევითაც აღვნიშნეთ, ხალხის ცხოვრების დუხჭირში გამოსული, ხალხის შვილები იყვნენ. მათი გაღვიძებული შემოქმედების უდიდესი და უმტკივნეულები სურვილი, ნდობა და მისწრაფება გამოიხატებოდა შემდეგ საკითხებში: როგორ უნდა მოტრიალდეს ცხოვრების ჩარხი, რომ ხალხმა ადამიანური ცხოვრების აუცილებელი მოთხოვნილებანი მაინც დაიკმაყოფილოს? და ხალხოსანი მწერლები, ხალხის ცხოვრების ჭირ-ვარამის ახლო მცოდნენი, უნდობლობითა და მტრულის თვალით უყურებდნენ ყველა მას, რაც ამ ჭირ-ვარამთან ბრძოლაში ცხოვრებას უშუალოდ არ ემსახურებოდა. აქედან წარმოდგა მათი სურვილი: მხატვრულ აღმადგენლად ხალხის ცხოვრების ჭირ-ვარამით გაჭედილი ლაგამი ამოსდონ, რეალური ცხოვრების დუღილის გარეშე მოქმედი ოცნების დაუსრულებელ სრბოლას არ მიჰყვანენ, რადგანაც უკანასკნელს მწერალი რეალური ცხოვრების რკალს იქით გადაჰყავს.

ხალხოსანი მწერლები მიწის შვილები არიან, ისინი მთელი არსებით მიჯაჭვულნი არიან ცხოვრების ვაი-ვაგლახსა და მისგან გამათავისუფლებელ მისწრაფებას. მათ თავიანთი ჩანგი ხალხის გასაღვიძებელ, ასამოქმედებელ, დასარაზმავ მძლავრ საყვირად გადააქციეს; მათ, ცხოვრების ნაცარ-ტუტსა და ღვეღვში გამოვლილთ, ყოველგვარი მორთულობისა და ხელოვნების უცნობთ და მტერთ, უნდა შეექმნათ და სინამდვილეში შექმნეს კიდევ ლიტერატურული მიმართულება, რომელშიაც ხალხის შვილის სტიქიური ბუნების აღფრთოვანებითა და გატაცებით, მართალია, ზოგიერთ კონსერვატორულ მისწრაფებასთან ერთად, მძლავრადაა ჩაწნული ხანგრძლივი პერიოდის მანძილზე მფლობელი მოწინავე მოქალაქეობრივი მისწრაფებანი. ხალხოსან მწერალთა მისწრაფებაში ერთი რამ აშკარაა: შერიგება არსებულთან შეუძლებელია, დამცირებული კაცობრიობის გაათავისუფლებისათვის ბრძოლა აუცილებელია.

ხალხოსანთა მოღვაწეობის სწორედ ამ მეორე მხარეში — პროგრესულ-დემოკრატიულ მოქმედებაში — არის მათი ისტორიული მნი-

შენელობა. ამაშივეა ხალხოსნური ლიტერატურის ძალა და ღირებულება.

ხალხოსანმა მწერლებმა მხატვრული ლიტერატურის საშუალებით შოახერხეს ფართო მასეში გაეტანათ ის, რის გატანაც მათ სხვა გზით ვერ შეძლეს და ვერც შეძლებდნენ იმ მძიმე ობიექტურ პირობებში, რომლებშიც მათ მოუხდათ ცხოვრება და მოღვაწეობა.

ამიტომ გასაგებია ხალხოსანთა მხატვრული შემოქმედების სხვა სტილური ნიშნებიც. ხალხოსნებს არ აკმაყოფილებს სინამდვილის ფოტოგრაფიული აღწერა. ისინი მოითხოვენ ცხოვრების ღრმა შესწავლას (თუმცა მათ ცხოვრების განვითარების ნამდვილი გეზი ვერ გაიგეს) და ამ შესწავლიდან მხატვრული დასკვნების გამოტანას განზოგადებული სახით. ხალხოსნები ცდილობენ მკითხველს მისცენ ცხოვრების კონკრეტული გამოკვლევა. მისდამი კრიტიკული დამოკიდებულება (ასეთებია რუსი ხალხოსნები: გლ. უსპენსკი, ზლატოვრატსკი და სხვ. ასეთები არიან ქართველებიც — ნიკო ლომოური, შაქრო, სოფ. მგალობლიშვილი და სხვანი).

ხალხოსნების უმრავლესობას ახასიათებს დიდი მხატვრული ძალა და უნარი ინდივიდუალური ხასიათების მოცემისა (მიხ. ასათიანი — „მე და ონისიმე“, შაქრო — „განთიადი“, „მარტიანთ პაპა“, სოფ. მგალობლიშვილი — „ჯორ-ზაქარა“, „და შეჭვიცეს...“). მაგრამ მასთან ერთად ეს ინდივიდუალური სახეები განზოგადებულ ხასიათსაც ატარებენ.

ხალხოსნები, გატაცებულნი მოქალაქეობრიობით, იდეურობით, ხშირად თავიანთ შემოქმედებაში ავტობიოგრაფიულ ხასიათს იძლევიან (შაქრო — „განთიადი“, ანტ. ფურცელაძე — „სამის თავგადასავალი“, „ვაი მართალთა“, ეკ. გაბაშვილი — „ფრთებდაგლეჯილი“ და სხვ.).

ამასთანაა დაკავშირებული ხალხოსნების შემოქმედების ზოგიერთი ჟანრიც — მემუარი, დღიური (სოფ. მგალობლიშვილი — „წარსულიდან“, შაქრო — „განთიადი“, ეკ. გაბაშვილი — „ეფროს დღიური“ და სხვანი).

ამით აიხსნება, რომ ხალხოსანი მწერლების განწყობილება მოვლენის აღწერაში, სურათის განვითარებაში ძალუმად იჭრება, ზოგჯერ ტენდენციურობას იჩენს მოვლენის შეფასება-თანაგრძნობასა და სიძულვილში.

ხალხოსანი მწერლებისთვის ეს ჟანრი — მემუარი, მოგონება ჩვეულებრივი მოგონება კი არ არის ცხოვრებიდან განდგომილი მოღვაწისა, არამედ ცოცხალი გამოხატულებაა საზოგადოებრივი ცხოვრების საჭირბოროტო საკითხისადმი მათი დამოკიდებულებისა. ხალხოსნები მოგონებას მიმართავენ, რადგანაც გულუბრყვილო გადმოცემის

მიღმა მკითხველს აგრძნობინებენ საზოგადოებრივი მოვლენებით გამო-  
წვეულ ტკივილებს. მაგრამ აქაც, ამ ინტიმურ გადმოცემაში ხალხოსან  
მწერლებს მოვლენის განზოგადების სურვილი არა სტოვებდათ (მიხ.  
ასათიანი — „მღ და ონისიმე,“ სოფ. მგალობლიშვილი — „წარსული-  
დან“ და სხვანი).

გარდა მოგონებისა, ხალხოსნები თავიანთ შემოქმედებაში იყენებ-  
დნენ კიდევ შემდეგ ქანრებს: სოციალურ მოთხრობას (ნიკო ლომოური,  
სოფ. მგალობლიშვილი, ეკ. გაბაშვილი, ანტ. ფურცელაძე და სხვანი),  
მოგზაურობა-ნარკვევს (შაქრო, მიხ. ასათიანი), საყოფაცხოვრებო ლე-  
ქსებს (ნიკო ლომოური, ი. დავითაშვილი, ანტ. ფურცელაძე), ლექს-სიმ-  
ღერას რევოლუციურ-დემოკრატიული განწყობილებით (მიხ. ასათიანი,  
ი. დავითაშვილი, ანტ. ფურცელაძე). ხალხოსანი მწერლები ამჟღავ-  
ნებენ ხალხის მდგომარეობის კარგ ცოდნას და გულწრფელ მისწრაფე-  
ბას აღებულს საჭირობოროტო მღელვარე თემები ხალხის საკეთილდღე-  
ოდ გადაწყვიტონ. და თუ ისინი ამ საკითხების სწორ გადაწყვეტას ხან-  
დახან ვერ იძლევიან, ამისი მიზეზი მათი წვრილბურჟუაზიული  
მსოფლმხედველობის ორმაგ ბუნებაშია — კონსერვატორულ-პროგ-  
რესულში. სუბიექტურად კი მათი განწყობილება, უდავოდ გულწრფე-  
ლად ხალხის საკეთილდღეოა.

ხალხოსანი მწერლების მხატვრული შემოქმედების ავტობიოგრა-  
ფიულობით აიხსნება მათი შემდეგი ძირითადი სტილური ნიშანიც:  
ხალხოსანთა იდეურობით დატვირთულ მხატვრული შემოქმედების ცენ-  
ტრალური სახეა მთავარი მოქმედი პირი — გმირი. ეს გმირი, ჩვეულე-  
ბრივ, მოცემულაა როგორც ნიმუში იდეალური მოღვაწისა, რომელიც  
ხასიათდება საზოგადოებრივი ტკივილებითა და მისადმი თავდავიწყე-  
ბითი სამსახურით. ავტობიოგრაფიულნი, სუბიექტურნი არიან ხალხო-  
სანი მწერალთა შემოქმედებაში ხალხში მოსიარულენი, ე. წ. ერთობის  
ან ახალი კაცები (შაქრო — სიმნო, პოლე, სოფ. მგალობლიშვილი —  
ილიკო მშველიძე, მიხ. ასათიანი — ონისიმე, ეკ. გაბაშვილი — ნინო  
ნაკვითაშვილი, ანტ. ფურცელაძე — სვიმონ ბაღლაძე, ბესარიონ ვარგი-  
საშვილი და სხვანი).

ეს მოვლენა შემდეგით შეიძლება აიხსნას: ხალხოსნებმა, მიუხედა-  
ვად ხალხში და ხალხისათვის გმირული მოღვაწეობისა, მაინც ვერ შე-  
ძლეს ხალხთან მჭიდრო კავშირის გაბმა. ვლ. ლენინი ამბობს: „ხალხოს-  
ნების თეორია არსებითად არ იყო რევოლუციური თეორია და მათ ვერ  
მოახერხეს თავიანთი მოძრაობა დაეკავშირებინათ რევოლუციური, კა-  
პიტალისტური საზოგადოების შიგნით არსებულ კლასობრივ ბრძოლას-  
თან“. ამიტომ მათ ასე წინ წამოსწიეს „გმირი“. მწერალი-რევოლუ-  
ციონერის ხალხის მოძრაობისაგან ამ გათიშვაში, ამ მარტობაშია მი-  
ზეზები, რომ ხალხოსანი მწერალი იდეურ-აგიტაციურ მისწრაფებებს

ანსახიერებს თავისი განვლილი პირადი ცხოვრების გზის გამოხატვით, ვინაიდან მისთვის საზოგადოებრივი განვითარების სხვა გზა არც არსებობდა.

ხალხოსნების მხატვრულ შემოქმედებას, როგორც უკვე აღვნიშნეთ, უღენტავდა იდეურობა, — გლეხის მიუღებელი აწმყო ცხოვრების ასახვა და მისი უკეთესი მომავლისათვის გადაუღებელი ბრძოლა. ყველა და ყველაფერი ხალხოსან მწერლებს, როგორც დავინახეთ, ამისათვის ჰქონდათ გამოყენებული.

ხალხოსან მწერალთა მხატვრული შემოქმედების საერთო თავისებურ სტილურ ნიშნებში უნდა აღინიშნოს კიდევ ბუნების—პეიზაჟის გამოყენება. ბუნება ხალხოსან მწერლებს გამოყენებული აქვთ არა როგორც მზერის საგანი, არამედ, როგორც ფონი, რომელზედაც იშლება გლეხკაცის ყოველდღიური მძიმე შრომა. ბუნება გააზრებულია გლეხის მთლიან ცხოვრებაში, მისტიკისა და ესთეტიზაციის გარეშე. ბუნების აღწერაში ხშირად გამოყენებული აქვთ ეთნოგრაფიული მასალა (ნიკო ლომოური, შაქრო, სოფ. მგალობლიშვილი და სხვანი).

ამას გარდა, ხალხოსანმა მწერლებმა ლიტერატურული ენა მეტად გაახალხურეს. ენის გაახალხურების ისტორია ჩვენს ლიტერატურაში გერისთავიდან იწყება. 60-იანი წლების მოღვაწეებმა, უდავოდ, ამ დიდ საქმეში თავიანთი დიდი წვლილი შეიტანეს. ხალხოსნებს ამ მიმართულებითაც თავისებურება ახასიათებთ. მათ ლიტერატურაში განამტკიცეს ჩვეულებრივი, შეუფერავი ხალხური დიალექტი თავისი მაგარი, კორძიანი აღნაგობით და გამოთქმებით. ხალხოსნების ენა შეეფერებოდა ამოცანებს რევოლუციური დემოკრატიისა, რომელიც იღვიძებდა და თავისას მოითხოვდა. მათ შემოქმედებაში არ არის ხელოვნურობა. გლეხკაცი, მშრომელი არ ლაპარაკობს დახვეწილი, სტილიზებული ენით, როგორც ეს წინა პერიოდის მწერლებს და თვით თერგდალეულთაც სჩვეოდათ. ხალხოსანთა პოეტური ქმედება მძიმე ცხოვრების პირობებში ამეტყველდა გლეხური ენით. ესეც მათი შემოქმედების ერთ-ერთი თავისებური და დამახასიათებელი მხარეა.

ამასთან დაკავშირებით, ხალხოსნები ქმნიან ლიტერატურას, როგორც საშუალებას თავიანთი მისწრაფების პოპულარიზაცია-აგიტაციისათვის. ისინი ლიტერატურის დანიშნულებას ხედავენ ხალხის გონებრივ და ზნეობრივ გაფხიზლება-გათვითცნობიერებაში. ამიტომ ცდილობენ ისეთი ენითა და სტილით წერონ, რომ მათი ლიტერატურა მასებისათვის აღვილად გასაგები გახდეს. ყველა ზემოაღნიშნული სტილური ნიშანი სწორედ ამ მიზანდასახულობით აიხსნება.

გარდა აღნიშნულისა, ხალხოსნები ამავე მიზნისათვის თავიანთი შემოქმედების გასადავებას შემდეგი მომენტებით ცდილობენ. გმირს — მოქმედ პირს, რომელიც ხალხოსანთა შემოქმედებაში ცენტრალურ

როლს თამაშობს, მკითხველისათვის რომ ადვილი გასაგები გახდეს, ავტორი ისეთ სახელს აძლევს, რომ მკითხველმა სწრაფად აითვისოს გმირის ბუნება და მისდამი მწერლის დამოკიდებულებაც, მაგ., ეშმაკურაშვილი, ბლუნძელაშვილი („ღამის მეხრე ცეცო“), შაია ლარიაშვილი („ღეღა მაია“), არაშენდაშვილი („ალი“), ყლაპიაშვილი, ხმამალაშვილი („ბედი უბედურთა“), თავბრუაძე („კონა“), ლუარსაბ ცხონებაშვილი, ვერა მაცდურაშვილი („ლუარსაბმა ცოლი შეირთო“) და სხვა მრავალი.

ვინაიდან ცენზურული პირობები ხალხოსნების პოეტურ შემოქმედებას თავიანთი ზრახვების გატანისათვის გასაქანს არ აძლევდა, ისინი იძულებულნი იყვნენ მიემართათ სიმბოლოსა და ალეგორიისათვის. მაგ., ნიკო ლომოური („გიგო ღრუბელაშვილი“, „ყოველის მხრიდან“). მართალია, ეს ალეგორიები და სიმბოლოები ხშირად პოეტური თვალსაზრისით უხეშია, მეტად გამჭვირვალეა, სუსტია, მაგრამ, სამაგიეროდ სწორია, მწერლის აზრს ადვილად ეუბნება მკითხველს და ხალხოსნებიც ხომ უმთავრესად ამით იყვნენ დაინტერესებულნი.

ამითვე უნდა აიხსნას ის გარემოებაც, რომ ხალხოსანი მწერლების შემოქმედება კომპოზიციურად მარტივია, მწერალი არ ცდილობს მკითხველის ფანტაზია და ათვისებითი ალლო რთული ტეხილი მიმართულებით ამოძრავოს. არა, ის პირდაპირ მიდის და, როგორც კარგი პედაგოგი, ცდილობს თავისი განცდები მარტივად, სწორად და უშუალოდ გააგებინოს მკითხველს და განაცდევინოს.

ასეთივეა მათი ნაწარმოებების სიუჟეტური განვითარება. ხალხოსანი მწერალი თავს არ იმტვრევს მასზე, რომ კვანძის შეკვრა, მისი განვითარება და გახსნა, რაღაც არაჩვეულებრივი მიმართულებით განავითაროს. არა, ის პირდაპირი, მარტივი ხერხებით მიდის. მას მხედველობაში ყოველთვის თავისი მასიური მკითხველი ჰყავს. ის იძლევა სინამდვილის უშუალო გადმოცემას ისე, როგორც თვით ხედავს, განიცდის და უნდა მკითხველსაც განაცდევინოს.

ხალხოსანი მწერლების ასეთ დამოკიდებულებას მოხდენილად და ზედმიწევნით სწორად გამოხატავს შაქრო თავის მოთხრობის „ბედნიერი კუნჭულის“ დასასრულში: „...ესე, მკითხველო, მგონი ჯავრობ — რაზე დაწვერე ამტენი — მერე დაულაგებლივ — აუკონავიო... რა ვქნათ, ბიძია, მე გასართობათ არცა ვწერ, ვწერ იმას, რაც ვნახე — ვწერ იმას, რასაც ყოველ ნაბიჯზე ნახავ ჩვენ სოფელში. ეხლა შენი და ჩემი ვალთა შევაერთოთ ეს ამოდენა ხალა-ბალა და დასკვნა გამოვიყვანოთ“...

ასეთია საერთო მიმართულება და ძირითადი სტილური ნიშნები ხალხოსნური ლიტერატურისა, რომელმაც თვალსაჩინო წვლილი შეიტანა და საგრძნობი კვალი დატოვა ქართული ლიტერატურის საგანძურში.

რში. ამ დებულებათა დადასტურებას მოგვეცემს შემდეგ ნაწილში მოცემული ხალხოსან მწერალთა შემოქმედების კონკრეტული მასალის განხილვა.

აქ კი უნდა ითქვას, რომ ხალხოსან მწერალთა შემოქმედება, რომელმაც ჩვენი ცხოვრების მეტად საგულისხმიერო ეტაპზე გაჭირვებულ მასების ცხოვრების უტყუარი სახე დაგვიხატა, წარმოადგენს დიდ კულტურულ მემკვიდრეობას, რომელშიც, ვლ. ლენინის სიტყვით, „არის, რაც წარსულს არ გადაცემია, რაც მომავალს ეკუთვნის. ამ მემკვიდრეობას იღებს და მას ამუშავებს პროლეტარიატი“.

ღიახ, ხალხოსანი მწერლების კულტურული მემკვიდრეობის ათვისება უნდა მოხდეს კრიტიკულად. ჩვენ, როგორც ზევითაც გვქონდა აღნიშნული, ხალხოსნები უნდა შევაფასოთ არა დღევანდელის, არამედ იმ ისტორიული პირობების თვალსაზრისით, რომლებშიაც ხდებოდა მათი მოღვაწეობის გაშლა. მოიხსნას ის, რაც შეცდომა იყო, შეუფერებელი, ნაკლოვანი და მიუღებელი, გამახვილდეს დადებითი, რაც თავის დროზე უკეთეს მომავალს უშზადებდა ნიადაგს, რაც ამ კულტურული მემკვიდრეობიდან დღესაც ჩვენთვის გამოსადეგი და მისაღები იქნება და უნდა გამოვიყენოთ. მეტად საგულისხმიეროა ვლ. ლენინის მიერ ხალხოსნების ამ მხრითაც შეფასება.

„ნაროდნიკული პროგრამის უარყოფა მთლიანად, — წერს ვლ. ლენინი, — განურჩევლად, აბსოლუტურად უმართებულო იქნებოდა. ამ პროგრამაში მკაცრად უნდა გავარჩიოთ მისი რეაქციული და პროგრესული მხარეები. ნაროდნიკობა რეაქციულია, რამდენადაც იგი გთავაზობს ისეთ ღონისძიებებს, რომლებიც გლუხს ამაგრებენ მიწაზე და წარმოების ისეთ ძველ წესებზე, როგორიცაა „ნადელების“ განუსხვისებლობა და სხვა, რამდენადაც მას სურს შეაფერხოს ფულადი მეურნეობის განვითარება, რამდენადაც ის მოელის არა ნაწილობრივ გაუმჯობესებებს, არამედ გზის გამოცვლას „საზოგადოებისაგან“ და ბიუროკრატიის წარმომადგენლების ზეგავლენისაგან... ნაროდნიკული პროგრამის ასეთ პუნქტებს, რა თქმა უნდა, აუცილებლად ომი უნდა გამოეცხადოს. მაგრამ ნაროდნიკებს მოეპოვებათ სხვა პუნქტებიც, რომლებიც შეეხებიან თვითმმართველობას, „ხალხში“ ცოდნის თავისუფლად და ფართოდ გავრცელებას, „სახალხო“ (ე. ი. წვრილი) მეურნეობის „ამაღლებას“ იაფი კრედიტებით, ტექნიკის გაუმჯობესებით, გასაღების საქმის მოწესრიგებით და სხვ. და სხვ... ეს ღონისძიებები კი არ შეაჩერებენ, არამედ დააჩქარებენ რუსეთის ეკონომიურ განვითარებას კაპიტალისტური გზით, დააჩქარებენ შინაური ბაზრის შექმნას, დააჩქარებენ ტექნიკისა და მანქანური ინდუსტრიის ზრდას მშრომლის მღგომარეობის გაუმჯობესებით და მის მოთხოვნილებათა ღონის ამა-

ღლებით, დააჩქარებენ და გააადვილებენ მის დამოუკიდებელ აზროვნებასა და მოქმედებას... მარქსისტებმა, მათი პროგრამის მთელი რეაქციული ნიშნების უკუგდების შემდეგ, არათუ უნდა მიიღონ საერთო-დემოკრატიული პუნქტები, არამედ კიდევაც უნდა გაატარონ ისინი ცხოვრებაში უფრო ზუსტად, ღრმად და გაფართოებულად. რაც უფრო გადაჭრით გატარდება ასეთი რეფორმები რუსეთში, რაც უფრო აამაღლებენ მშრომელთა მასების საარსებო დონეს, — მით უფრო მკვეთრად და წმინდად იჩენს თავს რუსეთის ცხოვრების უმნიშვნელოვანესი და ძირითადი (უკვე ახლა) სოციალური წინააღმდეგობა. მარქსისტები არათუ არ „სწყვეტენ დემოკრატიულ ძაფს“ თუ მიმდინარეობას, როგორც მათ ცილს სწამებს ბ-ნი ვ. ვ., — არამედ პირიქით, მათ სწადიათ ამ მიმდინარეობის განვითარება და გაძლიერება. სწადიათ მისი დაახლოება ცხოვრებასთან, სწადიათ აიღონ ის „ძაფი“, რომელსაც „საზოგადოება“ და „ინტელიგენცია“ ხელიდან უშვებს“<sup>10</sup>.

ვლ. ლენინის ეს დებულება ხალხოსნური მიმართულების მკვლევარისათვის ჩვენშიაც, რა თქმა უნდა, აუცილებლივ სახელმძღვანელოა.

---

<sup>10</sup> ვ. ლენინი, ნაროდნიკობის ეკონომიური შინაარსი და მისი კრიტიკა ბ-ნ სტრუვეს წიგნი, თბზ. ტ. 1, გვ. 611—613.



**ხალხოსანი მწერლები და გათი უმმოკმედება**

**მიხეილ იოსების ქე ასათიანი**

1849 — 1879

I

ლიტერატურის ისტორიისა და საზოგადოებრივი აზროვნების განვითარების ისტორიის შესწავლისათვის დიდი მნიშვნელობა აქვს არა მარტო დიდი მოაზროვნეებისა და მწერლების მოღვაწეობის შესწავლას, არამედ ეგრეთ წოდებულ მეორეხარისხოვან მუშაკთა საქმიანობის გათვალისწინებასაც. ხშირად მეორეხარისხოვანი, ე. წ. პატარა მწერალი, თუ პატარა საზოგადო მოღვაწე, მეტად მკვეთრად ამჟღავნებს თავის ეპოქას, თავის წრეს, მის მოთხოვნილებასა და კულტურულ დონეს. ამიტომ, როდესაც სერიოზულად ისმება საკითხი ლიტერატურის ისტორიისა და საზოგადოებრივი აზროვნების განვითარების შესწავლის შესახებ, ამ „მეორე ნომრის“ მწერლებისა და საზოგადო მოღვაწეთა საქმიანობის შესწავლაც აუცილებელ მოთხოვნილებად ხდება.

ერთ-ერთ ასეთ მუშაკად ჩვენი XIX საუკუნის საზოგადოებრივი მოღვაწეობისა მოჩანს მიხეილ იოსების ძე ასათიანი, რომლის ნიჭსა და შესაძლებლობას სათანადოდ გამოჩენისა და გაშლის საშუალება არ მიეცა.

მიხ. ასათიანი სამოღვაწეო ასპარეზზე გამოდის 70-იანი წლების მეორე ნახევარში. ეს ის დროა, როდესაც რუსეთის საზოგადოებრივ ცხოვრებაში ხალხონურმა მოძრაობამ ღრმად გაიდგა ფესვი, მოედგა მასებს და სახელმწიფოებრივ წყობასაც რყევა დაუწყეო. ამ დროს ჩვენშიც საზოგადოებრივი მოღვაწეობის ასპარეზზე, ცნობილი და გარკვეუ-

ლი ეკონომიური და მასთან დაკავშირებული სოციალური და პოლიტიკური პირობების გამო, მასობრივად გამოდის „რაზნოჩინეცი“, ჩვენში „დიაკვნის თუ მღვდლის შვილად“ წოდებული, ხარბად ეწაფება საზოგადოებრივ ცხოვრებას და მასში განმტკიცებას ლამობს.

მიხ. ასათიანიც ამ წრის ღვიძლი წარმომადგენელია, ისიც სოფლის უღარიბესი მღვდლის შვილია.

მიხ. ასათიანის მამამ, იოსებ ასათიანმა, სასულიერო სემინარიაში კურსის დამთავრების შემდეგ, ხელმოკლეობის გამო, მიუხედავად დიდი სურვილისა, სწავლის გაგრძელება ვერ შეძლო. შეერთო ცოლად სიდონია ზიარაქიშვილი და სოფლად, მძიმე პირობებში დაიწყო ცხოვრება. მიუხედავად ეკონომიურად მძიმე მდგომარეობისა, იოსები ყოფილა მუდამ მხიარული, გულკეთილი, შრომის მოყვარე და გაჭირვებულის შემბრალებელი. „ის, — გვიხასიათებს იოსებ მღვდელს ეკატერინე ასათიანისა,<sup>1</sup> — როგორც კეთილი მწყემსი უვლიდა თავის ყოვლად შეუგნებელ და მეტად ცრუმორწმუნე მრევლსა. გადასახადებისაგან განთავისუფლებული ჰყავდა თავადებისაგან გატყავებული გლეხები“.

თვითონ მიხ. ასათიანი ავტობიოგრაფიულ მხატვრულ ნაწარმოებში „მე და ონისიმე“ თანაგრძნობითა და პატივისცემით გვიხატავს თავისი მამის მოქმედებას: „ონისიმეს (უნდა ვიგულისხმოთ თვითონ ავტორი, მიხეილ ასათიანი — მ. ზ.) მამა, — აღნიშნულია რომანში, — როგორც მოგახსენებთ, ღარიბი მღვდელი იყო. მე თვითონ ვნახე იგი ძველ დაკონკრეტულს ანათორაში, დაჰმუჭუნულს და დაგლეჯილს შლიაპაში, როცა მან უკანასკნელად ჩამოიყვანა თბილისში თავისი ონისიმე. მეტად ღარიბი... მეტი მისაზიდველი და საყვარელი კაცი იყო ეს ზაქარია ასათიანი (იგულისხმება მ. ასათიანის მამა იოსებ ასათიანი). შეხედამდა მას კაცი თუ არა, მაშინვე მიხვდებოდა, რომ მის გულში არაერთარ ხინჯსა, ბოროტებას არ შეუძლიან თავის შეფარებაო... მრევლის ხალხი, სადაც იგი მღვდლობდა, თურმე ღვთის კაცს ეძახოდა მასა და ეხლაც კურთხევით იხსენიებს მის სახელს... ის კი არავე იცოდა, რომ სამრევლოდან იმდენსაც ვერა რჩებოდა ეს მღვდელი, რომ თავისი შინაურობა ერჩინა, როგორც რიგი იყო წლითი წლობამდე, და ხშირად უნაფქვობისაგანაც შეწუხებული იყო...“<sup>2</sup>

აი ამისთანა ღარიბი მღვდლის ოჯახში 1849 წელს სიღნაღის მაზ-

<sup>1</sup> ეკატერინე ასათიანისა, მიხ. ასათიანის მეუღლეა, თედორე ჰრელსვიგისის ქალი, ცნობილი ბუბლიცისტი-ხალხოსნის სტიფანი ჰრელსვიგისის და. ეკატერინე ასათიანისა მონაწილეობას იღებდა ჩვენს მწერლობაში, „ურნ. მიმედში“, შემდეგ „ურნ. ნაკადულში“. მას აქვს მოთხრობები როგორც საკუთარი, თარგმანული, ისე ნათარგმნიც.

<sup>2</sup> მიხ. ასათიანი, მე და ონისიმე, ურნ. „მიმედი“, 1881 წ., № V, გვ. 14—15.

რის სოფ. ბაკურციხეში<sup>3</sup> დაიბადა მიხ. ასათიანი. მიხეილს სწავლა და-  
აწყებინა მამამ. მან შვილი მალე მოამზადა და სიღნაღის სამოქალაქო  
სკოლაში შეიყვანა. ეს სკოლა მიხ. ასათიანს დაუმთავრებია 1861 წ.,  
რის შემდეგაც ის მამას გადმოუყვანია თბილისის სასულიერო სასწავ-  
ლებელში. ეს სასწავლებელი მას დაუსრულებია 1865 წ. და იმავე  
წელს, სწავლაში წარმატების გამო, მიხეილი თბილისის სასულიერო  
სემინარიაში სახელმწიფო ხარჯზე მიუღიათ.

როცა მიხეილი სემინარიის მესამე კლასში იყო, მას მამა გარდაე-  
ცვალა. დარჩა საშინელ სიღარიბეში: დედა, გასათხოვარი ქალითა და  
პატარა ვაჟიშვილით.

აქედანვე იგრძნო მიხეილმა პასუხისმგებლობა ოჯახისადმი და ამას-  
თან ერთად ცხოვრების სიმუხთლე და სიმკაცრე. მის წინაშე მთელი  
სიმძიმით დაისვა საკითხი — რა გზა უნდა აირჩიოს მან ამიერიდან? სას-  
წავლებლისათვის თავის დანებება მას არ უნდოდა, ცოდნის შეძენის  
სურვილი მასში დიდი იყო. არა და ოჯახი მისგან მზრუნველობას თხო-  
ულობდა. მალე სემინარიაში საქმისმწარმოებლის ადგილი გათავისუ-  
ფლდა<sup>4</sup>. მიხეილი იძულებული გახდა ემუშავა ამ თანამდებობაზე, რაც  
მას აძლევდა თვეში 5 მანეთს და საკუთრად ცხოვრების შესაძლებლო-  
ბას. ამით კი მას შეეძლო ოჯახისათვის დიდი დახმარება გაეწია.

მართლაც, მან თავისი უმცროსი ძმა თბილისში გადმოიყვანა და  
დაუწყო სასწავლებლისათვის მზადება. დაც მალე კურსდამთავრებულ  
სემინარიელზე გაათხოვა. ამის შემდეგ მან გადაწყვიტა კარგად ესწავ-  
ლა, რომ აკადემიაში, ან უნივერსიტეტში შესულიყო. „მე კიდევ მეცა-  
დინეობას ერთი ორად ვუმატე — გადმოგვემს მიხეილის მოგონებას  
მისი მეუღლე ეკატერინე ასათიანისა, — მინდოდა უსათუოდ აკადემი-  
აში, ან უნივერსიტეტში შევსულიყავი. თუმცა ვიცოდი, რომ მთავრო-  
ბა უკანასკნელ კურსებზე გეზათ მიყურებდა. ასეც მოხდა. მე უკეთე-  
სი მოწაფე ვიყავი და მასთან უღარიბესი, მაგრამ ორი სხვა სრულებით  
ბეჩავი და დაქვეითებული მოწაფე წარადგინეს“.

როგორც ჩანს, მიხ. ასათიანისათვის ეს პერიოდი მეტად მძიმე ყო-  
ფილა. ამ პერიოდის განცდებს თვითონაც საკმარისი დაწვრილებითა  
და სიტბოთი აგვიწერს თავის ზემოხსენებულ ავტობიოგრაფიულ მო-  
თხრობაში „მე და ონისიმე“. „ძნელი იყო ონისიმესათვის იმ დროს

<sup>3</sup> ეს ცნობა ავტ. საქ. სახ. ცენტრარქივის თბილისის სასულიერო  
სემინარიის 1870 წ. არქივიდან, სადაც დაცულია მიხეილ ასათიანის  
სემინარიის დამთავრების შესახებ მიწმობა (свидетельство), მოკლე ბიოგრაფიული  
ცნობებითა და საგნებში წარმატების ნიშნებით. ე.კ. ასათიანის ცნობით კი მიხ. ასათი-  
ანი დაიბადა სოფ. ვეჯინში (გურჯაანის მახლობლად).

<sup>4</sup> სემინარიაში, ჩვეულებრივ, საქმისმწარმოებლისა და ფერშლის მოვალეობას უფ-  
როსი კლასის მოწაფეები ასრულებდნენ მცირე ჯამაგირისა და მცირე შეღავათს მიღებით.

მამის სიკვდილი, საყვარელი მამისა, ძნელი უფრო იმით, რომ ეხლა ნორჩ თავზედ უნდა დასწოლოდა მთელი ოჯახის პატრონობა, წვრილ-ფეხობაზე ზრუნვა. ზაქარია მღვდელს არა დაუტოვებია რა თავის ცოლ-შვილისათვის, გარდა ერთი პატარა მამაპაპეული ვენახისა და მართალი, ღვთისნიერი, კაცის სახელისა“...<sup>5</sup>

იქვე დაწვრილებით გადმოცემულია ის შევიწროება, რომელიც მისმა ქვრივმა დედამ მღვდელ-ბლალოჩინებისაგან განიცადა და რამაც ონისიმეს (ე. ი. ავტორს) ბევრი მწარე ტანჯვა მიაყენა. „აი ამ დროს იყო რომ ონისიმემ უკლო მეცადინეობასა და სწავლას. უკლო უფრო იმის გამო, რომ მწერლად შევიდა სემინარიის სამმართველოში“.

მიხ. ასათიანი ამავე ავტობიოგრაფიულ მოთხრობაში ადასტურებს იმასაც, რომ მან მალე დაც გაათხოვა კურსდამთავრებულ სემინარიელზე, რომელმაც „ონისიმეს გამოუცხადა, რომ შინაურებზედ შენ ახლა ჯავრი ნულარა გექნება რა, ყველას მე ვუპატრონებ და აბა, ვინძლო, შენ იმდენი იმეცადინო, რომ აკადემიაში წახვიდეო“<sup>6</sup>.

ღის გათხოვებისა და მასთან ერთად ოჯახის დაბინავეების შემდეგ მიხეილს დამახასიათებელი ბეჯითობით დაუწყია სწავლა და 1870 წლის გაზაფხულზე დაუმთავრებია თბილისის სასულიერო სემინარია.

1870 წლის 13 ივნისის თარიღით მიხეილს სემინარიაში კურსის დამთავრების შესახებ მიღებული აქვს მოწმობა, რომელშიაც ყველა საგანში საუკეთესო ნიშნებთან ერთად (ყოველ საგანში ოთხიანი ან ხუთიანი ნიშანი აქვს—თერთმეტ საგანში მიღებული აქვს 51<sup>1/4</sup>) ასეთი დახასიათებაცაა ჩაწერილი: „Михаил Асатиани от роду 21 года в Тифлисской Духовной Семинарии слушал предметы во всех трех классах при способностях отличных, прилежании очень ревностном и поведении очень хорошем“<sup>7</sup> (ყოფაქცევის შესახებ ჯერ დაწერილია отличном, მაგრამ წაშლილია და ზევიდან ჩაწერილია очень хорошем). ყოფაქცევაში ნიშნის დაკლება, ალბათ გამოწვეულია იმ გარემოებით, რომ 1870 წელს სემინარიის პანსიონში მოწაფეებმა აჯანყება მოაწყეს. ამ აჯანყების ერთი მთავარი მონაწილეთაგანი იყო მიხ. ასათიანი.

აი ამის შესახებ რა წენიშვნას უკეთებს ჟურნალ „იმედის“ რედაქტორი მიხ. გურგენიძე მიხეილ ასათიანის სიკვდილის შემდეგ დაბეჭდილი მისი მოთხრობის „მე და ონისიმე“ XI თავს: „რედაქციას, —წერს მიხ. გურგენიძე,—მეტად სამწუხაროთ მიაჩნია, რომ აქ აკლია ამ

<sup>5</sup> მიხ. ასათიანი, მე და ონისიმე, „იმედი“, 1881 წ., № V, გვ. 17.

<sup>6</sup> მიხ. ასათიანი, მე და ონისიმე, „იმედი“, 1882 წ., № 1, გვ. 3.

<sup>7</sup> საქ. სახ. ცენტრარქივი, Архив Тифлисской Духовной Семинарии за 1870 г.

<sup>8</sup> ჟურნალი „იმედი“, 1832 წ., № 1, გვ. 28—29.

წარჩინებულ მოთხრობას! რამდენიმე თავი, რომელიც განსვენებულს ავტორს თეთრათა ჰქონდა გადაწერილი და წაეკითხა კიდევ ბევრ თავის კეთილ მყოფთათვის. აქამდე ამიტომ ვაგვიანებდით ამ გაგრძელების დაბეჭვდას, რომ იმედი გვქონდა მის ნაწერებში გამოგვენახა სადმე აღნიშნული ადგილები. მაგრამ მეცადინეობა უქმი გამოდგა. თვითონ ეს გაგრძელება მხოლოდ შავად დაწერილია ვიპოვნეთ და მინც ვბეჭდავთ, რადგან ეს შავიც ცხადად გვიჩვენებს, თუ რა (?) შესაძლოა თვითონ ჩვენი ცხოვრების აღწერა, რამოტელა სიმშვენიერე, ლაზათი და აზრი მოიპოვება ჩვენ გარშემო. თუ კი კაცს აქვს ნიჭი, რომ თვალები გამოიყენოს დასანახავად და ყური — გასაგონად. უნდა განუცუხადოთ მკითხველსა, რომ დაკარგულ ადგილებში განსვენებულ მ. ასათიანს, მართლა შესანიშნავათა ჰქონდა გამოხატული სემინარიაში უკანასკნელი ორი წელიწადი ონისიმეს გახსნილობისა, ხასიათის გამაგრებისა, ზნეობითი იდეალების გამორკვევისა. იქამდე მიიყვანა ავტორმა ონისიმე, მანამ სამართლიანობისა და პატიოსნების დაცვისათვის ონისიმემ ითავა მთელი სემინარიის აჯანყება უსინდისო და უსამართლო მასწავლებელ-მოხელეებთა წინააღმდეგ. აქ იყო ხელოვნურად და უტყუარად აღწერილი ამბავი...<sup>9</sup>, რომელიც მოხდა მგონი 1871 წელს<sup>10</sup> და, რომელშიაც თ ვ ი თ ო ნ ა ვ ტ ო რ მ ა მ ი დ ო უ მ თ ა ვ რ ე ს ი მონაწილეობა<sup>11</sup>. აღწერილი იყო ის უშვერი საქციელი, რომელსაც იმოტელა შაგირდების თვალწინ იჩენდნენ მაშინდელი, რექტორ-ინსპექტორ-ეკონომ-მასწავლებლები. შიმშილით და უწმინდურებით... და მათზე გადახდილი ფული ვინ იცის საითა ჰქრებოდა მოთავეების წყალობით. ვინც გაბედავდა და ზმას ამოიღებდა, მაშინათვე ამოუქოლავდნენ სემინარიის კარებსა და გააგდებდნენ. ამისთანა საშინელი შევიწროების დროს, რამდენიმე გამბედავი მასწავლებლის თაოსნობით მოხდა იშვიათი შეთქმულება სემინარიელებისა — გადასწყვიტეს ისე ეცემნათ მოხელეთათვის, რომ სადაც თავისი დაეკეხნათ, იქ არც სემინარიელები დავიწყებოდათ. მაგრამ მამბეზლარებმა შეატყობინეს რექტორსა და შუალამისას, როდესაც ერთი თვალის დახამხამებაზედ თითქმის სამასამდის მოსწავლე გამოიფინა ზემოთა ბალკონზედ და შეიქმნა უცებ საშინელი ყვირილი: „პური გვშიან, პური გვშიან“, იმ იმედით, რომ ამ ხმაურობაზე გარედ გამოვლენ მოხელეებიო, ესენი არ გამოვიდნენ. მაშინ „ბუნტოვჩიკებმა“ მხოლოდ ესლა მოახერხეს, რომ დაუწყეს რექტორის ფანჯრებს სროლა და რამდენიმე შუშაც ჩალეწეს“...<sup>12</sup>

<sup>9</sup> ჯურნალის რედაქტორის შენიშვნაშიც მრავალწერტილია. აქ. ცხადია, ცენზორის მიერაა ტიქსტი ამოღებული.

<sup>10</sup> მიხ. გურგენიძე აქ ცდებო, უნდა იყოს 1870 წ., რადგანაც 1871 წ. მიხ. ასათიანი სემინარიაში აღარ სწავლობდა.

<sup>11</sup> ხაზი ჩვენია.

<sup>12</sup> დედანშიაც აქ მრავალწერტილია.

ამონაწერი საგრძნობლად გრძელი გამოვიდა, მაგრამ მოყვანილი ცნობა მრავალმხრივად დამახასიათებელი და საგულისხმიერო. ჯერ ერთი მით, რომ ეს ამონაწერი ახასიათებს იმ დროის სასულიერო სემინარიის მოსწავლეებსა და მასწავლებელ-აღმზრდელთა ურთიერთობას. მოსწავლეთა უკმაყოფილო სულიერ განწყობილებას, მათ აღმფრთვებასა და გამბედაობას, რასაც იმ დროს საზოგადოებრივი ცხოვრების მდგომარეობის გაგებისათვის დიდი მნიშვნელობა აქვს. და უფრო კი მით, რომ მიხ. ასათიანის ხასიათსა და როლს ამ მოსწავლეთა მოძრაობაში ერთგვარად ამჟღავნებს. ამიტომაც, რომ მიხ. ასათიანი, როცა მოიგონებდა იმ მომენტს, ამბობდა: „მინდოდა უსათუოდ აკადემიაში, ან უნივერსიტეტში შეესულიყავი. თუმცა ვიცოდი, რომ მთავრობა უკანასკნელ კურსებზე გეზათ მიყურებდაო“.

ამასვე ადასტურებს მიხ. ასათიანის ავტობიოგრაფიული მოთხრობა „მე და ონისიმე“. როდესაც ონისიმეს დიდგულაძის ნათესავი დაიბარებს და ურჩევს: „წადი აკადემიაში, შეასრულე კურსი. მოდი იქიდან და მაშინ იზრუნე მოძმისათვის და მამულისათვის. დასასრულ ამას ვეტყვი, — განაგრძობს დიდგულაძის ნათესავი, — მე როგორც შემიტყვია, შენ შენიშნული ყოფილხარ რექტორისაგან და მაშინ იმედი ნუ გექნება, რომ მალე მიიღებდე მღვდლობასა. მე ეს თვით შემიტყვია ნამდვილი წყაროდგანაო“<sup>13</sup>.

საინტერესოა გავერკვიოთ, რატომ შემოაქვს ავტორს ახალგაზრდა სემინარიელების სურვილი მღვდლის გზის არჩევის შესახებ და როგორ ეხატება მას მღვდლის მოღვაწეობის დანიშნულება? შესაძლებელია ვიფიქროთ, რომ აქ მღვდელი ერთგვარი ნიღაბია ავტორისათვის, რომ მან მოქალაქის საზოგადოებრივი დანიშნულება გაარკვიოს ისე, როგორც ეს მას ეხატება ახალი მსოფლმხედველობის თანახმად. და მეორე მხრით, პატიოსანი მღვდლის დახატვით უფრო გაამახვილოს სამღვდლოების უარყოფითი მხარეები, რასაც ავტორი ასე დაუნდობლად და მოურიდებლად ასახავს.

მართლაც, უნდა აღინიშნოს, რომ ავტორი „მე და ონისიმე“-ში ზერხიანად გადაგვიშლის საღ, აზრიან ცხოვრებას მოწყურებულ ახალგაზრდა სემინარიელებს პიროვნებისა და ცოცხალი აზრის მომსპობ სემინარიის პირობებში. ცნობილია, რომ როგორც რუსეთში, ისე საქართველოშიც, სასულიერო სემინარიაში, მთავრობის სურვილების წინააღმდეგ, ადამიანის გამათახსირებელ სემინარიის პირობებში, როგორც წინააღმდეგობა, მძლავრად გაღვივდა არსებულის უარყოფა და საღი, ადამიანური ცხოვრების მოპოების აუცილებლობის შეგნება. რუსეთში ამ დროს აზრომფლობელნი არიან სემინარიელები: ჩერნიშევსკი, დობ-

<sup>13</sup> მიხ. ასათიანი, მე და ონისიმე, „იმედი“, 1882 წ., № 1, გვ. 31—32.

როლიუბოვი და სხვანი, საქართველოში სემინარიელები: სტ. პრელა-  
შვილი, დ. კეხელი, ნ. ხიზანაშვილი, ს. მგალობლიშვილი, ნ. ლომო-  
ური, მიხ. ასათიანი და სხვანი. შემდეგში „მესამე დასელების“ უმრავ-  
ლესობაც ხომ სემინარიიდან გამოვიდა.

თბილისის სემინარიელთა ცხოვრების ეს მხარეც მიხ. ასათიანს თა-  
ვის მოთხრობაში საგრძნობლად მკვეთრი ფერადებითა და ემოციით  
აქვს მოცემული: „საცა კი ორი და სამი სემინარიელი თავს მოიყრიდა,  
აუცილებლად აგვიტყდებოდა გაჩაღებული ბაასი. ბაასობა, რომელ-  
საც ვეძახოდით „სპორსა“, იმ დროს მეტად გაძლიერებული იყო  
ჩვენში სხვა და სხვა მაღალ კითხვებზე. მოდი და თუ შეგიტყვია რამ ამ  
საგანზედ, ან წაგვიკითხნია, ნუ დაეჭაჯგურები ორთავე ხელით, რომ გა-  
მოიყენო და მოწინააღმდეგემ არ „გაგჯოროს“, როგორც ვიტყოდით  
ხოლმე მაშინ დამარცხებულზედ“<sup>14</sup>.

მაგრამ მარტო ბაასით არ კმაყოფილებოდნენ ეს დაინტერესებუ-  
ლი ახალგაზრდები. როგორც ჩანს, და უნდა ვიფიქროთ, მათ თავიანთ  
თავზე დიდი მუშაობა უნდა ჩაეტარებინათ. ამ მიზნისათვის თავიანთი  
ბიბლიოთეკაც კი შეუდგენიათ — ყოველ წლის დასაწყისში კაცის თა-  
ვზე თითო მანეთს თურმე შეკრებდნენ და ასე ამდიდრებდნენ თავი-  
ანთ ბიბლიოთეკას. „მივადექით, — გადმოგვცემს მიხ. ასათიანი, —  
ამ წიგნების კითხვას და ისე დავიხვიპენით მათგან ცოდნით, რომ ზო-  
გიერთ მასწავლებელთაგანს ეშინოდა ჩვენთან პირში შემობმისა“<sup>15</sup>.

მოთხრობის გმირნიც გაშმაგებით არიან ჩაბმულნი სემინარიელ-  
თა ამ მუშაობაში. „ონისიმემ, — მოგვითხრობს ავტორი, — ისე შე-  
ითვისა ყოველივე წაკითხული და გაგონილი, რომ, როდესაც ის დაი-  
წყებდა ლაპარაკს, კაცს ეგონებოდა ყველაფერი იმას თითონ სცოდნია,  
თითონ უნახავს, თითონ გამოუტღია, გამოუგვრძნია და არა წიგნებიდან  
შეუძენია“<sup>16</sup>.

ამის გარდა, ავტორი კიდევ ერთს გარემოებას უსვამს ხაზს. სახელ-  
დობრ: ონისიმეს, როგორც ბევრს სხვასაც, ჩვეულება ჰქონია რვე-  
ულში ეწერა თავის განცდები, მისწრაფებანი, ან ამოეწერა გამოჩენილ  
პირთა სახელმძღვანელო აზრები. დამახასიათებელია მოსწავლეთა ამ  
ჯგუფისათვის ის ქართული წარწერა, რომელიც ავტორის გადმოცე-  
მით, ამ რვეულებს ჰქონდა: „ამ ქვეყანაზედ მარტო ერთი ადგილია ყვე-  
ლასათვის სასურველი — ადგილი პატიოსანი კაცისა, რომელიც ახალ-  
გაზრდობაშივე არ ეცდება მასზედ მოიკეცოს, იგი დარჩება საბოლო-  
ოდ ან რეგვენად, ანუ ავაზაკად“. აქაც ეპოქის გავლენა მოჩანს, ადამი-  
ანის ღირებულება ფასდებოდა მისი ზნეობის მიხედვით.

<sup>14</sup> მიხ. ასათიანი, მე და ონისიმი, „იმედი“, 1882 წ., № 1, გვ. 6—7.

<sup>15</sup> იქვე, იგივე, გვ. 5.

<sup>16</sup> იქვე, იგივე, გვ. 7.

ცნობილია, რომ 70-იანი წლების სემინარიელები თანამშრომლობდნენ მაშინდელ ჩვენ პერიოდულ გამოცემებში ზოგი თარგმანებით, ზოგიც ორიგინალური ნაწარმოებითა და კორესპონდენციებით (მაგ., ნ. ლომოური, სოფ. მგალობლიშვილი და სხვანი). მიხ. ასათიანი გვიმოწმებს, რომ შიგნით სემინარიაშიც ხელიდან ხელში გადადიოდა რამდენიმე ხელნაწერი რვეული სემინარიელების ლექსებისა. მაგრამ ავტორი განსაკუთრებით ხაზს უსვამს ხელნაწერ ჟურნალს „ხმა უდაბნოდგან“<sup>17</sup>, რომელშიაც, ავტორის მოწმობით, „გამოხეთქა სემინარიელთ ტვინის ძალამ“.

ცხადია, ასეთი განწყობილების ახალგაზრდობა გატაცებით დაუწყებდა თვალყურის დევნებას იმ აფორიაქებულ, ატეხილ ცხოვრების ნაკადს, რომელიც 60—70-იან წლებში მძლავრ ქართველსავე იჭრებოდა რუსეთის დახვესებულ საზოგადოებრივ ცხოვრებაში და აქედან ჩვენ ცხოვრებასაც ახალი გზით მიმართვის შესაძლებლობას უხსნიდა.

სემინარიელთა ეს წრე ხარბად იყო დაწაფებული მაშინდელი საზოგადოების აზრთა მფლობელთა თხზულებებს (ჩერნიშევსკი, დობროლიუბოვი, პისარევი), იმ დროის რუსეთის მოწინავე ჟურნალ-გაზეთები მათთვის აღმზრდელ წყაროდ გადაიქცა. ამას მოწმობენ იმ პერიოდის სემინარიელები. ამას მოწმობს ნ. ლომოური თავის მოგონებაში<sup>18</sup>, ამას მოწმობს მიხ. ასათიანი თავის ხსენებულ მოთხრობაში „მე და ონისიმე“ და სხვანი.

აშკარაა, 70-იანი წლების ხალხოსნურ მოღვაწეობას „ხალხში სიარულის“ იდეას, ასეთი გატაცებითა და დიდი მსხვერპლის განწირვით რომ ტარდებოდა რუსეთში, თბილისის სემინარიის წყვილიადით მოცულ ჯურღმულშიც შეუშუქებია, საუკეთესო ნაწილი სემინარიელებისა გაუტაცნია. კეთილი მოქმედებისათვის აღტყინებული ახალგაზრდა გული მძიმედ დაუკოცია, გარემოს დანახვისათვის მათი თვალი გაუღიღებია, ყური საზოგადოებრივი მაჯისცემის გაგონებისათვის გაუმახვილებია; გაქირვებული, ჩამორჩენილი, დაბრეყვებული ძმის სამველად მომზადებისა და სათანადო მოქმედების ასპარეზის გამონახვის ტკივილებს მათ ტვინსა და გულში ღრმად დაუბუდებია.

ხალხის ბედნიერების მოპოვებისათვის აღფრთოვანებული ონისიმე მოწინავეთა ემზადება სამოღვაწეოდ. მოუთმენლად ელის კურსის დამთავრებას. ცოდვად მიაჩნია უმადლეს სასწავლებელშიც კი შესვლა. მისი გაგებით, დაბრეყვებული ძმის დაბეჩავებული ცხოვრება დაუყოვნებლივ ითხოვს მის პრაქტიკულ მოქმედებას. და

<sup>17</sup> უდაბნოდ იგულისხმება კარჩაკეტილი, საღ ინტერესს, ცხოველყოფელ ძალას მოკლებული სასულიერო სემინარიის ცხოვრება.

<sup>18</sup> ნ. ლომოური მას მოგონება წაიკითხა 1915 წელს აკაკი წერეთლის ხსოვნის აღსანიშნავ სამკლოვიარო საჯარო სხდომაზე ქ. თბილისში.



ონისიმეც, როგორც ეს დამახასიათებელი იყო 70-იან წლებში რუსეთშიც, მაღალი თეორიებითა და იდეური მისწრაფებებით გატაცებული, პიროვნების მნიშვნელობის გაზვიადებული წარმოდგენით იმედიანად ლამობს, რაც შეიძლება მალე გადაეშვას გამძვინვარებული ცხოვრების წუმპეში, რათა გაწმინდოს იგი და დაჩაგრული ძმა განადგურებისაგან იხსნას.

ავტორი ონისიმეს აი როგორ აღაპარაკებს: „ვისაც ცოტა არის მაინც ადამიანის ფერი გვაქს და კაცობრიობის სიყვარულში თავს ვდებთ, უნდა შევდგეთ მღვდლათა და გაუხდეთ ხალხს ნამღვილი მამა, მოძღვარი, მწყემსი. ჩვენში სამწყსო დიდია და ამ სამწყსოს ჩვენსკენაც აქვს თვალები მოქცეული. მიგველის, რომ აი ეს არის გამოვლენ, მომეპატრონებიან, მწყემსობას გამიწვევენო. ჩვენ კი ამას ყურადღებას არც კი ვაქცევთ და მივრბივართ აქეთ-იქით... და ამ დიდ და უპირველეს ჩვენს თანამდებობას კი უტოვებთ ნაბოლავარა, ყარტალ-ყურტალა პირთა, რომელთაგანაც ვერა კეთილსა და სამაგალითო საქმეს ვერა ხედავს ხალხი...“<sup>19</sup>

მის. ასათიანმა კარგად იცის ჩვენი სოფლის ჩამორჩენილობა; კარგად იცის, რომ ის დაეწიებული, აბუჩად აგდებული, შეძლებულთა და მოხელეთა ბოროტი თვითნებობის თარეშის ქვეყანაა. ავტორი კარგადა ხედავს საზოგადოებრივ მოღვაწეთა ძალთა სიმცირეს, მათ საჭიროებას და ახალგაზრდა გატაცებულ ონისიმეს ასე აღაპარაკებს: „ეხლაც არავის შეუძლია იმდენი კეთილის დათესა, მეტადრე სოფელ ალაგას, როგორც მღვდელს, რომლისთვისაც ხალხს შეურჩენია, აქნობამდის კიდევ წინანდელი სახელი „მოძღვარი“. მაგრამ ჩვენი მოძღვრები, საუბედუროთ, კარგა ხანია ვეღარ მოძღვრობენ. ძლიერ დაბლა ჩამოჰკრეს მათ თავი, დაეცნენ ხალხის თვალში... ხალხმაც ამოითვალისწუნა იგინი... რათ ემღურიან ჩვენი მღვდლები ხალხს? განა აქვთ საბუთი ამისათვის? სრულიადაც არა... რა კეთილსა და სასარგებლო გზაზედ აყენებენ იგინი იმათ, რომელნიც მათ უწოდებენ ამ დიდ მნიშვნელობიან სახელს „მოძღვარო“? აბა იგინი, როგორც მწყემსნი, განა მწყსობენ ერსა, იხსნიან, იფარებენ იმ ბოროტებისაგან, უსამართლობისაგან, რომელნიც ესე მოღუნებულნი არიან ჩვენში? არა მგონია... აქ ბევრ სხვა საყვედურს ამბობს ავტორი მღვდლებისადმი, კიდევ ბევრი საყვედურის თქმა უნდა მათდამი, ბევრი მათი ნაკლის აღნიშვნა, მაგრამ ალბათ, ცენზორის ბრჭყალების გამო, აზრს წყვეტს. თუმცა მღვდლების უარყოფითი მოღვაწეობის შთაბეჭდილება რომ უფრო გააღრმავოს მკითხველში, ის მოხერხებულად შემდეგს ჩაურთავს: „ვინ იცის,

<sup>19</sup> მის. ასათიანი, მე და ონისიმე, „იმედი“, 1882 წ., № 1, გვ. 12—15.

„რაები არ ჩამოეთვალა მღვდლების საქციელიდან, რომ მე სიტყვა არ გამეწყვეტინებინა“.

ამრიგად, მიხ. ასათიანისათვის სემინარიის უკანასკნელ კლასშივე მომავალი მოღვაწეობის გზა ვარკვეულია — უანგარო, ხალხის ერთგული მასწავლებლის ეკლიანი ასპარეზი მისთვის მიზნადგელი ძალითაა აღჭურვილი და ისიც შეგნებულად მიდის ამ გზისაკენ.

„ვიცხოვროთ ისე, როგორც ხალხი ცხოვრობს... — ურყევად და იმედინად ამბობს ონისიმე, — ხალხი ღარიბია — ჩვენც გამოვცადოთ, რა გემოსია ეს სიღარიბე. სხვა რამ მწუხარება და ვაება დაადგება — ავიტანოთ ჩვენც მასთან ესეები. და თუ იმას ვიზამთ, რომ წამოვახედებთ და წელში გავმართავეთ ჩვენს სამწყსოს, ხომ ჩვენც შეღავათი მოგვეცემა ამითა. ჩვენ უნდა ვიყენეთ ხალხის ნამდვილი მამა, თანამოძმე, მისი ჭირისა და სიხარულის გამყოფი, მისი უბედურებისა და ბედნიერების თანამოაზრე, რომ ნამდვილად:

მისი წყლული გვაჩნდეს წყლულად,  
გვეწოდეს მის ტანჯვით სული,  
მის ბედით და უბედობით  
დაგვედაგოს მტკიცეთ გული.

აი მხოლოდ მაშინ გაგვიცნობს ჩვენ ხალხი და მიგვიღებს თავისათ...<sup>20</sup>

ეს ხომ ჩვეულებრივი და დამახასიათებელი მისწრაფებაა რუსი და ჩვენი ხალხოსნებისა, რომელნიც (განსაკუთრებით კი რუსეთში) დიდი გატაცებით გამოვიდნენ სამოღვაწეო ასპარეზზე გლახკაცისათვის, დაბეჩავებული ხალხისათვის ბედნიერების მოპოვების მიზნით. მკითხველი მწვავეთა გრძნობს ავტორის ტკივილებს, გრძნობს, თუ ავტორის ჭკუა-გონებას ვარემო-მდგომარეობა რამდენად აუწონ-დაუწონია, სანამდის ის გარკვეულ გზას და გადაწყვეტილებას დაადგებოდა. მიხ. ასათიანის მოთხრობა „მე და ონისიმე“ ტიპიური დამახასიათებელი ყანარია — ავტობიოგრაფიული მოთხრობა — ხალხოსანი მწერლებისათვის. ხალხოსანი მწერლები გამოდიოდნენ თავისი პირადი განცდებიდან, მათ განზოგადოებულ ტიპიურობაში აჰყავდათ პირადი ცხოვრება.

მიხ. ასათიანი კარგად იცნობს ცხოვრების სინამდვილეს, ზედმიწევნით იცნობს ხალხს, მის გაჭირვებულ მდგომარეობასა და მის სულისკვეთებასაც. იცის რა სტკივა ხალხს, რას თხოულობს, რას ელის ის ნამდვილი კეთილის მსურველისაგან. ამიტომ ავტორი ონისიმეს დახატვაში კიდევ ერთ საგულისხმიერო და ეპოქისათვის, ხალხოსნებისათვის დამახასიათებელ ხაზს გვაძლევს. ონისიმესათვის ისიც აშკარაა,

<sup>20</sup> მიხ. ასათიანი, მე და ონისიმე, „იმედი“. 1882 წ., № 1, გვ. 13.

რომ მარტო სურვილი და სიტყვა, თუნდაც ძალიან კეთილი და ბრძნული, ამგვარი მოღვაწეობისათვის საკმარისი არ არის, მან კარგად იცის, რომ ხალხმა საქმეში უნდა დაინახოს, განიცადოს ნათქვამის სარგებლობა. ამიტომ საქმე და სიტყვა ერთი უნდა იყოს. ამას კი წინასწარ მომზადება ესაჭიროება. ონისიმეც ემზადება ასეთი მოღვაწეობისათვის, და რადგანაც ონისიმე, სხვა გზის უქონლობის გამო, მღვდლის სახით აპირებს პრაქტიკულ ცხოვრებაში ჩაბმას, აი როგორ ეხატება მას თავისი მოვალეობა: „მღვდელს არა გამოადგება რა სოფელში ისე, როგორც პატარაი მაინც ექიმობის ცოდნა. მღვდლისათვის საჭიროა ისტორიის ცოდნაცა. ხალხს ძლიერ უყვარს, როცა მას ძველებურ ამბავს ეუბნებიან. მღვდლისთვის აგრეთვე საჭიროა მეურნეობაში პატარა მაინც დახელოვნება, რომ ხალხს ასწავლოს ამაშიაც რამ. ამისათვის ონისიმემ მიაქცია თავისი ყურადღება ამ საგნების შესწავლასა — ამათში მარტო პედალოლიას გვასწავლიდნენ, დანარჩენი სულ ჩვენთავად დავიწყეთ სწავლაო“<sup>21</sup>, — დასძენს ავტორი.

ესეც ხომ დამახასიათებელია ხალხოსნების კულტურული, იდეური მოღვაწეობისა. ახალგაზრდა ონისიმეს ჰგონია, რომ ის შეძლებს გაწმინდოს ცხოვრების წუმბე, რომელშიც აღვირახსნილად ხალხის მტრები და მათთან მღვდლებიც ბატონობენ.

ასეთი მღვდლების სახედ ავტორს ტიტია ჰყავს გამოყვანილი.

ავტორმა კარგად იცის, რომ ცხოვრებამ ბევრი აღფრთოვანებული მოღვაწე დაამარცხა. ავტორს ამ დამარცხების მიზეზიც გამოუძებნია — ესაა ცხოვრების სინამდვილის არცოდნა, მისდამი გულგრილი დამოკიდებულება, ნაკლები გამძლეობა. ონისიმეს ეს ყველაფერი კარგად გაუთვალისწინებია. ის ენერგიულად თხოულობს, რომ ცხოვრებას კაცმა ღია თვალით შეხედოს. კარგად იცის მან, რომ ცხოვრება აღვილად დაგვამარცხებს, აღვილად ჩაგვითრევს თავის მორევში, „თუ ეხლავე არ წარმოვიდგინეთ, რომ ჩვენი გზა და კვალი, რომელთაც ეხლა ვირჩევთ, ნართა და ეკლით იქნება მოდებული და არა ია ვარდის ფოთლებით მოფენილი“<sup>22</sup>. და ისიც ურყევად და შეგნებულად აპირებს ამ სარბიელზე შედგომას.

მიხ. ასათიანის ცხოვრება არ წარიმართა მღვდლის მოღვაწეობის გზით. აჯანყებაში მონაწილეობის გამო, აღმინისტრაციის უნდობლობამ და ოჯახის დაბინავებამ ახალგაზრდა მიხეილს გეზი შეაცვლევინა. მან ამჯობინა უმადლეს სასწავლებელში შესულიყო, კურსი შეესრულებინა და დაბრუნების შემდეგ ეზრუნა მოძმისათვის.

<sup>21</sup> მ. ო. ხ. ასათიანი, მე და ონისიმე, „იმედი“, 1882 წ., № 1, გვ. 13.

<sup>22</sup> იქვე.

კურსის დამთავრებისას, როგორც მოსალოდნელი იყო, სასულიერო ადმინისტრაციას აკადემიაში გასაგზავნად სრულიად უღირსი პირნი დაუნიშნავს. აი თვით მიხეილ ასათიანი რა ცნობას იძლევა მოთხოვნაში „მე და ონისიმე“: აკადემიაში წასვლაზე „პირველმა და მეორემ უარი განაცხადეს, რადგანაც ივინი საუნივერსიტეტოთ ემზადებოდნენ, მესამეს წილი არ არგუნეს...“<sup>23</sup> ჩემზედაც გადახტნენ, გულდიადეზედაც“<sup>24</sup>.

მიხ. ასათიანის მტკიცე ხასიათი არც ამ გარემოებას შეუშინებია. საქართველოს ცენტრარქივში, თბილისის სასულიერო სემინარიის 1870 წ. საქმეებში დაცულია თბილისის სასულიერო სემინარიის მმართველობის სახელზე მიხ. ასათიანის მიერ 1870 წელს 2 ივნისს შეტანილი განცხადება, სადაც ნათქვამია: „Имя намерение в нынешнем году поступить в Академию и, считая себя подготовленным к принятию в оную, всепокорнейше прошу Правление Семинарии оказать мне такую милость в денежном пособии, какую оно оказало ученику высшего же отделения Николаю Татиеву, а документы, необходимые для поступления, всенижайше прошу заранее отправить, как это требуется существующими постановлениями“.

არქივიდან არა ჩანს რა ბედი ეწია ამ განცხადებას, მისცა თუ არა სემინარიის მართველობამ მიხ. ასათიანს დახმარება.

იმავ 1870 წელს 13 ივნისს მიხ. ასათიანს თბილისის სასულიერო სემინარიის მართველობისათვის შემდეგი ხელწერილი მიუცია:

„Я нижсподписавшийся ученик высшего отделения Тифлисской Духовной Семинарии Михаил Асатиани, даю сию подписку Правлению оной же Семинарии в том, что а) отправляюсь в Казанскую Академию на свой счет, б) что, явившись в Академию прежде допущения моего к экзамену, представлю в Правление Академии на первоначальную экипировку следующие 34 р. 28 коп., в) что, в случае не выдержания экзаменов в Академии на свой же счет возвращусь на свою родину, г) что по принятии в Академию буду во всем подчиняться Академическим правилам и довольствоваться доставляемым Академией содержанием и д) что я по окончании Академи-

<sup>23</sup> საქ. სახ. ცენტრარქივში თბილისის სასულიერო სემინარიის 1870 წ. საქმეებში დაცულია სემინარიის უკანასკნელი კურსის მსმენელთა საგამოდო უწყება და, მართლაც, მიხ. ასათიანი წარმატებით მესამეა: პირველი მექანაროვი (55), მეორე ჭეიშვილი (53) და მესამე მიხ. ასათიანი (51 1/4).

<sup>24</sup> მიხ. ასათიანი, მე და ონისიმე, „იმედი“, 1882 წ., № 1, გვ. 33.

ჩესკოგო კურსა, ობჟავიავოჲს სლუჟიტჲ დუჟოვნოჲ ვედომსტვუ ნე მსნეე ჩეთერე ლეტ ი თამ, გდე უკაჟეტ დუჟოვნოე ნაჩალესტვო“<sup>25</sup>.

მიხ. ასათიანი შეუპოვრად მიემგზავრება რუსეთში უმაღლეს სასწავლებელში შესასვლელად სულ მცირედი თანხით, რომელიც მას ბიძამა და სიძემ მისცეს. „ჩემი იმედი აღსრულდა, — გადმოგვცემს მიხ. ასათიანი თავის ავტობიოგრაფიულ თხზულებაში, — ერთმა მომცა ზუთი, მეორემ ოთხი თუმანი, იქნება მომეტებულოც მოეცათ, რომ ქეჩატად არა ყოფილიყვნენ იმ დროსა, როგორც თითონ მოიჩივლეს. ესრეთ საგზაოდ შემიდგა მე ცხრა თუმანი, რაც იმ დროს მე ცხრა მილიონად მიმაჩნდა“<sup>26</sup>.

იმავე 1870 წელს მიხ. ასათიანმა წარმატებით ჩააბარა ყაზანის აკადემიაში გამოცდები და ჩაირიცხა კიდევ. იქ ის ბეჭითად მეცადინეობდა.

ამ პერიოდის სულიერ განწყობილებას და თავის საზოგადოებრივი ღირებულების გაგებას მიხ. ასათიანი მშვენივრად გვიშლის იმავე ავტობიოგრაფიულ მოთხრობაში: „ოცნებას უფრო იქით მივეყავდი. ჩემს თვალწინ დგებოდა ის სიცოცხლით სავსე და იმედიანი ახალგაზრდობა, რომელშიც მე უნდა შევსულიყავ, მეჩვენებოდა, რომ ის ახალგაზრდობა ელტვოდა ახალ მიზანს, გაღუებული ღვთიური ცეცხლით სავსე იყო მისი გული და დღედაღამ ეძებდა, ამზადებდა იმ...“<sup>27</sup>, რომელსაც შეუძლიან ვაებისა და ჭირის შემციობება ქვეყნიერებაზედ და ლხინის მომატება დაჩაგრულ ადამიანისათვის. დაუცხრომლად ფიქრობდა იგი ბოროტების მოსპობაზედ, უმეტრების დაბლა დაცემაზედ, სამართლისა და ჭეშმარიტების მოფენაზე...“<sup>28</sup> მე სიცოცხლეს მიმატებს ასეთ ცხოვრებაში ჩავარდნა, ბედნიერად ვგრძნობ ჩემ თავსა, ედემის შუა გულში მგონია ჩემი თავი. ვიწერები წერილებს სემინარიაში, ვიწვევ ყველას იქით, ამ სიტკბოების ტაძრისაკენ და უკვდავის წყაროს დასაწაფებლად... ამასაც არ მაჭერებს ოცნება... მას უფრო იქით მივეყვარ. წარმომიდგა, რომ აი კურსიც შევასრულე და გამსებული გულით ვბრუნდები მე ჩემი ქვეყნისაკენ... მეხატება ისიც, როგორი სიხარულით მეგებებიან ჩემი ნაცნობები, ამხანაგები, როგორ ხელს მიმართავენ, თავისკენ მივეყვარ მე ჩვენ პატიოსან მუშას და დაწინაურებულ ახალგაზრდობას. მეც თამამათ ვართმევ ყველას ხელს, სწორედ ვუყურებ თვალებში თითოეულს მათგანს, რადგანაც ვხედავ, რომ

<sup>25</sup> საქართ. ცენტრარქივი, Архив Тифлисской Духовной Семинария за 1870 г.

<sup>26</sup> მიხ. ასათიანი, მე და ონისიმე, „იპედი“, 1882 წ., № 11, გვ. 11.

<sup>27</sup> დედანშიაც მრავალწერტილია. ალბათ, აქაც ცენზურის ხელმა ამოიღო შესაფერაი აზრი.

<sup>28</sup> დედანშიაც მრავალწერტილია.

მეცნიერების ჩაჩქანი მხურავს,  
ტანზედ მაცვია მისი აბჯარი;  
მარტო რაჟს ვუცდი, თორემ ხელთა მაქვს  
ფარ-ხმალ, ისარიც მეტად მავარი...“<sup>29</sup>

1874 წელს აკადემიის კურსის დამთავრების შემდეგ მიხ. ასათიანი დაბრუნდა საქართველოში ვალდებულების მოსახდელად. ამავე წელს ის დანიშნულ იქნა ქუთაისის სასულიერო სასწავლებლის ზედამხედველად.

მიხ. ასათიანი 1874 წელს აკადემიის კურსდამთავრებული, ცოდნით, ნიჭით, უნარით, ენერგიითა და საზოგადოებრივი მოღვაწეობისათვის გატაცებული მისწრაფებით იწყებს ნარ-ეკლიან გზაზე პატიოსან მოღვაწეობას. მას, როგორც ირკვევა, განზრახვა ჰქონდა თავისი ცხოვრების გზა ფართოდ და მისთვის დამახასიათებელი სიმკვეთრით აეწერა ავტობიოგრაფიულ მოთხრობაში „მე და ონისიმე“, მაგრამ, სამწუხაროდ, მისი მოულოდნელი სიკვდილისა, მისი არქივის დაზიანებისა და ბოლოს დაკარგვის გამო, ამ მოთხრობის მხოლოდ პირველი ნაწილის აღდგენა მოხერხდა.

მიხ. გურგენიძე ჟურნალ „იმედის“ 1882 წ. № 11-ში ასათიანის მოთხრობის „მე და ონისიმე“-ს დასასრულს ასეთ შენიშვნას უკეთებს: „ამით თავდება პირველი ნაწილი ამ მოთხრობისა. მეორე ნაწილში განსვენებულ ავტორს სურდა გამოეხატა ჩვენებური ახალგაზრდობის ცხოვრება რუსეთში, მისი ტანჯვითა და სიხარულითა, მისი მოქმედებითა და წადილებით. მეტადრე შესანიშნავი და ძვირფასი რამ არის თვითონ გიორგის წერილები სამშობლოში მეგობრებთან. მესამე ნაწილით ავტორს უნდოდა აეწერა უიმედო, უფერული და დაცემული მდგომარეობა სამღვდელთებისა, სადაც ონისიმემ წამოჰყო თავი, — ისა თუ რამდენი ცუდი თვისებანი არიან აღზრდილნი ამ წოდებაში, როგორ პირსა აქვს მათ შორის პატივი და დიდება, რას ჩაიდენენ ბლადოჩინები, როგორა სდევნიან ნამუსიან და ნასწავლ ამხანაგებს და ათასი „ლონისძიებით“, ენის ლაქლაქითა ჰლუპავენ მათ, რომ ასეთი პირნი არ გადაუდგებოდნენ ხოლმე გზაში და არ უშლიდნენ ქვეყნის გაძარცვასა და გარყვნას. ამ დასში, რასაკვირველია, ყველაზედ ძლიერ ხვდებოდა იმ არხიმიშენიკს, რომელიც დაუძინებელი მოსისხლე მტერი იყო ავტორისა, ამ თავგანწირული და პატიოსნებით სავსე მოქმედი კაცისა და რომელზედაც განსვენებულ მიხ. ასათიანს დარჩა ლექსი ასეთი დასაწყისით:

ღრიალაზე სახლი მიდგა,  
ვარ ცნობილი ბლადოჩინი,

<sup>29</sup> მიხ. ასათიანი, მე და ონისიმე, „იმედი“, 1882 წ., № 11, გვ. 29—30..

„უნდოდა აღეწერა, — განაგრძობს მიხ. გურგენიძე, — ის ჯოჯოხეთი, რომელსაც შემოახვევენ ხოლმე თავზედ პატიოსან მოქმედ კაცსათასი კლიაუზნიკები და მაშენიკები. უნდოდა დაეხატა ის ტრაგიკული სურათი, რომელშიაც თითონ ავტორი ჩავარდა სასწავლებლის ზედამხედველობით. უნდოდა თავზე ლაფი დაესხა გაზეთი „დროების“ ბრიყვი, უგუნური და დამნაშაური მიდგომილობისათვის ასათიანის მტრებისადმი, მაგრამ სიკვდილმა აღარ დააცალა და ამეზიდგან დარჩა მხოლოდ შენიშვნები, თითო-ოროლა ადგილები“.

მიხ. გურგენიძის მოყვანილი შენიშვნა ჩვენთვის საგულისხმიერა არა მარტო იმით, რომ მიხ. ასათიანის დაკარგული ხელნაწერის მოთხრობის შინაარსსა და მიმართულებას გვაცნობს, არამედ აგრეთვე იმითიც, რომ იძლევა პრესაში დახასიათებას მიხ. ასათიანის „თავგანწირულ და პატიოსნებით სავსე“ მოღვაწეობისას, რომელმაც ავტორს ბევრი სიმწარე, უსიამოვნება მიაყენა და, ბოლოს, რომლის მსხვერპლადაც ის შეიქმნა 1879 წ. 19 დეკემბერს.

მიხ. ასათიანს სასულიერო სემინარიის ზედამხედველობა, როგორც თანამედროვეთა ჩვენებიდან ირკვევა, დიდ ენერგიასა და ღროს ართმევდა. ისიც ყოველნაირად ცდილობდა დავალებულ საქმეს წარმატებით გაძლოლოდა. მან ოთხი წლის განმავლობაში საგრძნობლად გამოასწორა მისდამი რწმუნებული სასწავლებელი.

არის ცნობები, რომ მიხ. ასათიანი სასულიერო სასწავლებელში, გარდა სამღვდელოების შვილებისა, გლეხებისასაც იღებდა. ამის გამო მას ხშირად უსიამოვნებაც ხვდებოდა უპასუხისმგებლო და ინტრიგით გატაცებული მღვდლებისაგან. აი რა ცნობას გვაძლევს ეკ. ასათიანისა: — „სასწავლებელში რამდენიმე ვაკანსია იყო მღვდლის ობლებისათვის. ეს ობლები კი არსად ამოჩნდნენ, მიხაკომ (ასე ეძახდნენ მიხ. ასათიანს ოჯახში. — მ. ზ.) ოთხი გლეხის შვილი მიიღო კარგი გადასახადით. ყმაწვილები ძლიერ კარგად სწავლობდნენ და ძლიერ სუფთად იყვნენ ჩაცმულები. ეპისკოპოსთან ეჩივლათ მიხაკოს უკანონო მოქმედებაზე. ეპისკოპოსიც იბარებს მიხაკოს და ეკითხება: „მართლა გლეხის შვილები დაუშვი სკოლაში ობოლი მღვდლის შვილების მაგიერ?“ — დიახ, მე მივიღე გლეხის შვილები, იმიტომ, რომ ობოლი მღვდლის შვილები არ აღმოჩნდნენ, — მიუგო მიხაკომ. — მერე შენ ეგ ნება ვინ მოგცა მღვდლების ხარჯზე გლეხის ბიჭები მიიღო? —

— ეგ სიცრუეა. ისინი მე მივიღე სრულ თავიანთ ორკეც ხარჯზე. გარდა ამისა, უნდა მოგახსენოთ, თუ თქვენ მაგრე შემბოჭავთ, მე ღლესვე თავს ვანებებ თანამდებობასო“.

ეპისკოპოსი გაბრიელი მიხ. ასათიანს ყოველთვის სიფრთხილითა და პატივისცემით ეპყრობოდა თურმე და ასეთს საჩივრებს ყურად-

ღებას არ აქცევდა. პირიქით, უფრო მეტ პატივისცემასა და ნღობას უცხადებდა.

ამ დროს მიხ. ასათიანისათვის ქუთაისის ვაჟთა გიმნაზიის დირექტორს ეთხოვა მთლიანად მასთან გადასვლა გიმნაზიაში გეოგრაფიის მასწავლებლად. მაგრამ მიხ. ასათიანი თბილისისაკენ მიიწვედა, ქუთაისში ქალთა ეპარქიალური სასწავლებლის გახსნა აყოვნებდა, ამიტომ უარი ეთქვა გიმნაზიაში გადასვლაზე. „ერთი ქალების სკოლაც გავხსნა და მაშინ წავიდეთ ჩვენ ყოვლად მშვენიერ თბილისში“, ეუბნებოდა ის თურმე თავის მეუღლეს ეკატერინეს.

ქალთა ეპარქიალური სასწავლებლისათვის მიხ. ასათიანს შენობა უკვე ეშოვა. სკოლის საქმეების გამო თბილისში ჩამოსულიყო. სწორედ ამ დროს იპოხონდრიკ მასწავლებელს ღვინიაშვილს თედო ჟორდანიასაგან მოწერილი წერილი დაკარგოდა. ამ გარემოებას ის ძალიან შეეშფოთებინა. — „ღვინიაშვილი, — გადმოგვცემს ეკატერინე ასათიანისა, — გაფოთებული, გიჟური თვალებით მე მომეარდა. მე შევფიცე, რომ არ მენახა არც იმისი და არც სხვისი წერილი. ის გროზდოვთან (მიხეილის თანაშემწესთან) ავარდნილიყო. იმას ეთქვა „მგონია, თქვენ სახელზე წერილი იყოფო“. ეძებნათ ორივეს, მაგრამ ვერ ეპოვნათ. ღვინიაშვილს შუბლზე ხელი მიედო და მაღალის ხმით დაეყვირა: „მიხეილ ასათიანი აიღებდაო“.

მიხ. ასათიანი თბილისიდან რომ დაბრუნებულა, გაუგია ეს ამბავი, ძალიან გაკვირვებია, დაუნიშნავს ამხანაგური გამოძიება. ღვინიაშვილი გამოძიებანე თურმე შეიარაღებული მისულა. მასწავლებლებს ყველას ღვინიაშვილი გაუმტყუნებიათ, მიხეილ ასათიანი კი გაუმართლებიათ. ღვინიაშვილს ასეთი მდგომარეობა რომ დაუნახავს, ამოუღია ექვსი ტყვიით გატენილი რევოლვერი, უსროლია მიხ. ასათიანისათვის გულში, მერე დანით თვალები გამოუთხრია და გაქცევა დაუპირებია. ღვინიაშვილი მოსწავლეებს ქვის სროლით შეუჩერებიათ, ძალიან უტემიათ და პოლიციისათვის გადაუციათ. შემდეგ ღვინიაშვილი თავის საქციელს თურმე საშინლად ნანობდა; მან ცხოვრების უკანასკნელი 15 წელი თბილისის სულით ავადმყოფთა სახლში გაატარა და იქვე გარდაიცვალა.

აი, ამ ინტრიგებით შექმნილი ტრაგედია აქვს მხედველობაში მიხ. გურგენიძეს თავის შენიშვნაში მიხ. ასათიანის დაუმთავრებელ მოთხრობას „მე და ონისიმეს“ რომ უკეთებს.

მძიმე პირობებში მოუხდა მიხ. ასათიანს პრაქტიკული ცხოვრების წარმოება, მაგრამ ის მაინც იმედინად უყურებდა მომავალს. „პატარა რამ იყო ეს იმედი, — ამბობს თვითონ ასათიანი, — მაგრამ მაინც იგი იყო ჩემი მანუგეშებელი, ის მიბრუნებდა სიცოცხლეს. არ ვიცი რა დაემართებოდა ადამიანს ამ ქვეყნიერებაზედ, რომ ეს ცხოველმყოფელი იმედი



მას თან არ დაჰყოლოდა! რა უნდა ყოფილიყო კაცისათვის უიმედო სიცოცხლე? განა შესაძლებელი იქნებოდა მაშინ ხელის განძრევა, რაიმე კეთილისაჲენ ლტოლვა?“<sup>30</sup> მიხ. ასათიანი თავის პრაქტიკულ მოღვაწეობაში ხალხოსნების იდეებით მოძრაობდა.

## 2

მძიმე, არაჩვეულებრივი ბედი ეწვია მიხ. ასათიანის პოეტურ შემოქმედებასაც. ადამიანის ცხოვრებაც ხომ თავისებური კანონზომიერებისა და ჰარმონიის შემცველია! როგორც ირკვევა, მიხ. ასათიანს ბევრი უწერია. ვფიქრობთ, მისი პოეტური ნიჭი სემინარიაშივე გამოიქვლიდა. ხელნაწერი ლექსთა კრებულები, რომლებიც სემინარიაში ხელიდან ხელში გადადიოდა და განსაკუთრებით კი ყურნალი „ხმა უდაბნოდან“, რომელშიც, მიხ. ასათიანის თქმით, „გამოხეთქა სემინარიელთ ტვინის ძალამ“, თვით მიხ. ასათიანის ნამოქმედარსაც, ალბათ, შეიცავდა. ბევრთათვის ცნობილი ყოფილა მცხეთის ქალთა სასწავლებლის ზეიმზე მიხეილის მიერ (როცა ის ჯერ კიდევ სემინარიელი იყო) წარმოთქმული ექსპრომტი სათაურით „ქართველ ქალებს“<sup>31</sup>. „მიხაკომ, — გადმოგვცემს ეკატ. ასათიანისა, — დიდებული ხოტბა შეასხა სასწავლებელს, გამოსთქვა დიდი იმედი იქ აღზრდილ ქალებზედ... იმავე დღეს ექსპრომტად დაწერილი ლექსი ჩვენც გადმოგვცა. სათავე ამ ლექსისა არის „ქართველ ქალებს“, რომელიც ჩვენ დავისწავლეთ და ვმღეროდით თავისუფალ დროს“.

მაგრამ სერიოზული სამწერლო მუშაობა მას დაუწყია 1876 წლიდან: სემინარიისა და საზოგადოებრივი ცხოვრებიდან მოთხრობა „მე და ონისიძე“, საღღესო მღელვარე საკითხებზე წერილები „შიკრიკი“ (თავისებური ჟანრი), მოქალაქეობრივი მოტივებით დატვირთული ლექსები და პოემები.

როგორც მიხ. გურგენიძე, ეკატ. ასათიანისა და მრავალი სხვა ადასტურებს, მიხ. ასათიანს სიკვდილის შემდეგ აუარებელი ხელნაწერი დარჩა, მაგრამ, მცირე ნაწილის გარდა, სრულიად დაღუპულა. მიხ. ასათიანის მოულოდნელი და ტრაგიკული სიკვდილის შემდეგ ცოლი ავად გამხდარა და ყველაფერი უპატრონოდ დარჩენილა. შემდეგ ეკატ. ასათიანისა გადასახლებულა თავის სოფელში (მაღარო, ყოფილი სიღნაღის მაზრა). ბარგი თბილისიდან გაუგზავნია ურმით. ურემი იორში გასვლის დროს მდინარეს გადაუბარუნებია და ხელნაწერები სხვა ბარგთან ერთად წყალს წაუღია.

<sup>30</sup> მიხ. ასათიანი, მე და ონისიძე, „იმედი“, 1882 წ., № 11, გვ. 30—31.

<sup>31</sup> შესაძლებელია ეს ის ლექსია, რომელიც ავტორის შემდეგში შეტანილი აქვს ამავე სათაურით თავის „შიკრიკში“, „იმედი“, 1881 წ., № 11.

მიხ. ასათიანი ცენტრშია ხალხოსნური მიმართულების იმ წრისა, რომელიც ქუთაისში მოღვაწეობდა და თავის ორგანოს „იმედის“ გამოსაცემად ემზადებოდა. მასთან უშუალოდ დაკავშირებული იყვნენ: მიხ. გურგენიძე, ანდრო ბენაშვილი, დათა ჩიმაკაძე, სპირ. მატარაძე, ალ. გაბაშვილი, მ. პეტრიაშვილი და სხვანი. როგორც ეკატ. ასათიანისა მოწმობს: — „ტფილისიდან მიხეილს მასალები მოსდიოდა სტ. კრელაშვილისაგან, უთურგაულისაგან და მესამის გვარი დამავიწყდა, იმისაგან. სხვები სულ ქუთაისელები იყვნენ. უფრო ხშირად ჩვენსა იკრიბებოდნენ, ხანდახან ან. ბენაშვილთან და დათა ჩიმაკაძესთან“—ო.

მიხ. ასათიანს „იმედის“ გამოსაცემად არა მარტო პრაქტიკული მუშაობა უწარმოებია, არამედ ლიტერატურულიც. როგორც 1881 წ. ჟურნალ „იმედში“ მიხ. ასათიანის დაბეჭდილი ნაწერების თარიღებიდან ჩანს, მას მასალები „იმედისათვის“ ჯერ კიდევ 1879 წლისათვის დაუმზადებია. მაგ., მისი „შიკრიკი“ განზრახული ყოფილა ჟურნალ „იმედის“ მოწინავე, საპროგრამო წერილად. მართლაც, „იმედმა“ თავისი მოღვაწეობის ასპარეზი მიხ. ასათიანის „შიკრიკით“ გახსნა. „შიკრიკი“ „იმედის“ პირველ ნომერშია მოთავსებული მოწინავე წერილის დანიშნულებით. ამ ნაწარმოებს ჟურნალ „იმედის“ რედაქტორი მიხ. გურგენიძეც შესაფერ საგულისხმიერო შენიშვნას უკეთებს: განსვენებულს, ქუთაისის სასულიერო სასწავლებლის ზედამხედველს, მიხეილ იოსების ძეს ასათიანს, რომელსაც ეკუთვნის ჩვენი ჟურნალის დაარსების აზრი, შემდეგ იმის ძოკვისა, დარჩა ბევრი ხელნაწერები, თხზულებები თუ ლექსათ, თუ ისე. ეს იმის თხზულებები მისმა მეუღლემ, ქვრივმა ეკატერინე ასათიანისამ გადმოგვცა ჩვენ და დაიბეჭდებიან ჩვენს ჟურნალში. ამ იანვრის წიგნში იბეჭდებიან „შიკრიკი“, პოემა („მტკვრის ბაასი რიონთან“. — მ. ზ.) და „ოსეფას ანდერძი“.

ამრიგად, დასტურდება, რომ მიხ. ასათიანს ბევრი ნაწერი ჰქონია, მაგრამ არ უბეჭდია. როგორც ჩანს, შესაფერ ორგანოს დაარსებას უცდიდა. ასეთი ორგანოს („იმედის“) დაარსების ინიციატორად და აქტიურ მონაწილედ მიხ. ასათიანის სილუეტი ენთუზიასტური განწყობილებით გამოიყურება. მისი შემოქმედების მცირედი ნაწილი სწორედ განზრახული ჟურნალის — „იმედის“ ფურცლებზე გამოქვეყნდა, ისიც მხოლოდ მისი სიკვდილის შემდეგ.

მაგრამ მიხ. ასათიანის შემოქმედების ეს გადარჩენილი ნაწილიც გარკვეულად ამჟღავნებს, რომ ის ქართველ ხალხოსანთა ტიპიური წარმომადგენელია როგორც აზროვნებისა, ისე ლიტერატურული შემოქმედების სტილური ნიშნების მიხედვით. შეიძლება ითქვას, რომ მიხ. ასათიანი ჩვენს მწერლობაში ხალხოსნური ლიტერატურული მიმართულების ერთი ფუძემდებელთაგანია, რომ ის ჩვენს ლიტერატურაში

პირველი იწყებს აშკარა იდეურ და სოციალურ გამიჯვნას წინა თაობებისაგან.

მიხ. ასათიანი „იმედის“ დამფუძნებელი ჯგუფის სოციალურ ვინაობას მ. ტეტიაშვილის (ეს მ. ასათიანის ერთ-ერთი ფსევდონიმია. — მ. ზ.) პირით აი როგორ აცნობს მკითხველს:

არ გახლავარ მდიდრის შვილი,  
არც თავადი, აზნაური,  
ამის მეტად ჭერეთ ხელში  
არც მკერია მე ჩონგური...

მამა მყავდა მიწის მუშა,  
დედას მე არ მოვსურებივარ...

დაბრიყვებას, სისაწყულსა  
თვრს უბეში გაუზრდივარ!...

ვიპაც ვსთხოვე ხელის მოწედა:  
წადი იქით, რეგვენო,  
სოფლის ლხინში არ გაქვს წილი,  
უნდა იყო უენო!..<sup>32</sup>

და ამ „უენომ“, დაბრიყვებულმა, სისაწყულეში გამოზრდილმა, მიწის მუშის შვილმა ტანჯვასა და კვნესაში შეიგნო თავისი მდგომარეობის ტრაგიკულობა, მასში გამონახა ჭეშმარიტება და ნამდვილი, სამართლიანი ცხოვრების აუცილებლობა თავის მამოძრავებელ რწმენად გადააქცია.

მიხ. ასათიანი „რაზნოჩინეცს“ ასე ახასიათებს:

მე აღვიზარდე ჭიქა-ქუხილს ქვეშ,  
გამომიგრძენია ბევრი ვაება,  
და ამ ვაების ქვეშ იგრძნო სულმა  
თვისი სიმტკიცე და მომწიფება.

ტანჯვით და კვნესით მე მიპოვნია  
კაცურ ღირსების ჩემში შეგნება,

ლამის თენებით, სულის შფოთებით  
მე გამიციენია ჭეშმარიტება.

ძნელად შევიგნე ჭეშმარიტება,  
ძვირად ვიყიდე პატიოსნება—  
რაც ტანჯვას კვნესით მე მოვისყიდე,  
მის უარყოფა განა იქნება?!<sup>33</sup>

აქ ტონი, ენა ტიპიური რევოლუციური ხალხოსნისაა, ასეთი გატაცებით რომ იბრძოდა 70-იან წლებში.

ამიტომ, მიხ. ასათიანის რწმენით, ახალი თაობა უნდა მტკიცედ გაემიჯნოს წინა თაობას, რადგანაც მას სულ სხვა მისწრაფება, ცხოვრების სულ სხვა გაგება, სხვა ეთიკა და ესთეტიკა გააჩნია. ამიტომ „რჩევა-დარიგება“ სხვებისა, გამოიცვალოს ცხოვრება, ვინაიდან „მაგეთი თავითა და გულით“ (როგორც ახალ თაობას აქვს) ამ ქვეყანაში არ გამოდგება, დაიტანჯება, შეხვდება „ვაი-ვაგლახს, უბედურებას“, — მიხ. ასათიანს, როგორც ამ ახალი თაობის ძლიერი განწყობილების მატარებელს, არც იზიდავს და არც აშინებს. მას, პირიქით, ამით არჩეული გზის სისწორის შეგნება უფრო უღრმავდება, მრჩევლთადმი ზიზღიანი სიბრალული დეზადება და შეუპოვრად ასე მიმართავს მათ:

<sup>32</sup> მიხ. ასათიანი, „შიკრიკი, „იმედი“, 1881 წ., № 1, გვ. 3—4.

<sup>33</sup> მიხ. ასათიანი, „შეუპოვარი, „იმედი“, 1881 წ., № 4, გვ. 61.

ნუ სწუხართ ჩემთვის, გული იშვინდეთ, არ მინდა თქვენი მე თანაგრძნობა; თქვენი სიტყვებით და თქვენი რჩევით ჩემი გამოცვლა არ შეიძლება.

ექებეთ, ვისაც გულით გინდოდეთ ამ ქვეყანაზედ ტკბილი ცხოვრება, თვალ-მარგალიტი, ჩინ-აპელატი, მანუდ დადგმული, ბედნიერება.

ვერ ვულაატებ მე ჩემსა ვარსკვლავს, ჩემი სიმტკიცე არ მოიხრება; მინამ ცოცხალ ვარ, ჩემი მიზნისკენ გულადათ არ სვლა არ შეიძლება.

არ ვარ შობილი ამაებისთვის, არც შემძლიან თქვენთან ცხოვრება; სადაც თქვენა გრძნობთ თავს ბედნიერად, იქ ჩემი სული ამოიხრჩობა.

ნუ გეგონებათ, თუ ჩემი აზრი დაბრკოლებავებს შეუშინდება და ბლომდისა თავს არ გაატანს, განსაცდელისა წინა შედრება...

ვერ ვურიგდები თქვენს მოქმედებას, არც შემძლიან თქვენთან ლხინობა მძავს თქვენა საქმე, თქვენი ხადილი, თქვენი სიამე, თქვენი დიდება...<sup>34</sup>

. . . . .

აქ ისმის ნილილისტური დამოკიდებულება ძველი ეთიკისა და ესთეტიკისადმი.

მიხ. ასათიანი ემიჯნება არა მარტო დარღვეულ, დრომოქმულ სოციალურ ფენებს, არამედ თერგდალეულებსაც. თერგდალეულთაგან, გარდა სოციალური და იდეური განსხვავებისა, მიხ. ასათიანის გაგებით, ახალ თაობას ასხვავებს ფსიქოლოგიური მომენტებიც. მიხ. ასათიანის შეხედულებით, ყურნალი „იმედის“ გარშემო იკრიბება ის მოსწავლე ახალგაზრდობა, სტუდენტობა, რომელსაც ბევრჯელ შემშლით კუჭი ეწვოდა, სციოდა, მაგრამ ამას ის არაფრად აგდებდა, არც კი იმჩნევდა; ოღონდ პირნათლად შერჩენოდა თავის თავს. ეს ის ახალგაზრდობა იყო, რომელსაც ხალხის კვნესა ღამით ძილს უფრთხობდა, ღღისით მოსვენებას არ აძლედა, რომელიც სისხლის ოფლს მარად შუბლზე იწურავდა და ფუტ ოცნებას არ ეძლეოდა. მწერალი აქ ხაზს უსვამს იმ დროის არსებით გარემოებას, რომ ახალი თაობა, სამოღვაწეო და სამწერლო ასპარეზზე გამოდის უტილიტარულ-რეალისტური მსოფლმხედველობით. ყველაფერი — მეცნიერებაც, ხელოვნებაც, ლიტერატურაც საჭიროა იმდენად, რამდენადაც ყველა ეს მას მიეშველება მოქალაქეობრივი მოვალეობის შესრულებაში. ამ უტილიტარიზმმა აიძულა ხალხოსანი მწერლები და, კერძოდ, მიხ. ასათიანიც მხატვრულ შემოქმედებაში ფორმისათვის თითქმის არავითარი ყურადღება არ მიექციათ. ნაწარმოების სტილურად დახვეწა მათ არ ახასიათებდათ. მათთვის მთავარი და არსებითი იყო იდეის, მისწრაფების გატანა, მკითხველში იდეური გატაცების გამოწვევა, მკითხველის მოქალაქეობრივი აღზრდა ამიტომ ხალხოსან მწერალთა შემოქმედება ხშირად პუბლიცისტიკის ხასიათს ატარებს. ასეთი ხასიათისაა მიხ. ასათიანის შემოქმედებაც.

<sup>34</sup> მ. ხ. ასათიანი, შეუპოვარი, „იმედი“, 1881 წ., № 6, გვ. 60—61.

მიხ. ასათიანის დაკვირვებითა და გაგებით, 70-იანი წლების ქართველი სტუდენტი საზოგადოებრივ მისწრაფებათა თვალსაზრისითაც განსხვავდება 60-იანი წლების სტუდენტისაგან — თერგდალეულისაგან. რაზნოჩინეცი — სტუდენტი თერგდალეულ სტუდენტს ამ მხრითაც ემიჯნება. მიხ. ასათიანი თავის „შიკრიკში“ აი რას მოაწერინებს „იმედისადმი“ „პეტერბურღელ“ სტუდენტს:

ეს კია, რაიკ თერვის ნაპირზედ  
 ღლიას „მგზავრსა“ გულმ უღირღნიდა,  
 ეხლა სრულიად მე არ მაწუხებს,  
 ის დრო ჩემთვისა მანდვე წავიდა:

მე ეს კითხვები კარგა ხანია  
 დამიძლეეია, გამომიხსნია...  
 ჩემ გულის ბოლმა, თქვენთან საკითხი  
 სიტყვა სრულებით სხვანაირია:

— რა უნდ წავეულო მე ჩემს ქვეყანას?  
 მგაიგებს იგი ჩემსა ენასა?  
 მმიღლებს, როგორც თავის ღვძლ უვილსა?  
 რა თვით საქმიითაც ვიზამ რასმესა?!

მექნება ნება ლაპარაკისა?  
 ხალხთან საუბრად მე მიმიშვებენ?  
 სწორე სიტყვასა, სამართლიანსა  
 განა მე მისთვის მათქმევიწებენ?<sup>28</sup>

აქ მიხ. ასათიანის შემოქმედებას დალი აზის რუსეთის ხალხოსნების 70-იანი წლების მეორე ნახევრის გარდატეხისა — პოლიტიკური საკითხების წინ წამოწევით რომ აღნიშნეს 1878 წლიდან.

მიხ. ასათიანი კარგად იცნობს გაჭირვებული ხალხის ცხოვრებას. მას თვითონ აქვს ეს უსიხარულო ცხოვრება გამოვლილო, — ის კარგად იცნობს ტეტრკაშვილს. მან კარგად იცის, „რომ ის კაცი, მართლა ბედისაგან ძლიერ დატანჯული ვინმეა და, თუ, მართლა, მოახერხა როგორმე და ჩამოვიდა აქა, ბევრს ყურადღების ღირსსა და თავზარდამცემ ამბავს გაიმბობთ“.

მიხ. ასათიანი და „იმედის“ გარშემო შემოკრებილი ჯგუფი გამომხატველნი არიან ამ ტეტრკაშვილების დაჩაგრული, უუფლებო ცხოვრებისა, ცხოვრებაზე გაბატონების გაშმაგებული ნდომისა. „იმედის“ ჯგუფის გამახვილებული გულისყური ტეტრკაშვილებისაყენა მიმართული. და მიხ. ასათიანიც, როგორც ტეტრკაშვილებისათვის, აგრეთვე სხვებისათვის, რომელნიც კი მოინდომებენ ჟურნალ „იმედის“ ჯგუფის გაცნობას და მასთან მუშაობას, ამ ჯგუფის სახელით, ასეთ „მოწვევას“ აქვეყნებს:

უანგაროთ გამოვსდივართ  
 მოქმედების ასპარეზზედ,  
 გვინდა წმიდა სიყვარული  
 გავავრცელოთ ქვეყანაზედ...

ვაი იმას, ვინც მტრად გვიწერს: —  
 არ დარჩება მოუახრელი!...

თუმც ნორჩი ვართ, მაგრამ მკლავი  
 გვაქვს მაგარი. მოუხრელი,

პატიოსან მუშას ყველგან  
 ფასი მივცეთ, ავაშაღლოთ,  
 ენა დიდნი, სიქმე მრულნი  
 გავსდეროთ და გავაწყალოთ

<sup>28</sup> მიხ. ასათიანი, შიკრიკი, „ბარათი პეტერბურღიდან“, „იმედი“, 1881 წ., № 11, გვ. 54—55.

საწყალსა და უნუჯეშოს  
ხელი მივეცეთ, ავაყენოთ,  
ძლიერი და უღონონი  
სწორე გზაზე დაავყენოთ.

ვისაც მოგწონთ ჩვენი საქმე,  
მოდით აქეთ!.. ვაძლევთ ხელსა:  
„იმედისა“ სამეფოში  
ადგილს მოგცემთ, სასახლესა!..<sup>28</sup>

მიხ. ასათიანის ეს მოწოდება განსხვავდება წინა თაობის მოწოდებ-  
ისაგან თავისი რადიკალური, დემოკრატიული ხასიათითა და მიმარ-  
თულებით. ცნობილია, რომ ქართული, მოწინავე საზოგადოების სო-  
ციალური შემადგენლობა 70-იანი წლებიდან თვალსაჩინოდ შეიცვალა.  
თუ 60-იან წლებში მოქმედებდნენ თერგდალეულნი, დარღვეული თა-  
ვადაზნაურობიდან გამოსული ლიბერალური ინტელიგენცია, ახლა,  
განსაკუთრებით 70-იანი წლების მიწურულში, 80-იანი წლებისათვის  
სამოღვაწეო ასპარეზზე მასობრივად გამოვიდნენ „დიაკვნის შვილები“  
— „რაზნოჩინცები“, ლიტერატორი — საზოგადო მოღვაწენი, რო-  
მელთაც თვალსაჩინო როლის თამაშობა დაიწყეს ცხოვრების ასპარეზ-  
ზე. მთელი მოძრაობა ე. წ. „საზოგადოებრივი გაღვიძების“ პერიოდისა,  
როგორც რუსეთში, ისე ჩვენშიც წვრილბურჟუაზიული ინტელიგენ-  
ციის ხელმძღვანელობით მიმდინარეობდა, რომელიც, როგორც ლე-  
ნინი განმარტავს, თუ ერთი მხრით, სუბიექტურ განზრახვათა წინააღმ-  
დეგ, ფეოდალთა და მსხვილი ბურჟუაზიის წისქვილს ასხამდა წყალს,  
მეორე მხრით, საგრძნობლად ამყდავენებდა გლეხკაცთა, წვრილ ხელო-  
სანთა და მშრომელთა რევოლუციონურ განწყობილებას. ამ წვრილ-  
ბურჟუაზიული ინტელიგენციის რიგებს ამ დროს უმთავრესად შეადგენ-  
დნენ — მასწავლებლები (უმთავრესად, რასაკვირველია, სახალხო მა-  
სწავლებლები), სტუდენტები და მოსწავლეები (განსაკუთრებით კი სე-  
მინარიელები). ამით აიხსნება, რომ მიხ. ასათიანის თქმით, „იმედის“  
გარშემო შემოკრებილ ახალთაობას, მართალია, „არც ხანში შესული  
და არც მოხუცებული არა სძაგდა განუსაზღვრელი სიძულვილით, ძლი-  
ერ ბევრს იმათში პატივსა სცემდა“, მაგრამ სწამდა (და ამას ცხოვრე-  
ბის საერთო მსვლელობაც უმტკიცებდა), „რომ საქმის ლაყვარული, საქ-  
მით გატაცება დავიწყებამდის, საქმის დაწყება და ბოლომდის გატანა  
შეუძლიან ახალგაზრდობას, ოღონდ კი იმან მოიწადინოს“. ამიტომაც,  
რომ მ. იმედაშვილი (ესეც მიხ. ასათიანის ფსევდონიმი) მთელი ჯგუფის  
სახელით აღტაცებით მოუწოდებს პეტერბურგელ სტუდენტობას (ამით,  
რასაკვირველია, საერთოდ ქართველ სტუდენტობას):

სამკალი გვაქვს მეტად დიდი,  
მომკლები კი არ გვიჩანან,  
თუმც მოსულან ორიოდნი,  
ჯულხელ-დაკრეულიანი დგანან!

ავდრიან დღის ეშინიანთ,  
უცლიან მზის გამოსვლასა!..  
ამ ლოდინში დროც წაუღებთ,  
წაახდენენ მთლად ყანასა.

<sup>28</sup> მიხ. ასათიანი, შიკრიკი, „მოწვევა“, „იმედი“, 1881 წ., № 1, გვ. 7—8.

ვისაც გერჯით, მართლა, გული  
სამუშაოთ, მოღიო აქა...  
წინ დაგეხედებით, შემოგძახებთ:  
გამარჯობა და ბარაქა!

კარგ ნამჯღობიან წამოიღეთ  
ტარბანი მქრელი ცელი;

ყანას ნარა მოჭრევი,  
არ დაგაკრათ რომ მან ხელი!

ვინც რომ განზე გადაგვიღგეს,  
ერთად დავსციტ მას თავზარი:  
სადაც საქმეს ველტვით ძმურად,  
განა გვიღგნობს კლიტვ-კარი?...<sup>37</sup>

უდაგოა, რომ მიხ. ასათიანის არა მარტო აღნიშნული ნაწარმოები, არამედ ყველა ერთად და ყოველი ცალ-ცალკე საკმარისი სიმძლავრით ამჟღავნებს 70-იანი წლების მეორე ნახევრის საზოგადოებრივ ცხოვრების მაჩვენებელს.

მკითხველი აშკარად გრძნობს, რომ მიხ. ასათიანის გულისყური მიმართულია საზოგადოებრივი ძალების გამრავლებისა და დარაზმებისაკენ. მისი ღრმა და ურყევი შეგნებით, საზოგადოებრივ ასპარეზზე სამოღვაწეოდ უნდა გამოვიდეს არა მარტო მამაკაცი, არამედ ქალიც. ეს საკითხი მკვეთრად დააყენა რუსეთში 1863 წელს თავის რომანში „ЧТО ДЕЛАТЬ?“ ნ. ჩერნიშევსკიმ. მართალია ქალის საკითხი მიხ. ასათიანზე ადრე სხვებმაც წამოაყენეს ჩვენს ლიტერატურაში (მაგალითად, ნ. ინაშვილმა, ეკატ. ღვინიაშვილმა ყურნალ „მნათობში“, ს. მესხმა და სხვებმა „დროებაში“), მაგრამ ქალის საზოგადოებრივი დანიშნულება და როლი მიხ. ასათიანს არა მარტო პირადად მისთვის, არამედ მთელი ეპოქისათვის და ხალხოსნური მიმართულებისათვის დამახასიათებელი სიმკვეთრით, რადიკალობითა და ენთუზიაზმით აქვს განვითარებული. ქალთა ემანსიპაციის საკითხი ხომ ეპოქის მტკივნეული საკითხი იყო და მიხ. ასათიანსაც ეპოქის ეს ტკივილი მწვავედ უგრძენია.

ჯერ კიდევ სემინარიელის სკამზე გაჯანსაღებულ მომავალზე მეოცნებე ონისიმე ქალის უარყოფით მხარეებს ხსნის დროითა და გარემოებით. „დროებას, — გატაცებით განმარტავს ონისიმე, — მარტო მუქთობას, პრანკვა-გრეხიობას, ჩაცმა-დახურვას, ლეშათ-მოშვებას და უღირსს ტრფობას მიაჩვია ჩვენი ქალი... მაგრამ... მათთვის ადგილი მუშა ახალგაზრდის სახლში არ არის, ეგენი მიემსგავსებიან ძველი დროების ხელთ-უყარა და ენა მრავალა ქალებს“<sup>38</sup>.

ამიტომ ონისიმე ქალს აფასებს არა მისი გარეგნობით, არა ქრთამზითვით, არამედ მით, თუ „მათგან ამორჩეულ ქალებს მათი აზრისა და განზრახულობის გაგება და განზიარება, მათი ნამდვილი მეუღლეობა შეუძლიათ თუ არა. ონისიმეს ღრმად სწამს, რომ განსახორციელებლად ახალი მისწრაფებისა, უკეთესი მომავლისაკენ ასეთი დაქინებით რომ

<sup>37</sup> მიხ. ასათიანი. შიკრიკი, „პასუხი სტუდენტებს“, „იმედი“, 1931 წ., № 11, გვ. 56—57.

<sup>38</sup> მიხ. ასათიანი, მე და ონისიმე, „იმედი“, 1932 წ., № 1, გვ. 20.

იწვევს, გვერდში უნდა მოიყენონ „მკლავ-მაგარა, ტვინ-გაურყენელი ქალები, რომლებიც ნამდვილ მეუღლეობას გაგვიწვევდნენ. თუ გავაკეთებთ რასმე, მხოლოდ მათი დახმარებით და გამხსნევებითო“<sup>39</sup>.

ონისიმეს შეხედულება ქალზე (და ეს ხომ თვით ავტორის შეხედულებაა) გამომხატველია ხალხოსნური მიმართულებისა, რომელმაც რუსეთში 60-იანი წლებიდან ქალებიც მასობრივად გამოიწვია საზოგადოებრივი ცხოვრების სარბიელზე სამოღვაწეოდ. გამათავისუფლებელი მოძრაობის ასპარეზზე ამ დროიდან რუსმა ქალმა, დიდი მსხვერპლის გაღებით, დამსახურებული წვლილი შეიტანა.

აი, როგორ ეხატება ჩვენს ახალგაზრდა მწერალ-მოღვაწეს ქალის როლი საზოგადოებრივ საქმიანობაში: „ონისიმეს ცოლი, — გადმოგვცემს ავტორი, — უნდა ყოფილიყო ნამდვილ მის მეუღლედ, მას უნდა გაეყო ონისიმესთან ყოველივე მისი ჭირიცა და სიხარულიცა, იგი უნდა ყოფილიყო სოფლის დედაკაცობაში ისეთივე მოქმედი, საქმის მტრიალებელი, გავლენიანი, როგორიც იქნებოდა თვით ონისიმე გლეხკაცობაში. გლეხკაცის მოღრეკა და მორჩულება მაგრე ადვილი საქმე არ არის, იტყოდა ხოლმე ონისიმე; მაგრამ გლეხის დედაკაცს კი ყველაფერს მალეც გააგებინებ, შეაგონებ და გააკეთებინებ კიდევცა, თუ შენი ლაპარაკი იმის სასიკეთო იქნებაო. აი, ამიტომაც დაუმატებდა ხოლმე ყოველთვის — განათლებული და ენერგიული ქალი უფრო ბევრი რამის გაკეთებას შეიძლებს ჩვენში, ვიდრე მამაკაციო. არავის არ შეეძლო ის აზრი დაერღვია მისთვის, რომ თუ დედაკაცმაც ხელები არ გაანძრია, მამაკაცი უმისოთ მარტო ვერას გახდებო. ადვილად შესაძლებელი იყო, რომ ვისმეს სიცოცხლეზედ ხელი აეღებინებინა იმისათვის და ამ რწმენაზედ უარს ვერავინ ათქმევინებდა — ისე ღრმათა ჰქონდა იგი გამჯდარი ძვალსა და რბილში“<sup>40</sup>.

მოთხრობაში „მე და ონისიმე“ მრავალი საბუთითაა დამტკიცებული ქალთა ემანსიპაციის არა მარტო მიზანშეწონილობა, არამედ აუცილებლობაც. რომ ყურადღება გაამახვილოს ქალთა თანასწორობის იდეაზე და მკითხველს ამ საკითხის ხასიათი შეაცნობინოს, ავტორი ონისიმეს აღფრთოვანებით აღსაყვს აზრებს ქალის შესახებ ყველა მის ამხანაგსაც მიაღებინებს და ბოლოს დაამთავრებს ლირიკული წამოძახებით: „ვინ იცოდა, რომ სემინარიის კედლებს შუა ასეთი ძალუმი მომხრე ეზრდებოდათ ჩვენს ქალებსო“.

ამით აიხსნება, რომ მიხ. ასათიანს და მის თანამოაზრეებს ეს საკითხი არა მარტო სემინარიაში სწავლის დროს აინტერესებდათ, არამედ საერთოდ. ეს შემდეგიდან მტკიცდება: მიხ. ასათიანი, როცა მომავალ

<sup>39</sup> მიხ. ასათიანი, მე და ონისიმე, „იმედი“, 1882 წ., № 1, გვ. 21—22.

<sup>40</sup> იქვე, გვ. 22.



ეურნალის „იმედის“ საპროგრამო წერილს ამზადებდა, იქ ქალთა საკითხს და ქალს ახლად დარაზმულ მოღვაწეთა რიგებში საპატიო ადგილს უთმობდა. „დაუღალავი იმედაშვილი, — ვკითხულობთ „შიკრიკში“, — იმდენს მელაპარაკა, იმოტელა მაგალითები მომიყვანა ქალის მნიშვნელობაზე კაცობრიობის წარსულში, იმ სიმალეზე დააყენა დღევანდელი თავგანწირული ბრძოლა რუსეთის ქალებისა ხალხის ბედნიერების ასპარეზზე, რომ სულ პირში ბურთი დამიცო, გამაჩუმა და მტვრად აქცია ჩემი იჰვიანობა ამ საგანზედ“.

მიხ. ასათიანი „იმედის“ ჯგუფის სახელითა და დავალებით, როგორც ეს აღნიშნულია მის „შიკრიკში“ ტექტიკაშვილებისადმი (ე. ი. მშრომელი, დაბრძოლებული, ახლად გაღვიძებული ხალხისადმი) მიმართვაში, ქართველ სტუდენტებთან ერთად სამუშაოდ ქართველ ქალებსაც იწვევს და ასე მიმართავს მათ:

ქვეგან თხოულობს სამშობლო მხარე მხურვალის გულით საქმის შეცვლასა, ახალი სწავლის, მეცნიერების ჩვენში მოტანას, ვაგრცელებასა.

დახვესებული და დაცემული ჩვენი ცხოვრების განახლებასა;

ნამდვილ მამულის შვილების აღზრდას, ახალ თაობის გამხნეებასა, მაღალი მიზნით და სიყვარულით ჩვენს მოქმედების არსედ შექერასა<sup>41</sup>.

უძლურ ქართველია მოლონეერებას, მის ბრმა თვალების გახილებასა,

აქაც მიხ. ასათიანი ტიპიური ხალხოსანია.

მიხ. ასათიანს ხალხოსანი მწერლების შემოქმედების სხვა სტილური ნიშნებიც ახასიათებს. ცნობილია, რომ ხალხოსნური მსოფლმხედველობა კაპიტალიზმის განვითარებას ვერ ეგუებოდა, მას უარყოფითად უყურებდა. კაპიტალიზაციას, ხალხოსნების დაკვირვებით, მშრომელი ხალხისათვის, როგორც გაკვირვებული სოციალური ფენებისათვის, მხოლოდ უბედურება მოაქვს. მშრომელი ხალხის საშინელი ექსპლუატაციის საგნად ხდება.

ასეთი შეხედულება, თუმცა არა ისე ძალუმაღ, როგორც რუს ხალხოსნებს, მაგრამ ზოგიერთ ჩვენს ხალხოსანსაც ახასიათებდა. ჩვენი ხალხოსნები განსაკუთრებით უარყოფით დამოკიდებულებას იჩენენ ჩარჩი ვაჭრისადმი.

ასეთივე დამოკიდებულება მიხ. ასათიანს გამოთქმული აქვს ლექსში „ოსეფას ანდერძი“. ჩარჩი ოსეფა სიკვდილის წინ მოიწვევს თავის შვილებს და ასეთ ანდერძს დაუტოვებს:

„თქვენ იცოცხლეთ... ეშე ქენით... ყაირათი გასწიეთ და ჩემს საცხოვრებლათაც გთხოვთ, რომ ესე მოიქცეთ.“

მე ხომ, შვილო, თქვენ იცით ხალხი მისთვის მლანძღავდა, რომ თუშანი თვეშაა ოთხ აბაზა მცვებდა.

<sup>41</sup> მიხ. ასათიანი, „შიკრიკი, „ქართველ ქალებს“. „იმედი“, 1881 წ., № 11, გვ. 52.

თუ გინდათ სიკვდილს შემდეგ  
ვინმემ შითხრას ცხონება,  
თქვენ ნურავის ნუ მისცემთ  
თუმანს მანეთ ნაკლება...

მაშინ შინც მტყუიან:  
ისევე ცხონდეს ოსეთა—  
ის ასე არ გვღვარცლავდა,  
იცოდა შებრალება“.

ოსეთას ანალოგიური ტიპი, ხალხის ზურგზე მონავარდე პარაზიტი, თითქმის ყველა ხალხოსან მწერალს აქვს დახატული: ნიკო ლომოურს, ს. მგალობლიშვილს, შაქროს და სხვათა.

მიხ. ასათიანის შემოქმედებას ახასიათებს ეროვნული მოტივიც. მაგრამ ეროვნული მოტივი მიხ. ასათიანის შემოქმედებაში, როგორც საერთოდ ხალხოსან მწერალთა შემოქმედებაში, განსხვავდება თერგდალეულების გაგებისაგან.

მიხ. ასათიანი გრძნობს ახალი თაობის განსხვავებას ძველი თაობისაგან. ის ითვალისწინებს, რომ ძველმა თაობამ ფეოდალური ქიშპობით, დავიდარაბით, მტრობით, უპასუხისმგებლობით დალუპა ქართველი ხალხი. თერგდალეულთა მიერ ისტორიიდან გამოტანილი რჩევა — ნუ განცალკევდებიან, შეერთდნენ, იყვნენ ერთად, რადგანაც, თუ დღეს ერთი ცუდ ყოფაშია, ხვალ ეს მწარე დღე მეორესაც დაადგება — მიხ. ასათიანს განსახიერებელი აქვს პოემაში „მტკერის ბაასი რიონთან“.

„მო, შევაზავოთ შენს ჰაბუკ სისხლსა, — ეუბნება მტკვარი რიონს, — მოხუცისა ჰკვა, გამოცდილება, ერთადაც დავხვდეთ, მამაცათ შევხვდეთ, რაც რომ წინ გველის და გვემუქრება!“<sup>42</sup> მაგრამ რიონი ამ რჩევასაც არ მიიღებს. თავის სიამოვნებისათვის რიონი გაექანება სულ სხვა, თავისთვის საბედისწერო მიმართულებით და დაილუპება ისე, როგორც მარტოდ, დაუნმარებლად დარჩენილი მტკვარი.

მტკერის რიონთან საუბარში პოეტს ალეგორიულად აქვს აწერილი ფეოდალური საქართველოს რღვევა. საქართველოს ცალ-ცალკე კუთხეების აქეთ-იქით წვევა, შინაგანი ქიშპობა-მტრობა, დაუდევრობა, რამაც ერთობა და მშვიდი სახელმწიფოებრივი ცხოვრება ქართველ ხალხს ვერ შეაქმნევინა. ამ ფეოდალური რღვევის წიაღში, „როდესაც მტკვარი და რიონი (ე. ი. სხვადასხვა ფეოდალური კუთხეები) ერთმანეთს ახლო ვერ უდგებოდნენ. თუმცა უჭირდათ მათ ერთმანეთი, მაგრამ ერთობას ვერ ახერხებდნენ... და... სრულიად იმედ-მიხდილნი მუხთალ თავის ბედს ემდურებოდნენ“ —

აი ამ დროსა ჩვილ სურამულა  
და ჩხორაშელა რჩევას აწყობდნენ,  
ქაჩორის შთაზედ ერთად აშდგარნი,  
თითქოს რაღაცას იმედოვნებდნენ...

ეს ჩვენი ლეკვნი დიდთა ლომთანი,  
შალლა ააულნი, შორსა სჭვრეტავენენ  
და მომავალსა, თითქოჴსპეტაკსა,  
დარწმუნებული წინა ხედავენენ...

<sup>42</sup> მიხ. ასათიანი, მტკერის ბაასი რიონთან, „იმედი“, 1882 წ., № 1, გვ. 27.

ამ მომავალსა, მეტად შორს მყოფსა  
აქეთკენ სწევდნენ, იახლოვებდნენ

და თვის სიზარულს, თვის გულის პასუხს  
იმედაშვილსაც უზიარებდნენ...

სურამულასი და ჩხირიმელას სახით მიხ. ასათიანს ეხატება ის ახალი თაობა, რომელიც დაბალი ფენებიდან გამოდიოდა და სპექტაკი მომავლისაკენ, მძიმე პირობებში, შეუპოვრად და იმედიანად გზასა ჰკაფავდა.

ამ მომავლის ასპარეზზე მოღვაწის სახეც მიხ. ასათიანისათვის აშკარაა და ნათელი.

მომავალი ცხოვრების, მოქალაქის საჯის დასახატავად მიხ. ასათიანი მიმართავს კონტრასტებს, რომ იგი მკითხველს უფრო მკვეთრად ჩაეჭედოს შეგნებაში. ფუფუნებაში აღზრდილს და უპრინციპო პოზიორ მოღვაწეს მიხ. ასათიანი „ახალ მოდის ექიმში“ უპირისპირებს ახალი მსოფლმხედველობის, ხალხის მოყეთის, მტკიცე პრინციპის მქონეს.

ზერელე, მყვირალა, მოლიბერალო საზოგადო მოღვაწეების უზნეო საქციელის დაგმობისათვის ხსენებულ ნაწარმოებში მიხ. ასათიანი არ ზოგავს არც გესლს, არც რისხვასა და არც ბოლმას. ეს ვაუბატონნი იწონებენ და მისდევენ იმას, რასაც უნდა თრგუნვიდნენ და, პირიქით, თრგუნავენ იმას, რასაც უნდა იწონებდნენ. ამ ნაწარმოებშიც საქმარისად მუქ ფერებშია მოცემული მიხ. ასათიანის ხალხოსნური მსოფლმხედველობა და მისწრაფებანი.

დიდ კაცთა სახლში, ბალს და ვეჩერში,  
სადაც აჭრელებს თვალს მორთულობა,  
სადაც რომ პირველს ადგილს იკავეებს  
ფორმა, მოდეები, მართლად გარეგნობა,—  
იქ მე მარადის მალალ იდეის  
ლიტონი სიტყვით ყმა ვარ ჯრთული  
და, რა თქმა უნდა, რომ ძრიელაც ვარ  
გახარებული, გახარებული!..

მაგრამ რასაც იქ გატაცებაში  
ვიტყვი, რომ შემდეგ ვალად დავიღო,  
და ცხოვრებაში, ამ მუხთალ ხალხში,  
სიტყვა მარადის საქმეთ ვაქციო,  
რომ მართლა, რალაც იდეისათვის  
შევივიწროვო თავისუფლება,  
თქვენ თვით იფიქრეთ, ეს სიტუტუცა  
რას ეგვანება, რას ეგვანება!..

ავტორი სასტიკად ჰკიცხავს იმ დროის ლიბერალურად განწყობილ ახალთაობაში გავრცელებულ მოვლენას, რომ სიტყვა და საქმე ჩვეულებრივ ერთმანეთს ეწინააღმდეგებოდა, რომ მალალი იდეა მხოლოდ

სიტყვის მასალა იყო, საქმე კი მუდამ მრუდედ რჩებოდა და ამაში ის ახალთაობა უხერხულობას სრულიადაც არა გრძნობდა.

მიხ. ასათიანი ამ პოემაში დაუნდობელი დაცინვით აღნიშნავს, რომ ეს ლიბერალი დაბრიყვებულ გლეხზე იწყებს ბრტყელ ლაპარაკს მაშინ, როცა „შამპანსკ — ბორდოთია შეხურებული“, ხოლო თუ გლეხი მოიწადინებს თავის უფლების გამოყენებას და ამის გამო მას პირში შეებმის, მაშინ ის მას პასუხის ღირსადაც არ გახდის.

ეს ვაჟბატონი სწავლითა და თანამდებობით საზოგადოებაში მიღებული კაცია. თავის სწავლასა და თანამდებობას ის უყურებს მხოლოდ პირადი სარგებლიანობის თვალსაზრისით, როგორც პირადი კეთილდღეობის წყაროს. სადაც გამორჩენა მეტია, ისიც სიხარულით იქ მიდის.

როდესაც მყავს მე მოსარჩენათ  
კნენია მეტად განაზებული,  
გაფუფუნებულ თიეთიკში მწილი  
ატლას ბაბთებში გამოხვეული,—  
მაშინ არ ვზარობ ხშირად მის ნახვას,  
ყურთსმენათაც ვარ გადაქციული...  
და რა თქმა უნდა, რომ გულითაც ვარ  
გახარებული, გახარებული..  
მაგრამ, როდესაც შუა ღამის ეამს,  
თავხედი ვინმე ზარს მ:ჩხარუნებს  
და არ მეხსნება... მთხოვს წავეყვე თანა,  
შველა რამ მოვეცე ქერივ-ოხრის შვილებს,  
რომ ჯოხით ის არ მოვაფრენინო...  
რომ აღუესრულო რაც ენებება...  
ხომ მით თავს გაფლენ კვლავაც ისინი!..  
რას ეგვანება, რას ეგვანება!..

ან კიდევ:

როდესაც შრომა პაციენტისგან  
მაქვს ერთი ათათ დაფასებული,  
როცა მასა აქვს ყოველ მისვლისთვის  
ხუთ-ათ თუმნობით გადაღებული,  
ერთი სიტყვითა, როცა მე მისგან  
ჯიბე მექნება გამოვსებული,  
რალა თქმა უნდა, ძულით ვიქნები'  
გახარებული, გახარებული..  
მაგრამ, როდესაც თუნდ რომ გლახასაც  
სამადლოთ ხელის მ:წუღა სკირდება,—  
როს უსასყიდლოთ ვინმე თხოულობს  
ავადმყოფს მივეცე კირიდგან შვება,—  
რომ მე ამ გიჟურ გზასა დავადგე...  
თავს მივაყენო მით შეწუხება...  
რომ მუქათათ ხალხსა რჩენა დაუწყო —  
რას ეგვანება, რას ეგვანება!..

აქ სრული და მკვეთრი დაპირისპირებაა ორი სხვადასხვა თაობის მსოფლმხედველობისა, მათი სხვადასხვა ეთიკისა. პირველი ეგონისტურ, ცხოველურ სურვილებში იხრჩობა, პირად კეთილდღეობაში პოულობს დაკმაყოფილებას, სიხარულს, ცხოვრების აზრს; ამ თვალსაზრისითაც აფასებს ადამიანის დანიშნულებასა და მის საზოგადოებრივ ღირებულებას; მეორე კი, პირიქით, საერთო ცხოვრების წინ წაწევაში, დავრდომილისა და დაჩაგრულის უანგარო დახმარებაში. და ეს წინააღმდეგობა ხალხს ნებმა ზომ იმ დროისათვის არაჩვეულებრივი სიმკვეთრით გამოიტანეს, განსაკუთრებით კი 60—70-იან წლებში.

მაგრამ მიხ. ასათიანის ეს ნაწარმოები საინტერესოა არა მარტო აღნიშნული დაპირისპირებით, არამედ კიდევ ერთი მეტად საგულლისხმიერო ხაზითაც. მოხერხებული „საზოგადო მოღვაწე“ საზოგადოებრივ ასპარეზზე რომ შეიქმნის სასარგებლო მდგომარეობას, როცა ის თავის პირად კეთილცხოვრებას უზრუნველყოფს, მიანებებს თავს ცოდნის შეძენას, თავს არ იწუხებს იყოს ახალი აღმოჩენების კურსში, რომ მეცნიერულმა შეიარაღებამ, ამდღებამ უფრო ნაყოფიერი გახადოს მისი პრაქტიკული მოღვაწეობა. და ეს ხდება იმიტომ, რომ მას არ გააჩნია საზოგადოებრივი მამოძრავებელი იმპულსი. მიხ. ასათიანი თავის „ახალ მოღის ექიმში“ ამ გარემოებასაც უხამიანად გადაჰკრავს:

ავადმყოფს ვარჩენ როგორც მომხდება...  
ძველი წამლობა მაქვს მიღებული...  
და რა დამიშლის, რომ გულით ვიყო  
გახარებული, გახარებული..  
და რომ წიგნებით სტოლი ავაგო,  
ყური ვადევნო ახალ სწავლასა ...  
რომ ჩავუღრმავდე მეცნიერებას...  
პირს შევაფურთხო ზარმატობასა...  
ნება თქვენია, ამას ვერ ვიზამ!..  
მე ეხლა ეს არ შემეფერება...  
რომ ბავშვისავეთ წიგნს გვერდს მოუქდე!  
რას ეგვანება, რას ეგვანება!..

უდავოა, რომ მიხ. ასათიანის ეს ნაწარმოები საგულლისხმიერო პამფლეტია, ნიჭიერი სატირაა. ამ ნაწარმოებში, გარდა გაჩინოვნიკებული ადამიანის მსოფლმხედველობისა და მოქმედების გაკიცხვისა, იმ დროს პრივილეგიური კლასების უშინაარსო, პარაზიტული ცხოვრების მკვეთრი ჩვენებისა და იმ დროისათვის მოწინავე, საღი აზროვნების დაყინებით წინ წამოწევისა, მკვეთრად მოჩანს ავტორის ახალი შინაარსიანი, სამართლიანი ცხოვრების მოლოდინით გამოწვეული აღფრთოვანებული სულიერი განწყობილება.

ასეთია შინაარსი, ხასიათი და მიმართულება მიხ. ასათიანის შემოქმედებისა.

თუ მხედველობაში მივიღებთ, რომ მიხ. ასათიანი მოღვაწეობდა და წერდა 70-იან წლებში, ქართველ ხალხოსან მწერალთა პოეტური შემოქმედება კი 80-იანი წლების დასაწყისიდან გაიშალა, მაშინ შესაძლებელია ხალხოსნური მიმართულების დამწყებად ჩვენს ლიტერატურაში მიხ. ასათიანი მივიჩნიოთ. ჩვენს მხატვრულ ლიტერატურაში მიხ. ასათიანმა პირველმა გამოხატა 70-იან წლებში თაობათა შორის როგორც სოციალური, ისე ფსიქოლოგიურ-იდეური წინააღმდეგობა („შიკრიკი“). მან პირველმა მოგვცა ხალხოსნის, სინდის და ინტერეს გაღვიძებული ინტელიგენტის სახე, რომელიც მშრომელი ხალხის ცხოვრებასთან მჭიდროდაა გადაჯაჭვული და მისი გაუმჯობესების დაუღალავი უანგარო მუშაკია („შეუპოვარი“, „მე და ონისიმე“). მან პირველმა გარკვეულად მიგვითითა, რომ მომავლის პატიოსანი მკედელი ღარიბი ხალხის ქოხიდან უნდა გამოვიდეს („მე და ონისიმე“, „შეუპოვარი“). მანვე სარკინო სიმკვეთრით მოგვცა ახალი ტიპის (საჭირო ინტელიგენტის) მოღვაწის სულისკვეთება გადაგვარებულ ინტელიგენტის შეხედულებებთან დაპირისპირებით („ახალ მოდის ექიმი“). მანვე პირველმა დაიწყო ჩვენს ლიტერატურაში სასულიერო სემინარიაში გამეფებული დამახინჯებული სისტემის დაუნდობელი გამომწეურება („მე და ონისიმე“). მან მძლავრად გაშალა არა მარტო ცალკეული მღვდლების ზნედაცემულობა, არამედ მთლიანად სამღვდლოების, როგორც სოციალური კასტისა თუ ფენის, მოქმედების მიუღებლობა, სიმახინჯე და უზუნეო თვითნებობა („მე და ონისიმე“). მის შემოქმედებაში აშკარად იმის ახალი ცხოვრების მოპოვებისათვის დარაზმული ბრძოლისა და მოქმედების აუცილებლობა („შიკრიკი“, „შეუპოვარი“, „მე და ონისიმე“, „გაზაფხული“).

მიხ. ასათიანის შემოქმედებაში აღძრული ყველა საკითხი ძირითად თემად გადაიქცა ქართველი ხალხოსანი მწერლების შემოქმედებისათვის, რომელიც 80-იანი წლებიდან გაიშალა.

მიხ. ასათიანმა პირველმა შემოიტანა ქართულ ლიტერატურაში ავტობიოგრაფიული რომანი თუ მოთხრობა („მე და ონისიმე“), მანვე გამოიყენა დამახასიათებელი ჟანრი, თავისებური ფელეტონი („შიკრიკი“).

მიხ. ასათიანი წინამორბედ-თანამედროვედ (თუ შეიძლება ასე ითქვას) მოჩანს ნ. ლომოურის, ს. მგალობლიშვილის, შაქროსი (ზ. გული-საშვილის) და სხვათა.

მიხ. ასათიანს ახასიათებს როგორც სოფლის, ისე ქალაქის ცხოვრებისა, მცხოვრებთა და მათი ენის კარგი ცოდნა. როგორც ჩანს, მას ბევრი უფიქრია, ბევრი განუცდია, ბევრი გარკვეული და სწორი დასკვნა გამოუტანია და დავაჟაკებულს გაუმზადებია მოძმეთადმი მტკიცე მოწოდება ახალი ცხოვრებისაკენ:

ნუ გვეშინიან მუხთაღის ბედს,  
რომელიც სდევნის „ჩვენ ჭურის“ ხალხსა,  
ამ ბედს, ეტყობა, ფეხს ვერ აუჭევას,  
ვინც მომავლისთვის აწაღებს თავსა...<sup>48</sup>

მაგრამ უღმობელმა სიკვდილმა აღარ დააცალა მას ნიჭისა და მოქმედების შესაფერი გაშლა. მისი მოღვაწეობა დასაწყისშივე იქნა მოკვეთილი. მან, შეიძლება ითქვას, ვერც კი მოასწრო კალმის ხეირიანად ხელში გამართვა.

ყველა ზემოაღნიშნული უტყუარი საბუთია ვიფიქროთ, რომ მის. ასათიანის მეტად ნაადრევი, მოულოდნელი სიკვდილით ქართულმა მწერლობამ დაკარგა ენერგიული და ნიჭიერი მუშაკი.

---

<sup>48</sup> მის. ასათიანი, გაზაფხული, „იმედი“, 1881 წ., № 5, გვ. 52.

## ნიკოლოზ იოსების ქე ლომოური

1852—1915

1

ნიკო ლომოური ქართული ლიტერატურის განვითარებაში თვალსაჩინო ფიგურაა. ის, როგორც პოეტური შემოქმედებით, ისე პრაქტიკული მოღვაწეობით, ტიპიური გამომხატველია ხალხოსნური მიმართულებისა.

ნიკო ლომოური ლიტერატურულ მუშაობას იწყებს 70-იან წლებში, ჯერ კიდევ თბილისის სემინარიაში სწავლის დროს გაზეთ „დროებაში“ ათავსებს კორესპონდენციებს სემინარიელის ფსევდონიმით, ხოლო ჟურნალ „მნათობში“ ლექსებს თავის გვარისა და სახელის მოწერით.

ნიკო ლომოურის მოღვაწეობის დაკვირვებით შესწავლა ააშკარავებს, რომ მის შემოქმედებას დასაწყისიდანვე იდეურობა ემჩნევა, მწერლის შემოქმედებასთან ახლო მისვლა მკითხველს უმალ აგრძნობინებს, რომ მის კალამს თავიდანვე მუშაობის გარკვეული გზა ურყევად აურჩევია — ის „ხალხის მოკეთეა“, მისი მოღვაწეობის მამოძრავებელი მისწრაფებაა ხალხის მასების ცხოვრების დაუღალავ გუშაგად გადაიქცეს.

ჯერ კიდევ სრულიად ჭაბუკი მწერალი 1871 წლიდან ჟურნალ „მნათობში“ ათავსებს მთელ რიგ, თუმცა, ფორმის მხრით, მეტად გაუმართავ ლექსებს, სადაც გაჭირვებული ხალხის — გლეხების მდგომარეობაზე კვნესის პოეტი.

ისმინე მონა — მოიდრიკე ! ასწრაფოთ თავი  
და შეუსჯიარე შენი ზურგი ცხელ მათრახებსა;  
იააულო, ვით წესია, თქვენ დაუშინეთ,  
ცხარე მათრახი წეს დამრღვეველ თქვენს მოძმეებსა.  
და ამნაირად — კერძი ღვთისა — ჩემად და მღუმრად  
იდრეკავს ზურგსა — ზეცის შეილი — პირუტყვის გვარად.  
ისმის სასტიკი ამის ზურგზედ მათრახის ცემა,  
გალურჯებული კანი მისი ზედი-ზედ სკდება,



და წმინდა სისხლი, რომელიცა კაცთ დასაცველად  
უნდა იღვაროს — ეხლა სრულად იღვრება ფუქად<sup>1</sup>.

ხალხის ასეთი მდგომარეობა მწერალს ყრმობიდანვე სულს უხუთავს, გონებას უმღვრევს, მასში იწვევს მწარე ფიქრთა გროვას, გულს უღრღნის. მაგრამ, მიუხედავად ამისა, ის სევდას არ იკარებს, იმედოუკეთესი მომავლისა არ შორდება და წინ ძალუმად მიაქანებს. ჰაბუჭი პოეტი თავის ამგვარ განცდებს ასე გადმოგვცემს:

ისევ შენ და ისევ შენ,  
ჩემო წინა მორბელო...  
გამამხნევე ძაბუნო,  
მომავალის იმედო.

ოდეს სულში შემოდის  
სასოწარკვეთილება,  
მყისვე შენ მეელინება,  
მყისვე სულიც მშვიდდება<sup>2</sup>.

მაგრამ ნიკო ლომოურის სამწერლო მოღვაწეობის ნამდვილი მიმართულების გამოჩენისა და გამოძვლავების მიჯნად შეიძლება მივიჩნიოთ 1879 წელი, როდესაც მან, როგორც გავრცელებული გადმოცემა მოგვითხრობს, აკაკი წერეთლის რჩევით, ლექსების წერისადმი ყურადღება შეანელა და მოთხრობის წერას მიჰყო ხელი. ამის შედეგი იყო ნ. ლომოურის ერთ-ერთი საუკეთესო ნაწარმოები „ალი“, რომელიც მან ჯერ კიდევ კიევის სასულიერო აკადემიაში სტუდენტობის დროს, 1879 წელს დაწერა. ამ ნაწარმოებში არსებითად გამოირკვა ნიკო ლომოურის პოეტური კრეატივა და მისი შემოქმედების დამახასიათებელი უანრიცა და სხვა სტილური ნიშნებიც.

ნიკო ლომოური მოთხრობა „ალით“ გარკვეულად დადგა ხალხოსან მწერალთა პოზიციებზე და, შეიძლება ითქვას, სიკვდილამდე მან, მიუხედავად ხალხოსნური მიმართულების დეკლარაციისა და შემდეგ მისი, როგორც პოლიტიკური მიმართულების, ყოველ შემთხვევაში საქართველოში მაინც, თუ გაქრობისა არა, ძალიან შესუსტებისა მაინც, ხალხოსნური მიმართულების დამახასიათებელი ნიშნები ბოლომდე ურყევად შეინარჩუნა.

ვინ არის ნიკო ლომოური? რა სოციალურ-პოლიტიკურ და კულტურულ პირობებში აღიზარდა და ცხოვრობდა ის?

ნიკო ლომოური შიდა ქართლის პატარა სოფელ არბოს გლეხის შვილია. მამამისი წარმოშობით გლეხი, იმავე სოფლის ღარიბი მღვდელი იყო. ნიკო ლომოურის მამის ეკონომიურად გაჭირვებულ მდგომარეობას აუარესებდა დიდი წვრილ-შვილიანი ოჯახის გაძლოლა. ამიტომ მთელი ოჯახი დიდიან-პატარიანად ისევე იყო სოფლის ცხოვრებაში (მის ყოველდღიურ მუშაობაში) ჩაბმული, როგორც ჩვეულებრივი გლეხის ოჯახი.

<sup>1</sup> ნ. ლომოური, ბარბუდამ, „მნათობი“, 1872 წ., № 89.

<sup>2</sup> ნ. ლომოური, იმედს (სიმღერა ფიქრის შემდეგ), „მნათობი“, 1871 წ., № 6.

სწორედ ამ გარემოებამ შეუწყო ხელი ნიკო ლომოურს ბავშვობიდანვე ახლო, ზემდმიწვევით გაეცნო სოფელი, მისი ზნე-ჩვეულება, მისი ბუნება, კარგი და ავი, მისი მცხოვრებნი თავისი ჳმუნვითა და სიხარულითა, რაც შემდეგში მის შემოქმედებაში ასე ძალუმაღ აღიბეჭდა.

ნიკოლოზ იოსების ძე ლომოური დაიბადა 1852 წელს. მამამისი კარგად გრძნობდა სწავლის საჭიროებას, მაგრამ ძლივს მოახერხა უფროსი შვილის სკოლაში მიცემა და მისი გაძლოლა. დანარჩენებისათვის კი ასეთივე სათანადო მზრუნველობის გაწევა გაუძნელდა.

ნიკო ლომოურის სწავლა-აღზრდის ხელმძღვანელობა უფროსმა ძმამ იკისრა. ამ გარემოებით აიხსნება, რომ ნიკო ლომოური შედარებით შოგვიანებით შევიდა სასწავლებელში და თბილისის სასულიერო სემინარიაც გვიან, 1875 წელს, 23 წლისამ, დაასრულა.

სასულიერო სემინარიის დასრულების შემდეგ ნიკო ლომოური შევიდა კიევის სასულიერო აკადემიაში, რომელიც მან 1879 წელს დაამთავრა. ამავე წელს ის მიწვეული იქნა ახლად გახსნილ თბილისის სათავადაზნაურო სკოლაში გამგედ, მაგრამ, სასწავლებლის დამხმარე კომიტეტთან კონფლიქტის გამო, მალე იძულებული გახდა სკოლისათვის თავი დაენებებინა. როგორც ირკვევა 1880 წელს მიხ. ასათიანის გარდაცვალების შემდეგ, ნიკო ლომოურის კანდიდატურა წამოყენებული იქნა ქუთაისის სასულიერო სასწავლებლის ზედამხედველის თანამდებობაზე, მაგრამ ქუთაისის სამღვდლოებამ ხსენებულ თანამდებობაზე თედო ჟორდანიას აირჩია. ამის შემდეგ ნიკო ლომოური გადასახლდა ქ. გორში, დაიწყო იქ ქართული ენის მასწავლებლობა და ამ მეტად წყნარ, იმ დროში მეტად უმაღურ, მძიმე და საპასუხისმგებლო პოსტზე დარჩა სიკვდილამდე (1915 წ.) ფხიზელ და ერთგულ დარაჯად.

იქვე შეირთო ცოლად სოფიო ალექსი ხუდადოვის ასული, ცნობილი მოღვაწის ნიკო ხუდადოვის და.

ნიკო ლომოური სწავლობდა როგორც თბილისის სასულიერო სემინარიაში, ისე რუსეთში მეტად საგულისხმიერო პერიოდში — 70-იან წლებში. ესაა ხალხოსნების მოღვაწეობის განვითარების უმწვერვალესი მომენტი. სწორედ ამ პერიოდში ხალხოსნები ფართოდა და ენერგიულად მოედგნენ მთელ რუსეთს, ყველგან, ცხოვრების ყველა სფეროში ცდილობენ შეიჭრან, აამოძრაონ, აამოქმედონ დაგუბებული, თუ ერთ წერტილზე გაყინული, საზოგადოებრივ-სახელმწიფოებრივი ცხოვრება და გარდაქმნან მისი წყობა ხალხისათვის ბედნიერების გამშლელ საფუძვლებზე. ისინი ცდილობენ აზრთა მფლობელნი შეიქმნენ არა მარტო ფართო მდაბიო მასებისა (გლეხობისა), არამედ მოწინავე ინტელიგენციისა და მოსწავლე ახალგაზრდობისა.

ხალხოსნობა ამ პერიოდში მამოძრავებელი ნერვი იყო რუსეთის საზოგადოებრივი ცხოვრების როგორც პროგრესულ ელემენტებისათვის,

ისე კონსერვატორული სათვის. თუ ერთი ნაწილი, — პროგრესული, ამ მიმართულების გაღრმავებაში ამხვილებდა თავის ნიქს, უნარს, ცოდნას, ენერჯიას, მეორე, პირიქით, მის შევიწროება-განადგურებაში ცდილობდა თავისი დანიშნულების პოვნას.

ნიკო ლომოური, მისთვის დამახასიათებელი სიმტკიცითა და პირდაპირობით, ჩაება ამ მიმართულებაში. ხალხოსნურ მისწრაფებათა გაყოლა მისთვის ნამდვილი დაკმაყოფილების წყაროდ გადაიქცა. ნიკო ლომოური თავის განცდებს სასწავლებლის დამთავრების შემდეგ მოთხრობა „გიგო ღრუბელაშვილში“ ასე გადმოგვცემს (გიგო ღრუბელაშვილი, ყოველ ექვს გარეშეა, ავტობიოგრაფიული სახეა): „ჩერ შუე არ იყო ამოსული, როდესაც ერთი ქვიტკირის სახლიდან გამოვიდა გარედ ფერმკრთალი, ცოტა გამხდარი მარილიანი სახის ახალგაზრდა კაცი. მას ეცვა უბრალო, იაფფასიანი ბლუზა, თავზე ეხურა ყვითელი ჩალის განიერი შლიაპა... ხელში კარგა მოზრდილი ძვირფას ყდიანი წიგნი ეჭირა... სულით და გულით უნდოდა შეხვედროდა ვისმე, ძმურად გადახვეოდა, მეგობრულად გადაეკოცნა“...

ბუნების სილამაზითა და ჰაბუკური სიცოცხლის და მოქმედების წყურვილით აღგზნებული გიგო ღრუბელაშვილი ოცნების სწრაფ მონავარდე ტალღებს სიამოვნებით გაჰყვება. „ორიოდე თვის შემდეგ, — გატაცებული ლაპარაკობს გიგო, — მაღალ სასწავლებელში შევეყობ თავსა, ვემთხვევი სწავლა-მეცნიერების დიდებულ ტახტსა... მე იქ შევისწავლი სამკურნალო მეცნიერებას და თანაც ვულდადებით ვიკითხავ პედაგოგიურ თხზულებათა. საჭიროა ცოდნა აგრეთვე სამართლის კანონებისა, რომ მათის დახმარებით გლახაკი აღარავის არ დავაჩაგვრინო. შევისწავლი ყველა ამას, მოვალ ჩვენს სოფელში, გავხსნი შკოლას და ვასწავლი დიდებსაც და პატარებსაცა. თავისუფალ დროს ვივლი სოფლიდან სოფლად და სადაც კი შევხვდები ლარიბ ავადმყოფსა, უსათუოდ ვუწამლებ. ექვი არ უნდა, მალე სხვებიც დაადგებიან ჩემს გზასა და ოცი, ორმოცი წლის ამგვარი მოღვაწეობით ხალხის მდგომარეობას, თუ სრულიად არა, ბევრნაირად მაინც გავაუმჯობესებთ. მერმე შეიძლება რაიმე დიდმა შემთხვევამ აწინდელი საერთო ვითარება ძირიან-ფესვიანად შესძრას, შეარყიოს. მაშინ ჩვენც გავიბერტყავთ მშვიდობიანობის მტვერსა და თავგანწირული მამულის შეილებად გამოვალთ ბრძოლის ველზე. აბა მობრძანდით მაშინ მტარვალებო და თქვენის ცოცხალი თავით დაგვიდექით წინა, გიჩვენებთ მაშინ თქვენ სეირსა, თქვე შეჩვენებულებო, თქვენა“...<sup>3</sup>

რა იწვევს ნიკო ლომოურში და მისთანებში ასეთ ზრახვებს?

<sup>3</sup> ნიკო ლომოური, გიგო ღრუბელაშვილი, 1926 წ. გვ. 139, აქ და შემდეგ მითითებულია ეს გამოცემა.

უნდა ითქვას, რომ ამის მიზეზებს ჩვენი მწერალი ბავშვობიდანვე ძალიან კარგად იცნობს. ეს არის ხალხის გაწრიოკებული, დაუჯერებელ მძიმე მდგომარეობამდე დასული გლეხობის ყოფა, სადაც იშლებოდა ზღვარი ადამიანსა და პირუტყვთა ცხოვრებას შორის. ამ ადამიანებისადმი ხელისუფლება საარაკო დაუდევრობასა და ძალმომრეობას იჩენდა. აქა კვანძი, რომელიც „ხალხის მოკეთეთა“ მძიმე ტრაგედიას ქმნიდა, რომელიც მასთან ერთად არ აჩერებდა მოაზროვნე ადამიანს არსებული მდგომარეობის დონეზე, მასში წინმსვლელობის დაუძლეველ სურვილსა და დაუშრეტელ ენერჯიას აჩენდა. ამ მდგომარეობაშია მოცემული ხალხოსნების მისწრაფებების დასაბამი.

ნიკო ლომოური აი როგორ აგვიწერს ამგვარ განცდას: გიგო ღრუბელაშვილი ფიქრთა გრეხილიდან თანდათან სინამდვილეში გადმოვა, „ჭერ მისმა საკუთარმა პაწია სამშობლომ და შემდეგ მრავალმა სხვადასხვა სოფლებმა დინჯად, აუჩქარებლივ ჩამოუარეს წინ მის გონების თვალსა. მას წარმოუდგა საცოდავი ქონმახები, რომლებშიაც მცხოვრებნი ამ სოფლებისა წვა და დაგვით ათრევენენ თავიანთ სიცოცხლის მწარე დღეებსა. ის ცხადად ხედავდა გლეხკაცის განუზომელ სიღარიბესა, მის დავრდომილებას, მისი აზრისა, გრძნობის და გონების დაუძლურებას. ხედავდა მის გამუდმებულ მძიმე ჭაფასა, რომლისგან იგი ჯანითა და აგებულებით სუსტდებოდა, წრიოკდებოდა და გადაშენების საზარელ უფსკრულს უახლოვდებოდა. შემდეგ მას გადაეშალა წინ საზიზღარი სურათი იმ ავაზაკთა კრებისა, რომელნიც მთელი თავიანთ მეცადინეობით ხელს უწყობენ მუშაკაცის უბედურებასა, მის დაჩაგვრას და მიწასთან გასწორებას. ბოლოს, მას წარმოუდგა ის შავბნელი გარემოებანი, რომელთაც დაჰბადეს ქვეყნად, ერთის მხრივ, ეხლანდელი მშიერ-მწყურვალი გლეხკაცი, ხოლო, მეორეს მხრივ, მისი ოფლისა და სისხლის მსმელი, მისი მჭამელი ორფეხა ნადირი...

— არა, არა, — დაიძახა გიგომ ხმამაღლა: საქმე ძლიერ ცუდად მიდის. ასე რომ გავრძელდეს კიდევ ოციოდე წელიწადს, ხალხი სრულიად დაეცემა, სასოებას დაჰკარგავს: სიღარიბე და უსამართლობა სამუდამოდ ბოლოს მოუღებენ მას. დაე, რაც მოსახდენია, მოხდეს. მე უნდა მივეშველო ხალხსა, ძმურად გვერდში ამოვუდგე და მის ფეხზე წამოყენებას შეეწირო მთელი ჩემი სიცოცხლე“. გიგო ღრუბელაშვილის პრაქტიკული მოღვაწეობის გიზი და გეგმაც აი ამ გარემოებისაგანაა დამოკიდებული, მდაბიო ხალხის მასების ცხოვრებასთან მჭიდროდ გადაჯაჭვული და მისი გაუმჯობესების გარშემო ამუშავებულ.

თვითონ გიგო ღრუბელაშვილი, როდესაც თვალს გადაავლებს კარგად ნაცნობი გლეხობის გამოუვალ მძიმე პირობებში დაგუბებულ ცხოვრებას, თავისი მოღვაწეობის გეგმას ასე აცნობს ახალგაზრდა უცნობ ქალს: „მე მინდა სოფლად დავსახლდე. სოფელი შეწყუბე-

ბულია გაუნათლებლობით, სხვადასხვა სნეულებით და ორფეხა წურბელა ნადირებით. სკოლითა და ადვილად გასაგები ლექციებით შევებრძოლები პირველთა; სამკურნალო მეცნიერებით შევასუსტებ მეორეთა; სამართლის ცოდნით, პურის მალაზიებით, საზოგადო დეპოზიტის დაარსებით და სხვა, გარემოებაზე დამოკიდებულ, მოქმედებით წინ დავუდგები მესამეთ. იმედი მაქვს, ერთი მეც ბევრ რასმე გავაკეთებ, მაგრამ ისიც კი მტკიცედა მწამს, რომ მე მარტოკა არასოდეს არ დავრჩები დიდხანსა: მალე სხვებიც მომეშველებიან“...<sup>4</sup>

და ეს ხომ ჩვეულებრივი გეგმაა ხალხოსნებისა, მათი მრწამსი, გატაცება და მომავლისაკენ დამახასიათებელი იმედიანი ვაკტეირა. ესაა გეგმა „ხალხში გასვლის“, ხალხის ჭირისა და ღვინის მოზიარედ გადაქცევისა. გიგო ღრუბელაშვილიც ურყევი გატაცებით აკი მოზიარედ განდებდა სოფლისა, რომელსაც, მართლაც, სჭირდება მისი შველა, სადაც ხოლერა საშინელი მძვინვარებით ქლეტს მის ისედაც დაბეჩავებულ, გაჩანაგებულ მცხოვრებთ.

ნიკო ლომოური სოფლისა და მის მცხოვრებლების ტიპიურ მდგომარეობას გადაშლის გიგო ღრუბელაშვილისა და მისი თანამგზაარი ახალგაზრდა ქალის წინ. „პირველად, — გადმოგვცემს ავტორი, — მათ დაინახეს საბძლები და ოთხ ბოძზე შეყუტული ცარიელი ძარები და შემდეგ თვით საცოდავი ქოხმახებიცა, რომლებშიაც, ვითომდა, ცხოვრობდნენ აქაური გლეხები. კაცს ეგონებოდა ეს ქოხები განგებ აურდაურევიათ, განზრახ დაუდგამთ ასე უსწორ-მასწორადაო... თითქოს ეს არის ვიღაცას წიხლი ჩაუქრავს და გულ-ღვიძლი ჩაუყრევინიებიაო, ამ გვარ შთაბეჭდილებას ახდენდა დანარჩენი ქოხმახებიც“.

„სადგომის შემდეგ თქვენ ყურადღებას მიიქცევდა უსათუოდ მათ წინ დიდრონ ზვინებად დაყრილი საქონლის პატივი, რომელსაც როგორც მუღამ, ისე ახლა, შემოხვეოდნენ შინაური ფრინველები, ფეხნისკარტით სთხრიდნენ, სჩიჩქნიდნენ და აქეთ-იქით აღიავებდნენ. ზოგიერთ ამგვარ ადგილებზე წვიმის წყალი შეტბორებულიყო და შიგ ჩამპალი პატივისაგან საზიზღარი მოშავო ფერი მიეღო. ამ წუმპეებს ზემოდან დაჰყურებდა მკათათვის გაუხარებელი მზე და მთელ სოფელში იღვა საზარელი სუნი, რომლისგან ჩვენს ნაცნობ ახალგაზრდებს ჯერ ორღობეშივე ეკმინდებოდათ სული. სახლების წინ შემოწნული ბაყები, კარ-მიდამო და სოფლის დახლაკნული გზები აგრეთვე ნაგვითა და სხვადასხვა გვარის უსუფთაობით იყვნენ მოფენილნი. ამასთანავე საითკენაც კი უნდა მიეხედა ადამიანს ამ სოფელში ყველგან შენიშნავდა საშინელს სილატაკეს... ყოველივე ეს სოფლის ნაპირშივე ბოხჩასავით გადაეშალათ ჩვენს ახალგაზრდებს“<sup>5</sup>.

<sup>4</sup> ნიკო ლომოური, გიგო ღრუბელაშვილი, გვ. 141.

<sup>5</sup> • ქ ვ ე, გვ. 145—146.

ესაა ცოცხალი, შეუფერავი, გულის შემზარავი სურათი ჩვენი სოფლისა ძველად, რომლის მცხოვრებნი გლენი სახელმწიფოსა და საზოგადოების მიერ მხოლოდ ექსპლოატაციის საგნად, სარგებლობისა და საზოგადოების წყაროდ იყვნენ გამოყენებულნი. გლენის მუდმივი „ტვინის წოვა“, ყველას — მცირედი „ძალა-უფლების“ მქონის მხრითაც კი, მუდმივი ჩაგვრა, დევნა საერთო ცხოვრების სუფრიდან, მართლაც რომ გლენკაცობას და მით ქვეყნის ცხოვრებას რალაც თავზარდამცემი უფსკრულის წინაშე აყენებდა. ხალხის, ქვეყნის წინმსვლელობისა და სიცოცხლის საკითხი წინაშე ეხვეოდა, საღად მოაზროვნის ტვინსა და გულს კომმარსავით აწვეებოდა და გასაქანს არ აძლევდა.

ნიკო ლომოურს, როგორც ხალხოსან მწერალს, უნდა ხალხის ცხოვრების ეს მხარე მკვეთრად წარმოუდგინოს მკითხველს, რათა მისი გულიც ისევე დასეროს, ააღელვოს, ააშფოთოს და მასში თანაზიარი შეიძინოს.

გლენთა ცხოვრების ეკონომიურად შევიწროვებული მძიმე სურათები უხვადაა ჩაქსოვილი მის შემოქმედებაში საერთოდ და, კერძოდ, „გიგო ღრუბელაშვილში“.

სანიმუშოდ მოვიყვანთ კედევ ერთ სურათს ხალხის თავმინებებულნი, უპატრონოდ დატოვებული, დაბეგრილი ცხოვრებისა. თითქოს სახელმწიფო თავისი აპარატითა და კულტურული ცხოვრების ყოველივე მიღწევით იმიტომ არსებობს, რომ გლენთა შრომით, წვითა და დაგვიტ შეძენილი დოვლათით ისარგებლოს, თვითონ კი მასზე არ იზრუნოს.

გიგო ღრუბელაშვილმა თავის თანამგზავრ ახალგაზრდა ქალთან ერთად გულმოდგინებით მოინდომა სოფლის შევლა, მისთვის დახმარების გაწევა. ხედავს სოფელს ხოლერა მუსრაავს, სოფელი საშინელ მდგომარეობაშია და კაცი არ არის მისი მშველელი. ისინი გადადიან სახლიდან სახლში, უბნიდან უბანში და ყველგან ერთიმეორეზე თავბრუდამხვევი მდგომარეობაა. „ხვრელის მსგავსი ბნელი დერეფანი, — აგვიწერს ავტორი, — ფეხების ფრატუნით და ხელების ცაცუნით ჩაიარეს და მიაწუნენ დარბაზის მძიმე კარებსა. დამაყრუებელი გაბმული ჭრიალით ნელ-ნელა გაიღო ეს კარი და ჩვენი ყმაწვილები გულის ფანცქალით შევიდნენ შიგნითა. კერის ახლო, დედა-ბოძთან მათ დაინახეს ორი მიწაზედ გაშოტვილი, გაშეშებული ადამიანი. ერთსა ეცვა კაცურად, მეორეს ქალურად, ორივენი ახალგაზრდები იყვნენ. საზარელი სუნი, რომელიც აქა ტრიალებდა, ცხადი ნიშანი იყო, რომ ესენი სამი-ოთხი დღის გარდაცვალებულნი იყვნენ. ლეში მათი უკვე იხრწნებოდა. კაცი პირქვე ეგდო, ქალი გულალმა და თავი ცოტა მაღლა ჰქონდა წამოწეული. ტუჩებს ხრწნა დაეწყათ, ზევით-ქვევით აწეულ-დაწეულიყვნენ და დახრქვნილი კბილები თავ-ზარ დამცემი სიცილით გამოიყურებოდნენ. ამ სანახავმა თავზე თმები აუბურძგნა ჩვენს ახალგაზრდებს. ფერმინდინი

იღგნენ ერთ ადგილას და მუნჯებით გასცქეროდნენ უსულდგმულო ლეშის ჯოჯობეთურ ღრეჰასა... მაგრამ ამ დროს დარბაზში მოხდა ისეთი ამბავი... უცებ ამ გლოვისა და მწუხარების სამფლობელოში, ამ ძღვევამოსილ სიკედილის შავბნელ სამეფოში გაისმა ხმა, მაღალი, გატაცებული ხარხარი, კისკისი. ამ ხმამ ისეთი გავლენა მოახდინა ჩვენს ახალგაზრდობაზე, თითქო ამოღებული ხანჯალი ჩაეკრა ვისმე მათთვის გულში. ერთი შეჰკივლეს და თავ-ზარ დაცემულნი გამოცვივდნენ კარზედა. იმავე წამს დარბაზიდან გამოვარდა სრულიად დედიშობილა, თმა-გაბურძგნული მოხუცებული დედაკაცი, ვენახის ეკლიან ღობეზე შეხტა და წელანდებური კისკისით გადაერია ვაზებსა<sup>6</sup>. მართლაც, ტანჯის გოლგოთაა!

ამგვარი ერთიმეორეზე შემზარავი სურათები გადაიშალა ამ ყმაწვილების თვალწინ. არა მარტო ამ ახალგაზრდა მგზავრებს, არამედ მკითხველსაც თავზარსა სცემს, გულს უღრღნის, გონებას უშფოთებს, თვალებს სისხლის ცრემლით სწვავს და უმღვრევს სოფლის ამ უტყუარი სურათის დანახვა. საზოგადო უბედურება მძიმე ლოდსავით აწვება არა მარტო ამის მნახველ ახალგაზრდა მგზავრებს, არამედ მკითხველსაც. ჩვენება ამ ცხოვრებისა ნიკო ლომოურის მიერ, მართლაც, ისეთი მძლავრია, მძიმეა, რომ დღესაც კი, როცა ეს მოგონება შავბნელი წარსულის უფსკრულსა აქვს ჩაბარებული, დამშვიდებით მისი წაკითხვა შეუძლებელია. ნიკო ლომოურს, როგორც ხალხოსან მწერალს, ასეთი ჩვენებით უნდა მკითხველის გულიც ასევე ააღლეგოს, ააშფოთოს და მით თანაზიარი შეიძინოს. ესეც ხომ სტილური ნიშანი იყო ხალხოსნებისათვის.

მწერალიც ვერ წყნარდება ხილულით, მისდევს ახალგაზრდა ხალხის მოკეთეთა გრძნობების მოძრაობას და მათთან ერთად სოფლის ცხოვრების საერთო აღეგორიული სურათი წარმოუდგება მის შემფოთებულ თვალსა და ყურსა, გულსა და გონებას: „მას თვალწინ ედგა დიდი, უზარმაზარი საფლავი, რომელსაც ყოვლის მხრიდან შემოხვეოდნენ სხვადასხვა ხორცშესხმული ბოროტებანი: უსამართლობა, მტარვალობა, ძარცვა-გლეჯა. ამათის ბრძანებით ათასობით მოჰყავთ დამხდარ-დაყვითლებული, ჯაფისაგან წელში გამწყდარი ხალხი, შეუბრალებლად ჰყრიდნენ ამ საფლავში და საზიზღარის სიცილ ხარხარით ცოცხლებსავე აყრიდნენ ზემოდან მიწასა. ირგვლივ ისმოდა საშინელი კენესა, გმინვა, წყევლა, შეჩვენება“<sup>7</sup>.

მკითხველი, როდესაც ცხოვრების ასეთ ცოცხალ პანორამას თვალწინ გაიტარებს, ავტორთანა და განადგურებულ, დაბრიყვებულ, დაბეჩავე-

<sup>6</sup> ნიკო ლომოური, ვიგო ღრუბელაშვილი, გვ. 151—152

<sup>7</sup> • ქ ვ ე, გვ. 152--153.

ბულ მოხუცთან ერთად წამოიყვირებს: „მყარალია, უსამართლოა სოფელი!“ ან „ქვეყანა საზიზღარია, ბუდეა ბოროტებისა!“ აი აქ, ხალხის ამ მდგომარეობაშია ნიკო ლომოურის შემოქმედების სოციალური საფუძვლები, აქაა მისი დასაბამი, აქედან ჰკრეფს ის თავისი შემოქმედების მასალასაც.

## 2

ნიკო ლომოური, როგორც დაკვირვებულნი, ხალხის ამგვარი ცხოვრებით მძიმედ დასევდიანებული მწერალი-მოქალაქე, ცდილობს ხალხის ცხოვრების ძირში ჩაიხედოს, გამოარკვიოს — რაა მიზეზი მისი ასეთი გამანადგურებელი მდგომარეობისა. ამის მიზეზი, მისი შეხედულებით, ორგვარია: ერთი მიზეზი თვით გლეხშია, თვით გლეხია მისი უშუალო მატარებელი, ის კონსერვატორია, ებლაუჭება ძველ ზნე-ჩვეულებას, ადათს, რომელიც უფრო ანადგურებს ისედაც დაბეჩავებულ მის ცხოვრებას.

გლეხკაცობის ჩამორჩენილობაზე აღმოცენებული და გაძლიერებული ცრუმორწმუნეობა აიძულებდა გლეხს ჩაბლაუჭებოდა მავნე ჩვეულებებს, როგორცაა: ხატობა, ნათლობა, ქელები და სხვა მრავალი ამგვარი („ალი“, „ქაჯანა“ და სხვა).

მეორე კატეგორიის მიზეზი გლეხის გარემოა. გლეხს წურბელასავით მოკიდებული ჰყავს მემამულე, ჩარჩი, ვაჭარი, სახელმწიფოებრივი ადმინისტრაცია — მაზრის უფროსით, მოსამართლით დაწყებული და სოფლის მამასახლის-გზირით გათავებული („ქრისტიანი ლეკები“, „ბედი უბედურთა“, „წუთისოფელი“, „გიგო ღრუბელაშვილი“, „ყოველის მხრადან“ და სხვა).

ხალხსანმა მწერლებმა როგორც რუსეთში, ისე ჩვენშიც ლიტერატურა, პოეტური შემოქმედება გამოიყენეს, როგორც მძლავრი იარაღი ხალხის ცხოვრების გაუმჯობესებისათვის, „ხალხის აქიმობისათვის“, რასაც ისინი, როგორც ზევეთაც აღვნიშნეთ, არა ერთხელ ამბობდნენ, არა მარტო პუბლიცისტურ და კრიტიკულ წერილებში, არამედ მხატვრულ შემოქმედებაშიც. ლიტერატურის, განსაკუთრებით კი მხატვრული ლიტერატურის, საშუალებით მათ ენერგიულად დაუწყეს ბრძოლა ხალხის ცხოვრების მავნე მხარეებს. ხალხის გამოფხიზლება, მისი აღზრდა, მისი ფეხზე დაყენება, რომ ის შეგნებულად ჩაბმულიყო თავისი ცხოვრების გაჯანსაღებისა და გაუმჯობესების საქმეში — აი ძირითადი მიზანი, რომლისკენაც ხალხოსნები ასეთი გატაცებით მიისწრაფოდნენ.

უმიწაყლოდ დარჩენილი გლეხის ისედაც უნუგეშო ეკონომიურ მდგომარეობას საბოლოოდ ანიავებდა და განადგურების ნიადაგზე აყე-



ნებდა ხალხის მეტად დაბალი კულტურული დონე. ეს გარემოება პო-  
ხიერ ნიადაგს ქმნიდა ხალხის შეგნებაში ცრუმორწმუნეობისა და გაი-  
ძვერა მკითხავეების ძალის რწმენის განმტკიცებისათვის. ეს მოვლენა  
ერთი უსაშინლესი სენთაგანი იყო გლეხობის ცხოვრებაში. ცრუმორწ-  
მუნეობა დაუნდობლად ძარცვავდა ისედაც დაცემულ და გალატაკებულ  
გლეხის ოჯახს.

ხალხოსნები კარგად გრძნობდნენ, რომ ბედნიერების მოპოვებისა-  
თვის, ხალხის წინსვლისათვის საჭიროა ამ სენისაგან გათავისუფლება.  
ამიტომ მათ ამ სენის აქიმობასაც ერთგულად მოჰკიდეს ხელი.

ნიკო ლომოური ერთი საუკეთესო წარმომადგენელია ქართულ ლი-  
ტერატურაში. ქართველი გლეხობის ამ მავნე თვისებასთან ბრძოლისა  
მხატვრული შემოქმედების საშუალებით. მან, როგორც სარკეში, მკვე-  
თრად ასახა, სხვა მხარეებთან ერთად, ეს მავნე თვისებებიც.

ნიკო ლომოური როგორც ნიჭიერმა, ფხიზელმა ექიმმა და პედაგო-  
გმა დაანახვა ხალხს, როგორ უსაფუძვლოა ცრუმორწმუნეობა, როგორი  
გზით იჭრება ის ბავშვობიდანვე გლეხის შეგნებაში და მავნებელი შე-  
დეგები მოაქვს მას ხალხისათვის. ხალხოსნების ერთ-ერთი მისწრაფე-  
ბა ხომ იყო სახალხო ლიტერატურის შექმნა და გავრცელება. მწერალ-  
მა თავისი ამგვარი შეხედულება მეტად მკვეთრად გადაშალა მოთხრო-  
ბებში „ალი“ და „ქაჯანა“.

ხალხში გავრცელებული ცრუმორწმუნეობა წარუშლელ დაღს ას-  
ვამს გლეხს ბავშვობიდან. ბავშვობიდანვე გაუნათლებლობის გამო ცრუ-  
მორწმუნეობა თავისი არაბუნებრივი ძალებით: ეშმაკით, ალით, ქაჯით  
და სხვა ავი თუ კეთილი სულებით ავსებს მის შეგნებას. თუ როგორ  
იზრდება გლეხი ამ თქმულებათა ზეგავლენით, როგორ უმზადდე-  
ბა ფსიქოლოგიურად მას ნიადაგი ავი სულების რწმენის მისაღებად,  
ნიკო ლომოური მშვენიერად, შეიძლება ითქვას, დიდად ნიჭიერი  
მკვლევარი-პედაგოგის უნარით გვიხატავს მოთხრობაში „ალი“ და  
„ქაჯანა“.

„გააბეს ალზე ლაპარაკი, — მოგვითხრობს სიმონა, — და თითო  
რამე ალის ამბავი თითქმის ყველამა სთქვა... სიცილი, ხუმრობა ამ  
დროს სრულიად გაქრა, მათი ალაგი ხშირმა პირჯვრის წერამ და წმინ-  
დის გიორგის სახელის მოწოდებამ დაიჭირა. ხალხი არა ხუმრობდა!  
ამან ძალიან, ძალიან შემაფიქრიანა. ველარც ვახშამი ვჭამე ხეირიანად  
და მთელი დამეც მამლის ყივილამდე არ დამძინებია. ვფიქრობდი ალ-  
ზე. თვალწინ მეხატებოდა ტყე, ამის შუა ალაგას, ვითომ მოჩანდა პატა-  
რა, ანკარა, მოჩქრიალე მდინარე, რომელშიაც ერთს მოფარებულ ალა-  
გას, დიდ-თმა გაშლილი იჯდა მშვენიერი მზეთუნახავი ქალი — ალი.  
ალი თავის უუუუნა შავი თვალებით იტყირებოდა აქეთ-იქით. უნდა და-  
ინახოს ვინმე ადამიანი, მივარდეს და დაახრჩოს... ამგვარი წარმოდგე-

ნანი მეხვეოდნენ გარშემო მთელი ის ღამე. პირველი მამლის ყვილის შემდეგ ჩამეძინა, მაგრამ ვაი ამ ჩაძინებას! სიზმარში ვნახე ალი და გულგახეთქილმა გავაკყიტე თვალები. ტყე და ალი ახლა ერთმანეთთან მკვეთრად შეთვისებულ საგნად გარდაიქცნენ ჩემთვის. ერთის ნახვა მე-ნატრებოდა, მეორესი მეშინოდა“<sup>8</sup>.

ასეთი გაღიზიანებული, დაშინებული ფსიქოლოგიითა და ფანტაზიით მეორე დღეს სიმონა ტყეში წაიყვანეს. დატოვეს ის მარტო. მამა-ბიძეები ცოტა მოშორებით შეშის მზადებას შეუდგნენ. აღზე ლპარაკით აფორიაქებულ სიმონას ფანტაზიას, ტყეში მარტო დატოვებულს, შორს ცულის კაკუნისა, მისი ტყეში გამოძახილისა და მდინარის რაკარაკის გავლენით მოჭრილი კუნძი წყალში ალად მოეჩვენება. შეშინებული სიმონა ისტერიულ ყვირილს დაიწყებს. უფროსებიც, ასეთსავე ატმოსფეროში აღზრდილნი, დაიჭვრებენ. ალის საბრძანებლის ძირიანად აღმოფხვრის მიზნით კუნძის ჭრას დაიწყებენ. კუნძის მოჭრის დროს ერთ ძმას ცულის პირი ტარიდან გაუვარდება, სიმონას მამას მოხვდება თავში და მოჰკლავს. შეშის მაგივრად არაშენდაანი შინ უფროსს ძმას მკვდარს მიიტანენ. მთელი სოფელი ამ შემთხვევას ალის მოქმედებით ახსნის. ყველას და განსაკუთრებით კი არაშენდაანთ დიდ ოჯახს ეს გარემოება შიშის ზარს დასცემს.

აიწეწა არაშენდაანთ ოჯახი სულიერადაც და ეკონომიურადაც. ერთი უბედურება მეორეს მოჰყვა. აფორიაქებული, ბნელი და შეშინებული გლეხის გონება ადვილად უხსნის კარს მოსულ უბედურებათ, ის წინააღმდეგობის უნარს კარგავს. „დავმარხეთ მამა ჩემი, — მოგვითხრობს დაობლებული, უცნაური მოვლენით თავზარდაცემული სიმონა, — მაგრამ ამის შემდეგაც არ ჩამოგვეხსნა ის წყეული ალი. ჯერ სასაფლაოზე ენახათ ის ვილაც მგზავრებს. შემდეგ გავარდა ხმა, — ვითომც მამაჩემი ალს ამოეღოს საფლავიდან და წაეღოს ტყეში. ეს ამბები ჩვენ შეგვატყობინა ზაქარია დიაკვანმა და გვირჩია, რომ მიცვალებულის სულისათვის გვეწირვინებინა, საფლავი გვეკუთრებინა და შემდეგ საზოგადო წირვა გადაგვეხადა. ყველა ესენი სრულიად ალასრულეს ჩვენებმა“<sup>9</sup>.

მაგრამ ვერც ამ გარემოებამ უშველა. ხალხში ღრმადაა გადგმული ცრუმორწმუნეობის ფესვები, მასთან ბრძოლა არც ისე ადვილია. ხშირად მასთან ბრძოლაში თვით ოფიციალური სარწმუნოებაც კი უძლური ია. არაშენდაანთ და სოფელს ვერც საფლავის კუთრებევამ, ვერც მღვდლის წირვამ და ვერც საზოგადო წირვამ უშველა. უბედურება ხომ უარესად არომევეს უკუღმტურო ხალხს აზრს! ასე დაემართა არაშენდაანთ ოჯახს და მთელ სოფელს.

<sup>8</sup> ნიკო ლომოური, ალი. თხზ. ტ. I, 1963 წ., გვ. 33.

<sup>9</sup> • ქ ვ ე, გვ. 17.

ხალხის ასეთი მდგომარეობით, ჩვეულებრივ, სარგებლობდნენ სოფლის მტაცებელნი, სოფლის მტრები, რომელთა რიცხვი ყოველთვის დიდი იყო. არაშენდაანთ ასეთი აფორიაქებული მდგომარეობით სურს ისარგებლოს აზნაურმა დიაკვანმა ზაქარიამ. ის ოცნებობს არაშენდაანთ სახლ-კარი და ნაფუზარი ხელთ იგდოს. ამიტომ არაშენდაანი უნდა მკვიდრი ბინიდან როგორმე აპყაროს. იწყება ზაქარია დიაკვანის კლასობრივი ბუნების გამოვლინება. მან უნდა ისარგებლოს არაშენდაანთ უბედურებით. ის არავეითარ საშუალებას არ ერიდება.

ერთხელ გათენებისას არაშენდაანთ დარბაზში შუა ბანიდან ვეებერთელა ქვა ჩაუვარდათ და რახნა-რუხით დაეცა საკიდელსა და კერასა. არაშენდაანთ თავზარი დაეცათ. როცა ერთ-ერთმა ძმამ შესძახა: „ვინა ხარ, ვინა, შე ოჯახ და სახლ-კარ დაქცეულო?“ — იქიდან გარჩევით და ქალური ხმით მოისმა: „მე ვარ ალი, გამოგზავნილი წმინდის გიორგისაგან... აიყარენით, აიყარენით, თორემ სულ ერთიანად ამოგხოცათო“<sup>10</sup>.

წარმოსადგენია, რა შიშის ზარი უნდა დასცემოდა მთელს ოჯახს! არაშენდაანთ ასეთი მდგომარეობის გაძლიერებისათვის ზაქარია დიაკვანი დაზარალებულთა ოჯახში ალის გამოცხადებას სოფელში ხერხიანად მოფენს. ეს შემთხვევა მეორე დღეს, სანამდის არაშენდაანი იტყოდნენ რასმე, მთელმა სოფელმა თურმე იცოდა. დაზარალებულმა ოჯახმა და მთელმა სოფელმაც გადაწყვიტეს, რომ ალი ახლა არაშენდაანთ სახლში ეწვია.

მთელ სოფელს ეს ხმა საშინელის სისწრაფით მოედვა. ცრუმორწმუნე სოფელში ზღაპრის მაგვარი მითქმა-მოთქმა გაჩნდა. არაშენდაანთ ოჯახის უბედურების მიზეზად ხალხის შეუგნებელმა ფანტაზიამ რა თქმა უნდა, არა ზაქარიას გავლენის გარეშე, ოჯახის მოხუცი დიასახლისი, სიმონას დიდედა მიაა დასახა. რას არ იგონებდა სოფელი საწყალი მოხუცის დამოკიდებულებაზე ავ სულელებთან!.. ზოგი ამბობდა, რომ მიაა თანაზიარად გაუხდია ალს შეილები ამოწყვეტაშიო, ზოგიც — მიაა კუდიანიაო. „ბევრი ამგვარი და ბევრიც ამაზე უარესები ისმოდა იმ დღესვე... ამ უკანასკნელს ახლო აღარავინ ეკარებოდა. მიმავალი რომ დაენახათ, გარბოდნენ იმისაგან, როგორც გიჟისა, ან საოფლიანი ავადმყოფისაგან“<sup>11</sup>.

ამ საშინელმა ხმებმა და სოფლის ასეთმა დამოკიდებულებამ საწყალი დედაბერი გამოუთქმელ სატანჯველში ჩააგდო. იმ დამესვე რალაც ცახტახმა აიტანა. საშინელ სიცხეში და ალის მოახლოების ბოდვაში მეორე დღესვე სული განუტევა. ალმა იმსხვერპლა არა მარტო ორი

<sup>10</sup> ნიკო ლომოური, ალი. გვ. 18.

<sup>11</sup> იქვე.

წევრი, არამედ, შეიძლება ითქვას, არაშენდაანთ ოჯახი მთლიანად. არა-  
შენდაანი ალის შიშით გადასახლდნენ იმავე სოფელში სხვა ადგილზე-  
ახალმა, გამოუმრობელმა და დაუმთავრებელმა სახლმა ისინი გააცივა.  
შეუდგათ ოჯახში რაღაც ავადმყოფობა. სიცხეში ავადმყოფებს ალი მუ-  
დამ თანსდევდა და შიშის ზარსა სცემდა ყველას. ასეთ მდგომარეობაში  
მალე გარდაიცვალა სიმონას ერთი ბიძა, მეორე გაგოცდა. მესამე კი,  
ზაქარია დიაკვნისაგან გაბრიყვებული (მკითხავის დახმარებით), ალის  
შიშით, მთელი ოჯახით გადასახლდა ყარაიაზე. აქ ის თითქმის სრულე-  
ბით ამოწყდა. მისი ორი ობლად დარჩენილი შვილი ქალაქში ქუჩა-ქუჩა  
დარბის. ცრუმორწმუნეობის გამო ასე განადგურდა დიდი, კარგად გა-  
კეთებული, ოდესღაც ბედნიერი არაშენდაანთ ოჯახი. ასეთ მძიმე მაჯ-  
ლაჭუნასავით აწევს ცრუმორწმუნეობა ხალხს. და ნიკო ლომოურსაც  
დამაჯერებლად, აშკარად დაჰყავს თავის მკითხველამდე ცრუმორწ-  
მუნეობის უნიადაგობა და მავნებლობა.

ცრუმორწმუნეობა, როგორც ერთი უდიდესი სენი ხალხის ცხოვრე-  
ბისა, ნიკო ლომოურს მეორე მოთხრობაშიც („ქაჯანაში“) აქვს და-  
ხატული. ავი სულეების რწმენიმ თითქმის განადგურებამდე მიიყვანა  
კიკოლას ოჯახი. დამაჯერებელი მისი საყვარელი ნიჭიერი სიმონა. ამ გარე-  
მობამ დააღონა კიკოლა და მწუხარებაში გაახვია მთელი მისი სახლობა.  
მხოლოდ ბავშვების გონებასამხვილიანმა ცელქობამ დაუბრუნა სიმონას  
მეტყველების უნარი და სიცოცხლის ხალისი. ეს მოთხრობები ავტორს  
მართლაც დიდი პედაგოგიური ალღოთი აქვს დაწერილი. მდაბიო მკო-  
თხველს მეტად თვალსაჩინოდ, რეალურ ფერებში აჩვენებს ცრუმორწ-  
მუნეობის წყაროს — ხალხის ჩამორჩენილობას. ესეც დამახასიათებე-  
ლი სტილური ნიშანია ხალხოსანთა მხატვრული შემოქმედებისა.

ხალხის გაჭირებული, ხშირად გამოუვალი მდგომარეობა, განსაკუთ-  
რებით უბედურ შემთხვევებში—ავადმყოფობა იქნება, სიკვდილი, სა-  
ქონლის ჭირი, თუ სხვა რამე ამგვარი,—ჩვეულებრივ ხსნასა და შველას  
ეძებს არა ექიმის დახმარებაში, განათლების მონაპოვრების გამოყენე-  
ბაში, ჰიგიენურად ცხოვრების მოწყობაში, არამედ მკითხავის რჩევა-  
დარიგებაში. მკითხავი, ცხოვრებით გაბრუებული, უილაჯო გლეხკაცი-  
სათვის, უბედურების ტალკვესია. ამიტომ მკითხავისათვის ლატაკ გლეხს  
ფულიც მოენახება და დროც. მკითხავიც თავის ცბიერებით, გაიძვე-  
რობით, დაუნდობელ ძარცვა-გლეჯვით ტყავს აძრობს ისედაც „ყოვე-  
ლი მხრიდან“ გამწარებულ გლეხს.

ხალხის ცრუმორწმუნეობითა და მკითხავისადმი ასეთი ნდობით სარ-  
გებლობს ისედაც ხელშეგახსნილი ხალხის მტერი „სოფლის წუთრელა“  
და კავშირს იჭერს მკითხავთან ხალხის საზარალოდ. მკითხავი, როდესაც  
ცბიერებით ვერ მოახერხებს საქმის ვითარების გაგებას, მიიშველიებს  
ღმერთისა და ხატების ძალას, მათი განრისხებით ხსნის გლეხის უბე-

დურებას, რაც ისედაც შეშინებულ გლეხკაცობაში აძლიერებს არაბუნებრივი ძალების შიშს. განრისხებული წმინდანების გულის მოსაგებად (რაც გაუნათლებელ გლეხს მეტად სწამს) ხატებთან სალოცავად გზავნის ხოლმე გლეხს და მის ისედაც დაცარიელებულ ოჯახს ზედმეტი, ხშირად აუტანელი, ხარჯებით ანიაგებს.

ესეც ხომ ერთი უდიდესი იარაღთაგანი იყო, რომელსაც ხალხოსნებმა ბრძოლა გამოუცხადეს, როგორც საქმით, ისე სიტყვით.

ასევე სარგებლობს მკითხავეებით ზაქარია დიაკვანი. ვერა და ვერ მოახერხა მან არაშენდაანთ საბოლოოდ აყრა და მათი სახლკარისა და ნაფუძრის ხელში ჩაგდება. ცნობილია, გლეხისათვის შიში ალის მავნე ძალისა და რისხვისა დიდია, ძნელია გამკლავება ალის მუქარისა — „თუ არ აიყრებით და არ გადასახლდებით, სუყველას გაგწყვეტო“. მართალია, სული ტკბილია, მაგრამ ისიც ცნობილია, რომ გლეხობისათვის არა ნაკლებ ტკბილია მიწა, რომელსაც ის გამუდმებით ანთხევს თავის სისხლსა და ძალას. ძნელია მამაპაპით გაკეთებული საბუღარიდან აყრა და ცხრა მთას იქით გადავარდნა.

გლეხი თავისი, განსაზღვრული სამეურნეო ცხოვრების პირობების გამო შინ მოკალათებულია. ნახევრად მშვიერი და ნახევრად ტიტველი ცხოვრების შენარჩუნებაც კი მისთვის იმდენად ძნელია, რომ აღარა რჩება დრო სხვა რისთვისმე ფიქრისა და ზრუნვისა. ეს გარემოება მეტად ვიწროდ ჰფარგლავს მის მსოფლმხედველობას, გასაქანს არ აძლევს. მას ეშინია, რომ ხმელი ლუკმა პურიც არ დაკარგოს და პრიმიტიული ინსტიქტით ებღაუჭება ძველს, თუნდაც მავნე ჩვეულებებს, სულიერი და მატერიალური ხასიათის ტრადიციებს. ეს გარემოება მას საშინელ კონსერვატორად ჰქმნის. აი რატომაა, რომ ასე ძნელია მისთვის დაანებოს თავი მამაპაპურ ჩვეულებას, გაწყვიტოს მასთან კავშირი, დატოვოს მამაპაპური ქოხი. ასეთი ნაბიჯის გადადგმას გლეხი გაბედავს მხოლოდ მაშინ, როდესაც მას ცხოვრება სრულებით გაანიაგებს და ხელცარიელს დასვამს, როგორც არაშენდაანთ დათუას დაემართა.

დათუას მდგომარეობით ისარგებლა ზაქარია დიაკვანმა. მეტად დამაჭრებლად, დიდი სისადავითა და ბუნებრივობით ააშქარავენს ნ. ლომოური იმ ვერაგულ საშუალებებს, რომელთაც მიმართავს აზნაური დიაკვანი ზაქარია. განადგურებული დათუა რომ შეეცდინოს, ზაქარიამ შეურჩია დრო. ერთხელ, როდესაც ჯანგამოცლილი დათუა გაპარტახებული ოჯახის წინ იჯდა და მძიმე, გამოურკვეველ ფიქრს მისცემოდა, მას ვერ მოენახა ამ ფიქრის ვერც თავი და ვერც ბოლო, ზაქარია დიაკვანი მას თავზე წაადგა და „ფლილური ჯავრიანის კილოთი“ უთხრა: „რა ამბავია, კაცო, თქვენს თავს? ვფიქრობ და ვერა მომიფიქრებია რა: რა არი და როგორ არი თქვენი საქმე?“ დაღონებული დათუა შესტირებს მეზობელს ოჯახის დაღუპვას და ამის მიზეზს ალის ბოროტ

ძალას მიაწერს. „ჩვენი უბედურება ალის გამოჩენილად იწყო, — ეუბნება ზაქარია დიაკვანს დათუა, — ი წყუელი ახლა უჩინარადა გვდევის!“ ზაქარია დიაკვანსაც ეს უნდოდა, შეუბრალებლად სარგებლობს დათუას ასეთი სულიერი განცდით და ურჩევს მას მკითხავს მიმართოს, სოფელ ეშმაკეულში რომ ცხოვრობს. დათუამ, დიაკვანი ზაქარიას რჩევით, მკითხავთან ცოლის გაგზავნა გადაწყვიტა. დიაკვანი დაბრუნდა შინ, ფაცა-ფუცით შეკაზმა ცხენი და კარგა ხშირს ბინდისას დაადგა სოფელ ეშმაკეულისაკენ მიმავალ გზას.

მეორე დღეს დათუას ცოლიც გაუდგება მკითხავის გზას. მკითხავის ეზოში ხალხი ზიშზიმებს. ზაქარია დიაკვნისაგან განდობილი მკითხავი თვითონ გამოიძახებს არაშენდაანთ დათუას ცოლს. ეს გარემოება ყველას, და განსაკუთრებით დათუას ცოლს გააოცებს. შემდეგ ამისა მკითხავი არაშენდაანთ ოჯახის თავგადასაველსაც დაწვრილებით მოუყვება. უწინასწარმეტყველებს გადასახლების აუცილებლობასა და ახალ ადგილზე კეთილ ბედს. ეს საკმარისია, რომ გაუნათლებელი გლეხის გონება მკითხავს მთლიანად დაეპყრო.

დათუა უძლურია დიაკვან ზაქარიას მიერ დაგებულ მახეს თავი დააღწიოს. მძიმე, უკუდმართი ცხოვრებისა და ალის დევნისაგან გატანჯული დათუა, მოწყურებული თუნდაც ნახევრად მშვიერ და ტიტველ, მაგრამ დამშვიდებულ ცხოვრებას, საშინელ სულიერ ტკივილებში, გადაწყვეტს ცოლშვილით გადასახლდეს. დათუა გადასახლდება უკეთესი ცხოვრების მცირე იმედით, მაგრამ სახელმწიფოს უზრუნველობა მას იქაც მალე გაუცრუებს ამ უკანასკნელ იმედს. ნ. ლომოური აქაც სარგებლობს შემთხვევით, რომ სახელმწიფოებრივი წყობილების მიერ ხალხის ცხოვრებისადმი გულგრილი დამოკიდებულება გვიჩვენოს.

ასეთია მავნე გავლენა და შედეგი ხალხზე მკითხავთან დამოკიდებულებისა. ასეთია ის სოციალური მახე, რომელშიც გლეხი ასე გულუბრყვილოდ იხლართება და იღუპება. ასეთია მისი ჩამორჩენილობა, რითაც ასე დაუნდობლად სარგებლობენ მისი მტრები.

### 3

ხალხის ცხოვრების დამქვეითებელ და მისი ფიზიკურად და მატერიალურად გამანადგურებელ მავნე ჩვეულებების კატეგორიას ეკუთვნის ხალხისათვის საზარალო პატრიარქალური ტრადიციები — ხატობა, ნათლობა, ქელები და ა. შ. მკითხავის „რეცეპტი“, რასაკვირველია, ავადმყოფს ვერ არჩენდა, გლეხს თავზე ვალს ახვევდა და ხშირად სიკვდილს უფრო უახლოვებდა.

მიცვალებულს დასაფლავება უნდა, და გლეხმა, აქვს თუ არა აქვს (რა თქმა უნდა, მას ფული არასოდეს არა ჰქონდა), ქელები უნდა გა-

დაიხადოს. ეს არის შემდეგი და გლეხის ძვალსა და რბილში მაგრად გამჭდარი დიდი სენი, რომელიც გლეხკაცობას მკამელსავეთ ღრღნი- და და მის გადარჩენილ ძალას საბოლოოდ სრუტავდა.

ჩვენ ხალხს ამ დრომოკმული ტრადიციების — ნათლობის, ქორწი-ლის, ხატობის, ქელების — შენახვა უმძიმეს ტვირთად აწვა კისერზე. ჟურნალ „იმედის“ თანამშრომელი, რომელიც გამოდიან ხალხის ცხოვრებაში ქვემარტი, მისი საკეთილდღეო აზრების შესატანად, და ჟურნალიც ამ მიზნისათვის უნდათ გამოიყენონ, ჟურნალის პირველივე ნომრიდან ცხოვრების ამ მოვლენას სასტიკად შეებრძოლნენ. „ქართვე-ლი ხალხის სიღარიბის მიზეზები,—წერს მ. გურგენიძე,—ბევრი არიან, მაგრამ ზოგზედ ლაპარაკი არ შეიძლება, ზოგზედ უდროვოა, ზოგზედ კიდევ ძალიან საჩოთიროა. ჩვენ ამ დროებით შეგვიძლიან და გვინდა ვილაპარაკოთ მხოლოდ ერთს მიზეზზედ, რომლის მოსპობას შეუძლიან ქართველი ხალხი სიღარიბიდან სიმდიდრისაკენ გამოაბრუნოს. ეს მი-ზეზი არის უთავბოლო, უზომო, შეუსაბამო, ტყუილი ხარჯი ნათლობა-ზედ, ქორწილზედ, დღეობაზედ და მკვდრის დამარხვაზედ. თვით დაბა-დებიდან კაცისა სიკვდილამდინ იმის ცხოვრება ისე არის დაყენებული ჩვენ ქვეყანაში, რომ თითქო ეს ცხოვრება დამლუბავი ჩვეულებისა-თვის არის გაჩენილი“<sup>12</sup>.

მართლაც, საიდან უნდა ჰქონოდა იმდენი შეძლება ჩვენს „ყოველი მხრიდან“ შევიწროებულს, გაძვალტყავებულ გლეხკაცს, რომ ეს ხარჯი გაეწია! ის იძულებული იყო მიემართა ჩარჩ-მევახშისათვის, რომელიც უსინდისოდ სარგებლობდა გლეხის გაჭირვებული მდგომარეობით და დაუზოგველად ტყავს აძრობდა (ერთსა და იმავე ვალში ხშირად ორჯე-რაც და, შეიძლება, მეტჯერაც კი) ისედაც დაბეჩავებული გლეხის ოჯახს. „ის, — წერს მ. გურგენიძე, — ვინც (რომელიც იხდის ნათლო-ბას, ქორწილს, ქელებს. — მ. ზ.) იღებს ვალს, თვეში თუმანზე ათშაუ-რიდან მანეთამდის სარგებელს იწერს... ნათლობა გათავდა, თამაშობაც ბევრი იყო, სმაც და ჭამაც, მაგრამ ვალს კი გადახდა უნდა და ხშირად ამგვარი მხსნელები გამოეთხოვებიან ხოლმე ან თავის საზრდოს მიმ-ცემ მიწას, ან ვენახს, ან ბელელს, ან ცხენს, ან კამეჩს, ან სხვას, ან კიდევ თვით სახლს“<sup>13</sup>.

ამ მოვლენასაც შეუჩირებელი ბრძოლა გამოუცხადეს ხალხოსნებმა და, კერძოდ, ნიკო ლომოურმაც. ეს მოვლენაც ნიკო ლომოურის შე-მოქმედებაში დიდი სიმკვეთრითაა ასახული. მოთხრობა „ალი“ ნი-ჭიერად გადაშლის გლეხის ამ დრომოკმული პატრიარქალური ჩვეულებე-ბებით და მათი შედეგებით შექმნილ სიმწარეს. ერთხელ ხალხით,

<sup>12</sup> მხ. გ უ რ გ ე ნ ი ძ ე, ერთი ჩვენი სიღარიბის მიზეზი „იმედი“, 1881 წ., № 1, გვ. 66.

<sup>13</sup> ი ქ ვ ე, გვ. 67—68.

დოვლათითა და სიამოვნებით სავსე არაშენდაანთ ოჯახის ხვედრი, ტიპიური იყო ჩვენი სოფლის ცხოვრებისათვის. თუ არაშენდაანთ დიდი, მაძლარი ოჯახი ასე დაილუპება, რა უნდა მოუვიდეს ჩვეულებრივ ღარიბი გლეხის ოჯახს! ასეთია მწერლის აზრი, ასეთია მისი წუხილი.

„დავმარხეთ მამაჩემი, — მოგვიტხრობს სიმონა, — მაგრამ ამის შემდეგაც არ ჩამოგვხსნია ის წყეული ალი... გავარდა ხმა—ვითომც მამაჩემი აღს ამოეღოს საფლავიდან და წაეღოს ტყეში. ეს ამბავი ჩვენ შეგვატყობინა ზაქარია დიაკვანმა და გვირჩია, რომ მიცვალებულის სულისათვის გვეწირვინებინა, საფლავი გვეკურთხებინა და შემდეგ საზოგადო წირვა გადაგვეხადა. ყველა ესენი სრულად აღასრულეს ჩვენებმა; მაგრამ ვაი ამ აღსრულებას! ამან საშინელი დალი დაასვა მთლად ჩვენს ოჯახს და მის მომავალ ბედს. აქამომდე უფალო ოჯახს ამ წირვებისა და კურთხევის მეოხებით ათ თუმანზე მეტი ვალი დაგვედო. ეს ვალი შემდეგ გადიდდა, გარდაიქცა ორმოცათ, სამოც თუმნათ. გავხდით ჩვენ დედა-ბუდიანათ ერთი ურიის მონებათ და ყმებათ“<sup>14</sup>.

აი მწარე სინამდვილე, ასე ღიად და შეუფერავად, მაღალი და დიდი მოქალაქეობრივი შეგნებით მოცემული!

ვინ იყო ეს ურია, რომლის მონად და ყმად გადაიქცა არაშენდაანთ უფალო, ძირმაგარი ოჯახიც კი? იქნება ამგვარი უბედურება გლეხისათვის მოულოდნელია? იქნება ეს გამოუტდელობით მოსდის მას?

საქმეც ისაა, რომ გლეხს ყველაფერი საშიშროება კარგადა აქვს გამოცდილი არა მარტო სხვებზე, არამედ თავისთავზედაც, მაგრამ მანვე ჩვეულებები — ქელები, ხატობა, ქორწილი, ნათლობა და სხვა მისთვის ისეთ მოთხოვნილებათაა გადაქცეული, რომ ის თვალღია მიდის ამ უბედურებისაკენ.

ნიკო ლომოურიც ამ გარემოებას უსვამს ხაზს. „ყველამ კარგად ვიცოდით, — გადმოგვცემს სიმონა, — მისი(ხახამ გაბრიელას. — მ. ზ.) უღმერთობა; ყველას გაგვეგონა, თუ სამი ლიტრა მარილის ფასი ხუთ წელიწადს როგორ გარლუქვია ოცდაათ თუმნად ერთ გლეხსა! შემდეგ უჩივლა, წაართვა ვენახი, ნათუძარი და ღვთის ამარა გაუშვა მათი საცოდავი პატრონი. ვიცოდით ყველა ესენი და კიდევ ბევრი სხვა რამე, მაგრამ რა გვექნა?.. გაჭირვების დროს მაინც ისევ მას მივმართავდით ხოლმე, რადგანაც კარგად ვხედავდით, რომ მის მეტი გზა ჩვენს ბედობაზე სხვა არ იყო გაჩენილი. მივმართეთ კიდევ, როდესაც გაჭირვება დაგვადგა! ათი თუმანი თავნი ვალი ხუთი წლის განმავლობაში სამოც თუმნად გავვიხდა. დაგვაწერინა სამოცი თუმნის ახალი თამასუქი და შემდეგ წაგვიჭირა ყელში“...<sup>15</sup> და ბოლოს განა ხახამ გაბრიელამ არ დაამთავრა არაშენდაანთ ოჯახის სრული დამხობა?

<sup>14</sup> ნიკო ლომოური, ალი, 1963 წ., გვ. 17.

<sup>15</sup> იქვე. გვ. 46.



განა ასეთივე მყველფავები არ არიან არუთინა და შამოელი („ყოველის მხრიდან!“)? ესენიც დროს ურჩევენ გლესს გაჭირვებისას „დაეხმარონ“ ფულით, „ხელი გაუმართონ“, ხოლო მოსავლის მოკრეფისას „თავიანთი თეთრი აბაზები“ გაინაღდონ.

ნიკო ლომოური, როგორც პედაგოგი, მკვლევარი, მხატვარი, რაც ასე დამახასიათებელი იყო ხალხოსნებისათვის, მშვენიერად, ძალდაუტანებლივ, ბუნებრივ ფერებში ამახვილებს ამ სოფლის წურბელების დაუოკებელ მადას. ანდრიას მორჩილ პასუხზე: „გავლენა, შვილოსან, და ჩემი ფეხით მოგიტან ფულსაცა და პურსაცაო“, არუთინა მისთვის დამახასიათებელი უკმაყოფილო კილოთი დაიღრიალებს: „არა, ძმაოჯან, არა!.. შენი არწყული და მოტანილი რა თავში ვიხლი. როცა კალო შეაბა, შემატყობინე, მე მოვალ, ჩანახსა და ტომარას მოგიტან და სულ წმინდად კალოზე ჩამაბარე“. აღელვებული ანდრია არუთინას ასეთი უხეში და უსამართლო მოთხოვნილებით. ინსტინქტიურად უკმაყოფილების კილოთი ეტყვის: „რას ამბობ კაცო? მე შენი ჩანახით როდისა ვარ გარიგებული? ექვს აბაზათ კოდი პური მოგცე და ისიც შენი უძირო ჩანახითა! ღმერთი აღარ არის შენში?!“<sup>16</sup>

ანდრია ხედავს არუთინას უსინდისობას, კარგად ხედავს მის უაღამიანობას, მაგრამ რა ძალა აქვს! მისი სული არუთინას ხელშია და ანდრიაც იძულებულია დათანხმდეს. ასეთია უტყუარი სურათი ხალხის ცხოვრებისა.

მარტო ჩარჩი მევახშე არ აზის ზურგზე გლესს. მისთვის ასეთივე პარაზიტია მღვდელიც. ნ. ლომოურის გაგებით, ერთ მხარეზეა გლესი — მეორეზე ყველა: მემამულე, ჩარჩ-ვაჭარი, მღვდელი, ადმინისტრაცია — ყველა გლესის მტერია.

ანდრიას ვალის განაღდებას მოთხოვს მღვდელიც, რომლისგანაც ის დაეაღიანდა ამავე უბედური შემთხვევის გამო.

— „აბა, შვილო, — მიმართავს შენდობის მისაღებად მისულ ანდრიას მღვდელი, — რას ამბობ? განა დრო არ არის, რომ ი შენი შვილის სამკვდრო მომცე?.. აგერ წელიწადი სრულდება, ანდრია, და შენ კი ჭერაც არა მოგიცია რა“<sup>17</sup>.

მღვდელიც კი იმასა ცდილობს, გლესი რაც შეიძლება მეტად გაყვლიფოს, საწირავეის გადასახადის სარგებელში ერთი ბურჯაკი მაინც ააგლიჯოს. გლესიც იძულებულია მისცეს.

მაგრამ უბედურება ის არის, რომ ბეჩავე გლესს ბედი ხშირად უმტყუნებს ხოლმე. მის შრომას ბუნების სტიქია აქარწყლებს: წამოუშენს ნიაღვარი და სეტყვა და მის ჳირნახულს, დიდი წვითა და დაგვით მოვ-

<sup>16</sup> ნ ი კ ო ლ ო მ ო უ რ ი, ყოველის მხრიდან, 1963 წ., გვ. 199.

<sup>17</sup> ი ქ ვ ე, გვ. 341.

ლილს, სწორედ ადების წინ, გაანადგურებს ხოლმე. მაშინ მდგომარეობა გლახისა პირდაპირ გამოუვალია. მან აღარ იცის რა ქნას, რით გამოკვებოს ცოლშვილი, ან რით გაუსწორდეს „ყოველის მხრიდან“ მოსეულ მჭამელებს. აი სწორედ ამ მომენტით სარგებლობს მევახშეც და ადმინისტრაციის დახმარებით გლახკაცს ცარიელზე სვამს, უფრო ასუსტებს, რომ უფრო ადვილად დაიმორჩილოს. ასეთ პირობებში ის გლახს ვალში აუწერდა ხოლმე უძრავ ქონებასაც კი.

განა ასე არ მოიქცა ხანამ გაბრიელა არაშენდაანთ მიმართ?

არაშენდაანთ ოჯახი აღის გაჩენისა და მასზე მოყოლილ უბედურებათა შემდეგ ველარა და ველარ ამოვიდა ხანამ გაბრიელას ვალიდან. თითქმის მთელი შემოსავალი არაშენდაანთი გაბრიელას ათი თუმნის ვალში მიდიოდა. მაინც ვერა და ვერ გადაწყვიტეს მისი ვალი. ბევრი ლანძღვა-გინება და მუქარა მიიღო არაშენდაანთ ოჯახმა გაბრიელასაგან. დასასრულს, ერთ კვირა დღეს მამასახლისმა დაუძახა დათუას საყდრის კარებთან გასულიყო. დათუა მაშინვე ადგა და წავიდა. გავიდა კარგა ხანი. დერეფნიდან მოესმათ რამდენიმე კაცის ხმა და ლაპარაკი. ცოტა ხანს უკან გაიღო კარები, დარბაზში შემოვიდა დათუა; მას შემოჰყვნენ მამასახლისი, ორი მისი თანაშემწე, ხანამ გაბრიელა და ერთი ვიღაც რუსულად ჩაცმული, სასამართლოს ბოქაული. „ათასი წელიწადი რომ ვიცოცხლო,— აგვიწერს სიმონა, — ვგონებ მაინც არ დამავიწყდეს ბიძაჩემი დათუას მაშინდელი სახის გამომეტყველება! სახისა კი არა მარტო, მთლად მისი არსების მდგომარეობა. ამ ნახევარ დღეს ის, ოცდაათუთხმეტი წლის კაცი, სამოცი წლის მოხუცს დამსგავსებოდა. წელში საცოდავად მოკაკულს, გაყვითლებულს, თვალებ მიცვივნულს, დამპალ ხესავით გაქონდა ძანძარი. წინაპირველად ის თითქოს ვერაფერს ხედავდა: იჩერჩეტა, იჩერჩეტა და კინალამ კერას გადააწყდა. დედაჩემმა მათ შემოსვლის დროს ერთი ღრმად ამოიკვნესა და მიჯდა თაროსთან“<sup>18</sup>. საწყალი, თავბრუ დასხმული დათუა ცოლის ხმამ და გამოარკვია. მიიხედ-მოიხედა და დაგლვილი დათვივით შეღრიალა: „ვენახი გაგვიყიდეს, ვენახი, ვენახი... ვაი ცოლო და შვილო. ნაფუძარი გაგვ“... — ამის გაგონებამ მთელი ოჯახის წევრებში ერთი საშინელი ტირილი და წიოკი აღძრა. „კაცს ეგონებოდა, ამ ხალხს ცხედარი უდევთ წინაო“. აი გლახკაცის ცხოვრების უტყუარი სურათი კაპიტალიზმის განვითარების პირობებში.

ასეთი მწარეა შედეგი უილაჯო გლახისათვის ნათლობა-ქორწილისა და წირვა-ხატობისა, რომელსაც გლახის დედა-ბუდიანად მევახშის ყმად გახდომა მოსდევს.

აქ, მევახშეთა გლახებისადმი დამოკიდებულების დახატვაში მკლავ-

<sup>18</sup> ნიკო ლომოური, ალა, გვ. 20.

ნდება ნიკო ლომოურის უარყოფითი დამოკიდებულება კაპიტალიზაციისადმი, რომელიც გლახობას უფრო საშინელ ეკონომიურ პირობებში აგდებდა.

ამას გარდა, მოთხრობებით „ალი“, „ყოველის მხრიდან“ და სხვა ნიკო ლომოური ქართულ ლიტერატურაში ავითარებს ახალ ჟანრს, სოციოლოგიურ ნარკვევს, რომელიც დამახასიათებელი ჟანრი იყო არა მარტო ქართველი ხალხოსნებისათვის, არამედ რუსებისათვისაც.

სოციოლოგიური ნარკვევით ხალხოსნები და, კერძოდ, ნიკო ლომოური ახერხებდნენ გლახის შევიწროებულ მდგომარეობის მკვეთრ გამოაშკარალებას.

მარტო მღვდლები და სისხლის მწოვი ჩარჩები არ ავიწროებდნენ დაბეგრულ გლახს, მარტო ესენი არ სარგებლობდნენ მისი უილაჯობითა და დაბეჩაევებით.

გლახს არა ნაკლებ ავიწროებენ ადმინისტრაცია — ხელისუფლების სხვადასხვა რანგის მოხელეები. დაწყებული მოსამართლე—მაზრის უფროსით და გათავებული სოფლის მამასახლისით—გზირით.

სახელმწიფო მოხელეები, რომელთა დანიშნულება ხალხის კეთილდღეობისა და მისი ცხოვრების პირობების უზრუნველყოფის სამსახური უნდა ყოფილიყო, თითქო სპეციალურად ისედაც დაჩაგრული გლახის შესავიწროებლად იყვნენ მოვლინებულნი. სამსახურისა და თავის მოვალეობის აღსრულებას ისინი ისე უყურებდნენ, როგორც თავისი პირადი კეთილდღეობის განმტკიცების საშუალებას, ისედაც გაძვალტყავებული გლახის ზურგზე და ხარჯზე. ესენიც, მწერლის გავებით, გლახთა მტრის ბანაკში აქტიურად მოღვაწეობენ.

ნიკო ლომოურის გულისყური და მხატვრული აპერცეპციაც გლახის ცხოვრების ამ მხარესაც გაფაციცებით აკვირდება, შემადარწუნებელ სურათს ყოველ ნაბიჯზე ხედავს და ხმას იმაღლებს ამ თვითნებობისა და ძალმომრეობის წინააღმდეგ. მისი „ალი“, „ქრისტიანი ლეკები“, „ყოველის მხრიდან“ ფარდას ხდის ადმინისტრაციის მიერ გლახობის უდიერ შევიწროებას.

განა სასამართლო არ არის, რომ ხახამ გაბრიელას ლაგამს არ ამოსდებს და არაშენდაანთ ვენახს, ნაფუძარს ათ თუმანში ჩარჩ გაბრიელას დაუნარჩუნებს? განა სასამართლოს ბოქაული და მამასახლისი არა ცდილობენ არაშენდაანთ ისედაც დაზარალებულ ოჯახს უკანონოდ წაგლიჯონ თორმეტი მანეთი, ვითომც და სასამართლოს ბოქაულის გასამრჯელო და ამ გადასახადში ფურკამეჩი გაიგდონ? ამ ძალმომრეობისაგან არაშენდაანთ მხოლოდ სასოწარკვეთილებაში ჩავარდნილი სიმონას დედის გაბოროტებალა იხსნის.

ადმინისტრაციის ძალმომრეობის სურათი მთელი აღშფოთებითაა გადაშლილი ნ. ლომოურის მოთხრობაში „ქრისტიანი ლეკები“.

პატარა სოფელ ნიკრეულაში ყველაზე ღარიბად და ხელმოკლედ ცხოვრობს სვიმონა ლუკაშვილი — „მარტოხელა კაცი, წერილი შეილისა და მცირე მამულის პატრონი. მართალია, ის ჯერ კიდევ ყმაწვილი ბიჭია, მაგრამ როგორღაც მოხუცი, დაძაბუნებული კაცივით გამოიყურება: სიარულის დროს მუდამ მიწაზე დაიკვირება, თითქოს დაუპარგავს რამე და იმის ძებნაშია გართულილი“<sup>19</sup>.

სვიმონას გარეგნული შეხედულებაც კი, მის გაღატაკებულ სახლშიაც რომ არ შევიდეთ და მისი მშვიერ-ტიტველი ცოლშვილიც რომ არ გავიცნოთ, საშინელი დაბეჩავებულის შთაბეჭდილებასა ტოვებს. „თქვენი კი არ ვიცი, მკითხველო, — სვიმონას მეტად სხარტსა და სწორ დახასიათებას გვაძლევს ავტორი, — და მე კი, როცა სვიმონა ლუკაშვილს წარმოვიდგენ ხოლმე, მაშინათვე თვალწინ ამეყუდება უზარმაზარი სურათი ასთავიანი დევისა, რომლის ტლანქ წიხლებქვეშ მიწაზე განართხული გდია სვიმონა; დევი სჭეჭყავს მას, ჰქელავს უსულდგმულო ნაბადივითა. სვიმონა მაინც არ კვდება, ცოცხალია, მაგრამ ვაი ამისთანა სიცოცხლეს“<sup>20</sup>.

ასეთი თვალსაჩინო, ბევრის მეტყველი, მკითხველზე შთაბეჭდილების მომხდენი ალეგორიები დამახასიათებელი იყო საერთოდ ხალხოსანი მწერლობისათვის და, კერძოდ, ნიკო ლომოურისათვისაც. ამგვარ ალეგორიებს ნიკო ლომოური ხშირად მიმართავს თავის შემოქმედებაში („გიგო ღრუბელაშვილი“, „ყოველის მხრიდან“ და სხვები).

სვიმონა ლუკაშვილის ამ დახასიათებაში ნიკო ლომოური მთელი მშრომელი გლახობის დახასიათებას იძლევა, რომელიც გაჭირვების უღელქვეშ იზნიჭებოდა და სიცოცხლეს მაინც ებრძოდა, ეჭიდებოდა.

ღარიბი სვიმონა ლუკაშვილის ოჯახიც ახალწელიწად ღამეს მხიარულ გუნებაზეა. გამუდმებული შევიწროებული ცხოვრებით შენახული და დამზადებული ხორაგით უნდა ახალ წელს დახვდეს, რომ სიღარიბე აღარ „დაეკვებოს“, იქნება ამით მაინც გაჭირვებას თავი როგორმე დააღწიოს. ესაა — „წყალ წადებული ხავსს ეკიდებოდაო“.

სვიმონას სიმამრიც სწვევია. გამხიარულებული ოჯახი სამზადისშია. მოულოდნელად სვიმონას გარედან გზირის ხმა მოესმა, რომელმაც შეატყობინა: მამასახლისი მოვიდა, ცუდ გუნებაზეა და შენ გიბარებსო. სვიმონას გუნება მწარედ შეეცვალა. იცნობს მამასახლისს და იცის, რა არის მისი „ცუდი გუნება“. „ეგ პირის კომლ ამოსახუთი, — თქვა მან, — მე ვიცი ხეირს არ დამაყრის. იმ დღეს ი ხუთი მანეთი რომ ემართა ი კაცსა, ის ფული ამირთვა და გასამჭელოში ნახევარი მთხოვა. მე როგორც იყო, ხელთ ვიგდე ფული და ერთი მანეთის მეტი არ მივეცი,

<sup>19</sup> ნიკო ლომოური. ქრისტიანი ლეკები. 1963 წ. გვ. 192.

<sup>20</sup> იქვე, გვ. 183.

გიჟი მოზვერივით დამიბრიალა თვალები და მითხრა: დაიცა, შვილოსან, ჩამივარდები როდისმე ხელში და მე გიჩვენებ მაშინ სეირსაო“<sup>21</sup>. თქვა ეს სვიმონამ მწუხარებით და თავის გაქნევით გაჰყვა გზირსა.

ასეთია ლოგიკა საზოგადოებრივ-სახელმწიფოებრივი წყობისა: დაბალი თანამდებობის პატრონი ჰბაძავს უფროსს, ის კიდევ თავის უფროსს პირადი მდგომარეობის გაუმჯობესების მიზნით გლენთა შევიწროებაში. ასეა ცხოვრება მოწყობილი. ამას ებრძვის ხალხის მოკეთე მწერალი ნიკო ლომოური.

სვიმონას წინათგრძნობა გამართლდა. გზირი ზურაბა ლექსოშვილის სახლის წინ სვიმონამ დაინახა ოთხი ცხენოსანი: მამასახლისი და სამი მხლებელი ჩაფარი. ჩვეულების თანახმად, რომელ სოფელსაც კი მამასახლისი თავის მხლებლებით ერთად მისვლით „გააბედნიერებდა“, ის სოფელი ვალდებული იყო გამასპინძლობდა ამ დაუპატიჟებელ სტუმრებსაც და მათ ცხენებსაც. მამასახლისმა მოისურვა სვიმონასათვის თავის ძალა ეჩვენებინა. როდესაც სვიმონა მამასახლისის მძიმე თავის დაკვრით მიესალმა, მან ბრძანებით უთხრა მას: „წაიყვანე ემ წამში ეს ოთხივე ცხენი, თბილ ბოსელში დააბი და ქერი და ბზე არ მოაკლო“.

სვიმონამ თავი ძირს ჩაღუნა, ვგონებ სრულიად უგრძობლად ქედი მოიხარა; თავი, კისერი ძალზე მოიჩეჩა, შემდეგ ერთი ნაბიჯი უკან გადადგა და დაღრეკით წარმოსთქვა:

— „ერთი ნამცეცი ბოსელი მაქვს, ჩემი საქონელიც ძლივს ეტევა, არც ქერი მაქვს, ღმერთმა ხომ იცის... ამიტომ გთხოვ, მამასახლისო, სხვასთან ვისთანმე დააბმევინო შენი ცხენები.“

— შენები გამორეკე ბოსლიდამ და იმათი ადგილი მიეცი ჩვენ ცხენებს... ქერსაც მალე გაშოვნინებენ ჩემი ჩაფრები.

— შე დალოცვილო—და, რო გამოგრეკო ამ თოვლსა და სიცივეში, ხომ სულ ერთიანათ გამიწყდება ისედაც შიმშილისაგან დალასლასებული საქონელი. და აბა, მაშინ რაღა შავი ქვით და ნაცარი ცხელით გავცე პასუხი ან ღმერთსა და ან ხემწიფესა.

მამასახლისმა წარბი შეიკრა, გრძელ წვერზე დიდკატურად ჩამოისვა ხელი და მრისხანებით შესძახა:

— ჩაფრებო, აბა ერთი კარგა გაბერტყეთ ეგა“<sup>22</sup>.

მამასახლისის ბრძანება მისმა ერთგულმა ჩაფრებმა პირნათლად შეასრულეს. „სამნივე მისცვივდნენ სვიმონასა და შეუბრალებლად დაუწყეს ცემა-ტყევა ბეჩავსა“, „რომელიც ამ დროს ხან გველივით იხლაკნებოდა, ხან ძირსა ცუტქედბოდა, თითქო კინტოურსა თამაშობსო, ხანაც ფეხებს აქეთ-იქით იქნევდა და ჯამბაზივით ხტოდა“. სვიმონას ეს

<sup>21</sup> ნიკო ლომოური, ქრისტიანი ლეკები, გვ. 187.

<sup>22</sup> • ქ ვ ე, გვ. 128.

მდგომარეობა მის ჯალათებს ამხიარულებდა. ის ცოცხალ-მკვდარი ჩაფრებს ძლივს გაავლებინეს.

მწერალი დაუნდობლად აშიშვლებს სინამდვილეს.

განთავისუფლებულმა სვიმონამ მწუხარებითა და აჩქარებით გასწია შინისაკენ. სახლში რომ მივიდა, ცოლშვილს გამოვლილი უბედურება ქვითინით გადასცა. მთელი ოჯახი რაღაც გამოურკვეველ მწუხარებას მიეცა, თუმცა ამგვარი მოვლენა მათთვის არაჩვეულებრივი არ იყო.

მამასახლისმა ბეჩავ სვიმონას ეს არ აკმარა. დათეთქვილმა, შეურაცხყოფილმა სვიმონამ ვერც კი მოახერხა თავსდატეხილ მდგომარეობაში გარკვევა, რომ კარი გაიღო და მის სახლში შევიდა მამასახლისის მიერ გაგზავნილი ორი ჩაფარი. დაუბატიყებელმა სტუმრებმა მოურიდებლივ, ცინიკურად მიმართეს სვიმონას: „აბა, მამასახლისისათვის ვახშამი მზად არის თუ არაო?“ მოსთხოვეს ინდაურები. უილაჯო სვიმონამ მიუთითა საახალწლო სამზადისზე და უთხრა წაეღოთ, ხოლო ინდაურებზე, რადგანაც არა ჰყავდა, უარი განაცხადა. ჩაფრებმა ყველაფერი წაიღეს, რაც ღირებული დაინახეს. სვიმონაც თან წაიყვანეს (ალბათ, მამასახლისისაგან ასე იყენენ დარიგებულნი). მიიყვანეს ის მამასახლისთან და მოახსენეს, რომ სვიმონა ლუკაშვილმა ინდაური არ მოგვცაო. განრისხებული მამასახლისი წამოვარდა და შეჰყვირა: „ჩქარა თოკი“. როდესაც თოკი მოუტანეს, მრისხანედ დაიძახა: „მოიყვანეთ ეგ ღორი, ეგ ლობიოჭამია ტეტია და მაგრა მიაკარით ბოძზე“... ჩაფრებმა მყის შეასრულეს მამასახლისის სურვილი. სვიმონა მაგრად მიაკრეს თოკით ბოძზე. მამასახლისი არ დაკმაყოფილდა, „თავი ძირსა აქვს დაღუნული მაგ ღორსა, — ბრძანა მან,—აუკარით თავიც მალლა: მე მინდა რომ ჩემ წინ გამოჰიმული იდგეს სალდათივით“. ყველა ეს დაუყოვნებლივ იქნა სისრულეში მოყვანილი.

საზარელი სანახავი იყო დამცირებული, შეურაცხყოფილი, უფლებაყრილი საბრალო სვიმონა: „ფერმიხდილი, უძრავად გაშეშებული, — აგვიწერს ავტორი, — ის უფრო ბოძზე აკრულ უსულდგმულო ცხედარსა ჰგავდა, ვიდრე ცოცხალ ადამიანსა. თოკმოჭერილ მკლავებიდან სისხლი ძირს დაშვებულ ხელებში ჩამოჰკუთებოდა, ამის გამო განზე გაპარჭყული თითები რუმბებივით დაბერილიყვნენ და ორთავე ხელები ნახშირივით დაშავებოდა. ასეთ მდგომარეობაში სვიმონამ ორი-სამი საათი გაატარა და კიდევ, შესაძლებელია, დიდი ხანი იქნებოდა, რომ შეუბრალებელი, ბეჩავი სვიმონა გზირს არ შეეცოდებინა და ცრემლითა და ვედრებით არ გაეთავისუფლებინა ის ჯალათების ხელიდან.

დაოსებული, გამწარებული და გაწბილებული სვიმონა ცოცხალ-მკვდარი დაუბრუნდა თავის დაწიოკებულ ოჯახს.

სვიმონა სრულებით უძლურია დაიცვას თავისი თავი, თავისი ოჯახი განადგურებისაგან. ავტორი, სვიმონას მდგომარეობა რომ უფრო

გასაგები გახადოს, მეტად მკვეთრს და თვალსაჩინო შედარებას მიმართავს: „მე მინახავს, — წერს უბედურთა მდგომარეობის ხილვით შეძრწუნებული მწერალი, — ძროხა, რომელიც დასაკლავად მიყავდათ. ის თითქოს ცხადადა გრძნობდა თავის მომავალ უბედურებას... საცოდავის ხმით ზმუოდა, ფეხები უკანა რჩებოდა, მთვრალი კაცივით ბარბაცებდა. სწორედ იმ ძროხასა ჰგავდა იმ წამში ჩვენი საბრალო სვიმონა“.

ასეთი მარტივი შედარებით მწერალი გლეხის მდგომარეობას ზუსტად გამოხატავს. ეს ხალხოსნების პოეტური შემოქმედებისათვის დამახასიათებელი იყო.

#### 4

ნიკო ლომოური გლეხთა ამგვარი შევიწროებული მდგომარეობის დახატვით ხერხიანად სარგებლობს, რომ ამ ფონზე უფრო მკვეთრად გამოაჩინოს გლეხთა სურვილი დამოუკიდებელი ცხოვრებისა, მისი არსებულთან შეუირიგებელი განწყობილება. მიუხედავად იმისა, რომ ნიკო ლომოური უდავოდ ტიპური კულტურტრეგერი ხალხოსანია, გლეხთა რევოლუციონური სულიერი განწყობილების გამომჟღავნებასა და ჩვენებას თითქოს გაურბის კიდევ, მაინც მას, როგორც ხალხის — გლეხთა ცხოვრების კარგ მცოდნეს, მის მესაიდუმლეს, არ შეუძლია გლეხთა მდგომარეობის ეს მხარეც მთელი სიმწვავეით და სისწორით არ გამოაჩინოს.

უწყალოდ ნაცემი „ჩალურჯებულ-ჩასისხლიანებული“ სვიმონა ლუკაშვილი მეორე დღეს ლოგინიდან ველარ წამოდგა.

მწერალმა, რომ უფრო გაამახვილოს გლეხთა შევიწროებული მდგომარეობის დახატვა, უზადოდ შეურაცხყოფილ, უილაჯო სვიმონას ბოდვის სახით გადმონათხევენებს ცხოვრების უსამართლობით გამოწვეულ და დაგუბებულ ბოლმას: „სწყევლიდა სულიერსა და უსულოს, დიდსა და პატარასა, შემადრწუნებელი სიტყვებით ლანძღავდა თავის მშობელს, თავის შეებნელ გაჩენის დღესა... ავადმყოფი მძინარე სვიმონასაგან ესმოდათ ისეთი სიტყვები, რომლებს მსგავსსაც კი ფხიზელი და კარგად მყოფი სვიმონა ფიქრადაც კი ვერ გაიტარებდა“. ასეთს მდგომარეობაში სვიმონას განცდის დახატვა მკითხველის შთაბეჭდილებას კი არ ანელებს; არამედ უფრო აძლიერებს, ამძიმებს, გლეხის დაბეჩავებული მდგომარეობისა და შინაგანი, დაფარული წინააღმდეგობის შთაბეჭდილებას ამახვილებს. მკითხველის თანაგრძნობას სვიმონასადმი უფრო აღრმავებს და ავტორის სურვილიც ხომ ესაა.

შეშინებულმა სვიმონას ცოლმა დაუძახა მეზობლებს, გიორგი დალაქს. უკანასკნელმა სვიმონას წურბელები მოჰკიდა. დაბეჩილი სხეულიდან დაგუბებული სისხლი გამოუშვა და მომაკვდავი სვიმონა სიცოცხლეს დაუბრუნა.

„ყოველი მხრიდან“ შევიწროებულ გლეხობას ამ ძალმომრეობის ნახვით მრავალი ამგვარი გამოვლილი „უღმერთო მოქმედებანი“ მოაგონდა, ბოლმა მოაწვა და ბოლოს ერთხმად გადაწყვიტა მამასახლისზე საჩივრის მიერთება.

მწარე სინამდვილის კარგმა მცოდნე მწერალმა კარგად იცის, რომ ამგვარ საჩივარს ძალმომრეობის ქვეყანაში გასავალი არა აქვს. ეს გზა ხალხის მიერ არა ერთხელაა ნაცადი, მაგრამ გამკითხავი არავენაა. მშვიდი, კანონის გზა უკანონო ქვეყანაში არ გადის, „კანონი“ ძალმომრეთების მხოლოდ ფარია. ეს კარგად განიცადა და გაიგო კიდეც ხალხის გულის მესაიდუმლე პოეტმა. ნიკო ლომოურიც იმ დასკვნამდის მიდის, რომ ძალას ძალა უნდა დაუპირისპირდეს. გლეხებიც ამ გზას უნდა დაადგნენ.

ამგვარ შეხედულებას ნიკო ლომოური ზემოხსენებულ მოთხრობაში გიორგი დალაქის პირით გამოხატავს: „რამ დაგაქალაჩუნათ ასრე, თქვე საცოდავებო, თქვენა! რომ იძახით ვიჩივლოთ, მერე რას მოელით მაგ საჩივრიდან?.. შარშან არ იყო, რომ იჩივლეთ, რა ხეირს შეეყარენით?.. ტურა მოიშორეთ და მის სამაგიეროდ მგელს ჩაუცვივდით პირშია... ახლა ამ მგელსაც უნდა უჩივლოთ... აი ეს დღე ხიშანი იყოს და დაინახვთ, რაც მოგივათ მერმისა... მგლის ნაცვლად ახლა დათუნიას წამონისვამთ კისერზედა... ბიჭო, თქვე უგუნურებო, როგორ ვერ შეიტყვეთ, რომ ტურებსა და მგლებს კბილების ჩამტვრევა უნდათ და არა საჩივრების გაბმა. წუხელი რომ ე მარტოხელი ბიჭი ბოძზე მიაბა და კინალამ ჭიასავით გასრისა ფეხითა, სად იყავით თქვენა?.. რატომ არ მოუცვივდით და თავი და პირი ზედ არ დააჩეჩქვეთ იმ ავაზაკსა იმასა?.. შარშანდელი ტურასთვის რომ ჭკვა გესწავლებინათ, წლევანდელი მგელი ესრე როდიდა მოიქცეოდა“<sup>23</sup>.

გიორგი დალაქის სიტყვები ყველა დამსწრეთ გულში მოხვდებათ. გიორგის ყველა მწუხარებით დაეთანხმება, რომ მართლაც ისინი დაბეჩავებულნი და დაქალაჩუნებულნი არიან. ხალხის მიმართვა გიორგისადმი — „გამოცდილი, ჭკვიანი კაცი ხარ, გიორგი, და აბა ერთი გვითხარი... რამ დაგვცა და დაგვაქალაჩუნა ასე უღმერთოთ“, — მძიმე ლოდნავით აწვება ყველას: გიორგის, იქ დამსწრე გლეხებს, თვითონ მწერალს და მკითხველსაც. მკითხველი გრძნობს, რომ შევიწროებული ხალხის გულში ბოლმის, შურისძიებისა და უნდობლობის ზღვაა დაგუბებული, მაგრამ არც გლეხთათვის და არც მწერლისათვის ბრძოლის გზა ჯერ არ არის გარკვეული.

მმართველობისადმი გლეხობის ასეთი უნდობლობა, რწმენა, რომ მასთან ხალხი სამართალს ვერ იპოვის, რომ გლეხობაზე მთავრობა არა

<sup>23</sup> ნ. ლომოური, ქრისტიანი ლექები, გვ. 196.



ზრუნავდა, როგორც მოწინააღმდეგე კლასის ინტერესების დამცველი, ნიკო ლომოური გვიხატავს აგრეთვე მოთხრობაში „ყოველის მხრიდან“.

შევჩერდებით ამ მოთხრობაზე, რადგანაც ამით ზოგიერთი ლიტერატორის გაგებით, ავტორი ვითომც ქადაგებდეს მამაშვილურ დამოკიდებულებას ბატონსა და გლეხს შორის, კლასთა შორის შეთანხმებასა და შერიგებას. ვფიქრობთ, ეს მართებული არ არის. ნ. ლომოური, როგორც წვრილბურჟუაზიული იდეოლოგიის ამსახველი, რასაკვირველია, სათანადოდ ვერ ამახვილებს კლასთა შორის წინააღმდეგობას. ის, როგორც ხალხოსანი, ვერ ხედავს კაპიტალიზმის განვითარების დადებით მხარეებს და უარყოფითად უყურებს მას, მაგრამ მაინც შერიგების და თანამშრომლობის პოზიციას ის არსად არ ავითარებს. მიუხედავად იმისა, რომ ნ. ლომოური ილია ჭავჭავაძის დიდ გავლენასაც განიცდის, ამ მხრივ ის ილიასაგან უდავოდ არსებითად განსხვავდება, თითქოს უპირისპირდება კიდევ.

დავუბრუნდეთ მოთხრობას „ყოველის მხრიდან“.

დაისეტყვა სოფელი მოსავლის აღების წინ. განადგურდა გლეხკაცთა ჯაფითა და ოფლით ნაზარდი ჭირნახული. სოფელი, დილას საესე, მიმზიდველი თავისი დამატკობელი სიუხვითა, სამხრობისას გასახრწნელად გამზადებულ ლეშს წაგავდა. ადამიანი ამ სურათით გამოწვეულ სასოწარკვეთილებას „წელში ოთხად მოეკაკვა და წყევლა კრულვას უგზავნიდა ცასაცა და ქვეყანასაც, თავის გაჩენის დღესაც“...

გუშინ თუ შრომა და მისი ნაყოფი დაისეტყვა, „დღეს იგვემებოდა, შემოქმედი ამ შრომისა, წყარო და საფუძველი მისი“. ბუნების ასეთი ღალატით თავზარდაცემული გლეხები ჩუმად იკრიბებოდნენ. ისინი, უილაჯონი, რალაც ჯადოსნურ ჩიხში იყვნენ მომწყვდეულნი.

ასეთი გარინდებული მდგომარეობიდან გლეხობას გამოიყვანს ამავე სოფელში მცხოვრები აზნაური იასე, რომელიც მათ თანაგრძნობის კილოთი ასე მიმართავს: „გამარჯვებათ, ძმებო, შვილებო, მეზობლებო... რას გაჩუმებულხართ, რას ჩაგიქინდრიათ უხეიროდ თავები? რა იყო, რა მოხდა ისეთი, რაც მრავალჯერ არ გვენახოს და არ გამოგვეცადოს? „ჭირსა შინა გამაგრება ისე უნდა, ვით ქვიტკირსა“-ო... უთქვამს ჩვენს მამა-პაპას. ქვეყანა დიდია, ღმერთი მაღალია, ხელმწიფე მრავალმოწყალე! მხნედ იყავით და გაძლიერდებითო, გვეუბრება მაცხოვარი. წლის სარჩო დაგველუპა, მაგრამ მერე რაა? შიმშილია ვინ მომკვდარა საქრისტიანოში, რომ ჩვენ დავიხოცნეთ! შარშანდელი ჭირნახული მაქვს კიდევ. ზოგსაც სხვადასხვა სოფლებში შევიგროვებთ. ახლა თქვენცა გყავთ იმ სხვა სოფლებში ნათესავეები, ნათელმპროვნები... იმათგან ხელს მოინაცვლებთ... გამხნევდით, შვილო, ნუ გეშინიათ, იქონიეთ მუღამ

ლეთისა და თქვენი მარჯვენის იმედი და მაშინ არა გაგიჭირდებათ რა...“<sup>24</sup>

მოხუცი აზნაურის ნუგეში, შესაძლებელია ამ მომენტში გულთბილი, რაღაც დისონანსად გაისმის.

იქნება ეს სახე ავტორს მართლაც იმიტომ შემოაქვს, რომ „მამაშვილური დამოკიდებულებისა და შეთანხმების იდეა“ გაატაროს?

ამას აუცილებლივ კვლევა და ჩხრეკა სჭირია და ჩვენც ვეცდებით ამ საკითხის გაშლას ნ. ლომოურის შემოქმედების მიხედვით.

მოხუცი აზნაურის რჩევა-დარიგება გლეხებს მძიმე ბურანიდან თითქოს გამოათხიზლებს. მაგრამ მალევე აღმოჩნდება, რომ გლეხის გულში მემამულემაც, ღმერთმაც, ხელმწიფემაც დიდი ხანია ნღობა დაკარგეს. ხალხი მწარე გამოცდილებით დარწმუნებულია, რომ მათი იმედი მხოლოდ მათივე მარჯვენაა, ყველა დანარჩენის იმედი ტყუილია.

ვფიქრობთ, ავტორს აზნაური იასეს სახე და მისი რჩევა იმ მიზნითა აქვს შემოტანილი, რომ კლასობრივი სხვაობა მათ შორის დაგვანახოს და მწერლისათვის დამახასიათებელ რბილ ტონებში გვაჩვენოს, რომ გლეხთა შემბრალებელი და დამხმარებელი არც ღმერთია, არც ხელმწიფე და არც მემამულე-მებატონე. ამისი საბუთები შემდეგია:

აზნაური იასეს სიტყვებმა გლეხობა აალაპარაკა. დაიწყეს მათ საუბარი თავიანთ შექმნილ მდგომარეობაზე. გამოარკვეეს, რომ ყველაზე მძიმედ მათ სახელმწიფო გადასახადი აწევთ. რამდენიმე გლეხი თხოულობდა მთავრობასთან არზის დაწერას. უმრავლესობა ამისი წინააღმდეგი იყო: „მოკლენ და რომ დაინახავენ, რომ არა გვაბადიარა თავს დაგვანებებენ და უკანვე წავლენო“. მაგრამ ბოლოს მიანიც უმცირესობამ გაიმარჯვა, დააწერინეს არზა, მოაწერეს ხელი და მაზრის უფროსთან გაგზავნეს.

ნიკო ლომოურს ჰსურს საბოლოოდ ნიადაგი გამოაცალოს გლეხთა მცირე ნაწილის ნღობასაც, ვითომც შეძლებულთ, ხელმწიფეს — მის მმართველ აპარატს, შეუძლიათ გაიგონ გლეხთა გაჭირვება და მათზე ზრუნვა.

არზის საპასუხოდ მოვიდა ბოქაული, თავისი თვალთ ნახა დასეტყვილი სოფლის უნუგეშო მდგომარეობა. თავისი შეხედულებაც მიაჩთვა უფროსებს. ამ გარემოებამ სოფლის ურწმუნო თომაებზედაც კი მოახდინა გავლენა. სოფელს რაღაც იმედი მიეცა. მაგრამ ჭიუტი, სინამდვილის კარგი მცოდნე ავტორი ამ იმედსაც გააცრუებს. სოფელს მთავრობისაგან საბოლოოდ მოუვიდა შემდეგი პასუხი: „გამოეცხადოს ამა და ამ დასეტყვილი სოფლის მცხოვრებელ გლეხებს, რომ მათ ეძლევათ ნება წარმოადგინონ წელსა სახელმწიფოს ხარჯის მხოლოდ ნახევ-

<sup>24</sup> ნ. ლომოური, ყოველის მხრიდან, გვ. 370.

რი, ხოლო მეორე ნახევარი შემოიტანონ მერმის მაშინდელ ხარჯთან ერთად<sup>25</sup>.

რადაც მწარე დაცინვა მოისმის დაბეჩავებულ, ეკონომიურად გაწ-რიოკებულ ხალხისადმი მთავრობის ამ პასუხში. ნიკო ლომოურს ამგვარი ფინალით სურს მკითხველს და თვით გლეხს, რომლისთვისაც ის წერდა, ჩააწვეთოს, რომ გლეხი შეეღას ამ ხალხისა და დაწესებულებებისაგან ტყუილად ეღის. მწერალს თითქოს ეშინიან, რომ ვაი თუ მკითხველმა ვერ გაიგოს მისი აზრი და ასეთს განმარტებას გვაძღვეს: „როდესაც ეს პასუხი ხალხს გამოეცხადა, ურწმუნო უმრავლესობამ თავის ქნევით და მწარის ღიმილით შეხედა არზის მომხრე მეზობლებს, რომელნიც თავჩაქინდრულნი იდგნენ და ისე იცქირებოდნენ აქეთ-იქით, თითქო, ვერ მიმხვდარიყვნენ ამ პასუხის შინაარსს“<sup>26</sup>.

კლასობრივ შუღლსა და შეურიგებლობას ნიკო ლომოური უფრო გამახვილებულად მოთხრობა „ბედი უბედურთა“-ში გვიჩვენებს. მეტად საგულისხმიეროა, რომ ეს მოთხრობა ნიკო ლომოურს დაწერილი აქვს 80-იანი წლების დასაწყისში<sup>27</sup>. ეს გარემოება მით არის საინტერესო, რომ ამ მოთხრობაში გატარებული შეხედულება ავტორისათვის, ჩანს, თავიდანვე დამახასიათებელი და ბუნებრივი იყო, ეს განწყობილება ავტორისა 900-იანი წლების გლეხთა რევოლუციონური მოძრაობის გავლენის გარეშეა მოცემული. ამასთან ერთად, საგულისხმიეროა, რომ ავტორი საკმარისად საღი, წინასწარი განკვერტით გვიხატავს გლეხთა ცხოვრებას, როდესაც გაღატაკებულმა, ძალმომრეობით შევიწროებულმა, უმიწაწყლო სოფელმაც მაგრად ჩაავლო ხელი გამათავისუფლებელ მოძრაობას, დაიწყო მზადება უკეთესი მომავლის მოპოვებისა და შეხვედრისათვის, თავისში გააღვივა რევოლუციური განწყობილება.

ნიკო ლომოური გლეხთა მოძრაობას, მათი წინააღმდეგობის განვითარებას მიწის ნაკლებობის ნიადაგზე შლის. გლეხს არა აქვს საკმარისი მიწა, რომლის დამუშავებამაც ის დღე-დღეულად მაინც გამოიყვანოს. თვით სოფლის გარეგნულ აღწერას მწერალი ისე იძლევა, რომ მკითხველს მოთხრობის დედააზრის კურსში უმაღლეს აყენებს.

„სოფ. გორიძირას, — გადმოგვცემს ავტორი, — უჭირავს ძლიერ პაწაწინა ალაგი, თუმცა მასში ას კომლამდის გლეხობა და სამიოდ კომლი თავადაზნაური ცხოვრობენ. თუ შინაურულად არ იცით ამ სოფლის გარემოება, მის მცხოვრებთა რიცხვის გამოცნობაში თქვენი თვალი უსა-

<sup>25</sup> ნ. ლომოური, ყოველს მხრიდან, გვ. 372.

<sup>26</sup> იქვე.

<sup>27</sup> მოთხრობა „ბედი უბედურთა“ ზაქ. ჭიჭინაძის მიერ მეორედ გამოცემულია ქ. თბილისში 1889 წელს. ამ ნაწარმოების პირველ გამოცემად ზ. ჭიჭინაძემ ჩათვალა ჟურნ. „ივერიის“ ტექსტი, დაბეჭდილი 1880 წ., (№ 1).

თუოდ მოსტყუვდება. არც იქნება ეს საკვირველი. აქაურს გლენჯაკთ ისე მიუხსნავთ და მიუტარუნჩხავთ ერთმანეთზე თავიანთი ღრმადჩათხრილი მიწური სახლები, რომ გეგონებათ ოციოდ მოსახლეობაზედ მეტი არ იქნება<sup>28</sup>.

აქ თითქოს შემთხვევით მოცემულ ხაზებში თვალსაჩინოდ გვეხატება სოფლის კლასობრივი ურთიერთობა — სოფელში ცხოვრობდა „ას კომლამდის გლენობა და სამიოდ კომლი თავადაზნაური“. აი ნამდვილი შეფარდება: ასიოდ კომლი გლენი მუშაობს სამიოდ კომლ თავადაზნაურისათვის. ამაშია გლენთა გაჭირვების მთავარი მიზეზი. ეს არის მთავარი ტკივილი ნ. ლომოურისაც.

მწერალს სურს მკითხველს გააგებინოს მიზეზი გლენის ხშირად არაპიგიურ პირობებში ცხოვრებისა. მკითხველს უნდა აჩვენოს, რომ ამაში გლენი კი არაა დამნაშავე, არამედ მისი ცხოვრების მძიმე პირობები. ავტორის შეკითხვაზე — რად ცხოვრობენ გლენები „ასე ერთი ერთმანეთზე მიმსხდარნი?“ — გლენობა ასე უბასუხებს: „რა ვქნათ, შენი ჭირიმი, ჩვენ რო განზედ დავდგეთ, სახნავ სათესი მინდორი სულ დაგვიპატარავდება. ჯერ ეხლაც არა გვეყოფნის მამული და აბა, შენი კენესამე, სოფელიც რომ გაგვეჭიმ-გამოგვეჭიმა, რილათი გვეცხოვრა“.

მიწის სიმწირე და სიმცირე, უჭიათობა და უმეცრება გლენს უთაკეცებს ცხოვრების მძიმე პირობებს. ავტორი, ამ გაჭირვებასთან შეჩვეული, მაგრამ მაინც შეურიგებელი, აგვიწერს გორიძირის მცხოვრებთა ეკონომიურ შევიწროებასა და ისედაც მცირე მოსავლის განადგურებას სარწყავი წყლის უქონლობის გამო. ესეც ჩვეულებრივი მოვლენა იყო ჩვენი ჩამორჩენილი სოფლის ცხოვრებაში!

უწყლობამ გორიძირას მცხოვრები გლენობა მეტად შეაწუხა. სიმინდი, ვენახები მოურწყავად ელუპებათ. წყალს რიყულები, ადგილობრივ მცხოვრებ თავადაზნაურთა ბრძანებით, გორიძირელებს არ ანებებენ, ჭირნახული ფუჭდება, გლენობას საზრდო ხელიდან ეცლება. გორიძირელები ორწყალს შუა ვარდებიან—მებატონის განრისხება თუ შიმშილი? შიმშილი სძლევს და გორიძირელებიც გადაწყვეტენ, თუ ნებით არა, ძალით გადმოუგდონ სარწყავი რუ.

გორიძირელებმა გადაწყვიტეს სოფლის შეკრება და საერთო ძალით საშუალების გამოხაზვა. სოფელ გორიძირას მოკიდებული აქვს „ერთობის ძალა“, სოფლის ერთობას სათავეში უდგანან—ღარიბი აზნაური ინტელიგენტი ვანო მხიარულიძე და გლენები: გიგო სოსიაშვილი და სოლომანა ფარცხაძე.

ნიკო ლომოურის შემოქმედებისათვის დამახასიათებელი ნიუანსებითაა მოცემული გამწვავებული კლასობრივი ურთიერთობა სოფლად.

<sup>28</sup> ნ. ლომოური, ბედი უბედურთა, 1963 წ., გვ. 69.

შეკრებილმა გლეხობამ გაგზავნა კაცები თავადებისა და აზნაურების მოსაწვევად საერთო საქმეზე. მაგრამ ზოგი შინ არ დახვდა (ხატობაში წაბრძანებულიყვნენ საქეიფოდ—განმარტავს ავტორი) და ზოგმაც იუკადრისა გლეხობასთან შეკრებაზე მისვლა. „თავად კონა ხმამალალა-შვილს სიცილად არ ჰყოფნიდა გლეხებთან თავისი მიწვევა. მას ეს მიწვევა თავისი თავადიშვილობის შეურაცხყოფად მიეღო და გაგზავნილი ბიჭი სულ მათრახების ცემით გამოეგდო“<sup>29</sup>.

მაგრამ გლეხობაც ხომ აღარ არის ძველი, დამონებული, რომელიც ყოველგვარ ძალმომრეობას ქედმოდრეკით იღებს კისერზე. აღარ იყო ის დრო, „როდესაც კაცებს ჰამდნენ და ხმას ვერავენ იღებდა“. გამათავისუფლებელი მოძრაობის სიო ამ დროს ჩვენ სოფელშიც ჰქრის და ადამიანური ცხოვრების საპირობებს გლეხობაშიც თანდათან აღრმავებს. გლეხობამაც შეიგნო, რომ უკეთესი ცხოვრების მოპოვებისათვის წინააღმდეგობას წინააღმდეგობით უნდა დახვდეს.

ამიტომაც, რომ გიგო სოლომანთან ერთად ვანოს დასტურით მოითხოვს კონა ხმამალალაშვილს სახლი შეუქრან, აჩვენონ მას სოფლის ძალა და ურჩობა. სოფელი სტიქიურად ირახმება თავდაცვის მიზნით (უწყლობა გვალვის დროს სოფლისათვის შიმშილით სიკვდილის აჩრდილია); ის იძულებულია ბატონის წინააღმდეგაც მოიხმაროს ძალა, წყალი (ნაწილი მაინც) გადაუგდოს თავისაში. ამ მოთხრობაში საოცრადაა განჰკრეტილი დაახლოებით ოცი, ოცდახუთი წლით აღრე 900-იანი წლების პერიოდის სოციალური ვითარება.

ნიკო ლომოურიც რომ უფრო გააღრმავოს კლასობრივი სხვაობა და აჩვენოს მათ შორის შეუკრებლობა, შემდეგ ხერხს მიმართავს: გლეხები ცდილობენ მებატონესთან წყნარის, მებრალეებისა და შთავანების გზით მოაგვარონ საქმე. მაგრამ სოლომანას კრძალვით მოხსენებაზე: „ჩვენ ჩვენი წილი რუ გამოუშვით აქეთკენ, თქვენი წილი თქვენვე მოგართვით, შენი ჰირიმე“, — ხმამალალაშვილები და ყლაპიაშვილები ძალით მოინდომებენ აშალონ გლეხების მიერ გადმოგდებული რუ. გლეხები მხოლოდ მაშინდა გამოიღებენ ხელს, დაერევიან, თავადაზნაურთ სამკვდრო-სასიცოცხლო ბრძოლას გაუმართავენ და მათ თავ-პირ დამსხვრეულთ დაიფრენენ.

ნიკო ლომოური ამ მოთხრობაში (გვ. 97—99) მართლაც რეალურ ფერებში და ხაზებში გვაძლევს გლეხის გაუბედავ ბუნებას. მაგრამ ამასთან ერთად მკვეთრსავე ფერებში გვიხატავს იმასაც, რომ ეს ხალხი იღვიძებს, წამოდგომას ლამობს. ახლა მან დაინახა თავისი კლასობრივი მტერი — მემამულე-თავადაზნაურები — ხმამალალაშვილები, ყლაპიაშვილები და სხვანი. აღარ დევნის თავის მოკეთებებს, „ერთობის ხალხს“,

<sup>29</sup> ნიკო ლომოური, ბედი უბედურთა, გვ. 91.

„ახალთაობის კაცებს“—გიგოს, ვანოს და სხვათა. მიუხედავად მოწინააღმდეგის პრივილეგიებისა, მათი ძალაუფლების მქონეებთან ნათესაური კავშირისა, გლეხობა ბედავს საწინააღმდეგოდ ხელის გამოღებას, მსხვერპლსაც კი არ უშინდება. ამ საერთო მოქმედებაში ერთობის პირის გამტეხთ თავიანთი წრიდან გლეხები სასტიკად ეკიდებიან.

ასე მძლავრად მოედვა სოფელს ერთობის ძალა. ასე გამწვავდა სოფლად კლასობრივი უთანასწორობა. ნ. ლომოურიც ამას საკმარისად კარგად ხედავს.

ნიკო ლომოურს თვალსაჩინოდ, გამახვილებულად აქვს წარმოდგენილი და ასახული კლასობრივი უთანხმოება და ბრძოლის სიმწვავე. ამის საბუთს ესევე მოთხრობა — „ბედი უბედურთა“ მკაფიოდ გვაძლევს.

გლეხთა და თავადაზნაურთა შორის მწვავე შეტაკების შემდეგ მათ შორის უთანხმოება და ბრძოლა გარკვეული, კლასობრივად გამახვილებული მიმართულებით ღრმავდება. თავადაზნაურობა — კონა ხმამაღლაშვილი და სხვანი ცდილობენ გლეხთა ერთობის პირი როგორმე გატეხონ, ცდილობენ ერთობის შიგნით შექმნან უკმაყოფილონი, გადმოიბირონ გლეხები, გამოიყენონ ისინი ერთობის კაცების დასჯისათვის და ხელი შეუწყონ პოლიციურ-ბიუროკრატიულ სახელმწიფოს გლეხობა დაარბიოს, ააწიოკოს, შეავიწროვოს, დასაჯოს „სხვათა ჭკუის სასწავლებლად“, რათა ძირშივე აღმოფხვრას გამათავისუფლებელი მოძრაობა.

ნიკო ლომოური საკმარისად მკაფიოდ უსვამს ხაზს იმ გარემოებას, რომ თავადაზნაურობა რეაქციის სიმაგრე იყო და ერთგულად ემსახურებოდა ბიუროკრატიულ მთავრობას ძველი წყობილების შენარჩუნებაში, გამათავისუფლებელ მოძრაობასთან ბრძოლის საქმეში.

აი რას გაანდობს კონა ხმამაღლაშვილი მასთან შეკრებილ თავადაზნაურებსა და გადაბირებულ გლეხებს: „მე მონდობილი მაქვს მთელი ე ჩვენი მხარე. აქ მე თვალყური უნდა ვადევნო — ვინ რა წინააღმდეგობას იტყვის, ანუ ჩაიდენს. მერე უნდა დავასმინო... მე ეგ ვანო (ვანო მხიარულიძე—ღარიბი აზნაური — განათლებული, ერთობის მოთავე გორიძირაში. — მ. ზ.) ბევრ რამეში მყავს დაჭერილი, აქამდინ ვითმინე და ახლა კი მოთმენა აღარ შემიძლიან. ჩემ გარდა სხვებიც არიან დანიშნული, იმათ რომ გაიგონ მაგის საქციელები და დაასმინონ, მე მაშინ საყვედურს მივიღებ და მოვაკლდები ჩემს ეხლანდელ ალაგსაც... ამასთანავე საქმე გააჭირა მაგ შეჩვენებულმა. მე დღესვე ქალაქს წავალ და მალე მტერი მე მომიკედეს, მალე მე ეგ მოგაშოროთ თქვენა“<sup>30</sup>.

მწერალი გულის ტკივილითა და დაუზოგველი შხამით გვიხატავს

<sup>30</sup> ნ. ლომოური, ბედი უბედურთა, გვ. 110.

თავად კონა ხმამაღლაშვილს, რომელიც რამდენიმე გლახს გადაიბირებს, რათა შური იძიოს ვანო მხიარულიძისა და გიგო სოსიაშვილისა, როგორც გლახთა მოძრაობის მეთაურებისა. ნათესაური კავშირის საშუალებით ძალაუფლების მქონებთან კონა ორივეს დააჭერინებს: ვანო მხიარულიძე ციხეში დასნეულდება. მძიმე ავადმყოფს ძმის თავდების ქვეშ გამოუშვებენ და მალე გარდაიცვლება, ხოლო გიგო სოსიაშვილს ციმბირში უკრავენ თავს.

მაგრამ კონა ხმამაღლაშვილი ამისა არა კმაყოფილდება. მას უნდა შურისძიება გააღრმავოს და გიგოს განიავებული ოჯახი, მოხუცი დედა და წვრილი ცოლ-შვილი უფრო შეავიწროვოს. როდესაც გიგოს დაწიკებული ოჯახი შეიტყობს მის ციმბირში გაგზავნას. საშანელი ვაი-ვაგლახი შეუდგება. კონა და მის მიერ გადაბირებული გლახები სწორედ ამავდ მომენტში მოინდომებენ გიგოს სამაგიერო გადაუხადონ და მის ოხრად დატოვებულ ოჯახს ძროხა დაუკლან. ავტორი გულშემზარავად გვიხატავს ამ ორი მოწინააღმდეგე ძალის დაჯახებას, მოხუც ბაბაღესა და მთელი ოჯახის შეძრწუნებასა და გლოვას, ძროხის დაკვლით გამოწვეულს, ძალაუფლების მქონეთა შურისძიებასა და ზეიმს რეაქციის ხანაში.

ცხადია, ავტორი, მიუხედავად წვრილბურჟუაზიული კლასობრივი შეგნების გაურკვეველობისა, მაინც გულის სიღრმეში გრძნობს ამ კლასთა, თუ წოდებათა შეურიგებლობას და საგრძნობი სიმკვეთრით ამჟღავნებს მათ შორის, მართლაც, „ჩატეხილ ხიდს“.

ნიკო ლომოურის ფსიქოიდეოლოგიის გარკვევისათვის, მის თერგდაღეულებთან დაპირისპირებისათვის, საკმარისად საგულისხმეო მასალას იძლევა მისი რომანი „წუთისოფელი“. ეს რომანი აკინძულია სოციალურ-ეკონომიური ცხოვრების გარდამავალ პერიოდში განვითარებულ თავადაზნაურთა ფსიქოლოგიის გაშლის ქარგაზე.

რომანი „წუთისოფელი“ ორი კატეგორიის თავადაზნაურთა ფსიქოლოგიას იძლევა, ცხოვრების კაპიტალისტური განვითარების პროცესში ფეოდალური მეურნეობისა და კულტურის სწრაფი რღვევის პროცესში თავადაზნაურთა წოდება საზოგადოებრივ ცხოვრებაში ჰკარგავს ნიადაგს, კნინდება და გადაგვარდება.

ერთი ნაწილი, რომელსაც ჯერ კიდევ შერჩა ეკონომიური დოვლათი (რასაკვირველია, მამულის სახით) — თ. თორნიკე ბადრიძე, მისი შვილი გედეონი, კნ. რუსუდანი, თ. თეიმურაზ ნაზირიშვილი, მისი კნენა თეკლე და ქალი ბერტა (წინათ მართა), ესენი განაგრძობენ ფეოდალური ტრადიციებით ცხოვრებას, ვერა გრძნობენ ოჯახის უკან დახევას, ვერ ამჩნევენ ნიადაგის რღვევას. მათ თანდათან ნებისყოფა უჩლუნგდებათ და დაკნინებისა და გადაგვარების გზას ადგებიან. რომანში ამ-

გვარი ტიპის გამახვილებულად გამოხატველნი არიან გედეონ ბადრიძე და ბერტა ნაზირიშვილი.

თავადაზნაურთა მეორე ნაწილია — ხელმოკლე მემამულენი, რომელნიც, ქვეყნის კაპიტალიზაციის გამო, მალე გადატაკდნენ. ისინი მალე დარწმუნდნენ თავიანთ ეკონომიურ უილაჯობაში, შეშინებულისა და განწირულის სურვილით დაუწყეს ახალ ცხოვრებას პოტინი. უილაჯო, უგზო-უკვლოდ შეშინებულ თავგებსავეთ აქეთ-იქით გარბოდნენ, არც იცოდნენ, როგორ მოქცეულიყვნენ. ცხოვრებისათვის მოუმზადებელნი, საშინელ მორალურ განურჩევლობას იჩენდნენ, თავის გადაარჩენის მიზნით, არავითარ საშუალებას არ ერიდებოდნენ. ასეთია რომანში „წუთისოფელი“ აზნაური მიხეილ მკაუნაშვილი.

რომანი „წუთისოფლის“ ერთ-ერთი ცენტრალური ფიგურა მიხეილ მკაუნაშვილია. ამ ხასიათის გაშლით ავტორი ლამობს ქართული საზოგადოებრივი ცხოვრების ფართოდ დახატვას. და უნდა ითქვას, გზადაგზა არა ერთი საინტერესო და მტკივნეული საკითხია აღძრული: ფეოდალურ ოჯახებში მიღებული და გაბატონებული აღზრდის სისტემა, ცხოვრებისა და პირადი სიამოვნების მიღების მიზნით კაცის მოკვლა, გლეხთა მუდმივი აწიოკება და სხვ.

მიხეილ მკაუნაშვილის ცხოვრების გზა ჩვეულებრივი იყო გაკორებული პრივილეგიური კლასის წარმომადგენლისათვის, რომელმაც იგრძნო ნიადაგის რღვევა, ეკონომიური დოვლათის დაკარგვა, მისი ხელახლად შექმნის აუცილებლობა და ამ შექმნაში დაკარგვა ადამიანის ღირსების გაგებისა.

მეტად დამახასიათებელია და ავტორის მათდამი დამოკიდებულების გამოხატველი ის ამორალური აღზრდის სამი მცნება, რომელსაც ბაადურ მკაუნაშვილი თავის პირმშოს, მიხეილ მკაუნაშვილს ექვსი წლიდან ჩააწვეთებდა.

ბაადური მიიყვანდა ხოლმე შვილს კედელზე ჩამოკიდებულ სამ სურათთან და მამობრივის დარიგებით შემდეგნაირ განმარტებას აძლევდა: „აი შვილო, ე რო ჭიდაობენ, ეს ერთი ყარამან გმირია, მეორე ბაყბაყმდევი. ხედამ, ყარამანს როგორ დაუძლევია მდევი?.. გმირია, გმირი ყარამანი! აბა, ჩემო ბიჭიკო, ვინძლო შენც ყარამანი გამოხვიდე! ჩემმა წუწქმა ბიძაშვილებმა მამულიც წამართვეს და თითონვე კინალამ ცემითაც მომკლეს... შენი ჭირიმე, ბიჭიკო, ერთი იმათი ჯავრი ამომყარე?“

ახლა მიიყვანდა მეორე სურათთან: „აი ესა, შვილო, თევზ-ქალაა: წელ ქვემოთ თევზია, წელზემოდ ქალი. ზღვაში დაცურავს და ვინც ამას დაიჭერს, ოქროს მადნებს იპოვნის... მე ვფიქრობ, ეს თევზ-ქალა მართალი არ უნდა იყოს. ჩემის აზრით, ეს ყველაფერი იგავია: თევზ-ქალა ნამდვილად ნიშნავს ფულსა. ფულიც ხომ თევზივით დაცურაობს აქეთ-იქით და ამასთანავე ქალივით დაუყენებელი, გაუტანელია. ეცადე,



ბიჭიკო, რომ ეს მუდრეგი თევზ-ქალა მაგრად დაბლუჯო ორივე ხელე-  
ბით: ეცადე ბლომად იშოვნო ფულები! უმამულო აზნაურიშვილი გინდ  
ყოფილა ქვეყანაზე, გინდ არა! არც არა ჩემს მამა-პაპას დაუტოვებია  
რამე ჩემთვის და ვერც არას მე დაგინარჩუნებ, შენ უნდა გვასახელო,  
ჩემო პაწია; შენ უნდა აამაღლო ოჯახი, გვარი. უნდა შეიძინო ადგილ-  
მამული, სიმდიდრე“.

ახლა მესამე სურათთან მიიყვანდა: „აქ ახალგაზრდა ქალ-ვაჟი იყო  
დახატული. ესენი ერთმანეთს ეხვეოდნენ, ჰკოცნიდნენ... და ისეთ ნაი-  
რად ისხდნენ, რომ მართებულს ოჯახში ამ სურათს კედელზე კი არა,  
ტახტს ქვეშაც არავეინ დააყენებდა. ბაადურს კი ყველაზე მომეტებულად  
ეს სურათი მოსწონდა... სიცილით დაუდებდა ხოლმე თითს თავის მე-  
მკვიდრეს და ეუბნებოდა: „შეხე ერთი ამ პლუტებს, როგორ ჩაკვრიან  
და ჩაპგრებიან ერთმანეთს! ბიჭო, მიხეილ! დააქქერდი, რა ეშხიანი და  
მარილიანი გოგოა, წყეული! როცა ულვაშები გადიგრიხო, შენც აგრე  
გაუსვი გოგოებს ხელი! მამაშენსაც ამისთანა საქმეებში არა უშავდა რა,  
მაგრამ შენ უნდა აჯობო მამას. ხომ გაგიგონია: „ის ურჩევნია მამულ-  
საო“<sup>21</sup>.

ესღა დარჩენია ეკონომიურად გადატაკებულსა და მორალურად დაკ-  
ნინებულ თავადაზნაურობას: ფიზიკური ძალა, სხვისი დაჩაგვრა, ახალ  
ცხოვრებაში სიამოვნების მომცემი საშუალება — ფული და ბედნიე-  
რების მომნიჭებელი ვნებიანი ეშხი — ტრფობა. აქეთკენ მიუთითებს  
ბაადურ მკაუნაშვილი შვილს.

მაგრამ როგორ, რა საშუალებით შეიძლება „დარღვეულ ცხოვ-  
რებაში“ ყველა ამ „ბედნიერების“ მოხვეჭვა? ამის გარკვევა კი ბაადურს  
არ შეუძლია. ის არც ფიქრობს ამაზე. ის თვითონ ფერცვლილი ცხოვრე-  
ბით ვზა-კვალ არეული, კალაპოტიდან ამოვარდნილია. ბავშვიც ამ მი-  
მართულებით იზრდებოდა — თვითნება, ჭიუტი, დაუდგარი, სადავე  
მიშვებული, ეგოისტი, შეუბრალებელი.

დრო მიდიოდა. მიხეილი სწავლის ასაკში შედიოდა. ბაადური კი,  
მიუხედავად იმისა, რომ მან ახალ დროში სწავლის აუცილებლობა პი-  
რადი კეთილდღეობისათვის კარგად იგრძნო, „ყურს არ იბერტყავდა“.   
მაშინ დედამ ითავა მიხეილის სასწავლებელში მიცემა. დიდი თხოვნით  
მოახერხა სახელმწიფო ხარჯზე შვილის სასწავლებელში მიღება. მაგრამ,  
დახე უბედურებას! მიხეილ მკაუნაშვილი გიმნაზიაში არ გამოდგა. ორი  
წლის შემდეგ „სრული უნიჭობის გამო“ ის სასწავლებლიდან დაი-  
თხოვეს. მიხეილის დედა მაინც არ შედრკა, ახლა შვილი სამხედრო სას-  
წავლებელში მიიღებინა, მაგრამ ორი წლის შემდეგ იქიდანაც იმავე მი-  
ზეზის გამო დაითხოვეს. და ამგვარად დედამ მიხეილს ყველა ტიპის სა-

<sup>21</sup> ნ. ლ. მ. ო. უ. რ. ი., წუთისოფელი, 1963 წ., გვ. 227,

სწავლებელი მოატარა, ხოლო მიხეილი ამავე მიზეზების გამო არსად არ გამოდგა, თუმცა სწავლის სურვილი ჰქონდა.

ამ გარემოებამ მიხეილი ძალიან დააღონა და ბედის მომდურავად გახადა. მაგრამ, როგორც მწერალიც შენიშნავს, ყოველთვის და ყველფერში ბედი ასეთი უწყალო არ იყო მისდამი. „სწავლაში ხომ უნიჭო იყო, — გადმოგვცემს ავტორი, — მაგრამ სხვადასხვა ეშმაკობასა და ცუდლუტობაში მას ტოლი არ ჰყავდა; როდესაც ამხანაგებს მოუნდებოდათ რაიმე ავკაცობის ჩადენა, მაშინათვე მიხაკოს მიჰმართავდნენ ხოლმე, და თუ ეს იკისრებდა წინამძღოლობას, საქმე უსათუოდ კარგად გათავდებოდა... არც სკოლებში ხეტიალმა ჩაუარა სუმთლად ტყუილ-უბრალოდ ჩვენს გმირს! მათში მყოფობის დროს მან ისწავლა საკმაოდ ლამაზი რუსული წერა. ეს იყო ერთად ერთი ცოდნა, რომელიც კი გამოიტანა სკოლიდან“<sup>32</sup>.

აი ამ ზნეობრივი და გონებრივი მარაგით ეკონომიურად დაკნინებული, შიმშილისა, წყურვილისა და სიცივისაგან მეტად შევიწროებული, მიხეილ მკაუნაშვილმა გაიკვლია ცხოვრების გზა.

მწერალი მეტად მუქ ფერებში ხატავს მიხეილ მკაუნაშვილის ცხოვრების გზას, კეთილ ნოტარიუსთან შემთხვევით მოხვედრის დღიდან სიკვდილამდე. დამახასიათებელ ტონებშია მოცემული, თუ როგორი ვერაგობით გადაუხადა მიხეილ მკაუნაშვილმა თავის კეთილისმყოფელ ნოტარიუსს; როგორი სისწრაფით, ერთგულებითა და „ნაყოფიერებით“ სწავლობდა და იხსომებდა რუსულ კანონებს და განსაკუთრებით მათ პრაქტიკულ გამოყენებას; როგორი ხარბი ანგარიშიანობით ექცეოდა პროვინციის ქალაქისა და მის მიდამოების მცხოვრებთ, როგორ სარგებლობდა ის ყველას სისუსტით, როგორ იხრებოდა ძალა-უფლების მქონეთა წინაშე, რა ხრიკებს არ მიმართავდა მათი გულის მოგების მიზნით.

მისი ცხოვრება, პირადი, თუ საზოგადოებრივი, მთლად სიყალბეზე და უხეშ ანგარიშანობაზე იყო აგებული, დაწყებული ყოველად პატიოსანი ნოტარიუსით, ნიკოლა კალატოზის ქვრივი მაშინკათი და გათავებული მისი გედეონისა და ეთერისადმი დამოკიდებულებით. ყველგან და ყველასთან ის, ანგარებით დაბრმავებული, ყალბი გრძნობით ზომავს ცხოვრებასა და შეუდრეკელი ენერგიითა და გაქნილ-ფარისევლობით მიდის თავისი ბინძური ზრახვების განხორციელებისაკენ — შეიძინოს ქონება, დატკბეს ცხოვრებით, არ მოერიდოს არავითარ საშუალებას.

გზადაგზა ნიკო ლომოურს თავისი რომანის მხატვრულ ტილოზე ხერხიანად შემოაქვს საზოგადოებრივ ცხოვრებაში გაბატონებული

<sup>32</sup> ნ. ლომოური, წუთისოფელი... გვ 208.

უარყოფითი მოვლენები: გაუტანლობა, მატყუარობა, ღარიბისა, დაჩაგრულისა და სუსტის თვალნათლივ გაძარცვა და სხვა. მწერალი ამ საზოგადოების მკვეთრ და უტყუარ დახასიათებას იძლევა გაქნილი, მედიდური „აბლაკატის“ „მოღვაწეობასთან“ დაკავშირებით.

მიხეილ მჭაუნაშვილი, „საგმირო საქმეების“ გამო პროვინციის ქალაქიდან იძულებით გამოქცეული, თავის კეთილმყოფელ ძველ ხელმძღვანელთან, დიდი ქალაქის ადვოკატთან დაბრუნდა. მან დაუფარავად უამბო მას თავისი თავგადასავალი და სთხოვა ერთი წელი კიდევ გაეტარებინებინა მისი მფარველი კალთის ქვეშ. ეს საზოგადოებაში სახელმძოხვეჭილი ვეჭილი მჭაუნაშვილს (ალბათ, როგორც მისთვის გამოსადეგ კაცს) დიდი სიამოვნებით მიიღებს და ასეთ დარიგებას მისცემს: „დიდის სიამოვნებით, მხოლოდ ჯერ-ჯერობით შინ უნდა იმუშაო. ექვი არ უნდა, გაზეთებში დაბეჭდავენ შენს თავგადასავალს, ამიტომ არსად არ უნდა გამოჩნდე. ორიოდ თვის შემდეგ ყველას შარშანდელი თოვლივით მიავიწყდები... მერმე კი თამამად გამოხვალ კარზე და აერცვი საზოგადოებაში, სადაც ისე უნდა დაიპირო თავი, თითქოს ბუზიცი კი არავის აუფრენსა შენთვისა... ყოჩაღად იყავი! მთელი ჩვენი საზოგადოება სულ დიდრონ-დიდრონი არამზადებით არის სავსე! შენი ამბავი მათ საქციელთან ბავშვის ტიქტიკად გამოჩნდება. მაშ ვისი უნდა შეგრცხვეს? ვის უნდა ჩაუღუნო თავი? ნუ შეუშინდები იმ ვაჟბატონებსაც, რომელნიც პატიოსნებაზე, სინდისზე და სხვა ამგვარ რამე-რუმეებზე ხმამაღლა ჩხავიან. იცოდე, რომ ყველაზე დიდი და გაქნილი არამზადები ესენი არიან! უნდა ერთი რამ კარგად დაინსომო. რამდენადაც ცუდი იქნება შენგან ჩადენილი საქმე, იმდენადვე უნდა სითამამე, გამბედაობას მოუმატო. ზოგჯერ ურცხვობას გმირულ თვისებად რაცხავს ხალხი. ესე მოიქეც და მაშინ დაინახამ, რაც მოხდება. ნუ გეშინია, ისე დაგატრიალებ, როგორც სოფლის დედაბერმა ჯარა“<sup>33</sup>.

აქ, ექვს გარეშეა, გამოსკვივის ნიკო ლომოურის, როგორც ხალხოსანის უარყოფითი შეხედულება კაპიტალიზირებული ქალაქისა და მასში გაბატონებული საზოგადოების მიმართ, სადაც ფულის ტრიალმა გახრწნა, დააქნინა ადამიანი, დაუკარგა ზნეობრივი სიმაღლე და სიმტკიცე.

წარმოსადგენია როგორ დაგეშილ ნადირსავით გადაეშვებოდა ხელმძღვანელისაგან ზურგგამაგრებული მიხეილ მჭაუნაშვილი ისედაც მძიმე ცხოვრების პირობებით დაბეჩავებულ ხალხში. მაგრამ დიდ ქალაქში მყვლეფავთა რაზმი ისედაც დიდი და დახელოვნებული იყო. „თითქმის ყველამ, — როგორც ავტორი გვაუწყებს, — მასზედ არა ნაკლებ იცოდა ყოველგვარი კანონიერი ხრიკები და გაძრომ-გამოდრომა“.

<sup>33</sup> F. ლ მ ო უ რ ი, წუთისოფელი, გვ. 234—235.

ამიტომ მიხეილ მკაუნაშვილმა იქ ვერ იხეირა. სამი თვის შემდეგ მან გადაწყვიტა ისევ პროვინციის წყნარი ბუდე მოენახა. ნასწავლი ხრიკები მას იქ უფრო გამოადგებოდა და სანუკვარ მიზანს — მამულისა და ქონების შექმნას, იქიდან უფრო ადვილად მიაღწევდა.

ასეთი ქალაქი მან მალე გამოიხატა, გადასახლდა კიდეც. იქ ადვილად გაშალა ფრთა მისმა „ნიკმა“ და „მხნეობამ“. მალე მოახერხა მკაუნაშვილმა დიდი ქონების შექმნა.

მკაუნაშვილი კვლავ ავიდა ბედნიერების ზენიტში. ყოვლად უზნეო საქციელით დაინარჩუნა ნიკოლა კალატოზის ქვრივის ქონება, მოახერხა თავად თონიკე ბადრიძის „ერთგულ“ ძმად და მოსამსახურედ გახდომა, რათა მისი სუსტი ხასიათით ესარგებლა, მისი ქონება ხელთ ეგდო და ეთერის გულიც როგორმე მოეგო.

მკაუნაშვილმა ტკბილი, ალერსიანი მოქარგული ენით მოინადირა თონიკეს გული, დაიმსახურა ნდობა, რაც შეჰქმნა ვერაგულად გამოიყენა: ყალბ ქაღალდებზე ხელი მოაწერინა. ის შორს იყურებოდა, გზას მეტად წინდახედულად კირწყლავდა.

ასეთივე გზით მკაუნაშვილმა დაიმსახურა ნდობა თონიკეს შვილის გედეონისა. როცა გედეონი მამის სიკვდილის შემდეგ მამიდა რუსუდნთან ერთად საზღვარგარეთ მიემგზავრება, მაშინ მკაუნაშვილი რჩება დამოუკიდებელ გამგებლად ბადრიძეების დიდი მამულ-დედულისა.

მწერალი მკვეთრ ფერებში აგვიწერს მკაუნაშვილის მხეცურ დამოკიდებულებას გლეხებისადმი გედეონ ბადრიძესთან მოურაობის დროს. გლეხკაცობამ, რომელიც არც წინათ ყოფილა როდისმე დაჩვეული ნებიერ ცხოვრებას, ადამიანურ მოპყრობას, ამჟამად მწარედ იგრძნო ძალა ღონიერი მარჯვენისა, მტარვალი, შეუბრალებელი ხელისა. რამდენჯერმე სცადეს წინააღმდეგობა, მაგრამ ყოველი ასეთი ურჩობა მეტისმეტად ძვირად უჯდებოდათ: როგორც მკაუნაშვილისაგან, ისე ხელისუფლებისაგანაც. ამასთან სასამართლოებში ბევრს ხარჯავდნენ. ამის გამო გლეხთა უმრავლესობა დამორჩილდა. „მოიკაცკა წელში... მათ ცხადად დაინახეს, რომ ყოველი მათგანის დაღუპვას ადვილად მოახერხებდა სულზე ხელაღებული მოურავი. ჯავრი და ვარამი ჩაიხვიეს გულში და ყოველის უარის უთქმელად იწყეს მორჩილება მისი. ამგვარად საქმის დაყენებამ ჯეროვანი ნაყოფი გამოიღო: შემოსავალმა ერთი-ორად, ერთი-სამად იმატა. სადაც წინათ ცალ გროშის დანაფასებსაც ვერ იღებდა, იქ ეხლა შემოსავლის წყაროებმა იწყეს დენა“...<sup>34</sup>

თ. ბადრიძისას მოურაობის დროს ამგვარი მოღვაწეობით ივსებოდა მიხეილ მკაუნაშვილის ჯიბე, თუმცა ამ ჯიბის ზრდას ხალხის ცრემლი, წყევლა და შეჩვენება განუწყვეტლივ მისდევდა უკან.

ეს გამწვავებული მდგომარეობა მკაუნაშვილსა და გლეხთა შორის

<sup>34</sup> ნ. ლომოური, წუთისთფელი, გვ. 306—307.

უფრო გამწვავდა, როდესაც მკაუნაშვილი შეიქნა თ. გედეონ ბადრიძის მთელი მამულ-დედულის ბატონ-პატრონად.

„როდესაც გლეხებმა, — აგვიწერს ნიკო ლომოური, — მკაუნაშვილი და მისი წყეული ჩაჩნები ხელახლად დაინახეს, მთელ სოფელში ერთი საშინელი ვაი-ვაგლახი დატრიალდა. ხალხი ისე გლოვობდა ამ ამბავს, როგორც უწინდელ დროში გლოვობდნენ ხოლმე მტრის შემოსევას და ქვეყნის აკლებას“<sup>35</sup>.

მთომინებიდან გამოსულმა გლეხობამაც გადაწყვიტა წინააღმდეგობის გაწევა. მაგრამ გაქნილი მკაუნაშვილი ყოველთვის იმარჯვებდა. გლეხები დარწმუნდნენ, რომ პირდაპირობით „გაოსტატებულ აბლა-კატთან და მის თვალსისხლიან, კაციჭამია ჩაჩნებთან“ ვერას გააწყობდნენ. ამიტომ მიმართეს მალულ მოქმედებას: ჩუმად ცეცხლს უკიდებდნენ ტყესა, ლამლამობით უძოვებდნენ სიმინდსა და ყანებს, უჩეხავდნენ ვაზს. ყოველივე ეს მიხეილ მკაუნაშვილს, რასაკვირველია, აცოფებდა. სამი-ოთხი გლეხი ჩამაწყვდევინა სატუსალოში; ეზოსა და ზერის სიახლოვეს მცხოვრებნი „ძალმომრეობით აჰყარა, მოუშალა მამა-პაპური კერა, დაუსხა ცეცხლზე წყალი“.

მწერალი ხაზგასმით აგვიწერს, რომ რაც დრო გადიოდა, ურთიერთობა მკაუნაშვილსა და გლეხთა შორის უფრო ღრმავდებოდა: ამას შედეგად მოჰყვა გლეხობის მთომინებიდან გამოსვლა და გლეხთა ერთი წრის გადაწყვეტილება — მკაუნაშვილი სოფლისათვის მოეშორებინათ. ამ მიზნით სამი ახალგაზრდა გლეხი ჩაუჯდა გზაზე მიმავალ მკაუნაშვილს, ერთმა მათგანმა ტყვიით დასჭრა და შემდეგ, როცა შეშინებული ჩაჩანი გაექცათ და შეამჩნიეს, რომ მკაუნაშვილი კიდევ ცოცხალი იყო, კომბლებით იქამდის სცემეს თავსა და პირში, სანამდის „სისხლი, ძვლები, თმა, ტვინი ერთმანეთში არეულ-აზელილი არ შეესხათ სახეზე“.

ასეთია გამწვავებული ურთიერთობა ბატონსა თუ ნაბატონარსა, მის მოურავსა, მემამულესა, ერთი მხრით, და მეორე მხრით, გლეხკაცთა შორის და ავტორის სიმპათიებიც, რა თქმა უნდა, გლეხთა მხარეზეა.

ნიკო ლომოურის შემოქმედებიდან მთლიანად და, კერძოდ, რომანიდან „წუთისოფელი“ უდავოდ უარყოფითად გამოიყურებიან მეორე კატეგორიის თავადაზნაურთა სახეებიც: მაგალითად, თავ. ზურაბი, კნ. რუსუდანი, თონიკე ბადრიძე, თეიმურაზ ნაზარიშვილი ცოლით, განსაკუთრებით მისი ასული მართა (შემდეგში ბერტა). ხოლო ყველაზე გამახვილებულად მოცემულია დაჩიავებული განათლებული თავ. გედეონ ბადრიძე. ყველა ესენი, მართალია, შედარებით მიხეილ მკაუნაშვილთან ნაკლებ ბოროტნი არიან, მაგრამ მეტად უხერხემლო, უნიადაგო, უიალქონნი. ყველა ესენი დაქიანებულან, დაკინებულან, დაუ-

<sup>35</sup> ნ. ლომოური, წუთისოფელი. გვ. 331.

კარგავთ ცხოვრების გზა და მიმართულება, არ გააჩნიათ ცოცხალი აზრი და მისწრაფება.

ავტორს გედეონის დახატვით, მისი ეთერისადმი სიყვარულის გაშლითა და შემდეგ მისი ქორწინებით კნიაჟნა ბერტაზე, გარკვეულად სურს ხაზი გაუსვას კლასობრივს, არა მარტო ფსიქოლოგიურს, არამედ ფიზიკურ დიდ განსხვავებას: ერთი მხრით, სალი, მახვილი და მძლავრი ფრძნობებისა და ნიჭის მქონე ეთერი, დაბალი წრიდან გამოსული, „გლეხუქას გომბიო“, როგორც თვითონ ეთერიც ამბობს, და, მეორე მხრით, თავ. გედეონ ბადრიძე და კნ. ბერტა — მოდუნებული ნებისყოფით, ზერელე და ყალბი ფრძნობებით, ავადმყოფი დაძაბუნებული ორგანიზმით.

გედეონის სახით ნიკო ლომოური გვაძლევს სახეს იმ მეოცნებე, უნიადაგო, უძარღვო თავადისა, რომელიც ცხოვრებისეულ მასალას წიგნებიდან კითხულობდა, სიტყვით მისი დამცველი იყო, საქმით კი, რაღაც საცოდავი კაცუნა, ან როგორც მიხეილ მქაუნაშვილი მოხდენილად ამბობს: „უხასიათო ქალაქუნა თავადუშკა“. გედეონს მქაუნაშვილი იბრძვივებს, ატყუებს, ძარცვავს, ის ვერაფერს ვერ ხვდება, მადლობელიც კი რჩება, მამიდა რუსუდანი და განსაკუთრებით მეუღლე ბერტა ყოველ ნაბიჯზე მის თავმოყვარეობას თელავენ, მას კი არა აქვს უნარი თავი დაცივას, წინააღმდეგობა გაუწიოს. ყველას ეთელვინება, როგორც უილაჯო უსუსური ბავშვი. მწარე და ღირსეულ დაცივნას იწვევს გედეონის უზადრუკი, ლაჩრული წინააღმდეგობა, მისი ცოლის უტაქტობითა და უსაფუძვლო კაპრიზებით გამოწვეული.

ამ საკითხისა და ავტორის შეხედულების გამოჩენისათვის მეტად საგულისხმიერია დიალოგი გედეონსა და ეთერს შორის, როცა შეყვარებული გედეონი მზადაა ეთერს თავისი გრძნობა ფიანდაზად გაუშალოს, პირდება ყველა და ყველაფერი დაძლიოს, ეთერი შეიერთოს და ბედნიერება მისცეს მას.

— „ამ საქმეს ეგრე ადვილად ნუ უცქერი, საყვარელო! — ეუბნება ეთერი გედეონს, — წოდებრივ განსხვავებას, ზნესა და ჩვეულებას დიდი, დიდი მნიშვნელობა აქვს... გლეხებსა და თავადებს შორის მთელი უფსკრულია გათხრილი, მთელი უზარ-მაზარი მთებია აყუდებული“.

— „მართალია, მაგრამ ჩვენს დროში, — ეუბნება გედეონი ეთერს, — მაგათ როდი და აქვთ ეგრე რიგათ დიდი მნიშვნელობა. ყოვლად შემძლებელი სიყვარული ამოავსებს იმ უფსკრულს, ყოვლად ძლიერი განათლება შემუსრავს იმ მთებსა და ჩვენ შუა, ჩემო ძვირფასო თავალის ჩინო, დამყარდება ხელისგულივით სწორე ვაკე, რომელზედაც თავისუფლად გადავხედავთ ერთმანეთს“.

— „ეგ ლამაზი სიტყვებია, ჩემო გედეონ, მაგრამ მათი განხორციელება კი ჭერ არ მინახავს და არც გამიგონია! პირიქით, არ შემხვედრია

არსად ისეთი განათლებული თავადიც კი, რომელიც თავის შთამომავლობას გულში მაინც დიდ მნიშვნელობას არ აწერდეს, არ ამპარტავნობდეს მამა-პაპით, თუნდა რომ ამ მამა-პაპას მოძმეთ შეწუხებისა, ქვეყნის რბევისა, მამულისა და სარწმუნოების ღალატის მეტი ღრა ჩადინოს რა. ამჟამად შენს გულში, ჩემო გედონ, წოდებრივი გრძნობა გვერდზეა მიგდებული, სიყვარულის მადლის ქვეშ არის მოქცეული, შემდეგ კი, როცა სიყვარულის მღელვარება განელდება, ის გრძნობა კვალად ამოძვრება ზემოთ, დაგავიწყებს აწინდელ ლამაზ სიტყვებს და მათ მაგივრად წარბშეჭმუხვნელს გაბრძანებინებს: ჰეი, კალატოზის ქალო, გლეხის გომბიო, მოიტა ჩქარა ტასტი და წყალი, ხელპირი მინდა დავიბანო!”

— „...ყოველივე ეგ მე სრულიად არ შემეხება, მალე დაგიმტკიცებ, ჩემო ღმერთო, რომ სრულიად ტყუილად აზვიადებ ი რალაც წოდებრივი გრძნობაა, იმის ძალასა და მნიშვნელობასა... გლეხი და თავადი ერთი და იგივე დედამამის შვილები არიან. დიდი ენით გამოუთქმელი ვნება მოგვიტანა ერთი ერის რამდენსამე ნაწილად დაგლეჯამ. დროა ახლა კი შევიგნოთ ეს ვნება! დროა დავუბრუნდეთ მას, რაც ღვთისაგან გვქონდა მონიჭებული და ზიზლით გავღვევით ის, რაც ბოროტმა ეშმაკმა ჩამოსთესა ჩვენში... ჩვენ ორივენი ნასწავლები ვართ; საერთო სამეგობრო ბევრი, ძლიერ ბევრი რამ არის ჩვენს შორის და, მამასადამე, ჩვენი ცოლ-ქმრობა ბუნებრივიც იქნება და სასურველიცა“.

ეს ადგილი მეტად დამახასიათებელია და საგულისხმიერო, როგორც რომანის დედააზრის ვაგებისათვის, ისე ნიკო ლომოურის მსოფლმხედველობის გარკვევისათვის.

შემდეგ მოვლენებზე გვინდა შევაჩეროთ ყურადღება: ყოველ ექვს გარეშეა ნიკო ლომოური აქ თავის დამოკიდებულებას ააშკარავებს წოდებათა შორის „ჩატეხილი ხიდის“ საკითხის შესახებ. ეს საკითხი თერგდალეულებმა, და, კერძოდ, ილია ჭავჭავაძემ მტკივნეულად წამოაყენეს. წოდებათა შორის მორიგება და ძმობა-ერთობა მათ შესაძლებლად მიაჩნდათ. თერგდალეულთ და, კერძოდ, ილია ჭავჭავაძეს შესაძლებლად მიაჩნდათ „ჩატეხილი ხიდის“ გამთლიანება სწავლისა, განათლებისა და ამ გზით შეგნების მიღების საშუალებით.

მართალია, თერგდალეული მწერლები XIX საუკუნის მეორე ნახევრის ქართველ მწერლებზე, კერძოდ, ნიკო ლომოურზეც, დიდ გავლენას ახდენდნენ, მაგრამ ამ საკითხში ნიკო ლომოურს, როგორც საერთოდ სხვა ხალხოსან მწერლებსაც, თავისი პოზიცია აქვს. „წუთისოფელში“ ნიკო ლომოური ილია ჭავჭავაძის საწინააღმდეგო პოზიციაზე დგას. მართალია, ილია ჭავჭავაძესაც მაინც და მაინც დიდ დადებით მოვლენად არ მიაჩნია არჩილი („ოთარაანთ ქვრივი“), ილია არჩილს ბევრჯერ აჩოქებს ცხოვრების წინ, მაგრამ მასში მაინც ხედავს მოაზროვნე ადამიანს,

რომელსაც შეუგნია თავისი სუსტი მხარეები, მომავლისაკენ იყურება და ამიტომ, ავტორის რწმენით, მას და მისთანებს (როცა ისინი გამრავლდებიან) შეუძლიათ „ჩატეხილი ხიდის“ გამთელება, წოდებათა შორის განსხვავებას მოსპობა.

ნიკო ლომოური კი ილიას ამ აზრს არ იზიარებს. მისი რწმენით (და ამ რწმენას ნიკო ლომოური, ეკვს გარეშეა, ეთერის პირით გამოხატავს), თავადაზნაურობაში ვერც სწავლა, ვერც კეთილი სურვილები, ვერც ყოველისშემძლებელი სიყვარულის გრძნობა ვერ დაარღვევს იმ ზღუდეებს, რომლებიც წოდებათა სხვაობას ისტორიულად შეუქმნია.

ილიას არჩილის მაგვარი ტიპი ნიკო ლომოურს განსახიერებელი ჰყავს გედეონის სახით. ამ უკანასკნელს ეს ზღუდეები მხოლოდ სიტყვით დაუნგრევია, დიდს იმედებს აღუთქვამს ეთერს. ჰპირდება დაამსხვრიოს და დასწვას ყოველივე წინააღმდეგობა, რომელსაც კი წოდებრივი სხვაობის ყოფა წარმოადგენს, მაგრამ საკმარისია პირველივე მცირედი დაბრკოლება—იქნება ეს გავლენა მედიდური მამიდა რუსულდანი-სა, თუ მცირედი კაპრიზიც კი ბერტასი, რომ გედეონი სრულიად დაიბნეს, დაივიწყოს სიტყვაც, აღთქმაც, მოვალეობაც. ამიტომ, მწიროლის რწმენით, გედეონს ლამაზი სიტყვის, აღთქმისა და მოძალეობის შიგნებაც შეუძლია მხოლოდ აშლილი მადლიანი გრძნობის — სიყვარულის დროს, რომელიც მასში ესოდენ სუსტია და უკვალო.

გედეონი სამარცხვინოდაა დამცირებული ეთერის წინაშე. ეთერს, „გლახუჟას გომბიოს“ აქვს სალი ალღო, გარემოს გაგების მკვეთრი უნარი, მან ცხოვრება იცის, ადვილად აფასებს ამ ვაჟბატონებს. რომელნიც წოდებრივ ნაჭუჭში, წოდებრივ ქედმაღლობასა და ანგარიბაში იხრჩობიან. იცის კარგად, რომ ამ ვაჟბატონებმა არ იციან (და არც შეუძლიათ მათ) მორალური თამასუქების განაღდება. წინდაწინვე აფრთხილებს ეთერი გედეონს და ყველაფერი ისე ხდება, როგორც ეთერი განსკვრეტს.

ნიკო ლომოური, როგორც აღვნიშნეთ, ეთერის პირით თავის შეხედულებასა და დამოკიდებულებას ამჟღავნებს. გედეონის დამარცხებით ეთერის წინაშე ნიკო ლომოური ამცირებს აგრეთვე ილია ჭავჭავაძის არჩილისებურ ტიპებს. დიახ, სიტყვა, სურვილი ამ დაჩაივებული კაცუნებისა ერთია, საქმე კი მეორე. სიტყვით ბევრის შემძლებელნი, საქმეში უხერხემლონი, უბადრუკნი და საბრალონი არიან.

არა მარტო გონებრივად და ზნეობრივად გადაჯიარების გზაზე არიან დამდგარნი: გედეონი, ბერტა, მყაუნაშვილი და ბრწყინვალე წოდების სხვა წარმომადგენელნი, არამედ, ნიკო ლომოურის ღრმა რწმენით, ისინი ფიზიკურადაც სრულ განადგურების გზაზე დგანან.

რა გასხვიოსნებულ ფერებში იძლევა მწერალი ეთერის ბუნების სი-



უხვეს, გარეგნულ სილამაზეს, მიმზიდველობას, მარილიან სახეს, გონებისა და ემოციების სიმკვეთრეს, სისალეს! სამაგიეროდ, როგორ უარყოფითი, პათოლოგიურია ბერტა!

შურისძიება ეთერისა არა მარტო კნ. ბერტასადმი და მიხეილ მყაუნაშვილისადმი, არამედ თვით გედეონისადმი მწარე, შხამიანი დაცინვაა თვით მწერლისა, მისი ბოღმითა და შეუპოვებლობით აღსავსე გულისა, ცხოვრების მოუწესრიგებლობით, წოდებრივი უთანასწორობით შექმნილ და გაკრეტილების გზაზე დამდგარ მაღალი წოდების წარმომადგენლების მიმართ.

ეთერმა ვერ (უფრო არ) შეძლო ასე ადვილად გრძნობით ვაჭრობა, როგორც გედეონმა, მიხეილ მყაუნაშვილმა, კნ. ბერტამ და სხვებმა. ცხოვრების უკულმართობამ გაბზარა ეთერი, შეიძლება მორალურად დასცა, დაასნეულა და მასთან ერთად უფრო მეტად აამხედრა და ააღელვა ამ ცხოვრების პატრონთ წინააღმდეგ. ის შურს იძიებს მყაუნაშვილისადმი (ღალატობს მას, როგორც ცოლი, მეგობრობასა და ერთგულებას არ უწევს), კნენია ბერტასადმი და თვით გედეონისადმიც, რომელიც მას მოძებნის მხოლოდ მაშინ, როდესაც თვითონ დასჭირდება ეთერი.

ეთერის ნერვულ-ისტერიული დაცინვა, რომელიც გზა გამრუდებული ადამიანის გულის სიღრმიდანაა ამოზიდული, მწერლის გულის ნადებიცაა.

„ააა, გამარჯვებათ კნიაზო! — შეუკავებელი ბოღმისა და შურისძიების კილოთი შეხვდება ეთერი გაჭირვების გამო მასთან მისულ გედეონს, — როგორა ბრძანდება თქვენი ბრწყინვალეობა? როგორ სუფევს თქვენი კალმით ნახატი, კეკლუცი და მშვენიერი კნენია? გავიგე მისი ავადმყოფობა და ვფიცავ მის ლამაზ თვალებს და დატკრუტულ ლოყებს ძლიერ, ძლიერ მეწყინა. მის დიდებულ წინაპართა წმინდა საფლავებს გეფიცებით, რომ მწყურთან ნახვა მისი, მაგრამ გლეხის გომბიო გახლავართ და ვაი თუ არ მიკადროს... იმ დღეს შემთხვევით ვნახე თქვენი ჭკუა-გონებით სავსე შვილები, ვაჟს ყურები გაუუზომე და ხა, ხა, ხა, ხა, სიგრძე თითო ყურისა სწორედ სამი გოჯი გამოვიდა. მშვენიერი იყო იმავე თქვენი ვაჟის ქვემოთა ტუჩი, დამპალ-დაწყლულებული ღობლისა და ფურთხისაგან. ქალი ცოტათი თქვენა გგავთ კნიაზო, მაგრამ მეტად სამწუხარო ამბავი შევიტყე მის შესახებ: ბნედა მოსდის ხოლმეო!.. სწორედ სულში ჩასაძრომი გვრიტები ყოფილან, ენაცვალოთ იმათ თავიანთი მაღალხარისხოვანი დედა!.. გახსოვთ, კნიაზო, ერთხელ, როდესღაც რომ იძახოდით, ვინა სთქვა რომ ქვეყნიერებაზე ბედნიერება არ არისო?.. გლეხუქას გომბიოს ხვევნა-კოცნას რომელი თავადი-შვილი ჩათვლის ბედნიერებად?.. ბედნიერი აი ეხლა ბრძანდებით, თქვენო ბრწყინვალეობავ! მშვენიერი და დიდად განათლებული მეუღლე,

მარგალიტი, ნიჭიერი შვილები... მაჰიდა თქვენი რუსუდანის სახელსა ვფიცავ, სწორედ რომ მოსალოცი ქმარი და მამა ბრძანდებით. მაშ მომილოცავს!“<sup>36</sup>

ოღონდაც შემადრწუნებელია ეს ისტერიული, გესლიანი სიცილხარხარი ეთერისა, რომლის ცხოვრების გზა გაამრუდა წოდებათა სხვაობით შექმნილმა ტრადიციის ძალამ. მწვავედ ხვდება მკითხველის გულს და გონებას ეთერის მოშხამული და გაწამებული გულიდან ისტერიული ამონაკენესი — „ოხ, რა კარგი იქნებოდა, რომ მეც იმათსავით (ე. ი. გედეონის ცოლშვილსავით — მ. ზ.) ტვინი არ მედოს თავში, რომ მეც იმათსავით არაფერს ვგრძნობდე, არაფერი მესმოდეს! ისინი კი არ არიან უბედურნი, უბედური მე ვარ, მე, თქვე წყეულებო, თქვე შეჩვენებულეებო“...<sup>37</sup>

აზრი ავტორისა მკითხველისათვის აშკარაა: გვარიშვილობის ცხრაკლიტულით ისეა ჩაკეტილი და დახვავებული საზოგადოებრივი ცხოვრება, ფუფუნებაში აღზრდილნი, პრივილეგიური კლასის წარმომადგენელნი ისეთი თვალაბნეულნი, მოღუწებულნი, „დაქალაჩუნებულნი“ არიან, რომ წიგნი და იქიდან ამოკითხული მაღალი აზრების გავლენა მათ გარდაქმნას ვერ შესძლებს. იღუპებიან თვითონაც და ლუპავენ სხვებსაც.

ნიკო ლომოურის რწმენით, — საჭიროა სხვა, ახალი საფუძველი, რომელიც ძირიან-ფესვიანად შეარყევს ცხოვრებას და კაცს გარდაქმნის სალი, ბედნიერი ცხოვრების გასაგებად და მისაღებად. ამ ახლის მკაფიოდ ჩვენება კი ავტორს უჭირს და მოქმედების ფარდასაც აქ უშვებს.

ნიკო ლომოურის რწმენით, ახალი გზა გლახთა საბედნიეროდ უნდა გაკაფოს თვით გლახობამ, რომელსაც უნდა უხელმძღვანელოს „ხალხში მოსიარულემ“, „ხალხის მოკეთემ“, იქნება ეს ნასწავლი ინტელიგენტი გლეხი — „რაზნოჩინეცი“ (გიგო ღრუბელაშვილი, სანდრო), თუ მათ მიერ გამოფხიზლებული შეგნებული მებრძოლი გლეხი (გიგო სოსიაშვილი, სოლომონ ფარცხაძე), ან ლარიბი, ნასწავლი, ხელმოკლე აზნაური — „მონანიე აზნაური“, რომელიც შეგნებულად დადგება გლახთა ინტერესების საფუძველზე (ვანო მხიარულიძე).

აი, ამ სოციალურ ფენას, ამ ელემენტს ეყრდნობა ნიკო ლომოური. მისი მისწრაფებაა მემამულისა, ვაჭრისა და სახელმწიფოს მმართველთა ხელში დაბეგრილი მშრომელი ხალხი — გლახობა გამოაფხიზლოს, ფეხზე დააყენოს, დარაზმოს და ბედნიერი სამართლიანი მომავლისაკენ ფართო გზა გაჭრას.

## 5

წოდებათა შორის „ჩატეხილმა ხიდმა“, მისმა უარყოფითმა გავლენამ გლახობაში გამოიმუშავა უნდობლობა სხვა წოდებისა და სოცია-

<sup>36</sup> ნ. ლომოური, წუთისოფელი, გვ. 328.

<sup>37</sup> იქვე.

ლური მდგომარეობის წარმომადგენელთადმი. გლესს არა სწამს მათი კეთილი საქმისა — „ჩემო რაავო?!“ ასეთი შეხედულებაა მის შეგნებაში ჩაჭედილი. ამ ფსიქოლოგიური მდგომარეობით აიხსნება ის გარემოება, რომ გლესობა ხშირად უნდობლობით ხედებოდა იმათაც კი, ვინც მათ საკეთილდღეოდ იყო გამოსული სამოქმედო ასპარეზზე.

ხალხოსნებს, როგორც რუსეთში, ისე ჩვენშიც, ხალხის ბედნიერებისათვის თაიდავიწყებით მუშაობაში, სწორედ გლესთა ამ უნდობლობამ აღმოუჩინა დიდი დაბრკოლება.

ნიკო ლომოურიც კარგად ამჩნევს ქართველი გლესის ამ თვისებასაც და მთელ რიგ ნაწარმოებში ხატავს მას.

როდესაც გიგო ღრუბელაშვილი და მისი თანამგზავრი ქალი ცდილობენ დააიადიბოლონ სოფელში დედაბერს აუხსნან, რომ წუნწუხებმა და საშინელმა უსუფთაობამ იცის ხოლერის გაჩენა, დედაბერი მათ უნდობლად შეხიდავს, მწარედ გაიღიმებს და უკმეხად ეტყვის: „თუ ამისაგან არის, მაშ შარშან და იმაზე წინაც რატომ არ იყო ხოლერა. ეს უსუფთაობა ხომ მაშინაც აქ იყო?.. დედაკაცმა გიგოს აღარ დააცალა აეხსნა, გატრიალდა და უკნიდან ბუზღუნით მოაძახა: „ნეტა ერთი რას დაეხეტებით, მასხარაობთ, ამ მეორედ მოსელის დროს ვისა სცალიან თქვენთვისა“<sup>38</sup>.

ასეთივეა უნდობლობა ხოლერით დაავადებული გლესისა, რომელსაც გიგო ღრუბელაშვილი და მისი თანამგზავრი ქალი მიეხმარებიან, ცდილობენ, დაამხნევიან, ტყვილი შეუშუსბუქონ. მოსულიერებული გლესი მათ რომ შენიშნავს და მათ თანაგრძნობით სავსე სიტყვებს რომ მოისმენს, უნდობლობის ღიმილი გადაეკვრის სახეზე და ახალგაზრდას დაცინვით ეტყვის: „ჰეი, როგორ გაგიღესია ეგ ენა და! ღმერთია შენი თავდები, შინ ან აღუკატი იქნები, ან მწერალი“. ვერაფრით ვერ დაარწმუნეს ახალგაზრდებმა გლესი, რომ ისინი მისი გულწრფელი მოკეთებები იყენებენ.

ასე კრამადაა ჩაიარდნილი უნდობლობის თესლი გლესის გულში და შეგნებაში. ამის მიზეზი ისაა, რომ საუკუნეებით გლესი მებატონისა და შემდეგ ბიუროკრატიული ადმინისტრაციის ხელში გამუდმებით დაცინვის, ექსპლოატაციის საგნად იყო გადაქცეული. ამიტომაც, რომ მათთან მართალი გულით მისული ადამიანი მათ ვერ წარმოუდგენიათ. მაგრამ დრო გადიოდა. ერთობის იდეა ურწმუნო გლესის გულშიაც იკავდა გზას.

გლესის მობრუნებაში უსათუოდ დიდი როლი ითამაშა „რაზნოჩინეცმა“, რომელიც არა პრივილეგიური კლასის წილიდან იყო გამოსული, ცხოვრებას კარგად იცნობდა და გლესთან მისევედ უფრო უშუალოდ შეეძლო.

| <sup>38</sup> ნიკო ლომოური, გიგო ღრუბელაშვილი, 1927 წ., გვ. 147.

ეს თემა ნიკო ლომოურისათვის მტკივნეულია. მან რეალურ ხაზებში მოგვცა ხალხის „მოკეთის სახე“ (გიგო ღრუბელაშვილი, სანდრო).

მაგრამ „რაზნოჩინეცთან“ ერთად ნიკო ლომოურის მხატვრულ ყურადღებას არ გამოეპარა საზოგადოებრივი ცხოვრების მამოძრავებელი სხვა ელემენტებიც, რომლებიც 70-იანი წლების რუსეთის ცხოვრებაში მეტად თვალსაჩინო იყო. ეს იყო „მონანიე აზნაური“, რომელიც ახალი ცხოვრების პირობების გავლენით გამახვილებული სინდისის ქენჯნით გამოდის სამოღვაწეო ასპარეზზე და ცდილობს ხალხის კეთილდღეობას შესწიროს თავი.

„მონანიე აზნაურის“ სახე ჩვენს ლიტერატურაში ყველაზე მკაფიოდ დახატა ეკ. გაბაშვილმა (ქვევით ამ მოვლენაზე დაწვრილებით გვექნება საუბარი). ამ მოვლენას ყურადღება მიაქციეს სხვა ხალხოსანმა მწერლებმაც და მათ შორის ნიკო ლომოურმაც.

„მონანიე აზნაურის“ სურათი ნიკო ლომოურმა მოგვცა ვანო მხიარულიძის სახით („ბედი უბედურთა“).

ვანო განათლებული აზნაურია. სწავლის მიღების შემდეგ ის სოფელს დაუბრუნდა. გლეხებთან დაიჭირა მჭიდრო, მეგობრული და კეთილმეზობლური კავშირი. ვანო ამ გზით შეუდგა გლეხების მომზადებას, დარაზმვას მომავალი, უკეთესი ცხოვრების მოპოვებისა და მიღებისათვის. ის გლეხებთანაა არა მარტო ლხინში, არამედ ჭირშიც.

როდესაც სოფ. გორისძირის მცხოვრებთ („ბედი უბედურთა“) შიმშილის შიმში გადააწყვიტინა სარწყავი წყლის ძალით გადმოვდება და ნიჩბებითა და კომბლებით შიიარაღებული სოფელი წავიდა ადგილობრივი თავადაზნაურებთან საბრძოლველად, ვანო მხიარულიძე ამ მომენტშიც გლეხებთანაა. შეურაცხყოფილი ხმამალაანნი და ყლაპიან-შვილები, შიიარაღებულნი გლეხებს რომ დაერევინან, ვანო მათ წინ გადაუდგება ოა შესძახებს: „ხანჯალი რომ იშიშვლე, ბატონყმობის დრო ხომ არ გქონია ეხლა!.. ეს დრო ის დრო ნუღარ გგონიათ, როდესაც კაცებსა სპამოათ და ხმას ღირავინა გცემდათ“, და გლეხებთან ერთად დაუშინს თავადაზნაურებს.

ვანო ხალხთან არა მარტო ამ დროსაა, არამედ ყოველდღიურ ცხოვრებაშიც. ვანოს მიზანია ხალხი გამოაფხიზლოს, ასწავლოს, გონება გაუხსნას, დარაზმოს. ვანო ხედავს, რა კომარსავით აწევება ხალხს ცრუმორწმუნეობა და თვით რელიგია. თავის საუბარში ის ხერხიანად აქსოვს ანტირელიგიურ განწყობილებას. როცა ვანოს თავდადებული საქცილით აოტაცებაში მოსული გიგო შესძახებს: „შენი ჭირიმე, ვანო, შენი. საწყალი კაცი გებრალება, ღმერთი იქნება შენი შემწევა“, ის ღიმილითა და გავლენის მომხდენი კილოთი ხალხის გასაგონად ეტყვის: „ღმერთი კი არა, ხატი არ გინდა. მე ჩემს სინდისს ვაკმაყოფილებ.

ღმერთთან რა დავა მაქვს. ღმერთს მღვდლები, ბერები და მოლოზნებიც ეყოფიან“.

ან კიდევ: როდესაც გამარჯვებული გორიძირელები შეჭგუფდნენ და წელი ნაბიჯით გამოსწიეს სოფლისაკენ, ვანომ ამოიღო ჯიბიდან სალამური, დაუკრა და ნაღვლიანის ხმით დასძახა:

ყველგან, სადაც გლეხი ცხოვრობს,  
სუფევს ტანჯვა და ვეება;  
ყველა გლეხის ოფლში ცურავს,  
ყველა მისი სისხლით ძღება.

მაშ ჩვენც ხელი გავიქნით,  
ხელი მუდამ მოცარული:  
სიკვდილითა თუ სიცოცხლით  
მტერთ მიუწყეთ საწყაული.

მუშა კაცის ოფლმა, ცრემლმა  
შთლად ქვეყანა დააღბესა,  
ისა შრომობს და სხვა ხარობს,  
დახე ქვეყნის სიმრუდესა!

ლაჩარია იგი კაცი,  
ვინც ლოგინში მუქთად კვდება...  
საყვარლისა ტანჯვას ხედავს,  
მღვდლებისაგან იჭიჭნება.

ყოველი მხრიდან შევიწროებული გლეხები ვანოში თავის მოძმეს ხედავენ და მადლიერი გრძნობით, მწუხარებით აღსავსენი ასე მიმართავენ მას: „ათასში ერთი თუ გამოერევა ღვთისნიერი კაცი და შეგვიბრალებს ჩვენ, თორემ სხვანი სულ ჩვენ დაჩავევრასა და მტრობაში არიან...“ ამაზე ვანო მხნედ და იმედიანად ეტყვის: „ფიქრი არ არის! დადგება ისეთი დრო, როდესაც თქვენ ერთი ორად გადაუხდით თქვენს მტრებს. ჯერ ერთი ეს სკოლა წავეყვანოთ კარგად, მერმე შევაგროვოთ ფული და ბანკი გავხსნათ, ბანკის სარგებლობით გავხსნათ დეპო. დეპოს მოგებით ჩვენი სკოლიდან შევირდები გავგზავნოთ ხოლმე სხვადასხვა სკოლებში, მომეტებულად სამხედრო სკოლებში, რომ იქ თოფიარალის ხმარება თვით ისწავლონ კარგად და მერე გვასწავლონ ჩვენცა... მაშინ“...<sup>39</sup> აქაც აშკარადაა ნიკო ლომოურის ხალხოსნური მსოფლმხედველობა გამომჟღავნებული. ხალხში სიარული, მათთან უშუალოდ მისვლა, მისი სწავლება, მისი ეკონომიური და კულტურული დონის აწვევა. ამის გარდა, როგორც მოყვანილ ნაწყვეტებში, ისე სხვაგანაც არა ერთგან, ნიკო ლომოური მომავალში გულისხმობს რომ ძალას ძალა დაუპირდაპირდეს და ისე გათავისუფლდეს მშრომელი ხალხი.

ნიკო ლომოური, როგორც ჩვენი სხვა ხალხოსნებიც, რუსი ხალხოსნებისაგან მსოფლმხედველობას მთლიანად არ (თუ ვერ) იღებს. ქართველ ხალხოსან მწერლებში (მცირე გამოჩაქლისის გარდა) კულტი თემისა („ОБЩИНА“) ისე არ გავრცელდა, როგორც ეს რუს ხალხოსნებს

<sup>39</sup> ნ. ლ. მ. ო. უ. რ. ი., ბედ. უბედურთა, გვ. 105.

ახასიათებდა. ეს აიხსნება საქართველოსა და რუსეთში ამ დროისათვის მიწისმფლობელობის განსხვავებული ხასიათით. მაშინ, როდესაც რუსეთში 70-იან წლებში, ჯერ კიდევ საქმარისად საგრძნობი იყო თემური მიწათმფლობელობის ძალა, საქართველოში ამ დროს, ბარში მაინც; თემური წყობილება უკვე თითქმის სრულიად დარღვეული იყო. კაპიტალისტურმა პროცესმა ის სწრაფად გაანადგურა. საქართველოში, შედარებით რუსეთთან, წვრილი მესაქუთრეობა უფრო გავრცელებული იყო. რაკი ობიექტი — თემი აღარ არსებობდა, ამიტომ ჩვენი ხალხოსნებისათვის ეს თემაც არ იყო მიმზიდველი.

მაგრამ, რადგანაც რუსი ხალხოსნები ქართველ ხალხოსნებზე დიდ გავლენას ახდენდნენ, ხოლო მათში თემით გატაცება მეტად დიდი იყო, ამიტომ ზოგიერთმა ქართველმა ხალხოსანმაც და, კერძოდ, ნიკო ლომოურმაც ხარკი მისცა ამ გატაცებას. ნ. ლომოურმა თემის იდეალიზაცია მოგვცა მოთხრობაში „ბერუა ქრისტესიაშვილი“.

ამ მოთხრობაში ნიკო ლომოური აიდეალებს ძველ, პატრიარქალურ ოჯახს, რომელშიც უფროსის აზრიანი ხელმძღვანელობით შეთანხმებულად ცხოვრობს ოჯახის 22 წევრი. ყველაფერი ამ ოჯახში წესზეა, ყოველ წევრს თავისი საქმე აქვს მიჩნეული, უსაქმოდ არც ერთი არ არის დატოვებული, ყველა კმაყოფილია, სიამოვნება კრთის ყველას სახეზე, არა მარტო დასვენების დროს, არამედ მუშაობის პროცესშიც მათ ისეთი მხიარულება აქვთ, კაცს ეგონება წვეულებააო.

ასეთია ბერუა ქრისტესიაშვილის ოჯახი, რომლის მწყობრმა მუშაობამ მიიზიდა და გააოცა მწერლის ყურადღება. ცნობისმოყვარეობით გატაცებულ ავტორს ბერუა ქრისტესიაშვილი აი როგორ აცნობს თავისი ოჯახის წევრებს და ოჯახის მდგომარეობას:

— „აი ეს მარცხნივ რო მოხუცებული მიზის, ეს არის... ჩემი ჯალაბი, ჩემი ხორეშანი, მთელი ოჯახის დიდი მოამაგე, ჭირსა და ლხინში ჩემი ერთგული მეგობარი. მე და ამან რო ჯვარი დავიწერეთ, თითქმის არა გვებადა რა, მაგრამ ამისმა დედაკაცობამ, დაულალავმა მხნეობამა და მოწალმართეობამ მალე ოჯახი გამიჩინა და ამ ოჯახში დოვლათს მკვიდრი საძირკველი ჩაუგდო. ამ ბოლო დროს, საწყალი ცოტა დამიყრუვდა, მაგრამ მაინც ყოჩაღია: ჯერ კიდევ კარგად მოსძლებს... ორმოცამდე ფუტკრის ძირი გვყავს და ამითი მოვლა-შენახვა მარტო ამას აბარია...“

აი ე გვერდზე რო გიზის, ეგ ჩემი უფროსი შვილია. მუშაობაში მე და ეგ დიდხანს ვჯიბრობდით ერთმანეთსა, მაგრამ ამ ბოლო დროს კი მაჯობა, ძალზე დამრია ხელი. დღეს მაგაზე მოულალავი და მარჯვე მუშა მთელს ამ მხარეში არ მოიპოვება, მეტ სახელად „მიწის მგელს“ ეძახიან. ნამდვილი სახელი კი ზურაბაა.

ჩემი ჯალაბის ქვევით რო ქალი ზის, ეს ესმა, მიწის მგლის ცოლია...

ჩინებული დედაკაცია... მოსაქმე ადამიანი. პურის ცხობა და სადილ-  
ვანშამის კეთება ამას აქვს ჩაბარებული.

გაიერღზე რო ქალი უზის, ის ჩვენი ქეთევანია, ჩვენი მარდი, ყო-  
ჩალი ქეთევანი, ისე ტრიალებს ოჯახში, როგორც კაი ჯარა. რაცკი აქ  
ჩონხა-შარვალი გვაცვია, სულ მაგის ხელით არის მოქსოვილ-შეკერი-  
ლი. გარდა ამისა, არის ხელოსან-მასწავლებელი ე ჩვენი გოგოებისა;  
ასწავლის წერა-კითხვასა, ჭრასა და კერვასა, წინდა პაჭიჭებისა და ქისე-  
ბის ქსოვას.

ქეთოს პირდაპირ რომ კაცი ზის, ის ჩემი მეორე შვილია. ზაქარია  
ჰქვიან სახელად... ეგ არის სანაქებო ხელოსანი. მაგის გათლილი გუთნით  
რო მთელი ხმელეთი გადააბრუნო, გუთანი მაინც უზიანო დარჩება.  
მაგის დადგმული ურემი ორპირსა და კავკავში ორას ფუთ ბარგს გა-  
დაიტანს და გადმოიტანს. ამასთანავე განთქმული ფალავანია და თოფ-  
იარაღის ხმარებაც ჩინებული იცის...

ზაქარიას გაერღზე რო სამი ბიჭი ჩამწკრივებულან, ისინი ე ჩემი.  
ზურაბის ბიჭები არიან; იმათთან რომ ოთხი ბიჭი ზის, ისინი ზაქარიას  
შვილები არიან. ამათში ორი ცხვარს უვლის, ორი საქონელსა, ერთი  
ლორებს დასდევს და დანარჩენი ორიც შინ წალმართობენ, უფროსებს  
ეშველებიან...

ბიჭების პირდაპირ რო გოგოები გამოჰიმულან, იმათში სამი ერთი  
ძმისაა, სამიც მეორესი; უფროს გოგოებს შინაური ფრინველების მოვ-  
ლა აბარიათ...

აი სულ ბოლოში რო პაწია გოგონა კუნტია, ის ჩემი საკუთარი  
შვილია, ჩემი ეშმაკი და კუდიანი მარიკაა!.. ერთი გათხოვილი ქალი  
მყავდა, — დაღონებით უთხრა ავტორს ბერუამ, — ამის მუცელს გა-  
დაჰყვა საწყალი. ბავშვი მაშინვე მე წამოვიყვანე და მას აქეთ აქ იზრ-  
დება.

გარდა ყველა ამათი, ორი პაწია ჩიტუნა გოგო-ბიჭები აკვანში ბრძან-  
დებიან. ესე, ჩემო ბატონო. ვინც კი ვინ არიან აქა ყველანი ჩვენი—მე  
და ხორეშანის შვილები და შვილიშვილები არიან. სულ ოცდაორი სუ-  
ლი ვართ. ძველად ესეთი ოჯახები ხშირი ყოფილა თურქე<sup>40</sup>.

ამ მოთხრობაში ნიკო ლომოური, ცხადია, ძველის ერთგვარ იდე-  
ალიზაციას იძლევა. მაგ., ბერუას აზრით, სოფლის ძველი ექიმები  
უფრო უკეთესები იყვნენ, ვიდრე ახლანდელი „დოქტორები“. ისინი  
ხალხთან უფრო ახლოს იყვნენ და მას მეტი დაკვირვებითა და სიყვარუ-  
ლითაც ეკიდებოდნენ. „ახლანდელი დოქტორები, — ამბობს ბერუა, —  
სწორედ ნაჩაღნიკებს ჰგვანან.“ ავადმყოფებს არ აკვირდებიან, უცხო  
ენაზე ელაპარაკებიან, შეუსაბამო რჩევა-დარიგებას აძლევენ ავად-

<sup>40</sup> ა. ლომოური, ბერუა ქრისტესიაშვილი, 1963 წ., გვ. 372.

მყოფს. დარეჯანა ექიმი კი, ბერუას დასაბუთებით, თუმცა ყველას კარგად იცნობდა, მაგრამ სანამ ავადმყოფს ყველაფერს დაწვრილებით არ გამოჰკითხავდა და ავადმყოფს კარგად არ დააკვირდებოდა, რჩევას არ მისცემდა.

ბერუაში მძლავრად ზის აგრეთვე რელიგიური გრძნობა, მღვდლებსა და პატრიარქსს და მათი შენახვის დიდი სურვილი.

ბერუას ოჯახის ცხოვრებას ავტორი თუმცა ასეთი მიმზიდველი ფერებით ხატავს, მაგრამ მაინც არ შეიძლება ითქვას, რომ იგი ბერუას პატრიარქალურ შეხედულებებს ყველას იზიარებდეს. აქა-იქ მოთხრობაში მწერალი ჩაუბრუნავს, რომ ბერუას პრაქტიკული ფილოსოფია ყოველთვის არ არის მისაღები არც მისთვის და არც ბერუას შვილებისათვის.

უფროსი შვილები ვერა ბედავენ მამის მცდარი შეხედულებანი ამხილონ, სამაგიეროდ ბერუას უმცროსი შვილი დათიკა კი, რომელიც ქალაქში ნამყოფია, ეუბნება: „პატარაობისას დიდ რამედ მიმაჩნდა, მამაჩემო, ეგ შენი უებარი წამალი (შიში და მონური მორჩილება, სახრე და მუშტი ურჩისადმი კარგი საშუალებააო), ახლა კი, ჩემი ჰკუთით, ბერი არაფერია“... ბერუას სწყინს ასეთი მხილება და ის, რომ დაცინვით ჰკუთას ასწავლის მას ქალაქში ნამყოფი შვილი, რადგანაც მან მასზე მეტი იცის. „ისე რომ, — მკვებდ უპასუხებს დათიკა, — შიშითა და მონური მორჩილებით, სახრითა და მუშტით არაფერი გაკეთდება საფუძვლიანათა. ესეთი საქმე ტალახით აშენებულ კედლებსა ჰგავს. სანამ ან წიხლს არავინა ჰკრავს, ან წვიმა-ქარიშხალი არ დაჰკრავს, მანამ იდგება, მაგრამ საკმარისია რაიმე შემთხვევა დაატყდეს თავსა და ეს ჩვენი კედელიც მაშინვე გადაინგრევა...“

— „მიჰქარამ, დაუყვირა გაჯავრებით მოხუცებულმა, მაშ რადა დგას ესე მაგრად ჩემგან აშენებული კედელი, თუ ის კედელი ტალახით არის აშენებული?“

— იმიტომ, რომ მაგ შენი კედლისათვის წიხლის კვრა ჯერ ვერავის გაუბედავს... და ვერ გაუბედავს იმიტომ, რომ ყველანი ამ ოჯახში შიშით ვიწყობებით“...

ასეთმა თავხედმა პასუხმა ბერუა მეტად გააბრაზა და შეიძლებოდა დათიკასთვისაც ეჩვენებინა თავისი სუსხი, რომ ამ დროს სოფლის გზირი არ მისულიყო ბერუასთან და დაწერილი ქაღალდის ფურცელი არ გადაეწოდებინა. გაკვირვებულ მოხუცს აუხსნეს, რომ მას „სულში“ იბარებენ. ბერუას ფერი ეცვალა, უარი განაცხადა „სულში“ წასვლაზე, რადგანაც მას მისი არაფერი გაეგება რა. ამავე მიზეზით უარი განაცხადა მისმა ორმა უფროსმა შვილმა.

ამ გამოურკვეველ მდგომარეობიდან მათ მხოლოდ დათიკა გამოიყვანს. მხოლოდ დათიკას ესმის, რომ აქ ფიზიკური ძალით ფონს ვერღარ გავლენ. მან აუხსნა მამასა და ძმებს, რომ რაკი შემამულეებს საქმე



„კანონით“ დაუწყიათ, იმათაც კანონს უნდა მიმართონ. „კანონს — კანონი“, „სტატიას—სტატია“ უნდა დაუპირისპირონ. ამიტომ ურჩია მიემართათ მისი ნაცნობი ვექილისათვის (რომელთანაც დათიკა რამდენსამე წელს ცხოვრობდა ქალაქში). დათიკას თქმით, ამ ვექილს ბევრი ამისთანა საქმე საბოლოოდ მოუგია სასამართლოს წესით.

დათიკას ეს რჩევა ბერუასა და მის შვილებსაც ჰკუთნა დაუჯდათ. ამ გარემოებამ შეარიგა მამა შვილთან, რომელსაც თვით ბერუას ოჯახში ჰყავს მომხრეები. აქ წყდება მოთხრობა.

კითხვა — საითაა ავტორის სიმბათიები — ბერუასკენ თუ დათიკასკენ, დაჟინებით თხოულობს გადაწყვეტას.

ჩვენი გაგებით, ავტორის შეხედულება, როგორც დამახასიათებელი იყო ხალხოსნებისათვის, აქაც გაურკვეველია, მერყევია. ექვს გარეშეა, მას მოსწონს ბერუას ოჯახის დაწყობილება, თავისი პატრიარქალური ზნე-ჩვეულებით. თანაუგრძნობს ბერუას ძველი, დადებითი მხარეების უპირატესობის აღიარებაში ახალთან შედარებით: ძველი მეზობლური ურთიერთობა, ძველი ექიმი, მხიარულება, ცეკვა და სხვა. ეს მოგონებები მასაც ბერუასთან ერთად სიამოვნებას განაცდევინებს. შესაძლებელია, მწერალი ძველ, საღ ჩვეულებებს უპირისპირებს შესაბამ ახალს (მაგ., ექიმს) და უნდა გააკრიტიკოს ახალი მახინჯი მოვლენები. მაგრამ მოთხრობაში ცხადადაა გამომჟღავნებული, რომ ცხოვრება შეიცვალა და ბერუას ძველი ზნეჩვეულებანი, ძველი ყოფა და მოვლენების გაგება აღარ გამოდგება. ახალი დრო დადგა, ის უკვე ძალაში შევიდა და ამ დროსთან შეგუება საჭიროა. ფიზიკური ძალა—„ვაჟაკობა“ კი აღარ სჭირს ახლა, არამედ „კანონს—კანონი“, „სტატიას—სტატია“ უნდა დაუპირისპირდეს.

ამიტომაც გაიბზარა ბერუას მაგრად ნაშენი ოჯახის კედლები. დათიკაც ამ ახალი ცხოვრების შემომტანია ამ ძველ პატრიარქალურ ოჯახში. ეს გავლენა ქალაქიდან მოდის. ქალაქის ცხოვრების გავლენა არღვევს პატრიარქალურ სოფელს. თვითონ ბერუაც ამბობს: „ასეთი დიდი ოჯახები მგონი აღარსად აღარ მოიპოვებო“. მწერალი აღნიშნავს ფაქტს: ძველი პატრიარქალური ოჯახი გაიბზარა, შეიძლება გრძნობით ის ამას სწუხდეს და ეს ასეც არის, მაგრამ გონებით ის რწმუნდება, რომ ეს აუცილებელია და დათიკას არ ექცევა უარყოფითად. დათიკას იღებს, როგორც აუცილებელ მოვლენას.

ამაშია თავისებურება არა მარტო ნიკო ლომოურის მსოფლმხედველობისა და შემოქმედებისა, არამედ საერთოდ ჩვენი ხალხოსანი მწერლებისა.

ალიზაციაც. წარსულის იდეალიზაცია ლომოურის შემოქმედებაში დაკავშირებულია უფრო ეროვნულ მოტივთან, ასეა მოთხრობებში „წინაპართა აჩრდილნი“, „ხერხი სჯობია ღონესა“, და თუ გნებავთ „ბერუა ქრისტესიაშვილშიც“. ესეც ერთგვარი განმასხვავებელი ნიშანია ქართველი ხალხოსნებისა რუსი ხალხოსნებისაგან. ამ უკანასკნელთ ძველი თემური წყობილების იდეალიზაცია დაკავშირებული ჰქონდათ მხოლოდ სოციალურ საკითხთან.

ამ მხრივ ქართველ ხალხოსნებს 60-იანი წლების ქართველ მოღვაწეთა — ე. წ. თერგდალეულების დიდი გავლენა ემჩნევათ.

საქართველოს ძველი დიდება, ყიჟინა მამულის დასაცავად, მამული-სათვის თავდადება ნიკო ლომოურსაც უდავოდ ძალიან იზიდავს, სამშობლოსადმი სიყვარული, ერთგულება, საქართველოს ეროვნული და პოლიტიკური მთლიანობა, გაძლიერება და ამ გრძნობის მკითხველში გამოწვევა ნიკო ლომოურსაც ერთ-ერთ თავის მოვალეობად მიაჩნდა, განსაკუთრებით როდესაც ის გადადის გაზ. „ივერიაში“ და უფრო „მომამბეში“.

ნიკო ლომოური, როდესაც თვალს გადაავლებს წარსულს, გმირების ნაამაგარს გადახედავს, რწმუნდება მათს სიდიადეში. ნიკო ლომოურიც ეროვნული გრძნობის სიმალღესა და სიმტკიცეს უფრო დაბალ ფენებში ხედავს, ვიდრე ქედმაღალ, ზვიად ფეოდალებში. ეს მისთვის, როგორც ხალხოსანი მწერლისათვის უფრო ბუნებრივია.

ამის მშვენიერი ნიმუშია მისი მოთხრობა „წინაპართა აჩრდილნი“. გაბრიელ ბოსტაშვილის და მისი მშობლების სახით ნიკო ლომოური გვაჩვენებს იმ დიდ ეროვნულ გრძნობას, რომელმაც ქართველი ხალხი დასაბამიდან მტერთან ბრძოლაში ამყოფა: ხმალ-ხანჯალი ქარქაშში არ ჩააგებინა, თოფი მხრიდან არ ჩამოაღებინა და თავისი კერა დიდი მსხვერპლის გაწირვით შეანარჩუნებინა.

გაბრიელ ბოსტაშვილი და მისი მშობლები გიორგი და თინათინი საერთო საქვეყნო საქმეს, კერძოდ მეფე ერეკლეს, როგორც საქართველოს მთლიანობის გამომხატველ ძალას, უფრო მაღლა აყენებენ, ვიდრე თავის პირად სიცოცხლეს და ერთადერთი შვილის გადარჩენასაც კი.

„წინაპართა აჩრდილნი“ ასახულია ქართველთა ბრძოლა ლეკებთან. მეფე ერეკლეს მცირე ჯარი ჰყავს. ლეკებმა გზა გადაუჭრეს. ის იძულებულია დაიხიოს. ჯარს დააბანაკებს მიუვალ ადგილებში, ხოლო თვითონ რამდენიმე კაცით სიღნაღისაკენ გასწევს ახალი ჯარის შესაკრებად, რომ მეორე დღეს მიეშველოს და საერთო ძალით ლეკებს ბრძოლა გაუმართოს. მისწრაფვის ერეკლე მეფე სიღნაღისაკენ, უნდა ჩქარა ჩავიდეს, შეკრიბოს ჯარი და დროზე დაეხმაროს ჯარს, მხლებლები ვერ მიჰყვნიენ მას, ჩამორჩნენ, უცხად გავარდა ტყვია. ერეკლეს ცხენი წაეჭკა, გარშემო მტერია, მდგომარეობა მეტად სახიფათოა, მიიხედ-მოიხედა ერეკ-

ლემ, შენიშნა ერთი ქიზიყელი თავადიშვილი, რომელიც იქვე ახლო მიაქენებდა ცხენს. ერეკლე გადაუდგა მას წინ და შესძახა:

— თავადო, მე ცხენი მომიკვდა და უნდა შენი ცხენი დამითმო. თავადიშვილი მსწრაფლ მიიჭრა მეფესთან და მოახსენა:

— მობრძანდით, ბატონო, შემომიჩექით და ორივენი გავიქცეთ.

— ღმერთმა შენც შეგარცხვინოს და ვინც შენ უკან შემოგიჯდეს, ისიცა, დამეკარგე აქედან...

— ბატონო, აი ცხენი... შებრძანდით, შენი ჰირიმე, და უშველეო თავსა, — მოესმა ერეკლეს მეორე მხრიდან.

მეფე საჩქაროზე შეხტა ამ ცხენზე და შემდეგ მიუბრუნდა მის პატრონს:

— აბა, ჩქარა შემომიჩექ შენც უკან.

— არა, შენი ჰირიმე, ცხენი ვერ შესძლებს ორი კაცის ჰენებასა.

— ბევრს ნულარ ლაპარაკობ. აგერ ისმის ლეკების ღრიანცელი... ჩქარა შემომიჩექ, თორემ მოგკვლენ...

— თუნდაც რომ მომკლან, არა უშავს რა, შენი ჰირიმე, ჩემისთანებს ქართველი დედა წელიწადში ათასს შობავს... თქვენ გადარიჩინეთ თავი, ბატონო...

მოისმა ლეკების ხმაურობა... დახანება აღარ შეიძლებოდა. მეფემ შემოჭრა ცხენს მათრახი, მაგრამ იმავე წამს შეჩერდა და შემოსძახა ცხენის პატრონსა: „მითხარ ვინა ხარ, სადაური ხარ?“

— ქვემო მაჩხანელი, გლეხი, გაბრიელა ბოსტაშვილი გახლავარ, შენი ჰირიმე“<sup>41</sup>.

ასეთივეა დამოკიდებულება გაბრიელას მშობლებისა ერეკლესადმი. გამახვილებული გრძნობითა აქვს მწერალს დახატული გიორგისა და თინათინის სიყვარული ერეკლესადმი, რომელნიც, როგორც მათი შვილი გაბრიელი, ერეკლეს აფასებენ, ეთაყვანებიან არა როგორც მეფეს, არამედ როგორც მებრძოლ გმირს, რომელიც ხალხის მეგობარია და ხალხს თავისუფლებას უნარჩუნებს თავისი მადლიანი და გამჭირაბი ნიჭითა და უნარით.

თუმცა, ამასთან ერთად, ნიკო ლომოურსაც ახასიათებს დახატოს ძველი საქართველო, სადაც ყველა მისი სოციალური ფენა სამშობლოს დაცვის საკითხში მტერთან ბრძოლის დროს გაერთიანებულია. მაგ., „ხერხი სჯობიან ღონესა“. ესეც თერგდალეული მწერლების გავლენითაა გამოწვეული, რაც ნ. ლომოურში გამომჟღავნდა ხალხოსნების დეკადანსის პერიოდში.

<sup>41</sup> ნ. ლომოური, წინაპართა აჩრდილი, 1963 წ., გვ. 355.

ხალხოსანი მწერლები, როგორც ზევითაც აღვნიშნეთ, სათანადო ყურადღებას არ აქცევდნენ ნაწარმოების ფორმალური მხარეების დახვეწას. ნაწარმოების გარეგნული მხარე, სილამაზე მათთვის მეორეხარისხოვანი იყო. ისინი იდეური მებრძოლნი იყვნენ დუხჭირი ცხოვრების ხანაში. უშუალოდ ჩაბმულნი ცხოვრების ახალ საფუძვლებზე გადაქმნის თუ მოწესრიგების საქმეში, მწერლობას ისინი უყურებდნენ, როგორც საბრძოლველ ან „სააქიმო“ იარაღს და ამიტომ მწერლობის, განსაკუთრებით მხატვრული შემოქმედების, საშუალებით ლამობდნენ გამოეტანათ ხალხის გამოსათხიზლებელი, აღმზრდელი იდეები და მისწრაფებანი. ეს გარემოება ხალხოსან მწერლებს ხშირად უტილიტარიზმის უკიდურესობაში აგდებდა.

ამგვარი უტილიტარიზმისაგან ნიკო ლომოურიც არ არის თავისუფალი. პირიქით ხელოვნებას, ლიტერატურულ შემოქმედებას ისიც სხვა ხალხოსნებსათვის სარგებლიანობის თვალთ უყურებდა. როდესაც სილამაზეზე ჩამოვარდებოდა ხოლმე ლაპარაკი, ნიკო ლომოური ჩვეულებრივ შემდეგი გამოთქმით გამოხატავდა ხოლმე თავის დამოკიდებულებას მისდამი: „რის მაქნისია ბუნების სიმშვენიერე, თუ ადამიანის გულსა და სულში აღზნებული ცეცხლი არ ანთია, თუ ნამდვილი მშრომელი ადამიანის არსება ისე დატანჯულა და იტანჯება, რომ დამიწებული გვამის მდგომარეობა მისთვის სანატრელი გამხდარა“. ამით აიხსნება, რომ ნიკო ლომოურიც ნაწარმოების ფორმის დახვეწას ხშირად შეგნებულად გაურბოდა.

მაგრამ პოეტურმა ალლომ, რომელიც ნიკო ლომოურში, უდავოდ, საკმარისად მძლავრი იყო, გადალახა ეს ზღუდეები.

ნიკო ლომოურის შემოქმედება ბრწყინავს წმინდა ძარღვიანი ქართული (უფრო კი ქართლური) სიტყვით; მხატვრული, მკითხველის აღვილად დამატყვევებელი მაღალი ემოციით, მშვენიერი მძლავრი პოეტური შედარებებით, მკვეთრი ეპითეტებით. სოფლისა და გლეხკაცის ცხოვრების ზედმიწევნით მცოდნე ავტორი დიდ ოსტატობას იჩენს სოფლის პეიზაჟის აღწერაში. დამახასიათებელი ის არის, რომ პეიზაჟის აღწერა განშორებული კი არ არის სოფლისა და გლეხის ყოველდღიურ ცხოვრებას, არამედ ამ პეიზაჟის სილამაზეც განჭვრეტილია გლეხკაცის ყოველდღიურ მუშაობასთან დაკავშირებით. ყველაფერი იმდენადაა მწერლის მიერ მიღებული და გაპოეტურებული, რამდენადაც მშრომელი ხალხის ყოველდღიური ცხოვრების ბედნიერებას თუ უბედურებას უფრო მძლავრად აღბეჭდავს მკითხველის შეგნებაში. „ტრედის ფრად იყო ნანათი, როდესაც მე და ბიძაჩემი ანდრია შინიდან კარზე გამოვედით. ჩვენი დარბაზი იღვა სოფლის განაპირას, რომ-

ლის შემდეგაც იწყებოდა თვალგადაუწვდენელი სახნავ-სათესი მიწოდო-  
რი. გავალეთ თუ არა კარები, მიწდვრის წმინდა გრილმა, ათასნაირად შე-  
ზავებულმა ჰაერმა დაგვიტკბო მთელი არსება. აღმოსავლეთის მთებიდან  
მზის შუქი ვარდის ფრად ამოჩნდა და მოკრთალებულ ლაყვარდ ცას და-  
მის შავ ფარდას აცლიდა. ერთის მხრიდან მოჰქროდა მიწდვრის ნიაფი  
და თან მოჰქონდა რაღაც საიდუმლო ჩურჩული-შრიალი უკვე შეყვი-  
თლებულ ყანებისა, ხოლო მეორეს მხრივ, იქვე ჩვენ თვალწინ, პატარა  
გიყ-მაყ მდინარეს გაჰქონდა მხიარული ჩქრიალი და თანაც მარდის,  
ცელქურის ჩქაფა-ჩქუფით მიათამაშებდა ქვემოდ თავის ანკარა ტალ-  
ლებსა“..

ან კიდევ:

„ჩემ წინ იყო გადაშლილი თვალგადაუწვდენელი ტრიალი მიწოდო-  
რი, რომლის ნაპირები შორს, შორს ლაყვარდ ცის დასავალს და ტყით  
შემოსილ მაღალ მთების კალთებს უერთდებოდა. ზედ შუა მიწდვრზე  
მარდათ გარბოდა პატარა მდინარე; მისი მოჩქრიალე ანკარა წყალი მზის  
ნათელ სხივებზე სარკესავით ელვარებდა. მის ზურმუხტის ფერს ნაპირე-  
ბიდან მრავალი პატარა-პატარა ნაკადულები მხიარულად მიწანწყარებ-  
დნენ აქეთ-იქით და უხვადა რწყამდნენ მთელი მიწდვრის შავსა და ლო-  
ნიერ ნიადაგს. ამ გარემოებას და გლეხკაცის დაულალავ მარჯვენას ეს  
ამოდენა არე-მარე ერთ დიდ, რაღაც საოცნებო, წალკოტად გადაექცია.  
ყველგან, საითკენაც კი უნდა გაგებხდათ, დაინახავდით ერთგულად  
შემუშავებულ სხვადასხვა გვარს მოსავლით სავსე მიწდვრისა, რომელიც  
დაყოფილი იყო უთვალავ სწორე და მოგრძო ოთხკუთხიან უჯრებათ,  
სახნავ-სათეს მიწებათ. ამ მიწებში ეთესა: პური, ქერი, სიმინდი, ლო-  
ბიო, დიკა, ასლი, მუხხულო, შვრია, ფეტვი, უგრეხელი და სხვ. რადგან  
ყველა ეს ჭირნახული ერთსა და იმავე დროს არ შემოდის და ამ უამადაც  
არ იყო ერთნაირად გამხმარი, ამის გამო სხვადასხვა ნაირად იყო აჰ-  
რელებული, სხვადასხვა ფერად ტურფად ჰყვავოდა მთელი მიწდვრი!..  
იგი წარმოადგენდა ერთ დიდებულ სურათს ადამიანისა და ბუნების  
ძალთა შეერთებულ მოქმედებისას“.

დილადაც, დიდებული, დიდშინაარსიანი და მშვენიერ ფერებსა და  
ხაზებში ჩამოსხმული გრანდიოზული ქანდაკებაა, თუ მხატვრული ტი-  
ლო ოსტატის მცოდნე ხელით გამოყვანილი და მკითხველის თვალწინ  
ცოცხლად დასახული. ძარღვიანი სიტყვა, მკვეთრი ბგერა, მძლავრი  
ეპითეტი, მიმზიდველი მეტაფორა, დამაჯერებელი განსახიერება, მო-  
მხიბლავი სისადავე, მტკივნეული თემა, მაღალი ემოცია ნიჭიერადაა  
ერთმანეთს შექსოვილი, გამთლიანებული და ფართო სივრცეში გაშ-  
ლილი შესაბამი ანტიურაჟით: მკითხველს ამ სურათის ჩვენებით ავ-  
ტორი იტაცებს, ატყვევებს. ამ გარემოში მომუშავე გლეხი მიმზიდველი

ხდება. ასეთი ადგილები ნიკო ლომოურის შემოქმედებაში უხვადაა მიმოხეული.

გარდა ზემოაღნიშნული სტილური ნიშნებისა, ნიკო ლომოურის შემოქმედებისათვის დამახასიათებელია თემის აქტუალობა. მწერალი წერს იმ საკითხების, თუ მოვლენების გარშემო, რომლის გადაჭრაც ცხოვრებას, ეპოქას სტანჯავს, აინტერესებს. მწერალმა ზედმიწევნით იცის გლეხის გაჭირვებული, მიწის მუშის სავალალო მდგომარეობა, მისი ავლა-დიდება, მისი ძალა და სისუსტე, მისი სიხარული და მწუხარება და ყველა ამას ისეთი სისადავითა, სისწორითა და მიმზიდველობით ხატავს, პოეტურ ნიქს ისეთი სიუხვით აფრქვევს, რომ ვინც მას ახლო გაიცნობს, ნიკო ლომოურის დიდი პოეტური აღმაფრენა მისთვის აშკარა და უდავო გახდება.

ნიკო ლომოურის იდეური გატაცება, როგორც ზევითაც მოვიხსენიეთ, ხშირად პოეტურ ალეგორიებსა და სიმბოლოებში პოულობს გამოსავალს. ეს ნაწილობრივ აიხსნება ცენზურული პირობებით, ხოლო ნაწილობრივ — მწერლის სურვილით. ტენდენცია, რომელიც მისთვის აუცილებელია შეანელოს, არ გაამახვილოს და მოთხრობა თუ რომანი პუბლიცისტურ ნაწარმოებად არ გადააქციოს. მაგ., „გიგო ღრუბელაშვილში“ ადმინისტრაცია — ღორების, მგლებისა და მელიას სახით; მომავლისაკენ ძახილი, მომავლის იმედი, იმისათვის მზადება და დარაზმვა — ხალიჩაზე მჯდარი მანდილოსანი ანთებული ლამპრით.

მაგრამ ამ ალეგორიებშიც ტენდენცია ხშირად გამკვირვალეა. მწერალი თავს ველარ იკავებს და ხშირად თავის იდეების გაშლას იძლევა მოწოდებისა და ლოზუნგების სახით, რათა ამ გზით აზრი მკითხველამდე უფრო დაიყვანოს. მაგ., „მოვა დრო, როდესაც ეს პატარა ლამპარი ერთ დიდ მზედ გადაიქცევა. იგი მოჰფენს მაშინ მთელს დედა-მიწის ზურგს თავის ცხოველმყოფელ სინათლესა. და მაშინ გაჰქრება ყოველი სახსენებელი მხეტა და ნადირთა და დამყარდება ქვეყნად მეუფება სიმართლისა, ძმობისა, სიყვარულისა... იარე ჩემთან, იარე ხშირად და შეიმსე იმ ძლიერებით, რომელსაც ანიჭებს ყოველ თავის ერთგულ მუშაკს მაღლი ამ ლამპრის სინათლისა და მაშინ ველარავინ ვერ დაგიდგება წინა. ყველას და ყველაფერს დასძლევ, შენს მიზანს მიადწევ“...

მართალია, ეს შეუთავებელი ტენდენცია, რომელიც ხანდახან თავს იჩენს ხოლმე ნიკო ლომოურის შემოქმედებაში, მის პოეტურ შემოქმედებას თავისებურ ბეჭედს ასვამს, მხატვრულ შთაბეჭდილებას, მართალია, თუ არა ბღალავს, ყოველ შემთხვევაში საგრძნობლად ბზარავს მაინც, მაგრამ ეს ეპოქის ცოდვაა (თუ ეს ცოდვაა) და მწერალიც, თავისი ეპოქის შვილი, ამას ვერ გაექცა. თვით ამ ტენდენციის გამომჟღავ-

ნებით ნიკო ლომოური ეპოქას, მის მაჯის ცემას სხვა სტილურ ნიშნებთან ერთად მეტი სისრულით სახავს.

ნიკო ლომოურის პოეტურმა სტილურმა თავისებურებამ მისი ზოგიერთი ნაწარმოები „ალი“, „ქაჯანა“, „პაწია მეგობრები“, „ყოველის მხრიდან“ გადააქცია ბავშვთა საყვარელ საკითხავ წიგნად. ამ ნაწარმოებებმა, როგორც ნიკო ლომოურის ბევრმა სხვა მოთხრობამ, დღესაც არ დაჰკარგა თავის არც აქტუალური და არც პოეტური ღირებულება. ისინი დღესაც ხალისით იკითხება.

## ზაქარია მიხეილის ძე გულისაშვილი (ზაქარო)

1857—1918

### 1

ზაქარია გულისაშვილი ქართულ მხატვრულ ლიტერატურაში შაქროს ფსევდონიმით არის ცნობილი. იგი ეკუთვნის იმავე ხალხოსან მწერალთა პლეადას, რომელიც 70-იანი წლებიდან გამოვიდა ჩვენი მწერლობის ასპარეზზე.

ზაქ. გულისაშვილი ენერგიულად ემსახურებოდა ხალხოსნურ იდეებს როგორც პრაქტიკული მოღვაწეობით (ხალხში გასვლით ამ ცნების ფართო გაგებით), ისე კალმით. საუკეთესო ნაწილი ზაქ. გულისაშვილის მხატვრული შემოქმედებისა და პრაქტიკული საქმიანობაც სწორედ 70—90-იან წლებში გამომქლავდა.

როდესაც მის პრაქტიკულ მოღვაწეობასა და მხატვრულ შემოქმედებას ვეცნობით, მასში თვალსაჩინოდ მოჩანს ორი პერიოდი: 80-იანი და 900-იანი წლები. პირველ პერიოდში (ე. ი. 1878—1890 წწ.) ზაქარია გულისაშვილის თხზულებები იბეჭდებოდა შაქროს ფსევდონიმით. მეორე პერიოდში (900-იანი წწ.) — მწერალი აწერს თავის გვარს — ზ. გულისაშვილი.

900-იანი წლებიდან ჩვენი საზოგადოებრივი ცხოვრების სინამდვილეში საგრძნობლად აჩქარებული ტემპით ვითარდებოდა მშრომელთა, როგორც მუშათა, ისე გლეხთა, გამათავისუფლებელი მოძრაობა. მიუხედავად ამისა, მწერალი მაინც პირველ პერიოდში (ე. ი. 80-იან წლებში), სწორედ მაშინ, როდესაც ერთობის ხმასა და თესლს ჯერ კიდევ გაუტეხელი ნიადაგი ხვდებოდა, უფრო გატაცებული, ენერგიული, ნაყოფიერი და მკვეთრი მოღვაწეა ხალხის ბედნიერების მოპოვების ასპარეზზე, ვიდრე 900-იან წლებში. მეორე პერიოდში მწერალი ეთნოგრაფიული ხასიათის ნარკვევებსა იძლევა, რომელთაც პირველი პერიოდის სიმანვილე დაკარგული აქვთ. ამ გარემოებას, რასაკვირველია, თავისი მიზეზები აქვს: ზაქარია გულისაშვილი ტიპიური კულტურტრეგერი ხალხოსანია; მას რევოლუციონურ განწყობილებამდის ასვლა უჭირდა. მასთან ერთად, ისიც უნდა იქნას მხედველობაში მიღებული, რომ 90-



იანი წლებიდან ხალხოსნობა (საქართველოში მაინც) კატასტროფიულ დეკადანსს განიცდის. ზაქ. გულისაშვილში ამ ხანიდან დეკადენტობამ სწრაფადა და მკვეთრად იჩინა თავა.

ზაქარია მიხეილის ძე გულისაშვილი დაიბადა 1857 წელს სოფ. ჯი-მითში (გარე კახეთი), დედის ოჯახში (მისი დედა — ანასტასია შეძლე-ბული გლეხის მიხეილ ტურაშვილის ქალი იყო). მამა ზაქარიასი, მიხეილ გულისაშვილი, მღვდლად იყო სოფ. საგარეჯოში. ისიც შეძლებულ გლეხის ოჯახის შვილი იყო.

ზაქარია თავდაპირველად სასწავლებლად მიიბარეს ს. გომბორის პირველდაწყებით სასწავლებელში (უფრო რუსული ენის შესასწავ-ლად, რადგანაც ს. გომბორში რუსი მოსახლეობა არის). შემდგომ ის გადავიდა თბილისის სასულიერო სასწავლებელში, ხოლო ამის დამ-თავრების შემდეგ თბილისის სასულიერო სემინარიაში.

ცნობილია, რომ თბილისის სემინარიაში სწავლების დახვედებულ მეთოდებთან ერთად, თავიდანვე გამეფებული იყო მეტად სასტიკი პოლიციური რეჟიმი. იმ დროს სემინარიაში ინსპექტორად იყო კუვ-შინსკი, რომელიც მოსწავლეთა და, კერძოდ, ერ. გულისაშვილის დახა-სიათებით,<sup>1</sup> იყო „კაცი ნადირის მსგავსი, მტერი თავისუფლებისა, რო-მელიც მოსწავლეებში ყოველივე ადამიანურს ჰკლავდა“.

ამ დროს სემინარიის რეჟიმს აი როგორ აგვიწერს შ. დავითაშვილი: „სემინარიაში ინსპექტორად დაინიშნა ივ. კუვშინსკი, ყოველგვარი თავისუფალი აზრის საშინელი და სასტიკი მტერი... ინსპექტორს ორი თანაშემწე მისცეს. შემოიღეს დაბეზღება და ჯაშუშობა. გახშირდა მოსწავლეებზე მოულოდნელი თავდასხმა და ჩხრეკა“<sup>2</sup>.

თბილისის სასულიერო სემინარიაში შესვლის პირველი დღიდანვე ზაქარია გულისაშვილი მოხვდა სემინარიის რეჟიმის უკმაყოფილო მოსწავლეთა ჯგუფში. აი როგორ ცნობას კვითხულობთ შ. დავითა-შვილის ხსენებულ მოგონებაში: „1875 წელს სემინარიის საერთო საც-ხოვრებელ ბინაში მიმიღეს სახელმწიფო ხარჯზე და ამ გულშემბუთავმა-ამბებმა (კუვშინსკის ინსპექტორად დანიშვნამ. — მ. ზ.) იქ მომისწრო. ჩემი რწმენა—სოფლმხედველობის გარდაქმნაც სწორედ აქ მოხდა. ერთხელ როგორღაც ხელში ჩამივარდა აკრძალული წიგნაკი „ცბიერი მექანიკა“, რუსულად ამ წიგნს „Хитрая механика“ ჰქვია. არ მახსოვს, დანამდვილებით ვინ მომცა, ვფიქრობ მომცემი ან მოსე ჯანაშვილი, ან პოლიევკტ კვიციარიძე, ან შაქრო გულისაშვილი — ამ სამში ერთი რომელიმე იყო უეჭველია“<sup>3</sup>.

<sup>1</sup> სხვათა შორის, ამ კუვშინსკის ზაქ. გულისაშვილიც იხსენიებს სემინა-რიის შავბნელი ცხოვრების დახატვის დროს „გ ა ნ თ ე ა დ შ ი“.

<sup>2</sup> შიო დ ა ვ ი თ ა შ ვ ი ლ ი, ხალხოსნური მოძრაობა საქართველოში, 1933 წ., გვ. 17.

<sup>3</sup> ი ქ ვ ე, გვ. 17—18.

შალე სემინარიაში მოხდა აჯანყება, რომელშიც, ამხანაგების გადმოცემით, ზაქარია გულისაშვილმაც აქტიური მონაწილეობა მიიღო. ამის შემდეგ იგი იძულებული შეიქმნა სემინარიისათვის თავი დაენებებინა.

სემინარიიდან გამოსვლის შემდეგ ზაქარია გულისაშვილი დაუახლოვდა ხალხოსნურ მიმართულებას, გავიდა ხალხში, როგორც სოფლის სკოლის მასწავლებელი და ერთ აქტიურ თანამშრომლად გადაიქცა ხალხოსანთა პერიოდული ორგანოს „იმედისა“.

ზაქარია გულისაშვილი მასწავლებლობდა ქართლისა და კახეთის სოფლებში: მეტეხში, პატარძელში, კაკაბეთში, რუისპირში და საგარეჯოში. სოფლის მასწავლებლობის დროს ხალხოსნური იდეებით გატაცებულმა ზაქ. გულისაშვილმა, როგორც განვითარებულმა<sup>4</sup> და ენერგიულმა კაცმა, დიდი უნარი გამოიჩინა მუშაობაში. ის ასწავლიდა არა მარტო ბავშვებს, არამედ მოზრდილთათვისაც გახსნა საღამოს სკოლა. ამასთან ერთად გონივრულ საუბრებს აწარმოებდა გლეხობაში. მართავდა კითხვებს და დგამდა წარმოდგენებს გლეხთავე მონაწილეობით. არაერთხელ შეეცადა გლეხთათვის კლუბის მოწყობას. მას ხშირად უხდებოდა გლეხობის გამოქომაგება და ამ ნიადაგზე ადმინისტრაციასთან გამუდმებული შებმა, წინააღმდეგობის გაწევა.

ეს იყო მიზეზი, რომ ზაქ. გულისაშვილს მთავრობა ერთ ადგილზე ბევრ ხანს არ აყენებდა. სოფ. მეტეხიდან ურჩი, შეურიგებელი მასწავლებელი მოხსნა და მაზრიდანაც სრულიად მოიშორა. „კაი ხნის უადგილოდ ხეტიალის შემდეგ, — გადმოგვცემს ზაქ. გულისაშვილის ამხანაგი ალექსი მიქელაძე, — მან მოახერხა თავის სოფელ საგარეჯოში მასწავლებლად მოწყობა, სადაც დაჰყო ჯერ მასწავლებლად და შემდეგ ორკლასიანი სკოლის გამგედ“.

80—90-იან წლებში საქართველოში აქა-იქ პროვინციაში დაიწყეს ე. წ. „ღებობის“ გახსნა, კახეთში — მაჩხაანში — დ. მაჩხანელის ხელმძღვანელობით. სოფ. საგარეჯოში „ღებო“ დააარსა იმ სოფლის მასწავლებელმა ალ. ცხვედაძემ. ეს უკანასკნელი ცნობილი იყო თავისი გატაცებული მოღვაწეობით, როგორც სკოლაში, ისე საზოგადოებრივ ასპარეზზე. ალ. ცხვედაძეს სიკვდილმა არ დააცალა უფრო მეტად განვითარებინა თავისი საყვარელი საქმე — „ღებო“. იგი გარდაიცვალა და მისი ადგილი დაიჭირა ზაქ. გულისაშვილმა.

---

<sup>4</sup> ზაქ. გულისაშვილი რომ მართლა თავისი დროისათვის საგრძნობლად განვითარებული და მოწინავე ინტელიგენტი იყო, ჩანს მისი მხატვრული შემოქმედებიდანაც. მის ემირებს, რომელთა სახით, ექვს ვარეშეა, თავის თავს და თავის ამხანაგების ცხოვრებას გვაძლევს, ბევრი აქვთ წაკითხული ფილოსოფიაში, პოლიტიკურ ეკონომიაში, პედაგოგიაში, ისტორიაში. მაგ. მარქსი, ლასალი, დიურინგი, ჰეგელი, სპინოზა, კანტი, შელინგი, დეკარტი, რობერტ ოუენი, ფლეროვსკი, სპენსერი, რუსო, პესტალოცი, ამოს კომენსკი, დისტერვეგი და სხვანი.

მაგრამ ზაქ. გულისაშვილი „დეპოთი“ ვერ კმაყოფილდება. მისი ფიქრი და სურვილი ხალხის მომავალი ბედნიერებისაკენ იყურებოდა. ამ ნიადაგზე სკოლების ღირეჟქციასთან მუდამ მოურიგებლობა ჰქონდა. ღირეჟქციას ის მუდამ ეჭვის ქვეშ ჰყავდა.

შრომა-ჯაფითა, უფრო კი სკოლის მმართველთან უსიამოვნებით მოღლილი, დაწვრილშვილებული ზაქ. გულისაშვილი იძულებული შეიქნა განშორებოდა საყვარელ საქმეს და 1897 წლიდან მღვდლად შემდგარიყო.

აქ მთავრდება ზაქ. გულისაშვილის ცხოვრების პირველი პერიოდი და შეიძლება ითქვას, აქვე თავდება (შეიძლება ცოტა აღრეც) პირველი პერიოდი მისი მხატვრული მოღვაწეობისა.

ზაქ. გულისაშვილი მღვდლობდა სოფ. აწყურში, საგარეჯოში, გომარეთში (ბორჩალოს მაზრა). გომარეთში ცხოვრებამ, უფრო კი მეცხვარეების ცხოვრებამ მთაზე (თრიალეთზე) ზაქ. გულისაშვილის კალამს მდიდარი მასალა მისცა. აქედან მან გაზეთ „ივერიაში“ 1902—1903 წლებში მოათავსა მთელი რიგი კორესპონდენციები — ნარკვევები. მაგ.: „ლანდი“, „თრიალეთზე“ (ნამღვილი და ფანტაზია), „დიდებული ფიტარეთის ტაძარი“, „სარდარბულახი“, „ლექსი პროზად“, „დაკარგე ყოველისფერი“.

1906 წელს ზაქ. გულისაშვილი გადმოვიდა ქ. თბილისში მღვდლად, ჯერ სანთლის ქარხანაში, ხოლო აქედან თბილისშივე წმ. მარინეს ეკლესიის (ავლაბარში) წინამძღვრად.

ზაქ. გულისაშვილი გარდაიცვალა 1913 წ. 25 იანვარს, დასაფლავებულია ქ. თბილისში წმ. მარინეს ეკლესიის სასაფლაოზე.

თბილისში მღვდლობის დროსაც ზაქ. გულისაშვილი განაგრძობდა მწერლობას. უმთავრესად ამ მეორე პერიოდის ცხოვრების დაკვირვების შედეგია მისი პოეტური შემოქმედება. თავის ნარკვევებს, შთაბეჭდილებებს ის დროდადრო სხვადასხვა პერიოდულ გამოცემებში ათავსებდა. მაგ.: „ხეობის ალი“ („სავაჭრო გზა“, 1908 წ., № 13); „მტერი“ (ნანახი) („ჩვენი დროება“, 1912 წ., № 31); „ქიზიყის მოურავნი თავადი ანდრონიკაშვილები და უკანა მხარი“ („ჩვენი დროება“, 1913 წ., № 13) და სხვა.

## 2

ზაქ. გულისაშვილის ლიტერატურული მოღვაწეობა, როგორც ზეითაც აღვნიშნეთ, ორ პერიოდად იყოფა. 80-იანი და 900-იანი წლები. შეიძლება ასეთი დანაწილებაც: პირველი პერიოდი — სოფლის მასწავლებლობისა და მეორე პერიოდი — მღვდლობისა.

ამ გარეგნულ განსხვავებას დიდი გავლენა მოუხდენია მწერლის შემოქმედების ხასიათზე და მიმართულებაზე.

ზაქ. გულისაშვილის მოღვაწეობის პირველი პერიოდი გამომხატველია გლეხის ცხოვრების, მისი ყოველდღიური გაჭირვების, მისი ფიქრისა აწმყოსა და მომავალზე. ყოველდღიური ცხოვრებიდან მიღებული ტკივილები, იმედი — მისწრაფება უკეთესი მომავლისაკენ თავისებურ დაღს ასვამს არა მარტო მწერლის პრაქტიკულ ცხოვრებას, არამედ მის მხატვრულ შემოქმედებასაც.

ზაქ. გულისაშვილი, როგორც ხალხოსანი მწერალი, გამომხატველია გლეხის ცხოვრების რეალური გარემოცვისა. მისთვის, როგორც ხალხოსანი მწერლისათვის, გამოსავალი წერტილია ხალხი, გლეხობა, მისი აწმყო და მომავალი. ის, როგორც ხალხოსანი, მტკივნეულად განიცდის გლეხის მძიმე, აუტანელ ეკონომიურ, კულტურულ და უფლებრივ მდგომარეობას.

ზაქ. გულისაშვილი, როგორც ხალხის ცხოვრებასთან დაახლოებული, მისი სინამდვილის ზედმიწევნით მცოდნე, მთელ რიგ ნაწარმოებებში გვაძლევს მისი ცხოვრების უაღამიანო პირობების ცოცხალ სურათს.

მწერალს „რადაც ფონგაუსვლელი, განუსაზღვრავი და გამმაგებული სევდა“ აწევება, როცა უკვირდება გარემო ცხოვრებას, სადაც საცოდაობის მეტს არაფერს ხედავს, „სადაც, — როგორც თვითონ მწერალი განმარტავს, — უკანონობას, კაცობრიობის დამხობას, მუშტისა და მათრახის ძალას დრო-ვითარებით ჩანერგილი მძლავრი მეფობა ჰქონიათ. იქ მცხოვრებ იმე მუზობლებს შუა-შუა დახეთქილი ხელებით და გარუჯული კისრით დღესაც კაცებად არა სთვლიდნენ და ყველას საკიდურ პირუტყვად მიაჩნდათ, იმ ქმნილებათ, რომელიც უსწორ-მასწორობის დაწყებდანვე თხუთმეტჯერ ნაკლებ დაფასდა, ვიდრე მისი ბატონის ფეხის თითი და რომლის ფასი თოთხმეტი თუმანი იყო ვახტანგის კანონით!“<sup>5</sup>

აი, ეს გლეხი, რომელიც მასაზრდოებელი იყო სახელმწიფოსი, გაცილებით ნაკლებ ყურადღებას, თანაგრძნობას, მზრუნველობას იწვევდა, ვიდრე საქონელი.

განა საქონელზე მეტ გაჭირვებას, შვენირობებასა და ანგარიშგაუწევლობას არ იტანს მარტივანთ პაპა? განა მისი ცხოვრება ტიპიური არ იყო უფლებაყრილ გლეხთათვის?

მარტივანთ პაპას გულსაკლავი მძიმე ცხოვრება უტყუარი მართიანება დაბრიყვებული გლეხის ჩვეულებრივი ცხოვრებისა. მწერალს მწარე ფიქრები ერევა, ბუნება ემღერევა, როცა უკვირდება გლეხი-ცის ცხოვრებაში გამეფებულ უკუღმართ ანგარიშს და ჰკუიდან გადა-

<sup>5</sup> შ ა ქ რ ი, მარტივანთ პაპა, ქურონ. „იმედი“, 1881 წ., № 2, გვ. 4.

სარეე შედეგებს. მწერალი ხედავს და ყველას ადვილად შეუძლია დარწმუნდეს, რომ გლეხს ყველა ავიწროებს: მემამულეც, მღვდელიც, მამასახლისიც, გზირიც, ბოქაულიც, მაზრის უფროსიც, მოსამართლეც... ყველა სარგებლობს მით, რომ გლეხს არაავინ მოუსმენდა, არაავინ გაუგებდა, თანაგრძნობას მისდამი არაავინ გამოიჩენდა.

ზაქარია გულისაშვილი გლეხთა ცხოვრებიდან დამახასიათებელი სურათების გაშლის დროს ვედარ ითმენს აუტანელ სანახაობას და ხშირად სურათის აღწერას წყვეტს ლირიკული ადგილების ჩართვით. „ყველა იქ მყოფ სულდგმულს მისძინებოდათ და საბრალო ქოხებიდან დამაშვრალ გლეხობის კენესა ისმოდა. ცოცხლები საფლავებში კენესიანო, მწარედ გაიფიქრებდით თქვენ“...<sup>6</sup> ან კიდევ მწერალი გლეხის მდგომარეობაზე მსჯელობას მისი ცხოვრების მწარე სინამდვილის ნახვის შემდეგ შეძრწუნებული, ასე დააჯამებს: „იწვა (გლეხი.—მ. ზ.), იღგა, იშრომა, მკო, თესა, ხნა, ბარა, სარა, რწყო, იხადა სახელმწიფო ხარჯი, სწია ბეგარა, იშორა ვალი ათასნაირი მღლეტელებისა, „პრაოქიკს“ და ჩაფრებსაც კი ვალი ლოყების და ზურგის მიშვერით უხადა და აი ახლა მოკვდა, რომ დაღბეს, მიწად და ორთქლად იქცეს, იმ ორთქლმა წვიმით იმისვე სოფლის ყანაზე იწვიმოს, რომ კაი პური ააღებინოს ქვეყნისათვის“...<sup>7</sup> და სხვა მრავალი ამგვარი ადგილებია მწერლის შემოქმედებაში. შემოქმედების ეს ხერხი მწერლისათვის დამახასიათებელია.

ზაქ. გულისაშვილმა მშვენივრად იცის ხალხის ცხოვრება. მისი ცხოვრების ყოველი კუნჭული ბევრჯერ აქვს ნანახი და აწონილ-გაზომილი. გლეხის ცხოვრებას ის მარტო თვალთ კი არ იღებს, არამედ ყურიითაც. მის გულს მძიმედ ხვდება სამუშაოზე მყოფი გლეხის საცოდავი ღიღინი:

შავო, შავნელო ივანე, ვერ ამოუხველ სევდასა.

კლდეში ჩაპჩეხე ურემი, კაცი ვერ გადიხედაშსა...

მწერალს კარგად ესმის ამ ღიღინის მძიმე სევდის კილო; კარგადაა აქვს გაგებული ის მიზეზები, რაც ამ სიმღერის სევდიან ხასიათს ქმნის.

მწერალი გლეხის სიმღერის ნაღვლიან კილოს ასეთ განმარტებას დაურთავს: „შავი და ბნელია გლეხის სიცოცხლე, ეს ცხადათა სჩანს იმათ სიმღერებში. ფხიზელ გლეხს ეს ლიტონი ჭეშმარიტება თავის ბედკრულს ცხოვრებისა ცხადად ეხატება. თვალწინ ელანდებიან: იასაულები, მოვალეები, მწერლის და მოხელეების ოინები, შინ ცოლ-შვილის სიტიტველე, ფქვილის გოდრის სიტალიერე, საკომლის გატანა და ვინ იცის რა არა. ეს იმას გონებას უბურავს, იმიტომ თავს იხრჩობს მოყვანილ მჟავე ნუნუაში, თუ შეჭხვდა, ან თუ აქვს“...<sup>8</sup>

<sup>6</sup> შ ა ქ რ თ, მარტაანთ პაპა, ჟურნ. „იმედი“, 1881 წ., № 2, გვ. 15.

<sup>7</sup> ი ქ ვ ე.

<sup>8</sup> მ ი ს ი ე ე, მეტივე-; გვ. 17.

ზაქ. გულისაშვილი ითვალისწინებს (ალბათ, საწინააღმდეგოდ იმ დროის ბევრი მოაზროვნისა), რომ გლეხის მოვალეობა ბატონყმობის გადავარდნის შემდეგ სრულიად არ შეიცვალა. ის კვლავინდებურად დარჩენილია „უღმერთო შრომის კერძად“, „ის, დღითი დღე, — აგვიწერს ბატონყმობის გადავარდნის შემდეგ გლეხის მდგომარეობას ზაქ. გული-საშვილი, — უარუთქმელად ეწევა ბეგარას, აძლევს სახელმწიფო გადასახადს. ამაების შესრულება ჰფხვნის მის გულიდან ყოველსავე სხვა მოვალეობას... ის მარტო კითხულობს: „რამდენი შემომაწერეთ?“ „რა არის ჩემზე საკომლო?“ გლეხი მარტო თავის საცოდავ სიცოცხლეში ჩაყურჭუმალავებული, თავის ნიჭს სხვაზედ არაზედ იჩენს. იმის მაგიერ საზოგადო საქმეებს აკეთებენ სოფლის ყლაპია მოხლეგები“...<sup>9</sup>

ზაქ. გულისაშვილის, როგორც სხვა ხალხოსნების, გაგებით ერთ მხარეზეა უწყალოდ დაბეგრილი გლეხი—მეორეზე — მისი მტრები: მემამულე თავადი, მევახშე, მღვდელი, გზირი, მამასახლისი, მაზრის ბოქაული, უფროსი თუ მოსამართლე — მთლიანად სახელმწიფოებრივი აპარატი.

მეტივე ბაციკას ცხოვრება ტიპიური სურათია გლეხის ექსპლოატაციისა ბატონყმობის გადავარდნის შემდეგ პერიოდში.

ბაციკა ჯერ ისევ პატარა იყო, როცა მამა მოუკვდა. იმან მას დაუტოვა ერთი დანგრეული ქოხი, ერთი ვენახი, ისიც დაგირავებული არტემა ჩარჩთან, დაჩაჩანაკებული ბებერი დედა და მოვალე „კნიაზი“ ივანე. მწერალი ამ ახალგაზრდის ცხოვრების მძიმე ჰაბანს ასე ახასიათებს: ბაციკა თვრამეტი წლისა იყო, რომ კნიაზმა წელიწადში სამ თუმნად თავის ვალში აიყვანა. სულ ათი თუმანი იყო და სამი თუმანი სარგებელი უნდა ეძლია. მაშ გადაწყვეტის იმედი ჯერ-ჯერობით ბაციკას სულაც არ უნდა ჰქონოდა. არტემას ათ თუმნის სარგებელში მიჰქონდა ბაციკას ვენახის ღვინო და თავნი საუკუნოდ კისერზე ეჭდია. ბაციკას დედა ეჯდა ჯარას და აბზრიალებდა, ათასში ერთხელ სხვას სამუშაოდ გაჰყვებოდა და შინ ერთ ორიოდ გამომცხვარ პურს მოიტანდა, ჯაფის ფასსა; იჯდა ასველებდა ხმელ პურს წყლით, ჰლეჰდა და აზუზუნებდა ჯარას. თითონ ბაციკასაც მოჯამაგირეობაში შავი დღე ედგა. ხომ გაგიგონიათ: „მოჯამაგირის ღღესაო არ დაეღევა კვნესაო“. მეტადრე კნენინა ექცეოდა ჩვენს ბაციკას ცუდათ. იმის სახარების ფურცლებში ეწერა — „ჩუღურეთი და კუკია სულ ერთ ალაგას კუნტია, მოჯამაგირის საგძალი არის გამხმარი კუტიანო“, მალ-მალეც წამოროშავდა ხოლმე ამას და ხმელა პურს გარდა, არას მიაკარებდა ხოლმე ბაციკას“<sup>10</sup>.

<sup>9</sup> შ ა ქ რ ი, მეტივე. გვ. 18.

<sup>10</sup> ი ქ ვ ე, გვ. 19—20.

ეს მართლაც ცოცხალი, უტყუარი სურათია გლეხის მდგომარეობისა ბატონყმობის გადავარდნის შემდეგაც. მას ყოველი მხრიდან მისევია კლასობრივი მტერი, ის კი უძლურია მათთან ბრძოლაში. სახელმწიფო თავის აპარატით, რომელიც გლეხის შრომითა და ოფლით იკვებება, უდიერად, გაუფრთხილებლად ეპყრობა, სასტიკად ჩაგრაგს და ტუქსავს მას.

ზაქარია გულისაშვილის შემოქმედებისათვის, როგორც საერთოდ ხალხოსან მწერლებისათვის, ძირითადი ჟანრია სოციოლოგიური, ანუ როგორც 60—70-იან წლებში ეძახდნენ ფიზიოლოგიური მოთხრობა, რომანი თუ ნარკვევი, სადაც ავტორი არა მარტო მხატვარია, არამედ სოციოლოგი, პუბლიცისტი.

ზაქ. გულისაშვილის შემოქმედებაში დიდი სინამდვილითაა ასახული თუ როგორაა გლეხობა გადაქცეული დამპირებისა და ექსპლოატაციის საგნად მოსამართლის, „ნაჩალნიკის“, „პრისტავის“, „დესეტნიკის“, მამასახლისის, გზირისა და სხვა მოხელეთა ხელში.

ბაციკა და მისი დედა დღედაღამ შრომობენ, წელებზე ფეხს იდგამენ, ყველაფერს მოკლებული არიან, მაგრამ მაინც ვალიდან ვერ ამოვიდნენ. ვენახის შემოსავალიც და მათი შრომაც კნიაზ ივანესა და ჩარჩ არტემას მიჰქონდათ, მაგრამ მათი ვალი ისევ ისე, როგორც ზღაპრული ცხრათავიანი დევი, რომელსაც თავს სჭრიან, მაგრამ თავი მაინც ისევ ებმის, უცვლელი რჩებოდა. გლეხი მრავალგზის დაჩაგრულია. ყველა სარგებლობს მისი დაბეჩავებით, ჩამორჩენილობით. მისი გზა ყოველი მხრით დახშულია.

გაქალაქებულმა მეზობელმა ბაციკას ურჩია არტემასთვის ეჩივლნა და ვალიდან თავი დაედწია. მრჩევლებმა ბაციკას მისაწავლა სანთლიკუდასთან, რომელიც „არძას“ დაუწერს და, თუ გაჭირდა, „სინაღშიც“ კი მისწერს „ლეპორტს“.

ცხოვრება მოწყურებულ ბაციკას იმედი მიეცემა. ეს უცხო გაუგებარი სიტყვები — „არძა“, „სინაღი“, „ლეპორტი“ ლურსმანსავით ჩაუჯდა ილაჯაფაწყვეტილ გონებაში. ბაციკა სანთლიკუდას, როგორც წყალწალღებულ ხავსს, ისე მოეკიდა. ან რა ქნას უილაჯომ! მიდიან ბაციკა და მისი მოხუცი დედა „არძით“ „ნაჩალნიკთან“ ბედის საცდელად. „მოვიდნენ „ნაჩალნიკთან“,—გადმოგვემს ავტორი, — იქ ერთ ოთახში დააყენეს, სადაც ბლომად იყვნენ გლეხები. ზოგს ძირს ეძინა, ზოგი სკამზედ სთვლემდა, ცუდი სუნი იდგა. ყველას უბიდგან „არძები“ უჩანდათ. დიდხანს ელოდნენ ჩვენებიც და სხვებიც „ნაჩალნიკს“, მაგრამ არავინ გამოდიოდა. ბაციკას და მის დედას შიმშილით მუტლები ეწოდათ, მაგრამ რა ჰქონდათ საკმელად? აი ძლივს დაიძახეს „მოდისო“, ბაციკა ფეხზე წამოდგა, შეჰხედა და გამოვიდა ერთი მალალი, წითელ შალვარა, ხელში ვერცხლის წკეპლით, კაცი. ხელებზე თეთრ ხელთათ-

მანებს იცვამდა... ყველამ არქები გაუწოდეს: ბაციკას დედასაც თეთრი ქალღიმილი ეჭირა გაწვდილ ხელში, და ხელი სიბერისაგან და შიშისაგან საშინლად უცახცახებდა. „ნაჩალნიკმა“ ერთი ზიზღით გადმოხედა გვერდზედ მოჩივრებს — „პრიდუ“, დაიძახა, ხელები გაასავსავა და ჩაჯდა ეტლში. ყველამ საშინლად ამოიოხრეს. ბაციკა კი გაჩენის დღეს იგინებოდა... შიმშილმა შეალონა ჩვენი მოჩივრები. ბოლოს თითქმის დაღამდა. ბაციკას შიმშილით გული უღონდებოდა... აი „ნაჩალნიკი“ გარედან შემოვიდა, ბაციკას დედას ჩამოართვა — „არაძა“, დახედა და გადაუგდო უკანვე. ბაციკას თითქოს გული შეუღონდა. იმისმა ბებერმა დედამ კიდევ რაღაც დაიწრობინა — „ნელზია“, დაუყვირა რიხით „ნაჩალნიკმა“, ამის შემდეგ საწყლებს თითონაც არ ესმოდათ, როგორ გამოვიდნენ კარზედ“...<sup>11</sup>

მდგომარეობა ტიპიურია. ხალხური ენით და უშუალოებით არის დახატული სცენა. ასეთს დამოკიდებულებას იჩენდნენ გლეხისადმი ეს უფროსნი, სახელმწიფოს ცხოვრების მომწესრიგებელნი.

მომხივებმა დაკარგული, როცა ვერსად და ვერავისთან სამართალი ვერ გამოიხატა, ძალმომრეობით სასოწარკვეთილებამდე მიყვანილი ბაციკა, თავის ვენახზე დაპატრონებულ არტემას რომ ნახავს, თვითონვე შექმნის სამართალს. „მივარდა არტემას, გადმოაგდო (საწნახლის) ბაქანიდგან და საშინელის ძალით ჩააზილა წიხლი ღიბიან მუცელში“, არტემას პირიდან სისხლი ამოუვიდა. უმაღლესი გავიწყობი. ბაციკა ნაცვალსაც ეძგერა და ჯაჭვი ჩამოაწყვიტა. ეს საკმარისი იყო, რომ ბაციკა სასტიკად დაესაჯათ. შეუდგინეს „ლეპორტი“, შეკრეს და საღამოზევე შეკრული ბაციკა გაგზავნეს ქ. გ—ში.

საწყალ ბაციკას ყველამ აგებინა პასუხი ამ გვარი დანაშაულობისათვის. წითელშალვარა „ნაჩალნიკიდან“ დაწყებული და გათავებული „დესიატნიკით“ ყველამ გაროზგა, რადგანაც მათი კოდექსით გლეხის დასჯა მხოლოდ ცემა და ხარჯების გადახდევინებაა. „დიდხანს ვიჭეჩი „ლოშპიტალში“-ო, იტყოდა ხოლმე ბაციკა, რომ მოვრჩი, იქიდან მუჯლუგუნის ცემით „სალდასტებმა“ ციხეში გადმომიყვანესო. ციხიდანაც მუჯლუგუნის ცემით რამდენჯერმე მიმიყვანეს „მირონის სუდში“-ო. ზოგს გზაზედ ვებრალებოდი და ზოგი კი, უფრო მდიდრები იტყოდნენ ხოლმე — „ახია, მაგ რაზბონიკაზეო“<sup>12</sup>.

მკვეთრი სურათია უბედურთა, დამცირებულთა და შეურაცხყოფილთა მდგომარეობისა: მწერალი ახერხებს კლასობრივი განსხვავების მოცემასაც; ერთს ნაწილს — ღარიბებს, ბაციკა ებრალებოდა, მდიდრები კი ბაციკას შევიწროებით კმაყოფილებას გრძნობდნენ, რადგანაც ურჩობის გამომჩენი გლეხი „რაზბონიკი“ იყო.

<sup>11</sup> შ ა ქ რ ი, მერვე, გვ. 22.

<sup>12</sup> ი ქ ე ე, გვ. 24.



ზაქ. გულისაშვილი გლეხის შევიწროებას, კლასობრივ დამოკიდებულებას საგრძნობი სიმკვეთრით გვიხატავს მთელ რიგ მოთხრობებში. მართალია, ზაქარია გულისაშვილი, როგორც ხალხოსანი მწერალი, წვრილბუჩუაზიული ფსიქოიდეოლოგიის გამომჟღავნებელი, ყოველთვის სათანადოდ ვერ ამხილებს კლასობრივ წინააღმდეგობას, მაგრამ მკითხველი მწერლის შემოქმედებაში მაინც გარკვეულადა ხედავს ხალხის მდგომარეობით გამოწვეულ აჯანყებას.

ზაქ. გულისაშვილის შემოქმედებაში ცხოვრების მოუწესრიგებლობის წინააღმდეგ საბრძოლო კილო არა მარტო ავტორისაგან, არამედ მოქმედი პირებისაგანაც — დაჩაგრული გლეხებისაგანაც ისმის.

ავტორი, რომ უფრო გამახვილებულად აგრძობინოს მკითხველს გლეხის ბედკრული მდგომარეობა, მის თავზე გადატანილი კლასობრივი უსამართლობა და შევიწროება, დაბეჩავებულ ბაციკას ავადმყოფობის დროს თავის (ე. ი. ღარიბი გლეხობის) ბოლმას გადმოანთხევინებს: „ე, მიყვარს ჩვენი ცელქი თეძამი, დიდი ხნისაა, ბევრიც იცის, ბევრიც უნახაეს... რამდენ გულსაკლავ ამბებს გვეტყვის უწინდელს და ეხლანდელს!? ბევრჯელ გამოვარდნილა ბატონის სახლიდან ბატონისაგანვე ნამუსშერცხვენილი მოახლე და უღვრია შენ პირებზედ მწარე ცრემლები... რამდენჯერ მოუბანია შენი წყლით ბატონისაგან ან მისი მოურავისაგან ნაცემ ყმას სისხლიანი თაჯ-პირი! თითონ ბატონის სახლიდგან რამდენი კვნესა და ავი ამბები გსმენია?! ეხლანდელი იასაულეებისაგან გლეხების დაწიოკების ხმაც ხომ გსმენია? ჩინოვნიკებისაგან მათრახის შლაბა-შლუბის ხმა; გლეხისაგან ბედის წყევლა, როდესაც წასულა ის სიმართლის საპოვნელად სასამართლოში, დაბრუნებულა, ჩამოქდარა დაღონებული შენ ნაპირებზე ხმელა პურის წყალში ამოსასველებლად! ეჰ, რამდენი სხვა... ახ, ნეტავი ლაპარაკი შეგეძლოს, უთხრა სხვას“...

ეს მძიმე და უკუღმართი ცხოვრების ოღისეა ხომ საერთო იყო უფლებაყრილი გლეხისათვის არა მარტო ბატონყმობის დროს, არამედ კიდევ კარგა ხანს მისი გადავარდნის შემდეგ. ამას ებრძვის დაუნდობლად ხალხის მდგომარეობით აღშფოთებული ზ. გულისაშვილი.

არანაკლები მუქი ფერებით აგვიწერს მწერალი ჩარჩი ვაჭრის მიერ გლეხის შევიწროებას. მოთხრობაში „ბედნიერი კუნჭული“ ავტორი ცდილობს ყლაპია ჩარჩ-ვაჭრის სახის გამიშვლებას: მრავალ მხრივ გვიხატავს მის გაუმაძღარ ბუნებას, მორალურ განურჩევლობას, ფულის ხელში ჩაგდებისათვის საშუალებათა განურჩევლობას. გამახვილებულადაა გამომჟღავნებული ვაჭრის კლასობრივი ბუნება, განსაკუთრებით გლეხისადმი დამოკიდებულებაში.

მგზავრობისას (მგზავრობა ზაქ. გულისაშვილს გამოყენებული აქვს,

როგორც მისთვის დამახასიათებელი პოეტური შემოქმედების ჟანრი—ხერხი, რომ უბედურთა, გაჭირვებულთა, უფლებააყრილ გლეხთა ქვეყანა მრავალმხრივ დაგვეანახოს. ესეც ხალხოსანი მწერლებისათვის დამახასიათებელი იყო) ავტორი შეხედება გამდიდრებულ ვაჭარს—არტემ იაგორიჩს. ამ უკანასკნელს ავტორი ეუბნება, რომ სოფლად, გაზაფხულზე, რასაკვირველია, უკეთესია, მაგრამ ცუდი დროა—კალიაობაა, „გარემო გლეხის წიოკობაა“. არტემ იაგორიჩი კი დიდი კმაყოფილების განცდით უპასუხებს: „ვა, მერე მე რა. გლეხები რომ დაწიოკდნენ უფრო კარგი არ არის? ან გინდ შენ კალიაობა შენ ცუდი დრო გგონია? როგორ არა! ერთი შიმშილი მოვიდეს — გლეხებს, თავადებს მაშინ გაუჭირდებათ—ჩემთან მოვლენ, მეც მთელი „ბედნიერი კუნჭული“ ყმად დამრჩება, თორემ გლეხი გაძაღლდა, თუ ძლიერ არ უჭირს—ღუქანში აღარ მოდის“.

ასეთია იმ ინტერესთა წინააღმდეგობა ვაჭარსა და გლეხს შორის, რომელსაც გამახვილებულად ხედავს და გვაძლევს კიდევ ზაქ. გულისაშვილი თავის შემოქმედებაში. ამ მხრივ ის უფრო მეტ სიმტკიცეს იჩენს, ვიდრე სხვა ხალხოსანი მწერლები. თუმცა, რასაკვირველია, ისიც თავისუფალი არ არის წვრილბურჟუაზიული მერყეობისაგან.

განა ასეთსავე სიმძიმით არ აწვებიან სოფ. პ-ის მცხოვრებ გლეხებს: ვაჭარი კარაბეტა. რომელიც საიდანაც გადმოსახლდა, გაინათლია მრავალი გლეხი და წურბელასავით მოეკიდა მთელ სოფელს და გასუქდა, გაკეთდა; აზნაური გიგო, რომელიც ჰერ უბრალო მომაკვდავი იყო, როცა მილიციაში შევიდა, მაგრამ იქიდან „გაქნილი სალახანა“ დაბრუნდა და თავისი „მხნეობით“ მთელი გლეხობის სარჩო „თავის ეზოსკენ მიუქეთა“ და ბატონად გაუჩნდა სოფელს. ფულის საშუალებით კეთილშობილებაც კი შეიძინა და უფრო გაბედულად დაუწყო სოფელს ყვლეფა. სოფ. პ-ის გლეხებს მესამე მჭამელიც ჰყავდათ — ეს პეტრი გლეხია, რომლის „ბედიც და სიმდიდრის წყაროც ღუქანი იყო“. „ამ ღუქნის წყალობით იმან სუფთა სახლი დაიდგა, ვენახებს ამ ღუქნის ნისიებში აკეთებინებდა გლეხებს. გირაო ვენახებიც ამ ღუქნის წყალობით ჰქონდა“<sup>13</sup>.

ზაქ. გულისაშვილი კარგად ამჩნევს, რომ კაპიტალიზმის განვითარებამ თვით გლეხთა შორის შექმნა შინაგანი ფენები, შინაგანი კლასობრივი წინააღმდეგობა. გლეხები გაიყვნენ შეძლებულებად, თანამედროვე ტერმინოლოგიით რომ ვთქვათ — „კულაკებად“ და ლარიბებად. მათ შორის თანდათან მწვევლებოდა კლასობრივი ურთიერთობა.

ამგვარმა შევიწროებამ ხალხის მასები ხშირად დაამონა. შეძლებულთა ხელში ხალხი გადააქცია საკრეკ ცხვრად. მაგრამ, ასეთმა ბოროტებამ

<sup>13</sup> შ ა ქ რ ო , ორიოდ სურათი მათხრობიდან, ქ.ერ. „ივერია“, 1879 წ., № 3.

წინააღმდეგობაც განავეითარა. ზაქ. გულისაშვილს ჯერ კიდევ 80-იანი წლების დასაწყისში (მოთხრობაში „ორიოდე სურათი მოთხრობიდან“) ეხატება გაჭირვება-შეურაცხყოფაში გამოფხიზლებული გლეხი, რომელიც თავის კლასობრივ მტრებს ურჩობას სტიქიურად კი არ უწევს, როგორც ბაციკა („მეტივე“), არამედ უფრო შეგნებულად.

სოფ. პ-ის მცხოვრებ გლეხებს ეს სამი გმირი—ვაქარი კარაპეტა. მელოქენე გლეხი პეტრე და აზნაური გიგო სოფლის მყვლეფელი — საშინელ პირობებს უქმნიდა. ავტორი ტკივილით აღნიშნავს, რომ გლეხები ვერ ერკვეოდნენ და ეს სამივე მოკეთებელად მიაჩნდათ. „ეს ყველგა, — გადმოგვცემს მწერალი, — ყველაზედ კარგად ახალგაზრდა გლეხს ილიკოს ესმოდა. ამიტომ მათ (კარაპეტას, გიგოს და პეტრეს. — მ. ზ.), მეტადრე გიგოს, ილიკო ძლიერ ეჭავრებოდათ. გიგო ხშირად ეტყოდა ხოლმე ილიკოს:

— შენთვის იყავ, თორემ მატლს ჩაიხვევო.

მაგრამ ილიკო არ ემორჩილებოდა და ხალხს პირდაპირ იმათ ყველაფერს უმყდავენებდა...

— ჰე, შვილო, ე, ცხვრის პარკავა ხომ გინახავთ. დაამწყვდევენ ცხვრებს შემოლობილ ბაკში, მერე შეველენ მპარსავები დასაქერად... ცხვრები სულ მირბიან კუნჭულში და მპარსავე რომ მიუახლოვდება, ისინი მარტო ფეხებს აბაკუნებენ. კაციც სტაცებს რომელსამე ხელს და გამოათრევს. მერე რო წააქცევს და პარსევას დაუწყებს, თუმცა ფეხგაკრული არ არის, მაინც აღარ ინძრევა. მარტო ხენეშის საწყალი დიდი მწუხარების მგრძნობი. გაპარსავენ და რო გაუშვებენ, გახუზული გარბის, ვითომ აქ არაფერი ამბავიაო... ასე დაპარსეს მთელი ფარა. დარჩა ცოტაღა, მაშინ მპარსავე დასაქერად რომ შევა, განა მირბიან. არა. ის ტიალები თვითონვე მისცევიანი მპარსველს: დამიჭირეო... ჩვენ სულ წმინდად ცხვრები ვართ. ვიცით, რომ გიგოც და სხვებიც ცხვრებსავით გვპარსავენ, სულ გვინდა გავიქცეთ. მაგრამ იქვე ფეხებს ვაბაკუნებთ. როცა გვიჭერენ გასაპარსავათ, ჯერ კი ფეხებს ვიქნევთ და რომ გვპარსავენ, მაშინ ფეხებზე გვიკიდია, პარსვაზედ აღარც კი ვფიქრობთ: ასე, დღეს პაპასა ჰპარსავენ, ხვალ სხვას გაპარსავენ და მერე, ვინც დავრჩებით, თვითონვე მივალთ ცხვრებივით გასაპარსავად“...<sup>14</sup>

საკმარისად მკვეთრად და მოცემული ავტორის უარყოფითი დამოკიდებულება ხალხის მპარსავებისადმი. მკვეთრია და სწორი მოყვანილი შედარება. ხალხოსნებისათვის დამახასიათებელი სტილური ნიშანი იყო ამგვარი შედარება-ალეგორიები და გლეხისათვისაც გასაგები.

ზაქ. გულისაშვილი ხშირად უბრუნდება თავის შემოქმედებაში ამ მოვლენის ასახვას. ის, როგორც ხალხოსანი მწერალი, ვერ ერკვევა ვაქ-

<sup>14</sup> შ ა ქ რ ა, ორიოდე სურათი მოთხრობიდან, ჟურ. „ვერია“, 1879 წ., № 3.

რობის განვითარების მნიშვნელობაში. მას ვაჭრობის (კაპიტალიზაციის) განვითარება ეხატება, როგორც ხალხის შემავიწროებელი, მისი გამაწროოკებელი მოვლენა (განსაკუთრებით ჩარჩის სახით). საერთოდ ხალხოსნები, როგორც სამართლიანად აღნიშნავენ ვლ. ლენინი, ვერ ამჩნევდნენ კაპიტალიზმის პროგრესულ მნიშვნელობას, ვერ ხედავდნენ, რომ „კაპიტალიზმის პროგრესული მნიშვნელობა სწორედ იმაში მდგომარეობს, რომ მან დაარღვია ადამიანის ცხოვრების ძველი ვიწრო პირობები, რომლებიც გონებას აჩლუნგებდნენ და საშუალებას არ აძლევდნენ მწარმოებლებს თვითონვე გასძლილოდნენ თავიანთ ბედს. საეკონომიკურ ურთიერთობისა და მსოფლიო გაცვლა-გამოცვლის უდიდესმა განვითარებამ, მოსახლეობის უზარმაზარი მასების მუდმივმა გადასვლა-გადმოსვლამ გასწყვიტა გვარის, ოჯახის, ტერიტორიალური თემის ძველის-ძველი დროიდან არსებული კავშირი და შექმნა განვითარების ის სხვადასხვაობა, „ნიჭთა სხვადასხვაობა, საზოგადოებრივი ურთიერთობის მრავალგვარობა“, რაც ასეთ დიდ როლს თამაშობს დასავლეთ ევროპის უახლეს ისტორიაში. რუსეთში ამ პროცესმა სრული სიძლიერით იჩინა თავი რეფორმის შემდგომ ხანაში, როცა შრომის ძველი ფორმები უდიდესი სისწრაფით ირღვეოდა და პირველი ადგილი დაიკავა სამუშაო ძალის ყიდვა-გაყიდვამ“<sup>15</sup>.

აი, ამიტომაც, რომ ყველა ხალხოსანი მწერალი, და, კერძოდ ზაქარია გულისაშვილი, ასე ჩაჰკირკიტებს ამ მოვლენას, ასე ცდილობს მისი უარყოფითი მხარეების წინ წამოწევას. მასში იგი მტერს ხედავს.

სოფ. აცხასში ვაჭარი არტემა ადგილობრივი თავადაზნაურობის დაკნინებით, დაძაბუნებითა და გლეხობის შევიწროებით გადიდკაცებულა და ხერხიანად ცდილობს ფართოდ გაწმინდოს გზა ყველა „არამზადისაგან“, რომელიც მას ხელს უშლის გლეხთა გაპარსვის საქმეში. სოფ. აცხას სკოლის მასწავლებლით უკმაყოფილოა არტემა, რადგანაც მასწავლებელი გლეხკაცობას ექომაგება, აფხიზლებს, პირდაპირ ეუბნება: „ისწავლეთ წიგნი-ანგარიში, რომ მდიდრებმა აღარ გაგძარცვონ“. მასწავლებელი ხალხს არიგებს, და არტემას მოწმობას აღარ აძლევენ, რომ მას პატენტი აელო. არტემაც, რასაკვირველია, მასწავლებელს მტრობს, „ნაჩაღნიკთან“ აბეზლებს. მასწავლებლის საქციელს არტემა „ბუნტს“ ეძახის და „ბუნტი“ კი მისთვის არ არის ხელსაყრელი, ისე როგორც „ნაჩაღნიკისათვისაც“. არტემა და „ნაჩაღნიკი“, მწერლის გაგებით, კლასობრივად ნათესავეები არიან, მათ საერთო მისწრაფება და ენა აქვთ.

გლეხთა გამოქომაგება მიუღებლად მიაჩნია სოფ. აცხას მცხოვრებ

<sup>15</sup> ვ. ლენინი, ნაროდნიკობის ეკონომიური შინაარსი და მისი კრიტიკა ბ-ნ სტრუვეს წიგნში, თხზ., ტ. I, 1949, გვ. 497—498.

აზნაურსაც: „რაც ბატონყმობა გადავარდა, — მწუხარებით ამბობს იქაური აზნაური, — მოჯამაგირეს ველარ ვშოვობთ. გლეხი კაცი, რაკი თავზე ხელს მოისვამს და გაჭირვებას ამოუვა, აღარც მუშად, აღარც მოჯამაგირედ, აღარც სამეზობლოდ ის აღარ მოგიდგება — მუშაობს თავისთვის და მერე ისე, რომ წელებზე ფეხს იდგამს. შენი მტერი, იმიტომ როგორი ცუდი დღე დგება ჩვენი კეთილშობილებისათვის. აბა, მუშაობა ხომ ჩვენ არ შეგვფერის და მამულები ვის დავამუშავებინოთ? ჩვენ სული ხო იქიდგან გვიდგას, კიდეც კარგი, თუ მოხერხებული კაცი ხარ, თორემ უხერხოთ და უშაროთ ეხლა კეთილშობილი ვერ იცხოვრებს. აი მე ვენახები შიგ შუა სოფელში მაქვს და არა ვლობავ: შემოვა გლეხის ხარი, დავატყვევებ და, მანამ ერთი დღე არ მიშველის, არ მივცემ, ხბო შემოვა—ისე უზამ, სხვა და ისე... მიწებიც ღვთით მაგრე კი ალაგს მაქვს და მაგით მივდივარ იოლათ. თან კიდეც ხალხს ვაშინებ—ძალით ჩხუბს აუტეხ, თუ დავატყე რომ ამაყი გლეხია, სუდში მევე უჩივლებ და, ხო იცი, გლეხი სამართალში რა არის? ცამდის მართალი რომ იყოს, მე მოუგებ და ისე მოვრწვთნი, მოვარბილებ, რომ ჩემს მზეს ფიცულობდეს“...<sup>16</sup> ასეთი საზიზღარი, უზნეო, ანტისაზოგადობრივი აღსარებით აცხელ აზნაურს თავიც მოაქვს. ვაჟკაცობადა და ხერხიანობად მიაჩნია თავისი ასეთი მოქმედება.

ასეთივე ცინიკურია ჩარჩი არტემას აღსარება, თუ თავმოწონებით თავისი ავტობიოგრაფიის მბობა. „შენთან რა დავმალო, — კმაყოფილებით ეუბნება არტემა ავტორს, — და მე ეს ოცი წელია, რაც ყარაბალიდგან მოველ კუნჭულში. როგორც გინდა თქვი, ნიფხავი არ მეცო. ერთი ყისინის ჩოხაში გახვეული, რვა ხარი მოვიყვანე გასასყიდათ. ს. აცხაში დავყიდე და იღბალიც იქ ვიპოვე. ეჰ, ღმერთი მართლაც კაცს არ დაჰკარგავს. მე ისეთი გონება და შნო მაქვს, რომ ყველგან ბედს ვიპოვიდი“<sup>17</sup>.

სოფ. აცხაში არტემა მალე დაუახლოვდა თავად თალიაძეს. არტემამ თავისი მოთაფლული ენითა და მლიქვნელი ხასიათით მალე დაიმსახურა როგორც თავადის, ისე მისი კნეინას ყურადღება და ნლობა. მიიღო მოურაობა. დაიწყო გლეხების დაბეზლება თავადთან. ტყავი გააძრო გლეხობას. გაძარცვა ისინი. გასუქდა არტემა და სთხოვა თავადს დაეთხოვა ის მოურავის თანამდებობიდან, რადგანაც სოფ. აცხაში დუქნის გახსნას აპირებდა. თავადი თალიაძე თვითონვე დაეხმარა არტემას დუქნის გახსნაში. „ისეთი ვაჭრობა მქონდა, რომ ქონიანი ფართუკის გარეცხასაც ველარ ვახერხებდი. სულადი, კვერცხები, ქათმები ისე შემოდრიოდა,

<sup>16</sup> შ ა ქ რ ო, ბედნიერი კუნჭული, გვ. 17.

<sup>17</sup> ი ქ ღ ე, გვ. 12—13.

როგორც ბზე და მალეც მთელი სოფლის ვენახები დავიგირავე ნელ ნელა... და ახლა ისე მომიმართა ღმერთმა ხელი, რომ მთელი უეზღის ვენახები, მიწები მე მაქვს დაგირავებული. ოცი დუქანი მექნება, ქ. გ— ში სახლები,—ესეც სახლი. მარტო ღვინო და პურს წელიწადში ხუთასი თუმნისას ვყიდი!“<sup>18</sup> ასეთი იყო ჩვეულებრივი გზა ჩარჩთა გამდიდრებისა და გადიდკაცებისა.

ზაქარია გულისაშვილს, როგორც ხალხოსან მწერალს, გლეხის მდგომარეობის გაგება-დახატვაში კიდეც შემდეგი ნაუანსი ახასიათებს: მისი აზრით, გლეხკაცის ასეთი აუტანელი მდგომარეობა მარტო აწმყოში კი არ არის, არამედ ასევე იყო წარსულშიც.

მწერალს გლეხის მდგომარეობა წარსულშიც მძიმე და გაუზარელ ფერებში ეხატება. მისი შეხედულებით, გლეხკაცი დასაბამიდან უაღამიანო პირობებში იყო ჩაყენებული. მებატონე მას დაუზოგველად ავიწროებდა, იყენებდა, ანადგურებდა, წარსულის მოგონებანი მძიმე ლოლად აწევს გლეხის ტვინს, მეხსიერებას, გულს.

მეტად მკვეთრია გლეხის მდგომარეობის აღწერა აზმეიფარაშვილის ნაამბობში. „უწინდელი, ძრიელ დიდი ხნისა — მამით-პაპიდგან გამმოცემული ვიცი... რომ გლეხს შავი დღე ედგა თავის ბატონის ხელში! უფრო მაშინ, როცა ბატონს საომარი აღარავისთან ჰქონდა და შინ ეგდო მკონარსაებრ, ამით მე იმათ საფლავში წიხლის დარტყმა კი არ მინდა, არა... თუმცა გლეხებს კი სულ წაქცეულებს გვახრჩობდნენ... როცა ბატონი უსაქმოდ იყო ხოლმე, აბა მაშინ ისმოდა ი ჯოჯოხეთზე უარესი მოსაგონი სიტყვები: „ავებუმბლოთ“ თუ „ავკარკლოთ“: ბატონი დადიოდა ხოლმე ლაზებით, გაშინაურებული ლეკებით ყმების კარდაკარ, შაუარდებოდათ მათ სახლში. თანამხლებლები დაიძახებდნენ: „ავებუმბლოთ“ თუ „ავკარკლოთ“. და თუ ბატონი ეტყოდათ „აბუმბლეთო“, ერთ ორიოდ-სამიოდ დედაკაცსა, თუ კაცს შეჰკრამდნენ და გაგზავნიდნენ გასაყიდად და თუ იტყოდა „აკარკლეთო“, მაშინ მთელ ოჯახს აიკლებდნენ და ხალხს ხელფეხ შეკრულს გაგზავნიდნენ ახალციხისაკენ გასაყიდად... ჩემს მოსწრებაშიაც მაგრე გახლდათ: თუ ერთი თვე გავიდოდა, რომ ბატონს ან არ ეომნა, ან არ ეჩხუბნა, არ ედავლავნა, თავის ხორცს იგლეჯდა და ყმებს ხომ... ის უსაქმობა, მოუსვენრობა, შხამიანი სისხლი აკი არც ეხლა ასვენებთ! ყმებიც იმასთან ომებში, სისხლის ღვრაში იყვნენ გაქეზებულნი და ომი ერჩივნათ ისე ჯდომას და ბატონისაგან აკლებას“<sup>19</sup>. გლეხი აზმეიფარაშვილი ჩამოთვლის ბატონისაგან მიყენებულ არა ერთ უდიერ მოპყრობას გლეხისადმი. მოთხრობა მკითხველზე ტოვებს მძიმე მოგონებათა განუწყვეტელი გრეხილის შთაბეჭდილებას.

<sup>18</sup> შ ა ქ რ ო, ბენდიერი კენჭული, გვ. 14.

<sup>19</sup> ი ქ ვ ე, გვ. 21—23.

ამიტომ არა მარტო გლახაკებს, არამედ თვით ავტორსაც და მის მკითხველსაც ეს ძველი მოგონებები, როგორც კოშმარი, ისე აწვება.

ძველი ახალში გადმოდის. ურთიერთობა გლახსა და გაბატონებულ ფენათა შორის სჭრის მას თვალს, უყურებს სმენას, უღონებს გულს და, თითქოს კინოს ლენტზე, მწერალი ისეთი სისწრაფით გაატარებს მკითხველის წინ წინააღმდეგობით სავსე სოფლის ცხოვრებას, სადაც წარსული და აწმყო ერთს ძლიერ მძიმე სურათში იგრძნობა, „აი, მიდგება თვალწინ, — აგვიწერს მწერალი, — საზარელი სურათი: მხარბეჭიანი გლახი ვეებარა თავლაში შეფთავეს, არ ჰმორჩილდება... იქაურობას გააქვს ბრავაბრუგი, ბატონი კი ჩიბუხით პირში ყვირის: „წააქციეთ!“ აკერ დასძლიეს... გააქვს შხუილი შხეპლებს... დგება სისხლის გუბე და ზედ ხორცის ნაგლეჯები ტივტივობენ... მგვრამ გმირი ხმას არ იღებს... ათასში ერთხელ თუ ამოიკენესებს!.. აგერ, ბოლო კენესა, და ის როზგ ქვეშა სულსა ლევს... იქვე ბატონის სახლში... კნინები არაკრავებენ „სულო, ვაი ბოროტო! ვინ მოგ“... და სხვა. რო გაათავებენ, ატყდება საშინელი ღრიანცელი—ტაშის კვრა და ისევე თავიდგან გაისმის საამური ხმა „სულო, ვაი ბოროტო“... აი უცებ სიჩუმე... კარზე ჭილობებწაფარებული, დარუმბებული ცემისაგან ურმით გლახი — ზედ ბუზების ბზუილი — უცებ დიამბეგის ხმა: „დაჰკათო“ და ის ჯოჯობეთის ზმუილით სულს სტრუნავს—ათავენს სიცოცხლეს... მერე კი შეუწყვეტილ მღერა „სულო ბოროტოსი“, ხარხარი, სიცილი... ისმის აგრეთვე „აბუმბლე“, „აკარკლეც“ ისმის ამ ვაი-ვაგლახში... აქვე ერევა ხმა არტემასი, ქიტესასი, პრისტავისა, აზნაურისა,—„გაჭირვება გლახს, უიმისოთ მაგას უღელში ვერ შევებათ, ჩვენთვის ვერ ვამუშავეთ!...“ ჯოჯობეთშია, ის ოსტატია, რომელიც მაგ გლახებს ამაგრებს. გაუმარჯოს კალიაობას, გაჭირვებას, უმეცრებას!.. ისმის ბრავიბრუგი, ამათი დარევა“...<sup>20</sup>

ღიახაც, გულშემზარავი სურათია! და ეს ხომ ყოველდღიური სინამდვილე იყო გლახის ცხოვრებისათვის, არა მარტო ბატონყმობის დროს, არამედ ბატონყმობის გადავარდნის შემდეგ კიდევ კარგა ხანს. ის უშუალობა და ემოციონალობა, რომლითაც ავტორი ხედავს და აღწერს, უდავოდ, მკითხველზეც გადადის. მწერალი მოვლენების დახატვაში, როგორც ჩვეულებრივ ხალხოსანი მწერლები, უხვად სარგებლობს პუბლიცისტური მეთოდით.

საგულისხმიეროა ზაქ. გულისაშვილის დამოკიდებულება წარსულისადმი. ცნობილია რომ წარსულის იდეალიზაციას ერთგვარი დიდი ყურადღება ჰქონდა მიქცეული ე. წ. რომანტიკული მიმართულების მწერლების მიერ, როგორც რომანტიზმის განვითარების — ალ. ჰავკავაძის, გრ. ორბელიანის, ისე რომანტიზმის გადაგვარების დროის მწერ-

<sup>20</sup> შ ა ქ რ ი, ბენდიერი კუნჭული, გვ. 25—26.

ლების — ვახ. ორბელიანის, ბარბარე ჯორჯაძის, მამია გურიელისა და სხვათა მიერ.

წარსულის იდეალიზაცია, მართალია, განსხვავებული გავებით, ვიდრე რომანტიკოს მწერლებს, ახასიათებდა თერგდალეულ მწერლებსაც — ილია ჭავჭავაძეს, აკაკი წერეთელს, რაფ. ერისთავს და სხვათა.

ხალხოსნები ვერ ეგუებოდნენ წარსულის იდეალიზაციას. მათი აზრით ეს ისტორიული ფაქტების დამახინჯებაა. მათი შეხედულებით, ეს არც საჭიროა და საარგებლობაც არ მოაქვს. ასეთ შეხედულებას ხალხოსნები თავიანთი ორგანო „იმედში“ ხაზგასმით აღნიშნავენ, „ჩვენ ვიწყებთ შით, — აცხადებს ნიკო ხიზანაშვილი, — რომ ვამბობთ: ჩვენ გლეხი იურიდიულად იყო ყოველ მხრივ დაჩაგრული არსება“<sup>21</sup>.

ამ მიმართულებით „იმედის“ ერთ-ერთი თანამშრომელი 1881 წ. № 9-ში გარკვეულად აღნიშნავს, რომ „იმედის“ თანამშრომელნი წინააღმდეგ „დროება“—„ივერიის“ თანამშრომელთა მანინც და მანინც ძველს მაგდენად არა სწყალობენ და ქადაგებენ, რომ „საქმე სისხლშია და არა ძვალში, სიცოცხლეში და არა სიკვდილში, აწმყო მომავალში და არა წარსულშიო“.

ეს საკითხი ჩანს, ზაქ. გულისაშვილისათვისაც არსებითი ყოფილა, ამიტომ ის ამ საკითხს არაერთხელ უტრიალებს თავის მხატვრულ შემოქმედებაში. გელისაგან არა თავისუფალი კილოთი ზაქ. გულისაშვილი გადმოგვცემს წარსულის დახასიათებას: „მთლად ჩვენი საქართველო „მშვენიერიაო“, „ბედნიერიაო“... ჩაგვძახიან ყურში თითქმის ყველა წიგნები ქართულ ენაზედ, თუ ლექსები... არაფერი არ არის აქ საკვირველი თქვენმა მზემ. ქართველები ეხლაც ხომ ბედნიერები ვართ და წარსულ „ნეტარ“ დროს ხომ ბედნიერზე ბედნიერი ვიყავით... ოდეს ბატონი „ყმას უბით ინახავდა“, ესარჩლებოდა, რადგან საკუთარი მისი ნივთი იყო, თავის „უძვირფასეს სამკაულით“—„ქორწინების პირველ დამით“, როდესაც „უსწორ-მასწორ“ ძალებმა ისე შეკუმშეს ქართველთ ცხოვრება, რომ ის ლაზათიანად მოათავსეს ვახტანგის კანონებში. პო, ბედნიერი იყო ჩვენი ქვეყანა უწინ, და მიტომ უკუ უნდა ვძვრეთ მე-18, მე-17... და კიდევ უკანა საუკუნეების ხვრელებში, რომ ბედნიერზე ბედნიერები დავრჩეთ, როგორც მაშინ... გაუმარჯოს ისევ აბჯრის, რანტის ჟღერას, თოფის ქუხილს, ბატონყმობას!..“<sup>22</sup>

აქედანაც საკმარისად კარგად მოჩანს ზაქ. გულისაშვილი, როგორც თავისი ეპოქის (70—80-იანი წლების) შვილი, მისი საზოგადოებრივი ცხოვრების მაჯისცემის გამომხატველი, როგორც ტიპური ხალხო-

<sup>21</sup> ნიკო ხიზანაშვილი, უფლება და კანონი ძველ საქართველოში, „იმედო“, 1882 წ., № 11—12.

<sup>22</sup> შ ა ქ რ ი, ბედნიერი კენჭული.



სანი, — მხატვრულ შემოქმედებაშიც სოციალური ცხოვრების მკვლევარი, პუბლიცისტი—მხატვარი. მწერალი არავითარ საშუალებას არ ერიდება, ოღონდ მკითხველის ყურადღება გაამახვილოს გლეხის გაჭირვებულ-შევიწროებულ ცხოვრების გარშემო აღძრას მისდამი სიმპათია, მისი ცხოვრების გაუმჯობესების სურვილი.

4

ზაქ. გულისაშვილი კარგად ხედავს, რომ ბატონყმობის გადავარდნამ გლეხკაცობა ვერ იხსნა გაჭირვებისა და უუფლებობისაგან. ბატონყმობის გადავარდნის შემდეგ, მწერლის შეხედულებით, გლეხკაცის ყოფამ რღვევა დაიწყო. თვით გლეხთა შიგნით ხდება დიფერენციაცია. ერთი ნაწილი ვერ უძლებს ქვეყნის კაპიტალიზაციით შექმნილ პირობებს და გადატაკების გზაზე დგება. ეს ნაწილი ექსპლოატაციის საგნად გადაიქცა არა მარტო მემამულისა და სხვა „ყოველი მხრიდან“ მისეული მტრის, არამედ ხშირად თავისავე მოძმის ხელშიც. მეორე, მცირე ნაწილი გლეხობისა, ამ გაჭირვებულ მდგომარეობას თანდათან აძვრენს თავს შრომით, გაიძვერობით, მისდევს ვაჭრობას, უახლოვდება ექსპლოატატორებს, თანამედროვე ტერმინოლოგიით რომ ვთქვათ — კულაკდება. ეს ნაწილი ღატაკ გლეხობასთან კლასობრივ კავშირს თანდათან ჰკარგავს და მალე მოწინააღმდეგედაც გამოდის.

ეს მეტად საგულისხმეო მოვლენა ზაქ. გულისაშვილის მიერ შემჩნეველი არ ჩიება. „ჰე, ბატონო, ეხლა რაღა მაგონდება, როცა, როგორც ყველა მეტივეს, მეც ერთი ორასიოდე თუმანი ხმელი ფული მაქვს შინ. ჰე, ეხლა აღარ მაგონდება ჩემი სისაწყლე... ჰო, შენი ჭირი-მე, მაძლარს მშვიერი აღარ მახსოვდა მეტიობაში... რაკი გავმდიდრდი, ღორის ხასიათი მომეცა. ნამდვილი ღორი გავხდი, რომ მდომებოდა გაჭირვებაში ვისთვისმე შეველა, ღორი კაცი შიგნიდან მეუბნებოდა: „რას შვრები, რა შენი საქმეაო“<sup>23</sup>.

მეორე მოთხრობაში „ბედნიერი კუნძული“ ზაქ. გულისაშვილი უფრო მეტი სიცხადით გვიხატავს გაკულაკებული გლეხის ბუნებას. „მეც, — ეუბნება ავტორს თავის თავგადასავალს ჭიტესა გლეხი, — გლეხი გახლდით, მიწის მხვნელი, დილიდან საღამომდის თავჩალუნული პირუტყვივით ვმუშაობდი, ძილშიც ძვალრბილი მტკიოდა — თქვენი-სთანა კაცების მეშინოდა — ეხლა „ჰკუით“, ხერხით დავიწყე — ვვაჭრობ — ღამეც არხეინად მძინავს და ისეც არხეინად ვარ. — მერე ვხედავ, რომ პრისტავები ჩემთვის უფრო სარფაა — გლეხს რომ საქმეს უჭირებენ — ჩემთვის სარფაა... ხო იცი, თუ არ გაუჭირდა, არც სას-

<sup>23</sup> შ ა ქ რ ო , მეტივე.

ყილათ მოვა, არც ფულის სასესხებლადა... მაშ, მე რა, რომ გლახებს პრინტავმა ტყავი აძროს — ააშენოს მისი ოჯახი!“<sup>24</sup>

ზაქ. გულისაშვილი კარგად ხედავს ამ მოვლენის დიდ მნიშვნელობას, ახალ სოციალურ დაჯგუფებას და ახალ ურთიერთობას გლახთა შორის. სოფელში გაჩნდნენ ღარიბები, ლატაკები, ერთი მხრით, და თავი ანუ „წინა კაცები“, მეორე მხრით. ამ უკანასკნელთ ჩაუგდიათ ხელში სოფლის ცხოვრება — სახლ-კარიც, სახნავეიც, სათიბიც. მათ ჰყავთ ხარი და კამეჩი, მათ შეუძლიათ ხვნა, თესვა, მკა, გაღწევა. ისინი ივსებებიან. სახელმწიფო გადასახადებში კი უნდა უსათუოდ გაუთანასწორდნენ ღარიბებს — ერთნაირად გაიწერონ და ამას ახერხებენ იმიტომ, რომ სოფლის თავ-კაცებს ძალა აქვთ, მამასახლისიც, ბოქაულიც, მაზრის უფროსიც მათყენაა. ესენი გადაიქცნენ სოფლის ბატონ-პატრონად. „გალოს (ღარიბი გლახი. — მ. ზ.) სოფელში 12 ამორჩეული ანაწილებს კომლზე სახელმწიფო ფულს. ამათ ამორჩევაზე არც გალო და არც სხვა ჯურა ხალხი სოფლის ყაყანს არ დასწრებიან. ეხლა კი სოფლის კანცელარიის შიგნიდან ჩაკეტილ კარებს ბუზივით ასევიან და ცდილობენ თავიანთ ბედ-იღბლის განაჩენს ყური მოჰკრან. კანცელარიიდან კი მოისმის სოფლის სევდის ყროყინი:

— მეე, შვილო, შავიწერ ცხრა თოქმანს, მაგრამ შენც გვერდში მოგიყენებ! არ შეგიძლიან? აი დარდი! შაიძელ რა!

— შავიძლო? — უყვიროდა მოპასუხე — ი, გირავნობა რო გიწყვიტა ორმოცი საპალნისა, გამიყავ და შავიძლებ. ორი გუთნეული რო გყავ, ერთი მე მამე, ხვნით გავძლე და, ბატონი ხარ, ხარჯშიც შენთან ამომიყავ თავი!..

აი, მოისმა მწერლის მიერ ამოძახილი „გალოც“.

— ეგ ზიდავს თავის საკომლოს, — შეჰყვირეს გამწერთ ლანძღვისაგან გამოღეული ხმით. — ეყო მაგდენი სხვაზე აკიდება, — დინჯად დაუმატა ვიღამაც.

— ნუ აიკიდებ, რომ კულა ვირს და იმას სახელმწიფო გზაზე დღიურ ქვის მტვრევით სული ამოხდათ წლევანდლამდის, რომ ცოლ-შვილში ლუკმა მჰადი შეიტანოს, — უპასუხა ამაზე დაცივით მწერალმა.

— წელსა?! წელს ხომ მოუვიდა, შვილო?! — შეჰყვირეს სვავებმა ჩხუბის ხმით, — მაშ ყველას წინა კაცები გზიდავთ რაღა?!

მწერალმა ხმა გაკმინდა. თავბრუდახვეული დაბრუნდა გალო<sup>25</sup>. როგორც ბევრი სხვა იმის ჯურა კაცი, გამგონე თავის განაჩენისა ფეხ-აკრფითა და ლანძღვა-კრულვით შორდებოდა წყეულ კარებს.

ასეთია გამწვავებული ურთიერთობა გლახთა შიგნითაც. მეტად წრიოკდება შეუძლებელი გლახობა.

<sup>24</sup> შ ა ქ რ ო. ბედნიერ. კუნძული.

<sup>25</sup> მ ი ს ი ე ე, გლახი გალო, სოფლის ტაბარუჯა, „დროება“, 1882 წ., № 233.

საგულისხმეოა, რომ ზაქ. გულისაშვილი, შედარებით სხვა ჩვენ ხალხოსან მწერლებთან, მეტ ყურადღებას იჩენს ე. წ. საერთო მიწისმფლობელობისადმი. თავის ნარკვევში „მგზავრის შენიშვნა (საინგილოსა და ქიზიყზედ)“ მწერალი აღნიშნავს, რომ „გარე კახეთში, ქიზიყში, ქართველთაჲ ჰქონდათ საერთო მიწისმფლობელობა ფართო და მარტივი“ (ჰქონდათ, რადგანაც საერთო მიწისმფლობელობა XIX საუკუნის მიწურულში უკვე, შეიძლება ითქვას, სრულად დარღვეული იყო).

ზაქ. გულისაშვილი ხსენებულ ნარკვევში ამ ცნობას შემდეგ შენიშვნას უკეთებს: „ჩერ არავის არა უთქვამს რა ამგვარ ჩვენ საერთო მიწისმფლობელობაზე ქიზიყში თუ გარე კახეთში, სადაც სოფლებ შორისაც არ არის დაყოფილი სახნავ-სათესი... ხნავ, საცა ვინდა და რამდენიც გინდა. მარტო არ უნდა მოხნა სხვის ნასიმინდარი. რადაო? რომ ჰკითხო ხალხს — გიპასუხებენ: ნასიმინდარი ვენახივით არის; მთელი წელი შიგ თოხს ატრიალებს პატრონი და როგორ მოჰხნავს სხვა... ბევრი, ბევრი რამ წმინდა ადათები არსებობენ ჩვენს ხალხურ სამართალში, რაზედაც ჩვენდა სამარცხვინოდ თვალყური არ გვიჭირავს, თუმცა საშიშია, რომ მალე მტარვალნი დრო იმსხვერპლავს მათაც...“

ამ ადათის კარგ, სასარგებლო მხარეებს შლის ზაქ. გულისაშვილი ამავე ნაწარმოებში. ასეთი ადათი თუ ჩვეულება, მწერლის დაკვირვებით, ყველაზე კარგად ყოფილა დაცული საინგილოში, სადაც, მწერლის შენიშვნით, „უკიდურესი მდიდარ ღარიბობა არ არსებობს. მიზეზი ამისი, — განმარტავს ავტორი, — სხვაც არის, მაგრამ უპირატესი კი იმეტად შესანიშნავი მიწისმფლობელობის სისტემა გახლავთ“.

მწერალი ამ ჩვეულებით თუ ადათით გაკეთებულ და შენახულ სოფელს ერთგვარი სიმპათიით ასე აგვიწერს: „ინგილოები მომეტებულად რიგზე არიან დასახლებულნი: სახლები გზის აქეთ და იქითა ნაპირებს მისდევენ გაყოლებით. ყველას აქვს სათემო მამულიდან მოკრილი მშვენიერი ვაკე გზა. ეზოს იქით სავენახე: ამ უკანასკნელს მისდევს ხილის ბაღი. მერე სათიბი, სათიბს შემდეგ ისევ სათემო მიწები იწყება, სადაც ყოველი ჯამაათი ირჩევს საჩალთუკე მიწებს და ანაწილებს კომლობრივ. აგრეთვე ყოველ წელს იქვე ირჩევენ საპურე მიწებს და ჰყოფენ. საბოსტნეც ყოველ წელს ირჩევა და იყოფა ოჯახობის რაოდენობის მიხედვით, საბოსტნეს ნახვაა მეტადრე სასიამოვნო. აი, შედინხართ, ვსთქვათ, სოფ. ყორღანში, თქვენ გხვდებათ ყორღანელების ბოსტნები ერთად მოხსული, მერე განაწილებული. მიჯნები, რომელზედაც დათესილია სიმინდი. ყველას ბოსტანში უთესია ნესვი და საზამთრო. საზოგადოებას საბოსტნეს თავში დაურჭვია უშველებელი ხეები და ზედ გაუმართავს საყარაულო. ყოველი ოჯახი თავის წილში სწყვეტს სამყოფ საზამთროს და ნესვს“<sup>26</sup>.

<sup>26</sup> შ ა ქ რ ა, მგზავრის შენიშვნა, ქურონ. „ივერია“, 1882 წ., № 11.

ზაქ. გულისაშვილი მიწისმფლობელობის ასეთი გონიერი ადათით ხსნის ინგილოთა სოფლების დოვლათიან ცხოვრებას. მწერალი წერს, რომ ეს ადათი თანდათან იბზარება, ირღვევა, სურთო მიწისმფლობელობის უპირატესობის აღიარებასთან ერთად, მწერალი იჩენს საინგილოს ყოფა-ცხოვრების ძალიან კარგ ცოდნას და ეთნოგრაფიულ მასალებს ხერხიანად ურთავს მოთხრობა-ნარკვევში. ესეც ხომ დამახასიათებელი იყო ხალხოსანი მწერლებისათვის!

## 5

მწერლის მიერ დახატული გლეხობის ცხოვრების გაცნობის შემდეგ მწერალთან ერთად მკითხველიც მტკივნეულად გრძნობს: ხალხს შევლა, ხსნა ესაჭიროება. ვის, ან რას შეუძლია ამ ხალხის მდგომარეობის გაუმჯობესება?

ეს მღელვარე კითხვები ჩვეულებრივ დგებოდა ხალხოსნების წინაშე. ზაქარია გულისაშვილის წინაშე მთელი სიმწვავეით დგება ეს კითხვები. როგორც ეს კულტურტრიგერი ხალხოსნისათვის იყო დამახასიათებელი, ზაქ. გულისაშვილიც გამოსავალს ხალხის ცხოვრების კულტურული დონის ამაღლებაში ხედავს. მისი შეხედულებით, ეს გარემოება გააადვილებდა ხალხის — გლეხობის დარაზმებას მისი ეკონომიური და პოლიტიკური მდგომარეობის გაუმჯობესებისათვის საბრძოლველად.

ამ მიზნისათვის კი ისეთ ღუხჭირ პირობებში, რომელშიც ცხოვრება და მოღვაწეობა უხდებოდათ ხალხოსნებსა და, კერძოდ, ზაქ. გულისაშვილს, ყველაზე გამოსაყენებელი იყო სკოლა, სოფლის სკოლა და მასში მომუშავე მასწავლებელი.

ზაქარია გულისაშვილი კარგად ითვალისწინებს სკოლის, განსაკუთრებით სოფლის სკოლისა და მასწავლებლის დიდ მნიშვნელობას ხალხის აღთქმის ქვეყნისაკენ შეგნებული მსვლელობის აჩქარების საქმეში. ამიტომ ის ხშირად, ძალიან ხშირად უბრუნდება ამ საკითხს. ზაქ. გულისაშვილიც ხომ ერთ-ერთი პრაქტიკული მოღვაწე იყო ამ ასპარეზზე მთავრობა მას, მიზეზის აუხსნელად, დაუნდობლად ერთი სოფლიდან მეორეში ამწესებდა, ვინაიდან მის პრაქტიკულ მოღვაწეობას უნდობლობით ეკიდებოდა.

ზაქ. გულისაშვილმა კარგად იცოდა გლეხის ცხოვრება. თვითონაც ხომ ამ ფენიდან იყო გამოსული. სამსახურის დროს უფრო შეგნებულად და ახლო მივიდა მასთან, უფრო ახლო შეისწავლა გლეხის ცხოვრება, სკოლისა და მასში მთავრობის მიერ დანიშნული მასწავლებლების „საქმენი საარაკონი“. ამით აიხსნება, რომ მწერალი საქმარისი სიმკვეთრით იძლევა კრიტიკას არა მარტო ამ მასწავლებელთა უარყოფითი მოღვაწეობისას, არამედ მთავრობის სახალხო განათლების პოლიტიკისას. „ამ

ორ სოფლიდან (საინგილოში. — მ. ზ.),—აგვიწერს ავტორი,—დაუწყია მაინც «ცივილიზაციის» შეტანა მთავრობას: უშველებელის გალავნით გამოპრანჭულან აქ ნაიბთა სასახლეები: იმათ პირის ფარეშად გვერდზე მშვენიერ გალავნით და სასახლით სკოლაც ამართულა... მაშ სკოლა არ არის ცივილიზაციის შეტანა? ნამეტნავათ კაკის სკოლა, სადაც უბადრუკ რუსს, სამოქალაქო სასწავლებლიდან გამოგდებულს, თიონეთიდან მეტისმეტი განათლების მომხრეობისათვის გამოპანჩურებულს, აქ ეძლევა საკმაო ფულები, რომ ინგილონი გაანათლოს ნაიბთა ზედ დამატებით... ეს გახლავთ ღვაწლი ინსპექტორის ლიხაჩევისა, რომლის ოინებს თაბახები მოუნდება ასაწერად... სხვათა შორის, არ ვიცი რა მოსაზრებით, ეს ბატონი მასწავლებელს მამასახლისებს უქვემდებარებს, ქართულს სრულებით სდევნის სკოლებიდან და რუსს უგზავნის მასწავლებლად უშველებელს და ყველა მომსპობ ვაების შემდეგაც ქართულად მოუბარს ინგილოებს»<sup>27</sup>.

ამ კუთხის მოსახლეობის გაცნობა საგულისხმიერო უარყოფით მხარეებს დაანახვებს მწერალს ხელისუფლების ხალხისადმი დამოკიდებულების მიმართულებით. მთავრობა არა ზრუნავს ხალხზე. უყურადღებოდა დატოვებული მასები. ყველა სარგებლობს ხალხის დაბეჩავებული მდგომარეობით. ხალხის ცხოვრების მახინჯი პირობების გამო შფოთავს მწერალი. «უმეცრობას, — გესლიანად წერს ზაქ. გულისაშვილი, —ეტყობა ებრძვიან გულაკელები, რადგან მეჩეთები და სკოლები ბლომადა აქვთ... ჰე, მართლა არ იფიქრო, მკითხველო, რომ ვითომ აქ სკოლის საქმეს რაიმე ფესვი ჰქონდეს გამდგარი. მაჰმადიანთ მეჩეთები სკოლებითურთ უფრო ამახინჯებენ ხალხის ცხოვრებას ბ-ნ ლიხაჩოვის სკოლებთან ერთად»...<sup>28</sup>

საგულისხმიეროა, რომ ზაქ. გულისაშვილი სასტიკი წინააღმდეგია სკოლების ეკლესიებისადმი დამორჩილებისა: «სკოლები და მეჩეთები საშინელ რელიგიურ წრთენის კალაპოტში სამყოფველად არსებობენ ამ უშველებელ სოფელში...» ასეთი დამოკიდებულებაც სკოლებისადმი ტიპური იყო ხალხოსნებისათვის.

ამ გარემოებებმა ნართა და ეკლით მოკირწყლეს სოფლის სკოლის მასწავლებლის ისედაც მძიმე და რთული მოღვაწეობის გზა. ხშირი იყო მოვლენა, როდესაც ასეთ პირობებში სოფელში მისული იდეური მასწავლებელიც კი მალე იმედგაცრუებული, გულგატეხილი ხელებს ჩამოყრიდა და აღებულ გზასა და მიზანს გადაუხვევდა ხოლმე („დავკარგე ყოველისფერი“—მასწავლებელი). დიდი ზნეობრივი და იდეური ძალა იყო საჭირო, რომ მასწავლებელი მალე ლაჩრულად არ გაქცეოდა ამ თუმცა მეტად პატიოსან, მაგრამ მეტად მძიმე და უმადურ ასპარეზს.

<sup>27</sup> შ ა ქ რ ო, მგზავრის შენიშვნა.

<sup>28</sup> ი ქ ვ ე.

ზაქ. გულისაშვილიც ხომ ახლო იცნობს სოფლის ამ პირობებს! ის ხომ კარგად იცნობს და მწვავედაც განიცდის არა მარტო სოფლის სკოლის მასწავლებლის მოღვაწეობის უხეშ შევიწროებას, არამედ ამასთანავე სოფლის სკოლის სასწავლო პროგრამის სულის ინტერესებთან შეუფერებლობას, შეუთანხმებლობას და აგრეთვე მის მეტად შეზღუდულ ხასიათს — შინაარსს. ზაქ. გულისაშვილი თავის მრავალჯერ გადატანილ ტკივილებს ასე გამოხატავს მასწავლებლის პირით: „რა უნდა გამოვიდეს სოფლის სკოლიდან შაგირდი? — მე დარწმუნებული ვარ, რომ ან სოფლის ყლაპია მოხელე და ან არა უფრო სალახანა სოფლის მწერალი, ან ჩარჩი მედუქნე, ქვეყნის მძარცვავი“<sup>29</sup>.

სოფლის ცხოვრება, მწერლის სწორი დაკვირვებით, ისეა მოწყობილი, რომ ძვალ-რბილში აქვს გამჯდარი ყველას და თვითონ გლეხსაც „ცრცენა“. „აი მეც, — ერთგვარი გულისწყრომით, სოფლის ცხოვრების სიმახინჯის დაუძლეველი განცდით გადმოგვცემს მასწავლებელი, — თავის სასარგებლოდ უფრო „ყლაპია“ გლეხები მხმარობენ: მაწერინებენ კანდრახტებს, პირობებს, ვექსილებს და სხვა. საწყალი დულულა გლეხი ძლიერ არის დაშინებული — ისე, რომ ვერ მეკარება, არც მენდობა. ჩვენ ხასიათებით, თუ სხვა გარემოებებით, უფრო მათ მძარცველებს ვგვევართ, ვინემ გლეხის მომხრეებს — დაჩვეული არ არის შველას და იმიტომ თვითონ ებრძვის თავის ბედისწერას — ავად თუ კარგად“.

ამიტომ მასწავლებელს, რომელიც შეგნებულად მიდიოდა ამ ეკლიან ასპარეზზე, — და ასეთები იყვნენ ხალხოსნები, — ასეთივე შეგნებით იყო გასული ამ სარბიელზე თვით ზაქ. გულისაშვილიც, — უნდა გამოეჩინა ხასიათის დიდი სიმტკიცე, დიდი გამძლეობა, რომ არსებული წყობილების მარწუხებს უმალ არ დაემსხვრია ის. ნამდვილ ხალხის მასწავლებელს გამუდმებით უხდებოდა წინააღმდეგობის გაწევა ხალხის მტრებთან — მემამულესთან, ვაჭართან, ადმინისტრაციის სხვადასხვა წარმომადგენლებთან, რომელნიც გლეხკაცობას ყორნებსავით დასტრიალებდნენ.

აი რას ეუბნება გასალახანებული ბოქაული ავტორს, რომელიც მოგზაურობის დროს ესტუმრა თავის მეგობარ სოფლის მასწავლებელს: „შენ ი ოსტატთან იყავ? ჰო, რა კაცთან ყოფილხარ?! ერთი მებუნტე, თავის ქერქში დაუდგომელი! ხალხს ეუბნება პრისტავს, თუ სხვა ჩინოვნიკს, ზღვნებს ნუ აძლევთო, ცემა არავის შეუძლიან და ნუ ეცემინებთო... თუ გცემთ ვისმე მამასახლისმა, აქტი შეუდგინეთ და ნაჩაღნიკთან გაგზავნეთო“<sup>30</sup>.

სოფლის მასწავლებლის ასეთი მოღვაწეობა, რასაკვირველია, უფრო

<sup>29</sup> შ ა ქ რ ო, ბედნიერი კუნძული, გვ. 19.

<sup>30</sup> ო ქ ვ ე, გვ. 27.

ახლებდა ყლაპია მოხელეებს და გამწვავებული მდგომარეობა გლესა და ადმინისტრაციას შორის მასწავლებლის წინააღმდეგაც მიიმართებოდა ხოლმე.

მარტო ბიუროკრატიული სახელმწიფოს მოხელენი კი არ არიან ამხედრებულნი ოსტატის ხალხისადმი გამოქომაგებით. ასეთსავე მტრულ დამოკიდებულებას მის მიმართ იჩენს ადგილობრივი მებატონეც, რომლის ურყევი რწმენით გლესისათვის წიგნი არ არის საჭირო. მებატონეს ტვინში მაგრად აქვს ჩამჯდარი შიში გლესის ვალეიძებისა, ამიტომ ჭიუტად გაიძახის: „რო ისწავლონ რამე (გლესებმა. —მ. ზ.) კისერზე წამოგვახტებიანო. ეგ (მასწავლებელი.—მ. ზ.) კი დამდგარა და, პატარებს ჯანი ვავარდეს, დიდებსაც ასწავლის. გლესს თავს უყადრებს და ამიტომ ჩვენც ძალად არ გვაგდებენო“<sup>31</sup>... ამგვარსავე საჩივარს ოსტატზე აცხადებს აქციზის „ჩინოვნიკი“. ყველა, გარდა დაჩაგრული გლესკაცობისა, ამ მასწავლებლის წინააღმდეგაა ამხედრებული.

სინამდვილის ნახვითა და განაგონით შეძრწუნებული ავტორი აი როგორ გაფრთხილების წერილს წერს თავის მეგობარს სოფლის მასწავლებელს: „მეგობარო! მე როგორც შევიტყვე გარემოებიდან, შენ აცხაში არ გედგომება და თუ არ გინდა... ხელებშეკრული ვიზიტით „ნაჩალნიკთან“ მოგიყვანონ... უნდა აიბარგო მანდღეგან. პროვინციაში სიმართლე წინააღმდეგი ნივთია. თუ გნებავს, სადალაქო გააღე ზედ წარწერით: „აქ ჰკრეკენ, ჰპარსავენ და სისხლს უშვებენ“, მაშინ ტკბილი, ტკბილი იქნება შენი ცხოვრება... რას იზამ? თუ უსწავლელებს სცემენ — ნასწავლებს უფრო“...<sup>32</sup> მაგრამ ყველაზე საგულაჯხმიერო ავტორის ბოლოში მინაწერია: „ესეც გაიხსენე, რომ შკოლით შენდებოდეს ქვეყანა, ორმოც წელში მთელი ქვეყანა გაბედნიერდებოდა... ჯერ ცხოვრება — მერე შკოლა! ჯერ ეკონომიური რიგიანი წყობა და მერე მორალური“...<sup>33</sup>

ჩანს, ზაქ. გულისაშვილი არ იფარგლება მასწავლებლის ვიწრო მოქმედების ასპარეზით. მას ჰსურს ცხოვრების ფართო, მრავალმხრივი გარდაქმნა: „ჯერ ცხოვრება — მერე შკოლა. ჯერ ეკონომიური რიგიანი წყობა და მერე მორალური“. დიახ, ეს მართალი გაგება იყო, და ეს გზა თხოულობდა დიდს გატაცებას, უნარს, მსხვერპლს. ხალხოსნებმაც სცადეს მოღვაწეობა ამ მიმართულებით და, მიუხედავად მოღვაწეობის ზოგიერთი მცდარი დებულებისა, ბევრი, მართლაც, პირდაპირისა და კეთილშობილურის გაგებით, „საქმენი საგმირონი“ გააკეთეს „ხალხში სიარულით“.

<sup>31</sup> შ ა ქ რ ო, ბედნიერი კუნძული, გვ. 27—28..

<sup>32</sup> ი ქ ვ ე, გვ. 28.

<sup>33</sup> ი ქ ვ ე.

„ხალხში სიარული“, როგორც ზემოაღნიშნულიდან ამკარავდება, ჩვენ ხალხოსნებსაც იტაცებდა. ისინიც გავიდნენ ხალხში, ხან „ხალხის მოკეთის“, ხან „ერთობის კაცის“ სახელით. ზაქ. გულისაშვილის მხატვრული შემოქმედების გაცნობა (რასაკვირველია, განსაკუთრებით მხედველობაში გვაქვს მწერლის მოღვაწეობის პირველი პერიოდი) მკითხველს მკვეთრად აგრძნობინებს ავტორის გატაცებას ხალხში გასვლისა და უშუალოდ მასთან მოღვაწეობის იდეით.

როგორც ზევით დავინახეთ, ზაქ. გულისაშვილსაც, სხვა ხალხოსან-ბელეტრისტების მსგავსად, ახასიათებს ხალხში გასულის, ხალხისათვის უკეთესი მომავლის, თუნდაც დიდი მსხვერპლის გაწირვით, მოპოვების სურვილით გატაცებული ადამიანის სახის დახატვა.

ხალხოსანი მწერლებისათვის წერის ასეთი მანერაც დამახასიათებელი იყო. ამ მხატვრული სახის („ხალხის მოკეთის“) დახატვაში ხალხოსნები თავის „მე“-ს ასახიერებდნენ. ისინი ვრცელ შესავალში აღნიშნავდნენ ხოლმე იმ მოვლენებს, რომლებიც აიძულებდა მათ ხელში კალამი აეღოთ. შეთხზულ სახეში ისინი ჭარბად აწნავდნენ ავტობიოგრაფიულ ელემენტს. ნაწარმოების მთავარ მოქმედ პირს თავისი პირადი განცხადებისა და მისწრაფებების მატარებლად სახავდნენ

ამით აიხსნება, რომ ხალხოსანა მწერლები, და კერძოდ ზაქ. გულისაშვილი, ხშირად არღვევენ მოთხრობის გადმოცემის ჩარჩოებს და მოქმედი პირის საშუალებით მკითხველთან საუბრობენ, მას ეკამათებიან, უმტიციებენ, არწმუნებენ, გზას უჩვენებენ. ამიტომაც მათ შემოქმედებაში, და კერძოდ ზაქ. გულისაშვილის შემოქმედებაში, მხატვრული კანონზომიერება ხშირად დარღვეული: ზოგი ნაწილი ზედმეტად გადიდებულია, ზოგი შემცირებული; ხან მხატვრული სახეა დიდი ემოციონალობით მოცემული, ხანაც მწვავე ბოღმით, აღშფოთებით, შურისძიებითა და ზიზლით სავსე პოლემიკა-პროპაგანდაა გაშლილი. ამიტომაც, რომ ხალხოსნების შემოქმედება, და ზაქ. გულისაშვილისა კერძოდ, თავისებურა შერწყმაა მხატვრული შემოქმედებისა პუბლიცისტურთან.

ეს თვისება დამახასიათებელია ზაქ. გულისაშვილისათვისაც. მისი გმირები ხშირად მისი პირადი ტკივილების, მოქმედების, მისწრაფებების მატარებელი არიან.

ზაქ. გულისაშვილი ამგვარი ხალხოსნის სახეს გვაძლევს „მეტივეში“ ჩალოლადის სახით; სხვადასხვა ნაწარმოებში, სადაც მწერალი თვით ლაპარაკობს და მოქმედებს. ამ გმირის, როგორც სხვათა, ავტობიოგრაფიულ ხასიათს ადასტურებს მწერლის ბიოგრაფია, მისი მოღვაწეობა,



ყველაზე სრულად ამ ახალი ჯურის ადამიანის სახეს ზაქ. გული-საშვილი იძლევა რომანში „განთავადი“ — სიმნოსა და პოლე ჭაფოიძის სახით.

ვიდრე სიმნოსა და პოლე ჭაფოიძის გაცნობას შევუდგებოდეთ, გაკვრით მაინც უნდა შევჩერდეთ თბილისის სასულიერო სემინარიის რეჟიმზე, რომლის უარყოფითი და ბავშვთა დამახინჯებული სწავლა-აღზრდის სისტემა მუქ ფერებში აქვს მოცემული ჩვენს მწერალს. ზაქ. გულისაშვილი ბურსის დახატვაში, ალბათ, რუსი მწერლის ნ. პომიალოვსკის ერთგვარ გავლენას განიცდის.

მწერლის დახატვით მოსწავლეები სემინარიის რეჟიმით გონებრივადაც და ზნეობრივადაც გადაგვარების გზას ადგებოდნენ. „ბურსაში სწავლა კი არა, — აგვიწერს ავტორი, — ტანჯვა იყო. აქ მასწავლებლები გაკვეთილებს არასოდეს არ ხსნიდნენ. მარტო კარანდაშით უნიშნავდნენ — „აქედან აქამდის“. მეორე დღეს ეს შეგირდს ზეპირად „ცენზორთან“, — უფროს ამხანაგებთან, უნდა ეთქო და, თუ ერთი სიტყვა შეეშლებოდა, „ცენზორი“ წიგნში იცქირებოდა და მაშინვე „არ იცის“ დანიშნავდა დავთარში. „ცენზორი“ შენივე ამხანაგთაგანი იყო. ამ თანამდებობას დიდობაზედ უფრო აძლევდნენ და არა სწავლაზედ. მეორე დღეს მასწავლებელი საბუთს არ ვიცისას ჰკითხავდა დავთარში ასე ჩაწერილებს, თუ ვერას იტყოდა საბუთათ — „ჰაერშიო“ შესძახებდა და შენივე ამხანაგები აგწევდნენ თავსა და ფეხებში, თანაც დაგიშენდნენ როზგს. თუ ჰაერში არა, დაჩოქებას, სახაზავის დარტყმას, თმის დაგლეჯას ან კუუკუს მაინც კერ გადაურჩებოდი, და თუ გამართლება გინდოდა, ზეპირათ „აქედან აქამდის“ უსუნთქებლივ უნდა გეთქვა“...<sup>34</sup>

მასწავლებლის მიერ როზგის ხმარება მოსწავლეებშიაც მუშტისა და კრივის კულტს ავითარებდა. სწავლების სისტემა მოსწავლეებში ხალისსა და ინტერესს ჰკლავდა. ბურსის ცხოვრების სინამდვილე, მოსწავლეთა და მასწავლებელთა ურთიერთობა უხვ საანგდოტო მასალას იძლეოდა და ხალხოსანი მწერლებიც, რომელნიც სწავლასა და მასწავლებელს დიდ მნიშვნელობას აძლევდნენ, დაუნდობელ კრიტიკას აწარმოებდნენ მახინჯი აღზრდის სისტემის წინააღმდეგ... „შვიდი წელი სწავლობდა ასე აბრია, — მოგვითხრობს მწერალი, — და ისევ მეორეში იყო. ეხლა კი მოუვიდა ბედნიერება გამოგდებისა. ერთხელ მასწავლებლის შემოსვლის წინ, მეორე და მეოთხე კლასებს შუა გაიმართა კრივი, აქ აბრია ბევრს გაუტეხა ცხვირი ვეებერა მუშტით. მაგრამ უცებ მოასწრო სასწავლებლის ინსპექტორმა, რომელიც თითონ ბურსაში გაიზარდა და იყო კრივის მოყვარე. არც კი შეიქაქანა ინსპექტორმა და ერთ წამს გაიძრო სერთუკი, შლიაპა ძირს დადო და გაუსო მოჩხუბრებს. ვისაც

<sup>34</sup> შ. ა. რ. განთავადი, „იმედი“. 1882 წ., № 5. გვ. 53.

კი მოხვდებოდა მისი მუშტი, ის ძირს ვარდებოდა. დაცემული კიდევ ზევით შეხედვის უმაღლეს სცნობდა უფროსს და კისრის მტვრევით მირბოდა კლასისაკენ... ასე დაფანტა თითქმის ყველანი, მაგრამ აი მივარდა ეხლა აბრიას და გაუშალა საშინელი სილა. აბრიას ამხანაგი ეგონა. ზევით არც კი შეიხედა და დაუშინა საშინელი მუშტი ინსპექტორს და ღრიალებდა: ჰაი, აბა მოდი! ჰოი, შენი ჭირიმე! ინსპექტორი თავისას სცდილობდა, მაგრამ რომ შეწუხდა, მოიკრიბა ყოველი ძალა და ერთი სილა შიგ თვალებში დასთხლიშა და მიაძახა: „ვა, ზეთ აიხედე, შე ყურმსალო, შენა და!“ ამ თქმაზე აბრიამ თვალები შეაჭყიტა ინსპექტორს და რომ იცნო, მოკურცხლა. ინსპექტორმა არ აპატივა ეს და გამოირიცხა“<sup>35</sup>.

ასეთია ჩვეულებრივი ცხოვრება ბურსაში, ასე იყო რუსეთში, რის მშვენიერ სურათს გვაძლევს ნ. პომიალოვსკი თავის „Очерки нур-чи“-ში, ასე იყო, იქიდან გადმოტანილი, საქართველოშიც. ასეთს ფერებში ხატავს ზაქ. გულისაშვილი ამ ცხოვრებას. ასეთსავე ფერებში ხატავს ბურსას მეორე ხალხოსანი მწერალი სოფ. მგალობლიშვილიც თავის მხატვრულ მოგონებებში „წარსულიდან“.

ასეთი სწავლა-აღზრდის პირობები, როგორსაც მკვეთრად გვიხატავს მწერალი, მოსწავლეებს არაფერს მატებდა არც ზნეობრივად და არც გონებრივად. სემინარიის ხელმძღვანელნი მოსწავლეებს ხშირად გამოირიცხავდნენ ხოლმე სასწავლებლიდან. ეს ახალგაზრდები იძულებული ხდებოდნენ ცხოვრებაში ნაკლები წინააღმდეგობის გზით წასულიყვნენ ან დიაკვნის, ან მღვდლის, ან სხვა ამგვარი მოხელის თანამდებობაზე, როგორც, მაგალ., დიაკვანი ტვლეპია და სხვანი.

მაგრამ ამ დუხჭირი რეჟიმის გავლენა თუ ხშირად არა, ხანდახან მაინც საწინააღმდეგო შედეგებსაც იძლეოდა. ნიჭიერსა და მაგარი ნებისყოფის შეგირდებს ეს ცხოვრება საწინააღმდეგო აზრებსა და მიმართულებას უღვიძებდა. ეს ნაწილი ხარბად ეწაფებოდა ახალი ცხოვრების მოახლოებით დაბერილ გამათავისუფლებელ მოძრაობას. ხარბადვე დაეწაფა ის რუსეთის მოწინავე საზოგადოების აზროვნებას. ახალი ცხოვრების მოახლოების სიო ღრმად მოედვა სემინარიის მოსწავლეთა ამ ვიწრო წრეს, ძალუმად გაიტაცა და ახალი ძიების გზაზე დიდი გატაცებით დააყენა.

ამ ჯგუფის მისწრაფებათა პოეტურ განსახიერებას ზაქ. გულისაშვილი გვაძლევს ხალხში მასიარულეთა დახატვით და განსაკუთრებით კი პოლე ჯაფოიძისა და სიმნოს სახით რომანში „განთიადი“. ვფიქრობთ, სიმნოს სახით მწერალი იძლევა ავტობიოგრაფიულ სახეს. სიმნოს მოღვაწეობა დეტალებშიაც კი მოგვაგონებს ზაქ. გულისაშვილის მოღვაწეობას მასწავლებლობის დროს სოფ. პატარაქელში.

<sup>35</sup> შ ა ქ რ ., განთიადი, „იმედი“, 1882 წ., № 5, გვ. 53—54.

მწერლის ღრმა რწმენით, „დროება რასაც მოიტანს, იმას კაცი ძირიანად ვერ ამოიღებს“. ამიტომ, იმის დაფასებით, სემინარიის ხელმძღვანელები, რომელთა შორის, მისივე მოწმობით, „იეზუიტები ჩამოერივნენ“, ვერ გაუმკლავდნენ ახალი დროების სიოს. „ამ დროს,—გადმოგვცემს ზაქ. გულისაშვილი, — უნდა გენახათ პოლე, გონება გახსნილი და ღირსებიათ ხასიათისა, როგორ ცხარედ ლაპარაკობდა სემინარიის ბალკონზედ ბელინსკის საზღვარგარეთ დაწერილ უკანასკნელ წერილზედ გოგოლის ბატონებისაკენ მიმხრობაზედ და მის მისტიციზმზედ...“<sup>36</sup> უნდა გენახათ სიმნო, გიგა და სხვები, რა გატაცებით კითხულობდნენ ნ. დობროლუბოვს, დ. პისარევს, როგორ გაგიყვებით დაეძებდნენ ხოლმე „სოვრემენიკს“, „რუსკოე სლოვოს“ ნომრებს და სხვა გამოჩენილ რუსულ ნაწერებს... უცენზურო ხელთნაწერები რუსული გამოჩენილი მწერლებისა ვარდებოდნენ მათ ხელში და ესენიც ცხარედ სჯიდნენ ყველა ამაებზე ერთად მოყრილი ბურსის ოთახში. აი გაიმართებოდა ხოლმე მათ შორის ცხარე ბაასი საერთო მიწის მფლობელობაზედ, რომელიც იყო იმ დროს ახლანდელივით ცხარე კითხვა... გათენებამდის გრძელდებოდა. ამაყად მოსაგონი დრო იქნება ეს ყველა მათგანისათვის— არც ჩვენ „ქრებულ“—„მნათობის“ სტრიქონებს აგდებდნენ ისინი დაუღეჟავად“<sup>37</sup>

აქ მშვენიერი ცოცხალი ფურცელია მოცემული ჩვენი საზოგადოებრივი აზროვნების ისტორიიდან. სემინარიაში ძველი რეჟიმის დროს გაბატონებული რიტორიკა, ღვთისმეტყველება და სხვა ამგვარი სქოლასტიკური დისციპლინები და მათზე ვარჯიშობანი ახალმა ხანამ, მწერლის მოწმობით, „მაღალი მატერიებიდგან დაბალზე და უფრო სასარგებლოზედ“ ჩამოიყვანა.

სემინარიელთა ამ ჯგუფის დახატვით ზაქ. გულისაშვილი, ექვს გარეშეა, საკმარისად ღია ფერებში იძლევა რევოლუციური მოძრაობის დასაწყისის ჩვენს ცხოვრებაში და ამ რევოლუციონერთა პირველი კადრების სახეებს: „პოლე, — გვაცნობს ავტორი ერთ-ერთ მონაწილეს. ამ წრისას, — ხასიათიანი და თანაც გულკეთილი ახალგაზრდა იყო. მისი ცეცხლივით თვალეები, დალაგებითი და მოჭრითი სიტყვა-პასუხი, დაუფერობა და უფროსის სისაძაგლის ცხვირწინ გაკილევა, ამხანაგების ინტერესების სულით და გულით დაცვა—შიშსა ჰბადებდნენ სემინარიის ძალების დამამხობ საზიზღარ იეზუიტ ინსპექტორის გულში და აგრეთვე სხვა საზიზღარ მასწავლებლებში“.

ერთხელ, როდესაც ისტორიის მასწავლებლის ქცევამ პოლე მოთმინებიდან გამოიყვანა, წამოდგა ის კლასში და მასწავლებელს უთხრა:

<sup>36</sup> ავტორის მხედველობაში აქვს ალბათ ბ. ბელინსკის 1847 წ. ნ. გოგოლის ის აღნიშნული მიწერილი ცნობილი წერილი «Письмо к Гоголю», გამოშვეული გოგოლის წიგნით «Взыбранные места из переписки с друзьями».

<sup>37</sup> შ ა ქ რ თ, განთიადი, „იმედი“, 1882 წ., № 5. გვ. 55—57.

„როგორც თქვენ გვასწავლით, ეს კაცთ სწავლება კი არა, ძაღლების წვრთნააო!“ შეიკრიბა სემინარიის სინედრიონი, დაჰკითხეს პოლესაც. „პოლემ, — გადმოგვცემს მწერალი, — დინჯათ და დალაგებით დაუმტყიცა, რომ სისულელეა მეფეების ცხოვრება, ომიანობა, რომელიმე მეფის და მის საყვარლების ოინების სწავლა ისტორიაში და მერე მათა დაბადების, სიკვდილის და ომიანობების დაწყობა-გათავების რიცხვების შესწავლაო“. პოლემ მოუყვანა დასამტკიცებლად მეცნიერების ციტატები, მაგრამ ინსპექტორმა წაუკითხა სინოდის პროგრამა სემინარიის შესახებ—„შეასწავლეთ მტკიცედ და ხრონოლოგიურად ილოვაისკის ისტორია“.

მშვენიერადაა მოცემული ამ თითქოს მშრალ ცნობათა დაპირისპირებაში ორი მსოფლმხედველობის გარდაუვალი წინააღმდეგობა. ამიტომ პედაგოგთა უბედურმა თავმა გადაწყვიტა, რომ მათ წინ მდგომი შაგირდი ხელმწიფისა და საზოგადოების წინააღმდეგიაო“. დაისვა საკითხი პოლეს გამორიცხვის შესახებ. კარგადაა გაბაიბრებული იმ დროის როგორც პედაგოგიური საბჭო და სწავლა-აღზრდის მესვეურნი, ისე სწავლა-აღზრდის მთელი სისტემა. „ზოგნი ამბობდნენ, — მოხდენილი ირონიითა და საკმარისი ღვარძლით წერს ავტორი, — რომ ეგ შაგირდი, რომელსაც გაკვეთილის მაგიერ უკითხნია უღმრთო ბოკლი, სპენსერი და სხვები, ეხლავ უნდა ჟანდარმის პოლკოვნიკს გადავცეთო; ზოგი გამორიცხვას პროკურორზე მიწერით ამბობდა, ზოგი რას და ზოგი რას... გათავდა იმით, რომ, რადგან საშიშოა მთავრობამ სასწავლებლის მმართველობას საყვედური არ მისცესო, იმიტომ არ კი გამოვრიცხოთ, პოლე ჭაფოიძე კარში აღარ გაუშვათ და სემინარიის კედლებში განუშორებელ ზედამხედველობის ქვეშ ვიყოლიოთო“<sup>38</sup>. დიხანაც, დამახასიათებელი ფურცელია სემინარიის ცხოვრებისა, მის მესვეურთა და საერთოდ იმ დროის გაჩინოვნიკებული საზოგადოების მოღვაწეთბიდან ასეთი უშუალობით გადმოცემული!

მაგრამ სემინარიის ნიადაგშერყეულმა ადმინისტრაციამ მაინც ვერ შეძლო ჟანდარმერიის დაუხმარებლად ამ „საშიში“ მოვლენის აღკვეთა, მით უმეტეს, რომ სემინარიის ადმინისტრაციას ცირკულარი ცირკულარზე მოსდიოდა რალაც „იღვების“ გავრცელების შესახებ. მიუთითებდნენ, რომ „ეს იღვები წიგნშია და, თუ თქვენ ვერას გახდებით, ჟანდარმის სამმართველოს გამოუცხადეთო“.

ცირკულარის ამ სასტიკმა გაფრთხილებამ და იმან, რომ პოლეს შეამჩნიეს აკრძალული წიგნების კითხვა, აიძულა სემინარიის ადმინისტრაცია მიემართა სადაც ჭერ არს: „ცოტა ხანს უკან, — აგვიწერს ზაქგულისაშვილი, — აიძსო კიდევ სემინარია ჟანდარმებით. პოლკოვნიკი ამათი, ქართველთაგანი, ბალკონზე გამწარებული უყვიროდა სემინარი-

<sup>38</sup> შ ა კ რ ი, განთიადი, „იმედი“, 1892 წ., № 5, გვ. 58—59.

ელებს: „რას შერებით, ყმაწვილებო, მთელი საქართველო დაიღუპება, რას შერებით!..“ მშვენივრად და ძალდაუტანებლადაა მოცემული ამ ქართველი უანდარმის, პოლკოვნიკის სახით გაჩინოვნიკებული, ნიადაგ-მორღვეული ქართველი, რომელიც „ქედდრეკილი, უშფოთველი, ქვე-მძრომელი, რიგიანი, წესიერი, ყოვლად მთმენი, ვით ჯორ-ცხენი, სა-ხედნი და ღონიერი, თვალაბმული და თავაკრული“ ერთგულად ემსა-ხურებოდა რუსეთის ბიუროკრატისას.

სემინარიაში არაფერი აღმოჩნდა. მაგრამ ახალ სიოს მაინც კი გრძნობდნენ ახალი დროის მტერნი. ამიტომ პოლე სასწავლებლიდან გამოარიცხეს, დაატუსაღეს. მაგრამ სემინარიელთა ვიწრო წრეში ახალ-მა იდეებმა მაგრად გაიდგა ფესვი.

საგულისხმოა კიდევ ერთი შტრიხი.

ზაქ. გულისაშვილის გაგებით, ახალი ცხოვრების მაძიებელნი წამოზ-ვირთდნენ ღარიბი ფენებიდან. და ეს ბუნებრივიცაა. ისინი კარგად იც-ნობდნენ ამ ცხოვრების სიღუბჭირეს და მეტი უშუალობითა და სიმტკი-ცით წინაღუდგებოდნენ ხოლმე.

ზაქ. გულისაშვილი მკითხველის ყურადღებას აქცევს იმ გარემოე-ბას, რომ ამ ახალი თაობის შეგნებაში ვერც ეკონომიური გაჭირვება, ვერც უუფლებობა, ვერც ციხე და ვერც დევნა გამათავისუფლებელი მოძრაობისადმი მისწრაფებას არამც თუ ვერ აქრობს, არამედ ვერც კი ანელებს. ისინი სიმტკიცით ებრძვიან ცხოვრების უკუღმართ პირობებს, გმირულად დგანან თავიანთი იდეების სამსახურის სადარაჯოზე.

პოლე ჯაფოიძე ციხიდან გამოუშვეს, მაგრამ სასწავლებელში მაინც აღარ მიიღეს. მას საცხოვრებელი საოხო არ გააჩნდა. ამხანაგებმა სე-მინარიაში შეუგროვეს მას შვიდი თუმანი; „აქედან პოლემ,—გადმოგე-ცემს მწერალი, —იყიდა საკაზმო იარაღები და მიპყო ხელი მეკანზობას. თავნი უნდა უკვდავად ყოფილიყო და შემოსავლით უნდა ეცხოვრნა პოლეს. არ გასულა ამის შემდეგ ნახევარი წელიწადი, რომ სემინარიი-დან გამოაგდეს პოლეს ამხანაგი—სოლო, რომელიც პოლეზე უფრო ულუკმაპურო და საწყალი იყო, იმიტომ პოლემ მას დაუთმო ზეკაზ-მობა; თითონ კი დაიკირა პატარა ოთახი, იყიდა ნიჩაფი, ბარი, წერაქვი და დილაადრიან მიდიოდა ნათლუხში, სადაც ქალაქიდან გატანილ და-ხოცილ ძაღლებს სამუდამოდ ასაფლავებდა... პოლეს დღეში ექვს აბაზს აძლევდნენ... საღამოთი მოდიოდა პოლე შინ, კითხულობდა და წერდა შუა ღამემდის, ან მიდიოდა ნაცნობებთან საბაასოთ, აზრების გასაზი-არებლად... მოეღებოდა ხოლმე ძაღლების მარხვასაც ბოლო და პოლე სამუშაოთ მირზოევის ქარხანაში მიდიოდა“<sup>39</sup>.

ასეთია ეკლიანი, მსხვერპლით სავსე გზა ამ ახალგაზრდა მოღვაწე-თა. მაგრამ, მიუხედავად ასეთი მძიმე პირობებისა, პოლეს წრე თანდა-

<sup>39</sup> შ ა ქ რ ო . გაწთი: დ რ . „იმედი“, 1882 წ . № 5 , გვ . 60 .

თან დიდდება. მისი ღარიბი ოთახი ძალუმად იზიდავს ახალი დროით ნაისრალ ახალგაზრდობას. ტიპიურია პოლეს ოთახის აღწერა, მდიდარ მასალას იძლევა ამ ფანატიკოსთა ცხოვრების გაგებისათვის. „ოთახში იდგა ორი ძველი კრაოტი. ერთ მათგანზე იწვა პირქვე ახალგაზრდა, რომლის შავი და ელვარე გრძელი თმები საამუჟრად იყვნენ გადაყრილ-გადმოყრილნი მხრებზე, კუნჭულში ელაგა ნიჩაბი, ბარი, წერაქვი. იქვე იყო დაყრილი მეწალის იარაღი დაზგითურთ. ფანჯარასთან კი თავსდებოდა ძველი სტოლი, რომელზედაც აკოკოლავებული იყო ბლომად წიგნები; ფანჯრებიც ამავე საგნებით იყვნენ დაჭერილნი“<sup>40</sup>.

აი, ამ პოლესთან მიიყვანა ერთმა ასოთამწყობმა ზაქ. გულისაშვილის რომანის „განთიადის“ გმირი სიმნო.

ესეც ახალი და მეტად საგულისხმიერო შტრიხია ზაქ. გულისაშვილის მიერ ქართულ ლიტერატურაში შემოტანილი. მყარდება ხალხის „მოკეთის“ კავშირი მუშებთან, რაც ჩვენი ცხოვრების სინამდვილეში 70—80-იან წლებში შთანასახში იყო. ავტორი ამით, უდავოდ, ჩვენი საზოგადოებრივი ცხოვრების განვითარების ტენდენციას იძლევა, თუმცა, რასაკვირველია, როგორც ხალხოსანი, ჭათანადოდ ვერ ავლენს და ვერც აფასებს ამ მოვლენას.

სიმნო პოლეს შესჩივლებს, რომ მას დიდი სურვილი აქვს სემინარიის დამთავრების შემდეგ სწავლა გააგრძელოს, მაგრამ მშობლები არა თანხმდებიან, მოითხოვენ, რომ ის მღვდლად წავიდეს. მას ეს არ უნდა და გადაწყვიტა პოლესთან მისვლა.

ფრთხილად მოყრილ, უიმედობის ბრჭყალგაქრულ სიმნოს პოლე ასე მიმართავს: „მაინც გეტყვი, სიმნო, რომ აქაც ვიშოვით ნამდვილ საქმეს, მარტო დაცქერება უნდა. რაც შეეხება სწავლისადმი ლტოლვილებას, ეგ არა გვხვდება მე და შენ ხვედრათ, რადგან ეს ქვეყანა ასეა მომართული — ვიბრძოლოთ იმისათვის მაინც, რომ შემდეგ ამ საქმეში შელავათი მიეცეს ჩვენისთანა ბიჭებს...“ პოლემ სიმნო გააცნო მასთან მცხოვრებ სტუდენტს. მალე გაიმართა მათ შორის საუბარი. „სტუდენტი, — გადმოგვეცემს ავტორი, — უღვთოთ სძრახავდა აწმყო მდგომარეობას. სიმნო არამც თუ სთანხმდებოდა, არამედ ამ ორი თვის ნახულს სოფლის ფაქტებს იგონებდა მისი აზრების საბუთებად; მაგრამ გაცხარებით შველის გზას იკითხავდა“<sup>41</sup>.

დამახასიათებელია ის დიდი წყურვილი სწავლისა—კითხვისა, რომელიც ამ პირველ რევოლუციონერებს ჰქონდათ, რათა ცხოვრების მიერ წამოყენებული საჭირბოროტო კითხვებისათვის თავი აერთავთ, მიზანშეწონილად გადაეწყვიტათ. საგულისხმიეროა, რომ ეს წრე დაწა-

<sup>40</sup> შ ა ქ რ ო, განთიადი, „იმიდი“, 1882 წ., № 5, გვ. 51.

<sup>41</sup> ი ქ ვ ე.

ფებუღია იმ დროის მოწინავე ეკონომისტების მოძღვრებას. ისინი იცნობენ: მარქსს, ლასალს, დიურინგს და სხვათა. როდესაც სიმნო დაჟინებით კითხულობდა შველის გზას—„ლასალი, მარქსი, დიურინგი, რობესპიერი ისმოდა ამ უკანასკნელი კითხვის პასუხად სტუდენტის პირიდგანო“, — გვეუბნება ავტორი.

საგულისხმიეროა აგრეთვე პასუხიც, რომელსაც სტუდენტს აძლევს პოლე: „ეგ შორეული ლამპარია... ახლო! ახლო! გაიძახოდა ისა“... დამახასიათებელია ხალხოსანთათვის ამ წრფელი ენთუზიასტების კამათის დასრულება—„ხალხში გასვლა, მისი მიდრეკა შორეულ ლამპრისაკენ იყო ომელა ამ ლაპარაკისა, რომელიც გათავდა მარტო გათენებისას“.

ასეთია უშუალო სურათი ჩვენი პირველ რევოლუციონერთა ბუღისა. ასე დაბუბმულდა, ფრთა შეისხა ხალხის მოკეთის სიყვარულმა და გაიტაცა მრავალი „ხალხში სასიარულოდ“. ამ მოღვაწეობაში ისინი, მართლაც, რევოლუციონერები იყვნენ.

ზაქ. გულისაშვილის შემოქმედება და, კერძოდ, რომანი „განთიადი“ მშვენიერი ნიმუშია ავტობიოგრაფიული რომანისა, ხალხოსან მწერლებს რომ ასე ახასიათებდა. ამგვარ რომანებში ხალხოსანი მწერლები, როგორც ზაქ. გულისაშვილი, იძლეოდნენ რევოლუციური გზის სურათს. ხალხოსნები, როგორც სამართლიანად აღნიშნავს ლენინი, ემყარებოდნენ თეორიას, რომელიც არსებითად არ იყო რევოლუციური. ისინი ვერ ახერხებდნენ თავიანთი მოძრაობა დაეკავშირებინათ რევოლუციური, კაპიტალისტური საზოგადოების შიგნით არსებული კლასობრივი ბრძოლისათვის; ამიტომ ისინი ყურადღების ცენტრში აყენებდნენ „გმირს“. ხალხოსანი მწერლის ხალხის მოძრაობისაგან მოწყვეტაში, მის მარტობაშია იმისი მიზეზი, რომ ის (ხალხოსანი მწერალი) სააგიტაციო მისწრაფებას აწარმოებს თავისი რევოლუციური მოღვაწეობის აღწერაში, თავისი მსოფლმხედველობის და მოქმედების განვითარების ეტაპის ჩვენებით, ვინაიდან სხვა რევოლუციური გზა, მას ეგონა, რომ არ იყო.

ეს სტილური ნიშანი ხალხოსანი მწერლების მხატვრული შემოქმედებისა ქართულ ლიტერატურაში ყველაზე მკვეთრად ზაქ. გულისაშვილის შემოქმედებაში აისახა.

სიმნო მალე გადიყრის სოფლის ცხოვრებიდან მიღებულ ბურუსს, მალე გაერკვევა პოლესა და სტუდენტთან პირველსავე შეყრისას მიღებულ დიდ შთაბეჭდილებებში. ენერგიულად დაეწაფება თავისი დროის დიდ მოაზროვნეთა მოძღვრებას. უშუალოდ შეისწავლის მათ. ყველა წაკითხულს სიმნო პოლეს უზიარებდა. მათ შორის ყოველ ღამე იმარ-

თებოდა ცხარე ბაასი. ასე ერკვევოდნენ ისინი მტკივნეულ საკითხებში, ემზადებოდნენ პრაქტიკულ მოღვაწეობისათვის.

ეს ახალგაზრდები ყველაზე ნაკლებ თავიანთ თავზე და პირად კეთილდღეობაზე ზრუნავდნენ. „ზამთრის სუსხიან დილას, — აგვიწერს აუტორი, — როცა ფუფუნების შვილთ ჯერეთ ეძინათ ხოლმე თბილისში, ხშირად სიცვიის მიერ ძალდატანებული სიმნო და პოლე გამოდიოდნენ ერევნის მოედანზედ, იკიდებდნენ შეშას ზურგზედ, რადგან მუშის ფული არ მოეპოვებოდათ და მიჰქონდათ შინ“<sup>42</sup>. ესეც ჩვეულებრივი იყო ამათი მსგავსი ადამიანებისათვის, გაჭირვება-შევიწროებაში მტკიცდებოდა მათი ნებისყოფა და მისწრაფება.

სამაგიეროდ სიმნო და პოლე ერთგულად, დაუზარებლივ დადიოდნენ ახალგაზრდების კრებებზე, სადაც სიამოვნებით ისმენდნენ წრფელი გულით გამოთქმულ ახალგაზრდების მოწინავე აზრებს. ისინი ხშირად წრის მოთავეებთან შედიოდნენ კამათში და მათ ბევრშიაც ითანხმებდნენ. ბევრი საგულისხმიერო აზრი შემუშავდა პოლესა და სიმნოს თავში, ბევრი „მკაცრი წამი ედგა მათ გახურებულ ტვინს — ყველა მოიხარშა, ყველა გადახალისდა“, — როგორც მწერალი ამბობს. მაგრამ მოულოდნელად ახალგაზრდების რიცხვი შემცირდა. ისინი დაატუსაღეს. მალე პოლეს იქ მოემწყვდა. დარჩა ეულად სიმნო. აქ მკვეთრად იგრძნობა ალექსანდრე II მოკვლის შემდეგ ალექსანდრე III მეფობის შავი რეაქციის მწვავე სუსხი, პირველ რიგში არალეგალური პოლიტიკური ორგანიზაციების წინააღმდეგ მიმართული.

სიმნო გრძნობს თავის თავში ძალას. გრძნობს საზოგადოებრივი მუშაობის საჭიროებას. გრძნობს მოძმისადმი სამსახურის ვალდებულებას. მის წინაშე მწვავედ ისმება საკითხი: რაში უნდა მოეხმარებინა მას თავისი ძალღონე? „ხანგრძლივ ფიქრთა შემუშავებამ.— გადმოგვცემს ზაქგულისაშვილი, — იმას განუცხოველა წადილი ხალხში გასვლისა, მისი ავან-ჩავანის გაგებისა, მისი იარების გამოკვლევისა და აქედგან ცდა იქ მალამოების ძალისა, რომლებითაც ის აღიჭურვა თეორეთიკულად. დღითი დღე ეს მოსაზრება მის გონებაში ფართოვდებოდა და ამ უკანასკნელმა მიაღწია იქამდე, რომ იმან ერთ დღეს გაშმაგებულად გადასწყვიტა სოფლის მასწავლებლად წასვლა... მაგრამ იმას მასწავლებლობა ისე არ ეყურებოდა, როგორც უმეტესობას. მისი აზრით, ეს უდიდესი ხელობათაგანი იყო, მეტადრე როცა ხალხის და მასთან დაახლოების აზრს ზედ უმატებდა. მასწავლებელიც უნდა ზნეობითაც მტკიცე, დაბალ ხალხისათვისაც თავგამოდებული, ტვინის ძალა ზომ საკმაო და პატივსაცემი უნდა ჰქონოდა... ამებში წვრთნა მან თავისი თავი წინათაც, მაგრამ თითონ ხელობაც უნდა შეესწავლა. ამიტომ დაიწყო კითხვა

<sup>42</sup> შ ა ქ რ ი, განთიადი, „იმედი“, 1882 წ., № 6, გვ. 22.



სპენსერის, რუსოსი, პესტალოცის, ამოს კომენსკისა; დიტეხსა და დისტრევეგს—„სულ ტყავი გააძრო“, როგორც სემინარიელები იტყვიან ხოლმე“...<sup>43</sup>

ზედმიწევნით სრული გაგებაა მოცული ხალხოსნების შეხედულებისა მასწავლებლის მოვალეობის შესახებ. მართლაც, ასეთი გამწყობილებით მიდიოდნენ ისინი და გამირულ მოღვაწეობასაც ეწეოდნენ სოფლის მასწავლებლის ნარ-ეკლიან გზაზე ხალხის გაღვიძების, გათვითცნობიერებისა და დარაზმვის მიზნით. განსაკუთრებით ეს ითქმის 70-იანი წლების ხალხოსნების მოღვაწეობის შესახებ.

სიმნომაც აი ეს გზა აირჩია. გამწესდა სოფ. მტკვრისპირის სკოლის მასწავლებლად. მისი გონება სავსე იყო ახალი მოვალეობის ასრულების, ხალხთა დაახლოების, მათი ბედისა და უბედობის გაზიარების სურვილით. სიმნო, რაც მეტად უახლოვდებოდა გლეხკაცობას, მათ ყოველდღიურ ცხოვრებას, მით მისი გადაწყვეტილება უფრო მტკიცედებოდა. ის ცდილობდა „ეზრუნა ამათ (გლეხობის) კეთილდღეობისათვის, რითაც კი შეეძლო გადაეხადა ოფლით და სისხლით დაეალება გლეხთა მიერ თუ მის მამა-პაპაზე, თუ თითონ ნასზედ და აემალეებინა ისინი გონებით თუ ზნეობით“.

სინდისის ქენჯნა, უმცროსი ძმის დახმარების ვალდებულება, რომელიც მონანიე აზნაურიდან გადაედო „რაზნოჩინეცსაც,“ საქმარისი ნაუანსითაა ზაქ. გულისაშვილის ნაწარმოებშიც მოცემული.

სოფ. მტკვრისპირას მისვლისთანავე სიმნო დარწმუნდა გლეხთა ბედ-უბედობაში. დარწმუნდა, რომ გლეხკაცობა დაბეჩავებულია, შეშინებულია. „ლაბა-ხარივით დაჰკვიანებულია“ ჩაგვრისაგან. „სიმნო,—ავტორის მოწმობით, —რწმუნდება რ აზრის სიმართლეში, რომ სადაც ჩვენი ძლევამოსილი მეფის და თავადაზნაურობის ბედნიერი თვალი ხშირად ვერ ჰხვდებოდა, იქ უფრო კარგად ეცხოვრებოდათ გლეხებს, სინამ იქ, სადაც მათი თვალი დაუღალავად ზრუნავდა „მამულის ბედნიერებაზედ“<sup>44</sup>. ეს აღგილებიც დამახასიათებელია ზაქ. გულისაშვილისათვის, როგორც ხალხოსნისათვის, რომელიც ბატონყმობის ნაშთებსაც ვერ ურიგდება, თხოულობს ძირიან-ფესვიანად მის აღმოფხვრას. გლეხნი სიმნოს თუმცა მორიდებით შეხვდნენ, მაგრამ ჩვეულებრივი უნდობლობით. მასწავლებელს, ან, როგორც ისინი ეძახდნენ, „უჩიტელს“, უარყოფითად უყურებდნენ. „ეგლა გვაკლია, აქ უნდა იცხოვროს და ბიჭებს ასწავლოსო“, გაიძახოდნენ გლეხები. მასწავლებელი სოფელს იმდენად საშიშ პირად მიაჩნდა, რომ დედაკაცები „უჩიტლით“ აშინებდნენ ბავშვებს: „გაჩუმდი, თორემ, აგერ უჩიტელი შეგკამსო“ და სხვა.

<sup>43</sup> შ ა ქ რ ო, განთიადი, „იმედი“, 1882 წ., № 6, გვ. 23 | 21.

<sup>44</sup> ი ქ ვ ე, გვ. 27.

მაგრამ სიმნოს პატიოსნებამ გლეხებში მისდამი ნდობა აღძრა და მალე დიდძალი შეგირდობა შემოიკრიბა მის გარშემო. სიმნოს მოპყრობამ, განსაკუთრებით სწავლის დროს, მთელი სოფლის ყურადღება მიიპყრო. სკოლის ფანჯარა-კარები კაცთ-დედაკაცების ჯგუფით იყო ხოლმე დაბნელებული. „ყველა საქმეში დასაკითხავად, ბარათის გასაჯღაბნად წამდაუწუმ მიდიოდნენ მასთან გლეხები. ცოტახანს შემდეგ სოფელში მას ყველა „ჩვენს სიმნოს“ ეძახდა“.

როცა დაზამთრდა და გლეხობა თავისებურ დასვენებას მიეცა, სიმნომ სკოლა მოზრდილთათვისაც გამართა... „მხარბეჭიანი ბიჭები, — გადმოგვცემს მწერალი, — პატარების დათხოვნის უმალვე, სადილის ჭამასაც კი არ აცლიდნენ სიმნოს და შედიოდნენ მის სახლში, ზოგს თერმომეტრი ეჭირა, ზოგს გლობუსი, ზოგს სასწორი, ზოგს საყენი და უხსნიდნენ ერთმანეთს სიმნოს გამოსვლამდის.

„გავათავე სადილი, აბა ახლა ვისაქმით, კაცებო.“ — დაუძახებდა სიმნო და ორმოცამდის ახალგაზრდა დასხდებოდნენ სტოლზედ და სიმნო გამართავედა მათში ლაპარაკს სხვადასხვა საგნებზედ“<sup>45</sup>. ასეთი იყო დაუშრეტელი ენერჯია ავტორისა პრაქტიკულ მოღვაწეობაში გლეხებთან. ასეთივე იყო მოწინავე ხალხოსნების ცხოვრება სწორედ 70—80-იან წლებში.

მაგრამ მასწავლებლის როლით არა კმაყოფილდება ხალხის ბედნიერებით გატაცებული სიმნო. ხალხს სხვა მხრივაც უნდა შეველა და სიმნოც ვალდებულად თვლის თავი არ დაზოგოს. ყოველი მხრით შევიწროებულ გლეხკაცობას შრომა, ზედმეტი ჯაფა, ცხოვრების ცუდი პიგიურული პირობები ფიზიკურად აწრიოვებდა. ხალხი იღუპებოდა მკითხავეებისა და ექიმბაშების ხელში, ხშირად სრულებით უპატრონოდ. და სიმნოც ცდილობს ხალხს ამ მიმართულებითაც დაეხმაროს. თვითონაც იცის, რომ ამ მხრით ცოტას მცოდნეა, მაგრამ დახმარების აღმოჩენა მაინც საჭიროა. ისიც სწავლობს, მკურნალობს უსასყიდლოდ, ხალხისათა და სიყვარულით ეხმარება დიდსა და პატარას. „საბრალო ხალხში შორს გავარდა სიმნო ჯანაოზ—ექიმის ხმა. ავადმყოფის ჭირისუფალნი შორიდგან და ახლოდგან მოსვენებას არ აძლევდნენ სიმნოს“.

მაგრამ ხალხის გაჭირვებული ცხოვრება დაუშრეტელია, იგი სიმნოსაგან დაეინებით თხოულობს დახმარებას. ხალხმა იცნო მოკეთე, გადაუხსნა თავისი გული და, გამოუვალ მდგომარეობაში მყოფი, შეველასა სთხოვდა.

სიმნო გლეხის ჭირისუფლად ხდება. ისიც აღარ კმაყოფილდება მასწავლებლობისა და ექიმის მოღვაწეობით. ხალხს ყოველ ნაბიჯზე ჩაგრავედნენ, ცემდნენ ჩაფრები თუ ბოქაულ-მამასახლისი. გლეხები მი-

<sup>45</sup> შ ა ქ რ ო, განთ.იადი, „იმედი“, 1882 წ., № 5, გვ. 29.

მართავდნენ ხოლმე სიმნოს: „ბატონო სიმნო მიშველე, მომკლეს ცემითო“ და სიმნოც დამცილებულთა და შეურაცხყოფილთა წაექიმაგებოდა ხოლმე. ამიტომ სიმნოს ეს წვრილი მოხელები აბეზლებდნენ მაზრის უფროსთან, რომელიც სიმნოს მოქმედებას სიბრაზით უყურებდა.

სიმნო იძულებული იყო გლეხის დაცვა ხშირად სასამართლოშიც გადაეტანა. გლეხებს, როგორც უფლებააყრილებს, ყველა ჩაგრაავდა. „სიმნო ჯერ არზებით და გარედგან შველოდა და, თუ საქმე გაჭირდებოდა, ვექილობას თვითონ იკისრებდა ხოლმე. ამიტომაც „ადუკანტობასა“ და კანონების შესწავლასაც შეუდგა ის“<sup>46</sup>.

თავგამოდებული იბრძვის სიმნო ხალხისათვის. კრიჭაში უდგა ხალხის მტრებს, არ უნდა ღაჩაგვრინოს ხალხი. მაგრამ, რა ქნას მან, როცა ქვეყანა ძალმომრეთა ხელშია! სიმნოს მოქმედებით გაბრაზებული იყვნენ მოხელები და მემამულენი. მწერლის დახასიათებით, „მაზრაში ყველა სიმნოზე ათითებდა, როგორც რაღაც საფრთხეზე და ხალხის მომხრეზე“.

ხალხის ბედნიერი მომავლით გატაცებული სიმნო არაფრად აგდებდა ასეთ დამოკიდებულებას, რადგანაც ხალხს ის ძლიერ უყვარდა და ხალხი მას ენდობოდა. ამიტომ სიმნო განუწყვეტლივ მუშაობდა. სკოლის საქმეს მან განსაკუთრებით საფუძვლიანად მოჰკიდა ხელი. ზოგს შეაწირვინა, ზოგი წარმოდგენებიდან ააქრეფინა, შეაგროვა ამ მიზნით ორმოციოდე თუმანი. შემდეგ შეკრიბა მტკვრისპირელები და დაიწყო მათთან სკოლის შენობის აშენების შესახებ სჯა.

მეტად საგულისხმიეროა და ხალხოსანისათვის დამახასიათებელი სიმნოს განმარტება ხალხის მიერ აშენებული სკოლის მნიშვნელობისა: „ეს სახლი იქნება ყველაზე დიდი საგანძო სოფლისათვის, აქ თქვენ შვილებს ფეხ-შიშველა გამოგზავნით, არვინ დასძრახავს, რადგან თავის მამა-პაპის სახლში მოვლენ ისინი — აქ ისინი შეიტყობენ იმას, თუ როგორ უნდა მოუარონ თავიანთ საცოდავ ცხოვრებას დიდობაში, თქვენთვისაც გულხალვათი სახლი იქნება ის. იქ თამამად იმუსაიფებთ თქვენს ტკივილებზედ და საჭიროებაზედ. იქ დააწყობთ თუ საქვეყნო, თუ საშვილიშვილოს თადარიგებს... ვეცადოთ მაშ, ძმებო, ასეთი ძვირფასი თავშესაფარი დაუდგათ თქვენ თავსაც და თქვენ შვილებსაც... აი, მე ორმოცი თუმანი გიშოვეთ, თქვენ მარტო მასალის მოზიდვა დაგჭირდებათ, დაათავა სიმნომ“.

სიმნოს სიტყვებში ვგრძნობთ რაღაც სიახლეს, დიად ძალას, მომავლისაკენ საღსა და იმედიან მზერას! ხალხი გაჰყვა ამ მოკეთეს. სიმნოს ენთუზიაზმი გადამდები აღმოჩნდა. გაღვიძებულმა ხალხმა შეძლო დაბრკოლებათა დაძლევა და შუა სოფელში ენკენისთვისათვის დადგა სკოლის მშენიერი შენობა, ფიცრული გალავნით, ალაყაფის კარებით. სი-

<sup>46</sup> შ ა ქ რ თ, განთიადი, „იბელი“, 1882 წ., № 6, ვვ. 31.

მნომ იქ ახლოვე იშოვა ორი დღის საბაღე მიწა, ეზოშიც ხეხილები ჩარგო და მომავალში მშვენიერ მყუდრო სასოფლო სკოლად უნდა გადაექცია ესა. ამას გარდა, სიმნო ფიქრობდა ბანკის, შემნახველ-გამსესხებელი საზოგადოების დაარსებას, რაც მისი შეხედულებით, „ხალხს ერთმანეთს გააცნობდა, საზოგადო ინტერესს გაუჩენდა და მათთვის ახალი დროის საბჭო შეიქმნებოდა“.

სოფლის სკოლისა და, კერძოდ, საკვირაო სკოლის ფართო დანიშნულებას სიმნომ თავისი დაუღალავი შრომით მკვეთრი საფუძველი ჩაუყარა. ახალი ცხოვრებისა და ყოფის, ახალი ფორმების გატანაზე ზრუნვას სიმნო, ე. ი. თვით ავტორი, რომელიც ხალხოსანთა იდეების მკვეთრ გამტარებელ-გამომხატველად მოჩანს.

ზაქ. გულისაშვილის მხატრული შემოქმედების გაცნობა მკითხველში გარკვეულ შთაბეჭდილებას იწვევს: ავტორი სარგებლობს მხატვრული შემოქმედებით, რომ ახალ-ახალი იდეები გამოიტანოს საზოგადოებაში. ის ხშირად ნაწარმოებს სტილურად არა ხეწევს. მის შემოქმედებაში ფორმას იღეა ჩრდილავს. მაგრამ სიუჟეტის განვითარება, აღწერის უშუალობა და ემოციონალობა ანელებს მწერლის ტენდენციით გამოწვეულ სქემატურობის შთაბეჭდილებას.

დაუღალავად დადის სიმნო ხალხში, მის ყოველდღიურ ცხოვრებაში იჭრება; საჭიროებისამებრ შესაღერ საუბრებს აწარმოებს მასთან, რათა მისი კულტურული დონე ასწიოს, მისი გონება გაათავისუფლოს სხვადასხვა მავნე ჩვეულებისაგან. განსაკუთრებით კი სიმნო ებრძვის ცრუმორწმუნეობას („განთიადი“, გვ. 34—36).

ხალხის მტრებსაც არ ეძინათ. სიმნოს ასეთს მოღვაწეობას ისინი მტრულად აფასებდნენ. ისინიც მოქმედებდნენ სიმნოს საწინააღმდეგოდ. სიმნოს წინააღმდეგ განსაკუთრებით მაშინ გაათფორეს ბრძოლა, როცა სიმნოს მოღვაწეობამ საფუძველიანად გაშალა ფრთა, გაიდგა ფესვი, გლეხთა ნდობა დაიმსახურა და ახლო მომავალში უკეთესი ნაყოფი უნდა გამოედო. სწორედ ამ დროს სიმნოს მოსდის შემდეგი ხასიათის ბრძანება:

„მოწყალეო ხელმწიფეო!

რადგან სკოლის მასწავლებლის შუა და მაზრის პატრონების შუა სკოლის ინტერესებისათვის უნდა სუფევდეს სრული თანხმობა და განწყობილება, და რადგან ამ უკანასკნელს მოვალეობას თქვენ ვერ ასრულებთ, ამიტომ გაუწყებთ, რომ თქვენ ღლეიდგან აღარ ორიცხებით მტკვრისპირის სოფლის მასწავლებლად.

დირექტორი N, საქმის მწ. N.“<sup>47</sup>

<sup>47</sup> შ ა ქ რ ო, განთიადი, „იბელი“, 1882 წ., № 6, გვ. 38.

აი, ჩვეულებრივი ხვედრი ხალხოსნისა, რომელიც ასეთი შეგნებითა და თავდავიწყებით იღწოდა ხალხის ბედნიერებისათვის, თავისი მოქალაქეობრივი მოვალეობის მოსახდელად.

ბევრ უკუღმართობას გამოვლილი მწერალი, ერთგვარი იმედიალობითა და სიამოვნებით ამჟღავნებს, რომ ხალხიც ასეთს თავდადებულს გაუგებს და აფასებს, ხალხის გულიც გადაეჩაქვა ამ ერთობის კაცის გულს, ის გაიხადა თავის მესაიდუმლედ.

წწარედ დააღონა სხმნო აღნიშნული ბრძანების მიღებამ. მაგრამ იცის, რომ ის უძღურია ამ ბრძანების გზათილებაში. მას არ შეუძლია დაჩრჩის ნაამაგდარ, საყვარელ ადგილზე, დაახლოებულ გლეხაკებთან. არც გლეხები უნდა ჩააბას ამ უშედეგო ბრძოლაში. მან იცის, რომ ამას შესაძლებელია უფრო მეტი რეპრესიები მოჰყვეს. ამიტომ დაღონებულ გლეხებს, რომელთაც უნდათ დანარჩენებს შეატყობინონ სიმნოს გადაყვანა და მოათხოვნიონ სიმნოს დატოვება, არ ურჩევს და ამასლა ეტყვის: „მარტო ეს კი ჩემი ანდერძი იქნება და ვიცი შეასრულებთ—ვინც ვინდა მასწავლებელი მოგივიდეთ, ისევე იარეთ დიდებმა და პატარებმა სკოლაში და იმის სახლში, როგორც ჩემთან, ყველაში იმას დაეკითხებით და შვილებს ნუ გაუშვებთ უსწავლელებს, შვილებს... თუ ურიგო ვინმე გამოგიგზავნეს... სხვა მოითხოვეთ“<sup>48</sup>.

სიმნო და მისი მეგობარი გლეხები თვალცრემლიანნი გაშორდნენ ერთმანეთს.

აი, ჩვეულებრივი ეკლიანი გზა ხალხში მოსიარულისა! ასეთი იყო ცხოვრების გზა თვით ზაქ. გულისაშვილისაც, რომელიც, ხალხოსნური იდეებით გატაცებული, დიდი სიყვარულითა და დაუზოგველი ენერგიით მოღვაწეობდა ოც წელიწადზე მეტს სოფლის სკოლის მასწავლებლის თანამდებობაზე; ერთგულად ცდილობდა ხალხის ყამირი გული გაეხსნა და მისი ბედნიერი მომავლის თესლი პატიოსანი ხელით ამ ხნულში უხვად გაეტანა. ბევრი ვაი-ვაგლახი გადახდა ზაქ. გულისაშვილსაც ამ მოღვაწეობაში. ბევრჯერ მოგლიჯა მთავრობამ ის საყვარელ საქმეს, მჭიდროდ შეკავშირებულ ხალხს და უხეშად დაანგრია მისგან დიდი მეცადინეობითა და მსხვერპლით შექმნილი კულტურული კერა.

ზაქ. გულისაშვილი უსწორო ბრძოლით დაქანცული, იძულებული გახდა მღვდლად წასულიყო, მაგრამ სრულიად არც იქ მოიღუნა. ის, თუმცა, რა თქმა უნდა, მკრთალად, მაგრამ მაინც აგრძელებს თავის საქმეს, მისი მხატვრული აპერცეპცია კვლავ გლეხკაცის, მისი მდგომარეობის გარშემოა, მისი კეთილდღეობითაა დაინტერესებული, თუმცა პირველი პერიოდის სიმახვილე და გაქანება აღარ აქვს.

<sup>48</sup> შ ა ქ რ ო განთიად, „იმედი“, 1882 წ., № 6, კვ. 10.

ზაქარია გულისაშვილის შემოქმედებისათვის, როგორც საერთოდ სხვა ხალხოსანი მწერლებისათვის, დამახასიათებელია იდეურობით დატვირთვა. ის ცდილობს წინ წამოსწიოს, და საკმარისად გამახვილებულადაც, ეპოქის მოწინავე მისწრაფებანი, ამ მიზნით ის საარგებლობს ზევით აღნიშნული მხატვრული ხერხებით, ცდილობს ფარდა ახადოს სინამდვილეს, მკითხველი უშუალოდ შეიყუანოს სინამდვილეში, დაანახოს ტკივილი ეპოქისა, აუძრას მოქალაქეობრივი გრძნობები. ამიტომ ზაქ. გულისაშვილში, როგორც საერთოდ ხალხოსნებში, მხატვარი იჩრდილება, პუბლიცისტი სძლევს. ხშირად შემოქმედება, როგორც თვითონ გულისაშვილიც ამბობს, „დაულაგებელია, აუკონავია“. ჩვენი მწერალი თვითონვე შემდეგით ხსნის ამ გარემოებას: „ესე, მკითხველო, მგონი ჰჯავრობ, რაზე დავწერე ამდენი, მერე დაულაგებლივ, აუკონავი!... რა ვქნათ, ბიძია, მე გასართობად არცა ვწერ. ვწერ იმას, რაც ვნახე, ვწერ იმას, რასაც ყოველ ნაბიჯზე ნახავ ჩვენ სოფელში. ეხლა შენი და ჩემი ვალია შევავროთ ეს ამოდენა ხალა-ბალა და დასკვნა გამოვიყვანოთ“<sup>49</sup>...

და მართლაც, ერთი უდიდესი დამსახურება ხალხოსან მწერლებისა და, კერძოდ, ზაქ. გულისაშვილისა ხომ სწორედ იმაში მდგომარეობს, რომ მათ თავიანთი მხატვრული შემოქმედების საშუალებით გამოააშკარავეს ჩვენი ცხოვრების უმტკივნეულები იარები, გლახკაცის უფლება-აყრილი მდგომარეობა, მისი დაუსრეტელი წყურვილი სიცოცხლისა, ცხოვრებისა, ხალხის ცხოვრებისა და ენის სრული დაცვით, უმეტნაკლებოდ გადმოგვეცეს ამ წუთისოფლის უსამართლობა, რომელიც ზაქ. გულისაშვილისავე წინასწარმეტყველებით, „მოვა დრო, როდესაც კეთილ კაცებს ისეთივე სიცრუე ეგონებათ, როგორც ჩვენ არაკები ასთავიან დევებზე“...<sup>50</sup>

ამიტომ თამამად შეიძლება ითქვას, რომ ზაქ. გულისაშვილის შემოქმედება, მიუხედავად იმისა, რომ მწერალი თითქმის მხოლოდ სოფელსა და მის მცხოვრებ გლახს მისჩერებია, თითქმის ვერ ამჩნევს და არ უნდა შეამჩნიოს მუშის მდგომარეობა და მისი ისტორიული როლი. ის მაინც წარმოადგენს ისეთ კულტურულ მემკვიდრეობას, რომელშიც არის ის, რაც წარსულს არ გადასცემია, რაც მომავალს ეკუთვნის!<sup>51</sup>

<sup>49</sup> შ ა ქ რ ო, ბედნიერი კუნძული, გვ. 29.

<sup>50</sup> შ ა ქ რ ო, ორიოდ სურათი მოთხრობიდან.

<sup>51</sup> შ ა ქ რ ო ს (ზაქარია გულისაშვილის) შემოქმედების სრული გამოცემა, სამწუხაროდ ჯერ არ მოგვეპოვება. ის დღემდის გაფანტულია ქართულ პერიოდულ გამოცემაში. მწერლის ნაწერების უდიდესი ნაწილი შეგრობილი და საწერ მანქანაზე გადაბეჭდილი ჰქონდა ვ. ლ ე ო ნ ი ძ ე ს, რომელმაც 'ერთი ვგზემპლარი მათხოვა. ამით მან გამოადვილა მწერლის შემოქმედებაზე მუშაობა, 1953 წელს გამოვიდა ზაქ. გულისაშვილის რჩეულ ნაწარმოებთა კრებული ვ. ლეონიძის რედაქტორობით.

## სოფრომ ზაქარიას ქე მგალობლიშვილი

1851—1925

ქართველ ხალხოსან-მწერალთა რიგში სოფრომ მგალობლიშვილს თვალსაჩინო ადგილი უჭირავს. ისიც, როგორც ხალხოსანთა უმრავლესობა, „რაზნოჩინეცია“—ქართლის სოფლის დირბის მღვდლის ზაქარიას შვილია, დაიბადა იგი 1851 წელს. მწერალს თავისი ავტობიოგრაფიული ცნობები საკმარისად მკაფიოდ აქვს მოცემული მხატვრულ მოგონებებში „წარსულიდან“.

ათი წლის სოფ. მგალობლიშვილი მშობლებმა მისცეს გორის სასულიერო სასწავლებელში, რომლის დამთავრების შემდეგ ის გადმოიყვანეს თბილისის სასულიერო სემინარიაში. მწერალს კარგად აქვს ასახული სემინარიის სწავლისა და აღზრდის მეტად მახინჯი სისტემა იმავე ნაწარმოებში „წარსულიდან“. მუქ ფერებში არიან მოცემულნი „აღმზრდელი მასწავლებლები“ ყეყეჩას, ქიშმიშას, ბურნუთის კოლოფის, ინსპექტორი-ისიხის და სხვათა სახით; და ასეთი აღზრდით გზიდან გადავარდნილი, გონებადაბნეული მოწაფეები —თხისტვინა, თხუნელა, ყვინჩილა და სხვანი.

სემინარიის დამთავრების შემდეგ სოფ. მგალობლიშვილი გამწესდა გორში მასწავლებლად სასულიერო სასწავლებელში, შემდეგ დაანება მასწავლებლობას თავი და ფოთში ეპარქიის კანცელარიის საქმეთა მმართველის თანამდებობაზე მსახურობდა. 1905 წლიდან ის გადმოვიდა ქ. თბილისში, საქართველოს ეგზარხოსის კანცელარიაში (კონსისტორიაში), მაგიდის უფროსად. სოფ. მგალობლიშვილი გარდაიცვალა ქ. თბილისში 1925 წ.

სოფ. მგალობლიშვილი სამწერლო ასპარეზზე 70-იანი წლების დასაწყისიდანვე გამოდის. ჯერ კიდევ სემინარიის მოსწავლე სოფრომში თვალყურს ადევნებს ქართული საზოგადოებრივი ცხოვრების მაჯისცემას, მის ჟურნალისტიკას. მონაწილეობას იღებს გაზეთ „დროებაში“ კორესპონდენტობის მიწოდებით. პრაქტიკულადაც, როგორც მისი თანამედროვეები გვიდასტურებენ, 1872 წლიდან ჩაბმულა ხალ-

ხოსნურ მოძრაობაში<sup>1</sup>, რაც საქართველოში, მართალია, სუსტად, მაგრამ მაინც თანდათან ვითარდებოდა.

სოფ. მგალობლიშვილმა სამწერლო მოღვაწეობა დაიწყო გაზეთ „დროებაში“, ხოლო ჟურნალ „იმედის“ გამოსვლიდან იქ გადავიდა. როდესაც „იმედი“ დაიხურა (1883 წ.) და ხალხოსნური მიმართულება დაშლის გზაზე დადგა, სოფ. მგალობლიშვილი თანამშრომლობს სხვადასხვა ქართულ პერიოდულ გამოცემებში („ივერია“, „ნობათი“, „მოამბე“, „თეატრი და ცხოვრება“ და სხვა).

სოფ. მგალობლიშვილის პოეტური მოღვაწეობა შეიძლება ორ პერიოდად გავყოთ: 70—90-იანი წლები და 900-იანი წლები.

პირველ პერიოდში სოფ. მგალობლიშვილის ლიტერატურულა მიმართულება კულტურტრეგერული ხალხოსნების გამომხატველია. ამ პერიოდში მან დაწერა „დედა მათა“, „ლამის მეხრე ცეცო“, „ცვრევაზე“, „დიდ ზალაში“, „დემეტრეს სახლობა“, „მეველე“, „გმირისეულის ქალი“, „წარსულიდან“ და სხვა.

მეორე პერიოდში (900-იანი წლებიდან), მიუხედავად იმისა, რომ ამ დროს ხალხოსნური მიმართულება უკვე დარღვეულია, სოფ. მგალობლიშვილი რჩება ხალხოსნურ პოზიციასზე და რევოლუციონური ხალხოსნების განწყობილებას ამჟღავნებს. ეს გარემოება, ალბათ, აიხსნება 900-იანი წლებიდან მშრომელთა დარაზმვითა და მათი რევოლუციონური მოღვაწეობის გაძლიერებით. მწერალმა იგრძნო ახალი ცხოვრების ძალა, იგრძნო „აღთქმის ქვეყნის“ მოახლოება და, როგორც ხალხოსანი, ახლაც მტკიცედ იცავდა და დაჩაგრულ ხალხს—გლეხობას. მან ნათლად გაითვალისწინა, რომ უკეთესი, თავისუფალი და კმაყოფილი ცხოვრების მოპოვებისათვის აუცილებელია შეგნებული, დარაზმული და თავდადებული ბრძოლა.

მეორე პერიოდში სოფ. მგალობლიშვილს დაწერილი აქვს: „წითელი სარჩული“, „ჯორ-ზაქარა“, „საფლავში ჩამომძახე“, „და შეჭვიცეს“... და სხვა.

პირველ პერიოდში სოფ. მგალობლიშვილი, როგორც კულტურტრეგერი ხალხოსანი (ჟურნალი „იმედიც“, რომლის თანამშრომელიც 80-იანი წლების დასაწყისში სოფ. მგალობლიშვილი იყო, ხომ კულტურტრეგერულ გზას ადგას!), ცდილობს მხატვრული შემოქმედება გამოიყენოს, როგორც იარაღი ხალხის ცხოვრების „აქიმობისათვის“, გაიტანოს ფართო მკითხველ მასებში გლეხის მძიმე, ხშირად პირუტყვის მდგომარეობისაგან გამოურჩეველი პირობები.

ბატონყმობის გადავარდნამ გლეხთა მდგომარეობა ვერ გამოასწორა. პირადი თავისუფლება რას უშველიდა, როცა ეკონომიურად გლეხი ისევ

<sup>1</sup> შ ი ო დ ა ვ ი თ ა შ ვ ი ლ ო . ხ ა ლ ო ს ნ უ რ ა მ ო ძ რ ა ო ბ ა ს ა ქ ა რ თ ე ვ ე ლ ო შ ი . 1933 წ



დამოკიდებული იყო მემამულისაგან, რომელიც ფაქტიურად ბატონის უფლებებით განაგრძობდა სარგებლობას. გლეხი თავის კარმიდამოს რომ გასცილდებოდა, ყველგან მემამულის — ნაბატონარის მამულს ხვდებოდა და ვალდებული იყო ყველაფერში ფული ან ღალა ეხადა. ამგვარი მდგომარეობა გლეხს მძიმე პირობებში აყენებდა. ამაზე წერდა ქურნალი „იშედრიც“.

„იშედრისათვის“ ჩვეულებრივია შემდეგი ცნობა: „თითქმის ჩვენი ქვეყნის ყველა კუთხიდან იწერებიან სიღარიბეს და სიღატაკეს ჩვენი გლეხებისას, რომელიც ღმერთს თაყვანსა სცემს, თუ კი დღიური ლუკმაპური არ შემოაქლდა, ტანზე ძველი შალის ჩოხა და ფეხზე ქალამანი მანც არ შემოაცვლა“<sup>2</sup>.

გლეხი, ხალხი შველას თხოულობდა. ხალხოსნებსაც, ცნობილია, როგორ მტკივნეულად ესმოდათ ხალხის ძახილი. მხატვრული შემოქმედება მათ ხომ გადააქციეს თავიანთი მისწრაფებების გამოძვლავების, ტანჯული ხალხის ცხოვრების მკვეთრად გადაშლისა და მკითხველთა ფართო მასებში მათდამი თანაგრძნობის გამომწვევ საშუალებად. ხალხოსან მწერალთა პოეტური შემოქმედება ხომ სააგიტაციო ლიტერატურად გადაიქცა.

სოფ. მგალობლიშვილი თავის თხზულებებში ცოცხალ სურათს გვაძლევს ჩვენი გლეხის ცხოვრების ეკონომიურად გაღატაკებისა. მისი მოთხრობა „ღედა მაია“ გლეხის ტანჯული ცხოვრების ჩვეულებრივი ოდისეაა.

ქვრივ მაია ღარიბაშვილს ვაი-ვაგლანით, წვითა და დაგვიტ, ქვრივობით ორი ვაჟიშვილი გამოუზრდია: სოლომანა—27 წლისა და სანდალა —17-სა. ღედა-შვილნი წელზე ფეხს იდგამენ, გამგელებულნი მუშაობენ, ებრძვიან ცხოვრებას ლუკმა-პურისათვის, დღე და ღამე მათთვის შრომაშია გაერთიანებული, ახლა 17 წლის სანდალა გუთანზე ღამის მეხრედ მისდევს, მაგრამ მანც ვერა და ვერ იქნა, წელი ვერ გაისწორეს, სიღატაკესა და შევიწროებას ვერ ამოუვიდნენ. ისიც კი ვერ მოახერხეს, რომ სოლომანას ცოლი შერთონ და ჯაფისაგან გატეხილ მაიას ოჯახში დამხმარე გვერდში ამოუყენონ. ოჯახის ფეხზე დაყენების ოცნებით გატაცებულნი მაია და მისი შვილები გულგაუტეხლად, გორკეცებული ენერგიით მუშაობენ.

მაგრამ ხომ არც გლეხის ენერგია და ორგანიზმია დაუშრეტელი ზღვა. სანდალა ღამის მეხრეობაში ვაცივდა. ერთ დილას რომ ადგა, „წელი ველარ აიტანა, ტანში საშინლად შეაზმორა, ცხვირში წაუჭირა და ხელფეხი შეუშცივნა. სანდალა მიჰხვდა, რომ რალაც უბედურებაა

<sup>2</sup> დ. ა. ბ. ლ. უ. შ. ე. ლ. ი. შ. ვ. ი. ლ. ი., ბიბლიოგრაფია, „იშედრიც“, 1882 წ., № 1, გვ. 105.

მის თავს, სახლშიც დააპირა წასვლა, მაგრამ ვერ უღალატა გუთანს. დაეძალა თავს<sup>1</sup>. სანდალა შეეცადა სულ სხვა ფიქრებისათვის გაეტანებინა თავი, რომ ავადმყოფობა დაევიწყებინა. ებრძვის თავის თავს სანდალა, მაგრამ ავადმყოფობამ უმატა, ველარ დასძლია მას და ვიწვი-შით ბედისაგან დაჩაგრული წაფრატუნდა სახლში. სანდალას გულს მხოლოდ ის უღელვებს და უწუხებს, რომ ამ ავადმყოფობის გამო ერთი დღის ალო დააკლდება. სანდალამ ძლივს მიაღწია სახლს. და, აი, შინ რა დახვდა მას: „შინ, — აგვიწერს სოფ. მგალობლიშვილი, — სულიერი არსება არ მოიპოვება, რომ სანდალას მოუაროს. შევა სახლში, კენესით უძახის დედას... იმედგადაწყვეტილი დერეფანში მზის გულზე, რომელიც დერეფნის ბანში სვეტად ჩამომდგარა, წაეგდება. გდია სანდალა ცარიელ მიწაზე უქვეშაგებოდ, მაზარაში გახვეული; სახრე მაგრა დაბლუჯული და გულში მიხუტული უჭირავს. ამ დერეფანში შინაურ პირუტყვის ბაჟის კარია გამოღებული, საიდანაც გამოდის საშინელი დამახრჩობელი სუნი. დერეფანშივე აქა-იქ, თითქო განგებ ამოუთხრიათო, საქონლის ფეხისაგან ამოჩიჩქნილია ორმოები, შიგ ჩაგუბებულია საქონლის შარდი და ქათმებისაგან ნეხვია ჩაყრილი; ეს ორმოები ბაყაყის ბუდის ფერია. მთელს დერეფანში ქათმებისა და გოჭებისაგან გაქეპილი და მოღაგებულია ნეხვი და ამ ნეხვს ზედ ზაფხულის მწვავე მზის სხივები ადგია; ადულებს გუბეებს, აყროლებს ნეხვს და ადენს შესაზარ სუნს. ამ სიმყარაღეს სიხარულით ეხვევიან, დასტრიალებენ ცელქი ბუზები, დაბერილან წუმპის წოვნით და ფირუზის ფერი დასდებიან, სწორედ ის ფერი, რა ფერიც თითონ წუმპეა. ბუზის ხრომ მიაგნო სანდალას, დაუწყო იმას წოვნა, მწარე კბენა და თავბედი აწყვევლინა“<sup>2</sup>.

ღიანაც, ცოცხალი, შეუფერავი სურათია ჩვენი გლენჯკაცის ცხოვრების პირობებისა! გდია ასეთ პირობებში ავადმყოფი სანდალა უპატრონოდ, გულგაღელილი, ქარს გულშიშვერილი. ელის დაღამებას, რომ საიდანმე დედა გამოჩნდეს. საღამოს უამს მოდის მუშაობით ჯანგამოცლილი, წელში გაწყვეტილი მისი დედა მათა. ასეთი მოულოდნელი უბედურების დანახვა მათას ათას ერთიერთმანეთზე უარესად მტკივნეულ ფიქრს აუძრავს თავში და აუღულებს ისედაც სიცხისა და ჯაფისაგან აღუღებულ ტვინს. მათას ყველაზე მეტად ის გარემოება აღელვებს, რომ შვილი ცუდ — მკისა და კალოობის — დროს გაუხდა ავად.

დაქანცული, უილაჯო მათა მეზობელს მიატანს, გაიგოს და სთხოვოს რაიმე წამალი.

მეზობლების მდგომარეობა, თუმცა გაკვრითაა აწერილი, მაგრამ მოცემული რამდენიმე შტრიხი, ცხადად გვაგრძნობინებს, რომ ისეთივე უნუგეშოა, როგორც ღარიბაშვილებისა.

<sup>1</sup> სოფ. მგალობლიშვილი, დედა მათა, თხზ., ტ. I, 1926 წ., გვ. 5—6. აქ და კველგან ეს: გამოცემა მითითებული.

მწერალი ცოცხლად გვიშლის გლახაკთა ანალოგიურ გაქირვებულ ცხოვრებას, როცა მათს წამლისა და რჩევა-დარიგების საქმენელად თავის უბანში გაატარებს. ბევრი შეწუხებული საუბრისა და რჩევის შემდეგ მათა ძლივ-ძლივობით იშოვის ერთ კენიწს შაბს და წამოიღებს შვილის საწამლებლად. ამასობაში კი სანდალას ჰირი, მიწაზე უსახურავოდ გდებით, უფრო და უფრო უძნელდება, ტანში უფრო უჯდება.

რა ქნას! მათა უღონობისა და ხელმოკლეობის გამო იძულებული გახდა წამლისათვის თვითონ წასულიყო და „კვდარი კაცისათვის“ თავი დაენებებინა.

მათამ მოტანის უმალ მოამზადა შაბწყალი და ალერსით მიმართა თავის შვილს—სახლში შესულიყო წამლის მისაღებად. „ააყენებს და კრუსუნით შეიყვანს. დარბაზში აგია ჰილობის ნაგლეჯი, იმაზე გადაფენილია გაცვეთილი ფარდაგი, მათს მზითვისა. სახურავად მოუტანა საბანი, ისეთი ჭუჭყიანი და გაჭვარტლიანებული, რომ კაცი ვერ მიხვდებაოდა პირველში რა ფერისა უნდა ყოფილიყო... მათა თვით მოუდგამს ხის მუთაქას-სასთუმალს, ზედ ჩოხას გადააფარებს“.

ცოცხალი სურათთა ხალხის ცხოვრებიდან ამოღებული და ნამდვილი ფერადებით გადმოტანილი მხატვრულ ტილოზე! რამდენი გაქირვება, რამდენი მოულოდნელი და მოსალოდნელი უბედურება აქვს გლახს თავს დატეხილი! მაგრამ მას ხშირად უბედურებით გამოწვეული მწარე ფიქრი ჩააქინდრინებს თავს და უმალ ახალი უბედურება და გაქირვება ხელში სახრეს, ან ბარ-თოხს ააღებინებს და მუშაობაზე დააყენებს, როგორც „ყოველი მხრიდან“ დაბეჩავენებულს სანდალას ძმას სოლომანას.

ასეა! გლახაკი თავაუღებლივ, ხშირად ანგარიშმიუცემლადაც კი პირუტყვისავით დაჰყურებდა მიწას, რადგანაც „ზეცა წაართვეს ძალით“ და გულში მუდამაქამს იკლავდა „კაცური გრძნობის დუდილს“.

უილაჯო გლახისათვის გაქირვების ტალკვესია ღმერთი და ცრუმორწმუნეობა, რომლებიც განსაკუთრებით უწყობს ხელს მისი ძალ-ღონისა და ოჯახის დაკნინებას, ხშირად განადგურებას. ამ გარემოებას ჩვეულებრივ ამყდავენებენ ხალხოსანი მწერლები, როგორც პოეტური შემოქმედების საშუალებით, ისე პუბლიცისტური წერილებით. ამ მიჯნებელი მოვლენის შესახებ არა ერთი მახვილი წერილი დაიწერა ჟურნალ „იმედში“. ცნობილია ნიკო ლომოური თავის „ალით“, „ქაჯანათი“. ამასვე დიდ ყურადღებას აქცევს სოფ. მგალობლიშვილის მხატვრული აპერცეფცია.

ბეჩავ მათს ვერ უპოვნია მიზეზი, თუ რამ მიიყვანა სიკვდილის პირს მისი ახალგაზრდა, ჯან-ღონით სავსე სანდალა. აზრდაბნეული, იმედდაკარგული მათა, რადგანაც სოფლური საშუალებანი ვერასა შევლოდნენ, თავზე მოულოდნელად დატეხილი უბედურების მიზეზს უღონო სასოებით ეძებს. მათა გადაწყვეტს, რომ იმისი შვილი უთუოდ და

უთუოდ რომელიმე ხატის—წმინდანის მიზეზით არის ავად, რომ გაიგოს, რომელმა ხატმა დაჰმიზეზა მის სანდალას, როგორც სხვა მისი მეზობლები, მაია მკითხავს გამონახავს. მკითხავი მათთვის უკანასკნელი მისამართი ღონისძიებაა. მკითხავის მოგონებაზე მაიას სახე გაუბრწყინდა, დარდები გადაეყარა.

მაიამ მოინდომა ჯერ შინაური მკითხავით, ფთილების ჩამოსხმელით გასულიყო იოლად. მაგრამ ფთილების ჩამოსხმამ მაიას უბედურებას ვერაფერი უშველა. სანდალას მდგომარეობა თანდათან უფრო გაუარესდა. მაია ხედავს დაუძლეველი უბედურების საფრთხეს, გრძნობს უსახსრობას, უძლურებას. მეზობლების რჩევასაც არაფერი სიკეთე არ მოაქვს. მაიასათვის, როგორც ამგვარ მდგომარეობაში სხვა მის მეზობლებისათვისაც, ერთი გზაა — მკითხავს უნდა მიმართოს.

მეზობელმა ფეფელამ მაიას ზერტელ მკითხავთან მისაწავლა. მაიას მთელი არსება მკითხავისაკენ, როგორც ერთადერთ მხსნელისაკენ, იწევს. მაგრამ არ იცის, როგორ მოახერხოს: არც ურემი აქვს და აღარც გამყოლი ჰყავს. უფროს შვილსაც ვერ მოაყენებს, ზაფხულის დღეა, ჰირნახული კარზე აქვს მომდგარი, მას პატრონობა უნდა.

მაია გავა სოფელში. მალე იშოვის მკითხავთან თანამგზავრად თავისავით უბედურს დარეჯანს. რის ვაი-ვაგლახით ისესხებენ ისინი მკითხავისათვის ფულს და გაემგზავრებიან. „ვაი, ჩემი ბრალი, ამოიკვნესებს მაია, სახლში რომ დაბრუნდება. — სიყრმით დაბადებიდანვე კი ვერა გავიხარე რა და! ჩემი დღენი, მე უბედური დღისამა, წვა და დგვაში გვატარე. რა ვარსკვლავზე ვარ დაბადებული?“<sup>4</sup>

ეს კვნესა ხომ ჩვეულებრივი კვნესაა გლეხის დედაკაცისა, რომლის თავზე, წისქვილის ბორბლის გარდა, თითქმის სუყველაფერი დატრიალებულა!

უილაჯო მაია—„უღირსს შვილს“, მომაკვდავ სანდალას, უპატრონოდ დატოვებს. წავა მკითხავთან, ბევრ ტანჯვასა და ვაი-ვაგლახს გამოვივლის გზაში. გაჭირვებით ნასესხებ ფულს მკითხავს მისცემს, თერთონ და საქონელიც მოცდება, ხოლო მისი შვილი სანდალა საშინელ ტანჯვაში, მოუვლელი (წყლის მიმწოდებელი, ხმის გამცემიც კი არა ჰყავს), სანამდის დედა დაბრუნდება, გარდაიცვლება. ასეთია მავნე მნიშვნელობა მკითხავისა ჩვენი ხალხის ისედაც შავდლიან ცხოვრებაში. და ხალხოსნებიც, კერძოდ სოფ. მგალობლიშვილიც, ამიტომ ასე მედგრად იბრძოდნენ ხალხის ამ მავნე ტრადიციის მოსასპობად.

ამგვარად მძიმეა ღარიბი გლეხის ცხოვრების პირობები სოფელში, რომელსაც ხალხოსნები ასეთი თავგამოდებით ჩაჰკირკიტებენ და რომლის უტყუარ-ცოცხალ სურათს გვაძლევენ თავიანთ შემოქმედებაში.

<sup>4</sup> სოფ. მგალობლიშვილი, დედა მაია, თხზ., ტ. I, გვ. 26.

განა ასეთივე ჯოჯოხეთი არ არის დემეტრესა და მისი ოჯახის ცხოვრება („დემეტრეს სახლობა“)? განა ასეთმა აუტანელმა სიღარიბემ არ მოსტეხა და მოაბერა დემეტრე, უღროოდ არ დააქცნო მისი „მშვენიერი ვაჟაკური სახე“ და „ჩაუფერფლა თვალები“ მას? განა დამცირებულმა მდგომარეობამ არ შეაძრწუნა ჯაფისაგან მოღალულნი, ოჯახის გაუკუღმართებით სასოწარკვეთილებამდის მისული დემეტრეს ცოლი ნენე? განა დამცირებულის მდგომარეობამ არ მიიყვანა ყველაფერწართმეული ნენე კაცის კვლამდე?

დემეტრე გაჭირვებამ აიძულა ბავშვობიდანვე სოფელს მოსცილებოდა. უფროსმა ძმებმა მ—9 წლის ბიჭი წაიყვანეს ქ. გორში, მისცეს ხარაზს შეგირდად, რადგანაც სოფლის გაჭირვებული ცხოვრება გლახს ბელს აწყველინებდა. დემეტრე ხარაზს სახლშიც ემსახურებოდა და დუქანშიც. დემეტრეს სახით სოფ. მგალობლიშვილი ნიქიერად გვიხატავს სოფლის ცხოვრებას გაქცეული, ახალი ცხოვრების მაძიებელი გლახის ბიჭის ხვედრს, კაპიტალიზირებული ქალაქის მძიმე პირობებში მოხვედრილს და მისგან გაჰქეცილს, ასეთი იყო ხომ საერთოდ ხალხოსნების შეხედულება! „ამ დღეს (დემეტრე — მ. ზ.), — აგვიწერს სოფ. მგალობლიშვილი, — კბილით ჯღანს ეწეოდა და ფინაჩობდა; ორი წელიწადი იყო გორში აღასთან, პატარა დემეტრეს სულ ცეცხლის აღში ატარებდნენ; მუდამ დაგლეჯილ-დაფლეთილი დადიოდა, საცოდავს ვირივით ამუშავებდნენ და ვირივითვე სცემდნენ, მაგრამ თავმოყვარეობის ნიშნად ვირიც ტლინკებს გაისვრის ხოლმე: ერთხელ აღამ ჩვეულებრივზე გარდამეტებით გაამათრახა ჩვენი დემეტრე; იმანაც დაჰკრა ფეხი, შემოდგომაზე ხილის ურმებს გაჰყვა და ტფილისის ქალაქში თავი ამოკყო კი“.

„ტფილისში დემეტრე ჯერ ხელზე მოსამსახურებოდა, ბოლოს ქალაქის ბიჭებში გაეჩვია და გაკინტოვდა, გაიმართა კარგი ლაზათიანი თაბახი და ქუჩა-ქუჩა დაარბენინებდა სხვადასხვა ხილსა, ყველსა, თევზეულსა, მწვანეხილსა. რასაც კვირიდან კვირამდე იშოვნოდა, კვირა დღეს ძმა-ბიჭებ-კინტოებთან შექამდა ხოლმე ვერისა და ორთაქალის ბაღებში. კინტო ბიჭებს ძლიერ უყვარდათ. იუ დემეტრეს იმათთვის არა შურდა რა, არც რას ისინი იშურებდნენ. დემეტრე ძმა-ბიჭებისათვის ანთებულს საკირეში გადავარდებოდა“<sup>5</sup>.

მაგრამ დემეტრეს მოსწყინდა ასე სიარული თბილისში. გაიღვიძა მასში სოფლისადმი მიზიდულობამ და ერთ დილას დემეტრე ქალაქური კინტოური ტანისამოსით მორათულ-მოკაზმული გაჩნდა სოფელში. მაგრამ დემეტრე სოფელს, სოფლის მუშაობას უკვე გადაჩვეული იყო. სოფელში დემეტრე ნაბატონარებთან იყო, მათ ემსახურებოდა და

<sup>5</sup> სოფ. მგალობლიშვილი, დემეტრეს სახლობა, თბზ., ტ. II, გვ. 4—5.

იქით-აქეთ დასდევდა, ამანაც არ დააკმაყოფილა დემეტრე. ბოლოს შეირთო მეზობლის ქალი ნენე.

ცოლის შერთვის შემდეგ დემეტრეს წინაშე უფრო მძიმედ დაისვა ცხოვრების საკითხი. დემეტრემ გადაწყვიტა ისევ ქალაქ ადგილისათვის მიეტანებინა. ასეც მოიქცა. დაიჭირა ერთი უხვირო ფიცრის ოთახი და ფინაჩობა დაიწყო. თანდათან ხარაზობაში გაიმართა. მალე გაითქვა აქაც კაი კაცობის სახელი. მაგრამ, როგორც მწერალიც განმარტავს. „ფინაჩობით რას გახდებოდა! მოისურვა შეემატებინა ცოტა რამ შეშუტი ღუქნისათვის, მაგრამ იმდენი ღონეც არ ჰქონდა. როგორც იყო, იშოვნა ვალად ყაზარა მიკირტუმოვისაგან ხუთი თუმანი ფული, მაგრამ რაც მოიმატა, ისიც სულ ყაზარას სარგებელსა და „ნეუსტოიკებს“ უნდებოდა. ჩაიფლო ლაფში და ველარ ამოვიდა. რაც ძალი და ღონე ჰქონდა, მხნეობას უმატა. ძველებურს კოხტაობასა და ქეიფს თავი დაანება. ცოლიც ძალიან მხნე და გამრჯელი გამოდგა... ნენე ორს დიდს უბანს ქალაქისას უცხოვდა პურსა და ურეცხავდა სარეცხს. ხელი და პირი აღარ ემჩნეოდა საწყალს ჯაფისაგან. ქმარზე მეტი იმას შემოქონდა სახლში. ქმარი ბინდისას მოდიოდა შინ, ცოლი კი კარგა დახშირბინდებისას“<sup>6</sup>.

მაგრამ ვერ იქნა, საშინელ სიღარიბეს ვერა და ვერ ამოუვიდნენ. ჩარჩმა ყაზარამ მაინც არ გაახარა დემეტრე და მისი სახლობა. ის წურბელასავით ჩაეჭიდა და დაუნდობლად სრუტავდა მათ მაცოცხლებელ ძალას.

რეალურ ფერებშია მოცემული ჩარჩი ყაზარას მორალური განურჩევლობა, სიმდაბლე. ის ფულის გულისათვის არავის ინდობს. კაპიკისათვის ის ყველასა და ყველაფერს ადვილად გაჰყიდის, თავის თავმოყვარეობასაც ადვილად გაათელვინებს.

ასეთივე დამახასიათებელ (ხალხოსნისათვის) ფერებშია მოცემული სოფლის შეილები—დემეტრესა და ნენეს შეურყვენელი ბუნება. ისინი ვერც აზღვავებულმა ტალახის გუბემ და ვერც აუტანელმა სიღარიბემ უსინდისო გზაზე ვერ დააყენა.

მაგრამ ამ პირობებში ჩარჩი ძლიერია. ძალა-უფლება, კანონი მის მხარეზეა და დემეტრეს დაჩაგვრა-დარბევაში ყაზარაც გამარჯვებულია.

„ხვალ ჩვენი სულთამხუთავი მოვა, — ეუბნება ცხოვრების გამოუვალ ჩიხში მყოფი დემეტრე ჭირ-ვარამში მყოფ თავის ცოლს, — ამ საღამოს იყო ღუქანში ყაზარა და ქმარი მთხოვა, ორ თუმნად ავიღებ, დანარჩენს დაგაცლიო; მე გავბოროტდი, სისხლი ამიდუღდა, კარგა გავტყაზე და ისე გავისტუმრე თავის ანგელოზით; ეს მაინც გამყვეს სიკვდილის დროს სანუგეშებლად.“

<sup>6</sup> სოფ. მგალობლიშვილი, დემეტრეს სახლობა, თხზ., ტ. II, გვ. 7.

ნენემ წელი ველარ აიტანა.

— მაშ რა ვქნათ? — ჩაეკითხა საცოდავად ცოლი.

— მაშ რა ვქნათ? რას შერება ცხვარი, ყასაბი რომ ყელში დანას და-  
აქერს ხოლმე, — უთხრა ცხოვრებისაგან გამოცდილმა და გათელილმა  
ქმარმა.

— მაშ უნდა დაგვარჩოს, სულებაც ამოგვართვას?

— უნდა მეთქი, ადამიანო, მა რითი იხსნი თავს ყაზარასაგან? <sup>7</sup>

ჩარჩმა ყაზარამ, აღრინდელმა „ქეციანმა ყაზუამ“, აწინდელმა „ყა-  
ზარ სტეფანიჩმა“ შეუწუხა სული დემეტრეს. ყაზარასაგან შევიწროე-  
ბამ, გაჭირვებამ, შიმშილმა და სიცივემ დააბერა და მოუსპო სიცოცხლე  
დემეტრეს. „ამ ამბის შემდეგ, — თანაგრძნობით გადმოგვცემს ავტორი,  
— დემეტრემ დიდხანს ველარ იცოცხლა“.

ყაზარამ მოინდომა დემეტრეს დაბეჩავებული, სუსტი სახლობის ან-  
გარიშზე თავისი სიამოვნებისა და ლხენის იაფად შოვნა. ამიტომ მოინ-  
დომებს დემეტრეს ოხრად დარჩენილი ოჯახის გამოყენებას პირადი  
მდაბალი გრძნობის დაკმაყოფილების მიზნით.

მძიმეა დემეტრეს ქვრივის ნენეს მდგომარეობა! რა ქნას, შვილე-  
ბი უპატრონოდ ელუბება! ქმარი თითქმის დაუმარხავი ჰყავდა! ვალი  
ჯერ არა ჰქონდა მოხდილი. სწორედ ამ დროს ყაზარაც შეუჩნდა.  
სთხოვს, ან ვალი გადაიხადოს, ან გადავიდეს მასთან მოჯამაგირედ.

რა ქნას ბედშავმა ნენემ! მას სხვა გამოსავალი არა აქვს. იძულებუ-  
ლია ვაჟიშვილი ილო შეგირდად მისცეს ხელობაზე, გოგო მასთან იქ-  
ნებოდა და იქნება როგორმე გაეტარებინა ცხოვრება, ქმრისა და შვილე-  
ბის წინაშე ვალი შეესრულებინა, შვილები დალუპავს გადაერჩინა.

ყაზარა დაიყოლიებს გამოუვალ მდგომარეობაში მყოფ უპატრონოს,  
შვილებისადმი მოვალეობით დამძიმებულ ნენეს. აი როგორ გულშე-  
მზარავად გადაუხსნის ნენე თავის სულიერ წყლულებს მოსამართლეს:  
„ჩემის მარჯვენით გამომიყვანია და გამიზრდია შვილები, ბევრჯელ  
დაწყლულებულის ხელებით მირეცხნია სარეცხი; ბევრჯელ სიციხიანი  
ჩაკვიდებულვარ თონეში და ისე კენესა ოხვრით გამომიცხვია პური;  
იქამდის გამიჭირდა, რომ შვილები დათხოვლობდნენ, კინაღამ გამიავა-  
ზაკდნენ. ვიფიქრე, ჩემს თავს შევწირამ, მტლად დავედები შვილებსა  
და დავიხსნი შიმშილისაგან მეთქი. ასეც ჩავიდინე, დავდექი ყაზარასთან  
იმისი ვალის გადასაწყვეტად“ <sup>8</sup>.

ყაზარა არ დაკმაყოფილდა ნენეს ნამუსის შერცხვენით. მოინდომა

<sup>7</sup> სოფ. მგალობლიშვილი, დემეტრეს სახლობა, თხზ., ტ. II, გვ. 14.

<sup>8</sup> იქვე, გვ. 87.

ნენეს ქალის პატარა თინას ნამუსის ახდაც. ნენემ ეს ველარ აიტანა და ცულით მოჰკვეთა ყაზარას თავი, „შვილი გადაარჩინა“.

„დემეტრეს სახლობაში“, როგორც „გმირისეულის ქალში“, სოფ. მგალობლიშვილის მიერ მკვეთრად და გამომკლავნებული უარყოფითი შეხედულება ქალაქზე, როგორც კაპიტალიზმის განვითარების შედეგზე. ისევ სოფელი! იქ უფრო სიფაქიზეა, იქ უფროა მთლიანი, სალი ადამიანი — გმირისეულის ქალი სალომე, ნენე. დემეტრეც.

ამგვარ დამოკიდებულებას სოფ. მგალობლიშვილი „გმირისეულის ქალში“ ასე გამოხატავს: „ახლა კი დარწმუნდა სალომე, რომ აქაც, ამ დიდ ქალაქში, რომელიც მას სიმდიდრის ბუდედ მიაჩნდა, სადაც მას ყველანი ერთობრივ კმაყოფილნი ეგონა, სადაც ყველა ბედნიერი უნდა ყოფილიყო, ამ ქალაქშიაც მრავლად ყოფილან გაჭირვებისა და მწუხარების შვილნი; დარწმუნდა, რომ აქ უფრო ბლომა ხარკს ჰკრებავს სიღარიბე, რომ კაცს აბიწიერებს, სულს უფუჭებს, ნამუსს ართმევს; დარწმუნდა, რომ სოფლად ეს ხარკი სიღარიბისა აგრე რიგად არა ხედება ხალხს. იქ მისი სული შეუძწიკვლეღია და შეუბღალვეღი. ხოლო იქამდინ ველარ ჩავიდა მისი გონება, რომ განესაზღვრა: რა იყო მიზეზი, რომ სიღარიბე აქ, ქალაქში, ხშირად აბიწიერებდა დაბალს, მუშა მოწოდმართე ხალხსა და იქ, სოფლად კი, იგი ამ მხრივ ხელშეუხებელი, წმინდა იყო... სალომემ აქ პირველად შეიტყო, რა საზარელი შედეგი მოსდევს სიღარიბეს, რა უმწვერვალეს წერტილამდე მიჰყავს კაცი, რა ბიწიერების უფსკრულში აგდებს... იგი მზად იყო ყოველს წამს, რომ მტერს ამაყად და გულმაგრად დაჰხვედრიყო და მის სულს ბიწიერების ხელი არ შეჰხებიყო. რამდენჯერმე გამოსცადა იგი უწყალო ბედმა, მაგრამ იგი ხალასად და ძლეულად გამოვიდა: სალომე მაგარი იყო როგორც რვალი და მისი დამორჩილება მაცდურმა ვერ შეიძლო“<sup>9</sup>.

ასეთი შეხედულება ქალაქზე, კაპიტალიზმით ფერცვლილ ცხოვრებაზე დამახასიათებელი იყო რუსი ხალხოსნებისათვის და ჩვენმა ხალხოსნებმაც შიგადაშიგ ამ მიმართულებას თავისი ხარკი მისცეს (სოფ. მგალობლიშვილი და სხვები).

სოფლის ყოფის ერთგვარი იდეალიზაციის ელფერი ატყვია სოფ. მგალობლიშვილის მოგონებებს — „წარსულიდან“. ეს უკანასკნელი მემუარული ჟანრის ნაწარმოებია, მაგრამ ამ თხზულებაში მხატვარი იმდენად მკლავნდება, რომ ეს უფრო მოთხრობაა, — ბელეტრისტიკა, ვიდრე მემუარი, თუმცა, ცხადია, ავტორი აგვიწერს გარკვეულ კონკრეტულ მოგონება-ფაქტებს. ეს ნაწარმოები დაიბეჭდა ჟურნალ „მომბეში“ 1898—1899 წწ.

<sup>9</sup> სოფ. მგალობლიშვილი, გმირისეულის ქალი, თხზ., ტ. I, გვ. 190—191.



მოგონებას, დღიურს, როგორც ჟანრს, ხალხოსნები იყენებდნენ არა როგორც საშუალებას, უბრალო მოგონებას ადამიანისა, რომელიც ცხოვრებიდან გასულა, ისევენებს და წარსულითა ცხოვრობს, არამედ, როგორც საშუალებას თავის მისწრაფებათა გატანისა ფართო მკითხველ მასებში, როგორც ბრძოლის ერთ-ერთ საშუალებას კონკრეტული ფაქტიური მასალის გამოყენებით.

სწორედ ასეთივე მიზეზებითა აქვს ეს ჟანრი გამოყენებული სოფ. მგალობლიშვილსაც.

მოგონებაში „წარსულიდან“ ნათლად მოჩანს ავტორის სიმპათიები სოფლისა და მისი წარსულისადმი: სოფლს ძველი ჩვეულება, ძველი ხალხი, მართალი, პირდაპირი, ზნეობრივი, ერთიერთმანეთის დამხმარე, მაგ., მგელბაბია, ედიშერ გეგელაშვილი, ეფროსინე, ედიშერის რძალი, სამართლიანი და ავტორიტეტისანი მოსამართლენი სოფლისა — იოსებ ლაშხი, იოკიმიანთ სოლომონა — აი ვის დაეძებს ხარბად სოფ. მგალობლიშვილის მხატვრული აპერცეპცია, მისი პოეტური მუზა.

ამასთან ერთად სოფ. მგალობლიშვილი პრივილეგიურ კლასში ორგვარი მემამულის ხასიათს გვაძლევს. ერთი ნაკლები შეძლებისა, რომელიც იძულებული იყო თავისი შრომით ეცხოვრა: ედიშერ გეგელაშვილი, მისი რძალი ეფროსინე, მისი ძმისწული ვახტანგი. ესენი ხალხთან ახლოს არიან. მათ ჭირსა და ლხინს იზიარებენ. გლეხებთან ერთად ებრძვიან ზნედაცემულ ბერძენ მოურავს და მის დამქაშ გლეხ გიგოლას. ყოველთვის გონიერსა და სისარგებლო დარიგებას აძლევენ გლეხობას, ამიტომ ამათ გარშემო შემოკრებილი არიან გლეხთა რჩეული კაცები.

სულ სხვაა „კნიაზ“ რევაზ მორთულაძე, არაფრის გამკეთებელი, სოფლის ხორცმეტი, სოფლის ქალ-რძლების მუსუსი, რომელიც არაფერს და არავის ერიდებოდა თავისი მდაბალი გრძნობების განსახორციელებლად. „კნიაზ“ რევაზმა („წარსულიდან“) მოინდომა ბაციკაძიანთა რძლის ნინოს, განთქმული ვაჟკაცი გლეხის მგელბაბიას ქალის, ხელში ჩაგდება. მიუხედავად იმისა, რომ ბიჭებმა რევაზი გააფრთხილეს, რომ ამ სურვილის შესრულება მას იათად არ დაუჯდებოდა, „გაქსუებულმა რეზიკომ მაინც გულიდან ვერ ამოიღო თავისი განძრახვა; მუდამ თვალელებში ელანდებოდა ნინოს მშვენიერი სახე, გაგიყებული იყო მისთვის პირუტყვეული ნდომით: ეჩქარებოდა მისი გულში ჩაკვრა, მასთან ხვევნაკოცნა და მტლაშა-მტლუში. დარწმუნებულიც იყო, რომ თავის სურვილს შეასრულებდა ძალით, თუ ნებით არ დაჰყვებოდნენ მის მხეტურ სურვილს“<sup>10</sup>. ასეც მოხდა. მან შეკრიბა რამდენიმე თავისი დამქაში, მა-

<sup>10</sup> სოფ. მგალობლიშვილი, წარსულიდან, „მოამბე“, 1899 წ., № 3, გვ. 116.

თი დახმარებით გაიტაცა მიუვალ ტყეში მგელბაბიას ქალი ნინო, როცა სახლში მამაკაცთაგანი არავინ იყო და მგელბაბიაც სანადიროდ იყო წასული. შემთხვევით იმავე ტყეში აღმოჩნდნენ მგელბაბია და ედიშერ გეგელაშვილი. ნინო „ნამუსის ახდას“ გადარჩა.

მაგრამ, როგორ გაქცეოდა ბეჩავე ქალი სოფელს? ვის დაარწმუნებდა „ცამდის მართალი“. ნინო, რომ ის ხელშეუხებელი იყო? დადნა, დაჩიავდა ნინო ამ უბედურების შემდეგ და მალე გარდაიცვალა.

მგელბაბიამ მოინდომა სისხლის აღება, ტყე-ველად გავარდა. შურისძიება უნდა. მაგრამ ვერ ახერხებს. ეძნელება. ბოროტმოქმედებისაგან მას ხან შვილის სულის დამძიმება აკავებს, ხან მღვდელი იროდიონის დარიგება, ხოლო ბოლოს რევანზის დედის შევედრება. მგელბაბიაც აღარ ჰკლავს თავისი ერთადერთი შვილის მკვლელს, სოფლის სინდისის შემლახველს „კნიაზ“ რეზიკოს.

მგელბაბიას ხასიათის ამგვარი გაშლა, ვფიქრობთ, ბუნებრივია სოფ. მგალობლიშვილისათვის, როგორც წვრილბურჯუაზიული იდეოლოგიის მატარებელი მწერლისათვის, რომელშიც კლასობრივი წინააღმდეგობა სათანადოდ არ არის გამახვილებული და ხშირად მისი გაგება მოდუნებულია.

900-იან წლებამდის, პირველი პერიოდის მანძილზე, სოფ. მგალობლიშვილი გლეხის რევოლუციონურ განწყობილებას, ჩანს, ჯერ კიდევ სათანადოდ ვერ აფასებდა. სოფ. მგალობლიშვილი გლეხობაში ამჩნევს ერთგვარ დუღილს, მხოლოდ სტიქიური აჯანყების სურათს გვაძლევს და ისიც აქა-იქ („ღამის მეხრე ცეცო“).

მწერალი, როცა მგელბაბიას თავ. რეზოს შეახვედრებს, მის სულიერ განწყობილებას ასე გადმოგვცემს: „მას გულის ჭიდილი დაუწყო ორმა გრძნობამ: სისხლი სისხლით მოიბანოს, თუ დასთმოს... დედის შვილთან ალერსმა გააღვიძა მგელბაბიაშიც ნინოს სიყვარული, მოაგონდა მისი ალერსი, ლოყაზე ხელის ცატუნნი... ხომ ამათ მოაკლეს ესენი, ხომ ამათ მოგლიჯეს იგი გულიდან, ხომ ამათ დაამიწეს. მხეცურმა გულისწადილის ასრულებამ დასძლია გონებას, უარაყოფინა მოძღვრის დარიგება... აგერ გრიგალივით აიჭრა აივანზე და როგორც აჩრდილი მოევლინა რევანზ მორთულაძეს“...<sup>11</sup> და ის იყო უნდა სისრულეში მოეყვანა მგელბაბიას თავისი დიდი ხნის ზრახვა, რომ რევანზის დედის სიტყვებმა მგელბაბიას „გული აუვსო სიბრაღულითა, მოაგონდა თვით დედა თავისი, მოაგონდა ის დედები, რომელნიც მამულს გმირებს უზრდიდნენ და რომლებზედაც არა ერთხელ გაუგონია მოძღვარი პლატონისაგან ბევრი რამ კარგი; წარმოიდგინა რომ ბავშვის უმანკო სისხლი რად უნდა და-

<sup>11</sup> სოფ. მგალობლიშვილი, წარსულიდან, „მოამბე“, 1899 წ., № 3, გვ. 130.

ღვაროს, რად უნდა გამოასალმოს წუთისოფელს რევების ახალგაზრდა, ჯერ სიცოცხლით გაუმადლარი, ცოლი“ და დამშვიდებული მგელბაბია ასე მიმართავს რევას: „დედიშენის ძუძუებისათვის მიპატიებია!... მე ვიცი. მე გამოვცადე, რა მწარეა შეილის სიკვდილი!.. მე აღარ მსურს გავხდე დედიშენის საუკუნო ტანჯვის მიზეზი... და გაშორდა... რევას აუვარდა ბავშვივით ტირილი და დიდხანს ველარ მოიბრუნა გული“<sup>12</sup>.

ასეთი განწყობილება, რა თქმა უნდა, მგელბაბიასათვის არაბუნებრივია. არც რევებისათვისაა ბუნებრივი ასეთი ცოდვის მონანიება, „ბავშვისათვის ტირილი“. ფეიქრობთ, ეს არ არის ნამდვილი შტრიხები რევოლუციონურად განწყობილი მწერლისათვის. აქ მკაფიოდაა გამომჟღავნებული ორმაგი ბუნება ხალხოსნისა, რომელიც ვერ ამახვილებს კლასობრივ წინააღმდეგობას, საბოლოოდ ვერ გაუწვევტია კავშირი ძველთან; ძველისადმი დამოკიდებულებაში სოფ. მგალობლიშვილი. როგორც ხალხოსანი, ერთგვარ გაურკვეველობას იჩენს. თუმცა ამასთან ერთად ძველის ნგრევასაც, ახალი ცხოვრებისაკენ გზის გაკაფვასაც ლამობს და მის დახატვას ახერხებს კიდევ.

ასეთივე ნაფანსებით ხასიათდება სოფ. მგალობლიშვილის მოთხრობა „ცვრევაზე“, რომელშიც ძველი, მრავალრიცხოვანი, საქმიან-სარისტიანი ოჯახია დახატული. გაბრიელ ღარიბაშვილის პატრიარქალურ ოჯახში ყველა კმაყოფილია, ყველა ხალისიანად მშრომელია, ყველა ბედნიერია. ოჯახი დულს და გადმოდის. ავტორიც, როგორც ნიკო ლომოურიც („ბერუა ქრისტესიაშვილი“), ამ ოჯახისადმი სიმპათიებითაა განწყობილი.

ასეთივე ორმაგ ბუნებოვანია სოფ. მგალობლიშვილის მოთხრობა „დიდ ზალაში“. — „მშვიდი“, დაფიქრებული ზიზო ამაყაძე, დიდი ფეოდლის ქალი, ვერ გარკვეულა თავის გრძნობებში, მას უყვარს ხელმოკლე აზნაური, — „ჭკვიანი, დაფიქრებული, განათლებული, შესაფერი ვასილ კავკასიძე“, მაგრამ ზიზოს მაინც ვერ ვადაუწვევტია გათხოვება, რადგანაც მასში მაგრადა ზის გვარიშვილობის ამაყობა — აზნაურს როგორ უნდა მითხოვდეს დიდი გვარის ამაყაძის ქალი! მართალია, ზიზო საბოლოოდ პირდება ვასილს, რომ, თუ დედ-მამა ნებას არ მისცემს მასზე გათხოვებისას, მაშინ ის მზადაა ჩუმად დაიწეროს ჯვარი; „ერთი კიდევ ვცდი, — ეუბნება ზიზო ვასილს, — პირს ვუკითხავ (მშობლებს — მ. ზ.) და მერე დაუკითხავად წავიდეთ საყდარში საქორწინოდ“<sup>13</sup>. მაგრამ მწერალი აქვე უშვებს ფარდას, ვერ ახერხებს თითქოს ამ დაბრკოლების გადალახვას.

<sup>12</sup> სოფ. მგალობლიშვილი. წარსულიდან. „მოამბე“, 1899 წ., № 3, გვ. 131—132.

<sup>13</sup> სოფ. მგალობლიშვილი, დიდ ზალაში, გვ. 10.

სამაგიეროდ სოფ. მგალობლიშვილი ამავე ნაწარმოებში საკმარისად ნათელ ფერებში იძლევა ქართველი პრივილეგიური კლასის დაძაბუნება-გადაგვარებას ახალ ეკონომიურ და პოლიტიკურ პირობებში. კაპიტალიზმის თანდათანობითი გაბატონებით დაირღვა ძველი საქართველო, ძველმა ფეოდალურმა კლასმა დაკარგა თავისი ძალა, როლი, ადვილად მოიღუნა, დაიცალა შინაარსიდან, ყველაფერი უცხო მას ადვილად იტაცებს. დაიწყო „რუსობია“. თავადის ცოლებსა და ქალებს არაფერი აღარ მოსწონთ თავიანთი, არც ჩვეულება, არც ენა, არც „კაჯალრები“. ყველაფერი უცხო მათ თავდავიწყებამდე იტაცებს. ასეთი განწყობილება პათოლოგიურ მდგომარეობამდე მიდის. ლამაზი, მიმზიდველი კნენინა ანეტაც გადარეულია ქერა ოფიცრით პახომ პახომოვიჩით. კნენინა ანეტა ეკზალტაციაში მოჰყავს პახომის ყველაფერს — შეხედულებასაც, ეპოლეტებსაც, ქერა თმა-წვერ-ულვაშსაც, სახელსაც კი! პახომ, მწერლის ჩვენებით, მას გაცილებით ლამაზად, კეთილშობილედ ეჩვენება, ვიდრე ქართული სახელები—არჩილი, ლუარსაბი, ვახტანგი, ერეკლე, ელიზბარი. „ეჰ, ნეტა მე ქართველი არ ვიყო, — მწარე ტკივილით ეუბნება პახომს, მისდამი ვნებიანობის ეშხით დამთვრალი კნენინა ანეტა, — უფრო შემეყვარებდი... ეჰ, რუსულიც არის მაინც ვიცოდე კარგად, რომ გეჰუჰ-ჰუჰო, ქართულად არ მეხერხება ალერსი. აი ეხლა ქართულად რომ იტყვი „სულიკო“! არ ვარგა. დამაზიზღებს ხოლმე, „Душка“ კი სიამოვნების ურუხანტელს მომგვრის ხოლმე“.

უდავოდ, მშენიერ, რეალურ ფორმებშია მოცემული გადაგვარებული სახე აღამიანისა, რომელიც ადვილად გაჰყვა ახალი ცხოვრების ფუფუნებას, დაკარგა ნიადაგი და თავშეუყავებლივ გადავარდა ვნებიანობის ქაოსში. კნ. ანეტა თავისი განცდებით XIX საუკუნის მეორე ნახევარში დამახასიათებელი მოვლენა რომ იყო ჩვენი ცხოვრებისათვის, ჩანს იქიდან, რომ სოფ. მგალობლიშვილის შემდეგ ამ საკითხს შეეხო და მკვეთრად ასახა შიო არაგვისპირელმაც თავის ნოველაში „ჩემი სამშობლო — ჩემი გულია“.

ეროვნული საკითხი, როგორც ზევითაც აღვნიშნეთ, ხალხოსნებისათვისაც დამახასიათებელია. თუმცა ხალხოსნები, როგორც თავის ადგილზედ გვქონდა აღნიშნული, ამ საკითხის გაგება-გაშლაში არსებითად განსხვავდებიან თერგდალეულებისაგან. ხალხოსნები თერგდალეულებსავით ეროვნულ საკითხს ძირითად საკითხად არა თვლიან. ხალხოსნების შეხედულებით, ჯერ ეკონომიური საკითხების მოწესრიგება იყო მთავარი და შემდეგ ეროვნული, მაგრამ ეროვნული მეობის შენახვის ისინიც იცავდნენ, ეროვნულ-რევოლუციონურ-გამათავისუფლებელ ფრონტს ისინიც ამტკიცებდნენ.

გარდა მოთხრობისა „დიდ ზაღაში“, ეროვნულ საკითხს სოფ. მგა-

ლობლიშვილი საკმარისი სიმკვეთრით ავითარებს მოთხრობაში „წითელი სარჩული“. იქ იუდა თადეოზის ძე ლექიაშვილის სახით სოფ. მგალობლიშვილს გამოყვანილი ჰყავს გადაგვარების გზაზე დამდგარი ინტელიგენტი, რომელიც ჩინისა და მთავრობისაგან პატივის დამსახურებისათვის ყველასა და ყველაფერს ადვილად აჰყიდდა. „უბრალო კაცი არ გეგონოთ ბ. ლექიაშვილი, — გესლიანად ახასიათებს ავტორი, — ჯერ ერთი ისა, რომ ტახტის აზნაურია; თუმცა ჯერ შეუწყნარებელი აზნაურია, მაგრამ მაინც აზნაურია; მეორე დიპლომატია“.

ლექიაშვილი თავისი მოღვაწეობის credo-ს ასე განუმარტავს თავის ცოლს, როცა უკანასკნელი ეჭვს გამოთქვამს ქმრის სურვილზე (რომ ის სამ კურდღელს დაიჭერს ერთად) და აღელვებული ასე მიმართავს: „თუ ნამუსსა და სინდისზე ხელი აიღო (კაცმა — მ. ზ.), იქნება მეტიც დაიჭიროს, მაგრამ ნამუსი და სინდისი?“...

„— ნამუსი, სინდისი?.. ჰმ.. ნამუსსა და სინდისს ისეთ სქელ ფარდას ჩამოვაფარებ, რომ თვალთაც ვერავინ დაინახოს... ერთის მხრით, ჩემს ხალხს ვასიამოვნებ, მასთან სახელს გავიკეთებ... უკვე ჩაეყარე მისი საძირკველი ხალხის გულში... ღმერთმა მომცა გონება, ჰკუა და გარეგნობა, ყველა ეს სწავლით შევაზავე... მეორის მხრივ, ჩემს მთავრობას ფეხქვეშ გავერთხოზი, მის წინ დავდნებ-დავხორავიჭდები, თავს ანგელოზად მოვაჩვენებ. თუ ასე არ მოიქცევი, წინ არ წაგწივენ და დერეფანში გდებით და ხოხვით სულს ამოგართმევენ. მესამე მხრივ, არაფერს და არავის არ დავზოგავ, ყველას ცეცხლ-ნავთში გავატარებ, ვინც კი ჩემს სურვილებს გადაელობება... აი, დღეს მე პატარა ჩინოსანი ვარ, ხვალ დიდი კაცი შევიქმნები“...<sup>14</sup>

ლექიაშვილის გაგება-განმარტებით კაცი ნამუსსა და სინდისს რომ მიჰყვეს, შიმშილით სული ამოძვრება. ამიტომ მან ამნაირი სინდისი მოდრიკა, წელში მოკაცვა და ახლა მას ასე ალაპარაკებს: „ხალხს თვალები აუბი, თვალში ნაცარი ჩააყარე, უფროსების წინ მოიკაცვე, ხელფეხი გაულოკე, იმის წინ ქვემძრომივით იხოხე“<sup>15</sup>.

ასეც იქცევა მაღალი ღირსებისა და სხვათა წინაშე ლექიაშვილი თავისი პირადი კეთილყოფის მოსაპოვებლად. „თავის სამშობლოს საღაროში ხელუკუღმა ცოტაოდენი წვლილი შეჰქონდა. ამით მეგობრებს თვალეში მტვერი შეაყარა, თვალეში აუბნია და შეძლება აღარ მისცა კბილები გაესინჯათ იმ მოღალატისათვის, რომელსაც ის გულში ზრდიდა სამშობლოს საგმობლად. ამიტომ ლექიაშვილს თვალის ასაბმელად მაგიდაზე გადაშლილი ჰქონდა სხვადასხვა ქართული წიგნები, წითელ-ყვითელი კარანდაშებით აჭრელებული და ჩამოხაზულები“<sup>16</sup>.

<sup>14</sup> სოფ. მგალობლიშვილი, წითელი სარჩული, გვ. 46.

<sup>15</sup> იქვე, გვ. 48.

<sup>16</sup> • იქვე, გვ. 53.

სოფ. მგალობლიშვილის დახატვით, ლექსიაშვილმა თუმცა „წინ წასწია ჩვენი ისტორიის საქმე, ისტორიის ეკლიანი გზა გაკვალა და გაუადვილა თავის მოძმეს შემდგომ „სავალი გზა“, მაგრამ ეს მოქალაქე-მწერლისათვის არ არის საკმარისი, ნამდვილი გზა. მწერლის გაგებით, ერთია ისტორიკოსობა, მეორეა კაცური კაცობა, მათ შუა დიდი ზღვარი დევს. პალოს პირით სოფ. მგალობლიშვილი ასე მიმართავს ლექსიაშვილებს: „რად მინდა შენი ისტორიკოსობა, თუ დღევანდელს დღეს პირნათლად არ ემსახურები, თუ შენ ახალ თაობას ჩაჰკლავ, ენას, მოჰკლავ, ენას მოჰკლავ და წმინდათა წმინდას შეუგინებ. შენ ჯწამებენ, რომ მოლაღატე ხარ სამშობლოსი“.

სოფ. მგალობლიშვილი ლექსიაშვილში იძლევა ბიუროკრატიის მოხელეს, კარიერისტს, გადაგვარებულს, რომელიც მლიქვნელობით თავის პირად საქმეს აკეთებს, ხარობს და ხელს უწყობს ქართველი საზოგადოებრიობის გადაშენებას.

უფროსების გულის მოგების მიზნით, მათ, ვოროტილოვს<sup>17</sup> აი როგორ ინფორმაციას აძლევს ლექსიაშვილი, რომელიც როცა დიდ მოხელეს უახლოვდება, ლექვად იწოდება. „ქართველების ტვინი, — პირფერობით ეუბნება ლექვოვი ვოროტილოვს, — უკვე გადარუსებულია აწინდელი სწავლა-აღზრდის სისტემის წყალობით. Мозг грузиня перестал мыслить по грузински (უნდა მოგახსენოთ, ამბობს ავტორი, რომ იუდა და იროდიონი რუსულად ბაასობდნენ). მე ნამდვილად ვიცი, რომ აწინდელი ქართული გაზეთის რედაქტორები, მისი უმთავრესი თანამშრომელნი რედაქციაში სულ რუსულად ლაპარაკობენ, რუსულად მსჯელობენ; დარწმუნებით ვიცი, რომ კრებებზედაც, შინაურ ცხოვრებაშიაც მალა მყვირალნი პატრიოტნი რუსულად ლაპარაკობენ. ერთის სიტყვით, იმათ ოჯახში რუსულია გამეფებული, და თუ ყვირიან ქართული, ქართული უნდა იყოს ჩვენს ოჯახში, კრებებზე, სასამართლოშიო, ამას პირსაფერისად ჰყვირიან, რომ ვითომ უკან არ ჩამორჩნენ თანამედროვე დრო-ჟამს... მე შენ დაგარწმუნებ, აი დღეს რომ გამოაცხადონ: აჰა, ქართულად იყოს ყველაფერიო, უწინ ის დიდი პატრიოტები ჩამოკიდებენ ცხვირსა: ვაიმე, რა გვეშველება, ქართული რომ არ გვეხერხება რა ვქნათ!...“<sup>18</sup>

ლექსიაშვილის პირით ავტორი დიდი გულისტკივილით აღნიშნავს თავის გულისწყრომას.

დადგა რევოლუციის ხანა. ხალხთა განთავისუფლების სიომ დაბერა.

<sup>17</sup> იროდიონ პროხოროვიჩ ვოროტილოვის სახით სოფ. მგალობლიშვილი გვახატავს ცნობილ რუსიფიკატორს, რუსი ხალხის კავშირის (Союз русского народа) დამაარსებელს, მღვდელს ვოსტოგოვს.

<sup>18</sup> სოფ. მგალობლიშვილი, წითელი სარჩული, გვ. 75.

გამოდვიძებულმა ხალხმა გამოააშკარავა თავისი მოკეთებებიცა და მოლა-  
ლატეებიც. მოკეთებებთან მჭიდროდ გადააბა თავისი გული და ზრახვა,  
ხოლო მოლალატეებთან მოინდომა ანგარიშის გასწორება: „პეტრე მოკ-  
ლეს მოლალატეობისათვის, აპოლონს გულში ჰკრეს ტყვია; ნესტორს  
ყუმბარა ესროლეს... აგერ სისხლში სცურავენ...“ „ბ. ლეკოვს, — აგვი-  
წერს ავტორი, — სრულიად დაეკარგა სულის სიმშვიდე, ძვალსა და  
რბილში გაუჯდა ის აზრი, რომ ის დღეს გაბათილებული, თავგახეული  
თამასუქია, ხალხმა ანდერძი აუვო და უნდა გადმოსკუპდეს იმ სკამი-  
დან, რომელზედაც ბიუროკრატიულმა რეჟიმმა შეასკუპა. ენანება,  
ენანება ეს გადმოსკუპება, გული ეთუთქება, მაგრამ ველარას ახერხებს.  
ათას სხვა აზრს აიკვიატებდა, უნდოდა გამოსდგომოდა, გართობილიყო,  
მაგრამ იალბუზის მთასავეთ მის წინ აიტუზებოდა უზარმაზარი დაფა,  
რომელზედაც წითელი შეღნით ეწერა „ძირს მოლალატე“<sup>19</sup>.

ველარ უძღვებს ამოდენა სულის ღელვას ლეკოვი. სინანული და-  
კარგული ბედნიერებისა, შიში აწმყოსი, სინდისის ქეჯნა! ველარ გაუძ-  
ლო ხალხის აზვირთებულ გულისწყრომას! ლეკოვს მოეჩვენა, რომ  
მინდორო-ველი, მთა და ბარი, ადამიანი თუ პირუტყვი, ფრინველი თუ  
ჭიალუა მისდევენ მას და მისძახიან ერთსა და იმავე სიტყვას: „მო-  
ლალატევ, მოლალატევ!...“ ველარ გაუძლო ლეკოვმა ასეთ მღელვარებას  
და შეირყა.

ასეთია ბოლო კარიერისტიკა, ასეთია ხვედრი ხალხის მოლალატისა,  
იმისი, ვინც ხალხის ინტერესს მსხვერპლად იწირავს თავისი პირადი  
ბედნიერებისათვის. ეროვნული საკითხი და ხალხის მასების კეთილ-  
დღეობის საკითხი, როგორც სხვა ქართველი ხალხოსნებისათვისაცაა  
დამახასიათებელი, სოფ. მგალობლიშვილის შემოქმედებაში მჭიდრო-  
დაა ერთმანეთთან დაკავშირებული. ეროვნული თავისუფლება, ენა,  
სკოლა საჭიროა, როგორც ხალხის ბედნიერების მოპოვების იარაღი.  
ასე ესმით ხალხოსნებს ეროვნული საკითხი. ასე ესმის სოფ. მგალობ-  
ლიშვილსაც. ამიტომ ხალხია ამ მოლალატეების განაჩენის გამომტანი.

## 2

ხანი გადიოდა. მდგომარეობა იცვლებოდა. 90-იანი წლებიდან სო-  
ციალ-ეკონომიური პირობები დიდი სისწრაფით მიექანებოდა განვი-  
თარების გზით. ვაჭრობა-მრეწველობის განვითარება მძლავრ ნაკადსა-  
ვით შემოიჭრა ჩვენი ცხოვრების სინამდვილეშიც. ამ გარემოებამ პრო-  
ლეტარიზაციის პროცესი შესამჩნევად ააჩქარა. მშრომელთა ბანაკი  
წლითი-წლობით საგრძნობლად იზრდებოდა. მუშათა კლასში ირკვეო-  
და კლასობრივი შეგნება.

<sup>19</sup> სოფ. მგალობლიშვილი, წითელი საჩხელი, გვ. 92.

ხალხოსნური იდეოლოგია, ცნობილია, ვეღარ სწვდება საზოგადოებრივ ცხოვრებაში წამოჭრილ საკითხთა გადაწყვეტას. დაიწყო ხალხოსანთა დეკადანსი (ხალხოსნური მიმართულება, როგორც მთლიანი მოვლენა, 90-იანი წლებისათვის დარღვეულია). ნაწილმა „ივერია“-„მოამბეს“ შეაფარა თავი, ნაწილმაც უჭრნ. „კვალში“ დაიწყო მუშაობა. ეს უკანასკნელიც საქართველოში გავრცელებული მარქსიზმის გავლენას განიცდის, ცდილობს კლასთა შორის სხვადასხვაობისა და ბრძოლის ნიადაგზე დადგეს, თუმცა კი დემოკრატიულ ნიადაგს მაინც მჭიდროდ ებლაუჭება. ეს ჯგუფი რევოლუციონური სულიერი განწყობილების გაღრმავების აუცილებლობას გრძნობს, აღარ კმაყოფილდება კულტურ-ტრეგერის როლით.

ქართველ ხალხოსან მწერლებში ეს ნაკადიც მკვეთრად დასახული. მომავალი საზოგადოებრივი ცხოვრების ფორმა და ორგანიზაცია, რომლისაკენაც ხალხოსნები მიისწრაფოდნენ—სოციალიზმია (რასაკვირველია, მათებურად — სუბიექტურად გაგებული). ხალხოსნები ცდილობდნენ ხალხის ფართო მასები გაეტაცნათ და ჩაეთრიათ სოციალისტურ მოძრაობაში. ხალხოსნების შეხედულებით, ხალხს ბედნიერებას მოუტანს საზოგადოებრივი ცხოვრების მხოლოდ ის ფორმა, რომელსაც სოციალიზმი ეწოდება.

ჩვენს ხალხოსნებსაც უკვე კარგად ესმით, რომ სოციალიზმის მისაღწევად, სამართლიანი ცხოვრების დასამყარებლად საჭიროა ბრძოლა, განმტკიცებული მჭიდრო კავშირი, მსხვერპლი. ყველაფერი და ყველა ცხოვრების გასაუმჯობესებლად, მასების კეთილდღეობისათვის, რა თქმა უნდა. საჭიროა აღინიშნოს, რომ ამ ძალთა გაერთიანების საკითხში, როგორც რუსი ხალხოსნები, ჩვენებიც სათანადოდ არ არიან გარკვეულნი. ხალხოსნები ეყრდნობოდნენ განსაკუთრებით გლეხს და ყველა იმ სოციალურ ფენას, რომელიც უკმაყოფილო იყო არსებული რეჟიმით. ისინი ვერ ითვალისწინებდნენ მუშის — პროლეტარიატის რევოლუციურ როლს. და ამ გაერთიანების შიგნით არ ამახვილებდნენ კლასობრივ წინააღმდეგობას. „დღეს,—წერს სტ. ჭრელაშვილი, — გრძნობს ჩვენი ხალხი, რომ მის ჭირთან ბრძოლა გაცალკევებულ პირებს არ შეუძლიან, რომ ყოველი ქართველი, რომელსაც თავი შესტკივა ქვეყნისათვის და გული ერჯის მის კეთილდღეობის მოსაპოვებლად, უნდა გადაეხდეს დაურღვეველი კავშირით ყოველ ოპოზიციურ ელემენტებთან და ამით შეადგინოს ერთი მთლიანი და მაგარი ძალა, რომელიც თავის მხედველობაში მიაღწევს ისეთს წერტილს, სადაც შესაძლო იქნება მართლა პირდაპირი გამოლაშქრება. ერთობას, კავშირს შეუძლიან დაბადონ ძლიერი საზოგადო აზრი, რომ, ვისაც კი აქვს სათქმელი ჭკვიანი სიტყვა, სასარგებლო პლანი, გამოთქვას ეს სიტყვა და თანაც არ დარჩეს „ხმაღ მღალადებლად უდაბნოსა შინა“, არამედ ამ სიტყვამ გაიაროს მთელი



ხალხის ჯანსა და რბილში, იგი ამოეწოს ხალხის ტვინში და გასუფთავებული, უფრო გამაგრებული და გაძლიერებული, გადაიქცეს საქვეყნო აზრად, რომელსაც მხოლოდ შეუძლიან საქვეყნო საქმეების წარმოება, აზრის მიცემა ჩვენი უგეგმური ცხოვრებისათვის“<sup>20</sup>.

საზოგადოებრივი ცხოვრების განვითარების ასეთმა გაგებამ და ამ წინადაგზე გამომუშავებულმა ასეთმა შეხედულებამ ჩვენი ხალხოსნებიც გაიწვია და გაიტაცა ხალხის ცხოვრების მორავეში სამოქმედოდ არა მარტო კულტურული დონის აწევის მიზნით, არამედ აგრეთვე მასში რევოლუციური სულისკვეთებით გაღვივებისათვის.

ჩვენს ხალხოსნებსაც კარგად ესმოდათ, რომ რევოლუციის მოხდენა, ძველი ცხოვრების საფუძვლების დანგრევა, ახალის გამარჯვება არ შეიძლება ხალხს ზევით მოვახვიოთ. სათანადო რევოლუციური სულისკვეთება საჭიროა თვით ხალხს, მის მასებს შეგნებაში გაუჯდეს; საჭიროა ამ სულისკვეთებამ მისი ცხოვრების ატმოსფერო გაჟღინთოს; საჭიროა არა მარტო გაღვივება ხალხის მასების ბუნებრივი რევოლუციურობისა, რომელიც აუცილებლივ ჩამარხულია მის შეგნებაში მისი გაპირებებული ეკონომიური მდგომარეობის გამო, არამედ აგრეთვე საჭიროა მისი დარაზმვაც.

ხალხოსნებმა თავიდანვე აიღეს ასეთი გეზი: თვით ხალხმა, მისმა ღვიძლმა შეიღებმა (რასაკვირველია, ხალხოსნებს ასეთად განსაკუთრებით გლესობა მიაჩნია და მათი დამრახმავი კრიტიკულად მოაზროვნე ინტელიგენცია), თავს უნდა იღვან ახალი ცხოვრების მოციქულობა, მასების წინამძღოლობა. მხოლოდ მაშინ და ასეთ პირობებში შეიძლება მიზნის მიღწევა, ბედნიერი ცხოვრების დამყარება ხალხისათვის.

აქი, ამ მიზნითაც გავიღვენ ხალხოსნები სამოღვაწეოდ ხალხში და მრავალმა მათგანმა თავისი თავდადებული მოღვაწეობით ხალხის საბედნიეროდ მიიტანა თავისი თვალსაჩინო წვლილი ამ დიადი საქმის სამსხვერპლოზე.

აქი, ჩვენი საზოგადოებრივი ცხოვრებაც ამის შემდეგ თავისი დამახასიათებელი დადებითი და უარყოფითი მხარეებით გაჰყვა რუსეთის გამათავისუფლებელ მოძრაობას.

ძნელი, მძიმე და ეკლიანი იყო გზა ერთობის, ადამიანური ცხოვრების მქადაგებლისა. ერთობის თითო-ოროლა მქადაგებელი სოფელ-სოფელ დადიოდა, ცდილობდა ხალხში შეეტანა შეგნება იმისა, რომ სოფელს ბევრი და დიდი რამ შეუძლია. თუ მას დააყენებდნენ, რჩებოდა სოფლის მასწავლებლის თანამდებობაზე და მთელ თავის ძალ-ღონეს ხალხის კეთილდღეობას ანდომებდა. ცნობილია, რომ დასაწყისში—  
„ხალხის გული საღ კლდესავით შეხვდა ამ ერთობის მთესველებს, არ

<sup>20</sup> ს.ტ. კ რ ე ლ ა შ ვ ი ლ ი, ძვირფასი მხარე ჩვენი წარსული ცხოვრებისა, „რემედი“, 1881 წ., № 7—8, გვ. 47.

იკარებდა თვისთა მოყვასთა სიტყვებს, სდევნიდა კიდევ... ერთხელ კიდევაც სცემეს საწყლებს, — გულისტკენით ამბობს ერთი შეგნებული გლეხი, — ხელმწიფემ ძლივს ბატონყმობა გადააგდო, თქვენ კი იმის წინააღმდეგ ლაპარაკობთო“<sup>21</sup>. ეს ხომ დამახასიათებელი ხვედრია ხალხისათვის თავდადებულთა.

მაგრამ, როდესაც მთელ სოფელსა და ხალხს კუდამდის ტყავი გასძვრა, როდესაც ხალხს სიცოცხლე სიღარიბემ, შევიწროებამ და პიროვნების უხეშმა გათელვამ გაუმწარა, მოთმინება დააკარგვინა, მაშინ თვით სოფლად თითო-ოროლა ისეთიც გამოჩნდა, „ვის გულსაც ღრმად ჩასწვდა კეთილი სიტყვა „ერთობის“ მქადაგებლებისა, იპოვა ამ ზოგიერთების გულში კეთილი ნიადაგი, ღრმად გაიდგა ფესვი. იზარდა იგი, იზარდა და შტო გამოიღო. ეს შტო ერთის გულიდან მეორეზე გადმოიმყნო და ნელ-ნელა ხალხის გული ერთობის ბაღად-წალკოტად გადაიქცა: იხარა, იფეთქა ხალხის გულში „ერთობის“ ძალამ; ხელი ხელს მისცეს, პირი პირს, გული გულს შეაჰკდეს და თამამად შესძახეს: „გაუმარჯოს ერთობას, თავისუფლებას!.. სოფელი რად უნდა ემორჩილებოდეს ერთს. ერთი ათასის ბატონი რად უნდა იყოს? თავისუფლება საერთოა. ყველას უნდა ათბობდეს იმის სხივები, სიყვარული საერთოა, ყველა თანაბრად უნდა გვიყვარდეს, მიწა ყველასია, თითო-ოროლას ჩაუგდია ხელში და მთელ ხალხს ტვინსა სწოვენო“<sup>22</sup>.

ეს უკვე გარკვეული ქადაგებაა რევოლუციური იდეებისა. ესეც დამახასიათებელი სტილური ნიშანია ხალხოსანი მწერლებისათვის. ეს აგიტაციია ახალი იდეებისა. ასეთი აზრები სოფელს ნელ-ნელა მოედვა. ამგვარმა იდეებმა ფეხი თანდათან მაგრად მოიკიდა ხალხში. ხალხმა გაიგო ახალი ცხოვრების აუცილებლობა. ხალხში უკვე სიმტკიცეა. თვით ხალხში უკვე გამოჩნდნენ ერთობის კაცები: ცეცო, მიხა („ღამის მეხრე ცეცო“), ზაქარა („ჯორ-ზაქარა“), ილიკო („და შეჰფიცეს“...) და მთელი გუნდი, რომელიც ხელმძღვანელობდა ხალხს, რაზმავდა მას და მედგარად, მრავალად მიდიოდა წინ. „დეე დაგვხოცონ, — ამბობს ერთობის ძალის შემგნები გლეხი, — დეე გვარბიონ, გვაწამონ, ერთი მაინც დარჩება სოფელში მძევლად. აი ეს მძევალი ისეთს ყლორტებს ამოიხეთქს, მძლავრ ყლორტებს სისხლით გაპოხიერებული ნიადაგიდან, რომ იმისი მოსპობა არაფრით აღარ შეეძლებათ“<sup>23</sup>.

სოფ. მგალობლიშვილი „ღამის მეხრე ცეცოში“, „ჯორ-ზაქარაში“, „და შეჰფიცესში“ და სხვებშიც იძლევა მშვენიერ სურათს ხალხის თანდათან დარაზმვისა და მასთან ერთად ცოცხალ გალერეას ხალხის

<sup>21</sup> სოფ. მგალობლიშვილი „ჯორ-ზაქარა, თხზ., ტ. II, გვ. 62.

<sup>22</sup> იქვე, გვ. 154.

<sup>23</sup> სოფ. მგალობლიშვილი, ჯორ-ზაქარა, გვ. 152.

ღვიძლ შვილთაგან შემდგარ რევოლუციონერთა ლეგიონისა. სოფ. მგალობლიშვილისათვის დამახასიათებელი ის არის, რომ ის, როგორც ხალხოსანი 900-იან წლებშიც გლეხურ რევოლუციას ელის და ხედავს. ქალაქს თითქოს არც ახლა ამჩნევს.

ხალხის (ამ „ღვეის“) დაძვრა და თანდათანობითი გამოფხიზლება რომ ხალხის ეკონომიური და უფლებრივი შევიწროების ნიადაგზე ხდება, მკვეთრად ვრწმუნდებით ჩვენი ხალხოსანი მწერლების და, კერძოდ, სოფ. მგალობლიშვილის მიერ მოცემული მხატვრული სახეების საშუალებით.

გლეხს, ბატონყმობის გადავარდნის შემდეგ, როგორც ეს სხვა ხალხოსან მწერლებსაც აქვთ ასახული, სოფ. მგალობლიშვილის შეხედულებით, ავიწროებს და ანადგურებს უმამულობა და ნაბატონართან ან მის მოურავთან თითქმის ისეთივე ეკონომიური დამოკიდებულება, როგორც ჰქონდა მას ბატონყმობის დროს; სოფლის წურბელების (ჩარჩვაკრების) ნავარდობა სოფელში და მათ მიერ გლეხკაცობის ყველფა.

ადმინისტრაცია აგვირგვინებს გლეხის ასეთს შევიწროებას თავისი უდიერი მოპყრობითა და გადასახადების შეწერა-აკრეფითა. ყველა ეს გლეხს კვლავინდებურად მძიმე მონობის უღელს ადგამდა. ამ მონობის უღელქვეშ გაჭირვება და გმინვა ქმნის მის გულში პროტესტს, შეურიგებლობას და რაზმავს მას ბოროტებასა და უსამართლობასთან საბრძოლველად.

ჩვეულებრივ ხომ გაჭირვება უხელს ადამიანს თვალს, უფხიზლებს გონებას. გლეხკაცი უკვირდება ცხოვრებას, ხედავს რომ ბევრს ხნავს, თესავს, მაგრამ კუქს ვერ იძობს. „რა გაგიძობს (კუქს), შვილოსა,— მკვანედ და მწუხარებით ეუბნება ცეცო თავის ძმა-ბიჭებს,— მეოთხედი სხვას მიაქვს. შარშან ათას ხუთასი კოდი სიმინდი და ქერი შეუვიდა ჩვენს გამგებელსა, ახლა პური ამდენივე, ხუთას კოკამდე ღვინო! ი ბელლები სულ დაალიციციეს: ურემი ურემზე მიდის ღალა-კულუხი“<sup>24</sup>.

ბატონყმობის გადავარდნის შემდეგ თვით გლეხობაშიც ჩნდება დიფერენციაცია: დიდი არმია ღარიბი გლეხებისა, რომლის მდგომარეობა ზოგჯერ ბატონყმობის დროის პირობებზედაც კი აუტანელია, შედეგია შემდეგი მოვლენის: მცირე რიცხვი ბობოლა, თანამედროვე ტერმინით რომ ვთქვათ, „კულაკი“ გლეხებისა, რომელთაც ზურგი მოიმაგრეს სხვადასხვა არაპატიოსანი საქციელით, ახლა ღარიბ გლეხობას პარაზიტად აჯდება კისერზე და შექმას უქადის. იწყება მათ შორის წინააღმდეგობა-ბრძოლა.

ამიტომ ცეცოს აზრს სხვა გლეხებიც ეთანხმებიან. ისინიც მწუხარებით აცხადებენ, რომ ყველა ამ უსამართლობას კარგად და აშკარად

<sup>24</sup> სოფ. მგალობლიშვილი, ღამის მეხრე ცეცო, თხზ., ტ. 1, გვ. 71.

ხედავენ, მაგრამ არჩევენ ჩუმად იყვნენ, რადგანაც უძლურნი არიან, ვინაიდან მჩაგვრელს სიკეთის დაპირებით ზოგიერთი ავყია ხალხი მომხრობილი ჰყავთ. ესენი უტეხავენ სოფელს პირს, არღვევენ „ერთობას“.

გულნატკენი ცეცო (აქ, რასაკვირველია, თვით ავტორი ლაპარაკობს ცეცოს პირით) გლახების ასეთ განცხადებაზე, აი რას უპასუხებს: „ჰო და ეგ ეგრე არ უნდა იყოს: ჩვენ, ძმაო, სამასი კომლი კაცნი ვართ ძალის-ხეველები, სამას კომლს კაცს თუ პირი ექნება, როგორ გადაუდგება წინ ათი და ოცი კაცი, აბა ერთი მითხარით! ჩვენ თუ მაგათ კრიჭაში ჩაუდგებით, ავლაგმავთ, თავს ვაჩვენებთ, შიში და რიდი მიეცემათ“<sup>25</sup>.

ეს ნაწარმოები სოფ. მაგლობლიშვილს პირველ პერიოდში, 80-იან წლებში აქვს დაბეჭდილი უშურნალ „იმედში“. ჩანს, ავტორის დაკვირვებით, ხალხში აშკარად იჭრება „ერთობის“ აუცილებლობა და „ერთობის“ ძალის შეგნება, ხალხი გრძნობს ბრძოლის საჭიროებასა და აუცილებლობას. ხალხი ირაზმება, ემზადება; ამ მოძრაობის მეთაურნი ბრძოლის მეთოდსა და ცოდნას თვით ხალხის ცხოვრებიდან და ჩვეულებებიდან იღებენ.

ხალხონებისათვის ესეც დამახასიათებელი ნიშანი იყო.

მონობის უღელის მოხსნა ყველას შეგნებას ამაზადებს მოქმედებისათვის, ყველას თვალს უხელს, სითამამეს აძლევს. თანდათან ხალხი უსამართლობის წინააღმდეგ ხმას იმაღლებს.

— ეგ ყველა კაი, — თავის ქნევით მიმართავს მიხა შეკრებილ ხალხს, როდესაც ისინი ემზადებიან „ერთობის“ შესაკრავად, — მაგრამ ჭერ, სანამ ბერობა დაგვიდგება, ე უპრაველიუჩი გვიჭირებს საქმეს.

— ის კი არ გვიჭირებს, — ხმის თრთოლვით და კბილების ღრქენით უპასუხებს ცეცო, — თუ მკითხამ, ჩვენი მეზობელი გვიჭირებს საქმეს, ჩვენი. აძალღებული ფილუა ეშმაკურაშვილი ჩვენის ხელით ანწუხზეა ასაგები, ანწუხზე. ის არა კაცი, ის უღვაშ-შერცხვენილი, ისა. უპრაველიუჩმა რა იცის, ვის რამდენი დღისა აქვს სახნავი, დღიური რამოდენაა, რა ალაგასა და რა მიწას რა ფასი სდევს; სულ ჩვენებით ვაღუპებით, სულ და სულ. ხიდად ეგენი ეღებთან და იმასაც რა ენაღვლება: „სხვისი სახრე და სხვისი კამეჩი ვისთვის რა საშურველია“<sup>26</sup>.

დიდი ბაასისა და საჭირბოროტო მოვლენების გათვალისწინების შემდეგ გლახებს ისევ ცეცო მიმართავს: „რა საჭიროა, კვირას ყველანი სოფელში ვიქნებით, კანცელარიასთან ხალხი მოიყრის თავს, კაცობა იქ გამოჩნდება. აქ ლაპარაკს, იქ ვილაპარაკოთ ჩვენი დარღები... ნუ

<sup>25</sup> სოფ. მაგლობლიშვილი, ღამის მეხრე ცეცო, თხზ., ტ. I, გვ. 72.

<sup>26</sup> იქვე.

გვლუპავენ, ნუ, ნუ, ხალხმა ხელში მოგვცეს ი ჩვენი დამლუპველები; თუ ჩვენები არიან დაწინაშევენი, საქვეყნოდ ლაფი დავასხათ თავზე. და, თუ უპრაველიუჩია, იმასაც... ჰმ... იმასაც მოურიგდებით... დედა შეერთოს ცოლად, ვინც ერთმანეთს უღალატოს, დედა...

— აგრე იყოს, აგრე იყოს — შეჰყვირეს<sup>27</sup>.

მდგომარეობასთან ასეთი შეურიგებლობის სოკრილი სოფელს თანდათან ეღება. არაადამიანურად შევიწროებულ ილღისხეველ გლეხაკობაში ცეცოს, მიხას და სხვათა სიტყვები და საქმენი თანაზიაროთ პოულობენ. რჩეულთა რაზმი თანდათან დიდდებოდა. მტერთან მტრულად დახვედრის სურვილი თანდათან იზრდებოდა. მაგრამ ძნელია საუკუნეებით მონობის უღელქვეშ დაძაბუნებული, დავარდნილი ხალხის მასობრივი დარაზნება.

მიუხედავად იმისა, რამ გლეხაკობის სიმპათია ცეცოსა და მისი ამხანაგებისაკენაა, ბოლო სოფელი მაინც ჩაჩუმდა, „დაემორჩილა ბედს“, „ურჩი კამეჩივით მაინც გაჰყო უღელში თავი და ჩოქით გასწია ტვირთსა“.

მაგრამ არჩეული ბიჭები, ცეცოს ხელმძღვანელობით შემდგარი სოფლის პატარა რევოლუციური რაზმი, რომელსაც მოედვა „ერთობის“ ცეცხლი და ვეღარ ურიგდება ძალმომრეობას, შეეცდება გაათავისუფლოს სოფელი მტანჯველებისაგან.

ტერორის საჭიროება და აუცილებლობა, რომელმაც ხალხოსნები გაიტაცა, სოფელშიც გადადის. ცეცოს რაზმიც ამ გზას დაადგა. მოისურვა სოფლის მტრებისა და ორგულების დასჯა.

რჩეულმა ბიჭებმა დარაჯობა დააწესეს. დანიშნულ ალაგას დამლამობით საფრდებოდნენ. „დიდხანს აღარ გაუვლია, — აგვიწერს სოფ. მგალობლიშვილი, — იჯარადარმა ცხენდაცხენ, თქარა-თქურით ჩამოიბინა ორლობეში და მიიჭრა ოთარის ბიჭის ვენახში. მეკულუხეებმა კარგა ხანს შეაგვიანეს...“

ბიჭები უცდიდნენ განაბულნი, ყურწაგდებულნი, გულის ცახცახით, როგორც მონადირე ნათვალავ ნადირსა, რომელსაც ხან წამს დაუცივდებოდა ფეხები და ფრჩხილებში ოფლი წაჰხეთქდა: ხან ცხელი ალი აჰკრავდა თავ-პირში; ალი შუბლზე ცხლად გაუვლიდა, თითქოს გახურებული რკინა გაატარესო. ერთმანეთის გულის ბაგი-ბუგი ესმოდათ: პირში ნერწყვი უშრებოდათ ლოდინით. აგერ მოისმა ფეხის ხმა ცხენისა, მათრახის ტყლაშუნი... ფიდუა და ბლუნძელაშვილი გამოიქცნენ ძუნძულით. ფიდუამ გზაზე სარი წაგლიჯა ვაზსა. ფიდუას ფეხ-და-ფეხ მოსდევდა ბლუნძელაშვილი, მამასახლისი და გზირი. ფიდუა შედგა ლობეზე ორლობეში გადასახტომად, ამ ღროს ლობეს გარეთ მდგარმა შეთქმულ-

<sup>27</sup> სოფ. მგალობლიშვილი, ღამის მეხრე ცეცო, ვვ. 73.

თავანმა დაჰკრა მძლავრად თავში კეტი იჯარადარს, გადმოატრიალა და ორლობეში ზღართანი მოაღებინა. შეთქმული შეხტა ლობეზე, გადახტა მეორე ვენახში და ჰაიდა, — მოეფარა.

მაჰასახლისს ეგონა, რომ ფილუა თავისით, უცაბედად გადავარდაო, რადგანაც ხმაამოუღებლივ დაეცა; შედგა ლობეზე და უკან ბლუნძულა-შვილი აჰყვა.

— ეეჰუუ, ეს ხუმრობა აღარ არის, დაგვბოცეს. ეს სულ იმათი ბრალია, — შეჰკივლა მამასახლისმა, — იმ... მაგრამ წამოუარა მესამემ, დაჰკრა ბლუნძულაშვილს და ორივე გადაცვივდნენ, გზირმა კი გაქცევა იკადრა. ჩაირბინა ოთარის ბიჭების ვენახამდისა, სადაც იასაული ტკბილს მოუყენეს. გულ ამომჭდარმა გზირმა უამბო იასაულს თავ-გადასაუალი.

— არიქა, მიშველეთ, თავდამტვრეულები ყრიან. ეჰეი, რა ღროს შევესწარიოთ<sup>28</sup>.

მართლაც, ხუმრობა აღარ იყო. გაღვიძებული ხალხის გულში ბოღმა და შური ემზადებოდა ამოსახეთქად. მართლაც, ძველი ღრო აღარ იყო!

### 3

მოახლოვდა 900-იანი წლები. ცხოვრება სწრაფად იცვლება. წინ მიდის. მისი წინსვლა იზომება ხალხისათვის უკეთესი ცხოვრების პირობების საშუალებათა მოპოვებით, ძალაუფლების და მშრომელის ხელითა და ოფლით მონაგარი დოვლათის თანდათან ხალხის ხელში გადასვლით. ეს პროცესი, რასაკვირველია, უმტკივნეულოდ არა ხდება. სწორედ ამ ტკივილთა ინტენსივობით იზომება ცხოვრების განვითარების პროცესის მნიშვნელობა და ღირებულება.

ხალხის, გლეხკაცების განვითარების ეს გზა თვალსაჩინო სიმკვეთრით აქვს ასახული სოფ. მგალობლიშვილს მთელ რივ ნაწარმოებში: „ჯორ-ზაქარა“, „წითელი სარჩული“, „და შეჰფიცეს“...

ხალხის ცხოვრება რყევანია. მისი ცხოვრების ვაი-ვაგლახი, ხან ძალითა და ხან თავის ნებით გამომეღვანებული, თავს იყრის მის შეგნებაში; მუქად გადაეფარება ხალხის გრძნობასა და გონებას, დაუწყებს თანდათან გაძლიერებით ღრღნასა და წევას, სანამ სტიქიურად გაერთიანებული ხალხის გულიდან რისხვა ქარცეცხლსავით არ ამოხეთქს და არ შეეცდება წალეკოს და დათრგუნოს უსამართლობა, ბოროტება, ძალმომრეობა. „ჯერ ყრუ ხმა, — ხატავს სოფ. მგალობლიშვილი ამ მოვლენის ზრდას, — ხმა გმინვისა და კენესისა გაისმა, შემდეგ და შემდეგ

<sup>28</sup> სოფ. მგალობლიშვილი, ლამის მეხრე ცეცო, გვ. 128—129.

ზმა ძლიერდება, სქექავს, ზუზუნებს, აკვნესებს სხვადასხვა გულის მომწამლავს, სევდიანს სიმღერებს, მოთქმით უამბობს ქვეყანას თავის ჳირვარამს, ამტვრევს ბორკილებს და ითავისუფლებს თავს მონობისაგან. ამ საშინელი ქარიშხლისა და მეხისტების დროს სისხლი ნიაღვრად მოდის. იქლიტება უდანაშაულო ხალხი, მაგრამ ეს უმანკო სისხლი... ცადმიმართ ლაღადებს და ღმერთი სამართლისა ანიჭებს ძალას თავგანწირულთა. ამის მოწმე ისტორიაა“<sup>29</sup>.

ამგვარივე ისტორია აქვს მასების მიერ ამ ადამიანურ უფლებათა მოპოვების საქმეს ჩვენშიც. ჳერ თუ თითო-ოროლა იყო „ერთობის“ მოციქული, და თუ ისინიც წამებას მიიღებდნენ ხალმე იმათგანაც კი, ვისთვისაც ისინი თავდადებულად მოღვაწეობდნენ, — თანდათან მათ მიერ დათესილს თესლს ამინდი დაუდგა. თბილმა, მზიანმა დღემ ნაყოფი გამოაღებინა, ხალხმა იგრძნო ნაყოფი კეთილი თესლისა. იგრძნო თავისი ძალა და წინაგრძნობით განჭვრიტა მომავალ ადამიანთა ცხოვრება. თანდათან უფრო თავდადებით და მტკიცედ დაიწყო დარაზმვა. სოფელი ტორტლა („ჯორ-ზაქარა“) გადაიქცა რევოლუციონური ქარცეცხლის ერთ-ერთ კერად. გლეხკაცობას აღარ უნდა მონურად დამორჩილოს შემამულე ბატონს და მის სისხლისმწოველ მოურავს ურჩობას უწევს. ტერორის გზა გლეხკაცობისათვის მისაღებ და მხსნელ გზად შეიქნა. თავადი მარუშაძის მოურავს სოსიკას რომ ვერა მოუხერხეს რა, აკი მოკლეს კიდევც.

სოსიკას სიკვდილის შემდეგ თავადი ესტატე მარუშაძე კვლავ სოფელში დასახლდა. სოსიკას დაწყებული საქმეები არ უნდოდა ჩაფუშულიყო. პირიქით, მისთვის სასარგებლო იყო გაეძლიერებინა და მით თავისუფლად ენავარდნა გლეხების ჳურგზე. მუდამ დღე თავადი ესტატე სოფელს მუხრუჭს უჭერდა. მან დასახმარებლად გაიჩინა მთელი რაზმი ჩაჩნებისა, რომელნიც თავით-ფეხამდის შეიარაღებულნი იყვნენ: „ერთი ჳარბაზანი არ ჳქონდათ, თორემ სხვა არა აკლდათ რა. ერთ სოსიკას ნაცვლად გაჩნდა ერთი დუქინი სოსიკა...“<sup>30</sup>

ამ გარემოებას მოჳყევა ხალხის მხრივ ურჩობა, ბატონის შეურაცხყოფა, ხალხში შური და მტრობა იზრდებოდა და ბოლოს ღელვად გადაიქცა. ბატონი თავშეუკავებლობას იჩენდა, „ჩაჩნები შეუბრალებლად ხოცდნენ სოფლის პირუტყვ საქონელსა; მუდამ გამოუღვეელი ჳქონდათ ხორცი: როგორც საყასპოს კარზე, ისე იმათ ბინის კარზე მუდამ ფეხმო-ფეხმო ხორცი იყო გამოკიდებული, მაგრამ რამდენადაც ბატონები მოჳკლავდნენ, მეორე დღეს ბატონის რომელიმე ძვირფასი ძროხა, ან ცხენი ეგდო სადმე გამოფაშული და სამგლედ დაგდებული“<sup>31</sup>. ცხადია, გაჩაღებულია გამწვაებული კლასობრივი ბრძოლა.

<sup>29</sup> სოფ. მგალობლიშვილი, ჳორ-ზაქარა, თხზ., ტ. II, გვ. 59—90.

<sup>30</sup> იქვე, გვ. 166.

<sup>31</sup> იქვე.

თავადმა ესტატე მარუშიძემ კარგად იცოდა, ვინ იყო მიზეზი ხალხში მისდამი წინააღმდეგობისა და ურჩობის გაღვივების და მოინდომა ჯორ-ზაქარას განადგურება.

თავად ესტატეს ჰგონია, ზაქარა რომ მოაკვლევინოს, სოფელი დაწყნარდება და კვლავინდებურად მორჩილად გაჰყოფს თავს მონობის უღელში. მაგრამ ახლა ისეთი ადვილი არ იყო სოფლის ჩაჩუმება და დაწყნარება.

გლებკაცობამ გამოიღვიძა. მონობის უღლიდან გათავისუფლება მოინდომა. მჩაგვრელისადმი სიძულვილმა მასში საკმარისად გაიდგა ფესვი. ზაქარას ხელმძღვანელობით შედგა გლებთაგან ჯერ პატარა რაზმი — ცხრა კაცისაგან. ეს რაზმი თავად ესტატე მარუშიძის ყოველივე საზიზღარ საქციელს, ჯერჯერობით მალვით, უპასუხოდ არა ტოვებდა. „გაჩნდა, — აგვიწერს ავტორი, — ორსავე მხრივ დევნა, აღარ ხუმრობდნენ ჩაჩნები; ცხადლივ თუ მალვით იკლებდნენ სოფელს და შვილისადარ პირუტყვ საქონელს უხოცავდნენ, ნათესაში ცხენებს აბამდნენ, ხშირად შიგ შუა ვენახში ჩაუბამდნენ ცხენებს, რომლებიც იქაურობას სულ ნაცარ-ტუტს აღენდნენ“.

„არ ეძინა ზაქარას რაზმსაც. ერთ საღამოს ჩაჩნები ძილ-ღვიძილში იყვნენ, მიიყვანა ზაქარამ რაზმი ბატონის ზვარში. გადაწყვიტეს ერთად უნდა გავარდნილიყო ცხრა-ცხრა ტყვია და ჩაჩნების ცხენები დაეხოცნათ; ჯერ კაცის სისხლის დაქცევა არ უნდოდათ... იცოდა ზაქარამ, რომ ამას ზეკუცია მოჰყვებოდა, მაგრამ ცდა აღარ შეიძლებოდა და გამოსაშვები სისხლი უნდა გამოსვებულყო“<sup>32</sup>.

შუალამისას, როცა ჩაჩნებს ეძინათ და ბატონი ესტატე კი თავის სასახლის აივანზე გულგაღელილი დადიოდა და კრიალოსანს ათამაშებდა, სოფლის რაზმმა ჩაჩნების ცხენებს თოფები დაახალა და ბრძოლით, უვნებლად, ნელ-ნელა უკან დაიხია. სოფელს არ გაჰკვირვებია თოფის ხმა, არავინ არ გამოსულა ხმაურობაზე. ზაქარას რაზმი დაბინავდა. ჩაჩნები და ბატონი ესტატე სიბრახისაგან აღარ იყვნენ.

გლებებთან ბრძოლაში თავადი ესტატე მარუშიძე მარტო ხომ არ არის! მას ამაში ეხმარებიან არა მარტო ჩაჩნები, არამედ სახელმწიფოებრივი ადმინისტრაცია მთელი თავისი დამხმარე აპარატით. გაბრაზებულმა ესტატემაც მას მიმართა. მეორე დღეს თავის სტუდენტ შვილს ორი ჩაჩანი გააყოლა და ეტლით გაგზავნა ქალაქში, რომ მაზრის უფროსისათვის მომხდარი ამბავი შეეტყობინებინა. მაზრის უფროსს შველა გამოსთხოვა. ჩააყენა სოფელში ეგზეკუცია, რათა მისი შემწევობით აელაგმა აღელვებული ხალხი.

მაგრამ ძნელია ამოვარდნილ სტიქიასთან ბრძოლა! რა ან ვინ შეა-

<sup>32</sup> სოფ. მგალობლივილი, ჯორ-ზაქარა, თხზ., ტ. II, გვ. 167—168.



ჩერებს აბობოქრებული ზღვის რისხვას?! ხალხის დელვაც ხომ სტიქიურია! ხომ სავსებით ჰგავს ზღვის დელვას.

სოფ. მგალობლიშვილი საკმარისად მხატვრულად გვისურათებს ხალხის დელვას, მის გაღვიძებულ, აშლილ სურვილს დააღწიოს თავი მონობის უღელს, მოიპოვოს ადამიანური ცხოვრების უფლება.

„ჯორ-ზაქარა“ მშვენიერი ეპოპეაა გლეხთა გათავისუფლებისათვის ბრძოლისა. ამ ეპოპეაში ხასიათთა მხატვრულ გაშლასთან ერთად ალაგ-ალაგ ხერხიანადაა ჩატანებული ხალხის გამოფხიზლებითა და დელვით გამოწვეული ავტორის შეხედულებანი და განცდანი. ეს ადგილები მკითხველის განცდასა და შთაბეჭდილებას საგრძნობლად აძლიერებს. „დაუნდობელი, აბობოქრებული და აზვირთებული ზღვა ანგრევს და ანადგურებს ყოველივეს, რაც კი მას ამ დროს წინ გადაეღობება, დიდრონ გემებს ნაფოტივით ათამაშებს და შურდულის ქვასავით ისვრის ნაპირისკენ და ვაი იმ გემს, რომელსაც კლდის ნაპირს მიახეთქებს, ლუკმა-ლუკმად აქცევს და ანაჭუჭებს.“

ხალხის გულშიც მოგროვილია ათასი დარდი და ვარაჟი. ყველა უსამართლობა ეჭიდება იმის გულზე. ხშირად აბობოქრდება, იწყებს იმის გული დელვას, სახეზე იბეჭდება: იკმუჭნება კაცის სახე, წუხდება გულის დელვისა გამო. აღარ ეტევა მის გულში უსამართლობა, მიყენებული ბატონისა, მღვდლისა, მოხელისა და ათასი სხვა მტარვალისაგან, რომელნიც მთავრობამ კისერში წურბელასავით დაასხა. აი, ამ დროს, როგორც ზღვაში სიო, მცირე ქარი, შემდეგ ქარიშხალად ქცეული, საჭიროა მცირე რამ სიტყვა, სიტყვა კეთილი, სიტყვა ერთობისა და საბოლოო ნუგეშისა, სიტყვა, რომელიც ხალხს თვალს აუხელს, გააცნობს აწმყო ცხოვრებას, უჩვენებს გზას მონობიდან თავის დახსნისას, გააკაფინებს ეკლიან გზას, რომ თითონ თუ შეეკლოდ ვერ გაივლის, მომავალ მოდგმას მაინც შეაძლებინოს შეეკლოდ სიარული.

ასე დულდა ქართველის გულშიც ბოღმა, უსამართლობისაგან დღუბებული. მოაწვა იგი ხალხის გულს. აი, აგრე იხრჩობოდა იგი ამ უსამართლობისაგან, რომ გაუჩნდნენ ხალხის მოციქულნი ერთობისა. ამათ დაჰკრეს კვერი ხალხის გულს, გადმოსკდა ბოღმა გულიდან. იწყო ხალხმა დელვა, ბობოქრობა, გაისმა კიდითი კიდემდე:

„მიწა და თავისუფლება“...

მიწა იმისაა, ვინც მუშაობს, ვინც ოფლს აწვიმებს შიგა. ხალხმა თვითონ უნდა უპატრონოს თავის თავსა; კმარა, რაც ხანი ედგა უღელი და ათასი გადიები და ძიძები, მამინაცვალ-დედინაცვლები ხედნიდნენ მას, სიცოცხლეს უმწარებდნენ, ხორცს აგლეჯდნენ ცხელის შანთებით და ცოცხლივ დღისით-მზისით სჭამდნენ ამას გაუმძღარი სვავეები.

ხალხმა იხრიალა სოფელ ტორტლაშიც. გამოცხადდა აქაც სრული თავისუფლება; სოფელს განაგებდა თვით სოფელი, მისგან რჩეულნი<sup>33</sup>.

<sup>33</sup> სოფ. მგალობლიშვილი, ჯორ-ზაქარა, გვ. 170—171.

ცხოვრების ვაი-ვაგლახში, მის ღუხჭირში გამოსული, სინამდვილის კარგი მცოდნე ხალხი (და თვით ავტორიც) ადვილად ართმევს თავს ადელევენას, შურისძიების გრძნობას. ის კარგად გრძნობს, რომ თავისუფლების მოპოვების გზა ძნელია. კარგადა ხედავს მოწინააღმდეგეთა ბანაკსაც, სადაც „პირი-პირს მისცეს მებატონემა და მღვდელმა, ვაჭარმა და მოხელემ“, რომელსაც ზურგს უმაგრებს მთავრობა თავისი სახელმწიფოებრივი აპარატით. კარგადა ხედავს, რომ ეს მოპირდაპირე ძალაც დიდია, მძლავრი. ამიტომ ცდილობს წინააღმდეგობა სიფრთხილით, ნაკლები მსხვერპლის გაწირვით აწარმოოს.

ეგზეკუციის მოლოდინმა ხალხი უფრო ააღელვა. შეიყარა ის მომავალი საფრთხის დასახვედრად, გეგმის შესამუშავებლად. ჯორ-ზაქარა, თუმცა მოხუცებულია, მაგრამ კვლავინდებურად სოფელს მეთაურობს. ის თავისი მოფიქრებული და სამართლიანი სიტყვით მიმართავს შეყრილ ხალხს: „ხალხნო,—მისთვის ჩვეულებრივი სიმტკიცის მაჩვენებელი კილოთი ეუბნება ხალხს ზაქარა, — მე აგერ სიბერე მეთქმის; ჩემი დღენი თქვენთან გავატარე; მართლ-მართო ვიბრძოდი ბატონთან; ბევრი მწარე დღე ვნახე, ბევრჯერ ვხეხე ციხის, სატუსაღოს კედლები. სამართალი ვერსად ვპოვე: ალერსიანი სიტყვა ვერსად გავიგონე; ყველასაგან გლეხია დაჩაგრული, ის დაბალი ღობეა და ყველა ზედ გადადის, ამტვრევს იმას, სწიხლავს! ყველას ჩვენ ვაცხოვრებთ: თავადს, მღვდელს, მოხელეს, ვაჭარს, თვით იმ ჯარს, რომელიც ჩვენს დასაწიოკებლად ჰყავთ გამოყვანილი; ჩვენ ერთის დღის ხარჯი რომ არ გავილოთ, ამ წუწკ ქვეყანას ღერძი გამოეყრება, ჩაინგრევა ის ტახტი, რომელზედაც ტკბილად განისვენებენ ჩვენგან განებივრებული დიდკაცობა... შევიძძრეთ. შევირყეთ ერთად და შევარყიოთ იმ განცხრომილების ცხოვრება, გაუუმწაროთ წუთისოფელი... მართალია დიდი განსაცდელი მოგველის! წვა-დაგვა, დარბევა-დაქცევა, იამუსის შერცხვენა, ხოცვა-ჟლეტა; ეს არასოდეს არა გვკლებია, მაგრამ არ გავმწყდარვართ. მძევალი მაინც დარჩენილა და კვლავ ყლორტი ამოუტანია... ძალას ძალა ეუფაროთ! ხალხს რა გაუმაგრდება, თუ მთელი ხალხი გადინების ჯაჭვით, პირს მისცემს ერთმანეთს და ერთგულად შეებმის გაბატონებულ ბოროტებს... შევისხათ ჩვენც იარაღი. ალვიჭურვით ვისაც რითი შეგვეძლოს და მტერს მდგრად შევხედეთ: მომყევით ძმებო, მომყევით!.. დღეიდან ვსპობთ ყოველივე კავშირს ბატონთან, მღვდლებთან, მოხელეებთან: დღეიდან სოფელი ტორტლა თავისუფალი ქვეყანაა, ის თვით განაგებს თავის საქმეებს... ძალა ერთობაშია! თუ ერთად ვიქნებით, ერთ პირზე ვიდგებით. ისე დაიმსხვრევა ძალა მთავრობისა, როგორც კედელზე მიხეთქილი გემი“...<sup>34</sup>

<sup>34</sup> სოფ. მგალობლიში, ჯორ-ზაქარა, გვ. 173—174.

ასეთი აგიტაცია და ლოზუნგების გამოტანა ტიპიურია ხალხოსანი მწერლისათვის, ტიპიურია თვით სოფ. მგალობლიშვილისათვისაც.

ხალხი, მართლაც, თანდათან უფრო მეტის შეგნებით მისდევს ერთობის მოციქულთ.

რევოლუციურ მოძრაობაში ებმის არა მარტო გლეხი მამაკაცი, არამედ დედაკაციც. ჩვენი გლეხის დედაკაციც ცდილობს გამოვიდეს სამოქმედო ასპარეზზე საერთო საქმის გასაკეთებლად, ამოუდგეს მამაკაცს მხარში, გაამაგროს ხალხის საკეთილდღეოდ გამოსულ მოღვაწეთა რევოლუციური რიგები, შეიგნოს თავისი უფლებანი და შეეცადოს მათ მოპოვებას ძალით.

ქალთა მოძრაობას საქართველოში, რა თქმა უნდა, არა აქვს ისეთი დიდი და ძლიერი ისტორია, როგორც რუსეთში. ამიტომ ეს მოვლენა მძლავრად არ არის ასახული ქართულ ლიტერატურაში. მაგრამ მაინც ქალთა გაღვიძების, სამოქმედო ასპარეზზე გამოსვლის და უფლებების მოპოვების სურვილის გამოხატულებამ შესაფერი გამოძახილი ჰპოვა ქართველ მწერლებშიც და ყველაზე უფრო მკვეთრად ხალხოსან მწერალთა შემოქმედებაში. ქალის, გლეხი ქალის ასეთს განცდასა და სურვილს სოფ. მგალობლიშვილიც მკვეთრ, რევოლუციურ ფერებში გვაძლევს.

სოფლის ყრილობაზე ერთობის მოციქულად ქალებიც გამოდიან და ხალხის რევოლუციონურ სულისკვეთებას თავისას შეგნებულად უერთებენ, აძლიერებენ, ამახვილებენ. „ყველაზე საშიში, — დაიწყო სოფლის ყრილობაზე ერთობის მოციქულმა ქალმა, — ქალთა მდგომარეობაა. ყაზახობა ნამუსს ხდის დედაკაცებსა... ამიტომ ყველა ქალმა, ყველა ოჯახის დედამ უნდა მამაკაცებს მივბაძოთ. დროებით უნდა გადავდვათ თითისტარი და ნემსი: აკვანიც მივდგათ გვერდზე. მოვიკრიფოთ სულის ძალა, თუ იარაღით ვერა, ბასრი ფრჩხილებით შევებრძოლოთ უსამართლობას, ბოროტებას. სისხლი სისხლით უნდა მოიბანოს, სისხლს სისხლი მოსდევს, მსხვერპლს მსხვერპლი. გადავაქციოთ სახლი, კარი, ბალენახი და თვით ჩვენი გულისფიკარი ციხე-სიმაგრედ, სალკლდეთა. დეე, მოვიდნენ ჩვენზე ბნელი ძალები იერიშითა, ნუ შევეუდრკებით; ბნელს სინათლისა ეშინიან: ქურდი, ავაზაკი, ყველანაირი მტარვალი სინათლეს გაუბრბის. მივიტანოთ ჩვენც იერიში, ვიდინოთ მკერდიდან სისხლი თავისუფლებისათვის. მტარვალი მხდალია, ხალხი კი მძლავრი, სავსე ზნეობით, სათნოებითა და ქვეყნისადმი სიკეთითა. ხალხი ცხრათავიანი მღევია. რა გაუმაგრდება იმას, თუ მოინდომა, თუ გაიწია და დაამტვრია უღელ-ტაბიკი მონობისა“...<sup>35</sup>

ეს ნაწყვეტი ორნაირადაა საგულისხმეო: ჯერ ერთი, ქალი ლა-

<sup>35</sup> სოფ. მგალობლიშვილი, ჟორ-ზაქარა, გვ. 114—115.

მობს გადალახოს ოჯახური საზღვრები, გადავიდეს საერთო საზოგადოებრივი მოღვაწეობის ასპარეზზე, მხარში ამოუდგეს მამაკაცებს, მათთან უფლებით გათანასწოროდეს: მეორე მხრით, აქ მკვეთრად ისმის ქალის რევოლუციონური განწყობილება, ქალი ებმის არა მარტო კულტურული მოღვაწეობის საქმეში ხალხის საკეთილდღეოდ, არამედ რევოლუციონურ მოძრაობაშიც. „სისხლი სისხლით უნდა მოიბანოს, — ამბობს სოფ. მგალობლიშვილის გამოდვიძებული ქალი, — სისხლს სისხლი მოსდევს, მსხვერპლს მსხვერპლი. გადავაქციოთ სახლი, კარი, ბაღ-ვენახი და თვით ეს ჩვენი გულისფიცარი ციხე-სიმაგრედ“<sup>36</sup>.

ასეთი ქალის ხილვა ხომ საუკეთესო რუსი ხალხოსნების ერთ-ერთი მთავარი მისწრაფება იყო.

ამის გარდა, სოფ. მგალობლიშვილის ეს ნაწარმოები მკითხველს ძალუმაღ აგრძნობინებს, რომ რევოლუციური მოძრაობის ძლიერი ტალღა ხალხის ცხოვრების სიღრმეს ჩასწვდა. მან ხალხის ცხოვრება აამოქმედა, ააღელვა, ააზვირთა. „ადგა ქარიშხალი, — განმარტავს ავტორი ხალხის რისხვას, — და დაუწყო მტვრევა აქა-იქ შეყუყუელ გემებსა. მოიკუნტნენ გემთა პატრონნი, აღძრეს ტკბილად ბაგენი, იწყეს ღიღინი „ახალ მოდაზე“. მაგრამ ნემსკავმა თევზი ველარ დაიჭირა. ტკბილ სიტყვებში რამდენი ბაღდაძე ერია, „ახალ მოდაზე“ ღიღინში რა გესლი იყო ჩართული. სოფელი მიხვდა და აღარ მოტყუვდა“.

ცხოვრების უდიერმა პირობებმა წაუკიდა ხალხს ცეცხლი. მძლავრად აანთო მასთან საბრძოლველად მისი გული და გონება და აარჩევინა ახალი ცხოვრებისათვის ახალი გარკვეული გზა. ხალხმა დაამყარა თავისი სამეფო, დაამყარა სოფელში სასუფეველი სიმართლისა, სიყვარულისა, ძმობისა, ერთობისა და სათნობისა. „აღარ იყო — აგვიწერს სოფ. მგალობლიშვილი, — სოფლად ქურდობა, ავაზაკობა, ცილისწამება, მრუშობა, ერთმანეთზე საჩივარი, კიცხვა-დაცინვა, გაუკითხაობა ერთმანეთისა. აღარ აწუხებდა ამ სოფლებს მამასახლისი და გზირი, მღვდელი და ბერი, მთავარი და მედავითნე, იასაული და ყაზახი, ბატონი და მისი მოურავი. მთელ ამ სოფელს თავისუფლების სხივი დაადგა თავზე შარავანდელად, გულს სიყვარულისა და ძმობა-ერთობის სხივი სვეტად ჩაადგა. ყველა წყნარად და მშვიდად მუშაობდა. შემოვიდა, დამწიფდა მინდვრის და ბაღ-ვენახის მოსავალი. სოფლად რთველობა“<sup>37</sup>.

ასეთია ერთობით გარდაქმნილი სოფელი. თავადი მარუშიძე და მისი სტუდენტი შვილი კი კბილებს ილესავენ, უკმაყოფილონი არიან, სოფლისადმი შურითა და მტრობით ივსებიან. დასახმარებლად მათ გამოიწვიეს ყაზახები და მათი მეთაური გაბრიელ ევტევიჩი, რომელსაც გლეხებისა და მუშების ალაგმვა დაუსახავს მიზნად. გაბრიელ ევტევი-

<sup>36</sup> სოფ. მგალობლიშვილი, ჟორ-ზაქარა, გვ. 11'—115.

<sup>37</sup> იქვე, გვ. 176.

ჩი ცდილობს სოფელი გაამაგროს მით, რომ დაიჭიროს მოთავე კაცები; როგორც ქორმა, ისე ამარცვლოს სოფლიდან ყველა „ბუნტოვნიკი“, რომლებიც სოფელს რევს, და ცივ ქვეყანაში ამოუყოს თავი, ციხეებში ჩამწყვდილოს. გაბრიელ ვეტევიჩის შეხედულებით, რასაც ის ვერ შეასრულებს კანონის ძალით, იმას მათრახი შეავსებს. გაბრიელ ვეტევიჩი ტიპური დასაყრდენი ძალაა მძვინვარე რეაქციისა 900-იან წლებში.

გაბრიელ ვეტევიჩის სახით სოფ. მგალობლიშვილი ცოცხალს სახეს იძლევა ჩვენს ახლო წარსულში კარგად ცნობილი დამსჯელი რაზმების მეთაურებისა, რომლებიც უხეშად და დაუნდობლად ანადგურებდნენ სოფლის მოსახლეობას—გლეხობას და მათ ნამუშევარს.

თავადი მარუშაძეები ალტაცებაში მოდიან გაბრიელ ვეტევიჩის განცხადებით. ამ ყაზახ-ოფიცერს ისე უყურებენ, როგორც დაუძლეველ ძალას, ცდილობენ ყველაფრით ასიამოვნონ და გლეხებს უფრო მძლავრად მიუხიონ და გული კარგად მოიფხანონ.

თავად ესტატეს სახლში გამუდმებული მხიარულება და ქეიფი იყო. სოფელი კი ამ დროს მინდვრად იყო გასული, ის თავის საქმეს ჩუმად და წყნარად აკეთებდა.

გლეხებსა და თავადებს შორის ინტერესთა გამწვავება უმწვერვალეს მდგომარეობას აღწევდა. სოფ. მგალობლიშვილიც ხელაღდა ამ წინააღმდეგობას და ასე ამახვილებდა „ჯორ-ზაქარაში“ ყურადღებას:

„სოფელი შრომობდა. ქვეყნის პატრონი ქეიფობდნენ“.

„სოფელს შრომის ოფლი გადმოსდიოდა გულმკერდზე, შუბლიდან წურწურით ჩადიოდა ოფლის წვიმა ყანაში, ხნულში“.

„ესტატეს სახლში კი ხარხარი იყო. ღვინით შეხურებულს და შეოფლიანებულ შუბლს სტუმრები ნელსაცხებელში დასველებულის ზაიათის ხელსახოცებით იწმენდნენ“<sup>28</sup>.

თავადი ესტატე გამარჯვების დღესასწაულის მოლოდინში აღარაფერს ზოგავდა. ყაზახებსა და გაბრიელ ვეტევიჩის გარდა, ის მაზრის უფროსსაც არ აკლებდა პატივისცემას. მაღლიერი სტუმრებიც გულმოდგინებით ასრულებდნენ თავადი ესტატეს სურვილებს.

სოფ. მგალობლიშვილი, ხალხოსანისათვის შესაძლებლობის ფარგლებში, დიდ ყურადღებას აქცევს წოდებათა შორის წინააღმდეგობის გამწვავებას.

„შუაგული კალოობაა!..—განაგრძობს ავტორი სოფელ ტორტლას დახატვას, — დათარეშობენ, როგორც მტრის ბანაკში, ყაზახები, დათარევენ თან ისაკა მამასახლისის და აგროვებენ ღალას. ავსებით აივისო თავადი ესტატეს პურის ბელლები, კვლავ გაიჭიმა იმის საბძელ-კალოზე

<sup>28</sup> სოფ. მგალობლიშვილი. ჯორ-ზაქარა, გვ. 183.

ბჭები. ესტატე ცას ეწევა სიხარულითა, ნიშნს უგებს სოფელსა. სოფელი კი გაყრუმუნჯებულთა. თითქოს მთელ ტორტლას სოფლის საზოგადოებაში ხალხის მაჯის ცემა შესდგაო. ძალას აღმართი ახენეენა თავად ესტატემ: ყაზახები ცემა-ტყეპით ართმევდნენ ღალას; არ ინახებოდა სოფელში არც ერთი ადამიანის სული, რომ დასახიჩრებული არ ყოფილიყო ყაზახის მათრახისაგან. განსაკუთრებული იერიში მიჰქონდათ ზაქარია ჯილაურზე და მთლად ჯილაურების ოჯახებზე. ზაქარას დარბაზის ბანი მთლად მოუნგრის, ბოსელი ჩაუქციეს, ვენახი აუოხრეს ყაზახის ცხენების შიგ ჩაბმითა. ქალები ხომ ვერა ჩნდებოდნენ; ბოლოს ეს ხერხი იხმარეს: ყმაწვილი ქალები გახიზნეს მეზობელ სოფლებში ნათესავეებთან, ნათელმძირონებთან, კეთილ მეზობლებთან; დარჩნენ ხნიერი დედაკაცები და ისინიც ღამე ჯიხურებში იმალებოდნენ და დღე, დილაადრიან, ქმარ-შვილებს მისდევდნენ მინდორ-ველზე, კალოზე ერთად მუშაობდნენ<sup>39</sup>.

ღიახაც, ცოცხალი სურათთა ჩვენი სოფლის ახლო წარსულისა კარგადაცაა ასახული სოფლის გამწვავებული კლასობრივი წინააღმდეგობა.

ხალხის ასეთ მდგომარეობას თავადი ესტატე აღტაცებაში მოჰყავს და ცინიკურის კმაყოფილებით გაიძახის: „მე დღეიდან ხალხის აღარ მეშინიან!.. მემრისიდან სულ პატარ-პატარა „ყაზაკები“ მოედებიან სოფლად. იმათი შერეული სისხლი გასწმენდს გლეხის ღვარძლსა და ტორტლა თავის დროზე გაივსება ყაზახის ჩამომავალთა სისხლით. სრულიად გარდაქმნი ტორტლელებსა“.

მძიმეა ხალხის მდგომარეობა, მით უფრო ასეთს ვითარებაში. საითკენაც გაიწევეს გლეხი, ყველგან მტერი და ორგული ზვედება. ასეთი თავბრუდამხვევი დარბევისა და შეურაცხყოფისაგან შევიწროებული ხალხი გამოურკვეველ, მძიმე მწუხარებას მიეცა, თითქოს სოფელმა თავისი მდგომარეობის შეგრძნობისა და გაგების უნარიც კი დაჰკარგა.

მაგრამ ზოგიერთმა, რომელნიც მთელი თავისი არსებით თავისუფლებისა და ერთობის მოპოვების გზაზე შედგნენ, გადააბეს თავისი გული და აზრი ხალხის მომავალ ბედს, ისინი არ შეეპოვნენ, არ მოიღუნნენ, არ გატყდნენ. მათ ზურგს და თვალს ბევრჯელ უნახავს ამისთანა გაჭირვება, ასეთებს გაჭირვება უფრო აკაყებს, შეურაცხყოფა უფრო აღელვებს, აშფოთებს და შურისძიების ბოღმით უვსებს გულს.

არც სოფელ ტორტლში დადუმდნენ ეს მოთავე პირნი.

შუალამეა. სოფლის ბოლოს, სამების ეკლესიის ეზოში ხალხი მოზღვავებულა, შეგინებული, შურიტა და ბოღმით ავისილი და მოთმინებადაკარგული ხალხი ერთობის კაცების თავგანწირული მოქმედებით შეერთებული, ღამობს გამოსავლის გამონახვას. „მოთმინების ფილა აივსო,

<sup>39</sup> სოფ. მგალობლიშვილი, ჟორ-ზაქარა, გვ. 185—186.

ამხანაგებო, — დაიწყო აწ მოხუცებულმა ჯორ-ზაქარამ, — წელში გაგვიწყვიტეს, მამულ-დედული გაგვიოხრეს, ნაშრომ-ნაჭინახულევი წავკართვეს, კვლავ იესება ესტატეს ოჯახი ჩვენის ნაშრომ-ნაჭინახულევი და ჩვენი ისედაც დაცარიელებული ოჯახი, მთლად გამოიფიტა. გამოიფიშუტა. ხომ გინახავთ ობობასაგან გამოფიტული ბუზი!.. რომ ნახავ ბუზია, როგორც ბუზი, მაგრამ თითები რომ გაუსვა, ბურნუთივით გახდება. ჩვენც ასე გამოგვფიტეს ყაზახებმა ესტატეს წყალობითა. ჩვენ გავძვალტყავდით... თითქო ერთობა ჩაქრა ჩვენში, მისი ძალა აღარ გვასულდგმულებს. ნუ თუ ყაჩაღთა ძალამ ჩააქრო ჩვენში ერთობის ძალა! ძალას ძალა უნდა ვუფაროთ, ნუ დავქალაჩუნდებით... ბარემ ერთს დღეს დავიხსოვნეთ, უცბად მოვისპოთ სიცოცხლე, ასეთ წვეთწვეთად დაწრეტას სისხლიდან...

— უნდა თავზე დავანგრით საპლ-კარი... სულ ერთიანთ გადავბუგოთ მისი ძნები: ნურც ჩვენ და ნურც იმას! აყვირდა ხალხი.

— წყნარად, ამხანაგებო, წყნარად, ნუ ახმაურდებით! — განაგრძო ჯორ-ზაქარამ, — უნდა მოვსპოთ, ძირიანად ამოვადოთ ესტატეს სახლ-კარი... ჩვენ ვსთხოვეთ (მას) მორიგება, შეთანხმება ღალაკულუხზე, იმან არ ინება და ძველი გზით დაიწყო სიარული, უფრო ტყავი გაგვაძრო. ეს არაფერი: ნამუსი შეგვიგინა, კვებულობს, რომ ჩვენს ქალებს ნამუსს ანდის და „პატარა ყაზახებს“ გაამრავლებს...

— სიკვდილი, სიკვდილი, ცეცხლი, ცეცხლი! — გაისმა ერთხმად მთელ კრებაში და არემარემ ხმა გამოსცა, ყოველივემ ირგვლივ გაიმეორა: „სიკვდილი, ცეცხლი“.

გადასწყდა!... — ამთავრებს სურათის აღწერას ავტორი, — სიკვდილს და ცეცხლს თხოულობდა ხალხი! — სიკვდილს და ცეცხლს თხოულობდა მთელი არემარე, ბანს აძლევდა ხალხის გულს, ტაშს უკრავდა და ამხნეებდა.

ტკბილია სისხლით ნაშოვნნი თავისუფლება<sup>40</sup>.

ასეთია რევოლუციონური ძახილი სოფ. მგალობლიშვილისა.

გრძელია და მდიდარი თავისი მრავალფეროვნებით ხალხის მიერ თავისუფლების მოპოვების გზა. ბევრჯელ დამარცხდა ასე შეკრებილი და შეფიცული ხალხი. ბევრჯელ შესწირა ხალხმა თავისუფლების მიღების სურვილს, ადამიანური უფლებების მოპოვების წადილს, უდიდესი და უძვირფასესი მსხვერპლი, ბევრჯელ, ძალიან ბევრჯელ ძვირად დაუჯდა ხალხს შუალამისას, მალვით, ზარის ხმაზე შეკრება, ბოლმის გადმონთხევა. მეტად სასტიკად და უადამიანოდ ექცეოდნენ მას მტარვალები. მაგრამ მაინც ვერა და ვერ ჩააქრეს ხალხის გულში ერთხელ მძლავრად ანთებული თავისუფლების მოპოვების ლამპარი, განსაკუთ-

<sup>40</sup> სოფ. მგალობლიშვილი, ჯორ-ზაქარა, გვ. 187—189.

რებით როდესაც თვით ხალხის შვილების ხელში გადავიდა თავისუფლების გზის მაჩვენებელი ჩირაღდანი. ეს ხალხის შვილები მეტის ენერჯით, ხალხისა და მისი ცხოვრების ზუსტი ცოდნით, გამძლე ბუნებით შეუდგნენ ერთობის სამოციქულო გზას, ახალი ცხოვრების აუცილებლობისა და მოახლოების ქადაგებას.

ხალხმა უფრო მძაფრად იგრძნო ალექსანდრე პეტროვიჩის მიმზიდველობა და მოახლოება. უფრო მტკიცედ შეითვისა და შეიყვარა თავისი მოკეთე, თვითონაც მასობრივად დაირაზმა და გატაცებით გაჰყვა მას.

აქაც სოფ. მგალობლიშვილი ტიპიური ხალხოსანია, რომელიც თავის მხატვრულ შემოქმედებაში მოჩანს, როგორც მოაზროვნე სოციოლოგი მკვლევარი, რომელმაც იგრძნო კლასობრივი წინააღმდეგობა, მაგრამ მისი ჩვენება სათანადო სიმალღემდე ვერ აიყვანა.

#### 1.

ვინაა, ან ვინ უნდა იყოს ის, ვისი ხელმძღვანელობითაც უნდა დაირაზმოს ხალხი — გლეხკაცობა? ეს საკითხი ხალხოსნებისათვის იქ, რუსეთში და აქაც, ჩვენშიც კარდინალური საკითხი იყო.

რუს ხალხოსნებსაც და ჩვენებსაც სწამთ, რომ ხალხის მასების დამრაზმველი უნდა შეიქნას მოაზროვნე ინტელიგენცია, რომელმაც თავისი გული და აზრი მჭიდროდ გადააბა ხალხისას (გლეხისას), უანგაროდ გავიდა ხალხში და თავდავიწყებით დაიწყო ნარ-ეკლიანი გზის გაყვანა. „ნაროდნიკებს, — ნათქვამია „საქ. კ. პ. (ბ) ისტორიაში, — ჰქონდათ შემცდარი და მავნე შეხედულება კაცობრიობის ისტორიის მთელ მსვლელობაზე... მათი აზრით, ისტორიას აკეთებენ არა კლასები და არა კლასთა ბრძოლა, არამედ მხოლოდ ცალკეული გამოჩენილი პიროვნებები — „გმირები“, რომლებსაც ბრმად მიჰყვებიან მასები, „ბრბო“, ხალხი, კლასები“<sup>41</sup>.

არსებულ ბიუროკრატიულ წყობილებაში, როდესაც თავისუფალი სიტყვა და აზრი შთასახვისთანავე ძალმომრეობით ნადგურდებოდა, ხალხოსნებს გზა, მართლაც, გაუვალი დახვდათ. მართლაც, საჭირო იყო ის გმირული ხასიათი და თავგანწირვა, რომლითაც ხასიათდებოდნენ 70-იან წლებში ხალხოსნები, მათი ცალკეული წარმომადგენელნი, რომ მათ ამ გზისა არ შეშინებოდათ.

იმ პირობებში ხალხოსნებმა ყველაზე მოსახერხებელ და ამასთან ერთად საჭირო საშუალებად დაინახეს სოფლის სკოლა და მასში მასწავლებლობა. მივარდნილ კუთხეში სოფლის მასწავლებელი რამდენიმე ხნით მაინც ახლო, უშუალო დამოკიდებულებაში იმყოფებოდა გლეხებთან. ამ ხნის განმავლობაში მას შეეძლო ამ ხალხის ბნელ ცხოვრებაში, მართლაც, სინათლე შეეტანა არა მარტო წერა-კითხვის სწავლე-

<sup>41</sup> საქ. კ. პ. (ბ.) ისტორია, 1948, გვ. 16.



ბით, არამედ, ცოცხალი, მართალი სიტყვიდაც. თავისი მოღვაწეობით ის ცდილობდა აეფხკაერებია მდიდარი ყამირი — ხალხის გული კეთილი თესლის მისაღებად. და ამ მოვალეობას ხალხოსნები (ქალი თუ მამაკაცი) დიდის ენთუზიაზმით ასრულებდნენ. ამით აიხსნება, რომ იქ, რუსეთში სოფლის მასწავლებლის მოღვაწეობა ასეთი შარავანდდით შეიმოსა. სოფლის მასწავლებლობა, მართლაც, ერთ-ერთ საუკეთესო გზად აღმოჩნდა ხალხოსნების იდეების ზალხის მასებში ფართოდ გასატანად. ხალხოსანმა მწერლებმაც ამიტომ ერთ-ერთ მთავარ თემად აიღეს სახალხო მასწავლებლის ცხოვრების დახატვა ამით აიხსნება, რომ ქართველმა ხალხოსანმა მწერლებმაც (შაქრო გულისაშვილი, ნ. ლომოური, ეკ. გაბაშვილი და სხვ.) თავიანთ შემოქმედებაში საპატიო ადგილი დაუთმეს სოფლის მასწავლებლისა და მის საზოგადოებრივ განწყობილების ასახვას.

ამითვე აიხსნება, რომ 70-იანი წლების მეორე ნახევრიდან მთელი ჯგუფი ხალხოსნებისა (სოფ. მგალობლიშვილი, ნ. ლომოური, ზაქ. გულისაშვილი, მიხ. ასათიანი, გრ. ყიფშიძე, მიხ. გურგენიძე და მრავალი სხვა) წავიდა სოფლად სახალხო სკოლისა და ხალხში სწავლა-განათლების საქმის საფუძვლების ჩაყრის მიზნით.

აკი ჟურნალ „იმედის“ თანამშრომლებმაც უდიდესი ყურადღება მიაქციეს სკოლასა და მისი მნიშვნელობის ახსნა-განმარტებას. „მიეციოთ ხალხს საშუალება, — მქადაგებლის კილოთი წერს გადაღმელი, — რომ ჩაიხედოს სწავლით თავის ნაკლულევენებაში, დაინახოს თავისი მდგომარეობა, სწავლა იყოს იმისივე სარკე... ხალხი და სახელმწიფო მხოლოდ მაშინ ჰიაღწევეს კეთილ მდგომარეობამდის, როდესაც ყველა მცხოვრებნი (население) თანასწორად მიიღებენ სწავლა-განათლებას, საშუალო სკოლებში თუ არა, სახალხო სკოლებში მაინც. ამიტომ, ვიმეორებო, რომ ამ მიზნის მისაღწევად ის კი არ არის საკმაო, რომ თითოეული პირი გამოვიდეს თავისი მდგომარეობიდან და მიაღწიოს უმაღლეს განათლებამდის, არამედ საჭიროა, რომ მთელი ხალხი (масса) იყოს თანასწორად გონებაგახსნილი და შეეძლოს თავისი სწავლის მოხმარება“<sup>42</sup>.

ჩვენს ხალხოსნებს ძალიან კარგად ესმით, რომ ნამდვილი სკოლა შეიძლება შეიქმნას მხოლოდ მაშინ, როდესაც გაბატონდება ის აზრი და შეხედულება, „რომ სახელმწიფო უნდა იყოს მთელი ხალხისათვის და არა რომელიმე წოდებისათვის“<sup>43</sup>.

ჩვენი ხალხოსნების გაგებით, ნამდვილი სახალხო განათლება მაშინ გატარდება ცხოვრებაში, როდესაც სახელმწიფოებრივი ცხოვრება აშე-

<sup>42</sup> გა და დ მ ე ლ ი, ჩვენი სასოფლო სკოლები, „იმედი“, 1881 წ., № 5, გვ. 60.

<sup>43</sup> ნიკო ხ ი ზ ა ნ ა შ ვ ი ლ ი, საფუძვლები სახალხო განათლებისა, „იმედი“, 1882 წ., № 5, გვ. 8, 16.

ნებული იქნება იმ საფუძველზე, რომელიც სწავლის თავისუფლებასა და მიღების შესაძლებლობას ყველა წოდებას მიანიჭებს. „სადაც ხალხის განათლება, — წერს ნიკო ხიზანაშვილი, — უფრო ფართო თავისუფლებაზედ არის დაფუძნებული, იქ სახელმწიფოც და ხალხიც მთელს და საღს სხეულს წარმოადგენს“<sup>44</sup>.

მეტად საგულისხმეოა აგრეთვე ისიც, რომ ჩვენი ხალხოსნებისათვის აშკარაა ხალხური სკოლის და მისი ბუნების სხვაობა შედარებით რუსეთის სკოლასთან. მათი შეხედულებით, ჩვენი სკოლა რუსეთში მიღებული სკოლის შაბლონის მიხედვით არ უნდა იყოს აგებული. „ისეთი განსხვავება უნდა იყოს ჩვენებურის და რუსეთის სკოლების შუა, — წერს გადამელი, — როგორც განსხვავებაა ჩვენსა და იმათ ზნეხასიათის, ჩვეულებისა, ენისა და თვისებების შორის“<sup>45</sup>.

ამ თემით „იმედი“ ხერხიანად სარგებლობს: სახალხო სკოლის პოპულარიზაციას ცდილობს და არსებულთ საკმარისი სისწორითა და გაბედულებით აკრიტიკებს. „სახალხო სკოლები, — წერს დავით აბდუშელიშვილი, — მგონია მისთვის უფრო გახსნეს ჩვენში, რომ წარდგინებაში სასწავლებლის რიცხვი მეტად აღმოჩენილიყო და მტერს არ ეთქვა, კავკასიის განათლებაზე არა ზრუნავენო. სწავლა ჩვენებურ სკოლებში წერა-კითხვას ვერ აღემატება. ორიოდ რუსული ლექსი და სიმღერა თუ გაიზებირა ბავშვმა, მერმედ ისიც უაზროდ, როგორმე კაჰკაჰივით, ის არის და ის. მით გათავდება მისი აღზრდა. თითქმის ყოველ ჩვენებურ სახალხო სკოლაში სრულებით მოუშნადებელი ოსტატი ასწავლის, რომელიც ან რომელიმე დაბალ კლასიდან გამოურიცხავთ, ან არა და ბევრი, ბევრი, თუ უზღის სასწავლებლის კურსი მაინც შეუსრულებია. სახალხო სკოლების პროგრამაც იმნაირად არის შედგენილი, რომ ხეირიანი მასწავლებელიც ვერას გახდება“<sup>46</sup>.

შემდეგ დ. აბდუშელიშვილი სრულიად სამართლიანად და სწორად აკრიტიკებს ჩვენს სკოლას, რომელიც ახალგაზრდას თითქმის არაფერს არ აძლევს: „კურსდამთავრებულს არც ისეთი სწავლა გამოაქვს, რომელიც იმას გამოადგება ცხოვრებაში, და არც იმისთანა, რომ საზოგადოების ხეირიან წევრად გამოდგეს“<sup>47</sup>.

„ჩვენი კურსდამთავრებული ყმაწვილი, — სამართლიანად აღნიშნავს დ. აბდუშელიშვილი, — უკეთეს შემთხვევაში შეიძლება ჩინოვნიკად გამოდგეს“. ეს ხდება, ავტორის მტკიცებით, იმიტომ, რომ პროგ-

<sup>44</sup> ნიკო ხიზანაშვილი, საფუძველები სახალხო განათლებისა, „იმედი“, 1882 წ., № 5, გვ. 8, 16.

<sup>45</sup> გადამელი, ჩვენი სასოფლო სკოლები, „იმედი“, 1881 წ., № 5, გვ. 58.

<sup>46</sup> დ. აბდუშელიშვილი, ჩვენებური სასწავლებლის ეხლანდელი მდგომარეობა, „იმედი“, 1881 წ., № 2, გვ. 128—129.

<sup>47</sup> იქვე, გვ. 130—131.

რამას ადგენენ ისეთი პირები, რომლებიც ცხოვრებისა და ხალხის მოთხოვნილებას არ იცნობენ. სკოლა და მისი პროგრამები ხალხის ცხოვრებისა და ინტერესის გარეშე იდგა.

ჩვენი ხალხოსნები გარკვეულად მოითხოვენ, რომ სკოლის მოწყობაში თვით ხალხი ჩაებას, თვით ხალხის ცხოვრება, ინტერესი და გამოცდილება უნდა ასაზრდოებდეს სკოლას. „სწავლების მდგომარეობა, — წერს იგივე აბდუშელიშვილი, — მათი ბედი და იღბალი მთლად საზოგადოების ხელში უნდა იყოს; საზოგადოება უნდა ადგენდეს მათთვის პროგრამას, ირჩევდეს მასწავლებლებს და მართველებს და ინახავდეს სასწავლებელს თავის ზარჯით“<sup>48</sup>.

ასეთსავე, უფრო გარკვეულ და უფრო რადიკალურ აზრს გამოთქვამს გადაღმელიც: „სკოლების ადმინისტრაციის ვალია, — წერს ის, — მოიწვიოს ხალხის წარმომადგენელი და იმათთან ერთად შეიმუშაოს სახალხო სკოლების პროგრამა“<sup>49</sup>.

საგულისხმოა, აგრეთვე, ის გარემოებაც, რომ ჩვენი ხალხოსნები კარგად ხედავდნენ, რომ ჩვენი ცხოვრებისათვის სკოლის უსაჭიროესი ტიპი უნდა ყოფილიყო სასოფლო-სამეურნეო სკოლა. ასეთ სკოლებს უნდა მიეკუთვნოს კარგი ფართო ნაკვეთი მიწა სასწავლებლად და საჩვენებლად ახლო-მახლო სოფლებისათვის.

„იმედის“ ჯგუფი კარგადაა ხედავს, რომ მართალია, სკოლას დიდი მნიშვნელობა აქვს ხალხის ცხოვრებისათვის, მაგრამ მის კარგ და სწორ ნიადაგზე დაყენებისათვის კიდევ ბევრი რამ არის საჭირო. „ჩვენ მხოლოდ იმ აზრისანი ვართ, — ვკითხულობთ „იმედში“, — რომ პირველყოვლისა ხალხის კეთილდღეობისათვის სხვა რამ არის საჭირო და მერე რიგიანად მოწყობილი სკოლა. სკოლაზე წინ დგანან: ეკონომიური, პოლიტიკური და სოციალური ხალხის რიგიანი განწყობილებანი და შემდეგ სასწავლებელი. სანამ კაცობრიობის ბედ-იღბალი იმნაირ გზაზე იდგება, რომ ზოგს მეტის-მეტი სიმდიდრისაგან ჰკუთავონება დაკარგული ექნება და უმეტესი ნაწილი კი დღითი-დღე ლუკმა-პურის მოპოების ფიქრში იქნება, სკოლას დიდი მნიშვნელობა არ ექნება“<sup>50</sup>.

ჩვენს ხალხოსნებს კარგად ესმით, რომ სახალხო განათლების წინააღმდეგა ხელს შეუწყობს ხალხის კეთილდღეობას, ჩვენი ხალხის მდგომარეობის გაუმჯობესებას. ამიტომ სახალხო სკოლის დაარსება და იქ მუშაობა ჩვენი ხალხოსნებისათვისაც ერთ უმთავრეს მოვალეობად გადა-

<sup>48</sup> დ. აბდუშელიშვილი, ჩვენებური სასწავლებლის ეხლანდელი მდგომარეობა, „იმედი“, 1881 წ., № 2, გვ. 134.

<sup>49</sup> გადაღმელი, ჩვენი სასოფლო სკოლები, „იმედი“, 1881 წ., № 5, გვ. 61.

<sup>50</sup> ჟურნალი „იმედი“, 1881 წ., № 6, ქართვ. შორის წერა-კითხვის გამავრც. საზ. მოქმედ., გვ. 104.

იქცა, როგორც პრაქტიკულ მოღვაწეობაში, ისე მხატვრულ შემოქმედებაშიც.

ასევე ითქმის სოფ. მაგლობლიშვილის მიმართაც.

ასეთსავე ცხოვრებისავენ და ასეთსავე გატაცებით მიისწრაფვის სოფლის სკოლის მასწავლებლის ეკლიან გზაზე შემდგარი სოფ. მაგლობლიშვილის მათე ლაშხი. მან თავისი ბედი მკიდროდ დაუკავშირა მდაბიო ხალხის ბედს, შეიყვარა ხალხი. გმირულად იტანდა შიმშილს, წყურვილს, სიცივეს, შევიწროებას, დევნასა და ათას ვაივაგლახს.

ექვსი წლის ასეთმა თავგანწირულმა მოღვაწეობამ ლაშხი დასწვა და დაფერვლა ხალხის ბედნიერების სამსხვერპლოზე. ცოლის შერთვა, თანაზიარისა და თანამგზავრის მოძებნაც ვერ გაბედა, მასზე ოცნებაც კი მათეს თითქოს რაღაც ცოდვად მიაჩნდა. „ჩემისთანა კაცი ხალხისათვის უნდა ცხოვრობდეს. ის არის მისი საზრუნე, მას უნდა ეთაყვანოს... „ალილე ჯვარი ჩემი და შემომიდექ მეო“, გვიმოდვრა ქრისტემ... ეს უანდერძა ყველას, ვისაც კი გული შესტკივა კაცობრიობისათვის, მაგრამ განსაკუთრებით ჩვენ, სოფლის მასწავლებლებს, გვხვდება წილად ეს მოძღვრება“...<sup>51</sup>

კარგად ხედავს მათე ლაშხი, რომ მან ვერ შეძლო თავის მიწრაფებათა განხორციელება. გრძნობს გარშემორტყმულ დაბრკოლებებს და მათთან ბრძოლის სირთულეს, მაგრამ ყველაზე მტკივნეულად განიცდის ხალხის გულგადაუხსნელობას მისდამი, რასაც საერთოდ ყველა ხალხოსანი განიცდიდა. ხალხი ცხოვრების პირობებით შეწუხებული და გულგატეხილი იყო. არა სჯეროდა, რომ მისთვის ვინმე კეთილ ზრუნვას გამოიჩინდა. ამაში იყო, როგორც ზევეითაც აღვნიშნეთ, საშინელი ტრაგედია ხალხოსანისა, რომელიც თავის სიცოცხლესაც კი არ ზოგავდა ხალხისათვის, მაშინ, როცა ხალხი მისდამი უნდობლობას იჩენდა.

ამას მეტად მტკივნეულად განიცდის მათე ლაშხიც. „თუ ვერ გავაკეთე, რაც ჩემს გულს სწადდა, — ამბობს იგი, — ბრალა თვით ცხოვრების, რომლის გარდაქმნა ძნელია. ვერც გავაკეთებდი იმას, რაც მწადდა: ხალხი პატივსა მცემს, ვატყობ უყვარვარ, მაგრამ გულს არ მიხსნის. არ მენდობა. ნდობა მასთან მე კი არ დამიკარგავს, დაუკარგავს ჩემს წინაპარს, ჩემს პაპას, ჩემს მამას... მე ხალხისათვის მისი შვილი არა ვარ, თავი დაუხწყევია ჩემს წინაპარს იმ ჰაპანიდამ, იმ უღლიდამ, რომელსაც ხალხი ეწევა, ხელი აღარ შეუშველებია მისი მძიმე ტვირთისათვის, არ შეუშუსბუქებია იგი; ეს გარემოება ღრმად ჩასჭედვია ხალხს გულში, შეილითი-შვილად გადასცემია და ნაყოფს მე ვიგემებ“<sup>52</sup>.

<sup>51</sup> სოფ. მაგლობლიშვილი, საფლავში, ჩამომძახე, რჩეული მოთხრობები, 1951 წ., გვ. 639.

<sup>52</sup> იქვე.

ეს განცდა, სინდისის ქენჯნა არა მარტო მონანიე აზნაურს ახასიათებს, არამედ იმასაც კი, ვინც ოდესღაც დაბალი ფენებიდან გამოსულა და, თავისი თუ წინაპრის პირადი, კეთილმდგომარეობის შექმნის შემდეგ, ხალხთან კავშირი შეუწელებია. ასეთია მათე ლაშხი.

ეს სახე ახლი სხვაობაა ხალხოსნისა, ქართულ ლიტერატურაში განვითარებული.

მათე ლაშხი კარგად იცნობს ხალხის ცხოვრების მაჯისცემას, ხერხიანად იხედება მის გულის სიღრმეში, გლეხის საიდუმლოებრივ, დაფარულ და გამოურკვეველ სურვილებსაც კი კითხულობს. მან კარგად იცის, რომ ამ ეკლიან გზაზე სიარული უფრო ადვილი და მიზნის მიმღწევი იქნება, როდესაც ახალი, ადამიანური ცხოვრების მოციქულად გამოვა თვით ხალხის ღვიძლი შვილი — მისი „სისხლი სისხლთაგან და ხორცი ხორცთაგან“. ამგვარი მოქმედი რაზმის შექმნისაკენ იყო მთელი ყურადღება ხალხოსნებისა მიქცეული, ხოლო პრაქტიკულ მოღვაწეობაში ხშირად დამარცხებული. „აი, ჩემმა ჭკვიანმა პეტრემ, ჩემმა სანატრელმა მოწაფემ, — ოცნებით ამბობს მათე, — ჩემი ადგილი რომ დაიჭიროს, მაშინ იმას ხალხი ჩაახედებს თავის გულში, თვითონაც პეტრეს გულში ჩაიხედავს, მათი გულის სიმეზი გადიბმის, სიყვარული და ერთობა ნდობით შეიმოსება და ხალხი აღდგომის გზას დაადგება. ჩემიც სჯერა, სწამს ჩემი თავისადმი სიკეთე, მაგრამ ცალკე ემორჩილება ჩემს რწმენას, ჩემს აზრებს; თავის ღვიძლი შვილი კი სულ სხვაა, მხოლოდ იგი მოსწმენდს მას ცრემლებს... ეს არის ჩემი ექვსი წლის დაკვირვების შედეგი“<sup>53</sup>.

ამიტომ და ამ მიზნით მათემ შემოიკრიბა ხალხის ნიჭიერი შვილნი (პეტრე, თედო და სხვანი), რომელთაც გატაცებით ამზადებდა მომავალი ბედნიერი ცხოვრების კეთილი თესლის მთესველად.

მიუხედავად იმისა, რომ მათე ლაშხმა ყველაფერი უანგაროდ შესწირა ხალხს, სიცოცხლეც კი, დაუზოგველმა, თავდადებულმა შრომამ და კეთილშობილურმა გამუდმებულმა წვამ მოტეხა მისი სიღარიბესა და ნაკლულევანებაში გამოზრდილი ორგანიზმი, მაღალი და მტკიცე რწმენა, რომ მისი ეკლიანი გზა ერთადერთი გზაა, რომელიც მისცემს ხალხს კეთილდღეობას, მას მაინც ბოლომდე რჩება. თვით სიკვდილიც ამას მისი გულიდან ვერ ამოგლეჯს. „მწამს აღდგომა ხალხისა, — სიკვდილთან ბრძოლის დროს ეუბნება მათე თეკლეს, — იგი აღსდგება შენისთანა თავდადებულის მუშაკების მეოხებით... იარე ჩემებრ ეკლიანი გზით... არ არის მკედარი, ვინც ხალხს შესწირავს თავს... ოჰ! დიად, დიად მწამს, აღდგება ხალხი და განაბნევს მტერსა თვისსა... მე მხო-

<sup>53</sup> სოფ. მგალობლიშვილი, საფლავში ჩამომძახე, რჩეული მოთხოვნი, 1951 წ., 639—640.

ლოდ დასაწყისსა ვხედავ... ბედნიერი ხარ, ჩემო თეკლე, რომ იხილავ ხალხის წინსვლას“.

აი ის ღრმა რწმენა, რომელიც ანთებდა ხალხოსნებს და წყვილად, უნუგეშო ცხოვრებაში გაუვალ და გაუთელავ გზას აკვალვინებდა. მათე ლაშხს, ამ ტიპიურ „ხალხის მოკეთეს“, ცხოვრებასთან გაყრის უამსაც კი საყვარელ არსებისადმი სხვა თქმა და სურვილიც კი არ მოეპოვებოდა, გარდა თხოვნისა: „საფლავში ჩამომძახე ჩემი ხალხის აღდგომა“.

ასეთია გაბრწყინებული სახე სამოღვაწეოდ გასული ხალხოსნისა სოფ. მგალობლიშვილის ასახვით. ამ სახეში ჩაქსოვილია თვით ავტორის მისწრაფებანი. ეს მოთხრობაც ავტობიოგრაფიულ უნარს მიეკუთვნება.

## 5

სოფ. მგალობლიშვილს კარგად ესმის მათე ლაშხის მწუხარება. მწერალი გრძნობს, რომ ხალხის ნამდვილი წინამძღვარი უშუალოდ ხალხის წიალიდან, მისი ცხოვრების ქარტეხილიდან უნდა გამოვიდეს. ეს იქნება ის, ვისაც ხალხი მთელი გატაცებითა და ნდობით გაჰყვება. ამ სახის ძიებაშია სოფ. მგალობლიშვილი. ამისათვის გარემო პირობებიც იყო საჭირო. აშლილი ცხოვრების პირობებს უნდა გამოეტარებინა თავის ქურაში ასეთი „მოკეთე“ და როცა 900-იანი წლებიდან მძლავრად დაჰბერა გამათავისუფლებელმა ქარმა, მძლავრად აამოძრავა ხალხის ცხოვრება, მაშინ იქმნება თვით ხალხის რიგებში მთელი კადრი ახალი ცხოვრების მქედელთა.

სოფ. მგალობლიშვილის შემოქმედებითა თვალის ადვილად ხედავს ამ გმირ მოკეთეებს და ნიჭიერად აქანდაკებს მოთხრობაში „და შეჰფიცეს...“

ეს პატარა მოთხრობა მშვენიერი სოციოლოგიური ტრაქტატი. აქ უფრო მკვეთრადაა გამახვილებული კლასობრივი წინააღმდეგობა. მტკიცედაა მთელს ნაწარმოებში გატარებული სხვაობა და დაპირისპირება ორი მოქმედი კლასისა—მშვიერისა და მძღორისა, რომელთა შორის არსებული გამწვავებული ბრძოლა ქმნის საზოგადოებრივ ცხოვრებას. გამარჯვება, ავტორის რწმენით, მშვიერს, დაჩაგრულს ერგება.

მქადაგებელი—გლეხის შვილი ილიკო შევლიძეა. სოფლიდან სოფელში დადის და ამზადებს ხალხს ახალი ცხოვრებისათვის. ხალხმა ის შეიყვარა და ნდობით აღჰურვა.

ილიკო მიდის სოფელ ნაკედლარში საქადაგებლად. სოფელმა თავი მოიყარა ერთ ეზოში და სულგაკმენდილი ყურის საგდებლად მოემზადა, გაისმა რიხიანი, თამამი და მტკიცე ხმა ილიკოსი.

„დღეს მე იესოს სიტყვებით დავიწყებ ბაასსა, — მიმართა ილიკომ ხალხს.

„ნეტარ ხართ თქვენ, რომელთა გშიათ აწ, რამეთუ განსძღეთ; ნეტარ ხართ, რომელნი სტირით აწ, რამეთუ იცინოდეთ“...<sup>54</sup> აი ფორმულა და მრწამსი, რომელიც ამოძრავებს ილიკოს (და თვით ავტორსაც, როგორც ხალხოსანს). მაგრამ საინტერესოა ის მკაფიო, მარტივი, შესაფერი და დამარწმუნებელი განმარტება ამ მოყვანილი თქმისა, რომელსაც ილიკო აძლევს შეკრებილ ხალხს და რევოლუციონურ ალს უკიდებს მათ გულს: „ამხანაგებო—უხსნის ხალხს ნათქვამის შინაარსს ილიკო,—დღეს გვშიან ჩვენ, ვტირით და ვვაებთ იმიტომ, რომ ყოველივე წართმეული გვაქვს. ჩვენ ვმუშაობთ, ოფლსა და სისხლს მიწას ვაწვივებთ. სხვა კი ჩვენს ნამუშევარს იმკის, სხვას მიაქვს; აბა მიიხედ-მოიხედეთ — რას არ ვამზადებთ, ყველაფერი ჩვენგან არის გამზადებული, სხვა კი ძღება, სუქდება. მადლობისა და შეწყალების მაგივრად, გვლანძღვენ, გვაგინებენ. ცხვირპირში ძმარს გვადენენ. ყოველივე ეს ჩვენი ქალაჩუნობის ბრალია. გამოცდილებით ვიცით, რომ ყველა პირუტყვი, ყველა მწერი, სულ პაწაწინა ჭიანჭველაც კი ამხედრდება იმის წინააღმდეგ, ვინც იმას ხელს შეუშლის... ჩვენ კი როცა გვაწამებენ, როცა პირში გვაგინებენ, როცა ცხვირში ძმარს გვადენენ, ფეხქვეშ ვუტყვივით ჩვენს მტარვალებს, ხელფეხს ვულოკავთ, რა ირის არ ჩამოგვართვან მიწა, ის მიწა, რომელიც ჩვენი, ხალხისა და არა რომელიმე კაცისა“<sup>55</sup>.

ახლა ხალხი და თვით ავტორიც რწმუნდება, რომ მართო წყნარი, კულტურული მოღვაწეობით არ შეიძლება არც მიწისა და არც თავისუფლების მოპოვება. საჭიროა ძალას ძალა დაახვედრონ. უძალოდ და უმსხვერპლოდ მშრომელი ჩაგვრის ულლიდან ვერ გამოვა, ერთობა ვერ დამყარდება.

ამიტომ ილიკო ასე მიმართავს ხალხს: „მივბაძოთ პირუტყვებს, ხელი შევეუბრუნოთ მტარვალებს, გვეყო შიმშილი, ახლა განვსძღეთ სულითაც და გულითაც; გვეყო ტირილი, ახლა ვიშვათ, ვიხაროთ სულითა და ზორციითა. შიმშილს გაძლომა მოსდევს, ტირილს მხიარულობა, ორთავეს—შიმშილსაც და ტირილსაც ჩვენვე უნდა ვუწამლოთ... ჩვენ უნდა ყველანი, მთლიად ყველა სოფლები გადავაბათ ერთობის ჭაჭვითა, მაშინ ვერაფერი ვერ დაგვძლევს. მართალია, არ დაგიმაღავთ, ეს ერთობა ბევრს ჩვენგანს შეიწირავს, ბევრისაგან ბევრი უმანკო სისხლი

<sup>54</sup> სოფ. მგალობლიშვილი, და შეკვდიეს, რჩული მოთხრობები, 1951 წ. გვ. 647; სოფ. მგალობლიშვილისა და ზოგიერთი სხვა ხალხოსნის შემოქმედებაში სწირად ვხვდებით სახარების ციტატებსა და ფრაზებს. ეს აიხსნება არა იმით, რომ მათ სწამდათ ღმერთი და ქრისტე (პირიქით, ისინი წინააღმდეგნი არიან ამგვარი რწმენისა. ეს გარკვეულად ჩანს მათ შემოქმედებაში; ამასვე ადასტურებს ბიოგრაფიული მონაცემები), არამედ იმით, რომ ისინი სასულიერო სემინარიაში არიან აღზრდილნი. ამის გარდა, შესაძლებელია ეს მათთვის ერთგვარი ნიღაბიც იყოს.

<sup>55</sup> იქვე, გვ. 648.

დაიღვრება, მაგრამ გამარჯვება ჩვენია, ბრძოლის ველიდგან ბოლოსა და ბოლოს ბევრისაგან ბევრს გავიტანთ“<sup>56</sup>.

იმედი და გამარჯვების აუცილებლობა ხალხის შეგნებაში მტკიცედ ჩაიჭედა. და ეს გამარჯვების მოლოდინი ანლა მარტო გრძნობის აღგზნებითა და მონობის უღლის სიმძიმისაგან თავის დაღწევის სურვილით არ აიხსნება! მისი ლოგიკური დასაბუთებაც უკვე ხალხისათვის აშკარა და გასაგები გახდა. ბრძოლა გლეხობისა სტიქიური ფაზიდან გადაღის მწყობრ, გარკვეულ, გეგმიან ბრძოლაზე: „ამხანაგებო, — უხსნის ილიკო ხალხს, — ღმერთს არ გაუჩენია არც ბატონი, არც ყმა, არც მონა, არც მდიდარი და არც ღარიბი. ყველა ეს ჩვენი გაჩენილია, ყველა ეს ჩვენი უგუნურობის ნაშობია... მიწა, აი ეს დედამიწა, ჩვენი სისხლითა და ოფლით მორწყული, არავის საკუთრებად არ გაჩენილა, ამას ერთი ვინმე ბატონ-პატრონად არ ჰყოლია; იგი ჩვენისავე უგუნურებით რამდენისამე ხელში ჩაგარდნილა. მიწა იმისია, ვინც იმას ამუშავებს, ვისაც იმაში ოფლი და სისხლი უწვიმებია და ასე უნაყოფიერებია იგი... მაშ მიწა ხალხისაა, საერთოა!“<sup>57</sup>

გლეხობაცა და მათი მოკეთე ხალხოსნებიც კარგა ხნის ბრძოლის შემდეგ დაიწმუნდნენ, რომ ბრძოლა მიწის მიღებისათვის, ბრძოლა ეკონომიური კეთილდღეობისათვის შეუძლებელია ხალხმა აწარმოოს, თუ ის პოლიტიკურადაც არ განთავისუფლდება. ხალხის ეკონომიურად თანასწორი და უზრუნველყოფილი ცხოვრებისათვის საჭიროა არსებული ბიუროკრატიული წყობილების დამხობაც. ამისათვის სოციალურ-ეკონომიურ ბრძოლასთან ერთად—ბრძოლა პოლიტიკურიც! აი ლოზუნგი, რომელმაც 70-იანი წლების მეორე ნახევრიდან მძლავრად გაჟლინთა ატმოსფერო ცხოვრებისა და მძლავრად ასუნთქა თავისუფლების მადიებული ხალხის მასები რუსეთში და ჩვენშიც.

ხალხის ასეთი სულისკვეთება მშვენივრადაა ასახული სოფ. მგალობლიშვილის მიერ მოთხრობაში „და შეჰფიცეს...“ „მაგრამ, რას ვაქნევთ, ამხანაგებო,—აგრძელებს ილიკო თავის ახსნას, — ცარიელ-ტარიელ მიწას... თუ ბატონის ჩიბუხი კვლავ კბილებს ჩაგვამტკრევს, თუ კვლავ ჩვენი სული და გული მარწუხებში იქნება გათანგული!... მაშ მიწასთან თავისუფლებაც უნდა, რომ ხალხმა ფრთა გაშალოს... მაშ, ამხანაგებო, მიწა და თავისუფლება!.. — მოვიპოვებთ მიწას და თავისუფლებას,—განაგრძო კვლავ ილიკომ, — მოვიპოვებთ შვებას, სიცოცხლეს, სიხარულსა, მოვრჩებით ტირილსა და ვაი-უშველებელსა... მაშ „ნეტარხარ თქვენ, რომელთა გშიან, რამეთუ განსძლეთ; ნეტარ ხართ, რომელნი სტირით, რამეთუ იცინოდეთ“...<sup>58</sup>

<sup>56</sup> სოფ. მგალობლიშვილი, და შეჰფიცეს, რჩული მოთხრობები, 1951 წ. გვ. 648—649.

<sup>57</sup> იქვე, გვ. 649. ხაზი ჩვენია.

<sup>58</sup> იქვე.



თუ ასეთია მომავალი ჩაგრულთა და მშვიერთა, თუ მომავალში გამარჯვება და სიხარული იმათ მხარესაა, სამაგიეროდ. სოფ. მგალობლიშვილის გაგებით, მძიმეა და სავეალალო მომავალი აწ მიძღართა, მჩაგვრელთა და ჩაგვრით ბედნიერებისა და სიამოვნების მომხვეჭთა. ამიტომ ჩასუქებულ ისაკს (სოფლის წურბელას) და მისთანებს ილიკო (თვით ავტორი) სრული რწმენით ასე მიმართაჲს: „ვაი თქვენდა, გამძღარნო აწ, რამეთუ გვიოდეს, ვაი თქვენდა, რომელნი იცინით აწ, რამეთუ იგლოვდეთ და სტიროდეთ“. აი თქვენზეა ეს ნათქვამი, მღიღარნო და ფუფუნებაში აღზრდილნო. თქვენ ნებით არ დაემორჩილებით ერთობის ძალას, ამიერიდან დადგა დრო თქვენის შიმშილისა, თქვენის გლოვისა და ტირილისა; იგემეთ, როგორია შიმშილი, როგორია შრომა, როგორია სისხლის ცრემლით ტირილი“<sup>59</sup>.

სოფ. მგალობლიშვილი თითქოს რაღაც მისნობით შლის დიდი რევოლუციის ხანის სურათს, რომლის მოწმენიც ჩვენ შევიქნით. თითქოს მშრომელის მძღავრი, გამარჯვების მძღავრი წინაგარძნობა შეუცნობელს აცნობიერებს, ფანტაზიას რეალურად აქცევს.

ეს ახალი მოძღვრება მძაფარად მოედო სოფლებს, „მიძინებულმა დევმა გაიღვიძა. შეკრულ-შებოქილმა ამირანმა ხელები აითათა და აი თავის ახს ითხოვს“... — ათავებს სოფ. მგალობლიშვილი ამოძრავებულ სოფლის აღწერას.

ილიკოს თან იუდაც სდევდა. ილიკოს იდეების წინააღმდეგ დარაზმული იერიშები მიჰქონდათ; ილიკოსა ჰკლავენ, მის სახლ-კარს ცეცხლს აძლევენ. მტარვალები ილიკოსა და მისი ოჯახის დაღუპვის დროს, გამარჯვების კმაყოფილებით დამთვრალნი, ტაშს უკრავდნენ და ვაშას დასძახოდნენ. მაგრამ, ხალხის გული ილიკოს იდეებით ანთებული, ვეებერთელა ცეცხლად გადაიქცევა, შეარყევს ზოგს სამყაროს, ვით მძღავრი ვულკანი, ამოხეთქს ხალხის გულიდან საუკუნეებით დაგროვილი ვაივავლახი, გაბროტება და წალეკაეს მიძღართა სამეფოს თავისი ნებვირობითა და ფუფუნებით, უზრუნველყოფითა და ძალმომრეობით; ააფრიალებს ნამდვილი ძმობის, ერთობის, თავისუფლების დროშას! და ანგრევს და გადაჰბუგავს საუკუნეებით დაწნულ ზღუდეებსა და აღთქმულ ქვეყანაში შეიყვანს ტანჯულ ხალხს ჰუმანიტი ცხოვრების აშენებისათვის.

აი, ესაა მთავარი მისწრაფება ხალხოსნების მოღვაწეობისა, ესაა რომ აღაფრთოვანებს მათ, ძალასა და შინაარსს რომ აძლევს მათ საქმიანობას, მკითხველსაც რომ ასე იტაცებს. ამით აიხსნება, რომ XIX საუკუნის მეორე ნახევრის მანძილზე ქართულ ლიტერატურაში იშვიათად მწერალი გადარჩა, რომ ხალხოსნური მიმართულების გავლენა არ განეცადა.

<sup>59</sup> სოფ. მგალობლიშვილი, და შეჭვიცეს, გვ. 650.

ესევე მისწრაფებაა ხალხოსან მწერლებს და, კერძოდ, სოფ. მგალობლიშვილსაც პოეტური ინტუიციას რომ უბორკავდა; მათ მხატვრულ აღმაფრენას ფრთას რომ აკვეცავდა და უტილიტალური ტენდენციებით ტვირთავდა.

მიუხედავად ამისა, სოფ. მგალობლიშვილის შემოქმედებას მაინც თვალსაჩინო პოეტური ღირებულება ახასიათებს.

სოფ. მგალობლიშვილი, როგორც მოცემული მოკლე მიმოხილვიდანაც შეგვეძლო დაგვეჩინა, ხალხოსანი მწერლების მხატვრული შემოქმედების დამახასიათებელი სტილური ნიშნების მატარებელია.

ის ეპოქის მღელვარე თემებს ეხმაურებოდა, გლეხკაცის უშუალო ცხოვრებისა და მისი ენის (ქართული დიალექტის) ზედმიწევნით ცოდნით და რეალური კოლორიტის დაცვით ცოცხლად და დამაჯერებლად შლიდა გაჭირვებული გლეხის მდგომარეობას. მის შემოქმედებაში ზედმიწევნით შერწყმულია მხატვრობა პუბლიცისტიკასთან. ისიც თავის მისწრაფებებს ლოზუნგის სახით იძლევა მთავარი მოქმედი პირის, ან ლირიკული ადგილების საშუალებით. ძირითად ჟანრად სოფ. მგალობლიშვილი იყენებს სოციალურ მოთხრობას, ნარკვევს, სადაც მწერალი გლეხის ცხოვრების მართო მხატვარი კი არ არის, არამედ მკვლევარი-სოციოლოგი. მის შემოქმედებაში მკითხველი უშუალოდ გაინიცდის სოფელს, მის ყოველდღიურ და ჩვეულებრივ მუშაობაში, ღვინვაში, ჭმუნვაში, გაჭირვება-მწუხარებაში; გრძნობს მისი ცხოვრების მაჯის ცემას.

ესაა დამსახურება სოფ. მგალობლიშვილისა, ამაშია მისი შემოქმედების დედააზრი.

## იოსებ სიმონის ქე დავითაშვილი

1850—1887

იოსებ დავითაშვილი სოფ. რუისის (ხოლო ალექსანდრე ციციშვილის წინადადებით იოსების მამის სვიმონის გადასახლების შემდეგ სოფ. გარდატენის) მცხოვრები ყმა-გლეხის შვილი იყო.

იოსებ დავითაშვილი ქართული ლიტერატურის XIX საუკუნის 70—80-იან წლებში თავისებური და საგულისხმეო მოვლენაა. ეს თავისებურება იმით კი არ არის გამოწვეული, რომ იოსებ დავითაშვილი, როგორც გლეხი, ოფიციალური ქართული ლიტერატურის რკალში შემოდის და მხატვრულ შემოქმედებას ეწევა. არა.

70—80 წლებში გლეხის, არა თავადაზნაურთა წრის წარმომადგენლის, სამწერლო ასპარეზზე მოღვაწეობა არც ისეთი იშვიათი მოვლენაა ქართულ ლიტერატურაში. დან. ჰონჭაძის შემდეგ, ხალხოსანი მწერლების უმეტესი ნაწილი, ე. წ. „ღიაკენის შვილები“, მასობრივად კი გამოვიდნენ სამწერლო და სამოღვაწეო ასპარეზზე. მაგ.: ნიკო ლომოური, მიხ. ასათიანი, ზ. გულისაშვილი (შაქრო), სოფ. მგალობლიშვილი და სხვანი. მაგრამ ესენი, ასე თუ ისე, ჩამოშორებული იყვნენ გლეხთა წოდებას. ესენი გლეხთა წრიდან გამოსული მღვდლებისა და ღიაკენის შვილები იყვნენ.

ი. დავითაშვილი კი, არა მარტო ღარიბი, უღარიბესი გლეხის, არამედ ყმის შვილი იყო. ის სიკვდილამდის გლეხობასთან მჭიდრო კავშირში დარჩა. აი თვით პოეტი როგორ გვაცნობს თავის ბიოგრაფიას.

სოფლელი გლეხის შვილი ვარ,  
შჰადითა გამოზრდილია,  
უქუდო ჩოხის ამარა,  
ქალამნებ გაცვეთილია.  
ობოლი დაჯრჩი დედ-მამას,  
დრო მადგა გასაჰირია:

სადაცა ვარდასა დავექებ  
იქ მხვდება ეკლის ძირია.  
მამაც ამ რიგად ტანჯულა,  
ვით ვიტანჯები შვილია;  
თუმცა სათქმელი ზევრი მაქვს,  
ვერ გამილია პირია!

<sup>1</sup> ი. დავითაშვილი, გლეხის პასუხი, „ლექსები“, 1927 წ., გვ. 110, აქ და შემდეგ მითითებულია ეს გამოცემა.

ი. დავითაშვილმა თავისით, მოჯამაგირეობით, შემდეგ ხელოსნობა-დურგლობითა და მეჩუქურთმეობით გაიკაფა ყოველდღიური ცხოვრების გზა. მას სკოლა არც კი უნახავს. აი რას შემოგვჩივის სიყრმიდგანვე ცხოვრებით გაწვალებული პოეტი:

მე ვინ მომაცლის იმდენსა,  
გლებმა ვისწავლო ანბანი,  
დაუჭდე და წიგნი ვიკითხო,  
გავიგო ქვეყნის ამბავი!

მიწა ჩემი ქალაღი,  
გუთანი — ბასრი კალამი  
და მელნად — ტანჯვა წვალებით  
ოფლი უზომოდ ნაღვარი<sup>2</sup>.

ეს ხომ ტიპიური ამოკვნესაა ცხოვრება მოწყურებული გლებისა. წერა-კითხვა პოეტს უფროსმა დამ კეკელამ (ლექსში წოდებულმა მელანიად) შეასწავლა, ლექსში: „გლების მასწავლებელი“ პოეტი ასე გადმოგვცემს თავის სწავლების დასაწყისს:

ქვების მურის მონაღესით  
მომიმზადა მელანია,  
ხარის ბეჭი დაფად მქონდა,  
მასწავლიდა მელანია.

ი. დავითაშვილის ცხოვრება ბავშვობიდან სიკვდილამდე კომპარებით არის სავსე: მამის სიკვდილის შემდეგ ხან ბატონის სახლში მოსამსახურედ — მამის ოჯახის გამოსყიდვის ვალის გადასახდელად, ხან უფროს ძმა გიგოსთან ხელობის შესასწავლად, ხან ერთ ოსტატთან და ხან მეორესთან.

აი, თვითონ ი. დავითაშვილი როგორ აგვიწერს ცხოვრებას ძმის ოჯახში ავტობიოგრაფიულ მოთხრობაში „ნატო“. „რძალი ცეცხლის გენიაში ატარებდა საწყალს სოსოს (იოსებს.—მ. ზ.) და ყოველთვის იმას ცდილობდა, ან გაეგზავნა სადმე, ან გაეკეთებინებინა რამე, რომ არ დაესვენა და წვალებულიყო. ასე გასინჯეთ, სოსოს მოტანილი ოქროც არ მოსწონდა და ტყვიად მიაჩნდა. ყოველთვის იმ ცდაში იყო, რომ როგორმე იძულებული შეექმნა გაქცეულიყო სადმე და კიდევ გაიქცა ერთ სადღაც ქალაქში, მაგრამ გიორგიმ ისევ დააბრუნა... წამოიყვანა თავისთანვე, სადაც მან მრავალი მწუხარება და ტანჯვა გამოიარა ძმის სახლში რძლის გამო. მაგრამ სოსო მომთმენი იყო და ითმენდა ყველაფერს, თუმცა რძალი წამდაუწუმ მისძახოდა—„უხეირო და სახლის დამღუპველო“ და სხვა. ყველა ამასთან საშინლად სძულდა სოსოსაგან წიგნის კითხვა, რომელიც განუშორებლად ჯიბით ატარებდა „ვეფხისტყაოსანს“ და სხვებს. ამ უმეტარმა და ბოროტმა რძალმა, რომ მაზლთან ვერა გააწყო რა ავის ქცევით, ბოლოს ქმარს შეუჩნდა, რომ უთუოდ თავიდან მოი-

<sup>2</sup> ი. დავითაშვილი, გლების პასუხი, გვ. 110—111.

შორს, თორემ ის თვითონ მოშორდება ქმარს. მოთმინებიდამ გამო-სულმა ძმამ და გახარებულმა რძალმა სოსო საშეგირდოდ მოამზადეს... ტანთ ჩააცვეს ერთი დაგლეჯილი რუსული პალტო, რომელიც სიძველის გარდა ისე იყო გაქონილი, როგორც ყასაბის წინსაფარი. თავზედ დაადეს რუსული ჩაჩი, რომელიც ორ სართულად იყო გაყოფილი: ერთი ჰფარამ-და კინკრიხოს და მეორე თვალებზედ ჰქონდა ჩამოფხატული... ფეხს ჩა-ცვეს რაღაც ჯღანი, რომელიც მხოლოდ ფეხის ზურგს ჰფარავდა. ძირად კი ისევ მისივე საკუთარი ფეხის გულები ჰქონდა. შარვალიც სწორედ აღნიშნულ მორთულობასთან იყო შეხამებული მშვენივრად. ძმამ ამო-ურჩია ოსტატად ჩუქურთმის მკრელი, ტომით რუსი, პეტრო ივანიჩ რუბცოვი<sup>3</sup>.

ასეთია მისი ცხოვრება.

მას ბავშვობიდანვე, როგორც ირკვევა, შინაგანი ძალა სწავდა, სხვა სამუშაოსაკენ იზიდავდა. ცხოვრება კი მას მწარედ თავში უკაჟუ-ნებდა, ლუკმა პურისათვის ბრძოლის წვრილმანობაში ახრჩობდა. მაგრამ ამ უკუღმართმა ცხოვრების პირობებმა იოსებ დავითაშვილში ვერ ჩა-ლა სურვილი სწავლისა, ცოდნის შეძენისა, პატიოსანი შრომით ლუკ-მის შოვნისა, ვერ ჩაკლა მოძმის დახმარებაზე ფიქრი და ზრუნვა.

პოეტს მარტო ხელობის ცოდნა არ აკმაყოფილებს, ის ეტანება სწავ-ლას და ყველას ევედრება ასწავლონ მას, ასწავლონ გლეხს, რათა ბნე-ლი გაუშუქდეს. პოეტი დარწმუნებულია, რომ გლეხის შვილსაც არ აკ-ლია ნიჭი და ამიტომ:

გებეწებით სწავლა მომცეთ მცირია,  
რომელიც რომ გლეხისათვის ძვირია,  
სწავლა მინდა, მე არა გთხოვთ ფულებსა,  
გთხოვთ, მასწავლეთ, ნუ ჩამოჰყრით ყურებსა<sup>4</sup>.

ი. დავითაშვილის ლექსი ხალხურია ენითაც, თეძითაც, ქანრითაც და ლექსწყობითაც.

კარგი მცოდნე გლეხის ცხოვრებისა, ნიჭისა და სურვილებისა ი. და-ვითაშვილი მთელი მოღვაწეობის მანძილზე ფარვანასავით დასტრია-ლებს გაჭირვებულს, არაფრის მქონე გლეხს და ურჩევს მას ამგვარი ცხოვრებისაგან თავის დაღწევის მიზნით ისწავლოს. ეს ძირითადი მო-ტივია ჩვენი პოეტის შემოქმედებაში. ეს ხომ კულტურტრეგერი ხალ-ხონისათვისაც ძირითადი იყო.

ეცადე სწავლა მიიღო,  
იგი ცხოვრების ხილია,  
მაშინ გეშველოს ძიარს დასლა,  
ეხლა რომ ტვირთი კვიდიან.

<sup>3</sup> ესარგებლობთ ნ. შთვარელიშვილის მიერ შედგენილი ბიოგრაფიით.

<sup>4</sup> ი. დავითაშვილი, მეხრეთა ვარ, გვ. 122.

<sup>5</sup> ი. დავითაშვილი, დატვირთულ მუშას, გვ. 81.

ენერგიულად შთააგონებს ი. დავითაშვილი გლეხობას.

ეს უსწავლელი გლეხი, ღურგალი, გაფაციცებით თვალყურს ადევნებს ცივილიზებულ ქვეყნებს, მათ კულტურულ წინმსვლელობას. მოძმეთ მოუწოდებს მიბაძონ მათ, აღნიშნავს, რომ ისინი, ეს კულტურული ქვეყნები, დაწინაურებულნი არიან სწავლითა და მისი მონაპოვრებით. აქ ი. დავითაშვილი უდავოდ თერგდალეულთა გავლენას უფრო განიცდის, ვიდრე ხალხოსნებისას. პოეტი გულწრფელად მიუთითებს თავის ჩამორჩენილ მოძმეთ ამ ხალხების პრაქტიკიდან აიღონ მაგალითი კულტურული ცხოვრების შექმნისათვის, გაზეთის გამოცემისათვის და სხვ.

ი. დავითაშვილს კარგად ესმის, რომ გაზეთი, როგორც ყოველდღიური ცხოვრების გამომხატველი, საჭიროა არა მარტო პრივილეგიური კლასების წარმომადგენლებისათვის, არამედ უფრო მასებისათვის. ი. დავითაშვილმა კარგად იცის, თუ რა დიდი მნიშვნელობა აქვს გაზეთს მასების ინტერესების გაერთიანება-გაღრმავებაში. ამიტომ გაზეთი უნდა შეიქმნეს იაფფასიანი, „შაურად გახდეს“, რომ ყველასათვის ხელმისაწვდომი იყოს.

ი. დავითაშვილი ზარმაცობას, დაუდევრობას უკიუიანებს თავის თანამოძმე მუშებს, რომელნიც გაიძახიან:

გაზეთი მუშას რათ უნდა,  
უნდა ჰქონდეთ მღვდლებსაო.  
ვაჭრებსა და „ჩინოვნიკებს“,  
უქმად მსხდომარებსაო.

პოეტი აქ ერთგვარი მწარე ირონიით კლასობრივ ურთიერთობას აღნიშნავს. მღვდლებს, ვაჭრებს და „ჩინოვნიკებს“ გლეხთა მოწინააღმდეგეთა ბანაკში ათავსებს.

პოეტის შეხედულებით, როცა მუშები ამ მავნე, ჩამორჩენილ შეხედულებას დააღწევენ თავს, მიჰყვებიან სწავლას, გაიგებენ მის გემოს, მნიშვნელობას, მაშინ შრომაც გაუადვილდებათ. პოეტი იმედინად ეუბნება გაჭირვებულს:

ღღეს რომ გვწველის უმეცრება,  
ის ვეღარ მოგვწველსო.

ი. დავითაშვილი გაჭირვებული გლეხის ცხოვრების ღვიძლი შვილია. მან კარგად იცის კაპიტალიზაციის პროცესით დარღვეული სოფლის ავ-კარგი, კარგად იცის, რომ შრომისაგან წელში გაწყვეტილი, ილაჭამოლელი გლეხი ყველას ხელში ექსპლოატაციის საგნადაა გადაქცეული. აი, გლეხს პოეტი თავის მღგომარეობაზე როგორ აღაპარაკებს:

ჩვენ ვშრომობთ, მიწას ვმუშაობთ  
უღლის ქვეშ, როგორც ხარო,  
მაგრამ სხვას რჩება ნაშრომი,  
დაფქვილი, გამომცხვარიონ.

ან კიდევ:

ღარიბი შრომობს მუდამ დღე,  
ჭირს ითმენს მრავალგვარსაო,  
იციის, რომ შრომით გაიკვლევს  
ამ სოფლის ავსა გზასაო.

გლეხი თვით რჩება, სხვას არჩენს,  
თაყვანს სტეშს მაცხოვარსაო,  
არ ვრიდება ნაზივით,  
არც ავდარს, არცა დარსაო<sup>7</sup>.

ვინ არაა მისეული გლეხზე? ვინ არ აწუხებს მას? მემამულე, მღვდელი, მამასახლისი, ნაცვალი, ვაჭარი. ი. დავითაშვილს გლეხის მტრად განსაკუთრებით ვაჭარი, ეს ახალი ცხოვრების ბატონი, წურბელა, მი-  
აჩნია.

ი. დავითაშვილი განიცდის რა ხალხოსნების დიდ გავლენას, დგება მათი მსოფლმხედველობის საფუძველზე, უარყოფითად უყურებს ქვეყნის კაპიტალიზაციას, მასზე აღმოცენებულ ვაჭართა კლასს (უფრო მხედველობაში ჰყავს ჩარჩი) და გაშლილ კაპიტალისტურ ექსპლოატაციას. ეს მოტივი ხომ დამახასიათებელი იყო რუსი ხალხოსანი მწერლებისათვის და ჩვენებისათვისაც (უკანასკნელათვის უფრო შენელებული კილოთი).

აი როგორ დამახასიათებელ ფერებში გვაძლევს ი. დავითაშვილი ვაჭრის მიერ გლეხის შევიწროებას:

ღალუა მოვა წაიღებს  
პურის მშვენიერ ხეავსაო,  
ისე გაჰყვლეფავს საწყალ გლეხს,  
ცრემლებს მოადენს თვალსაო.

ვაჭრები კი სხედან ღუქანში, კარგად ცხოვრობენ და „ჭირი არ ეს-  
მით სხვისა“.

შემოდგომაზე, როდესაც გლეხი წლის ნამაგარს აიღებს, მას ყორ-  
ნებივით დაეხვევიან პარაზიტები: მემამულე, მღვდელი, სახელმწიფო-  
უდიერად ყვლეფენ და ცარიელზე ტოვებენ მას. ესეც დამახასიათებ-  
ლია ხალხოსანი მწერლებისათვის.

მაზედ მეტს მოვალესაო,  
კულუხს აძლევენ თაეადებს,  
და თუ გადარჩა მცირე რამ,  
ის მიაქვს ერს და მღვდელსაო.

წლის სარჩოს დაინარჩუნებს  
სიმინდსა ანუ ფეტესაო,  
ამისთვის წვალობს საწყალი  
წელიწადს, თორმეტ თვესაო<sup>8</sup>.

<sup>6</sup> ი. დ ა ვ ი თ ა შ ვ ი ლ ი, შელიწადის ოთხი დრო, გვ. 90.

<sup>7</sup> ი ქ ვ ე, გვ. 91.

<sup>8</sup> ი ქ ვ ე, გვ. 93.

დაირღვა ნატურალური ყოფა. დაირღვა, განადგურდა გლეხის, ისე-  
დაც მცირე, უვარგისი შეურნეობა. სოფელი ვეღარ ინახავს გლეხს.  
ჩნდება ქალაქი. იქ უფრო შესაძლებელია თავის გატანა, თუ ფიზიკური  
ძალა შერჩენილი აქვს გლეხს. გაჭირვებული, უილაჯო, თავის თავდაუ-  
ზოგველი, ცდილობს გადაეშვას ქალაქის ცხოვრების მძიმე ტალღებში.  
ხედავს, რომ იქ ქალაქში შეიძლება მან ახალ ცხოვრებასთან საბრძოლ-  
ველი იარაღი — სწავლა, ან ხელობა რამე, როგორმე შეითვისოს. აი,  
როგორი უშუალოდ გადმოგვცემს პოეტი ლექსში „ჭეჯილი“ გლეხის  
ამ ნატურას:

ნეტავ აქ არ მამყოფა,  
ქალაქში ჩამიყვანათ:  
მასწავლა რამე ხელობა,  
მასწავლა ანა-ბანაო.

მართო აღნიშნული მხარეები კი არ არის გლეხის შემავიწროებელი  
პირობები. ი. დავითაშვილმა ცხოვრება მთელი თავისი ვაითა და ვაგ-  
ლახითა ზედმიწევნით განიცადა! ი. დავითაშვილი, როგორც მისი თა-  
ნამედროვე ხალხოსანი მწერლები, ცდილობს აღნუსხოს გლეხის ცხოვ-  
რება, მისი დამაბრკოლებელი მოვლენები. პოეტი, როგორც გლეხისა  
და სოფლის მესაიდუმლე, უშუალოდ გვიჩვენებს გლეხის ცხოვრების  
სხვა ბნელ მხარეებსაც, რომლებიც შემხუთავ გარსსავით შემოაჭკვრია  
მის ცხოვრებას და გასაქანს არ აძლევს. ესაა: გაუნათლებლობა, კულ-  
ტურული ჩამორჩენილობა, ცრუმორწმუნეობა, რომელიც მისი ეკონო-  
მიური ცხოვრების უილაჯო მდგომარეობაში რაღაც მძიმე კონსერვის  
ხასიათს იღებს და, ისედაც მოლიპულ გზაზე მყოფ გლეხს, უფსკრუ-  
ლისაკენ მიაქანებს.

ესაა—მკითხავი, ხატი—გლეხის უილაჯობის მალამო. რელიგია ხომ,  
ჩვეულებრივ, უილაჯობის საფუძველზე ვითარდება. ი. დავითაშვილი  
ხედავს ამ საშინელ მაჯლაჯუნას, გლეხის ტვინსა და გულზე დაწო-  
ლილს. ესაა ხშირად მიზეზი გლეხის ვალში ჩაკვლისა, ეკონომიურად  
განადგურებისა. ასე გადმოგვცემს პოეტი თავის ტკივილს:

კითხავის რჩევა წყალობით  
მიდიან გერის-თავსაო,  
წამოაქცევენ, დაჰკლავენ  
საცოდავ მშრომელ ხარსაო.

ფული სჭირდებათ — ეძებენ  
მოშეს, ან ადლოსაო.  
ვენახი მსხმოიარე აქეთ,

მან ფული ავალოსაო.  
ღმერთს შეჰფიცებენ, მისცემენ  
თავის სწორ სარგებელსაო.  
პირობას სდებენ ორივე,  
აწერინებენ მღვდელსაო...  
ადვოკატ მღვდელსაც ეს უნდა,  
ორნივ ითბობენ ხელსაო.



ი. დავითაშვილი, უდავოდ, ამჩნევს კლასთა შორის ინტერესთა წინააღმდეგობას, მათ შორის ბრძოლას, მაგრამ ჯერ კიდევ ვერ შეუგნია ამ მოვლენის ნამდვილი ხასიათი და მიმართულება. ვერ შეუგნია მუშის პოზიციისა და როლის რევოლუციონური, შეურიგებელი ბრძოლის ხასიათი. ის კარგად ხედავს, რომ, თუმცა ბატონყმობა გადავარდა, გლეხი გათავისუფლდა, მაგრამ ეკონომიური უილაჯობა გლეხს მაინც მემამულის ხელში ექსპლოატაციის საგნად აყენებს; მაინც გარდაუვალი უფსკრულია გლეხებსა და მემამულეთა შორის; ძველი ურთიერთობა გლეხებს და ბატონს შორის თითქმის უცვლელი რჩება. ამ გარემოებაზე ი. დავითაშვილი გლეხს ასე ალაპარაკებს ლექსში „გლეხი და თავადი“:

თავანსა გცემ, მაშ რა ვიყო,  
მე უწყალოდ წამებულმა?  
უნდა ძალაუნებურად  
შემოგტინოს ჩემმა გულმა...  
შეგაპყრვიარ სუსტი მძლავრსა,  
ვით შეიპყრის კატას ლომი,

ვით გავბედო, გაგიცხადო,  
მე უძლურმა მძლავრი ომი?  
მეც კაცი ვარ, შემობრალე,  
ალარ მიდგა მკლავში ღონე,  
შენ კი ამბობ: რას დავეძებ,  
მძლავრი ვარ და გამიგონე?

ი. დავითაშვილი მოწმეა ამ უთანასწორო ბრძოლისა „სუსტსა და მძლავრს“ შორის. კარგად ხედავს პოეტი, რომ ეს ბრძოლა, უფრო ჩაგვრა ძლიერისაგან სუსტისა, არა მარტო სოფლად, არამედ ქალაქადაც მძვინვარებს. საზოგადოება გაყოფილია ორ ბანაკად, ორ მოწინააღმდეგე კლასად—მამლრად და მშიერად, სუსტად და ძლიერად, მდიდრად და ღარიბად. მან კარგად იცის, რომ მათ შორის გაუგებრობაა; კარგადაა აქვს გამოცდილი ცხოვრებაში, რომ მშიერს მამლარი ვერ გაუგებს: კარგად იცის, თვითონაც ხშირად განუტეია მდიდრების-მამლრების მოპყრობა, როცა მათ დავრდომილი, ცხოვრების სიმძიმით გატეხილი, უილაჯო სასოებით მიმართავს:

გასწყრა მხეცი მდიდარი,  
შეხტა, შემოსძახაო:  
„გასწი, დაიკარგევი,  
მაწანწალა გლახაო!

გაიგლო უბედური,  
ლანძლა და ვალახაო:  
„წაღი, იმან გარჩინოს,  
ვინც რომ გამოვსახაო!10

გაჭირვებულთა ცხოვრების კარგი მცოდნე ი. დავითაშვილი ასე გვიჩატავს ღარიბსა და მდიდარს შორის ურთიერთობას. ამგვარ ცინიზმამდე მიდის მდიდარი! ასე აბუჩად ასაგდები გამხდარა ღარიბი! ხალხის ტკივილების მგოსანმა კარგად იცის, რომ ამ ღარიბის, დაბეჩავებულისა და დავრდომილის გამკითხავი, შემბრალელებელი მხოლოდ მისი მსგავსივე ღარიბია.

ამიტომ, ის გარემოება, რომ ზოგი ხარობს და ზოგი კი ბნელს მარხია,

<sup>10</sup> ი. დ ა ვ ი თ ა შ ვ ი ლ ი, ღარიბი და მდიდარი, გვ. 115.

პოეტს ცხოვრებას ჯოჯოხეთად გადაუქცევს. იგი ტკივილს ასე გამოთქვამს:

მე გულსა მწვავს ეს სოფელი,  
ორნაირად გაყოფილი,  
ბედით ჩაგრულს უღვთოთ სტანჯავს  
თავის ბედით კმაყოფილი!11

მგოსანი წყრომითა და უკმაყოფილებით მიმართავს „ბედის წყაროს“:

რამ დაგაშრო, შე ოხერო,  
ღარიბების ბედის წყარო?!  
ამოდუღდი, რომ ქვეყანა  
ერთნაირად გაახარო!12

ი. დავითაშვილი არა მარტო სოფელსა, მის მშრომელ და შევიწროებულ მოსახლეობას იცნობს კარგად, არამედ ქალაქსაც, მის მშრომელ მასას. ი. დავითაშვილი წვრილი ხელოსანია, დურგალი, მეჩუქურთმე. კაპიტალიზმის თანდათანობითმა განვითარებამ კი ხელოსნობა და ხელოსანთა ფენა შეავიწროვა. ჩვენი პოეტიც ამ შევიწროებული წვრილი ხელოსნის პროლეტარად გადაქცევის ტენდენციებს ასახავს. ი. დავითაშვილის მთელი სიმპათიები ამ ლუკმა პურისათვის მებრძოლის მხარეზეა, ვინაიდან, მისი შეგნებით, ეს ხალხი ცხოვრების ნამდვილი ბურჯია: ის ოფლსა ღვრის, ყველას პურს აჭმევს, თვითონ შევიწროებულია:

მუშის ოფლითა ირწყვება,  
მინდორი, მთა და ქედია;  
ის შრომობს — სხვები ძღვებიან;  
დაკარგული აქვს ბედია.

ჩასცქერის დედაშიწასა,  
მალა ვერ აუხედაია;  
დაჩუმდა — მუნჯი გვგონია,  
ოქვა რამე — ვამბობთ: უბედია.

ხელოსანთა შევიწროებასაც გრძნობს ი. დავითაშვილი და ჩივის:

ხელოსნობა არ გადის  
დავალთ უსაქმურადა,  
და თუ სადმე ვიშოვეთ,  
უნდათ უფასურადა...  
რა ვქნათ, ვეღარა ვცხოვრობთ  
ახლა შევლებურათა.  
შინ შიმშილით გვიკედება

შვილი უძუძურათა,  
შრომის ფასს ველარ ვიღებთ  
ნაშოვნს ჩვენ დლიურათა.  
აღებო, ვაიხარეთ,  
თქვენ რომ არ გაწევთ ჯაფა!  
ხელოსნები კი ესტირით  
ბედის კვერამა გვითაფა!3.

ი. დავითაშვილის მსოფლმხედველობა გაურკვეველია, თუმცა ის, როგორც ზევითაც ვაჩვენეთ, კარგად ხედავს კლასთა შორის წინააღმ-

11 დ ა ვ ი თ ა შ ვ ი ლ ი, ბედის წყარო, გვ. 119.

12 ი ქ ვ ე.

13 ი ქ ვ ე. გვ. 135.

დეგობას, მდიდრისაგან ღარიბის ექსპლოატაციასა და მისი სიმპათიები გლეხის, ღარიბის, შევიწროებულის მხარეზეა. მაგრამ მის შეგნებაში ჯერ კიდევ მუშა და წვრილი ხელოსანი ერთი და იგივეა. ხშირად მას მუშა, გლეხი და წვრილი ხელოსანიც გაიგივებული ჰყავს.

ეს აიხსნება შემდეგით: მუშა თავისი დამახასიათებელი ნიშნებით საქართველოს ცხოვრების სინამდვილეში ჯერ არ იყო ჩამოყალიბებული. იმ დროს მუშა მხოლოდ ჩნდებოდა, ფეხს იდგამდა. წვრილი ხელოსნობაც, ამასთან დაკავშირებით, თანდათან ირღვეოდა, პროლეტარდებოდა. ი. დავითაშვილი ცდილობს ამ დარღვეული წვრილი ხელოსნობის, რომელთა ექსპლოატაციას ოსტატები—„ხაზენები“ აწარმოებდნენ, ამხანაგობაში შეერთებას.

იოსებ დავითაშვილი მთელი თავისი ცხოვრების მანძილზე ამათი ცხოვრების გაუმჯობესებაზე ზრუნავდა. ამ მდგომარეობის შესახებ წერს ის თავის „უცირილაში“ 1881 წელს: „ჩვენში ხელოსნობა ერთობ დავარდნილია, ასე რომ მომეტებული ნაწილი ქართველ ხელოსნებისა ლუკმის ფასსაც ვერ იღებს, თუმცა ჯაფა და წვალემა მეტი აქვსთ, ვიდრე გარედან მოსულებს, ამისთვის რომ ყველა შემკეთებელი იმათთან გარბიან, „ზაგრანიცის მასტერიაო“. ის კი არ იციან, რომ ის „ზაგრანიცის მასტერები“ უხვევენ ხოლმე მათ თვალებს და თავიანთ მოძმეებისა კი ოქროც არ მოსწონთ. რასაკვირველია, რომ ხელობა დაეცემა. ჩვენს ხელოსნებს რომ თაოსნობა ჰქონდეთ, ან ჩამგონებელი ჰყვანდეთ ვინმე, ადვილი იყო ამათი დაყენება კეთილს გზაზე<sup>14</sup>...

ასეთ „კეთილ საქმედ“ ი. დავითაშვილს მიაჩნდა წვრილ ხელოსანთა ამხანაგობა.

ხელოსანთა ამხანაგობის მოწყობა ი. დავითაშვილისათვის ოცნება იყო. ამ ოცნების განხორციელებისათვის ი. დავითაშვილი არც დროს, არც ენერგიას, არც მატერიალურ დახმარებას (თუ კი შეეძლო) არა ზოგავდა. სადაც მოვიდოდა, ამხანაგობის დაარსების ცდაში იყო.

1886 წელს ი. დავითაშვილი თელავში რომ ჩავიდა, მოახერხა იქ მომუშავე დურგლების შეერთება ხელოსანთა ამხანაგობაში. თვითონ იოსები ხელმძღვანელობდა მათ. როგორც ცნობილია, ამ ამხანაგობას არ უზარალნია. პირველსავე თვის ბოლოს ამხანაგებს მოგება გაუნაწილებიან და თითოეულ ამხანაგს სამუშაო დღეში მანეთი რგებიან. ეს კარგი ხელფასი იყო იმ დროს ისეთ პატარა ქალაქში, როგორიც თელავია. ამხანაგობა შინაურულად იყო მოწყობილი. საჭირო იყო წესდების კანონიერად დამტკიცებაზე ზრუნვა. ი. დავითაშვილს უგრძძვინია, რომ ეს დიდი საქმეა და საჭიროა დახმარება გამოცდილი, ნასწავლი პირებისაგან და ამ მიზნით 1887 წ. ის შემდეგ წერილს წერს: „ბატონო რედაქ-

<sup>14</sup>. F. მთვარელიშვილი, იოსებ სუჰომის ძე დავითაშვილი.

ტორო! ნება გვიბოძეთ თქვენის პატივცემულის გაზეთის საშუალებით  
 გაეუზიაროთ ჩვენი განზრახვა მკითხველ საზოგადოებას და რომელსამე  
 ნასწავლ პირს, რომელიც უფრო დახელოვნებული იქმნება ქვემოხსენე-  
 ბულ საქმეში და ეცოდინება მისი ავ-კარგიანობა... ჩვენს ქართულ გა-  
 ზეთ-უჟურნალებში რამდენჯერმე იყო დაბეჭდილი საჩივარი დურგლების  
 სიღარიბეზე და მათის ხელობის დაცემაზე, რომლისთვისაც ვგონებ  
 ჯერაც ვერა მოუხერხებიათ რა ტფილისელ ხელოსნებს; ასე რომ,  
 რამდენიც დრო გადის, იმდენი უფრო ღარიბდებიან ჩვენი ხელოსნები  
 და ხელობაც დღითი-დღე სიყალბეში შედის, რადგან ერთობ გულგრი-  
 ლად ექცევიან თვით ხელობის რიგიანად შესწავლას. ან ვისგან უნდა  
 შეისწავლონ და გაიგონ რამე, როდესაც ასზედ ერთი კაციც არ მოი-  
 პოვება ჩვენში, რომელიც ყოფილიყოს უცხო ქვეყნებში, დაეელოს იქა-  
 ური ქარხნები, ენახოს სხვადასხვა კარგი იარაღები და იქაურების მუ-  
 შაობა, შემდეგ დაბრუნებულიყოს თავის სამშობლოში და ეჩვენები-  
 ნოს რამე თვის მოძმეებისათვის?.. ამისთანა უსწავლელობის და გამო-  
 უცდელობის ბრალია, რომ ჩვენი ხელოსნები დღემდის ვერ მიმხვდა-  
 რან თავიანთ თავის და ხელობის დაცემის მიზეზს და გამხდარან ჩარჩე-  
 ბისა და უცხოელთა ხელის შემყურებელნი... ამის გამო ჩვენი ხელოსა-  
 ნი, მართალია, შრომობს, მაგრამ რადგანაც ამ შრომას თვალსაჩინო ნა-  
 ყოფი არ მოაქვს, ამისთვის მისდევს უანგარიშო სმა-ჭამას... უეჭველია,  
 რომ შრომისაგან ნაყოფის მოუტანლობა კაცს ართმევს წარმატების  
 სურვილს და უზნელებს ჭკვა-გონებას. მაშასადამე, საჭიროა გვყავდეს  
 მცოდნე ხელოსნები, მაგრამ რადგან ჯერ ესენი არა გვყვანან და თუ  
 გვყვანან, ერთობ ცოტანი, ამისათვის საჭირო არის, გარდა სახელოსნო  
 სკოლებისა, შინაურს ქარხნებშიაც ვაქცევდეთ ყურადღებას და ამ გვა-  
 რად ვამზადებთ მომავალს კარგ ხელოსნებს... ახლა ის ნაკლულოვანება,  
 ბატონო რედაქტორო, მადლობა ღმერთს, მცირე ნაწილმა მაინც შევი-  
 გენით და გვინდა მივმართოთ იმ საშუალებას, რომელსაც ამხანაგობას  
 ეძახიან... დღეს თელავში შევიყარენით ხუთიოდე ხელოსანი და გვსურს  
 საამხანაგოთ ვიმუშაოთ. წესდება უკვე მზად გვაქვს. მხოლოდ არ ვიცო,  
 ხუთის კაცისაგან შეიძლება ამხანაგობის დაწყება და წესდების დამ-  
 ტკიცება მთავრობისაგან თუ არა?.. ამისათვის მივმართავთ და ვსთხოვთ  
 ჩვენს მცოდნე პირებს, ამ საქმისა გვაცნობონ რამე—ამტკიცებს მთავ-  
 რობა ხუთის კაცისაგან შემდგარს ამხანაგობას თუ არა? ჩვენი ამხანა-  
 გობის მიზანი არის: ა) გაუმჯობესობა ხელოსნობისა, ბ) შექმნა მარჯვე  
 იარაღებისა—კარგის ყალიბებისა და თარგებისა, გ) შევირდების აღზრ-  
 და, როგორც ხელობით, ეგრეთვე ზნეობრივ და გონებით (ჩვენს ქარ-  
 ხანაში არ დაიშლება თავისუფალ დროს თავისთვის მუშაობა და რიგი-  
 ანი, შინაარსიანი წიგნების კითხვა), დ) დახმარება ერთმანერთისა საჭირო  
 დროს, ე) მუშაობა დანაწინულს დროზე და სხვა. აბა, ვისაც გული შეს-

ტკივა და უყვარს ჩვენი საწყალო ხალხი, მოგვცეს ძმური დარიგება და რჩევა“...<sup>15</sup>

ასეთს მიმართვას წერს ი. დავითაშვილი თავისი სიკვდილის ერთოთვისა და ოცის დღის წინ — 25 იანვარს 1887 წელს.

მართალია, იოსებმა დიდი ხნის მისწრაფება—მშრომელთა მდგომარეობის გაუმჯობესება სურვილისამებრ ვერ მოახერხა, მაგრამ, როგორც სამართლიანად შენიშნავს პოეტის საუკეთესო ბიოგრაფი ნ. მთვარელი-შვილი: „მისმა მუდმივმა საუბარმა, კითხვამ და წერამ გაუღვიძა მაინც მუშა-ხალხს ახალი აზრი შეერთებული შრომის სასარგებლოდ: დაარწმუნა ისინი, რომ რაღაც აკლიათ და ეს ნაკლი უნდა როგორმე თავიდან აიცილინონ შეერთებული მხნეობით“.

ეს პრაქტიკული მოღვაწეობა ი. დავითაშვილისა არა ნაკლებ ფასდაუდებელია. ამგვარი მიდრეკილებებისა და შეხედულებათა გამომქლავნებით ი. დავითაშვილს, ექვს გარეშეა, ახალი მოტივები შემოაქვს, თუმცა ისიც უნდა აღინიშნოს, რომ ამ ახალ მუშურ მოტივებში პოეტი გაურკვეველია. მის მიერ მუშა, როგორც თავისუფალი, ახალ ეკონომიური ურთიერთობაში წარმოშობილი და გარკვეული რევოლუციონური როლის მქონე ძალა არ არის განჭვრეტილი.

ი. დავითაშვილის მოქმედება ჩვენ გვეხატება, როგორც ახალი ძალის, მუშის ცხოვრების გმონატრლება თავის დასაწყისში, როდესაც ის ცხოვრობს თავისში და არა თავისთვის, როდესაც მას ჯერ არა აქვს გამოუმუშავებულა თავისი ფსიქოიდეოლოგია, როდესაც ის ჯერ კიდევ გაბატონებული კლასების არტახებშია, ჯერ კიდევ ვერ უპოვნია თავისი თავი და თავისი გზა. ლიტერატურაშიც ის ასეთსავე ხასიათს ამჟღავნებს.

ასეთია ი. დავითაშვილი მუშის დახატვაში. მისი მუშა, რასაკვირველია, არა ჰკავს არც გრიგოლ ორბელიანის ბოქულაძეს და არც ილია ჭავჭავაძის მუშას. ი. დავითაშვილის მუშა უფრო უახლოვდება მისი დროის მუშას. ი. დავითაშვილი ერთგვარი, მეტად შორეული წინამორბედი დემოკრატიულ-რევოლუციონური პოეტებისა. ი. დავითაშვილის მუშას სრულიადაც არა აქვს წარმოდგენა თავის სიღარიბეზე, როგორც სამარცხვინო, დამამცირებელ რამეზე. მუშას სიღარიბე ავიწროებს, ცხოვრებისა და სიცოცხლის შესაძლებლობას არ აძლევს, მძიმე დაბრკოლებად ეღობება, სიღარიბისა მას სრულებითაც არ სცხვენია, როგორც ეს ახასიათებს კალაპოტიდან ამოვარდნილ, გაღარიბებულ პრივილეგიურ კლასთა წარმომადგენელთ. თითქოს თავის უპირატესობის შეგნებით ი. დავითაშვილის მუშა „მუშის სიმღერაში“ ამაყად გაიძახის:

მუშა ვარ და კიდევ ვიცი  
მუშის ბედი თუ რა არი,  
ის უღელში გაბმულია  
ქედ მოდრეკით, როგორც ხარი.

<sup>15</sup> ნ. მთვარელიშვილი, იოსებ სვიმონის ძე დავითაშვილი.

და ვინც „უშრომლადა ყლაპავს“ მას, ი. დავითაშვილი ამყარებდა ასე მიმართავს ლექსში, „მუშის წუნიას“:

შენ რა იცი მუშის ფასი,  
მუქთათ ძლები, როგორც სვავი  
შენის თავის არა მცნობი,  
სხვის წუნი, სხვის მკიცხავი.

მუშა ვარ და მუშის მკლავი,  
ვიცი და მწამს ნაკურთხია,  
და ვინც მუშას კაცად არ სცნობს  
საფურთხია, საფურთხია!

ი. დავითაშვილს იმედი აქვს, რომ მომავალი უკეთესი იქნება. იქითაა მისი ხედვა მიმართული. მკითხველსაც ია, მართალია, პრიმიტიული, მაგრამ მაინც მძლავრი უშუალოდით, იქით მიმართავს:

მაგრამ, დაო, დრო მოგვივა,  
ავისრულებთ რაც გვინდაო,  
და ძმურადა დავიძახებთ:  
ბოროტება გაფრინდაო.

მაშინ, მაშინ. დავრდომილსა  
ვერვინ გვნახავს, ჩემო დაო,  
მთა და ბარი შემოგვიძახებს:  
რალას გძინავთ, გათენდაო!<sup>16</sup>

მომავლის შემოქმედად, მის მამოძრავებელ ძალად ი. დავითაშვილს მუშა ჰყავს წარმოდგენილი. ამიტომ პოეტის სურვილია მუშათა რიცხვი, სამართლიანი მოქმედი ცხოვრების მომპოვებელთა და გამტკიცებელთა რიცხვი, გადიდდეს და გადამდები ექსტაზით ასე ამბობს ლექსში „სისაწყლე“ (რომელსაც პირველად ჰრქმევია „მონობა“, შემდეგ თვით მწერალს წაუშლია და „სისაწყლე“ დაუწერია):

გვამრავლოს ყველა მუშები —  
გოორგი თუნდა ილია,  
გვქონდეს სამშობლო, მამული,  
სახლები გვქონდეს თბილია.

ი. დავითაშვილის ლექსების 1927 წლის გამოცემაში ამ ორ უკანასკნელ სტრიქონს შემდეგი განმარტება აქვს: ორი უკანასკნელი სტრიქონის მაგიერ დედანში წერია:

რომ დაუენაყოთ ჩვენს მტრებსა,  
ძვალი გვხედეს, თუნდა რბილია.

ეს სტრიქონები პოეტს წაუშლია, ალბათ, ცენზურის შიშით და ტექსტში მოყვანილი ორი სტრიქონი გვერდით მოუწერია.<sup>17</sup>

აქ და ამ ხასიათის რამდენიმე ლექსში მოჩანს ი. დავითაშვილის მსოფლმხედველობასა და შემოქმედებაში მუშური, შეიძლება ითქვას, პროლეტარული ელემენტები. მაგრამ ი. დავითაშვილის მსოფლმხედველობა იმდენად გაურკვეველია, იმდენადაა მისი შემოქმედება დატვირთული უცხო, სხვა ლიტერატურულ მიმართულებათა სტილური ნიშნებით, რომ ეს მოტივი იჩქმალება, ითქვიფება. ი. დავითაშვილი გაბატონებულ ლიტერატურულ მიმართულებათა გავლენის ქვეშაა მოქცეული და თავისთავად მსოფლმხედველობას ვერ ამქლავნებს.

<sup>17</sup> ნ. მთვარელიძე, იოსებ სვიმონის ძე დავითაშვილი, გვ. 139.

<sup>17</sup> ი. დავითაშვილი, ლექსები, გვ. 98.

ი. დავითაშვილის შემოქმედების ერთი თვალის გადაკვრაც გარკვეულად აჩვენებს თერგდალეული მწერლების—ილია ჭავჭავაძისა და აკაკი წერეთლის დიდ გავლენას. აგრეთვე რომანტული მიმართულების მწერლების გრ. ორბელიანისა და ვახტანგ ორბელიანის გავლენასაც. მაგრამ საბოლოო ანგარიშში, ყველაზე მეტი გავლენა ი. დავითაშვილმა განიცადა ხალხოსანთა მსოფლმხედველობისა და ეს სრულიად ბუნებრივია. ის ხალხის, ღარიბი გლეხის შვილია, პროფესიით წვრილი ხელოსანი. წვრილ ხელოსანთა და გლეხთა ინტერესები ი. დავითაშვილისათვის მუდამ პირადი ინტერესები იყო. მათი ცხოვრების გამაუმჯობესებლად და მომავლის შემოქმედად ის ყოველთვის მათ ხელდავდა, ე. ი. მშრომელ გლეხს, მუშას, რომელსაც წვრილი ხელოსნისაგან არ არჩევდა. ამიტომ ი. დავითაშვილი ხალხოსანთა წვრილბურჟუაზიული მსოფლმხედველობის რკალშია, როგორც თავის საკუთარში, და ძირითადად ამ მიმართულებას გამოხატავს როგორც პოეტური შემოქმედებით, ისე პრაქტიკული მოღვაწეობითაც.

ამიტომაც ი. დავითაშვილის მსოფლმხედველობა და eo ipso მისი შემოქმედებაც გაურკვეველი, მერყევი. ხან ილია — აკაკისთანაა, იმათი შემოქმედების მოტივებს გამოხატავს, ხან ლომოურ—მგალობლიშვილთან, მათი შემოქმედების მოტივებს ავითარებს, ხანაც გრიგოლ და ვახტანგ ორბელიანსაც ქებით იხსენიებს.

ხაზგასმით უნდა აღინიშნოს, რომ ი. დავითაშვილი საჭიროდ არა თვლის კლასთა წინააღმდეგობის გამწვავებას. ის მუშის ბუნების შეუჩივრებლობას, შეუთანხმებლობას არ აღრმავებს. მისი სიტყვით, მუშა შრომობს, შრომა კი კეთილშობილი საქმეა, ამის შეგნება მუშას აქვს. პოეტი მუშას გარკვეულად მაღლა აყენებს „მუქთა ყლაპიებზე“, მაგრამ რელიგიური გრძნობა და კლასთა წინააღმდეგობის შენელების სურვილი მას ბოროტავს, პოეტი მუშას დადებით მხარედ უთვლის, რომ ის „მუქთა ყლაპიებისადმი“ მტრობას მაინც არა გრძნობს. მგოსანი ამ გრძნობას ლექსში „მუშის სიმღერა“ ასე გამოხატავს:

შრომობს მუშა... თანც ღლინებს,	პირჯერის წერით შრომას აგრძობს.
აგონდება მაცხოვარი.	და ვინც უშრომლოთა ჰყლაპავს,
აგონდება და მხნედება,	იმათ მტრობას მაინც არ გრძნობს.

ასეთსავე განწყობილებას გვიხატავს ი. დავითაშვილი მეორე ლექსში „გლეხი და თავადი“ ანუ პირვანდელი სათაურით „სუსტი და ძლიერი“. პოეტმა კარგად იცის რა მძიმე უღლად აწევს თავადი-მემამულე გლეხს არა მარტო ბატონყმობის დროს, არამედ მისი გადავარდნის შემდეგაც, მიუხედავად ამისა, ის მაინც გაიძახის:

ეს უწონ კინკლაობდენს,	ის თავადი ახლა გლეხსა
თავადი და მათა მუშა.	ეხევება: მიყავ ძმობა!
ბოლოს სძლია ქრისტეს სიტყვამ:	დაივიწყე რაც შეგცოფენ,
ბატონყმობა დაიფუშა.	გადავარდა ბატონყმობა!

აქ, ცხადია, დავითაშვილისაც ერის გაერთიანება-გაძლიერების მიზნით, კლასთა შორის ზავის, შეთანხმების იდეა ილია-აკაკისავით იზიდავს. ამ ზავის იდეას ის არაერთხელ უბრუნდება და ბოლოს გარკვეულადაც გამოხატავს:

მოდ, ძმაო, ხელი მომე.  
წინ წაუძღვეთ ამ ბრმა ხალხსა,  
ღობე-ყორეს ავაშორეთ,  
დავაყენოთ კეთლ გზასა.

მივიყვანოთ იქამდინა,  
მგელი სცავდეს ცხვარს და თხასა.  
და ვინც გლეხსა კაცად არ სთვლის,  
ეძახოდნენ მაშინ ძმასა<sup>18</sup>.

ამასთან ერთად, ი. დავითაშვილის შემოქმედებაში საკმარისად მკვეთრადაა გამოხატული ეროვნული გრძნობა ილია-აკაკისებრი გაგებით. ი. დავითაშვილი ცნობილ ალეგორიებს მიმართავს ამ მოტივის განსახიერებაში. პოეტი ასე გვიხატავს მაშინდელ ჩინოვნიკურ-ბიუროკრატიულ შეფის მმართველობას და მის გადაგვარებულ პოლიტიკას:

ჩვენს სახლსა შემოეჩვია  
ხელმძღვარი, გულით მხეციო,  
გაგვიბატონდა ოჯახში,  
ყვირის: პატივი მეციო!  
გამომიციხევი ქადები,

არ გააციო კეციო,  
შენი შშობელი უარჰყავ,  
ჩემსას პატივი ეციო!  
თავს მადექ, წარბი არ შესძრა,  
გებრძანო, წაიქეციო!<sup>19</sup>

ი. დავითაშვილი 1881 წ. 1 მარტის აქტს, ალექსანდრე მეორის მოკვლას, აკაკისებურად ალტაცებით ეგებება. დავითაშვილს ესმის ამ აქტის გამომწვევი მიზეზები. მისი სიმპათიები ამ გამათავისუფლებელი მოძრაობისაკენაა. რეაქცია მასაც უხუთავს სულსა და გულს, ბურჟუაზიის დღეები მასაც კომმარსავით აწევს. ამ აქტს ის დიდ მწიფველობას აძლევს, იმედიანად უყურებს მომავალს და ასე გამოხატავს თავის ალტაცებას ლექსში „ალექსანდრე მეორის მოკვლის გამო“.

თებერვალი გავიდა,  
მარტი დადგა მზიანი,  
ღღეს მოფრინდა მერცხალი,  
მოქიქიქე ხმინი.  
აყვავდა მთა და ველი

ყვავილი ჰყო იაშა,  
საამურად დაჰბერა  
გაზაფხულის ნიავმა.  
მე იმან გამახარა,  
რაც რომ ყველას იაშა:

ი. დავითაშვილი თერგდალეულ მწერლებიდან არა მარტო შემოქმედების თემას, იდეას იღებს, არამედ ხშირად თვით წერის მანერას, დამახასიათებელ შედარებებს, თქმებს და ა. შ. მაგალითად, ი. დავითაშვილის თქმა:

ან კი რად მინდა აბჯარა,  
რათ მინდა თქვენი დავთარი;  
უნებურ მუნჯი შევექნილვარ,  
ვერ მითქომს ერთი მართალი<sup>20</sup>.

<sup>18</sup> ი. დავითაშვილი, ლექსები გვ. 134.

<sup>19</sup> იქვე, გვ. 213.

<sup>20</sup> ი. დავითაშვილი, გლეხის პასუხი.



გარკვეულად მოგვაგონებს ილიას „გუთნის დედიდან“ შემდეგ ადგილს:

შენ პირუტყვი ხარ და მე მეტყველო?  
ეგ ჩემო ლაბავ, ნუ შეგშურდება.  
რად მინდა ხმალი, გინდ იყოს მკრელი,  
თუ სიმართლისთვის დამიჩლუნვდება?!

შეიძლება ითქვას, ილიასაგან აღებული თემა და იდეა პირდაპირ პერიფრაზირებულია. ასეთივეა მსგავსება ი. დავითაშვილის ამ ლექსის შემდეგი ტაეპისა:

თავზე დამეცეს ცა რისხვით;  
სხივი ვერ ვნახო მზისა მე,  
მაღალი ღმერთი გამიწყურეს;  
თუ რომ ვინდომო სხვისა მე!

აკაკი წერეთლის ლექსთან „მუშის ნატვრა“:

თავი მოუკვდეს ზოგიერთს:  
რომ იტაცებენ სხვისასა!...  
საწუალ კაცს ჯიბეს აჭრიან,  
ურცხვად ივსებენ ქისასა!

ქორი ვარ, სხვას რომ მოვტაცო?  
რათ გავიშავო პირი მე?  
გარს შემოვევლე ჩემს გუთანს  
ჩემი სახნისის ჰირიმი!

ამისთანა მაგალითები მრავლადაა ი. დავითაშვილის ნაწარმოებებში, მაგრამ, მიუხედავად ამისა, ი. დავითაშვილის შემოქმედებაში მწერლის სულიერი განწყობილების გამოხატვის თვალსაზრისით, ხალხოსნური მოტივები და მსოფლმხედველობა უფრო მძლავრადაა აღბეჭდილი. მუშის სულისკვეთების გაგებაში ხანდახან ი. დავითაშვილი ხალხოსნებზე მარცხნივაც მიდის. მაგრამ გაურკვეველობა, რომელიც მას ახასიათებს, თავისებურ ელფერს ადებს მის შემოქმედებას. გარკვეულად მთლიანად ის არც ერთს მის დროის დაჯგუფებას არ ეკუთვნის. მაგრამ საერთო ხასიათით უფრო ისევე კულტურტრეგერ ხალხოსნებს უახლოვდება.

ი. დავითაშვილის ენა და ლექსი პირდაპირ ხალხურია, პრიმიტიულია, თუმცა ხშირად დიდი უშუალობითა და სისადავითაა სავსე, ხალხის ცხოვრებაში ტრიალის დროს დიდი სიყვარულით ამოკრეფილი. თვითონ მგოსანმა თავისი მდგომარეობა და ცხოვრება მშვენივრად განსჭვრიტა და ასე გამოხატა სიკვდილის სამის დღის წინათ:

მე გახლავარ ბედნიერი;  
ბოროტისა დიდი მტერი,  
მიჭამია მჭადი, კვერი,  
ლექსის ცოდნით ვიცან ვრი.

არ მეხურა თავზე ქერი  
გასინჯევით, რაც დაეწერე,  
ლექსნი ჩემგან დანაწერი...

უცოლშვილოდ გადაეგე...  
როგორც შუამთისა ბერი.  
მშიერ-ტიტველი დავდივარ  
და მოვკვდები ვით ოხერი.

ასეც მოხდა! ხალხისათვის, გაკვირვებული მოძმისათვის ი. დავითა-  
შვილის მუდამ აღგზნებულმა გულმა სიღარიბეში, უპატრონოდ შეწყ-  
ვიტა ცხოვრება. მძიმე პირობებში დაიწვა და დაიფერფლა ჭალხის სიყ-  
ვარულით ანთებული ხალხის მგოსნის გული და ნიჭი 1887 წელს ქ. თე-  
ლაუში.

## დიმიტრი მიხეილის ძე ნადირაძე (დ. მაჩხანელი)

1861—1908

### 1

ქართველ ხალხოსან მწერალთა რიგებს მიეკუთვნება დიმიტრი მიხეილის ძე ნადირაძეც, მწერლობაში ცნობილი მაჩხანელის ფსევდონიმით.

დიმ. მაჩხანელი სოფელ მაჩხანის მცხოვრები გლეხის შვილი იყო. პირველდაწყებითი სწავლა მიიღო თუქურშიში (ახლანდელი წითელი წყარო) არსებულ სამხედრო სკოლაში. ხსენებული სკოლის დამთავრების შემდეგ მისმა უფროსმა ძმამ, ვასილ ნადირაძემ, რომელიც ვაჭრობას მისდევდა, დიმიტრი თავისთან წაიყვანა. აქ დიმიტრი უფრო აშკარად დარწმუნდა თუ ვაჭრები რამდენად ექსპლოატაციას უწევდნენ ისედაც შევიწროებულ გლეხებს. ამ ნიადაგზე ძმასთან უკმაყოფილებაც მოუვიდა დიმიტრის და მალე განშორდა.

დ. მაჩხანელი ბავშვობიდანვე კარგად და ახლო იცნობდა გლეხს და მის ყოველი მხრით შევიწროებულ მდგომარეობას, მის ცხოვრებას, ათასგვარი მავნე ჩვეულებებით შებოროტილს. ის ადრევე აღიჭურვა გლეხისადმი, მისი მდგომარეობის გაჯანსაღებისადმი კეთილი სურვილებით.

მაჩხანელი ახალგაზრდობიდანვე გაიტაცა ხალხოსნურმა მისწრაფებებმა, ხალხში გასვლის იდეამ და სიყრმიდანვე მთელი თავისი არსებით გატაცებით ჩაება ხალხის საკეთილდღეო მოღვაწეობაში. მაგრამ მაჩხანელი კარგად გრძნობდა, რომ ასეთს მუშაობას მომზადება და დიდი მომზადებაც ესაჭიროებოდა. ამიტომ მან მიატანა ქ. მოსკოვს, სადაც მოახერხა, როგორც უნივერსიტეტის თავისუფალმა მსმენელმა, ბიოლოგიის დარგებში ლექციების მოსმენა; მოსკოვში აგრეთვე ის ეცნობა ღირსშესანიშნავ კულტურულ დაწესებულებებს, ხოლო თავის რჩენის მიზნით იქვე მსახურობს მუხრანსკის ღვინის საწყობის კონტორაში.

ამავე დროს მაჩხანელი აგრძელებს სამწერლო მუშაობას. 1881 წელს გამოდის მისი ლექსების კრებულები: „ახალი სიზმარი“ და „სიყვარულის კონა“. 1887 წელს იბეჭდება მისი „ძმური სიტყვა“, რომლის მეორე გამოცემა დაბეჭდა ა. როინიშვილის საფასურით 1891 წელს.

ზოსკოვიდან დ. მაჩხანელი დაბრუნდა 1890 წელს. იქიდან მან ჩამოიტანა მდიდარი ბიბლიოთეკა; დასახლდა თავის სოფელ მაჩხაანში, დაიწყო მასწავლებლობა, გავიდა ხალხში და, შეიძლება ითქვას, მთელი თავისი სიცოცხლე ხალხზე ზრუნვას შესწირა.

1892 წელს, სოფლებს რომ ხოლერა მოედვა, მაჩხანელმა შეადგინა დამხმარე წრე, დადიოდა სოფელ-სოფელ და იმ დიდ უბედურებაში ხალხს დიდ დახმარებას უწევდა.

1895 წ. დიმიტრიმ სოფელ მაჩხაანში გახსნა „დეპო“, რათა გლეხობა გადაერჩინა ჩარჩ-ვაჭრების მეტად თვითნებური, დაუნდობელი ექსპლოატაციისაგან, რის შესახებაც ის ხშირად ესაუბრებოდა ხალხს ყოველდღიურ მათთან ურთიერთობაში. დეპოს განაგებდა სოფლის მომხმარებელთა მიერ არჩეული გამგეობა, რომლის თავმჯდომარედაც დიმიტრი იყო და, რა თქმა უნდა, უმძიმესი ტვირთის ტარებაც მას უხდებოდა.

ამავე წელს დ. მაჩხანელის თაოსნობით სოფ. მაჩხაანში გაიხსნა სასოფლო ბაზარი, შემდეგ ეს ბაზარი გადაიტანეს ბოდბისხევში.

მალე სოფ. მაჩხაანში დიმიტრისავე თაოსნობით გაიხსნა ქალთა სკოლა, რომელსაც დიმიტრიმ დაუთმო თავისი საკუთარი დიდი შენობა.

დიმ. მაჩხანელის ამ წამოწყებებმა მცხოვრებთა შორის გამოიწვია აღფრთოვანება, რომელიც პოეტმა იროდ. ევდოშვილმა (ხოსიტაშვილმა) იმავე წელს გაზეთი „ივერიის“ № 108 კორესპონდენციაში აღბეჭდა: „სოფელ მაჩხაანში, — წერდა იროდიონი, — ბ. მაჩხანელმა, ამ დაულაღებმა და პატიოსანმა მუშაკმა, იმდენად დაიმსახურა ხალხის ნდობა, რომ დღეს ათასნაირ საქმეს უძღვება წინ და აგერ საცაა სამეურნეო სკოლაც უნდა გახსნას სოფელმა მისი მეოხებით“.

მართლაც, იმავე 1895 წლის სექტემბრისათვის სოფ. მაჩხაანში დიმიტრის ხელმძღვანელობით გაიხსნა სამეურნეო სასწავლებელიც.

დიმ. მაჩხანელის დაუშრეტელი ენერგია არც ამით კმაყოფილდება, 1897 წელს ის აარსებს მწყემსთა საზოგადოებას ვაჭართა ექსპლოატაციის წინააღმდეგ; მისივე ხელმძღვანელობით სოფ. მაჩხაანში აშენდა თეატრი და მისივე დახმარებით იდგმებოდა წარმოდგენები, რომელთაც ღარიბები უფასოდ ესწრებოდნენ; საქართველოს პროვინციებში ეს პირველი სახალხო თეატრი იყო. 1898 წელს დიმიტრისავე თაოსნობით და დახმარებით მაჩხაანში გაიხსნა ქსენონი დეპოს შენობაში<sup>1</sup>.

დიმ. მაჩხანელის მოღვაწეობა უმეტესად პრაქტიკული ხასიათისა იყო—ხალხში სიარული, ხალხის გამოფხიზლება-გათვითცნობიერების მიზნით კულტურტრეგერული საუბრების წარმოება, რაც გლეხს თვალს

<sup>1</sup> დიმიტრი მაჩხანელის ბიოგრაფიული ცნობები მომართა ნიკოლოზ მოსულეშვილმა, რისთვისაც მადლობას მოეახსენებ.

აუხელდა თავისი ცხოვრების უარყოფით მხარეებზე, იმპულსს მისცემდა მას უკეთესი ცხოვრების სურვილის გაღვივება-გაღვივების საქმეში, რაც გაღვივებულ გლახაკობას თანდათან დარაზმავდა და შესაძლებლობას მისცემდა უკეთესი ცხოვრების დამყარებისას.

როდესაც ეცნობით დიმ. მაჩხანელის ცხოვრებას, როგორც პრაქტიკულს, ისე მის სამწერლო მოღვაწეობას, აშკარად რწმუნდებით, რომ მისი მოღვაწეობის მამოძრავებელი და წამყვანი ორი ძირითადი საკითხია: ხალხის ეკონომიური მდგომარეობის გაუმჯობესება და მისი ცოდნის გაზრდა დამარიგებელი საბუთებით, წერა-კითხვის შესწავლით, წიგნის კითხვის მოთხოვნილების გამომუშავებით, რაც გლახს საშუალებას მისცემდა მოეცილებინა მანე, დრომოკმული ტრადიციები, რაც ასე მძიმე კოშმარივით აწებოდა გლახის ტვინს და მის არსებას ბოროკავდა.

დიმ. მაჩხანელი მთელი თავისი დაუცხრომელი ენერგიით ორივე ამ ფრონტზე ენერგიულად იბრძოდა და მოღვაწეობის გზაზე დროზე ადრე დაიწვა და დაიფერფლა სრულიად ახალგაზრდა 1903 წელს.

## 2

თავის ნაწერებში დ. მაჩხანელი საგრძნობი სიმკვეთრით (თუმცა მხატვრობის მხრივ, როგორც სხვა ხალხოსანი მწერლებიც, მეტად დაუზვეწავად) გვიხატავდა სოფელსა და მის მცხოვრებთ.

დიმ. მაჩხანელი თავის დრამატულ სცენებში „სოფლის კუნწულა“ დიდი უშუალობითა, სოფლის ცხოვრების კარგი, ზედმიწევნითი ცოდნით და მისდამი დიდი თანაგრძნობით გვაძლევს „სოფლის პატრონთა“ ცოცხალ ტიპებს — ღაბაბ-ღაშმებულნი, ჰაღარა შერთული მამასახლისის, მჰაღა-აზნაურის, ხალხს მეტსახელად ვარ-აქლემა რომ შეურქმევია, ბურთივით დამრგვალებული სოფლის ახალგაზრდა მწერლის, ციბრუტა გზირის, მიკიტნისა და დაჭარხლებულ-კისერმოგრეხილი მომღერალი გიქოს სახით. სოფლის ამ „მოღვაწეთა“ სახელებიც კი მკითხველს აგრძნობინებს, თუ როგორ უვლიან და მიმართავენ ეს ვაჟბატონები სოფელს და მის მცხოვრებთ. თვითონ ნაწარმოები, მართალია, მხატვრობის მხრივ საგრძნობლად გაუმართავია, მაგრამ ოსტატურად გვაჩვენებს ამ „რჩეულთა“ უკანონო, თვითნებურსა და გლახათავის მანე „საგმირო“ საქმეებს. მკვეთრადაა მოცემული „სოფლის პატრონთა“ გამუდმებული ქეიფი და დროსტარება სოფლის სამიკიტნოში, რომელიც ამასთანავე და ამავე დროს გადაქცეულია სასამართლოდაც, კანცელარიადაც, განკარგულების გაცემისა და შესრულების ადგილადაც.

მოქეიფე და ღვინითა და ეშხით გაღეშილ მამასახლისთან, ვინაიდან უკეთეს მდგომარეობაში გლახი მას ვერ პოულობს, მიდის გაჭირვებულნი, ათასი უსამართლობისაგან გაძვალტყავებული გლახი თავ-დიდა.

ის დაბალი მისალმების შემდეგ მორიდებით განუცხადებს მამასახლისს, რომ ფული ვერ იშოვა, არავინ ასესხა მას, მეტად დიდ სარგებელს სთხოვენ, ის ვერ აიტანს, დაილუბება. სამაგიეროდ გლეხი ჰპირდება მამასახლისს აუნაზღაუროს თავისი შრომით: „ხელს დაგახმარებ, ჯანი მაქვს და მარჯვენა. შენი ფეხთა მტვერი ყმა გავხდები. თავს შემოგვევლები და სულში ჩაგისვამ... ნუ დამლუბავ ალაღ-მართალს... ნუ დამიწიოკებ საწყალ ცოლ-შვილს“ („სოფლის კუნწულა“, გვ. 11). მაგრამ მამასახლისზე გლეხის ეს ხეწნა, მუდარა, დაპირება არავითარ შთაბეჭდილებასა და გავლენას არ ახდენს. ის არადრამგდები შეტევით, ცინიზმით მიმართავს მთხოვნელ გლეხს: „ვირები ხართ, ვირები! სამართლის გადაწევა და გამრუდება კი გონდათ და არ კი იცით, რომ ამ საქმეს გასამრჯელო ფულიც უნდა, ფული, ფული! ქრთამი ჯოჯოხეთს ანათებს, გამოიფხოტე ე ყურები. გაყიდე, შე ოხერო, ცხვარი მოგეპოვება და ღორი“ (იქვე).

გლეხის ცდა მამასახლისში გამოიწვიოს თანაგრძნობა, აუხსნას, რომ ოჯახი იღუბება, ისიც და მისი ცოლშვილიც გამოუვალ მდგომარეობაში არიან—უშედევგოა. გლეხი მოაგონებს, რომ მამასახლისმა თვითონაც კარგად იცის, რომ მას ძველი მამეული ვალი არა მართებს, რომ მას ტყუილად შარს უდებენ, უსამართლოდ უნდათ გადაახდევინონ ფული, მიზანს ვერ აღწევს. მამასახლისი გულქვა ბრძანებისა და ზიზღის გამოხატვის კილოთი მიმართავს მთხოვნელ გლეხს: „კარგი, მუდრეგო! კარგი, გეყოფა, გაჩუმდი, შეირცხვინე! მე აქ შენთან საყბედოდ არა მცალიან—კამპანია მელის. ფული, ფული! არა და ჯანი გაგვარდეს, გაგეყიდება ი ყვეარი ხარ-კამეჩი, ათასიც რომ თავში ქვა იცე, იბლავლო და იძახო: უსამართლოდ მიყიდიანო“ (იქვე, გვ. 12). და ასე, მამასახლისი ძალგამოცლილ, უსამართლოდ შევიწროებულ გლეხს მანამდე სიტყვასაც არ აღირსებს, სანამ გლეხი მამასახლისს არ დაჰპირდება მისცეს ან ჯორი, რომელიც გლეხს აბადია, ან ვექსილი დაუწეროს. მხოლოდ ამ პირობებში თანხმდება მამასახლისი მხარი დაუჭიროს გლეხის სამართლიან თხოვნას.

უფრო მეტად შეუბრალებელი და მავნე წურბელაა გლეხისათვის ვაჭარი. დამახასიათებელ ხაზებში გვაძლევს დიმ. მაჩხანელი მის დამოკიდებულებას გლეხებისადმი როგორც „სოფლის კუნწულაში“, ის სხვა ნაწარმოებში. მაგრამ ამას უფრო მკვეთრად იძლევა თავის ცნობილ საუბრებში „ძმური სიტყვა“ (წერილი VII, გვ. 79—94).

დიმ. მაჩხანელი ამ წერილში თუ საუბარში აღწერს სამი ვაჭრის—ორი ახალგაზრდისა და ერთი მოხუცის ტრახახს, თუ ყოველი მათგანი, როგორი მოხერხებით სწოვს გლეხს სისხლს, მას სცარცვავს, თვითონ კი ჯიბეს ისქელებს. ნიმუშისათვის მოვიყვანთ ერთი მათგანის—ახალგაზრდის—კმაყოფილებით ნათქვამს. მეორე ახალგაზრდამ რომ მოის-

მინა პირველის თავმოწონება თავისი ხერხიანი ვაჭრობით, კმაყოფილებით განაგრძო: „არშინის გაცურება იქით იყოს, სასწოროში, ჩოთქში და წყვაში მოტყუებაც ხომ გუშინდელ გალუპუსტაწებულ ლაწირაკსაც შეუძლიან და აბა ესენები რა ჩემის ჭკუის საქმეა. აი შნოც ეს არის და ლაზათიც: ყველა სოფლელი ტეტებიისათვის ჩემი კარი ღიაა. ერთიც ვნახოთ, შემოდის შენი ყელ-გადაგდებული ტყაპუჭი, მივარდება ფეხებში და მებნება: „აღას გაუმარჯოს, აღას! აღავ, აღაჯან, საბლის წვერზე ვკიდევარ, გენაცვა და განა არ გებრალეები, აღაჯან, რომ ეს ფულები მიჭირსო?“ მე კი ჯერ ერთი ყასიდად გავინაზები, გავიბერები, ახლა გავიზნიქები, გავიბლინძები, მახლას, კარგა ემეს რომ ვიქ ჩემ გუნებაზე, მერე ორ აბაზის კვალობაზედ კოდ ქერს დამიწერს, მანეთობაზე — პურს და სამ აბაზობაზე — ჩაფ ტკბილს. აფერუმ, აღაჯან! მურაზია რალა, მურაზი, ამ ხებრეებში ცხოვრება. მართლაც და რა თავქარიანები არიან ის ოხრები და!.. მერე ის ემე, კეთილშობილები რომ არიან კიდენ, აბა ისინი არიან და!.. ერთ მსუქან ვექსილს დაგიწერენ, რომ გინდა ფეხი გულეებში პაჩი უყო. რაც რომ თხლად არიან, ვაჭარს ის უხარიაან... მერე იმ ძირგავარდნილ მოხელეებსაც „ნაოტის“ ფულს ამოუდებ ხოლმე და ზეკდე, სერგო, ვექსილები“ („ძმური სიტყვა“, გვ. 84—85). მართლაც რომ საარაკო ოინბაზობაა! მესამე ვაჭარი კმაყოფილებით ისმენს „ჯელების“ ნამოქმედარის — მათი შნოს და ლაზათის შესახებ. და სიამოვნებით ეტყვის: „იცოცხლეთ, იცოცხლეთ, ჯელო გვრიტებო!... ე, ე, ე, ჯერ სადა ხართ კიდენ, სადა!.. ისეთ რამე-რუმეებს მეკითხებით, ოჩოპინტრე ლაწირაკსაც გამოუვა ხელიდამ, აი ამ ჩემის მარჯვენის მადლმა, უტყუარს გებნებითო, უგროშო, ბემურაზ—ჯეელს ისეთნაირად მომიგია ფული, რომ მართლაც, დასაკეცხია. ახლა როგორ და. — ერთი ეშმაკის კვერცხი, ერთი ქაჯის წიწილა, ერთი ტრუპუცას გავარდნილი, ერთი კულბაწარა, ერთი თავზე ხელაღებული სათოკე. ერთი... რალა ბევრი გაეგარძელო და ბრაზებზე მოგიყვანოთ, ერთი ისეთნაირად გაღლეტილი და გასაფუჭებელი რამ ვიყავ, რომ თითონ ანტიქრისტეც ვერ მოვიდოდა ჩემის ოხტიდამ. რასა იქ, ძმავ, თავს რომ არ მოდის, თუ ვაჭარი ხარ, ნამდვილი და ნასტაიაში ვაჭარი უნდა იყო“ (იქვე, გვ. 85—86). და მოხუცი ვაჭარი, დიდის კმაყოფილებისა, თავმოწონების და თავისი უპირატესობის განცდით, ცინიკურად გადაუშლის ახალგაზრდა ვაჭრებს თავის ხრიკებით აღსავსე ცხოვრების გზას. ასეთა იყო, მართლაც, სინამდვილე. მაგრამ გლეხკაცობას, მის ცხოვრებასა და ჯანლონეს ავიწროებს და ანადგურებს არა მარტო ვაჭარი, მამასახლისი და მისი ძმანი, არამედ არანაკლებ მავნე ტრადიციები — ნათლობა, ხატობა, ქელები და სხვა, გლეხის შეგნებაში ბავშვობიდანვე ღრმად რომ შეჭრილა და სრულიად დაუმონავებია მისი გონება და ნებისყოფა.

მოთხრობაში „ღლეობა“ დიმ. მაჩხანელი შეუფერავი სინამდვილის

ჩვენებით აგებინებს მკითხველს, რა გამოუვალ მატერიალურ მდგომარეობამდე მიჰყავს ასეთი მავნე, დრომოკმული ტრადიციების შესრულებას ისედაც გაღარიბებული გლეხის ოჯახი. გლეხ სოსიას ჰყავს ერთადერთი მაცხოვრებელი ვირი. თვითონაც წელზე ფეხს იდგამს, ვირსაც ამუშავებს და ძლივ-ძლივობით აჩანჩალებს თავის გაჭირვებულ ცხოვრებას. მაგრამ აი, მოდის ხატობა. ჩვეულება თხოულობს ისიც წავიდეს, ილოცოს, რასაც სათანადო ხარჯი ესაჭიროება. სოსიას სხვა არაფერი აბადია, გარდა ვირისა. გადაწყვეტს ვირი დააგირაოს. აიღებს ფულს. გადაიხდის დღეობას—ილოცებს, ისიამოვნებს ხატში. მაგრამ გათავდა ხატობა. მას ვირი სჭირდება. სოსია ვირის გამოსახსნელად მის დამგირავებელს მუშად დაუდგება. იქ სოსია გაცივდება და კვდება.

აი ასე ათავენს ხშირად თავის ცხოვრებას გლეხი მავნე, დრომოკმული ტრადიციების ზეგავლენისა და შესრულების შედეგად. ასეთია ცოცხალი სურათი გლეხის ცხოვრებისა. ასე ქცეულა გლეხი საკრეკ ცხვრად მამასახლისის, ვაჟრების, ყველა ჭურის მოხელეების ხელში. ასეა ის მოქცეული სხვადასხვა მავნე ტრადიციების გავლენის ქვეშ. თვითონ სოფელი კი, მწერლის აზრით, „უსიტყვოა, უპირო, დაუდევნელი, ბრმა და უთავბოლო და ეჭმევიანება და ეღვარცლინება ათას გაქნილსა და „მაშენიკს“ („სოფლის კუნწულა“). დიმ. მაჩხანელი თავის როგორც ამ, ისე სხვა უარყოფით შეხედულებას, სოფლის შემავიწროებლების შესახებ დალაქი ჩხუბას პირით გვეუბნება. ჩხუბას პირითვე გაატარებს მათ მოქმედებას დაუნდობელი კრიტიკის ქარცეცხლში და შემდეგ იმავე ჩხუბას პირით შემდეგს ჩააგონებს ხალხს: „დროა, ხალხნო და ჯამათო, დროა გამოიფხიკეთ ე ყურები, ნუ ელუპინებით ე ზღვისოდენა ვაჟარ-ჩარჩების საწყაოებს, ნუ ეჩაგვრინებით და ნუ აჩაგვრინებთ თქვენს ღატაკ მოძმეებს ათასს უსირცხვილო კაცუნებსა და გაიძვერა მოხელეებს, მიეცით ერთმანეთს ძმურად მტკიცე პირი და ამოსდეთ ლაგამი ადამიანის უსამართლოდ დაჩაგვრას, უღმერთოს და მოღალატეს“. ხოლო შემავიწროებლებს იქვე გლეხთა წასახალისებლად ასე მიმართავს: „დედა გეტირებათ! დედა გეტირებათ: გაცვდება თქვენი ღატაკ, აღარ ექნება გასავალი თქვენს მაცდურ სიტყვა-საქმეს და შეეკვრება კრიჭა თქვენ „ტკბილ ლუკმას“. დაიცა ერთი ი დეპოც გაგვიხსნან ი ნასწავლებმა, როგორც იმ დღეს ჩვენი უჩიტელი ლაპარაკობდა, და მაშინ გნახვთ რა ბიჭებიცა ხართ! დედა გეტირებათ, დედა!...“ („სოფლის კუნწულა“, გვ. 41—42). გლეხობის ამ სოფლის წურბელებისაგან განთავისუფლების ერთ-ერთ საიმედო საშუალებათ დიმ. მაჩხანელს მიაჩნდა ბანკისა და დეპოს დაარსება სოფლად. თავის პოპულარული, მდაბიო ხალხისათვის გასაგები და გამიზნული საბუთებითა და წერილებით მაჩხანელი დაჟინებით ჩააგონებდა მკითხველს ხალხს: გაგვიმრავლდებიან მცოდნე კაცები და მაშინ ვეღარავინ მოგვატყუებს... ყველ-



გან ბანკი და დეპო იქნება გამართული. „ბანკი, — ასწავლიდა ის ხალხს, — ჰქვიან იმ საზოგადო სახლს, სადაც ყველა გაჭირვებულს შეუძლიან ნაკლები სარგებლით ისესხოს ფული. დეპოს კიდევ იმ სახალხო დუქანს ეძახიან, რომელშიც ყველაფერი სიმართლითა და იაფ-ფასად იყიდება. დეპო კიდევ ამით არი კარგი, რომ იქ ყველას გადაწყვეტილი ფასი ეწერება და ჭანჭლობა რომ აღარ დაგვეკვირდება, აღარც დროს დავეკარგავთ“ („ძმური სიტყვა“, გვ. 93—94).

მართალია, დიმ. მაჩხანელმა ბანკის გახსნა ვერ შეძლო, თუმცა ხშირად ბევრს საყვედურობდა ფულიანებს, რომელთაც ფული სახლში ჰქონდათ, არც თვითონ ამოძრავებდნენ მას და არც ხელს უმართავდნენ ღარიბ მეზობელს, რომელთაც ჩარჩი-ვაჭარი დიდი სარგებლის გადახდევინებით უდიერად ყვლეფდა. მაგრამ დეპოს გახსნა კი თავის სოფელ მაჩხანაში ითავა, თვითონვე ჩაუდგა მას სათავეში, გატაცებითა და დაუღალავად მუშაობდა, რასაც, რა თქმა უნდა, დიდი მნიშვნელობა ჰქონდა იმ დროში და რამაც დიმ. მაჩხანელს ბევრი უსიამოვნება მიაცენა. დეპო, ბანკი დიმ. მაჩხანელს უნდოდა გლეხის ეკონომიური მდგომარეობის გამაგრებისათვის, რომ გლეხი დაეხსნა ჩარჩი-ვაჭრების ექსპლოატაციისაგან.

### 3

მაგრამ დიმ. მაჩხანელს, როგორც ხალხოსანს, რომელაც ძალიან ახლო იყო ხალხთან და ზედმიწევნით იცნობდა ხალხს და მის ცხოვრებას, კარგად ჰქონდა გათვალისწინებული, რომ გლეხს ამ საშუალებებთან ერთად უნდა შესაძლებლობა მიეცეს თვითონ აშკარად დაინახოს, გაიგოს თავისი უმწეო მდგომარეობა, რის შედეგადაც მან უარყოფითი უარყოს, ხოლო კარგს, სასარგებლოს მიეტანოს. ეს კი, მაჩხანელის რწმენით, გლეხისათვის მაშინ გახდება შესაძლებელი, თუ მას ცოდნა და უკეთესისაკენ მისწრაფება ექნება. ამგვარი ცოდნის შექმნა კი გლეხს შეუძლია მიიღოს სწავლის საშუალებით. და დიმ. მაჩხანელიც სწორედ სწავლის მიღების აუცილებლობის, მისი დიდი სარგებლობის შესახებ ხალხში ატარებდა მრავალ საუბარს, რომელთა ნაწილი მან ფართო გავრცელების მიზნით დაბეჭდა კიდევ ქველმოქმედი ფოტოგრაფის ალექსანდრე როინიშვილის ფულადი დახმარებით, „ძმური სიტყვის“ სახელწოდებით, რომელსაც ტიპიური სახალხო ლატერატურის ხასიათი და დანიშნულება ჰქონდა — ხალხის ცხოვრების მრავალი საჭირობო-როტო საკითხების შესახებ ბაასი, ხალხური ვნით, ხალხისათვის გასაგები სტილით დაწერილი.

აღნიშნულ საუბრებში — „ძმურ სიტყვაში“ დიმ. მაჩხანელი ყველა საჭირობო-როტო საკითხის მოგვარების საფუძვლად მიიჩნევს ცოდნას, რომელიც სწავლით უნდა შეიძინოს გლეხმა. აი როგორ განუმარტავს,

ის სწავლის მნიშვნელობას, რა თქმა უნდა, პირველ ყოვლისა თავის მკითხველს — გლახს: „სწავლა კეთილის ცხოვრების საძირკველია, მაგრამ ამას ასე ადვილად როდი მიხვდება და დაიჭერებს უცოდინარი ადამიანი... უცოდინარობის წამალი სწავლა და გამოცდილებაა. ადამიანი მაშინ იქნება ბედნიერი, როცა უცოდინარობას დაეხწევა“ („ძმური სიტყვა“, გვ. 7) და ამის დასამტკიცებლად ღიმ. მაჩხანელს აუთარებელი მაგალითი მოჰყავს. მაგალითი, ჩვეულებრივი ყოველდღიური ცხოვრებიდან აღებული, მარტივი პრიმიტიული მკითხველისათვის—გლახისათვის ადვილად გასაგები, მისახვედრი, დამარწმუნებელი.

„ძმურ სიტყვაში“ ღიმ. მაჩხანელი დამაჩერებლად შთააგონებს თავის მკითხველს: „როცა ადამიანი მცოდნე იქნება, მაშინ უფრო ჭკვითა და ბეჭითად მოეჭიდება სახრესაც, შოლტსაც, გუთანსაც, ცულსაც, ბარსაც, ნიჩაბსაც, ცელსაც, ნამგალსაც და მრავალ სხვასაც“ (გვ. 10). ამასთანავე ის მკითხველს აფრთხილებს, რომ შრომას ყოველთვის გარკვეული და ნათელი აზრი უნდა მიმართავდეს; მშრომელს ყოველთვის ცოდნის საშუალებით კარგად გათვალისწინებული უნდა ჰქონდეს — „ვისთვის, სადა, როგორ და როდის იმუშაოს“ (გვ. 11). ამავე დარიგებასაუბრებში მოჩანს ღიმ. მაჩხანელის სურვილი და მიზანი ხალხს გამოუშუშაოს მოთხოვნილება მიეჩვიოს გეგმიან—შეგნებულ მუშაობას. ის პირდაპირ (შესაფერი მაგალითების ჩვენებით) მკითხველს ეუბნება: „სწავლა-ცოდნაც იმას გააბედ-ილბლიანებს, ვინც იმას კეთილ საქმეში გამოიყენებს“ (გვ. 16).

ღიმ. მაჩხანელი თავის საუბრებში შკაფიოდ და კატეგორიულად აღნიშნავს, რომ ადამიანის ბუნებრივი და სამართლიანი მოთხოვნილებაა კარგი, ბედნიერი, კმაყოფილი ცხოვრება, რადგანაც, მართლაც, კარგი ცხოვრება კარგია და ამიტომაც მას ყველა ნატრობს. მაგრამ ისიც ცხადია, რომ ცარიელა სურვილი და ნატვრა კაცს არაფერს მოუტანს, თუ შესაფერი შესაძლებლობა არ გვექნება. ამ მიზნის მისაღწევად საჭიროა კაცი აღიჭურვოს ცოდნით, გონიერი ნებისყოფითა და ამტანობის უნარით. აი რას ეუბნება ის მკითხველს „ძმურ სიტყვაში“: „კაი ცხოვრების მონატრეს კაი ცოდნის ჰკვაც უნდა მიუძღოდეს წინ, რომ ის მისწავლებდეს კაი ცხოვრების გზას“ (გვ.18). შემდეგ განაგრძობს თავის დარიგებას და მკითხველს ბეჭითად შთააგონებს, რომ შრომის მოყვარეს დიდი მოთმენაც უნდა შეეძლოს. სარგებლობს ხალხური ანდაზით „ვინც მოითმენს ის მოიგებსო“, რაც დამახასიათებელი სტილური ნიშანია ღიმ. მაჩხანელისათვის, და ასე მიმართავს ის მკითხველს: „შეიძლება კაცს ათასი უბედურებაც დაემართოს, მაგრამ ვისაც უბედურების ატანა არ შეუძლიან, იმას არც ილბლის მოწვევის შნო ექნება. ვინც კი ცხოვრებას მოსწევნია, იმას ჯერ ათასი უბედურება და სატანჯველი გამოუვლია, მაგრამ მაინც გული არ გაუტეხია და იმედი არ დაუკარ-

გავს“. „ყველაზე უბედური ის არის, ვინც უბედურებას ვერ აიტანს“ (გვ. 19—20).

დიმ. მაჩხანელს თავის „ძმურ სიტყვაში“ მეტად მოსაზრებულად მოჰყავს ყოველდღიური ცხოვრებიდან მაგალითები, შემთხვევები, რომ დაამტკიცოს, თუ ადამიანის სიცოცხლეს რამდენად ესაჭიროება სწავლა-ცოდნა და, რომ „ჭეშმარიტად ნასწავლი კაცი თავის წამალიც არის და სხვისაც... იმას გლეხის ჭირი თავის ჭირად მიაჩნია და სიხარული სიხარულად. ის იმას ამბობს: კაცი ის არის და ქულიც იმას ჰხურავს, ვინც ჭირშიაც და ლხინშიაც თავისზე უწინ, სხვას მიჰხედავსო. დიახ, სწავლიდან ცოდნა იბადება და ცოდნიდან კეთილი“ (გვ. 20) — დამარწმუნებლად ეუბნება იგი მკითხველს.

დიმ. მაჩხანელი თავის საუბრებში აზრს იმას ივიწყებს და მკითხველს აფრთხილებს და არწმუნებს, რომ რაც კაცი ნასწავლია, იმდენად ის უფრო თავმდაბალია, სადა, სამართლიანი და ადამიანის მოსიყვარულე. ასეთი კაცი, მისი რწმუნებით, გამარჯვებულიცაა ცხოვრებაში. რომ ძველი შეხედულებანი გლეხისა სწავლის შესახებ ახალი ცხოვრების პირობებში უნიადაგონი არიან, რომ სწავლა ცხოვრების პირობებში უძლიერესი იარაღია ცხოვრების სარბიელზე გამარჯვებისა და განმტკიცების საქმეში, რომ სწავლამ დასძლია ძველი უპირატესობანიც კი, დიმ. მაჩხანელს თავისი მკითხველის დასარწმუნებლად შემდეგი მაგალითი მოჰყავს: „აგე ის „ჩინოვნიკი“ ერთის ვიღაცა მებაშმაკის შვილია. იმისი ხელქვეითი კი, ბევრი წილი, ჩვენი თავადაზნაურები არიან, მაგრამ დღეს იმათ გვარიშვილობა ვეღარას ჰშველით და ამ უფროსის ბრძანებას ემორჩილებიან. რათა?“ — კითხულობს თავის აზრში მტკიცედ დაჯერებული ხალხის მოკეთე მწერალი და თვითონვე უპასუხებს, — „იმიტომ, რომ მებაშმაკის შვილი კაი ნასწავლი კაცია და კაი ჰკვის მოხმარებაც იმას შეუძლიან ხალხის მოვლაში... თუ კაცს რიგიანი სწავლა არა აქვს, დიდი გვარიშვილობაც ვერ დააშვენებს. კეთილი საქმე კეთილ ცოდნას მოსდევს და არა გვარიშვილობას“ — დაბეჯითებით დაასკვნის ის თავის აზრს.

დიმ. მაჩხანელს სწამს და უნდა დაარწმუნოს თავის მკითხველიც, რომ დღეს სწავლა გამეფდა. და ამიტომ აუცილებელია ისწავლონ არა მარტო ბავშვებმა, არამედ მოზრდილებმაც. აუცილებლად უნდა ასწავლონ აგრეთვე ქალებსაც, ვინაიდან, მწერლის სამართლიანი რწმენით, ნასწავლი დედა უფრო უკეთესად, საღად და ღროის მოთხოვნილების მიხედვით აღზრდის შვილებს ბავშვობიდანვე. ამას დიმ. მაჩხანელი გაბედულად იმისათვისაც ქადაგებდა, რომ ხალხში — მოზრდილებშიც ის ხედავს დიდს სურვილს სწავლისადმი.

დიმ. მაჩხანელი ასე დაეინებოთ ხანგრძლივად და მრავალმხრივ ესაუბრება თავის ძმა-მკითხველს (რა თქმა უნდა, მას მუდამ მხედველობა-

ში ჰყავს გაუნათლებელი გლეხობა), რათა მას შთააგონოს, დააჭეროს, რომ სწავლით გახსნილი და გაშუქებული გონება ადვილად მიხვდება დრომოქმული ტრადიციებისა, ცხოვრების ჩამორჩენილობისა და სხვა უარყოფითი მხარეების მავნებლობას და შეეცდება მათგან გათავისუფლებას, მათ გამოსწორებას და ხალხის გაჯანსაღების გზაზე დაყენებას, რომ სანატრელი, ბედნიერი, სამართლიანი, კმაყოფილი ცხოვრება მოიპოვოს.

დიმ. მაჩხანელი (როგორც სხვა ხალხოსნები) იმედოვნებდა, რომ სწავლით განათებული გონების მქონე ადვილად მიხვდებოდა მკითხავთა ობიექტობას, აღარ მიმართავდა მათ, აღარ დააცარვინებდა მათ ოჯახს. სწავლით გახსნილი გონება აღარ იწამებდა არც შელოცვას, არც ავი სულების არსებობას, მოიხსნიდა ცრუმორწმუნეობის ჯადოს. ავადმყოფობის დროს მიმართავს ნასწავლ ექიმს, არ აჰყვება ჰორებს, შეეცდება ყველაფერი თვითონ გაიგოს, გაიცნოს, შეისწავლოს, რაც მას თავიდან ააცდენს მრავალ უბედურებასა და მეზობლობაში უსიამოვნო ურთიერთ დამოკიდებულებას. „მერწმუნეთ, — თანაგრძნობით მიმართავს მკითხველს დიმ. მაჩხანელი, — რომ ადამიანის თავზე დაუთვლელი უბედურება ტრიალებს და ამ უბედურების ასაცილებელი წამალი კი მარტო ცოდნაა“ (გვ. 40) და წიგნი, როგორც დაუშრეტელი წყარო ცოდნის მიღებისა. „ქვეყნის გაჩენილამ დღევანდლამდის, — უბნებოდა დაჟინებით მაჩხანელი თავის მსმენელს თუ მკითხველს, — რაც კი რამ ღუნიაზე სამახსოვრო საქმე მომხდარა, სულ წიგნებში სწერია... და ისინი გვასწავლიან კიდევ, როგორ უნდა ცხოვრება. ქვეყანა წიგნების მადლით არის სავსე და კაცურის კაცის ცხოვრებაც იმათის წყალობით არის აყვავებული“ (გვ. 70). დიმ. მაჩხანელის რწმენითა და მტკიცებით ცოდნითა და სწავლით აღჭურვილი ადვილად აღარ მოექცევა მავნე ჩვეულებების გავლენის ქვეშ, ადვილად გაერკვევა — რაა მისთვის სასარგებლო და რაა მავნებელი: არ გაჰყვება ლოთობას, ზომიერებას დაიცავს სმა-ჰამაში; შეეცდება ჰიგიენურად მოაწყოს თავისი ბინა და ცხოვრება, გამართოს სოფლისათვის აბანო; მაშინ ის მუშაობდა — შრომას კი არ გაექცევა, არამედ მოთხოვნილებად გაიხდის, რადგანაც წიგნების საშუალებით გაიგებს თუ სხვა განათლებული ხალხი როგორ შრომობს და ამის შედეგად როგორ კმაყოფილებაშია; ამასთანავე, ურთიერთობაში როგორც ცოლ-ქმარსა თუ რძალ-დედამთლის შორის, ისე მეზობლებთან უფრო სწორი გაგება და მეტი პატივისცემა ექნება.

სწავლისა და ცოდნის შეძენის შემდეგ, დიმ. მაჩხანელის რწმენით, ხალხი გაიგებს, დაინახავს თავის ცხოვრების ნაკლს და უგემურ ცხოვრებას გაიგემრიელებს; ხალხი შეეცდება თავისი ცხოვრების ნაკლის გამოსწორებასა და შევსებას, იქნება ეს — სკოლების აშენება, კარგი განვითარებული სასოფლო-სამეურნეო ია-

რალეების შექმნა, ყოველგვარი თესლეულის დათესვა, ცარიელებში არხების გაკრა და ვენახების გაშენება, მამულში კარგი ხეხილების ჩაყრა, ჯიშიანი საქონლის მოშენება თუ სხვა; მაშინ ხალხი თავის უფლებებსაც დაიცავს, თუ მოხელეები მოინდომებენ იმის შევიწროებას, მოითხოვს შათ ფარული კენჭის ყრით არჩევას და გადასახადების გასაწერადაც რიგიან, სანდო კაცებს აირჩევს და მათ მოქმედებასაც მცოდნე კაცის საშუალებით შეამოწმებს. მაშინ ვაჭრებსა და „ქუცა ადვოკატებსაც“ ხალხი აღარ გაეტყავებინება.

დღმ. მაჩხანელი ასე გატაცებითა და დაუღალავად მოუწოდებდა თავის მკითხველს და უნდოდა მისი შეგნება ხალხის გამოფხიზლების საქმისკენ მიემართა.

## ანტონ ნიკოლოზის ქე ფურცელაქე

1889—1918

### 1

ანტონ ფურცელაქე ქართული ლიტერატურისა და საზოგადოებრივი აზროვნების ისტორიაში მეტად თავისებური მოვლენაა. ის სამოღვაწეო ასპარეზზე გამოდის 60-იანი წლების დასაწყისიდანვე (1861 წ.) და სიკვდილამდე (1913 წ.) კალამი ხელიდან არ გაუგდია. ის მოწმე და მონაწილეა მეტად საგულისხმეო სოციალური ძვრებისა, საზოგადოებრივი აზროვნებისა და მოქმედების დიდი ფაქტებისა, დაწყებული 60-იანი წლების რეფორმებით, „მამათა“ და „შვილთა“ ბრძოლით, გათავებული 1905 წლის რევოლუციით.

ანტონ ფურცელაქე გამუდმებით დაუღალავად ეხმაურებოდა ცხოვრების მიერ წამოყენებულ საჭირბოროტო საკითხებს და ამ საკითხების გადაჭრას ყოველთვის ხალხისა და ფართო საზოგადოების საკეთილდღეოდ ცდილობდა. შეიძლება ითქვას, რომ ანტ. ფურცელაქე, როგორც კრიტიკა-პუბლიცისტიკაში, ისე მხატვრულ შემოქმედებაში ყოველთვის წინ, შორეულ, ხალხისათვის თავისუფლებისა და ბედნიერების მომნიჭებელი მომავლისაკენ გაიყურებოდა. მართალია, ეს მომავალი მწერლისათვის ბუნდოვანია, გაურკვეველი, ხშირად, ძალიან ხშირად გაუმართლებელ მხატვრულ ფორმებში მოცემული, მაგრამ ზრახვა მისი გარკვეულია—უკეთესი მომავალი, რომელიც ხალხის ფართო მასებს დააკმაყოფილებს, გამოიყვანს ხალხს არსებული მდგომარეობიდან.

ანტონ ფურცელაქე ქართული ლარიბი აზნაურის ნიკოლოზ ფურცელაძის შვილია. ის დაიბადა 1839 წელს სოფ. მერეთში. სოფ. მერეთი პატარა ლიახვის ხეობაში მდებარეობს, სადაც ოსური სოფლებიც მოიპოვება. ანტონს ბავშვობიდანვე უხდებოდა ოსთა ცხოვრების გაცნობა. ბავშვობის შთაბეჭდილებანი, ამ ხალხის ცხოვრებიდან მიღებული, ანტონმა 1865 წელს დაწერილ მოთხრობაში „მართა“ დიდი თანაგრძნობით გამოხატა მართასა და მისი დედის ბოსიკონას ცხოვრების აღწერით.

ანტონ ფურცელაძის მამას მრავალრიცხოვანი ოჯახი აწვა კისერზე და, როგორც ხელმოკლე აზნაურს, მეტად უჭირდა მისი შენახვა.

ანტონის დედა, ბარბარე გედევანიშვილის ასული, ჰკვიანი, დარბაისელი და სათნოიანი ქალი, ქართული მწერლობის, როგორც საეკლესიო, ისე საეროსი დიდი მოყვარული იყო. ანტონის ოჯახში, გარდა მისი დედისა, მწერლობის დიდი მოყვარული იყვნენ აგრეთვე მისი ბიძის ცოლები სოფიო და ელისაბედი.

ანტ. ფურცელაძის პირველი მასწავლებელნი და აღმზრდელნი ეს სამი ქალი იყო: დედა მისი ბარბარე და ბიძის ცოლები — სოფიო და ელისაბედი.

მამამ ანტონი, სიღარიბის გამო, თბილისის გიმნაზიაში ვერ მისცა, სწავლის მოთხოვნა კი მან იგრძნო. ამიტომ, თუმცა დიდის გაჭირვებით, მაგრამ მაინც მოახერხა, რომ ანტონი, როგორც ღარიბი აზნაურის შვილი, ნიკოლოზ I განკარგულების თანახმად, სახელმწიფო ხარჯზე მიეღოთ ქალ. ორიოლის კადეტთა კორპუსში. მაგრამ კადეტთა კორპუსში სწავლის მესამე წელს ანტონმა ვარჯიშის დროს მძიმედ იღრძო ფეხი. დაკოჭლებული ანტონი, კადეტთა კორპუსისათვის შეუფერებლობის გამო, 1854 წელს დაბრუნდა სახლში.

1854—1858 წლებში ანტონ ფურცელაძე ცხოვრობდა სოფელში, მშობლების სახლში, რადგანაც მამამ ის, ხელმოკლეობის გამო, სასწავლებელში ახლაც ვერ მისცა. ის ცხოველი სიყვარული სწავლისადმი, რომელიც ანტონს ბავშვობიდანვე ახასიათებდა, მან დაიკმაყოფილა კითხვით, თვითგანვითარებით. ანტონი დიდი ხალისით კითხულობდა ყველაფერს, რაც კი მოხვდებოდა, როგორც ქართულს, ისე რუსულ ენაზე (რუსული ენის კარგი ცოდნის გამოტანა ანტონმა კადეტთა კორპუსიდან მაინც მოახერხა); ის გატაცებით კითხულობდა როგორც მხატვარ მწერალთა, ისე ფილოსოფოსთა და ეკონომისტთა ნაწარმოებთ, და ჟურნალ-გაზეთებს.

ანტონმა მალე იგრძნო, რომ სოფლის კარჩაკეტილი ცხოვრება მას ვერ დააკმაყოფილებდა, მისი ენერგიული და მრავალფეროვანი ნიჭიერი ბუნება ფართო სამოღვაწეო ასპარეზს ეძებდა და 1858 წელს გადაწყვიტა დაეტოვებინა სოფელი, გადმოსულიყო თბილისში და სამოქმედო ასპარეზი გამოენახა.

თბილისში ჩამოსვლისთანავე ანტონ ფურცელაძე მოხვდა ქართული მოთავადაზნაურო ინტელიგენციის წრეში, რომელიც ვერც „მამების“ გავლენისგან განთავისუფლებულიყო და ვერც „რუსეთუმეებთან“ მისულიყო. მაგ., დიმ. ყიფიანი, ქრისტ. შამაცაშვილი და სხვანი.

ანტონი საკმარისად დაუახლოვდა დიმ. ყიფიანს (რომელიც მას ნათესადად მოხვდებოდა) და პატივისცემით ეპყრობოდა. სამსახური მაინც კარგა ხანს ვერ იშოვა. ბოლოს თავისი ზიძის დავით მირზაშვილის დახ-

მარებით მოეწყო დავრდომილთა თავშესაფარში („Богадельня“) გადამწერის ადგილზე თვეში ხუთ მანეთად.

აქედან ანტონ ფურცელაძეს უკვე შეეძლო დამოუკიდებლად (ეკონომიურად) ცხოვრება. დაიჭირა მან რამდენიმე სემინარელთან ერთად კალოუზნის ქუჩაზე (ახლა ანტონ ფურცელაძის ქუჩა ეწოდება) სარდაფის სართულში ოთახი და იშვიათი მოწადინებით განაგრძო თვითგანვითარების საქმე.

თვითონ ანტ. ფურცელაძის მოწმობით, ამ დროს მათ წრეში, მასთან სარდაფის ოთახში იკრიბებოდნენ მოაზროვნე ინტელიგენციის წარმომადგენლები: პეტრე უშიკაშვილი, ნიკო ყიფიანი (დიმიტ. ყიფიანის შვილი, რომელიც დიდ იმედებს იძლეოდა თურმე, მაგრამ ადრე დაიღუპა), თვითონ დიმიტრი ყიფიანი, კონსტანტინე ივანოვი, სარქისოვი, აივაზოვი, მდივანი, გიორგი პაიჭაძე და სხვანი. გარდა თვითგანვითარებისა, ეს წრე ცდილობდა საზოგადოებრივ სასარგებლო მოღვაწეობის წარმატებასაც, მან გამართა კიდევ წარმოდგენები, რის საბოლოო მიზანი იყო ქართული სცენის აღდგენა<sup>1</sup>.

ანტ. ფურცელაძე თვითგანვითარების შემწეობით მალე მოემზადა ისე, რომ 1862 წელს გადავიდა გიმნაზიაში აღმზრდელის თანამდებობაზე.

ანტონი ამითაც არა კმაყოფილდება, იმისი მისწრაფება უფრო ფართო სამოღვაწეო ასპარეზს ეძებს. ამიტომ ის დამშეუღლსავეთ განაგრძობდა დაუღალავ მუშაობას თავის თავზე და 70-იან წლების დასაწყისიდან მან მიიღო უფლება კერძო ვეჟილობისა. სწორედ ეს ის პერიოდია, როდესაც ანტონი გაიტაცა ხალხოსნურმა მოღვაწეობამ. ის დაუანხლოვდა ხალხოსნურ ორგანიზაციას. ხალხოსნურ ორგანიზაციაში მონაწილეობასთან ერთად ანტ. ფურცელაძე დაუღალავად ემსახურებოდა გლუხკაცობას, აგრეთვე, როგორც ვეჟილი.

80-იანი წლებიდან ანტ. ფურცელაძე გადადის საადგილ-მამულო ბანკში, სადაც მუშაობს ჯერ დამფასებლის თანამდებობაზე, ხოლო ილია ჭავჭავაძის ბანკიდან წასვლის შემდეგ, ბანკის დირექტორად.

ასეთ ოფიციალურ სამსახურთან ერთად ანტ. ფურცელაძე ენერგიულად და დაუზარებლად მუშაობდა საზოგადოებრივი ცხოვრების ასპარეზზეც. ის ცდილობდა საზოგადოებრივი ცხოვრების ყველა საკითხის თუ მოვლენის შესაფერისი პასუხი მოენახა, გაეგო, გადაეჭრა. ამასთან ერთად, ანტონ ფურცელაძე ცდილობდა საკითხის თუ მოვლენის გარკვევა-გადაჭრაში თავისებურების შენარჩუნებას. ასეთმა ფართო ხასიათის მოღვაწეობამ, თვითგანვითარების გზით მიღწეულმა, უდავოდ, ფარ-

<sup>1</sup> Закавказская речь, 1911 г., №№ 256, 257.



თო განათლებამ, პირადმა უნარიანობამ ანტ. ფურცელაძეს ქართულ საზოგადოებრივ ასპარეზზე თვალსაჩინო ადგილი მოუპოვა.

2

ანტონ ფურცელაძის მოღვაწეობა არ ამოიწურება მარტო პრაქტიკული მუშაობით. 1858 წლიდან იწყებს ის ლექსების წერას და ამ მიმართულებითაც დაუღალავ ენერგიას იჩენს. მან მალე სამწერლო მოღვაწეობა დაიწყო ჟურნალ „ცისკარში“ და შემდეგ იშვიათი იყო ქართული პერიოდული გამოცემა, რომ ანტ. ფურცელაძეს მასში აქტიური მონაწილეობა არ მიეღოს („მნათობი“, „გუთნის დედა“, „იმედი“, „ივერია“, „კვალი“ და სხვანი). იყო შემთხვევები, როცა ანტონს ნაწარმოებთ პერიოდული გამომცემები არ უბეჭდავდნენ და მაშინ ის თავის ნაწერების ცალკე გამომცემასაც მიმართავდა; უფრო კი ცნობილი მწიგნობრის ზაქ. ჭიჭინაძის შემწეობით.

ანტონ ფურცელაძე, როგორც ეს დამახასიათებელი იყო XIX საუკუნის სხვა ჩვენი მწერლებისათვისაც, თავისი აზრების გამოხატვისათვის შემოქმედების სხვადასხვა ჟანრს მიმართავდა. ის წერდა: ლექსებს (აქვს თარგმანი რუსი და უცხო მწერლებიდან, ალბათ, რუსულით—ნეკრასოვი, კრილოვი, ბარბიე, ბერანჟე, ჰაინე, ბაირონი, ლეოპარდი და სხვანი), მოთხრობებს, პოემებს, დრამას, ისტორიულ ნარკვევს, პუბლიცისტურ და კრიტიკულ წერილებს. წერდა როგორც თავისი გვარისა და სახელის მოწერით — ანტონ ფურცელაძე აგრეთვე ფსევდონიმებითაც: ქერელი ბექა (ჟურნალ „ცისკარში“), ზურ. მოენიძე („მნათობში“).

მრავალფეროვანია ანტონის სამწერლო მოღვაწეობა. ყველგან და ყოველთვის ავტორს ახასიათებს სურვილი საზოგადოებრივი ცხოვრების ყველა დარგში იყოს სასარგებლო მოქალაქე.

თავის სამწერლო ასპარეზს ანტონ ფურცელაძე იწყებს ლექსით „ჩემს მეგობარს“. ეს ლექსი მკითხველს გარკვეულად აჩვენებს ავტორის საზოგადოებრივ განწყობილებას, 60-იანი წლების იდეების გამოხატვას. ასე მიმართავს ანტონი თავის მეგობარს:

თუ რომ დაიწყო მცონარეობა  
მამაბაპურად, ან ღვინოს გაჰყვე,  
თუ მოისურვო უღარდებლობა  
და ჩვენს პირობას მუხთლად გადუღვე,  
მაშინ შენ, ძმაო, ნუ მომიგონებ,  
ნუ იტყვი ჩემსა მეგობრობასა,  
ჩემსა სახელსა ნულარ ახსენებ,  
ვერ ჰპოვებ ჩემში თანაგრძნობასა.  
და თუ ქვეყნისთვის სწირავდე თავსა

და დასდგომოდ სიშარტლის გზასა,  
შაშინ კი, მაშინ არ დამივიწყო,  
გახსოვდეს, რომა, სადაც კი ვიყო,  
შენთან მექნება მღელვარე გული,  
და, თუ შენს გზაზე ვერ დავალ იმ  
წამს,

ამ გზასა მე, თავგამეტებული  
დღეს არის თუ ხვალ თვით შევეწირავ  
თავს.

კაბუჯი მწერლის სულიერი განწყობილება საკმარისად მახვილდადა გამოთქმული. უნდა ითქვას, რომ ანტონ ფურცელაძის ლექსებსაც პოეტური ფორმის თვალსაზრისით მეტად სიღარიბე, მოუქნელობა ახასიათებს. მის მხატვრულ შემოქმედებაში კარბობს იდეა, საზოგადოებრივი გრძნობა-მისწრაფება; პოეტური მხარე, როგორც ეს 60-იანი წლების მოღვაწეთ და უფრო კი ხალხოსნებს ახასიათებდა, ეწირება ნაწარმოების შინაარსს, მის იდეურ მხარეს. ანტ. ფურცელაძეში ეს მომენტი მეტად თვალსაჩინოა.

ანტ. ფურცელაძისათვის რომ საზოგადოებრივი განწყობილების წინწამოწევა ასეა დამახასიათებელი მისი პოეტური მოღვაწეობის დასაწყისშივე, ჩანს მეორე მისი ლექსიდან „პასუხი“, 1859 წელს რომაა დაწერილი. მეგობრის მიმართვაზე ლექსში „ჩემს მეგობარს“ ავტორი ასეთ პასუხს იძლევა:

ნუ შეძრწუნდები მით, რომ უშვერი  
ხალხი დაგიწყებს ჩაქვავებასა,  
რომ მეგობარი, რომ გულის სატრფოც  
მიგცემენ წყევლა-შეჩვენებასა!  
რათ გინდა სატრფო, ან მეგობარი,  
თუ რომ ისინიც სხვას სწოვენ ტვენსა?  
უნდა მომავლის ბედნიერება  
გაგამხნევებდეს ბრძოლად გასულსა...  
თუ, მორეული მტრის მახვილ-თა,  
იღო მტრის ფეხქვეშ, მიწას გარა.ხუ-  
ლი.

მხნედ დასდევ თავი: ამ სიკვდილითა  
გახდები მართალთ გზათ სანათურა.

ასეთსავე განწყობილებისაა ანტ. ფურცელაძის შიერ 1861 წელს დაწერილი ლექსი „უუძღვნი ქრისტეფორე მამაცაშვილს“, რომელშიც ავტორი საზოგადოებრივი მოვლენების შეგნებით ასე მიმართავს თავის მეგობარს:

დღეს, როდესაც დრო ხელს გვიწყობს, გვაქვს მოცალება,  
მტრისა მახვილი, შემართული არ გვემუქრება,  
როს სხვა განსაცდელს უარესსა უნდა ველოდით,  
თუ დროს შესაფერს საქმეს ხელი ჩვენ არ მოვკიდეთ...

ჩვენცა დაგვიხმავს ცრუ ზმანების ღრმა მორევშია  
ჩვენი ფიქრები, ჩვენი ოცნება, ჩვენი აზრები  
და ვერა ვხედავთ უღარდელსა განცხრომაშია,  
რა უფსკრულისკენ დაშვებულან დღეს ჩვენი გზები.

ასეთი აზრებითა და მიმართულებით გამოდის ანტონ ფურცელაძე სამოღვაწეო და სამწერლო ასპარეზზე. ტყუილად კი არ ამბობს იგი „დრამა-ტრაგიზმით ვარ აღზრდილიო“.

მაგრამ, მიუხედავად ასეთი ალტყინებისა, საგულისხმეოა, რომ ანტონ ფურცელაძე 60-იანი წლების დასაწყისში, თაობათა შორის ბრძოლაში, შვილებთან კი არ არის, არამედ, როცა თერგდალეულნი აარსებენ თავიანთ ორგანოს — „საქართველოს მოამბეს“, ის რჩება „ცისკარში“, „მოამბეს“ ორგანოში.

მაგრამ, არ იქნება მართალი არ აღვნიშნოთ, რომ ანტ. ფურცელაძე, თუმცა „ცისკარში“ დარჩა, მაგრამ იქ ის გამატარებელია ახალი, 60-იანი წლების იდეებისა, განსაკუთრებით რუსეთის მოწინავე საზოგადოებიდან — ჩერნიშევსკი, ნ. დობროლუბოვი, დ. პისარევიდან რომ მომდინარეობდა. ანტ. ფურცელაძე „ცისკრიდან“ თუ ებრძვის თერგდალეულთ, ებრძვის ან პირადი შეურიგებლობის გამო, ან უფრო მარცხენა პოზიციებიდან. ამას ადასტურებს მისი „ცისკარში“ მოთავსებული წერილები. ამ მიმართულებით მეტად საგულისხმეოა მისი კრიტიკული განხილვა დანიელ ჭონჭაძის მოთხრობისა „სურამის ციხე“ და მთელი რიგი სხვა წერილები.

აღნიშნულ წერილებში მქდავენდება ანტ. ფურცელაძის 60-იანი წლების რადიკალური აზროვნება.

1863 წელს „ცისკრიდან“ ანტ. ფურცელაძე ასე ეკამათება „საქართველოს მოამბეს“: „სად არის საქმე? სად არის წარმართვა? სად არის ყოველი ფერის თაოსნობა? მე გიპასუხებთ — ჯიბეში. ყველა თავის თავისთვის არის და სხვა მხედველობაში არა ჰყავთ. ჩვენში, როგორც საზოგადოება ამ ყოფაში, როგორც საზოგადოების ბოზოლაები, ეგრეთვე ლიტერატორებიც. ლიტერატორები და ლიტერატურა სრულებით არ მისდევს ხალხის საჭიროებასა და ჰბლაჯნიან, ვითამ და შეიტყუეთ, რომ მეც კაცი ვარ და ქვეყანაში ურევივარო“<sup>2</sup>.

თავის პოზიციას ანტ. ფურცელაძე თანდათან უფრო აღრმავებს და იმავე წერილში, ცოტა ქვევით, შემდეგს ამბობს: „როდესაც ის (ე. ი. „საქართველოს მოამბე“. — მ. ზ.) გავა სწორე გზაზედ და აღასრულებს თავის მოვალეობას, მაშინ ჩვენ შეგვიძლება მკითხველი მწუხარების მაგივრად გავახაროთ, რომ ჩვენში არის ლიტერატურა, მწერლობა-ცა და ეს ლიტერატურა ცდილობს რომელიმე კეთილი აზრის გავლიც-

<sup>2</sup> ანტ. ფურცელაძე, ექვართული ლიტერატურა, „ცისკარი“, 1863 წ., № VII.

ბასა კეთილ სინდისიანათ და შტკიცედ ხალხში ჩაებას. ეგრეთვე, როგორც „მოამბე“ აღგვითქვამდა, გვეგონა შეუდგებოდა ხალხის ნაკლებულების გამოკვლევასა და იმის მიზეზების ჩვენებას. გვეგონა ის გაბედვით გადაეღობებოდა ყოველ უგვანებას, როგორც შეჭფერის ყმაწვილ თაობასა, მაგრამ... ჩვენდა სამწუხაროდ, ამას ვეღარ გეტყვით. „მოამბეს“ დაეკარგა გზა... საზოგადო სარგებლობის მაგივრად, გაჰყვა თავის ეგოისტურ მიხედულობას (თუმცა სოვრემენიკის ფერი კაბა ჩაიცვა), აქვს მხედველობაში თავის თავის მოყვარეობა და ინტერესი“<sup>3</sup>.

მოყვანილი ციტატებიდან მტკიცდება ჩვენ მიერ ზევით წამოყენებული დებულება: ანტ ფურცელაძის თერგდალეულებისადმი დამოკიდებულება აიხსნება როგორც პირადი, ისე საზოგადოებრივი ხასიათის მოტივებით. რა თქმა უნდა, ანტონის მიერ ამგვარი შეფასება „საქართველოს მოამბისა“ და მის მესვეურთა არ არის მართებული (რასაკვირველია, იმ დროისა და გარემოების მიხედვით). ანტონის ასეთი შეხედულების გამართლებას ეწინააღმდეგება როგორც „საქართველოს მოამბის“, ისე თერგდალეულთა მოღვაწეობის საზოგადოებრივი მნიშვნელობა. მაგრამ ერთი რამ კი ცხადია, ეს ის, რომ ანტ. ფურცელაძე რუსეთის 60-იანი წლების მოწინავე აზროვნების უკიდურესობისაკენ — უტილიტარიზმის მიმართულებით უფრო მეტად იხრება, უფრო რადიკალურად აზროვნებს, ვიდრე სხვა თერგდალეულები.

ანტ.ფურცელაძე თავის დამოკიდებულებას პოეზიისა და ხელოვნებისადმი ასე გამოთქვამს: „ცრუ ოცნებაები კი არ გვინდა პოეზიაში, — რით ვერ გაიგეთ, რომ მაგ გვარი ოცნებაებისა, ოხისა და უხის ამოთ... ქადაგებაების დროებაები წავიდნენ. ჩვენ გვინდა პოეზიაშიც... ვხედავდეთ საქმეს, ჰეშმარიტებას, ჩვენი გულის პასუხს, ჩვენი თავის ცნობას, ჩვენს გარშემოს, ჩვენს თვისებას და კუთვნილებას და არა თქვენი რპიუმისაგან მთვრალის ოცნებაების დაგვარსა რალაცა რალაებას, ვაშავუშსა და ვაგლახებას“<sup>4</sup>, და ბოლოს ასე განმარტავს ჟურნალის დანიშნულებას: „ყოველი კეთილსინდისიანი ჟურნალი უნდა ცდილობდეს, რომ ხალხს აუხსნას გონება, გამოიყვანოს თავის უშეერის მდგომარეობიდან და უჩვენოს ჰეშმარიტება და გზა ჰეშმარიტებისა“<sup>5</sup>.

გარკვევით უნდა აღინიშნოს, რომ ანტ. ფურცელაძის ლიტერატურული და საზოგადოებრივი მოღვაწეობა მეტად ტენილი ხაზით მიიმართებოდა; მისი მოღვაწეობის ახლო გაცნობა გვიდასტურებს, რომ ის ვერ თავსდებოდა ვერც ერთი მიმდინარეობის ფარგლებში. ის ცნობილი იყო ნილილისტის სახელწოდებით. და ეს სახელწოდება ანტ. ფურ-

<sup>3</sup> ანტ. ფურცელაძე, ქართული ლიტერატურა, „ცისკარა“, 1863 წ., № VII.

<sup>4</sup> იქვე.

<sup>5</sup> იქვე.

ცელაძის მიმართ მარტო იმით კი არ აიხსნება, რომ ის დიდი პატივისცემით იხსენიებს პისარევს და მისი აზრებით ხშირად სარგებლობდა თავის ლიტერატურულ მოღვაწეობაში, არამედ იმიტომ, რომ ნილილისტობას იჩენდა ანტ. ფურცელაძე გაბატონებულ მიმართულებათა და პირთა მიმართაც (ანტ. ფურცელაძის ამ მიმართულებით შესწავლა ჩვენი საზოგადოებრივი ცხოვრების, საზოგადოებრივი აზროვნების ისტორიის ბევრს საინტერესო მხარეს გააკვევდა. მაგრამ ეს უფრო სპეციალური მონოგრაფიის საქმეა, ვიდრე წინამდებარე შრომისა, ამიტომ ამ მხარის შესწავლა-გარკვევას შემდეგისათვის გადავდებთ). ამ გარემოებით აიხსნება ის, ხშირად არაკეთილმეგობრული განწყობილება, რომელსაც ანტ. ფურცელაძისადმი იჩენდნენ მისი თანამედროვენი, განსაკუთრებით პერიოდული გამოცემების ხელმძღვანელები. ანტ. ფურცელაძეს რომ არა ჰყოლოდა ისეთი პატივისმცემელი, როგორც იყო ზაქ. ჭიჭინაძე, შესაძლებელია ბევრი მისი ნაწერი თავის დროზე ვერ დაბეჭდილიყო (ანტ. ფურცელაძის ბელეტრისტული ნაწერები ხშირად დაწერის რამდენიმე წლის შემდეგ იბეჭდებოდა).

ზაქ. ჭიჭინაძე არაერთხელ აღნიშნავს ქართველი საზოგადოების ერთი ნაწილის ანტ. ფურცელაძისადმი ამგვარ დამოკიდებულებას: „ანტ. ფურცელაძის ნაწარმოების გამოცემას, — წერს ზაქ. ჭიჭინაძე, — მე მით უფრო შევეუდექი, რომ იწუნებდნენ წინეთ და იწუნებენ დღესაც, იღევენება ზოგიერთ ცრუ მწერლებისაგან და მრავალი ამ მწერლების ფეხის ხმის ამყოლთაგან და ამავე დროს ამ მწერალს ჰყავს მრავალი მკითხველი და თანა-მგარძნობელიცა. მიზეზი ამ დევნისა მე არ ვიცი თუ რამ გამოიწვია... მე დიდათ მსურდა, რომ შემეტყო მიზეზი ამისი, მაგრამ ისმის მხოლოდ ლანძღვა და საბუთები კი არა!.. ჩვენ, პირში საქებარი ანტონ ფურცელაძესთან არა გვაქვს რა, რომ მას პირ მოთნობით ქება ვუძღვნათ და მით ვინდომოთ მის სიამოვნება, მაგრამ არ შეგვიძლიან არ ვსთქვათ ისიც, რომ ქართულს მწერლობაში, რომელმაც თავის ვალს გზა აუქციოა... ანტ. ფურცელაძის ნაწერები კი სულ უმნიშვნელონი და უსარგებლონი იყვნენ, რომელიც უქადაგებს ხალხს ახალს აზრს, ახალს ცხოვრებას, უყურებს ძველს კრიტიკულად, შემოაქვს ახალი გარკვევით და აწონვით... შეიძლება ანტ. ფურცელაძის ნაწერები იმით იყოს შეუნიშნავი, რომ ვითომც მასში არ მოიპოვებოდეს ესტეტიკური კილო, მაგრამ... ხშირად არც ესა აქვს ფურცელაძეს სხვებზე ნაკლები, როდესაც ამას მოითხოვს საგნის საჭიროება, თუ არა და ცარიელ ესტეტიკას რა მნიშვნელობა უნდა ჰქონდეს ჩვენს მწერლობაში“<sup>6</sup>. ეჭვს გარეშეა, ზაქ. ჭიჭინაძის შეხედულება გამომხატველია ქართველი მკითხველის სა-

<sup>6</sup> ანტონ ფურცელაძე. თხზულებანი, წიგნი მეორე, წინასიტყვაობა, გვ. I, II და VI.

ზოგადობის ერთი ნაწილისა. მაგრამ ქართველი მკითხველი საზოგადოების მეორე ნაწილის ანტ. ფურცელაძის შემოქმედებისადმი გულგრილობასა და უყურადღებობასაცა აქვს თავისი *raison d'être*.

### 3

ანტონ ფურცელაძის ნაწერების დაუბეჭდაობას ჩვენი პერიოდული გამოცემების მიერ, თუ, ერთი მხრით, პირადი ხასიათი ჰქონდა (ანტ. ფურცელაძე მოურიგებელი, დაუდგრომელი კაცი იყო; ჩვენი პრესის საუკეთესო წარმომადგენლებთან—ილ. ჰავცივაძესთან, ნიკო ნიკოლაძესთან, გიორგი წერეთელთან და სხვებთან ხშირად არა ჰქონდა კარგი დამოკიდებულება), მეორე მხრით, უდავოდ, ანტ. ფურცელაძის მხატვრული შემოქმედების ნაკლით უნდა ყოფილიყო გამოწვეული.

ანტ. ფურცელაძის შემოქმედების გაცნობა მკითხველს აჩვენებს, რომ მწერალი არ იყო დაჯილდოებული დიდი მხატვრული ნიჭით. ის როგორც მხატვარი, უდავოდ, მეორეხარისხოვანია, მას არა აქვს უნარი ნაწარმოების მხატვრული დამუშავებისა, დახვეწისა. მისი შემოქმედების კომპოზიცია მეტად მარტივად იშლება, დაკვირვებული მკითხველი წინდაწინვე გრძნობს როგორ განავითარებს ავტორი მოქმედი პირის ცხოვრებას. თვითონ მოქმედი პირის ხასიათის გაშლაც ხშირად მეტად ხელოვნურია, განვითარება მოდუნებულია; მეტად უხეშად, ხან უადგილოდაც მეორდება ერთი და იგივე ხერხები (სიზმარი, წინათგრძნობა); დრამატული ნაწარმოებში ზედმეტად დატვირთულნი არიან, დინამიკურობა მათში შენელებულია; სცენური ხელოვნების თვალსაზრისით მძიმენი და სუსტნი. მათი ენა სავსეა რუსიციზმით, მეტად მარტივია, ქართული ლიტერატურული ენის ნორმების დაცვის თვალსაზრისით არასწორია.

მაგრამ, მიუხედავად ამისა, ანტ. ფურცელაძის შემოქმედებას, რა თქმა უნდა, თავის ღირებულებაცა აქვს.

ანტ. ფურცელაძეს უდავოდ ახასიათებს დაკვირვების უნარი, ის კარგად იცნობს ცხოვრებას, გრძნობს ეპოქის მაჯის ცემას, მის მოთხოვნილებას, ეხმაურება მას. მართალია, ის თავის მხატვრულ შემოქმედებაში, თავისი დადებითი გმირების სახით, ხშირად თავის პირად ზრახვათა და მისწრაფებათ გვისურათებს, მაგრამ თვითონაც ხომ ეპოქის დვიძლი შვილი იყო, ეპოქის საზოგადოებრივ ცხოვრებაში ჩაბმული და, ამიტომ, ბუნებრივია, მის შემოქმედებაში მკითხველი გრძნობს ეპოქის მაჯის ცემას.

ანტ. ფურცელაძის შემოქმედება, როგორც ზევითაც აღვნიშნეთ, ტეხილი ხაზით ვითარდება. ის სხვადასხვა მიმართულებებს და გავლენებს ითავსებს, რაც, ჩვენის შეხედულებით, თუ უმთავრესად მწერლის წვრილბურჯუაზიული, წვრილ აზნაურული ფსიქოიდეოლოგიის გამოვ-

ლინებაა, ნაწილობრივაც შედეგი უნდა იყოს მისი თვითგანვითარებისა. იგი ყველას კითხულობს, ხშირად განურჩევლად, მაგ.: ბ. ბელინსკის, ნ. ჩერნიშევსკის, ნ. დობროლუბოვს, დ. პისარევს, კ. მარქსს, პ. ლავროვს, ნ. მიხაილოვსკის, რობერტ ოუენს, სპენსერს, მილს და მრავალსხვათა. მაგრამ ძირითადში ანტ. ფურცელაძე ხალხოსანი მწერალია როგორც პუბლიცისტიკაში, ისე მხატვრულ შემოქმედებაში. ხალხოსნური მიმართულების მწერლების შემოქმედების დადებითი და უარყოფითი თვისებებით ხასიათდება ანტ. ფურცელაძის შემოქმედებაც.

ხალხოსან მწერალთა შემოქმედებაში, ცნობილია, წინ წამოწეულია, ეპოქისათვის დამახასიათებელი მოწინავე იდეები. ხალხოსანი მწერლები ხომ ლიტერატურულ შემოქმედებას ისევე უყურებენ, როგორც პუბლიცისტიკას, ე. ი. როგორც იარაღს, სწმულებას ხალხის გამოფხიზლებისა, მისი მდგომარეობის გარკვევისა, მისი უკეთესი მომავლის მოპოვებისა. ამით აიხსნება, რომ ყოველი ხალხოსანი მწერალი პირველ რიგში ცდილობს საპირბოროტო საკითხების წინ წამოწევას; მას უმთავრესად აინტერესებს შემოქმედების თემატიკა, ის სახეები, რომელნიც აღებულ თემების მოტივით აწესრიგებენ და იძლევიან მათ შესაფერ გადაწყვეტას.

ასეთივეა ანტ. ფურცელაძეც.

ძირითადი თემები მისი მხატვრული შემოქმედებისა შემდეგია: 1) გლეხის სოციალური და იურიდიული მდგომარეობა; 2) საზოგადოებრივი ცხოვრების სოციალური დაჯგუფებანი და მათი ურთიერთობა: ა) დარღვეული თავადაზნაურობა, მისი შინაგანი ბრძოლა, მისი ისტორიული როლი, ხელმოკლე აზნაურები და ფეოდალური არისტოკრატია; ბ) განათლების გზაზე დამდგარი ქართველი ინტელიგენცია; გ) ფეხადგმული ბურჟუაზია; დ) მეშჩანური საზოგადოება, რომელიც ხუნდებსავეთ შემორტყმია გამოფხიზლებულ ადამიანს და მის კეთილზრახვათა სისრულეში მოყვანას გასაქანს არ აძლევს; ე) ქალის მდგომარეობა; 3) ეროვნული საკითხი — საქართველოს პოლიტიკური მდგომარეობა; 4) ახალი კაცი — ახალი ცხოვრების მოწესრიგების საფუძვლები.

ანტ. ფურცელაძე, როგორც საერთოდ 60-იანი წლების მწერლები და განსაკუთრებით ხალხოსნები, მხატვრულ შემოქმედებაში პუბლიცისტური მიმართულების საფუძველზე დგას და თავის პოეტურ მოღვაწეობას ამ მიმართულებით ავითარებს.

60-იან წლებში, როდესაც ანტ. ფურცელაძე გამოვიდა სამოღვაწეოსამწერლო ასპარეზზე, რუსეთის საზოგადოებრივ აზროვნებაში, რომლის გავლენაც ქართველ მოწინავე საზოგადოებაზე მნიშვნელოვანია — ძირითადი საკითხი იყო გლეხის — ყმის საკითხი, მისი მდგომარეობის გამახვილებული ჩვენება და მისი მომავლის მოწესრიგება.

ამ საკითხს ანტ. ფურცელაძემაც თავიდანვე დიდი ყურადღება მიაქცია. მოღვაწეობის დასაწყისში (1858—1862) მის შემოქმედებას გარკვეულობა არ ეტყობა, მაგრამ, როგორც ზევითაც აღვნიშნეთ, საზოგადოებრივი ხასიათი თავიდანვე წითელ ზოლსავით მისდევს.

გლახის, ყმის საკითხი ანტ. ფურცელაძემ გარკვეულად წამოაყენა 1863 წელს, დან. კონქაძის „სურამის ციხის“ განხილვის დროს. ხსენებული წერილით ანტ. ფურცელაძემ პოპულარიზაცია გაუკეთა დან. კონქაძესაც და მის მოთხრობასაც (ანტ. ფურცელაძე პირველია, რომელმაც ვრცლად და დადებითად შეაფასა „სურამის ციხისა“ და მისი ავტორის მნიშვნელობა).

1865 წელს მან დაწერა მოთხრობა „მართა“, სადაც ავტორმა ბატონსა და ყმას შორის გამწვავებული ურთიერთობა სინამდვილის კარგი ცოდნით გაშალა.

განვითარდა კაპიტალიზმი. ფეოდალური მეურნეობის დასაყრდენს— ბატონყმობას საფუძველი ეცლება. ყმა გათავისუფლებას ეძებს. მეზობლად ურჩობას უწევს. თავადაზნაურობამ დაკარგა მოღვაწეობის ფართო ასპარეზი. დაირღვა იგი, დაკნინდა. ნაწილი, გამოუსადეგრობის გამო, თანდათან იხსნება ცხოვრების ასპარეზიდან, ნაწილიც (რასაკვირველია, მცირე) ახალს ეგუება, ახალ ცხოვრებას ებლაუჭება. ასეთ პირობებში იზრდება და ვითარდება როსტომ ტაბლაძე, ანტ. ფურცელაძის მოთხრობა „მართას“ მთავარი გმირი. „როსტომ ტაბლაძე, მეზობლად... ისეთის ანგარიშის კაცი იყო, ისე უყურებდა ყველას აწონვითა, რომ თუ არ დაატყობდა ცხადლივ საქმის მოგებასა, არასოდეს ხელს არაფერს არ მოჰკიდებდა.

...რასაკვირველია, როსტომი ისეთი ანგარიშის კაცი არ იყო, რომ თუ ახალიდამ ცხადი მოგება დაენახა, მამა-პაპისათვის მიეზაძა. მაგრამ იმას აყენებდა უკან ისა, რომ იმან ნახა ზოგიერთა კაცის თავს მაგალითი, რომ ახალი დაწყობილება არ მოუხდათ კარგადა და ამის გამო ის ყველა ახალ წესს და წყობილებას სახლოსნობაში ერიდებოდა“<sup>7</sup>.

როსტომი მამამ სასწავლებელში მისცა, როგორც ვაჟკაცობაში გამოუსადეგარი. მაგრამ მან სასწავლებელში ვერ მოიპოვა ამხანაგების სიყვარული და თანაგრძნობა. მაშინ მან მიმართა სასწავლებლის უფროსების გულის მოგებას. „როსტომმა დაუწყო ამხანაგებს თვალთვალობა და ყოველს იმათს მოქმედებას ამცნებდა ჩუმჩუმათ მეუფროსეებსა. მეუფროსეებმა უფრო თავზედ ქონი წაუსვეს და უფრო წააქეზეს ამ ხელობაზედ. რასაკვირველია, ეს არ დაემალათ ამხანაგებს და უფრო ამოიჩემეს. როსტომ თანდათან დაუახლოვდა მეუფროსეებს, შეიქმნა

<sup>7</sup> ანტ. ფურცელაძე, მართა, გვ. 3—4, 1893 წლის გამოცემა. აქ და ყველგან მათივებულია ეს წიგნი.



იმათი მონა. რასაკვირველია, რაკი მეუფროსეები ამისკენ იყვნენ, შე-  
გირდებმა ვერა დააკლეს რა“<sup>8</sup>.

როსტომს სასწავლებელშივე აღმოაჩნდა ახალ ცხოვრებასთან მისე-  
ლისათვის საპირო ჩვევები. მან, როგორც დარღვეულ კლასის წიაღი-  
დან გამოსულმა, ახალ ცხოვრებასთან შეგუებისათვის ნაკლები წინაა-  
ღმდეგობის გზა აირჩია. გამორჩენის მიზნით ის საშუალებებს არ არ-  
ჩევს. ამგვარ შემთხვევაში მასაც მორალური განურჩევლობა ახასია-  
თებს. როსტომ ტაბლადის ოჯახს, სანამდე ის სასწავლებელში იყო, უბე-  
ღურება ეწვია. ორი იმის ვაჟკაცი ძმა სპარსეთთან ომში დაიღუპა. ერთი  
გზაზე ვილაცამ აჩეხა, ერთიც, უკანასკნელი, სვიმონი, ცოლშვილიანი,  
გარდაიცვალა სწორედ მაშინ, როცა როსტომი სასწავლებელს ათავებ-  
და. როსტომი რჩებოდა მთელი დარჩენილი მამულ-დედულის გამგებ-  
ლად. მაგრამ, მიუხედავად ამისა, როსტომმა არ მოინდომა მამულში  
დაბრუნება. ავტორი ასე გვიხატავს მის ამ დროის განწყობილებას: „რა  
უნდა მერქვას!—მსჯელობს როსტომი, — რაც აქამდის ვიყავი ჩვენი  
ყმებისა და მეზობლების თვალში, ის ეხლა ვიქნები: ძალღად არავინ ჩა-  
მაგდებს. ამას გარდა, სასამართლოში მე არა ვარ გამოცდილი, დავიდა-  
რებისა მე არაფერი გამეგება; უბრალო კაციც კი დამიბრძოლებს და  
ყველასთან სახვეწარი მექნება. არა! მე ისე უნდა მოვიქცე, რომ მე და-  
ვიბრძოვო და დავიგარო სხვა და არა სხვამ მე. ამის გულისათვის იმან  
გადაწყვიტა სამსახურში შესულიყო, გამოცდილიყო. თუ სამსახურში  
კარგად წავიდოდა, დარჩენილიყო იქ ხანი, შეეძინა ფული და ფულთან  
ყველაფერი იქნებოდა. თუ არა, უფულოდ, რა უნდა მერქვას!“<sup>9</sup>

თუ სწავლა-განათლებამ მებატონეების უმრავლესობას ახალი ცხოვ-  
რების ფუფუნების შიდა გაუმახვილა და ისინი დარჩენილი დოვლათის  
უანგარწმო ფლანგვას შეაჩვია, ხოლო დოვლათის მოპოვების უნარი კი  
არ გამოუმუშავა, როსტომ ტაბლადემ სწავლის მიღების შემდეგ სხვა  
გზა აირჩია—მან ძველი ძალა-უფლების შენახვა-განმტკიცება მოინდო-  
მა. ამ მიზნისათვის უნდა მას სწავლა და ეს უკანასკნელი კი ფულის შე-  
საძენად, ვინაიდან, მან იგარძნო, რომ ფული ერთადერთი დასაყრდენია  
ამ ცხოვრებაში.

როსტომ ტაბლადე შევიდა მოსამსახურედ პოლიციაში, როგორც მი-  
სი მიზნებისათვის უფრო ხელსაყრელ დაწესებულებაში. ადვილად  
აუღო ალლო ბიუროკრატიულ სახელმწიფოებრივ ცხოვრებას. აქაც მან  
საკვირველი სიმარჯვე გამოიჩინა მეუფროსეების ერთგულებაში. ის მათ  
ყოველგვარ დავალებას დიდი ხალისით უსრულებდა და ამით შეაყვარა

<sup>8</sup> ანტ. ფ უ რ ც ე ლ ა ძ ე. მარტა, გვ. 12—13.

<sup>9</sup> ი ქ ვ ე, გვ. 16—17.

მათ თავი, ამიტომ როსტომი მალე დანიშნეს „ერთ მსუქან უჩასტკაში“ დიამბეგის თანაშემწედ. როსტომმა მალე და ადვილად აუღო ალღო ახალ სამსახურს, მონხელეთა შორის გაბატონებულ ზნე-ჩვეულებას, განსაკუთრებით რაც კი შეეხებოდა ფულის შექმნას. „მოკლე ხანში ამან კარგად გაივსო ჯიბე“.

ფულის მიღების მადა როსტომს თანდათან უფრო გაეზარდა, ფულის აღებაში ის თანდათან უფრო დაიგემა, გათამამდა ქრთამების აღებაში, ხშირად ის თავხედობამდისაც მიდიოდა, ხელოვნურად ქმნიდა შემოსავლის შესაძლებლობას.

აქ ავტორი მშვენივრად ხატავს იმ ეპოქაში სახელმწიფოებრივ დაწესებულებებში გაბატონებულ მექრთამეობას და თავის უარყოფით დამოკიდებულებასაც საგრძნობი სიმკვეთრით ამჟღავნებს.

მაგრამ ამ შემოსავლითაც აღარ კმაყოფილდება ახალი ცხოვრებით შეშინებული, მადაგახსნილი, როსტომ ტაბლაძე. რამდენადაც როსტომს ჯიბე ეზრდებოდა, იმდენად ის უფრო ცდილობდა მდიდარი ქალის შერთვას და მით ეკონომიურად თავისი ოჯახის განმტკიცებას. ასეთად გაუჩნდა ხეჩატურ ჩაიფხანოვის ქალი შუშანა.

უეჭველად დამახასიათებელ საყოფაცხოვრებო ფერებშია მოცემული ჩაიფხანოვის ოჯახში წარმოებული შუამავლობა შუშანას როსტომზე გათხოვების შესახებ. პოლოს კარაპეტიჩის მაცდური განდობა, რომ როსტომს მოსწონს შუშანა: გაიანეს (დედა შუშანასი) მეცადინეობა, რომ ტაბლაძემ მისი ქალი რუსული სიყვარულით შეირთოს (ე. ი. უმზითვოდ), რადგან როსტომს უყვარს, ეს კი გაიანეს „ქაღალდებმაც უთხრა“. ამის საპასუხოდ მეტად კარგია პოლოს კარაპეტიჩის მიერ როსტომ ტაბლაძის დახასიათება: „შენ როსტომ იავორიჩი არ გიცვნი, — ეუბნება პოლოს კარაპეტიჩი გაიანეს, — იმან ქალი არავინ უყვარს, იმან ფული უყვარს. იმან სომხური კაცია, სხვა ქართველი კაცივით ქარი-მარი არ არის... ფულის ყადრი იცის“<sup>10</sup>.

პოლოს მიკირტიჩის ეს დახასიათება სწორია. ქართველი თავადაზნაურობის ერთმა ნაწილმა მოინდომა თავისი შერყეული მდგომარეობის გამოსწორება ფულიანი ვაჭრების ქალთა შერთვით. ეს მოვლენა დამახასიათებელი შეიქმნა განსაკუთრებით XIX საუკუნის მეორე ნახევარში, როდესაც დამშეული თავადაზნაურობა ეძებდა ფულს, ცხოვრების წყაროს და არა ცოლს — ამხანაგს. როსტომის მსჯელობა: „თუნდა გონჯი იყვეს, ოღონდ ბევრი ფული ჰქონდეს, ფულს ყველაფერი შეუძლიან და ქალიც. როგორც უნდა იყვეს, რას მომცემს, ან რას წამართმევს“, — ჩვეულებრივი იყო მაშინდელი თავადაზნაურობისათვის.

ცოცხლადაა გადმოცემული შუშანასა და გაიანეს შორის უსიამოვნობა გათხოვების გარშემო. შუშანა თხოულობს მშობლებმა ფული არ

<sup>10</sup> ანტ. ფ უ რ ც ე ლ ა ძ ე, მართა, გვ. 31.

დაზოგონ, მოახერხონ, რომ ის კნიაზ ტაბლაძემ შეირთოს. კარგია სცენა პოლოს კარაპეტიჩის მაჰანკლობისა, მისი ვაჭრობა მზითვის შესახებ როსტომ ტაბლაძეთან. ეს ორი გაქნილი კაცია, ერთმანეთის ზრახვა უსიტყვოდაც ესმით, შეხედვაც კი საკმარისია, რომ გულის წადილს ერთმანეთს მიუხვდნენ. ახალმა ცხოვრებამ წარმოშვა ასეთი ხასიათები. პოლოსა დაიწყებს სამასი თუმნიდან, როსტომი ათასიდან. ერთმანეთის მოტყუებით ხანგრძლივი ვაჭრობის შემდეგ როსტომი დათანხმდება შვიდას თუმანზე, ხოლო „იმ პირობით, რომ რვაასი თუმანი დასწეროს და არავინ იცოდეს, რომ რვაასი არ მიუცია, თორემ ქვეყანა, ვინ იცის, რას იფიქრებს: სომხის ქალი შეირთო, გვარი დაამცირა და მზითვეიც რიგიანი ვერ აიღოვო“<sup>11</sup>.

ღიახ, აქაც ანტ. ფურცელაძე მოხდენილად შენიშნავს იმ ცრუ თავ-მოყვარეობას, რომელიც ახასიათებდა გაღარიბებულ თავადაზნაურობას. თავადაზნაურობის ამ ნაწილმა შეჯიბრი გამართა—ვინ უფრო მეტად გაჰყიდდა თავის თავს და შერჩენილ გვარისშვილობას.

ამბობენ „კოკა წყალზე გატყდებო“, როსტომის საქმიანობა და ბედნიერებაც ამ ფულის აღებაზე წახდა. როსტომის საქციელით მოთმინებუ დაკარგულმა ხალხმა მიართვა მთავრობას მასზე საჩივარი. „ქალღალღში იყო მოხსენებული, ვითომც როსტომ ტაბლაძეს ჰყვანდა გუნდი ქურდებისა და ავაზაკებისა და აცარცვინებდა ჩუმით ხალხსა, ნახევარს თითონ იღებდა და ნახევარს იმათ უყოფდა და ჰმალავდა ჰმართველობისაგან ამ ავაზაკებსა და სხვა მართლებს იჭერდა და აბრალებდა იმათ ყველაფერსა და ახდევინებდა; იყო მოხსენებული, რომ როსტომ ტაბლაძე უქრთამოდ ერთი ნევისის დანაფასევს საქმესაც არავის ურიგებდა... რომ ტაბლაძის ბრძანებითა და დასტურით ჰხოცავდნენ და ახრჩობდნენ ქურდები და ავაზაკები იმათ, რომელნიც შეუტყობდნენ მას ავკაცობასა და უპირებდნენ გაცემას... რომ ტაბლაძე აპარებდა ყველა დაჭერილს ამ გუნდიდამ ავაზაკსა, და კიდევ, ვინ იცის რაები არა“<sup>12</sup>. ანტონ ფურცელაძის დროს თანამდებობის ასე ბოროტად გამოყენება დამახასიათებელი იყო მრავალი მოხელისათვის, განსაკუთრებით დეგრადაციის გზაზე დამდგარი კლასის გაჩინოვნიკებული წარმომადგენლისათვის; რომლის სახესაც მწერალი როსტომ ტაბლაძეში იძლევა.

დაინიშნა გამოძიება და, რაკი როსტომი ერთი წაქცეული ნახეს, „ცულისანიცა და უცულოც“, როგორც იტყვიან, ყველა მას მისდგა. შევიდა როსტომზე საჩივარი საჩივარზე, დაუწყეს მას წინ და უკან თრევა. გამოძიება ცუდად დატრიალდა. გამოაშქარავდა მისი „საქმენი საგმირონი“. როსტომი ძალიან დაბლუნძეს. მას ვერ უშველა იმ მდგომა-

<sup>11</sup>ანტ ფ უ რ ც ე ლ ა ძ ე, მართა, გვ. 52

<sup>12</sup> ი ქ ვ ე, გვ. 57.

რეობამაც კი, რომ ქრთამების თანაზიარად უფროსი ჰყავდა. გამომძიებელი სასტიკად ეკიდებოდა მას.

მიუხედავად ამისა, როსტომი არ დაიბნა. კარგადაა მოცემული როსტომ ტაბლამის დიდ უფროსთან მისვლა, თავის შევედრება და ქრთამის მიცემა. ტაბლამემ ხსნის კარი კვლავ გამონახა, გათავისუფლდა.

თავისი „მოგებული“ ფული ამ დროისათვის უკვე შემოაკლდა. ახალი ადგილის შოვნას ფული უნდოდა. იცის, რომ არსებულ წყობილებაში უფულოდ არაფერი კეთდება. ამიტომ მიმართა თავის გლეხებს. შეაწერა ორასიოდრე თუმანი, ეს ფული გაუგზავნა ვისაც ჯერ იყო და მიიღო უფრო უკეთესი ადგილი.

აქაც ავტორი, მართალია, პუბლიცისტიკაშია გადავარდნილი, მაგრამ საკმარისად მკვეთრად ახასიათებს იმ დროის წყობილებას, მის გახრწინლებას. ამით თავისი ეპოქის პროგრესულ განწყობილებასაც, რა თქმა უნდა, მკვეთრად ამჟღავნებს.

როსტომს ახალ ადგილზეც აუჯანყდა ხალხი. მადა იმის დაუოკებელი აღმოჩნდა, და როცა მისი მწყალობელი უფროსი გადაიყვანეს, როსტომმაც გადაწყვიტა სამსახურისათვის თავი დაენებებინა. საბოლოოდ ერთს კარგ თანხას კიდევ გაჰკრა კლანჭი და მიაშურა თავის მამაპაპეულ მამულს.

აქ იწყება ბატონსა და ყმას შორის გამწვავებული ურთიერთობის ასახვა. როსტომმა ჩამოიშორა გზიდან ქვრივი რძალი, გამოუცდელი ძმისწული დავეითი სასწავლებლად გაგზავნა და დაიწყო სოფლისა და გლეხობის მართვა თვითნებურად.

როსტომს, ავტორის დახასიათებით, „კარგად ახსოვდა, რომ ყმა სულს იქით ბატონს ეკუთვნოდა, ახსოვდა ეს და კიდევ სარგებლობდა ამითი... დაბრუნდა თუ არა როსტომი შინა, სახლისა და მდგომარეობის მოსაწყობად შეაწერა გლეხკაცებს ფული. ამოდენა ფული იმათ ჯერ არსად შესწეროდათ და კიდევ გაუჭირდათ ამისი შოვნა. გლეხკაცები აგვიანებდნენ ფულის გაღებას. როსტომი დიდხანს არ ელაპარაკა იმათა და მალე უჩვენა თავისი ძალა. იმან ჩაუყენა „ზეკუცია“. „ზეკუციამ“ იჩინა თავი. გლეხებს დააყენეს ის დღე, რასაც სრულებითაც არ შოელოდნენ. ბევრი იმათგანი თავის წინააღმდეგობისათვის დააწვინეს როზგს ქვეშა, ბევრი ჩაჯდა იმისთანა ალაგასა, სადაც ჯერ არა მკლარიყვნენ, ბევრი გაიგზავნა რამდენიმე წლობით სხვადასხვა ციხეებში სამუშაოთა. გამოურეკეს საქონელი, გამოიტანეს ქონება და დაუსყიდეს ვალში“<sup>13</sup>.

მართლაც, უტყუარი სურათია ბატონისა და ყმის დამოკიდებულებისა. როსტომის დაბრუნებისთანავე გამწვავდა ურთიერთობა იმათსა და გლეხებს შორის.

<sup>13</sup> ანტ. ფ უ რ ც ე ლ ა ძ ე, მართა, ვვ. 5—6.

როსტომის მისწრაფება მამულის მიმართაც იგივე გამოდგა, როგორც ფულის მიმართ. მან განიზრახა თავისი მამულის გადიდება და მით ძალაუფლების ხელში ჩაგდება. ამიტომ მოინდომა მეზობელი და ნათესავი მემამულეების დაჩაგვრა. „საცა კარგი მიწები ჰქონდათ, — აგვიწერს ავტორი, — იმან (ე. ი. როსტომმა.—მ. ზ.) წაართვა; მერე დაუწყოთ რთმევა საუკეთესო ხოლადუნებისა და შემდგომ წაართვა უკეთესი ვენახებიცა, სადაც ძალზე დაუდგებოდნენ, იქ როსტომის კაცები და მსახურები ცემით ტყავს აძრობდნენ; თუ გაბედავდნენ საჩივარსა. მაშინ ხარჯის მეტს სამართალს ვერ ჰხედავდნენ... ისე გაუჭირა საწყალ ბიძაშვილებს საქმე, რომ ცხადად ისინი ველარ დადიოდნენ ტყეში. როსტომმა ესევე დღე დააყენა სხვა ამაზე უფრო ფხიან მეზობლებსაც, მიიმძღავრა ცოტ-ცოტათი იმათი მამულები, ტყე და სხვა. ესეც დამახასიათებელი შტრიხია დარღვეულ თავადაზნაურთა წრისა. უფრო შეძლებული, განსაკუთრებით დიდ მოხელეებთან მიღებული, ცდილობდა თავისი დაწვრილებული ბიძაშვილები და მეზობლები თანდათან ისევე დაემონავეებინა, როგორც გლეხკაცობა. მათ ხშირად გაიშინაყმებდა ხოლმე. კარგადაა მოცემული „მართაში“ ამ პრივილეგირებული წოდების რღვევის პროცესში ეს შინაური ბრძოლა.

მაგრამ ყურადღების ცენტრი ავტორს გადმოტანილი აქვს გლეხკაცობის შევიწროებაზე. გლეხკაცობა და როსტომს შორის ურთიერთობა თანდათან მწვავედება. როსტომი დაიგეშა, სულ თავისკენ მიითლის. გლეხკაცობა როსტომს ისე წარმოედგინა, როგორც საწველი ფური და საკრეჭი ცხვარი. არავითარი პასუხისმგებლობა, არავითარი ვალდებულება მათდამი მასში არ იყო.

როსტომი არა მარტო გარეშე გლეხკაცებს აწიოკებს, არამედ შინაყმასაც გაუგონარი უკაცობით ეპყრობა.

მისი შინაყმა სოსიკა, ბატონისაგან ოჯახს მოგლეჯილი, ერთგულად ემსახურებოდა მას ბავშვობიდან, ჯერ ქალაქში და შემდეგ, როცა როსტომი ოჯახობით სოფლად გადასახლდა, იქაც. სოსიკას შეუყვარდება ქალბატონ შუშანას მოსაპსახურე მართა; ეს უკანასკნელი ხეჩატურ-ჩაიფხანოვმა ერთ თავადს მძებარ ძალღში გაუცვალა (ბატონმა ამ ძაღლში ჩაიფხანოვს ერთი ურემი პურიც ზედ დაუმატა).

მართამ თავისი სანდომიანი გარეგნობითა და ზნეთი მიიზიდა ახალგაზრდა სოსიკა. „მართა ამას თავის მდგომარეობით თითქო აგონებდა თავის ვითარებასაც და სოფელსაც, რომელსაც ამდენი ხანია დაამორა ბატონმა“. მათ შეუყვარდათ ერთმანეთი.

მართალია, რიტორიკულადა და შაბლონურადაცაა აწერილი სოსიკას მართასთან დაახლოება, მაგრამ სიმართლესთან კი უდავოდ ძალიან ახლოა (სოსიკას მართასთან დაახლოება მოგვაგონებს დან. ჭონქაძის

„სურამის ციხიდან“ დურმიშხანისა და ვარდუას და აგრეთვე ნოდარისა და ნატუას დაახლოება-გამიჯნურებას). საერთოდ, უნდა ითქვას, რომ ანტ. ფურცელაძის ამ ნაწარმოებს დან. ჰონჭაძის „სურამის ციხის“ გავლენა ეტყობა როგორც იდეურად, ისე სტილურადაც. გარდა ზემოაღნიშნულისა, სოსიკას მიერ როსტომისა და მისი ცოლშვილის ამოწყვეტაც მათ შორის მსგავსებას გვიჩვენებს.

მაღე სოსიკასა და მართას შორის ურთიერთობა გამომკლავნდა. შუშანა საშინელმა სიბრაზემ აიტანა. დატუქსევა, ლანძღვა-გინება, ხელით შეურაცხყოფა — ქალბატონმა არაფერი არ დააკლო მართას. მართა იდგა გაჩუმებული, გამართლებასაც კი ვერ ბედავდა. როცა შუშანამ ეს ამბავი როსტომს გადასცა, უკანასკნელმა, ავეწერს ავტორი, — „არც აცივა, არც აცხელა, სოსიკა წააყვანიან ჩასტში და დააწვინა როზგ ქევშ. სოსიკა სულ გაკმენდილი და გულშემამარებული წვებოდა როზგ ქევშ, რაკი ატყობდა რომ ვერც ძალით და ვერც ნებით ამ თავის მოსაკლავს სირცხვილს ვერ ასცდებოდა. ის ჩუმად, საღმრთო ცხვარივით დაწვა. დიდი ხანია სდიოდა ამას ტანიდან თქრიალით სისხლი, სახე მთლად გაულურჯდა, ძარღვები გაემსო სისხლითა, ხორცისა და ტყავის ნაფლეთები ასდევდნენ წვეპლის წვერებსა, თვალები ჩაუსისხლდნენ და სოსიკამ არც ერთი კრინტი, არც ერთი ხმა არ ამოუშვა პირიდან. ბატონი ელოდა სოსიკას თხოვნასა, მაგრამ სოსიკა ელოდა ბატონისაგან სიკვდილს. იმას აღარ უნდოდა ამ სირცხვილიდამ ცოცხლივ ადგომა. სოსიკა თითქმის უგონოდ აუშვეს როზგიდამ, როსტომმა აღუქრძალა მას იმის სახლში შესვლა“<sup>14</sup>.

ასეთი იყო სინამდვილეში ბატონის დამოკიდებულება ყმისადმი! გლახი—ყმა ბატონის ხელში საკუთარი საგანი იყო, რომელიც ყველაზე მცირედ ფასობდა. ანტ. ფურცელაძე ბატონყმობის ურთიერთობის დახატვაში, უდავოდ, დიდ რადიკალობას იჩენს.

შეურაცხყოფილი სოსიკა უილაჯოა. არ იცოდა რა გზა გამოენახა. ფიქრი ფიქრზე მოსდიოდა, არეული გონება უფრო ემღვრეოდა. აღელვებული და აღშფოთებული სისხლი ტეინში სცემდა და შერცხვენილი თავმოყვარეობა არ აძლევდა მოსვენებას. ის თხოულობდა „სისხლსა და ზღვეასა შერცხვენისა და დამცირებისათვის. სოსიკა გადაწყვეტს მოკლას როსტომი: „მანც თავი მაქვს გადადებული და სასიცოცხლო აღარა ვარ და ბარემ ერთი ჯავრი ვიყარო, დავლიო ერთი მუჰა სისხლი ჩემი მკვლელისა...“<sup>15</sup>

სოსიკა მოინდომებს როსტომის მოკვლას. ჩაუსაფრდება, მაგრამ როცა როსტომი გამოივლის, ვერ მოახერხებს თოფის სროლას, ნებისყოფა არ ყოფნის.

<sup>14</sup> ანტ. ფურცელაძე, მართა, გვ. 107—108.

<sup>15</sup> იქვე, გვ. 110.

დამახასიათებელია იმ დროის გლეხისათვის — ყმისათვის მასობრივად, განსაკუთრებით კი ოჯახში მოსამსახურედ გაზრდილისათვის, ასეთი უნებისყოფობა. როსტომმა სოსიკას სხვაც ბევრი შევიწროება მიაყენა.

ასეთი იყო „კანონიერი“ ყვლეფა უფლებააყრილი გლეხისა. მწერალი აქაც მართალ სურათს იძლევა.

სოსიკამ კვლავ მოინდომა როსტომის მოკვლა. ჩაუსაფრდა, მაგრამ ახლაც ააციდინა. განა მართო სოსიკა იყო ამ მდგომარეობაში?! ავტორს უნდა მკითხველს დაანახვოს, რომ ბატონსა და გლეხს შორის ურთიერთობა ძალიანაა გამწვავებული და გლეხკაცობა მასობრივად და სტიქიურად ამხედრებულია ბატონის წინააღმდეგ. ბატონის სუსხის შესასუსტებლად, მოგვითხრობს ავტორი, — „ბევრჯელ ეცადნენ გლეხები საჩივარსა, ეგება საღმე მანც ვიპოვოთ სამართალი, სიღარიბისა და შიმშილისაგან სულები არ ამოგვხდესო, ბევრჯელ შეეცადნენ, მაგრამ ყველგან და ყოველთვის იმათი ბატონი გამოდიოდა მართალი. ბოლოს იქამდის გამართლდა როსტომი, რომ ისინი, ვინც გლეხებს ქაღალდებს უწერდნენ, ცრუ საჩივრების წერისათვის გადაასახლეს საცალას შორს გუბერნიასი. ამასთან მოუვიდათ ბრძანება ნაჩალნიკსა და დიაშვეგს, რომ მოეყვანათ როსტომ ტაბლადისათვის მონებაში იმისი ყმები. გლეხკაცებმა იფიქრეს თავისით გამოენახათ სამართალი, მაგრამ რამდენჯერაც დააპირა ვინმემ: ზოგს მოუცდა სოსესავით, ზოგს შეეშინდა ერთი ბატონის დანახვაზედ, ზოგმა ვერ მოახერხა და ამრიგად ყველას გადურჩა როსტომი“<sup>16</sup>.

აშკარაა ავტორის რადიკალური შეხედულება ბატონყმობის უმსგავსობის წინააღმდეგ. ცხადია, ავტორი მთელი თავისი სიმპათიებით გლეხკაცობისკენაა. ანტ. ფურცელაძე თავის აღწვფოთებას მებატონის საქციელისადმი მაშინაც გვიჩვენებს, როცა აღწერს სახელმწიფოებრივი აპარატის სამსახურს პრივილეგიური კლასის მიმართ.

როსტომმა გლეხობა ურჩობისათვის დაასჯევინა. ჩააყენა ეგზეკუცია. „ყაზახები და იასაულები, — მოგვითხრობს ავტორი — უწყალოთ უცივიდებოდნენ გლეხკაცებს სახლებში, ვისაც მოასწრებდნენ, მათრახებით გამოქონდათ და გამოჰყავდათ, რასაც ვინმეს უპოვინდნენ. ვისაც შეეძლო, გაასწრო მინდორსა და ტყეში და დააგდეს სახლები მართოდედაკაცების ამარა... იმათი ფიქრი და გონება იყო მიპყრობილი სოფელზედ და მუშაობისათვის იმათ არ სცხელოდათ. ყოველ ამბავზედ, რომ ამა და ამის მამა დაიჭირეს, ამა და ამის მამა შეჰკრეს და გაგზავნეს, ამა და ამის დედასა, რძალსა ან ცოლსა სცემეს ყაზახებმა და იასაულებმა, ამა და ამის სახლი სულ აიკლეს, ყველას უღუღღებოდა გული და არ იცოდნენ რა ექნათ“<sup>17</sup>.

<sup>16</sup> ანტ. ფურცელაძე, მართა, გვ. 147.

<sup>17</sup> იქვე, გვ. 148—149.

ასეა დანახული მწერლის მიერ სინამდვილე. უეჭველად რეალურ ფერებშია მოცემული გლეხკაცის მდგომარეობა. გაიტანჯა სოფელი. ყველაფერს ხომ საზღვარი აქვს. სოფელმაც დაკარგა მოთმინება. მასში იღვიძებს შურისძიება. ჩნდება აქტიური ბრძოლის დასაწყისი ძალა. რადგანაც გლეხთა დაწიოკებას ბოლო არ ეღება, სეხნიასა და ნინიკას გაღვინით, სოფელი შეთანხმდება, რომ როსტომი მოკლან. როსტომს ზურგს უმაგრებს სახელმწიფო აპარატი — დიამბეგი „პერეოჩიკით“ და ჩათარ-ყაზახებითა. გლეხობა განადგურების პირზე იყო. შეწუხებულებმა გადაწყვიტეს როსტომის თავიდან მოშორება. მწერალი კარგად ხატავს, რომ გლეხები, მიუხედავად მტკიცე განზრახვისა, მაინც ვერ ახირებენ სისრულეში მოიყვანონ თავიანთი დადგენილება.

შეთქმული გლეხები გადაწყვეტენ „ჯათვის საბუღარაში“ ჩაუსაფრდნენ და „ბატონს ბოლო მოუღონ“. ბევრს ემზადებოდნენ გლეხები. ბოლოს არჩევენ, ორი უცოლო გამწარებული გლეხისათვის, სოსიკასა და დათიასათვის მიენდოთ ამ გადაწყვეტილების სისრულეში მოყვანა. მაგრამ როსტომის დანახვა ჩასაფრებულებს შიშის ზარსა სცემს. განზრახვა სისრულეში ვერ მოჰყავთ. მხოლოდ ნინიკასა, სეხნიასა და მართას თავგანწირული დახმარებით ახერხებენ ღამით როსტომს სახლში შეუცვიდნენ. მოჰკლეს როსტომ, მიაყოლეს ცოლი და შვილები. ბუნებრივია, რომ ყმა, რომელიც ყოვლის შემძლე ბატონის სახლში დაცივნის და შეურაცხყოფის საგანი იყო, ასეთი შიშით ყოფილიყო შეპყრობილი და ბოლოს ასე სტიქიურად ამოქმედებულიყო.

„მართაში“ ანტ. ფურცელაძემ დაგვიხატა ჯერ კიდევ ბატონყმობის უღელში მყოფი გლეხობა. მართალია, ანტ. ფურცელაძემ ეს მოთხრობა დაწერა მაშინ, როცა ბატონყმობა ყოფილ თბილისის გუბერნიაში უკვე გადავარდნილი იყო, მაგრამ ბატონყმობის სუსხიც მაინც მძვინვარებდა. ძველებური დამოკიდებულება ნაბატონარსა და ნაყმევს შორის გრძელდებოდა, აშიტომ მოთხრობა „მართას“ მაშინაც არ ჰქონდა დაკარგული სიმწვავე და დიდი საზოგადოებრივი მნიშვნელობა.

მწერალი გვიხატავს, რომ ასეთსავე მახინჯ პირობებში არიან ხიზანი ოსები. უკანასკნელთადმი ავტორი ისეთივე თანაგრძნობითაა გამსჭვალული, როგორც ქართველი ყმა გლეხებისადმი. ეს ახალი შტრიხია ანტ. ფურცელაძის მიერ შემოტანილი ქართულ ლიტერატურაში.

მწერლის აღშფოთება, ამ ინსტინქტით გამოწვეული, მეტ კომენტარებს აღარ ითხოვს!

ანტ. ფურცელაძისათვის, როგორც 60—80-იანი წლების ტიპიური მოაზროვნისათვის, გლეხის მდგომარეობის საკითხი ძირითადია. ამიტომ მას მწერალი ფართოდ აკვირდება, იძლევა მის მდგომარეობას არა მარტო XIX საუკუნეში, ბატონყმობის მძვინვარების ხანაში, არამედ წინა და შემდეგ პერიოდებშიც. ანტ. ფურცელაძე, ალბათ, ამას



აკეთებს იმათ საპასუხოდ, ვინც ამბობდა, რომ ბატონყმობას ძველი დროის საქართველოში კეთილი, მამაშვილური დამოკიდებულება ახასიათებდაო, ან ბატონყმობის გადაყარდნის შემდეგ გლეხი კაცად იქნა ცნობილი, დაბინავდა და თავისუფალ განვითარებას მიეცაო.

ანტ. ფურცელაძის გაგებით, როგორც საერთოდ ხალხოსნების შეხედულებითაც, გლეხკაცი უფლებააყრილი იყო ძველადაც, XVII—XVIII საუკუნეებშიც.

ანტ. ფურცელაძე თავის რომანში „მაცი ზვიტია“ ასე ახასიათებს გლეხთა მდგომარეობას სამეგრელოში (ავტორი, რასაკვირველია, მოვლენას აზოგადებს, სამეგრელოს აღწერისას მას მთელი საქართველო აქვს მხედველობაში): „ოდიშის გლეხკაცობის მდგომარეობამ უკიდურეს წერტილამდე მიაღწია, ცალკე ნიდაგ ძარცვამა და ცალკე თავადაზნაურობისა და მთავრის სახლის მათს კისერზე დაწოლამ ისინი სასოწარკვეთილებაში ჩააგდო. გლეხკაცობა სრული კუთვნილება იყო თავისი ბატონისა და მთავრისა. იმას უნდა შეენახა ესენი სულიან ხორციანათ. გლეხების ცოლები და ქალებიც ბატონებისა და მთავრის სრულს უფლებაში უფრო იყვნენ, ვიდრე ქმრისა და მამისაში. გლეხკაცი ითმენდა ყველა ამას უნებლიეთ. მაგრამ ყველაფერს ბოლო აქვს. ისინი უკიდურესობამდის მივიდნენ, მაგრამ მაინც კიდევ ამ მდგომარეობიდან გამოსვლის ღონეს ვერა ჰხედავდნენ“<sup>18</sup>.

ანტ. ფურცელაძე საკმარისად გამახვილებულად აგვიწერს ბატონის ყმისადმი დამოკიდებულებას მთელი რომანის მანძილზე. ავტორის გადმოცემით, გლეხკაცობა ძველადაც ექსპლოატაციის ობიექტი იყო. „ჩვეულება არ იყო, — აგვიწერს მწერალი, — რომ ოდიშის დიდკაცებს თვითონ მოეწივათ წლის საზრდო, ისინი ცხოვრობდნენ გლეხკაცის ხარჯზედ, რიგით უნდა ექმია ამათთვის გლეხკაცს პური, რიგით უნდა ეზიდნა დღიური საზრდო. უფრო ღარიბნი, რომელთაც ამგვარათ შენახვით ვერ აუვიდოდნენ თავისი გლეხები, ცდილობდნენ თვითონაც წლის სარჩოს დამზადებასა, მაგრამ ბევრი ყმა-გლეხის პატრონი არ იმცრობდა ასე თავს, რომ თვითონ ეზრუნა წლის საზრდოსათვის“<sup>19</sup>.

ამის შედეგი იყო ის თავაშვებული მოქცევა თავადაზნაურობისა, რომელსაც იჩენდნენ გლეხთა მიმართ ეს უკანასკნელნი. აგრეთვე, უსაქმოდ დარჩენილი, უზრუნველყოფილნი და სხვისი ოფლით გათქვირებული თავადაზნაურობა დაგუბებული ენერგიის გამოსავალს იმაში ლა ჰხედავდა, რომ ერთმანეთს ესეოდა, ექიშებოდა, სისხლსა ჰღვრიდა და გლეხობასაც ამ „მოღვაწეობაში“ ცხვრებსავით მიერეკებოდა. იღვრებოდა გლეხთა დაუკითხავად მათი სისხლი, წრიოკდებოდა მათი ქონება.

<sup>18</sup> ანტ. ფურცელაძე, მაცი ზვიტია, გვ. 129—130.

<sup>19</sup> იქვე, გვ. 131—132.

რომანში „მაცი ხეიტია“ ანტ. ფურცელაძე საკმარისი სიმბავილითა და დამახასიათებელი კოლორიტით იძლევა ფეოდალთა ქიშპობასა და სისხლის ღვრას. მთავრის ცოლი გურანდუხტი ამ სისხლის ღვრაში თავის ქმარს მთავარს ვამეყს აჭარბებს. ასევეა მანუჩარი და მისი მეუღლე კესარია — გარს შემორტყმული თავადაზნაურობით, მაგრამ ყველაზე მეტად ამ ქიშპობით დარბეულნი, განადგურებულნი გლეხები არიან.

მართალია ანტ. ფურცელაძე რომანში „მაცი ხეიტია“ ისტორიულ პერსპექტივის დაუცველად ჰშლის გლეხთა აჯანყებებს, ისტორიულ სინამდვილეს ვერ იცავს, მაგრამ ამ აჯანყებათა ერთ-ერთი მთავარი მიზეზი — გლეხთა უკმაყოფილება, მწერლის მიერ უდავოდ სიმართლითაა განპყრტილი. ამაშია ანტ. ფურცელაძის მსოფლმხედველობის უდავო რადიკალობა.

გლეხთა მდგომარეობა, რაც დრო გადიოდა, უარესდებოდა. კაპიტალიზმის განვითარება თანდათან არღვევდა ფეოდალურ მეურნეობას, ფეოდალებს ართმევდა საზოგადოებრივი ცხოვრების ასპარეზზე როლს, მნიშვნელობას, გავლენას. ახალი ყოფა მათ უფრო უღიზიანებდა ცხოვრების მადას. ისინი შინაარსეულად დაცლილნი, საფუძველ დაკარგულნი, ვნება აშლილნი თავდავიწყებით ეძლეოდნენ ახალ ცხოვრებას და მოთხოვნილებათა დაკმაყოფილების მთელი სიმძიმით აწვებოდნენ გლეხკაცობას.

გადავარდა ბატონყმობა, როგორც კაპიტალიზმის აუცილებელი მოთხოვნილება. მაგრამ გლეხი, ყოფილი ყმა ვერა და ვერ ამოვიდა გაჭირვებიდან. ახალი ეკონომიური ფაქტორის (კაპიტალიზმის) განვითარებამ, ცხოვრების ახალმა პირობებმა თვით გლეხთა შიგნით შექმნა დიფერენციაცია. გლეხკაცს მძიმე ტვირთად დააწვა არა მარტო მემამულე, ყოფილი ბატონი, რომლის საკუთრებად დარჩა მამული და რომლითაც ის სარგებლობს დიდის ექსპლოატაციით, არამედ მთელი სახელმწიფო თავისი დიდი მოთხოვნილებით.

თვით გლეხებში შიგნით გაჩნდა შეძლებულ გლეხთა ფენა, რომელმაც საშინელი ექსპლოატაცია დაუწყო თავისსავე მოძმე ღარიბ გლეხს, 70-იანი წლების დასაწყისიდან ხალხოსნები (თითქმის ყველა) აღნიშნავენ ასეთს დაჯგუფებას და მათ შორის გამწვავებულ ბრძოლას.

ამავე მოვლენას აღწერს ანტ. ფურცელაძეც 1871 წელს დაწერილ მოთხრობაში „ქიტესა“.

ამ მოთხრობაში ანტ. ფურცელაძე ჩვეულებრივი დაკვირვებითა და უშუალოდით აგვიწერს სახელმწიფო გლეხთა ცხოვრებიდან დამახასიათებელ ეპიზოდს. სოფ. ბრიყვეთიანში თანამდებობის პირნი სულ ამორჩეულნი იყვნენ მამულიანი გლეხების წრიდან. მართალია, არჩევის დროს უმამულო გლეხები ბევრს ეცადნენ თავიანთი კაცები გაეყვანათ,

მაგრამ მამულიანებმა დასძლიეს. ასე იყო, ვისაც ეკონომიური ძალა ჰქონდა, იმისკენ ჰქრიდა კანონიც.

ბრიყვეთიანში, ფოსტისა და სხვა სახელმწიფო გადასახადის გაწერის დროს, მოხელეებმა თანაბრად შეაწერეს იგი მამულიან გლეხებს, მაგ., ცეციაშვილს, რომელსაც თხუთმეტი დღის ნაფუზარი კარებზედა აქვს გადაჭიმული და ლარიბებსაც — მაგ., ქიტესა ნაცარკვევრადეს, რომელსაც აღარაფერი არ გააჩნდა. ამ უკანასკნელს ერთი ძროხა ჰყავდა და ისიც შიმშილით მოუკვდა. ქვეყნის დახმარებით და გამოდის.

უმამულო გლეხებმა: ბერო ბურტყლაძემ, ქიტესა ნაცარკვევრადემ, მოსე მწყერაძემ და სხვებმა სოფლის ამორჩეულებს პროტესტი განუცხადეს: „თავეს დავიხოცამთ და ჩვენი ცოცხალი თავით კი თქვენთან ხარჯს არ გავიღებთ“.

აღარ შეუძლიათ ამდენი ვაი-ვაგლახის ატანა ლარიბებს. ყველა ცდილობს მათი შრომით ისარგებლოს, „რჯულსაც გაგავდებინებთ და ისე გაიღებთ“ — მამულიანი გლეხების სახელით უპასუხებს უმამულოებს თვედორე ცეციაშვილი.

ილაგაგაწყვეტილი უმამულო გლეხნი ვეღარ ითმენენ. მოუვიდათ შეტაკება. დაიწყო ხელჩართული ბრძოლა. პატარა ხანს, — აგვიწერს ავტორი, — გაიმართა ძალიან კეტის ტრიალი, მაგრამ, რაკი იგრძნეს ცუდი ძალა მრავალის კეტით ცემისა და თავისი უძლურება, უმამულო ხალხმა ცოტცოტათ დააძვრინეს თავი ჩხუბს და მიიმაღ-მოიმაღნენ საბძლებსა და სხვა თავის მისაფარებელ ადგილებში.<sup>20</sup>

უმამულონი იცემნენ კიდევ. ქიტესა და მისი ცოლი მარინე მეორე დღეს სამი დღით სატუსალოშიც ჩაყარეს, ხუთი მანეთი ჯარიმა დაადეს და გადასახიდი მაინც თავისებურად შეაწერეს. ასეთია ძალმომრეობა სოფლად ახალ პირობებში! ასეთია კლასთა ბრძოლის დასაწყისი სოციალური გადაჯგუფების შემდეგ!

ცხოვრების კარგი ცოდნითაა გადმოცემული „ქიტესაში“ ამ უძლურ, ლარიბ გლეხთა „გაძალღებული“ მდგომარეობა, მათი ეკონომიური და უფლებრივი შევიწროება. არ იციან მათ, როგორ მოუარონ თავს, ვის მიმართონ, რომ ძალმომრეობისაგან ოღნავ მაინც თავი დაიფარონ. მათი გამკითხავი არ ჩანს.

მეტად მძიმეა ქიტესა ნაცარკვევრადის ოჯახის მდგომარეობა. ორი კვირაა ბავშვებს პური არც კი დაუნახავთ. მხლით-ლა აოკებს მარინე თავის დამშეულ შვილებს, და ეს მაშინ, როდესაც ორივე, ქიტესაცა და მარინეც არც უგონო და არც გაურჯელნი არ არიან. მაგრამ რა ქნან! სიღარიბე მათ არავითარ გასაქანს არ აძლევს.

არჩეული პირების გადასახადების გაწერით უკმაყოფილო ლარიბი გლეხები მოინდომებენ საშუალების გამონახვას, რომ როგორმე თავი

<sup>20</sup> ანტ. ფურცელაძე, ქიტესა, გვ. 5. აქ და ყველგან მითითებულია ამ თხზულების 1890 წლის გამოცემა.

გადაირჩინონ ასეთი ძალმომრეობისაგან. „მამულსაც ეგენი სკამენ, — ეუბნება მოსე მწყერაძე შეკრებილ ღრიბ გლეხებს, — და არც ხარჯის გაღება უნდათ. დეე თითო დღის მამული მოგვცენ და ჩვენც მაგათთან ყაბული გვაქ“.

აი რა ცოტათი კმაყოფილდებიან ღარიბები! მაგრამ მათ ვინა ჰკითხავს! ისინი ხომ ცხოვრების გერები არიან!

უმამულონი გადაწყვეტენ სამართალს მიმართონ. კარგად გაითვალისწინეს, რომ საგზაო ხარჯის შოვნა ძნელია მათთვის, მაგრამ ეს გაჭირვება, ეს უსამართლობა იმდენად მძიმე ლოდსავით აწევთ მათ, რომ გადაწყვეტენ ყველა წავიდეს ერთად, რომ უფრო შეაბრალონ თავი მოსამართლეს და დააჯერონ თავიანთ გაჭირვებაში.

ზოგიერთს საგზაო არამც თუ ხარჯები, ცარიელა პურიც არა აქვს. რომ წაიღოს. ასეთია ქიტესაც. მარინემ არ იცის, ვისა სთხოვოს ქმრისათვის საგზაო პური. მდიდარი მას არ გაიკითხავს, ღარიბებს ან თვითონაც არა აქვთ, ან არა და მარინესაგან ისედაც შეწუხებულნი არიან. მაგრამ რა გზაა, კიდევ უნდა შეაწუხოს მეზობელი!

მუქ ფერებშია აწერილი მარინეს მისვლა პურის ან ფქვილის სათხოვნელად მეზობელთან, რომელიც, უქონლობისა გამო, შესთავაზებს ქატოს, თუ მარინე როგორმე გამოიყენებს. მარინემ სიხარულით მიიღო ქატო, რომელიც, ავტორის განმარტებით, უფრო ჰგავდა მსხვილად დახერხილ ხის ნახერხს, ვიდრე ხორბლეულის რაიმე ქატოს. მარინემ არ უთხრა ქმარს, შინ რომ სამი ჯამი ქატო მოიტანა. იმან ჩუმად გამოაცხო ამ ქატოს ნაცარკვევები, ნახევარი მისცა სამგზავროდ ქმარსა და ნახევარი ჩუმად გამოუზოგა თავის პაწაწა შვილებს, რომელთაც ნამცხვარის დანახვაზე შეჰქმნეს ერთი სიხარული და ხტომა.

„—დელი! — დაუძახა პაწაწა გოგომ მარინეს, — აი სვიმონა ამბობს, რომ ხორცი უფრო გემრიელი არის ამ პურზედაო. ამაზე გემრიელი ხორცი როგორი იქნება?“

—იქნება, ღმერთმანი! — გუშინ დიაკვნიანთ ძალს მოეტაცა ხორცი. მე გავაგდებინე — და ისეთი გემრიელი იყო, ისეთი, რო, როგორც თაფლი იმითანა, — დაიწყო პატარა სვიმონამ<sup>21</sup>.

თავბრუნდამსხმელია მოცემული სინამდვილე! „ქიტესა“ მართლაც შეუფერავი სურათია ღარიბი გლეხის ცხოვრებიდან ამოღებული ბატონყმობის გადავარდნის შემდეგ. ანტ. ფურცელაძის შემოქმედებაში ეს ნაწარმოები ყველაზე მეტი უშუალობითა და ემოციონალობითაა დაწერილი.

ღარიბ გლეხთათვის არაა არც გზა, არც კვალი. ერთი კვირა უტრიოლეს მათ და ძლივს მოახერხეს თავმჯდომარის ნახვა და ისიც თურმე მისთვის კი არ უნდა მიემართათ, არამედ მაზრის მოსამართლისათვის,

<sup>21</sup> ანტონ ფურცელაძე, ქიტესა, გვ. 11.

რომელმაც შემდეგ გლეხებს მაზრის უფროსზე მიუთითა. ცოცხლადა მოცემული უფლებააყრილი, გზაკვალ უცოდინარი გლეხის მდგომარეობა!

ბევრი ხეტიალის შემდეგ გლეხები ძლივს ეღირსნენ მაზრის უფროსის ნახვას და უკანასკნელის დაპირებას—„გამოვიძიებ“-ო.

მაგრამ გადასახადის შემდეგი გაწერის ღროს ისეთივე მდგომარეობა რჩება.

მოთხრობა „ქიტესა“ მთავრდება თავზარდამცემი გარემოებით, რომელიც შედეგია გლეხის ასეთი მძიმე და უფლებააყრილი მდგომარეობისა. ქიტესას და მარინეს მდგომარეობა თანდათან უარესდება. ისინი იძულებული არიან თავიანთ 14—15 წლის ქალი მარო მოსამსახურედ დააყენონ ბატონის — მემამულის ოჯახში.

გამოუვალი და თავზარდამცემია ქიტესასა და მარინეს მდგომარეობა, როცა მათი ქალი მარო ბატონისაგან გაწბილებული ქვითინით დაბრუნდება სახლში: „მარო შემოეხვია მარინეს მუხლზედ, — გადმოგვეცემს ავტორი — და შესტიროდა განწირულებით: — „მამკალი, დედილო! რაც გინდა მიყავ“. ქიტესა გაეარდა სახლიდამ — „წავალ! — იძახოდა ის, — ხელმწიფესთან წავალ... ღმერთამდინ ვივლი, ღმერთამდინა! რალათ მინდა ქვეყანაში თავი ცოცხალი“... მაგრამ არც ერთთან ქიტესას გზა არა ჰქონდა. საღამოთი დაბრუნდა შინ არყით ძალზე გამომთვრალი. მარინეს უკმაყოფილებაზე განადგურებული ქიტესა მწუხარებით შეჭბდავლებს: „მა რა ვქნა დედაკაცო! რატო არ მეტყვი... მა რა ვქნა, რო არც კი დავლიო? როგორ გაუძლო ამდენ დარდას!...“<sup>22</sup> და ქიტესას ეს უილაჯო გმინვა მძიმე ლოდად აწვება არა მარტო მარინეს გულსა და ტვინსა, არამედ მკითხველისა და თვით მწერლისასაც.

ანტ. ფურცელაძე თავის შემოქმედებაში უფრო მეკლევარია, სოციოლოგია, ვიდრე მხატვარი და ესეც ხომ ხალხოსნებისათვის დამახასიათებელი იყო.

დიახ, ავტორი ახლო მიდის გაჭირვებული გლეხის ცხოვრებასთან. სინამდვილით აგვიწერს ამ ცხოვრებას. თვითონ თანაგრძნობით ეკიდება დამცირებულს, შეუარაცხყოფილს. მაგრამ დამახასიათებელი ის არის, რომ ანტ. ფურცელაძე ამ დაჩაგრულებს უბედურად ათავებინებს ცხოვრებას, პერსპექტივას არ აძლევს. ეს შედეგია იმისა, რომ ანტ. ფურცელაძის შეხედულებები მუდამ მერყევია, წვრილბურჟუაზიულ ფსიქოიდეოლოგიას ვერ გასცილდა.

#### 4

ანტ. ფურცელაძის ეპოქა, ე. ი. 60—90-იანი წლები ცნობილია ეროვნული საკითხის გამახვილებულად წამოყენებით. მეფის ბიურო-

<sup>22</sup> ანტ. ფურცელაძე, ქიტესა, გვ. 39.

კრატული რეჟიმი ხალხის ასიმილაციის, „გარუსების“ პოლიტიკას აწარმოებდა. მეფის მთავრობა საქართველოს და საერთოდ განაპირა ქვეყნებს ისე უყურებდა, როგორც თავის კოლონიას. ასეთმა პოლიტიკამ შექმნა რუსეთის შიგნით მყოფი მცირე ერების წინააღმდეგობა. 60-იანა წლებიდან ჩვენმა თერგდალეულებმაც ილია ჭავჭავაძემ, აკაკი წერეთელმა, სერგეი მესხმა, გ. წერეთელმა და სხვ. დაიწყეს ეროვნული წინააღმდეგობის გაღვივება, ეროვნული აღორძინება როგორც მხატვრული სიტყვით, ისე კრიტიკა-პუბლიცისტიკითა და პრაქტიკული მოღვაწეობით.

მთლიანი პოლიტიკური საქართველოს შექმნის იდეამ თერგდალეულთ შეაქმნევინა ეროვნულ-გამანთავისუფლებელი ბრძოლის ფრონტი. ვინაიდან ეროვნულ საკითხზე წერას მეფის ცენზურა სასტიკად სდევნიდა, თერგდალეული მწერლები ხშირად სარგებლობდნენ სხვადასხვა ალეგორიებით (იხ. ახალი ქართული ლიტერატურა, ტ. II), ამავე მიზნით იყენებდნენ საქართველოს წარსულს. საქართველოს წარსული ცხოვრების შესახებ თერგდალეულნი წერდნენ პოემებს, სადაც მკითხველს საქართველოს წარმოუდგენდნენ მთლიანს, შეთანხმებულს. ამით უნდოდათ ქართველ მკითხველში გაეღვივებინათ ეროვნული თვითშეგნება. თერგდალეულებს წარსულის დახატვით უნდოდათ არა წარსულის სინამდვილის მოცემა, არამედ მომავლის სურათის ჩვენება, როგორც ამას ამბობს ილია ჭავჭავაძეც „ქართულის დედა“-ს შესავალში: „მყოზადს ავხანდე ერთი კუთხე დიდის ფარდისა და ეს ვიხილე—მომიტევე მე სითამამე“. თვითონ პოემის სათაურს ფრჩხილებში ასეთს განმარტებას უკეთებს: „სცენა მომავალი ცხოვრებიდან“.

თერგდალეულნი მეტად გამახვილებულად აყენებდნენ ეროვნულ საკითხს, გამახვილებულად აჩვენებდნენ მკითხველს ეროვნულ ჩაგვრას, მაგრამ, იმას კი არ არკვევდნენ, თუ რამ გამოიწვია საქართველოს ასეთი დაბეჩავებული მდგომარეობა, რამ შეუწყო ხელი საქართველოს დასუსტებას.

ანტ. ფურცელაძე თერგდალეულებისაგან ამ მიმართულებით, უღვაწოდ, განსხვავდება.

მან, როგორც სხვა ხალხოსნებმა, მოინდომა ისტორიის უფრო ღია თვალით გადახედვა და საქართველოს დაქინების მიზეზის გამონახვა.

ზემოთ განხილული საკითხიდან და ნაწარმოებებიდან აშკარაა, რომ ანტონ ფურცელაძე უარყოფითად ეკიდება თავადაზნაურობას, როგორც წოდებას. ის ხედავს, რომ ეს წოდება თუ კლასი ისტორიას ჰბარდება. მართლაც ეს ასეა. კაპიტალიზმის განვითარებასთან ერთად ფეოდალურმა კლასმა თანდათან დაკარგა ძალა და გავლენა. ფეოდალურ წოდებაში იქმნება შინაგანი ფენები: შეძლებული — თავადი, ხელმოკლე

—აზნაური. ამ ეკონომიური უთანასწორობის ნიადაგზე იქმნება ბრძოლა ძალისა და გავლენისათვის. ეს ბრძოლა, ანტ. ფურცელაძის შეხედულებით, მკვეთრადაა გამოჩეკავებული XVI საუკუნეში. დამოუკიდებელი ეროვნული განვითარების იდეა, ანტონ ფურცელაძის გაგებით, იწყება გიორგი სააკაძის მოღვაწეობით. გიორგი სააკაძის სახე ანტ. ფურცელაძეს ჯუზეპე გარიბალდის მოღვაწეობით უცხოველდება. გიორგი სააკაძე და ჯუზეპე გარიბალდი, ანტ. ფურცელაძის შეხედულებით, იყვნენ ნამდვილი ეროვნული იდეის დიდი გმირები.

ანტ. ფურცელაძის გაგებით მაღალი ფეოდალური არისტოკრატია მიზეზია ქვეყნის დარღვევისა, დაკნინებისა. ამ თვალსაზრისითაა შეფასებული ბრძოლები დიდ ფეოდალთა შორის რომანში „მაცი ხვითია“. ამავე თემაზეა გაშლილი ანტ. ფურცელაძის ტრაგედია „დიდი მოურავი“ ანუ „გიორგი სააკაძე“ და აგრეთვე ისტორიული ნარკვევი „ბრძოლა საქართველოს მოსასპობად და საქართველოს შესაერთებლად ანუ გიორგი სააკაძე და მისი დრო“.

ანტ. ფურცელაძის შეხედულებით, თუ ქართველმა ხალხმა ვერ შექმნა ძლიერი პოლიტიკური მართველობა, ეს სულ მაღალი ფეოდალური წოდების—დიდგვაროვანთა ბრალია. მეფის ძალის განმტკიცებაში, პოლიტიკურად მთლიანი საქართველოს შექმნაში დიდგვაროვანნი ხედავდნენ თავის დასუსტებას, ამიტომ ყველა ღონისძიებას ხმარობდნენ მეფის ძალის შესასუსტებლად. საქართველო დანაწილებული იყო ფეოდალთა შორის. ავტორი, როგორც ტრაგედიაში „დიდი მოურავი“, ისე ისტორიულ ნარკვევში „გიორგი სააკაძე და მისი დრო“ გამახვილებულად ხატავს მეფის სასახლეში წარმოებულ საშინელ ინტრიგას, ფეოდალთა დაბალი გრძნობით გამოწვეულს, ლუარსაბ II და თეიმურაზ I წინააღმდეგ. ეს თავადნი არიან, რომ მეფეს არ უწყობენ ხელს და გარეშე მტერთან ერთად შიგნით თვითონ ერთიერთმანეთზე ამხედრებულები, ყლეტენ ქართველ ხალხს.

სამაგიეროდ, მეფის ძალის განმამტკიცები, პოლიტიკურად მთლიანი საქართველოს იდეის მაძიებელი და განმახორციელებელი საქართველოს ისტორიაში, ანტ. ფურცელაძის აზრით, ხალხია — გლეხობა და წვრილი აზნაურობა, რომლის მისწრაფებათა გამომხატველია გიორგი სააკაძე.

გიორგი სააკაძის ისტორიული როლის ღირსეული შეფასების თუ ჩვენების მიზნით მკვლევარმა თუ მწერალმა—მხატვარმა უსათუოდ ნათლად უნდა გაითვალისწინოს საქართველოს XVI-XVII საუკუნეთა სოციალურ-ეკონომიური და პოლიტიკური მდგომარეობა. სააკაძის პოლიტიკა, საქართველოს მომავალი პერსპექტივების თვალსაზრისით, თუმცა პროგრესულია, მაგრამ მან განიცადა დამარცხება (თვითონ სააკაძე კი დაიღუპა), რადგანაც სააკაძის დროის საქართველო ჯერ კიდევ არ იყო

მომწიფებული ასეთი პოლიტიკისათვის, ე. ი. მისი გაერთიანებისათვის ერთ სახელმწიფოდ მეფის აბსოლუტიზმის დამყარებისა და თავადთა ძალაუფლების ლიკვიდაციის გზით. მიზეზი აშკარაა: თავადები და ფეოდალები აღმოჩნდნენ უფრო ძლიერები, მეფე და აზნაურობა უფრო სუსტნი, ვიდრე ამას სააკაძე გულისხმობდა. სააკაძე გრძნობდა საქართველოს ამ შინაგან სისუსტეს და მოინდომა მისი დაფარვა გარეშე (უცხო) ძალის მოწვევით. მაგრამ გარეშე ფაქტორის ძალას ვერ შეეძლო აენაზღაურებინა ქვეყნის შინაგანი სისუსტე. როგორც ცნობილია, ასეც მოხდა. სააკაძის პოლიტიკას ამ წინააღმდეგობათა გადაუწყვეტელ გარემოებაში უნდა განეცადა და სინამდვილეში განიცადა კიდეც დამარცხება. ამიტომ, ბუნებრივია, მკითხველი სამართლიანად მოითხოვს სხვადასხვა მწერალთა შემოქმედებაში გიორგი სააკაძის პრობლემის გარკვევისას აღნიშნული ისტორიული სიმართლე აღდგენილი იქნეს.

გიორგი სააკაძე ანტონ ფურცელაძეს ეხატება, როგორც დიდი ქართველი პატრიოტი, რომელსაც საქართველოს გამთლიანებისა და მისი გადარჩენა-გაძლიერების სამსხვერპლოზე ყველაფერი: პირადი ნიჭი, თავმოყვარეობა, ქონება, ოჯახის წევრთა სიცოცხლე და თავისი სიცოცხლეც უანგაროდ მიაქვს. გ. სააკაძე საქართველოს სიყვარულით, რაღაც საშინელი, გაუნელებელი ტრაგედიის მატარებელია.

ერთნაირია სახე გიორგი სააკაძისა როგორც ტრაგედიაში, ისე ისტორიულ ნარკვევებში.

ასეთივეა სახე გიორგი სააკაძისა პოემაში „ცხრა ძმა“. ანტ. ფურცელაძის დახატვით, ეს რაღაც მისანი სარდალია, რომელსაც შეუძლია პირდაპირ სასწაული მოახდინოს, ჯარის საყვარელი გმირია. ხალხი მას ომშიც ისე მისდევს, როგორც ღმერთს:

შენ გაგვიძეხი, გმირო გიორგი,  
და ჩვენ გიჩვენოთ ქართული ძალა!

შესძახებს ბრძოლის ველზე საბრძოლოდ გამზადებული ჯარი გიორგი სააკაძეს. ელის ჯარი, რომ სააკაძე გაუძღვება მას, გაამხნევეს და მტერს დასცემს შიშის ზარს. მაგრამ:

გაისმა ჯარის ხმა, რომ სააკაძეს  
ხელით წაჰგლიჯეს მთავარ-სარდალბა!  
მეფე, მთავარი დასძლია შურმა  
და გადასწყვიტეს მისი დამცრობა;

არა ნდომობენ ძლიერსა მტერზედ  
კვლავ სააკაძის გამარჯვებასა;  
არ კადრულობენ უბრალო კაცის  
თავიზედ მაღლა ამაღლებასა;



არ შეაწყნარეს მისი რჩევანი,  
მოშალეს მისი დაწყობილება,  
სხვა გზა არჩიეს მტრის საბრძოლ-  
ველად,  
გაათახსირეს მისი გმირობა<sup>23</sup>.

ამ ხმის გაგონებამ, მწერლის გადმოცემით, ქართველ ჯარს თითქო  
რალაცა ზარმა დაჰკრა. აი ეს ქიშპობაა, რომელმაც მოულო ბოლო გი-  
ორგი სააკაძესაც და მით საქართველოსაც.

გიორგი სააკაძის სახე ანტ. ფურცელაძის გულისყურს იპყრობდა  
არანაყლებ ოცი წლის განმავლობაში: ტრაგედია „დიდი მოურავი“  
იბეჭდებოდა ჟურნალ „მნათობში“ 1871 წლის იანვრიდან; ისტორიუ-  
ლი ნარკვევი „გიორგი სააკაძე და მისი დრო“ ავტორს დამთავრებული  
აქვს 1888 წ. სექტემბრის 8-ს. გიორგი სააკაძის სახე შემდეგ წლებში  
დაწერილ პოემებშიც გვხვდება.

ანტ. ფურცელაძე ხსენებულ ისტორიულ ნარკვევს ასე ამთავრებს:  
„საკაძე მოკვდა 48 წლისა...

ამ მოკლეს ჩანში იმან ჩაიდინა იმდენი საქმენი, რომ მოღიხარ  
გასაოცარს, როგორ მოთავსდა ამდენი საქმე ამ მოკლე ცხოვრებაში...  
რა ჯანმა, რა გულმა, რა გონებამ შეუძლო ამოდენა ტრაგედიას, ამოდენა  
ბრძოლას, ამოდენა საქმეს, ამოდენა თავის გადასაყლებს... ეძებ ისტო-  
რიაში მსგავსს მაგალითს და გიძნელდება პოვნა...

მოკვდა ეს დიდებული კაცი და მასთან დაიმარხნენ მისი დიდებუ-  
ლი საქმენი და წყობილებანი. ჩავიდა ის საფლავს და ჩაესვენა საქართ-  
ველოს მზეც. მის უკან აღარ იყო ძალა და კლავი იმისი საქმეების შესა-  
სრულებლად“<sup>24</sup>.

ანტ. ფურცელაძეს გიორგი სააკაძის მისწრაფებები ეხატება რო-  
გორც მთელი ქართველი ხალხისა, რომელსაც დიდგვაროვანნი წინა-  
ლუდგებიან. ეს წინააღმდეგობა ქრება, როცა საქართველოს ძლიერი  
გარეშე მტერი შემოესეოდა ხოლმე. ხოლო საკმარისი იყო ცოტაოდენი  
დასვენება, რომ ამ წინააღმდეგობას, რომელსაც შიგნით კლასობრივ თუ  
წოდებრივ ურთიერთობაში ჰქონდა საფუძველი, კვლავ წამოეყო თავი  
და საქართველო მოერწყო ძმათა სისხლითა.

ასეთი ხასიათისაა ბრძოლა ბაზალეთის ტბასთან, სადაც გიორგი  
საკაძე საბოლოოდ მარცხდება.

ანტონ ფურცელაძე ისტორიის პროცესის გაგებაში იდეალისტიკა,  
ამიტომ გიორგი სააკაძის ისტორიული როლიც გაზვიადებულად ეჩვენე-

<sup>23</sup> ანტ. ფურცელაძე, ცხრა ძმა, გვ. 143—144. აქ და ყველგან მიითთებული  
ამ თხზულების 1899 წლის გამოცემა.

<sup>24</sup> ანტ. ფურცელაძე, გიორგი სააკაძე და მისი დრო, 1892 წ., გვ. 382.

ბა: „მოკვდა ეს დიდებული კაცი და მასთან დაიმარხნენ მისი დიდებული საქმენი და წყობილებანი... მის უკან აღარ იყო ძალა და კლავი იმისი საქმეების შესასრულებლად“. აქ აშკარაა პიროვნების როლის ყოველშემძლეობა, რაც, რასაკვირველია, გუმართლებელია. ავტორი მაინც ვერ იგებს ისტორიის განვითარების ძირითად ხრახნილს — მის კლასობრივ ბუნებას. და ამიტომ ასე უპერსპექტივოდ ჰკლავს გიორგი სააკაძეს და თავის ისტორიულ ნარკვევებსაც ასე პესიმისტურად ათავებს. ეს, რასაკვირველია, ბუნებრივია ანტ. ფურცელაძის ლიბერალურ-ნაციონალური და წვრილბუჩქუაზიული მსოფლმხედველობისათვის.

არ შეიძლება არ აღინიშნოს, რომ ანტ. ფურცელაძე გიორგი სააკაძის ტკივილების გამზიარებლად მოჩანს, ისიც მიისწრაფვის საქართველოს პოლიტიკური გამთლიანებისაკენ. ამ მხრივ ანტ. ფურცელაძე თერგდალეულ მწერლებს უახლოვდება, თუმცა თავისებურებას ის აქაც ინარჩუნებს.

ამ საკითხის გარკვევას ანტ. ფურცელაძე იძლევა აგრეთვე თავის ისტორიულ პოემებში: „თამარ დაზნელი“, „ცისკარა“, „ცხრა ძმა“, „წყალობა“ და სხვა. აქვე უნდა აღვნიშნოთ, რომ ანტ. ფურცელაძემ, ისევე როგორც თერგდალეულმა მწერლებმაც, ვერ შექმნა ნამდვილი ჟანრი ისტორიული პოემისა. ისტორიულ ფაქტებს ანტ. ფურცელაძე მეტად თავისებურად ეპყრობოდა და არც იძლევა ისტორიულ სინამდვილეს. ამ პოემებში ანტ. ფურცელაძე უდავოდ თერგდალეული მწერლების დიდ სტილიურ გავლენას განიცდის.

პოემაში „ცხრა ძმა“ ავტორს იზიდავს სამშობლოსათვის თავის დადება. ცხრა ძმა ხერხეულიძეების ოჯახისა და განსაკუთრებით მათი დედის მეშვეობით მოცემული სახე ქართველი გმირი ქალისა (ესეც ხომ თერგდალეულთათვის დამახასიათებელი იყო). კულტი ქართველი ქალისა, რომელიც შვილს დედის რძესთან შეაზრდიდა მძლავრ ეროვნულ გრძნობას, XIX საუკუნეში მიმზიდველი იყო ქართველი მწერლებისათვის. ანტ. ფურცელაძეც ვერ ასცდა ეპოქის ამ გავლენას.

საქართველოზე სპარსნი წამოვიდნენ აუარებელი ჯარით. საქართველოც ემზადება. არ უნდა მტერს დაემონოს. კვლავ დატრიალდა ჯარსავით პატარა საქართველო. შუა ღამეა. არ სძინავთ ცხრა ძმა ხერხეულიძეებს, ემზადებიან, დედა და ცოლებიც მათ მხარში უდგანან, ამზადებენ. დაამთავრეს მომზადება. შემოუსხდნენ ღამის ტაბლას. დედა ცხრა შვილს ჰგზავნის ომში. სახლში მარტო ქალები რჩებიან, მაგრამ ეს არავის ანალვლებს. მთავარია სამშობლოს ხსნა მტრისაგან. ასე მიმართავს დედა შვილებს:

შვილნო! ჟიგარნო ჩემი გულ-გვამის,  
მაკურნებელნო დედის წყლულისა,  
ყველას გიმეტებთ... გულს შუა ვიპობ...  
არის დღე ქვეყნის აღსასრულისა!...

გიმეტებთ მისთვის, რომ საქართველოს  
 ელის დღე მწარე და საზარელი...  
 გიმეტებთ მისთვის, რომ უსაცოდ  
 უნდა იძლიოს მტერი ძლიერი...  
 მაგრამ თუ მტერი დარჩა მძლეველი,  
 გაბედეთ მტრისა ზურგის ჩვენება,  
 სიკვდილამდისინ ზიდეთ საქვეყნოდ  
 კენის წყევლა და შეჩვენება  
 ან გამარჯვება, ანუ სიკვდილი  
 ნურც დაბრუნდებით შერხცვენილუ-  
 ბი!<sup>25</sup>

რიტორიკა, სქემატურობა ხასიათის გაშლაში მეტია, ვიდრე ნამდვი-  
 ლი გრძნობა! ანტონ ფურცელაძის პოემები ერთგვარი ყალბი პათოსით  
 ხასიათდება. ანტ. ფურცელაძე მეტის სიუხვით ასხამს დიდებას „ქართ-  
 ველ გმირთა მხარ-მკლავებს“.

გმირ დედას, რომელიც ასეთი სიტყვებით ისტუმრებს ყველა შვილს  
 ომში, შესაფერი კილოთი უპასუხებენ შვილებიც:

ფეცავთ, დედაო, ჩვენს გამზრდელს  
 ძუძუს,  
 რომ არ გავსტეხავთ შენს ბრძანება-  
 სა;  
 მაგრამ გაფიცებთ, შენც არ გადუღვე  
 ჩვენს უკანასკნელს ანდერძის თქმასა:  
 „თუ ვაჟკაცურად ჩვენ მტერს  
 შევაკედეთ.  
 შეგესმათ ეს ლხენის ამბავი,  
 ჰქენით ნადიმი, ხალხს დაუძახეთ,  
 სარკედ უქციეთ მათ თქვენი თავი.  
 და, თუ დაებრუნდეთ დამარცხებულ-  
 ნი,  
 მაშინ დაიდგით გლოვის კარავი,  
 მოგვთქვით ცოცხალნი ხალხის  
 წინაშე,  
 და მათ აჩვენეთ ეს სანახავი.  
 . . . . .  
 მშვიდობით დედაე! მშვიდობით  
 ცოლნო!  
 გული აქციეთ თქვენი ქვებათა.  
 ან გავიმარჯვებთ, ან ცხრაიავ ძმათა  
 ერთად გვხილავთ მშურებრ  
 მკვდრებათა<sup>26</sup>.

მიდიან საომრად. ავტორი იძლევა საარაკო ვაჟკაცობას ცხრა ძმა  
 ხერხეულიძეებისას, რომელნიც იბრძვიან ლომსავით, სიკვდილს არ

<sup>25</sup> ანტ. ფურცელაძე, ცხრა ძმა, გვ. 135.  
<sup>26</sup> იქვე, გვ. 137.

უშინდებიან. ცხრა ძმა ზედიზედ გმირულად წვება ბრძოლის ველზე. მწერალი დაუფარავი თანაგრძნობით და აღტაცებით ასე გვაძნობს ამ ცხრა ძმის საგმირო საქმეს:

ამ ვიარაღ გაქრენ ცხრა გმირი ძმანი:  
სატრფო სამშობლოს თავი შესწირეს.  
უმაგალითო გმირთა სიკვდილი  
ჩვენ, უღირსთ შვილთა, ხილად გაგვიდეს.

ანტ. ფურცელაძეც ისეთსავე ახსნას იძლევა საქართველოს ისტორიულად გადარჩენის შესახებ, როგორსაც თერგდალეულნი. საქართველო თუ შერჩა ისტორიას, არ აღიგავა ისტორიის ასპარეზიდან, ეს მხოლოდ ქართველთა წინაპართა გმირული მოღვაწეობის მეოხებით.

თერგდალეულთა ასეთსავე სტილიურსა და იდეოლოგიურ გავლენას ანტ. ფურცელაძეზე ვხედავთ მწერლის სხვა პოემებშიაც, მაგ., „წყალობაში“. აქაც საქართველოს ისტორიიდან ერთი მომენტი —ოსმალთა ბატონობაა აღებული, როცა ოსმალთა განხილვა, განაგებდა ყველა საქმესა: „მთასა თუ ველსა, ყველას პატრონად ეკიდებოდა: ონჩად დარჩენილ ქვეყნებში აღარარას ერიდებოდა“. მაგრამ მაინც ქართველის გულის სიღრმეში მხნეობის ხმა გაისმა:

ათასი საუკუნენი  
მტერი კარს ადგა ქართველსა.  
მის ხორცსა სჭამდა, სისხლს ჰსვამდა,  
ჰმუსრავდა იმის სახელსა;  
შეუდრეველად ქართველი  
მტერს ძლიერს უმკლავდებოდა,  
ამირანისა წყლულეები  
ბრძოლაში უმთელდებოდა<sup>27</sup>.

ქართველობა კვლავ აღსდგა, კვლავ იარაღი შეისხა. გაერთიანდა ერთი მისწრაფებით—სამშობლოს დაცვის მიზნით —„მეფე, თავადი, ხელქვეითი და მმართველი“. გაისმა ერთობისა და ძმობის ტკბილი სიმღერა:

ერთად ვიბრძოლოთ, ქართველნო,  
ვარა ერთად ერთი ვრია,  
ამ ერთი ბეწვა ხალხისა  
ისეც ქვეყანა მტერია.  
ერთად ვიბრძოლოთ, ვუჩვენოთ  
ქვეყანას ჩვენი გმირობა,  
მტერს და მუხანათს სიკვდილი!  
ეს იყვეს ჩვენი პირობა.<sup>28</sup>

<sup>27</sup> ანტ. ფურცელაძე, წყალობა.

<sup>28</sup> იქვე.

და მართლაც, ქართველნი მედგრად შეებნენ მრავალრიცხოვან მტრის  
ჯარებს:

ვით შავარდენი გნოლის გუნდს  
გადაერივნენ მტრის რაზმსა;  
თითო შეტევით გორებად  
შეაყენებდნენ მკვდართ გვაშსა.<sup>29</sup>

ყოველ ექვს გარეშეა, ამ საკითხში, ანტ. ფურცელაძის სტილიური და იდეური დაახლოება თერგდალეულებთან. გაგება, შეფასება და ასახვის მანერა ქართველთ წინაპართა ვაჟკაცობისა ანტონსაც აქ ილია-აკაისებური აქვს. მაგრამ ვრთი კი ხაზგასასმელია. ეს ის, რომ ანტ. ფურცელაძეს საქართველოს ისტორიის პროცესის განვითარებაში საქართველოს პოლიტიკური ძლიერების დამღუპველად გარკვეულად ეხატება ფეოდალთა წოდება.

ანტ. ფურცელაძე არჩევს ფეოდალთა და წვრილ აზნაურთა როლს საქართველოს ისტორიის სარბიელზე, ხედავს მათ შორის წინააღმდეგობას. წვრილ აზნაურებს ის დადებითად ხატავს, ისინი უახლოვდებიან ხალხის მოთხოვნილებებს, წარსულშიაც იბრძოდნენ საქართველოს პოლიტიკური ძალის განმტკიცებისათვის. აქ, უდავოდ, ანტონ ფურცელაძეში წოდებრივი რეციდივია. ეს შედეგია მისი წვრილბურჟუაზიული, მერყევი მსოფლმხედველობისა, რომელიც წოდებათა შორის წინააღმდეგობას არ ამახვილებდა და ყოველი სოციალური ჯგუფის, კლასის როლს სათანადო სიმახვილით ვერა სჭვრეტდა.

ანტ. ფურცელაძე ამგვარ წინააღმდეგობასა და ბრძოლას თავადებსა და აზნაურებს შორის XIX საუკუნეშიც ხედავდა. ანტ. ფურცელაძეს აზნაურები უფრო მისაღებ ელემენტებად მიაჩნია. თავადები, მისი შეხედულებით საზოგადოებრივობისათვის ხორცმეტნი არიან. თავადები უმოქმედობაში ძაბუნდებიან, ილუპებიან. აი, როგორ ააწერინებს ავტორი ლიზა გამშენებლიშვილს თავადთა ჩვეულებრივ ცხოვრებას: „რა ცხოვრებაა!.. დაიძინე, ადექ, იჯექ მთელი დღე ფანჯარასთან და გაჰყურე შორს გზას: სტუმარი მაინც არის ხომ არ მოგდის, რომ ცოტაც არის გული გავართოვო; დალიე ჩაი, დალიე ყავა, ჰამე სადილი, ეხეტიალე ბაღსა და ალუბლებში, ჰამე ვახშამი და კიდევ მიეც თავი ძილსა, თუ ან კი დაიძინე რიგიანათა... თუ არა, მოირთე დედოფალსავეით, გასწი სტუმრათა, იტლიკინე, ისტუნე, პრიწე თვალები; დაბრუნდი ისევ უარესად გულნაკრული, გულჩაწყვეტილი და ევედრე ღმერთსა, რომ ახლა სხვა გასართობი გაგიჩინოს რამ... აბა ამას ცხოვრება ჰქვია?“<sup>30</sup>

<sup>29</sup> ანტ. ფურცელაძე, წყალობა.

<sup>30</sup> ანტ. ფურცელაძე, ვაი მართალთა, 1891 წ., გვ. 24—25.

ასეთია ცხოვრება თავადაზნაურების ერთი ნაწილის, რომელსაც კიდევ შერჩენოდა ეკონომიური დოვლათი და შეეძლო განეგრძო ფუფუნება, უსაქმური ცხოვრება. სამაგიეროდ, ხელმოკლე თავადაზნაურობა, უფრო კი აზნაურობა ადვილად დაირღვა, დაქინდა. მცირე მამული, რომელიც მათ შერჩათ, ახალ პირობებშიც ადვილად მიდიოდა ხელიდან; ისინი გამრავლდნენ, მათ მამული უფრო შეუმცირდათ და მათი ცხოვრება ჩვეულებრივი გლეხის ცხოვრებას დაემსგავსა. აი რას მოგვითხრობს ბესარიონ ვარგისაშვილი (ავტობიოგრაფიული სახეა), როდესაც სასწავლებელში ოჯახის გაჭირვებულ ცხოვრებას გადაჩვეულმა დაბრუნებისას კიდევ დაინახა „ისევ ძველებური, თავიდან ბოლომდინ შავათ გაჭვარტლული დარბაზი, სადაც თავზედ გვეყარა პურის გოგროხები, პურის კიდობნები, ცომის ვარცლები თავისის ცხვრის ტყავებითა, სარეცხის ვარცლები, თაბხები, ხონჩები, გულები, ტომრები, ჭილობები, მთელი და დამტვრეულ-დალეწილი ქილები, ქოთნები, კოკები და სხვა ათასი ჩიხომახო; როდესაც დავინახე წიწილ-კრუნი, რომელიც ზედ თავზედ გვახტებოდნენ, ძაღლები, ღორები, თხები, რომელთათვისაც ყოველთვის ღია იყო ჩვენი სახლი და რომელნიც ჩვენ არც კი გვეკუთვნოდნენ... მე ვერ წარმომედგინა, რომ ეს იყო ჩემი სამშობლო სახლი... სადაც პირველად გავიგონე ტკბილი ალერსი და მწარე წყევლა ერთმანეთში არეული“. ასეთი გარემოება, ავტორის განცხადებით, ჩვეულებრივი ყოფილა. „ყველა ჩვენი სახლიკაცები, — წერს ანტ. ფურცელაძე, — გარდა ერთისა, იყვნენ თითქმის ისეთივე ღარიბები, როგორც ჩვენა“<sup>31</sup>.

ასევეა ნაწრეტაშვილების გვარიც. ამ საკმარისად მრავალრიცხოვან გვარში ორი ოჯახი იყო შეძლებული — ბაადურისა და იოთამისა. ესენი იყვნენ დანარჩენების მონახვერენი. თუ მათ მამული საკმაო ჰქონდათ (ბაადურს კარგა ბლომად), დანარჩენნი იყვნენ ძალზე ღარიბები. „ესენი ყველანი სახლობდნენ ერთ ალაგას და გაჰყურებდნენ ერთმანეთის ჯამსა და კოვზსა“.

მოთხრობაში „ჩვენებური საქმის ბოლო“ ანტ. ფურცელაძე სოფრონ ნაწრეტაშვილის, მისი ცოლის თუთელასი, მისი რძლის ზილახანის (გვ. 22—30), ბეჟან კულარიკაძის, მისი შვილი ილიკოს სახით (გვ. 68, 71—72, 82—83) უდავოდ კარგი დაკვირვებით აგვიწერს გალატაკების გზაზე დამდგარ თავადაზნაურობას. ამ მიმართულებით ანტ. ფურცელაძე გვეხატება ერთგვარ შორეულ წინამორბედად („ჩვენებური საქმის ბოლო“ დაწერილია 1873 წელს) დავ. კლდიაშვილისა, რომელმაც მთელ რიგ ნაწარმოებებში დიდი ოსტატობითა და მდიდარი ვარიაციებით დაგვიხატა გადაშენების გზაზე დამდგარი, გაწრიოკებული „შემოდგომის აზნაური“.

<sup>31</sup> ანტ. ფურცელაძე, ჩვენებური საქმის ბოლო, 1893 წ., გვ. 10—11.

XIX საუკუნის მანძილზე კაპიტალიზმი შეუჩერებელი იკაფავდა გზას, დაუნდობლად არღვევდა ფეოდალურ მეურნეობას. ჩვენი თავადაზნაურობაც სწრაფად ნადგურდებოდა. ახალმა ცხოვრების პირობებმა, ახალმა ბურჟუაზიულმა კულტურამ მათ უფრო გაუხსნა მალა ცხოვრებისა და, როგორც დამბუხებული კლასი, ნაკლები წინააღმდეგობის გზით წაიყვანა, თავდავიწყებით გადაეშვა ახალი ცხოვრების ტალღებში და გამძლეობას მოკლებული სწრაფადაც ილუპებოდა.

ნიადაგშერყეული თავადაზნაურობის ერთმა ნაწილმა მოხელის თანამდებობას შეაფარა თავი. ხშირად ნათესაური კავშირის მეოხებით ისინი დიდი დაწესებულებების ხელმძღვანელებადაც კი ინიშნებოდნენ. ამ დაწესებულებებს და მასში მომსახურე პირებს ეს „უფროსნი“ ისე უყურებდნენ, როგორც მამა-პაპურ მამულ-დედულსა და ყმებს. დაწესებულებებში მათ გადმოაქვთ ფეოდალური განწყობილებანი. გაჩინონიკებული თავადაზნაურობა 50-იან წლებიდან ჩვენი საზოგადოებრივი ცხოვრების ასპარეზზე ჭერ კიდევ ერთ-ერთი მოქმედი ფენაა.

ანტ. ფურცელაძის შემოქმედებითი აპერცეპცია გამახვილებულად იყურება ამ ფენისაკენ და თუმცა სქემატურად, მაგრამ საკმარისი სისწორით გვაძლევს ამგვარ ტიპებს თავის დრამაში „ავაზაქნი“ — ზახარ იაგორიჩის, ვლადიმერ მიხაილოვიჩისა და სხვათა სახით.

დამახასიათებელია საზოგადოების ამ ფენისათვის ზახარ იაგორიჩის წუხილი: „სამი მოსწრებული ქალი!.. სამი დასაზრდელი ვაჟი! ჩემი ქონება კი უკან-უკან მიდის... გუშინ ღამ ას-ოცი თუმანი წავაგე, წუხელისაც ოთხმოცი თუმანი! ორ ღამეს — ორასი თუმანი! ამ ორ თვეში ჯერ ეს ოთხასი თუმანი მაქვს წაგებული! ხარჯი კი ერთი ათად მატულობს... მოვალეებიც ცალკე იწუხებიან; დღესასწაულები მოდის, სახლში კი ფული აღარ არის“<sup>32</sup>. მადა დიდი აქვს ზახარ იაგორიჩს. კარგი ცხოვრება და წვეულება უყვარს, ამას კი ფული უნდა, ფულის მოგება მან არ იცის. ფულის აღებას ნაკლები წინააღმდეგობი; გზით ამჯობინებს. „კანონის ძალით“ სხვას შეუმციროს მისაღები, თვითონ გაიდიდოს. ამგვარ საშუალებას ის ხშირად მიმართავს. ახლაც ზახარ იაგორიჩს დაწესებულების „ოსტატების“ იმედი აქვს.

სიმართლითაა მოცემული ზახარ იაგორიჩის დამოკიდებულება ამ „ოსტატებისადმი“ და თავისი ხელქვეითებისადმი.

ზახარ იაგორიჩი გადასინჯავს თანამშრომელთა შორის ნარჩენების განაწილების პროექტს და ხაზინადარს ცინიკურად შემდეგს განუცხა-

<sup>32</sup> ანტ. ფურცელაძე. ავაზაქნი, 1891 წ., გვ. 34. აქ და ყველგან ეს გამოცემა შათიებულა.

დებს: „მწერლებს ოც-ოცდახუთი მანეთი! რა საჭიროა! თუთხმეტ-  
თუთხმეტიც ეყოფათ (ასწორებს). დელოპროიზვოდიტელის პომოშნი-  
კებს სამოც-სამოცი მანეთი! რა მინდაო! ხაზინას განა გადასაბნევი ფუ-  
ლები აქვს! ოთხ-ოთხი თუმანიც ეყოფათ (ასწორებს). დელოპროიზვო-  
დიტელებს ათ-ათი თუმანი! ვითომ რაო! მთელი დღე სულ პაპიროსებსა  
სწევენ, კანცელარიაში არ შეისვლება კომლისაგან. სამოც-სამოცი მა-  
ნეთიც ეყოფათ (ასწორებს). სტარში დელოპროიზვოდიტელებს ოც-ოცი  
თუმანი! ეს კარგად ბლომად დაუნიშნავთ თავისთვის!.. მაგრამ ეს იყვეს,  
თუმცა ოც-ოცი თუმანი ცარიელი ხელის მოწერაში ბევრი მოუფათ,  
მაგრამ მაინც ჩემი მარჯვენა ხელები არიან (აძლევს სიას). ჩემთვის ასი  
თუმანი დაინიშნება, თორემ ეხლა სადღესასწაულოთ ფული აღარა  
მაქვს!.. თქვენთვის, დოროფეი ეროფეიჩი, ოცი თუმანი გამოიყვანეთ და  
ის ოთხმოცი თუმანი რომ გითხარით ნაგარადათა, იმასაც უეჭველად მი-  
იღებთ...“<sup>33</sup>

დაუხვეწავია ზახარ იაგორიჩის სახე, სქემატურია, მაგრამ საზოგა-  
დოებრივი და სახელმწიფოებრივი ცხოვრების სინამდვილის უტყუა-  
რად მტკმელია! ზახარ იაგორიჩი და მისთანანი ყოველ უზნეო კომ-  
ბინაციებს მისდევენ, ოღონდ კი მადა როგორმე დაიკნაყოფილონ:  
ჰპარავენ ხაზინას, ჰპარავენ თავის თანამშრომლებს, მზად არიან ყოვ-  
ლად უზნეო ხელშეკრულება დასდონ მინას იაგორიჩთან. და ყველა-  
ფერი იმისათვის, რომ „ბალებში“, „კრუჟოკებში“, „ვეჩერებში“  
ღრო გაატარონ. დღე გადაუქცევიათ ღამედ და ღამე დღედ. სინამდვილე  
რეალური ფერებითაა მოცემული.

ანტ. ფურცელაძე ამგვარ საზოგადოებრივ ცხოვრებას ამახვილებს  
თავის დრამაში. სურს მკითხველს აჩვენოს ამ ცხოვრების მდაბალი მო-  
რალური დონე, მისი გამრყენელი გავლენა.

ამ მიზნით ამავე დრამაში მას დაპირისპირებული ჰყავს ორი ვეჟი-  
ლი — გამოცდილი და გამოუცდელი. უკანასკნელს უნდა თავისი ხე-  
ლობა გამოიყენოს პატიოსნებით და ეს საქმითაც დაამტკიცოს. ამაზე  
გამოცდილი, რომელსაც მწერლის გაგებით, კარგად უგემნია საზოგა-  
დოებრივი ცხოვრების შხამი, ცინიკურად უპასუხებს: „რა არის პა-  
ტიოსნება? — სიტყვა, რომელიც ყველას თავისებურათ ეყუარება და  
თავისებურათ ხმარობს. ხალხის თვალში კი პატიოსანი ის არის, ვინც  
პატიოსნებაზედ მეტს ჰყვირის და ნაკლებ ასრულებს, რათგან ხალხი  
სცემს პატივს ძალასა. ერთი უძლიერესი ძალათაგანი არის ფული, და  
ფული პატიოსნებით შეძენილი ისეთივე ძვირია, როგორც ფულით შე-  
ძენილი პატიოსნება“<sup>34</sup>.

ამიტომ გამოცდილი ადვოკატი, წინააღმდეგ გამოუცდელის სურ-

<sup>33</sup> ანტ. ფურცელაძე. ავაზაკნი, გვ. 36.

<sup>34</sup> იქვე, გვ. 55.



ვილებისა და შეხედულებებისა, ყოველ უზნეო საქმეს ჰკიდებს ხელს, ოღონდ კი ფული აილოს. „შეარცხვინა მაგათი შშიერი პატრიოტობა“, ცინიკურად გაიძახის გამოცდილი ადვოკატი.

მწერალი ხელავს, რომ ახალ ცხოვრებაში ფული გადაიქცა მამოძრავებელ ღერძად. ფულია, რომ აძლევს ცხოვრებას თავისებურ შინაარსს, ეთიკას, ესთეტიკას.

ანტ. ფურცელაძე უარყოფითად უყურებს ფულის ასეთ ძალას, უარყოფითად უყურებს ასეთ ეთიკასაცა და ესთეტიკასაც. უარყოფითად უყურებს ყველა მათ, ვინც ფულის ძალას გაჰყვავ, ვინც ფული კერპად გაიხადა. ფულის მოგების გზა ანტ. ფურცელაძეს მიაჩნია ადამიანის მორალურად დაკნინების გზად (და ეს დამახასიათებელი იყო არა მარტო ხალხოსნებისათვის, არამედ საერთოდ 60-იანი წლების მოღვაწეთათვისაც). 60-იანი წლების მოღვაწეთა და ხალხოსნების მაღალი საზოგადოებრივი გრძნობა და ადამიანის მისი საზოგადოებრივი ღირებულების თვალსაზრისით დაფასება ვერ ეგუებოდა იმ მორალურ განურჩევლობას, რომელსაც სავაჭრო-საევახშო კაპიტალიზმის განვითარების პერიოდში ფულის მოგება თხოულობდა.

რანი არიან გამხეცებული ჰავაქა დილანოვი, ისაქ მარტინიჩი და სხვანი, თუ არა ადამიანობა დაკარგული არსებანი?

აი, როგორ უხასიათებს ჰავაქა დილანოვის გამდიდრების ამორალურ გზას მისი მეუღლე ოროვისიმე თავის ქალს რიფსიმეს: „რამდენს თოქს გადარჩენილა, შვილო, მამაშენი ჰავაქა მაგ ფულებისათვის!.. რამდენი ელდა და ვარამი გამოუვლია. ჯერ პირველად რუსეთში რომ გაჰყვა ყაზახოვს გზის ასასათ ბარგისათვის, ნახიჩევნიდან მოიტანა ჩუმად ერთი დაკეტრილი ზანდუკი ასიგნაცია... მთელი ლამეები არა სძინებია... მადა დაკარგა... ისეთი ელდაში იყო პოლიციისაგან. დაკეცილი ასიგნაცები სულ ფარდა ჩამოშვებულ ბუხარში ეწყო და ზევდან სულ ხმელი ჩინჩხვარი და ძველი ქალაღები ეწყო, რა არი: რამწამს პოლიცია მოვა, მაშინვე სპიჩკას მივცემ და დაეწვამო... მერე წავიდა თუშებში, თათრებში, ქართლში და სულ მატყლსა, პურსა და ქერზე გაასადა, ყველაში ერთი სამად აძლევდა ფასსა, რა არის ბევრი ვაჭრობა არ მომინდესო. ყველგან სულ სხვადასხვა სახელითა და სხვა ტანისამოსით დადიოდა, რა არის არ მიცნონო... მერე დაიჭირეს მეცხვარეები, დაიჭირეს გლეხები, თუ რა არის, ვინ მოგცათ ეგ ფულებიო? მთელი ორი წელიწადი მამაშენი ჰავაქა ახალციხესა და ყიზლარში იმალებოდა... რამდენი ფული შეაჭამა ჩინოვნიკებსა... ნახევარი მოგება სულ ასე შემოეხარჯა... მემრე შევიდა ამხანაგად გორელ ღეთისწყალობასთან... გაქურდა და მერმე ქარვასლაც რომ დაუწვა, რა არის, ჯრ მიმიხვდენო! ერთ წელიწადს ღეთისწყალობას ნაარმევი ფული გადმოვიდა მამაშენთანა... მემრე მამაშენი ღუქანი ზასტრახოვითი ჰქნა... ათას თუმ-

ნათა, შიგ ორმოცი თუმანისაც არა იყო რა: მისცა ცეცხლი და დასწვა.. აქაც ერთი შვილას — რუაას თუმანი მოგება ჰქნა... კიდევ რამდენი რამეები!..»<sup>35</sup>

ასეთივეა ცხოვრების გზა, ფულის შეძენის გარდაუვალი ნდომია დაკვალული, სხვა ვაჭრებისაც—ცონცოვიანცის, გიზნუაშვილის, ქლე-სოვისა და სხვათა. ფულმა გაიტაცა ვაჭრებიც, მოხელეებიც, ვეპილე-ბიც, მოსამართლეებიც და ყველა. შეიქმნა რაღაც ვაქხანალია. ყველა ფულს ეძებს, რადგანაც ფული გადაუქცევიათ ცხოვრების დასაყრდენად. ამის გამო ცხოვრება ამორალურია, ფლიდი, დაუნდობელი. კაპი-კის გულისათვის ძმა ძმასა ჰყიდის, მშობელი შვილს, შვილი მშობელს. ყველა ცდილობს თავისკენ მიითალოს, სხვის უბედურებაზე თავისი ბედნიერება შექმნას. ამ ცხოვრების ვაჭრული ვაქხანალიის ერთი გაიძვერობით, საშუალებათა განურჩევლობით, ფულის შემწეობით მდიდრდება, მეორე კი — იღუპება პირველთა წყალობით.

ამ გზამ კალაპოტიდან ამოაგდო და ავანაკობის გზაზე დააყენა მთელი ჯგუფი: ტოტოლა, ჯირკუა (თათარი), ფარსა (ოსი), დარჩო, კურცხალია და სხვანი. ეს ავანაკნი ბავშვობაში მეტად გულჩვილნი, გულკეთილნი და წყნარნი იყვნენ. ქვეყნის უსამართლობამ გაამრუდა მათი ცხოვრების მიმართულება. უნებლიედ, ხშირად თავისი ბუნებისა და სურვილების წინააღმდეგ, ისინი ყაჩაღობენ. ავტორის სიმპათიები ამ ყაჩაღებისკენაა. ამ ყაჩაღთა დახატვით ანტ. ფურცელაძე არსებული წყობილებისა და კერძოდ ახალი ეკონომიური ფაქტორის (კაპიტალიზმის) განვითარებისადმი, როგორც ხალხოსნებიც, უარყოფით დამოკიდებულებას ამჟღავნებს.

ავტორი თავის დამოკიდებულებას ცხოვრების მოვლენებისადმი და მისწრაფებებს ხშირად ამ „ავანაკთა“ პირით ავლენს. ყაჩაღებისადმი ანტ. ფურცელაძე ისეთივე თანაგრძნობითი დამოკიდებულების გამომხატველია, როგორც ფრ. შილერი თავის „ყაჩაღებში“ და ილია ჭავჭავაძე „კაკო ყაჩაღში“.

ოსი ფარსა თავის იძულებით ყაჩაღად გავარდნის მიზეზზე ასე გადმოგვცემს: „ცემა მზემ, კაი კაცობაც რომ გინდოდეს, ველარ იზამ: სინ ვერ წასულხარ და საქმეზე დამდგარხარ, — მა რას იზამ, რომ არ ირაზბონიკებ... ეხლა ცემი ცოლი და სილი სულ სიმსილით წივილობენ... ასი წელიწადი მამულზე იდექი, სახლი და კარი გაკეთე, ტყე გაცეხე, მამულები გააკეთე, ხილი ცაყარე, ახლა ყველას გართმევენ და საცა გინდა იქ წადიო... მორი და კაცის გული მოითმინოს! კაცს მოკლავ, მა რას იზამ! ახლა დაგდევნ ცოფიანი ძაღლივით: კაცი რათ მოკალიო!..»<sup>36</sup>

<sup>35</sup> ანტ. ფურცელაძე, ავანაკნი, გვ. 14—15.

<sup>36</sup> იქვე, გვ. 22.

ფარსას აზრი ავტორის აზრია. ანტონ ფურცელაძემ, ბატონყმობის დროს გლეხის მდგომარეობის საკითხთან ერთად, პირველმა წამოაყენა ხიზნის მდგომარეობის საკითხიც. ავტორი სოციალური რეფორმის რადიკალური განხორციელების მომხრეა, თორემ, მისი გაგებით, იქმნება უკმაყოფილოთა რაზმები, რომელნიც შურს იძიებენ.

ასეთივე იძულებითაა გამოწვეული დარჩოს გაყაჩაღებაც, როდესაც მსხვილი ვაჭრები წვრილ ხელოსნებს ავიწროებენ, ანადგურებენ.

მწერალი ამჩნევს როგორც ფულის ტრიალისა და ძალის აუცილებლობას ახალ ცხოვრებაში, აგრეთვე მის ძირითად ბუნებას: წინააღმდეგობას, კონკურენციას, ძლიერის უფრო გაძლიერებას, სუსტის უფრო დასუსტებას, განადგურებას. თვით სახელმწიფოებრივი აპარატიც ფულიანებისა გამხდარა. დაწყებულია სამკვდრო-სასიცოცხლო კლასობრივი ბრძოლა ფულიანთა და უფულოთა შორის. რასაკვირველია, საჭირო სიმახვილე არც აქ არის ავტორისაგან დაცული. უფულონი გაუგონარი, შეუწყნარებელი არიან როგორც ადებისაგან, ისე სახელმწიფოებრივ დაწესებულებათა მოხელეებისაგან. დარბინი, კალაპოტიდან ამოვარდნილნი შურს იძიებენ, ჰქმნიან დამცირებულთა წრეს, განურჩევლად ეროვნებისა. აქ არიან ქართველებიც: კურცხალია, კაკო და სხვა; აქვე არის თათარი — ჭირკუა, აქვეა —ოსი ფარსა, აქვე არიან სომხები: ტოტოლა, დარჩო და სხვანი. საერთო შექმნილი მდგომარეობა ახალ კაპიტალისტურ ურთიერთობაში აერთიანებს ამათ. ეს, უდავოდ, ახალია და შეიძლება ითქვას ანტ. ფურცელაძე პირველია, რომელმაც ეს მოტივი შემოიტანა ჩვენს ლიტერატურაში.

ანტ. ფურცელაძის განწყობილება, სიმპათიები შეურაცხყოფილთა, დაჩაგრულთა და შევიწროებულთადმი აშკარაა. ავტორის გულისწყრომაც საკმარისად დიდია. აქ პუბლიცისტის შემოქმედების ხერხები უფროა, ვიდრე პოეტისა, მაგრამ ეს ხალხოსნებისათვის ხომ ჩვეულებრივი და დამახასიათებელი იყო!

ანტ. ფურცელაძის შემოქმედების გაცნობით მკითხველი აშკარად რწმუნდება, რომ მწერალი გამახვილებულად ხედავს და განიცდის ახალ პირობებში შექმნილ უსამართლო სოციალურ ურთიერთობასა და მკითხველშიც იწვევს შევიწროებულთადმი სიმპათიას. აქაა ანტ. ფურცელაძის მნიშვნელობა და მისი საზოგადოებრივი ღირებულება. ეს ხსნის ანტ. ფურცელაძის მკითხველთა წრის რაობასა და რაოდენობას.

მწერალი პროტესტანტია. შექმნილი საზოგადოებრივი წყობილება მას არ აკმაყოფილებს. ის ახალ გზებს ეძებს და ძიებაში ის ეყრდნობა „ავაზაკთა“ მისწრაფებებს, რომელნიც მას ჰეშმარიტებად მიაჩნია. ის რეფორმატორი-პროტესტანტია.

მშვენიერია ტოტოლას განცხადება სასამართლოში, რომელსაც დამსწრე (მის მდგომარეობაში მყოფი) გადმოგვცემს „ვა! არ მინდა თქვენი

ავდოკატიო... იმათ ლაპარაკს და ტყუილებსა სახრჩობელა მირჩევნია!.. დახრჩობა რომ გამოუცხადეს: მოსამართლეებს თავი დაუკრა“<sup>37</sup>.

უფრო საგულისხმეოა დახრჩობაგადაწყვეტილი ტოტოლას მიმართვა შემოხვეული ხალხისადმი, რომელიც სეირის საყურებლად მოსულა „ყაჩაღების გასამართლებაზე“: „ვა! რა სეირია!.. ღღისწორს მახათაზე დამიპატიუნხართ: მე და დარჩო ჯამბაზობას ვითამაშებთ!.. ერთიც ნახეთ: თოკი უფრო ჭკვიანია, თუ თქვენა“...

ტოტოლას სიტყვებში ისმის არსებულის წინააღმდეგ აღშფოთება და დაცინვა. თითქოს ტოტოლა, ეს უბრალო კაცი, „ყაჩაღი“ მორალური სიძლიერით ზევიდან დაჰყურებდეს დაბალი გრძნობებით გახრწნილ საზოგადოებრივ ცხოვრებასა და მის მმართველთ. აქ ავტორი, უდავოდ, ეპოქის საზოგადოებრივი აზროვნების მოწინავე პოზიციებიდან იყურება. მწერალი ახერხებს გაამახვილოს წინააღმდეგობა პიროვნებასა და საზოგადოებას შორის.

ანტ. ფურცელაძე, როგორც მოაზროვნე, უფრო მეკეთრადა ჩანს ტოტოლას მონოლოგში (საპურობილეში—სიკვდილის წინ): „ერთიც არ შევეკითხე ჩემს თავს თუ: ტოტოლ! რათ არის ეს ამოდენა უსამართლობა და ვინ არის, რომ თავს ბედნიერადა ხედავს ქვეყანაში?!.. ვთქვათ ჩემი დანა გავლესე უსამართლო კაცზედ, — აქაც უნდა მეკითხნა ჩემი თავისათვის... მაგ უსამართლო კაცს რომ ყელსა სჭრი, რა იცი, რომ ეგ კაცი თავის ნებით არის უსამართლო?.. როდის ჩავიხედნია მაგის გულში? როდის შეგიტყვია მაგისი გავლილი ღღეები?!. თუ, ტოტოლ, შენ შენის ნებით გამხდარხარ ავაზაკი, სისხლის მსმელი, მაშინ მაგაზედაც ისე იფიქრე.. ახლა უნდა მოკვდე იმიტომ, რომ ათასი უბრალო და უდანაშაულო კაცის სისხლი დავღვარე!.. ან ჩემს თავს რა ვარგე ამითი, ან სხვას რა შევმატე!.. განა ეს უნდა ყოფილიყო ჩემი გზა!.. წყალი სათავეში უნდა მოსწყდესო, მესმის ხოლმე, რომ ამბობს ეგ ზევითა მეზობელი (რევოლუციონერი ტუსაღი. —მ. ზ.)... უსამართლობაც უნდა ძირიდან მოითხაროს. სად არის იმის ძირი? განა ისინი არიან, ვისაც მე დანა გულში გაუტარე?!. აი, აქ, ამ გზაზედ რომ წამხდარვიყავ, მაშინ მეც მოსვენებული გულით მოგკვდებოდი... მაშინ ხალხი ეხლანდელივით წყევლით არ მომყვებოდა საფლავამდის... რატომ წინათ არ შევხვდი მე მაგათ?!. (დაფიქრდება). ერთიც თუ ეგენი კაი კაცები არიან, რატომ არ გვეძებენ ჩვენ? რატომ არ წაგვევლებენ ქოჩორში ხელს და არ გვეტყვიან თუ ე ჩვენი საქმე თქვენთვის არის!..“

ტოტოლას პირით აქ თვითონ ანტ. ფურცელაძე ლაპარაკობს. ტოტოლას თვითკრიტიკა, მისი მისწრაფება იდეური დარაზმული ცხოვრებისაკენ ავტორის სულისკვეთებაა. ანტ. ფურცელაძე ამ დროს უკ-

<sup>37</sup> ანტ. ფურცელაძე, ავაზაკნი, გვ. 76.

ვე საჭიროდ ხედავს იდეური მოღვაწეობის გარშემო დარაზმოს სწორედ კალაპოტიდან ამოვარდნილი ელემენტები, რომელნიც არსებულ უსამართლო ცხოვრებას ვერ ეგუებიან. ანტ. ფურცელაძე რწმუნდება, რომ არსებულისადმი ინდივიდუალური გზით წინააღმდეგობის გაწევა ვერ დააკმაყოფილებს უკმაყოფილოთა მოთხოვნილებებს. მწერლის თავისებურება იმაშიც იხატება, რომ მის ყურადღებას მართო სოფლის უკმაყოფილო ელემენტები კი არ იზიდავს, არამედ ქალაქისაც — კაპიტალიზაციით კალაპოტიდან ამოვარდნილი ხელოსნებიც. მათი გაერთიანება, მათი დარაზმვა ეხატება მას, როგორც ცხოვრების გადაუღებელი მოთხოვნილება. ამაშიც ანტ. ფურცელაძე ახალია, ნოვატორია. თუმცა ვერც ამ საკითხში მივიდა ბოლომდის, გარკვეულობამდის.

უნდა აღინიშნოს, რომ ანტ. ფურცელაძეს, როგორც ეს მკვლევანდება მის შემოქმედებაში, პუბლიცისტიკურ-კრიტიკული იქნება იგი თუ მხატვრული, იზიდავს გარდამავალი გარდატეხების ეპოქები. მოქმედ გმირებად მას გამოყავს ისეთი პირები, რომლებიც გამოხატავენ კაცობრიობის თუ ვიწრო საზოგადოების კრიზისს, რომელნიც განიცდიან შინაგან რევოლუციას, რასაც აღამიანი ხშირად დაღუპვამდე მიჰყავს. ამგვარი ხასიათი ანტ. ფურცელაძის შემოქმედებაში აშკარაა ვედა, როგორც უკვე განხილულ („დიდი მოურავი“, „ავაზანი“, „მაცი ხეიტია“ და სხვანი), აგრეთვე მის სხვა ნაწარმოებებშიც („სამის თავგადასავალი“, „ვაი მართალთა“, „ჩვენებური საქმის ბოლო“ და სხვანი).

## 6

განხილული მასალიდანაც გამოირკვა, რომ ანტ. ფურცელაძე ენერგიულად ეძებს ცხოვრების ახალ გზებს, საზოგადოებრივი ურთიერთობის ახალ ფორმებს. თავის მისწრაფებებს ანტ. ფურცელაძე არა მართო პუბლიცისტიკურ წერილებში აშუქებს, არამედ მხატვრულ შემოქმედებაშიც ასახეირებს.

ანტ. ფურცელაძის შემოქმედებაში ირევინ მოქმედი პირნი, რომელნიც ახალი ცხოვრების მოახლოებას გრძნობენ, ემზადებიან და ცდილობენ მასთან შესახვედრად სხვების მომზადებასაც. მართალია, ამ მოქმედი პირების დახატვაში მწერლის მხატვრული უნარი სუსტია, მაგრამ, იდეების გამოტანის თვალსაზრისით, ეპოქისა და თვითონ ავტორისათვის დამახასიათებელია.

ერთ-ერთ თავის მოთხრობაში — „ვაი მართალთა“, მიხეილ ზახარჩის, ახალი ცხოვრების მაძიებელ გმირს, ავტორი ასე დაახასიათებინებს საზოგადოებრივ ცხოვრებას: „დააკვირდით აბა ჩვენს ცხოვრებას, თუ ვინმე სახავედეს თავის თავს ბედნიერად, უგუნურთ გარდა... ღიახ! არავინ არის ბედნიერი. დაიწყეთ პირველიდან და გადადით უკანას-

კნელ კაცამდი, და ნახავთ რომ ყველას რაღაცის ეშინიან, ყველა ცდილობს, რომ სხვა მოაუქმლოს, რომ იმ სხვამ, ძალა მოცემულმა, არ დასცეს ესა. ყველა თრთის ხვალის წინაშე და არ იცის დღეს, რა მოაქვს იმისათვის ხვალესა. და ხვალინდელი დღე არის უფრო საშიშარი დიდისათვის, ვიდრე პატარასათვის“...<sup>38</sup>

ასეთია, ანტ. ფურცელაძის გაგებითაც, არსებული საზოგადოებრივი წყობილება: დაძაბუნებული, ფლიდი, მერყევი, არაღამაყმაყოფილებელი, რომლის ხვალინდელი დღე საშიშია უფრო „დიდისათვის“, ვიდრე „პატარისათვის“.

ცხადია, საჭიროა გზების გაკვლევა, ახალი ყოფის ფორმის გამონახვა. ანტ. ფურცელაძე, რა თქმა უნდა, ამ მომავალი ყოფის რაობაში არ არის ჭეროვანად გარკვეული, მერყეობს ლიბერალურ-აზნაურულ, ბურჟუაზიულ-დემოკრატიულ და სოციალისტურ მისწრაფებათა შორის, მაგრამ თავისი ეპოქისათვის მაინც მოწინავეთა რიგებშია.

გავარკვიოთ ეს ისე, როგორც ანტ. ფურცელაძეს აქვს გამოტანილი მხატვრულ შემოქმედებაში (რასაკვირველია, ეს სრულიადაც არ ეწინააღმდეგება მის პუბლიცისტურ წერილებს).

რომანი „მაცი ხვითა“-ს გმირი ეკა, როცა შემთხვევით მოხვდება საფრანგეთში (ქ. მარსელში), გაიცნობს იქაურ წყობილებას, ფიქრობს იპოვოს თავისი მაცი და დაბრუნდეს ისევ ამ ქვეყანაში, „სადაც ასე თავისუფლად სუნთქავს ხალხი, სადაც დამკვიდრებულია თანასწორობა, სადაც ყველას შეუძლია თავის ნებით ცხოვრება, თავის ნებით შრომა, სადაც არც მართებლობასა და მთავრის დარ კაცებს უბრალოდ კაცის დასჯა და წვალების ნება არა აქვთ, სადაც ყველა კაცი ცუდ საქმეზე ერთნაირად პასუხისმგებელია, სადაც ხალხი სოცოხლობს, მოძრაობს და ელტვის უკეთეს ცხოვრებას და გაუმჯობესებას“.<sup>39</sup>

ანტ. ფურცელაძე, მარსელელი ფრანგი ვეჟილის პირით თავის მრწამსს ამჟღავნებს (უნდა კი ითქვას, რომ ფრანგი ვეჟილის გამოყვანა „მაცი ხვითაში“ მეტად ნაძალადეგია, არაბუნებრივია. ამის გარდა საფრანგეთის, როგორც ბურჟუაზიული ქვეყნის წყობილება ანტ. ფურცელაძისათვის, როგორც ხალხოსნისათვის, არ უნდა ყოფილიყო ისეთი იდეალური და მომავალშიც მისაბაძავი. „მაცი ხვითა“ იბეჭდებოდა ჟურნალ „შნათობში“ 1871—1872 წწ., როცა ანტ. ფურცელაძე იდეოლოგიურად ერკვევა და ხალხოსნებს მკიდროდ უკავშირდება).

ანტ. ფურცელაძე მაცი ხვითას ფრანგი ვეჟილის პირით თხოულობს არსებული კანონმდებლობის რეფორმას. მწერლის შეხედულებით, არსებული კანონმდებლობა არ ემყარება ხალხის მდგომარეობის,

<sup>38</sup> ანტ. ფურცელაძე, ვი მართალთა, გვ. 78—79.

<sup>39</sup> მისივე, მაცი ხვითა, გვ. 220—221.

ზნე-ჩვეულების ზუსტ შესწავლას; ის არ ითვალისწინებს იმ სოციალურ პირობებს, რომლებშიც ჩნდება ადამიანის ესა თუ ის ზნე-ჩვეულება, ქცევა. ფრანგი ვეჟილი ცდილობს ახსნას და გაამართლოს მაცი ფიტიას ქურდობა. ამას ის ასე გამოხატავს: „ყველანი, ვინც კი ნეგრელებს გარს არტყიან, თავის ჟინიან სურვილს ძარცვითა და მტაცებლობით იკლავენ. მეგრელნი სხვა მაგალითს ვერ ხედავენ, ყველა იმასა სწავლობს, რასაც ჰხედავს ყველა იმას მოქმედობს, რასაც სხვები სჩადიან... დარჩა მხოლოდ შესწავლა იმ ხელობისა, რომლითაც სცხოვრობდა შემოსული და გარშემო მცხოვრები ხალხი, რომელსაც გაუხედნელობისა და მიწადაგილც სიმცირის გამო, სხვათა შორის, ძარცვა-ქურდობა დარჩენოდათ რჩენის დონეთ, ამას შეეჩვივნენ მეგრელნი თანდათან... შემდეგ ეს საქმე საქებურათა და საკვებურადაც გადაიქცა, რადგან საყოველთაო გახდა და ამასთან რჩენის საშუალებად იქცა“;

მწერალს უნდა დაამტკიცოს, რომ არსებული კანონმდებლობის მფარველობის ქვეშ ქურდობა-მძარცველობა უფრო გამახვილებულად მძვინვარებს, მაგრამ ნიღბათარებული სახით. კანონი მათ არა სჯის, არა სდევნის იმიტომ, რომ ის „კანონიერია“. „ამას რომ კარგად განვიხილავთ, — ხსნის ფრანგი ვეჟილი, — ჩვენ ვნახეთ, რომ, როგორც მეგრელნი ქურდობასა და აბრაგობას არიან შეჩვეული და საქებურადაც მიაჩნიათ, აგრეთვე ყველა სხვა ხალხი შესჩვევია სხვა, გაცილებით კიდევ უარეს საძაგელ საქმეებს, რომლითაც ერთნი სძარცვავენ მეორეს, ხელიდან აცლიან უკანასკნელ ლუკმა-პურს, თვითონ მდიდრდებიან და ღარიბნი კი უფრო და უფრო ღატაკდებიან... ის საქმენი, რომელიც ჩვენ საქებურათა და საკვებრად მიგვაჩნია, ბევრით უფრო მავნე და საძაგელია ხალხისათვის, ვიდრე ქურდობა და აბრაგობა“<sup>40</sup>.

მაგალითისათვის ვეჟილი იღებს ვაჭრობას, რომელიც თითქმის ყველა ქვეყანაშია გავრცელებული. მეტად თვალსაჩინოდ, დამარწმუნებლად ამტკიცებს, რომ გამყიდველი ატყუებს, ძარცვავს, პარავს მყიდველს. „ვისტქვათ, — მოხდენილად ამბობს ვეჟილი, — გაიგე კიდევ, რომ ვაჭარმა მოგატყუა და მანეთში ან ორი მანეთი და მეტი გამოგართვა — რას იზამ? არაფერს. იმიტომ, რომ ამგვარი ქურდობა ჩვენგანაცა და კანონისაგანაც, შეწყნარებულია. რაც უფრო მდიდარი ვაჭარია, იმდენი უფრო ფიანდაზათ ქვეშ ვეგებით და პატივსა ვცემთ, თუმცა რამდენიც უფრო მდიდარია, იმდენად ამისი სიმდიდრე იმას ამტკიცებს, რომ უფრო ბევრი მოუტყუებია და გაუძარცვავს“<sup>41</sup>.

ანტ. ფურცელაძე ფრანგ ვეჟილს უფრო გაადრმავებინებს სოციალური ცხოვრების უსამართლობას, მას კერძო საკუთრების, სხვისი შრო-

<sup>40</sup> ანტ. ფურცელაძე, მაცი ხეობა, გვ. 248.

<sup>41</sup> იქვე, გვ. 250.

მის ექსპლოატაციის წინააღმდეგაც ალაპარაკებს (თუმცა ეს საფრანგეთის მოქალაქისათვისაც უცხოა, მაგრამ ეს შესაძლებელია ავხსნათ პარიზის კომუნარების აჯანყების გავლენით). ფრანგი ვეჭილი აღნიშნავს, რომ მარტო აღებ-მიცემობა არ არის ღარიბი ხალხის საძარცვავ საშუალებად მიღებული სხვადასხვა ქვეყანაში. ფრანგი ვეჭილი მაგალითისათვის აიღებს მიწის სარგებლობისა და გამოყენების პირობებს და შემდეგი კითხვებით არკვევს მათ მძარცველობის ხასიათს: „რაში აძლევეს... მშრომელი კაცი თავის ნაშრომს მიწის პატრონს?... ის (ე. ი. მშრომელი. — მ. ზ.) ტყუილად კარგავს თავის ჯანღონეს, ეს (ე. ი. მიწის მესაკუთრე. — მ. ზ.) კი ჯანს ჰხმარობს, მითი სარგებლობს... ჯანიანისაგან სხვის კისერზე წოლა არის ქურღობა, რადგან თავის ჯანს არა სჯის და სარგებლობს მხოლოდ სხვისი ჯანით, რაკი ხეღავეს მის გაჭირვებას და იცის, რომ ის ნებით, თუ უნებღიეთ უნღა ემსახუროს მას... ზოგჯერ ერთი კაცი ჰნთქავს ათასობით სხვის ჯანსა და ღონეს მიწის მიქირავებაში, თუ ქარხნებისა და სხვა ამგვარ სამუშაოებში და ჩვენ ამისთანა წურბელა კაცებს ღიღებითა და ღაღაღებით შევეყურებთ. ამგვარ უსაზღომობითა და უწესრიგობით არის ქვეყანა მოცული. ჩვენ ყოვეღივე ამას ვუყურებთ სრულიად გულგრიღად, რადგანაც თვღლიცა და ყურიცა შეჩვეული გვქვს“<sup>42</sup>.

ფრანგი ვეჭილი თავის გრძელ (და უნღა ითქვას გაჭიანურებულ, მოსაწყენ) სიტყვაში აკრიტიკებს რა არსებულ წყობიღებას, ცღიღობს გამოსავღი მისცეს კანონმღებღობის წარმომადგენღლთ: „როგორც კაცს,—ამბობს ის,—სიმშიღი და სიღარიბე ცუღს საქმეებს ჩაღღენინებს, ისეც ის შეიქმნება კარგი, საღი და კეთიღი, როცა კარგს მაგღიღებში, კარგ გაზრღაში ამყოფებ და მისცემ ცხოვრებისა და შრომის სახსარს. ამიტომ უპირვეღესად სავჩიროა, რომ ყვეღა კაცი თავის საქმეში თავისუფღღი გახღღეს, მხოლოდ ამ თავისუფღღებით კი სხვას არ უნღა ავიწროვებღღს, სხვის თავისუფღღებას არ უნღა ზღღუღავღღს. მიეცით ხღღხს აღღგიღი სახღღღმწიფო საქმეებსა და მმართვეღღობაში, გაიყვანეთ გზეღბი, მიეცით საყოვეღღთაო სწავღღა, სწავღღა ნამღღვიღი, რომეღღიც ანვიღთარებღღს იმის ბუნებასა და საზოგადო კანონებსა და მოვღღენების გამოკვეღღევა-შესწავღღაში, მიეცით სახსარი, რომ არ შეეღღღოს ერთს მეორესი ღაჩაგვრა და ღაჯაბნება“<sup>43</sup>.

მართღღღი, ფრანგი ვეჭიღღისათვის ასეთი გამოსავღღის ჩვენება ცოტა არ იყოს ხეღღოვნურიღა, გღღაჭარბებუღღიღა, ის ზომ ბურჟუღზიუღღი წყობიღღების წარმომადგენღღიღა და, როგორც ასეთისათვის, ძღღღმომრეღღობის წინააღმღღეგ ასეთი გღღღაშქრება შეუღღღერებღღიღა, მაგრამ ავ-

<sup>42</sup> ანტ. ფურცელაძე, მაცი ხეღღი, გვ. 254—255.

<sup>43</sup> იქვე, გვ. 259—260.



ტორისათვის ეს არ არის დამაბრკოლებელი. რადგანაც მისთვის მთავარია საკუთარი მრწამსის გამოტანა მკითხველთა წრეში. ამ მიზნის განხორციელებაში ანტ. ფურცელაძე ხშირად საშუალებებს არ არჩევს, არ ერიდება მხატვრულობის თვალსაზრისით, შეუფერებლობას, სტილიურად დაუხვეწაობას. ეს იყო ხშირად დიდი ნაკლი ხალხოსანი მწერლებისათვის. ესევე ნაკლი, უფრო მეტი დოზით, ანტ. ფურცელაძესაც ახასიათებს. მწერალი ენერჯის მთელი დაჰიმვით ახალი ქვეყნისაკენ გაიყურება. ამისათვის უნდა მას ხელოვნებაც. თავის იდეები ავტორს სურს მოქმედ პირთა საშუალებით გამოიტანოს, რაც დამახასიათებელი სტილიური ნიშანი იყო ხალხოსანის მწერლებისათვის.

‡

7

ანტ. ფურცელაძე, ფრანგი ვეჟილის პირით, მსჯელობს იმ საფუძველზე, რომელზედაც უნდა აიგოს მომავალი საზოგადოებრივი ცხოვრება. საჭიროა ამ ახალი ცხოვრებისათვის მზადება. საჭიროა ახალი კაცი, ახალი მისწრაფებებით, რომელიც ხალხს აღთქმის ქვეყნისაკენ გაუძღვება. ასეთი პრობლემა თითქმის ყველა ხალხოსანი მწერლის წინაშე იდგა. ეს საკითხი საკმარისი სიცხადით დგას ანტ. ფურცელაძის წინაშეც.

ანტ. ფურცელაძეს ამ ახალი ცხოვრების მკედელი ეხატება იმ განათლებული, ზნეობრივად მაღალი კაცის სახით, რომელსაც სტანჯავს ვალდებულება საზოგადოებრივი ცხოვრების გაუმჯობესებისა, არ აძლევს მოსვენებას და აიძულებს არსებულ წყობილებას, მოძველებულ მსოფლმხედველობას შეურიგებელი ომი გამოუცხადოს.

ასეთები არიან: სვიმონ ბაღლაძე („სამის თავგადასავალი“), ბესარიონ ვარგისაშვილი (რომლის მეშვეობითაც მწერალი აწარმოებს თხრობას თავის სამ ნაწარმოებში — „სამის თავგადასავალი“, „ვაი მართალთა“, „ჩვენებური საქმის ბოლო“), მიხეილ ზახარაიჩი („ვაი მართალთა“) და ვასილ ნაწარეტაშვილი („ჩვენებური საქმის ბოლო“).

აღსანიშნავია, რომ ეს „ახალი კაცები“, ახალი ცხოვრების მიღებისათვის ასე გატაცებულნი, ხალხის ფართო ბედნიერი და შეგნებული ცხოვრების მაძიებელნი, გამოსული არიან თავადაზნაურობის წრიდან. ყველა თითქმის „მონანიე აზნაურის“ თვისების მატარებელია, თუმცა ეს თვისებები მათში მეტად ბუნებრივად მქდავნიდება. ისინი არ არიან არც ხალხში მოსიარულენი და არც მებრძოლენი. ეს მეტად დამახასიათებელი შტრიხია ანტ. ფურცელაძისათვის და ამიტომ განსაკუთრებულ დაკვირვებას თხოულობს.

სიმონ ბაღლაძე კარგა შეძლებული მებატონის — გივი ბაღლაძის შვილი იყო. მისი ოჯახი ჩვეულებრივი მებატონის ოჯახის სპეციფიკუ-

რი თვისებებით ხასიათდებოდა: ყმით, მამულით, მოსამსახურეებით, რომელთაც გივი ჩვეულებრივად მკაცრად ეპყრობა: მას არ უყვარდა დიდხანს საქმეზე ჩიჩინი. ჯერ მოჩივარს სცემდა, ან აცემინებდა (უფრო უკანასკნელ საშუალებას იყენებდა) და შემდეგ იმასა, ვისაც უჩივოდნენ: „ესენი თუ მე არ დავეწრეთენი, — ამბობდა ის, — ამთგან ხეირი არ იქნება და კაცის პატივის ცემა არ ექნებათ“—ო... რასაკვირველია, გივი ისეთი ბრძიყვი არ იყო, — გესლიანად წერს ავტორი, — რომ არა სცოდნოდა ცემა რა ღროს, ან ვის უნდოდა. ვინც გივის პატივისცემა იცოდა, იმათ, არამთუ როზგსა, ცივს ნიაფსაც არ მიაკარებდა, და თუ არ იცოდნენ მისი პატივისცემა, მაშინ ამისი ბრალი აღარ იყო, ვინც უნდა შეხვედროდა, გარჩევა არ ჰქონდა“<sup>44</sup>.

მალე გივიმ მიიღო მათრობა, ფული, პატივისცემა. გაათართოვა ყმა და მამული და გააძლიერა თავის ძალმომრეობაც.

მწერლის დახატვით, გივის შვილი სვიმონი ბავშვობიდანვე ვერ ეგუებოდა მამის მოპყრობას გლეხკაცისადმი (ავტორი არ გვიჩვენებს, როგორ, ან საიდან განვითარდა სვიმონში ამგვარი ბუნება), ვერ შეეგუა სვიმონის ბუნება აგრეთვე სასწავლებლის უაზრო, მკაცრ რეჟიმს. სვიმონი არავის (და არც უფროსებს) არ უთმენდა შეურაცხყოფასა და უსამართლობას. თავისი მკვახე სიტყვით მოთმინებიდან გამოჰყავდა ისინი, რისთვისაც მალე დაითხოვეს სასწავლებლიდან. მამამ ახლა რუსეთში გაგზავნა ის სასწავლებლად. აქ სვიმონში თანდათან მუშავდება ხასიათი და მიმართულება. ავტორის მოწმობით, სვიმონს არ უყვარდა მუქთად ყოფნა და ყოველთვის რასმე აკეთებდა. ბევრს კითხულობდა, განსაკუთრებით, როდესაც ლიცეიში გადავიდა. „მალე მიჰყო რიგიან საკითხავ წიგნებს ხელი და დაუღო სწავლასაც თავი“. ამის გარდა, უყვარდა ამხანაგებში სხვადასხვა საქმის დაწყება და ყოველ საქმეში უეჭველად მოთავე უნდა ყოფილიყო. თუმცა ამხანაგები მის დაღვრემილ სახესა და მკვახე სიტყვას გაუბროდნენ, მაგრამ საზოგადო საქმის დაწყება კი უიმისოდ არა ხერხდებოდა. „ყველა ამხანაგებში, — ახასიათებს ავტორი, — ეს ირიცხებოდა შეუსყიდელ მართლის მთქმელად და სწორე მოსამართლეთ“. რაც ღრო მიდიოდა, სვიმონის მსოფლმხედველობა და ცოდნა ღრმავდებოდა. ის აღარ სჯერდებოდა ლექციებზე ცარიელ სიტყვას. პროფესორისაგან თხოულობდა ახსნა-განმარტებას, დასაბუთებას. ამ ნიადაგზე იქაც მოხდა გაუგებრობა თუ უსიამოვნება, და სვიმონი დაითხოვეს სასწავლებლიდან. ეს მომენტი ჩვეულებრივი იყო რუსეთის „მონანიე აზნაურთა“ ცხოვრებაში.

სვიმონს საზღვარგარეთ უნდოდა წასვლა. მამას სთხოვა დახმარება,

<sup>44</sup> ანტ. ფ. ურტეღაძე, სამის თავგადასავალი, გვ. 15.

მაგრამ მამამ საპასუხოდ შემდეგი მისწერა: „თუ შენ კარგი ყოფილიყავ, შენ მანდედან არ დაგიტხოვდენო“.

სვიმონი იძულებულია სახლში დაბრუნდეს. აქ სამსახურში არ შედის, ის წინააღმდეგია ბიუროკრატიულ დაწესებულებებში მუშაობისა. მან სოფლად ოთხი წელიწადი დაჰყო. „ის, — გადმოგვცემს მწერალი, — ხშირად დადიოდა გლეხკაცების სახლებში და უგდებდა იმათ ცხოვრებას ყურს; დასდევდა საღამომდის სამუშაოზედ, ღამე ხარში, ტყეში, სარწყავში და სხვა. უგდებდა მიწებს ყურსა, დაჰქონდა მინდორში რალაც წიგნები, სჩხრეკავდა სხვადასხვა მიწებსა, უგდებდა ყურსა რა მიწაში რა მოსავალი მოდიოდა, რა მიწას რა მოვლა უხდებოდა... ყოველ კლდეს, ყოველ ხეს სინჯავდა და სწერდა რა ალაგას როგორი მცენარე იზრდებოდა, რა ალაგას რა უფრო ხარობს, რა ალაგას რა მოუხდება და ხშირად თითო კვირაობით არ მიდიოდა სახლში“<sup>45</sup>.

მეტად მკრთალი სახეა სვიმონისა. რა უნდა მას ან სოფელში, ან გლეხებში, ან რას დაეძებს მინდორ-ველებში, არა ჩანს. ეტყობა ავტორსაც ეს ხასიათი არა აქვს ჯერ გაგებული („სამის თავგადასავალი“ დაწერილია 1866 წელს); „მონანიე აზნაური“ მასობრივად გამოდის რუსეთშიაც 70-იან წლებში. ჩანს, ავტორის ყურადღება სოფლის მცხოვრებთა და მისი ბუნების გარშემოა დატრიალებული. სოფლის მოქმედება, მისი აყვავება აინტერესებს მწერალს. მაგრამ სვიმონს ავტორი არა სტოვებს სოფლად, გასაქანს ვერ აძლევს. მისთვისაც ბუნდოვანია სვიმონის ასპარეზი. სვიმონი მიდის ქალაქში იმ იმედით, რომ იქნება როგორმე მოახერხოს საზღვარგარეთ წასვლა.

საზღვარგარეთი იზიდავს ანტ. ფურცელაძის მეორე მოთხრობის „ვაი მართალთა“ გმირს მიხეილ ზახარიჩსაც, განსაკუთრებით საფრანგეთი, როგორც თავისუფალი ქვეყნის სიმბოლო. ასეთივე ბუნდოვანი, გაურკვეველია სახე მიხეილ ზახარიჩისაც. რიტორიკული ხასიათისაა მიხეილის საუბარი ლიზასთან ბოროტების, ავკაცობის წინააღმდეგ. „აბა გახშირდნენ საზოგადო აზრისა და ერთხელ დადებული ჩვეულების გადამდგომნი, შეხედონ ამ აზრისა და ჩვეულების ავსა და კარგს მხარეს გონიერულად, ჩაუდგნენ ამათ შინჯვაში, და ნახავთ, როგორ წაიწვეს და წავა წინ კაცთა კაცური ცხოვრება; ჰნახავთ... რა ერთი საღალადო და სათაყვანო გარემოებანი დაემხობიან და მოიდრეკენ სიმართლის წინ მუხლსა... მართალია; „ვაი მართალთაო!“ მართალია, უბედურნი არიან თავის სიცოცხლეში, ვინც პირველი შეჰმართავს ხელს საზოგადო კერპს და დამკვიდრებულს წესებს, მაგრამ ისინი არიან მართალნი სოფლისა, როგორც ამბობს სახარება“...<sup>46</sup>

<sup>45</sup> ანტ. ფურცელაძე, სამის თავგადასავალი, გვ. 26—27.

<sup>46</sup> მისივე, ვაი მართალთა, გვ. 72.

მიხეილ ზახარიჩი მკვერმეტყველურად უქადაგებს ლიზას—თავისი საკუთარი შრომითა და ხელით იცხოვროს. ლიზას ამის ქადაგება აღარა სჭირია, მან უკვე გადალახა პრივილეგიური კლასის სიამპარტავენე, შრომაც დაიწყო და ძველ ყოფას, ძველ მსოფლმხედველობასაც ბრძოლა გამოუცხადა, თუმცა სუსტი მომზადებით. თვითონ მიხეილი განაგრძობს თავისი მშობლების ხარჯზე ცხოვრებას, ის მათ ყოფა-ცხოვრებას აკრიტიკებს, მათთან ერთად არსებობა შეუძლებლად მიაჩნია. ავტორს მიხეილისთვისაც ვერ მოუნახავს მოღვაწეობის ასპარეზი, მისი მკვერმეტყველობა მარტო ლიზასათვის იკარგება. ამ საუბრებში ამჟღავნებს ანტ. ფურცელაძე თავისი გმირის იდეურ მისწრაფებებს (ალბათ, თავისასაც). მიხეილი ლიზას და თავის დას ნატოს უკითხავს წიგნებს, უხსნის ისტორიას და განსაკუთრებით საფრანგეთის ახალ ისტორიაზე ელაპარაკება პათეტიკური ტონით. საფრანგეთი ჩვენს ავტორსაც იზიდავს, იგი მისთვისაც თავისუფალი ქვეყნის სიმბოლო იყო. მიხეილმა ლიზასა და ნატოს „უჩვენა ის აზრი და ლტოლვილებანი, რომელნიც დაჰბადა და ვააღვიძა ამ ხალხის მოძრაობამ, როდესაც ყველას მიეცა ნება თავისუფლად ამოსუნთქვისა და თავის აზრების წარმოთქმისა. უჩვენა, როგორც ამ ხალხის მოწინავე პირნი და მთელი ევროპის სახელმწიფოთა უფლების მქონებელი უკანასკნელს ძალას ჰხმარობდნენ, რომ დაემხოთ საფრანგეთის მოძრაობა და ძირშივე ამოეთხარათ თავის ქვეყანაშიაც შეპარებული ფრანციკული აზრები. მარტო ცოცხალმა და შეუდრეკელმა ფრანციის ხალხმა აღმართა დროშა სიმაართლისათვის... მათი აღძრული სწავლა და საქმენი გავიდნენ ხალხში... და დღეს იქნება, თუ ზვალ ზალხნი მოიყვანენ ამ აზრით აღსრულებაში“<sup>47</sup>.

ეს მხოლოდ სიტყვებია, ლაპარაკი მაღალ იდეებზე, მისწრაფებებზე. საქმე კი არა ჩანს. ავტორსაც ეს იდეები თავში აქვს შეკრებილი, გავლენებით გამოწვეული და არა უშუალო ცხოვრებიდან ამოკრეფილი. მას ეს იდეები მოქმედებაში ვერ გადაუტანია და არც იცის, როგორ გადაიტანოს.

მიხეილი, სვიმონი, როგორც სხვა მოთხრობის „ჩვენებური საქმის ბოლოს“-ს მოქმედი პირი ვასილ ნაწრეტაშვილი, ნაწილობრივ მაინც მოგვაგონებენ რუსეთის სინამდვილეში XIX საუკუნის 20—40 წლებში განვითარებულს უნიადაგო, ზედმეტ აღამიანებს („лишние люди“). ავტორი თითქოს ალექსანდრე გერცენის გავლენასაც უნდა განიცდიდეს, განსაკუთრებით მისი რომანის „Кто виноват?“-ისა, აგრეთვე ი. ტურგენევის რომანისა „Рудин“.

ვასილ ნაწრეტაშვილიც განათლებული თავადია. მან იგრძნო ახალი

<sup>47</sup> ანტ. ფურცელაძე, ვაი მართალთა!, გვ. 85—86.

ცხოვრების მოახლოება, მისი საჭიროება, აზრიანობა. გაიმსჯელა მისი იდეებით. უნივერსიტეტიდან ბრუნდება თავის სოფელში, აქ შეხვდება მას მეზობელი, ნათესავი, ახალგაზრდა ნიჭიერი ქალი კატო. ესეც მასთან საუბარში გამოიჩინეს თავის ნიქს, მომზადებას, მორალურ სიმაღლეს.

კატოსთან საუბარში ვასილი ამჟღავნებს თავის იდეებს, რომლებიც ხალხოსნურს უფრო უახლოვდება, ვიდრე სვიმონისა და მიხეილისა. „რაკი დავასრულებთ სწავლასა, — ეუბნება ვასილი კატოს, — დავბრუნდებით ჩვენს დაჩაგრულს ქვეყანაში. გვექნება სწავლის მხრივ საკმაო მომზადება, და ვინ იცის რამდენი საქმე გვექნება წინა! რამდენი კარგი საქმე შეგვეძლება გავაკეთოთ ამ ჩვენს ჯერეთ თავშეუდებელს და ხელშეუხებელს ქვეყანაში!.. სასწავლებლები, ამხანაგობები, ბანკები სოფლებისათვის! ესლა რომ საცოდავთ მურტლები და ტირვლები დაიარებიან ე საცოდავი გლეხის ბიჭები, ილიაში სახრე ამოჩრილები და სიცივისაგან წელში წაკუზულები, შეგვეძლება სწავლით და სხვადასხვა დაწყობილებებით ამათი ამგვარი, არა კაცური ცხოვრების შეცვლა. მაშინ უყურე, როგორ ესლანდელი წუმპეების მაგივრად ჩვენს კარმიდამოზე რა სუფთა მოიდნები იქნებიან; ჰვარტლიანი სადგომების მაგივრათ, სადაც პირუტყვნი და კაცნი თითქმის ერთს საწოლზედა წვანან, იქნებიან სუფთად გამოწყობილნი, დიდ ფანჯრებიანი სუფთა სახლები თავისი მშვენიერის ბაღებით... ამას ყველას უნდა მხოლოდ მხნე და თავგამოდებული გულის შემატკივარი მომზადებული კაცები“<sup>48</sup>.

უდავოდ, ხალხოსნების გავლენა მოჩანს ანტ. ფურცელაძეზე („ჩვენებური საქმის ბოლო“ დაწერილია 1873 წელს, სწორედ რუსეთში ხალხოსნური მოღვაწეობის უძლიერესი განვითარების ხანაში). შესაძლებელია, ანტ. ფურცელაძე ამ ნაწარმოებით ეკატერინე გაბაშვილის ერთგვარ წინამორბედად მივიჩნიოთ (რასაკვირველია, იდეურობის მხრივ). ეკ. გაბაშვილის „გამარჯვებული ნიკოს“ ეპილოგი წააგავს ანტონის ხსენებულ ნაწარმოებს იდეურად. თუმცა, უნდა აღინიშნოს, რომ ეკ. გაბაშვილის „გამარჯვებული ნიკოში“ ხალხოსნური იდეები უფრო გარკვევითაა გადაშლილი).

ვასილ ნაწრეტაშვილიც პრაქტიკულ ცხოვრებაში რალაც გამოუსადეგარი კაცია, როგორც სხვისათვის, ისე თავისთვისაც. ანტ. ფურცელაძის აღნიშნული სამივე გმირი უკვალოდ ილუპება. ცხოვრების ასპარეზზე ისინი მეტად ადვილად იმსხვრევიან. ამის მიზეზი, როგორც ზევითაც აღვნიშნეთ, მწერლის გაურკვეველობაა.

მიხეილს როცა ავტორი აქ ვერ გამოუჩინა ხავს მოქმედების ასპარეზს ცოდნისა და ენერჯის გამოყენებისათვის, საზღვარგარეო, საფრან-

<sup>48</sup> ანტ. ფურცელაძე, ჩვენებური საქმის ბოლო, გვ. 44—45.

გეთში გაგზავნის. იქ უნდა მიხეილს გაიღრმავოს ცოდნა, ისწავლოს კიდევ ახალი. და რაღაც გაუგებრობით, ყოველ შემთხვევაში, მკითხველისათვის სრულიად მოულოდნელად, მიხეილი საფრანგეთში ბარაკადებზე აღმოჩნდება.

„ამ დროს, — აგვიწერს ავტორი, — ერთი ბარაკადიდან, რომელიც იყო მუშების კვარტალში გამართული, გამოვიდა ერთი ახალგაზრდა, შავ თვალ წარბა, ცოცხალი სახის, შუა-ტანის მყოფი ყმაწვილი... ის მივარდა საჩქაროთ იმ ადგილას, სადაც უხვევდნენ დაჭრილებს დაკოდილს ადგილებსა. იმას საჩქაროთ შეუხვეიეს ხელი. ის გაბრუნდა ისევ წასასვლელად... ის იყო მიშო... მიშო გადაერია და დაერჭო ბაირახტართან. ბაირალი ეკირა ერთს ახალგაზრდა ქალს, რომელსაც დაჭრილობისაგან ჩამოსდიოდა მხრებზე თქრიალით სისხლი. ის არ უშვებდა ბაირალს ხელიდამ... — გაუმარჯოს კომუნას!! შესძახა ამ ქალმა და გაუვარდა ბაირალი ხელიდამ. იმას გაუარა ტყვიამ შიგ გულში. მიშო დასწვდა ბაირალს... აიტაცა ბაირალი და წადგა კიდევ წინ... გავარდა თითქმის ზედ ბარაკადებზე შემომდგარის ვერსალის ჯარის მთელი ზვოდის თოფები და მთელი წან მდგომი კომუნარები დაეცნენ... მიშოს გაპვარდა ხელიდან ბაირალი“<sup>49</sup>.

რატომ? რისთვის? რა აკავშირებდა მიშოს პარიზის კომუნარებთან? აუხსნელ საიდუმლოდ რჩება მკითხველისათვის. მიხეილის სახე ცოტათი მოგვაგონებს ი. ტურგენევის რომანის „Рудин“-ის გმირს რუდინს. ტურგენევის თხზულებაში რუდინის საფრანგეთში წასვლა მოულოდნელი არ არის, რადგან რუდინის ხასიათის გაშლა ბუნებრივად მიდის მისი საფრანგეთის რევოლუციაში მონაწილეობამდე და ბარაკადებზე სიკვდილამდე.

ასეთივე უიალქნოა ვასილ ნაწრეტაშვილი, საღი გონებისა, კარგი ცოდნისა და მაღალი მორალის მქონე ახალგაზრდა, მაგრამ ისიც ცხოვრებაში უნიადაგო. ის სიტყვის კაცია და არა საქმისა. ვასილმა თავის საუბრებით აუმღვრია გული კატოს, გაუღვიძა მას ახალი ცხოვრების დიდი ნდომა. კატო მთელი გატაცებით გამზადებული დგას იმ ქვეყნის კარებში, საითქენაც ასეთი ჯადოსნური გავლენით იგი მიჰყავდა ვასილ ნაწრეტაშვილს, მაგრამ ვასილი ცხოვრების პირველსავე ნაბიჯზე უსუსური, უძლური გამოდგა. ის კატოსთან წერილის მოწერასაც ისე ვერ ახერხებს, რომ მისი მშობლები არ ჩაერიონ მათ საქმეში. მისმა შეხვედრამ კატოსთან, ეს უკანასკნელი იმსხვერპლა. ვასილმა ვერც კი მოახერხა ჩამოსულიყო საყვარელ ადამიანთან, გაეგო საქმის ვითარება. ვასილი ცხოვრებას არ იცნობს, მას სათანადოდ ალღოს ვერ უღებს, ამიტომაც ის უნიადაგო, უხერხემლო.

ვასილის უხერხემლობა შემდეგშიაც გამოჩნდება. ის შეერთავს

<sup>49</sup> ანტ. ფ უ რ ც ე ლ ა ძ ე, ვაი მართალთაი, გვ. 117—123.

ერთს რუსის ქალს. ველარ გასძლებს რუსეთში. ჩამოვა თბილისში. იქ მსახურობს. სოფელში დაბრუნებისას მოინდომებს კატოს ნახვასაც, მაგრამ დამახინჯებული, გაუბედურებული კატოს დანახვა მას წარსულს მოუწამლავს და უმალ წამოვა იქიდან, აღარც კი ინახულებს მას... ესეც ხომ ჩვეულებრივი გაქცევაა სინამდვილისაგან, რაც ასე ახასიათებდა ზედმეტ ადამიანებს!

მაგრამ რა ქნა ვასილმა? გააკეთა რამე თავისი დიდი ნიჭითა და ცოდნით?

ამის საპასუხოდ მწერალი შემდეგ ცნობას იძლევა: „ვასილი დატრიალდა ქალაქში. იმის სახლის კარი ღია იყო თავის ახალგაზრდა ამხანაგებისათვის. გარდა ამისა, ვასილის სახლში ნიდაგ ცხარე ბაასი და მუსაიფი იყო სხვადასხვა დაწინაურებული აზრების მოძრაობაზე, რომელიც კარგის ვახშმით ან ქალაღლით თავდებოდა. „Это все слова!“ იძახოდნენ თვითონვე ეს ახალგაზრდები: „Нам надо дело. Дело давайте, дело“. „დელოს მთხოვნელები, როდესაც საქმე მიდგებოდა „დელოზე“, რჩეოდნენ ისევე ლაპარაკს, რადგან ლაპარაკი უფრო ადვილიცაა და სასიამოვნოც“.

ავტორი ვასილ ნაწრეტაშვილს და მის წრეს, ამ მოლაპარაკე ხალხს, უარყოფითად ეკიდება. ავტორში მოჩანს რუსეთის 60-იანი წლების გავლენა. 60-იან წლებში რუსეთის ინტელიგენციამ, განსაკუთრებით „რაზნოჩინეცის“ წრიდამ რომ გამოვიდა, ბრძოლა გამოუცხადა სიტყვას და სიტყვის ადამიანებს. თავისი მხრით წამოაყენა საქმისა და საქმის ადამიანების აუცილებლობა:

На труд и битву я готов,  
Лишь бы начать в союзе нашем  
Живое дело вместо слов!..

ამბობს 60-იანი წლების მოწინავე საზოგადოების განწყობილების გამომხატველი ნ. დობროლუბოვი.

ვასილი ოჯახში უხეირო, უნიადაგო გამოდგა. მისი ცოლიც მოლაპარაკეა. ვაჭრის ქალი ცხოვრებას პრაქტიკულად უყურებს. ამიტომ მას „საქმით ყველა დედაკაცების ცნობა და მიყოლ-მოყოლა და მდიდრული ცხოვრება ერჩივნა“. ასეთმა ცხოვრებამ ვასილი ვალებში ჩააგდო. ამასთან ერთად ვასილი, „რომელიც—მწერლის დაუფარავი ირონიით, —თავის შეწირვას უპირებდა თავის სამშობლოს, ახლა ქართველებსაც სრულიად ძვირად ხვდებოდა: ამ თავდადებულ ქართველს შვილებიც ისე ეზრდებოდნენ, რომ ქართული იწიცი აღარ იცოდნენ და საქართველოს ხალხი იმათთვის იყო ისეთივე უცხო, როგორც სპარსელები და იაპონელები. ცოლს ამისას არ მოსწონდა ქართველები“<sup>50</sup>.

<sup>50</sup> ანტ. ფ უ რ ც ე ლ ა ძ ე, ჩვენებური საქმის ბოლო, გვ. 94.

ასე ფუჰად, უშინაარსოდ მიიზღაზნებოდა ვასილის, დასაწყისშივე დაჰიანებული, ცხოვრება. საქმეს ეძებდა და საქმე მას ცხოვრების ველზე ვერ ეპოვა.

შედარებით მიხეილსა და ვასილთან სვიმონი უფრო გარკვეული-ცაა და მტკიცეც. იმასა აქვს უნარი საქმე მონახოს, გააყეთოს, ცხოვრების უკულმართობასაც ებრძოლოს.

სვიმონი გადმოვიდა თბილისში. მართალია მამას დაჰპირდა სამსახურში შესვლას, მაგრამ სამსახურში არ უნდა შევიდეს. უარყოფითად უყურებს სამსახურს დაწესებულებაში. ის საზღვარგარეთ ემზადებოდა წასასვლელად, თუ მამა ფულს მისცემდა. დაიჭირა ქალაქში ორი ოთახი. ჰყავს მოსამსახურე გოგია. სწავლობს, ბევრს კითხულობს. „ენის გასაქარებლად“ მოსიარულე ყმაწვილებს სვიმონმა მალე ამოაყვეთინა ფეხი თავის სახლიდან. ახლა მასთან მეზობელი საწყალი დედაკაცი თუ მოვიდოდა „ქალაღის გასაკეთებლად ან სხვა რამე საქირო საქმისათვის“. დანარჩენ დროს ის უჯდა „სასარგებლო წიგნებს და მუყათად ჩაჰკირკიტებდა“. ვარგისაშვილის შეკითხვაზე, რატომ არ დიდის სვიმონი თავის ნათესაებთან — დიდ კაცებთან, რადგანაც ისინი, ყოველ შემთხვევაში, გამოსადეგნი არიან, სვიმონი თავისებურად მკვახედ უპასუხებს: „მერწმუნე, თუ სადმე გამოუსადეგარი ვინმე არიან, გამოუსადეგარნი მაგგვარი ხალხნი არიან, თუ სამსახური უნდა კაცსა და მაგათი საკბილოა, მაშინ კი, და სხვაფრივ კი ღმერთმა შეინახოს... მაგათთვის საზოგადო საქმე ღმერთს არ დაუბადია“<sup>51</sup>.

სვიმონ ბაღლაძის მოღვაწეობას, უნარს, მორალურს სიმაღლესა და ძალას ავტორი ამქლავნებს მის შემდეგ მოქმედებაში.

სვიმონი შეზღუდება მეძვე ქალს მაშას, რომელიც დედინაცვალის ზეგავლენით მამას ძალად გაეყიდა. მაშას, მიუხედავად ასეთი მდგომარეობისა, შერჩენილი ჰქონდა თავმოყვარეობა და სურვილი ამ მდგომარეობიდან თავის დაღწევისა. ზიზღითა და შხამმორეული ბოღმით უყურებდა ის უსამართლო საზოგადოებრივ ცხოვრებას.

მაშა შეზღუდა ჯერ სვიმონის ამხანაგს დავით დესპანიძეს, რომელსაც პირველ შეყრისთანავე მაშასადმი რალაც გამოურკვეველი თანაგრძნობა აღეძრა. მკითხველზე გარკვეულ შთაბეჭდილებას ახდენს მაშას მოთხრობა თავისი მძიმე ცხოვრების შესახებ; განსაკუთრებით ამაღლელებელია ის პირობები, რის გამოც მაშა ამგვარ გზაზე დადგა. მაშას ცხოვრების მოუწესრიგებლობისადმი სიძულვილში ავტორის აღმფოთებული ხმაც ისმის. „გარწმუნებ, — ეუბნება მაშა დავით დესპანიძეს, — რომ ამ ყოფაში ჩავარდნილი ქალი ძვირია უმიზეზოთა... რომელსაც გინდა ჰკითხე ამ ჩვენს სახლში მყოფ ქალსა და გაიგონებთ

<sup>51</sup> ანტ. ფ უ რ ე ლ ა ძ ე. სამის თავადასავალი, გვ. 11.



იმისთანა სამწუხარო თავს გადასაველებს, რომელნიც ამაზედ ნაკლები სამწუხარონი არ არიან... მაგრამ ბევრნი მალე ეჩვევიან ამ ცხოვრებასა... მე კი... მგონია არც როდის... და ნურცა ჰქმნას ღმერთმა... როგორც იქნება და როდესაც იქნება გადავიხდი ჩემს ვალს... და მასუკან... როგორც იქნება მოვინანიებ ჩემს ცოდოსა"<sup>52</sup>

ასეთ შეხედულებას ცხოვრებაზე ავტორიც იზიარებს. ცხოვრება მოუწესრიგებელია, ისეა მოწყობილი, რომ თუ კაცს ერთხელ ფეხი გადაუბრუნდა დაქანებულ, მოლოპულ ბილიკზე, შესაძლებლობა ესპობა პატიოსნებისკენ დაბრუნებისა. მეტად მეტყველია ბოლმისა და აღშფოთების გამომხატველი ის დიალოგი, რომელიც მაშასა და დავითს შორის გაიმართება, როცა უკანასკნელი ურჩევს მაშას უჩივლოს სახლის პატრონ დედაკაცს გამომძღვისათვის.

სვიმონი, როდესაც დარწმუნდება, რომ მაშა უდანაშაულოა, რომ ის ძალმომრეობით დამდგარა ასეთს გზაზე, რომ მაშას სწყურია ნამდვილი ცხოვრება, გადაიხდის მის ვალს, გაათავისუფლებს, წამოიყვანს თავისთან და მერე ცოლადაც შეირთავს.

აქაც ეპოქის, 60-იანი წლების გავლენაა. ხელი გაუწოდებულს, შეურაცხყოფილს, ლაფიდან ამოიყვანე, გვერდში ამოიყენე, კაცად აქციე, ნამდვილ გზაზე დააყენე. ვფიქრობთ, ანტ. ფურცელაძეს ნ. ჩერნიშევსკის რომანის „Что делать?“-ის გავლენა უნდა ემჩნეოდეს.

მაგრამ სვიმონსაც და მაშასაც ცხოვრებაში აუარებელი დაბრკოლება შეხვდებათ. ჯერ სვიმონის მამა გადაელობება მათ სურვილს, არ მისცემს ჯვრის დაწერის ნებას და შემდეგ დაწყებული ეკლესიის უფროსიდან და გუბერნატორიდან და გათავებული „დესიატნიკით“, ყველა მათ დაბრკოლებას უქმნის პატიოსან, შეგნებულ ცხოვრებაში. ყველა შეურაცხყოფილად თვლის თავს, რომ სვიმონ ბაღდაძემ მეძავი ქალი ცოლად შეირთო. ასეთი „მეზალანსი“ მეტად ეჩოთირება განსაკუთრებით „ბრწყინვალე საზოგადოებას.“

მიუხედავად ასეთი ამხედრებისა, სვიმონი და მაშა დაიწყებენ ერთად ცხოვრებას. ბედნიერია მაშა ამ ახალი ცხოვრებით, ხარბად ეწაფება ის მას. მაშა ნიჭიერი, გონიერი, პატიოსანი ქალია; ის ერთგულად და შნოიანად ეკიდება ოჯახს. ამასთან ერთად ცდილობს იკითხოს სერიოზული წიგნები, შეისწავლოს ენები. რა დიდ ტაქტს, სიყვარულს, მადლიერების გრძნობას იჩენს მაშა სვიმონისადმი! როგორი ამტანი, ანგარიშის გამწვევია! მაგრამ საზოგადოება თავისი ყალბი ეთიკით საშუალებას არ აძლევს მათ იცხოვრონ სინდისიერად, პატიოსანი შრომით.

მამა მოუსპობს ცხოვრების საშუალებას სვიმონს. საჭიროა საარსებო წყაროს გამონახვა. სხვა გზა არაა, სამსახურში უნდა შევიდეს და

<sup>52</sup> ანტ. ფურცელაძე, სამის თავგადასავალი, გვ. 48.

სვიმონიც გადაწყვეტს მის დაწყებას. მაგრამ სადაც არ მიდის, ყველგან უარს ეუბნებიან—ხან ხსნიან მით, რომ თავისუფალი ადგილი არა აქვთ და ხანაც პირდაპირ ცინიკურად უპასუხებენ: „თქვენთვის ადგილი არ არის“.<sup>53</sup>

სვიმონი იძულებულია მივიდეს იმ ნათესაებთან—დიდკაცებთან, რომელნიც მას ეხვეწებოდნენ სამსახურში შესვლას და კარგ ადგილსაც პირდებოდნენ, მაგრამ ახლა კი პირდაპირ ეუბნებიან ხოლმე: „ღიახ, ჭეშმარიტია. მე გაძლევდით თქვენ... ადგილს მაშინ, როდესაც გიცნობდით რიგიან კაცად და სანდო კაცი მეგონეთ, მაგრამ ეხლა, სამსახურშიაც რომ იყვით ჩემს ხელში, დაგიტხოვდით“<sup>54</sup>.

თითქოს მთელმა საზოგადოებამ: ნათესავმა თუ უცხო, ნაცნობმა თუ უცნობმა პირი შეკრა ხელი შეუშალონ მაშას დაუბრუნდეს პატიოსან, შინაარსიან, კმაყოფილ ცხოვრებას. სვიმონმა მოინდომა პანსიონის გახსნა, მოსწავლეების მიღება, მათი მომზადება, მაგრამ აქაც საზოგადოებამ სასტიკი წინააღმდეგობა გაუწია. არც ერთი ბავშვი არ გააჰყვანეს. სვიმონმა ვერც კერძო გაკვეთილები იშოვნა.

მათ მდგომარეობაში მხოლოდ მათი მოსამსახურე პოლკა შევიდა. პოლკამ თავისი უშუალოდ დაათფასა ისინი, გაიგო მათი ცხოვრების არსი, დაუზოგველად დაუწყო მათ დანხარება. პოლკა არ ტოვებდა მაშას, ხშირად დადიოდა. შავს მუშაობას ის ასრულებდა.

დამაჯერებელი ტონითაა გაშლილი პოლკას დანხარება ამ ახალი ოჯახისადმი. პოლკა თავის მწირი ჯამაგირიდან აძლევს მათ დანხარებას. არც სვიმონს და არც მაშას არ აძლევენ არავითარ სამუშაოს. პოლკა თავის სახელზე იღებს სამუშაოს, მოაქვს მაშასთან, რასაც უკანასკნელიც სიამოვნებითა და ხალისით აკეთებს.

ოჯახმა პატარა სული მოიღვა პოლკასაგან ნაშოვნნი სამუშაოთი. „მაშა არ ჯერდებოდა მარტო ხელსაქმესა: როდესაც მოიღალეზოდა ხელსაქმისაგან, ის ჩაუჯდებოდა ხოლმე წიგნებსა და რო მოიღალეზოდა წიგნებიდამა, ჩაუჯდებოდა ხელსაქმესა. ამასთან ის ასწრებდა სახლის დალაგებასაცა და რომ შესულიყავი იმით სახლში, გეგონებოდა ამ სახლს ერთი სამი მარჯვე მსახური მაინც ადგიაო. ამგვარს ჭკუისა და სხეულის ვარჯიშობაში მაშა თანდათან უფრო გამხნევედა... საკერავს უჯდა და ღიღინებდა დაბლა ლამაზ კილოზე სიმღერასა, და თუ წიგნს კითხულობდა ხმამაღლა სვიმონთან ერთათა და თან სხვადასხვა წიგნების აზრების სჯასა და ბაასში შედიოდა თავის საყვარელ კაცთანა. ან არა და მაშა აკეთებდა საქმესა და სვიმონი კითხულობდა წიგნსა. ამგვარად გადიოდა დრო“<sup>55</sup>.

<sup>53</sup> ანტ. ფ უ რ ე ლ ა, ძ ე. სამის თავგადასავალი, გვ. 48—49.

<sup>54</sup> ი ქ ვ ე, გვ. 64.

<sup>55</sup> ი ქ ვ ე, გვ. 72.

მკითხველი უდავოდ. გრძნობს თუ როგორ მიისწრაფის მწერალი ახალი ცხოვრებისკენ, როგორ ეძებს ახალი ყოფის, ახალი ოჯახის საფუძვლებს. ჩერნიშევსკის რომანი „Что делать?“ მწერალზე ამ ნაწილშიც, რასაკვირველია, გავლენას ახდენს.

ამ ახალი ოჯახის მდგომარეობა თანდათან გართულდა. შვილიც მიეცათ. ყველამ, მშობლებმაც კი, სვიმონი გაწირა. არავითარ დახმარებას, გარდა მოსამსახურე პოლკასი, არავინ არ აძლევს.

პოლკა არაჩვეულებრივ კაცთმოყვარეობასა და ადამიანობას იჩენს. ისევე ზრუნავს ის მათთვის, როგორც თავის თავისთვის. ამათთვის საკერავს, თუ კერძო გაკვეთილებს, გაფაციცებით დაეძებს.

ამ ხანებში თბილისში გადმოჰყავთ დიდი მოხელე ვლადიმერ ვლადიმეროვიჩ კუსტნიცკი, რომელიც თავისი ორი შვილისათვის ეძებს ხეივანიან მასწავლებელს. პოლკამ ეს კუსტნიცკის მოსამსახურე ქალის შემწეობით გაიგო და მოახერხა კუსტნიცკის სვიმონი აეყვანა. კუსტნიცკის სვიმონი მოეწონა, დაუნიშნა კვირაში ექვსი გაკვეთილი, თითო ორ მანეთად.

ამ გარემოებამ სვიმონისა და მამას საქმე გამოაკეთა. დაიწყეს ამ ახალმა ადამიანებმა დამშვიდებული ცხოვრება, თვითგანვითარება, შეგნებულად ახალი ყოფის შექმნა.

გარშემორტყმული მეშჩანური საზოგადოება გაკვირვებული დარჩა, რომ ასეთმა დიდმა პირმა სვიმონი სახლში შეუშვა შვილების სწავლა-აღზრდა ანდო; მაგრამ საზოგადოების გაკვირვებას საზღვარი არა ჰქონდა, როდესაც კუსტნიცკიმ, გაიგო რა მამას ვითარება, ცოლით სადარბაზოდ მივიდა მათთან სახლში, დიდი ალერსით შეხვდნენ და სთხოვეს მათთან ევლოთ. დაიწყო ურთიერთობა მათ შორის. კუსტნიცკიმ სვიმონს დაწესებულებაში მალე კარგი, შესაფერი ადგილი მისცა, საზოგადოებამაც შეიცვალა დამოკიდებულება გუშინ მისგან ათვალისწინებული ოჯახისადმი. თუ გუშინ მათ დანახვას ვერ გააგონებდით, დღეს ბევრი ცდილობს მათ დაახლოებას, დაპატიჟებაც კი დაუწყეს მათ.

მაგრამ საზოგადოების გამოფხიზლება მხრჩოლავი ტრადიციებისაგან არ გამოდგა ხანგრძლივი. კუსტნიცკის პატიოსანი მოქმედება, მისი სამსახურისადმი დამოკიდებულება მუქთახორა, დიდი ჩამომავლობის მოხელეთათვის, რომელთაც ის მკაცრად მოეკიდა, უჩვევი და შეურაცხმყოფელი იყო. დაუწყეს მას (კუსტნიცკის) ინტრიგა, დაბეზღება. კუსტნიცკიმ ამჯობინა გაცლა.

დარჩა სვიმონი ისევე ამ საზოგადოების ხელში. კვლავ წამოყო თავი საზოგადოების მისდამი ძველმა დამოკიდებულებამ, კვლავ ყველამ ზურგი შეაქცია, ყველამ მოინდომა ამ „თავხედი ახალი ადამიანების“

შეურაცხყოფა, შეგინება. სვიმონი და მამა განაგრძობენ თავიანთ გზას. არავითარ ანგარიშს არ უწევენ საზოგადოებრივ აზრს, ხოლო საუბრის დროს საზოგადოებას სვიმონი ვალად არა რჩება. ამან გააბრაზა საზოგადოება.

მოინდომეს ამ „მეტიჩრების“ სასტიკი დასჯა. გაიტაცეს ორივე ცოლქმარი. სვიმონი მოჰკლეს, ხოლო მამას საშინლად სცემეს. მხოლოდ პოლკასი და კეთილი დედაბერი დიასახლისის დახმარებამ დროებით გადაარჩინა სიკვდილს მამაცა და მისი შვილი გიორგიც. მაგრამ მამას ცხოვრება დაუსრულებელი წამება შეიქმნა, სავსე ცილისწამებით, შეურაცხყოფით.

მამას არავინ არც პასპორტს აძლევს, არც სამსახურში იღებს, არც სამუშაოს აძლევს. დასნეულებულ მამასა და მის პატარა შვილს გიორგის საზოგადოება გულგრილად, ცინიკურად გასწირავს. ბავშვი დიასახლისს ხელზე მოუკვდება, მამა დასნეულებული სადღაც საავადმყოფოშია. საზოგადოება ისეთი სასტიკი და გულქვეაა, რომ არამც თუ სვიმონს, მამასა და მის პაწია ბავშვს სდევნის, ცხოვრებისა და სიცოცხლის საშუალებას არ აძლევს, არამედ ყველა იმათაც, ვინც ამ „უცნაურ“ ხალხს თანაგრძნობით ეპყრობა.

მოთხრობის ეს ადგილიც, მართალია, არ არის სათანადო მხატვრულად დახვეწილი, მაგრამ მწერლის აღშფოთება და გაბედული ამხედრება საზოგადოების „მეშინაობის“, უსამართლობის, ცინიზმის, გარეგნული ეთიკებით დაფარული გახრწნილობის წინააღმდეგ, უდავოდ პროგრესული, გაბედული და იმ ეპოქისათვის დროული მოვლენაა.

საკითხი ქალისა, მისი პატივისცემისა საკმარისად მძლავრად იყო წამოყენებული რუსეთის საზოგადოებრივ აზროვნებაში 60-იანი წლებიდან. ახალი იდეებით გატაცებული მოწინავე ნაწილი, რომელიც მომავალი, თავისუფალი, საღი, თანასწორუფლებიანი ცხოვრების მიძიებლად გამოვიდა ასპარეზზე, ზნეობრივ ვალდებულებას გრძნობდა ქალის წინაშე. ცხოვრების პირობებია, რომ ასეთს ბორკილს ადებს ხალხს. ამახინჯებს მის ყოფას, გასაქანს არ აძლევს, რომ დაეწაფოს. შინაარსიან ცხოვრებას. ძალიანაც რომ სურდეს, ვერ შესძლებს ნამდვილი გზით სიარულს. ცხოვრება ისე ბინძურადაა მოწყობილი, რომ ნამდვილ მოაზროვნე პატიოსან ქალსაც კი, თუ ის მოინდომებს მიღებული ეთიკის დარღვევას, შებღალავს, წაბილწავს. ასე უყურებს ამ საკითხს ანტ-ფურცელაძეც.

მწერლის შეხედულებით, ქალის აღზრდა ოჯახშიც და სკოლაშიც რაღაც უზადრუკია, უშინაარსო („ვამ მართალთა“ გვ. 82—83—ლიზას აღზრდა; ასეთივეა კატოს აღზრდაც—„ჩვენებური საქმის ბოლო“, გვ. 32—33). ყველა ამ დეტალშიც კი მოჩანს მწერალზე ნ. გ. ჩერნიშევსკის ხსენებული რომანის გავლენა.

უნდა ითქვას, რომ ანტ. ფურცელაძეზე რუსეთის რადიკალური მოაზროვნე საზოგადოებისა და კერძოდ ჩერნიშევსკის დიდი გავლენა არა მარტო ქალის საკითხის გადაჭრაში მეღვაწეობდა, არამედ იმ რადიკალურ რევოლუციურ განწყობილებაშიც, რომელსაც ანტ. ფურცელაძე ააშკარავებდა ცხოვრებაშიც და ხშირად მწერლობაშიც (რასაკვირველია, ამასაც მწერლისათვის უფრო თეორიაში ჰქონდა ძალა და მნიშვნელობა, ვიდრე პრაქტიკაში, აზროვნებაში უფრო იყო, ვიდრე საქმეში).

რომანში „ვაი მართალთა“ ანტ. ფურცელაძე საკმარისად თვალსაჩინოდ ხატავს რევოლუციურ განწყობილებას: მიხეილს ავტორი საფრანგეთში წაიყვანს და პარიზის კომუნარების აჯანყების მონაწილედ გახდის, ბარიკადზე მოჰკლავს და ერთგვარი დაუკმაყოფილებლობით ათქმევინებს: „აქ უნდა მომკვდარიყო ლიზაც... აქ იყო მისი ადგილი“... ეს ადგილი, მართალია მხატვრობის თვალსაზრისით უხეშია, უადგილოა, მაგრამ მწერლის აზრს კი კარგად გამოხატავს.

ამის გარდა, მეტად საგულისხმიერია ის თანაგრძნობის კილო, რომლითაც ანტ. ფურცელაძე გამოხატავს მოხუცი კომუნარის მოწოდება-მიმართვას ახალგაზრდობისადმი.

ვერსალის ჯარმა შეაფიწროვა კომუნარები. უკანასკნელი იხევენ დიდის გმირობით, ადვილად არ უთმობენ პოზიციებს უხეშ ძალას. კომუნარების ერთ ჯგუფს მიუძღოდა შუატანის მოხუცი... თეთრის წვერიითა და საშინელი მხნე და გამბედავის სახით... ამას მისდევდნენ სისხლსა და თოფის წამალში ამოსვრილი კომუნის სხვა გადაჩენილი მოთავეთაგანი.

—„უშველეთ თქვენს თავს!—მიუბრუნდა უცებ ამათ ის მოხუცი კომუნარი, როდესაც ისინი დაადგნენ ერთს მიყრუებულ კუთხეში.—საქმე წაგებულია! ეხლა ჩვენ ვეღარას ვუშველით! თქვენ ისევ ყმაწვილები ხართ და კიდეც საჭირონი იქნებით ამ ჩვენი საქმისათვის, თქვენ კიდეც დასჭირდებით საფრანგეთს და კაცობრიობის საქმეს!... თქვენი გადარჩენით მოიგებს კიდეც საქმე. მაგრამ მე, რომელსაც გამომივლია ამდენი წამება... მე, რომელმაც ნახევარი ჩემი დღენი გავატარე საპყრობილესა და დევნილობაში... მე, რომელსაც ადარ შემწვეს ხანი, რომ ერთი კიდეც ვნახო საფრანგეთის დამცრობა, თავისუფლების დაკარგვა და უბედურება—მე უნდა მოვკვდე — გაუმარჯოს კაცობრიობას!—შემოსძახა აქ მან მალლა ქუდის ქნევით და გადაერია ბარიკადებისაკენ... გმირი დელეკლუზი, მძიმედ დაჭრილი იდგა ამართული ბარიკადებზედ ყველას წინ და უშვერდა კიდეც ტყვიებს გულს და ამხნეებდა მეორე მართ“.<sup>56</sup>

<sup>56</sup> ანტ. ფურცელაძე, ვაი მართალთა, გვ. 118—119.

ანტ. ფურცელაძე თავისი გმირების ცხოვრებას სრკველითა და დამარცხებით ათავებს, მათთვის ვერ ახერხებს მოქმედების, მათი ძალე-ბის გამოყენებისათვის ასპარეზის გამოანახვას, ვერ ახერხებს გამოუძებ-ნოს მათ მოქმედების პერსპექტივა, სამაგიეროდ შორეულ საფრანგეთ-ში ცოცხალი, მოქმედი ძალების ფართო და მიმზიდველ პერსპექტივას ხედავს. ამ ფართო პერსპექტივისაკენ აღტყინებული უძახის თავის მკი-თხველსაც.

როდესაც ანტონ ფურცელაძის ლიტერატურულ მემკვიდრეობას თავიდან ბოლომდე გადავხედავთ და მის შეჯამება-შეფასებას მოვინ-დომებთ, ჩვენ წინაშე ცხადად დგება მწერლის სახე, 60—80-იანი წლების თვალსაჩინო მოაზროვნე, რომელიც განიცდის როგორც რუ-სეთის მოწინავე საზოგადოების აზროვნების გავლენას, ისე დასავლეთ ევროპისასაც (რასაკვირველია, რუსეთის გზით). ეს გავლენებია: ლიბე-რალურ-ბურჟუაზიული, ლიბერალურ-ნაციონალური, ლიბერალურ-დემოკრატიული, რადიკალურ-დემოკრატიული, წვრილბურჟუაზიული, ხალხოსნურ-სოციალისტურ-უტოპისტური. ძირითადი ამ გავლენები-დან ანტ. ფურცელაძეში, რა თქმა უნდა, ხალხოსნურია. ის ცენტრალუ-რი საკითხები, რომლებიც ხალხოსნებმა წამოაყენეს: მიწის საერთო მფლობელობა, გლეხთა ცხოვრების ყოველმხრივი (ეკონომიური, იუ-რიდიული, საზოგადოებრივი) მოწესრიგება, ახალი გზებისა და „ახალი კაცის“ (თუნდაც „მონანიე აზნაურის“ სახით, თუმცა მკრთალი და გა-ურკვეველი) სახეების ჩვენება ანტ. ფურცელაძისათვისაც დამახასია-თებელი იყო.

ნიმუშისათვის ანტ. ფურცელაძის პუბლიცისტური წერილიდან მო-ვიყვანთ ერთ ადგილს: „ყოველი უბედურება, —წერს ის, — წარმოდ-გება იქიდან, რომ ხალხს, ნამდვილ ხალხს არასოდეს არ ეჭირა უფლე-ბა ხელში და ხალხი აძლევდა თავის თავსა და თავის ქონებაზედ უფლე-ბას თითო-ოროლათა, რომელთაც ძალაც ხელში ეჭირათ და სამარ-თალიც, მაშასადამე — არც არაფერს შეეპუებოდნენ ხალხის სურვილს და არც შეასრულებდნენ ხალხის საჭიროებას, რადგან ხალხის სურვი-ლისა და საჭიროების შესრულება იყო მათი საზარალო და სავნებელი. რაკი ეს სცნეს მეცნიერთა, რაკი ეს სცნეს გამოკვლევით ხალხისათვის თავგამოდებულთა, მაშინვე დაუწყეს ამისი ხალხს შთაგონება... სანამ შენი საქმეები, შენი თავი, შენი ჯანი და შენი ქონება არ იქნება შენს ხელში, სანამ სახალხო გამგეობა და ხალხის ძალა არ გეპყრობა შენა, მანამ არ მოგელის არავითარი კეთილი... მანამ შენცა და შენი შთამომავალიც იქნებით ნიადაგ მშვიერ-მწყურვალნი და მოგელით ტა-ნით და გონებით გაწრიოკება და ბოლოს გაწერია სრული... მოსპობა“<sup>57</sup>.

<sup>57</sup> ანტ. ფურცელაძე, მამულის საერთო მფლობელობა, გვ. 13—14.

ან კიდევ: „უმთავრესი კაცის დამღუპავი უთანასწორობობისა და მდი-  
ღარ-ღარიბობისა დამბადი გახდა ის წესი, როდესაც კაცმა უწყო დასა-  
კუთრება ბუნების მომნიჭებელთა და მეტადრე ისა, როდესაც ეს საკუთ-  
რება გადაიქცევა საშვილიშვილო სამკვიდროებათ“<sup>58</sup>.

ანტ. ფურცელაძის ცხოვრებისა და მოღვაწეობის შესწავლას იმ  
დასკვნამდე მიყვევართ, რომ მწერალი, საკმარისად ნიჭიერი, მოწინავე  
რადიკალური მოაზროვნე, მუდამ რყევაში, შესაბამისი გზის ძიებაში,  
მარცხნივ — რადიკალიზმისაკენ იწევს. მან მძინც ვერც ერთს პერიოდში  
ვერ გამოხაზა ისეთი გზა და იდეოლოგია, რომელიც მას სრულიად და-  
აკმაყოფილებდა და გარკვეული მიმდინარეობის კალაპოტში ჩააყუ-  
ნებდა.

ასეთი მუდმივი რყევა, ძიება ანტ. ფურცელაძისთვის დამახასია-  
თებელი იყო როგორც პუბლიცისტიკა-კრიატიკაში, აგრეთვე მხატვრულ  
შემოქმედებაში, იმ დადებითი და უარყოფითი თვისებებით, რომლებ-  
ზედაც ჩვენ ზევით ვისაუბრეთ. მხატვრულობის თვალსაზრისით ანტ.  
ფურცელაძის შემოქმედება, როგორც გზადაგზა აღვნიშნეთ, უდავოდ  
მოიკოჭლებს, სუსტია, მაგრამ, სამაგიეროდ ის ძლიერია როგორც მოაზ-  
როვნე. ის მოთხრობას თუ ლექსს წერს იმ მიზანდასახულობით,  
რომ გამოიტანოს ახალი იდეები და თავისი ხმა შეუერთოს არსებულ-  
ს მოუწესრიგებლობით აღშფოთებულთა ხმას. და ეს ხომ დამახასია-  
თებელი იყო არა მარტო ანტ. ფურცელაძის მოღვაწეობისათვის, არა-  
მედ XIX საუკუნის მოწინავე საზოგადოებისათვის და კერძოდ ხალ-  
ხოსანი მწერლებისათვის, რომელთა ბანაკს ძირითადად ჩვენი მწერა-  
ლიც მიეკუთვნება.

<sup>58</sup> ანტ. ფ უ რ ც ე ლ ა ძ ე, მაჟლის საერთო მფლობელობა, გვ. 20.

## ეკატერინე რევაზის ასული გაბაშვილი (1851—1938)

### I

XIX საუკუნის ქართული ლიტერატურის ისტორიაში ეკატერინე გაბაშვილი თვალსაჩინო და ორიგინალური მოვლენაა.

ის სამოღვაწეო ასპარეზზე 70-იანი წლების დასაწყისიდან გამოდის. მას თავისი სამწერლო შემოქმედების გაშლა მოუხდა ქართული საზოგადოებრივი აზროვნებისა და ქართული ლიტერატურის ორი უმნიშვნელოვანესი მიმართულების — თერგდალეულთა და ხალხოსნების ურთიერთობისა და ბრძოლის გავლენის ქვეშ. ეკ. გაბაშვილმა ორივე ამ მიმართულების გავლენა განიცადა და აღბეჭდა კიდევ თავის მხატვრულ შემოქმედებაში. მან მოღვაწეობა დაიწყო ილია ჭავჭავაძის სკოლის რეალისტური მიმართულების საფუძვლებზე, მაგრამ მისი შემოქმედება თანდათან ლიტერატურული მიმართულების, თემისა და ძირითადი სიმპათიების მიხედვით უფრო ახლო მივიდა კულტურტრეგერულ ხალხოსნებთან, თუმცა თავისებურება მთელი მოღვაწეობის მანძილზე მაინც შეინარჩუნა. ეს თავისებურება ეკ. გაბაშვილში გამომჟღავნდა, როგორც წერის მანერაში, ისე „მონანიე აზნაურის“ ფსიქოიდეოლოგიის ასახვაში, ეს თავისებურება ეკ. გაბაშვილს ქართული ლიტერატურის ისტორიის განვითარებაში ხალხოსანი მწერლის განსაკუთრებულ ადგილს უთმობს.

მაგრამ სანამდე ეკ. გაბაშვილის შემოქმედების განხილვაზე გადავიდოდეთ, საჭიროდ მიგვაჩნია გავითვალისწინოთ მისი ბიოგრაფიის ზოგიერთი მომენტი და ის სოციალურ-კულტურული გარემო, რომელშიც ის ცხოვრობდა და იზრდებოდა.

ეკ. გაბაშვილი დაიბადა 1851 წელს 16 ივნისს ქ. გორქში, სადაც ცხოვრობდნენ მისი მშობლები: მამა რევაზ თარხნიშვილი, რომელიც მსახურობდა სახალხო სამსჯავროში (народных суд) და დედა სოფიო ვახტანგ ბაგრატიონ-დავითაშვილის ქალი.

ეკ. გაბაშვილის მამა, რევაზ თარხნიშვილი ყოფილა თავის დროისა-



თვის განვითარებული კაცი, თვით მწერლის მოწმობით, „მეთვრამეტე საუკუნის მწერალთა შედეგებზე აღზრდილი, ნაკითხი და თავისუფალი მოაზროვნე“.

დედა მწერლისა, სოფიო ვახტანგ ბაგრატიონ-დავითაშვილის ასული, ცნობილი იყო ახოვნობით, მხიარულებით, სიმღერითა და ცეკვით. ამასთან ერთად, ეკ. გაბაშვილის მოწმობით, ის თურმე იყო „გასაკვირველი მოჯირითე და შეუდარებელი მსროლელი“. დედის ხსენებული თვისებების შესახებ მწერალი შემდეგს წერს: პაპაჩემი ვახტანგი, რომელსაც ვაჟიშვილი არა ჰყავდა, თავის პირმშო ქალიშვილს ვაჟურ სიმხნევეს ასწავლიდა მემკვიდრეობის დასაცავად. მემკვიდრეობა, რომელიც დედაჩემზე გადმოვიდა, არ იყო ძლიერ დიდი, მაგრამ საკმაოდ კარგი მამული იყო ზემო ქართლში, სურამის რაიონში, სადაც ზაფხულობით ვცხოვრობდით და სადაც გავიცანი და შევისწავლე სოფლის ცხოვრება, გლეხთა ავი და კარგი და რომელთა შესწავლა და დაკვირვება შემდეგ მასალად და ჩემ მოთხრობათა შინაარსად გამომადგა — „გაბედნიერება“, „რომანი დიდხევაში“, „კონა“, „ორენა და ქუჩი“ და სხვ.

ეკატერინეს დედა ადრე გარდაიცვალა, მაშინ მომავალი მწერალი ხუთი წლისა იყო. დედის სიკვდილის შემდეგ ის იზრდებოდა თავის დიდედა ბარბარესთან.

რვა წლის პატარა ეკატერინე მამამ წამოიყვანა თბილისში სასწავლებლად. ის ჯერ მიაბარა გერმანელების სკოლაში, შემდეგ გადაიყვანა მამადავითში ამბარდანოვების ქალების პანსიონში. თორმეტ წლამდე პატარა კატო აქ სწავლობდა. შემდეგ მოინდომეს მისი ქალთა ინსტიტუტში მიბარება, მაგრამ, რუსულ ენაში სუსტი მომზადების გამო, კატო მიღებული არ იყო. მაშინ რევავ თარხნიშვილმა თავისი ქალი მიაბარა იმ დროს თბილისში კარგად ცნობილი ფრანგი ქალის ფაბრის პანსიონში.

ფაბრის პანსიონი დიდად განირჩეოდა მაშინდელი კარჩაკეტილი სახელმწიფო ქალთა ინსტიტუტისაგან თავისი ლიბერალური მიმართულებით. თვით მწერალი მოწმობს, რომ ფაბრის პანსიონში „მასწავლებლად იყვნენ კავკასიაში ექსორია ქმნილი პოლიტიკური დამნაშავენი: პოლონელი პროფესორები და მეცნიერები, უკრაინელი დევნილი პოეტები და ლიტერატორნი. კერძო პანსიონში ისინი თავისუფლად ქადაგობდნენ თავიანთ რწმენასა და ზოგჯერ თავიანთ პირადი გულის დეღვასაც აღმფოთებით გადმოგვეცემდნენ. იმათი მოწყალებით მივეჩვიე რუს მწერალთა საუკეთესო ლიტერატურულ ქმნილებათა და რუსული კრიტიკის მამამთავართა — ბ. ბელინსკის, ნ. დობროლუბოვის, დ. პისარევის და სხვათა ბრწყინვალე მოაზროვნეთა შეთვისებასო“.

ფაბრის პანსიონში სხვა საგანთა შორის ასწავლიდნენ ქართულ ენას, რომელსაც, სახელმწიფო სკოლებში გაბატონებული ტრადიციების წინააღმდეგ, აქ პატივსაც სცემდნენ. ამიტომ ქართული ენის მასწავლებლად ფაბრის პანსიონში მოწვეული იყვნენ იმ დროის საუკეთესო ქართველი პედაგოგები, „დიდად განვითარებულნი და დიდი პატრიოტული აღფრთოვანებით გატაცებულნი“: ნიკო დედაბრიშვილი, ნიკო ინაშვილი, ალექსანდრე ცაგარელი, იაკობ გოგებაშვილი. რა თქმა უნდა, ეს პედაგოგებიც ახალგაზრდა მოსწავლეებზე დიდ შთაბეჭდილებას ახდენდნენ. „მათი გავლენით. — გადმოგვცემს ეკ. გაბაშვილი, — შთავიბეჭდე სამშობლოს სიყვარული და იმისი სამსახური“.

1868 წელს ეკატ. გაბაშვილმა დაამთავრა ფაბრის პანსიონი. მალე მისთხოვდა ალექსანდრე გაბაშვილს, რომელიც, თვით მწერლის მოწმობით, „ეგრეთვე ეტრფოდა სამშობლოს და თან დარწმუნებული იყო, რომ მხოლოდ ეკონომიური განვითარება აღადგენდა ჩვენს დავრდომილ ქვეყანას. ამიტომ მთელ ძალ-ღონეს ახმარდა მეურნეობის შესწავლას და მის განვითარების გადატანას ხალხში“. ამ საერთო მისწრაფებამ ხალხისა და სამშობლოს კეთილდღეობისათვის დააახლოვა და დააკავშირა ისინი.

ეკ. გაბაშვილი გარდაიცვალა 1938 წელს.

## 2

ქართული მწერლობის ასპარეზზე ეკატ. გაბაშვილი 1870-იანი წლების დასაწყისიდანვე გამოდის. სწორედ 1870 წლის პირველი იანვრის გაზეთ „დროებაში“ იყო დაბეჭდილი ეკატ. გაბაშვილის პირველი ესკიზი „გლეხკაცობის აზრი სასოფლო სკოლაზე“. ხსენებულ პირველ მოთხრობაშივე ჩანს ეკატ. გაბაშვილის შემოქმედების ძირითადი ხაზები: სოფელი, გლეხკაცი, მისი ცხოვრების ჩამორჩენილობა და მის მომავალზე ზრუნვა. ყველა ეს საკითხი და მწერლის მიერ მათი გადაწყვეტა ბუნებრივი გამოძახილი იყო იმ ეპოქისა, რომელშიც იგი იწყებდა თავის მხატვრულ შემოქმედებას.

70-იანი წლები, როგორც არა ერთხელ გვქონდა შემთხვევა აღგვინიშნა, მეტად საგულისხმიერო ხანაა; ესაა კაპიტალიზმის ინტენსიური განვითარების, ბატონყმობის ინსტიტუტის მოსპობის, ე. წ. „დიდი რეფორმების“ ხანა და მისი შედეგებით გამოწვეული მძლავრი უკმაყოფილების ჯერ კიდევ გაუნღებელი კერა. საზოგადოებრივი აზროვნების გამახვილება ამ პერიოდში განსაკუთრებით სწორედ გლეხკაცის — „უნცროსი ძმის“ მდგომარეობის გაუმჯობესებითაა შეპირობებული. ამ მიზნით გამოწვეულია საზოგადოების უკეთესი ნაწილის გმირული სიარული ხალხში.

ეს გმირული სიარული ხალხში, რასაკვირველია, შედეგია იმ ადგილობრივი სოციალურ-ეკონომიური და კულტურული პირობებისა, რომელიც წარმოიშვა საქართველოში კაპიტალიზმის განვითარების ნიადაგზე. მაგრამ მის გამახვილებას და, შეიძლება ითქვას, ხშირად გაფორმებას ხელს უწყობდა ის გარემოებაც, რომ ქართველი მოწინავე საზოგადოება, როგორც ზევით თავის ადგილზე გვქონდა აღნიშნული, ამ ხნიდან უკვე საგრძნობლად მჭიდროდა და დაკავშირებული რუსეთის საზოგადოებრივ აზროვნებასთან და ლიტერატურასთან. როგორც თერგდალეულნი, ისე განსაკუთრებით ხალხოსნები დიდს იდეურსა და ლიტერატურულ გავლენას განიცდიან რუსეთის 60—80-იანი წლების მოღვაწეობისა<sup>1</sup>. სოფელი, გლეხი, მისი აწმყო და მომავალი ცხოვრება რუსი და ჩვენი მწერლებისათვისაც ცენტრალურ საკითხად გადაიქცა.

ეკატ. გაბაშვილიც ამ მიმართულების წრეშია ჩამდგარი. ცხოვრების პირობებიც — სოფელში ცხოვრება, მის მცხოვრებთა მდგომარეობასთან ახლო მისვლა, პანსიონში მასწავლებელ-ხელმძღვანელთა წარუშლელი გავლენა, დარღვეული ფეოდალური ოჯახის ახალი ცხოვრებით შევიწროებული მდგომარეობა, რა თქმა უნდა, ხელს უწყობდა ეკატერინე გაბაშვილს — ეპოქის ხსენებული მტკივნეული იდეები შეეთვისებინა.

ეკატ. გაბაშვილის მხატვრული ყურადღება და დაკვირვება ბავშვობიდანვე ხარბად დაეწაფა ჩვენი კაპიტალიზებული სოფლის გართულებულ ცხოვრებას. ის ზედმიწევნით კარგად იცნობს როგორც დამბუნებულ, დაშლილ თავადაზნაურთა ყოფას, ისე ცხოვრების მიმე პირობებით გაწრიოკებულ გლეხის მდგომარეობას.

ეკატ. გაბაშვილი, მართალია, რეალისტი მწერლების უშუალო გავლენის ქვეშ იწყებს მხატვრულ მოღვაწეობას, მაგრამ მასში რომანტიკული წერის მანერაც საკმარისად მძლავრად მქადავდება. წერის მანერის თვალსაზრისით ის ხშირად ნეორომანტიკულ სკოლას უახლოვდება. მწერალს ხშირად ყოველდღიური ცხოვრების სინამდვილე კი არ იზიდავს, არამედ განსაკუთრებული, გამონაკლისი მოვლენა, რომელიც, სრულიად შესაძლებელია, ბუნებრივია იმ სინამდვილისათვის, რომელსაც ის ასე ახლო იცნობს და ასე მიმზიდველად ხატავს.

ეკატ. გაბაშვილის რომანტიკულ საწყისებს საფუძველი აქვს მწერლის ფსიქო-იდეოლოგიაში, რომელიც დარღვეული ფეოდალური კლასის ახალ ცხოვრებასთან ურთიერთობის წიაღში გაიშალა. მაგრამ ძირითადში ის რეალისტია, რომელიც ცდილობს ახალ ცხოვრებასთან მივიდეს, გაუგოს მიმართულების გეზი და ასახოს შემოქმედებაში. ის

<sup>1</sup> რუსეთის 60—80-იანი წწ. საზოგადოებრივი აზროვნების ისტორიის ძირითადი ხაზების შესახებ იხ. მ. ზ ა ნ დ უ კ ე ლ ი, ახალი ქართ. ლიტერატურა, ტ. II.

თერგდალეული და ხალხოსანი მწერლების გავლენის ქვეშ იზრდება და მათ მიმართულებას იღებს.

მწერლის შემოქმედებითი აპერცეპცია სოციალურ-ეკონომიური ცხოვრების ხსენებულ პირობებში ჰარბად ითვისებს გლენის გაჭირვებულ მდგომარეობას. მწერლის გაგებითაც, გლენი, როგორც ეს ეპოქის მწერლობისათვის იყო დამახასიათებელი, წელზე ფეხს იდგამს, ღღესა და ღამეს ასწორებს და მაინც მშვიდია.

მოთხრობაში „ხოლერა“ ეკატ. გაბაშვილი გვიხატავს გაჭირვებული გლენის ცხოვრებას, რომელსაც მიწის სიმციროსა და სიმწირის გამო თავისი სოფელი ველარ აცხოვრებს, ის იძულებულია დატოვოს თავისი სოფელი და მის გარეთ ეძიოს ლუკმა-პურის შოვნის საშუალება. ასეთია გიგოლა, რაჭველი გლენი, რომელიც ათი წლის წინათ სოფელ ნაგომურს შემოეკედლა და აქ თიხის ჭურჭლის კეთებით ირჩენდა თავს. მან ცოლად შეირთო თავისავით ოხერ-ტიალი გოგო ქეთო, სიღარიბითა და დედინაცვლით უწყალოდ შევიწროებული. „ლოგინი რა არის, ლოგინი, — ეს აუცილებელი მზითვევი გლენაკის საჩქოროსი, ისიც კი არ მოუტანია ქეთოს გიგოლასათვის. მთელი ოთხი წელიწადი დაუღალავი შრომა მოანდომეს ამ ცოლ-ქმართ ერთი ხელი ლოგინისა და გახეხილის ფარდაგის შექმნას და ეს ლოგინი და პატარა ხის ტახტი ზედ გადაშლილის ფარდაგით იყო მთელი იმათი საკუთრება; არავითარი სხვა სამკაული არ ამშვენებდა პატარა, ბნელ, მიწურ ოთახს, რომელიც თვეში ორ აბაზად ჰქონდათ დაქირავებული. წლითი-წლამდე გიგოლა დადიოდა სოფელ-სოფელ და თან ატარებდა ვირზე აკიდებულ გოდრებს თიხის ჭურჭლით. ჭურჭელს ჰირნახულზე ცვლიდა და ამგვარად შოულობდა ცოლშვილისათვის საზრდოს. არც მეზობელი, არც ნათესავი არ ეკარებოდა ამათს ღატაკს ოჯახს და არც ღბინსა და ჰირში იკარებდა ვინმე საიდანლაც მოთრეულს ნავლეჯუა ცოლ-ქმარს“<sup>2</sup>.

აი, დამახასიათებელი მოვლენა ფერცვლილი, ახალი ცხოვრებისა, რომელიც დაუნდობლად ჰგლეჯს შეჩვეული ადგილიდან გლენს, უნგრევს ბუდეს და სადაც მოხვდება, იქით სტყორცნის. ისედაც გაჭირვებული გლენი, ამ მოუწყობელ ცხოვრებაში უფრო ირიყება, კნინდება.

ასეთია გიგოლა თავისი ცოლ-შვილით. ამ ოჯახის წევრები ცხოვრების გერად რჩებიან ბოლომდე. საკმარისია ერთი უბედური შემთხვევა და მთელი ოჯახი ისეთი სისწრაფით იღუპება, როგორც ქარმა ბზე მოიტაცოს და სადმე უფსკრულში გადააბნოს.

მძიმეა შთაბეჭდილება და გრძნობა მკითხველისა, ამ მოთხრობის გმირების ხვედრის გაცნობით გამოწვეული. ამას ხელს უწყობს ის უშუალობა და ემოციონალობა, რომელიც დამახასიათებელი სტილიური ნიშანია ეკატ. გაბაშვილის შემოქმედებისათვის.

<sup>2</sup> ეკ. გაბაშვილი, ხოლერა, მოთხრობები, 1936 წ., გვ. 103.

განა ასეთსავე მძიმე სურათს არ გვიხატავს ეკატ. გაბაშვილის მოთხრობა „ღვინია გადაიჩნება“? განა აქაც—ნინიკას დაბეჩავებული ოჯახის სახით, რომელიც შობის დღესაც კი ცარიელი ლობიოთი ძლივს ახერხებს ბავშვების დაპურებას, ჩვენი გაძვალტყავებული გლეხის ცხოვრებიდან ცოცხალი მოვლენა არ არის განსახიერებული? მძიმე სევდის ლოდოდ აწვება მკითხველს საახალწლო ანგარიში ნინიკას ოჯახისა ერთი საბაზრო ურმის შეშის საფასურის მოლოდინში.

„— მამილო, ხვალ ქალაქში რომ ჩახვიდე, საახალწლოდ „ბაშმაკები“ მიყიდრ! ამოდენა გოგო ვარ და ჯერ ფეხსაცმელი არ მღირსებია.

— მეხი კი დაგაყარე მაგ თავზე!.. ნეტა იმდენი ფული აიღოს ერთ პატარა ურემ შეშაში, რომ საახალწლოდ ორიოდ ფუთი ფქვილი მოგვიტანოს და პირის გასახსნელად ხუთიოდ გირვანქა ხორცი! შობა დღესაც ცარიელ ლობიოზედ გადავიარეთ.

— მართალს ამბობ, ნენე, უხორცობა ამისთანა დიდ ბედნიერ დღეს, როგორ შეიძლება! ნახევარ თუნგი არაყიც კი მომეტებული არ იქნება, მე და ჩემმა ღმერთმა! მეტადრე ამისთანა ყინვაში. — დამქაში დაუკრა გოგიამ რძალს.

— ბატონო, ეგ ხომ კარგი იქნება და კარგი, მაგრამ თქვენ პერანგს გულისპირი სულ ჩამოგლეჯილი აქვს და არყის ფასით რომ ერთი არშინი ლურჯი ტერნო მოგიტანოს ნინიკამ, მე მგონია, ის კი ემჯობინება.

— მე ძალო! ე, ოხერი ქალამნები სულ შემომეგლიჯა, ფეხები ლამის დაიძროს, მაშ ქალამნები არ მინდა?

— შენა, დედაკაცო, შენთვის რატომ არაფერს მახარებ? — დაცინვით უთხრა ნინიკამ ცოლსა...

— მართლა, ბიჭო, — უთხრა მორცხვად თავჩალუნულმა გოგიამ შეილსა: თუ მომეტებული გქონდეს ორიოდ შაური, ნუ დაზოგავ, შენ გაზრდას, და ცოტაოდენი თუთუნი მიყიდე. ავერ ორი კვირაა, რაც ჩიბუხი არ გამიბოლებია და ლამის გავვიყდე, პურზე მომეტებულად მომშივა ხოლმე, ი ტიელი!

— დედა! დედა! თაფლი, ნიგოზი! ახალ წელიწადს გოზინაყი არ გვინდა?—კაბას სწევდა პატარა ფეფე დედას და საცოდავად ეღრჩევბოდა ნენეს<sup>3</sup>.

ღიაღაც, ჩვენი გლეხის ცხოვრების უტყუარი სურათია ასე ნიჭიერად ნაჩვენები! განსაკვიფრებელი უშუალობით, გულთამხილობით, ოსტატობითა და გადამდები თანაგრძნობით გვიხატავს მწერალი გლეხკაცის ცხოვრების ჩვეულებრივ მოვლენას — მცირეოდენი მოლოდინის იმედითაც კი რაღაც უდიდესი სიამოვნება და ბედნიერება განიცადოს, მაგრამ სინამდვილისაგან აქაც გაცრუებული და ჩამწარებული დარჩეს.

<sup>3</sup> ეკ. გაბაშვილი, ღვინია გადაიჩნება, მოთხრობები, 1936 წ., გვ. 57—59.

მშვენიერად, მართლაც, დიდი ხელოვანის ოსტატობითაა ხსენებულ მღოთხრობაში გაშლილი წინააღმდეგობა გლეხის იმედებსა და ცხოვრების სინამდვილეს შორის: მიდის ნინიკა ქალაქისაკენ დაკონკილ ტანსაცმელში, დაგლეჯილი ფარაჯის ამარა, პატარა მიხათი, დავარდნილი ხარებით, პატარა „ბავშვის სათამაშოს რომ ჰგავს“, ურმით, საშინლად გალიებული გზით, პოლიციელების შევიწროებისა და გაუშაძლარი ჩარჩების ექსპლოატაციისა და დაცივნის საგნად გამხდარი. დიდის ემოციურობითაა აღწერილი ნინიკას მწუხარებითა და მძიმე დაბრკოლებით სავსე მგზავრობა ლუკმაპურის მოსაპოვებლად. მშვენიერად მოჩანს ნინიკას დაღარული სახე, სიცივისაგან და შიმშილისაგან დაგრებილი მისი სხეული, ქალაქის ბაზრის ფუსფუსით (სადაც ჩარჩები და მცხოვრებნი არეულან და გაშმაგებით ცდილობენ თავის სასარგებლოდ იყიდონ თუ გაყიდონ), დაბნეული გამომეტყველება ნინიკასი, (კდა არ მოტყუედეს და როგორმე იმანაც ხეირიან ფასში გაყიდოს შეშა. ბოლოს ღვინია ხარის გადაჩეხა და ნინიკას იმედის სრული განადგურებაც!

ამის პარალელურად შინ, ნინიკას ოჯახის საახალწლო მზადება. ნენეს, წვრილი ბავშვებისა და მოხუცი გოგიას ნინიკას მოლოდინი საახალწლო საჩუქრებით. თითქოს მკითხველი ერთის თვალთ გახუწყვეტივ ანდამატსავით ნინიკას მისჯაჰვია. იმასთან ერთად იტანჯება, ხედავს ქალაქის მოედანზე შემოტანილ სიფრიფანა შეშის ურემს, თანაგრძნობით უყურებს ყველასაგან შეშინებულს, ბუნებისაგან, პოლიციელისაგან, მყიდველისაგან შევიწროებულ ნინიკას. მკითხველი მკაფიოდ ხედავს, გრძნობს ნინიკას გულისა და სულის მოძრაობას, როცა მისი ურემი ყინულზე შედგება და ნინიკას მხარმკერდით უნდა შეიმაგროს ურემი, ხარებს გაუადვილოს, ურემი არ გადააბრუნოს. ნინიკას ტანჯვით მკითხველიც იტანჯება. მეორე თვალთ კი მკითხველი ნინიკას სახლშია, დილომში, ნენესთან, მამის მოლოდინში მოტიტიკე ნინიკას ბავშვებთან უილაჯო და მოუთმენლობით გაწამებულ მოხუც გოგიასთან. მოლოდინით დაღლილ, ჩაძინებული გოგიას სიზმარი უფრო ღრმა სევდით ავსებს მკითხველის გულს და ნინიკას ოჯახის მწარე გოდებას, ღვინიას გადაჩეხით გამოწვეულს, გულწრფელად და ძალაუნებურად უერთდება.

ეკ. გაბაშვილს, უდავოდ, კარგად ეხერხება ნაწარმოების ფაბულური განვითარება. ის ნაწარმოებს ისეთი წინააღმდეგობით შლის, რომ მკითხველს იტაცებს.

ან ავიღოთ პატარა მოთხრობა „თინას ლეკური“. ეს მოთხრობაც ეკ. გაბაშვილს იმავე პოეტური ხერხით — პარალელების განვითარების გზით აქვს გაშლილი. მკითხველის ყურადღებას დასაწყისიდანვე იპყრობს მოთხრობის გმირის თინას გულშემზარავი ცხოვრება, რომელიც, თუმცა ტიპიური მოვლენა არ არის, მაგრამ გლეხის ყოველდღიური

ცხოვრების მაჯისცემის უტყუარი გამომხატველი კია. დღეს თუ თინათ ასეთ მდგომარეობაში, ხვალ ეს ბედი საბედს კარს დააკავუნებს, ზეგ პელაგიასას, მაზეგ მაიასას და ა. შ. საკმარისია გლების ოჯახის მარჩენალი მოკვდეს, რომ მთელი ოჯახი, როგორც იტყვიან, „ღვთისა და ზეცის ამარა“, ე. ი. უპატრონიად, ოხრად დარჩეს.

აი, ასეთი შემთხვევაა თინას გამოუვალი გაჭირვებული ცხოვრების ნაწყვეტით მოცემული. „მთელ სოფელში მარტო თინას კერაა გაცივებული, მარტო მისი შვილიშვილები, სიცივისაგან გალურჯებულნი. სხედან ცივ კერასთან და ძველ ნაგლეჯ საბანში გახვეულნი მშვიერი მგლის ლეკვებივით ყმუიან:

„დიდედო, ცივა! ცივა! დიდედო, გვმია, გვმია!“..

რა ჰქნას საწყალმა თინამ, რა უშველოს, საიდან გააჩინოს ან ცეცხლი და ან ლუკმა?.. აი ორიოდ ჩანახი ფქვილი კიდევ უყრია გოდრის ძირში, მაგრამ რითი გამოაცხოს? აგერ დღენახევარია თვალი უქირავს, რომ ეგებ ვინმე მეზობლებმა თონე გაახუროს ვინმე, რომ გაცივებულ თონეზე ლავაშები მაინც მიუკრას ბალებს, მაგრამ სად არის? ყველამ სადღესასწაულოდ ადრე დაიმზადა ნამცხვარი და ახლა არხეინად სხედან.

„ნეტა ღონე მაინც მქონდეს, რომ აი გაღმა ჭალაში გავიდე, გამხმარი ჩირგვები, ძეძვები მივჩიხ-მოვჩიხო და სული როგორმე მოვიბრუნო, — ტუტუნებს საწყალი თინა, — მაგრამ ეს წყეული გულის კანკალი მკლავს, მუხლებს მიღუნებს, მკლავები სულ ძირსა მცვივა“... დაუძლურებული, უსუსური თინა ცოცხალ-მკვდარსავითაა კერასთან მობღუნებული თავის მშვიერ-მწყურვალ შვილიშვილებით, რომელთა შემზარავი ტირილ-მუდარით ძახილი: „ბები პური, ერთი ბეწო პური“ — გულს საცოდავად უღრღნიდა ისედაც გაწამებულს.

ამ მოთხრობაში ეკ. გაბაშვილი პარალელურადა შლის უპატრონოდ, ოხრად დაყრილ ქერივ-ობლების გაჭირვებულ ცხოვრებას და შეძლებული მებატონის ცხოვრებას—სტუმრებით სავსე მდიდარ დარბაზს — გამხიარულებული, თუ ხელოვნურად სევდის მომგვრელი დუღუკის ხმით, განუწყვეტელი ქეიფითა და მხიარულებით.

თინას მოესმის მებატონის სასახლიდან ეს ხმები. მოაგონდება თავისი სიყმაწვილე, სიკეკლუცე, მოხდენილობა. გადაწყვეტს მოიკრიფოს უკანასკნელი ძალ-ღონე, წავიდეს მებატონის სასახლეში, იცეკვოს, ეგებ ამით მაინც შეაბრალოს თავი და უპატრონოდ დატოვებული შვილიშვილები.

რაღაც არაჩვეულებრივი სიტბოთი და სიყვარულითაა აწერილი თინას სულიერი და ფიზიკური ტანჯვა მებატონის სახლს რომ მიაშურებს, როგორც უკანასკნელ ხსნას. მწერალი ისეთი თანაგრძნობით ეკიდება თინას და მკითხველსაც ასე იტაცებს, რომ თინას ლეკურს კომიკურ

ელფერს სრულიად აშორებს და მკითხველიც თინას მძიმე განცდაში თავდავიწყებით ეხვევა.

„დედაბერი უცებ შესდგა, თვალები გადაატრიალა, ჰაერში დაწყვეტილივით შკლავები გადაიქნია, ერთი მძლავრად ამოიფშვინა და იატაკზე დაეცა... წამის წინად ცამდის აწვდენილი ბედნიერთა მხიარულება უკიდურეს მღუმარებით შეიცვალა.“

იატაკზე გაშეშებული ეგდო სათამაშოდ ხელებგაშლილი, თვალებდაჭყეტილი, საოცარის ტანჯვით ჯვარცმული თინათინა და თავის საზარელის შეხედულებით იქ მყოფთა გულში რაღაც სინდისის ქენჯნას იწვევდა...

„ბები, ბები! მართლა მოკვდი? პურს ვილა გვაჭმევს!“—გაისმა გულშემზარავი ბღაველი ორი ტიტლიკანა, მშიერი, სიცივისაგან გალურჯებული ბაეშვისა. ერთმა დამსწრეთაგანმა დაარღვია საერთო სიჩუმე და წამოიძახა: „მოწყალება ობლებს!“ დამსწრე საზრგადოებამ ჯიბეს ხელი იკრა და მოწყალება უხვად გასცა. მოკვდა თინა და მან თავის სიკვდილით თავის ობოლ შვილიშვილებს „ლუქმა გაუჩინა“.

ასეთია, მწერლის აზრით, ის გოლგოთა, რომელსაც გლეხის ცხოვრება ჰქვია. ე.კ. გაბაშვილის მთელი სიმპათიები აქეთაა მიმართული. აქეთვე მოუწოდებს თავის მკითხველებსაც.

### 3

სოფლისა და გლეხკაცის ცხოვრების მძიმე პირობები უფრო დამძიმდა კაპიტალისტური ურთიერთობის განვითარებასთან დაკავშირებით. კაპიტალიზმის განვითარებამ თანდათან სწრაფი ტემპით დაიწყო ფეოდალური მეურნეობის რღვევა. დაირღვა სოფელი და პირველ რიგში გლეხის მეურნეობა. გაუჭირდა გლეხს ცხოვრება. მძიმე ტვირთად დააწვა მას არა მარტო მემამულე, არამედ მღვდელი, მოსამართლე და სახელმწიფო უამრავი გადასახადებით. ყველას მისგან მიაქვს საზრდო, გამორჩენა. ისიც უილაჯო, ჯერ კიდევ უფლებბაყრილი, იძულებულია დღედაღამ ებრძოდოს მიწას, რომ შეძლოს ყველას გასტუმრება და თავისი ოჯახის ხმელალუქმით გამოკვება. მაგრამ მიწა და მისი შრომა ყოველთვის ვერ აკმაყოფილებს გლეხს, ხშირად ბუნებაც ღალატობს მას და წლის ნამუშევარს უფუჭებს. მემამულე, მღვდელი, გზირი, ნაცვალი, მამასახლისი და მრავალი სხვა მაინც მისევია მას და „თავისას“ თხოულობს. გლეხი ხშირად გამოუვალ მდგომარეობაშია. ის იძულებულია მიმართოს სოფლის ახალ ბატონს—ჩარჩსა და ვაჭარს, მისგან „ხელი გაიმართოს“. ეს ახალი ბატონი გლეხს კისერზე აჯდება და ხშირად ძველ ბატონზე უფრო შემავიწროებელი და დაუნდობელია. სო-



ფელი ამ ჩარჩ-ვაჭრების ხელშია ახლა ჩავარდნილი და ეს უკანასკნელი გლეხის სხეულს წურბელასავით ჰკილია.

ეს მოვლენა ჩვენი სოფლის ცხოვრებას განსაკუთრებით ახასიათებს 70-იანი წლებიდან. ამ გარემოებას, როგორც ზევითაც აღვნიშნეთ, დიდი ყურადღება მიაქციეს ხალხოსნებმა. ისინი უარყოფითად აფასებდნენ მას და ებრძოდნენ, როგორც კაპიტალიზმის მავნე გამოვლენას.

ასევე უყურებს მას ეკ. გაბაშვილიც. ჩარჩის უარყოფითი გავლენა სოფელზე რამდენიმე ნაწარმოებში აქვს ნაჩვენები.

ავიღოთ მოთხრობა „სურათი“. შემოდგომაა. გლეხისათვის ყველაზე სასიამოვნო ხანა. ახლა უნდა შეინახოს მან წლის სარჩო, ახლა უნდა მოუყაროს თავი ყველაფერს, შეაჯამოს და ყველასთან ანგარიშები გაასწოროს.

მაგრამ გლეხისათვის ეს პერიოდიც ხშირად მტანჯველი ხდება. ანგარიშების გასწორება მისთვის არც ისეთი ადვილია. ხშირად არ იცის ვის რა და როგორ გააწვდინოს. „რომელ ერთს გაუძღვე ათი კოკა ღვინით?—ბუტბუტებდა პავლიკა,—პური ვიყიღო, ხელმწიფეს ხარჯი მივცე, თუ ჩემს მოვალეებს პირნათლად გავუწვდორდე?“ აი, ჩვეულებრივი კვნესა და ჩივილი გლეხისა. ეს მოვალეები არიან, რომ ტყავს აძრობენ გლეხს და მთლიანად ეპატრონებიან მის ნაწვევ-ნადაგს. ნიკუა გალუსტოვისაგან გლეხ პავლიკას აუღია ხუთი თუმანი. ამის გასანაღდებლად ნიკუას „ხუთი თუმნის თამასუქი აქვს და ხუთი თუმნის პირობის წერილი“ და ამ წერილის პირობის მიხედვით, ეუბნება პავლიკა მაიას „თუ დროზე არ ჩავაბარე, დღეში ათი შაური „ტრაფი“ უნდა ვაძლიო“.

ნიკუა და მაია როგორც ყორნები ლეშს, ისე დასტრიალებენ პავლიკას მოსავალს, სულს იქით აღარას უტოვებენ. ამ ჩარჩების უსინდისო მოპყრობით, მოთმინებადაკარგული გლეხი ხშირად შეებრძოლება ხოლმე მათ, ხშირად თავ-პირს დაამტვრევს და თვითონაც თავმთელი არა რჩება. მაგრამ რა ჰქნას, ძალა ჩარჩის ხელშია, კანონი მისკენაა! და ისიც ნებდება. „რამდენი ჩემისთანა უბედურია მაგის ხელში! რამდენი სული ტრიალებს მაგის გაქონილ ჯიბეში! აი დაიქცეს ის დღე, როდესაც ეგენი ჩამოსახლდნენ ჩვენ სოფელში“, — მწარედ ამოიკვნესებს პავლიკა და ეს კვნესა გლეხობისაა და თვით მწერლისაც, რომელსაც მძლავრად შეუფრთხვნია ეპოქის ტკივილები.

ასეთივე და უფრო ამაღელვებელი სინამდვილის სურათია გადაშლილი ეკ. გაბაშვილის მეორე მოთხრობაში „სოფლის მევახშენი“.

სოფელ ილევის შეეჩვია ვაჭარი ბაღდასარა დანდურაშვილი. რამდენიმე წლის განმავლობაში მან თავისი პირფერობითა და გაიძვერობით ხელთ იგდო მთელი სოფელი. „ბაღდასარას სავაჭროდ მისვლა ილევიში ნამდვილი დღესასწაული იყო მთელი სოფლისთვის. ქალიც თუ კაცი, დიდი თუ პატარა სინარულით აღფრთოვანდებოდა, როდესაც

იმისი იორლა ლურჯი ფაშატი დიდროვანის ბოღჩებით დატვირთული და ზედ ყვენივით მჭდომი ბაღდასარი შემოგოგმანდებოდა სოფელში.

გამლიდა ბაღდასარა კვირა დღით თავის ბოხჩებს სარდანანთ ფართო დერეფანში, გვერდით მოიდგამდა სპილენძის 25 გირვანქიან ჩანახს და მხიარულად, სიცილ-ხარხარით, ათასის ლექსებით და შაირებით შეუღებოდა ვაჭრობას.

სოფლის ქალი და რძალი ხომ ცას ეწეოდნენ ამის დანახვაზე. რა ვინდა სულო და გულო, რომ არ იყო ბაღდასარას ბოხჩებში ქალების გასახარებელი: დაბასმული ლეჩაქი, აბრეშუმის ბაღდადები, ოქრომკედლით ნაკერი სარტყელი, გულისპირი, ფერ-უმარილი, წითელი ჩითის თავშალები, ყინვარი შაქარი, კამფეტი, ილი, დარიჩინი, პიტნის წვეთები და მრავალი სხვა რამ ცხოვრებისათვის საჭირო და თვალის გასახარი.

ასე კვეის ლექით და მასხარაობით გრძელდებოდა მთელი კვირა ბაღდასარას ვაჭრობა და იმის გვერდით სარდანანთ დერეფანი მარჯვნივ და მარცხნივ ქერის და პურის ხვავევით ჭერამდე იმსებოდა. შაბათს კი ბაღდასარა აჰკეცდა ბოხჩებს და ყელამდი ავისილი ჭირნახულით, კვერცხებით, ქათმით, კარაქით, თაფლით, ლობიო-მუხუნდოთი და სხვა მრავალი სანოვავით სარდანისავე ურმით და სოფლის ლოცვა-კურთხევით და „ღეთის ნაბოძებით“ გაუღებოდა აღისუბნის გზას, სადაც დანდურაშვილს ღუქანი ჰქონდა და ღუქანთან დიდრონი ხის აბრები, ბელლები, ძარები, ნავაჭრი ჭირნახულის შესანახავად“.

ეს არის ჩვეულებრივი სურათი ჩარჩი-ვაჭრისა და მისი გამდიდრების, „კაცად ქცევის“ გზა!

დანდურაშვილმა სოფ. ილევიში მალე გახსნა ღუქანი და თავისი ლაქანდარა ენით მალე მიიზიდა როგორც გლეხი, ისე თავადაზნაურობა. თავის ღუქანში ბაღდასარა ყველას „ნამდვილ სტუმართმოყვარეობით უმასპინძლდებოდა“ მთელი დღის ყაყანით დაღლილ-დამშეულ გლეხებს. თანაც მას ასეთი ჩვეულება ჰქონდა: „ნასადილეც თავის ღღეში არ წარუდგენდა ანგარიშებს თავის სტუმრებს, „მერმე როდისმე“, როდესაც ჭირნახული მომწიფდებოდა და ბაღდასარა თავის ჩანახ-ტომრებით კალოებზედ გაისეირნებდა ნისიების ასაკრეფად. მაშინ ყოველი ოჯახი თავის მოვალეობად სთვლიდა დიდი ჩანახი „დაეყარნათ“ ტომრის ასავსებად და ღუქანში ნაქეიფარის აღსადგენად“.

ასე დათარეშობდნენ ამ ფულის ტრიალით ისედაც შევიწროებულ სოფლებში ბაღდასარა, მისი მეუღლე ქაქალა და შემდეგ მისი შვილი გეურქა ბაღდასარა: ივსებოდნენ, სუქდებოდნენ, მდიდრდებოდნენ. როცა კარგა დიდ შეძლებას მოჰკრეს ხელი, გადიდკაცდნენ და თავადობა მოინდომეს.

ასე იყო ძველად, ისინი ახალი დროის თავადებად და ბატონებად იქცეოდნენ ხოლმე.

ამგვარი ევოლუცია მოცემულია ამავე მოთხრობაში. ბაღდუას სიკვდილის შემდეგ, მისმა შვილმა გეურქამ სოფელს უფრო მაგრა ჩაუჭირა ბრჭყალი. გარეგნულადაც შეიცვალა. „ქართული ტანისამოსის მაგიერად, მოკლე პიდჟაკს ატარებდა. მართალია, პიდჟაკის ქვეშ იმასაც ახალუხი ეცვა და წელზე დასევადებული ქამარი ეკრა, მაგრამ პიდჟაკი, „კარტუზიანი“ რუსული ქუდი სულ სხვა იერს და შეხედულებას აძლევდა. ოქროს ძეწკვი, ვერცხლის საათი, ვიწრო შალვარი, „ბოლსაპოჯი“ უფრო ვინმე დიდკაცს ამგვანებდა და გიქოც, მართლაც, „დიდ ვინმესავით“ გაბერილი დადიოდა, ცხვირდაშეებული, გაბღენძილი, პირმოკუმული, ჟანგიანი“.

გეურქამ უფრო თავისუფლად და მოურიდებლად დაიწყო გლეხთა სისტემატური ექსპლოატაცია. „კარგი, ერთი „ტუტუც ვრაცი“, ნუ მამიყვები ლათაიებს! — უხეშად შეაწყვეტინებდა ხოლმე მონისიავეებს გეურქა.— მე ნისია, მისია, არ ვიცი. სავაჭრო გინდა? ფული მოიტანე, ფული არა გაქვს? პური იყვეს, ქერი, სიმინდი... უკან სადევნელი რათ მინდა რომ გამიხდეს... მე თქვენთან საერთო არა მაქვს რა მოიტა და წაიღე. არა? შენ შენთვის, მე ჩემთვის. „მერესი“ არა მინდა რა“.

გეურქამ მამის გაცემული ვალები უმაღ აკრიფა. პირველ მოთხოვნილებიდანამებრ ვალის განაღდება, სადაც ნებით არ მოხერხდა, ძალით მოახერხა. ბატონსაც და გლეხსაც სასამართლოს კარისაკენ გზა დაათელვინა, „ადუჟატების“ სახელი აწყევლინა და „სულ სუდებნი პრისტავებით“ გადაახდევინა.

პირველ ხანებში გეურქას ასეთი საქციელი სოფელმა იუცხოვა და იწყინა კიდევ. პირი უბრუნა კიდევ მას. „მაგრამ, — მწუხარებით შენიშნავს ეკ. გაბაშვილი, — სოფელი ისე მჭიდროდ არის დაკავშირებული თავის მედუქნეებთან. რომ მის იქით გზა არა აქვს. ისევ და ისევ იმას უნდა მიმართოს და ჭირში თუ ლხინში ხელი იმით გაიმართოს და აღისუბნელებმაც ნელ-ნელა გიქუას მძიმე უღელი დაიდგეს“.

ასეთია დარღვეული სოფლის ყოფა, ასეთია გაჭირვებული გლეხის ეკონომიური და კულტურული მდგომარეობა. ის ყველასაგან საჯიჯგნი, საექსპლოატაციო საგანია. ეკ. გაბაშვილის ამ წყების ნაწარმოებს რომ კითხულობთ, მწერლის მოწოდება: „სოფელს, გლეხს შველა ესაჭიროება!“—მკაფიოდ გესმით და ქმნის თქვენში გარკვეულ თანაგრძნობის სულიერ განწყობილებას.

ეკატ. გაბაშვილი სითბოთი, სიყვარულით, გულისყურით დასტრიალებს ამ ხალხის გაჭირვებულ მდგომარეობას. მწერალს სურს სოფლის

და განსაკუთრებით გლეხის ცხოვრება მკითხველს მრავალმხრივ დაინახვოს: აჩვენოს ის მიზეზები და მოვლენები, რომელნიც ასე აკნინებენ მის ცხოვრებას, მის საღს ბუნებასა და მის დაუშრეტელ ცხოვრების წყურვილს გასაქანს არ აძლევენ.

ეკ. გაბაშვილი ხედავს ახალი ცხოვრების დადგომას, ხედავს ძველი ცხოვრების დროგადასულობას, აკვირდება ადამიანს და ჩუმუნდება, რომ მას, განსაკუთრებით ქალს, ბედნიერებისათვისა და სიამოვნებისათვის შექმნილს, აუბედურებს საზოგადოებრივი ცხოვრების დრომოქმული, მანენ პრაქტიკული ტრადიციები.

„რომანი დიდხევაში“ ეკ. გაბაშვილის შემოქმედებაში ერთი საუკეთესო ნაწარმოებთაგანია. გლეხის სოსიკა მგელაძის ქალი მარო ჯან-ღონით, სალი გრძნობით, ბუნებრივი სიკეკლუციით აღსავეს ახალგაზრდა ქალია. მწერლის აღწერით, „მარო... მალალი და წარმოსადეგი გოგო იყო. მის ხორბლის ფერს, გარდაშლილ პირის-სახეს ამშვენებდნენ ორი მაყვლისფერი თვალეზი, რომელნიც არასოდეს არ შეჩერდებოდნენ. ფონთო ცხვირი და მსხვილი აღისფერი ტუჩები ლაზათს აძლევდნენ, თუმცა მშვენიერს კი არა, მაგრამ სასიამოვნო და ცოცხალ სახეს. ყოველივე მიხვრა-მოხვრა მაროსი იყო მარჯვე, ყოველი იმის სიტყვა იყო ტკბილი და ცოცხალი. თავის ამხანაგ გოგოებში მარო, როგორც მარგალიტი, ისე ირჩეოდა. თამაში, ლხინი, არაკები ზამთარში და არიფანები ზაფხულში უმაროთ არ შეიძლებოდა... მაროს ისეთი თვისება ჰქონდა, რომ რა წამს დაინახავდა მას, მტერიც კი მოყვარედ გადაექცეოდა“.

მაროს შეუყვარდა ახალგაზრდა ლამაზი, სათნოიანი, ჰკვიანი, ჯანიანი, კეთილი პავლე, ოსტატ ტასიას შვილი, ბატონის შვილთან მოჯამგირედ ნამყოფი. მისმა ბატონის შვილმა გიორგიმ, როცა ის სასწავლებლად თბილისში წაიყვანეს, პავლეც თან გაიყოლია. პავლეს თბილისში ბატონის სახლში ცხოვრებამ თავისებური ბეჭედი დაასვა. ის ზრდილობიანი, მიმზიდველი, თავაზიანი, გაბედული ქცევით გამოირჩევა იმ სოფლის გლეხკაცებისაგან.

განსაკუთრებით მოურავ ივანიკასთან შებმამ, გლეხთა გამოსარჩლებამ, პავლე გმირად გადააქცია დიდხეველ გოგოების თვალში. განსაკუთრებით კი მაროს გული აინთო აქამდე უცნობი გრძნობით—სიყვარულით.

პავლეს გულმაც მალე იგრძნო მაროსადმი საპასუხო გრძნობა. სიყვარულის გრძნობა ოცდასამი წლის საღ პავლეს ბუნებაში მთელი სიმძლავრით გაუჯდა. ერთხელ, როდესაც ტასია შეყვარებულთ აღერსის მოულოდნელი მოწამე შეიქმნება, სიყვარულის გრძნობით შებოქილი პავლე, დედას ასე გადაუხსნის თავის გულს: „დედავ, ნუ დამძრახავ, ღმერთმა ხომ იცის, მე ცული არა მიქნია რა. მარო მიყვარს და უიმისოდ

სიცოცხლე არ შემოიძლიან... თუ მარო არ შევირთე, თავს მოვიკლავ“... ტასიას პასუხზე, რომ მარო მოყვრის ქალია და კანონით არ ერგება, „და, თუნდა კანონმაც ნება მისცეს, სოსიკა არ მისცემს მას ქალს, რადგანაც ის თავადიშვილის სახლშია ნამსახური და ასეთს ოჯახის შვილს ქალს არ მისცემსო“, პავლე გადაწყვეტით და დაეინებით განუცხადებს დედას: „ერთი სიტყვით, ძალით იქნება თუ ნებით, მარო ჩემი უნდა გახდეს და ვინც წინ დამიდგება, მე იმას ვუჩვენებ სეირსა... ჩემი სულის ამოცლა კი შეიძლება და მაროს თავის დანებება კი არა“<sup>4</sup>.

ასეთსავე ანთებულ საკირეს წარმოადგენს მაროს გულიც. ისიც მოურიდებლივ გადალახავს შეჩვეულ მორჩილებასა და ახალგაზრდის მორიდებასაც და მამას გულახდილად ეუბნება: „უარი რათ უნდა უთხრა. (პავლეს), მამა?.. თუ პავლეს ვერგები და მღვდელი ჭვარს დამწერს, მე იმის მეტს არავის შევირთავ. რა ვქნა, რომ ღარიბია, ერთ ლუკმა პურს როგორ ვერ ვიშოვნით?“<sup>5</sup>

ყველა დაითანხმეს. სოსიკაც, ტასიაც მოწადინებულია... საქმე უკვე საქმეზეა. პავლე გარდაიქმნა, დღესა და დამეს აერთებს, მუშაობს, გატაცებით ემზადება მომავალი ბედნიერი ცხოვრებისათვის მაროსთან ერთად. ასეთია მწერალი ქალის შეხედულება: სიყვარულის გრძნობა აღამიანს გარდაქმნის, თავის თავს აპოვნინებს, მაგრამ, დახე უბედურებას. ისინი მძახლები არიან (მარო პავლეს დის მაზლის წულია), ამიტომ როგორც ნათესავები არ ერგებიან ერთმანეთს.

აი აბსურდამდე დაყვანილი კანონი! რა ნათესაობაა მათ შორის — დის მაზლის წული? მაგრამ შიო მღვდელმა სასტიკი უარი თქვა. გაფბილებულმა პავლემ და ტასიამ ვერას გზით ვერ მოახერხეს კანონი ეპოვათ, თავი დაეცვათ. „ბევრისაგან ბევრს ეცადნენ უბედურნი, — გადმოგვეცემს აეტორი, — მაგრამ სულ ტყუილად. მოხუცებულ „მუჟიკ“ ტასიას სასამართლოებში არც კი უშვებდნენ. პავლემ რუსული არ იცოდა და ფული იმდენი არ ჰქონდა, რომ უნოთ გაეგებინებინა ჩინოვნიკებისათვის თავისი ამბავი და ეგზარხოსამდე არავინ მიუშვა“, ასე უმწეოდ ილუპებთან ცხოვრებით დატკობისათვის გამზადებულნი მარო და პავლე.

აქ ეკატერინე გაბაშვილი გამოდის არა მარტო სოფლის დრომოკმული ზნე-ჩვეულების წინააღმდეგ, არამედ აგრეთვე მართველობის, წყობისა, რომელიც ხალხისათვის, მდაბიო ხალხისათვის მიუწევდომელი და გაუკითხავი იყო, მწერალი სწორედ ამ შებოროტი ცხოვრების წინააღმდეგ არის ამხედრებული. მის უმსგავსობას, მიუღებლობას, ის რისხვით, ზიზლით, შეუურიგებლობით აღწერს და მკითხველსაც ამ მიმართულებით ამოძრავებს.

<sup>4</sup> ეკ. გაბაშვილი. რომანი დიდხევაში, რჩეული ნაწერები, 1932 წ. გვ. 39—40.

<sup>5</sup> ი. ქ. გ. გვ. 50—51.

საზოგადოებრივი ცხოვრება ადამიანს ხუთავს, გასაქანს არ აძლევს არა მარტო გაყალბებული, აბსურდამდე დაყვანილი სარწმუნოებრივი ჩვეულებებით, არამედ სხვა მხარეებითაც. ცხოვრების მოუწესრიგებლობა ეკ. გაბაშვილს სტანჯავს, მოსვენებას უკარგავს, მისი შემოქმედებითი ყურადღება საზოგადოებრივი ცხოვრების ხან ერთ უბანზეა მიპყრობილი, ხან მეორეზე.

სიღარიბის გარდა, გლახს მძიმედ ბორკავს წოდებრივი განსხვავებაც. წოდებრივი ტრადიციები დამტკიცებულია საზოგადოებაში და ადამიანს არ აძლევს ცხოვრებით დატკბობის შესაძლებლობას. თვით უმაღლესი გრძნობა ადამიანისა—სიყვარული, უძლურია დაღწეოს წოდებრიობის ტრადიციით გამოქცედილი ბორკილი, იგი ადამიანს უხშობს ბედნიერების კარს.

მოთხრობაში „კონა“ ეკ. გაბაშვილი ამ სიმახინჯის წინააღმდეგაც მედგრად ილაშქრებს.

გლახი პეტრე ახალკაცი სამი წლის განმავლობაში მოუსავლობის გამო, როგორც ბევრი სხვა მისი მეზობელი, უმწეო მდგომარეობაში ჩავარდა, მას სამათხოვროდ გაუხდა საქმე. ვერ აიტანეს პეტრემ და მისმა ოჯახმა მათხოვრობა, თხოვნა, ხელის გაშვერა ესირცხვილებოდათ. უშრომლად ნაბოძები ლუქმა ყელზე აღგებოდათ. პეტრეს ურჩიეს ქართლში წასვლა, და იმანაც მიატანა სოფელ არაშენდას, აქ ძლივს მოითქვა იმან და მისმა ოჯახმა სული.

შიმშილითა და ნაკლებულობით შევიწროებულმა მართამ, პეტრეს ცოლმა, გადაწყვიტა თავისი უფროსი ქალი კონა იმავე სოფელში მცხოვრებ თავად თავბრუიძის ოჯახში მიეცა მოსამსახურედ, საბრალო დედამ პატარა ათი წლის კონას აუხსნა, რომ მას ძალიან სტანჯავს შვილის „სხვის ხელში ჩაგდება“, მაგრამ იფიქრა „შინ მშვიდ ყოფნას, იქ მუცელი მაინც გაუძლება“. პატარა კონა, მწარე ღღეს გამოვლილი, დამორჩილდა მშობლების გადაწყვეტილებას. ხედავდა, რომ სხვა გზა არ იყო.

ათი წლის პატარა კონა თავად სპირიდონ თავბრუიძის შეუღლის კენი-ნა ბარბარესა და მისი მოახლის იისახარის, მოსამსახურეთა მეხის, ხელში ჩავარდა. დიდი და პატარა, გოგო თუ ბიჭი, ბატონი თუ მოსამსახურე ყველა კონას უბრაზუნებდა თავში: „კონა წყალი, კონა ცეცხლი, აქ წადი, იქ წადი“ გაისმოდა სამზარეულოდან დაწყებული ბატონის ოთახამდე. თუ კონა ბავშვების თამაშზე თავისი აკვნის ძირიდან (აკვნის ბავშვსაც ის უვლიდა) ბავშვურად გულით გაიხარებდა, იისახარი შეუღრიალებდა: „ქა, რას ხარხარებ, შე წუწუკო, განა შენც მაგათი ტოლი ხარ, შე აშარო!“ თუ ბავშვები კონას აწვალებდნენ, ჩქმეტდნენ, ქოჩორს აგლეჯდნენ, მას ტირილი არ შეეძლო. ბარბარე და იისახარი დიდად გაიოცებდნენ. „ქა, დამიხედეთ ნებიერს, ყმაწვილებმა ხელი უნდა გახლონ,

არც კი გიხაროიან, შე გულშეკვდარო, რომ ეს ბავშვები შენ გეთამაშებიან?!“

კონა წელში გაუშლელი მუშაობდა. დღესა და ღამეს ასწორებდა და მადლობის მაგივრად ისახრებოდა.

აი, ასე უდიერად ეპყრობოდნენ პატარა კონას თავად თავბრუიძის ოჯახში. ისიც ითმენდა, სხვა გზა არა ჰქონდა!

კონას შემბრალებელი და იმედი ამ ჯოჯოხეთად ქცეულ სახლში იყო თავ. სპირიდონის უფროსი შვილი, პირველი ცოლისაგან — ლევანი, რომელიც დედინაცვალს, კნ. ბარბარეს, ათვალისწინებული და შევიწროებული ჰყავდა.

შევიწროებულმა და დაბრკელებულმა მდგომარეობამ დაახლოვა ეს ორი დაჩაგრული არსება. უპატრონო და უმართებულოდ შეურაცხყოფილი კონას ნუგეში ლევანი იყო. ისეც, უბედურების დროს, რაც დედინაცვლის წყალობით, მისთვისაც ძალიან ხშირი მოვლენა იყო, კონას მიმართავდა. კონას თანაგრძნობის ცრემლები ლევანს ამშვიდებდა, მის აღელვებულ გულს ასუბუქებდა.

აუტანელი იყო მათთვის ამ ოჯახში ცხოვრება. და მოთმინება დაკარგულთ, უკეთეს და ბედნიერ ცხოვრებას მოწყურებულთ, გადაწყვიტეს სახლიდან გაქცევა, გადაკარგვა ისე კი, რომ არავის სცოდნოდა, რომ კონა მოახლეა და ლევანი თავადის შვილი და ეცხოვრათ ერთად.

დიდი უშუალობითაა გადმოცემული მწერლის მიერ კონასა და ლევანის ურთიერთ დაახლოების ამბავი, მათი ურთიერთ გრძნობა, რომელიც თანდათანობით ბუნებრივად იზრდება და ბედნიერების სხივს ჩაუშვებს მათ გარემოებით დაჩრდილულ გულში. ესაა ის სიყვარულის გრძნობა, რომელიც მწერლის შეხედულებით და გაგებით უდიდესი მოვლენაა ადამიანში, მაგრამ დაახლოებულნი ერთმანეთს არც კი უმხელენ თავიანთ გრძნობას, თითქოს ეშინიათ სიტყვამ არ შელახოს მათი ეს დიდებული განცდა.

ლევანისადმი გრძნობა კონას გადააწყვეტინებს გაიქცეს ლევანთან ერთად. გაიპარებიან კიდევ ქალაქისაკენ კეთილი მეგობრის, იდეური ახალგაზრდის ალექსანდრე გოგორაშვილის იმედით, მაგრამ ხანგრძლივი არ არის მათი ბედნიერება. სპირიდონ თავბრუიძე სადგურზე შენიშნავს მათ, ლევანი გაექცევა, ხოლო კონას შეკრულს ტარანტასით მოიყვანს სახლში, სადაც აუწერელი ველურობით მოეპყრობიან მას. განსაკუთრებით ყასპის ქალი კნენა ბარბარე, რომელიც ფხვით შესდგება შეკრულ კონას და განუკითხავად სცემს. ბარბარე შეძრწუნებული იყო იმით, რომ მოსამსახურე, გლეხის გოგო შეიძლება კნენა გამხდარიყო.

მწარე და უდიერი დაცინვით უღელვებდნენ კონას გრძნობასა და გონებას: „ო, რა კარგად მოუხდებოდა კნენობა ახალკაცის გომბიოსა!

იქნება დედაშემა დაგარიგა, აგრე მარდად მოქცეულიყავ? და სიკეთის მაგივრად, რომ მშიერი გაგაძღეთ, წინიდან მოსათხრელი თვალები უკანიდამ დაგეთხარა.

— საშინლად დაშვენდებოდა ტახტზე ჯდომა ლანჩა-შეხეულს და გამურულ კონას! რა რძალი დაგიმშვენიებდა, კნინა, გვერდს, თითოთ საჩვენებელი კი იქნებოდა! მეხი კი დაგაყარე მაგ თავზე, მეხი! შე წუწკო, კაცმა რომ შემოგხედოს, მჭადში ნახშირს ვერ გამოარჩევ და მაგდენი კუდიანობა კი შეიძელი.

— აი გახმეს ეს გოგრა, რომ შენისთანა გომბიოები ვერ გაქალბატონდნენ — და ორთავე ხელებით თავში ჩაჰკრა ბარბარემ კონას... შენ გინდოდა გაგეჩირქიანებინა ჩვენი ოჯახი, შენ გინდოდა პატიოსანი თავადიშვილი დაგედღუპა“...<sup>6</sup>

ბარბარე რა თქმა უნდა, თავის გერზე, ლევანზე კი არა წუხს, არამედ იმაზე, რომ კონა — „გლახის გომბიო“ გაქალბატონდებოდა. ეს მიაჩნდა მას და მის ერთგულ იისახარს შეუძლებლად, დაუშვებლად, შემადრწუნებლად.

ამგვარმა უსამართლო დაცინვამ, მოპყრობამ, ცილისწამებამ სრულიად შეუცვალა კონას ხასიათი. კნ. ბარბარესი და იისახარის ახალ-ახალმა, თავმოყვარეობის დამამცირებელმა მოქმედებამ და დაცინვამ კონა უკოდურესობამდე მიიყვანა, ცხოვრება გაუმწარა, შეაძულა და შურისძიება გადააწყვეტინა. ამ მიზნით კონამ უბეში მაგრად შეინახა ლევანის პირველი საჩუქარი — ჯიბის დანა და მოიკრიფა უკანასკნელი ძალა შურისძიების შესასრულებლად. ცდაც დიდი ხანი არ დასჭირდა. ერთხელ კონამ ბარბარეს ძვირფასი შალი დაწვა უთოთი. ბარბარე გააფთრდა, „მოჰგლიჯა კონას თავშალი და ქოჩრის წიწკნა დაუწყყო: „აი შე წუწკო, შენა. აბა ახლა ვიშველოს, აბა ახლა მოგიტაცოს შენმა კნიაზმა, აბა გაგანთავისუფლოს!“ და თან ლუქმა-ლუქმა აგლეჯდა ხორცებს“. კონაც აღელდა, ათრთოლდა. ბარბარეს ხელიდან გაუსხლტა, ცოფიანრვით დორბლი გასდიოდა პირიდგან, თვალები წინ წამოუცვივდა, ყელში ხრიალი დაიწყო და თვალის დახამხამებამდის თავისი დანა ბარბარეს გულში ჩაარჭო“. იქვე დაბარბაცდა და უგრძნობლად ბარბარეს ფეხთით დაეცა.

სწორედ ამ მოშენტში შემოდის კონას დედა მართა ძღვნით — სავსე ხურჯინით. ის მოვიდა ქალის გასათავისუფლებლად. „ძლივს ეღირსა, — მოგვითხრობს მწერალი, — თავისი გულითადი აზრის ასრულებას. მოვიდა ქალის გასანთავისუფლებლად და დაინახა, რომ განთავისუფლებამ დაასწრო, განთავისუფლებამ საზარელმა, მაგრამ ნამდვილმა და საუკუნომ“...

<sup>6</sup> ე. ბ ა შ ვ ი ლ ი, კონა, გვ. 99.



დიდია ემოცია, თანაგრძნობა, სიმახვილე, ექსპრესია, რომლითაც მწერალი ავითარებს „უბედურთა“ ცხოვრებას, მათ ამ ცხოვრებასთან ანგარიშის გასწორების გადაწყვეტილებას. კონასადმი თანაგრძნობით ივსება მკითხველის გული.

რალაც მწარე, დაუნდობელ დაცინვასავით ისმის მოთხრობის დაბოლოებაში მწერლის გადმოცემა: „ლევანი გიმნაზიაში სწავლობს და იმედი აქვს უმაღლესი სწავლაც მიიღოს. ამის შრომით სავსე სიცოცხლეს ძლიერ ხშირად ამღვრევს ის აზრი, რომ ამხანაგს უმტყუნა და სათნო კონა უმეცრების მსხვერპლად გახადა“.

ლევანში მოჩანს ის უხერხემლო მოდუნებული ტიპი, რომელიც ფეოდალური ყოფის რღვევაში, ახალი ცხოვრების მოახლოების რიკრაჟზე გაჩნდა თავადაზნაურთა წრეში და რომელნიც კეთილი სურვილების, კეთილგანწყობილი დუდილის იქით ვერ მიდიოდნენ. სიტყვა და საქმე ერთმანეთს ვერ უკავშირდებოდა. ეკ. გაბაშვილი ამათაც არ უყურებს სრული თანაგრძნობით, თუმცა კი მათ ერთგვარი სითბოთი მაინც ხატავს.

არამც თუ წოდებრივი განსხვავება, არამედ ამ მოუწყობელ ცხოვრებაში, განსაკუთრებით ახალ კაპიტალიზირებულ პირობებში, სადაც ფულის ტრიალმა მძლავრი ბეჭედი დაასვა ცხოვრებას, საზოგადოების ახალი, უფრო რთული დიფერენციაციაც ხდება. თვით შიგნით, გლეხთა შორის შეიქმნა მოწინააღმდეგე ფენები. გლეხთა შორისაც გაჩნდა შეძლებული და ღარიბი და მათ შორის არსებული ეკონომიური უთანასწორობა ისეთსავე უკუღმართ შედეგებს იწვევდა, როგორსაც წოდებრივი უთანასწორობა.

ახალი ცხოვრების ამ უკუღმართი მოვლენის წინააღმდეგაც ეკ. გაბაშვილი დამახასიათებელი სიმკაცრითაა ამხედრებული, რაც გამოხატა მოთხრობაში „ორენა და ქუჩი“.

სოფ. ვარდისუბანში შეძლებული გლეხის გოგიას „მალალი, კოპწია მაისის ვარდით გადაშლილი ლოჯა-ტუჩებით“ ქალს ქუჩის მოაწონს ერთი, სხვა მხრიდან გადმოვარდნილი, სხვისი მოჯამაგირე თედო, „ბიჭი ლომი, მხარ-ბეჭ გადაჭიმული, ახლად ულვაშ აყვავებული“, ჩოხა-ახალუხითა და წულა-საცვლებით ლაზათიანად გაწყობილი. თედო მთელ თავის ჯამაგირს თავის მორთვას ანდომებდა, აბიტომ დღემდე თავის ბედობაზე გროში არსად გააჩნდა. ამასთან ერთად საშინელი ყბედი ლაზლანდარა იყო, რისთვისაც მას სოფელში ორენა დაარქვეს.

ამ ორ საღს არსებას მალე შეუყვარდებათ ერთმანეთი და გამიჯნურდებიან. მაგრამ განა საზოგადოება (თუნდაც სოფლის საზოგადოება), დახვესებული და დრომოკმული ტრადიციებით შებორკილი, გასაქანს მისცემს უანგარო, ბედნიერების აღმთქმელ სიყვარულის გრძნობას გაიშალოს, გაიზარდოს და ბედნიერებით დაატკბოს შეყვარებულნი!

ქუჩე ხომ პირველი საპატარძლოა სოფელში შეძლებით, ოჯახის შეიღობით, თედო კი—მოჯამაგირე! „მდიდარი გლეხის ამაცობისათვის,—მწარედ შენიშნავს მწერალი,—ეს შეუძლებელი იყო და ამისათვის თითქმის ყურს არც კი უგდებდნენ იმათ დაახლოებას და სიცილიად არა ჰყოფნიდათ თედოს მიჯნურობა“.

ქუჩესა და თედოს (ორენას) გრძნობა დაუძლეველი გამოდგა. მათმა გრძნობამ გადალახა ყოველი დაბრკოლება, ისინი დაახლოვდნენ. მაგრამ უღმობელია ტრადიციაც, შეუბრალებელია დამრღვევისადმი, იგი ამოქმედდა ქუჩეს წინააღმდეგ. ქალი ხომ დაბალი ღობე იყო იმ საზოგადოებაში! მშობელი შვილის, განსაკუთრებით ქალის, ბედ-იღბალის ბატონ-პატრონია. ქუჩეს მშობლებმაც, სოფელში გავარდნილი ხმა რომ ჩაეჩუმებინათ, ქუჩე სახლში დაამწყვდიეს და მალეც ერთ ქვრივს, ოთხი შვილის მამას, კარგა ჭაღარა შერთულ 50 წლის კაცს ქალის დაუკითხავად მიათხოვეს. ეს კაცი შვილების მოვლაზე უფრო ზრუნავდა, ვიდრე სიყვარულსა და რაიმე გრძნობაზე ქუჩესადმი.

ჯოჯოხეთი უნდა ყოფილიყო ქუჩესათვის ცხოვრება კაცთან, რომელიც მას არ უყვარდა, არ შეეფერებოდა, განსაკუთრებით განცდილი ტრაგედიის შემდეგ. მაგრამ რა გზა აქვს ქალს! უნდა დამორჩილდეს და ისიც მზადაა... მალე ქმარი შეატყობს ქუჩეს „შეცოდებას“, შეაკვრევინებს მზითვეს უკლებლად, დაალაგებს ურემზე, ზედ ქუჩეს დასვამს და მაისის ერთს საღამოს ბინდისას ქუჩეს მშობლებს უკანვე ჩააბარებს და საჩქაროდ გაბრუნდება. „გოგია და ნინო გაოცებული, პირდაღებულნი იდგნენ... ქუჩე ბოძთანვე ჩაჯდა, თვალეზზე ხელი მიიფარა და მოჰყვა მწარე ქვითქვითს. იმისმა ტირილმა გამოიყვანა დედ-მამა ფიქრისაგან და ორთავენი ერთად მხეცებივით დაეტაკნენ ქუჩეს. როგორ? შემრცხვენელი და თავლაფდამსხმელი ქალი უკანვე დაუბრუნდა! რა უნდა ეთქვათ ქვეყნისათვის და რა პირით უნდა შეეხედათ მეზობლებისათვის? გაცოფებულნი ამგვარი დამცირებით, ისინი შეუბრალებლივ ტანჯავდნენ ქუჩეს. პირი, ხელი, ნაწნავები, ერთი სიტყვით რაც კი ხელქვეშ მოხვდებოდათ, შეუბრალებლაც იბღვნებოდა“<sup>7</sup>.

ქუჩეს მშობლებისათვის მთავარი შვილის მდგომარეობის გაგება, მისი გამოსწორება, კეთილად მიმართვა კი არ არის, არამედ — „რა უნდა ეთქვათ ქვეყნისათვის და რა პირით უნდა შეეხედათ მეზობლებისათვის?“ ეკ. გაბაშვილი სწორედ ამ დამღუპველი, ყოვლის შემძლებელი ტრადიციის არსებობითაა ასე აღელვებული. ამიტომაც, რომ ის არ ინდობს არც მშობლებს და არც მეზობლებს.

აღწერს რა მშობლების ასეთ გულქვაობას, ტრადიციით დაბრმავებას, მწერალი ახლა მეზობლებზე გადადის. მათ გულგრილობას, შეუბ-

<sup>7</sup> ეკ. გაბაშვილი, ორენა და ქუჩე, ტ. I, გვ. 114.

რალებლობას, უადამიანობასაც აღშფოთებით ხდის ფარდას: „დიდი და პატარა ცდილობდა ნუგეში ეცა დედამამისათვის და ვაგლახი გადაეყარა უბედური შვილისათვის. ერთ კაცს ფიქრად არ მოსვლია ის ადამიანური აზრი, რომ მიეხედნათ პირ მუცელ მომდგარ ქალისათვის და შემწეობა მიეცათ რამე“<sup>8</sup>.

ბოსელში, სიბნელეში, ნოტიოში, ხბორებსა და მოზვრებს შორის დამწყვდეული ქუჩე გონს რომ მოვიდა, გოცეებულმა ყური დაუგდო და „სივაგლახით გაიგონა, რომ დიდი და პატარა საქოლავს უგებდა მას. არც ერთი მოსარჩლე, არც ერთი ნუგეშის მცემელი მთელ სოფელში არავინა ჰყავს, ის უნუგეშოდ მიწას დაასკდა და ცხვირპირიდან სისხლი წასკდა“<sup>9</sup>.

სულიერი ღელვით გაწამებულმა, სამი დღის შიმშილობით, მშობლების ასეთი უდიერი ფიზიკური და მორალური მოპყრობით დაქანცულმა ქუჩემ განთიადისას იგრძნო საშინელი, ტკივილები: „მთელ იმის გვამში ჯოჯოხეთი აღიგზნა და ცეცხლს უკიდებდა“. საშინელ, გამოუთქმელ ტანჯვას გრძნობდა ქუჩე, სიკვდილს ნატრობდა, მაგრამ ვერაფრით ახერხებდა. გული წაუვიდა, როდესაც გონზე მოვიდა, მის „გვერდით ეგდო პაწაწინა გალურჯებული ქმნილება და საცოდავად კნაოდა“. მასში იღვიძებს სალი დედური გრძნობა. „ის გიყივით დააფრინდა პატარას, საჩქაროდ მიიქრა გულზედ, ალერსით დაეკონა“. მაგრამ უცბად იგი მოიცივა შიშმა საზოგადოების აზრის წინაშე. ამ შიშმა დასძლია „და ისევ საჩქაროდ დაახეთქა ბავშვი ზღვეებზედ. ბავშვმა ერთი კი დაიკნავლა და საუკუნოდ გაჩუმდა“.

ეს შეუძნეველი არ დარჩა სოფელს. ქუჩეც მძიმე ჯვადმყოფი შეიქმნა, სამი კვირა მისი სიცოცხლე ძაფზე ეკიდა. ქუჩეს მშობლებმა, როდესაც შვილის ასეთი უზომო ტანჯვა და მისი საშინელი შედეგები დაინახეს, როდესაც დარწმუნდნენ რა ტანჯვის გოლგოთაზე აიყვანეს მათ თავიანთი შვილი, მხოლოდ მაშინ იგრძნეს, რომ ისინი და ისევ ისინი იყვნენ მიზეზნი თავიანთი შვილის დაღუპვისა და „თუ ამათი უზომო ამაყობა არა, ქუჩე იქნებოდა ბედნიერი და რიგიანი დედაკაცი“.

ეკ. გაბაშვილი არ კმაყოფილდება მოუწესრიგებელი ცხოვრების ამ მხარეს გაკიცხვით. მას ეს ცხოვრება თავისი საზოგადოებრივი ყოფით არ აკმაყოფილებს. როგორც მძიმე ბოაკილს, ისე განიცდის მის სიმძიმეს, სარგებლობს მშვენიერი შემთხვევით და საზოგადოებრივი ცხოვრების სხვა მხარეების გაკიცხვაზეც გადადის.

ცნობილია, ადვილი არ არის ამ ცხოვრებაში დასნლექილი ფეხის შეკავება. ქუჩეს არ აკმარეს ოჯახში მიყენებული უბედურება. „კანო-

<sup>8</sup> გვ. გაბაშვილი, ორენა და ქუჩე, ტ. I, გვ. 114.

<sup>9</sup> იქვე, 115.

ნიერების“ დამცველის როლს ახლა სასამართლო იღებს და ქუჩეს წამება როგორც ფიზიკური, ისე ზნეობრივი გრძელდება.

სასამართლო, მოსამართლენი გულციობით, შეუბრალებლობით მწერლის მიერ აღშფოთებითა და ზიზლითაა გამათრახებული. მშვენივრადაა მოცემული ტრაფარეტული და უშინაარსო კითხვები მოსამართლეთა:

— „არა, სუყველაფერი უნდა სწორედა სთქვათ“.

ასეთ კითხვაზე დემონურად, გულის შემზარავად, ტვინის ამრევად მოისმის ქუჩის პასუხი: „მე მოგვალ ბავშვი! ამაზე მეტს ვერას ვიტყვი და არცარა მაქვს რა სათქმელი, ჩამომახრჩეთ, გევედრებით ჩამომახრჩეთ“.

ეკ. გაბაშვილი თავს ვერ იკავებს, რომ თავის მხრითაც ყველაფერს ამას ზიზლი არ დაუმატოს. ერთხელ კიდევ ამ უმანკო ცხოვრების დასრულებამდე არ შეაფურთხოს ველურ წესებს და აღშფოთებული გადმოგვცემს: „მოწმებმა ყველამ დაამტკიცეს, რომ ქუჩემ დედამიწას დაახეთქა თავისი შვილი და იმით მოჰკლაო. იმაზედ, თუ რამ მიიყვანა აქამდის, რასაკვირველია, ხმა არავის ამოუღია“.

ასეთი ლირიკული ადგილები ავტორის შემოქმედების ერთ-ერთი დამახასიათებელი სტილიური ნიშანია.

ვილას ან რად უნდა ქუჩის მშობლების გადარეულსავით თბილისში გაეცივნა, მათი ცდა შვილის დახსნისათვის, როცა ქუჩე იქ გადაიყვანეს. „მართლ-მსაჯულება, — შხამიანად იცინის მწერალი, — შეუწყიდველია და ქუჩეს ათის წლით ციმბირი გადაუწყვიტეს“.

ეკ. გაბაშვილი სარგებლობს მშვენიერი თემით, გარემოებით და საზოგადოებრივი ცხოვრების მოუწყესრიგებლობისა და მისი ვერაგობის წინააღმდეგ მხედრდება. ის თავის, უდავოდ ნიჭიერ პამფლეტს ასეთს დასასრულს აძლევს: „სასამართლოს დარბაზი სრულიად ცარიელი იყო, სულ ათი კაცი არ დასწრებია ამ საქმის გარჩევას. აბა რა ღირსსაცნობი იყო საწყალი გლეხის გოგოს ამბავი? ქუჩე რომ დიდი ოჯახის ასული ყოფილიყო, მაშინ ადვოკატები მჭევრმეტყველებაში ივარჯიშებდნენ. მაშინ სასამართლო ბევრს შემამსუბუქებელ საშუალებას მიიღებდა მხედველობაში. ეხლა კი გოგია ვიღაცა საეჭვო პატიოსნების „აღუქანტი“ მოიწვია, რომელიც სასამართლოს წინ თრთოდა, გამართლების მაგივრად, თავის მომწვევლებისათვის შებრალებას თხოულობდა. შებრალებას! შებრალებას იქიდან, სადაც კაცის გული გაქვავებულია და სადაც სხვისი ჭირი მხოლოდ გამართობელი საგანია!“

მწერალს უნდა ბოლომდე გამოარკვიოს საზოგადოებისა და ქუჩის ურთიერთობა, საზოგადოებრივი ცხოვრების მიუღებლობა. იგი თბილი, აღელვებული გულით ქუჩის დასტრიალებს, მის მოძრაობას გაფაციცებით აღვენებს თვალ-ყურს და მისი უპირატესობის შეგნებით

ღრმა გულსტკივილიანი დაკმაყოფილებით ამბობს: ქუჩემ „იმ დღეს მარტო ორჯერ აიხედა მაღლა: ერთი მაშინ, როდესაც გადაწყვეტილებაზე გოგამ და ნინომ ტირილი მორთეს,—და საშინელი იყო ეს გადახედვა. ამ გადახედვაში და მწარე ღიმილში გამოცხადდა სრული სიძულვილი და ზიზღი იმის ამ დღემდის მიმყვანთა ცრემლების უალაგობაზე და მეორე მაშინ, როდესაც ის ორ ხიშტიან სალდათს ჩამოჰყავდათ სასამართლოს კიბეზე: იქ კუნჭულში იდგა გაყვირებული, დაგლეჯილის ტანისამოსით ცალხელა ყმაწვილი ბიჭი და ხელგაშლილი მოწყვალეობას თხოულობდა. ქუჩეს გააყრეოლა. ის ერთის წამით შედგა, უნუგეშოდ თავი გაიქნია, ეხლა კი ცრემლები ველარ შეიმაგრა“... ეს გახლდათ იმავე ხალხის წყალობით განწირული, უწინ სილამაზით, სიცოცხლით სავსე, ახლა დამახინჯებული თედო—ორენა.

ღიახ, ასეთია საზოგადოებრივი ცხოვრება! ასე უაზროდ ამახინჯებს ადამიანს ცხოვრება. ზიზღი მას! ისმის მწერლის ამ ნაწარმოებიდან.

განა ჯანღონით, საღი გრძნობით, ცხოვრების წყურვილით სავსე „გონიერი, ტკბილი დარბაისელი გოგო“ ბაბოც ასეთივე მსხვერპლი არ შეიქმნა სოფლის ცხოვრების ტრადიციისა? უფროსის, მშობლების სურვილი წყვეტს შვილის, უმცროსის, უფრო კი ქალის ბედს, გათხოვება—დაოჯახებაში. ჯერ უფროსმა უნდა შეირთოს ცოლი, ან უფროსი და უნდა გათხოვდეს და შემდეგ უმცროსი. სიყვარულის გრძნობამ ჯიბოსადმი მუდამ უამს უშებლმეკრული, გულჩათხრობილი ბაბო სრულიად გამოსცვალა. უშუალო, მძლავრმა სიყვარულის გრძნობამ ბედნიერების ცეცხლით აანთო ჯიბო და მონატრებული ეშხით ალაგზნო ბაბო. თვითონ გურგენაული ბაბო, ამ გრძნობის გამო შეჩვენების შემდეგ, რამდენიმე წლის შემდეგ, ასე ახასიათებს თავის გრძნობას ჯიბოსადმი: „ჩემი გრძნობა ძლიერი და წმინდა იყო; მე მიყვარდა ჯიბო, ისე როგორც მეორე ღმერთი, უმეტესად დედისა, უმეტესად სიცოცხლისა, უმეტესად მზის სინათლისა, უმეტესად იმ მომავლის ტკბილის ცხოვრებისა, რომელსაც შენ ასე გატაცებით მიხატავდი ხოლმე შენის ნაამბობით და რა ვიცოდი, თუ ამ გვარი სიყვარული, ამ გვარი ძლიერი გრძნობა გმობა იყო ღვთისაცა და კაცისაც“.

ასეთია მწერალი ქალის გაგება სიყვარულის გრძნობისა, როგორც ყოველშემძღებისა და ადამიანის გამკაცებელი, უსაქიროესი წყაროსი. ამიტომაც, რომ ამ გრძნობის მორევში სიტკბოებას მოწყურებული კაცი განცდით თავდავიწყებით მიექანება, ამიტომაც რომ ამ გრძნობაზე ადამიანი ხშირად ვერა ბატონდება.

მაგრამ სოფლის ტრადიცია ძლიერია. ვერც მას გაუწევს გამოუცდელი გლეხის ქალი წინააღმდეგობას. ჩვეულებამ, უფროსის „უფლებამ“ ბაბო ჯიბოს უფროს ძმას დაუსაყუთრა. ჯიბო იძულებული გახდა გასცლოდა. ბაბოც დანემორჩილა ბედს, მაქსიმეს უფლება მიიღო, შეე-

ცადა თავის მოვალეობის აღსრულებას, თავისი გრძნობის დამორჩილება-ჩაკვლას. მაგრამ ბაბომ ვერ შესძლო ამ ვალდებულების სრულად შესრულება. მან ვერ მისცა მაქსიმეს, თავის „კანონიერ“ ქმარს, ბედნიერება: „ერთში ყოვლად უღონო ვიყავი, — ეუბნება ბაბო ავტორს, — დამემორჩილებინა ჩემი თავი, ვერ შევიძელ მაქსიმესათვის ალერსი დამეწყო და იმის მხურვალე სიყვარულზე პასუხი გამეცა; მე, როგორც უსულო გვამი, ისე ვიყავი იმის ხელში და ეს გარემოება იმას აშფოთებდა, აღელვებდა, თითქმის ცოფიანობამდე მიჰყავდა“.

ბაბოს ასეთმა მდგომარეობამ ოსიანთ მთელი ოჯახი დალუპვამდე მიიყვანა. მაქსიმე თავის გრძნობის პასუხს ბაბოსაგან დაჟინებით თხოულობდა. ამ მომენტში დაუქმყოფილებელი მაქსიმე ბაბოს საშინელ მორალურსა და ფიზიკურ შეურაცხყოფას აყენებდა. ერთ ამისთანა მომენტში ჯიბო ველარ მოითმენს ბაბოს ამგვარ წვალებას, და როცა გაცოფებული მაქსიმე ბაბოს უდიერად სტანჯავდა, დაჰკრავს თავის ძმას მაქსიმეს ჯოხს თავში და მოჰკლავს.

ჯიბოს ციმბირში გადაასახლებენ, მათი დედა თინა ჰკუჯაზე შეიშლება. ამ ამბით თავზარდაცემული, სოფლის გაკიცხვის შიშით აღზნებული ბაბო გავარდება; არ იცის, სად წავიდეს. უბედურების მეორე დღეს მგზავრებმა გზის პირად იპოვეს ბაბო და დედასთან მიიტანეს. შიძიმე და ხანგრძლივმა ავადმყოფობამ იხსნა ბაბო დალუპვისაგან. „ექვსი კვირა ვებრძოდი სიკვდილს, — მოუთხრობს ბაბო ავტორს, — და მერე გამოვბრუნდი. რისთვის? დაილოცა, ღმერთო შენი სამართალი! რად მინდოდა შერცხვენილი სიცოცხლე, ლუკმა-ლუკმად ქცეული გული, გამოშტერებული გონება?“ ველარ დაენახვებოდა ბაბო ამ ცივ, უსამართლო სოფელს, რომელიც სჯის თავის წევრს ისე, რომ „დამნაშავის“ გულში არ ჩაიხედავს. ბაბომ ამჯობინა წასულიყო სოფლიდან და თავი ცოცხლად დაემარხა მცხეთის ქალთა მონასტერში. აი, ასეთია სოფელი თავისი ცხოვრების პირობით, ცხოვრების ეს პირობაა, რომ ასე ავიწროებს ადამიანს, განსაკუთრებით ქალს. ამ შევიწროებას მტკივნეულად გრძნობს ჩვენი პოეტი ქალიც და მის წინააღმდეგ ამხედრებული მთელი შეგნებით იბრძვის.

ასეთია გლეხი ქალის უფლებააყრილი მდგომარეობა. ის ცხოვრებაში შეჩერებული ნდომით დადის, სოფლისაგან შეუბრალებელი, ყველას ბრძანების აღმასრულებელი.

მაგრამ გლეხთა და გლეხი ქალის მდგომარეობა ეკ. გაბაშვილის პოეტური ხედვისა და დაკვირვების მხოლოდ ერთი უბანია. ეს მისი შემოქმედების, თუმცა ძირითადი მაგრამ მაინც ერთი თემაა.

ეკატ. გაბაშვილმა მშვენივრად იცის არა მარტო გლეხისა და გლეხი ქალის ავკარგი, სიხარული და უბედურება, სიამოვნება და უკმაყოფილება, მისთვის ძალიან ახლოა და კარგად ნაცნობი აგრეთვე თავადაზნაურთა, პრივილეგიური კლასის დარღვეული, ბურჟუაზიული გემოვნებითა და მოთხოვნილებებით შევიწროებული ცხოვრება.

ამ წრეშიც ეკ. გაბაშვილს პირველ რიგში აინტერესებს ქალის მდგომარეობა. მწერალი ქალი, როგორც ეპოქის საზოგადოებრივი ცხოვრების მოთხოვნილებათა შემგრძნობი, კარგად ითვალისწინებს საზოგადოებრივი ცხოვრების ასპარეზის მნიშვნელობასა და საჭიროებას ქალისათვისაც. მან კარგად იცის, რომ საზოგადოებრივი სარბიელი, აქტიური მოქმედება მასზე, ადამიანთა შეგნებულ ურთიერთობაში მუშაობა, ამახვილებს ადამიანის ნიჭს, უნარსა და საზოგადოებრივი მოვალეობის შეგნებას. ქალსაც წყურია შეგნებული მუშაობა, შეგნებული ცხოვრება. ისიც კაცია და უნდა კაცური ცხოვრება. „ჩემის აზრით,—წერს ეკატ. გაბაშვილი,—დედაკაცს ერის გამობრუნებაში უფრო დიდი მნიშვნელობა აქვს“.

ეკ. გაბაშვილი გამუდმებით ენერგიულად თხოულობს მისცენ ქალს სამოღვაწეო ასპარეზზე თავისი ნიჭისა და უნარის გამოძღვანების შესაძლებლობა. ის თავისუფალი და სრულუფლებიანი წევრი უნდა იყოს საზოგადოებისა საზოგადოებრივი საქმეების სარბიელზე. მაგრამ ეკ. გაბაშვილის შეხედულებით, ეს თავისუფლება და სწორუფლებიანობა სრულიადაც არ ნიშნავს იმას, რომ ქალმა თავისი ქალური თავისებურება, დედური მოვალეობა დაკარგოს. არა, მან ეს, როგორც თავისი უპირატესობა, უნდა შეინახოს და თავისუფლად გაშალოს. პოეტი ენერგიულად იბრძვის, რომ ოჯახი ციხე კი არ იყოს და ქალი ტყვე, არამედ თავისუფალი კერა, რომელიც ქალის ნიჭსაც გააღვიძებს, შეავსებს და მეტი ნაყოფიერებით აამუშავებს. „დედაკაცი ხომ ოჯახის კეთილ განწყობილების ნიადაგია! და, მაშასადამე, მხოლოდ იგივე დედაკაცია მომავლის შთამომავლობის დამბადებელი, აღმზრდელი და სულის ჩამდგმელი. ქალი გრძნობა გამახვილებული არსებაა. მალე შეიგნებს, რაშია იმისი დანიშნულება, იმისი მოწოდება, და თუ საერთო ღონით ეს მოვახერხეთ როგორმე, ჩვენს დაქვეულს ოჯახს, ჩვენს დარღვეულს ერთობას, ჩვენი ბუნების ჩანელებული დედაკაცი ნამდვილ დედაბოძად შეედგმის და ჩაქრობილ კერას კვლავ აგვიბოლებს, აგვინთებს“.

ქალის მიმართ, მწერლის შეხედულებით, საზოგადოება საშინელ სიბეცესა და უსამართლობას იჩენს. სინამდვილეში დედაკაცი მონაა. მის ნიჭს აქრობენ, მას გასაქანს არ აძლევენ, „ფრთებს აგლეჯენ“. ახალი ცხოვრების პირობების ქალი დრომოჭმული ტრადიციებით უნდათ აცხოვრონ.

ავიღოთ სცენა „ფრთებ დაგლეჯილი“.

ახალგაზრდა, ნასწავლი ქალი ქეთო გატაცებულია სცენით, მწერლობით. ჟურნალის მორიგი ნომრისათვის ამზადებს დაკვეთილ მოთხრობას. მოღვაწეობის ეს სარბიელი მას იზიდავს. ამ გატაცების გამო ქეთო საოჯახო ზოგიერთი წვრილმანის შესრულებას ველარ ასწრებს და არც მიაჩნია საჭიროდ. ქეთოს მეტად აღელვებს ოჯახის წევრების მისდამი უხეში დამოკიდებულება, ქმრის ყვედრება: „მე და შენ ერთი ვართ? მამ სამსახურში რომ დავდივარ, ხუთ-ექვს საათს ორად მოკაყული რომ ვზივარ და ვწერ, ოცში რომ შრიალ-შრიალით ახალ-ახალ ასიგნაციებს დავითვლი ხოლმე, ამას პატივისცემა არ უნდა?“

ასეთივეა მოსამსახურე ქალის მელანიას ველური მოპყრობა ქეთოს ხელნაწერებისადმი, საჟურნალოდ გამზადებული სტატიით ბუხრის მოკიდება, და განსაკუთრებით დედამთილის უტაქტო, შეურაცხყოფელი მოქცევა და სურვილი ჩაახრჩოს ქეთო ოჯახის ვიწრო ჩარჩოებში. „ვის გაუგონია, გენაცვალე, გათხოვილი ქალი და გაზეთები; წერილები“, საყვედურით ეუბნება ქეთოს გაოცებული დედამთილი, როცა ის ჟურნალის რედაქტორს ელაპარაკებოდა ჟურნალისათვის წერილის დამზადების შესახებ. ამ პირობებში, ავტორის შეხედულებით, „დედაკაცი, მართლაც, რომ მონაა, მონა ხელ-ფეხ შეკრული, უგზო, უკვალო, უმწეო“.

რედაქტორი გაკვირვებულია ქეთოსადმი ოჯახის წევრების ასეთი ბარბაროსული მოპყრობით და აღშფოთებული მიმართავს მას: „თქვენ მოვალე ხართ, როგორც შეგნებული და ნიჭიერი არსება, თავი დაახწიოთ ოჯახურ რუტინას და მთლად ემსახუროთ საზოგადოებას“. ამის საპასუხოდ ქეთო შემდეგს ეუბნება რედაქტორს: „მეც ბევრჯელ მომსვლია ეგ ფიქრი თავში, მაგრამ ძალა სად არის? ძალა და რა ძალა? ძალა ისეთი, რომელმაც უნდა დაანგრიოს რჯულად ქცეული წყობილობა, შექმნას ახალი გზა, გადაიტანოს დევნა უღმობელი, შეურაცხყოფა დაუსრულებელი... მაგრამ ყველაზე უდიდესი, თითქმის გარდაუვალი საფეხური ამ შემთხვევაში შვილებია. იმათ მომავალზე ხელის აღება... მე კი მგონია, ადამიანები ბოროტნი და შურიანნი რომ არ იყვნენ, შეიძლება ოჯახის მოვლაც და საზოგადო საქმეც შეეერთებინა დედაკაცს; აქ მხოლოდ საჭირო იქნებოდა ცოტაოდენი დათმობა, პატივისცემა“...

ეს თითქოს მწერლის გულის სიღრმიდან ამოხეთქილი აღსარებაა. ამისთვის იბრძვის ის, ამ საქმის თანაზიარს დიდი გატაცებით უძახის. „ფრთებ დაგლეჯილი“, ექვს გარეშეა, ავტობიოგრაფიული ხასიათის მოთხრობაა, რაც ხალხოსანი მწერლებისათვის, როგორც დავინახეთ, დამახასიათებელია.

ქეთოს ასეთი მდგომარეობის, ცხოვრების მეტად მახინჯი პირო-



ბების გამო, ქალის ხასიათი, მიმართულება სულ მთლად მახინჯდება. დიდია განსაცდელი, რომ ქალი ყალბ მდგომარეობას არ მიეჩვიოს, რადგანაც საზოგადოებრივ ცხოვრებაში კაცი ცდილობს დედაკაცში თანასწორი მეგობარი კი არ მონახოს, არამედ დიასახლისი, შემსრულებელი მისი კაპრიზებისა, შემქმნელი მყუდრო კერისა, დაბეჩავებული, მონად გამხდარი მახინჯი ტრადიციებისა. ამიტომაც, რომ ოჯახი იშვიათად არის ბედნიერი, სრული, და ამაში ქალი კი არ არის დამნაშავე, არამედ საზოგადოებრივი ცხოვრება და მასში უმთავრესად მამაკაცი.

სრულიად ბუნებრივია, რომ ქალი ასეთს პირობებში მახინჯდება, მას ხასიათი უფუჭდება, ისიც ვერაგი ხდება და შურს იძიებს. ის თითქოს თავის გათავისუფლების მიზნით უხეშად არღვევს ოჯახს, არღვევს მიღებულ მორალს და უკიდურესობაშიც ვარდება. მორალისტი მწერალი ეკ. გაბაშვილი ოჯახის დამრღვეველთა თანამგრობობლად და გამამართლებლადაც კი გამოდის.

ავიღოთ მისი მოთხრობა „ლუარსაბმა ცოლი შეერთო“<sup>10</sup>.

მოთხრობის გმირი ლუარსაბ ცხოვნებაშილი საზოგადოების თვალში „ჩინებული ყმაწვილი კაცია, დიპლომიანი, უმაღლეს სასწავლებელში კურსდამთავრებული და მარტო სახელით კი არა, ნამდვილის სწავლით აღტურვილი, ფრიად მჭევრმეტყველი და სვინდისიანი ვეჭილი“. ის 30—32 წლის კაცია, საზოგადოების ნდობა და პატივისცემა უკვე დამსახურებული აქვს. ლუარსაბი ყოველი მხრით სასურველი საქმრო იყო, ბევრსაც ენატრებოდა მისი სიძეობა. ბევრი მაჰანკალიც მისდიოდა. მაგრამ ლუარსაბს მხოლოდ ლამაზი და განათლებული ქალები მოსწონდა. ესენი კი ლუარსაბს რატომღაც გაურბოდნენ.

რა იყო ამის მიზეზი? ლუარსაბი თუმცა პირველ შეხვედრაზე ზრდილი, მორცხვი და გაუბედავი ახალგაზრდა იყო, მაგრამ მიუხელოვდებოდა თუ არა ლამაზ ქალს, რაღაც მანქანებით ჰკარგავდა ამ მორცხვობას და გაბედულად, ხშირად მეტად უხეშად დაიწყებდა ბლაგვად არშიყობას, რაც ამ ქალებზე არ ახდენდა კარგ შთაბეჭდილებას. ამასთან ერთად ლუარსაბის გარეგნობაც არ იყო მიმზიდველი. „მეტად ტლანქი... დარგვალეხული ბურთივით, კისერ მოკლე, პაჭუა, წვერ-ულვაშ რიჟა, თავმოტვლებილი და, რაც ყველაზე მეტად ეზიზღებოდათ ლამაზ ქალებს, ეს იყო მისი ხელები რბილი, მსუქანი და მუდამ ნესტიანი“.

<sup>10</sup> ამ მოთხრობას თავდაპირველად თურქე ერქვა „ლ უ ა რ ს ა ბ მ ა პ ა ტ რ ი ნ ი ი შ ო ვ 5 ა“. ვფიქრობთ. ასეთი სათაური უფრო მკვეთრად ამქლავნებს ავტორის დამოკიდებულებას აღებულ მოვლენისადმი და მოთხრობის მთავარი გმირისადმი.

ლუარსაბს შეამჩნევს ვერა მაცდურაშვილი, რომელსაც, ავტორის გადმოცემით, „ყოველდღიური ჯანდაკი ცხენივით ტვირთის ზიდვა“ მოსწყინდა და გათხოვება მოინდომა. მან უნდა იშოვოს ქმარი, რომელიც იშრომებს და ის კი მის ნაშრომს გონივრულად მოიხმარს. ამ მიზნისათვის მან შეარჩია ლუარსაბ ცხონებაშვილი და თავისი ნაცნობი „ჩინოვნიკის“ ვისაძის შემწეობით მახეში ადვილად გააბა. ამ არჩევანის შესახებ ვერა თავის დედას ცინიკურად ასე ეუბნება: „დიდი სახარბიელო და სასიხარულო კი არა არის რა... მე ქმარს ვირთავ, ქმარს და კი არ ვუარშიყდები: არშიყობის დრო მქონდა და იქნება მქონდეს კიდევ. ეხლა მინდა კერა ვიპოვნო. მინდა მივესვენო“. დიახ, სიყალბეა! ამ სიყალბეს გრძნობს ვერაც. მწერალი ქალი აღშფოთებულია, მაგრამ ამაში ხომ თვით საზოგადოება და მისი „საუკეთესო“ წარმომადგენელი — ლუარსაბიცაა დამნაშავე, რადგან ცოლის შერთვა, მისი შეხედულებით მხოლოდ მომგებიანი საქმეა. ვერაც ასეთმა შეხედულებამ გააყალბა და თვითონაც ამგვარად დაუწყო ცხოვრებას ცქერა.

ვერას ანგარიში გამართლდა. ერთ თვეზე ლუარსაბმა და მან ჯვარი დაიწერეს. ვერა შეიქმნა ლუარსაბის ქონების სრული პატრონი და დაიწყო ცხოვრების მოწყობა. გააფართოვა ბინა. ოთხ ოთახს ორიც მიუმატა. დიდი გემოვნებით მოაწყო იატაკი, კედლები, ჭერი, ყველაფერი შესაფერი ნივთებით მორთო. როდესაც ვერამ თავის ქმარს ლუარსაბს ხელი გაუყარა და წაიყვანა ბინის დასათვალიერებლად, ის „თვალეზ დაჭყეტილი შეჰყურებდა ყველა ამ საკვირველებას და ვერ მოეაზრებინა, თუ რა მანქანებით გადაიქცა იმის უბრალო სადგომი ამ მუხათა შესაფერ სასახლედ“.

ლუარსაბმა მოიწონა ეს ყველაფერი და ამასთან ერთად მას რალაც უსიამოვნების ნალველიც ჩაესახა გულში. გააფრთხილა ცოლი, რომ ის ქონება, რომელიც მან ვერას გადასცა, „ერთად-ერთი წყაროა შავი დღისათვის შენახული... გთხოვ ფულს ხელი მოუჭიროთ... ანგარიშიანი ცხოვრება უპირველესი სიპატიოსნეა ადამიანის ცხოვრებაშიო“.

ვერას კი თავის გეგმა აქვს, თავისი პირადი სიამოვნებისა და ბედნიერების მოპოვებისათვის. ქმარი მას ამ გეგმის განხორციელებისათვის უნდა.

ვერას ასეთი თვითნება, ეგოისტური ქცევა, ეკ. გაბაშვილის შეხედულებით, რასაკვირველია, არ არის გამართლებული. ის ამაღლევებულია. მაგრამ მამაკაცთა ჰეგემონიით შექმნილი ცხოვრების ყალბი პირობები მწერალს აშფოთებს და ვერას ასეთს საქციელს გასამართლებელ საფუძველს მოუხნახავს. თვით ლუარსაბში, როგორც საზოგადოების წარმომადგენელში, მწერალი პოულობს ვერას საქციელის გამართლებას.

მწერლის დახასიათებით, ლუარსაბი თუმცა ქალთა ემანსიპაციას დიდ მნიშვნელობას აძლევდა, ქალს, თავის წარმოდგენაში, ფართო გასაქანს უსახავდა, „მაგრამ ნამდვილად კი, — გადმოგვცემს განრისხებული მწერალი, — განხორციელებული მამაკაცი იყო, ყოველის ეგოისტურის მამაკაცურის მოთხოვნილებით, იმ მამაკაცურის მოთხოვნილებით, რომ ცოლი უნდა იყოს ქმრისა თუ არასრული მონა, გამგონი მაინც იმის განკარგულებისა, ამსრულებელი იმისა: სურვილებისა, დამცველი და გამაფრთხილებელი ყოველის იმის შექმნილი გროშისა“. ამიტომ ვერას საქციელი, წვეულებები, მეტად ხელგამილი ცხოვრება, მისი მუსიკის მასწავლებელი ლუარსაბს არაფრად მოსწონდა. მაგრამ თვით საზოგადოებრივ ცხოვრებაში შემუშავებული მორალით შემორკილი მონა, გამოსავალს ვერა პოულობდა.

გულმოსული მწერალი დაუნდობლად ახასიათებს ლუარსაბის ამ გარემოებით გამოწვეულ სულიერ ტანჯვას. ლუარსაბმა „ათასჯერ დააპირა განქორწინებაზე მოლაპარაკება ცოლთან, ათასჯერ დააპირა სახლიდან გაძევება. ბევრჯერ ზნეობრივად შეურაცხყოფილმა ქმარმა მოთმინება დაჰკარგა და მუშტით უნდოდა გასწორებოდა ლაგამაწყვეტილ ცოლს, ბევრჯერ მოკვლაც დააპირა, წამება, მაგრამ ბუნებრივმა გაუბედაობამ, სისხლთან და ხორცთან შეზღეილმა რიგიანობამ — „ვინ რას იტყვის“, შიშმა ჩააჩუმა და თავისი ტვირთი დუმილით აზიდვინა“.

ეკატ. გაბაშვილი სწორედ იმ გარემოებითაა ყველაზე მეტად აღშფოთებული, რომ ლუარსაბის (და საერთოდ საზოგადოების) მოქმედება ნამდვილი საღი გრძნობით კი არ მოჭრაობს, არამედ შიშით „ვინ რას იტყვის“. ამიტომ, რომ მწერალი დამშვიდებულად უყურებს ვერას ლაგამაწყვეტილობას, იმ გარემოებას, რომ ვერა ყურს არ ათხოვებდა ლუარსაბის დაღვრემილობას, არავითარ ანგარიშს არ უწევდა, რომ ქმარს მისი ქცევა არ მოსწონდა, რომ ვერა მხოლოდ თავის აშლილ ვნებათა დელვას მისდევდა. თუ ლუარსაბმა ვერ გამონახა გამოსავალი, „ვინ რას იტყვის“-ისა შეეშინდა, ვერამ როგორც ცხოვრების უკუღმართობით შევიწროებულმა, ცხოვრება მოწყურებულმა, ამ საზოგადოებრივი ცხოვრებითვე კალაპოტიდან ამოვარდნილმა, როგორც პროტესტი, მოახერხა ამ ჯებირის დაგლეჯა.

ლუარსაბი სამი დღით საქმეების გამო სხვა ქალაქში წავიდა. და, როცა სახლში დაბრუნდა, არც ცოლი და არც სახლის ავეჯი სახლში აღარ დახვდა. ძიძამ გადასცა მას პატარა ვაჟიშვილი იპატი და სიცილით მოახსენა, რომ „ქალბატონი საზღვარგარეთ წაბრძანდაო“. საინტერესოა ვერას ცინიკური წერილი ლუარსაბისადმი. ვერა გაქურდულ და მიტოვებულ ქმარს აი რასა სწერს: „რაც შეეხება ჩვენს მომავალ ურთიერთობას (მე არ მინდა მოგატყუო), ეგ ყოვლად შეუძლე-

ბელია. მე არტისტი ვარ და თავისუფალი ფრენა შეადგენს ჩემს სტიქიას, შენ კი, ჩემო მეგობარო (ღმერთმანი, მეგობრად მიმაჩნდი და მიმაჩნხარ), მშრომელი მუშა ხარ და დედამიწას უნდა დაჰყურებდე განუყრელად. უეჭველია შენ იშოვნი კიდევ შენს შესაფერს და შენს ხელქვეით მეუღლეს, რომელიც საუკეთესოდ მოგიხარშავს შენს საყვარელს ლობიო-კოლიოს და საგანგებოდ ულაღავეებს შენ პატარა იპატის. გასაოცარი ხარ ყველაფერში, მაგრამ სანამ ჩემს შვილს შენ დაარქმევდი მაგ უცნაურ სახელს, მანამდის გასაოცრად კი არ მიმაჩნდი. Если когданибудь он будет в моих руках, я сумею изменить это поповское имя и еще кое что поповское, რაც მე ვერ მოვიხილუე შენში და რის მიზეზითაც (ისე უსვინდისოთ, შენის აზრით) გამოვექეცი გამენეის კავშირს“.

ლუარსაბი, ალბათ, ამავე საზოგადოების შიშით, თუ ამავე საზოგადოების მორალით, ეთიკეტით, საღ გრძნობაჩაკლული, გასწევს შიშიე ჭაპანს. აპირებს შვილის აღზრდას, ხოლო ვერას, მისი ოჯახის დამგმობელს, ფულების გზავნაზე თანხმობას აღუთქვამს.

რალაც დემონური ხარხარი ისმის ამ ნაწარმოებიდან. მწერალი თითქოს შურს იძიებს ქალის შემზღვეველი საზოგადოების მიმართ. განსაკუთრებით მამაკაცების მიმართ, რომელნიც ქალს უყურებენ, როგორც საკუთრებას, კრუხს, რომელიც ოჯახში უნდა იჯდეს და კარ-ჩაქეტილი მხოლოდ ქმარსა და შვილებს ემსახურებოდეს.

მორალისტი ეკატ. გაბაშვილი, ასე სასტიკად და მოურიდებლად მკიცხავი ადამიანის დაუნდობლობისა, ღალატისა, სიმრუდისა, აქ, ამ მოთხრობაში ვერას ასეთს საქციელს თითქოს ამართლებს. ქალმა ძალითა და ვერაგობით ჩამორთმეული ასპარეზი უნდა ძალითა და ვერაგობით დაიბრუნოს. ასეთ ვერაგობაში დამნაშავეა თვით მამაკაცი, საზოგადოება და არა ქალი.

## 6

ეკატერინე გაბაშვილის მოღვაწეობის ხანა (70—90 წწ.) ძველის რღვევისა და ახლის შექმნის ხანაა. ძველ ტრადიციების, ზნე-ჩვეულების და ცხოვრებაზე ძველი წარმოდგენისა და ადამიანისადმი დამოკიდებულების შენარჩუნება, ერთი მხრით, ხოლო, ეკონომიური დარღვეულობა, მეორე მხრით, იწვევს საზოგადოების ღრმა სოციალურ დიფერენციაციას. ნიადაგამოცლილობა, დაუძლურების ინსტინქტი, ცხოვრებასთან შეგუების სურვილი—აი, მოტივები, რომლებსაც მწერალი ავითარებს.

თავდაზნაურობა მოუმზადებელი ხვდება ახალ, ბურჟუაზიულ ცხოვრებას. მუშაობას შეუჩვეველი, მადა აშლილი, მეტად უაზროდ

უანგარიშოდ ფლანგავს ქონებას, ამ წრის ადამიანები ჯერ კიდევ სულ ახალგაზრდები ირიყებიან ცხოვრებიდან და, ყველაფერს მოკლებულნი ილუპებინ.

ეკ. გაბაშვილისათვის ეს წრე ნაცნობია, მახლობელია. ის ხედავს ამ წრის უმწეო მდგომარეობას, გული სტკივა, რადგან ამ წრიდან გამოსულს, ჩანს, ჯერ ვერ მოუცილებია მისი ფსიქოიდეოლოგია. ის გრძნობს ახალი ცხოვრების აუცილებლობას, ხედავს წოდებრივ უსამართლობას, გლეხის უმწეო მდგომარეობას, თავადაზნაურთა ბედოვლათობას, გადაგვარებას. მას უნდა. რომ საზოგადოების ამ ნაწილმაც (თავადაზნაურობამ) შეაგნოს ახალი, შინაარსიანი შრომითი ცხოვრების აუცილებლობა და გაჯანსაღებული ეროვნული ცხოვრების გზით წარმართოს მომავალი მოღვაწეობა.

ეკატ. გაბაშვილი ცდილობს პოეტური შემოქმედება გამოიყენოს იმ მიზნით, რომ ეს ფენაც გამოათხიზლოს, სინამდვილე, თავისი ნაკლი დაანახოს, მიუთითოს ახალ ცხოვრებასთან შეგუების აუცილებლობაზე. აქ ეკატ. გაბაშვილი, უდავოდ, ილია ჭავჭავაძის დიდი გავლენის ქვეშაა.

„დათიკოს მონოლოგში“ ეკატ. გაბაშვილი დათიკო ყლაპიაშვილის სახით გვიხატავს დაუძღურებულს, დაბეჩავებულს, შიმშილით სასოწარკვეთილებამდე მიყვანილს, ტიტველს, ჭუჭყიანს, გაოფლიანებულ პერანგით ტანგამოხრულ, ოდესღაც შეძლებულ, ფუფუნება-ნებირობაში აღზრდილ (მოსარეცხე შეწუხებული იყო ამისგან — დღეში ორჯერ იცვლიდა) პრივილეგიური კლასის წარმომადგენელს.

დათიკო ყლაპიაშვილმა დროზე არ მოინდომა ცხოვრებისათვის თვალლიად შეეხედა, გაეგო მისი მოთხოვნილება და თავის ცხოვრება ამის მიხედვით გაეშალა. მან ხელი მიპყო მშობლებისაგან დატოვებულ ქონებას და ისე გაანიავა, რომ მოხედვა ვერც კი მოასწრო. დათიკომ მეტი გაფლანგა, ვიდრე ამის არამც თუ უფლება, ან შესაძლებლობა ჰქონდა. სულ ახალგაზრდა ვაჟკაცი, ფიზიკურადაც და ფსიქოლოგიურადაც დაუძღურებული, დაჭინებული, სრულიად კალაპოტიდან ამოვარდნილი, საშინელი გამოუვალი მქეჩნავი ტანჯვებით მახინჯ არსებადაა გადაქცეული. ახლა ლუკმა არა აქვს, ბინიდან (თუ ამას ბინა ეწოდება, პატარა ოთახია, რომელიც ჯურღმულსა ჰგავს სიბნელისა და ჭუჭყის გამო) დღეში სამჯერ აგდებენ, ათასი მოვალე პირში აფურთხებს, მის თავმოყვარეობას, სინდისს, პატიოსნებას ყოველ წამს ფეხით სთელავს, თავზე ლაფს ასხამს.

დათიკო თვითონაც იტანჯება. მას თავისი მდგომარეობა არაერთხელ აფიქრებინებს თავის მოკვლასაც კი, მაგრამ ისეა დაუძღურებული, დაჩიავებული, რომ ამის ძალაც აღარ შესწევს. აი, წამოწოლილს თავის ცივ, ღარიბ ოთახში, როგორი ტანჯვის ფიქრები ღრღნის: „მშინან.. მწყურიან, მცივა... ოცდა ცხრა წლის ვაჟკაცი ვარ, საღი, ღონიერი,

როგორც საცოდავი დედაჩემი იტყოდა ხოლმე, გონიერიც, ლამაზი, ტანადი და მშვიდი კი. ფუ, სირცხვილო! ხელი მაქვს და მუშაობა არ ვიცი. ტვინი მაქვს და ზრუნვა არ ვიცი, ჯანი მაქვს და უძლური კი ვარ. უძლური, უპყარი, პირდაღებული გლახა. ხა, ხა, ხა! გლახაზედ უარესი, იმიტომ, რომ იმდენი ძალაც არა მაქვს, რომ ხელის გაწოდება მოვახერხო მოწყალებისათვის“.

უეჭველად სწორი და მკვეთრი გაგებაა დარღვეული, დაკნინებული ფეოდალური კლასის წარმომადგენელთა, რომელთაც ახალი ცხოვრების პირობებს ვერ აუღეს ალლო, ვერ შეეგუვნენ და ფეოდალურ უზრუნველობაში, დაუდევნელობაში გაფლანგეს მემკვიდრეობით მიღებული დოვლათი. ოცდა ცხრა წლის ვაჟკაცი — „სადი, გონიერი“, დაქიანებული, დაუძლურებული, უქნარაა.

ეკატ. გაბაშვილი დათიკოს დახასიათების შემდეგ იქვე გვაძლევს ამ გარემოების მიზეზს. ესაა ის ძველი ბატონყმური ცხოვრება—ყმით, ღალით, კულუხით, ძღვნით, ზვრებით, ნაფუზრებით, ტყითა და საძოვრით, რომელიც მის მშობლებს და მას — „სუყველაფერს“ ზედმეტად, მზამზარეულად აძლევდა, რომელმაც ბავშვს (დათიკოს) საჭიროდ არ დაანახვა არც სწავლის, არც დიპლომის, არც განვითარების საჭიროება (გიმნაზიის მეოთხე კლასს ვერ გასცილდა) და იმიტომ, რომ მისი რწმენით და შეგნებით, მისი შეძლება—მთა და ბარი საკმარისი იყო, რომ „ქვეყანაშიც უსწავლელადაც პატივი და დიდება ეპოვა“. მაგრამ იმავე აღზრდისა და გამომუშავებული შეგნების გამო, ეს დიდი მამული, მთა და ბარი დათიკომ უანგარიშოდ გაფლანგა „ქალაქის ბაღებში, კლუბებში, მაწანწალა, ურცხვ დედაკაცების სადგურებში... „თვრამეტი წლისა ვიყავი, რომ პირველად „სან-სუსში“ არფიანკებში დავითვერი, სამ დღეს ლოგინიდან ვეღარ ავდექი, სიმთვრალემ მიხამა... და სამი დღის შემდეგ „ვაზაში“ წავედი... „კინგრუსტში“... მაგრამ ყველაზე მომეტებული წავიდა ფაიტონ-ეკიპაჟებში... ეს წყეული ფაიტონი რა რიგად მიყვარდა, როგორც მოყვლყელებული, მუხლებზე ხელებ დაბჯენილი, ჩოხა-ხანჯლით გამოვიჭიმებოდი ხოლმე და რა რიგად მივფრინავდი დაუღალავად, საჩქაროდ, შეუფერხებლად... სად?... აი, ამ ქოხში“...

და ეს ხომ ტიპიური მოვლენა იყო თავადაზნაურობის ცხოვრებაში. მას სანამ ჰქონდა მამულში აღებული ფულები, თავდავიწყებით ეძლეოდა დროის ტარებასა და, ფული რომ მალე უთავდებოდა, ჩამოყრიდა ხოლმე ყურებს. „დალუპულთ“ ეს წრე მკვიდროდ ეხვია ეკატ. გაბაშვილს. მწერალი ცდილობს მათი ცხოვრების უარყოფითი მხარეების ჩვენებით დაანახოს მათ ის საშინელი უფსკრული, რომლისაკენაც ისინი ასე შეუჩერებლად მიექანებიან. საჭიროა გამოფხიზლება. საჭიროა ცხოვრებას თვალღია შეხედონ, თორემ სრული განად-

გურება უკვე ფაქტია. ისინი ცხოვრებაში ზედმეტ ბარგად, პარაზიტებად ხდებიან.

ამავე თემაზე დაწერილი ეკატ. გაბაშვილის მოთხრობა „ბენუარი № 3“. აქაც მთავარი გმირნი არიან ქონება განიავებული კნენი კუქნა თავის ქალი ლიზათი. იმათაც არავითარი შეძლება აღარ აქვთ, დღე-დღეურად სესხითა და მოტყუილებით ძლივს გამოდიან. სამაგიეროდ ცხოვრების მადა და გემო კი ძველი დარჩათ: საზაფხულოდ საუკეთესო აგარაკზე გამგზავრება, თეატრში ლოქების დაჭერა, დაბადებისა და სახელწოდების დღესასწაულების გადახდა მათთვის აუცილებელია. ესენი ძველებურად არ იკლებენ არც ტანისამოსს, არც კამფეტ-შოკოლადტორტსა. მათ შეუფერებლად მიაჩნიათ შრომა და ამ გზით მოთხოვნილების დაკმაყოფილება. ისინი ამჯობინებენ ყველას, ვისაც კი მათი მოთხოვნილების დაკმაყოფილება შეუძლია, განურჩევლად პიროვნებისა, ზნეობისა, გონებისა და მდგომარეობისა ალერსიანად მოეპყრან (რასაკვირველია, ხშირად ყალბად). ტყუილი დაპირებები მისცენ, სიფლიდე და პირმოთნეობა გასწიონ, როგორც მაგალითად, კნენი კუქნამ, რომელიც თავის ქალსაც აიძულებს ამ გზით სიარულს.

აგტორი ხედავს ამ პირების მორალურ განურჩევლობას, ხედავს, რომ მათში ყოველი სალი, ადამიანური, საზოგადოებრივი ჩაქულია, სამაგიეროდ ცხოველური გრძნობები გამახვილებულია: კნენი კუქნა თითქოს ყველაფერს აკეთებს, რათა შეინარჩუნოს თავისი მდგომარეობა საზოგადოებაში. ყოველდღიურად ხელოვნური ალერსითა და ფლიდობით თავმოებზრებული ლიზა ალელვებით ეკითხება დედას, კნენი კუქნას: „მერე რისთვის? რა გამოდის?.. ვინ რად გვაგდებს?..“

მათ ძლიერ სილატაკეს, სიმჩატეს ეკატ. გაბაშვილი ასე გადახსნის: „სამოცი წლის მოხუცებულებით დავჭკნი თავის ძალის დატანებით: დღედა ღამ აუარებელი მწუხარება, დარდი ზრუნვა იმაზედ, რომ სხვამ არ დაინახოს, რომ ჩვენ გლახები ვართ და მხოლოდ ხელის გამვერით და ვაჩანჩალებთ ჩვენს ღირსებას არისტოკრატიისას. ოხ, ma-man, რა ცარიელია ჩვენი სიცოცხლე! რა წვრილმანზედ ვახურდავებთ ჩვენ ძალღონეს, ჩვენ მახვილ გონიერებას, ჩვენ ფიზიკურ და გონებრივ სიმდიდრეს! როდემდის უნდა ვეწიოთ ეს მიიმე ჭაპანი?..“

მშვენივრად, ცოცხლადაა მოცემული კნენი კუქნას სახით ქონებადაკარგული, დარღვეული პრივილეგიური კლასის წარმომადგენელი, დიდკავური ცხოვრების მადა და გემო შენარჩუნებული, რომელიც ცხოვრების სიტკბოებას ვნებააშლილი, განწირულის მთელი ძალღონით ებლაუჭება, მისთვის ყველაფერს კადრულობს, არავითარ საშუალებას არ ერიდება.

გასაოცარია და რაღაც გაურკვეველი ღიმილის მომგვრელი კნენი კუქნას გონებაახვილიანობა და ნიჭის სიამოვნების მოპოებისათვის

(მისი შეხვედრა არაქელ არაქელიჩთან და სხვა) გამოყენება. რაღაც შეუჩერებელ ხარხარს იწვევს მკითხველში კუქანასაგან მოტყუებული არაქელ არაქელიჩის გაჯავრება და ამ უკანასკნელისაგან კუქანასადმი გამზადებული კონფეტების მაგიერ ყუთით გამწვანებული ხურმისა და ტალახში ამოსვრილი ყინულის გაგზავნა ლოქაში, რაც საშინლად შეაძრწუნებს კუქანას.

სალი მკითხველის წინაშე ძალაუნებურად ისმის კითხვა: ნუთუ მოტყუება, ალერსი, ნაძალადევი სიამოვნებით ბაასი არაქელ არაქელიჩთან ნაკლები შეურაცხყოფაა, ვიდრე იმისაგან გამოგზავნილი ხურმა?! მაგრამ სხვანაირია კუქანას ცხოვრების გაგება, მისი თავმოყვარეობა!

ასეთია მორალური განურჩევლობა ამ დარღვეული, გზააბნეული წოდებისა, რომელიც პარაზიტადაა გადაქცეული და ეკატ. გაბაშვილიც მათდამი არ იშურებს შხამს, კიცხვას. მთელი მოთხრობა „ბენუარი № 3“ უზადო ირონიითაა აღსავსე, რათა თვალი აუხილოს ამ ცხოვრებას ჩამორჩენილ ხალხს.

ასეთივე უთავბოლოობით, ქალაქსა და საზღვარგარეთ უაზრო მოგზაურობით, ფულის დაუზოგველად ფლანგვითაა დანგრეული დიდი შეძლებული თავადიშვილის ქაინოსროს სავსე ოჯახი და კარგად გაშენებული შემოსავლიანი მამული („მზარეულის ნაამბობი“). მშვენივრადაა დახატული, როგორი სისწრაფით ირღვევა თეიმურაზის ოჯახი ამ უანგარიშო ცხოვრებით. მისი უსახსროდ დარჩენილი მეუღლე, ფულის ძიებით გატაცებული, ბოროტმოქმედებთანაა ცქი დაიჭერს კავშირს, ყველაფერს იკადრებს. ბოლოს, ბოროტმოქმედებაში შენიშნული, მოსალოდნელი სასჯელის შიშით, მაშო თავს იკლავს.

აქაც უტყუარი სახეა მოცემული დაკნინებული ქართველი ფეოდალური არისტოკრატისა XIX საუკუნის მეორე ნახევარში.

## 7

თავადაზნაურული წრიდან ეკ. გაბაშვილი განსაკუთრებული ყურადღებით ქალს ხატავს. მწერალი დიდი ინტერესით აკვირდება ქალის მოქმედებასა და იმ როლს, რომელსაც ის თამაშობს „ძველი ბუდეების“ დანგრევაში. ეკატ. გაბაშვილი აქაც პირუთვნელია. მაღალი წრის ქალის უპრინციპობას, გადაგვარებას ხედავს და ამხედრებული მას სასტიკად ამხელს.

ავილოთ ეტიუდი „ზაფხულის სურათები“.

ქნ. მარიამ დიდებაძე ქმრის მშვენიერ, მდიდრულ, ევროპულ გემოვნებაზე გადაკეთებულ სასახლეში ცხოვრობს, ფუფუნებასა და ნებივრობას ეძლევა. თორმეტ საათამდის არ აბრძანდება. მოსამსახურე-



ების დაუხმარებლად ფეხს არ გადადგამს. მუდამ გართობას ეძებს. ინტიმური მეგობარი (მისი ზნეობრივი განურჩევლობა არ ერიდება ქმრის მახლობელ ნათესავსაც კი), რასაკვირველია, მუდამ თან სდევს. პირადი სიამოვნებისათვის უანგარიშოდ ხარჯავს ქმრის ქონებას. არა ზრუნავს არც ოჯახისათვის, არც ქმრისათვის და არც შვილების მომავლისათვის. შვილებზე ზრუნვა კნ. მარამისა იმაში გამოიხატება, რომ მათი აღზრდა მხოლოდ „გუვერნანტკა“ მიანდო, თვითონ კი წვეულებათაშია გართული. თუ სტუმრები მასთან არ არიან, ის სხვასთან მიდის სტუმრად.

ამით მოყირკებული ახლა საზღვარგარეთ აპირებს წასვლას გასართობად თავის ინტიმურ მეგობარ — მიშელ დიდებამესთან ერთად, მიუხედავად იმისა, რომ მისი შეძლებული ოჯახი იმდენად დაეცა, რომ „ყოველ დღე მზარეულის ფულის მიცემა“ უჭირს. კნ. მარიამი აღარ კმაყოფილდება ჩვენი კურორტებით — ჩვენებური სოფლით, ან ბორჯომით და დაჟინებით ქმარს ასეთ ულტიმატუმს უყენებს: „ან უნდა სამოგზაურო ფული მიშოგო, ან ჩემზე ხელი აილო“.

ქმარი — ნიკოლოზ დიდებამე ცდილობს დაარწმუნოს კნ. მარიამი, რომ მისი სურვილი მიუღებელია. ამის დასამტკიცებლად მას მოყავს აუარებელი საბუთი. მათ შორის ამ წრისათვის შემდეგი დამახასიათებელი საუბარი გაიმართება:

— ხომ არ გაგიყდი ქალო... გინდა „სკანდალი“ მოახდინო? კაცი გენერალ-ლეიტენანტი ვარ და ცოლს გავეყარო! ეგ შეუძლებელია. მთელი სახელმწიფო თითოთ საჩვენებელს გამხდის.

— მაშ ფული იშოვნე.

— ეგეც შეუძლებელია. რამდენჯერ მითქვამს შენთვის, რომ გაკირვებაში ვართ, ჯამაგირი სამ თვესაც არა გეყოფნის, დანარჩენ ცხრა თვეს ვალეებითა ვცხოვრობთ; ნდობაც აღარა გვაქვს. რაც მამულება გვაბადია, სულ დაგირავებულია; დაგირავებულია განა ერთთან: თითო მამული სამთან, ოთხთან. სხვა არა იყოს რა, ოთხ-ოთხი ბავშვი ვისთან უნდა დავტოვოთ უპატრონოთ.

— მე ეგეები არ ვიცი, მე მხოლოდ მინდა საზღვარგარეთ წასვლა და ფულების შოვნა თქვენი საქმეა. ბავშვები? ბავშვებს გუვერნანტკა, ბონა ჰყავთ. იმათი პატრონობა მე რას შემეხება, ბორჯომს ისინი გავზავნე.

— რა საშინელი ახირებული ქალი ხარ! გზა მიჩვენე, საიდან ვიშოვნო და ბატონი ხარ. არ გეყო მაგდენი ფულების ფლანგვა. შესდექ, თორემ ჩვენი საქმე ცუდად არის, შვილები ულუკმა-პუროდ დაგვრჩება.

— როგორ თუ შვილები, როგორ თუ შვილები! ოცდაათი წლის არც კი ვარ და შვილებისათვის თავი მოვიკლა? მაგისტვის შემირთეთ,

მოწყალეო ხელმწიფევე, რომ შვილებს ლალად გაუხდე, შემცდარი ხართ. კიდევ გუებნებით: ან ფული მიშოვნეთ, ან არა და ხვალ მამას-თან მივდივარ“.

აქ ეკ. გაბაშვილს უნდა და კიდევ ზედმიწევნით ახერხებს მოგვეს მალალი წრის ქალის ფსიქოლოგიის გაყალბება, მორალური დაცემა.

ასეთი ოჯახური უთანხმოება, დღევანდელი მკითხველისათვის გაუგებარი, ხშირი, ძალიან ხშირი მოვლენა იყო XIX საუკუნის განმავლობაში დარღვეულ ქართველ თავადაზნაურთა ოჯახში.

თავად ნიკოლოზ დიდებამე, მიუხედავად მძიმე პირობებისა და სამართლიანი აღშფოთებისა, ძვალსა და რბილში შეზღელილმა „რას იტყვიან“—მა დასძლია, „თავის შერცხვენას“ თავის დამცირება არჩია, ერთ სომეხ ვაჭართან წავიდა ექვსასი თუმნის სასესხებლად და თავის მტანჯველ, ოჯახის დამნგრეველ ცოლს მოუტანა. ცოლმაც, რომელთანაც ამ დროს ინტიმური მეგობარი იყო, ქმარს მადლობის ნიშნად თავზე აკოცა, მადლობა გადაუხადა, გულში კი სატანურად გაიფიქრა: „წრეულს ზომ გაგაბი და შემდეგისათვის ღმერთი მოწყალეაო“.

ასეთია ახალი ცხოვრების პირობებში თავადაზნაურობის ერთი ფენის — ფეოდალური არისტოკრატის, დიდი მემამულისა და ჩინორდენების პატრონის ცხოვრების გაგება და მოქცევა. ის მოსწყდა ძველ ფეოდალურ ციხე-დარბაზებს. ევროპულმა, ბურჟუაზიულმა ცხოვრებამ მას ცხოვრების გემო გაუმახვილა, საღერღელი საბედისწეროდ აუშალა. ეკატ. გაბაშვილი აღშფოთებულთა მათი ასეთი გადაგვარებული ცხოვრებით და დაუნდობლად ჰკიცხავს მათ, მოურიდებლად მიუთითებს ნაკლზე.

ევროპულმა ბურჟუაზიულმა ცხოვრებამ გაიტაცა ნიადაგ გამოცლილი ქართველი თავადაზნაურობა. ქალაქი, თეატრი „ქრუჟოკი“ — ესაა მისი ინტერესის წყარო, სოფელი აღარ აკმაყოფილებს მას. ქალაქში ეძებენ ბედს, განსაკუთრებით ქალები. ამ ბედისა და სიამოვნება-გართობის ძებნაში ნიავედება მათი დარჩენილი ქონება.

მაგრამ ხშირად ვერც ქალაქში პოულობენ ისინი „ბედს“. ქონება მალე ელევათ და იძულებულნი ხდებიან უკან სოფელში გადასახლდნენ. იქაც გადააქვთ ქალაქური ახალი ჩვეულებანი — სადილ-ვახშმების, „ვეჩერების“ გამართვა. ასეთია თავ. ლუარსაბ კულაბზიკაძის ოჯახიც სამი გასათხოვარი ქალით („ზაფხულის სურათები“).

„უნდა მოგახსენოთ, — აგვიწერს მწერალი, — რომ კულაბზიკაძის კარი ძლიერ დიდი სოფელია. აქ ორმოცამდის თავადაზნაურობის სახლობა სცხოვრობს და ორასამდე გლეხკაცობა... ცოტა-ცოტათი შეიკრბნენ მებატონეებიც და მოაგარაკენიც. გაიმართა ჩვეულებრივი მხიარულება. ვინ ვიზედ უფრო მდიდრულ „ვეჩერას“ გააქეთებს, ამაში ეჭიბრებიან ერთმანეთს კულაბზიკაძის თანატოლები. ვინც სტუმრებს

ვანშაშზე გაათენებინებს, ის არის დიდი ვაჟკაცობა და ყველა ცდილობს ამ გამირობაში სხვებს არ ჩამორჩეს. მშვენიერ სურათს წარმოადგენს, — მწარე ღაცინით განაგრძობს ეკატ. გაბაშვილი, — მთელი სოფელი ზაფხულში. დღისით მებატონის კარები მოკეტილია და ღაპენათევი ქალკაცი განსვენებაში არიან, რომ საღამოზე ისევ შეუდგნენ ქეიფს, და გლეხკაცობა კი თავგადაგლეჯილი, გულისპირ ჩამოფხრეწილი ჯაფაში წელს იწყვეტს, მაღლა ღიღინსაც ვერა ჰბედავს, რომ ბატონებს მოსვენება არ შეუწყვიოს“. საგულისხმეოა ამ მოთხრობაში მოცემული კლასობრივი დაპირისპირება.

რასაკვირველია, ასეთი ცხოვრება არამც თუ არ შეაჩერებდა პრივილეგიური კლასის რღვევას, არამედ ააჩქარებდა. მაგრამ, კალაპოტიდან ამოვარდნილთ, თავის შეკავება არ შეეძლოთ. ლუარსაბ კულაბიძე კაძე ხედავს ოჯახის უკან წასვლას. ის წინააღმდეგია ასეთი ცხოვრებისა, მაგრამ იძულებულია მაინც მიჰყვეს, რადგანაც მისი ქალები მხოლოდ ასეთ ცხოვრებაში პოულობენ ბედნიერებას.

ასეთი უაზრო, თავისა და სხვისათვისაც დამლუპველი ცხოვრება პრივილეგიური კლასისა რომ უფრო გაამახვილოს, ეკატ. გაბაშვილი მის პარალელურად გვიხატავს მშრომელი ფენების ცხოვრებას — ალექსი შრომაძისა, კალატოზი შაქროსა და მისი პატარა ძმისა. ამ უკანასკნელთა ცხოვრება მძიმეა, გაჭირვებულია, მათ ლუკმა პურისათვის დღისა და ღამის გასწორება უხდებათ, ყოველდღიური შრომით ეჯაჯგურებიან ცხოვრებას და ლუკმა პურის შოვნაში ლევენ თავიანთ უფერულ დღეს. მიუხედავად ამისა, ეკატ. გაბაშვილის გაგებით, მათი ცხოვრება უფრო შინაარსიანია, მათ რაღაც ცოცხალი სურვილი და ინტერესი ამოძრავებთ.

ეკატ. გაბაშვილს უყვარს ასეთი პარალელობით და კონტრასტებით აზროვნება და მკითხველისათვის სინამდვილის ჩვენება. ამ ხერხით ავტორი მიზანს უფრო ადვილად აღწევს.

დიფერენცირებული საზოგადოებრივი ცხოვრების სხვადასხვა სოციალური ფენების ამგვარივე დახასიათებაა გაშლილი მოთხრობაში „სხვადასხვა გვარი ქორწილი“. ერთია მისწრაფება, ცხოვრების შინაარსი (თუ მათ ცხოვრებას შეიძლება შინაარსი ჰქონდეს) დიდგვაროვანი თავადებისა, რომელთაც ნიადაგი მოემზღვლათ, ვაი-ვაგლახით და ახერხებენ „ცხოვრებას“, მაგრამ მაინც ინტიბარს არ იტეხენ, ცდილობენ მდიდრულ ცხოვრებაში სხვას არ ჩამორჩენენ. სამაგიეროდ სერიოზულ საქმეს, შრომას რომ თხოულობს, ისინი ვერ ეკიდებიან, ვერც სწავლას მისდევენ, რადგანაც სწავლა შრომას ითხოვს. მათ ცხოვრებას ავნებს დროის ტარება, ცეკვა, სამხედრო მუნდირი და დეზების ჟღარუნნი. ყველაფერს ამას მწერალი უარყოფითად უყურებს.

მალალი წოდების წარმომადგენლის გაგებით, ქორწილი დასაწყისია განუწყვეტელი სიამოვნებისა, დროის ტარებისა და არა სერიოზული ვალდებულების შესრულებისა ერთმანეთისა და საზოგადოებისადმი. ამისათვის საჭიროა შეძლება და, ვინც შეძლებულია, ისიც კარგი სასიძოა ან საჩქლო. ასე უყურებენ ოჯახის საფუძვლის ჩაყრას დიდგვაროვანი მშობლები. ასე უყურებენ მათი შვილებიც. ისინი ცდილობენ რაც შეიძლება, სარგებლიანი საქმე გააწყონ.

ასეთია თავადი გიორგი მალაღვაროვი: „ეს არის,—აგვიწერს მწერალი.—ოცდა სამი წლის ლამაზი ბიჭი, დედის ერთა და ჩინი პრაპორჩიკისა აქვს. გიორგიმ სწავლა დაასრულა მას აქეთ, რაც თორმეტის წლისამ თავის გუვერნიორს სცემა და მოიშორა. ჩინი ადვილად მიიღო დიდი ნათესაობის და მამის მეოხებით. გიორგი კარგად ცეკვავს მაზურკას, მშვენივრად ლაპარაკობს რუსულს, ფრანგულად უკამანდრებს კაღრილში ქალებს და ლაზათიანათაც ატარებს თავის დრაგუნის მუნდირს. გიორგის მამას დიდი მამული აქვს, დიდი ადგილი უჭირავს სამსახურში, ამიტომ პრაპორჩიკი დიდგვაროვი პირველი საქმროა საქართველოში, რასაკვირველია, „უმალეს საზოგადოებაში“, — დასძენს ეკატ. გაბაშვილი

გიორგი გატაცებულია ცეკვით, ქეიფით, „სიამოვნებით“, დროსტარებით. ისიც იმ ქალს მიაქცევს ყურადღებას, რომლის შესახებაც გაიგებს, რომ მას „მამა ლენერალი ჰყავს, დედა დიდიკაცის შვილი, მზითევიც უქველად შესაფერი“. როცა გიორგი ამისთანა ცნობებს შეკრებს, მაშინ დაუახლოვდება ამ ქალს. მშობლებიც სიამოვნებით მიიღებენ და გადაწყდება მათი შეუღლებაც.

ეკატ. გაბაშვილი მთელი შეგნებით ეწინააღმდეგება ასეთს შეუღლებას. ესენი ვაჭრობით არიან გატაცებულნი, თვითონ პირადი ადამიანობა, საერთო მისწრაფება-გაგება, რაც, მწერლის შეხედულებით, მთავარი უნდა იყოს ოჯახური ცხოვრებისათვის, მათ მიერ სრულებით უგულებელყოფილია. ისინი სრულებით არა ფექრობენ რა მოვლით მათ ჯვარის დაწერის შემდეგ: „ერთად დადიან, ერთად სეირნობენ ეკიპაჟით, მაგრამ... ამ ერთი თვის განმავლობაში ერთი სიტყვაც არ უთქვამთ ერთმანეთისათვის... სუყველაფერზე უფროსებმა მოილაპარაკეს. გიორგი ხედავს, რომ მამო ლამაზია, თავი რიგიანად უჭირავს და იმისათვის ეს სრულიად საკმაოა... იმათი წრის ქალები კი ირწმუნებიან, რომ მამოს და გიორგის ერთმანეთი გაგიყვებით უყვართ. „უერთხელ არიან მორწმუნენი“, — ამბობს. მწერალი მათ შესახებ.

ახლად ჯვარდაწერილები, რომ შეხვედრის პირველი პერიოდი მაინც რითიმე შეევისთ, ჩვეულებრივ მიმართავენ ხოლმე ერთპაში: გამგზავრებას, სადაც უგზო-უკვლოდ, უმიზნოდ დაიარებოდნენ. დაღლილ დაქანცული ბრუნდებოდნენ და ზღაზვნით შეუღებოდნენ ცხოვრებას,

„გარეგნულად ერთად და სრულიად ცალ-ცალკე სულიერად, იმიტომ რომ შემაერთებელი მათში არაფერი არ იყო“, — ამბობს მწერალი.

ასეთია გამოფიტული, უშინაარსო ცხოვრება დარღვეული პრივილეგიური კლასის ერთი ფენისა.

ამ ფენის სახესხვაობა მოცემულია ამავე მოთხრობის მოქმედი პირის ზაალ მხედრიშვილისა და მისი მეუღლის ანეტას დახატვით.

ზაალ მხედრიშვილიც და ანეტაც თანდათან დაქანებული გზით მიდიან. ისინი არც სწავლობენ, არცა სამსახურს უდებენ გულს. რაც მათგან შრომას, გულისყურს თხოულობს, ისინი მას ჭირივით გაუბრძიან. „უყვართ ჩაცმა-დახურვა, გემრიელი საზრდო და საქეიფოდ სიარული. ქეიფობენ თავიანთ სახლში, სადაც სტუმრების ცხენები და ურემი განუყრელად მათ კარზე დგას და თუ როგორმე სტუმარი არა ჰყავთ, თითონ მიეშურებიან სტუმრად“. ოჯახის პატრონობაზე არ ზრუნავენ და ხშირად მოურავის ხელში არიან მთლიანად. საცხოვრებლად სოფელი აღარ მოსწონთ. ქალაქის ქუჩებმა, რესტორნებმა და დროსტარებამ მთელი ძალით მიიზიდა ეს შინაარსგამოცლილი ხალხი. ქალაქი თხოულობდა ხარკებს — ფულს. ისინიც იძულებული იყვნენ მამულ-დეგირავებინათ, გადაეგირავებინათ, გაეყიდათ, სანამ ამის შესაძლებლობა ჰქონდათ, და ასეც აკეთებდნენ. აღებულ ფულს უთავბოლოდ ბარჯავდნენ, ზვალინდელ დღეზე არა ფიქრობენ და, როცა დადგებოდა „განკიხვის დღე“, ყველაფრისაგან ცარიელი უნდა დარჩენილიყვნენ. მაშინ ყურებჩამოყრილნი, უილაჯონი, ისინი რაღაც საცოდავ უქნარა ბავშვებს ჰგავდნენ, რომლებსადმი უფრო ზიზღი, გულისწყრომა, აღშფოთება თუ გამოკრთებოდა, ვიდრე სიბრაღული. ასე ექცევა მათ ეკ. გაბაშვილიც.

მწერალი რწმუნდება, რომ ეს ვაჟბატონნი არა მარტო თავიანთ ოჯახს ანიავებენ, ანადგურებენ, არამედ ქვეყანას, ერსაც. ესენი ვადაგვარდნენ ფიზიკურადაც, გონებრივადაც, ზნეობრივადაც და იდეურადაც („განათლებული ქართველი ქალი“), დატოვეს სოფელი, დაანკრიეს ოჯახი, გადაგვარდნენ, უცხოსთან მისვლაც ვერ მოახერხეს, უცხო სიებაში რაღაც კარიკატურებად გადაიქცნენ. არც თავიანთთვის, არც სხვისთვის სასარგებლონი არ არიან.

მწერალი წუხს, რომ ქართველ ქალს ეკარგება თავისი ენა, თავისი ზნეობის ძალა. „დაძრწის იგი დიდკაცობაში, სტკეპნის ბულვარს, დადის თეატრში, ბაღებში, მეჯლისებში, ირთვება ყოველის ძალითა და ღონით, სოფლის მამულიდგან გამონაწურის შემწეობით, აპლატუნებს თვალებს, რომ იმისთანაზედ შეაჩეროს, რომელიც ყოველ ზემოხსენებულ სანაღარდოებს არ დაუღევს. თვალს შეაჩერებს, გულს გადაუშლის და თავის ნაზს, კეკლუც ბუნებას მონად გაუხდის დაჩანდრაკებულს, წელ-

ში მოხრილს, ზნეღამხობილს, ოლონდ კი ჰქონდეს ჯიბეში ქისა და უნარი ფულის მოგებისა. ფული ხომ ერთად-ერთი საშუალებაა, — სარკასტული ხარხარით ამხელს მწერალი მათ, — ამ ზიზილ-პიპილოების შესაძენად, ამ შეუწყვეტელის ნავარდობისათვის. ფულის სიუხვითა ზომავს ეს კოპწია ტიკინი კაცის ბედნიერების სიღრმე-სიგანეს<sup>11</sup>.

თვითონ მწერალი ქალი ამისთანებს გზას უქცევს, განზე უდგება. როგორც გამოუსადეგარსა და ფშუტაყვაილას. ამასვე ურჩევს მკითხველსაც, მოუწოდებს: „მოდი, ხელი მივცეთ ყველამ ერთმანეთს, მთელი ჩვენი ღონისძიება მივახმართ და ვეცადნეთ, ისეთი ბალი გავაშენოთ, ისეთი წალკოტი ავაგოთ, სადაც ჩვენ ფესვებზედ, ჩვენს ნიადაგზე ჩვენს საუკეთესო, რჩეულ ხეხილის შტოებს ვამყნობთ და ჩვენის ხელითვე ჩვენს მომავალს ბედს მოვიმზადებთ“<sup>12</sup>.

ეკატ. გაბაშვილი უდავოდ მომავლის მწერალია. მომავალი ცხოვრების შესაფერი ყოფის შექმნისათვის იბრძვის. დრომოჭმული, მავნე ტრადიციების სასტიკი დამთრგუნველია.

ახალი ცხოვრების პირობებში ამ დარღვეული კლასის წიალში ჩნდება სხვა ხასიათის ფენებიც, შეშინებულნი ახალი ცხოვრების მოწოლით, რომლებსაც უგრძნობიან ნიადაგის გამოცლა, შეშინებულნი დაბლაუჭებიან ცხოვრებას და, შრომას შეუჩვეველნი ამჯობინებენ ნაკლები წინააღმდეგობის გზით სიარულს. ესენი ცდილობენ დარღვეული ოჯახის შეკოწიწებას: — შედიან სამსახურში, ზოგი სამხედროში, ზოგიც სამოქალაქოში. სამსახურს უყურებენ, როგორც პირადი კმაყოფილების წყაროს. ნათესავების პროტექციით ადვილად ახერხებენ კარგი თანამდებობის დაჭერას. მაგრამ ჯამაგირი მათ მადას ვერ აკმაყოფილებს, ამიტომ, ვაჭართა ფენის სამოღვაწეო ასპარეზზე გამოსვლის შემდეგ, ბევრმა ქართველმა თავადმა და აზნაურმა ოჯახის მდგომარეობის გამოსწორება მდიდარი ვაჭრის ქალის შერთვით მოინდომა, როგორც ეს გ. ერისთავსა და ანტონ ფურცელაძეს აქვთ შენიშნული.

ეკატ. გაბაშვილის მხატვრულ ყურადღებას არც ეს მოვლენა გამორჩა. ამავე ნაწარმოებში, — „სხვადასხვა გვარი ქორწილი“. მკვეთრადაა მოცემული ანგარი ტიპი თაღეოზ ყოჩალიშვილის სახით.

თაღეოზი, დიდი ძიითვის გაიო, ვაჭარი კაოაპეტოვის საკმარისად უხეშ, ულამაზო ქალს ლიზას შეირთავს. ესენი ოჯახში კარგად მოეწყობიან. ქონებას კი არ ანიავებენ, არამედ ცდილობენ მიუმატონ (ყოჩალიშვილმა საკმაოდ იწვინია უქონლობა, ჭკუა ისწავლა, ახლა ფხიზლად და ფრთხილად). სურვილი, კვლავ „აყვავონ ოჯახი“, ისეთი დიდია, რომ უპატიოსნო გზასაც კი არ ერიდებიან. „ამბობენ, — შხამიანად გა-

<sup>11</sup> ეკატ. გაბაშვილი, განათლებული ქართველი ქალი, ტ. I, გვ. 322.

<sup>12</sup> იქვე.

ანდობს მკითხველს მწერალი, — ჩაყენებული პირებით თავისი პოლკის გამოკვება „ფოდრატი“ აქვს აღებული და დიდი მოგებაც რჩებაო... ამგვარი საქციელით და ღიზას დანმარებით, თაღეოზ ყოჩალი-შვილმა შესძლო ოჯახის ფეხზე დაყენება და კმაყოფილიც არის. ქორწილმა, ამ შემთხვევაში, ოჯახს სიმტკიცე მისცა, მაგრამ ამგვარი სიმტკიცე ეკატ. გაბაშვილს არ აკმაყოფილებს.

მწერლის სიმპათიები უფრო ღარიბი ფენებისაკენაა. გაღარიბებული აზნაური, რომელმაც იგრძნო ახალი ცხოვრების მოთხოვნილება. სტოვებს ძველს, დრონოკმულ ჩვევებს, ახალი ცხოვრების უღელში ებმის და უკეთესი შომავლის იმედით (თუ თავისთვის არა, შვილებისათვის მაინც) ერთგულ მომუშავე ცოლთან ერთად სჭიმავს ჭაპანს. ასეთია კოტე ზღმარტლაძე უმამულ-დედულო, ღარიბი, გაკოტრებული აზნაურის შვილი. რომელიც დედამ, ვინ იცის, რა ვაივაგლახით მიაბარა აღბუღალის „მეფეეჩიკების“ სკოლაში. შემდეგ ერთმა ნათესავმა პალატაში მწერლად წაიყვანა. აქედან დაიწყო მისი შრომის, ყოველდღიური ცხოვრების მძიმე პირობები. შემდეგ მან გამონახა კარგი მეოჯახე ქალი ნინო, სირაჯ ივანე მელვინოვის ქალი, აიღო ორასი თუმანი ფულად. ამის შემდეგ უფრო მეტის ხალისითა და ენერგიით ჩაეჭიდნენ ისინი ცხოვრების მოწყობას. ჭვარისწერა, შეუღლება მათთვის შრომის შინაარსიანი ცხოვრების სალი დასაწყისია. „აი, შვილი წელიწადია, — მოგვითხრობს ავტორი, — რაც ნინომ და კოტემ ჭვარი დაიწერეს და ჯამაგირი ხუთ თუმანამდე გაუხადეს. კოტეს დედა მოკვდა და ნინუცა მარტოდ-მარტო უვლის ოჯახს და ოთხ შვილს, როჰელიც ზედიზედ შეეძინა. პატარა ზღმარტლაძეები ნახევარზედ მშიერნი არიან, ნახევარზედ ტიტველ-შიშველნი, მაგრამ ცოლქმარნი ნინას მზითევენ ხელს არ ახლებენ: ეს მომავალი სახლის სასყიდელია. სახლი ქალაქში — კოტეს განუყრელი აზრია. ნინოც ამისი სრული თანახმაა. რაკი ბინა ექნებათ, შვილების სწავლასაც როგორმე შეიძლებენ და მოქალაქენი გახდებიან“<sup>13</sup>.

უფრო მიმზიდველი და საღია ქორწილი გლეხისა, რომელსაც ოჯახის შექმნა ხალისს, შინაარსს და დოვლათს აძლევს. დღეს მათ ქორწილი აქვთ, ღიზობენ, დღეს თუ ნამდვილად ისინი „მეფე დედუფლობენ, ზვალ ისინი ისევ თავიანთ მძიმე შრომას შეუღლებიან და შრომის შვილნი უშრომოდ ვერც ივარგებენ“. ასეთია თედუასა და ტასუას და-ქორწინება.

ეკატ. გაბაშვილის გონებაც იქითკენ, შრომისა და ამ სალი ურთიერთობისაკენაა გულდღიად მიმართული და მკითხველსაც იქით უთითებს.

ეკ. გაბაშვილის მოთხრობაში „ქალის პორტრეტები“ ასეთივე შეხე-

<sup>13</sup> ეკატ. გაბაშვილი, სხვადასხვა ევარი ქორწილი, ოჩ. ნაწერები, 1932 წ., გვ. 16—17.

დუღებაა განვითარებული. ბრწყინვალე წოდების დანგრეული ბუდეების ქალებმა (ელენე, კატო) დაკარგეს სისადავე, ზომიერება, გონიერება, ფუფუნებას მიეცენ, მიზნად ცხოვრებაში მხოლოდ განცხრომა აქვთ. ამისათვის, ვინც მათ ამ ცხოვრებას მისცემს, ისინი თვალდახუჭული მათ მისდევენ და სიფლიდეში დაღევენ თავიანთ წუთისოდელს. ასეთი ცხოვრება მწერალს მთელი მისი უარყოფითობით აქვს დაბატული. ამ მოთხრობაშიაც მოცემულია პრივილეგიური კლასიდან გამოსული ხელმოკლე ინტელიგენტი ქალი (ნინო), რომელიც გრძნობს ოჯახის ვალდებულებას, დაეჭიდება ცხოვრებას, დაუწყებს პატრონობას თავის წვრილ დაძმებს: გულით არჩეული მეგობრისაგან გაწბილებული, განაგრძობს მუშაობას „იმ დღემდის, მანამ გმირულად თავის სისხლში აპოსვრილი უძლურად ლოგინზე არ დაეცა“.

ასეთია ნინოს ცხოვრება. მართალია, მძიმე, ტანჯული, მაგრამ შინაარსიანი, აზრიანი, მიზანდასახული, კეთილშობილი. ნინოს ცხოვრება გაცილებით ლამაზია, მისაღებია. ვიდრე ელენესი ან კატოსი; ნინოს ცხოვრების დახატვით მწერალი თითქოს მიუთითებს დარღვეულ პრივილეგიურ კლასს, რომ ცხოვრება და სიცოცხლის მიმართვა შინაარსიანობისაკენ შესაძლებელია და ნინოს ეს „უფერული“ ცხოვრება გაცილებით უკეთესია, ვიდრე ელენესი და კატოს ზემიანი და მდიდრული ფროს ტარება. საჭიროა ცხოვრების გასადავება, შრომა, კეთილი მიზანი.

ელენესი და მისთანების მოდუნებული, უაზროდ, უსაქმობაში და მკენარი ცხოვრების გამახვილებულად შეგრძნების მიზნით ე. გ. აბაშვილი მათ პარალელურად ხატავს გლეხი ნენეს მეხუთე გოგოს ფეფენას, რომლის დაბადება, როგორც ღარიბ ოჯახში მეხუთე გოგოს, ყველას ეწყინა, და რომლისთვისაც მძიმე ცხოვრების ჰაანა სიცოცხლის პირველი დღიდანვე დაიწყო. მისი სიცოცხლე „მხოლოდ შრომის და მასთან მძიმე შრომის ასპარეზია“. ასეთია ფეფენას ცხოვრება მშობლების ოჯახში. ასეთივეა მარტონელა ქმრის ოჯახში, სადაც ფეფენა გლეხკაცის მძიმე ტვირთს ეზიდებოდა. „ჩემი, წყნარი, მაგრამ დროზე ამაყიც — რაღაც სიამოვნებით გადმოგვცემს მწერალი, — დაუღალავო მშრომელი (ფეფენა. — მ. ზ.) ნამდვილ ბედნიერებათ შეიქმნა ოჯახში. დედამთილი არ ბუტბუტებდა ამის ზარმაცობაზედ, ქმარი წაბაძვით და ცოლის აღერსიანი ქცევით დღეს ღამესთან ასწორებდა და ღლითი-ღლით იმან ოჯახს გაუმჯობესება ეტყობოდა“<sup>14</sup>.

რაღაც ახალი, უფრო საღი, ამტანი, შინაარსიანი ქვეყნიდან გამოიყურება ფეფენას ენერგიითა და ცხოვრების წყურვილით საესე, კუნთმძლავრი სახე. ენერგიას, ხალისს უმატებს მკობხელსაც კი ფეფენას

<sup>14</sup> ეკატ. გ ა ბ ა შ ე ი ლ ი, ქალებს პორტრეტები, გვ. 136—137.



იმედიანი მიმართვა ქმრისადმი: „ერთი ორ წელიწადს, კაცო, საქმე გაიჭირვე, ვალი გადავიხადოთ და მერე შევისვენოთ.“

ეს სისადავე, ეს გამძლეობა, ეს შრომის სიყვარული იზიდავს ეკატ. გაბაშვილის ყურადღებას. ამას მწერალი სოფლად გლეხში ხედავს. ამიტომ, რაც დრო გადიოდა და ეკატ. გაბაშვილის შემოქმედება ღრმად უყვირდებოდა ქართველი საზოგადოებრივი ცხოვრების ბრუნვას, მათ უფრო გლეხი, მასზე ზრუნვა გადაიქცა მისი ყურადღების მთავარ საგნად.

მწერლის შემოქმედებაში თითქოს ამის თანადროულად პარალელურად იშლება პრივილეგიური კლასის სწრაფი ეკონომიური და ზნეობრივ-გონებრივი რღვევა, დაკნინება, ერთი მხრით, და, მეორე მხრით, ახალ პირობებში შექმნილი სახე იმ ინტელიგენტისა, რომელიც გამოსავალს ეძებს ამ ჯადოსნური ცხოვრებიდან და პოულობს მას კიდევ გლეხსა და სოფელზე ზრუნვაში. ეს გამოსავალი თვით მწერლის გულის ნადებიცაა.

## 8

ეკატ. გაბაშვილის მხატვრულმა ალომ მშვენივრად შენიშნა ძველი ყოფის კატასტროფული რღვევა; მწერლის აპერცეპციამ გამოიხატა ამის მიზეზიც, რა აკნინებს, აღუნებს, ნიადაგს რა აცლის, გამოუსადეგრად, ხშირად ხორცმეტად, რა ხდის ადამიანს? ამის პასუხი ეკატ. გაბაშვილმა მოგვცა დათიკო ყლაპიაშვილის, კნ. კუქნასა და მათთან სახეებ-ს ჩვენებით. გამოსავალიც მწერალმა მათი ცხოვრების რღვევის მიზეზივე იპოვა. ეკატ. გაბაშვილი რწმუნდება. რომ საჭიროა ქვეყნის, ერის, საზოგადოების გარდაქმნა. ამ დროს გაერცელებულმა და მოქმედმა ხალხს-ნურმა მიმართულებამ — გლეხზე ზრუნვით, მისი ცხოვრების გაუმჯობესების კულტურულად აწევისა და მოწესრიგების კულტურა. ეკატ. გაბაშვილიც გაიტაცა.

ეკატ. გაბაშვილის შემოქმედებაში გამომჟღავნდა რუსეთის საზოგადოებრივ აზროვნებაში და ლიტერატურაში გამოაშკარავებული ფსიქოლოგია „მონანიე აზნაურისა“ — გაღვიძებული სინდისის ქენჯნით, ხალხში სიარულისა და გლეხკაცზე ზრუნვის ვალდებულების შეგნებით.

„მონანიე აზნაურების“ ფსიქოლოგია, ზოგან მეტად მკრთალად, ზოგან კი საკმარისად მკვეთრად ეკ. გაბაშვილის შემოქმედებაში მოჩანს. მოთხრობებში: „რომანი დიდხევაში“ (თავადი გიორგის სახით), „კონა“ (სანდრო გოგორაშვილის სახით), „სოფლის მეგობარი“ (სოლომონ-ვარდიშვილის სახით), „თამარის ნუგეში“ (თამაროსა და გ. ედიშერაშვი-

ლის სახით), „სოფლის მასწავლებელი“ (ნინო ნაჭეთიაშვილის სახით), „გამარჯვებული ნიკო“ (ლიზა კოშკაძის სახით).

ამ ნაწარმოებებში გადაიშალა ეკატ. გაბაშვილის ხალხოსნური მსოფლმხედველობა.

„სოფლის მეგობარში“ მთავარი გმირი — ექიმი სოლომონ ვარდიშვილი — ავადმყოფთან შეხედება ახალგაზრდა ქალს ღარია აზნაუროვას. ეს ქალი კეთილია, გულშემმატკივარია, ცხოვრობს თავისი შრომით. მიუხედავად ეკონომიური შევიწროებისა, ის სიამოვნებასა გრძნობს გაჭირვებულის დახმარებაში, სხვის დაუშურებელ დახმარებაში. მის ეზოში ცხოვრობს გაღარიბებული თავადის ოჯახის ქალი ნინო. მისი მომავალია შიმშილით სიკვდილი, ან თავმოყვარეობის დაკარგვა და სამუდამოდ ზნეობრივი დაცემა. კნ. ნინო გადაწყვეტს პირველი გზით წასვლას. უსახსრო, უნუგეშო, ყველასგან დავიწყებული უპატრონო მძიმედ გახდება ავად. მისი მიმხედი არავინაა, გარდა დარო აზნაუროვასი, რომელიც თავს მიანებებს სამსახურსაც კი (ამ ერთადერთს წყაროს ცხოვრებისას), რაც კი სახსრები აქვს ნინოს მოახმარს ავადმყოფობის დროს. თვითონაც აღარ იცის, რა ქნას. მომაკვდავ, უპატრონო ნინოსთან დარჩეს, თუ სამსახურს მიაკითხოს, რომ მშვიერი არ მოკვდეს.

ამ გარემოებას შემთხვევით შეამჩნევს ახალგაზრდა ექიმი სოლომონ ვარდიშვილი, რომელიც მისებურად გულშემმატკივარია და უანგარო ყოველი გაჭირვებულის მიმართ. სულ მალე გაიბმება ამათ შორის კავშირი, ორივეს ერთმანეთისადმი იზიდავს სხვაზე ზრუნვა, დაჩაგრულის თანაგრძნობა, სხვის საკეთილდღეოდ მსხვერპლის მიტანა. „ნუ თუ ვარდიშვილი მიყვარს? — ეკითხება დარო თავის თავს, — ნუ თუ შესაძლებელია სიყვარული იმ კაცისა, რომელსაც სამი კვირის განმავლობაში სამჯერ რივიანად არ დავლაპარაკებია? მაგრამ ლაპარაკი იქ. სადაც კაცის საქმე, კაცის საქციელი ღალადებს მის ადამიანობას, რა საჭიროა. განა იმისი გულმოდგინე, კაცთმოყვარეობით სავსე, ზრდილობიანი ქცევა ჩემთან და უპატრონო, უილაჯო ავადმყოფთან, საუკეთესო მოწმობა არ არის იმის კაცური კაცობისა?“<sup>15</sup>

ამ გრძნობის საპასუხოდ დაროს სოლომონ ვარდიშვილისაგანაც, რომელიც მოულოდნელად, მამის სიკვდილის გამო, სოფელში წავიდა, მოსდის ვრცელი წერილი—წინადადება, რომელშიაც ის დაროს აცნობს თავის თავს, თავის ცხოვრებას წარსულში, აწმყოში და უზიარებს თავისი მომავალი მოღვაწეობის გეგმასაც.

სოლომონ ვარდიშვილი გატაცებით აღნიშნავს წერილში თავის მისწრაფებას იმოღვაწეოს სოფელში, სადაც, მამის შეხედულებებთან შეუგუებლობის გამო, აქამდისაც ვერ მოეწყო. მას სურს დასახლდეს თა-

<sup>15</sup> ეკატ. გაბაშვილი, სოფლის მეგობარი. 1960 წ., გვ. 277.

ვის სოფელში. ეს აზრი მას მოუვიდა რუსეთში უნივერსიტეტში სწავლის დროს: „იმ დროს რუსეთში მწერლობაში და ახალგაზრდობაში, — წერს სოლომონი დაროს, — ის აზრი ტარდებოდა, რომ ინტელიგენცია სოფლად დატრიალებულიყო, სოფლის სიბნელით მოცულ ცხოვრებაში სინათლე შეეტანა... ამ წმინდა აზრს ჩემმა მგრძნობიარე გულმა, ბავშვობიდანვე დევნილმა და მაშვრალთ ზვედრის კარგად მცნობმა, ხმა მისცა და რაც მანამდე მხოლოდ ალლო იყო, მის შემდეგ შეგნებულ რწმენად ქცეული, იდეალად გადამექცა... ეხლა მინდა შეუდგე ჩემი აზრის ასრულებას, ჩემი იდეალის განხორციელებას, და ამისათვის სამუდამოდ სოფელში ვაპირებ დასახლებას. იმედი მაქვს ჩემი სპეციალური სწავლა-ეჭიმობაც — ხელს შემიწყობს. თქვენ, როგორც ქალაქში მცხოვრებს, არც კი შეგიძლიანთ წარმოიდგინოთ, თუ რა უბედურია სოფელი, მეტადრე ზამთარში, როდესაც სიცივეს, სიმშოლსა და ავადმყოფობას ზელიხელს შიუტაათ და მედგრად მისევიან ბეჩავს გლეხკაცობას. მთელი ჩვენი მხარე სილატაკის სამფლობელოს და უვიცობის სამყაროს წარმოადგენს“...<sup>16</sup>

ის აუწერს სოფლისა და გლეხკაცობის გაპირებულ, სავალალო ჩამორჩენილ ცხოვრებას, რამდენად საჭიროა ყოველი კულტურული კაცის სოფლისათვის, რამდენად შეუძლია ამ კაცს შეუქმნებულ გლეხს მდგომარეობა. აუწერს კონკრეტულ შემთხვევას ღარიბი, უვიცი გლეხის ოჯახში ნახულ ავადმყოფს, რომელთანაც ის მიიწვიეს, როგორ დაუბრუნა მან სიცოცხლეს სრულიად უბრალო საშუალებით ოჯახის მრჩენელი კაცი და რა ბედნიერება განაცდევინა ამით მის ცოლსა და მშობლებს. რა ცოტაა საჭირო, რომ კაცს ჭირი ააცილო და სინდისიც განამტკიცო, — რაღაც გადამდები ალტაცებით წერს სოლომონი დაროს და ურყევი ტონით უცხადებს: „არა მე ველარა მომამორებს რა ამ ბეჩავს სურათს?!“ ამასთანავე სოლომონი დაროს აძლევს წინადადებას: „თუ თქვენც დაკმაყოფილებით ამ მოკლე ნახტომით, მიბოძეთ ხელი და წავიდეთ ერთად, განვლოთ მოკლე, უხმო და შეუნიშნავი გზა. ჩვენი ცხოვრება შეიძლება მრავლის ეკლით შეიმოსოს, მრავალი ბორძიკი მოგვედოს. მაგრამ ადამიანის დანიშნულება მარტო ია-ვარღზე სიარული ხომ არ არის?“

ამ წერილში გარკვეულად ისმის სრნდისის ქენჯნა, ალტყინება უანგარო, სასარგებლო მუშაობით.

სოლომონ ვარდიშვილს თავის სურვილებს მწერალი მოქმედებაში კი არ აშლევინებს, არამედ მხოლოდ წერილის საშუალებით. ჩანს, მწერლისათვის სოლომონის, ე. ი. ხალხოსნის სახე ჯერ კიდევ არ იყო გარკვეული, ამიტომ გაუძნელდა ამ გმირის მოქმედებაში განსახიერება.

<sup>16</sup> ეკატ. ჯ ა ბ ა შ ვ ი ლ ი, სოფლი, მეგობარი, 1960 წ., გვ. 277.

ჩანს მწერალსაც ხალხოსნის სახე აზრში, მისწრაფებაში აქვს წარმოდგენილი, პრაქტიკაში კი ჯერ ვერ გადაუტანია.

ამ სახის უფრო გარკვევა ეკატ. გაბაშვილს „თამარის ნუგეშში“ აქვს მოცემული. ეკ. გაბაშვილი იდეალისტი მწერალია, მას სწამს, რომ ხალხის კეთილდღეობით ალგზნებული, გულწრფელი, პატიოსანი პიროვნების სასარგებლო მოქმედებასა და სიტყვის ცხოველმყოფელ გავლენას წინ ვერაფერი დაუდგება. კეთილი მისწრაფება და აზრი ჰბუგავს ყველა დაბრკოლებას, ათბობს და აცხოველებს შავს მუშაობაში, ცხოვრების უკულმართ ტრიალში გამოსულ გლეხკაცის უნდობელ და გაცივებულ გულს. ამიტომ ეკატ. გაბაშვილის ხალხოსანი გმირების მოქმედებას გლეხობა დიდის სიმპათიითა და ნდობით ეპყრობა.

ასეთია თამარ შალვაშვილი. სოფ. ახალუბანში თამარმა ხალხისათვის თავისი მზრუნველობით საერთო ნდობა და სიყვარული დაიმსახურა. მისი მზრუნველობისა და ენერგიის შემწეობით ახალუბანში სკოლა გაიხსნა და ღირსეული მასწავლებელი იქნა მოწვეული, რომელსაც თამარ ფართო მიზნებსა და მოვალეობას უსახავს. თამარ ასეთი სიტყვებით მიმართავს სკოლის გახსნის მიზნით შეკრებილ გლეხკაცობას: „ახალ-უბნელებო! სამი წელიწადია, რაც ჩვენ ამ სოფელში თქვენთან ერთად ვცხოვრობთ. ამ სამ წელიწადში ჩვენ რაც ღონე გვქონდა, ვეცადენით, რომ რაშიმე გამოგდგომოდით. წადილი დიდი გვქონდა, საქმით კი დიდი არა გამოვიდა რა. მე ვასწავლე მხოლოდ თქვენს ქალებს წიგნი, ცოტაოდენი ხელსაქმე და გავაგებინე, თუ ოჯახის სუფთად შენახვას და მოვლას რა მნიშვნელობა აქვს ჯანის სისაღისათვის. მაგრამ ყველა ეს ძლიერ, ძლიერ ცოტაა თქვენი წარმატებისათვის. თქვენს ვაჟიშვილებსაც უნდა სწავლა და არც თქვენთვის იქნება უსარგებლო, რომ კვირაობით მაინც მოისმინოთ ხოლმე საუბარი იმაზე, თუ თქვენთვის რა უფრო მავნებელია და რა სასარგებლო, რა გარგებ, რითი უნდა ებრძოლოთ თქვენს ბტერსა და რითი უნდა გაუძღვეთ თქვენს მოყვარეს. ამისათვის მამას ღონე არ მოსდევს და მეც ჩემს თავს საკმაოდ მომზადებულად არა ვთვლი. აქამდისაც გირჩევდით და დღესაც გირჩევთ გამართოთ თქვენი შვილებისათვის სკოლა, სადაც იმათ შეეძლოთ სწავლის შეძენა და ამით ცხოვრების მძიმე ტვირთის შემსუბუქება.“

„მე ჩემის მხრით ვეცადე და გიშოვნეთ თქვენთვის პატიოსანი კაცი, რომელიც არამც თუ მარტო თქვენი შვილების მასწავლებელი იქნება, არამედ თქვენი დამრიგებელი და სწორი გზის მაჩვენებელიც იქნება“<sup>17</sup>.

მოღვაწეობის ასეთი სურვილი, გზა და დასაწყისი ჩვეულებრივი იყო ხალხოსნებისათვის, განსაკუთრებით მაღალი წოდებიდან გამოსული ხალხოსნისათვის, რომელიც ერთგვარი სასოებით მიდიოდა ჰევი-

<sup>17</sup> ეკ. გაბაშვილი, თამარის ნუგეში, ტ. I, 1953 წ., გვ. 331.

დან ხალხის ცხოვრების მორევში, რათა გაეზიარებინა ხალხის ცხოვრება, დახმარებოდა თავის „უმცროს ძმას“. თამრო შალვაშვილი სახეა ასეთი ხალხოსნისა.

რამდენიმე წლის შემდეგ, თავისი საზოგადოებრივი მოღვაწეობით ბედნიერი და კმაყოფილი თამრო, გიორგი ედიშერიშვილს რომ შეზღუდება, ყოველთვის „სხვისი ბედნიერებით კმაყოფილი“, სიხარულით აი რას ეუბნება მას: „ოხ, თქვენ ახალ-უბანს ვერც იცნობთ, — გადამდები გატაცებით უამბობს თამრო, — ჩვენი სკოლა თავისი პატარა და დიდი მოწაფეობით ალტაცებაში მოგიყვანთ. მასწავლებელი სამაგალითო გამოდგა. მღვდელი უფრო უკეთესი“<sup>18</sup>.

თამრო, როგორც გაზაფხულის სასიამოვნო მზურვალე მზე, ყველას ათბობს და აყვავებს, როგორც მძლავრი ანდამატი, იზიდავს თანახიოთა ხალხისათვის სასარგებლო მოღვაწეობის ასპარეზზე და, უნდა ითქვას. წარმატებითაც. აკი სოფლისათვის სასარგებლო და შესაფერი მასწავლებელი იშოვა, აკი ალექსი მღვდელიც შეაყენა ამ კეთილ საქმეზე! აკი თავის მამაც ჩააბა ხალხისათვის სასარგებლო საქმეში, აკი ბრწყინვალე მხედარი გიორგი ედიშერიშვილის ცხოვრებაც შეაბრუნა ხალხისკენ!

გიორგი ედიშერიშვილი ახალი გზისაკენ გამზადებული, დღემდე რაღაც დაუკმაყოფილებელი ბუნების დაკმაყოფილების მოლოდინში მყოფი, თავის დედას ასე აუხსნის ახალ სულიერ განწყობილებას, თამროსაგან გადადებულს: „მე თუმცა მომზადებული არა ვარ ამ საქმისათვის, მაგრამ საზღვარგარეთ წავალ და იქ შევისწავლი, რაც საჭიროა ჩვენი მიწა-წყლისათვის და უკან დავბრუნდები. მაშინ, დედა, გადაცხანლდეთ „შავლასეულში“ და ხელახლად ივამენოთ ის, რაც დავაქციეთ და ავაოხრეთ ჩვენი ქალაქში გადმოსახლებით. თუმცა ახლა გვიან არის იმის დაწყება, რაც ყმაწვილობიდანვე უნდა დამეწყო, მაგრამ გამოდგინებება და საქმის დაწყება, რა დროსაც უნდა იყოს, საზარალო არ იქნება ჩემის ქვეყნისათვის“<sup>19</sup>.

თამრომ უახლოეს მეგობრადაც აირჩია ლევანი, რომელიც მზადაა შედგეს თამროს სამოქმედო ასპარეზზე, გაჰყვეს მას გატაცებით და უფრო გააღრმავოს მისი დაწყებული საქმე. ამ მიზნით ლევანი მიდის საფრანგეთში, სადაც უმაღლეს სასწავლებელში მეურნეობა შეისწავლა. ის სამსახურში შესვლის წინააღმდეგია. „სამსახურში! — გაოცებით უპასუხებს ლევანი გიორგის და ღიმილით თავს გაიქნევს. — არა, არა! ღმერთმა დამიფაროს! საუბედუროდ არც მამული მაქვს. მაგრამ მთელი საქართველო მე ჩემს მამულად მიმაჩნია, რომელიც ავად არის და მკურ-

<sup>18</sup> მე. გაბაშვილი თამროს ნეტავი. ტ. I, 1953 წ., გვ. 340.

<sup>19</sup> იქვე, გვ. 343.

ნალი ეპირვება, რამდენიც უფრო მეტი მკურნალი ეყოლება მას, იმდენი უფრო უკეთესი იქნება“<sup>20</sup>.

ეკატ. გაბაშვილის შეხედულებით, ასე დიდდება რაზმი ამ ხალხის მოკეთეთა. და ამ დიდ საქვეყნო საქმეში ქალიც აქტიურადაა ჩაბმული.

„თამარის ნუგეში“, „მონანიე აზნაურის“ სახეები არ არის სათანადოდ სისხლ და ხორცშესხმული. მწერალი ქალი ამ გმირებს ხატავს თავის შეგნებაში დაბუდებული სახეების მიხედვით. მწერალი თვითონ ლაპარაკობს მათი მოღვაწეობის შესახებ.

„მონანიე აზნაურის“ სახე ეკ. გაბაშვილმა უფრო გარკვეულად მოგვცა მოთხრობაში „სოფლის მასწავლებელი“ ნინო ნაქვთიაშვილის დახატვით.

ნინო ნაქვთიაშვილი მივარდნილი ღარიბი სოფლის ეკლიანის ახალგაზრდა მასწავლებელია, რომელიც დიდი გატაცებით, მოთმინებითა და თავდადებით ასრულებს სახალხო მასწავლებლის მძიმე მოვალეობას. ეკ. გაბაშვილი ასე გვაცნობს მის ვინაობას: ნინო იყო „დიდი გვარიშვილის და დიდად წარჩინებული ოჯახის შვილი, სხვა საზოგადოებაში ტრიალისათვის აღზრდილი და მომზადებული და ამიტომ დიდად გააკვირვა ნინომ ეს საზოგადოება თავისის გაღაწყვეტილებით, როდესაც ამ ორისამი თვის წინად გამოუცხადა იმათ, რომ სპობს თავის წარსულთან ყოველს კავშირს და სკოლის მასწავლებლად მიდის“<sup>21</sup>. ესაა ტიპიური დასაწყისი „მონანიე აზნაურის“ ცხოვრებისა!

ნინო, დიდი ოჯახის ჩამომავალი, ახლა საგრძნობლად გაღარიბებული, ბუნებით ჰკვიანი, ხასიათით მტკიცე აღამიანი იყო, თუმცა სერიოზულ ფიქრს შეუჩქეველი. მაგრამ „ის არც იმ ბედნიერ არსებათ ეკუთვნოდა, — გვიხასიათებს მწერალი, — რომელნიც ფრინველსავით არ ზრუნავენ ხეალისათვის და მხოლოდ ჩაფლულნი არიან ფუფუნების ორომტრიალში“. ნინო ბევრს კითხულობდა, წაკითხულს უკვირდებოდა, თავისი წრის ცხოვრებას აღარებდა და რაღაც გაურკვეველი ჰმუნვა, მოწყენილობა იპყრობდა. მისი ბუნება სხვა გზას, ახალს, მოქმედებისანს, შინაარსიანს თხოულობდა. ის, მწერლის ლამაზი თქმით, „უსაქმურთა საბუღრიდან გადმოფრენილ წიწილას მიაგმავავსებოდა“.

ნინო თავის მეგობარ მარო ქანდარაშვილთან შეხვდება ალექსანდრე მხატვრიშვილს, რომელიც იმ ყმაწვილ კაცებისაგან. ნინოს გარშემო რომ იყვნენ შემოკრებილი, შესამჩნევად განსხვავდებოდა. ალექსანდრე ენთუზიასტი ხალხოსანია. მათ ორივეს ერთმანეთი შეუქმნეველი არ დარჩათ. ალექსანდრესთან შეხვედრისთანავე მათ შორის გაიმართა შინაარსიანი, ნინოსათვის ახალი საუბარი. ალექსანდრემ მოუბრძოლებლივ გაკიცხა ნინოსა და მისთანათა მოწყენილი, უსაქმური, უკმაყოფილები-

<sup>20</sup> ეკ. გაბაშვილი, თამარის ნუგეში, გვ. 336.

<sup>21</sup> მისივე, სოფლის მასწავლებელი, ტ. 11, გვ. 319.

თა და სუზანტით სავსე ცხოვრება. ალექსანდრეს ცეცხლიანმა მიმართვამ: „თქვენ „სკუჩნობთ“ უსაქმურობით და ხალხი კი სიბნელეში შუქის შემტანს ელის; წადით ხალხში, გაიფანტებით ყოველი კუთხივ, შეიტანეთ ეს „შუქი“; თქვენც დაკმაყოფილდებით და საქმეც წინ წაიწევს“<sup>22</sup>, -- ნინოს გულში პოხიერი ნიადაგი ჰპოვა.

ნინოს კითხვაზე: „როგორ და რა გზით?“ ალექსანდრე ურყევი, დამარწმუნებელი ტონით უპასუხებს: „აი თუნდა სოფლის მასწავლებლად, სოფლის ბებიად, ფერშლად. ყველა კეთილგონიერ ქალს შეუძლია ამ საქმეების ასრულება. და ამ საქმეების სინდისიერად ასრულება კი ის „შუქია“. რომელიც საჭიროა საერთო სიბნელეში“<sup>23</sup>. ესეც ხომ ტიპიურია ხალხოსნური მოძრაობისათვის. ნინოში ავ გავლენის გამო გარდატეხა ხდება. ის უახლოვდება მთელ წრეს ყმაწვილებისას, რომელთაც გადაეწყვიტათ ხალხში გასვლა, რომლისათვისაც ისინი გაფაციცებით ემზადებოდნენ. ნინო გამოიცივალა, გარდაიქმნა. ეკატ. გაბაშვილს, იდეალისტ-მორალისტ მწერალს (და ეს დამახასიათებელია ხალხოსნებისათვის) სწამს ადამიანის ამგვარი გარდაქმნა.

ამიტომ, როცა მივარდნილ ლარიბ სოფელ ეკლიანში სოფლის მასწავლებლის ადგილი გათავისუფლდა და ახალგაზრდათა წრემ დაინახა, რომ იქ უსათუოდ თავიანთი კაცი უნდა ჩაეყენებინათ, ნინომ ურყევად განაცხადა იქ გამწესებისა და მასწავლებლობის სურვილი, მიუხედავად მახლობლების რჩევისა და გაფრთხილებისა, რომ ეგ ცოცხლად დამარხვავა, სიცოცხლესთან კავშირის გაწყვეტა.

თვითონ ახალგაზრდათა წრესაც გაუკვირდა ნინოს ასეთი გადაწყვეტილება და ეუბნება მას: „თქვენ ჩქარობთ, ჯერ კიდევ გჭირიათ სამზადისი, თავის თავის წვრთნა რთულის და ძნელის საქმისათვის“: ამაზე ნინო გადაწყვეტით და საქმიანი ტონით ეტყვის: „ღიახ, ვიცი და ვეცდები, რაც არ ვიცი, თანდათან, საქმის მსვლელობის დროს, შევისწავლო. ხანდახან თქვენც ხომ გამამხნევეთ ხოლმე, ხომ მომამწვდით ხელს, როცა გამიჭირდება“ — რალაცა სიამოვნებისა და რმედიანი ტონით წყვეტს ის ამაზე ლაპარაკს.

ნინო მუშაობაში, მართლაც, მტკიცე ნებისყოფასა და მოსიყვარულე გულს იჩენს. ის დიდი გატაცებით, მოთმინებითა და თავდადებით ჩაება სახალხო მასწავლებლის მძიმე მოვალეობის ასრულებაში. ნინო ეკლიანში მართო ბავშვების მასწავლებელი კი არ იყო. არამედ სოფლის უანგარო მეთვალყურეც, მზრუნველიც: ის ავადმყოფებსაც შველის, გლეხობას უკერავს, დაბეჩავებულთ არზას უწერს და ვისაც კი რა გაუჭირდება სოფელში, ის იმათი დამხმარეა.

ნინომ ორი თვის შემდეგ უკვე დაიმსახურა ნღობა და ს-ყვარული არა

<sup>22</sup> ე. ვ ა ბ ა შ ვ ი ლ ი, სოფლის მასწავლებელი, გვ. 321.

<sup>23</sup> ი ქ ვ ე, გვ. 323.

მარტო მოსწავლე გოგო-ბიჭებისა. არამედ მათი მშობლებისაც. გაიბა მათ შორის მჭიდრო კავშირი. კმაყოფილია ნინო. სიამოვნებას და ბედნიერებას განიცდის მათთან დაახლოებაში.

მიზიდველადაა გაშლილი ნინოს პრაქტიკული მოღვაწეობა სოფლაჲ. მაგრამ ნინოს ბებია მაკრინე მაინც ვერ ურიგდება შვილიშვილის ასეთს „ცოცხლად დამარხვას“. როცა ნინო გაკვირვებული მოაგონებს ბებიას, რომ მასაც ხომ უცხოვრია სოფლად და სოფლის ცხოვრებას სიამოვნებითაც იგონებს, ამაზე ბებია მაკრინე თავისებურად ასაბუთებს ძველი სოფლის უპირატესობას, სახელდობრ, რომ მაშინ ისინი ბატონები იყვნენ. ყველა და ყველაფერი მათი საკუთრება იყო: „ათასი ჩვენისთანა პებატონე გემეზობლობდა, მიდიოდ-მოდოდნენ, ვლხინობდით, ჰირსა და ლხინს ერთად ვეწეოდით“. ახალი ცხოვრებით გამოფხიზლებული ნინო ამაზე ბებიას ასეთს პასუხს აძლევს. „ბრძანდებოდით, ყველა და ყველაფერი თქვენი საკუთრება იყო. გარშემო ცხოვრება ყვაოდა და სუყველაფერი გატიელდა. განა რო გატიელდა, მაგაში სოფელია დამნაშავე? პირიქით, თქვენ წაართვით სოფელს ყველაფერი ის, რაც ეკუთვნოდა იმას და რითაც გასაზრდოვებდათ თქვენც: მიწა, წყალი, მთა და ბარი და ბოგანოთ გახადეთ ისიც და თქვენი თავიც და ესლა ისიც კი არ გემეტებათ, რომ თქვენი შვილები ცდილობენ თქვენი დანაშაული შეასწორონ, პირადი შრომით, კეთილის სიტყვით, მაგალითით. ცოტათი მაინც გადაუხადოთ სოფელს ის ვაგლახი, რომელიც მათ გამოაცდევინეთ“<sup>24</sup>.

აი ნიშანდობლივი თვისება და მოვალეობის თუ ვალდებულების გაგება „მონანიე აზნაურის“. მიერ: ნინო სწორედ ტიპიური სახეა „მონანიე აზნაურისა“, რომელსაც ვალი წინაპრებისა სტანჯავს, მოსვენებას არ აძლევს, გადახდა უნდა ვალსა და ამ მიზნით გასულა ხალხში.

ნინოს ასეთი ქცევითა და ლაპარაკით შეწუხებული და აღშფოთებული მაკრინე კი უკმაყოფილოდ არა ერთხელ ეუბნება შვილიშვილს: „იყვეს შენი ნება, თავი შეაკალ, ემსახურე ტეტებებს, მაგრამ მე მაინც ვიტყვი, რომ არ მესმის შენი თავგანწირულება“.

ნინო ამაზე დაკმაყოფილებით ასეთს განმარტებას აძლევს ბებიას: „უწინ გმირობა იყო მამულისათვის ცეცხლში ჩავარდნა, ჯვარცმა, წამება, ახლა კი საჭიროა მასწავლებელი, მასწავლებელი და ისევ მასწავლებელი. ყველაფერი თავით ფეხამდის უეციცის და ბეჩავის სოფლისათვის, და ეს ვალდებულებაა მეტადრე ჩვენი, ჩამომავალთ იმ წარჩინებულთ შოდებისა, რადგან მომეტებულად ჩვენ გვიდევს ბრალი სოფლის გათახსრებაში და იმის სიბნელით მოტულ ცხოვრებაში“<sup>25</sup>.

<sup>24</sup> ეკატ. ვ ა ბ ა შ ვ ი ლ ი, სოფლის მასწავლებელი, ტ. III, 1960 წ. გვ. 325—326.

<sup>25</sup> ი ქ ვ ე, გვ. 326.



აქ ორი მსოფლმხედველობაა მკვეთრად დაპირისპირებული: ნინო ახალი ადამიანია, ახალი გაგებით, მისწრაფებებით. ნინო, ცხადია, „მონანიე აზნაურის“ დამახასიათებელი თვისებებითაა გამსჭვალული: ვალდებულებების შეგნება გლეხების წინაშე. ამ ვალდებულებების მოხდა და მისთვის მსხვერპლის გაწირვა. აი, რა არის ნინოს ეთიკა, ესთეტიკა, მისწრაფება, მრწამსი. „სოფლის მასწავლებელი“ ეკატ. გაბაშვილის შემოქმედებაში ამ თვალსაზრისით უდავოდ მეტად საგულისხმიერია.

ეკ. გაბაშვილი ამ ვითარებაში თანდათან უფრო ღრმად იხედება. მალე რწმუნდება, რომ „მონანიე აზნაური“ მაინც არ არის ის, რომელიც ხალხს ნამდვილ მასწავლებლად — მკურნალად მოეცლინება. ის მაინც შებოროტილია, მას ახასიათებს რაღაც თვისებები, რომლებიც ხალხთან უშუალო მისვლის შესაძლებლობას არ აძლევს; საჭიროა უფრო მაგარი ნებისყოფა, მეტი სიმტკიცე, ურყევი რწმენა და ამ რწმენის ხალხში გატანის უნარი.

ხალხოსნის ასეთ სახეს ეკატ. გაბაშვილი გვაძლევს მოთხრობაში „გამარჯვებული ნიკო“.

„მონანიე აზნაურში“ ხალხოსნურმა იდეებმა ნოყიერი ნიადაგი ჰპოვა. ბევრი მათგანი ჩაება ხალხოსნურ მოღვაწეობაში. უნდა კი აღინიშნოს, რომ „მონანიე აზნაურ“—ხალხოსანს არა აქვს ისეთი ძარღვი და ძალა, როგორც ხალხიდან გამოსულ ხალხოსანს. „მონანიე აზნაურში“ კიდევ ცოცხალია ნაშთი ფეოდალური ყოფისა და ფსიქოლოგიისა. გზარეველუციონური მოღვაწეობისა ძველ ტრადიციებზე აღმოცენებული თვისებებისაგან განთავისუფლებული მაინც არ არის. პირადი ბედნიერების ძიება მათში მაინც საგრძნობია.

ხალხოსანი, გამოსული თვით ხალხის წიაღიდან, უფრო ძლიერია და ჩვენ ლიტერატურაშიაც ასეთი გმირი უფრო მკვეთრადაა ასახული. თვით ეკ. გაბაშვილიც გრძნობს ხალხის წრიდან გამოსულის უპირატესობას და უფრო მეტი დეტალებით გვიხატავს „ხალხის მოკეთის“ ფიგურას მოთხრობაში „გამარჯვებული ნიკო“ ნიკო ბერიშვილის სახით.

ნიკო ბერიშვილს „საკუთარი პირადობის ფიქრი აინუნში არ მოსდისოდა“. ის მუდამ ჟამს ზრუნავდა იმ მოვალეობაზე, რომელიც მან თავის ცხოვრების გზაზე აირჩია და რომელიც მას უეჭველად, ურყევად, საუკეთესო გზად მიაჩნდა. და ეს იმიტომ, რომ ნიკო, როგორც ამას ხაზს უსვამს ეკ. გაბაშვილი, „სოფლის შვილია და სიამოვნებით მიილტვის სოფლისაკენ“. მისი ოცნება „სავეს იყო მრავლის მალალის აზრებით და იმედი ჰქონდა თავისი კეთილი აზრები დაემყნო სოფლის ნიადაგზე“.

ნიკოს ასეთი ბუნება და მიმართულება რომ უფრო თვალსაჩინო გახდეს, ეკატერინე გაბაშვილი მას უპირისპირებს მალალწოდებებიდან გა-

მოსულს, სოფელშივე სამასწავლებლოდ გამგზავრებულს, ლიზა კოშკაძეს. „ესეც (ნიკო ბერიშვილი), — წერს მწერალი, — იმავე აზრით მიდიოდა კახეთში, როგორც ლიზა; ამასაც სოფლის მასწავლებლობა ჰქონდა მინდობილი. მაგრამ ეს თანამდებობა უფრო სანუგეშო და სასიამოვნო აზრებს ჰბადებდა მის გულში, ვიდრე სამწუხაროს. ლიზა იტანჯებოდა მხოლოდ პირადის უბედურებით, სწუხდა მხოლოდ თავის მარტობას, თავის ოცდახუთის მანეთის ჯამაგირის სიმცირეს და ნიკო ბერიშვილს კი საკუთარი პირადობის ფიქრი აინუნში არ მოსდიოდა. ფიქრობდა მხოლოდ იმ მოვალეობისათვის, რომელიც თავის ცხოვრების ასპარეზად აირჩია და რომელიც თავის ქვეყანაში საუკეთესო შრომად მიიჩნდა. თვალწინ ჰყავდა მხოლოდ ის პატარა მოწაფეები, რომლებიც სათვისაც სინათლის გზა უნდა ესწავლებინა, რომელთა გულში სწავლა და მეცნიერება უნდა დაენერგა. სოფლის შვილი იყო, სიღარიბეში წვითა და დაგვით გამოზრდილი... ამიტომ ძალიან კარგად იცოდა სოფლის ავი და კარგი, მისი მწვავე და წყლულნი და ფიქრობდა, რომ ერთადერთი სინათლის მომფენი სოფლის ბნელს ცხოვრებაში სკოლა იყო, და ამ სინათლის მოფენა, ამ სიბნელის გაშუქება საბედნიერო საქმედ მიიჩნდა და სხვაგვარი პირადი ბედნიერება მივიწყებული ჰქონდა“<sup>26</sup>.

ნიკოს ცხოვრება და მოღვაწეობა საკმარისად დაწვრილებით არის მოთხრობაში ნაჩვენები. მისი, მართლაც, არაჩვეულებრივი მოთმინებითა და გულმხურვალეობით თავგანწირული მოღვაწეობა ხალხის კეთილდღეობისათვის საკმარისად ღია ფერებშია ასახული. თავადი ლუარსაბ ჯანბადრუკიანი დაცივნის მიზნითა და ერთგვარი მძულვარებით ასე ახასიათებს ნიკო ბერიშვილს: „ჩვენი სოფლის ლეკიკარის სკოლის მასწავლებელი მთელი დღე, კვირაობითაც კი, განუყრელად გლეხებში ზის, იმათ ელაპარაკება, იმათში ერთობა; ჩვენ კი ვერასგზით ვერ შევიჩვიეთ. გასაკვირველი არის, განათლებული კაცი და განათლებულ საზოგადოებას ერიდებოდეს და გლეხებში, იმ უმეცარ, თითქმის გაპირუტყვებულ ხალხში დროს ატარებს და თანაც კმაყოფილებით ჰგრძნობდეს თავს“<sup>27</sup>.

და სწორედ თავად ჯანბადრუკიანის ნიკოს ამ დამცინავ დახასიათებაში, ხოლო ნიკოს ასეთს თვითდაკმაყოფილებაში არის მთელი ძალა და ნიკოს, როგორც ხალხოსნის, ბუნების სწორი გამომჟღავნება. ნიკოს მიერ ჯანბადრუკიანებთან შემაერთებელი ხიდის შეგნებულად ჩატეხაში და „თითქმის გაპირუტყვებულ ხალხში“, კმაყოფილებით ტრიალში, მათთან ურთიერთობაში იყო ხალხოსანთა ძალა, ორიგინალობა, მიმზიდველობა და მნიშვნელობა.

<sup>26</sup> ე. კ. გ ა ბ ა შ ვ ი ლ ი, გამარჯვებული ნიკო, ტ. I, 1953 წ., გვ. 343.

<sup>27</sup> ა ქ ვ ე, გვ. 388.

ნიკო ბერიშვილი მშვენიერად ამჟღავნებს ჯანბადრუკიან-ს ზუნებას, როდესაც ის გამოუცდელ ღიზას აფრთხილებს: „ეგ ყმაწვილი (იასონ ჯანბადრუკიანი. — მ. ზ.), — ეუბნება ნიკო ღიზას, — იმ კრებულის კაცია, რომლის წევრნიც ყოვლად უსაქმონი, ამაყნი, გონება გაუხსნელნი ბრძანდებიან. ამ ვაჟბატონების აზრით, ყოველი ღარიბი იმიტომ არის გაჩენილი, რომ იმათი ლუკმა გახდეს, იმათ ოქროს არ გადურჩეს შეუსყიდველი, დაუძლეველი. პირველი ხომ თქვენ არ იქნებით“<sup>28</sup>. ნიკო ღიზას ჯანბადრუკიანების გახრწნილ და ზნედაცემულ ცხოვრებას ზუჯ ფერებში დაუხატავს. ესეც დამახასიათებელი იყო ხალხოსნებისათვის და მკვეთრად ამჟღავნებს ავტორის ხალხოსნური მიმართულებას არსის გაგებას.

ნიკო ბერიშვილის ასეთმა მოჭრიდებელმა და უარყოფითმა შეხედულებამ ჯანბადრუკიანებზე, ადამიანურმა კაცურმა გრძნობამ უბედური, ნიშანში ამოღებული მსხვერპლისადმი, ნიკოს დააკარგინა მოღვაწეობის საყვარელი და სანეტარო გზა; ბევრი ვაი-ვაგლახი და შევიწროება მიაყენა მას და მის ღარიბ ოჯახს. ბოლოს, ბევრი ფიქრისა და ზნეობრივი ტანჯვის შემდეგ, ნიკომ გადაწყვიტა მღვდლის მოღვაწეობისათვის მოეკიდა ხელი. „თუმცა სარწმუნოებრივი გრძნობა, — ხანგასპით აღნიშნავს ავტორი, — ხელს არ უწყობდა ამ დიდსა და წმინდა საქმეს შესდგომოდა, მაგრამ სრულის გულწრფელობით ნუგეშობდა მით, რომ სამაგიეროდ რელიგიურის რწმენისა, ჰქონდა მადლი, ზნეობრივი ძალა, კაცთა სამსახურის, რომ თამამად შეეძლო მოძღვრების ჯვარი აეღო ხელში და შესდგომოდა ამ მძიმე საქმეს, ფრიად ვრცელსა და სავალდებულო საქმეს“<sup>29</sup>.

ამრიგად, ნიკო ბერიშვილმა, ერთი მხრით გზა შეკრულმა, მეორე გზით მოახერხა გაეტარებინა ცხოვრებაში დიდი მცნება — „შეიყვარე მოყვასი შენი, ვითარცა თავი შენი“-ო. და არა მარტო თვითონ შესძლო ამ გზით სიარული, არამედ გვერდში ამოიყენა გაუკუღმართებულ ცხოვრების ტალღებიდან უზნეო და უკუღმართი ხალხის მიერ გადატყორცნილი და გათელილი ღიზა (რომელიც შემდგომ მისი ცოლი შეიქმნა) და აგრეთვე სხვანაც.

ნიკოს მადლიანმა და გატაცებულმა მოღვაწეობამ სოფელი ღილიფარიანი არაჩვეულებრივ, ყველაფრით რაციონალურად მოწყობილ კოლექტივად გადააქცია, სადაც ყველა სიხარულით, ხალისით, სარგებლობისა და ცხოვრების სარგებლიანობის შეგნებით შრომობს. შრომობს ერთი ყველასათვის და ყველა ერთისათვის.

<sup>28</sup> ე. გ. ა. ბ. შ. ვ. ი. ლ. ი., გამარჯვებული ნიკო. ტ. I, გვ. 453.

<sup>29</sup> ი. ქ. ვ. ე., გვ. 455.

აი, რასა წერს ამ სოფლის შესახებ თავ. იასონ ჯანბადრუკიანი, რომელიც, როგორც მაზრის უფროსი, გაგზავნილი იყო საიდუმლოდ გამოძიებისა ნიკო ბერიშვილის მოღვაწეობა: „არსად, გარდა საზღვარგარეთისა, არ შეეხვედრია ამისთანა სუფთა და კოპწია სოფელს: ორპირად ჩამომწყრივებულს სოფლის სახლებს, გზის აქეთ-იქით წინ ორიოდ-სამი ხე უმშვენებდა ეზოს, რაც საქართველოში იშვიათია და ქართლში ხომ სანთლით არ მოიძებნება. თვით გზა გატკეცილი იყო და ორთავე მხრივ ღრმად ამოჭრილ არხებში ანკარა რუები მოუდიოდა“<sup>30</sup>.

მშვენიერი და ხალხონებისათვის დამახასიათებელი გეგმა მოცემული მომავალი სოფლის ბედნიერი წყობილებისა, ურთიერთ მდგომარეობის გაგებისა და დახმარებისა, ეკონომიურად გამაგრებისა და კულტურულად წინ წაწევისა. ეს ფურიესებური ფალანგია. ამგვარი ასოციაციებით გატაცებას ვხედავთ რუსეთის საზოგადოებრივ აზროვნებაში და რუსულ ლიტერატურაშიაც. ნ. ჩერნიშევსკის რომანი „Что делать?“ მკვეთრი გამომხატველია ასეთი განწყობილებისა რუსეთში. ამ რომანმა ქართულ მწერლობაშიაც ჰპოვა თავისი იდეური გამოძახილი. ნ. ჩერნიშევსკის გავლენა ანტ. ფურცელაძეზე თავის ადგილზე აღვნიშნეთ. ეკატ. გაბაშვილიც საუკეთესოდ აღბეჭდავს თავის შემოქმედებაში ჩერნიშევსკის გავლენას. და ამას არა მარტო ქალის სამოქმედო ასპარეზზე აქტიურ მოღვაწედ გამოსვლის შეგნების აუცილებლობით, არამედ მისი მოღვაწეობით ხალხისათვის, ხალხში სიარულისა და მისი დარაზმვის გზით, მომავლის ფართო პერსპექტივის დანახვით<sup>31</sup>.

„გამარჯვებულ ნიკოშიც“ ბერიშვილების მოღვაწეობის გაშლაში ჩერნიშევსკის შეხედულებათა გავლენას ვამჩნევთ.

გავეცნოთ სოფ. ლილიფარიანის ახალ სახეს, სადაც ბერიშვილებმა გაშალეს საზოგადოებრივი მოღვაწეობა და საქმიანობასაც სწორი მიმართულებით წარმართავდნენ.

„ბერიშვილი სდგას, დედაჩემო — სწერს იასონ ჯანბადრუკიანი, — ამისთანა სასახლეში, რომელთანაც ჩვენი ნაქები დარბაზები თავის სიკრებად გვეჩვენება. მაგრამ კი არ იფიქრო, ის სასახლეს გაედიდკაცებინოს, სიმდიდრესა და ფუფუნებას შეეპყრას. არა! ეს ისევ ის ნიკოა და ისევ ტყავი ასხია! თავდაბალი, სადა, ზრდილი და კაცთმოყვარე, მხოლოდ სათნოება მოჰმატებია, რადგან ყოველი თავისი აზრი შეუსრულებია და საბრძოლველად აღარა დარჩენია რა...“

„ჩვენ გვერდით მოძღვრის ოთახიდგან, — განაგრძობს განცვიფრებული იასონ ჯანბადრუკიანი, — გრძელ ტალანში და შევედით დიდ დარბაზში, რომელც სამოსწავლო სკამებით იყო სავსე და ზედ

<sup>30</sup> ექ. გაბაშვილი, გამარჯვებული ნიკო, ტ. I, გვ. 463.

<sup>31</sup> დაწერილებით იხ. მიხ. ზანდუკელი, „ნ. ჩერნიშევსკი და ეკ. გაბაშვილი“.

რამდენიმე ახალგაზრდა გლეხის დედაკაცი სწერდა რვეულებზე; იმათ თავს ადგა შავებით ჩაცმული ქალი და წერას თვალყურს ადევნებდა... „აი ბატონო, — უხსნის ნიკო ჯანბადრუკიანს, — ეს დიდი და საუკეთესო ოთახი ჩვენ დავუთმეთ სასოფლო სკოლას. აქვე გვაქვს მოთავსებული პატარა სასოფლო ბიბლიოთეკა. კვირაობით კი ჩემი მეუღლე აქ ასწავლის, როგორც თქვენც ხედავთ, ამ ახლად მოყვანილ პატარძლებს, რომელთაც წერა-კითხვა არ იციან, კვირაში ორჯელ საღამოობით — ჭრა და კერვასაც“. ჯანბადრუკიანის შეკითხვაზე „რატომ მართო პატარძლებსო“, ნიკო უპასუხებს: „სხვებმა ყველამ იციან წერა-კითხვა და ჭრა-კერვაც“<sup>32</sup>.

„შემდეგ, — განაგრძობს იოსებ ჯანბადრუკიანი სოფლის აღწერას — ნიკომ გამიყვანა ზეორე ოთახში, სადაც გამართული იყო ჩარხები, ქანდარები და სხვადასხვა სააბრეშუმო იარაღი და მითხრა: აქ, ბატონო, ჩვენ ვამზადებთ აბრეშუმს და ვასწავლით მის შემუშავებას გლეხის ქალებს“. მესამე ოთახში მიჩვენა აფთიაქი. ამ ოთახის ერთს მხარეს, შირმის უკან, ორი სუფთად გაშლილი ლოგინი იყო. მე ამან ძლიერ გამაკვირვა. — „ეს საწოლები იმ შემთხვევისათვის გვაქვს — მითხრა მოძღვარმა — თუ დიდ ოჯახში გადაძვლები ავადმყოფობით გახდება ვინმე, ჩვენი სახლი სოფელზე კარგა მოშორებით არის და ბევრჯელ ამ განცალკევებით სოფელი გადავარჩინეთ განსაცდელს. მეც და ჩემი ცოლიც ცოტაოდნად მიხვედრილი ვართ ექიმობას და, სანამ შეძლება ნებას მისცემს გლეხკაცობას თავისი საკუთარი ექიმი იყოლიონ, ჩვენ ვაძლევთ ცოტაოდენ შემწეობას“. მერე მაჩვენა დიდი ქვითკარის ბელელი, სადაც ინახებოდა საზოგადო პური, მერე მარანი, მშვენივრად მოწყობილი ყურძნის საწურავი მანქანით, საქაჩავით და სხვა.

„ყველა ეს აქაური გლეხებისა არის, — მიხსნიდა ნიკოლოზ მღვდელი, — საზოგადო ზერიდან შემოსული ღვინო და საზოგადო მლაზიის პური სრულიად ჰფარავს სასოფლო ხარჯს, სახელმწიფო გადასახადს, გზების შეკეთებას და კიდევ რჩება იმდენი, რომ ვინახოთ თანხის შესაგროვებლად, რომლის სარგებლითაც შეგვეძლება ვიყოლიოთ საკუთარი ექიმი, გავიჩინოთ რიგიანი საქონელი, შევიძინოთ ზოგიერთი სამეურნეო იარაღი და, თუ საჭიროდ დავინახავთ, მამულებსაც შევისყიდით მეზობელ თავადებისაგან“. იასონ ჯანბადრუკიანის კითხვაზე: „საზოგადო ვენახი რას ქვიანო?“, ნიკო უპასუხებს, რომ მისმა ცოლმა შვიდორვა წლის წინათ გადასცა გლეხკაცებს ოცდაათის დღის მიწა „იმ პირობით, რომ სოფელს შემოელობნა და თავისი მუშით და შრომით გაეშენებინა

<sup>32</sup> იდეა ხალხის მასების წერა-კითხვის უცოდინარობის ლიკვიდაციისა, ჩანს ხალხის ნებასაც უპირველეს და უსაქიროეს მიზნად მიაჩნდათ.

ვენახი. რასაკვირველია, სოფელი დათანხმდა, აგერ ოთხი-ხუთი წელიწადია ჩინებული მოსავალი მოდის კიდევ“.

„შაგრამ გამოიჩქვა, რომ ნიკოს ხელმძღვანელობით გლეხები ჩვეულებრივი მოსავლის მოყვანით აღარა კმაყოფილდებიან. მათი სურვილი და გულისყური წარმატებისაკენ, კულტურულ წინმსვლელობისაკენაა მიმართული.

„ვენახის გაშენების სასწავლებლად, — უხსნის ნიკო ჭანბადრუკიანს, — ჩვენ მხოლოდ მცოდნე მეზაღე მოვიწვიეთ და იმის შემწეობით ის საზოგადო ვენახი დღეს ჩინებულის ვაზით არის სავსე და სამაგალითო მევენახეობის წესით ნაგები და შემუშავებული. აგრეთვე ღვინის დაყენება პირველში გვასწავლა იმავე მცოდნე მეზაღემ და ახლა კი თვითონ გლეხებიდგან არჩეული და სწავლული მეზადისაგან გაწვრთნილი მეზაღეობს და აწარმოებს როგორც ვენახს, ისე ღვინის დაყენების საქმეს“.

„გარდა ამისა, — განაგრძო ნიკომ, — გლეხებს აქვთ საზოგადო მინდორიც სახნავად... მთელი სოფელი ხნავს იმას, ანოყიერებს და როგორც მარჯვენა თვალს ისე ულოლიაებს. წელს კერძო მამულებიდან დღიურზე საშუალო რიცხვით თორმეტი კოდი გამოვიდა და საზოგადო მინდვრიდან კი ოცდახუთს გადააჭარბა. ეს ბელელი სავსეა ჭერამდის და მხოლოდ მაშინ გაეყიდით, როდესაც მომავლის წლის მოსავლის პირს დავინახავთ“.

სოფ. ლილიფარიანის ცხოვრებისა და წინმსვლელობის სურათი რომ სრული იყოს, მოვიყვანთ ნიკო ბერიშვილის კიდევ ერთს განმარტებას.

ისონ ჭანბადრუკიანი, გაკვირვებული ასეთი დაწყობილებით, ეკითხება ბერიშვილს: „ვინ განაგებს ყველა მაგ საქმეს? ვინ ხელმძღვანელობს?“ „რასაკვირველია, — სრულის შეგნებითა და კმაყოფილებით უპასუხებს ნიკო, — ჯერ მე და ჩემი. ცოლი და შემდგვისათვის კი ვამზადებთ თვით მცხოვრებთაგან გამგებელთ. ჩვენ ყოველ წელიწადს ვგზავნით ქალაქში უკეთესის ნიჭის ყმაწვილებს და შემდგომში ისინი დაიქვრენ ჩვენს ალაგს. აი მალე მოგვივლენ რამდენიმე ჩინებულად მომზადებული ხელოსნები, ამ სოფლის შვილნი და იმათი დახმარებით წაუშობტებთ კიდევ ერთ საქმეს: დავაარსებთ სახელოსნოს, სადაც სოფლის სკოლაში დამთავრებულები გადავლენ სახელოსნოში ხელობის შესასწავლად“<sup>33</sup>.

ოი, ტიპიური მიზანი, გეგმა და მისწრაფება კულტურტრეგერი ხალხოსნების მოღვაწეობისა: შექმნა პატარ-პატარა ფურჩისებური ასოციაციისა. ყველაზე საგულისხმიერო ისაა, რომ თვით მასებია ჩაბმული საერთო კეთილდღეობის შექმნის საქმეში, თვით მასები სჭედენ თავიანთ ბედს. და ისიც, რომ კულტურტრეგერი ხალხოსნები ნიკო ბერიშვილის და მისი მეუღლის ლიზა კოშკაძის ახალი მოღვაწეობა არ არღვევდა „სა-

<sup>33</sup> ე. გ. ბ. ა. შ. ვ. ი. ლ., გამარჯვებული ნიკო, ტ. I, გვ. 466—470.

ზოგადო მშვიდობიანობას“, მაგრამ საკმარისად საფუძვლიანად ძირს უთხრიდა არსებულ წყობილებას.

აქაა ეკატ. გაბაშვილის შემოქმედების უდავოდ დიდი პროგრესულობა. ის მომავლის მწერალი იყო თავის დროზე. მომავლისაკენ იყურებოდა და იქით უხმობდა მკითხველთა ფართო წრეებს, მიუხედავად იმისა, რომ ჩვენი მწერალი ქალი, როგორც წინამდებარე მიმოხილვიდანაც აშკარად დავინახეთ, სავსებით ვერ გათავისუფლდა ძველი გემოვნებისაგან და რომანტიული წერის მანერისაგან.

არისტოკრატიული ელფერი საგრძნობლად მქლავნდება ეკ. გაბაშვილის შემოქმედების საერთო სტილურ დახვეწილობაში; მისი შემოქმედების ენა უბრალო, მარტივი, დაუხვეწავი, კორძიანი კი არ არის, როგორც ეს სხვა ხალხოსან მწერალთა შემოქმედებაში გვაქვს, არამედ დახვეწილი, სხარტი ენაა. ფეოდალურ-ბურჟუაზიული ესთეტიკის თვალსაზრისითაა მწერლის მიერ აღწერილი ე. წ. განათლებული ქართველი საზოგადოების ბინის მოწყობილობა, მისი დამამშვენებელი სამკაულები, ზოქმედ პირთა ტანსაცმელი, დროის გატარება. ასეთივე გაგებითაა მოცემული პეიზაჟიც. მართალია, მწერლის გარკვეული გამკიცხავი უარყოფელი დამოკიდებულებაა მოცემული თავადაზნაურთა მიმართ, მაგრამ მასთან ერთად რაღაც თბილი გრძნობაც გამოსჰქვივის ძველი დარღვეული ფეოდალური ბუდეების აღწერაში. მწერლის დაკვირვება, სიყვარული, მეგობრობა, სიძულვილი, შურისძიებაც კი მოწმობს მის კავშირს თავადაზნაურობასთან.

მაგრამ, როგორც წინამდებარე მიმოხილვიდანაც შეიძლება დავინახოთ, უნდა ითქვას, რომ აღნიშნული თვისებები სრულიადაც არ განსაზღვრავს ეკატ. გაბაშვილის შემოქმედებითს მეთოდს. ეს თვისებები მწერლის შემოქმედებას საერთო ხალხოსნურ მიმართულების დენაში მხოლოდ თავისებურ ხასიათს აძლევს. ეკატ. გაბაშვილის პოეტური აპერეპტია, მისი შემოქმედების თემა, მოქმედ პირთა ასპარეზის ჩვენება და შეფასება, მისი ძირითადი გულისყური და სიმპათიები, რასაკვირველია, „კულტურტრეგერული“ ხალხოსნურ მიმართულებას უფრო ენათესავენა. ამიტომ მისი ადგილიც ხალხოსან მწერალთა რიგებშია.





3 5 4 4 - 3 3 5 3 3 2 5



## შ ე ს ა ვ ა ლ ი

ვაჟა-ფშაველა XIX საუკუნის ქართული ლიტერატურის ისტორიაში მზის სხივებით ანთებულ და მასთან ერთად მთის ჭანლითა და ნისლით დაბურულ მწვერვალსავით მოჩანს. მისი შემოქმედება უხვად ბრწყინავს ნაირ-ნაირი ბუნებრივი ფერებით, რაც მას მეტად თავისებურ, არაჩვეულებრივ მიმზიდველობასა და ადგილს აძლევს ქართულ ლიტერატურაში.

ძნელია დავასახელოთ ქართულ ლიტერატურაში მეორე დიდი მწერალი, რომლის მიმართ ისეთი მერყევი და სხვადასხვა, ხშირად საწინააღმდეგო, დამოკიდებულება იყოს როგორც თანამედროვეთა, ისე შემდეგ თაობათა შორის, როგორც ეს ვაჟა-ფშაველას მიმართ გვაქვს.

ვაჟა-ფშაველას შემოქმედება ქართველ მკითხველ საზოგადოებაში და კრიტიკაში პოეტის სამწერლო ასპარეზზე გამოსვლისთანავე იწვევდა სხვადასხვაგვარ შეხედულებას, ხშირად სრულიად ერთიმეორის საწინააღმდეგოს. თუმცა, უნდა ითქვას, ვაჟა-ფშაველას ნიჭის სიდიადე, ორიგინალობა არასოდეს არ ყოფილა არც სადავო და არც საეჭვო. არაჩვეულებრივი, გიგანტური პოეტური ნიჭი მთის მგოსნისა მეტად თვალსაჩინო და მომხიბვლელი იყო თავიდანვე, რომ ვინმე მას ამ მხრივ შესადავებოდა. სადავო იყო მწერლის შემოქმედების ენა, ზუნება, მსოფლმხედველობა, მისი ლიტერატურული მიმართულების რაობა. ეს საკითხები ამ სამოცდაათი წლის მანძილზე აღელვებდა, აფიქრებდა და აბნევდა პოეტის მკითხველებს.

ვაჟა-ფშაველას შემოქმედების სწორი გაგებისა და ანალიზის მიზნით საჭიროა გამოყენებულ იქნას ის გენიალური მიდგომა, რომლითაც ვ. ი. ლენინი-სარგებლობს დიდი რუსი მწერლის ლევ ტოლსტოის შემოქმედების ახსნისათვის.

ვ. ი. ლენინი 1908 წელს, ლევ ტოლსტოის დაბადებიდან 80 წლის თავზე, აღნიშნავდა რა ტოლსტოის შეფასებაში კრიტიკოსთა ცალმხრიობას, წერდა, რომ ლ. ტოლსტოის შემოქმედების გაგება და დაფასება მის შემოქმედებაში აშკარად გამოვლინებულ წინააღმდეგო-

ბათა სწორი ახსნა-გაგების გარეშე შეუძლებელია: „წინააღმდეგურობა ტოლსტოის ნაწარმოებებში, შეხედულებებში, მოძღვრებებში, სკოლაში მართლაც ხმამაღლა მლაღადებელია“<sup>1</sup>. ვ. ი. ლენინი, აღნიშნავს რა ლევ ტოლსტოიში სხვადასხვა ხასიათის წინააღმდეგობას, სხვათა შორის, შემდეგსაც უსვამს ხაზს: „ერთი მხრივ, კაპიტალისტური ექსპლოატაციის ულმობელი კრიტიკა, მთავრობის ძალადობათა, სასამართლოს და სახელმწიფო მმართველობის კომედიის მხილება, სიმდიდრის ზრდისა, ცივილიზაციის მონაპოვრებისა და მუშათა მასების სიღატაკის, ველურობისა და ტანჯვა-წვალების ზრდის წინააღმდეგობათა მთელი სიღრმის გადაშლა; მეორე მხრივ, — სალოსის ქადაგება, რომ „ბოროტებას წინააღმდეგობა არ გაეწიოს“ ძალადობით. ერთი მხრივ, უაღრესად ფიზიკური რეალიზმი, ყველა და ყოველგვარი ნიღაბის ჩამოგლეჯა;—მეორე მხრივ, ერთ-ერთი ყველაზე საზიზღარი რამის ქადაგება, რაც კი არის ქვეყნად, სახელდობრ: რელიგიისა, მისწრაფება, რომ სახაზინო სამსახურის ხუცების ადგილას ზნეობრივი რწმენის ხუცები დადგენ, ე. ი. დაინერგოს უაღრესად გაქნილი და ამიტომ განსაკუთრებით საძაგელი ხუცობა“<sup>2</sup>.

იქვე ვ. ი. ლენინი ლევ ტოლსტოის შემოქმედებაში არსებულს წინააღმდეგობათა შესახებ შემდეგ ახსნას იძლევა: „მაგრამ წინააღმდეგობანი, — წერს ლენინი, — ტოლსტოის შეხედულებებსა და მოძღვრებაში შემთხვევითი რამ კი არ არის, არამედ იმ წინააღმდეგური პირობების გამონატყულებაა, რომლებშიც ჩაყენებული იყო XIX საუკუნის უკანასკნელი მესამედის რუსეთის ცხოვრება. პატრიარქალური სოფელი, რომელიც მხოლოდ გუშინ განთავისუფლდა ბატონყმობისაგან, პირდაპირ წასალეკად და გასაცარცვაგად ჰქონდა მიცემული კაპიტალსა და ხაზინას. გლეხური მეურნეობისა და გლეხის ცხოვრების ძველი ბურჯები, ის ბურჯები, რომლებიც მართლაც საუკუნეთა განმავლობაში იდგა, არაჩვეულებრივი სისწრაფით ინგრეოდა... ტოლსტოის შეხედულებათა წინააღმდეგურობა... ნამდვილი სარკეა იმ წინააღმდეგური პირობებისა, რომლებშიც ჩაყენებული იყო გლეხობის ისტორიული მოქმედება ჩვენს რევოლუციაში“<sup>3</sup>.

ვაჟა-ფშაველას შემოქმედების სახით ჩვენ გვაქვს ანალოგიური მოვლენა. წინააღმდეგობები ვაჟა-ფშაველას შემოქმედებაშიც შემთხვევითი როდია; ისინიც მკვეთრი და ცოცხალი გამომხატველნი არიან პოეტის

<sup>1</sup> ვ. ი. ლენინი, ლევ ტოლსტოი როგორც რუსეთის რევოლუციის სარკე, თბ., ტ. 15, 1950 წ., გვ. 237.

<sup>2</sup> იქვე, გვ. 238.

<sup>3</sup> იქვე, გვ. 238—241.

დროის, XIX საუკუნის უკანასკნელი მესამედისა და XX საუკუნის პირველი ათეული წლის საქართველოს სინამდვილისა.

მწერლის შემოქმედების გაცნობისთანავე მკითხველი ადვილად ხვდება, რომ ვაჟა-ფშაველა დიდი დიპლომატიის შემოქმედია. მკითხველი მის მრავალწახნაგოვან ქმედობაში გრძნობს და ხედავს არა მარტო მთისა და მთიელის ყოფისა და მდიდარი ბუნების ცოცხალ, მიმზიდველ სურათს თავისი უშუალოებით, მრავალფეროვნებითა და სიმკვეთრით, თავისი მრისხანებით, სტიქიურობით, შურისძიებითა და სინაზით (ეს მთის მგოსნის შემოქმედებისა და ნიჭის გამოვლინების მხოლოდ ერთი მხარეა — ეთნოგრაფიული, დიდი პოეტური სიმკვეთრითა და ექსპრესიით ასახული), არამედ, მასთან ერთად, მკითხველს იტაცებს მგოსნის მრავალწახნაგოვანი განწყობილება, ღრმა მსოფლმხედველობა, რომელიც ლამობს თავისებურად, არაშაბლონურად, თუმცა ზოგჯერ არასწორად, გაიგოს გარემო სამყარო, შეიცნოს მისი მოძრაობის ძირითადი კანონი, განიცადოს ცხოვრება მთლიანობაში — ჰარმონიითა და დაულაგებლობა-შეუსაბამობით.

ეს გარემოება აიხსნება იმით, რომ ვაჟა-ფშაველას შემოქმედებაში მეტად თავისებურადაა შეხვედრილი და შედუღებული დიდი ეპოქის მსოფლიო კულტურათა ცვლის პროცესში აღმოცენებული ნაირ-ნაირი მტკივნეული საკითხები და მისწრაფებანი, აზრები და გრძნობები, სახეები და ცნებები. მკითხველს განსაკუთრებით იზიდავს დიდი პოეტის სწორედ ეს მეორე მხარე, რომლითაც ის ჰქმნის საერთო-საკაცობრიო ხასიათისა და მნიშვნელობის ღირებულებას, რასაც მწერალი აპყავს არაჩვეულებრივ სიმაღლეზე და აცილებს მას არა მარტო მთის, არამედ ეროვნულ ჩარჩოებსაც.

ვაჟა-ფშაველას ცხოვრებისა და პოეტური მოღვაწეობის ხანა დიდი სოციალური ძვრებისა და გარდატეხის ხანაა როგორც საქართველოში, ისე რუსეთსა და დასავლეთ ევროპაშიც. საქართველოს სოციალურ-ეკონომიური ვითარება ამ პერიოდში მჭიდროდაა დაკავშირებული რუსეთთან, რომლის ცხოვრებაც აჩქარებული ტემპით იშლება კაპიტალიზმის სწრაფი განვითარების საფუძველზე. კატასტროფიულად ირღვევა ფეოდალური ყოფა. რუსეთში ჯერ არ არის დამთავრებული გამძაფრებული ბრძოლა ფეოდალურსა და ბურჟუაზიულ კლასთა შორის, იწყება ჭიდილი, და საკმარისად მკაცრი ჭიდილიც, ახლად ფეხმომადგარებულ პროლეტარიატსა და ბურჟუაზიას შორის. დასავლეთ ევროპაში ბურჟუაზიას უკვე გასწორებული ჰქონდა ფეოდალურ კლასთან ანგარიშები და მკაცრ ბრძოლაში იყო ჩაბმული პროლეტარიატთან.

ევროპის, განსაკუთრებით კი რუსეთის ისტორიული ცხოვრება დიდ გავლენას ახდენს საქართველოს ეკონომიურ, პოლიტიკურ და საზოგადოებრივ-კულტურულ ცხოვრებაზე. აღნიშნულ პერიოდში საქართვე-

ლოში თანდათანობით ინტენსივობით განვითარდა კაპიტალიზმი. ჯერ არ იყო დამთავრებული (სათანადო სიმძაფრითაც-კი გაშლილი) ბრძოლა ფეოდალურსა და ბურჟუაზიულ კლასთა შორის, რომ საქართველოს სოციალური ცხოვრების წიაღში ჩნდება ახალი კლასი — მუშათა კლასი, რომელიც საგრძნობი სისწრაფით იწყებს ზრდას განსაკუთრებით 90-იანი წლებიდან.

1898 წელს რკინიგზის სახელოსნოში პირველად ეწყობა დიდი გაფიცვა; შემდეგ 1900 წლამდე თბილისის სხვადასხვა საწარმოში მოეწყობა და ჩატარდა მთელი რიგი დიდი გაფიცვები, მაისობანი და დემონსტრაციები. ი. სტალინის, ლ. კეცხოველისა და მოწინავე მუშების მეცადინეობით ეწყობა არალეგალური ლიტერატურის ბეჭდვა და გავრცელება თბილისის მუშებს შორის, აგრეთვე ამიერკავკასიის ცალკეულ რაიონებში.

ასეთს მეტად რთულ ეპოქაში, — როდესაც ხდებოდა ისტორიული მოძრაობა აღმავალი კაპიტალიზმისა, ხდებოდა მძლავრი საზოგადოებრივი გადანაცვლება, როდესაც ეს „ღვეი“ კაპიტალიზმი თავისი განვითარების კანონებითა და ზრდით იპყრობდა მთელ მსოფლიოს, კერძოდ, საქართველოსაც, არა მარტო მის ბარს, არამედ მთასაც, თანდათან შესამჩნევად ანგრევდა ამ უკანასკნელის კლდოვან ვიწროებსაც და მასაც ახალი ისტორიის ფერხულში აბამდა, — მოუხდა ვაჟა-ფშაველას სამწერლო ასპარეზზე გამოსვლა. 80-იანი წლებისათვის, როდესაც ვაჟა-ფშაველა სამწერლო ასპარეზზე გამოდის, მთაც ფერცვლილია, „აქრელებულია“. აქ ამ „აქრელებულ“ ქვეყანაში პოულობს ვაჟა-ფშაველა თავისი პოეტური შემოქმედებას-ასპარეზს.

ვაჟა-ფშაველა გვეხატება, როგორც ამ მძაფრად შექიღებულ მოვლენათა თუ სამყაროთა მიჯნაზე მიმზიდველი ორიგინალობითა და სიდიადით მდგარი ბუმბერაზი ფიგურა.

როგორც იმ დროს საქართველოს ცხოვრება ამ სხვადასხვა კულტურათა, მსოფლმხედველობათა ურთიერთჭიდლის გამო გარეგნულად, თითქოს, ქაოტურია, მაგრამ, რა თქმა უნდა, შინაგანი მტკიცე კანონზომიერების მატარებელია, ვაჟა-ფშაველას შემოქმედებაც, ერთი შეხედვით, უცნაურია, სტიქიური, არსებითად კი მეტად ღრმა პოეტური ხედვით, ინტუიციით თავისი ეპოქის სინამდვილის ამსახველია.

ვაჟა-ფშაველას თავისებურება და ორიგინალობა იმაში იხატება, რომ მან თავისი ეპოქის ათვისება და მისი პოეტური აღქმა და გამოვლინება შეძლო მის მძლავრ წინააღმდეგობათა მთლიანობაში.

ვაჟა-ფშაველას შემოქმედებაში ასახულ წინააღმდეგობათა ტრაგედია (ეს ლეიტმოტივი მისი შემოქმედებისა) იკვანძებოდა იმ კონფლიქტის საფუძველზე, რომელსაც გარემო ყოველდღიურობისა და მგოსნის თავისებური მსოფლმხედველობის შეჯახება ჰქმნიდა. მაგრამ ახალის,

უკეთესი მომავლის ძიების ნდომაც მის შეგნებაში ძალუმადაა შექრილი და ანდამატივით მიეზიდება მგოსანს ახალი, ბრწყინვალე, თუმცა-კი მისთვის ჯერ მაინც გაურკვეველი ქვეყნისაკენ.

ვაჟა-ფშაველა ქართული ლიტერატურის ისტორიაში გოლიათივით დგას; იგი ხარბად სუნთქავს წარსულითაც და თანადროულობითაც. ის ეამთა ვითარებით ან, როგორც მგოსანს იტყოდა, — „ცხოვრების უკუღმა ტრიალით“ უკმაყოფილო — ხარბად იყურება წინ, ცდილობს ცხოვრების ახალი გაგება, ახალი მორალი გაარკვიოს და თავშეუკავებლივ იქით მიიწივს. ეს გარემოება ართულებს და აძნელებს შწერლის ისედაც მეტად რთულსა და თავისებური შემოქმედების გაგებას.

თუ სამართლიანია შეხედულება, რომ ყოველი ნიჭიერი პოეტი-მწერალი არსებითად ფილოსოფოსია, ხშირად მაშინაც-კი, როდესაც ის არც ერთს ფილოსოფიურ მოძღვრებას არ იცნობს, არც ერთი ფილოსოფიური წიგნიც-კი არ წაუკითხავს, — ეს, უდავოდ, ურყევად უნდა ითქვას ვაჟა-ფშაველას მიმართ.

ვაჟა-ფშაველა, როგორც თავისი პირადი განწყობით, ისე განათლებითაც (გორის საოსტატო სემინარიაში და შემდეგ პეტერბურგის უნივერსიტეტში) ფილოსოფიურ მოძღვრებათაც უნდა გატაცებით დასწაფებოდა, და სინამდვილეში ეს ასეც იყო. ამის შესახებ საგულისხმო ცნობას იძლევა ვაჟა-ფშაველას სკოლის ამხანაგი გორის საოსტატო სემინარიიდან სვ. სალარიძე თავის მოგონებაში: „ლუკამ ადრე დააღწია თავი „კაზიონურ“ ატმოსფეროს და მთელ თავის ძალღონეს ანდომებდა ცოდნის შეძენას. მან შეისწავლა „ბნელი“ ჰერაკლიტი, პლატონის „რესპუბლიკა“, ეპიკური, გადაიკითხა ბეკონი, კონტი, ბოკლი, ღრეპერი, ლებბოკი, სპენსერი, „Современный социализм“ ლაველისა, „მცენარეთა მეტამორფოზა“ გიოტესი და ბოლოს მიუბრუნდა ჰომეროსს, ვირგილიუსს, დანტეს, მილტონს, შექსპირს, ბაირონსა და ფოხტს. მოლემოტისა და ბიუნენერის მატერიალიზმში იგი ეძებდა პასუხს ნივთისა და სულის რაობაზე“.

„ლუკა, — განაგრძობს სვ. სალარიძე, — ეკუთვნოდა იმ მძლავრ მოძრაობას, რომლის ლოზუნგად ერთ დროს იყო: „ცხოვრება თანახმად ბუნებისა“, იგი ვერ ეტეოდა პროგრამის განსაზღვრულ ჩარჩოებში, არ სწამდა პრაქტიციზმი, „პატარა საქმეები“, იგი სპობდა ქვეყნის ბოროტებას ერთი ხელის დაკვრით: „ყველაფერი, ან არაფერი“. ამ თვალსაზრისით ლუკა ანარქისტი — „Свободник“-ი იყო, რომლის ფეიერბახული ჰუმანიზმი აღწევდა კოსმიურ საზღვრამდე. ლუკა სტოიკი, ფიზიკულტურის მოტრფიალე, პირველი ქართველ-ელინია, რომელიც შეედულა ბუნებას... ლუკა — ეს ჩანასახშივე გენიალური ნიშნების გლეხი, ბუნების შეგარძნობასა და გაგებაში ორივე ფეხით იდგა სპინოზას პანთეის-

ტურ თვალსაზრისზე და ღმერთად მიაჩნდა სამყაროს გასულიერებული სუბსტანცია“<sup>4</sup>.

სვ. სალარიძის „მოგონებიდან“ მოყვანილი ცნობა მეტად საგულისხმოა. ის ადასტურებს ვაჟა-ფშაველას ფილოსოფიისადმი დიდ მიდრეკილებას, მით ფრიად დაინტერესებას, ამასთან ერთად, პოეტის სერიოზულ ნაკითხობასა და განათლებას. ვაჟა-ფშაველამ, რაც ვერ მოახერხა მიეღო ამ მიმართულებით გორის საოსტატო სემინარიაში, მოისურვა ხარვეზი შეევესო პეტერბურგის (ახლანდელი ლენინგრადის) უნივერსიტეტში, სადაც ის, როგორც თავისუფალი მსმენელი, ერთ წელზე მეტი გატაცებით ისმენდა ლექციებს ფილოსოფია — ისტორია — ლიტერატურაში.

პოეტს, მწერალს, რა თქმა უნდა, ვერ მოეთხოვთ პოეტურ შემოქმედებაში მთლიანი ფილოსოფიური მსოფლმხედველობის გამოხატვას, მთლიანი ფილოსოფიური სისტემების ასახვას. პოეტს, მწერალს, ჩვეულებრივ, ახასიათებს ფილოსოფიური შეხედულებების მიმობნევა თავის შემოქმედებაში. ლიტერატურის მკვლევარისათვის სწორედ ეს შეხედულებებია არსებითი, მათი გამომქლავება, გაერთიანება, გამორკვევა, როგორაა ისინი განსაზღვრული მწერლის ფსიქოლოგიით, მისი მსოფლმხედველობით. ეს უნდა იყოს მკვლევარისათვის ძირითადი მწერლის პოეტური სამყაროსი და შემოქმედების პროცესის შესწავლისას. ასევე უნდა მოვიქცეთ ვაჟა-ფშაველას შემოქმედების გარკვევის დროს.

ზემოთქმულთან დაკავშირებით არ შეიძლება მართებულად მივიჩნიოთ ზოგიერთი ლიტერატორის შეხედულება ვაჟა-ფშაველასა და მისი შემოქმედების შესახებ: „ვაჟა-ფშაველა, — წერს გ. ქიქოძე, — ჩამორჩენილი ადამიანი იყო. ვერც სემინარიის კურსმა, ვერც უნივერსიტეტის ლექციებმა თანამედროვე სული ვერ ჩაუდგეს. მისი მგრძობიარობა პრიმიტიული დარჩა, მისი ფანტაზია — ველური, მისი მორალი — საშუალო საუკუნოებრივი. მას არაფერი გაეგებოდა არც ჩვენი უტილიტარიზმისა, არც ჩვენი რაციონალიზმისა... არ ჰგავდა არც ჰუგოს, არც ლამარტინს, არც ნოვალისს, არც ჰეინესს. არავის ჰგავდა ამ ქვეყანაზე. არავითარ სკოლას არ ეკუთვნოდა; თვით ჩვენ მწერლებთან არაფერი აკავშირებდა, გარდა მოკრძალებისა, ან წინააღმდეგობისა. ლიტერატურული ტრადიციების გარეშე იდგა: გაუტყეპნელი გზით დადიოდა და უცნაურ მხატვრულ ენას ხმარობდა, როგორიც ჯერ არავის უხმარია ქართულს ლიტერატურაში“<sup>5</sup>.

ასეთი მრავალმხრივ მცდარი შეხედულება ვაჟა-ფშაველას პიროვნ-

<sup>4</sup> სვ. სალარიძე, მოგონებანი, ლიტერატურული მემკვიდრეობა, ტ. I, 1935 წ., გვ. 96—97.

<sup>5</sup> გ. ქიქოძე, ვაჟა-ფშაველა, ტ. I, 1922 წ., გვ. XVIII—XIX.



ნებასა და შემოქმედებაზე შედეგია მგოსნის ზერელე შეფასებისა. ვაჟა-ფშაველას შინაგანი სამყარო, მისი პოეტური ალლო არაჩვეულებრივად მდიდარი, მძლავრი და მრავალნაირია. ვაჟა-ფშაველას კრიტიკოსებს უნდათ მისი ლიტერატურული მიმართულება ჩაქედონ ამა თუ იმ ლიტერატურული დოქტრინის ცნობილ ჩარჩოებში, რომლებშიც შეუქმლებელია ჩატეულ იქნას, მართლაც, უცნაური პოეტური ქმედების პროცესით, შინაარსით შესრულებული მთავრად მგოსნის ორიგინალური შემოქმედება.

ვაჟა-ფშაველას ცხოვრებას, პიროვნებას, მისი შემოქმედების ბუნებას თუ ყურადღებით ჩაუვკვირდებით, დაერწმუნდებით, რომ ის ღვიძლი და მასთან ერთად ნიჭიერი, გენიოსთა რიგებს რომ განეკუთვნება, შეიღია თავისი ეპოქისა, ქართული საზოგადოებრივი ცხოვრების სინამდვილისა; ის აგრეთვე ბუნებრივსა და დიდ მწვერვალს წარმოადგენს ქართული ლიტერატურის განვითარების გრეხილში.

ვაჟა-ფშაველამ მიიღო თავისი ეპოქის (საკმარისად რთულის) როგორც შინაური, ისე გარეშე ნაირ-ნაირი მიმართულება-განწყობილებანი, ნიჭიერად, თვითმყოფურად შეაზარდა ისინი ერთიერთმანეთს და თავისი პოეტური ხილვის ორიგინალური ქვეყანა უცნაური გასხივოსნებითა და მიმზიდველობით დაგვიხატა.

წინამდებარე შრომის მიზანია ვაჟა-ფშაველას შემოქმედების ბუნებისა და თავისებურებათა გარკვევა. გზადაგზა, მგოსნის შემოქმედების ანალიზის საშუალებით. კონკრეტული მასალის ჩვენებისა და შესწავლის საფუძველზე, შევეცდებით, შეძლებისდაგვარად, გამოვამჟღავნოთ მგოსნის როგორც მრავალწახნაგოვანი პიროვნება და ნიჭი, ისე მისი ორიგინალური მსოფლმხედველობა და მდიდარი პოეტური სამყარო თავისი ღირსებითა და ნაკლით. ამასთან ერთად, ვაჟა-ფშაველას შემოქმედების ანალიზის დროს მუდამ უნდა გვახსოვდეს, რომ ის თავისი გიგანტური ნიჭით უპირველესად დიდი მხატვარია, რომ აქაა მისი შემოქმედების დომინანტა.

ვაჟა-ფშაველა და ქართული კლასიკური  
ლიტერატურა

I

მდიდარი და მრავალფეროვანია ვაჟა-ფშაველას შემოქმედების წყაროები. მთის მგოსნის პოეტური ქმედება ძირითადად დადლებულია ქართველი ხალხის მდიდარ ზეპირმეტყველებაზე<sup>1</sup>. მაგრამ მას აგრეთვე ნიჭიერად აქვს ათვისებული ქართული ლიტერატურის კლასიკოსების — შ. რუსთაველის, დ. გურამიშვილის, ილ. ჭავჭავაძის, აკ. წერეთლის და სხვათა ლიტერატურული ტრადიციები, მათი მაღალი წამყვანი იდეები და შემოქმედების მდიდარი პოეტური ხერხები. ვაჟა-ფშაველას, როგორც მოწაფე-თანამოკალმის დამოკიდებულება დასახელებული მწერლებისადმი პოეტისათვის დამახასიათებელი თავაზიანი მადლიერებით, გულწრფელობითა და პირდაპირობითაა მოცემული მთელ რიგ მის ლექსებში („რუსთაველის ნეშტს“, „დავით გურამიშვილის ხსოვნას“, „ნიკოლოზ ბარათაშვილის ნეშტს“, „შენდამი“ (ვუძღვნი ილ. ჭავჭავაძის ხსოვნას). „აკაკის საიუბილეოდ“ და მრავალი სხვ.).

დასახელებულ მწერალთაგან ვაჟა-ფშაველას დამოკიდებულების ნათელსაყოფად ნიმუშისათვის მოვიყვანთ მცირე ნაწყვეტებს პოეტის ლირიკული ლექსებიდან.

ვაჟა-ფშაველა მეტად მკვეთრად გრძნობს მჭიდრო კავშირს ქართველი ხალხის მესაიდუმლე პოეტებთან, რომელთაც ნიჭიერად ამოიკითხეს ხალხის ცხოვრების გულნადები მისწრაფებანი და ნიჭიერად ჩააქსოვეს თავიანთ პოეტურ შემოქმედებას, რომელთაც გარკვეული კვალი დააჩნიეს მთის მგოსნის ნიჭსა და პოეზიას. ლექსში „ნიკოლოზ ბარათა-

<sup>1</sup> ამის შესახებ დაწვრილებით იხ. ქვემოთ, თავი „ვაჟა-ფშაველა და ქართული ხალხური ზეპირმეტყველება“.

შვილის ნეშტს“ მადლიერი ვაჟა-ფშაველა თავის წინამორბედს დიდი სასოებით მიმართავს:

დიდება შენს ჩანგს, რომ ბევრჯელ  
თვალზე ცრემლები მომგვარე...

ჩანს ნ. ბარათაშვილის სევდა, საზოგადოებრივი მდგომარეობის დაკნინებით გამოწვეული და ძალუმიად ასახული მის შემოქმედებაში, გულში ხვდებოდა ვაჟა-ფშაველასაც, ზრდიდა მას, თავისებურ კვალს ტოვებდა როგორც მის სულში, ისე მის შემოქმედებაში

ასეთივე მჭიდროა კავშირი ვაჟა-ფშაველასი XVIII საუკუნის ქართული ლიტერატურის ერთ საუკეთესო წარმომადგენელთან, დ. გურამიშვილთან:

შენ ჩემო წინამორბედო,  
უძვირფასესო პაპაო!..  
შენის ცრემლებით მოვხარე

ჩემის გრძნობების ფაფაო;  
ამგვარი საკმლის კეთებას  
დიდი სლომნია ჯაფაო... და სხვ.

აქ აშკარადაა მგონის მიერ გამოთქმული, რომ სათავე შის შემოქმედებას იქვე აქვს, სადაც დ. გურამიშვილის პოეზიას. ასეთსავე მჭიდრო ურთიერთობას აცხადებს ვაჟა-ფშაველა თავის თანამედროვე მწერლებთან ილიასა და აკაკისთან.

აი როგორ მიმართავს ილიას ვაჟა-ფშაველა ლექსში „შენდამი“.

დღესნამდე შენდამი ტრფობა, —  
ახლა კი ვიტყვი კვებითა, —  
თუ მოვითანე უვნებლად  
გვეშული ათას მებითა,

დღეიდან ოხერ-მოხრები  
მას ვერ გასთელენ ფეხითა,  
ვერ ამომგლეჯენ გულიდან  
ვერა რომელი ხერხითა... და სხვ.

ასეთივეა ვაჟა-ფშაველას პატივისცემით გამსჭვალული გრძნობა აკაკისადმი, რომლის ტკივილები მასაც სტიკია. ლექსში „აკაკის საიუბილეოდ“ ვაჟა-ფშაველა ღრმა, ნაზი თანაგრძნობითა და მადლიერი განწყობილებით მიმართავს აკაკის:

იმავე ჰირით ვარ სწეული,  
რაც შენ გატყვია წულულადა... და სხვ.

ცხადია, ქართული ლიტერატურისა და მისი კორიფეების უბეშია გამოშუშული ვაჟა-ფშაველას პოეტური ნაჭი. რა თქმა უნდა, ყველაზე მეტად ვაჟა-ფშაველა დავალებულია ქართული ფოლკლორისაგან. ქართული ხალხური ზეპირსიტყვიერების სალაროდან მგონსა მრავალი ძვირფასი მარგალიტი ამოიღო (ამ საკითხს ქვევით შევეხებით), მაგრამ ხშირად ისიც ქართული ლიტერატურის საბუღარში გამოატარა, შემდეგ თავისი მდიდარი შემოქმედების ლაბორატორიაში „გარდაქმნა, გადაადნო, გადაადულა“, ამ გზით ხელიხელს საგოგმანებელ მარგალიტად

გამოსქედა და გადმოსცა ქართულ და (გადაჭარბებული არ იქნება, თუ ვიტყვი) საკაცობრიო ლიტერატურის საგანძურს.

ცნობილია, ხალხური ზეპირსიტყვიერება, რა პერიოდსაც არ უნდა მიეკუთვნებოდეს ის, რეალური ცხოვრების, სინამდვილის ამოუშლელი ბეჭდის მატარებელია. ის ყოველთვის ეხმაურებოდა ხალხის ცხოვრების საჭირობოტო, თუ სალხინო მოვლენებს; თავისებურად, მკვეთრად სვამდა ადამიანისათვის მუდამ მტკივნეულს „ყოფნა-არყოფნის“ საკითხებსაც. სწორედ ბუნებრიობა, ცხოვრებასთან უშუალო მჭიდრო კავშირი, — ეს მეტად ძვირფასი მხარეები ხალხური შემოქმედებისა, ნიჭიერადაა შესისხლბორცებული და შექსოვილი ქართული ლიტერატურის კლასიკოსების შემოქმედებაში (შ. რუსთაველის, დავ. გურამიშვილის, ილ. ჭავჭავაძის, აკ. წერეთლის და სხვათა). ქართულ ოფიციალურ ლიტერატურასა და მის საუკეთესო წარმომადგენელთ ვაჟა-ფშაველა ამ მიმართულებითაც უახლოვდება.

ვაჟა-ფშაველას გაგებით, მოვლენის „მშვენიერება მის ბუნებრიობაშია დამალული“. ერთ-ერთს თავის წერილში „სად არის პოეზია?“ ვაჟა-ფშაველა ასე განმარტავს მწერლისა და მწერლობის ბუნებას: „მწერალს მუდამ უნდა ახსოვდეს, რომ ბუნებრივ კანონს არ უმტყუნოს, წესიერება ბუნებისა დაცვას, — ისე უნდა გადმოსცეს სურათი, რომ არა ვსთქვათ — ეს ყოვლად შეუძლებელია, ეს ბუნების წინააღმდეგია... ყველა გრძნობას თავისი ბუნება აქვს, თავისი აგებულება, საათი დაბადებისა. ხანა სიყრმისა, სიჭაბუკისა და სიკვდილისა, — ყველა ეს მხედველობაში უნდა ვიქონიოთ. ამიტომ არიან უკვდავნი ქმნილებანი უკვდავთა ავტორთა, რომ ამ წესს არ ჰღალატობენ იმ ნაწარმოებთა მთხველნი“<sup>2</sup>.

ცხადია, ძირითადში ვაჟა-ფშაველა რეალისტური მიმართულების საფუძველზე დგას — ცხოვრების სინამდვილის, მისი ტიპიური მოვლენებისა და ტიპიური გარემოს ასახვას ემსახურება. ამიტომაც ის ასე მანლობელია იდეურად ახალ ქართულ ლიტერატურაში რეალიზმის ფუძემდებლობისა — ილიასი და აკაკისა.

\* \* \*

ვაჟა-ფშაველა, როგორც ილ. ჭავჭავაძე და აკ. წერეთელი, როგორც საერთოდ რუსი და ჩვენი სამოციანელები, რომელთა შემოქმედებამ და პრაქტიკულმა მოღვაწეობამ ვაჟა-ფშაველაზე საგრძნობი გავლენა იქონია, ხელოვნებასა და მწერლობას აფასებდა უტილიტარული თვალსაზრისით, ე. ი. ხელოვნებასა და მწერლობას აფასებდა მათი საზოგადოებრივი ღირებულების მიხედვით, რამდენადაც ისინი საზოგადოებისათვის

<sup>2</sup> ვაჟა-ფშაველა, სად არის პოეზია?, საქართველოს სსრ მეცნიერებათა აკადემიის ხელნაწერთა ინსტიტუტი, ფონდი S, № 5317.

სასარგებლონი იყვნენ. აქედან გამომდინარე, ქართველი და რუსი მესამოციანელები, კერძოდ, ილ. ჭავჭავაძე და აკ. წერეთელი მწერალს და საერთოდ ადამიანს უყურებენ და აფასებენ როგორც საზოგადოების მედგარ მოქმედ მოქალაქე-წევრს, რომლის მოღვაწეობა ხალხისათვის, მასებისათვის სასარგებლოა, გზის მაჩვენებელია, წასაბაძავი მაგალითია, რათა საზოგადოებრივი ცხოვრება საღ, სამართლიან საფუძველზე მოეწყოს და განმტკიცდეს. ეს შეხედულება, როგორც რუსეთში, ისე საქართველოში ეპოქალურ მოთხოვნილებად გადაიქცა იმ სოციალური ძვრებითა და, ამის საფუძველზე იმ სოციალური გადასაცვლებით გამოწვეული, რუსეთსა და საქართველოში რომ ხდებოდა სამოციანიდან ცხრაასიან წლებამდე, როცა გლენობისა და მუშების გამათავისუფლებელი მოძრაობა თანდათან ძლიერდებოდა, ირაზმებოდა და თავის ხედვრს თხოულობდა.

ვაჟა-ფშაველა ამ მიმართულებით თავის ეპოქის ღვიძლი შვილია, ისიც მთელი თავისი მოღვაწეობის მანძილზე თავის წინამორბედ-უფროს თანამოქალაქეებსავე ხელოვნებას, მეცნიერებას, მწერალსა და ადამიანს ითვალისწინებს მათი საზოგადოებრივი სარგებლობის თვალსაზრისით.

ვაჟა-ფშაველას გაგებით, პოეტი ისეთი უხვად დაჯილდოებული ბუნების ადამიანია, რომელიც ცხოვრებას კარგად იცნობს და მდიდარი და მახვილი ალლოთი სიმართლით აფასებს საზოგადოებრივ მოვლენებს. მისი გაგებით, პოეტი, უპირველესად, თავისი ქვეყნის შვილია, მისთვის თავდადებული მოღვაწე, ვაჟკაცი (ამ სიტყვის საუკეთესო მნიშვნელობით), რომელიც მედგარად ებრძვის სამშობლოს მტერს, ემოყვრება მის მოკეთეს და მით ამტკიცებს საზოგადოებრივ დასაბამს. ქვეყნის, მოძმეთა კეთილდღეობის საკითხი მგოსნისათვის ძირითადი მამოძრავებელი ძალაა:

გულს ნუ გაიტეხ, მგოსანო,  
 ხმალი აგლე ფხიანი,  
 მოკეთეს ემოკეთევე  
 და მტრებს მიეცი ზიანი;

გულს ჩაიყენე სისხლად  
 ჩვენი ქვეყანა მთიანი, —  
 ეგებ ჩვენც გამოგვიდარდეს,  
 დღე დავინახოთ მზიანი!

(„მგოსანს“)

ამ „მზიან“ დღეს ეტრფოდნენ ჩვენი და რუსი მესამოციანელები, ვაჟა-ფშაველაც ამითვეა ამოძრავებული. პოეტი ამ საერთო განწყობილებას მესამოციანელებთან თვითონაც გარკვეულად აღნიშნავდა, როცა ამბობდა „იმავ ჳირით ვარ სნეული, რაც შენ გატყვია წყლულადა“<sup>3</sup>,

<sup>3</sup> ვ ა ჟ ა - ფ შ ა ვ ე ლ ა, აკაკის საიუბილეოდ, თხზ., ტ. II, 1950, ა. აბაშელისა და ა. შანიძის რედ., გვ. 117.

რაც აჩნდათ თერგდალეულ მწერლებს, განსაკუთრებით მათ საუკეთესო წარმომადგენელთ — ილიასა და აკაკის.

ვაჟა-ფშაველაც, უყურებს რა პოეტს, როგორც ქვეყნის შვილს, ქვეყნის ღირსეულ მოქალაქეს, მოვალეობად უთვლის მას თავისი პოეტური ნიჭი გარემოს საყვირად გადააქციოს, საზოგადოებრივი ცხოვრების ყველა მოვლენის მიმართ ფხიზლად და სიმართლით აამუშაოს თავისი მახვილი კალამი. როგორც თერგდალეულ მწერალთათვის იყო დამახასიათებელი, ისიც ასეთი მოთხოვნით მიმართავს მგოსანს:

მსმენლის გულსა ჰკარ მალამოდ  
სიტყვა მართალი, წყლიანი,  
ადულე გრძნობა, ადულე,  
ჰქეა იქმნას დავლათიანი!  
რა ტურფა სანახავია

ქვეყანა ქვეათა-ყოფელი,  
ერთის ფიქრით და გრძნობითა  
გამტკიცებული სოფელი.  
მტერს რა ლამაზად დაჰხედება  
არსებით განუყოფელი  
(„მგოსანს“)

ვაჟა-ფშაველა მგოსნისადმი ასეთი მიმართებით ამჟღავნებს თერგდალეულებთან საერთო ტკივილს, გამოწვეულს მაშინდელი ქართველი საზოგადოების დაქსაქსულობით, ნიადაგდაკარგულობით. მთის მგოსანიც მტკივნეულად განიცდიდა ქართველი საზოგადოების ამ გარემოებას. ისიც კარგად ხედავდა, რომ საზოგადოებას გამოფხიზლება ესაჭიროება, რომ ქვეყნის წინმსვლელობისათვის, უკეთესი ცხოვრების პირობების მოსაპოვებლად და დასამყარებლად აუცილებელია დაქსაქსული ძალების გაერთიანება, ქვეყნის საერთო, სასარგებლო ფრონტის შექმნა და სიმტკიცით, გატაცებით და თავდადებით მუშაობა.

პოეტს, ვაჟა-ფშაველას გაგებითა და ღრმა რწმენით, როგორც ეს დამახასიათებელი იყო თერგდალეული მწერლებისათვისაც, პირადი ყოველთვის საზოგადოებრივი კეთილი დასაბამისადმი აქვს დამორჩილებული, მას ტანჯვა ვერ გატენს, ის მრავალ უმადურობას გმირულად იტანს. მრავალ შევიწროება გამოვლილი პოეტი მაინც მუდამ მხნედ გაჰკვივის:

არ ვულალატებ სიცოცხლით  
გზას ჩემს ველიანს სავალსა.  
დაე, იცინოს ეშპაქმა,

თავზე მაყაროს ჭოქოლა,  
ჩემს რწმენას ვერ დიამონებს  
ბილწების გამგე ბობოლა.  
(„სიმღერა“)

ვაჟა-ფშაველა კარგად გრძნობდა და დიდადაც აფასებდა პოეტის სიტყვის გავლენის ძალას მკითხველზე. მრავალ მის ლექსსა და სიმღერაში მისთვის დამახასიათებელი სიმძაფრითა და ინტომურობითაა ასახული პოეტსა და მკითხველს შორის დიდი უშუალო ძალის მქონე მორალური ურთიერთობა:

ჯული სკრის, გონება ზომავს,  
ორნივე შენ გებარებიან,  
ნეტავი შენა, თუ სხვათიც

გულნი შენს ეზავებიან,  
ვისაც შენ ერჩი, მოქმენიც  
იმასვე ელავებიან!

(იქვე)

ასეთსავე დანიშნულებას — საზოგადოებრივი ცხოვრების დულაბისას — ვაჟა-ფშაველა არა მარტო პოეტს უსახავს, არამედ ყოველ შემგნებულ მოქალაქეს, ადამიანს, ვისაც-კი უნდა ეს სახელი სრული კმაყოფილებითა და გაგებით ატაროს. მას ამით სურს პოეტის და ადამიანის-მოქალაქის ვალდებულება უფრო გაზარდოს. მუდმივი, მჭიდრო, განუყრელი კავშირის მოქალაქისა (მით უმეტეს პოეტისა-მწერლისა) ცხოვრებასთან, მის ყოველდღიურ მოვლენებთან ვაჟა-ფშაველას მიაჩნია ძირითად და ერთადერთ სწორ და აუცილებელ ნიადაგად კაცის (განსაკუთრებით კი პოეტის-მწერლის) ფიქრისა და მოქმედებისა.

აი რას გვიმტკიცებს ვაჟა-ფშაველა ერთ-ერთ თავის წერილში: „მგონისათვის უსათუოდ საჭიროა რაიმე მომხდარი ამბავი, ანუ ფაქტი, რომელმაც უნდა აღუძრას მას გულის სიმები, ალაპარაკოს იგი, გრძნობაზე მოიყვანოს, კალამი ააღებინოს ხელში, შემოქმედების ფრთა გააშლევინოს. შეიძლება ეს ამბავიც იყო და თვით ავტორი არ იყოს პირდაპირი მოწამე მომხდარის ფაქტისა, ვინაიდან ამბავიც იგივე ფაქტია. ხოლო ისიც უნდა ვსთქვა, ვისაც რომელიმე გრძნობა სიყვარულისა, თუ სიძულვილისა თვით არ უგვრძნია, არ გამოუცდია პირადად, იმ გრძნობის მგონად ვერ ვიწამებთ, ვერც აღწერს იგი ამ გრძნობას ისე, რომ მსმენელთა ყური და სმენა დაიმონავოს და ათქმევინოს „რა მშვენიერებაა“... მგონის შემოქმედებასაც მასალა სჭირია, არარად მხოლოდ არარა იქნების. მასალა-კი თვით ცხოვრებაშია, გარეშე ცხოვრებისა და ბუნებისა-კი სრული არარაობაა“<sup>4</sup>. აქაც, სხვათა შორის, მკლავნდება ვაჟა-ფშაველას მსოფლმხედველობის რეალისტური მიმართულება და მისი თავის ეპოქასთან და მესამოციანელებთან მჭიდრო კავშირი. ნამდვილი მოქალაქის, მით უმეტეს პოეტის, მუდმივი სურვილი, ვაჟა-ფშაველას მძლავრი შინაგანი გაგებითა და მოთხოვნილებით, ასეთი უნდა იყოს:

გამზარდოს, მომცეს ძალ-ღონე,  
ვეწამლო ქვეყნის კენესასა;  
გამზარდოს, ღრუბლად მაქციოს,  
მძიმეთ დამტვირთოს წვიმითა.  
რომ მოვრწყო გული ქვეყნისა

დაუშრობელი მილითა:  
ავაქიკვიკო ბულბული  
სალამოთი და დილითა,  
და წავრსდგე ჩემს მეუფესთან  
ხელთ ანთებულის ცვილითა.  
(„მოლოდინი“)

<sup>4</sup> ვ ა ჟ ა - ფ შ ა ვ ე ლ ა , მცირე რამ კიდეც „ვეფხისტყაოსნის“ შესახებ, ხელნაწერთა ინსტიტუტი, ფონდი S, № 5317.

ასეთსავე აზრს ვაჟა-ფშაველა უფრო მეტი გარკვეულობითა და სიმძაფრით ავითარებს ლექსში „ნუგეში მგოსნისა“. აქაც მგოსნის ცხოვრების აზრი და დაკმაყოფილება მოძმისათვის კეთილდღეობის ზრუნვაშია. მოქალაქე (განსაკუთრებით იგულისხმება პოეტი-მწერალი) მაშინ არის კმაყოფილი, ბედნიერი, როდესაც ის მოძმის მტერს „კუპრითა და ლაფით შეჰმუსრავს“, როდესაც ის არამც თუ სხვას არ გასტაცებს ლუჯ-მაპურს, არამედ ჯაფით ნაშოვნს სხვას გაუყოფს და „ნალართა და დაფით“ მედგრად აუწყებს სიყვარულს თანამოძმეებს.

ვაჟა-ფშაველას, აღტყინებულს საზოგადოებრივი კეთილდღეობით, თავის ამგვარი, კმაყოფილებისა და სიხარულის მიმცემი გრძნობა უნდა სხვათაც გადასცეს და გადამღები აღფრთოვანებით შთააგონებს მკითხველს: „ოტა მაქვს, ოტას ვჯერდები, ბეჩაფთაც ვაუზიარებ, სიკეთისათვის სიკეთეს არავის დაუგვიანებ“. ვაჟა-ფშაველა ვაჟაკადაც იმას თვლის, ვისაც მოძმის საკეთილდღეოდ აღმოქმედებია თავისი ძალა და ნიჭი.

ერთ-ერთს თავის „სიმღერში“ („ყველასაცა გვაქვს...“) ვაჟა-ფშაველა ასე გამოხატავს თავის დამოკიდებულებას კაცის-მოქალაქის (რა თქმა უნდა, მით უმეტეს პოეტის, მგოსნის) ღირებულებებისადმი:

დიდებულს იმას ვეძახი,  
ვინც ანგარიშის გარეთა  
ქვეყნის უირსა და ვარაშხე  
ღაიქვითინებს მწარეთა.

ვაჟა-ფშაველამ კარგად იცოდა, ხედავდა და ხშირად, ძალიან ხშირად. თავისი პირადი ცხოვრების მაგალითითაც კარგად რწმუნდებოდა, რომ გზა მწერლისა ნართა და ეკლითაა მოკირწყლული, მწერალს ცხოვრება მწარეს, ნალველს უფრო მეტს ასმევს, „არცა კლავს, არც არჩენს, არც სულს ალევინებს“, როგორც მწარედ კვნესოდა ხოლმე აკწერეთელი. მაგრამ ვაჟა-ფშაველას შეხედულებით, როგორც მის წინამორბედთა ილიასა და აკაკის რწმენით, პოეტი მაინც ვალდებულია კალამი ხელიდან არ გააგდოს, შეუპოვრად, მტკიცედ იდგეს თავის საგუშაგოზე.

აი რასა წერს პოეტი ერთ-ერთს თავის მნიშვნელოვან წერილში „რამე-რუმე“: „წერაზე არა რომელიმე ჰქვათმყოფელი მწერალი ხელს არ აიღებს, რადგან დარწმუნებულია, რომ მწერლობა ძალაა, ერთ უმთავრეს იარაღთაგანია ერის წინსვლისა, მისი გონებისა და ცხოვრების გაუკეთესობისა... მწერლობა მაშინ ასრულებს თავის წმინდა მოვალეობას, როცა უკეთესად ემსახურება ქვეყანას. უკეთესი ქვეყნის სამსახური მწერლობისა კიდევ იმაში გამოიხატება, რომ ყოველი წვლი-



ლი, ავი თუ კარგი, თავის ქვეყნისა ესმოდეს, შეგნებული ჰქონდეს მისი საჭიროება და სხვებსაც შეაგნებინოს ესევე — ყველა ავადობას, ყველა წყლულს წამალი დასდვას. და მაშასადამე, კარგი მწერალიც ის არის, ვისაც უკეთ შეუგვნია ეს საჭიროება და უკეთესად ემსახურება ამ საჭიროების დაკმაყოფილების საქმეს<sup>5</sup>.

ვაჟა-ფშაველას ურყევი რწმენით, ის კაცი (მით უმეტეს პოეტი-მწერალი) ატარებს სანატრელ სახელს ქვეყნის შვილისას, ვინც „აზრის და სიმატლისათვის კვდება“. ამ რწმენით აიხსნება მგოსნის გაუტეხელი გულით თახილი:

რაც უნდა ჰარა მომკარძო,  
ბილწით არ შავეკვირი ზავითა;  
მცნებას ვერ შემაცვლევინებ  
მოზღვავებული ავითა!..<sup>6</sup>

ვაჟა-ფშაველა მწერლის დანიშნულებასა და მის მიერ თავისი მოვალეობის პირნათლად შესრულებით გამოწვეული სიხარულისა და კმაყოფილების მაღალ განცდას დიდი პოეტური სიძლიერით გამოხატავს ერთ-ერთ თავის „სიმღერაში“ („როს ვუყვირდები თავის თავს...“). ვაჟა-ფშაველას შეხედულებით, პოეტის ქმედობის დასაბამი სიკეთეა — „მაღლი“. „მაღლია“ რომ ამოძრავებს, ამეტყველებს, ამგოსნებს კაცს, ზრდის, ამკვეთრებს მის გონებასაც, ნიჭსაც და ზნეობასაც.

ვაჟა-ფშაველას გაგებით, პოეტი მაშინ ადის თავის სიმაღლეზე, მაშინ პოულობს და ამქლავნებს კიდევ ის თავის ნიჭის ძალასა და მნიშვნელობას, როცა ის თავისში ჩაკვირვების შეშდეგ „მაღლს დასთვლის ათასობითა, ცოდვა სამ მრჩება კენტადა“, — სწორედ მაშინ ივსება ის რაღაც უჩინარი, გრძნეულის შემოქმედებითი ძალით, აღფრთოვანებით. ამ მაღალ პოეტურ განწყობილებას ვაჟა-ფშაველა ასე გამოხატავს:

მხრები მესხმება, ვიზრდები,  
ცალ ვიწვევ ასაფრენადა;  
გაჩნდება სითლაც ნათელი,  
გულს ჩამიდგება სკეტადა;

ზღვავედბა მწყობრი სიტყვები  
ქალაღზე დასაბღერტადა;  
მითრთიან გულის სიმები  
სიამოვნების ღმერთადა.  
(„სიმღერა“)

ასეთი განცდის მომენტში პოეტს არ შეუძლია სღუმდეს, ის მონახდება თავისი ამგვარი აღფრთოვანებული განწყობილებისა — „ჩანვისა“. მაშინ ის მღერის, არ იმღეროს არ შეუძლია, მის სიმღერას ალტაცებაში მოჰყავს მსმენელიც, თვითონაც მოსწონს თავისი ჩანვის მწყობრი სიძთ-

<sup>5</sup> ვ ა ჟ ა - ფ შ ა ვ ე ლ ა, რამე-რუმე, ხელნაწერთა ინსტიტუტის, კონდი S. № 5317.

<sup>6</sup> მ ი ს ი ე ვ, სიმღერა („დამსეტყვე, ცაო, დამსეტყვე“).

ყღერა. ამგვარი სიხარულისა და კმაყოფილების განცდას პოეტი ასე გვიხატავს:

კქუხს ჩანგი, აღარ ისვენებს,  
მეც მხოლოდ მღერა მწადისა;  
იშლება, მღერაში დნება  
ბუღე ყველა სხვა დარდისა.  
ზღვად ვცურავ ნეტარებისა,  
წვერი ხელთა მაქვს კალთისა,  
კალთაში ვარდი მეშლება,  
თაუზე მანანა დამდისა.

(იქვე)

პოეტი ამ მდგომარეობაში ბედნიერია. ის მადლობელია მშობლისა, თავის „გაჩენის-გაზრდისა“. ის აღარ ემდურის ბედს. მაშინ მას ნაპოვნი აქვს თავისი საზოგადოებრივი ღირებულება, თავისი ადგილი საზოგადოებრივ ცხოვრებაში. მაშინ ის ხედავს, რწმუნდება, რომ თავის დანიშნულებას, თავის სიცოცხლე-არსებობას ამართლებს.

ვაჟა-ფშაველა, პოეტისათვის „მადლის“ — სიკეთის აუცილებელი მნიშვნელობა რომ გაამახვილოს და მკითხველთათვის ეს თვალსაჩინო გახადოს. პოეტის ცხოვრების საწინააღმდეგო მდგომარეობასაც გვისურათებს. მაგრამ, ამბობს ვაჟა-ფშაველა, თუ მგოსანს „ცოდვები მოსჭარბდა“, მაშინ მისი ნიჭის მოქმედება სრულიად შეცვლილია; „სდუმს“ მისი ჩანგი, მისი „გული ბნელია“, ის სწავლობს „ლაღად“ იმღეროს, სიტყვა სთქვას „ცხელი“, მსმენელის-მკითხველის აღმაფრთოვანებელი. ამაოა მისი ცდა-ტანჯვა: „იგივე მარჯვენა და კაცი, იგივე კალამი მჭრელია“, მაგრამ „დაჩლუნგებულა, დამდგარა“. ასეთს პირობებში პოეტი, ვაჟა-ფშაველას თქმით, ჯოჯოხეთს განიცდის, იწვის, გაჩენის დღესა სწყევლის.

ასე ყოფილა მგოსანსა,  
თუ მადლი გაჰოელია, —

კატეგორიული რწმენის ტონით ასკვნის ვაჟა-ფშაველა.

ასე უყურებდა და აფასებდა მთის მგოსანი პოეტსა და მის დანიშნულებას. ასეთი შეხედულებით, თავისებური „ცხელი“ სიტყვითა და შალახარისხოვანი ლექსითა და სიმღერით ვაჟა-ფშაველა ქართულ ლიტერატურაში ამტკიცებდა ილ. ჭავჭავაძისა და აკ. წერეთლის მიერ შემოტანილ შეხედულებას მწერლისა და მწერლობის საზოგადოებრივი ძალისა, დანიშნულებისა და მნიშვნელობის შესახებ.

ვაჟა-ფშაველას ეპოქა (განსაკუთრებით 80-იანი წლები) საზოგადოებრივი ცხოვრების შევიწროებისა, რღვევისა და, არა იშვიათ შემთხვევაში, ადამიანის დაჩივების ხანაა. გამეფებული რეაქცია მკიდროდ და დაუნდობლად სჭიმავდა საზოგადოებრივი ცხოვრების სალტეებს. ყოველი საღად მოაზროვნე მტკივნეულად განიცდიდა ამ „უთავბოლო ცხოვრების“ მოწესრიგების აუცილებლობას. ლიბერალებისა და რევოლუციურ დემოკრატების ბრძოლის ძველი გზები ბატონყმობასა და თვითმპყრობელობასთან ამ დროისათვის უკვე ამოწურული იყო; ახალი გზები უკეთესი მომავლისა ახლად იკვალებოდა. ისინი მრავალთათვის, ხშირად საზოგადოების მოწინავე ნაწილისათვისაც-კი ჯერ კიდევ ბუნდოვანი იყო. ხშირად საზოგადოების საუკეთესო წარმომადგენლებსაც იპყრობდა იმ დროის მძიმე ნალვლიანობა. ასეთი განწყობილება ხომ დამახასიათებელი იყო აკაკისათვის და სხვა მრავალთათვის. დროდღრო ასეთივე განწყობილებაა გამოვლინებული ვაჟა-ფშაველას შემოქმედებაშიც. მუდმივი მკიდრო, განუყრელი კავშირი ადამიანისა ცხოვრებასთან მის ყოველდღიურობასთან ვაჟა-ფშაველას, როგორც ზევითაც აღვნიშნეთ, მწერლის ფიქრისა და მოქმედების არსებით და აუცილებელ ნიადაგად მიაჩნდა.

ვაჟა-ფშაველა გამახვილებული გულისყურით უკვირდება გარემო საზოგადოებრივ ცხოვრებას, მძიმედ განიცდის „სოფლის უკულმა ტრიალს“. ეს ტკივილი მასში უფრო ღრმავდება, როდესაც აღშფოთებული მგოსანი, ერთი მხრით, ითვალისწინებს ბუნების მრავალფეროვანი ცხოვრების კანონზომიერ დაწყობილებას, განიცდის მის მოვლენათა მოძრაობასა და სიხარულს, ხოლო, მეორე მხრით, რწმუნდება ადამიანთა ცხოვრების მოუწესრიგებლობაში. მაშინ ვარამი, მგოსნის გულში ჩამდგარი, მატულობს, „ცეცხლი ეღება“ პოეტის გულსა. ბოლშევიანი პოეტი თავის ტკივილს ასე ამცნობს მკითხველს; „ეს ჩემი გული ტიალი ისევ და ისევ სტირისო“. პოეტის ტკივილი უზომოა, მას არც კი ჰგონია, რომ სხვასაც „მასებრივ გული სტიოდეს“. მგოსანი გამოტეხილი გვაშცნობს, რომ მას ქვეყნად ვერ უპოვია ვერც მკურნალი და ვერც წამალი ამ მწუხარებისა, მისი მწვავე განცდითა და განცხადებებით, მისი ბოლშის განკურნვა შეუძლებელია „ქვეყნის მეფეთა ვერცხლითა“-ც კი. უკულმართი ცხოვრების პირობებით, მტრის ჯავრითა და სატრფოს (სამშობლოს) უიმედო ტრფიალით გაწამებული მგოსანი აკაკისებურად შემოგვჩივის:

ადარცა ვრჩები, არც ვკედები,  
განკურნებისა მწყურვალი,  
გულს ცალკერძა ჰკლავს მტრის ჯავრი,

მეორით — სატრფოს ტრფიალი.  
ორითვე გაუშაძლარი  
წეკქმნილვარ ოხერ-ტიალი.

(იგულში მატულობს ვარამი...“)

პოეტს გული ერჯის სამოქმედოდ, მაგრამ ის შებოკილია. უმოქმედო ცხოვრება კი ვაჟა-ფშაველას სევდას სევდაზე უმატებს. პოეტს ეშინიან უქმი ცხოვრებით გამოწვეული მწუხარებისა, ვინაიდან მისი გაგებით, ეს გაუნელებელი იქნება მარად ჟამს:

ვაი, რომ საიქიოსაც  
გინება დამიხვდებაო!..  
აქ ჩემი უქმად ცხოვრება  
იქ თვალ-წინ დამიდგებაო, —

ავბობს მძიმედ გულდაკოდლილი მწერალი თავის „სიმღერაში“ („რას შემომღმეი მდინარე...“).

ვაჟა-ფშაველა, რა თქმა უნდა, თავის ამა და ამგვარ ლირიკულ ლექსებში გვაძლევს არა მარტო პირად, ინდივიდუალურ განწყობილებას, არამედ ამ განცდების საშუალებით საზოგადოების საერთო მდგომარეობას გვიხატავს; თავის განწყობილებაში პოეტი ანზოგადებს საზოგადოებრივ განცდებს, ატიპიურებს მათ და მხატვრულ სახეებში გვაძლევს.

ლირიკული ნაწარმოები მხოლოდ მაშინ ამდიდრებს ლიტერატურულ საგანძურს და რჩება მასში, როდესაც ნაწარმოებში ასახული გრძნობები, განწყობილებები, აზრი გამომხატველია, დამახასიათებელია საზოგადოების ამა თუ იმ ჯგუფისათვის; მხოლოდ ამ შემთხვევაშია ლირიკული ნაწარმოები საზოგადოებრივი ღირებულებისა, მაშინაა ის მხატვრული. ვაჟა-ფშაველას ლირიკული ლექსები მითაა ძვირფასი, რომ მდიდარ ფორმალურ მხარეებთან ერთად, მათში ასახული განწყობილებანი — უმოქმედობა, უკმაყოფილება, სევდა, ხშირად უიალქნო ძიებით გამოწვეული — ვაჟა-ფშაველას ეპოქაში დამახასიათებელი იყო საზოგადოების დიდი ნაწილისათვის. მისი ლირიკა, კერძოდ სევდის გამომხატვაშიც, უდავოდ, ტიპიური სახეების შემცველია.

პოეტს ფრიად აღონებს „ჩვენი ყოფა“. ის მასში თავის თავს „ობლად გრძნობს“, თითქოს ის „უცხო თემშია“. ის ვერსად ვერ ხედავს სანუგეშოს. ნიკ. ბარათაშვილისავით ის ებრძვის ბედს, უნდა მთაზე გადავიდეს (გაარღვიოს შემბორაკავი რკალი) იმ იმედით, რომ „იქნება ვაკე დაუხვდეს“, იპოვოს „სავალი გზა“, ცოცხალი მივიდეს სახლში, იქ დაისვენოს, მხოლოდ იქ, და მით „წყლულს მოუპოვოს წაპალი“. მაგრამ მგოსანს ეს ოცნებით შექმნილი იმედიც სწრაფ მოეწამლება:

მაგრამ ან სახლში რა ვინდა —	ფიქრები წამიხვდებაო:
დედა არ დამიხვდებაო.	ლხინის მაგივრად სახლშია
ვიჭაერებ, შორით ნაფიქრი	ტირლი დამიხვდებაო...

(იქვე)

რა არის პოეტის ამ ტირილის მიზეზი? ვაჟა-ფშაველა, მის დროში არსებული სულისშემხუთავი პოლიტიკური და ცენსურული პირობე-

ბის გამო, ამ მიზეზთა პირდაპირ დასახელებას გაუბრძის. ის, როგორც ეს მაშინ დამახასიათებელი იყო ქართული ლიტერატურის წარმომადგენელთათვის, იძულებულია ნილაბი მოიმარჯვოს და თავისი გულნადები მკითხველს გააგებინოს მკვეთრი, არაჩვეულებრივად ნიჭიერი პოეტური ქარაგმებისა და ალეგორიების საშუალებით. ამ ხერხს მთის მგოსანი მთელი პოეტური მოღვაწეობის მანძილზე ნიჭიერად იყენებს.

მგოსანი რომ ამბობს — „სახლშიო“, გულისხმობს სამშობლოს. სამშობლოს სავალალო მდგომარეობა, რომელშიც მძლავრად იგრძნობა „გაუტანლობა, მოყვარის გმობა“, მას გულს უწყლულებს. მგოსანი თავს ველარ იკავებს. ის ბოღმამორეული გვამცნობს, რომ მის მოძმეთ „ჭკვა და გონება“ დაუკარგავთ, რის შედეგადაც „ყუაყ-ყორანის საბუღრად იქცა ჩვენი სახლი და კარია. მოვემწყვდით ორ წყალშუა, აღარსად ჩვენთვის ნავია... არ ვიცით ჟამ-კარ არეულთ, სად დავახწიოთ თავია“<sup>7</sup>. მგოსანი ვერ ურიგდება ამ მდგომარეობას. მისი „ყოფნის შეება“, მგოსნის აღიარებით, სიყრმიდანვე იყო მოძმეთა ცხოვრების გაუმჯობესება. მას, როგორც თვით პოეტი მისთვის დამახასიათებელი ზედმიწევნითი სიმკვეთრით გამოჰხატავს, „სიყმილი მკლავდა ძმათა რგებისა“. დღეს-კი, კვენისის პოეტი, „ისა მკლავს, გულს ის მიქენჯნის, ცუდივ ამბავი მესმის ძმებისა“. და პოეტი ასეთ მშვენიერ, დამაჯერებელ შედარებას გვაძლევს: „გუთნისდედისა ყოფნა იფიქრეთ, ნახოს ზაფხულში ხნულები მისა... გადალესილი ქვიშა-ლამითა...“ აი სწორედ ეს გარემოებაა ვაჟაფშაველას გულს რომ ღრღნის „ვით მგესლი გველი“, მის შეგნებას რომ ავსებს „ბედისა მღურვით, ნალველ-შხამითა“.

შეშფოთებული, იმედგაქარწყლებული, მწარე ფიქრებში ნათენთი გულისა და გონების გამონაყურია პოეტის შემდეგი სიტყვებიც:

ბედის ვარსკვლავსაც არ ვგლოვობ,  
ჩამხდეს, თუ ჩამიხდებაო;  
რისათვის ეცოცხლობ, თუ ფიქრი,  
ნატვრა არ ამიხდებაო?!<sup>8</sup>

ასეთმა განწყობილებამ, გამუდმებულმა წვამ არა მარტო პოეტის „გული და გონება“ დაღარა, არამედ მისი პოეტური ჩანგიც დააზიანა. დააჩლუნგა, უწყალოდ სიმები დააწყვიტა. როგორც პოეტი ჩივის: „განწყობა სასიმღერო გულს ეკარება აღარა“. პოეტი თავს უბედურად გრძნობს, თავის თავში ის ველარ ჰხედავს „ჩალის ფასს“, „მკვდარზე მკვდრად გადაქცეულა“. ამ გარემოებაში მყოფი პოეტი, როგორც ეს აქ. წერეთლისათვისაც იყო დამახასიათებელი („თავო ჩემო“), სასო-

<sup>7</sup> ვ ა ჟ ა - ფ შ ა ვ ე ლ ა, ქებათა-ქება, თხზ., ტ. I, გვ. 165.

<sup>8</sup> მ ი ს ი ვ ე, სიმღერა („რას შემომღმუი მდინარე...“).

წარკვეთილებამდე მიდის: სწყველის ბედის ვარსკვლავს, თავის დღეს, თავის შობასა, თითქოს გულზე რაღაც მძიმე ლოდი აწევსო და ასეთი სიმწარით მოსთქვამს თავის მწუხარებას:

ვგლოვობ დაკარგულს ნუგეშა  
და ღადუმებულს გრძნობასა.  
ვაფურთხებ, ვწყველი უქნარსა  
ამ დაოხნებულს ყოფასა,

იქნება ექმნას ნაყოფი  
თავის წვრთნას, თავის გმობასა!  
ჩემი სიცოცხლე სიჩლუნგის —  
რა ვქნა — ვერ შესძლებს ყმობასა!<sup>9</sup>

ვაჟა-ფშაველა დიდი უმუშალობით, სიმძლავრით, დამაჯერებლობით გვაჩვენებს „ათასნაირი ნალველი“ მის გულს „ტუტასავით რომ ჩასდგომია“, მაგრამ მისი გული მაინც ვერ ჩაუკლავს, მისი გულის სამართლიანი სიცოცხლის წყურვილი ვერ შეუჩერებია. ვაჟა-ფშაველას, როგორც ავ. წერეთელს („აღმართ-აღმართ...“), ყველაზე მეტად ის სტანჯავს, ის უკარგავს სასოებას, რომ ვისთვისაც მისი გული მოძრაობს, ვისთვისაც ის შრომობს, იღწვის, ვისთვისაც მან თავის სიცოცხლე ტანჯვითა და სიმწარით გაატარა, ვისთვისაც ის მზადაა თავისი სიცოცხლე დასწევას „ვით ჩალა,“ — ის მას ლანძღავს, შინიდან გარეთ აგდებს, პურს აღარ აჭმევს; ამ „გამცემელთა“ პოეტს შხამი და ნალველი „უსაგძღეს“. ასეთი უმადურობით გაწამებული პოეტი შემოგვიჩივის:

ამ ვერაგობის მიზეზსა  
დავალ და ვკითხავ შთა-ველთა.  
უმადურობის ისრებით  
გამსკვალული მაქვს სხეული.  
საშინელია, ვინ იცის  
უმადურობით სნეული:  
ავალით არა სჩანს, რომ გული  
ცრემლის ტბად არის ქცეული,

არ შიძლება კაცისთვის  
ჭირი იმაზე წყუელი...  
უმადლო კაცმა რა იცის,  
ჰკითხეთ ვინც არი წვნიული, —  
ვისიცა მოყვარისათვის  
შრომა არ დაფასებულა,  
ღვაწლისთვის ვისიც სიცოცხლე  
მმათ-მთიერ გათარსებულა!<sup>10</sup>

ასეთია სულიერი ტრაგედია ვაჟა-ფშაველასი, გამოწვეული ქართველი საზოგადოების მორალური დაკნინებით, რასაც ასეთი ფართო და გამანადგურებელი ხასიათი მიეცა მთელი XIX საუკუნის მანძილზე მეფის რუსეთის ბიუროკრატიულ-კოლონიური პოლიტიკის ბატონობის ხანაში, 1917 წლის დიდ ოქტომბრის რევოლუციამდე, რამაც ქართველი საზოგადოება, ხშირად გზააზნეული, დამონებულ მდგომარეობაში ჩააგდო.

სევდის მოტივი, ვაჟა ფშაველას შემოქმედებაში ასე მკვეთრად რომაა გამოვლინებული, სრულიადაც არ არის მწერლის მორალურ-ფსიქოლოგიური დაცარიელების მაჩვენებელი, პირიქით. სევდის მოტივის

<sup>9</sup> ვ ა ჯ ა - ფ შ ა ვ ე ლ ა, სიმღერა („ჩონგურს სიმები დამიწყდა“), 1950 წ., გვ. 22.

<sup>10</sup> მ ი ს ი ე ე, სიმღერა („ათასნაირი ნალველი...“).

ასეთი სიმძლავრით ასახვა ვაჟა-ფშაველას შემოქმედებაში მოწმობს. სრულიად საწინააღმდეგო გარემოებას. ეს მოწმობს პოეტის მიერ ორმა შეგნებას თავისი თანამედროვე ცხოვრების სინამდვილის ძირითად წინააღმდეგობათა, რომელნიც საზღვრავდნენ მთელი ეპოქის ცხოვრებას; ეს მოწმობს პოეტის მიერ თავისი ეპოქის სინამდვილის მტანჯველი და სამარცხვინო ბოროტებისა და ბიწიერების ღრმა და მტკივნეულ გაგებას. ვაჟა-ფშაველას ლირიკის სევდიანი მოტივის შეფასების დროს ყოველთვის უნდა გვახსოვდეს ის ეპოქა, რომელშიც იშლებოდა და მტკიცდებოდა მგოსნის შემოქმედებითი ძალა და პიროვნება; არ უნდა დავივიწყოთ, რომ მგოსნის ეპოქა საზოგადოებრივ ცხოვრებაში ერთ-ერთი უმძიმესი და უბნელესი რეაქციის პერიოდი იყო.

### 3

XIX საუკუნის მანძილზე ნაციონალური მოძრაობა ფართო ხასიათს იღებს. ეს გარემოება დაკავშირებულია კაპიტალიზმის განვითარებასთან და ბურჟუაზიის თანდათანობით ზრდასთან. კაპიტალიზმის განვითარებასთანვეა დაკავშირებული ხალხის ერთად ჩამოყალიბების პროცესი. საქართველოშიც ეს პროცესი კაპიტალიზმის განვითარების შედეგია.

ბურჟუაზიისათვის არსებითი და ძირითადი საკითხია ბაზარი — გასაღება თავის საქონლისა, როგორც შინაგანი, ისე გარეშე ბაზრის დაპყრობა. ეს კი იწვევს სამკედრო-სასიცოცხლო ბრძოლას, კონკურენციაში გამარჯვებას სხვა ეროვნებათა ბურჟუაზიასთან, სხვა სუსტი ერების ბურჟუაზიის მოქმედებისა და შესაძლებლობის დამორჩილებასა და ჩაკვლას. ამ ნიადაგზე ბურჟუაზიული კლასების თაოსნობით წარმოებს ბრძოლა ერებს შორის — ფაქტიურად კი ბრძოლა წარმოებს გაბატონებულ კლასთა ინტერესებისათვის.

მრავალრიცხოვანი, დიდი და ძლიერი ერის ბურჟუაზია ჩვეულებრივ ბრძოლაში იმარჯვებდა, ჩაგრავდა მცირე ერის ბურჟუაზიას, ხოლო მასთან ერთად ჩაგვრის სიმწვავე მცირე ერის სხვა სოციალურ ფენებსაც ხვდებოდა, რადგან გამარჯვებული ბურჟუაზია კონკურენციის საშუალებით ცდილობს მთლად დაიმონოს მცირე ერი — მთლად გადააქციოს ის გამოყენებისა და თავისი კეთილდღეობის შექმნის წყაროდ. დაჩაგრული ერის ბურჟუაზია, რომელიც გაბატონებული ერის — არსებითად მისი გაბატონებული კლასის — ბურჟუაზიის წინააღმდეგ ლაშობს აწარმოოს ბრძოლა, იბრძვის მთლიანი ერის სახელით. ამ მიზნით ის მიმართავს ხოლმე „მშობლიურ ქვედა ფენებს“.

ასეთ ფრონტზე გაიშალა XIX საუკუნის მეორე ნახევრიდან საქართველოში ბრძოლა რუსეთის ბურჟუაზიულ თვითმპყრობელობასთან, რასაც ამწვაებდა მონარქიული რეჟიმი, გაბატონებული მთლად ყოფილ

რუსეთის იმპერიაში და, კერძოდ, უფრო მეტი სიმწვავეით მასში შემავალ განაპირა ერების მმართველობაში.

ასეთი უხეში კოლონიური პოლიტიკის გატარებამ, მრავალმა რეპრესიამ „ძალაუფლების მპყრობელთა“ მხრივ, რომლებიც შურს იძიებდნენ განაპირა მხარეებზე მათი „თავისუფლების მოყვარეობისათვის“, — გამოიწვია ქვემოდან საპასუხო ტალღა ნაციონალიზმისა — მძლავრი ნაციონალური მოძრაობა, რომელშიც მონაწილეობა მიიღო ქართველი ხალხის ფართო ფენებმა.

ქართული ნაციონალური მოძრაობის პროცესში ახლადფეხადგმული ბურჟუაზიის იდეოლოგიებთან ერთად მოქმედებენ ქართველი ხალხის სხვა სოციალური ფენებიც. ეს მოვლენა აიხსნება, ერთი მხრით, ქართველი ხალხის კლასობრივ წინააღმდეგობათა განვითარების დონით და, მეორე მხრით, ბურჟუაზიულ-ბიუროკრატიული თვითმპყრობელური მმართველობის მძიმე მარწუხებით, რომელიც ქართველი ხალხის ყველა ფენის განვითარებას აბრკოლებდა, ზღუდავდა.

ეროვნულ-განმათავისუფლებელი ბრძოლის წარმოშობასა და განვითარებას მეფის რუსეთში ვ. ი. ლენინი შემდეგი გარკვეული ობიექტური გარემოებით ხსნის: „პოლონეთის ნაციონალიზმთან ბრძოლით გატაცებულს, როზა ლუქსემბურგს დაავიწყდა ველიკოროსების ნაციონალიზმი, თუმცა სწორედ ეს ნაციონალიზმია ყველაზე საშიში ამჟამად, სწორედ ისაა ნაკლებ ბურჟუაზიული, მაგრამ უფრო ფეოდალური, სწორედ ისაა მთავარი მუხრუჭი დემოკრატიისა და პროლეტარული ბრძოლისა. ჩაგრული ერის ყოველ ბურჟუაზიულ ნაციონალიზმში არის საერთო-დემოკრატიული შინაარსი ჩაგვრის წინააღმდეგ, და აი ამ შინაარსს ჩვენ უთუოდ ვუჭერთ მხარს, ამასთან მკაცრად გამოვყოფთ მისწრაფებას საკუთარი ეროვნული განსაკუთრებულობისაკენ, ეებრძვით პოლონელი ბურჟუას მისწრაფებას — ჩაგროს ებრაელი და სხვ. და სხვ.“<sup>11</sup>

აი ასეთი მდგომარეობის ნიადაგზე დიდი გასაქანი მიეცა ქართულ მწერლობაში და ქართულ საზოგადოებრივ აზროვნებაში იმ ნაციონალურ-რევოლუციურ განმათავისუფლებელ ბრძოლის ფრონტს, რომლის მებაირახტრედ შეიქმნენ XIX საუკუნის დიდი ქართველი მწერლები და საზოგადო მოღვაწენი ილ. ჭავჭავაძე და აკ. წერეთელი თავიანთი თანამოკალმეებით.

რა თქმა უნდა, გარემო ობიექტურმა მდგომარეობამ და ერის არსებობის ძირითადმა მოთხოვნილებებმა განსაზღვრეს ნაციონალურ-გამათავისუფლებელი მოძრაობა საქართველოში.

უნდა ითქვას, რომ ილ. ჭავჭავაძე, აკ. წერეთელი, ი. გოგებაშვილი,

<sup>11</sup> ვ. ი. ლენინი, ერთი თვითგამორკვევის უფლებას შესახებ, თხზ., ტ. 20, გვ. 504.



ნ. ნიკოლაძე, ს. მესხი და ეროვნულ-გამათავისუფლებელი ფრონტის სხვა მოღვაწენი, ბრძოლას აწარმოებდნენ აღნიშნული ძირითადი ნიშნების მიხედვით, თავიანთი პროგრესული მსოფლმხედველობის თანახმად. ისინი აშკარად ხედავდნენ ქართველი საზოგადოების დაცემულობას, მისი ეროვნული სახის დაკარგვას, გადაგვარებას, დაკნინებას. ამიტომ ისინი მთელი შესაძლებლობით ცდილობდნენ კულტურულად და ეკონომიურად ერის დაცემული, გადაგვარებული მდგომარეობის აღდგენა-განმტკიცებას, ერის დარღვეული, გათიშული, დანაწილებული არსებობის გაერთიანება-განმტკიცებას. ამისათვის თვითმპყრობელობასთან ბრძოლისათვის მასების გამოფხიზლება-დარაზმვას, მეზობელ მცირე ერებთან მჭიდრო კავშირის შექმნას უწყობდნენ ხელს.

ასეთ მოღვაწეობაში იხატება აღნიშნულ პირთა პატრიოტული გრძნობა და პატრიოტის მოვალეობის აღსრულება, სამშობლოსადმი სამსახური.

ამავე ფრონტზე ურყევად დგას ვაჟა-ფშაველაც არა მარტო კალმითა და სიტყვით, არამედ პრაქტიკული საქმიანობითაც.

ვაჟა-ფშაველას „ბუკი და ნალარა“ აღჭურვილია ეროვნულ-გამათავისუფლებელი ბრძოლით, ქართველ ტომთა გაერთიანების იდეით, ამ ბრძოლის გაღვივებისა და სასურველად დამთავრების მიზნით, მხატვრული უშუალობითა და დამაჭერებელი ალეგორიებით მძლავრად მოითხოვდა ერის — „მთისა“ და „ბარის“ მთლიანობის აუცილებლობას:

საფუძვლად, მთაო, ბარი გაქვს,  
იციოდე, ტალახიანი.  
თუ ის ჩავარდა უფსკრულსა,  
შენც თან ჩაპყვები ნიადა;  
არ გარგებს, თორაო შენ იცი.  
მთავ, ამაყობა ფრიადა.

(„მთა და ბარი“)

პოეტმა თუმცა განვლო ცხოვრების ხანგრძლივი გზა. „თუმცა-ლა მოიმთაბარა“, როგორც თვითონ იტყოდა, მაგრამ „გუნება გუნებად დარჩა“. პოეტი არ მალავს, რომ მის გულს სიყმაწვილიდანვე აწვალებს იარა, რომელიც მას ჯერაც არ მორჩენია. მისი ჩონგურის „ქლერაც ამ ტკივილის გამომხატველია. მაგრამ პოეტს ის უკოდავს გულს, რომ მისი ფანდურის ქლერაც მხოლოდ სიტყვაა — „თქმა არი, საქმე კი არა“ („ქებათა-ქება“). სიტყვით არ დაკმაყოფილება, საქმის ძებნა, როგორც ეს დამახასიათებელი და მტკივნეული იყო ეპოქისათვის, ვაჟა-ფშაველაც ძალუძმად აწვალებდა და იწვევდა ეროვნულ-გამათავისუფლებელი ბრძოლის ფრონტზე.

მაღალ პატრიოტულ გრძნობას ის მთელი თავისი დიდი ცეცხლიანი

ტემპერამენტით აცხოველებს და შეუბღალავი ღირიზმით სავესე ლექსებსა და პოემებში უხვად აბნევს:

ჩემის კაცობის გვირგვინო,  
ჩემო სამშობლო მხარეო!  
შენგან შობილი ოცნება  
გულს შანთად გავიყარეო!<sup>12</sup>, —

შეპლალადებს პოეტი სამშობლოს.

რა ოცნებაა სამშობლოსაგან შობილი, რომელიც მგოსანს „გულს შანთად გაუყარია“?

ეს ოცნება დამონებული სამშობლოს განთავისუფლებაა. ერთ-ერთ თავის გამოქვეყნებულ წერილში „რას ჰქვიათ თავისუფლება?“ ვაჟა-ფშაველა თავისუფლების შესახებ შემდეგ შეხედულებას ავითარებს: „თავისუფლება მტარვალთაგან (უმცირესობაა) ხალხისათვის (უმრავლესობა) წართმეული ბედნიერებაა. თუ ერთს ადამიანს სტანჯავს, სჩაგრავს ტუსალობა-თავისუფლების წართმევა, ფრინველს და ცხოველს ჰკლავს, რა თქმა უნდა, ხეირს არ დააყრის არც საზოგადოებას, რომელიც ადამინთა კრებულია“<sup>13</sup>.

ვაჟა-ფშაველა ყველასა და ყველაფერს, კერძოდ ადამიანსაც, ითვისებს და სპერეტს ბუნების მთლიანი სიცოცხლის თვალსაზრისით. ერთ თავის დაუმთავრებელ გამოუქვეყნებელ წერილში „სად არის პოეზია?“ იგი წერს: „არ შეიძლება კაცთა ცხოვრებაში ისეთი რამ მოვლენა დავასახელოთ, რომ მისი მსგავსი ბუნებაშიც არ მოიპოვებოდეს... ყველა ის, რაც ბუნებაშია — დამოკიდებულება ცხოველთა შორის, მცენარეთა, ცისა და დედამიწის შორის, წყალსა და ჰაერთან, ყველა ეს ჩვენ კაცთა შორის ხდება. როცა ცა იღრუბლება, მინამ ჭექა-ქუხილი ასტყდება, ყველა სულიერი ძალა უნებურად მწუხარებასა ჰგრძნობს... ვინც ბუნების ავი და კარგი შეიგნო იმას არ გაუძნელდება ცხოვრების ვითარების გაგება, მხოლოდ უნდა მწერალი უყურებდეს ცხოვრებას, თუ შეიძლება ასე ვთქვათ, ბუნების თვალთ“<sup>14</sup>.

ბუნებასთან ახლო მდგომი და მისი უშუალო შემგრძნობი მგოსანი მახვილი თვალთ აკვირდება ბუნებისა და ცხოვრების მტკიცე ბრუნვას და მის მოძრაობის კანონს — ყველაფერს აქვს თავისი დასაბამი, განვითარება, დაძაბუნება და ბოლო. ყველაფერი ბუნებაში კანონზომიერე-

<sup>12</sup> ვ ა ჯ ა - ფ შ ა ვ ე ლ ა, სიმღერა („ჩემის კაცობის გვირგვინო...“), თხზ., ტ. II, გვ. 180.

<sup>13</sup> ვ ა ჯ ა - ფ შ ა ვ ე ლ ა, „რას ჰქვიათ თავისუფლება?“ ხელნაწერთა ინსტიტუტი, ფონდ. S, № 5317.

<sup>14</sup> ვ ა ჯ ა - ფ შ ა ვ ე ლ ა, „სად არის პოეზია?“ ხელნაწერთა ინსტიტუტი, ფონდ. S, № 5317.

ბაშია. ბუნებაში ეს ურყევია. ვაჟა-ფშაველას დაკვირვებით აბაშია სი-  
ცოცხლის ღრმა აზრი და სილამაზე. მაგრამ, როცა ამასთანავე უკვირდე-  
ბა თავისი ქვეყნის დაბეჩავებულს, შევიწროებულს მდგომარეობას, პო-  
ეტი საყვედურისა და უკმაყოფილების კილოთი ამბობს:

მითამ სუველას ბოლო აქვს,  
ზღვანიც კი დაშრებიანო;  
მაშ ჩემის გულის დამპყრელნი  
რატომ არ გასწყუდებიანო?!<sup>15</sup>

ვაჟა-ფშაველა, როგორც ილ. ჭავჭავაძე, აკ. წერეთელი და XIX საუ-  
კუნის სხვა ქართველი მწერლები, ცენზურული პირობებით შეზღუდუ-  
ლი, შევიწროებულია. ის იძულებული იყო მოვლილი გზით ევლო, რომ  
თავისი ნაწარმოები ხალხში გაეტანა ბეჭდვის საშუალებით. ამიტომ ის  
ხშირად მიმართავდა სხვადასხვა პოეტურ ფარულ ხერხს, რათა თავისი  
პატრიოტული გრძნობა, საქართველოს სავალალო დაჩაგრული მდგო-  
მარეობით გამოწვეული, გამოეხატა. ამით აიხსნება ვაჟა-ფშაველას შე-  
მოქმედებაში ხშირი გამოყენება სიმბოლოების, ალეგორიების, ქარაგ-  
მების.

მგოსნის პოეტური აპერცეპცია ხარბადაა ძუძუნაწოვი, როგორც  
თვითონ პოეტი ამბობს, „ღოვლათიანი“ მთის ზნე-ჩვეულებას, მის პოე-  
ზიასა და დიალექტს. ამიტომ ის გაშუღმებით მთის ცხოვრებიდან  
იღებს რეალიებს, რომელთა საშუალებით მგოსანს ეხერხება თავის პოე-  
ტურ სახეებს მისცეს მკვეთრი კონკრეტულობა და შთაბეჭებითი და-  
მაჯერებლობა.

რა თქმა უნდა, ვაჟა-ფშაველას შემოქმედებაში მთის ცხოვრების  
კონკრეტულობით განსახიერებული მისწრაფებანი სრულიადაც არ  
იფარგლებიან მთის ჩარჩოებით; ეს გარემოება მგოსანს ვერ აპრკოლებს  
თავისი განცდა, მისწრაფება და მათი გამომხატველი პოეტური სახეები  
ტიპიურობის მაღალ მხატვრულ საფეხურზე განავითაროს. დაკვირ-  
ვებული მკითხველი მკაფიოდ გრძნობს ვაჟა-ფშაველას განცდების,  
მისწრაფებისა და პოეტური სახეების ტიპიურობას, რომელიც არა მარ-  
ტო მთის ჩარჩოებს სცილდება და პოეტის ეპოქის მთლიან ეროვნულ  
განწყობილებას გამოჰხატავს, არამედ ხშირად ეროვნულ ფარგლებსაც  
სცილდება და საერთო საკაცობრიო ღირებულებების მხატვრულ შემო-  
ქმედებას ჰქმნის.

თუ აკ. წერეთელს სამშობლო ხშირად განსახიერებული აქვს ხან  
საოცნებო სატრფოს, ხან ნესტან-დარეჯანის, ხან ავადმყოფის, ხან  
სულიკოს და სხვათა სახით, ვაჟა-ფშაველა ამავე საგანს ანსახიერებს

<sup>15</sup> ვ ა ჟ ა - ფ შ ა ვ ე ლ ა , სიმღერა („გაზაფხულს ია ამოდის...“), თხზ., ტ. I, გვ. 3.

ხან მწყემსი ქალის, ხან ბებერი ლომის, ხან დაპყრობილი არწივის. ხან ხმელი წითელის, ხან მიჯაჭვული ამირანის და სხვათა სახით.

მაგალითად, ლექსში „მწყემსი ქალი“ ვაჟა-ფშაველა სამშობლოს გეხატავს მთიელი მწყემსი ქალის სახით, რომელსაც „ფეხთ ქალამანი აცვია, ტანთ ქობა გაცვეთილი“, „იმ დღიდან ამ დღემდისინ“, „ზურგზე-და გულა ჰკიდია, თავით კომბალი უძევსო.“ მწყემსი ქალის ამ მდგომარეობით „ბედშავი“ პოეტი სასოებით მიმართავს ზენას: — „მა გოგოს კალთა აფაროს“ და „არიდოს ყველა ავი“.

თუ მის თვალში გაჰქრება  
და სხივს არ მომაყრიანო,  
გულის წულულს არ მომიჩენენ,  
ნისლებს არ ვადმიყრიანო,  
რაც ქვეყანაზე მიწაა,

სულამც მე მომაყრიანო.  
თქვენც გეხვეწებით, ხეებო,  
და შენც, მდინარეც ხმიანო,  
ეგოგო — ჩემი სიცოცხლე  
არაფრით დამიზიანო!

(„მწყემსი ქალი“)

ვაჟა-ფშაველა, როგორც აღვნიშნეთ, დამონებული, შევიწროებული, მაგრამ სიცოცხლეს ძალუმაღ მოწყურებული საქართველოს განსახიერებისათვის მრავალ სხვადასხვა სიმბოლოსა და ალეგორიას მიმართავს. ზშირად გამახვილებების მიზნით მასალას შედარებისა, მეტაფორისა თუ სხვა პოეტური სახის შექმნისათვის მთის ბუნებიდან, მთიელთა ცხოვრებიდან, ან მთიელთა მდიდარი პოეზიიდან უხვდა ჰკრავს.

დაცემული, დანაწილებული საქართველოს ბრძოლა დამმონავებელ პირობებთან, მისწრაფება, არ დამორჩილდეს შემლახველ პირობებს, აღდგეს, იცოცხლოს — აი როგორ დამაჯერებლობითა აქვს ვაჟა-ფშაველას მოცემული ლექსში „არწივი“:

არწივი ვნახე დაპყრობი,  
ყვავ-ყორნებს ეომებოდა,  
ეწადა ბეჩაევს ადგომა

მაგრამ ველარა დგებოდა.  
ცალს მხარს მიწაზე მიითრევს,  
გულის პირს სისხლი სცებოდა.

სამშობლოს მდგომარეობით გამოწვეული „ათასფრიანი“ ვარამი მგოსანს გულში ბალღამსავით ჩასდგომია. სამშობლოზე ზრუნვას მისი „მრავალ ფრთიანი“ ფიქრი მრავალმხრივ აუთთია და აუზომძრავებია.

საქართველოს მუხთალ ხვედრს გაწამებული პოეტი მიჯაჭვული ამირანის მდგომარეობას აღარებს ლექსში „სიზმარი ამირანისა“. ამირანი ანაკადებულ მდინარეს წყურვილის მოსაკლავად დაეწაფა; მან „ხარივით“ გულხარბად დაუწყო სმა, გაძლომა ველარ გაიგო. ამირანი მოულოდნელად ტალღებმა გაიტაცა. ალ-ქაჯთა ხროვა მის სიკვდილს რომ ელოდა, ყიფინით მისდევდა მას, არ ეშველებოდა. ამირანი მდინარემ უდაბურს ადგილას გარყა. მასთან მოგროვდა „პირშავ, მყრალ, ტანბალნიან“ დევთა ხროვა. ისინი თავაზიანი, დაფარული მტრული საღმით მიმართავენ ამირანს, რომლისადმი თავის ბოროტ განზრახვას ვერა

ჰმალავენ — „კბილებს უღრეკენ ნიშ-გებით, ჩუმაღ კუჭებსა ჰკალავ-  
დენ“. ჰოეტი ხაზგასმით აღნიშნავს, რომ ამირანი თვითონაც არა ჰმა-  
ლავდა თავის მტრულ განწყობილებას მათდამი. ამირანი უიარაღო,  
უაბჯრო, რომელიც აშკარად ხედავს დევ-ქაჯთა უსაზღვრო მადას შე-  
ჰამონ ის „როგორც ქადა“, ბოღმა-ბრაზმორეული სინანულით შემდეგს  
წარმოსთქვამს:

უხარისთ, რაკი ხელთ მივლეს  
მათი მოსისხლე მტერია.  
უიარაღო, უაბჯრო,  
რა ძნელი დასაქერია!  
(„სიზმარი ამირანისა“)

ამირანის სახით ვაჟა-ფშაველას დიდი მხატვრულობით, მძლავრი და-  
მაჯერებელი სიმბოლოების საშუალებით განსახიერებელი აქვს საქარ-  
თველოს (ქართველი ხალხის) მდგომარეობა, მისი დიდი წყურვილი სი-  
ცოცხლისა, წინმსვლელობისა, ერთი მხრით, ხოლო, მეორე მხრით, მი-  
სი შებოჭილი პოლიტიკური მდგომარეობა, ყოველი მხრიდან მოსე-  
ული მტერი (ლექსში დევ-ქაჯთა სახით განსახიერებულ), მძიმე დაბრ-  
კოლებები, რომლებიც მას შეუწინაღობად ელობებოდა თავისუფლების  
შენარჩუნებისათვის თავგანწირულ ბრძოლაში.

ამირანის ვედრება თვით ვაჟა-ფშაველას (და ვიტყვით მთელი ქარ-  
თველი ხალხისა თავისი ისტორიის მანძილზე) მძიმე-მტკივნეული გან-  
ცდების ზუსტი გამოხატულებაა.

...ღმერთო მიშველე, მომეც ხელთ ჩემი ხმალია, მურღლად ნუ მომკლავ, ერთს მაინც	რომ არ მოვსთხარო თვალია — მთელი ზედკრული ქვეყანა დევთა სიკერაჲმ დალია!
---	--

(იქვე)

ამაოა ამირანის მუღარა და ცდა განთავისუფლებისათვის. ის ბრძო-  
ლაში ყვავ-ყორნებისაგან (გარს შემოხვეული მტრებისაგან) გულდა-  
ფლეთილი ვაჟკაცია. ამირანი, სიმართლისათვის გამუღმებულ ბრძო-  
ლაში დაქანცული და დამარცხებული, რწმუნდება, რომ მისი ვედრება  
ხმაა მხოლოდ „მალაღდებლისა უღაბნოსა შინა“. სასოწარკვეთილებაში  
ჩავარდნილ ამირანს ცისადმი შემდეგი ჰამღურავი ამოხდება:

„სიმართლის მცველსა არ მშველი, სხვას ვის უშველი?!“ — ვევიროდი. ცრემლს საღ შეეძლო ის ეთქვა,	როგორც მე გულში ვტიროდი. „არა ხარ საწამებელი“, — ვამწარებული ვსჩიოდი.
---	---

ვაჟა-ფშაველას აქ წარმტაცი ოსტატობითა აქვს გამოხატული გა-  
წამებული, ხორციელად დაქანცული, სულიერად დათენთილი ადამი-  
ანის გაცრუებული, სასოწარკვეთილებაზე მიყვანილი სულისკვე-  
თება. ამირანის სახით მთელი გოღგოთაა განსახიერებული გატან-

ჭული ადამიანისა (ქართველი ხალხისა), რომელიც უნდობლობა-ურ-წმუნობამდეც კი მიდის, რომლის უსასობა, უიმედობა უმწვერვა-ლეს წერტილს აღწევს.

ამირანის მდგომარეობაში მკითხველი დიდი სიმახვილით ხედავს ადამიანს (ხალხს) და თანაგრძნობით იმსჭვალება მისდამი, რომელიც დგას უფსკრულის ნაპრაღზე — ტრაგიკული დილემის წინაშე — ან შთანთქმა უფსკრულში, სრული დაცემა-განადგურება, ან დაბრუნება საღ-სამართლიან ცხოვრებაში; ან მონობის უღელ ქვეშ, ან თავისუფ-ლება. საშუალო მდგომარეობა მიწთვის მიუღებელია და არც არის.

გაწამებული ამირანის ასეთი ურწმუნობა და ლტოლვა ნიადაგ და-მახასიათებელი იყო ქართველი ხალხისათვის XIX საუკუნის მანძილზე მეფის რუსეთის უხეში დამჩაგვრელი კოლონიური პოლიტიკის ქვეშ.

ამ ჩაგვრის სისაძაგლეს, მიუღებლობას და მაცნებლობას მთელი სიმძლავრით განიცდიდა რუსი საზოგადოების მოწინავე მოაზროვნე ნაწილიც, რომელთანაც ქართველი მოწინავე საზოგადოება მჭიდრო კავშირში იყო და რომლის მისწრაფებათა და განწყობილების გენი-ალური გამომხატველია მსოფლიო პროლეტარიატის დიდი ბელადი ვ. ი. ლენინი. ის წერს:

„უცხოა თუ არა ჩვენთვის, ველიკორუსი შეგნებული პროლეტა-რებისათვის, ეროვნული სიამაყის გრძნობა? რა თქმა უნდა, არა! ჩვენ გვიყვარს ჩვენი ენა და ჩვენი სამშობლო, ჩვენ ყველაზე მეტად ვმუშაობთ იმისათვის, რომ მისი მშრომელი მასები (ე. ი. მისი მოსა-ზღოების 9/10) ავამადლოთ დემოკრატებისა და სოციალისტების შე-გნებულ ცხოვრებამდე. ჩვენთვის ყველაზე მეტად გულსატკენია ვხე-დავდეთ და ვგრძნობდეთ, თუ რა ძალადობას, ჩაგვრასა და აბუჩად აგდე-ბას განიცდის ჩვენი მშვენიერი სამშობლო მეფის ჯალათების, თავაღ-აზნაურობისა და კაპიტალისტების მხრივ. ჩვენ ვამაყობთ იმით, რომ ეს ძალადობა წინააღმდეგობას ხედებოდა ჩვენი წრიდან; ველიკორუსების წრიდან, რომ ამ წრემ წარმოშვა რადიშჩევი, დეკაბრისტები, 70-იანი წლების რევოლუციონერი რაზნოჩინელები, რომ ველიკორუსმა მუშა-თა კლასმა 1905 წელს შექმნა მასების ძლიერი რევოლუციური პარტია, რომ ამავე დროს ველიკორუსმა გლეხმა დაიწყო დემოკრატად გადაქცე-ვა, დაიწყო ხუცესისა და მემამულის დამხობა“<sup>15</sup>.

ვ. ი. ლენინი, როგორც XIX საუკუნის რევოლუციური პროლეტა-რიატის მასწავლებლები მარქსი და ენგელსი, შთაგონებით ასწავლის რუ-სეთის ამოძრავებულ პროლეტარიატს, რომ „არ შეიძლება თავისუფა-ლი იყოს ხალხი, რომელიც სხვა ხალხებს სჩაგრავეს“.

ვ. ი. ლენინი წერდა: „სწორედ ველიკორუსი პროლეტარიატის ინტე-

<sup>15</sup> ვ. ი. ლენინი, ველიკორუსების ეროვნული სიამაყის შესახებ, თხზ., ტ. 21, გვ. 111—112.

რესთა თვალსაზრისით, საჭიროა მასების ხანგრძლივი აღზრდა იმ აზრით, რომ მათ უაღრესად გადაჭრით, თანმიმდევრულად, გაბედულად, რევოლუციურად დაიცვან ველიკორუსების მიერ დაჩაგრული ყველა ერის სრული თანასწორუფლებიანობა და თვითგამორკვევის უფლება... ჩვენს ნიმუშად დარჩება მარქსი, რომელიც, ათეული წლობით ინგლისში ცხოვრების გამო, ნახევრად ინგლისელი გახდა და მოითხოვდა ირლანდიის თავისუფლებასა და ნაციონალურ დამოუკიდებლობას ინგლისელი მუშების სოციალისტური მოძრაობის ინტერესებისათვის“<sup>17</sup>.

ვაჟა-ფშაველა მისთვის დამახასიათებელი უშუალოებითა და ძლიერებით აგიზგიზებს ეროვნულ-გამათავისუფლებელი ბრძოლის კერას ეროვნული ჩაგვრის, ეროვნული თვითშეგნების გადაგვარებისა და გაყალბების ხანაში. ისიც ილ. ჭავჭავაძესა და აკ. წერეთელსავით დამღერის და დასტრიალებს თავის დაბეჩავებულ სამშობლოს, როგორც თავდადებული გუშაგი-მეხრე:

გულიც შენია, ლეშიცა,  
 უღვაშიც შაღერებული.  
 ვერ გაგცვლი მაინც სხვაზედა

ბედისგან გახელბული.  
 შენს ყოფნას ვაღნობ თვალებსა,  
 ვსდარაჯობ გამგვლებული<sup>18</sup>

ლექსში „ნუგეში მგოსნისა“ ვაჟა-ფშაველა დიდი სიხარულისა და კმაყოფილების გრძნობით აღიარებს, რომ თავის მოღვაწეობის, პოეტური ქმედობის არსს, მნიშვნელობას საზღვრავს და აფასებს სამშობლოსადმი თავდადებული სასარგებლო სამსახურით. მგოსანი ბედნიერია და ნუგეშობს მით, რომ მას „ქვეყნის სარგოდა ფიქრით გამსკვალულს, ავი არ ჩაუდენია“. ის კმაყოფილებით გვეუბნება:

არ მიბობდნია დაბლა ქვემძრომად,  
 შალა დავფრინავ, როგორც გავაზი;

მთხრელი შევჭურე კუპრით და ლაფით;  
 არვის გავტაცე მე ლუკმა პური,  
 სხვასაც გაუუყავ ნაშოვნი ჭაფით,  
 და სიყვარული ჩემს თანამომეტ  
 ვაუწუე მედგრად ნალარით, დაფით.  
 („ნუგეში მგოსნისა“)

არ დაუძველდა ჩემს გულს თვის  
 სატრფო,  
 როგორაც სხვისას, ვნუგეშობ მითა.  
 მე არ ვუთხარე მოძმესა ორმო,

XIX საუკუნეში ქართველი პრივილეგიური კლასი, პოლიტიკური და ეკონომიური ძალა-უფლების დაკარგვის გამო გადაგვარების, დაკნინების გზას დაადგა. იგი, როგორც მას მძლავრი სარკაზმით ახასიათებს ილია ჭავჭავაძე თავის სატირაში „ბედნიერი ერი“, — შეიქმნა: თვალაბმული, თავაქრული, პირს ლაგამი, ზომიერი; ყველა ყრუი; ყველა ცრუი, ჭკვადამჭდარი, გულხმირი; მცირე, დიდი, ყველა ფლიდი, ცუდლუბტი და მანკიერი... მტრის არ მცნობი, მოყვრის მგმობი, გარეთ მხდალი, შინ

<sup>17</sup> ვ. ი. ლენინი, ველიკორუსების ეროვნული სიამაყის შესახებ, თხზ., ტ. 21, გვ. 115.

<sup>18</sup> ვაჟა-ფშაველა, ქებათა-ქება, თხზ., ტ. I, გვ. 165.

ძლიერი; არ რის მქონე, არ რის მცოდნე, უზრუნველი და მშვიერი“. ქართველი საზოგადოების ამ ნაწილის უმეტესობა „გაჩინოვნიკების“ გზას დაადგა და მისთვის საქართველო-სამშობლო სრულიად დაცარიელებულ ცნებად გადაიქცა. აკ. წერეთლის თქმისა არ იყოს, პირში მთქმელი არ უყვარდა, მართლისათვის ილანძვებოდა; თუ შიოდა, პატრიოტობდა, მოძმეთაც უწყრებოდა უმსგავსი საქციელისათვის. მაგრამ თუკი გაძლებოდა, ე. ი. მიიღებდა სახრავ ძვალსა, ჩინოვნიკის მცირე თუ დიდ ადგილს, მაშინ სულ საწინააღმდეგოდ იქცეოდა. „ქვეყანა“ და „ქვეყნის საქმე“, — როგორც ამბობს ილ. ჭავჭავაძე, — იმას ფეხებზე ეკიდა“. აღარაფერს დაგიდევდა ეს ჩინოვნიკი და, როგორც აკაკი წერეთელი ამბობდა, მოურიდებლად გაჰკიოდა:

მომშონს კალინა, მალინა,  
მძულს ვარდები და იაო,  
სამშობლო რასა მიქვიან,  
მეწყურსაც წაუღიოაჲ.

ქართველი ხალხის საერთო ჩაგვრას ზედ ერთვოდა ამ გადაგვარებულთა მიერ ხალხისა და სამშობლოს დაწინაღობა, წეწვა, გაყიდვა ნაწილ-ნაწილად თუ ბითუმად.

ვაჟა-ფშაველაც ილია — აკაკისავით აღმწოთებულთა ქართული საზოგადოების ამ გადაგვარებული ნაწილის განწყობილებითა და მოქმედებით. მგოსანს „მგესლ გველსავით“ შემოპხვევია, მოსვენებას არ აძლევს საქართველოს სავალალო მდგომარეობა, გამოწვეული ქართული საზოგადოების, განსაკუთრებით კი, მისი გადაგვარებული ნაწილის, დამოკიდებულებით, დაუდევრობით, ვინაიდან ის ადვილად მოემწყვდა მეფის რუსეთის მიერ დაგებულ მახეში. ეს ვაჟბატონები ხელსაყრელ იარაღად შეიქმნენ ბიუროკრატიული მთავრობის ხელში მისი ვერაგული ზრახვების ცხოვრებაში გატარებისას. „ციხე შიგნიდან გატყდებოა“ და ბიუროკრატიულმა მეფის რუსეთმაც ამ საშუალებას მიმართა. ადგილობრივ მცხოვრებ მოხელეთა დახმარებით ქვეყანა ადვილად დაიპყრო, დაიმონა.

ქართულმა ლიტერატურამ სამოციან წლებიდან სასტიკად და გაბედულად დაგმო ეს სამარცხვინო მოვლენა ქართველთა ცხოვრებაში (მაგ. აკ. წერეთლის „ავადმყოფი“, „აპელაციის მცოდნე“, „ღამურა“ და სხვ). ვაჟა-ფშაველაც ეხმაურება მას ამ მოვლენის გაკიცხვაში.

ბევრს ვერას გეტყვით, შეილებო, ღმერთს ნუ ჰგმობთ, თქვენი ქირიმი!  
მხოლოდ გაიგეთ: ვტირი მე, თავზე ნუ მახევთ ლეჩაქსა,  
ნუ მწირავთ უპატრონოდა, დაფიქრდით, მრახეთი ვტირი მე!  
მიშველეთ, თქვენი ქირიმი! თქვენს ზრდაში ბევრჯერ მშვიოდა  
ფეხ-მიშველს ძუძუს ნუ მომჰკრით, — და არ ვიცოდო ძილი მე...

<sup>19</sup> აკ. წერეთელი, ცხელ-ცხელი ამბები, გაზ. „დროება“, 1880 წ., № 189.



ვუქრობდი, დაიზრდებოდით,  
მეფონებოდა კირი მე.  
დაიზარდენით და მწიხლავთ,  
რად? რისთვის? თქვენი კირიმე!

რისთვის მიყიდით ტანსაცმელს?  
რად მცარცვავთ, თქვენი კირიმე?

თქვენს ძალას დედაზე იჩენთ.  
სად თქმულა, თქვენი კენესამე?  
სკლილობთ ცოცხალი დამმარხოთ,  
გულზე მაყაროთ მიწა მე.  
ქუძუს ნუ მომპკრით, შვილებო,  
თქვენი დედა ვარ, მიწამე!..  
თქვენს იქით ვისლა ვედღო,  
ქუძუ ვაწოვო ვისა მე?  
(„ღედის ტირილი“)

ვაჟა-ფშაველას სურს ქართველი საზოგადოების ეს ნაწილიც გამოაფხიზლოს; სურს სამშობლოსადმი სიყვარული, მიზიდულობა და ვალდებულობა მასში გააღვიძოს, აამოძრავოს.

ვაჟა-ფშაველას სურვილია თავისი ჩანგის ჟღერა ამ მიზნისათვის გამოიყენოს, სამშობლოს მომხიბლავი მიზიდველობა მკითხველთ დანახვოს, მათი გული მისდამი პრინციპული სიყვარულით ააძგეროს.

ვაჟა-ფშაველა, თავისი სამშობლოს მდიდარი ბუნების სანახაობით აღფრთოვანებული, „ხელს ჩანგით, პირში ენითა ლაღობს და ხარობს ფრიადა“.

მგოსანი, როდესაც თავის ქვეყანას უმზერს ხილული თუ უხილავი ხედვით, ბედნიერია, ის ამ ქვეყანაში ხედავს „სამოთხეს ტურფასა სანახავად“. პოეტი ამ ნეტარების ხილვით „ცა-ხმელთა სწორი“ შექმნილა. მგოსანი მკითხველს ასე გადაუშლის სამშობლოს ხილვით გამოწვეულ თავის აღტაცებას, რომელიც მას უნდა მკითხველსაც გადასდოს:

არც თავი უჩანს, არც ბოლო,  
ასე ვის მოუჩმახია?!  
მაგრამ ტურფა, — გამოსკვირს  
შოგ სახე საქართველოსი;  
მთა, ტუე, მდინარე, ყვავილი  
მშობელი მიწის მდელსი;  
შიგ ჩაქსოვილა გმირთ სახე,  
მამა-პაპათა ქველობა, —

სისხლი და ოფლი ერთურთში,  
ხმლითა მამულის მცველობა  
და ჩემის სატრფიალოსი  
ჯამთ იქით ძველის-ძველობა,  
ვნეტარობ ნეტარებითა,  
ვერ ვძღვები იმის ცქერითა;  
ეს კონა გულში ჩამერგო  
თავ-მოწონებით, მღერითაშ.

\* \* \*

სამშობლოს ბუნების მშვენიერი სანახაობით აღტყინებული პოეტის ფანტაზია, აწმყოთი უკმაყოფილო, ქართველი ხალხის ისტორიაში გადადის, როგორც ეს ილ. ჭავჭავაძისა და აკ. წერეთლისათვის იყო დამახასიათებელი; იქიდან იღებს სამშობლოს ერთგულებისა და თავგანწირული სიყვარულის ცოცხალ, წარმტაც სურათებს, ეპიზოდებსა და სახეებს.

<sup>20</sup> ვ ა ჯ ა - ფ შ ა ვ ე ლ ა, სიმღერა („უნახე სამოთხე ამ ქვეყნად“), თხზ. ტ. I, გვ. 182.

ვაჟა-ფშაველა, როგორც მოვიხსენიეთ, მასალას თავის შემოქმედებისათვის იღებდა მთიელთა ცხოვრებიდან, მათ ზეპირშემოქმედებიდან, როგორც მახლობელი გარემოდან, რაც მას უადვილებდა შემოქმედების სახეებისათვის დამაჯერებელი, შკვეთრი მხატვრული კონკრეტულობა მიეცა.

მთიელთა ხსოვნაში და მათ ზეპირშემოქმედებაში ქვეყნის დამცველ გმირად შემონახულია პატარა კახი. ვაჟა-ფშაველა, განიცდის რა ხალხური ზეპირშემოქმედების დიდ გავლენას, ერთი მხრით, ხოლო მეორე მხრით, უკმაყოფილოა რა თანადროულ მონარქთა უსამართლო მმართველობით, აღფრთოვანებულია თავდადებულ ვაჟაკი მეფით, ერეკლეთი, რომელიც მდაბიო ხალხთანაა ჭირსაცა და ლხინშიც. მგოსანი ერეკლეს ზატავს დიდ პატრიოტად, რომელიც ქვეყნის კეთილდღეობით იხარის, იწვის, რომელსაც დიდი უნარი აქვს სხვებშიც, თანამებრძოლებშიც ასეთივე ცეცხლი დაანთოს.

ვაჟა-ფშაველას გაგებით, ერეკლე, თამარ მეფე ხალხს სათაყვანებელ გმირად მიუჩნევია, იმიტომ რომ ისინი ქვეყნის — ხალხის ინტერესებით მოძრაობდნენ. ხალხსა და მათ შორის მკიდრო ურთიერთობა, ურთიერთ დაფასება და პატივისცემაა. ლექსში „მეფე ერეკლე“ პოეტისათვის დამახასიათებელი მაქსიმალური უშუალოებითაა გადმოცემული სამას არაგველთა დუშეთით თბილისს ჩამოსვლა კრწანისის ბრძოლისათვის და მეფე ერეკლეს მათთან შეხვედრა. დიდია ხალხის დაბალი ფენების სამშობლოსათვის თავდადება. თვით ერეკლეც ხალხის მიერ იმდენადაა სათაყვანებელი, რამდენადაც ის ქვეყნის ღირსეული შვილია, რაინდი პატრიოტია. მკითხველს ხიბლავს ის ურთიერთობა, რომელიც ერეკლესა და მასთან ომებში გამოვლილ მთიელ თანამებრძოლთა შორის არსებობდა.

ის უცინოდა მისულთა,  
როგორც ძმა თავის ძმათაო,  
პკითხავს შინაურს ამბავსა  
თავისთან შეზრდილთ ყმათაო,

რომელთაც სიყრმე აქციეს  
სიბერედ მტრისა ლევაში  
და წამოსულან ნებითა,  
რომ მოკვდენ ქვეყნის წევნაში.

(„მეფე ერეკლე“)

ვაჟა-ფშაველა აღფრთოვანებულია არა მარტო მთიელთა (რა თქმა უნდა, მთიელში პოეტი გულისხმობს ქართველ მდაბიო ხალხს მთლიანად) მაღალი, კეთილშობილური პატრიოტული გრძნობითა და სამშობლოსათვის განვლილი თავდადებული შინაარსიანი სიცოცხლით, არამედ მათი გარეგნობითაც კი, როგორც შესაფერი შეხამებით მათ გმირულ მოქმედება-მისწრაფებასთან. მგოსანს უნდა მკითხველიც ისევე მოხიბლოს ამ, მართლაც, გმირი ადამიანებით და მათ გარეგნობასაც, მათ მაღალ სულიერ სამყაროს შესაბამს, ასე აგვიწერს:

თითო ისეთი მოსჩანდა,  
როგორც ვეშაპი ცხენზედა,  
ზაეთი იმათი ზღვას ჰგავდა,  
კლდე უყელაელებს მკერდზედა.

(იქვე).

ამგვარ ყმათა ხილვით ექსტაზში მოსული, ტურფა სამშობლოს ხილვით მოხიბლული პოეტი ალტაცებული წამოიძახებს:

სანამა ვცოცხლობ, გულში მაქვს, — საჩივრანად, დასაზიანად...  
კეთილსა ვყვანდე ზიარად, ნუ გეგონებათ, დავლაჩრდი, —  
ვერ მივსცემ მტერსა მამულსა ჟერ ისევა ვარ ფხიანად<sup>21</sup>.

ეს ვაჟა-ფშაველას მრწამსია, ეს თქმა პოეტის ანდერძის ხასიათს ატარებს, ეს აგრეთვე მოწოდებაა მკითხველისადმი. პოეტის გული სამშობლოს სიყვარულითა და მისი დაცვის ურყევი რწმენითაა აგიზგიზებული. მკითხველსაც ადვილად ანთებს სამშობლოსადმი სიყვარულითა და მისთვის თავდადებული მოქმედების წყურვილით. ვაჟა-ფშაველას შემოქმედებას ამ მოტივის განვითარება წითელი ზოლივით გასდევს.

პოემა-ლექსში „ერეკლეს სიზმარი“ ვაჟა-ფშაველა დიდი ხელოვნებით გვიხატავს იმ დიდ პატრიოტულ გრძნობასა და უნარს, რომლითაც ერეკლე ცნობილია ისტორიასა და ქართულ ხალხურ ზეპირგადმოცემაში. „ერეკლეს სიზმარში“ ვაჟა-ფშაველა გვიხატავს მის თანამედროვეთა, ფეოდალურ საქართველოში ქართველების გაუტანლობასა და გაურჯულოებას.

ერეკლე სწუხს, ვინაიდან მშველელს არავის ზედავდა, როს მამული იღუპებოდა (აქაც იგრძნობა ვაჟა-ფშაველას პოეზიის შეხვედრა ნ. ბარათაშვილის პოეზიასთან). ასეთი განწყობილება ერეკლეს სიზმარშიც არა სტოვებს, სიზმარშიც მძიმე ტანჯვას გააცდევინებს. შეშფოთებით გამოღვიძებულ მეფეს გარშემორტყმული თაყვანისმცემელი თანამებრძოლი ხევსურები სთხოვენ სიზმარი მათაც გაუზიაროს: „შენს ყმათაც გვინდა გულით ვიცოდეთ, რაც შეგვემთხვევა ტკბილი თუ მწარე; შენი სვებედი იგივე ჩვენია“ — მზრუნველობით მიმართავს ერეკლეს ხევსური ხიმიკაური. ერეკლემ თავის ერთგულ თანამებრძოლ ხევსურთ ეტყვის ამადელვებელ სიზმარს: ვითომც „ტურფა ტაძარს“ (იგულისხმება საქართველო) თავით ბოლომდე ცეცხლი ეკიდა, მისი ლაშქარი აბჯარ-აყრილი იდგა უძრავად და არა სწუხდა, მიუხედავად იმისა, რომ ერეკლეს ხმა ჰქუხდა: „აბა, ბიჭებო, უჭირს ქვეყანას!“ ყველა გაქვავებული იდგა, თითქოს სტკებებოდა, „რომ საქართველო ცეცხლში სდულდა“. ლაშქრის ასეთი საქციელით სიზმრადაც კი ხევსურნი მეტად დალონდნენ და შეძრწუნებულ ერეკლეს ასე შესძახეს:

<sup>21</sup> ვ ა ჟ ა - ფ შ ა ვ ე ლ ა , სიძლერა („დამსეტყვე, ცაო, დამსეტყვე“), თხზ., ტ. I, გვ. 280.

თუ გაურჩელად იქ ვეყარნით,  
რადღა გვინდანან წვერ-ულვაშ-თმანი?  
მოგვისპოს ღმერთმა სამუდამოდა

სახვესურეთოს სავალნი გზანი  
როგორ შავუდგეთ არაგვის ჭალას,  
როგორღა ვნახეთ ჩვენ ჩვენი მთანი?!  
(„ერეკლეს სიზმარი“)

აი ასეთი ანთებული სიყვარულით უნდა იწვოდეს, ვაჟა-ფშაველას გაგებით, ნამდვილი მამულიშვილი თავის სამშობლოს დასაცავად, სამშობლოს დაცვისათვის თავდადება მისთვის სახელია, უმაღლესი ბედნიერებაა, იგი ულამაზესი შესაძლებლობაა მოქალაქის სიცოცხლის გამართლებისა.

ერეკლე ხევსურთ დაამშვიდებს, ეტყვის, რომ იმათგან არც ერთი იქ არ შეუნიშნია. ერეკლე გულახდილად გაუმედავენებს ხევსურთ, რომ მას, ერის ასეთი გადაგვარებით გაკვირვებულს, ბრაზმორეულს ტირილით გამოედვიძა. ერეკლემ სიზმრის თხრობა რომ დაამთავრა, ურჩმა ხევსურებმა ერთხმად შეჰყვირეს: „ეგ არ იქნების, არ შაიძლების, დაწუხ ტაძრისა რა სათქმელია?!“

ხევსურთ ეს შემოძახილი თვით ვაჟა-ფშაველას მრწამსია; ეს ძახილი, მგოსნის გაგებით, მთელი ქართველი ხალხის მრწამსად უნდა გადაიქცეს, ყველა ამ წმინდა „ტაძრის“ (სამშობლოს) საგულშაგოზე ფხიზლად და თავგანწირვით უნდა დადგეს.

ცნობილ, ძლიერ გახმაურებულ ლექსში „მხედართა ძველი სიმღერა“ მგოსანი ცდილობს მკითხველს შთააგონოს, რომ სამშობლოს დაცვა მამულიშვილისათვის უწმინდესი და ულამაზესი მოვალეობაა. ერთერთ თავის წერილში ვაჟა-ფშაველა წერდა: „უტერიტორიოდ ერი ვერაფერი ერია, მის სიცოცხლეს მუდამ საფრთხე მოელის; საეჭვოა მისი მომავალი. როგორც უწყლოდ თევზი ვერ გასძლებს, ისე უტერიტორიოდ ერი. ჩვენი ძლიერება სწორედ იმაშია, დღეს კიდევ იმით უნდა მოგწონდეს თავი, რომ მიწა-წყალი შევიწარჩუნეთ...“<sup>22</sup> ამიტომაც ვაჟა-ფშაველას რწმენით, დედა იმიტომ ზრდის შვილს, მისთვის ეუბნება ნანასა, რომ შვილმა ტანზე აბჯარი აიხსას, მუდამ ლესავდეს დანასა, რომ შიშს უგდებდეს გულშია მეზობელს მეტიჩარას, არ აქვლინოს „სამშობლო მეტოქეს ათასგვარასა“. გამოსთქვამს რა მამულიშვილის ასეთს დანიშნულებას, პოეტი თავის მრწამსს ასე დაასკვნის:

ცოცხალის თავით ვერ მივცემთ  
მტერს თავის მიწის ღალასა.  
გაპზრდის-ლა კიდევ მშობელი  
ვაეკაცებს ჩვენისთანასაჴ!  
(„მხედართა ძველი სიმღერა“)

<sup>22</sup> ვ ა ჟ ა - ფ შ ა ვ ე ლ ა , ცოტა რამ ჩვენი ცხოვრების აე-კარგისა, ხელნაწერთა ინსტიტუტი, ფონდი S, № 5317.

ვაჟა-ფშაველა, გატაცებული სამშობლოს დაცვის წმინდა მოვალეობით, მხედართ რაღაც გმირული დაკმაყოფილების გრძნობითა და მკითხველზე გადამდები აღტყინებული თავგანწირვის კილოთი ათქმევინებს, რომ ღირსეული მამულიშვილი ისაა, ვინც სამშობლოსათვის სიცოცხლეს ისე სწევას „როგორც ჩალასა“, ვინც გულდამშვიდებული კვდება სამშობლოს დაცვის სადარაჯოზე და თანაც გაუტყეხლად მღერის: „მშობელი მოკვდეს, რა უშავ, შვილები ჰრჩება მამასა“; რადგანაც ის დარწმუნებულია, რომ „ქარგის მამის შვილს, წესია, მტერიც უფრთხება კვალადა“ და ვერ გაბედავს „შინ შემოგვეჭრას ძალადა“.

მამულიშვილი, ვაჟა-ფშაველას რწმენით, ცოცხალი თავით არავის დაუთმობს „მშობელი მიწის ღალასა“. მგოსნის მოხდენილი თქმით, ისაა მამულიშვილი, ვინც „სიკვდილს აღუთქვა სიცოცხლე და პირი სინსლის ბანასა“.

იმ მძიმე უღრობის ხანაში, საზოგადოებრივი ცხოვრების საშინელი შევიწროების პერიოდში, ვაჟა-ფშაველა კერპი — გაკაყებული რწმენით მხედართ პირით შთააგონებს ფართო მკითხველთ დაიცვან სამშობლო:

სამშობლოს არვის წაეართმევთ,  
ჩვენც ნურვინ შავეცილება,  
თორემ ისეთს დღეს დავაყრით,  
მკვდარსაც კი გაეცინება.  
არ მიეცემთ სხვასა სამშობლოს  
ჩვენის ცოცხლის თავითა;

უკან ვერ დაგვახეინებთ,  
მისთვის ნაძღვევის შხამითა.  
მტრისაკე მივიზიდებით,  
რომ გაეწყდეთ, როგორც ლომები.  
ჩვენს ზურგს ვერ ჰნახავს მებოქე,  
რომ გენახო, შოგვეწონები!

(იქვე)

ასეთი განწყობილება ვაჟა-ფშაველას ეპოქაში მებრძოლი იყო. ამიტომაც მადლის მთესავი მგოსანი თხოულობს დედამ შვილს დედის-რძესთან ერთად სამშობლოს სიყვარული და მისი თავდადებით დაცვის აუცილებლობაც შეაწოვოს, შთაუწერავს.

აქაც აშკარაა ილ. ჭავჭავაძისა და აკ. წერეთლის იდეური და სტილიური გავლენა ვაჟა-ფშაველაზე. ამის მაჩვენებელია, გარდა საერთო განწყობილებისა, მოძახილისებური სტრიქონებიც.

ილ. ჭავჭავაძე — დედამ რომ შვილი გაზარდოს,  
ემაგრე ჩვენისთანაო!  
(„ქართველ სტუდენტების სიმღერა“)

ვაჟა-ფშაველა — აბა თუ გაზარდის მშობელი  
ვაჟაკებს ჩვენისთანასა...

ან: გაზარდის-ლა კიდევ მშობელი  
ვაჟაკებს ჩვენისთანასა?  
(„მხედართა ძველი სიმღერა“)

საგრძნობლად არის ილ. ჭავჭავაძის სტილიური გავლენის კვალი ვაჟა-ფშაველას პოეზიაში. კიდევ ერთი ნიშნუში: ლექსში „ერეკლეს სიზ-

მარი" ერეკლე რწმუნდება, რომ ყველა საშინელება, რაც იხილა, სიზ-  
მარი ყოფილა. და ამითაც დაქნაყოფილებული, ღირიზმით აღსავსე  
მოთქმისებურ ვედრებას სამშობლოსათვის წარმოსთქვამს:

მადლობლნი ვართ, ღმერთო ძლიერო, რასაც მოგვიყვანე ჰია-შლილთ დაბლა. გებარებოდეს შენ საქართველო, დაუსრულებლად მტრისგან გვეშვილი; მეტი ვერ შევსძელ, ვით ხორციელმა,	მტკიცედ დამეცვა ერი და რაჯული. შენ უპატრონე ტანჯულს ქვეყანას, არ მოჰკლა მასში გმირული სული- აზრი მიეცი მაღალი, მტკიცე, სიცოცხლე მყუდრო, მოსვენებული!
---	--

ერეკლეს ეს ვედრება განწყობილებითაც და ფორმითაც ძალიან  
მოგვაგონებს ილ. ჭავჭავაძის „აჩრდილის“ მოხუცის ვედრებას: „დე-  
დავ ღვთისაო! ეს ქვეყანა შენი ხვედრია“... და სხვ.

ვაჟა-ფშაველას შემოქმედებას, როგორც ზევითაც დავინახეთ, აკ.  
წერეთლის იდეური და სტილიური გავლენის კვალიც საგრძნობლად  
ამჩნევია. ნიმუშისათვის აღვნიშნავთ „სიმღერას“ („შინ ბრუნდებიან,  
ღვთის მადლით, ვინც დაგვიბოძნენ გარეთა...“), რომელიც მოგვაგო-  
ნებს აკ. წერეთლის ლექსებს: „ღამურა“, „ავადმყოფი“.

ვაჟა-ფშაველას, როგორც აკ. წერეთელს, აღნიშნულ „სიმღერაში“  
ავადმყოფი დედის სახით გამოყვანილი ჰყავს დაუძღურებული საქარ-  
თველო, რომელსაც ზოგიერთმა უპასუხისმგებლო, გადაგვარებულმა  
შვილმა ზურგი შეაქცია, ეგონათ რომ „კვდებაო“. მაგრამ, როცა ეს  
გადაგვარებული — ორგული შვილები რწმუნდებიან, რომ ავადმყოფი  
დედა „არ მომკვდარა“, რომ სამშობლო შესძლებს მათ უკეთესად აჭა-  
მოს პური, მოაწყოს თავის კალთაში, მაშინ კი უბრუნდებიან მას და  
ცბიერი აღერსით ასე მიმართავენ:

დედავ, მივიღე შვილები,  
უნდა მოგიგლოთ ყურიო,

ჩვენც დავტკბეთ, შენაც დავტკბოთ  
მოხუცს სული და გულიო.

(„სიმღერა“)

დედა მწუხარებით აღნიშნავს შვილების ცბიერ, ანგარებიან დამო-  
კიდებულებას მისადმი, დაუფარავად, საყვედურით ამხელს აღვილად  
გადაბირებულ შვილებს, რომ მათი დაბრუნების მიზეზი დედისადმი  
სიყვარული, მოვალეობის გადახდა კი არ არის, არამედ ის გარემოება,  
რომ „დღეს მას უდგება აღდგომა“ და შვილებისათვის ის კვლავ სასარ-  
გებლო იქნება. მიუხედავად ამისა, დედა შვილებს მაინც მიიღებს:

მე გაპატიებთ, მიგიღებთ,  
თუ ღმერთმაც ასე განსაჯა...  
და გაპატიათ, მშობლისა  
ორგული აღარ დასაჯა.

ვაჟა-ფშაველა დედის სახით მრავალ ლექსში („დედის სიზმარი“, „დედის ტირილი“ და სხვ.) გვიხატავს საქართველოს გაწბილებულ მღვდმარეობას. ის, აკაკის მსგავსად, განუხრელად მოუწოდებს მკითხველთ, ზურგს ნუ შეაქცევენ სამშობლოს, დარჩნენ მის ერთგულ დამცველად.

ერთის თვალის გადარბენითაც კი რომ ვეცნობით ვაჟა-ფშაველას ლექსებს სამშობლოს დაცვის შესახებ, შთამაგონებელი ხდება პოეტის ანდერძი, როგორც მგონისადმი, ისე ყოველი მოქალაქე — მამაცი შვილისადმი: ვისაც კი სურს მოიხვეჭოს სახელი, მას უნდა „დიდიცა ჰქონდეს გულშია თავის სამშობლოს ტრფიალი“. ვაჟა-ფშაველას ღრმა რწმენითა და გაგებით, „უამისოდ სახელის ძებნას ეცდება ოხერ-ტიალი“<sup>23</sup>.

\* \* \*

ნაციონალური, პატრიოტული გრძნობა ვაჟა-ფშაველას არა მარტო ლირიკულს, არამედ ეპიკურ ნაწარმოებებშიც (პოემებსა და მოთხრობებშიც) მძლავრად ჩანს.

ვაჟა-ფშაველას ესთეტიკური შეხედულებანი, ცნობილია, გამომუშავდნენ და განმტკიცდნენ ნაციონალური, გამათავისუფლებელი გმირული ბრძოლის უშუალო ზეგავლენის ქვეშ. ამ ბრძოლის ჟინს პოეტში აღვივებდა არა მარტო ახლო წარსულში (XIX საუკუნის პირველ ნახევარში) მომხდარი მთელი რიგი სახალხო აჯანყებები (1804 წ., 1812 წ., 1841 წ., 1856 წ. და სხვ.), რომელთა შესახებ მოგონებები ცოცხლად იყო ხალხის მეხსიერებაში შემონახული; არა მარტო ქართულ საზოგადოებრივ აზროვნებასა და ლიტერატურაში გაშლილი გამათავისუფლებელი ბრძოლის ფრონტი, არამედ მცირე ჯრთა საერთო ნაციონალურ-გამათავისუფლებელი ბრძოლები, XIX საუკუნის ისტორიულ ცხოვრებას რომ ახასიათებდა. ამის გარდა, თვით ქართველი ხალხის ისტორია მთელი საუკუნეების მანძილზე განა განუწყვეტელი მწვავე ბრძოლა არ იყო თავისუფლების — დამოუკიდებლობის შენარჩუნებისათვის ყოველი მხრიდან მოსეული მტრების წინააღმდეგ, რაც ასე მკვეთრადაა ასახული ქართულ ხალხურ ზეპირშემოქმედებაში, რომელზედაც აღიზარდა ვაჟა-ფშაველა.

ვაჟა-ფშაველას კავშირი გარემო ამოძრავებულ ცხოვრებასთან და ლიტერატურასა და ხალხურ ზეპირშემოქმედებაში გაშლილ ბრძოლის ტრადიციებთან ღრმა შემოქმედებითი ხასიათისა იყო. ვაჟა-ფშაველას ესთეტიკურ ძიებათა საფუძველი იყო მისი აგზნებული სურვილი მკითხველში აღეძრა ცხოვრებისადმი მოქმედი დამოკიდებულება. მას საჭი-

<sup>23</sup> ვ ა ჯ ა - ფ შ ა ვ ე ლ ა , უკანასკნელი სალამი, თხზ. კ. II, გვ. 268.

როდ მიაჩნდა გაბედული, გმირული მოქმედება. საჭირო იყო გმირული სახეები, გმირი, გმირული სიტყვა, რაც შეაშფოთებდა, ააღლევებდა მკითხველთა მასებს და წინ, უკეთესისაკენ გასწევდა.

ასეთი გმირული სახეების, მხნეობის, გაუტეხელობისა და იმედიანობის უხვი ამომწურავი წყარო ვაჟა-ფშაველას შეხედულებით, ხალხური ზეპირშემოქმედებაა, რასაც, მგოსნის შეფასებით, ღრმა, რეალური ცხოველმყოფელი საფუძველი აქვს.

პოემა „ბახტრიონის“ გმირების (სანათასი, ლელასი, ლუხუმისა, ზეზვასი, კვირიასი და სხვათა) სამშობლოსადმი სიყვარულისა და მისთვის თავდადების ტკივილები თვით პოეტის გულს ტკივილია, ცეცხლია, რომლისაგანაც ის იწვოდა „ვით აბელი“. სანათას გულისა და ტვინის შემზრავი შეკითხვა ნანგრევებისადმი, რომელთაც ის დასტირის, თვით ვაჟა-ფშაველას შეკითხვაა და ეს შეკითხვაა თვით პერსონიფიციკრებული სამშობლოს — საქართველოსი, რომელიც სიცოცხლის პირობების შენარჩუნებისათვის მთელი თავისი არსებობის მანძილზე განუწყვეტელ სისხლის ღვარში იყო. ყოველი მხრიდან ცხოვრების უსამართლობით შევიწროებულნი სანათა ბოღმამორეული კენესის:

სრულ ჩვენ რაღა ვართ ტანჯვაში,  
კენესა რად ისმის ჩენითა?  
როდემდის უნდა ვსტიროდეთ,  
მიწა ვასველოთ ცრემლითა?  
ან მიწა რად არა ძღვება  
ღამდნარის გულის წვენითა?!  
როდემდის უნდა ვიბანოთ

სისხლით პირი და ხელები?  
შვილთა მაგივრად დედებსა  
ძუძუს გვიწოდეს გველები?  
როდემდის უნდა ფეხითა  
ვლაზოთ ჩვენივე წელები  
ცეცხლები გვერტყას ათასი,  
გულის, გონების მწველები?!<sup>24</sup>

აქ ვაჟა-ფშაველა გულისხმობს ქართველი ხალხის არა მარტო აურციხავს მძიმე შევიწროებას მტრებისაგან მთელი ისტორიის მანძილზე, არამედ, აგრეთვე, ქართველი ხალხის იმ გადაგვარებას, რომელიც მოსდევდა საქართველოს უთანასწორო ბრძოლებში დამარცხებასა და ამ დამარცხების პერიოდში მოსახლეობის გარკვეული ნაწილის მორალურ გადაგვარებასა, დაკნინებასა, რაც აგრეთვე შედეგი იყო თვითმპყრობელობის უხეში კოლონიური პოლიტიკის გამანადგურებელი დაწოლისა, განსაკუთრებით ეგრეთწოდებული „ინოროდცების“ მიმართ. როგორც ვ. ი. ლენინი წერს: „უცხოტომელების ჩაგვრა აქ (ე. ი. თვითმპყრობელოთ რუსეთში. — მ. ზ.) ბევრად უფრო ძლიერია, ვიდრე მეზობელ სახელმწიფოებში (და არა მარტო ევროპულ სახელმწიფოებში)“<sup>25</sup>.

ვაჟა-ფშაველა, როგორც თერგდალეული მწერლები, ისტორიული წარსულის დახატვით, ისტორიული სიუჟეტების გამოყენებით თანა-

<sup>24</sup> ვ ა ჯ ა - ფ შ ა ვ ე ლ ა , ბახტრიონი, თხზ., ტ. III, გვ. 167—168.

<sup>25</sup> ვ. ი. ლენინი, ერთა თვითგამორკვევის უფლების შესახებ, თხზ., ტ. 20, გვ. 498.



დროულობის მდგომარეობას გვიხატავს. თანადროულობის საჭირობო-როტო საკითხებსა და მოვლენებს ეხმაურება; მონარქიული, უხეში, მზავრელი კოლონიური პოლიტიკის წინააღმდეგ იბრძვის და მკითხველსაც ამ მიმართულებით რაზმავს.

ეპოქა და თვით ქართველი ხალხის საზოგადოებრივი ცხოვრება — ეროვნული გამათავისუფლებელი ბრძოლის ფრონტი, იმ უბედურობის ხანაში ძლევამოსილად და დაყენებით თხოულობდა გმირს. მებრძოლ პიროვნებას, საგმრო საქმეს. ამით აიხსნება, რომ 60-იანი წლებიდან ჩვენი ლიტერატურა (როგორც რუსეთისაც) გმირის ძიებასა და განსახიერებაშია. 60-იანი წლებიდანვე ქალთა ემანსიპაციის პრობლემაც წამოწეულია, როგორც საზოგადოებრივი ცხოვრების ალორძინებისა და მისი გარდაქმნის ერთ-ერთი აქტიური საშუალება. ილ. ჭავჭავაძემ და აკ წერეთელმა ამ მიმართულებითაც ამოქმედეს თავიანთი პოეტური ნიჭი. ვაჟა-ფშაველა მათი ამ სტილიური ნიშნისაც ნიჭიერი გამგრძელებელია.

პოემა „ბახტრიონი“ მშენიერი ცოცხალი ეპოპეა ქართველი ხალხის, მისი მასის გმირული ხასიათისა, გმირული მოქმედებისა წარსულში. ვაჟა-ფშაველა მამაკაც ვაჟკაცთა შორის გმირ ქალთა (სანათასა და ლელას) სახეებსაც მიმზიდველობით ანსახიერებს. ჟგონის გაგებითა და ასახვით, როგორც მამაკაცთა, ისე ქალთა სახეებს ტიპიური ხასიათი აქვთ. მართალია, პოემა „ბახტრიონის“ გმირები მთიელთათვის დამახასიათებელი ნიშნებითაა მოცემული, რაც, რა თქმა უნდა, გამოყენებული მხატვრული მასალის თავისებურებით აიხსნება, არსებითად კი მათ შეგნებული მოქალაქე-ქართველის სულისკვეთების განსახიერების მიზანდასახულობა აქვთ: ისინი მწერლის გაგებით, ქართველის ტიპიური ისტორიული სახეები არიან.

ვაჟა-ფშაველას გაგებით, სანათას ბედი ჩვეულებრივი ბედია ქართველი დედისა ქართველი ხალხის ისტორიული არსებობის მანძილზე. ისეთმა დედებმა შემოინახეს სამშობლოს მიწა-წყალიცა და მისი კულტურული კერაც.

შვიდი გავზარდე ვაჟკაცი,  
თითო ლომისა დარია.  
შვიდივ გაოწყდა ერთს დღესა,

მამაც იმთთან მკვდარია...  
ჩემს ქმარ-შვილებთან ბევრ სხვასა  
გამოეჭარა კარია.

ეს სიტყვები რომ ესმის მკითხველს, მის წინაშე მკვეთრად, დიდი ოსტატის მარჯვენით გამოქანდაკებული სახით დგება ქართველი დედის გაუტეხელი, რკინის სახე, სამშობლოს გმირული დაცვისათვის ყველაფრის გამწირველი.

გაწყდა სამშობლოს დაცვის სამსხვერპლოზე მამაკაცობა. აღარავინ დარჩა არც ხატის მსახური, არც სანთლის ამნთები, არც საკმლის დამ-

კმევი. მაგრამ ცხოვრებას, მამა-პაპით მოცემულ ჩვეულებათ, მაინც შენახვა და გაგრძელება უნდა. და სანათაც ამ ვალდებულებას კისრულობს: „უკაცურთ კაცობა გემართებს, მანამ სული გეჩრავ პირშია“, — მწუხარებით ეუბნება სანათა კვირიას.

სამშობლოს დაცვის საქმეში, მიუხედავად ასეთი დიდი მსხვერპლის გაწირვისა, მიუხედავად გამოუთქმელი ტკივილებისა, სანათა ყველაფერს პირადს იფიწყებს, როცა გაიგებს, რომ „დაჯარდენ თუშნი, რომ ნახეს ქვეყანა ნაოხარია; პირი ქნეს, იმათ წინ უძღვის ზეზვათ საოცარია, სუყველამ ტანზე აისხა აბჯარი საომარია“, და რომ კვირია ამ მიზნითაა გამოგზავნილი ფშავ-ხევსურეთში „მზირადა“, რათა მან გადასცეს მათ თუშთა შემონათვალი: „ძმანი ვართ სისხლით, ხორციით და რჯულით“, მტერმა დაჩაგრა ისინი; თუშნი თხოვენ მიეშველონ მათ, რადგანაც ძალა ერთობაშია:

უბაროდ, განა არ იცით,  
მთანიც რომ ვერა გვარობენ.  
გვიშველეთ, ფშაველ-ხევსურნო,  
ბარზე თათრები ხარობენ.

ეროვნულ-გამათავისუფლებელი ბრძოლის წარმატებით გამარჯვებისათვის დანაწილებული ქვეყნის გაერთიანების იდეა ხომ თერგდალუულმა მწერალებმა წამოაყენეს და მას მედგრად იცავდნენ. ამავ ეპოქაზე შეგნებულად დგას ვაჟა-ფშაველაც — ისიც გაერთიანებისაკენ მოუწოდებს მკითხველს. პოემა „ბახტრიონი“ დამაჯერებლად ამ იდეის გაშლასაც ემსახურება.

კვირია აუწყებს რა სანათას ფშავში თავის მოსვლის მიზანს, აუწერს ბარის მტრებისაგან განადგურებულ მდგომარეობას, მოაგონებს ვაჟკაცის ქვეყნისადმი მოვალეობას, ასე ანუგეშებს მას ამ, მართლაც, ქვეყნისათვის აუტანელ უბედურებაში:

როს ჩემი ბინა სხვას ჰრჩება,  
ჩემი ცოლი და შვილები, —  
თუ დუშმნის ხმალი არ მომკლავს,  
მე თვითონ ვავიგობი.

დედა-შვილობას, ნუ სჩივი,  
ღმერთმა აცხონოს გმირები,  
რომ არ წაიღეს საფლავში  
ლაფით მოსერილი პირები.

სანათა და კვირია ერთი ბუდიდან აჩიან, ერთმა დედამ აწოვა ორივეს ძუძუ, მათ ერთნაირად უცემთ გული, — ასე ესმის ავტორს, ასევე გვაგრძნობინებს ის ჩვენ — მკითხველთ.

სანათას თუშთა მოწოდება, კვირიას პირით გადმოცემული, აანთებს კეთილშობილი, პატრიოტული საქვეყნო გრძნობით, შურისძიებით ააღელვებს მას მოძალე მტრის წინააღმდეგ, თითქოს დაავიწყებს (დროებით მაინც), რაც მისთვის (ყოველი საღი ადამიანისათვის) დაუვიწყა-

რია, გამუდმებულად ღია, მწვავე იარაა, და, თითქოს, რაღაც ბედნიერების სხივი შთაესახაო, თავდავიწყებით წამოიძახებს:

ეგებ იწებოს ბატონმა,  
გაგმარჯვებიყოსთ მტერზედა;  
თუ ამას გავიგონებდი,

არ ვიტყვებდი მკვდრებზედა;  
ამავ დღეს, შვილო, დედილამ,  
ჰრულს ჩაეციომდი კაბასა...

სანათა მზადაა ამიერიდან აღარ იგლოვოს ბრძოლებში გმირულად დაღუპული ქმარ-შვილი, რომელთაც იცოდნენ ვაჟკაცის მოვალეობა, რომელნიც „მეხად დაეცნენ მტრის ჯარსა, მასთბდენ, როგორც ყანასა“, ბევრს ეცადნენ, როგორც ეს „კაი ყმას“ შეშენის, დაეცვათ ქვეყანა. მაგრამ „ვინ დაჰლევს თათრის ლაშქარსა, უთვალავს, გასაოცებსა?!“ — მწარე სინამდვილის მნაპეკელი სანათა აფრთხილებს კვირიას და დაუძღვევლი შურისძიებით გამსჭვალული განცდის კილოთი, გამონატავს თავის პასუხს კვირიას მოწოდებზე. და ეს, ვაჟაფშაველას გაგებით, ფშავ-ხევსურთა (აგრეთვე იგულისხმება ქართველი ხალხის სალი ნაწილის) საერთო, კატეგორიული, ურყევი პასუხი და განცდაა და, თუ არაა, უნდა იყოს:

თუ ამომყრიდით მტრის ჯარსა,  
შვილთ არც-კი მოვიგონებდი,  
რალა მიჰირდა, თუ მტრისას  
გაჟღეტას გავიგონებდი.

თვითონ სანათა მზადაა გზირად წავიდეს, შესტიროს ყველას, ამცნოს თავისი პირადი მწუხარება, შთააგონოს მათ, თუ იმან რვა სული შესწირა სამშობლოს დაცვას, თავისუფლების შენარჩუნებას, ჩხვა ნუთუ თითოს ვერ გაიმეტებს? მძლავრია, მშვენიერია, მიმზიდველია მაღალი განცდის აღქმის მიხედვით, სანათას გულის სიღრმიდან ამოხეთქილი ლოცვა-ნატვრა გატანჯული ხალხის — ქვეყნისათვის დამახასიათებელი. ეს ლოცვა-ნატვრა თვით ავტორის გულნადებია, წმიდათა წმიდაა, ეს თვით მთელი ეპოქის — ხალხის მძიმე კვნესაა, რაც ასე ძალუმად აჩაღებდა ბრძოლას გამათავისუფლებელი მოძრაობის მიმართულებით:

გვაჯარე, ღმერთო, ზარალი,  
გვეუო რაც სისხლი გვიღვრია,  
გვეუო, რაც მტერთან ბრძოლაში  
ცვალები გადაგვიყრია.

გვეუო ამდენი ცრმელის ღვრა,  
დაუწრომელი ვაება;

გვიშველე, ლაშარის ჯვარო,  
დაგვიკირდა შენი თავია;

შენის ფრანგულით აკურთხე  
თუშ-ფშაველ-ხევსურთ ზავია;  
ნუშე დაელუპვისთ, შენს მადლსა,  
ზღვაში შასული ნავია.

ჩაუძველ, ლაშარელო,  
ტანზე შაიბი ხალია,  
გვიპირს და გამოგვაყენე  
შეუშუსრავი ძალია.

„ბახტრიონის“ ეს ადგილიც მოგვაგონებს ილ. ჭავჭავაძის „აჩრდილიდან“ ვედრებას „დედავ ღვთისაო, ეს ქვეყანა შენი ხვედრია...“ აგრეთვე აკ. წერეთლის პოემა „ნათელადან“ ნათელას სიმღერას — „ჩონგურს სიმები გაუბი...“ ნ. ბარათაშვილის პოემას „ბედი ქართლისა“ — ერეკლეს ლოცვას „მწყემსო კეთილო“... ეს და მრავალი ამგვარი ნაწილობრივ ზეეითაც აღნიშნული, გვიმტკიცებს ვაჟა-ფშაველას თერგდალეულ მწერლებთან მრავალ საერთო იდეურ და სტილიურ, კერძოდ, პატრიოტულ საკითხში მსგავსებას.

ვაჟა-ფშაველა, მკითხველს რომ გაუმახვილოს ქვეყნის დაცვის პატრიოტული გრძნობის სიღიადე, დიდი მხატვრული სიმკვეთრით გვიხატავს გაერთიანებულ მთიელთა გმირული ბრძოლის მიმზიდველ პათოსს.

ივსება ლაშარის გორი  
ქორ-შავარდნების ფარითა;  
დროშები გზას უკურთხებენ  
ქღერით, აწვდილის ტარითა...  
მგლური დააწყვეს ნაბიჯი,  
მოკლედ გადმოელეს გზანია.  
თითოს ხევეს არაგვისასა  
თან მოსდევს ლაშქრის ღვარია.

ფშავლის შვილებიც მოიდენ,  
სულთქმა თან მოპყეა ჩქარია...  
ბერი მაუძღვა ლუხუში,  
ლურჯამ მაილო თქერანი.  
პატრონის გულის მცოდნეა  
თვალმოელვარე ჭერანი...  
მოგროედენ ყოველის მხრიდამ  
ვაჟები ლომის ფერანი.

ვაჟა-ფშაველა, მკითხველს რომ მაღალი ვაჟკაცური პატრიოტიზმით აუძგეროს გული, შთააგონოს მას ამ გრძნობის დიდი გადამდები ძალა, ამ აღწერას მოხდენილად ჩაუტრთავს აღფრთოვანების გამომხატველ სიტყვებს: „კლდეთა-კი ესმით, სალ კლდეთა, მათურელთ გულის ძგერანი“ და ასეთი სანახაობით ალტაცებული მღელვარებით წამოიძახებს:

რა საამური დრო არის,  
რა საამური წამია!

ვაჟა-ფშაველა ერთ-ერთს თავის წერილში „რამე-რუმე“ წერდა: „პოეტის ერთი უმთავრესი მოვალეობათაგანია ტიპების ხატვა — ისეთის ტიპების, რომელნიც უვარგისნია (отрицательные типы) და მეორე, რომელნიც საჭირონი არიან ცხოვრების გასაუკეთესებლად (положительные типы), ამიტომ დიდი ცოდვა და ნაკლია მწერლობისა და პოეტების, თუ იმათ შეუძლიანთ და ვერა ჰხატავენ ახალგაზრდობისათვის მისაბაძვ, ახალგაზრდობის აღმზრდელ ტიპებს“<sup>26</sup>.

ჩვეულებრივ, ესთეტიკურ განცდას ადამიანში იწვევს ის, რაც საზოგადოებრივ ცხოვრებას ამტკიცებს, რასაც მისთვის ღირებულება აქვს, რაც მისთვის იდეალია, რაც ნორმად უნდა გახდეს საზოგადო-

<sup>26</sup> ვაჟა-ფშაველა, რამე-რუმე, ხელნაწერთა ინსტიტუტი, ფონდა S, № 5317.

ებრივი ყოფაქცევისათვის. მწერალი საზოგადოებრივი ცხოვრების კანონზომიერების ათვისების შემდეგ მის იდეალებს ანსახიერებს ესთეტიკურ სახეებში — ადამიანის ქცევის კონკრეტულ ფორმებში — ცოცხალი ადამიანის მოცემის სახით, რომლის საშუალებით მწერალი აჩვენებს საკურო ან უარყოფით საზოგადოებრივი ქცევის კონკრეტულ მაგალითს. ხელოვნება გვაძლევს ესთეტიკურ ნორმებს, რომლებიც ადამიანს საზოგადოებრივი მოქმედების გზებს უჩვენებს. მწერალი მაშინ აღწევს თავს რთულ ამოცანას, მაშინ ახდენს მკითხველზე ზეგავლენას, როცა ის მოვლენას თუ მოქმედ პირთ ისე ხატავს, რომ მკითხველს ექმნება ილუზია, თითქოს ის უშუალოდ ჰხედავს განსახიერებულ მოვლენებს, წარმოიდგენს მათ თავისებური ინდივიდუალობით, როგორც უშუალოდ ნაცნობს, კონკრეტულს.

ესევე ამოძრავებს ვაჟა-ფშაველას მთელი მისი შოლვაწობის მანძილზე და კერძოდ პოემა „ბახტრიონის“ გმირთა გალერეის შექმნისას.

„ბახტრიონში“ დამატყვევებელი დინამიურობით იშლება მკითხველის წინაშე საომრად გამზადებული მოზღვავებული მთიელთა ჯარი თავისი დროშებით, ფარ-ხმლით, ომს. შეჩვეულ ლურჯაზე ვაჟაკურად და მოხდენილად მჯდომი. ომი მას კი არ აშინებს, არამედ მხნეობას, სილალეს, სითამამეს, გამბედაობასა და ძალას მატებს, რადგანაც მას სწამს, რომ ის თავის წმინდა მოვალეობას იხდის სამშობლოს წინაშე — ის თავს იცავს, თავისუფლების შენარჩუნება უნდა, ქვეყანა — სამშობლო რბევისა და შევიწროებისაგან უნდა იხსნას; ის ბოროტებას, უსამართლობას, ძალმომრეობას ებრძვის, თრგუნავს. „ბახტრიონის“ წამკითხველის თვალწინ ცოცხლად ირევიან ომში, ქვეყნის სამსახურში, ქვეყნისათვის ბრძოლაში თავდადებულნი; თითქოს მათ კეთილშობილური ბრძოლა-შეჯიბრი გაემართათ — სამშობლოსათვის ვინ უფრო მეტ მსხვერპლს მეტი სარგებლობითა და მასთან ვაჟაკურად გასწირავს თავს.

ამ გმირთა ზემოქმედება ისეთი ძლიერია, რომ დატყვევებულმა მკითხველმა აღარ იცის, რომელ ერთს მათგანს გაულოს მათივე მოქმედებით გამთბარი და ტუბილად აძგერებული გული: იქნება ეს მრავალ ომში გამობრძმედილი ფშაველი ლუხუმი, თუ თუში ზეზვა, ან ობოლი კვირია, თუ ხოშარეული ან სუმელჯი, თუ რკინისებური სანათა ან ლელა, ცნობილ მებრძოლ შამშეს ქალი, მტერთან თავდადებულ მებრძოლთა რიგებში ჩადგომის დაუძლეველი სურვილით ავსებული; თუ მთლიანად საბრძოლველად გამზადებული ლაშქარი, რომელიც „ისრ შეენის ცხენზე, ვით ველზე გაზაფხულისა ყოილი“, რომელსაც „ოლომც ეშველოს ჩვენს ჯარსა, ყველას სიკვდილი სწადიან“. მთელი პოემა ცოცხალი გალერეაა ქვეყნისათვის ასეთი ყველაფრის გმირულად გამწირველთა ლომ-ვაჟაკებისა.

პოემა „ბახტრიონში“ (როგორც ვაჟა-ფშაველას სხვა მრავალ ნაწარ-  
მოებში) ყოველი სიტყვა, ყოველი თემა, ყოველი სახე, ხშირად უცნო-  
ბი და გაუმეორებელი, პოეტური აღმადრენით, ალღოთი და დიდი მოქა-  
ლაქეობრივი პასუხისმგებლობითაა გამოკვედილი. მკითხველს უჭირს  
რომელ სახეზე, რომელ თქმაზე, რომელ მძლავრ-ფრთოსან სიტყვაზე  
შეაჩეროს გულისყური; რომელი ადგილი, რომელი სახე, რომელი თქმა  
უფრო მიმზიდველია, უფრო მძლავრია, უფრო შინაარსიანია.

ლელას ლაშქარი ურჩევს დაბრუნდეს სახლში, დავრდომილ მამას  
შოუაროს, მტერს ლაშქარი უიმისოდაც გაუძღვება, ჯავრს არ შეარჩენს.  
დამწუხრებული ლელა იძულებულია სახლისაკენ დაბრუნდეს. მას კვი-  
რია წამოეწევა და გაანდობს თავგანწირვის გეგმას, რომლის მიხედვი-  
თაც ქართველთ ლაშქარს უნდა გაუადვილონ ბახტრიონის ციხის აღება,  
სადაც მტრის მრავალი ჯარია დაბანაკებული. კვირიას გეგმით, მათ  
(კვირიამ და ლელამ) უნდა მოახერხონ ცბიერებით ციხეში შესვლა,  
რომ ქართველ ჯარს კარი შიგნიდან გაუღონ.

ციხის ხანს მოვა ლაშქარი,  
ჩვენც იქ დავხვდებით მარჯვედა;  
ვეცდები კარი ვაუღლო,  
თუნდ დამკლან ციხის კარზედა.

კვირიას შეკითხვაზე — გონიერია თუ არა ასეთი გზა და იქნება თუ  
არა ეს გზა ლელასათვის მისაღები, ლელა დაუბრკოლებლივ, ურყევად  
და სრული კმაყოფილებით დაეთანხმება მასთან ერთად ქვეყნისათვის  
თავი გასწიროს.

ეგრ იყოს, როგორც შენ ამბობ,  
უარს არ ვიტყვი მაგაზე.  
ოლომც დააბას ჩვენ ჯარმა

თათრები ვირის ბაგაზე.  
იმოდენს როგორ არ შევძლებ,  
რომ დამკლან დედის კალთაზე.

პოეტიც აღფრთოვანებულია, მოჯადოებულია არა მარტო კვი-  
რიათი და ლელათი, რომელთაც ქართველი ჯარის მდგომარეობის შემ-  
სუბუქებისათვის „სიკვდილი სწადიანთ“, არამედ მთლიანად საბრძოლ-  
ველად ამოქმედებული ხალხით, ყოველი ცალკე, ფიციტ შეკრული  
ლაშქრის ურთიერთდამოკიდებულებით. ეს გმირი ლაშქარი, პოეტის  
განცდითა და ჩვენებით, არა მარტო ხალხის, ქვეყნის თანაგრძნობით,  
სიყვარულითა და კეთილი სურვილებითაა აღჭურვილი და გაძლიერებ-  
ული, არამედ მას „მალლიდამ მკაჟურთხებელი თავზე ადგია ჯვარია“.  
ეს თანაგრძნობა „ჯვარისა“, ხალხისა და თვით პოეტის გაგებით, უზე-  
ნაესი სიმართლის — ძალის თანაგრძნობისა და დასტურის სიმბრლოა,  
რადგანაც ეს ლაშქარი სამართლიან საქმეს — ქვეყნის დაცვას ემსახუ-  
რება.

რალაც არაჩვეულებრივი, ნაზი თანაგრძნობითა და მიმზიდველობ-

ითაა მოცემული პოემაში გამარჯვებულ მთიელთა ლაშქრის „ღრე-ობით, მხიარულადა, ჩაჩქნების კრიალით“ და „ლაშარის ჯვარის დრო-შის საამო წკრიალით“ სახლში დაბრუნება, სიამაყითა და პატივისცემით მოხსენება ქვეყნისათვის ბრძოლაში გმირულად დაღუპულთა სახელისა.

მოსახლეობის შეკითხვაზე: „ვის მოგილოცოთ სახელი, ვინა ხართ სახელიანი?“ ლაშქრობიდან დაბრუნებულნი ასე ახასიათებენ თავდა-ღებულთა ღვაწლს:

პირველ — ობოლი კვირია,  
სახე აქვს ნათელიანი;  
მეორე — ლელა ბაჩლეი,  
ქალი ხელ-ფარტენიანი;  
მესამე — ბერი ლუხუმი,

კურთხეულ გამღელიანი;  
მეოთხე — ხოშარული.  
არწივი — მხარ-კვერიანი;  
მეხუთე — გივი სუმელჯი,  
მოგვეყვის ნაპრევინი.

ამათ ფშავ-ხევსურთა რიგებიდან ისახელეს თავი. თუშებში საარაკო ვაჟკაცობა გამოიჩინა ზეზვამ, რომელიც, თანამებრძოლთა დახასიათე-ბით, „ლომია... სწრაფი ვით ელვა-ქარი“. ზეზვას გმირული ბრძოლით აღტაცებული თანამებრძოლნი სიამაყით ამბობენ — „თუ გაზრდის, ფურმა გაზარდოს აი მისთანა ხარია!“ ზეზვას ვაჟკაცობით განცვიფრე-ბაში მოყვანილი თვით გმირი მთიელთ ლაშქარი ასე ასაბუთებს ზეზვას ვაჟკაცობის თავის მაღალ შეფასებას:

ვერ ვნახეთ რა დაეკვნესოს,  
ან შაცელიიყოს სახითა.

ასეთია ხალხის სიყვარული, პატივისცემა, დაფასება სამშობლოსა-თვის თავდაღებულთა. ასეთი გმირები ზრდიან ახალგაზრდობას. მათი მოღვაწეობა შთამომავლობას რჩება, როგორც წმინდა, მისაბაძავი, აღ-მაფრთოვანებელი საგმირო საქმე.

სამაგიეროდ, სულ სხვანაირია, საწინააღმდეგოა ხალხის დამოკიდე-ბულება ლაჩრისადმი: მოძმეთა მოლაღატეს ლაშქარიცა და ხალხიც შე-ურიგებელი სიძულვილით ეპყრობა. ლაჩარი, მშიშარა თემისა და ქვეყ-ნის შემარცხენელია, თავს ლაფდამსხმელია. ასეთს ლაჩარს მოლა-ღატედ თვლიან, ხალხის ჩვეულებით მას ახლო არავინ გაიკარებს, მას, როგორც პოეტიც აღნიშნავს, „ჩააქვავენ ღედანი“.

ცნობილია, ხელოვნება საზოგადოებრივი ცხოვრების საღ, ღირე-ბულების შემცველ, სასარგებლო და საჭირო ნორმებს ამტკიცებს არა მარტო დადებითი სახეების დახატვით, არამედ აგრეთვე უარყოფითი-თაც. უარყოფითი მოვლენების თუ აღამიანთა ტიპების განსახიერებით მწერალი მკითხველში იწვევს უარყოფით დამოკიდებულებას ასეთი მოვლენებისადმი. რითაც ის მკითხველში ამახვილებს გაგებასა და გან-წყობილებას, როგორი უნდა იყოს სასურველი, საჭირო, საზოგადოებ-რივი ცხოვრების ძირის გამმაგრებელი მოვლენა თუ აღამიანთა ქცევა.

შემოქმედების ეს ხერხი ნიჭიერად აქვს გამოყენებული ვაჟა-ფშაველასაც პოემა „ბახტრიონში“. მდიდარ და მძლავრად მიმზიდველ გმირთა გალერეის პარალელურად ამ გმირთა ღვაწლი, ვაჟაკობა და ხალხში სამართლიანად მოპოვებული სახელი რომ უფრო გაამახვილოს, მგოსანი პოემაში გვაძლევს უარყოფით, ლაჩრის სახესაც, ნიჭიერად შლის ამ უკანასკნელისადმი ხალხის სამართლიან უარყოფით დამოკიდებულებას, რასაც, რა თქმა უნდა, არანაკლები აღმზრდელობითი მნიშვნელობა ჰქონდა ახალგაზრდობისათვის.

ასეთ უარყოფით, ლაჩარ კაცად ბახტრიონის ალებაში გამოდგა მთელი წიწოლა. მან იქვე, ბრძოლის ველზე, როცა დაინახა, რომ ქართველთა ჯარი იმარჯვებს, იგრძნო თავისი დანაშაული ქვეყნის წინაშე, — სიკვდილი რომ არ ამჯობინა თათრების მონობას. მან გაითვალისწინა თავისი მდგომარეობა სახლში დაბრუნების შემდეგ, გაითვალისწინა ხალხის სამართლის რისხვა და შერცხვენილმა თავი მუხაზე ჩამოიხრჩო.

მიუხედავად წიწოლას ასეთი თვითდასჯისა, ხალხი მას მაინც არ ურიგდება. შერცხვენილი მშობელი დედაც კი წყევლის მას:

შვილო, სირცხვილი მაქმიე,  
 ძუძუ დასწყველე დედისა!  
 თვითონ შენა ხარ მწამლავი  
 თავის უბედო ბედისა.  
 რად არ იქ მაჰკვიდი, ბეჩავო,

რად ხარ ყელ-საბელიანი?!  
 რად არ მაძიხვედი, წიწოლაჲ,  
 პირნათლო, სახელიანი?!  
 გასწირე თავის ხსენება,  
 საწყევარ-სარბევიანი!

ასეთია ძალა სამშობლოსადმი პასუხისმგებლობის შეგნებისა და შესრულების ტრადიციის ძალა. ამაშია, პოეტის გაგებით, ძალა ხალხისა, კოლექტივისა, ერთობისა.

თემი, ხალხი, მშობელი, ნათესავ-მეზობლები — ყველა ყოველი წევრისაგან მოითხოვს ქვეყნისათვის — ყველასათვის საერთო ბედნიერების მოპოვება-დაცვის სადარაჯოზე ფხიზლად და თავგანწირულად იდგეს. ყველა მტკიცეა და მასთან ერთად სასტიკიც თავის ამ მოთხოვნაში; შეუირიგებელია ბილწთან, მოღალატესთან, რომელიც ვერაფრით ვერ გამოისყიდის თავის ამ მძიმე დანაშაულს.

ვაჟა-ფშაველას თემის (იგულისხმება საერთოდ საზოგადოებრივი ცხოვრების) ასეთი დამოკიდებულება სავსებით სამართლიანად მიაჩნია და წიწოლასადმი თემის საერთო მოპყრობას პოეტი კმაყოფილებით, მთის ჩვეულების დაცვითაც, ასე აგვიწერს:

თასი დაღვარეს ხატშია:  
 ახლოს მიუდგეს არვინა,  
 წიწოლას დანაშაული  
 აწეულია ცამდინა.  
 დამცრო ჩვენი სახელი,

მთელს ლაშქარს გული ატკინა.  
 არც ვინ სამარეს გაუთხრის,  
 არც ვინ შაუკრავს კუბოსა;  
 მარტომ იტიროს დედამა,  
 ცრემლი წინ დაიგუბოსა!



ასეთი მკაცრი და შეუპოვებელი ხალხი — თემი მოლალატისადმი. ასეთი დამოკიდებულება უნდა იყოს მოლალატისადმი ყოველ საზოგადოებაში, თუ გვინდა მისი განმტკიცება, ესმის მკითხველს ავტორის აზრი.

ვაჟა-ფშაველამ რომ უფრო გამახვილებულად გამოაჩინოს წიწვოლასებური წევრების მიუღებელი საქციელი, ხოლო ქვეყნის, საერთო საქმისათვის თავდადებული „კაი ყმის“ აღმაფართოვანებელი შარავანდედით მოსილი მოქმედება, დამატყვევებლად გვიხატავს თემის, ჯარის დიდს ტივილს, დიდს უკმაყოფილებას, ერთგვარ სინდისის ქენჯნას, რომ გმირი — დაჭრილი ლუხუმი ბრძოლის ველზე ვეღარ მონახეს, რომ ვაჟაკს, სამაგალითოდ თავდადებულ მებრძოლს ქვეყნისათვის სათანადო, შესაფერი პატივი ვერ მიუზღეს.

ლუხუმის სახის დახატვით, ვაჟა-ფშაველას, რა თქმა უნდა, მიზნად აქვს მკითხველს შთააგონოს რა დიდი, ლამაზი, გამაფაქიზებელია ქვეყნის თავისუფლებისათვის, ერთობის განმტკიცებისათვის მტერთან უანგარო თავგანწირული ბრძოლა, რაც ასე წარმტაცადაა მოცემული ლუხუმში.

ლუხუმის მოქმედებისა და განწყობილების დიდი ღირებულება და გამაფაქიზებელი ძალა რომ უფრო გაამახვილოს, თვალსაჩინო გახადოს, ვაჟა-ფშაველა თავის პოემას დიდი პოეტური ხელოვნებით შემდეგნაირად ამთავრებს.

სამშობლოსათვის თავდადებული გმირი ლუხუმი არაჩვეულებრივ თანაგრძნობას, მიმზიდველობას იწვევს არა მარტო ადამიანთა შორის, არამედ მავნე, ავ ქვემძრომთა მხრითაც, როგორიც არის „ბევრის ცოდვის მოქმედი, პირზე დორბლების დაყრითა,“ ჯაგრით მოსილი გველი, რომლისკენ შორითაც-კი გახედვა ნადირთაც ათრთოლებდა. მაგრამ ლუხუმის დიდმა ვაჟაკობამ, მაღალმა პატრიოტულმა გრძნობამ და მოქმედებამ ეს „ადამიანის მტერი“ — გველიც-კი დაატყვევა, მოინადირა.

როდესაც ჯაგრით მოსილმა გველმა სულთმობრძავი, ეული, სასომიხილი, მძიმედ დაჭრილი ლუხუმი დაინახა, ისიც-კი მოიხიბლა მისი პიროვნებითა და მოღვაწეობითა, მსაც-კი შეჰბრაღდა ლუხუმში:

დაფიქრა გველი ძლიერად,  
გული ევსება ბრალითა.  
ბევრის ცოდვების მოქმედსა  
გადაუბრუნდა გუნება:  
რა სიბრალულით იმსკვალვის  
მისი გველური ბუნება!

ზედ გადაიწვა მკერდზედა  
წყულულსა ულოკდა ენითა.  
თან მკერდს უსველებს მხედარსა  
ცრემლების ჩამოდენითა.  
აყრუებს ტყესა და ველსა  
ოსკრითა რამოდენითა!

ასეთია დიდი, მაღალი მისწრაფებითა და მოქმედებით აღსავსე ლუხუმისადმი თანაგრძნობა „გულჯავრიანი“ გველისაც-კი, რომელმაც,

ლუხუმის ზეგავლენით, „ბოროტების გზა გაუშვა“, „კეთილი დაიჭირა“, „სნეულს, სულის მამბროლ“ ლუხუმს ერთ თვეს უვლიდა:

საქმელსაც თვითონ უზიდავს,  
ასმევს წყალს ლალის მთისასა;  
ღამ-ღამ ზღაპარსაც უამბობს  
ორის ობოლის ძმისასა.

ლეგენდა ლუხუმსა და „ადამიანის მტრის“ გველის ასეთი მტკიცე ურთიერთობისა თავდება ხალხში გავრცელებული ღრმა რწმენითა და იმედით, რომ გველის მოვლა ლუხუმს შეაძლებინებს ფეხზე დადგომას, რომ მას ეღირსება „ლაშარის გორზე შადგომა!“

ასეთია, ვაჟა-ფშაველას გაგებით, სამშობლოს ერთგულის, უნაგარო დამცველის დამატყვევებელი სახე. ამიტომაც, რომ სამშობლოსადმი ასეთი საღი გრძნობა და მისი მატარებელი გმირები, „ბახტრიონში“ რომაა ასე ნიჭიერად ასახული, მაღალი განწყობილებით აღელვებენ, აღფრთოვანებენ, იმორჩილებენ და ზრდიან მრავალ მკითხველს, მზად ჰყოფენ მათ ყველაფერი გასწირონ სამშობლოს დასაცავად. გმირთა ასეთს მოქმედებაში მკითხველიც, ავტორთან ერთად, ხედავს და პოულობს კიდევ უმადლესი კმაყოფილების განცდას.

ვაჟა-ფშაველას განცდითაც და ჩვენებითაც მთიელს (რა თქმა უნდა, საერთოდ ყოველ პატიოსან მოქალაქეს) მთელი მოღვაწეობის მანძილზე უნდა ამოძრავებდეს ღრმა შეგნება, რომ დედა შვილს იმიტომ აწოვებს ძუძუს, იმიტომ აქვს ვაჟკაცს ასხმული ფარ-ხმალი, იმიტომაც ის კაცი, რომ ქვეყნის — სამშობლოს სადარაჯოზე მუდამ ფხიზელ, ერთგულ და მედგარ გუშაგად იდგეს.

აღსანიშნავია, რომ პოემა „ბახტრიონში“ ვაჟა-ფშაველა გვიხატავს გაერთიანებული საქართველოს მოთხოვნილების აუცილებლობასა და მის შესაძლებლობას, ძალას გაერთიანებაში ხედავს. ეს მოტივიც დამახასიათებელი იყო თერგდალეულ მწერალთათვის, განსაკუთრებით ილ. ჭავჭავაძისა და აკ. წერეთლისათვის.

მაგრამ უნდა აღინიშნოს, რომ ვაჟა-ფშაველა ამ მოტივს თავისებურად, განსხვავებულად ავითარებს.

თუ აკ. წერეთლის ზოგიერთი ისტორიული პოემა („ბაგრატ დიდი“, „თორნიკე ერისთავი“, „ნათელა“) მცირე გამონაკლისით სამშობლოსათვის თავდადებულ, ყველაფრის გამწირავ პატრიოტებად გვიჩვენებს ქართველი პრივილეგიური კლასის წარმომადგენელთ, თუ ილ. ჭავჭავაძე წარმატებით ვერ მუშაობს პოემა „აჩრდილზე“, როგორც ის შესჩივის დაე. ერისთავს, და მზადაა თავიც-კი დაანებოს მას, რადგანაც საქართველოს ოფიციალურ ისტორიაში ის ხალხს ვერ ხედავდა და მას კი, პოემის სათანადო გაშლისათვის, სწორედ ხალხი ესაჭიროებოდა, ვაჟა-ფშაველა სამშობლოსათვის თავდადებულ, ყველაფრის გამწირავ დამ-

ცველად, საღ პატრიოტებად გვიხატავს ქართველი ხალხის დაბალი ფენების წარმომადგენელთ — ლუხუმს, ზეზვას, კვირიას, სანათას, ლელას და სხვათა.

ამ მიმართულებით პოეტზე, ექვგარეშეა, თავისი გავლენა იქონია ეპოქამ, რომლის კვალიც მძლავრად მოჩანს ვაჟა-ფშაველას, როგორც შემოქმედებაში, ისე მის პრაქტიკულ მოღვაწეობაში. ვაჟა-ფშაველას ეპოქაში, მოწინავე ქართველი საზოგადოების გარკვეული ნაწილის გაგებით, გლახობა გამოცხადებული იყო სახელმწიფოს ბურჯად. თვით ილია ჭავჭავაძე ამ დროს წერს თავის „ცხოვრება და კანონს“, რომელშიც დამაჯერებლად ასაბუთებს, რომ გლახი, მართლაც, დასაყრდენი, მასაზრდოვებელი ძალაა სახელმწიფოსი, რადგანაც არსებულ „უსწორ-მასწორო“ სახელმწიფოებრივ წყობილებაში, ილიას მტკიცებით, „მართო გლახი-და იხდის საზოგადოების სამსახურს, ეწევა ბეგარას, აკეთებს გზებს, ჰყარაულობს, იცავს საზოგადო მშვიდობიანობას“...<sup>27</sup>

ვაჟა-ფშაველაც ამგვარ იდეოლოგიურ საფუძველზე დგას. გლახი — დაბალი ფენები მიაჩნია მას ისტორიულად ერის წამყვან ძალად, ერის მეობის დამცველად, ამიტომაც, მისი გაგებით, სამშობლოს ხალხი იცავს წარსულშიაც და აწმყოშიც. ამიტომაც, ვაჟა-ფშაველას რწმენით, დაწყებულმა გამათავისუფლებელმა მოძრაობამ პირველ რიგში უნდა მოაწესრიგოს გლახის (ხალხის — ამ სიტყვის სრული გაგებით, როგორც ეს ვაჟა-ფშაველას ესმის) ეკონომიური და უფლებრივი მდგომარეობა.<sup>28</sup>

\* \* \*

ეროვნული საკითხი და მისი გადაწყვეტი ბრძოლის პროცესი რთული, მრავალმხრივი იყო. ერთი ადამიანთა მყარი ერთობაა და ასეთი „ერთობის“ შექმნასა და შენარჩუნებას სხვადასხვა „ნიშნის“ შენარჩუნება ესაჭიროება. ერთ-ერთი ასეთი ნიშანი არის ტერიტორიის ერთობა.

ვაჟა-ფშაველას ეპოქაში კი ქართველი ხალხის ტერიტორიის საკითხი საფრთხეში იყო. მეფის რუსეთის კოლონიური პოლიტიკა მოურიდებლად ცდილობდა ქართველი ხალხის მთლიანი ტერიტორიის ისეთ დანაწილებას, რომელიც ხელს შეუწყობდა მის ეროვნულ გადაშენებას. ბიუროკრატიული ხელისუფლების წისქვილს წყალს უმატებდა, აგრეთვე, დარღვეული, ნიადაგ-გამოცლილი ქართველი პრივილეგიური კლასი, რომლის ხელში იყო ტერიტორიის უდიდესი ნაწილი — ტყისა და მინდორ-ველების სახით, რასაც ის ადვილად და უაზროდ ხელიდან უშვებდა: ჰყიდდა ნაწილობრივ, ჰყიდდა ბითუმად, რაც ერს — ხალხს, როგორც ასეთს, გადაგვარების საშიშროებას უქმნიდა. ამ გარემოებას

<sup>27</sup> ილ. ჭავჭავაძე. ცხოვრება და კანონი, თბზ. ტ. VIII, გვ. 62.

<sup>28</sup> ვაჟა-ფშაველას დეკლარაციით გამოსვლა ხალხოსანთა არალეგალურ კონფერენციაზე ს. უფლისციხეში 1882 წელს, იხ. „ლიტერ. მემკვ.“, ტ. I, გვ. 97.

მიაქციეს სხვა მხარეებთან ერთად ყურადღება ილ. ჰავაკეაძემ, აკ. წერეთელმა და 60-იანი წლების სხვა მოღვაწეებმა.

ამასვე მძლავრად ჩასჭიდა ხელი ვაჟა-ფშაველამაც. ეს საკითხი ქართველი ხალხის ცხოვრების ნიჭიერმა მწერალმა განავითარა როგორც ლექსებსა და პოემებში, ისე პროზაულ ნაწარმოებებში, მაგალითად „ხმელი წიფელი“, „ია“, „ფესვები“ და სხვ. ვინაიდან ეროვნულ საკითხზე წერა მაშინდელ ცენზურულ პირობებში სასტიკად იყო აყრდნობილი და ოპოზიციური განწყობილების აშკარად გამოტანა მეტად სახიფათო იყო, ამიტომ ვაჟა-ფშაველა გამუდმებით მხატვრულ ქარაგმებს, სიმბოლოებსა და ალეგორიებს იყენებს.

ფესვების ჩივილი და დრტვინვა („ფესვები“) — ჩივილი და დრტვინვა თვით ვაჟა-ფშაველასი. „გუშინ და დღეს, — ჩივიან ფესვები, — ჩვენ ბევრი ვიტყვით, გვენანება იმ ადგილის განშორება, საცა დავიბადენით, აღვიზარდენით, სადაც სიცოცხლე ვიგრძენით. ვინ იცის, რა მოგველის?! დღითი-დღე ჩვენი ბინა ინგრევა, იშლება, ფლატე კეთდება და ჩვენ უსახურავონი ვრჩებით, ტიტველნი და მშვიდნი. ბოლოს მოვწყდებით და წავალთ თავქვე, ჩავეშვებით უღრანს ხევში. ვინ იცის იქ რა მოგველის? ვინ იცის, იქ რა ნიადაგი დაგვიხვდება? დავიხოცებით სრულად, თუ კიდევ მიწა დაგვფარავს და გავვიჩენს საზრდოს!? ვინ იცის, იქნება გიჟმაყმა მდინარემ გაგვრიყოს სადმე უდაბურს ადგილას და მწვავე მზის სხივებმა დაგვაქკნოს, გაგვახმოს, გააქროს ჩვენი ხსენება!.. სიცოცხლე და შრომა გწყურია, გვინდა კიდევ ეწირომთ, ეგებ კიდევ გავზარდოთ ჩვენს ფესვებზე შვილი, ეგებ, კიდევ ვიგრძნოთ სიხარული. ბუნების ძალნო, შეიწყნარეთ საბრალო ფესვების მუდარა“<sup>29</sup>.

„ფესვები“ მთლიანად, და ეს ნაწევები კერძოდ, ნიშანდობლივი განსახიერებაა მძლავრი მხატვრული ალეგორიის საშუალებით საქართველოს მდგომარეობისა XIX საუკუნეში, საშინელი რეაქციის ხანაში. მასში ნიშანდობლივია მოცემული ქართველი ხალხის ღრმა გულსტიკივილი, მას რომ ამორებენ თავის მიწა-წყალს, იმ ადგილს, სადაც ის დაიბადა, აღიზარდა; მისი გაუნელებელი მწუხარება, რომ მისი ბინა „დღითი-დღე ინგრევა, იშლება, უსახურავო რჩება“. მაგრამ, მიუხედავად ასეთი სავალალო მდგომარეობისა, აურაცხელი დაბრკოლებებისა, ქართველ ხალხს მაინც არ დაჰკარგვია გარდაუვალი წყურვილი „სიცოცხლისა და შრომისა“, ზრდისა და წინმსვლელობისა, რაშიც ის ნამდვილ სიხარულს, კმაყოფილებას განიცდის.

ვაჟა-ფშაველა ეკონომიურად, პოლიტიკურად, კულტურულად გათანგულს, XIX საუკუნის რეაქციის პირობებში დაკნინებულს და დაძაბუნებულ საქართველოს სხვა მოთხრობებშიც ნიჭიერად გვისურათებს ალეგორიების მეოხებით. ნიმუშისათვის მოვიყვანოთ ერთი ნაწ-

<sup>29</sup> ვ ა ჟ ა - ფ შ ა ვ ე ლ ა , ფესვები, თბზ., ტ. V, გვ. 256.

ყვეტი მოთხრობიდან „ხმელი წიფელი“, სადაც წიფელაში განსახიერებულია საქართველო.

„საბრალო წიფელი ერთი დრო იყო, რომ ესეც ამაყად გაბარჯლული იდგა, სხვა ხეებს ბევრით მალა ასცილებოდა და თავის დიდრონ ტოტებითა და ფოთლებით ქოხივით ეხურებოდა თავს მთელს ტყეს. მთიდან ბარად მომდინარი არწივი მის კენწეროზე ისვენებდა, მოჰყვებოდა ამაყად ყფას. ეხლა კი სულთამბრძოლს დაჰფერებია, წაქცევ-წამოქცევაზეა მიმზადული. ტანზე რამდენსამე ადგილს საცოდავს გამხმარი ქერქი ასძრობია და ტიტველი გვერდები უჩანს. ერთს ალაგს უფრო გრძლად აპყრია ქერქი და დედამიწისკენ გრძლად გადმოშვერილა; გეგონებათ ხანჯალი დაუციათ და ნაწლევები გადმოუყრევიანებიათო. ჭიაც ბევრი თუ აქვს ამ წიფელს, რომ რამდენჯერაც მის ახლო გავლა მომიხდება, ზედ მუდამ კრძალასა გხედავ. ეს დასაქცევი ერთთავად ზედა ზის და, რაც ძალა და ღონე აქვს, ურახუნებს იმ გასახმობს, გასავერანებელს ნისკარტს; თან კიდევ დასჭყივის, დაჰკივის, თითქოს ნიშნს უგებსო. აგერ რამდენს ადგილას ამოუღრუტნია წიფელი გულამდის. საცაა გულსაც ფქვას დაუწყებს. წიფელი დგას, დგას შეუშფოთრად, წარბშეუხრელად; არც ავს ამბობს, არც კარგსა“<sup>30</sup>.

ვაჟა-ფშაველა, მწუხარებით გადაშლის რა წიფლის (საქართველოს) შევიწროებულ, უმოქმედო მდგომარეობას, მძიმე ეჭვისა და შიშის მწვავე განცდით დაიკვნესებს: „ვაჰ, რა ძნელია კვდებოდეს, იკარგებოდეს სახელი“

მაგრამ მგოსანს არ უნდა შეურიგდეს საქართველოს უსახელოდ დაკარგვას. მწერალი მაქსიმალური ყურადღებით ჩაუფიქრდება, ჩაუღრმავდება თავისი ქვეყნის ცხოვრებას, მდგომარეობას და შემდეგნაირად გვიხატავს მისი ყოფის არსს: „ფიქრობს ხმელი წიფელი თავის თავზე, წარსულზე, აწმყოსა და მომავალზე; გულში თითქო ღრმად ჩასჰდევია მწუხარება. ხანდახან გადმოაქჰერდება მის ერთს ფესვის ბოლოზე ამოსულს პატარა დასახულს ყლორტს, რომელიც მზეს და წვიმას უცდის, რომ გაიზარდოს. ეს-ღაა მისი ნუგეში...“<sup>31</sup>

ასეთია გაურკვეველი, მაგრამ არა სრულიად უიმედო ვაჟა-ფშაველას განწყობილება XIX საუკუნის 80—90-იან წლებში. ეს ხანა ალექსანდრე III და შემდეგ ნიკოლოზ II შავი რეაქციის მძვინვარების პერიოდია, როცა მთაწაროვნე ადამიანს სუნთქვაც კი უჭირდა, როცა კაცს, რომელსაც სურვილი ჰქონდა ამ დამყაყებულ ატმოსფეროდან თავი დაეღწია, უმზადებდნენ სატუსალოს, ციმბირს, სარჩობელას. ეს ის ხანაა, როდესაც რუსეთში შეიქმნა უპოპულარესი ხალხური სიმღერა,

<sup>30</sup> ვ ა ჯ ა - ფ შ ა ვ ე ლ ა, ხმელი წიფელი, თბზ. ტ. V, გვ. 87.

<sup>31</sup> ი ქ ვ ე, გვ. 29.

რომელსაც სიცოცხლემოწყურებული ხალხი უკეთესის მოლოდინში შეუპოვრად მღეროდა:

Солнце всходит, и заходит,  
А в тюрьме моей темно!  
Дни и ночи часовые  
Стерегут мое окно!

Как хотите стерегите,  
Я и так не убегу...  
Мне и хочется на волю...  
Цель порвать я не могу!..

ეს იყო ხანა ბურჟუაზიასა და მშრომელთა მასებს შორის გამწვავებული ბრძოლის დასაწყისისა; ეპოქა იმპერიალიზმისა, კაპიტალიზმის ლობობისა და მშრომელთა კლასის ძლევამოსილი გამტკიცებისა. და ვაჟა-ფშაველაც ხომ ამ მოძრაობის უშუალო აქტიური მონაწილეა, რომელსაც სოციალ-დემოკრატიული საკითხების გადაჭრასთან ერთად ეროვნული საკითხის სამართლიანი გადაჭრაც აინტერესებს.

აი რა საგულისხმიერო აზრს გამოთქვამს ვაჟა-ფშაველა ერთ-ერთს თავის დაუბეჭდავ წერილში „რა არის თავისუფლება?“ ის წერს: „თავისუფალი უნდა იყოს არა რომელიმე ერთი წოდება, არამედ მთელი ერი. ქვეყანაც მხოლოდ მაშინ იქნება ბედნიერი, როცა მოისპობა წოდებრივი უპირატესობანი — ყველა წოდება იქნება თავისუფალი... თავისუფლება და ბედნიერება სინონიმებია. ნუ ეძებთ იქ თავისუფლებას, საცა ყველას, განურჩევლად წოდებისა და გვარიშვილობისა, არ ეძლევა საშუალება პატიოსანი შრომით მოიპოვოს პური არსებობისა, საცა შრომა ღირსეულად არ ფასდება, საცა არ არის თანასწორად განაწილებული ცოდნა, ქონება“<sup>32</sup>.

აი ეს საკითხები იყო ვაჟა-ფშაველას რომ აწუხებდა, აწვალებდა მთელი მოღვაწეობის მანძილზე და რომელთა სათანადო გამახვილების შესაძლებლობას არ აძლევდა წვრილბურჟუაზიული ფსიქოლოგია, რომლის მატარებლად ის ბოლომდე დარჩა.

აღნიშნულით დაინტერესებით აიხსნება ვაჟა-ფშაველას თანაგრძნობა და აქტიური მონაწილეობა 1905 წლის რევოლუციაში, მაგრამ ამის შესახებ ქვემოთ<sup>33</sup>.

#### 4

მიუხედავად ქართული საზოგადოებრივი ცხოვრების, ქართველი ხალხის პოლიტიკური არსებობის მძიმე ვითარებისა, რაც ქართველი საზოგადოების მოწინავე-მოაზროვნე ნაწილში და, კერძოდ, ვაჟა-ფშაველაშიც ხშირად მწუხარების მძიმე განცდებს იწვევდა, ვაჟა-ფშაველა, როგორც XIX საუკუნის ჩვენი მოწინავე მწერლობისა და საუკეთესო საზოგადო მოღვაწეთათვის იყო დამახასიათებელი, იმედს განუკურნები-

<sup>32</sup> ვ ა ჟ ა - ფ შ ა ვ ე ლ ა, რა არის თავისუფლება, ხელნაწერთა ინსტიტუტი, ფონდი S, № 5317.

<sup>33</sup> იხ. თავი „ვაჟა-ფშაველა და 1905 წლის რევოლუცია“.

სას, მონობის უღლიდან განთავისუფლებას, უკეთესი მომავლისას არა-  
ჰკარგავდა:

კიდევაც მიღუღს ვაჟასა  
მთიური სისხლი მკერდშია.  
რად-რა დავკარგავ იმედსა?

რად-რა ჩავეცვამ შავებსა?  
რა მაქვს მე სამგლოვიარო,  
ვენაცვლე შენსა თვალებსა?!<sup>34</sup>

სამწერლო ასპარეზზე გამოსვლისთანავე მგოსანს თან სდევს ასეთი  
იმედის კილო. ის, როგორც დიდი ბუნებისა და ინტუაციის მქონე ადამიანი,  
მოვლენათა დაკვირვებისა, გაგებისა და დანახვის დიდი ალლოთია  
დაჯილდოებული. მას კარგად ესმის, რომ ცოცხალი ადამიანი მუდამ  
მოქმედებაშია, მოძრაობაშია. ცოცხალ ადამიანს უნდა ახასიათებდეს  
ცხოველი მისწრაფებები, ხოლო მისწრაფებათა სისრულეში მოყვანა-  
დაბრკოლებათა გადალახვას თხოულობს. ვისაც სწადია სურვილების  
განხორციელება, ის პირველ რიგში ჭერ თავის თავს უნდა დაუფლოს,  
თავისში გამოიმუშაოს მყარი ნებისყოფა, მაღალი საზოგადოებრივი  
მორალით განმტკიცებული. ამით აიხსნება, რომ იმედის ძალასაც, მწე-  
რალს რომ აცხოველებს, მგოსანი თავის თავში, თავის უნარიანობასა და  
გამბედაობაში ეძებს და პოულობს კიდევც:

სანამ კი ვსუნთქავ ბედკრული,  
შევყურებ მზეს და მთვარესა,  
შენს სიბეჩავეს დავაცვეთ  
ჩემს დაწყულულულს მკლავებსა<sup>35</sup>.

ვაჟა-ფშაველა დიდი კმაყოფილების განცდით გადმოგვცემს, რომ  
მას სევდა-ნაღველი დაუძლევია და, გაბედულად, მკითხველის გასამზნე-  
ვებლად და აღსაზრდელად, რასაც ვაჟა-ფშაველა მწერალს ძირითად  
ამოცანად და მოვალეობად უსახავს, მოურიდებლად ჰკიცხავს, ვინც  
ჯავრსა და ვარამს ემორჩილება, ვინც თავს აძლევს მათ: „რა კაცი ჰქვი-  
ან იმასა, — ერთგვარი დაცინვითა და ზიზღით ამბობს პოეტი, — ვინც  
ჯავრის ხდება ვირადა!“ ამიტომ პოეტი ეძალვის გარემო დაბრკოლება-  
თა და თავის თავსაც და გამარჯვებული მტკიცედ წარმოსთქვამს:

რა-გინდა ბედმა მიმტყუნოს,  
რა-გინდ ვარამმა მკბინოსა,  
კიდევ შავმღერნებ ერთხელა,  
რომ ვულმა მაილხინოსა<sup>36</sup>.

მართლაც, ვაჟა-ფშაველას ვარამი ვერ ერევა. მისთვის დამახასიათე-  
ბელია მტკივნეული განცდა გარემო ცხოვრების შემავიწროებელი პი-

<sup>34</sup> ვ ა ჯ ა - ფ შ ა ვ ე ლ ა, ფშავლის სიმღერა, თბზ., ტ. I, 1946 წ., გვ. 1.

<sup>35</sup> ი ქ ვ ე.

<sup>36</sup> ვ ა ჯ ა - ფ შ ა ვ ე ლ ა, სიმღერა („რა გინდა ბედმა მიმტყუნოს“), თბზ.,  
ტ. I, 1946 წ., გვ. 78.

რობებით მწვავე სევდისა, მაგრამ მასთან ერთად მგოსანში იმედის სხივიც მძლავრად არის ანთებული, მწერალს სევდას უნელებს, სშირად უქარწყლებს და ახალი, უკეთესი მომავლისაკენ გზას უშუქებს, იქით ძალუმიად მიეზიდება.

ვაჟა-ფშაველას ასეთი განწყობილებით აიხსნება, რომ ტანჯვაში მყოფ ამირანს („ამირანის სიზმარი“) გამოეცხადება „დარბაისელი თეთრწვერა მოხუცი“<sup>37</sup>, რომელიც მას სასოწარკვეთილებისათვის გაკიცხავს, საყვედურითა და შთაგონებით ეუბნება, თუკი აქამდე მოითმინა, კიდევ ცოტა მოითმინოს; ნუთუ აქამდე იმასათვის იდგა ის „კეთილზე“, დევებსა ჟღერდა, მკლავს არ ზოგავდა, ბოროტებაზე შფოთავდა და კეთილი გაზარდა, რომ ახლა ყველაფერი ეს დაგმოს?! მიჯაჭვულ ამირანს „ამ სულის-მხუთავ დროში“ პატრონად შერჩა მხოლოდ „ერთი საწყალი მშიერ-მწყურვალი, თვალცრემლიანი, მკვნესარე, სანახავად საბრალო გოშია“, რომელიც ამირანის „ჯაჭვს უჭდა, ჩუმად ჰლოკავდა, უთხოვრად თავის თავადა“ (ეს, რა თქმა უნდა, თვით მგოსანია — მიჯაჭვულ ამირანთან (სამშობლოსთან) ერთად ერთგული მკვნესარე, თვალცრემლიანი).

ამირანის შეკითხვაზე: „რა ხარ, რა სულიერი ხარ, ჩემთან რად მოხველ წყეულო?“ — გოშია ასე უპასუხებს:

შენი ერთგული მარადის,  
შენთან მოგვედგება მეცაო,  
დაე, მეც ვიყო ტანჯვაში,  
მანამ შენ გწყველის ზეცაო.

ეგება ჯაჭვი გაწყვიტო,  
უნდა გავცვითო ენითა,  
დაეიხსნა ტყვეობიდანა,  
გნახო, რომ იყო ლხენითაჲ.

გოშიას განწყობილება, მისი ტანჯვა, ამირანის მდგომარეობით გამოწვეული, მისი ერთგულება ამირანისადმი, სურვილი მასთან დარჩეს, სანამდე მას „სწყველის ზეცა“, სანამდე ის ასეთს მძიმე პირობებშია და იმედი იქნება ჯაჭვი „გაცვიტოს ენითა“, „გაწყვიტოს“ — ეს ნიჭიერი განსახიერებაა თვით ვაჟა-ფშაველას განწყობილებისა, მისი სამშობლოს დარჩაგებული მდგომარეობით გამოწვეული ტანჯვისა, და იმედის, რომ მიჯაჭვული ამირანი დაგლეჯს ჯაჭვს, გათავისუფლდება, იმ იმედის, რომ დაჭრილ ლუხუმს (მის სამშობლოს) ეღირსება „ლაშარის გორზე შედგომა“ — ქრილობებისაგან გათავისუფლება.

ვაჟა-ფშაველასაც იმედი გათავისუფლებისა, უკეთესი, სამართლიანი მომავლისა არასოდეს არ ტოვებს; ეს იმედი, რომ მას ამოქმედებს, ამეტყველებს. მისი ჩანგიც, ამ იმედით აქლერებული, ალექსანდრე III და ნიკოლოზ II მმართველობის რეაქციის ხანაში ცენზურული პი-

<sup>37</sup> აქაც გარკვეულადა ჩანს ილ. ჰავჭავაძის „აჩრდილის“ სტილიური გავლენა.

<sup>38</sup> ვ ა ჯ ა - ფ შ ა ვ ე ლ ა, სიზმარი ამირანისა, თბზ., ტ. I, 1946 წ., გვ. 153.



რობებით შეხუთული და შევიწროებული, მაინც ახერხებს დაგეიხატოს მომავალი ცხოვრების ბრწყინვალე დღეები. ამ იმედის—ეროვნული ცხოვრების გათავისუფლების ალორძინებისა და განახლების განსახიერებისათვის ვაჟა-ფშაველა მოხდენილ ალგორიებსა და სიმბოლოებს ხშირად ეძებს და პოულობს კიდევ ბუნების ცხოვრების მოვლენებში.

მთის მგოსანი, ბუნების წიაღში დაბადებული, აღზრდილი და გამუდმებით მცხოვრები, ნიშანდობლივ იცნობს ყოველ მოვლენას და ზედმიწევნით მჭიდროდაა შეზრდილი, შესისხლხორცებული ბუნების ცხოვრებასთან, მაქსიმალურად ახლო განიცდის მას. „გარეშე ბუნებისა და ადამიანთა ცხოვრებისა, — წერს ვაჟა-ფშაველა, — არ არის პოეზია. ვისაც კარგად ესმის ბუნება და ცხოვრება (თუნდაც) ლექსებს, დრამებს, რომანებს არა სწერდეს, მაინც პოეტია. არ შეიძლება კაცთა ცხოვრებაში ისეთი რამ მოვლენა დავასახელოთ, რომ მისი მსგავსი თვით ბუნებაშიც არ მოიპოვებოდეს... ჩვენ ბუნებაში ვართ—იგი ჩვენშია; საით, როგორ შეგვიძლია იგი თავიდან ავიშოროთ, იმას გავექცენთ, დავემალნეთ?! ცოცხალნიც მისნი ვართ, მკვდარნიც... თვით ბუნებაც... თვალხილულიც არის და ბრმაც ერთსა და იმავე დროს. ვხედავთ კარგად ბუნებას, რომ თვალები არა აქვს, არც თავი აბია და ტვინი სად ექნება? მაგრამ მისი წესი და რიგი, მისი სიმტკიცე აზრისა და მისწრაფებისა ჩვენ გვაოცებს, გვაკვირვებს — მისი გონიერი მოქმედება ადამიანის გონიერებას ბევრით აღემატება... ყველა დიდებული ადამიანი თვით ამ ბუნებას ჰგავს ღირსებით და ნაკლით...“<sup>39</sup>

ამით აიხსნება, რომ ვაჟა-ფშაველას მიერ გამოყენებული, ბუნების ცხოვრებიდან აღებული პოეტური ალგორიები და სიმბოლოები მკვეთრია, მძლავრია, დამაჭერებელია.

ასეთი გაგებიდან გამომდინარე ვაჟა-ფშაველა ბუნების მოვლენათა კანონზომიერ ცვალებადობაში ეძებს, ელის, პოულობს შესატყვისს და სანუკველ ცვალებადობას ქართველი ხალხის ცხოვრებისა:

ციდამ რომ ნისლი ჩამოვა,  
დაეფარება მიწასა,  
ეს დრო წაუვა ერთხელაც,  
ალარა ფიქრობს იმასა.  
და ჩვენც ხომ ვიცით, დარი სდევს  
ქარიშხალსა და წვიმასა...  
მაღე მზეს ვნახავთ ცაზედა  
წინანდლებრ სხივთა ფრქვევითა.

მაღე მელოც მოკედება  
ქათმის ძვლებისა რწყევითა.  
ვის მოვაწონებთ, ნეტავ, თავს  
ჩვენ ჩვენის ბილწის რჩევითა,  
ვერვინ მოხვევს სახელსა  
მართალთ მტრობით და კბენითა.  
თუნდ ისეც წახდეს ქვეყანა,  
არც კი ითქმოდეს ენითა<sup>40</sup>.

<sup>39</sup> ვ ა ჟ ა - ფ შ ა ვ ე ლ ა . „სად არის პოეზია?“. ხელნაწერთა ინსტიტუტი, ფონდის S, № 5317.

<sup>40</sup> ვ ა ჟ ა - ფ შ ა ვ ე ლ ა . ქებათა-ქება თხზ., ტ. I, გვ. 165.

ლექსში „შავი ღრუბელი“ ვაჟა-ფშაველა ალევგორიულად გამოხატავს შავი ძალების ბრძოლას ხალხისათვის სასარგებლო იდეებთან (ე. ი. ვაჟა-ფშაველა ადამიანთა ცხოვრების ანალოგიას ჰხედავს ბუნებაში). შავი ღრუბლების განზრახვა მზეს, რომელსაც „სულიერი და უსულო ყველა შესტრფოდა“, — გადაეღობოს და დაუბნელოს თვალები თავისი შავი ფერითა, — ფუჟად ჩაივლის. მზეც იგრძნობს შავი ღრუბლების ასეთს ზრახვას, იწყენს, მისი სხივების შწვავე ნათელი ღრუბელს ცეცხლად მოედება. დაიწყება მათ შორის კიდილი:

იბრძვის ღრუბელი გულ-შმაგად,  
 თუნც არსითა ჰიანს წაშალი;  
 უფრო შავდება, რომ იმით  
 მზეს გზა ურიოს სავალი.  
 მაგრამ ამოდ დაურჩა  
 ყველა სხივი და ღონია;  
 შავს ღრუბელს სინათლისათვის  
 ძალი ვერ შეუწონია.  
 დამწყდარი ნაწყვეტ-ნაწყვეტად

მიმოიფანტა ღრუბელი,  
 მზე კი შუა ცას დამდგარა,  
 ანათებს, როგორც ღუმელი;  
 სხივს აფრქვევს დედამიწასა  
 ბუნებას აძლევს შვებასა;  
 შეჰხარის იმას გვეჯანა,  
 დაბლით მიუბღენის გებასა,  
 ვინ არ უკუროხებს ჰუძუსა  
 გამარჯვებულსა დედასა!..<sup>41</sup>

ვაჟა-ფშაველას სწამს მზის (ე. ი. კეთილი დასაბამის) გამარჯვება ადამიანთა ცხოვრებაშიც, ვინაიდან ასეა ბუნებაში. შავ ღრუბელსა და მზეს შორის ბრძოლა ეს კაცთა ცხოვრებაში ბოროტსა და კეთილ ძალებს, მჩაგვრელთა და ჩაგრულთა შორის ბრძოლის განსახიერებაა, სიმბოლოა.

„ცრემლებშიც“ ვაჟა-ფშაველა ალევგორიულად გამოხატავს კეთილსა, ადამიანთა სასარგებლო და ბოროტს, ადამიანთა მავნე ძალებს შორის ბრძოლას. ხალხის ცრემლებს, „ახალ მტკვრად აღელვებულნი“ „ზღვასავით“ რომ „დიოდა“, უნდა მიწა მოერწყო, აეზიზინებინა ბალი (ე. ი. ხალხთა ცხოვრება), მაგრამ უზარმაზარი ვეშაპი მათ წინ გადაეღობა, „ჰსვამდა და ხვრებდა ცრემლის წყალს, ქვეით მდინარე შრებოდა“. ხალხთა გლოვა და ზარი „ღმერთთ ყურს აღარა ჰხვდებოდა“. პოეტის თქმით, „მთელი არსება ხალხისა ცრემლის მდინარედ დნებოდა“. მაგრამ არ იქნა, წყეული ვეშაპი არა კვლებოდა. ბოლოს ვეშაპი მიიწვდებოდა, კვდება; მძოვრი იმისი ლბება. ცრემლი ახლა ლაღად მოსჩქეფს, ვეშაპის ლეშს თელავს და მთა-ველს უხვადა რწყავს. ცრემლის მდინარეს ახლა მიეცა გზა დედამიწის გულისაკენ. ცრემლი, პოეტის გადმოცემით, ახლა:

უხვად მიწის გულს ცვიოდა,  
 დედამიწისა გულ-მკერდზე  
 ყვავილი ამოდიოდა;  
 ათასნაირი მცენარე

ათასნაირის ჭურისა.  
 შაექცეს, ისიამოვნოს,  
 ვისაც ჰმიან და სწყურისა.<sup>42</sup>

<sup>41</sup> ვ ა ჯ ა - ფ შ ა ვ ე ლ ა . შავი ღრუბლები, თხზ., ტ. I, გვ. 168.

<sup>42</sup> ვ ა ჯ ა - ფ შ ა ვ ე ლ ა . ცრემლები, თხზ., ტ. I, გვ. 203.

პოეტს სწამს, რომ ვეშაპი—ეს ხალხის ცხოვრების შემბორკავი ბნელი, ბოროტი ძალა, — დაიძლევა: სიკეთე — ხალხის სამართლიანი მოთხოვნილება გაიმარჯვებს, რის შემდეგაც ბედნიერი — სასიამოვნო ცხოვრება ხალხისათვის, ყველასათვის, „ვისაც შიან და სწყურისა“, დამყარდება.

ვაჟა-ფშაველას არ უნდა „წუმპეში“ იმყოფებოდეს, ვერ ურიგდება, რომ „ლაღად გრძნობდეს“ თავს, მას არ უნდა გზააბნეულად და „შხამისა სასმელ ფიალად“ გადაიქცეს. მგოსნის ნატვრაა და მტკიცე გადაწყვეტილებაც ვაჟაკად დარჩეს ბოლომდე. „სიმტკიცე მიჭირს დიადი; ახლა ასეთი დრო არი“, — გარემო ცხოვრების პირობებით შეძრწუნებული, პასუხისმგებლობის მტკიცეული გაგებით გაიძახის პოეტი. ის აღელვებით სწყუევის „სულთ სიმდაბლეს“, ებრძება მას, თვალდია. შეუპოვრად უყურებს თავის „სავალს“, რომელზედაც „ეკალი ეყარა“, რომლისგანაც მას „გაკაწრულ, გაფხაჭნილები დღესაც სკირს ბევრგანა“. ამიტომაც სრული შეგნებითა და სიმტკიცით სხვათა გასაგონად და ასამოძრავებლად მოუწოდებს სიმტკიცისა და ბრძოლისაყენ.

ვაჟა-ფშაველას სწამს, რომ არსებული გულსაკლავი მდგომარეობა შეიცვლება, ცხოვრების ძირითადი მდინარეა (სალი ძალა) წალეკავს არსებულის სიმახინჯეს, უმსგავსოებას. მგოსანი იმ იმედითაა აღსავსე და აღფრთოვანებული (რაც მკითხველსაც უნდა გადასდოს), რომ ის ნახავს დროს, როს „ნატარმტვრად იყვნენ ქვეულნი, ვინც გუშინ ზვაობდნენ“; შხამის და გესლის მთესველნი მოისპნენ, არარაობდნენ, ჩვენნი სიკვდილის მსურველნი ყორნები აღარ ჩხაოდნენ“. პოეტს მტკიცედ სწამს, რომ ამ უკუღმართ ცხოვრებას შესცვლის დრო, რომელშიც:

ალარვინ იტარებოდეს  
და აღარც ვისა ჰშოოდეს;  
სიმართლის გამარჯვებასა

მაზე არწივი ჰყოდეს;  
მეც მას ბანს ვეუბნებოდე,  
გული აღარა მტკიოდეს<sup>43</sup>

ცხადია, ვაჟა-ფშაველაზე უტოპიური სოციალისტების გავლენაც აშკარად მქლავნდებოდა ჩვენი და რუსი 60—70-იანი წლების მოღვაწეების მეშვეობით. ცხადია, ვაჟა-ფშაველას ჩაგრულთა, მშვიერთა უმწეო მდგომარეობა მძლავრად აწუხებდა, ხოლო მათი დაკმაყოფილების — გამარჯვების იმედიც სწამდა. ამასთან ერთად, ის კარგად ხედავდა, რომ ამ მიზნის მიღწევა ბრძოლის გარეშე შეუძლებელია.

ვაჟა-ფშაველა არ არის უნიადაგო, მეოცნებე პოეტი, რომლის ფანტაზია ცხოვრების — სინამდვილის გარეშე სრიალებდეს, ცხოვრებაში შექმნილ წინააღმდეგობას, სამკვდრო-სასიცოცხლო ბრძოლას ვერა ჰხედავდეს არა მარტო ეროვნულ ფრონტზე (რა თქმა უნდა, ვაჟა-ფშაველას ლექსების ძირითადი მოტივია ეროვნული ჩაგვრის წინააღმდეგ ბრძოლა), არამედ კლასთა შორის ბრძოლის ფრონტზედაც.

<sup>43</sup> ვ ა ჟ ა - ფ შ ა ვ ე ლ ა . სიმღერა („კიდევაც ვნახავ გაზაფხულს“). თხ., ტ. II, გვ. 41.

მართალია, ვაჟა-ფშაველა კლასთა შორის ურთიერთობის გამწვავებისა და მისი ისტორიული როლის სათანადო გაგებამდე ვერ ავიდა, ამიტომაც მან ბედნიერი, სამართლიანი მომავლის სურათი გარკვეულად ვერც თვითონ დაინახა და ვერც მკითხველს დაანახვა, მაგრამ, მიუხედავად ამისა, მკითხველი მკაფიოდ გრძნობს, რომ პოეტი თავისი ბუნების მძლავრი სტიქიურობით ებრძვის არსებულს, ანგრევს მას — მისი შინაგანი ხედვა დაუძლეველი სურვილით მიისწრაფის ბრწყინვალე მომავლისაკენ, რომლის აშენებაც პოეტს უნდა სიმართლის საფუძველზე და მკითხველსაც ძალუმად აქეთკენ იტაცებს<sup>44</sup>.

აწმყო პურია საქმელი,  
არ ვსთელი ავად, არც კარგადა,  
მომავალი-ღა ჰხურია  
გულს და გონებას თალადა!<sup>45</sup>—

შთამაგონებლად მღერის მგოსანი და მოძმეთა — მკითხველთა გასამაგრებლად ასე ათავენს ამ „სიმღერას“

გაძლება გემართებს, ბუნება  
რასაც დაგვადებს ხარკადა.

თანადროულობის ნახვითა და განცდით, მტრის ვერაგული მოქცევით ბოღმამორეულ პოეტ ბაჩანას შურისძიება შეიბჟრობს. მტრის შოპყრობამ (მძიმე პოლიტიკურმა ჩაგვრამ) ბაჩანას „ცოფით აუვსო სულგული“, „ბნელეთის ზღვაში დაენტქა საკაცთმოყვარო კუნძული.“ პოეტს მოთმინების „ბეწვი უწყდება“, უიმედობის ბჭესთან მისული ბაჩანა გრძნობს, რომ ქვეყანა ბეწვის ხილზეა შემდგარი. მოთმინება დაკარგული პოეტი ამჯობინებს, რაც შოსასვლელია, დეე მალე მოვიდეს, ვინაიდან დაყოვნება უკვე შეუძლებელია.

ყოფადი ნადრევი ჰჯობს,  
ქმნადი, რაც მალე იქნება.  
თუ მოკლე ხანში, თორემა  
მერე გვიანღა იქნება...<sup>46</sup>

ვაჟა-ფშაველამ ბაჩანას არ მაუწონა ეს ლექსი. მან მისთვის დამახასიათებელი ფილოსოფიური სიღინჯითა და სიღრმით ლექსში „მთამ სრულიად სხვა სთქვა“ ბაჩანას ერთგვარი ძმური საყვედურისა და გაიციხვის ტონით ასე მიმართა: „მომთმენი, აუჩქარები, ამწონ-დამწონე

<sup>44</sup> ამის შესახებ დაწვრილებით ქვემოთ.

<sup>45</sup> ვ ა ჟ ა - ფ შ ა ვ ე ლ ა , სიმღერა („გაუხედავ გამოვილილ გზასა“), თხზ., ტ. II, გვ. 153.

<sup>46</sup> ბ ა ჩ ა ნ ა , „მთამა პთქვა“, ლექსები, პოემები, გვ. 96.

საქმისა, კი არ გამხადო მსხვერპლადა შენ შემთხვევითის წამისა?“ ამას, თან ერთად, ვაჟა-ფშაველა ბაჩანას უკიყინებს სულსწრაფობასა და სულმოკლეობას: „სურვილი მალეობისა მოსაწონია თავისა?!“ ვაჟა-ფშაველა ფილოსოფიური, ფართო მზომავი თვლით გადახედავს წუთისოფელს და ასეთ აფორიზმს ესერის თავის დაეჭვიანებულ ძმას: „ერთი წელი და ათასი ბარდაბარია ჟამისა!“ ამიტომაც ვაჟა-ფშაველა რაღაც დაფარული შინაგანი რწმენითა და დამშვიდებული კატეგორიული ტონით ეუბნება შეშფოთებულ პოეტ-ძმას: „მამ ჩვენი ტანჯვაც ჩავთვალთ სიბნელეთ ერთი ღამისა“. ვაჟა-ფშაველას უნდა თავის ძმას თავისი აზრის სიმართლე განუმარტოს, დააჯეროს და ასე ანვითარებს მას:

თუ სამერმისოს კარგს ვხედავ,  
 დღევანდლის დღისა მწველობა  
 სურდოდ მაჩნია, კლექისა  
 იმას არა აქვს ნიშანი —

ოლომც გვეპდიოს გულში ღრმად  
 ყველას მომავლის მიზანი,  
 მოერწყუთ ნაღვანით, ოფლითა  
 ჩვენი სამშობლოს მიწანი!...<sup>47</sup>

და, ბოლოს, ვაჟა-ფშაველა თავის პასუხს ბაჩანასადმი მის დასხვათა შთასაგონებლად, უპაველაციო რწმენისა და იმედის ტონით ასე ათავეებს:

აპლეღებულზარ ძალიან,  
 თავის ძმა ველარ გიციანი!  
 რომ მომავალი ჩვენია,  
 ამას რად უნდა მისანი!<sup>48</sup>

ვაჟა-ფშაველა, როგორც თერგდალეულთა მიერ გაშლილ ნაციონალურ-გამათავისუფლებელ ფრონტზე მტკიცედ მდგომი, თერგდალეულთა მსგავსად მომავლის იმედს მძლავრად აქსოვს ეროვნულ-კულტურულ გათავისუფლებას.

ლექსში „ჩვენება“ ვაჟა-ფშაველას, დაბოროცილი სამშობლოს განთავისუფლებაზე ოცნების ბურანში მყოფს, თვალწინ დაუდგებიან პირმომღიმარნი „წარსულთა დროთა გმირები“, რომელნიც მტერად მგოსანს ამხნეებენ:

„ნუ სტირი, ნუო“ — მეძახდნენ,  
 რა მნახეს, ანტირები;  
 „სრულდება, მალე იქნება,  
 ღვთისაგან დანაპირები!

აღსდგება საქართველოვო!“  
 გმირთა სათქმელი ეს არი.  
 ამ წარწერითვე ყველასა  
 ხელთ ეპყრა ოქროს ფიცარი<sup>49</sup>.

პოეტური სახე „ჩვენება“ და რწმენაც საქართველოს უკეთესი მომავლისა ილ. ჭავჭავაძის „აჩრდილიდან“ მოდის, აგრეთვე „აღსდგება

<sup>47</sup> ვ ა ჯ ა - ფ შ ა ვ ე ლ ა , მთა სრულიად სხვა სთქვა, თხზ., ტ. 11, გვ. 168.

<sup>48</sup> ი ქ ვ ე .

<sup>49</sup> ი ქ ვ ე , გვ. 199.

საქართველოვო...“ აკ. წერეთლის რწმენას—„არ მომკვდარა, მხოლოდ სძინავს და ისევ გაიღვიძებს“ — მოგვაგონებს.

ამგვარად, სამი დიდი პოეტი XIX საუკუნის ქართული ლიტერატურისა, ერთი რწმენით გამსჭვალულნი, მკითხველშიც შეთანხმებულად დიდი შთაგონებით ნერგავდნენ იშედს — რწმენას და ეროვნულ-გამათავისუფლებელ ბრძოლის ფრონტს გაუნელებლად მძლავრად აგიზგიზებდნენ. ამ მიმართულებით მათ საერთო მისწრაფება და გზა აქვთ. ნათქვამიდან აშკარა ხდება, რომ ვაჟა-ფშაველას თავისთავადი, ორიგინალური პოეტური ნიჭი და მიმართულება ბუნებრივი რგოლია ქართული ლიტერატურის ისტორიული განვითარების გრეხალში; ქართული კლასიკური ლიტერატურის ბუდეშია ის წარმოშობილი, იქიდან უხვად ნასაზრდოვები და მასშივე დავაჟიკაებული.

**ვაჟა-ფშაველა და 1905 წლის რევოლუცია**

ვაჟა-ფშაველა ერთ-ერთს თავის დაუბეჭდავ წერილში წერს: „ვისაც თავისუფლება უყვარს და უნდა მისი დამყარება ქვეყნად, ჭერ, უპირველეს ყოვლისა, უნდა შეიძულოს მთელის თავის არსებით — გულით და გონებით მტარვალნი და მტარვალობა. ეს არის მხოლოდ საშუალება, რომლის წყალობით ადამიანს შეუძლია მედგრად იბრძოლოს, არ დაზოგოს სიცოცხლე თავისუფლების მოსაპოებლად... თავისუფლება ხალხისათვის მტარვალთაგან წართმეული ბედნიერებაა... გადაავლეთ თვალი მთელს რუსეთს და ჩვენს ქვეყანას. აშკარად დაინახავთ, რომ ეს ასეა“<sup>1</sup>. მგონის ასეთი განწყობილებით აიხსნება ზემოთ აღნიშნული იმედიანი მზერა მომავლისაკენ და აგრეთვე ის, რომ ვაჟა-ფშაველა 1905 წლის რევოლუციას დიდი თანაგრძნობით შეხვდა.

ვაჟა-ფშაველას რევოლუციურ-დემოკრატიული განწყობილების შესახებ გარკვეული ცნობა ჭერ კიდევ 80-იან წლების დასაწყისიდანვე არსებობს. ცნობილია, რომ ვაჟა-ფშაველამ ჭერ კიდევ გორის საოსტატო სემინარიაში სწავლის დროს გორის ხალხოსნური ორგანიზაციისა და განსაკუთრებით მისი საუკეთესო წარმომადგენლის, ხალხოსანი მასწავლებლის მიხეილ ყიფიანის საგრძნობი გავლენა განიცადა.

ვაჟა-ფშაველა წარმოშობით, აღზრდით, განწყობილებით მდებრიო ხალხის, მთიელი გლეხობის ღვიძლი შვილია. ის გაქირვებული მშრომელი ხალხის კალთაშია გაზრდილი, მან ბავშვობიდანვე მძლავრად შეითვისა და განიცადა უფლებააყრილი, ეკონომიურად გაწრიოკებული ხალხის მდგომარეობა. ამიტომაც ის დიდის ენთუზიაზმით შეხვდა სასწავლებელშივე ხალხოსნურ მიმართულებას. აი რა საგულისხმეირო ცნობას გვაძლევს ცნობილი მოღვაწე სვ. სალარიძე:

„1882 წ. სოფლიდან ჩამოსული პროპაგანდისტები შეიკრიბნენ სა-

<sup>1</sup> ვ ა ჟ ა - ფ შ ა ვ ე ლ ა, „რა არის თავისუფლება?“ ხელნაწერთა ინსტიტუტი, ფონდი S, № 5317.

თათბიროდ ს. უფლისციხეში შემდეგი საკითხებს გასარჩევად: 1) ფეოდალური მიწის საკუთრების კონფისკაცია; 2) გლეხთა კავშირების მოწყობა და ორიენტაცია მათ გამოსვლაზე; 3) პატარა ერების განთავისუფლება რუსეთის გახრწნილ კაპიტალიზმისაგან, რომელიც ძარცვავს მათ ბუნებრივ სიმდიდრეს.

ყამთა ტრიალით მივიწყებულს, აფორიაქებულს ს. უფლისციხეში... ლუკა იღებს სიტყვას: კოკისპირულ წვიმასა და ქარბუქში მე გამოვიარე თითქმის მთელი ფშავ-ხევსურეთი და ყველგან ერთსა და იმასვე შეკითხებოდნენ, როგორ გადაწყდება მიწის განაწილების საკითხი. უკეთეს გლეხებს მივცემთ მიწას, ჩვენ შუშაობას ექნება დასაყრდენი სოფლად და წელში გაწყვეტილ გლეხობას გადმოვიყვანთ ჩვენ მხარეზე; მაშინ საფუძველი ეცლება მთავრობას და ჩვენთვის საშიში არ იქნება არც მემამულეების მუქარა, არც რუსეთის ხიშტიანი ლეგიონები. გამოსავალ გზას მე ვხედავ გლეხთა კავშირებში ინტელიგენციასთან და პატარა ერების ერთობაში.

შემდეგ, როდესაც ლუკამ მკაფიო სიტყვებით გადაგვიშალა სურათი სოფლის ცხოვრების სიღუბჭიერისა და ბიუროკრატიული აპარატის გახრწნისა, მან ფაფარაყრილ ლომივით შეარხია თავისი ფალავნური ბეჭები და გულგაშმაგებით წამოიძახა: „ან თავისუფლება, ან სჯობს სიკვდილიო“<sup>2</sup>.

ასეთი მებრძოლი, იდეურ-პროტესტული განწყობილება ვაჟა-ფშაველას გაჰყვა მთელი ცხოვრების მანძილზე, როგორც სოფლის მასწავლებლობის დროს, სადაც ის არა მარტო ბავშვების მასწავლებელი და აღმზრდელი იყო, არამედ მოზრდილთა ჭკუისა და ახალი გზის მასწავლებელიც, სადაც ის გამოდგებულ ბრძოლაში იყო სოფლის გლეხობის შემავიწროებელ მამასახლის-მოსამართლე-ბოქაულთან,<sup>3</sup> ისე საბოლოოდ მთაში დასახლების შემდეგაც.

900-იან წლებში, როცა კლასთა შორის ბრძოლა საკმარისი სიმძაფრით გაიშალა, გამათავისუფლებელი რევოლუციური მოძრაობა არა მარტო ქალაქებს, არამედ სოფლებსაც მძლავრად მოედო. ამ ბრძოლამ 1904—1905 წლებში მძლავრი საერთო სახალხო ხასიათი მიიღო. 1905 წლის რევოლუცია ყოფილი რუსეთის იმპერიისა და, კერძოდ, საქართველოს მთლიან ცხოვრებაში დიდ რევოლუციურ ძვრების და გამწვავებული ეკონომიური და პოლიტიკური ბრძოლის მოვლენა იყო.

აი როგორ ამოცანებსა და მიმართულებას უსახავდა ვ. ი. ლენინი 1905 წლის რევოლუციას მის დასაწყისში თავის ცნობილ წერილში

<sup>2</sup> სვ. სალარიძე, მოგონებანი, ლიტერატურული მემკვიდრეობა. ტ. I, გვ. 47.

<sup>3</sup> ს. ყუბანგიშვილი, ვაჟა-ფშაველა, გვ. 160—167; 163—224.



„სოციალ-დემოკრატიის ორი ტაქტიკა დემოკრატიულ რევოლუციაში“: „რევოლუციური გზა არის სწრაფი, პროლეტარიატისათვის ყველაზე ნაკლებად მტკივნეული ოპერაციის გზა, ლბობადი ნაწილების პირდაპირი მოცილების გზა, მონარქიისადმი და მისი შესაბამისი საძაგელი და საზიზღარი, დამპალი და ლბობითი ჰაერის მომწამლავი დაწესებულებების მიმართ ყველაზე ნაკლები დათმობისა და სიფრთხილის გზა“<sup>4</sup>.

ამ სახელმძღვანელო სტატიას ვ. ი. ლენინი ასეთი მოწოდებით ათავებს: „მთელი ხალხისა და განსაკუთრებით გლეხობის სათავეში — სრული თავისუფლებისათვის, თანამიმდევარი დემოკრატიული გადატრიალებისათვის, რესპუბლიკისათვის! ყველა მშრომელთა და ექსპლოატრებულთა სათავეში — სოციალიზმისათვის! ასეთი უნდა იყოს სინამდვილეში რევოლუციური პროლეტარიატის პოლიტიკა, ასეთია კლასობრივი ლოზუნგი, რომელმაც უნდა გამსჭვალოს და განსაზღვროს ყოველი ტაქტიკური საკითხის გადაჭრა, მუშათა პარტიის ყოველი პრაქტიკული ნაბიჯი რევოლუციის დროს“<sup>5</sup>.

თანდათან ფართოვდებოდა და მტკიცდებოდა რევოლუციური ძალები და ფართო მშრომელთა მასების მოძრაობა მეცნიერული სოციალიზმის საფუძველზე იშლებოდა. ამ მძლავრი რევოლუციური მოძრაობის ტალღები მივიარდნოდ და მიყრუებულ ცხოვრებასაც მისწვდა. მთაც ამოძრავდა.

ასეთს გარემოში ვაჟა-ფშაველას შემოქმედებაშიც რევოლუციური ბრძოლის პათოსი ახალი იდეური შინაარსით იცვებოდა. მანაც 1905 წლის რევოლუციის ერთ-ერთ მძლავრ წამყვან ძალად გაიგო და მიიჩნია მშრომელი ხალხის, მძიმედ შევიწროებული, დაბეგრული და გაძვალტყავებული გლეხობის სოციალ-ეკონომიკური მდგომარეობის მოწესრიგების მიზანი.

ამით აიხსნება, რომ რევოლუციის დასაწყისიდანვე ვაჟა-ფშაველა ამ სახალხო მოძრაობას თავის ხმასა და მოქმედებას უერთებს, ის არა მარტო პოეტური კალმით, არამედ პრაქტიკულადაც ებმება ამ დიდ მოძრაობაში, ხალხს გაბედულად რაზმავს. აი რა საგულისხმიერო ცნობას გვაძლევს მ. შამანაური თავის „მოგონებაში“: „1905 წელს, იაპონიასთან ომში დამარცხებასთან დაკავშირებით, რუსეთში განმათავისუფლებელი მოძრაობა დაიწყო, რაც მთელ საქართველოსაც მოედო. ყველგან გაფიცვები, მიტინგები, ყველგან რევოლუციური მოძრაობა იყო. ფშავეს სურათში პირველი გამოსვლები ვაჟამ მოაწყო. ვაჟა ამბობდა, რომ საქართველოს განთავისუფლება ჩვენ აქედან — მთიდან უნდა დაიწყოთ, ჩვენ უნდა მუჯღუგუნი ვკრათ ბარს, რომელსაც სძინავს“...<sup>6</sup>

<sup>4</sup> ვ. ი. ლენინი, თხზ., ტ. 9, გვ. 47.

<sup>5</sup> იქვე, გვ. 128.

<sup>6</sup> შ. შამანაური, დამოკიდებულება რევოლუციურ მოძრაობასთან, ს. ყუბანიძის ვილი, ვაჟა-ფშაველა, გვ. 395—396.

ამ მიზნით ვაჟა-ფშაველას რამდენიმე ავტორიტეტთან ფშაველთან ერთად გადაუწყვეტია ხევსურეთის მოწვევა. მოწოდება ვაჟა-ფშაველას შეუდგენია. „დანიშნულ დღეს, — განაგრძობს მ. შამანაური მოგონებას, — მოვიდნენ ხევსურეთის შვილები თავით-ფეხებამდე შეიარაღებული, მოგროვდნენ ბარისახოში და დასდეს ფიცი, რომ უკანასკნელ სისხლის წვეთამდე იბრძოდნენ თავისუფლებისათვის. ეს ფიცის ფურცელიც ვაჟამ შეადგინა. „ვაჟა, — ეუბნებოდნენ ხევსურის შვილები, — ჩვენ დავხავსდით, ჩვენს იარაღს ობი და ჟანგი მოეკიდა, იარაღს გაპრიალება უნდა და სად უნდა გავაპრიალოთ ეს იარაღი, თუ არა თავისუფლებისათვის ბრძოლაშიო?“<sup>7</sup>

ვაჟა-ფშაველასათვის 1905 წლის რევოლუციურ მოძრაობისას უთხოვიათ რევოლუციური ჰიმნი, „მარსელიოზას“ მსგავსი დაეწერა. მასაც ექსპრომტად დაუწერია ასეთი ლექსი, გადაუცია და მას თურმე მღეროდნენ მთელი რევოლუციონერები. სამწუხაროდ, ეს ლექსი ვაჟა-ფშაველას იქვე სახელდახელოდ შეუთხზავს, იქვე გადაუცია, ასე, რომ მას ასლიც არ დარჩენია. ეს ლექსი თურმე ასე იწყებოდა:

დღეს ხსნის დღე არის. ვით მოვითმინოთ,  
აიკლეს ჩენი ცხოვრება, ბინა.  
გაიწით ძმანო, გაიწით წინა...<sup>8</sup>

რევოლუციურ ხანაში, მრავალთა დამოწმებით, ვაჟა-ფშაველა ხშირად იფარავდა თავის სახლში და ყოველგვარ დახმარებასაც უწევდა „ერთობის კაცებს“ — თავისუფლების მქადაგებლებს<sup>9</sup>.

ვაჟა-ფშაველას 1905 წლის რევოლუციურ მოძრაობისადმი ასეთი თანაგრძნობა ორი მოტივით აიხსნება: ის რევოლუციურ მუშაობას აფასებდა, როგორც — 1) მცირე ერების მიერ თავისუფლების მოპოვების საშუალებას, და აგრეთვე 2) შევიწროებულა, ეკონომიურადა და უფლებრივად დაბეგრული გლეხობის მდგომარეობის სამართლიან საფუძველზე გარდაქმნის შესაძლებლობას.

ვაჟა-ფშაველას რევოლუციური მოღვაწეობა 1905 წლის რევოლუციოში საკმარისად ცნობილი იყო. ჟანდარმერია ვაჟა-ფშაველას თვალყურს ადევნებდა, მას საექვო, არაკეთილსაიმედო პიროვნებად თვლიდა. ამას გვიდასტურებს არა მარტო მრავალი მოგონება მგოსნის ნაცნობ-მეგობრებისა, არამედ ოფიციალური დოკუმენტებიც ჟანდარმთა არქივიდან.

სანიმუშოდ მოვიყვანთ ერთს საკმარისად ჭაგულისხმიერო დოკუ-

<sup>7</sup> მ. შამანაური. დამოკიდებულება რევოლუციურ მოძრაობასთან, ს. ყუბანეიშვილი, ვაჟა-ფშაველა, გვ. 395—396.

<sup>8</sup> იქვე.

<sup>9</sup> ტლაშაძე, მოგონება, ჟურნ. „კომ. განათლება“, 1935 წ., № 27.

შენტს — კაპიტან სამონოვის საიდუმლო მოხსენებას, პოლკოვნიკ ბაბუშკინისადმი მიწერილს.

კაპიტ. სამონოვი დავალებისამებრ გასცნობია მთის პოეტის ცხოვრებას და თავის მოხსენებაში ის მას (ვაჟა-ფშაველას) თელის ფშავესურეთში გამათავისუფლებელი მოძრაობის მეთაურად და სხვათა შორის, შემდეგ წერს: «Во главе революционного движения сего района стоит народный поэт «Важа-Пшавела» (прозвище), фамилия Лука Разикашвили... пшавец, имеет неограниченное влияние на пшавцев, считается народным вождем, я лично знаю его, это — умный, хитрый кляузник, который, главным образом, пишет всем прошения и ведёт путём печати грузинской агитацию, а в последнее время всё даёт неверные сведения о будто бы голоде в Хевсуретии и неурожае, проводя какую-то грузинскую политику, ввести правительство в заблуждение, путём петиции населения и ложных сообщений, находя поддержку сей идее в Тифлисском грузинском обществе, рассчитывая, что, когда правительство даст деньги на голодающих, их отобрать и пустить целиком на оружие и революцию. Одним словом поступить на манер ложного голода в Мингрелии. Ввиду крайней вредности, как человека умного и деятельного Важа-Пшавсла в горах, необходимо обдумать ряд мер, дабы его обезвредить, ибо арест его может вызвать серьёзные последствия и брожение среди магароскарцев»<sup>10</sup>... და სხვა ამგვარი.

ასეთი ვაჟა-ფშაველას პრაქტიკული რევოლუციური მოღვაწეობის გზა.

\* \* \*

რევოლუციურ-გამათავისუფლებელი მოძრაობისადმი თანაგრძნობა ვაჟა-ფშაველამ თავის პოეტურ და პუბლიცისტურ შემოქმედებაშიც სიძლიერითა და სიმკვეთრით აღბეჭდა. 1905 წლის რევოლუციის ქარიშხალმა მგონის „ბუკი და ნალარა“ იმედიანობისა და ბრძოლის მოტივით გაჟლინთა და მეტად თავისებურად და ძალუმად აამღერა.

გულო, არ გასტყდე, გამაგრდი,  
კლდეო, კლდედ იდეგ სალადა!  
რა ვქნათ, რომ ჭანლი გვეხვევა,

მეცა გუვეივარ ავადა.  
ცდა გავუქარწყლოთ საწუთროს,  
ნუ დაებერდებით შავადა!<sup>11</sup>

მგოსანი ჯერ კიდევ 90-იან წლებში დაწერილ ლექსებში არ უტყდება ცხოვრების შავბნელ პირობებს, თუმცა მას მკვიდროდ შემოპ-

<sup>10</sup> იხ. საქ. ცენტრ. არქივის ფონდი 3, საქმე № 192, ფ. 74; ს. ყუბანეიშვილი, ვაჟა-ფშაველა, გვ. 399—400.

<sup>11</sup> ვაჟა-ფშაველა, სიმღერა („გულო, არ გასტყდე, გამაგრდი“), თბ., ტ. II, გვ. 20.

ხვევია ის და უმოწყალოდ სტანჯავს. მას სურს მამა-პაპათა ანდერძი — „სხივი — მოძმეთა ნუგეში“ ფრთხილად და მტკიცედ შეინარჩუნოს გულში. მიუხედავად გარშემორტყმული მრავალი ცდუნებისა და დამაკნინებელი პირობებისა, მწერლის გარდუვალი ნდომაა — დაზიანებული სიცოცხლე მეტად არ დაუზიანდეს, მას არ უნდა თავს გრძნობდეს ტიალად, უსულოდ გდებულ ლეშად, რომელსაც „სვაენი, ორბნი და კაკაპანი“ — შინაური თუ გარეშე მტრები — გარს შემოხვევიან, ათრევენ და სკამენ ზიარად. მგოსნის ურმა რწმენით, თუ ასე გაგრძელდა ცხოვრება, ის „შხამის სასმელ ფიალად“ გადაიქცევა.

ვაჟა-ფშაველა ღრმად რწმუნდება, რომ დადგა ისეთი ღრო, როცა დიდი სიმტკიცეა საჭირო; უნდა განიდევნოს სულით სიმდაბლე. მგოსანს ახლა აღარ აშინებს ეკლით მოკირწყლული მისი სავალი გზა. ის, გაკაუებული, ტკბილი იმედით აღვისილი, ასე ამხნევენს თავის თავს:

გულო, გაკლდევი, გამაგრდი,  
ნისლო ნუ გადაგეფარა:  
თუ აქამომღე გავქელით,  
ღღეს მტერი გავგებებს ველარა<sup>12</sup>.

900-იანი წლების კარებში, 1899 წელს, ვაჟა-ფშაველა დახავსებული მონარქიული რუსეთის რეაქციის პირობებში, აშკარად გრძნობს ქარიშხლის ამოვარდნის აუცილებლობას; გრძნობს, რომ მშრომელი მასების ძალა, მოძრაობა, ენერგიული ბრძოლისა და განთავისუფლების განწყობილებით აღტყინებული, გამარჯვების დიდი რწმენით საბრძოლველად ირაზმება. ასეთს განწყობილებას ვაჟა-ფშაველა ალენგორიული ფორმით მკვეთრად გამოხატავს ლექსში „კლდე და მდინარე“ — კლდისა და მდინარის შორის ატეხილი ბრძოლის სახით:

კლდეს შეზღუდა ხეობა,  
რაზეც მდინარე დიოდა, —  
სალსა, ასპიტსა, დიდრონსა  
ფერფლიც-კი არა სციოდა.  
მდინარე უყუფს: „გზა მომეც,

კლდეო, გამოიშვი წინაო...  
მინდა რომ ბარად ჩაივიდე,  
იქ მოვიპოვო ბინაო.  
გამიშვი, შენი ჰიირიმე,  
აქ ყოფნა მომეწყინაო“<sup>13</sup>.

კლდე (მონარქიული რეაქციული წყობილება) სასტიკად ეწინააღმდეგება მდინარეს (გამოღვიძებულ, საბრძოლველად დარაზმულ მასების ახალგაზრდა ძალას). „შე მოგკვდე, შენ კი იტლინკო, სად თქმულა, რომელ მხარესა?“ — მედიდურად დასძახის კლდე მდინარეს. მაგრამ მდინარე მაინც იმედს არ კარგავს, იკრებს ძალ-ღონეს, ელის უკეთეს გარემოებას.

დადგა თოვლიანი ზამთარი — „ორ ადღზე დათოვა“. გაზაფხულზე მდინარეს ზევება „უხეად სინესტე აწოვა“. აღიღდა მდინარე. ახლა კი

<sup>12</sup> ვ ა ე ჯ ა - ფ შ ა ვ ე ლ ა, სიმღერა („გულო, არ გასტყდე, გამაგრდი“), თხზ., ტ. II, გვ. 21.

<sup>13</sup> ვ ა ე ჯ ა - ფ შ ა ვ ე ლ ა, კლდე და მდინარე, თხზ., ტ. I, 1946 წ., გვ. 234.

იგრძნო მან ბრძოლისათვის ძალა. შეუპოვრად მიიწევს კლდისაკენ, ვით ვეფხვი „თვის მსხვერპლს ტოტით“ უტევს, „აღადრის გულ-მკერდსა“. დაიწყო მათ შორის დაუზოგველი ჭიდილი. არც ერთი არ უთმობს. მდინარე უფრო და უფრო თამამი, გაბედული ხდება, კიჟინაჲ სცემს, თითო მისი დაკვრა „სჩანს კლდისა დამაზიანად“. ხუთი კვირა გრძელდებოდა მათ შორის ასეთი სამკვდრო-სასიცოცხლო ბრძოლა. ბოლოს „კლდისა მოისმა ქვითინი“. მდინარემ კლდე გარღვია, ლაღად „გაიჭრა ველზედა“. დაუბრკოლებლივ და უშიშრად წავიდა წინ, ანგრევდა ყველაფერს, რაც კი მას სელას უშლიდა.

გამარჯვებული მდინარის ძლევამოსილ სელას პოეტი ასეთი თანაგრძნობით გვისაბუთებს:

ვალაღებული ქალაზე  
მაიზლაზნება მღერითა:  
საამო სანახავია  
გამარჯვებულის ფერითა.  
ხარბენ ის და ქვეყანა

ერთმანეთისა ცქერითა...  
წავიდა, გაივკევა,  
პრწყავს და უმღერის ველებსა,  
თან ატრიალებს ტალღებსა,  
ვით მოთამაშე ხელებსა.

მდინარეში ვაჟა-ფშაველა, უნდა ვიფიქროთ, გულისხმობს როგორც ამხედრებულ დამონებულს, ეკონომიურად შევიწროებულს, გაწვალეზულ მშრომელ ხალხს, ისე პოლიტიკურად შეზოკილს, დაჩაგრულს, ამოდრავებულ ერსაც, რომლის განთავისუფლება პოეტისათვის მთელი ცხოვრების მანძილზე სანუკველ ოცნებად იყო გადაქცეული.

„კლდე და მდინარე“ ვაჟა-ფშაველას მხრივ ერთგვარი მძლავრი სწორი სიგნალი, წინასიტყვა იყო 1905 წლის რევოლუციაში გაშლილი მდგარი ბრძოლისა.

ამგვარი სიმბოლოებითა და ალეგორიებით უხვად სარგებლობს მთის მგოსანი, რომ თავისი ოპოზიციური და რევოლუციური განწყობილება მკვეთრ სახეებში გამოავლინოს, ცენზორის შემზღუდავი კლანჭების ჭიჯგნას ააცდინოს და მკითხველამდე დაიყვანოს.

ფანტასტიკური გმირობა, ალეგორიული და სიმბოლური პოეტური სახეები ვაჟა-ფშაველას შემოქმედებისა სრულიადაც არ იყვნენ განყენებული ხასიათისა, ეს თავისებური რომანტიზმი იყო. გამოღვიძებული მშრომელი ხალხის აღორძინებასთან დაკავშირებული. ისინი გამოხატავდნენ უკეთესი — თავისუფალი ცხოვრებისადმი მისწრაფებას. ისინი მოწმობდნენ მშრომელი ხალხის გამოღვიძებას, მის დარაზმულ ბრძოლისათვის ენთუზიაზმით აღსავსე მზადებას. ეს ალეგორიული სახეები მწერლის შემოქმედებაში თანდათან კონკრეტული რეალური შინაარსით ივსებოდა მშრომელი მასების დარაზმული რევოლუციური მოძრაობის თანდათან გაფართოებასა და მისი სოციალისტური შეგნების განმტკიცებასთან დაკავშირებით.

ახალი სამართლიანი ცხოვრების მოლოდინში იმედგაცრუებული მგო-

სანი მიმართავს მთვარეს (მთვარე ახალი, უკეთესი ცხოვრების სიმბოლოა) გაფანტოს წყვილიადი, მას რომ არტყია: მას სწყურია ნახოს მთვარე „ბადრადა“ (ე. ი. სრულიად სავსე, გაშლილი), იხილოს მთაბარზე მოელვარე მისი სხივები. სასოებით მომლოდინე პოეტი თავის მიმართავს მთვარისადმი ასე ამთავრებს:

გზა დაკარგულთა ნუგეშო,  
შენს სხივებს. ვენაცვალო!<sup>14</sup>

ვაჟა-ფშაველა ერთ-ერთს თავის წერილში ასე აფასებს 1905 წლის რევოლუციის ხანას: „ძმობა, ერთობა, თავისუფლება. ამ სიტყვებით გაიყენთა არა მარტო ადამიანთა ყურები, არამედ ქვებიცი კი. არას დროს, ჩვენი ქვეყნის დაარსების შემდეგ, არა გვგონია ასე მძლავრად და საყოველთაოდ როდისმე ჰსმენოდეს საქართველოს ეს სამი სიტყვა, როგორც ესმა მას ამ წარსულ 1904—1905 წლებში, დღესაც ესმის და მომავალ წლებშიც გაიგონებს... დღეს ხალხი იბრუნებს იმას, რაც წაართვეს და წართმეული გახლავთ, მოკლედ რომ ვსთქვათ, ბედნიერება: — წამრთმეველი დღეს ტირის, ხოლო გაძარცვული მღერის, მხიარულობს, რადგან დაკარგულს პოულობს, წართმეულს იბრუნებს. თავისუფლების ქურდები ბოლო ეჟამს მუდამ დასჯილან. როდისა დგება ეს ბოლო ეჟამი? — სწორედ მაშინ, როცა ხალხი თვალებს ახელს, როცა თავის ყოფა-მდგომარეობას, აუტანლობას ჰგრძნობს და ჰხედავს, გაიცნობს იმ შავ ძალებს, რომელთაც წაართვეს ბედნიერება, — სძულს ისინი უსაზღვროდ, სწორედ მაშინ ცდილობს შემუხსროს თავის დამმონებელნი“<sup>15</sup>. ცხადია, ვაჟა-ფშაველას დიდი თანაგრძნობა 1905 წლის რევოლუციისადმი.

1905 წლის რევოლუციით აღფრთოვანებული ვაჟა-ფშაველა „სიმღერაში“ („მათრია წუთისოფელმა...“) ბედნიერების განცდით გადასცემს მკითხველს თავის აღტყინებას, რომ „ნასვამი შხამი, ნალველი“ დღეს მისთვის ტკბება; წინათ რომ მასში სუსტი იმედი „ბჟუტავდა“, ახლა მზედ იქცა. რადგანაც „კვდება, სულსა ჰლევს ვეშაპი ქვეყნისთვის სისხლის მსუტავი“, მგოსანს ოცნება დღეს, რევოლუციის პირობებში, სინამდვილედ გადაექცა. ის სიამოვნებით მღერის:

ამიერიდან ჰალარაც

შავფერად გარდაიქმნება.

მირჩება გულის წულუღები,

რჩება სნეული ოცნება:

ტუდება მონობის ბორკილი,

დღესასწაულობს გონება<sup>16</sup>

მგოსანი გრძნობს, რომ ეს ბედნიერება მას და ბევრ სხვასაც შიანიქა „ქარგების“ შეერთებულმა და თავდადებულმა ბრძოლამ და მუშა-

<sup>14</sup> ვაჟა-ფშაველა, სიმღერა („ყური დაგინდა, სხივი კრთის“), თხზ., ტ. II, 1950 წ., გვ. 24.

<sup>15</sup> ვაჟა-ფშაველა, „რა არის თავისუფლება?“ ხელნაწერთა ინსტიტუტი, ფონდი S, № 5317.

<sup>16</sup> მისივე, სიმღერა („მათრია წუთისოფელმა...“), თხზ., ტ. II, გვ. 21.

ობამ. ამ „კარგებისადმი“ პოეტი ღრმა, მაღლიერი გრძნობითა და ალტა-  
ცებითაა გამსჭვალული: ასეთი განწყობილება მას უნდა მკითხველ-  
საც გადასცეს, რათა მკითხველში აღძრას „კარგებისადმი“ მიბაძვის  
სწრაფვა.

ღმერთმა უშველოს იმათ,  
ვინც მიექიმა, მიწაშლა  
ჩემს სარგოდ სისხლი დაღვარა  
იმათ მსნე გულის ფიცარმა.  
. . . . .

ვანა მარტო მე? ბევრ სხვასა —  
ტანჯულს, დაჩაგრულს, მონასა:  
: . . . . .  
დაადევს წყლულზე მალამო, —  
ეშველოს იმათ ბრძოლასა!

(იქვე)

ვაჟა-ფშაველა აძლევს რა ასეთს დადებით შეფასებას ქვეყნის მშვე-  
ლელ „კარგთა“ მოღვაწეობას, ის მკითხველზე გადამდები ალტაცე-  
ბით შესძახებს:

ვაშა მათ მოღვაწეობას,  
ვაშა მათ ამაყ ღროშას!  
ნეტარხსენება ჩვენ მიერ  
მათ სისხლით მორწულ შრომასა!  
(იქვე)

თავისუფლებისათვის ბრძოლის პრობლემას ვაჟა-ფშაველა მარტო-  
პოეტურ შემოქმედებაში არ ანსახიერებს, არამედ ლამობს მისი მნიშ-  
ვნელობა, ძალა, ბუნება, და მისი ცხოვრებაში განმტკიცების აუცილე-  
ბლობა პუბლიცისტური წერილებითაც გააჩვეოს. „ღიახ, — წერს  
ვაჟა-ფშაველა ერთ-ერთს თავის დაუმთავრებელ წერილში, — გამხმარია,  
ხმელია ის საზოგადოება, რომელთა წევრებიც მონურად, ყუყუჩ-ჩერჩე-  
ტად არიან აღზრდილნი და არ უყვარსთ თავისუფლება, ჰხდება თავის-  
თავის მტერი, სთელავს ფეხით თავისივე ბედნიერებას. ამისთანა საზო-  
გადოება თუ სახელმწიფო ბუდეა ყოველნაირის უსამართლობისა, ადვი-  
ლად ჩნდებიან დაჩაგრულნი და მჩაგვრელნი, გაცარცული და მცარც-  
ელნი და იმართება მათ შორის ბრძოლა. დღეს ჩვენა ვართ მოწამე და  
მონაწილენი ამისთანა ბრძოლისა. ბედნიერება წართმეული ნაწილი სა-  
ზოგადოებისა (კლასი) ებრძვის მეორეს, რომელმაც მისი ბედნიერება  
მიითვისა, მისი თავისუფლება და ქონება. მჩაგვრელნი დღევანდლამდის  
თავისუფლად იქცეოდნენ: ფული, მიწა, ფაბრიკები, ქარხნები, სახლები  
იმათ ხელშია. ეს სულ მოტყუილებით, მტარვალობით, — სხვისთვის  
თავისუფლების ჩამორთმევით მოიპოვეს. დღეს დაჩაგრულმა ნაწილმა  
იგრძნო ეს უსამართლობა, აახილა თვალები, გაიღვიძა მის გულში დაძი-  
ნებულმა თავისუფლების სიყვარულმა, დღეს იგი ამბობს: „დამიბრუ-  
ნეთ წართმეული ბედნიერებაო!“<sup>17</sup>

<sup>17</sup> ვ ა ჯ ა - ფ შ ა ვ ე ლ ა, „რას ჰქვიან თავისუფლება“, ხელნაწერთა ინსტიტუტი,  
ფონდი S, № 5317.

ცხადია, ვაჟა-ფშაველა აშკარად და მწვეველ გრძნობს ქვეყნის მოუწესრიგებლობას, სოციალურ ფენათა ეკონომიური უთანასწორობის საფუძველზე გამწვავებულს. მაგრამ, უნდა აღინიშნოს, ვაჟა-ფშაველა მაინც ვერ ავიდა კლასთა შორის არსებული გამწვავებული ბრძოლის ისტორიული მნიშვნელობის სწორ გაგებად. მწერალი, უდავოდ, გლეხურმა წვრილბურჟუაზიულმა იდეოლოგიამ შეზღუდა.

ვაჟა-ფშაველა, რა თქმა უნდა, ეპოქას, მის მოთხოვნილებებს უფრო მკვეთრად ეხმაურება, ვიდრე მისი წინამორბედი მწერლები. ზემოაღნიშნული ნათლად გვიდასტურებს, რომ ვაჟა-ფშაველა ღრმად იყო დაინტერესებული 1905 წლის რევოლუციური პერიოდის ცხოვრების დუდილით, მისი აქტიური მონაწილე, როგორც პრაქტიკული მოღვაწეობით, ისე თავისი გავლენიანი მხატვრული კალმით.

\* \* \*

1905 წლის რევოლუციას მალე მოჰყვა რეაქცია. შავმა ძალებმა მთელი ქვეყანა დაარბია, კვლავინდებურად ბატონობა მოინდომა და იყო კიდევ. რეაქციის ღანაში საზოგადოებაში, მის გარკვეულ ნაწილში, ხშირად პროგრესულ-რადიკალურ განწყობილ ნაწილშიც ჰქონდა ადგილი, ხოლო ვაჟა-ფშაველა კი რეაქციამ ვერ გატეხა, ვერ დაიმონა.

რეაქციის ხანაში ვაჟა-ფშაველა ასე აფასებს 1905 წლის რევოლუციის გამოვლინებას მათში: „ერთხანად, თითქოს შეჩოჩქოლდა ჩვენი ცხოვრება, მაგრამ ისევ თვალები მილულა: წინ გადადებული ნაბიჯი, ისევ უკან გადადგა და გაჩერდა ერთს წერტილზე. შარშან, ე. ი. 1905 წლის მარტში აქაც გაფიცვები დაიწყო, ხალხმა თავისი მოთხოვნილებანი წარმოსთქვა და ქაღალდზეც აღნიშნა: 1) ვისარგებლოთ ტყით ისე, როგორც მამა-პაპას უსარგებლია, თავისუფლად; 2) მივცეთ სალდათი მხოლოდ იმ პირობით, რომ ორ წელზე მეტი არ ამსახუროს მთავრობამ, აქვე ჩვენს ქვეყანაში — საქართველოში; 3) არავითარი გადასახადი არ გავიღოთ იმ დრომდის, ვიდრე არ გამოირკვევა კომლუულად წლიური შემოსავალი და ამის მიხედვით არ შემოგვეწერება ხარჯი; 4) ვუცხადებთ ძმობა-ერთობას ყველა კავკასიის ერთა და სხვადასხვა. ხალხმა გაფიცვის მოთხოვნილებანი შეინარჩუნა სამ თვემდე. ისე მადლიანი, სათნონი გამოდგა ეს გაფიცვა-კი, რომ არავითარი ცუდი ამბავი არ გაიგებოდა, როგორც ფშაველი, ისე ხევსურეთში... ბოლოს ნელ-ნელა ჩვენს ხეობაში შემოყვეს თავები ბოქაულმა და სტრაჟნიკებმა... მას შემდეგ შიგ და შიგ ხევსურეთიდან და ფშავიდანაც დაიწყეს სიარული მაზრის უფროსთან და ბოქაულთან. იმ დღიდან დაი-



წყობა ავმა ქარმა ქროლვა, უცბად ამოვარდა და მთელი მონასტერი აირია“<sup>18</sup>.

თავისი უკმაყოფილება იმ კულშეკვეცილი, თვალამბმელი რეფორმებით, რომლებითაც დამთავრდა 1905 წლის რევოლუცია, ვაჟა-ფშაველამ ერთ-ერთ თავის „სიმღერაში“ („რად ამბობთ გაზაფხულდაო...“) შემდეგნაირად გამოხატა: გაზაფხულში პოეტი გულისხმობს ხალხის — ქვეყნის განთავისუფლებას ძველი თვითმპყრობელური წყობილებისაგან. მგოსანი მოხდენილი ალეგორიით, ღრმა და უშუალო მწუხარებით, წინააღმდეგ მრავალ გულუბრყვილო და ბეცთა შეხედულებისა, სიმბოლოებით, გვეუბნება, რომ ის გაზაფხულს ვერ ჰხედავს, ვერც მის დამამშვენებელ იას, ვარდს, გაზაფხულის ტკბილსა და თბილს მზიან დღეს, არც მერცხლებს „მალხაზფრთიანსა“. მათ სანაცვლოდ, სევდიანად განაგრძობს პოეტი, ის ხედავს ყორნებს, „სისხლით დათხუზნილთ, ბრჭლიანთა“.

სრულიად არ ვგრძნობ გაზაფხულს,  
არ მოვტყუვდები აროდ-ს.  
მკვდარს რომ ვუტყერი ბუნებას,  
სული მშარ-ნაღვლად ამოდის...  
ყვავილებისა ნაცვლად  
გული სოროდან გამოდის.  
მშხამავს და ჰბილწავს ყველაფერს,  
რასაც სიცოცხლე სწადიან...  
გველს რომ ჰხედავენ ბრიყვები,

„გაზაფხულს“ გაიძახიან...  
არა, ვერ ვხედავ გაზაფხულს,  
თუნდაც გამიწყრეთ ძალიან.  
.....  
„მცივაო, ცეცხლზე გამოთბე“,  
მესმის კარების რაკუნნი  
მგზავრის... ზაფხულის ლოდინით  
გხიზლავთ ოცნება მადღური.

მგოსანი ეძებს იმას, რაც გაზაფხულს ჩვეულებრივ ამშვენებს: ჭეჭა-ქუხილს, ელვას, მხაპუნა წვიმას (ყველა ეს, რა თქმა უნდა, სიმბოლოებითა რევოლუციური ბრძოლისა). ის მათ ვეღარ ჰხედავს. პოეტს უამისოდ გაზაფხული (ე. ი. ხალხთა მოძრაობა-მღელვარება) არ მიუჩნევია სასარგებლოდ. ამიტომაც ვაჟა-ფშაველა კატეგორიულად აცხადებს: „ამგვარი გაზაფხულისათვის არა ეღერს ჩემი ფანდური!“

ამიტომაც, როცა რევოლუციური აღმავლობა იძულებით შენელდა და დაიწყო რეაქცია, ვაჟა-ფშაველამ მიძიმედ განიცადა ბნელი ძალების თარეში.

ლექსში „ხევსური ბერდია“ პოეტი ბერდიას პირით თავის დასუსხულ განცდებს, გულისწყრომას გამოსთქვამს რეაქციის მიმართ, ამასთანავე, იმათ მიმართაც, ვინც ლაჩრულად იქცევა მტერთან ბრძოლაში, მწარე დაცინვითა და შთაგონების სურვილით პოეტი მიმართავს მათ: „მტერი ვის გაუბრუნებავ მალულაობის ჩადენით?!“ ვაჟა-ფშაველა თა-

<sup>18</sup> ვ ა ჟ ა - ფ შ ა ვ ე ლ ა, ყშავ-ხევსურეთას ავ-კარგი, ხელნაწერთა ინსტრუქტი. ფონდი S, № 5317.

ნამომძევებს ურჩევს საომრად იყვნენ მზად, რადგანაც ისაა ვაჟკაცი, „ვინც გამწარებულს სიცოცხლეს დაამჯობინებს სიკვდილსა“.

რეაქციასთან შეურიგებელი პოეტი თავის მოძმეებს და ფართო მკითხველთ ანდერძსავით ასეთს რჩევას აძლევს:

ნუ იზამთ უგვან საქმესა:  
მტერს დახვდით, ვაისარჩენია!  
წესა: მამულისადა  
მოკვდით და დაიხარჩენით!

ვერ იტყვის მაშინ ურჯულო,  
რომ შასდრკით, დაიმაღენით.  
გამარჯვებულნიმც იქნებით  
თავის ხატით და გამჩენით.  
(„ჩვესური ზურღია“)

ამიტომაც, მიუხედავად იმისა, რომ რეაქციის პერიოდში, საზოგადოებაში რევოლუციური განწყობილება ერთგვარად განელდა, საზოგადოების ზოგიერთი მოწინავე წევრშიც კი ერთგვარმა იმედგაცრუებულობამ საგრძნობლად გაიდგა ფესვი, ვაჟა-ფშაველა მაინც არ გაპყვა ამ უიმედობის გზას. ის შეუპოვრად გაუტეხელად მაინც გაპკიოდა:

კიდევაც ვნახავ და სქექდეს,  
თოვლის წილ წვიმა ცვიოდეს,  
ანოყივრებდეს მიწასა,  
მღანარეები ხვიოდეს,  
აღარვინ იტანჯებოდეს

და აღარც ვისა კშიოდეს;  
სიმაართლის გამარჯვებასა  
მთაზე არწივი ჰყიოდეს;  
მეც მას ბანს ვეუზნებოდეს,  
გული აღარა მტკიოდეს<sup>19</sup>.

იქვე ასეთივე სიძახვილით:

კიდევაც ვნახავ, უხვადა  
ვარდნი, იანი ჰყვოდუნ,  
ნაცარ-მტვრად იყვნენ ქეუელნი,  
ვინაც გუშინა ზვაობდუნ;

შხამის და გესლის მთესველნი  
მოასპენენ, არარაობდენ,  
ჩვენის სიკვდილის მსურველნი  
ყორნები ველარ ჩხაოდენ!<sup>20</sup>



ვაჟა-ფშაველა რეაქციის ხანაშიც განაგრძობს 1905 წლის რევოლუციით დაინტერესებას. 1908 წელს, პოეტი, მისთვის დამახასიათებელი გულისხმიერებით ასწონ-დასწონის განვლილ შესანიშნავ ისტორიულ პერიოდს და, როგორც იტყოდა დიდი რუსი პოეტი ა. პუშკინი — „Ума холодных насл:одений и сердца горстных замет“, გვაძლევს ასეთს დაკვირვებათა შედეგს 1905 წლის რევოლუციური მოძრაობის ძირითადი წამყვანი იდეებისა და მამოძრავებელი ძალების შესახებ, როგორც ეს მას, მგოსანს ესმოდა. უნდა ითქვას, რომ რეაქციის ხანაშიც, პოეტის სრული თანაგრძნობა მათდამი მკაფიოდა და ნათლადა გამოთქმული.

<sup>19</sup> ვ ა ჯ ა - ფ შ ა ვ ე ლ ა, სიმღერა („კიდევაც ვნახავ გაზაფხულს“), თსზ, ტ. II, 1950 წ., გვ. 41.

<sup>20</sup> ი ქ ე ე.

ვაჟა-ფშაველას პოემა „მთათა ერთობა“ პოეტის ხსენებულ დაკვირვებათა მხატვრული განსახიერებაა მძლავრი პოეტური ალგორითმის, შედარებების, კონტრასტების, მეტაფორების, ეპითეტებისა და სხვა პოეტური სახეებისა და ხერხების საშუალებით. 1905 წლის რევოლუციის პერიოდში საზოგადოების შინაგანი ფენების ურთიერთ ბრძოლასა და მათ მისწრაფებას ვაჟა-ფშაველა ხსენებულ პოემაში ბუნების მოვლენათა ურთიერთ დამოკიდებულების სახით ხატავს.

1905 წლის რევოლუციური მოძრაობის ქარიშხლიან აღმავლობაში სინამდვილე ხელოვანისაგან და, კერძოდ, მწერლისაგანაც მოითხოვდა არა მარტო ძველის, დრომოქმულის კრიტიკასა და უარყოფას, არამედ აგრეთვე, თუ უფრო გამძაფრებულად არა, ახალის, საზოგადოებრივ ცხოვრებაში რომ ისახებოდა, გამოაშკარავებას, განმტკიცებას. ეპოქის ამგვარ ძლიევამოსილ მოთხოვნას ღრმად გრძნობდა ვაჟა-ფშაველაც. მკაცრი ცენზურული პირობების გამო, ის მის მიერ დაუფლებულ შემოქმედების ხერხს — ბუნების მოვლენათა ურთიერთობის ჩვენებით ადამიანთა ცხოვრების დახატვას — იმარჯვებდა.

ასეთია პოემა „მთათა ერთობა“.

მაშინ, როდესაც მთები ღრმა ფიქრში იყვნენ გართული, გადმოგვცემს მგოსანი დასახელებულ პოემაში, მათ (მთებს) ამცნეს ნება ბარისა — „ქვეიდან დანაბარი“ „ახალი მცნება დიღია“. ბარმა შიკრიკების საშუალებით მთებს გადასცა, რომ ბარში მდგომარეობა შეიცვალა — ერთმანეთს შორის გაიდვა „ერთობის ხიდი“, „ბარად სუსტსა და ძლიერსა ხელი-ხელს ჩაუკიღია“. ესაა საფუძველი ბედნიერი ყოფისა. ასე უყურებს ბარი, ასეთივეა გაგება მგოსნისაც. ამ საფუძველზე ბარში კეთილი, სამართლიანი ურთიერთობა დამყარდა:

მგელი ვერ ჰხედავს მგლობას,  
ეხლა კრავივით მშვიდია.  
ცხვარი სძოვს ბალახს უშიშრად,  
სწამს, ვერ უმტერებს ფლიღია,

და კატას — თავებერს მტერსა,—  
ყელზე ეყვანი ჰკიღია.  
ერთობის გზაზე ვიაროთ,  
ეგრძობობის გზა ფინთა<sup>21</sup>.

ცხადია, 1905 წლის რევოლუციის ერთ-ერთ მამოძრავებელ პრინციპად ვაჟა-ფშაველას მიაჩნია ადამიანთა ერთობა და თანასწორობა, რაც ვაჟა-ფშაველასათვისაც აუცილებელია და ძირითადი ბედნიერი ცხოვრების დასამყარებლად, რომლისკენაც თავგანწირული ბრძოლით მიისწრაფვის კაცობრიობა და განსაკუთრებით კი მშრომელი ხალხი. მგოსნის შეხედულებით, ერთობის ძალა ძირითადი მამოძრავებელია არა მარტო ადამიანთა ცხოვრებაში, არამედ ერთობის ძალაზე დამყარებულია მთელი სამყაროს ცხოვრება, მთლიანად ბუნება თავისი მრავალი

<sup>21</sup> ვ ა ჯ ა - ფ შ ა ვ ე ლ ა, მთათა ერთობა, თბზ., ტ. IV, 1932 წ., გვ. 203—204.

გამოვლინებით, თავისი კანონზომიერებით. მგოსანი რომ უკვირდება ბუნებას, მის ყოველდღიურ ცხოვრებას, რწმუნდება ამ ძალის, კანონის საყოველთაო და გარდაუვალ ხასიათში.

მგოსანი ამ კანონზე აგებულს მთლიან სამყაროს რომ განიცდის, გადამღები ალტაცებით წამოიძახებს:

მე ვნახე ძმობა მათ შორის  
უმწიკლო, როგორც ლალია,  
ერის ვერ შევნიშნე სიძულე  
და შურიანი თვალა...<sup>22</sup>

ვაჟა-ფშაველა სწორედ ბუნების მოვლენათა ამ თვისებაში ხედავს ცხოვრების — ბუნების, როგორც მთლიან სამყაროს, დედააზრს, სილამაზეს, მიმზიდველობას. ეს განცდა ავსებს მას მაღალი ესთეტიკური და ეთიკური განწყობილებით.

თვალთ ნანახი სიწმინდე  
ჰნათლავს ბოროტ ფიქრთ კრებასა.  
სულს ესხურება იაზმა,  
ჰირთაგან იგრძნობ შეებასა...<sup>23</sup>

პოეტიც, ამ სანახაობით მოხიბლული, მაღალი სიამოვნებისა და ბედნიერების განცდით ალტაცებული, წამოიძახებს:

და მე როს ეუზურ, მწყურვალი  
ვსვამ უკვდავების წყაროსა...  
უბე შევსება მადლითა,  
ვცდილობ არ დამედვაროსა<sup>24</sup>.

პოეტს ეს „უმწიკლო ძმობა“, ეს ბუნებრივი, უშუალო და კეთილი კავშირი, ბუნებაში რომ არის განმტკიცებული, სურს ადამიანთა ცხოვრებაშიც იხილოს განხორციელებული. ამ მიმართულებით ესმის მას რევოლუციის ძალაცა და მნიშვნელობაც, რომ რევოლუცია გაასწორებს კაცთა ცხოვრების მრუდე გზას, დაამყარებს სწორ, ბუნებრივ და სამართლიან ურთიერთგაგებას.

რა თქმა უნდა, გასაგებია, რომ ვაჟა-ფშაველა მთების — იალბუზის, მყინვარის, ბორბალას, სპეროზასა და სხვათა ერთობაში სხვადასხვა ტომთა (არა მარტო ქართველთა) და ეროვნებათა (შესაძლებელია პირველ რიგში ჯერ მთიელთა) გაერთიანების იდეას გულისხმობს, რის გადვივებასაც 1905 წლის რევოლუციურმა მოძრაობამ ხელი შეუწყო.

<sup>22</sup> ვ ა ჯ ა - ფ შ ა ვ ე ლ ა, მათაა ერთობა, თხზ., ტ. IV, გვ. 204.

<sup>23</sup> ი ქ ვ ე, გვ. 205.

<sup>24</sup> ი ქ ვ ე.

ერთობის დიადი ძალა, 1905 წლის რევოლუციის ძალა რომ მკითხველსაც აგრძნობინოს, შეაგნებინოს მისი აუცილებლობა, სარგებლობა, გადამდები ძალა და ბუნება, ვაჟა-ფშაველა, იალბუზთან თავმოყრილ მთათ, რომელთაც შეესმათ „ხმა ერთობისა... გამოგზავნილი ბარითა“, დამარწმუნებელი საბუთიანობით ასე აალაპარაკებს:

ბალახნი, ტყე და ლოდები  
იმსკვალვის ამა მკვალითა.  
ქორანი, არწივნი, ყორნები, —  
ნეტავ ვაჩვენა თვალითა, —  
ისინიც ერთობისათვის  
თითქმის არიან ძალითა.

პაერიც ამას გასძახს  
ვარსკვლავებს ნიავ-ჭარითა,  
მკლებიც ერთობას ღმუიან  
ნებსითად. თავის ჭარითა.  
მთელის ბუნების ლაღაღმა  
ჩვენც ჩავვაფიქრა ყველანი<sup>25</sup>.

იალბუზი, როგორც მოთავე, გამოცდილი, დარბაისელი, რომელმაც გაიგო, რასაც მოსთქვამს „ბარის საყვირი“, რომელმაც ბარის დანაბარი „ბევრი აილ-დაილო“ და ახლა სურს მის გარშემო შემოკრებულ მთათ თავისი ნააზრევი გაუზიაროს, — აუხსნის, რას ნიშნავს მათთან შემოგორებული „წითელი კვერცხი“, რომელიც „კაცთა მოგონილია თავის ცხოვრების წამლად“ (რა თქმა უნდა, „წითელი კვერცხი“ სიმბოლოა რევოლუციისა; ამით ვაჟა-ფშაველას სურს მკითხველი ადვილად მიახვედროს პოემის ნამდვილ შინაარსს — მათა საუბარს, გააგებინოს, რომ პოემაში ასახული მათი ურთიერთობა და ამოძრავება პოეტური ალეგორიაა, რომლის მიხედვითაც ის მკითხველს უჩვენებს სანუკველი რევოლუციისა და მის მამოძრავებელ პრინციპებს).

იალბუზი ასე ხსნის ამ „წითელი კვერცხის“ აგორების მიზეზს, და ეს ახსნა, უდავოდ, თვით ავტორისაც არის:

ბევრია საწყლობაშია  
გადაქცეული ნაცრად,  
სხვა ფუფუნებას ვანიცდის,  
ტანჯვა-ვაების ნაცულად.  
კიდევ ეს გარემოება

ჰბადებს შურსა და შტრობასა —  
ერთი მგელია კაცთ შორის,  
შეორე უწევს ცხვრობასა.  
ეხლა თქვენ გკითხავთ, მოთხარით,  
მგელი მოიშლის მგლობასა?<sup>26</sup>

ვაჟა-ფშაველას კარგადა აქვს გაგებულ, იმ დროის სოციალური ცხოვრების მოუწესრიგებლობის ძირითადი მიზეზი — კლასობრივი უთანასწორობა, ერთის (მცირე ნაწილის) ბატონობა მეორეზე (უმრავლესობაზე), ერთის ექსპლოატაცია მეორისაგან; ესმის, რომ ამ ნიადაგზე აღმოცენებული კაცთა ღელვა არის „ამრევდამრევი უსწოროსი და სწოროსისა“. ამით ვაჟა-ფშაველა ამქდავენებს 1905 წლის რევოლუციის ძირითადი გამომწვევი და მამოძრავებელი მიზეზის გაგებას.

<sup>25</sup> ვ ა ჯ ა - ფ შ ა ვ ე ლ ა , მთათა ერთობა. თხზ., ტ. IV, გვ. 297—298.

<sup>26</sup> ი ქ ვ ე , გვ. 208.

იალბუზის პირით ვაჟა-ფშაველა თავის პირად სოციალურ მრწამსს ააშქარავებს. ვაჟა-ფშაველა ერთს თავის დაუმთავრებელ წერილში წერს: „სიმართლე მწერლობაში ორ-ნაირად ითქმის, ამ თქმას ორგვარი ფორმა აქვს: ერთი პოეტური, ბელეტრისტული და მეორე პუბლიცისტური. საგანი იმათი ერთი და იგივეა — ცხოვრება, მისი მოვლენანი ძველი თუ ახალი, მიზეზი ამ მოვლენათა და შედეგი. ორივენი, ვსთქვათ, ერთსა და იმავე ჭეშმარიტებას ამბობენ, ერთსა და იმავე გზას ადგანან, მაგრამ ერთის თქმა ძლიერია, ღონიერი, ხოლო მეორესი, თუმცა სიმართლეა, მაგრამ ვერ აღელვებს კაცის გულს და გრძნობას პირველივით“<sup>27</sup>.

ამიტომაც, რომ მან თავისი დამოკიდებულება 1905 წლის რევოლუციისადმი პოეტური სტილით გამოხატა პოემაში „მთათა ერთობა“. ეს გზა მას უფრო ძლიერად მიაჩნდა. მით უმეტეს, რომ პოეტური ნაწაროებით, გარდა მაღალი ემოციების გამოწვევისა, რასაც მკითხველზე დიდი გავლენა აქვს, მწერალს შეეძლო მკაცრი ცენზურისათვის თვალი აეხვია. ამიტომაც მხატვრული შემოქმედება თავისი ალეგორიებით ხშირად მწერლებისათვის და კერძოდ ვაჟა-ფშაველასათვის ხელსაყრელი და აუცილებელი ნიღაბი იყო მკაცრ ცენზურულ პირობებში.

ვაჟა-ფშაველამ ბუნებასთან უშუალო ურთიერთობაში გამოიმუშავა ბუნების მოვლენათა ზედმიწევნითი კარგი ცოდნა და გაგება. ამ ნიღაბზე მან კარგად აითვისა ბუნების ცხოვრების კანონზომიერებაც. პოეტი დარწმუნდა, რომ ეს კანონზომიერება მიზანშეწონილია — მას სიკეთის, სილალისა და თანასწორობის დასაბამი აქვს. ეს კანონზომიერება, მწერლის გაგებით, ადამიანთა ცხოვრებისათვის კანონზომიერი უნდა იქნეს. თუ ადამიანთა ცხოვრება დარღვეულია, დაკნინებულია, უსამართლოა, მანკიერია და მახინჯი, ეს იმიტომ, რომ ბუნების ძირითადი კანონი ადამიანის მიერ უგულვებელყოფილია, ბუნების სამართლმან, კეთილი დასაბამი ადამიანს დარღვეული აქვს.

აი როგორ შეხედულებას გამოსთქვამს ვაჟა-ფშაველა თავის წერილში „სად არის პოეზია?“ „ჩვენი ცხოვრება სრული გამომხატველია ბუნებისა... კაცთა ცხოვრებაშიც არეულობა, რევოლუციები მწუხარებით დაწყებულა, როგორც ცაზე ჰეჰა-ჰეხილი. ვინც ბუნების ავი და კარგი შეიგნო, იმას არ გაუძნელდება ცხოვრების ვითარების გაგება. მხოლოდ უნდა მწერალი უყურებდეს ცხოვრებას, თუ შეიძლება ასე ვთქვათ, ბუნების თვალებით. მწერალს მუდამ უნდა ახსოვდეს, რომ ბუნების კანონს არ უმტყუნოს, წესიერება ბუნებისა დაიცვას...“<sup>28</sup> ამ მოსაზრებით ხელმძღვანელობდა მგოსანი თავის პოეტურ შემოქმედებაში.

<sup>27</sup> ვაჟა-ფშაველა, რამე-რუმე, ხელნაწერთა ინსტიტუტი, ფონდი S, № 5317.

<sup>28</sup> მისივე, სად არის პოეზია?, ხელნაწერთა ინსტიტუტი, ფონდი S, № 5317.

იალბუზს ვაჟა-ფშაველა ასე გამოათქმევინებს თავის აზრს:

დიად, თუ ჰქვა გვაქვს ჩვენ, მთებსა,  
ცოტა რამ ცოდნა თავისა,  
ერთობის ფარგალში ვცხოვრობთ,

ჩვენში ერთობა ჰყავისა—  
დიდი ხნიდანვე, არა დღეს,  
ეს კაცთ ვერ გაუგავისა<sup>29</sup>

რა არის ის, რაზედაც ჰყვავის ბუნების მოვლენათა ერთობა და რაც ადამიანს ვერ გაუგია? ეს, იალბუზის (თვით პოეტის) ახსნით, არის ბუნების მოვლენათა შორის მჭიდრო, უწყნებელი, სასარგებლო ურთიერთობა. ასეთი კავშირი, პოეტის გაგებით, ადამიანთა შორის დაკარგულია, აღარ არის. იალბუზი ბუნების მოვლენათა შორის კეთილ. მიზანშეწონილ და კანონზომიერ ურთიერთობას შემლევნაირად გამოთქვამს:

ჩემთ ღრუბელთ ნაში თქვენ განმავს,  
თქვენისა მე შესხურება,  
როგორაც თქვენა, ვგრავ მე  
ცა ქულად დაგვეხურება.  
მიაქვს ჩენიდან, ვისც რა ჰსურს,  
რად ვინმე დაგვემღურება?

ჩვენის ამაგით სარგებლობს  
და არც ჩვენ მიედევთ ვინებით,  
მიხედ-შოხედეთ თქვენს გულ-მკერდს,  
სულ საესე არის ბინებით.  
როგორც დღესნამდგე მადლს ვსთესდით,  
დღეიდგეც ასე ვიქნებით<sup>30</sup>

იალბუზის ასეთს აზრს სხვა მთანიც ეთანხმებიან; ნიშნად სოლიდარობისა დედამიწაც თანდათანობით გუგუნებს; მთელი სამყარო, ამბობს მწერალი, ამჟამად იწყებს სოლიდარობის გაერთიანებული სურვილით „ნძრევას და ჩუჩუნსა“.

იალბუზი (ექვსს გარეშეა ყველგან თვით ავტორი იგულისხმება) შემოკრებილებთან თავისი აზრის განვითარებას — მათთ (ბუნების) ცხოვრების კანონთა უპირატესობის აღიარებას განაგრძობს და ამბობს, რომ კაცნი მათთ ერთობას „ვერათფრით დაიწუნებენ“, თუ ისინი დინჯად, პირდაპირობითა და „მიუღმდგარად“ ასწონენ ბუნებას თავისი მოვლენებით — მოვლენათა ურთიერთობით. იალბუზი აღნიშნავს, რომ კაცთა შორის მათი დამღუპველი უკუღმართი ურთიერთობა არსებობს.

იალბუზის პირით ვაჟა-ფშაველა თავის უარყოფით შეხედულებას ადამიანთა ცხოვრების მიმართ ასე გამოთქვამს:

ღმერთმა გვაშოროს, მოვიქცნეთ  
ჩვენც ადამიანთ გვარადა:  
თუ ერთმა მეორე ვერი  
დაიპყრო, დაიშინავა,  
განადგურებს, გაჰქეღავს,  
არ შაიბრალებს ოდნავა;

სულს აძრობს, ჰკვეთავს ენასა,  
არ ათქმევინებს სათქმელსა  
თავის ენაზე, თვის რჯულზე  
არ ანთებინებს სანთელსა.  
ვინ მოსთვლის, უსამართლობას  
საწილს დაჰმართებს რამდენსა!<sup>31</sup>

<sup>29</sup> ვ ა ჟ ა - ფ შ ა ვ ე ლ ა, მათთა ერთობა, თხზ., ტ. IV, გვ. 213.

<sup>30</sup> ი ქ ვ ე, გვ. 213—214.

<sup>31</sup> მ ი ს ი ვ ე, მათთა ერთობა, თხზ., ტ. IV, გვ. 216.

ადამიანთა და ეროვნებათა ცხოვრების ამ უარყოფით დახასიათებაში გარკვეულად, ნიშანდობლივად და მკვეთრად იგრძნობა ვაჟა-ფშაველას თავისი ეპოქისადმი, თანადროულობისადმი უარყოფითი დამოკიდებულება. მკითხველი ნიშანდობლივ გრძნობს მეფის რუსეთას მიერ ქართველი ხალხის პოლიტიკურ შევიწროებას, ჩაგვრას, სამშობლო ენის ძალმომრეობით წართმევის ცდას, რასაც პოეტი ენერგიულად ებრძოდა.

ამ გარემოებითაც აიხსნება, რომ ვაჟა-ფშაველა 1905 წლის რევოლუციას აფასებს როგორც ადამიანთა სოციალურ-ეკონომიური ურთიერთობის მომწესრიგებელ ძალას, ისე პოლიტიკური-ეროვნული ჩაგვრის მომსპობ და მცირე ეროვნებათა განთავისუფლების მეჩირადღნეს. მცირე ერთა გაერთიანებისა და განთავისუფლების საკითხი, როგორც ზევითაც აღვნიშნეთ, ვაჟა-ფშაველამ მტკივნეულად წამოაყენა ჯერ კიდევ 1882 წელს ს. უფლისციხეში ხალხოსანთა არალეგალურ ყრილობაზე. ამით აიხსნება, რომ იალბუზს ავტორი თავის შეხედულება ამ მიმართულებითაც გააშლევინებს.

იალბუზი აღნიშნავს, რომ „მთათა ბუნება არ სწყურება სხვადასხვა ენათ სმენითა“. ის ამბობს:

ისევე ვსტკებით ომუილით,  
როგორც შურთხების სტვენითა<sup>32</sup>.

იალბუზი დადებით და მისაბაძავ თვისებად ბუნებას კიდევ იმ გარემოებას უთვლის, რომ ბუნებაში ყველანი თავისუფლად გრძნობენ თავს და თავისუფლად „ამბობენ, რაცა სწადიანთ თავის მშობელის ენითა“. სწორედ ბუნების მოვლენათა ასეთ თვისებაში, მათ სხვადასხვაობაში, თავისთავადობაში ხედავს იალბუზი (ვაჟა-ფშაველა) ბუნების კანონის ქებისა და გონიერების საფუძველს. სწორედ ამ მრავალფეროვანებაში ხედავს იალბუზი მთლიანი ცხოვრების სილამაზეს, შნოს, აზრს (რაც ასე დამახასიათებელი იყო თვით ვაჟა-ფშაველასათვის მთელი მისი მოღვაწეობის მანძილზე).

მთათ შეკრებულება, იალბუზის წინადადების თანახმად, ბარს შემდეგი შინაარსის თანხმობის დამყარებას ურჩევს:

ესწრაფოს თავისუფლებას,  
ცხოვრება ჰქონდეს ხალხათი;  
თუ ვინმე გაბატონდება, —

მოსპოს შნობა, ლაზათი, —  
იმას ეურჩოს, შეჰმართოს  
და გაუწიოს კამათი<sup>33</sup>.

აქ მელავენდება ვაჟა-ფშაველას არა მარტო მისწრაფება ქართველ ტომთა გაერთიანებისა, არამედ, აგრეთვე, მწერლის ინტერნაციონალური სულისკვეთება, მისი ინტერნაციონალური პოლიტიკური კრედიო

<sup>32</sup> ვ ა ჯ ა - ფ შ ა ვ ე ლ ა, მთათა ერთობა, თხზ., ტ. IV, გვ. 217.

<sup>33</sup> ი ქ ვ ე, გვ. 218.



(უნდა აღინიშნოს, რომ ვაჟა-ფშაველას ინტერნაციონალური კრედო სუბიექტური განწყობილების საფუძველზეა აღმოცენებული და გაშლილი). ასე ჰქონდა მას წარმოდგენილი ხალხთა. ეროვნებათა მკიდრო ურთიერთდამხმარე კავშირი მომავალში.

ცხადია, ვაჟა-ფშაველას ინტერნაციონალიზმის იდეა საყოველთაოდ ყველა ერისათვის საჭიროდ, სასარგებლოდ და სავალდებულოდ მიაჩნია. ასეთივე იდეაა განსახიერებული პოემაში „მთათა ერთობა“.

იალბუზის მსჯელობაც ამ მიმართულებით იწვლება. მის წინადადებას მთები იღებენ და მყინვარის პირით კატეგორიულად შემდეგ აზრს ხაზგასმით აღნიშნავენ:

სწორია, ბატონობასა,  
ერთის მეორის ჩაგვრასა  
ვერ მოვიწონებთ ვერა დროს,—  
აშკარად ვამბობ აქასა.  
ერი ერისგან ჩაგვრულს,  
თუ კაცი კაცის მიერა,

უღმერთობაა დიადი,  
გულის საკლავი ძლიერა;  
ერთი მეორის წყალობით,  
რად უნდა იყოს მშვირა  
სულით და ხორციით? ეს მეტად  
კაცთ დამამტრობი წესი:!

ეს აზრი ვაჟა-ფშაველას მსოფლმხედველობაში ძირითადია და წამყვანი. მკვეთრადაა ხაზგასმული მწერლის თანადროულობაში გაბატონებული უსამართლოდ კაცის ჩაგვრა, მისი პიროვნების შეზღუდვა, გაბატონებული კლასობრივი და მასების განწყობილება ეროვნული ჩაგვრის წინააღმდეგ, რის დამორგუნველაც თვით მწერალიც გამოდის.

გარდა ზემოაღნიშნულისა, პოემა „მთათა ერთობის“ მიხედვით ვაჟა-ფშაველა 1905 წლის რევოლუციის მნიშვნელობას იმაშიც ხედავს, რომ რევოლუციის მსვლელობამ მეგრძოლ სოციალურ ფენებს (რა თქმა უნდა, ამბოხებულ, დამორჩილებულ მშრომელთა ფენებს) დაანახვა მათი ძალა, უნარი და მნიშვნელობა უკეთესი მომავლის დამყარების საქმეში. ამ გარემოებამ მათში განამტკიცა ახალი, რევოლუციური გზით სვლის გადაუდებლობისა და შესაძლებლობის რწმენა:

დღეს ვსცანით დაკვირვებითა  
ჩვენი ძალი და ღონია,  
სიავ-სიკეთე თავისა,

ერთობის შესაწონია.  
მეტს არც რას ვეძებთ. არცა ვთხოვთ,  
მთათა ერთობა კარგია:!

იალბუზი, აღნიშნავს რა ბარის გაჭირვებულ მდგომარეობას. რადგანაც იქ კაცის ცხოვრება გამხდარა სადავოდ, ძალმომრეობისა და „ტაციაობის“ საგნად, — მოუწოდებს მათ დაეხმარონ ბარს, შეუსუბუქონ მას მდგომარეობა; ამცნონ მას თავისი თანაგრძნობა „მტრიალს და მოხარხარესა“.

<sup>34</sup> ვ ა ე ა - ფ შ ა ვ ე ლ ა, მთათა ერთობა, თხზ., ტ. IV, გვ. 218, 220.

<sup>35</sup> ი ქ ე ე.

მთათ იალბუზის წინადადება მიიღეს, თავიანთი თანაგრძნობისა და დანხარების გადაწყვეტილების გადაცემა მათ მთათ ასულს ნიავს მიანდეს, რათა ის მოზრდილი და მაგარი მხრებით გადაიქცეს „მხვიან ქარადა“, ყოველ მხარეს იქროლოს და მათი დანახარები ყველას გადასცეს.

ქარი აგიტატორის სიმბოლოა. ვაჟა-ფშაველას აუცილებლად მიაჩნია ფართო აგიტაცია ახალი, სასარგებლო იდეებისა, რაც ასე ფართოდ და ნაყოფიერებით გაიშალა 1905 წლის რევოლუციის მოძრაობაში, როგორც ქალაქად, ისე სოფლად.

თანაგრძნობის, ამოქმედების, დანხარების, გათავისუფლების განწყობილება, ნათქვამია პოემაში „მთათა ერთობა“, ქარმა კილით-კიდეშდე მოჰფინა. ასეთ განწყობილებას ყველა კმაყოფილებით შეხვდა.

ეს თანაგრძნობის ძალა უფრო რომ გაზარდოს და მკითხველსაც მთაუნერგოს, მგოსანი შემდეგ საშუალებას მიმართავს. თვით უდროოდ გადასულნიც კი, ნათქვამია პოემაში, სიამოვნებით იღებენ ამ ცნობას; ისინიც მთის თხემზე იკრიბებიან „ძაძით შემოსილები“, იწყებენ ტბილ გალობას, შესთხოვენ უფალს მთა-ბარს „მოანიჭოს წყალობა“:

ნუგეშმცემლად იყავი  
დაჩაგრულებსა ყველათა.  
თავისუფლების გვირგვინი

დაადგი კარვის მცველადა.  
დათრგუნე უსამართლობა,  
გამფეხბული ქვეყნადა<sup>31</sup>.

ცოცხლად და მიმზიდველადაა მოცემული პოემაში საერთო, გაღვიძებული, ანაკადებული მოძრაობა, მოქმედება თავისუფლების, სამართლიანი პირობების მოსაპოვებლად, უსამართლობის, ძალმომრეობის და სათრგუნავად. ვაჟა-ფშაველასაც, პოემის ლირიკული ადგილების მიხედვით. ბუნების ამოძრავების ეს სურათი მთელი არსებით იტაცებს (ისიც ხომ გატაცებით იყო ჩაბმული რევოლუციურ მოძრაობაში).

რევოლუციური განწყობილებისა და ბრძოლის სიდიადე უფრო რომ გაზარდოს, მკითხველზე რომ უფრო გადამდები გახადოს, მგოსანი საერთო ამოქმედებულ ალტყინებულ მოძრაობას მოხერხებულად ჩაურთავს ქართული ხალხური პოეზიის ლეგენდის გმირის მიჯაჭვეული ამირანის თანაგრძნობას (მიჯაჭვეული ამირანი ხალხურ პოეზიაში ხომ სიმბოლოა ხალხისათვის მიწაზე სიკეთის (ცეცხლის) მოტანისათვის დასჯილისა კავკასიონის ქედზე მიჯაჭვით, ხოლო XIX საუკუნის ქართულ მხატვრულ ლიტერატურაში მიჯაჭვეული ამირანი სიმბოლოა აგრეთვე დამონებული საქართველოსი).

ამირანიც, აღფრთოვანებული განთავისუფლების იმედით, შინაგანი რწმენით, კლდიდან ბობოქრობს, გაჰკივის, დაყინებით ურჩევს მთასაც და ბარსაც სამართლიანი თავისუფალი ცხოვრების მოპოვებისა და დამ-

<sup>31</sup> ვ ა ჯ ა - ფ შ ა ვ ე ლ ა , მთათა ერთობა, თხზ., ტ. IV, გვ. 237.

ყარებისათვის ძალა მოიკრიბონ, ვინაიდან მხოლოდ გაერთიანებული ძალით შეიძლება თავისუფლებისა, ერთობისა და სამართლიანობის დამყარება ქვეყნად.

ძალის შექმნა გვიშველის  
მეც და სხვას, ვინაც ტანჯულა  
მართლა, თუ უსამართლოდა.  
სხვა არა გამოჩანულა  
მის გარდა საშუალება,

როგორც მიცნია სოფელი.  
ხომ მხედეთ, რა ყოფაში ვარ,  
ქვეყნის კეთილის მყოფელი, —  
ხალხისთვის თავდადებული.  
როგორც შვილისთვის შშობელი?<sup>37</sup>

ამჟამად, ვაჟა-ფშაველასაც მისაღებად და აუცილებლად მიაჩნია თავისუფლებისა და სამართლიანობის მოპოვება მხოლოდ ძალით, რევოლუციური გზით.

ამირანისათვის, მწერლის ჩვენებით, ყველაზე მტანჯველია უქმი სიცოცხლე და მოუხმარები მისი დიდი ძალ-ღონე. მას მეტად აღონებს ქვეყნის მძიმე ბედიც, მტრის უსამართლობა-ძალმომრეობაც. და ეს მწუხარება მისი მით უფრო დიდია და მწარე, რომ ის მიჯაჭვულია და არა აქვს შესაძლებლობა უსამართლობასთან ბრძოლაში თავისი ძალა გამოიყენოს.

ამირანის შინაგან წვაში, ვფიქრობთ, ვაჟა-ფშაველა თავის პირად შინაგან წვასაც ანსახიერებს, იმავე საზოგადოებრივი ტყვილით გამოწვეულს, რომ მისი ბუმბერაზი ნიჭი (რომლის შემეცნება, უდავოდ, მას ჰქონდა და ხანდახან არცა მალავდა) და ფიზიკური ძალაც ვერაფერს შეელოდა ქვეყნისა და ხალხის განთავისუფლების საქმეს.

პოემა „მთათა ერთობა“, როგორც ზევითაც მოვიხსენიეთ, დაწერილია 1908 წელს, რეაქციის ხანაში, ამიტომ, ბუნებრივია, მკითხველი ელის გაიგოს ვაჟა-ფშაველას დამოკიდებულება რეაქციის მიმართ ამ წლებში. მკითხველის ამ მოთხოვნილებას თვით მგოსანიც გრძნობს.

მოგვცა რა 1905 წლის რევოლუციის წამყვანი ძალებისა და საფუძვლების მხატვრული გაგება-შეფასება, მწერალი თვითონაც კარგად გრძნობს, რომ აუცილებელია ამ დიდი მოვლენის საბოლოო დასკვნითი შეფასება. პოემის ეპილოგი შემდეგნაირად ამთავრებს სურათის გადმოცემას: დაიწყო შეფერა ნისლმა გროვა და გროვა მოდენა: თან მოაქვს ოხვრა და კენესა, ხალხის ყივილ-ხივილი, გულის ტკივილი:

გადაეხურა, ვით ძაძა,  
მთებს ჯანლი პირით-პირამდე.  
არც ავს ამბობენ, არც კარგსა,  
სულ სდუმან კვირით-კვირამდე.  
ბარსა უმალვენ სახესა

თხემებით დაბლა ძირამდე.  
უნდა ვუცადოთ ამირანს  
გამოუშვებენ შინამდე.  
მავრამ საღა და როდისა?  
მისელა გაჰირდა შინამდე?<sup>38</sup>

ასე განიცდის და ასე გვიხატავს 1905 წლის რევოლუციას და მის შემდეგ დაწყებული რეაქციის მძვინვარებას ვაჟა-ფშაველა.

<sup>37</sup> ვ ა ჟ ა - ფ შ ა ვ ე ლ ა, მთათა ერთობა, თბ., ტ. IV, გვ. 237.

<sup>38</sup> ი ქ ვ ე, გვ. 233.

ამირანის გამოშვების მოლოდინი — ეს სიმბოლოა ახალი რევოლუციისა; ახალი, სამართლიანი ქვეყნის დამყარების მოლოდინია, რომელსაც მშრომელ მასებთან ერთად მოსანიც ასეთი გატაცებით ელოდა და უმღეროდა. ვაჟა-ფშაველას ღრმად სწამს, რომ უსამართლობა, აწ ქვეყნად გამეფებული, მოისპობა, ადამიანთა ცხოვრება გაიშლება და მოწესრიგდება სიყვარულისა, თანასწორობისა და სამართლიანობის საფუძველზე. თავის ამ განწყობილებას ვაჟა-ფშაველა იალბუხს ასე გამოახატვინებს:

ადამიანი თავის თავს  
დღესა, ხვალე თუ გვიანა,  
მოუძებნიან წაშლას,—

რამაც კი დააზიანა.  
კაცთა საერთო ცხოვრება  
მათი ძმობა და ერთობა<sup>39</sup>

ვაჟა-ფშაველამ, რომელიც მთელი თავისი ცხოვრების მანძილზე ტიპიური გამომხატველი იყო ამოძრავებულის და აღმავლობის გზაზე შემდგარი გლეხობის ფსიქოიდეოლოგიისა. ვერ შეძლო სათანადოდ გაეგო კლასთა შორის ბრძოლის ნამდვილი ბუნება და მისი ისტორიული როლი და მნიშვნელობა ქვეყნის სამართლიანი მოწესრიგების, ახალი საზოგადოებრივი დამოკიდებულება-განმტკიცების საქმეში. მაგრამ რწმენა, რომ თავისუფალი, სამართლიანი — ძმობა-ერთობის ქვეყანა დამყარდება, ვაჟა-ფშაველას გოლიათურ ძალას უფრო აძლიერებდა.

პოეტი მძიმე საზოგადოებრივი და პირადი ცხოვრების პირობებში გულს არ იტეხდა, წინ იმედიანად იცქირებოდა, თავის „ბუქსა და ნალარას“ იმედიანი მოტივებით ძალუმიად აჟღერებდა. პოეტი 1905 წლის რევოლუციურ მოძრაობაშიც ამიტომ ჩაება გატაცებით; რეაქციამ ამიტომ ვერ გატეხა ის.

ამიტომაც ვაჟა-ფშაველა ჩვენთვის ასეთი მახლობელი. ამიტომ ის არა მარტო თანადროულობის, არამედ მომავლისაც დიდი პოეტი იყო.

<sup>39</sup> ვ ა ჟ ა-ფ შ ა ვ ე ლ ა, მათა ერთობა, თბზ., ტ. IV, გვ. 210.

**გმირის (კაი ყმის) სახე ვაჟა-ფშაველას შემოქმედებაში**

ვაჟა-ფშაველას პოეტური მოღვაწეობის ეპოქა, როგორც ზევეითაც აღვნიშნეთ, დიდი სოციალური ძვრების ხანაა არა მარტო საქართველოს ცხოვრებაში, არამედ რუსეთსა და, შეიძლება ითქვას, მთელ მსოფლიოში. ხსენებულ პერიოდში, როგორც ზევეითაც ითქვა, რუსეთსა და საქართველოში ჯერ საბოლოოდ არ არის დამთავრებული გამძაფრებული ბრძოლა ფეოდალურსა და ბურჟუაზიულ კლასთა შორის. ხდება ფეოდალური ყოფის სწრაფი, კატასტროფული რღვევა, თანდათანობითი ინტენსივობით იწყება ისტორიული მოძრაობა აღმავალი კაპიტალიზმისა, ამ ნიადაგზე ჩნდება მძლავრი სოციალური გადანაცვლება.

აქვე იწყება ჭიდილი ახლად მომაგრებულ (რუსეთში მომაგრებულ, ხოლო საქართველოში ახლად ფეხადგმულ) პროლეტარიატსა და ბურჟუაზიას შორის.

ასეთს ეპოქაში, ჩვეულებრივ, ისმება საკითხი ცხოვრების ახალ საფუძველზე გარდაქმნისა, ახალი გზების ძიებისა; ჩნდება მოთხოვნილება ახალი ადამიანისა, რომელსაც შეუძლია თავისი გამჭრიახობით განსკვრიტოს ცხოვრების განვითარების ჯერ კიდევ დაფარული გეზი, გამოარკვიოს, გაიგოს მისი არსი, საჭირო საფუძვლები და მასებიც ამ მიმართულებით წაიყვანოს.

ასეთს პერიოდში ისმება პრობლემა გმირისა — ახალი ადამიანის ან, როგორც თვით პოეტი იტყოდა, „კაი ყმისა“, რომელიც ამ მიმართებით საზოგადოებრივი ცხოვრების ორგანიზებას ხელს შეუწყობს.

აი როგორ გამოჰხატავს ამ ეპოქის მოთხოვნილებას ვაჟა-ფშაველას თანამედროვე დიდი რუსი მწერალი მ. გორკი: „Нужны подвиги, подвиги! Нужны такие слова, которые бы звучали, как колокол набата, тревожили все и, соприсяя, толкали вперед“<sup>1</sup>.

ვაჟა-ფშაველაც, რა თქმა უნდა, ეპოქის ამ ძირითად საკითხს და მოთხოვნილებას ეხმაურება. მის წინაშეც, მთელი ცხოვრებისა და შე-

<sup>1</sup> М. Г о р ь к и й, Забытые рассказы.

მოქმედების მანძილზე, მთელი სიმძიმითა და სიმწვავეთ დგას საკითხი გმირის, ვაჟკაცის — „კაი ყმის“.

ვაჟა-ფშაველა მთის შვილია, იმ მთისა, რომელიც ჯერ კიდევ ცხოვრობდა დევ-გმირთა ზღაპრული ამბებით. მამაცობა, საქმე საგმიროსაარაკო — აი საზომი ადამიანის ვაჟკაცობის შეფასებისა მთაში, რაც იქ საუკუნეებით იყო შემონახული მდიდარ ზეპირშემოქმედებაში და თავისებურ ყოფა-ცხოვრებაში.

თვითონ ვაჟა-ფშაველა ასე ხსნის ვაჟკაცის კულტს, შემონახულს მთაში: „რადგან ძველის-ძველი კაცობრიობის ცხოვრება მუშტზე და ძალაზე იყო დაფუძნებული, ერთი თემი მეორესა ჰლაშქრავდა ხშირად უსაფუძვლოდ, მხოლოდ მოწადინებისა და სურვილისამებრ; დამჩაგვრელი დაჩაგრულს არბევდა, ამონავებდა. ყველა თემისათვის იმ დროებაში, რასაკვირველია, პირველი ღირსება ვაჟკაცობა იყო. ვისაც გული და ჭანი უჭრიდა, იგი იყო მამინ კაცი; ვაჟკაცი ხდებოდა საგნად მღერისა, ლექსისა, ამბისა, ზეპირ-გადმოცემისა“<sup>2</sup>.

დაახლოებით ასეთსავე აზრს გამოსთქვამს ხალხური გმირების შესახებ ილია ჭავჭავაძეც: „ერი თავის გმირებში პოულობს თავის სულსა და გულს, თავის მწვრთნელს, თავის ღონეს და შეძლებას, თავის ხატსა და მაგალითს“.

ვაჟა-ფშაველაც, აღზრდილი ხალხური ზეპირგადმოცემის ტრადიციებზე, ასევე უყურებდა და აფასებდა ვაჟკაცსა და მის საქმიანობას. ამით აიხსნება, რომ პოეტი ბარში ვერ თავსდებოდა, ბორგავდა, მისი პოეტური ხედვა ვერ იღებდა სათანადო საზრდოს ბარის დაკნინებულ, დაჩიავებულ ცხოვრებაში, როგორც მგოსანს ეს ეჩვენებოდა და იტყოდა, და მთელი თავისი დიადი დამოუკიდებელი ბუნებით მთისკენ გაშმაგებით მიიწევდა. სწორედ მთაში, მის ცხოვრებასა და პოეზიაში ეძებდა ვაჟა-ფშაველა სათანადო მასალას, საზრდოს; სწორედ აქ ჰქუხდა მისი ჩანგის პოეტური აღმაფრენა „ცად ასაწევად“... და ეს განწყობილება, შემოქმედების ეს გზა ვაჟა-ფშაველაში შეუცნობლად ან შემთხვევით კი არ ვითარდებოდა, არამედ სრულიად შეგნებულად, კანონზომიერად, ალბათ, დიდი აწონ-გაზომვის შედეგად. როგორც ეს მისთვის იყო დამახასიათებელი. ეს გარემოება აძლევდა მგოსნის შემოქმედების გმირებს მხატვრულ კონკრეტულობას.

აი რა საგულისხმიერო აზრს გამოთქვამს ვაჟა-ფშაველა: „ხალხი, ნათქვამია, კრებულად გენიოსია, დიდის ნიჭის და მოსაზრების მექონე. მართლაც, აზრი და შეხედულება ხალხისა რომელსამე. საგანზე გაცილებით საყურადღებოა და უტყუარი, ვიდრე ცალკე პირსა, თუნდა იგიც გენიოსი იყოს... ხალხის შეხედულება უფრო კვებარითია იქ, სა-

<sup>2</sup> ვ ა ჟ ა - ფ შ ა ვ ე ლ ა , გმირის იდეალი ფშაველების წარმოდგენით, ხელნაწერთა ინსტიტუტი, ფონდი S, № 5317.

დაც რომელიმე ავტორიტეტი არა სჩრდილავს ხალხის გონებას და ზევიდამ არ აწვება, როგორც მაგალითად პრაქტიკული ცხოვრებაა და კაცთა ერთმანერთთან დამოკიდებულება... ხალხის აზრი გამოხატება მის თქმულებებში: პოეზიაში, ზღაპრებში, ანდაზებში და სხვ.“<sup>3</sup>

აი აქ, მთაში, მთის ვაჟკაცურ ცხოვრებას, მთის ხალხურ ზეპირგადმოცემებს ხარბად დაეწაფა ვაჟა-ფშაველას პოეტური აპერეკაცია. აქ იპოვა მან ღირსეული მასალა ვაჟკაცის ნამდვილი სახის შესაქმნელად. მასალისა და გმირის სახის, ხალხური შემოქმედებისა და ჩვეულებათა ათვისების გზით გაცნობისა და გააზრების შემდეგ. სანამდე პოეტის შემოქმედებითი ლაბორატორია თვით თავისში გადაამუშავებდა ამ სახეს, ვაჟა-ფშაველა წერდა: „გმირი, ვაჟკაცი ფშაურს ლექსებში „კაი ყმის“ იხსენიება; იგი ეკუთვნის თემს და ემსახურება მას, იმის გულისათვის იბრძვის, მისი მაღალი ზნეობა და ხასიათი თემის წრის გარეთ არ მიდის. ფშაური გმირი თავის თემის წრეში მოქმედობს. გარეგნობით არ არის თვალ-გულმისასვლელი, არა ჰგავს მხესა და მთვარესა. სახიერებით, არამედ არის „სვილის ფერა“, „შავგვრემანა“; „ქალისპირა“ ვაჟკაცი გმირად არ გამოდგება, ფშავლის აზრით, იგი მხდალია“...<sup>4</sup> ასეთი აზრის დასამტკიცებლად პოეტს მოაქვს ნამუშეოც ფშაური პოეზიიდან:

დათვო, სიჟეი შენსა რაჟულზედა,  
ვინ უღრო გომებოლა?  
— ვაჟაი სვილის-ფერაი

ტოტ და ტოტ მომებოლა;  
ვაჟაი ქ ა ლ ი ს პ ი რ ა ი  
გორის პირს ეფარებოლა<sup>5</sup>.

ვაჟა-ფშაველამ დიდი სიყვარულითა და მზრუნველობით ამოკრიფა ხალხური შემოქმედების სალაროდან ეს მარგალიტები და დიდი ოსტატის მარჯვენით თავის შემოქმედებაში „კაი ყმის“ მეტად თავისებური, მიმზიდველი სახე გამოსჴედა.

ვაჟკაცი, ვაჟა-ფშაველას შეხედულებითაც, მტკიცე ხასიათის, უშიშარი, გულად რომ რკინა უძევს, მაღალი გრძნობისა და გამჭრიახი გონების კაცია. ის თავის ძალას, უნარს, ნიჭს ქვეყნის დაცვასა და მტერთან ბრძოლაში იყენებს. ვაჟკაცს მტერთან ომში ყოფნა ისე მიაჩნია, როგორც ლხინში, ტყვიის ხმა — დედის ნანად. ომის წინ ვაჟკაცისათვის ჩვეულებრივი, გმირული, შეუღრეკელობის გამომხატველი სიმღერაა:

გული გავლეოთ გრძნობითა,  
საცაა დაჰკრავს ნალარა;  
ერთი დავსძახოთ ქართულად?  
ხვალ არ გიეცლება, აღარა;

.....  
დაე, იტირონ დედათა,  
შვილთა ლაშქარში წასვლაზე:  
ან ვისახელოთ, ან ვაეწოდეთ  
ომში პირველად ჩასვლაზე<sup>6</sup>.

<sup>3</sup> ვ ა ჟ ა - ფ შ ა ვ ე ლ ა, გმირის იდეალი ფშაველების წარმოდგენით, ხელნაწერთა ინსტიტუტი, ფონდი S, № 5317.

<sup>4</sup> ი ქ ვ ე.

<sup>5</sup> ი ქ ვ ე.

<sup>6</sup> ვ ა ჟ ა - ფ შ ა ვ ე ლ ა, ომის წინ ქარის სიმღერა, თხზ., ტ. I, 1946 წ., გვ. 48.

მთიელ-, მგოსნის დანატვით, ვაეკაცობის ასეთს ტრადიციამა აღ-  
ზრდილი. ის ბავშვობიდანვე თავის გარშემო გამუდმებით ხედავს გმი-  
რობის, ვაეკაცობის მაგალითს, ჭირსა და ომში საარაკო გამძლეობას.  
მთიელს ასაზრდოებს, ზრდის წინაპართა ანდერძი მამიდან შვილზე,  
როგორც წმიდათა წმიდა, გადმონაცემი:

ვაეკაცს არ ჰქვენის ცრემლის ღვრა,  
ქვითინი დიატურადა.  
მტერს ხმალი უნდა საფთხულად,  
კვალზე მიყოლა მგლურადა:

ნუ დაისვენებ, ებრძოლე  
მტერს, მინამ გიდგა სულიო.  
შეილო, მეც ეგრე ვეყავი,  
ეგ არის ჩვენი სჯულიო?.

.....

ამიტომ მთიელი იმას თვლის ნამდვილ ვაეკაცად, მისი რწმენით,  
იმას „ჰქვენის თავზე გვირგვინი“, იმაზეა ალალი „ნანა და ძუძუ დედო-  
სა“, ვინც ქვეყნის დასაღუპავად მრავლად მოზღვავებულ ჭირსა და  
განსაცდელს მკერდს მიაპყრობს, ვინც „აზრისა და სიმართლისათვის“  
ვაეკაცურად კვდება.

ვაეა-ფშაველას გაგებითაც ვაეკაცი, ქვეყნის მტერთან და უბედუ-  
რებასთან ბრძოლაში თუ სახელს არ იშოვნის, შინ დაბრუნებას სამარ-  
ცხვინოდ უნდა თვლიდეს. სამაგიეროდ, „მშობელი ქვეყნის დარაჯი“,  
გმირულად ვალმონდილი, ვაეკაცი, მტერთან ბრძოლაში მოკლული,  
ხალხში მოწიწებული პატივისა და თაყვანისცემის საგნადაა გადაქცეუ-  
ლი. მთიელი ხალხი ასეთს ვაეკაცს დასტირის, ცდილობს გააპატიოსნოს  
ის, როგორც ამას ქვეყნის ადამი მოითხოვს.

ვაეა-ფშაველა ცოცხალ ფერებსა და ხაზებში გვიხატავს სოფლის  
დამოკიდებულებას გმირულად მკვდარი ვაეკაცისადმი ლექსში „სიყ-  
ვდილი გმირისა“.

საერთო პატივისცემას იწვევს გმირი ბერიძის დანატოვები ანდერ-  
ძი — ვის გადაეცეს მისი იარაღი და ცხენი. იმას, — ნათქვამია, — ვინც  
მას ღირსეულად, ვაეკაცურად გამოიყენებს. მთელი თემი გარს შემორ-  
ტყმია მტერთან ბრძოლაში მოკლულ ვაეკაცს — ბერიძეს, რომელსაც  
„შავეთს“ მისდევს „საგძალი აქ მოხევეჭილი მადლისა“.

გმირის ეზოში საერთო გლოვის ზარი დგას:

შაჰირვებულა სოფელი,  
ძებნა სჰირდება ბადლისა:  
ვაი, რომ ცუდი ბევრია,  
პოვნა ძნელია კარგისა!<sup>2</sup>

<sup>2</sup> ვ ა ე ა - ფ შ ა ვ ე ლ ა , პაპიჩევის ანდერძი, თხზ., ტ. I, 1945 წ., გვ. 28.

<sup>3</sup> მ ი ს ი ე . სიკვდილი გმირისა, თხზ., 1946 წ., გვ. 222.



ხალხმა გამოცდილებით იცის, რომ ჭირსაცა და ლხინსაც გაძლება და გაძლოდა უნდა. არც ერთსა და არც მეორე გარემოებაში კაცმა თავი არ უნდა დაკარგოს. თავი ისე უნდა დაიჭიროს, როგორც შეპფერის ვაჟკაცსა. გმირის საქციელი მოძმეებს ცხოვრების ყოველ მდგომარეობაში უნდა ზრდიდეს, აკაეებდეს. კაცის ნამდვილი ბუნების გამოვლინება უფრო ჭირში, ვაჭირვებაში ხდება თვალსაჩინო. მის გამძლეობას ყველაზე მკაფიოდ მწუხარება და განსაცდელი ამჟღავნებს. „ჭირსა შიგან გამაგრება ისე უნდა, ვით ქვითკირსაო“, ტყუილად კი არა თქვა ხალხის გენიამ. და ეს თქმა, ისედაც ხელიხელ საგოგმანებელი. უკვდავმა შოთამ გონივრულობის მწვერვალზე აიტანა და როგორც წმინდა, ურყევი მცნება დაუტოვა მკითხველს და პირველ რიგში, საერთოდ, ქართველ მკითხველს, რომელსაც მტერი საუკუნეების მანძილზე რკალივით ჰყავდა შემორტყმული.

ვაჟა-ფშაველაც, აკვირდება რა ქართველი ხალხის სოციალ-ეკონომიური და პოლიტიკური ცხოვრების შევიწროებულ, მჩაგვრელ პირობებს, რწმუნდება, რომ იმ უდროობის ხანაში ქართველ ხალხს ესაჭიროება „ჭირსა შიგან სიმაგრე“. მგოსანი რწმუნდება, რომ ქვეყნის საერთო საზოგადოებრივი ცხოვრების აღორძინება, გაჯანსაღება თხოულობს ქვეყნის შვილებისაგან ხასიათის სიმტკიცეს, მსხვერპლს, გამძლეობას.

ასეთი შეხედულება ვაჟა-ფშაველას დიდი მიწვდომით აქვს განსახიერებული ლექსში „ჭირისუფალი“.

ჩალხიას ეზოში დგას გლოვა-ტირილი ხალხისა. მოსვლია მას „მთელი სოფელი, მოკეთებები შორითა“, ყველას ღვარი ჩამოსდის ცრემლისა: ჩალხიას დერეფანში სამი კუბო დგას, „სამი ცხედარის საწოლი. ერთი დედაა შვილების, — შვილები მასთან ნაყოლი“. აღარაინ დარჩა ჩალხიას, „აღარც ლაშქრობის ერთგული, აღარც საქმეზე გამყოლი“. მეზობელ-მოკეთებების ტირილითა და ზარით „დგანდგარებს მთელი დარბაზი, მკვიდრად ნაგები ყორითა“. მაგრამ ჩალხია, რომელსაც დიდი უბედურება დაატყდა თავზე და რომელიც აღზრდილია შეგნებაზე, რომ „ჭირსა შიგან გამაგრება ისე უნდა, ვით ქვითკირსა“, არას ამბობს: ის გაშმაგებით „ჩიბუხსა ჰსუტავს მხოლოდა“, თითქოს თუთუნის წვაში უნდა დაწვას, დაფერფლოს თავისი გამოუთქმელი დარდი. მას, — ამბობს პოეტი, —

როგორც ქვას ცრემლი არ მოსდის,  
გული თუმც სტკივა მწარედა;  
გულშივე ჰხარშავს ნაღველსა,  
არ გაწოაჩენს გარეთა.

(„ჭირისუფალი“)

ჩალხიას ასეთი ქცევა იქ მყოფთ არ უკვირთ. ისინი ჩალხიას იცნო-

ბენ, როგორც ვაჟკაცს, და კარგადაც იციან, რომ ვაჟკაცს არ შეშვენის თავისი მწუხარებით ხალხი „აქრემლ-ატიროს“ და გალაღებული მტერი გაახაროს.

ჩალხიას ეზოში მოზარეები გამრავლდნენ, ტირილიც გახშირდა, მაგრამ მისი გული ამ დროს „უფრო და უფრო გაქვავდა“. ჩალხიამ, როგორც ვაჟკაცმა, არა მარტო ფიზიკური ძალით დაჯილდოებულმა, არამედ აგრეთვე საღი გრძნობითა და გონებითაც, კარგად იცის, რომ ის „ვერ შესძლებს შეუძლებელსა“. ამიტომაც ის „ჯავრს ვერ დაიჩნევს გულზედა“.

ჩალხიას ასეთი ვაჟკაცობით აღფრთოვანებული პოეტი წყვეტს მისი მიმზიდველი ბუნების დახატვას და გკაძლევს, გვიხსნის მიზეზს, რომელიც ჩალხიას ამოძრავებს:

ჩალხიას ასეთი ქცევა  
სხვებისთვის მაგალითია—  
გააღვილოს სიკვდილი  
ლაჩარის ხალხის თვალშია.  
(იქვე)

ასეთია მორალური სახე და ძალა ვაჟკაცისა. ამიტომაც ის სათაყვანებელ საგნად გამხდარი, ამიტომ იქმნება მის შესახებ ლეგენდები, სიმღერები, რაც ზრდიდა ხალხს, რაც მის საზოგადოებრივ გრძნობას ამახვილებდა.

\* \* \*

ვაჟკაცის სახეს, ახალი დროის შესაფერი მოქმედი კაცის — გმირის სახეს ვაჟა-ფშაველას პოეტური აპერცეპცია ხანგრძლივი დროის განმავლობაში და დიდი შინაგანი ტკივილებითაც ეძებდა. ეს გარემოება დაკავშირებული იყო მწერლის მსოფლმხედველობის თანდათანობით გარკვევასთან, მწერლის თანადროულობის მიერ წამოყენებულ რთულ სოციალურ და პოლიტიკური მოვლენებისადმი დამოკიდებულების გარკვევასთან.

ვაჟა-ფშაველა კარგად ხედავდა და მტკივნეულადაც განიცდიდა, როგორ იზრდებოდა და მწვავდებოდა მასების (რა თქმა უნდა, მისთვის უფრო გლეხობის) წინააღმდეგობა, როგორც სოციალური, ისე პოლიტიკური ჩაგვრით. ამიტომ ვაჟა-ფშაველას შემოქმედების გმირული სახეები გამოხატავენ რევოლუციურ იდეას, რომელიც ხალხის, განსაკუთრებით გლეხობის წიაღში მწიფდებოდა ბიუროკრატიული თვითმპყრობელობისა და კაპიტალისტური წყობილების გასანადგურებლად. ამაში იხატებოდა ვაჟა-ფშაველას წინათგრძნობა რევოლუციური ქარიშხლის მოახლოებისა და მწერლის შინაგანი მოთხოვნილება მისკენ გზის გაჭრას ხელი შეუწყოს, მკითხველის განწყობილება გაამახვილოს, გაარკვიოს.

„კაი ყმის“ ვაჟკაცის სახე დომინანტაა ვაჟა-ფშაველას შემოქმედებისა. „კაი ყმა“ რალაც დაუძლეველი სიდიადის განცდით, სიამაყით, კმაყოფილებით და სიხარულით ავსებს არა მარტო მთელს, თემს, რომლის ბუდეშიც ეს „კაი ყმა“ აღიზარდა და მოქმედებს, არამედ ვაჟა-ფშაველასაც, რომელიც თავის ამგვარ განწყობილებასა და დამოკიდებულებას მკითხველსაც არაჩვეულებრივი სიძლიერით გადასდებს.

„კაი ყმა“, ვაჟა-ფშაველას ჩვენებით, მარტო გმირი კი არ არის, რომელიც გამომხატველია დიდი ფიზიკური ძალისა და ბრძოლაში მტერთან იჩენს განსაკვიფრებელ უშიშროებას, გულადობას, სითამამეს, სიმტკიცეს, წინდახედულებას, არამედ ის ამ თვისებებთან ერთად დიდი, მაღალი მორალური საზოგადოებრივი ძალისა და გრძნობის მატარებელიცაა. „კაი ყმის“ სახე ვაჟა-ფშაველას გამუდმებით იზიდავდა არა მარტო ცხოვრებაში, არამედ პოეტურ შემოქმედებაშიც. ვაჟკაცის, გმირის ძიება, ამ ძიების ტკივილები და ვაჟკაცთა ორიგინალური გალერეა მგოსანს მოცემული აქვს როგორც ლირიკულ ლექსებში, ისე ეპიკურ ნაწარმოებებში („გიგლია“, „სისხლის ძიება“, „დარეჯანი“, „ალუდა ქეთელაური“, „სტუმარ-მასპინძელი“, „გველის მკამელი“, „კაი ყმა“ და მრავალი სხვ.).

ნიმუშისათვის გავარკვიოთ ზოგიერთი მათგანი.

ვაჟკაცი გიგლია გაიგებს თუ არა მტრის მოულოდნელ მოახლოებას, საჭმლისათვისაც კი დროს არა კარგავს, დიდი პასუხისმგებლობის შეგნებითა და ვაჟკაცური სიმტკიცით საომრად ემზადება. მას ვერც ცოლის ავის მომასწავებელი სიზმარი, ვერც მისი ვედრება დარჩეს შინ, ვერ შეუცვლის განწყობილებას.

ვაჟა-ფშაველა გიგლიას ვაჟკაცურ შეხვედრას მტერთან ასეთი პოეტური სახით წარმოგვიდგენს:

როგორც ცით ელვა მოარდა  
მოყმე რამ სვილის ღერია,  
ხმაღს აპრაღებს გორდასა,  
მაზედ ნათელი ჰფენია...  
ერთი შავარდნებრ დაპკივლა:  
„ახლა კი ჩემი ჯარია!“  
შუაზედ გასჭრა ცხენ-კაცი,  
შამბს ჰკოცნის ხმლისა წვერია;

შაიღებება სისხლითა  
ოსმანას ყვითელ წვერია.  
„აცათ, მაცალეთ, ძაღლებო,  
გეყთ ამდენი თარეში,  
ღიაც-ყმაწვილის ბოკირა  
არაგვზედ, ფშავლის მხარეში;  
ჯერ არ მაძკვდარა ვიგლია  
კიდევ ჯანი აქვ მკლავეში“<sup>9</sup>.

გიგლიასა და მისთანებს ასეთ ვაჟკაცად ზრდის თემის მთლიანი ყოფა-ცხოვრება, მასში შემონახული ვაჟკაცური ზნე-ჩვეულება, რომელიც აკაყებს, შეუვალად ხდის ყოველი წვერის ბუნებას. განა ასეთივე გმირი არ არის გიგლიას დედა თალაღი, რომელიც რძლის სიზმრის

<sup>9</sup> ვ ა ჟ ა - ფ შ ა ვ ე ლ ა , გიგლია, თხზ., ტ. III, 1930 წ., გვ. 23—24.

მოსმენისა და გაფრთხილების შემდეგ. — გიგლიას „მტერი მოგვიკლავს, ცა თავზე დაგვეხურება“, — მაინც მტკიცედ უპასუხებს:

„რა გაიგება. ჩვენ მაინც  
ვერ დავაბრუნებთ სიზჷრითა...  
კაცს მიტომ კაცსა ვეძახით,  
უნდა წელს ერტყას ხმალი“<sup>10</sup>.

თალღლი მოძმეთადმი მოვალეობის სრული პასუხისმგებლობის შეგნებით, გაკვირვებისა და თან დარიგების კილოთი რძღალს ასე მიმართავს:

„მამ რა უნდა ექნათ, ხომ ჰხეღავ,  
ფშავლები მტერმა დღლია?!  
ახადი ლეკებს აუკღავ,  
იქით წაუხსამ ტყვეები...  
სუ სისხლით გღღაუბასრავ  
უკვენა-ფშავის კღღეები“<sup>11</sup>.

ასეთს პირობებსა და ტრადიციებში აღზრდილი დღღა, ვაჟა-ფშავეღღას გღღებითა და ჩვენებით, თავის შვილებსაც დღღდის რძქესთან ერთად აწოვებღღა მოძმეთადმი დღღანმარების დღღდ პასუხისმგებღღობას. ამით აიხსნება, რომ გიგღღიაც ვაჟკაცურად ხვეღღება მტერსა და ვაჟკაცურადაც კვეღღება. თემიც გიგღღიას კღღიყმობით კღღამყოფიღღია და ამყობს. ამიტომღღა, რომ გიგღღიას მთელი ფშავეთი პღღტიღღესა სვემს. გიგღღიას ყორნის მიერ გღღმონხრიღღ მკღღღავებს დღღსტირის არღღ მარტო დღღღა და ცოღღი, არღღმედ ფშავეღღი კაცი და ქღღლი. პოეტიღღს გღღდმოცემით, გიგღღიას ცხეღღდრის გღღრ-შემო შეკრებიღღი ქღღლისა და კაციღღს სღღერთო ჩივიღღი გღღისმის:

„ვღღამე რღღ გვეშვეღღებღღო:  
კღღრგები იხოცებღღიან,  
ბეჩღღავი ხეღღში გვერჩებღღო!“

გიგღღიას გღღირღღული სღღქციეღღით აღფრთოვღღანებულღღია პოეტი და, რომ თავისი გღღნცღღა მკითხვეღღს გღღმანხვიღღებულღღად აგღღრძნობინოს, გიგღღიასადმი ბუღღნების თღღნაგღღრძნობღღსაც გვეიხღღტავს. „როცღღა გიგღღიღღ კვეღღებღღდა, მთებ სღღტირღღალზღღედ სხღღებღღდა“ — გღღირისადმი თღღნაგღღრძნობით გღღმსკვეღღღული პოეტი მკითხვეღღს აღტღღაცებით შთღღაგღონებს.

\* \* \*

ვღღა-ფშავეღღლასათვის, როგორც გღღრკვეღღულ ებღღქღღში მოქმედი მწერღღლისათვის, სღღგუღღისხმიერო ისღღა, რომ მისი სიღღღღერის სღღგნღღდ ხღღება არღღ მარტო „კღღი ყმის“ — გღღირის ფიზიკური ძღღღღა, ვაჟკაცობღღა, გღღუღღტეხეღღობღღა, სიღღმტკიცეღღ, თღღღღღღღება სღღმშობღღღოსათვის მტერთღღან შეუღღბოვღღრ ბრძღღღღღღში, როგორც ეს დღღმანხსიღღათებღღელი იყო ძვეღღღად თემურ პირო-

<sup>10</sup> ვ ა ჟ ა - ფ შ ა ვ ე ლ ა . გიგღღია, თხზ., ტ. III, 1930 წ., გვ. 19.

<sup>11</sup> ი ქ ვ ე .

ბებში, არამედ „კაი ყმას“, მგოსნის გაგებით, აგრეთვე უნდა ახასიათებდეს სხვა დადებითი (დროისათვის შესაფერი) თვისებები: მედგარი ამხედრება და ბრძოლა სოციალური უსამართლობის წინააღმდეგ; ჩაგრულთა გამოღვიძება, მათი დარაზმვა მჩაგვრელთა კლასის წინააღმდეგ. გმირის ასეთი სახე ვაჟა-ფშაველას გამახვილებულად აქვს ნაჩვენები პოემაში „სისხლის ძიება“, რომელიც პოეტს დაწერილი აქვს 1897 წელს.

90-იან წლებიდან ჩვენი ცხოვრების სინამდვილეში რევოლუციური აღმავლობა თანდათან მტკიცდებოდა. ცხოვრება მოქალაქე-მწერლისაგან მოითხოვდა არ დაკმაყოფილებულიყო ძველის, დრომოკმეული მოვლენების უარყოფით, მას აგრეთვე უნდა ეჩვენებინა ახლის. ცხოვრებაში რომ ისახებოდა, განმტკიცება. გმირის — „კაი ყმის“ ძიება ვაჟა-ფშაველას შემოქმედებაშიც სწორედ ცხოვრების ამ მოთხოვნაზეა დაფუძნებული. ვაჟა-ფშაველაც ცხოვრების ასეთ ძლევაგამოსულ მოთხოვნილებას მისდევს.

პოემის „სისხლის ძიება“ მთავარი გმირია ჩერქეზი ქიჩირი. ის დიდის ერთი სოფლიდან მეორეში და ყველას არიგებს „სიტყვით ძმურით და მტკიცითა“:

რად ჰმონებთ ასლანს, ჩერქეზნო,  
ულელს რად იღვამთ კისრალა,  
სხვისა ნაყმევი, ნალახი

გამოდგება ვის რადა?  
უბატონობა რით არ სჯობ.  
ჩეტავ, ბატონის ყოლასა?!<sup>12</sup>

ასლანი ჩერქეზთ მთავარია. მის წინაშე ყველა ჩერქეზი შიშითა ძრწის, რადგან მან ბევრი სახლ-კარი აიკლო, „ბევრი ატირა ვიშითა“. ასლანს ქიჩირი არ ემორჩილება. ეს მას მეტად აბრაზებს. მას სურს, რადაც არ უნდა დაუჯდეს, ქიჩირის ჯავრი იყაროს: უნდა ის შეიპყროს. მაგრამ არ იქნა, ვერ მოახერხა. მოთმინება დაკარგულმა ასლანმა მრავალს დაავალა ქიჩირის მოკვლა, ამისათვის მკვლელს დიდი „ქრთამიც აღეთქვა ფიცითა“.

ქიჩირის მოკვლა თავს იღვა დემურმა. მან იცის ქიჩირის ვაჟკაცობა, იცის, რომ მასთან პირისპირ შეებმა სახიფათოა; ის ვაჟკაცია, რომელიც მტერს არ გაახარებს. დემური გადაწყვეტს ქიჩირი მუხანათობით, ღამით, ძილის დროს მიპარვით მოკლას. მაგრამ ამ გზითაც დემური ვერ ახერხებს ამ ბილწი მიზნის მიღწევას. დემურმა, ქიჩირის სახლში ბნელაში ღამით ქურდულად ჩამძვრალმა, ქიჩირის ნაცვლად შეცდომით მოკლა თავისი ცოლის ძმა ალხასტა, ქიჩირის ძმადნაფიცი, ვაჟკაცი „კარგი სამტროდ და საძმოდ, არსად სიცუდით ცნობილი“.

ქიჩირმა მალე აიღო სისხლი. მოკლა დემური და მისი გასცხლიანებული თავი ასლანის სახლის წინ ბოდზე ჩამოაცვა. ხალხი კმაყოფილია

<sup>12</sup> ვ ა ჟ ა - ფ შ ა ვ ე ლ ა, სისხლის ძიება, თხ. . ტ. III, 1930 წ., გვ. 314.

ქიჩირის ამგვარი საქციელით, როგორც „მტყუანისა და მართლის სამზღვრის საქმის გამომცნობელისა“.

ვაჟა-ფშაველას უნდა ბოროტის მქნელთა დემურისა და ასლანის საქციელი მთელი სისაძაგლით, ზნედაცემულობით გამახვილებულად დახატოს, რათა გმირის, ხალხის მოკეთის — ქიჩირის სახე უფრო გაასხივოსნოს, მიმზიდველი გახადოს. ამიტომ ასლანის მავნე, უარყოფითი ხასიათის გამოვლინებას უფრო აღრმავებს. მაშინ, როდესაც ქიჩირის შურისძიებით ხალხი კმაყოფილია, ასლანი კი ჭავრით ივსება, ის „ვერცა რას ფარ-ხმალით გახდა, ველარც რას თავის მჭავრითა“.

ჯავრ და ბოროტება მორეული ასლანი ადგა და ბოლოს სიფლიდეს მიმართა. ასლანი ქიჩირს მიუგზავნის ენაწყლიან, გონებით განთქმულ მაჰმადას, რომელიც ურჩევს ქიჩირი დატოვოს „მუდამ ხმალამოლებული ფეხზე შემდგარი თოფით, შინ ქურდულად“ ცხოვრება, შეურიგდეს ასლანს.

აქ ვაჟა-ფშაველას მიზნად აქვს მკითხველის ყურადღება გაამახვილოს მის ეპოქაში გაშლილ კლასობრივ და პოლიტიკურ ჩაგვრაზე და ბრძოლაზე და მჩაგვრელების, გაბატონებულთა მიერ გამოყენებულ მზაკვრულ საშუალებებზე. ასლანის მიერ მიგზავნილს ქიჩირი შემდეგს უპასუხებს:

„სხვისა მონებას, მაჰმადო,  
ვგრე მორჩენის ტარება.  
როდი მაშინებს სიცოცხლის  
სიკვდილად გადაცელება...  
ნეტავი იმის, ვანაცა

მკედარი გასწირავს სახელსა,  
და ყველა იმის ხსოვნასა  
გულს ინთებს, როგორც სანთელსა.  
ცოცხალი ცოცხალსა ვგვანდე  
თავის გუნების პატრონად“<sup>13</sup>.

ქიჩირის ეს პასუხი ეპოქალურია, შთამაგონებელია დამონებული, დაბეჩაუებული ხალხისა, რომელსაც პოეტი მოუწოდებდა ბრძოლისათვის დამჩაგვრელების წინააღმდეგ. ვაჟა-ფშაველა აქ, უდავოდ, ეპოქის მოთხოვნების კარნახს მისდევს.

ქიჩირის პასუხი, ჩაგრულთა და მჩაგვრელთა შეურიგებლობის განწყობილება ვაჟა-ფშაველამ მკითხველში რომ უფრო გაამახვილოს, მოხდენილად ჩაურთავს ლირიკული ზეადსვლის სახით დამორჩილებულთა გამოსაფხიზლებელ უკმაყოფილებას:

ვაჰ, კაცნო, ბევრჯელ ბრმანი ხართ  
ხშირად უღირსთა ჰმონებათ!  
ხშირად ქვას უენ-პიროსა  
ქვეყნის შემქმნელად ჰგონებათ!<sup>14</sup>

მაჰმადს უნდა ქიჩირი დაარწმუნოს, რომ ის ასლანის კარზე მონად კი არა, პირველ კაცად იქნება, რომ ამაში მას ასლანი ეფიცება, სთხოვს

<sup>13</sup> ვ ა ჟ ა - ფ შ ა ვ ე ლ ა. სისხლის ძიება, თხზ., ტ. III, გვ. 331—332.

<sup>14</sup> ი ქ ვ ე, გვ. 330, 334.

„ოდონდ მივიდეს (ქიჩირი. — მ. ზ.) „ზავითა“ და კიდევაც დასაჩუქრებს მას „საჩუქრით მრავალგვარითა“. ფლიდმა მაჰმადმა იცის ქიჩირის ვაეკაცური ბუნება და ის რომ დაიყოლიოს, დასასრულს, როგორც შერიგების აუცილებლობის მთავარ არგუმენტს, დაუმატებს: დაზავება ქიჩირისა ასლანთან მით უფროა საჭირო, რომ ხმა დადის — ჩერქეზთზე მოზღვავეებულა ურიცხვი ჯარი, რომელიც ხვარიგლოს გამოჩენილა. ჩერქეზეთს ახლა სჭირდება „ვისაც გული აქვს გმირულა“ და ამ დროს ასლანისათვის ქიჩირის მისვლა ზავითა და მის ლაშქარში მისი გარევა დაუფასებელია.

ამ უკანასკნელმა მდგომარეობამ ქიჩირზე გადაწყვეტი გავლენა მოახდინა. მან მაჰმადს განუცხადა, რომ ის არც ვისგან საჩუქარს ელის და არც დამშვიდებულ ცხოვრებას ეძებს. ქიჩირი კარგად გრძნობს, რომ შესაძლებელია ის დაძრახონ კიდევ ასლანთან მისვლისათვის, მაგრამ ქვეყნის მძიმე მდგომარეობა, რომ ქვეყანა მტრის წინაშეა და შველას თხოულობს, ქიჩირს გადააწყვეტინებს ასლანთან მივიდეს:

თვალთ წინ დაუდგნენ მოძმენი,  
 ომი ფიცხელი მტართანა,  
 აოხრებული ქვეყანა,  
 გასწორებული მტვერთანა<sup>15</sup>.

აი სწორედ ამ განცდამ აიძულა ქიჩირი მივიდეს ასლანთან, თუმცა ქიჩირს არც დედა ურჩევს მიენდოს ასლანს, როგორც ცნობილს უკუღმართ კაცს.

ზავისა იმან რა იცის,  
 გველ-ბაყაყების ბუღმა,  
 ჩერქეზთა ქვეყნის გამცემმა  
 და ჭოჭოხეთის ზღუღმა?

და ეს დახასიათებაც ქიჩირის დედისა თვით ვაჟა-ფშაველას დახასიათება და დამოკიდებულებაა იმ დროის ძალაუფლების მქონეთადმი, რეაქციულ ძალებისადმი, რითაც მგოსანი საბრძოლველად მოუწოდებდა დაჩაგრულთა, დამონებულთა, სამართლიან, სწორუფლებიან ცხოვრებასა მოწყურებულთა და მძებნელთა.

დამახასიათებელია ქიჩირისათვის, როგორც კაი ყმისათვის, დედისადმი პასუხი, რომ მან ყველაფერი, რაც დედამ თქვა, კარგად იცის, მაგრამ მას ქვეყნის გაჭირვება აიძულებს ასეთი ნაბიჯი გადადგას ქვეყნის კრიტიკული მდგომარეობის მომენტში.

მტერი რა მოდის, მაშ რა ვქნა,  
 შინ დავიძალო, კარვია?..  
 სიკვდილი ბერად სჯობია,

ჩავარდნას ქვეყნის ყბაშია...  
 დიაცებრ მანდილიანი,  
 დედავ, გინდივარ რაშია?<sup>16</sup>

<sup>15</sup> ვ ა უ ა-ფ შ ა ვ ე ლ ა, სისხლის ძიება, თბზ., ტ. III, გვ. 330.

<sup>16</sup> ი ქ ე ე, 334—335.

აღსრულდა ქიჩირის დედის წინათგრძნობა და სიტყვა. ქიჩირს ასლანთან მისვლისთანავე თავს დაესხნენ ასლანის ბიჭები. „ზოგნი თოფ-შემოყენებით, სხვანი ხელ-ხანჯრიანები“, სტაცეს მას ხელი. შებოკეს.

ქიჩირი სდუმს, ხელს სამტროდ არ ანძრევს, „არც ილხენს, არცა მწუხარებს“. გამოჩნდება ასლანიც და ქედმალლურად, გამარჯვებისა და დაცივნის ხმით შესძახებს ქიჩირს:

ჩემს ჯილაგს ეშუქრებოდი  
ამოფხვრას ფესვიანადა.  
ვერ ამოგფხვეარი?! იგემე,  
მაცანი წესიანადა!  
სხვა ყველა დაფიორჩილე:

მაღლა ცა მეხიანადა.  
შენ არ მიხრიდი მხოლოდ ქელს,  
მოგეჟე ხერხიანადა?!  
აგანთებ, აგაპრიალებ  
ცამდე თავ-ფეხიანადა!<sup>17</sup>

ასლანი მხოლოდ მდაბალი პირადი ინტერესებით ცხოვრობს და მოძრაობს. ის ვერ თუ არ აფასებს „კაი ყმას“, ვაჟკაცს, ქვეყნისათვის თავდადებულს გმირს, რომელიც პირადს საერთო ბედნიერების საქმეს სწირავს. ასლანი სასტიკად, დაუნდობლად, ველურად შურს იძიებს მისივე დაძახებით მასთან ზავით მისულ ვაჟკაცზე, ქვეყნისათვის თავის დასადებად გამზადებულზე. ასლანს უნდა საარაკოდ დასაჯოს „მარტო ღვთის ბატონად მცნობი, სხვა ყველას წინ მდგომელი“ ქიჩირი, რაც ასე აღელვებს მას. ასლანი მოატანინებს უამრავ შეშას, დაანთებინებს დიდ ცეცხლს, შიგ უნდა ჩაწვას ქიჩირი.

ასე დაუნდობლად, ვერაგულად იქცევა ძალაუფლების მქონე მედიდური პრივილეგიური კლასი. ამით ვაჟა-ფშაველას უნდა მკითხველს მიუთითოს, რომ გაბატონებულ კლასს, მის გაზვიადებულ წარმომადგენელს ხალხის ინტერესებისათვის მებრძოლი არ უნდა დაენდოს, მასთან დამოკიდებულებაში ის განსაკუთრებულ სიფხიზლეს უნდა იჩენდეს.

ქიჩირი სდუმს. მან დაინახა, რომ მოტყუვდა ასლანთან მისვლით. ხედავს ის, რა მძიმე სატანჯველი მოელის, მაგრამ „წარბსაც არა ჰხრის, სდგას, ვით სალი კლდე ზვიადი“. პოეტიც აღტაცებულია ქიჩირის ასეთი სიმტკიცით, უშიშარი ხასიათითა და გულით.

ასლანი, „გამარჯვებით“ თავმოწონებული, ლამობს გული იჯეროს ქიჩირზე. ის დაცივნითა და ნიშნმოგებით მიმართავს შებოკილ ქიჩირს.

ასლანსა და ქიჩირს შორის იმართება ორივესათვის დამახასიათებელი დიალოგი, რომელსაც მთავარ მოქმედ პირთა ხასიათის გაშლისათვის და თვით ვაჟა-ფშაველას მსოფლმხედველობისა და პოემის მიზანდასახულობის გამომქლავებისათვის არსებითი მნიშვნელობა აქვს:

— „მოგწონს, ქიჩირო, სასაქლო  
ეს ზემგან მოგონებულნი?...  
— „მომწონს და არც შემაშინებს  
ათასჯერ მეტიც იყოსა.  
თუ გაგტყდენ, ღმერთი მრისხავედეს,

წყალმა და ღვარამა მრიყოსა.  
— „არ გეშინია? სწორედ თქვი.  
მხოლოდ დაჯიხსნის მუდარა“.  
— „ძალეებს არა სთხოვს ქიჩირი,  
მოკვდეს, მით არა უნდა რა“<sup>18</sup>.

<sup>17</sup> ვ ა ე ა - ფ შ ა ვ ე ლ ა, სისხლის ძიება. თხზ., ტ. III, გვ. 336.

<sup>18</sup> ი ქ ვ ე, გვ. 333.



გათავხედებული ასლანი, შურისძიებით შებოჭილი, ბრაზმორეული, რომ ქიჩირი ვერ გატეხა, ვერ მოლუნა, დაცინვით ეტყვის მას: თუ ასეა მაშ ის იმღერებს კიდევ?! ქიჩირს არ ეშინია სიკვდილისა, ის თავის მტკიცე და მებრძოლ სახეს, ნებისყოფას, წონასწორობას ბოლომდე ინარჩუნებს. მას კარგადა აქვს შეგნებული თავის თავის, როგორც ვაჟ-აკის, ვალდებულება. მან იცის, რომ ვაჟაკი სიკვდილითაც ხალხისათვის მისაბაძი უნდა იყოს. მას უნდა თავის სიკვდილითაც გარს შემოხვეულ ხალხს აჩვენოს მაგალითი ვაჟაკობისა და მას, როგორც ანდერძი, დაუტოვოს თავისი (ე. ი. ვაჟა-ფშაველასი) უარყოფითი შეფასება არსებული ყოფისა, რომელსაც ქიჩირი ებრძოდა, ეურჩებოდა.

ასლანის ვერაგულ, უადამიანო დამცინავ მიმართვაზე ქიჩირი შეუპოვრად მოითხოვს ფანდურს. ასლანის ბრძანებით მოუტანენ ფანდურს და ქიჩირი დიდი გრძნობით ხალხის გასაგონად შემდეგს დაამღერებს:

ფლიდია ესე სოფელი,  
 ფლიდთა საყრელი ხელისა;  
 კარგებსა სჩაგრავს, უმსგავსთ კი  
 კალთას აფარებს, ჰშველისა;  
 მართალი წუთისოფელში  
 შვიბას ამაოდ ელისა!  
 . . . . .  
 საშობლოსათვის მამაცი  
 არის მადლი და დიდება.

მაღე დაძლუპავს ქვეყანას  
 ლაჩართა გადაკიდება.  
 . . . . .  
 სულდგმული დღესაც ვსულდგმულე  
 მამა-პაპათა რჩულითა.  
 ნაგრძნობი ჩემის გულსა  
 არ მიწონია ფულითა.  
 მიყვარს ჩერქეზთა ქვეყანა  
 შმინდა ჩერქეზის გულითა,  
 მიყვარს მთები და ველები  
 გულ-მკერდით დაქარგულითა<sup>19</sup>...

ხასიათის ასეთი სიმტკიცით, გაუბზარავი, სალი გრძნობითა და გონებით კვდება ქიჩირი. ის, მართლაც, „კაი ყმაა“, ვაჟაკიცა, მთიელთა და თვით ვაჟა-ფშაველას შეფასებით. ქიჩირი თავის სიკვდილსაც კი საზოგადოებრივი გრძნობის, უკეთესი, სამართლიანი ცხოვრების მოპოვების სურვილის აუცილებლობას აღვივებს მაყურებელთა, მოძმეთა შორის.

აი ასეთი ვაჟაკები არიან, პოეტის ჩვენებით. ქვეყანასა და ხალხს რომ იცავენ, ინახავენ, ცხოვრებას რომ წმენდენ, წინ, უკეთესობისაკენ წევენ; ესენი არიან, რომ ახალგაზრდობას ზრდიან, საღ მიმართულებას აძლევენ, ცხოვრების დენას რომ არ აგუბებენ, არ აბრკოლებენ; ესენი არიან ამაყი და ლამაზი, ძლიერი და მთლიანი ნებისყოფის პიროვნებები, რომელნიც უარყოფენ დამცირებულ მონურ ყოფას და მასებს მრმზიდველი ძახილით იწვევენ ბრძოლისაკენ ლამაზი, ბედნიერი და თავისუფალი ცხოვრების დასამყარებლად. თუმცა კი უნდა აღინიშნოს, რომ ბედნიერი, სამართლიანი მომავლის სახე გარკვეულად არაა აქ ნაჩვენები.

<sup>19</sup> ვ ა ჟ ა - ფ შ ა ვ ე ლ ა , სისხლის ძიება, თხზ., ტ. III, გვ. 339—340.

ამით აიხსნება, რომ ვაჟა-ფშაველა თავის გარდამავალ რთულ ეპოქაში, საზოგადოებრივი ცხოვრების რთულ პირობებში ახალი ადამიანის, გმირის რთულ სახეს, მართალია, ერთგვარი ბუნდოვანებით, მაგრამ მაინც მრავალ მხრივ ხედავს, სინჯავს, ხატავს და მკითხველსაც მიმზიდველობით აჩვენებს.

ასეთივეა სოფლის ყოფა-ცხოვრებაში „თავგზიანობითა“ და მეოჯახეობით განთქმული დარეჯანი, მოთხრობა „დარეჯანის“ გმირი.

დარეჯანი, მწერლის დახასიათებით, „სოფლის დარაჯად და პატრონად იყო სწორედ დაბადებული. იმაზე ადრე სოფელში არავინ გაიღვიძებდა; გაღვიძებისთანავე იმისი ხმა ჭექა-ქუხილივით გაისმოდა ვალმა-გამოღმა. აგერ ერთს გასძახის: „სად ვინა ხართ, დალია ხბუებმა ყანა, მწერელ-ჩვილებო?!“ ახლა მეორეს: „მიეშველე, თორო გადმოვარდება ბალდი. თეთრუავ! ჰაი, შე უკლოვ, შე უგერგილოვ, შენა!“ ლაპარაკობს სადმე სამი კაცი, დარეჯანიც იმათში ჩაერევა ურთ-ერთსაც იქნება „დაპრიშნავს“, „შეუტევს; „შენ ამას არ ედავებოდე, ბეჩავო, მამულსა, გაისარჯო, თავად გააკეთო მამული, ის გირჩენია. ღმერთმა იმით არ მოგვცაა ე ხელები, გაისარჯენითო, განა იმითა, რო მიწის საკმელად გაასუქეთო“. დარეჯანი მაშინვე თავის თავს წაუყენებდა მაგალითად: „მე სოფელმა მამული არ მომეცით, აბა, გახედენით შაშუბსა, აის მამულეები, საქერეები ვისი გატეხილია? ემისი არი, უყურეთ ჩემს ხელებსა! დღე და ღამ იქ მოვიკალ თავი და... ერთი ლუკმა პური არ მაქლია დღესა. თქვენ ერთმანერთს ებრძვით, არა მე მინდა მეჭიროს მეტი მამული, არა მეო. განა ჩხუბით კი მამატება მამულეებსა, ცოდვილნო!“<sup>20</sup>.

დარეჯანი სოფლისათვის მაგალითი იყო შრომისა, დახმარებისა, სიკეთისა და სამართლიანობისა. სადაც გაჭირვება იყო, დარეჯანიც დაუზარებლივ იქ გაჩნდებოდა და თავისებურად, დაუფარავად ამხელდა წუწქს, უმზგავსს, გაუტანელს, მოძმის შემავიწროებელს, იქნებოდა ეს ჩარჩი არუთინა და მისთანეები, რომლებიც დარეჯანის გამოცდილებით და გაგებით, „რჯულძაღლებია“, „გვატყუებენ ბრმა-ყრუ ხალხსა“; იქნებოდა ჭკრივი მზევინარი, რომელმაც ბავშვები დატოვა უპატრონოდ და მეორე ქმარს, გამახარეს გაპარვით გაყვა, თუ უგზო-უკვლოდ დაკარგულ ბეჟანას ბიძა-ბიძაშვილები, — ყველას თავისებურად „დაპრიშნავდა“, თავისებურად განსჯიდა, შევიწროებულთა მაგიერ შურს იძიებდა, გულს მოიფხანდა, უწესოებას არავის შეარჩენდა.

გაჭირვებულთათვის დარეჯანი თავს დასდებდა, იმათ მაგიერ თითონ მოთხოვდა პასუხს უსამართლობის ჩამდენთ. სოფელში გახმაურდა დარეჯანის გამოქომაგება ლოგინად ჩავარდნილ ჯაბანასა და მის ქალი-

<sup>20</sup> ვ ა ჯ ა - ფ შ ა ვ ე ლ ა , დარეჯანი, თხზ., ტ. V, 1936 წ., გვ. 43.

შვილის ანუქასადმი, როცა არუთინამ მათ, მამასახლისის მოყიდვით, ვალში ორი კვებულა წაართვა და ისედაც დაბეჩავებულ ოჯახს უკანასკნელი საბადებელი უმართებულოდ გამოაცალა. იმ დროს, გვეუბნება მწერალი დარეჯანის დასახასიათებლად, დარეჯანი სახლში არ იყო. თორემ კვებულებს არუთინას არ დაანებებდა. სამაგიეროდ. დარეჯანამ შემდეგში არუთინას ჯავრი ამოიყარა: ძაღლებს კინალამ არ შეაჭმევინა და ერბოც ბევრი დაადვრევიანა. არუთინამ ზარალი უფრო მეტი ნახა, თავბედი იწყევლა.

ასეთივე თანაგრძნობით მოექცა დარეჯანი მეზობელი მზევინარს მერ უპატრონოდ დატოვებულ ობლებს. მზევინარი გაპარვით გაჰყვა მეორე ქმარს და ბავშვები უპატრონოდ დაყარა ცარიელ სახლში. დარეჯანმა ობოლი ბავშვები წამოიყვანა თავისთან, დაუტურგურა და ბავშვების ბიძის მოსვლამდე შეინახა. იპოვა შემთხვევაც, მზევინარს შეხვდა და თავისებურად თავზე ლაფი დაასხა, ატირა. „თუმცა, კი მეორე ქმრისათვის თავი ვერ დაანებებინა“.

დარეჯანის ასეთივე სამართლის ძიების გარდაუვალი სურვილითაა გამოწვეული მის მიერ უპატრონოდ, უგზო-უკვლოდ დაკარგული ბეჯანას საარაკო ძებნა.

სოფელში რალაც სიამოვნებისა და კმაყოფილების გრძნობით ლაპარაკობდნენ, დარეჯანმა „როგორ აკადრებინა ერთს მოხელეს უკან დაეწია“, როცა ეს მოხელე დარეჯანის შვილს გამახარეს მათრახით სცემდა და გამახარე ხელგაუნძრევლად იდგა, მართო თავზე ხელებს იფარებდა. დარეჯანმა ეს რომ დაინახა, ათრთოლებული მივარდა მოხელეს ყვირილით: „ვინა ხარ შენა?.. რაზე მიკლავ შვილსა, შე ურჯულოვ?..“ მოხელეს დარეჯანისათვისაც უნდა დაერტყა მათრახი, მაგრამ დარეჯანმა ისეთი ხმითა და გამომეტყველებით შესძახა მოხელეს: „ხელი არ მახლო, ჩემის გამახარეს დღეგრძელობამა, თორა...“, რომ მოხელემ მართლა უკან დაიწია. გატრიზავებული მოხელე იძულებულა იყო ელიარებინა: „Но, подобної женщины еще не встречал“.

დარეჯანისათვის დამახასიათებელია შემდეგიც: როცა მან მოხელეს „აკადრებინა უკან დაეწია“, ის საყვედურით მოუბრუნდა შვილს: „შენ კი არა გსხიანა ხელნი, შე მწერელ-ჩვილო, შე უგერგილოვო... რას ეთრეინებ?...“ შვილის პასუხზე: „დიდი კაცია, მაგას ხელი არ შეებრუნება“, — დარეჯანი გაჯავრებითა და ამოოხვრით უპასუხებს: „კარგი, სუ, სუ, ბეჩავო! შენი რა იმედი უნდა მქონდეს. რო დავეარდე, მთელი ქვეყანა გადამქელავს“<sup>21</sup>.

ასეთი სამართლიანი ბრძოლის გზით დადის ცხოვრებაში საღი საზოგადოებრივი გრძნობით დაჯილდოებული დარეჯანი. მისი ცხოვრებაც კეთილის, მოძმისადმი დახმარების გზაზე მთავრდება. მწყემსი

<sup>21</sup> ვ ა ე ა - ფ შ ა ვ ე ლ ა, დარეჯანი, თხზ., ტ. V, გვ. 52.

ლეთისო მდინარეში წაღებულ ბატკანს წაეტანა, თავი ვერ შეიმაგრა, წყალმა ისიც წაიღო. შემთხვევით იქ დარეჯანი აღმოჩნდა. ის უმალ მიეშველა წყალწაღებულ ლეთისოს. მაგრამ აღიდებულმა მდინარემ დარეჯანი კლდეს მიახეთქა. დარეჯანს რეტი დაესხა. მიუხედავად ამისა, დარეჯანი განაგრძობდა ლეთისოს ძებნას. სადა ხარ, შვილო? მაინც რამდენჯერმე წამოიძახა და დაიღუპა.

ასე ათავებენ დარეჯანი და მისთანანი თავის ცხოვრებას. იღუპებიან, მაგრამ მათი დაღუპვაც კი ხალხისათვის, მასისათვის ჭკუის მასწავლებელია, კეთილი გზის მაჩვენებელია, მოძმისადმი სიკეთის შთამაგონებელია.

\* \* \*

ხანგრძლივი და მტკივნეული ძიების შემდეგ ვაჟა-ფშაველამ თავისი დროისათვის საჭირო და შესაფერი ახალი ადამიანის, გმირის, ვაჟაკის სრულყოფილი სახე, ჩამოაყალიბა ლექსში „კაი ყმა“ („ხევსურულ პანგზე“).

ეს ლექსი თუ სიმღერა ისეთი სიმკვეთრით, ვირტუოზულობითაა დაწერილი, როგორც შინაარსისა, ისე ფორმის მხრით, ყოველი სიტყვა აქ ისეთს მთლიანს, რთულსა და ძლიერ სახეს სჰქედავს, მთლიანად ლექსი ისეთი დიდი ემოციურობით, რიტმიულობითაა შესრულებული, რომ არ შეიძლება მკითხველი არ მოიხიბლოს. შთაბეჭდილებრისათვის საჭირო იქნებოდა მთლიანად ლექსის მოყვანა, მრავალმხრივი და მრავალფეროვანი უშუალო შთაბეჭდილებებისთვის, რის გადმოცემაც სისრულით ძალიან ძნელია. მაგრამ მოცულობა მისი გვაბრკოლებს, ამიტომ აქ იძულებული ვართ ნაწყვეტებით განვისაზღვროთ.

„ვინა? ვინ არი კაი ყმა?“ — კითხულობს ვაჟაკის სახის აღფრთოვანებული ძიებით აღსავსე პოეტი და თვითონვე უპასუხებს. ვაჟა-ფშაველას გაგებით „კაი ყმა“ მრავალწახნაგოვანი, მდიდარი და რთული პიროვნებაა.

პოეტის გაგებით კაი ყმისათვის პირველ რიგში საქებარია ვაჟაკობა — მტერთან გმირული ბრძოლის სათანადო უნარი; „კაი ყმა“ პირველ რიგში ვაჟაკია, „ვის ტანზე ხმალი ჰშვენოდეს“. „კაი ყმა“ თავის გამოცდას გმირულ ნათლობას ბრძოლის ასპარეზზე იღებს, იქ, სადაც—

ხალხი ხალხზედა ჰღელავდეს;  
მტერი ჩვენ გვემდეს, ჩვენ — მტერსა,  
ხმლები, ხანჯრები ელაგდეს.  
სისხლის ტბა მუხლებს სწვდებოდეს,  
ცოცხლები მკვდრებსა სელავდეს;  
ფარების დაღვს ჯრღღებები,  
თვალები თვალებს სწველავდეს.

მოციქულობდენ ტყვიანი,  
შუბები შუბებს სწვერავდეს;  
ქიფრად მუზარადებსა  
სისხლის წვიმაი ჰფერავდეს;  
დაგელობდეს სიკვდილი  
სულარაებსა ჰკერავდეს.<sup>22</sup>

ვაეკაცის გაბედულობა, თავგანწირვა, მამაცობა და აგრეთვე მის მიერ წარმოებული ბრძოლის პათოსი ამ ლექსში არაჩვეულებრივი სიღრმითაა გადმოცემული. უნდა აღინიშნოს, რომ ვაჟა-ფშაველას ეხერხება ბატალური სურათების დახატვა.

ვაჟა-ფშაველას გაგებით და რწმენით, ისაა ვაეკაცი, ისაა მოსაწონი „კაი ყმა“, —

ვინც მიეგებოს მტერს წინა,  
წინ-წინ ვინც რისხვას ეტყოდეს,  
სახე-სისხლ-გადამღინარი  
ტყვიულს არ გამოიტყოდეს,

თავზარსა სცემდეს სიკვდილსა,  
ზედ ქორებულად ფრინავდეს  
სიცხეში სიბლ დაპბეროს,  
დათბოს, როცა ჰყინავდეს.

მაგრამ ეს არაა საკმარისი ვაეკაცის ბუნებისათვის.

ვაჟა-ფშაველა, აღზრდილი, ერთი მხრით, ხალხურ შემოქმედებაში განსახიერებულ გმირთა ხასიათის თვისებებზე, ხოლო, მეორე მხრით, 60—90-იანი წლების მოღვაწეთა და მწერალთა მსოფლმხედველობაზე, რომლის მიხედვითაც კაცი ფასდებოდა მისი საზოგადოებრივი ღირებულების ხვედრითი წონით (კაცის მორალური ღირებულება პირველ რიგში წინ უნდა ყოფილიყო წამოწეული), — „კაი ყმას“, ახალ აღამიანს მრავალმხრივ სინჯავდა და აფასებდა. მწერლის რწმენით, მარტო ვაეკაცობა — ფიზიკური ძალის გამოვლინება ვერ ამოწურავს ვაეკაცის ღირებულებას, მისი მიმზიდველობის ძალას. ვაჟა-ფშაველა არ კმაყოფილდება „კაი ყმის“ მაგარი მკლავით, ძლიერი ღონით, გამბედაობით, უშიშრობით. პოეტის გაგებით, ვაეკაცს აღნიშნულ თვისებებთან ერთად უნდა ახასიათებდეს გამჭირიანი გონიერება და ფაქიზი გრძნობაც; ვაეკაცს უნდა ამოძრავებდეს საზოგადოებრივი ცხოვრების საფუძველზე განმტკიცების წყურვილი. ამ მიმართულებით ის, „კაი ყმა“ მულამ მზად უნდა იყოს მსხვერპლის შესაწირავად.

ამიტომ, მგოსნის გაგებით, „კაი ყმა“, — „პირველად ომის დამწყები“ უნდა „ბრძოლის ველს ბოლოს სწირავდეს“;

სხვანი იყოფდენ ნადავლსა,  
ის ისევ მტრის წინ გრგვინავდეს.

მაგრამ არც ეს არის საკმარისი ახალი აღამიანის არსის სრულყოფისათვის. ვაჟა-ფშაველას შეხედულებით, „კაი ყმა“ ამასთანავე უნდა იყოს უანგარო, თავმდაბალი, გონიერი, მზრუნველი მოძმეთათვის.

მიძღვნილსა საუფროსოსა  
ამხანაგებსვე სწირავდეს.  
დარაჯად ეღვას ლაშქარსა,  
როს ის ღრმა ძილით ხვრინავდეს.  
სწორ ფიქრს აძლევდეს თემ-სთფელს,  
ცდუნება არა სძირავდეს.

მტრის ჯავრის ედგას, ლოგინი,  
მტრის ჯავრი საბნად ჰფარავდეს.  
იქ იდგეს ხმალ-ამოწვილი,  
საც ძალა აღმართს ჰკვალავდეს,  
გაბეჩავებულს! სიპართლეს  
უსამართლობა სძალავდეს.

„კაი ყმის“ სრულ გასხივოსნებულ სახეს, ვაჟა-ფშაველას დახატვით, კიდევ ერთი თვისება, ერთი სხივი უნდა ავსებდეს და ამშვენებდეს. „კაი ყმა“, სხვა აღნიშნულ თვისებებთან ერთად, თავდაპირველი და მორიდებულია.

სხვისა თუბნოს სახელი,  
თ ა ვ ი ს გ ა რ ჯ ა ს ა ჰ მ ა ლ ა ვ დ ე ს...  
სჯობ, მოკვდეს შშიერ-ტიტველი,

კვდებოდეს, ბრა გმინავდეს;  
თავის სამარხად, სულრადა,  
მარტო სახელსა სწირავდეს.

ასეთი თვისებებით უნდა იყოს დაჯილდოებული ვაჟკაცი, რომელსაც შეიძლება „კაი ყმა“ ეწოდოს, რომლის სიცოცხლე ხალხის (და თვით ვაჟა-ფშაველას) თვალში გამართლებულია, რომელიც შეძლებს ხალხის გაჭირებულ ცხოვრებას კეთილი, შინაარსიანი გზა და კვალი მისცეს. ასეთ კაცს, მგოსნის გაგებით, უნდა „ვადღეგრძელებდეთ ცოცხალსა, მკვდრისა ვსვათ შესანდობარი“.

ამ „კაი ყმის“ ღირებულება რომ უფრო შთააგონოს მკითხველს, მგოსანი „კაი ყმის“ სახელს ამ ქვეყნიერი ცხოვრებით არ დაამთავრებს. მისი გაგებით, კაი ყმა „სულეთშიც“ შედის „ხმლიანი, ლაღი, ლაღისა ცხენითა“. მას იქაც ქებას ასხამენ გმირები, „გადასულები ჩვენითა“. ხალხის თვალში „კაი ყმას“ იქაც პატივისცემის, განდიდებისა და სიყვარულის უდიდესი ჭილდო მოელის:

რეკლემ ხელი მამხვიოს,  
დაისვას თავის გვერდითა,  
გამიფეგებოს თამარი,  
მცინარი, თავის ფეხითა...

ანგელოზები ხარობდენ  
ალ-ქაჯნო, იყვნენ წყენითა.  
აი, ვინაა, კაი ყმა,  
მოსაგონარი ქებითა!

ამით ვაჟა-ფშაველამ უნდა თქვას, რომ ასეთი საზოგადოებრივი გრძნობის მატარებელი, თავდადებული ვაჟკაცის სახელი უქვდავია, ვინაიდან მოძმეთა გზის გასაადვილებლად მისგან „გზა უვალი თელილი რჩება“.

ვაჟა-ფშაველამ მკითხველის შეგნებაში რომ უფრო გაამახვილოს, გაზარდოს მის მიერ დახატული „კაი ყმის“ საზოგადოებრივი ღირებულება, მისი ღიღი მნიშვნელობა, რომ „კაი ყმის“ სახე მოგვეცეს, როგორც საზოგადოებრივი ცხოვრების იდეალი, მას ის უპირისპირებს თანამედროვე დარღვეულ, ლაჩარ — „დაქალაჩუნებულ“ ადამიანებს, რომელნიც მხოლოდ კუჭზე, მხოლოდ პირად უზრუნველყოფაზე ფიქრობენ, რომელთაც საზოგადო საქმე, მოძმის კეთილდღეობა სრულებით არ აგონდებათ. მათ პოეტი „კაი ყმის“ პირით ასეთი წყრომით მიმართავს:

თავის ჯამს ჩასქეროთ, საქვეყნოდ  
არც როს არ გამასდგებითა...  
გაიგებთ კარგის გარჯასა,  
გწყინსთ და შურითა ხდებითა;

უქმად ჩაჰმალეთ სიცოცხლეს,  
უქმად საფლავში სწვებითა.  
არ იცით დასჩნდით რისადა,  
ან რისათვისა ჰკვდებითა!

რა დიდი ტკივილით, აღშფოთებითა და სიმკვეთრითაა გამოხატული თანამედროვე ცხოვრების დაკნინებით გამოწვეული ვაჟა-ფშაველას მწუხარება, რაოდენ სიმართლითაა გაკიცხული იმ დროის საზოგადოებრივი ცხოვრება. მწერლის მახვილი დახასიათებით დაჩივებულ. დაკნინებულ თანამედროვეთა არც დაბადებას, არც სიკვდილს არა აქვს არც აზრი, არც გამართლება, ცხოვრება მათი გზა-კვალ არეულია, უიალქნო. ვაჟა-ფშაველას ეს ლექსი, შეიძლება ითქვას, სისხლსა და რკინაშია გამოწრთობილი.

პოეტმა ბაჩანამ ვაჟა-ფშაველას ამ შედეგის საპასუხოდ დაწერა ლექსი „ვაჟა-ფშაველას“, რომელშიც, „კაი ყმით“ აღფრთოვანების მაგიერ, გამოხატა მისი სრული გაუგებრობა. შეუფასებლობა და მწერლისადმი დაცინვაც-კი.

ბაჩანა გაკვირვებით აღნიშნავს, რომ, ვინც თავის „კაი ყმას“ რთავს „სხივ-შარავანდელით“, უნდა ითქვას, ის „მასთან დიდი დარდაკიც ყოფილა“, „თორემ ჩვენს დროში კარგ ყმობას ვინ იზამს, ტუტუციის მეტი?“ შესაძლებელია და, ვფიქრობთ, უფრო მართებულციანა, არსებული საზოგადოებრივი ცხოვრებითა და თანამედროვეთა მოქმედებით უკმაყოფილო, დროდადრო მაინც გულგატეხილ ბაჩანას ვაჟა-ფშაველასადმი ამ მიმართვაში თავისი პირადი შეხედულება კი არა აქვს გამოთქმული „კაი ყმაზე“, არამედ გამოყენებული აქვს ირონია. როგორც პოეტური ხერხი, რათა მკითხველში უფრო გაამახვილოს თავისი უარყოფითი დამოკიდებულება თანამედროვეთა უშიშარსო დაკნინებულ ცხოვრებისადმი და თანადროულობის შემხუთავ გამანადგურებელ პირობებისადმი, რომლისათვისაც ვაჟა-ფშაველას კაი ყმა მიუღებელი იყო თავისი მაღალი და არსებული საზოგადოების უმრავლესობის შეხედულებათა საწინააღმდეგო თვისებებით.

ვაჟა-ფშაველა სარგებლობს შემთხვევით და ბაჩანას მიმართ, „ურწმუნო თომათა“ მიმართ, ასეთი დაცემულობის განწყობილებისათვის აღშფოთების ცეცხლსა ჰყრის ლექსში „პასუხი ბაჩანას“:

რა ფრიალ დავღონებულვარა!  
ცრემლი მადგება თვალებში,  
მუხლთ მეკვეთება, ვმუნჯდები,  
სიღამბლე მომდის მკლავებში:  
ყორნის ყრანტალად ქცეულა

ბუღბუღის სტვენა ჰალბეში;  
გულსა და გონებას მირევს  
აეად ბუნების თარეში,  
კარგისა შეცვლა აეზედა  
ამ ჩვენს სამშობლო მხარეში!

ვაჟა-ფშაველა გაკვირვებულია ასეთი, მისი შეხედულებით, გაუგებრობითა და სირეგვნიტ, რომელიც ამბობს: „მზეს უმზეობა სჯობია“: „კაი ყმა“, ვინც უნდა იყოს, ბრიყვი და დასაგმობია!“ პოეტი განსაკუთრებით გაკვირვებულია, რომ ამას გაჰკივის ბაჩანაც. ავტორი მშვენიერი ლექსისა — „მუხავ, მიყვარხარ, ტიალო!“ პოეტი წუხს, რომ ბაჩანას „კაი ფანდური შუაზე გადამტკრეულა“. ვაჟა-ფშაველა აღშფო-

თებული მდულარეს ანთხევს, რომ ქვეყნად (კერძოდ, ქარაველ საზოგადოებაში) „კეთილი ბოროტისაგან ძლეულა“ მაშინ, როდესაც მწერლის მსოფლგაგებით, საზოგადოებრივი დასაბამი ყოველის ცხოვრებაში მეტად დიდი უნდა იყოს.

ვაჟა-ფშაველას ცხოვრება და შემოქმედება იმისი მკვერმეტყველური მლალადებელია, რომ მისი სიტყვა და საქმე მიმართულია საზოგადოებრივი ცხოვრების გაჯანსაღებისაკენ. ვაჟა-ფშაველა არა მარტო მწერლის, როგორც ეს ზევითაც დავინახეთ, არამედ ყოველი ადამიანის, და მით უმეტეს „კარგი ყმის“, დანიშნულებას სწორედ ქვეყნისადმი უანგარო შრომაში ხედავს. დიდად მიმზიდველი პოეტურობითაა მოცემული საზოგადოებრივი ვალის მოხდის, გალვიძებული სინდისის გამახვილებული ხედვა: „თვალეები მთელის ქვეყნისა შემომცქეროიან თხოვნითა, ეგებ როგორმე დავიხსნა სოფლის ამაგი გლოვითა“. სწორედ ეს განცდაა ვაჟა-ფშაველას რომ ასე აფიქრებს, აწუხებს, თანაც იტაცებს. პოეტის გულითადი წადილი და მისწრაფება მხოლოდ ერთია:

გამზარდოს, მომცეს ძალ-ლონე,  
ვეწალო ქვეყნის კენესასა:  
გამზარდოს, ღრუბლად მაქციოს,  
მძიმედ დამტვირთოს წვიმითა,

რომ მოვრწყო გული ქვეყნისა  
დაუშრობელის მილითა;  
ავაჰიკაჰიო ბულბული  
სალამოთი და დილითა<sup>23</sup>.

ვაჟა-ფშაველას გაგებით და ჩვენებითაც, მხოლოდ ამ შემთხვევაში იგრძნობს ადამიანი თავის თავს ვალმოხდილად ამ ქვეყნის წინაშე და დამწვიდებული დატოვებს სააქაოს.

საგულისხმიერია ვაჟა-ფშაველას ერთ-ერთი დაუმთავრებელი წერილი „საახალწლო ფიქრები“, სადაც ის სწორედ ამ საკითხს ეხება: „ჩვენ კაცთა ბუნების წესია მოლოდინი საუკეთესო მერმისისა: უსათუოდ ხვალინდელი დღისაგან მოველით რასმე კარგს. ეს გვასულდგმულებს, გვამხნევებს, ძალას გვიმატებს, ყოველ-დღიურ ვარამს გვინელებს გულში და სიცოცხლესაც გვაყვარებს. კაცი, რომელიც ხვალინდელი დღისაგან არაფერს მოელის, გადაუწყვეტია იმედი, ცოცხალმკვდარია, ის ცოცხლებში ჩასათვლელი არაა... საბრალოა ქვეყანა, საწყალია ის ერი, რომელსაც დაუკარგავს იმედი ხვალინდელი დღისა, საუკეთესო მერმისისა“<sup>24</sup> — წერს ვაჟა-ფშაველა ბაჩანასა და სხვა მასავეთ მოაზროვნეს „კაი ყმის“ შესახებ.

ამ მიმართულებითაც ვაჟა-ფშაველა თავისი ქვეყნისა და ეპოქის შვილია, მისი პოეტური ნიჭი ეპოქის ძირითადი მტკივნეული საკითხების მძლავრი და მკვეთრი საყვირია, ხოლო მისი პოეტური შემოქმედება კი ეპოქის დამახასიათებელი განწყობილებისა და მოტივების შემცველი.

<sup>23</sup> ვ ა ჯ ა - ფ შ ა ვ ე ლ ა, მოლოდინი, თხზ., ტ. I, 1946 წ., გვ. 99.

<sup>24</sup> მ ი ს ი ე ვ ე, საახალწლო ფიქრები, ხელნაწერთა ინსტიტუტი, ფონდი S, № 5317.



სიცოცხლე და მისი „ბრიალის“ კანონი

თუ შეიძლება ითქვას, რომ ყოველი მწერალი, რაც უნდა მცირე ნიჭისა და განათლებისა იყოს, ოდნავ მაინც ფილოსოფოსია, რადგანაც ძირითადად ის თავის შემოქმედებაში სიცოცხლის რაობასა და მასთან ადამიანის დამოკიდებულებას არკვევს. — ეს გარკვეულად და უყოყმანოდ უნდა ითქვას ვაჟა-ფშაველას მიმართ, რომლის აზროვნება და განცდა — ღრმა ფილოსოფიური, მეტად თავისებურად არის მის შემოქმედებაში აღბეჭდილი.

ვაჟა-ფშაველა ნამდვილი ფილოსოფოსია, თუმცა ის, რა თქმა უნდა, ძირითადად პოეტია, მხატვარია და ამიტომ მის შემოქმედებაში მთლიანი ფილოსოფიური სისტემების ძებნა არ იქნებოდა მართებული.

ვაჟა-ფშაველა — პოეტი ფილოსოფოსია, რომელსაც სიცოცხლე უყვარს, რომელსაც სიცოცხლე იზიდავს მთელი თავისი მრავალფეროვანებითა და წინააღმდეგობით, თავის „თეთრით და შავითა“, როგორც იტყოდა თვით მგოსანი.

ვაჟა-ფშაველას სიცოცხლე, ბუნება, სამყარო (ესენი სინონიმებია პოეტისათვის) წარმოდგენილი აქვს როგორც მრავალნაირ საგანთა თუ მოვლენათა მძლავრი, მკიდრო შეერთებული მთლიანობა, რომელშიც ყოველ ცალკეულ მოვლენას თავისი შეუცვლელი და აუცილებელი ადგილი თუ მდგომარეობა აქვს. ამიტომ, ყოველი მოვლენა, რა თქმა უნდა ადამიანის ჩათვლით, თავისებური არეკვლაა სამყაროსი. ყოველი მოვლენა თითქოს გარკვეული პიროვნებაა, რადგანაც მას თავისი განკუთვნილი ადგილი და როლი აქვს ამ მთლიანობის სისტემაში. ამიტომ სიცოცხლეში, მის მთლიანობაში ვაჟა-ფშაველა ხედავს წყაროს ადამიანის მაღალი, სრულყოფილი ესთეტიკური განცდებისა და მისი გონების ძიებისას.

მაგრამ, ასეთი შეხედულებიდან გამომდინარე პოეტს, როდესაც ის გარემო ცხოვრებას აკვირდება, ბევრი რამ არ მოსწონს, ის მძივ

გრძნობით რწმუნდება „სოფლის უკუღმა ტრიალში“. პოეტის დაკვირვებით, გარემო საზოგადოებრივ ცხოვრებაში „მოყვარის შებრალება“, რაც სამყაროს მთლიანობისათვის აუცილებელი უნდა იყოს, მივიწყებულია; მასში გაუტანლობა, მტრობა და შურია გამეფებული.

პოეტი ასე ამხელს თავის დაკვირვებას:

საწყალი საწყალადვე რჩება,  
ისევე სდის ცრემლის ღვარია.  
მკვლები, აფთრები მრავლდება,  
ხარობს მათი გვარია!<sup>1</sup>

მწერლის გაგებით, მხოლოდ აზრი, „აზრი მაღალი ჰგოდებს ბედ-განამწარია!“ ეს აზრია ცხოვრებასა და კაცობრიობას რომ არ ტოვებს, სიკეთისაკენ რომ ეზიდება მათ. მაგრამ, პოეტს ცხოვრებაში დიდი დაბრკოლება ხვდება. იგი აღშფოთებით გვამცნობს: „ერთი იცინის, სხვა სტირის! ესეთი არის ქვეყანა“. ასეთი წინააღმდეგობაა ადამიანთა ცხოვრება-ურთიერთობაში. ასეთივეა „უკუღმა ტრიალი“ ბუნების მოვლენათა და ადამიანთა შორისაც მამინ, როდესაც, ვაჟა-ფშაველას გაგებით, კაცთა ცხოვრებასა და ბუნებას შორის განუყრელი მჭიდრო კავშირია.

აი რასა წერს ვაჟა-ფშაველა: „ბუნებას თავისივე კანონი აქვს კაცთა ცხოვრებისათვის დამყარებული, რომელიც არის დამოკიდებული სხვადასხვა პირობაზე, მიზეზზე... ჩვენ ბუნებაში ვართ — იგი ჩვენშია. საით, როგორ შეგვიძლიან იგი თავიდან ავიშოროთ, დავემალნეთ?! ცოცხალნიც მისი ვართ, მკვდარნიც“<sup>2</sup>.

ვაჟა-ფშაველას გაგებით, სამყაროს — ბუნების ყოველი ცალკეული ნაწილის თუ მოვლენის არსი ჰქმნის აუცილებელ და საჭირო კავშირს მთლიანობისას და ყოველი ცალკეული ნაწილის თუ მოვლენის თავისებური ორგანიზაციის საფუძველი არის ამ მთლიანობის ურყევ კანონში. ასეთი შეხედულებიდან გამომდინარე, ვაჟა-ფშაველა ხშირად ბუნების მოვლენათა ძლიერი ურთიერთობის დახატვით გვიხატავს ადამიანთა რეალურ ურთიერთობას, ან ადამიანისა და ბუნების მოვლენათა ასეთსავე ურთიერთობას<sup>3</sup>.

მზეო, რა ცოტას ხანს გხედავთ,  
რა მალე დაგვემალები!  
უცდი მზის ჩასვლას, სიბნელე,  
მოხვალ, თავს დაგვეფარები.  
გვიან მოგვიხვალ, ზაფხულო,

მ ა ლ ე დ ვ ე დ ა გ ვ ე თ ხ ო გ ე ბ ი...  
მიწად იქცევი, ვაჟაკო,  
წ ა დ ი ლ ი თ ა ხ ი რ ე ბ უ ლ ი...  
კეთილს თან დასდევს მოაისხლე.  
ბოროტი აბირებული!<sup>4</sup>

<sup>1</sup> ვ ა ჟ ა - ფ შ ა ვ ე ლ ა, საშობაო სიმღერა, თბზ., ტ. II, 1950 წ., გვ. 80.

<sup>2</sup> მ ი ს ი ვ ე, სად არის პოეზია?, ხელნაწერთა ინსტიტუტი, ფონდი S, № 5317.

<sup>3</sup> ვაჟა-ფშაველამ ბუნების მოვლენათა გაგება, მათი ზუსტი ათვისება შეძლო არა მარტო უშუალოდ ბუნების მოვლენებზე ხანგრძლივი და ღრმა დაინტერესებული დაკვირვებითა და ათვისებით, არამედ, აგრეთვე, მათი მეცნიერული შესწავლის გზით.

<sup>4</sup> ვ ა ჟ ა - ფ შ ა ვ ე ლ ა, შაიულის სიმღერა, თბზ., ტ. I, 1946 წ., გვ. 45.

ასეთი წინააღმდეგობებით განიცდის ვაჟა-ფშაველა ბუნების. სამყაროს გაერთიანებულ სიცოცხლეს ჯერ კიდევ თავისი მოღვაწეობის დასაწყისში, 1888 წელს დაწერილ ლექსში „მთიულის სიმღერა“.

აქ ვაჟა-ფშაველას მსოფლმხედველობაში, სხვათა შორის, წარმართობის მძლავრი ნალექიც მოჩანს, რაც მთიულური ზეპირგადმოცემისა და ყოფა-ცხოვრების გავლენით უნდა აიხსნას.

მაგრამ, ვაჟა-ფშაველასათვის არსებითი და დამახასიათებელი ის არის, რომ მას სიცოცხლე უყვარს, მოსწონს და იღებს ბუნებაში არსებული წინააღმდეგობით — კეთილისა და „აბირებული ბოროტის“ მოსისხლე მტრობით, ბრძოლით.

ლექსი „მოგონება“ დიდი უშუალობითა და დამაჯერებლობით აღბეჭდავს ვაჟა-ფშაველას ამგვარ დაუძლეველ მიზიდულობას სიცოცხლისადმი, რეალური ცხოვრებისადმი. პოეტს სიცოცხლის მთლიანობაში გაგება და მით დატკბობის სურვილი ადამიანის ბუნების განუყრელ არსად მიაჩნია.

ახალგაზრდა ჯან-ღონითა და სიცოცხლის ნდომით აღსავსე მთიელი ქალი თავდამავეიწყებელი სიყვარულის მძლავრი განცდით თავის ქმარს — ვაჟაკს ეუბნება:

თუ შენ არ გხედავ ცოცხალსა,  
არც მე ვარ ცოცხლად დამომი  
ცოცხალი თან ჩამოგყვები,

ს ა ფ ლ ა ვ შ ი დ ა გ ე ტ ა ნ ე ბ ა...  
მწადს, ერთად შაზელილიყოს  
ჩემი და შენი ძვალუბი<sup>6</sup>.

ნათქვამი გულწრფელია, სიყვარულიც უზადოა. მაგრამ „ორმა დღემ ჩამაიარა“, „ზარი აჩქამდა გლოვისა“, მთელი სოფელი დასტირის ახალგაზრდა მთიულს. დასტირის მას მისი ახალგაზრდა ცოლიც — „ცრემლი სდიოდა ღვარადა, გულ-დაბნედილსა დიაცსა აბრუნებდიან ძალადა“. მიცვალებული კუბოთი დიდი ზარით საფლავთან მიიტანეს, ჩაუშვეს კუბო საფლავში. „ცვივა ქვიშა და ლოდები“. მოზარეები მიცვალებულის ახალგაზრდა ცოლს მოაგონებენ ფიცს, რომელსაც ის ორი დღის წინ აძლევდა ქმარს. გოგონა უკან იხევის. მას სიცოცხლე სწყურიან, თუნდაც იგი ტანჯვითა და მწუხარებით იყოს საესე. მოზარეების საპასუხოდ გოგონა დიდის უშუალობით, ყოველივე ცბიერების გარეშე წამოიძახებს:

„არა, მე სიცოცხლე მინდა,  
უ ნ დ ა ვ ი ც ო ც ხ ლ ო ჭ ო რ ი თ ა...  
რომ მოვკვდვი, მაშინ ვიქნები  
დარდების მოფონებითა!  
დაე ვიცოცხლო ტანჯვითა,

ნაღვლით დავიწვა გულია,  
დავიწვა ვით კელაპტარი,  
ხატის წინ ანთებულა...  
ვიცოცხლო იმის მამგონეთ,  
ვინც გულს მაჩნივა წყლულა!...“<sup>6</sup>

<sup>6</sup> ვ ა ჟ ა - ფ შ ა ვ ე ლ ა, მოგონება, თხზ., ტ. I, 1946 წ., გვ. 67.

<sup>6</sup> 0 ქ ე ვ ი, გვ. 68.

დასმული პრობლემის გადაწყვეტას ვაჟა-ფშაველა დიდი დინამიურობითა და დამაჯერებლობით აწარმოებს. მკითხველის მობილიზებულ ყურადღებას არაჩვეულებრივად ჰკიბავს. გოგონა ერთს წელს საყვარელი ქმრის საფლავზე იარებოდა, „უნთებდა წმინდა სანთელსა, შინავე ტრიალდებოდა“; მორთო საფლავი მიჯნურის „ყვავილით ტურფა ფერისა“; ვარდებსა რწყავდა „თვალთაგან მონაწურისა“ ცრემლითა. გავიდა ერთი წელი, გადმოგვცემს მგოსანი, გამოიცვალა დრო და ჟამი. შეიცვალა გოგოს განწყობილებაც. მას სურს იპოვნოს მეგობარი, პირველი მიჯნურის მსგავსი „თვალთა, ტანადობითა,“ რომელიც, ჩვეულების თანახმად, „მოკეთეს მოკეთებოდეს, მტერს ექმნას ჯალათობითა“.

გოგონას ასეთი განწყობილება, ასეთი სურვილი ვაჟა-ფშაველას კი არ აკვირვებს, ან კი არ აღაშფოთებს, მიუღებლად ან არაბუნებრივად კი არ მიაჩნია, არამედ ის ამ გარემოებას თვლის ჯანსაღად, აუცილებლად, ბუნების მთლიანი სიცოცხლის მდინარებასთან შეფარდებულად. გოგონას ასეთი განწყობილების მართებულობა, კანონზომიერება რომ მკითხველსაც შთააგონოს, მგოსანი ამ ლექსში შემდეგი, მეტად საგულისხმიერო, მოხდენილი ზეალსვლით დაამთავრებს;

ღმერთმა გიშველოს, სიკვდილო,  
სიცოცხლე შევნახს შენითა,  
და შენც სიკვდილო, ფასი გქე  
სიცოცხლის ნაწყენობითა.  
სიცოცხლე სიყვარულითა  
და სიყვარული სიცოცხლით,

უერთურთისოდ ვერც ერთსა  
ვერ ვცნობთ, ვერც როს ვიცნობდით.  
ერთურთი სწყურან ორთვე,  
ერთურთთან დაილევინ;  
უერთურთისოდ ვერ სძლებენ  
მალედვე დაილევინ?<sup>7</sup>

აქ ნიჭიერადაა აღბეჭდილი ვაჟა-ფშაველას მსოფლშეგრძნება: ბუნება, მისი ცხოვრება, ყველა მისი მოვლენა დაინახოს, გაიგოს, შეაფასოს მის მთლიანობაში, განუწყვეტელ ურთიერთობაში.

ვაჟა-ფშაველას მსოფლმხედველობისა თუ მსოფლგაგების ასეთი თვისება უფრო მკვეთრადაა გამოხატული მისი ღრმა ფილოსოფიური ხასიათის ლექსში „ღამე მთაში“. ამ ლექსში, როგორც მის მრავალ ნაწერში, წარმართი, ქრისტიანი, ათეისტი ვაჟა-ფშაველაში მეტად ორიგინალურად, მჭიდროდაა გადაკვანძული ერთმანეთში. ეს გარემოება მგოსანს ხელს უწყობს მთელი სამყარო დაინახოს, როგორც უნივერსალური მთლიანობა აურაცხელი მრავალფეროვნებით, მუდმივი ბუნებრივი განუწყვეტელი კავშირით, მოძრაობით, წინააღმდეგობითა და ჰიდილით. თვით ადამიანთა ცხოვრება მთელი მათი ტანჯვა-სიხარულით, სიცოცხლე-სიკვდილით, ამ მთლიანი უნივერსალური სიცოცხლის გარემოქცევის მომენტია. ვაჟა-ფშაველას გაგებით ყოველი მოვლენის

<sup>7</sup> ვ ა ჟ ა ფ შ ა ვ ე ლ ა , მოგონება, თხზ. ტ. I, გვ. 69.

სიციოცხლე წარმოადგენს მედმივ სწრაფვას, მოძრაობას, რაც გამოწვეულია ყოველი მოვლენის შინაგანი მისწრაფებით მოქმედებისადმი. რადგანაც ყოველ მოვლენაში ვლინდება სამყარო-ბუნება, ამიტომ ყუელა მოვლენა ერთად არეკლავს სამყაროს მთლიანი პროცესის ჰარმონიას.

პოეტის წარმოდგენითა და გაგებით ეს უნივერსალური სამყარო სიყვარულით და გონიერებითაა აღსავსე. ამ მთლიანი ცხოვრების განცდა პოეტს დიდ ესთეტიკურ დაკმაყოფილებას აძლევს: „ამაზე ტურფა და კარგი მე სხვა აღარა მგონია!..“ — აღტაცებით წამოიძახებს ბუნების უშუალო ხილვითა და განცდით დაკმაყოფილებული პოეტი. აქ, ასეთს განცდაში, პოულობს ვაჟა-ფშაველა სულიერ სიმშვიდეს, სიხარულს, ტკივილებისაგან დაყუჩებას. ამაშია მისი ესთეტიკის წყარო.

ვაჟა-ფშაველას (როგორც მისი პოემების გმირებს) იზიდავს ამ უნივერსალური სიციოცხლის ძირითადი ბუნება: სიციოცხლე, მოძრაობა, აქტივობა, დაუსრულებლობა, ჰარმონიული მთლიანობა:

აქაც, იქ, იმას იქითაც,  
საცი ფერცხალა გორია,  
ლამაზის მთების ასულთა  
ხმა ხმითვის შაუჭონია.

მადლი შენ, ყველა ერთმანეთს,  
უფალო, დაუმონია;  
ამაზე ტურფა და კარგი  
მე სხვა აღარა მგონია!..<sup>8</sup>

ასეთია ვაჟა-ფშაველას ფილოსოფიური ძიება ბუნებისა და სიციოცხლის მოვლენათა ურთიერთობის გაგების შესახებ ჯერ კიდევ 1890 წელს დაწერილ ლექსში „ღამე მთაში“ და სხვ. ბუნებაში, მგოსნის გაგებით, უნივერსალური ბრძოლისა, შეთანხმებისა და განვითარების მთლიანი პროცესისა, სადაც მარადიული კანონზომიერება არსებობს მოქმედ ძალთა შორის, ისინი ურთიერთისაგან დამოკიდებულნი არიან, ურთიერთობით ქმნიან მარადიულ მთლიან სილამაზეს — სიციოცხლეს.

ხევი მთას ჰმონებს, მთა — ხეესა,  
წყალნი—ტყეს, ტყენი—მღანარეთ,  
ყველანი—მიწას და მიწა—  
თავის აღზრდილთა მცენარეთ<sup>9</sup>.

ვაჟა-ფშაველას განცდით, ადამიანიც ამ მთლიანობის განუყოფელი ნაკვეთია, რომელიც ამ მთლიანობის აღქმაში პოულობს თავის დასაბამს, დანიშნულებას, შინაარსს, ადგილს, ღირებულებასა და დაკმაყოფილებას. ამიტომ მგოსანი ბუნების სამყაროს მოვლენათა მთლიანი ურთიერთობის განცდას ასე დაამთავრებს:

და მე ხომ ყველას მონა ვარ  
პირზე ოფლ-გადამღინარელ<sup>10</sup>

<sup>8</sup> ვ ა ჟ ა - ფ შ ა ვ ე ლ ა , ღამე მთაში, თხზ., ტ. 1, 1946 წ., გვ. 71.

<sup>9</sup> ი ქ ვ ე .

<sup>10</sup> ი ქ ვ ე .

თავის ფილოსოფიურ შეხედულებას ვაჟა-ფშაველა უფრო აზუსტებს იქვე, იმავე ლექსში. ბუნების (სიცოცხლის, სამყაროს) მოვლენათა მოცემული ურთიერთობა თავისი მრავალფეროვნებით, წინააღმდეგობითა თუ ურთიერთდახმარებით ერთ მთლიან უნივერსალურ ცხოვრებაში ასე აქვს პოეტს წარმოდგენილი:

ბუნება მბრძანებელია,  
იგივ მონაა თავისა.  
ზოგჯერ სიკეთეს იხვექავს,  
ზოგჯერ მქნელია ავისა;  
ერთფერად მტვირთველი არის  
საქმის თეთრის და შავისა;

საცა პარიზეს ახარებს,  
იქვე მთხრელია ზეავისა...  
ზაინც კი ლამაზი არის,  
ზაინც სიტურფით ჰყვავისა!  
(იქვე)

აქ ვაჟა-ფშაველა მოჩანს არა მარტო როგორც, მართლაც, უცნაური ოსტატი სიტყვისა, სახეებისა, არამედ როგორც მოაზროვნე-ფილოსოფოსიც, რომელსაც ცხოვრების დიალექტიკური განვითარების ურყევი კანონი, შეიძლება პრიმიტიულად, მაგრამ არაჩვეულებრივი უშუალობითა აქვს განცდილი და გაგებული: ვაჟა-ფშაველა აქ მკლავდება, როგორც ბუმბერაზი პანთეისტ-ჰილოძოისტი ფილოსოფოსი, რომლის მხატვრული ინტუიცია, რაციონალური გაგება და უშუალო ცოდნა შეერთებულია ერთ ორგანულ მთლიან მსოფლმხედველობაში.

ლექსში „სიმღერა“ („სოფლისა წესი ასეა...“) ვაჟა-ფშაველა დიდი სიცხადით გამოხატავს ბუნების (სიცოცხლის) კანონზომიერი ცვალებადობის ურყევ კანონს — „ჩვენ წავეალთ, სხვანი რჩებიან; მკვდრების მაგივრად მალეღვე მეორეები ჩნდებიან“. ვაჟა-ფშაველა სწორედ ამ მოვლენაში, თუ გარემოში ხედავს არა მარტო სიცოცხლის გარდუვალობას, არამედ მის ძალას, აზრს, სილამაზეს, მიზიდველობას.

სიცოცხლეს სიცოცხლე უყვარს,  
ეს მიტომ დადვა წესადა;  
სიკვდილა გაუჩენია  
მას თავის გასაკვებადა<sup>11</sup>.

სიყვარული — მიზიდულობა სიცოცხლისადმი, პოეტის განცდილი და გაგებით, არა კვდება. ის, პოეტის მახვილი თქმით, „ისევ რჩება ცხოვლად, დაფრინავს, როგორც ფარვანა, საამო, კარგი ყოვლად“. სიყვარულს, მგონის ფრთოსანი თქმით, —

გულის ძგერა აქვს სამეფოდ,  
ვნებად ლელვა ჰყავს მშობლად.  
(იქვე)

ვაჟა-ფშაველას განცდით, გაგებითა და თქმითაც, სიყვარულია სწორედ ის ძალა, სამყაროს — ცხოვრებას რომ ამოძრავებს, სიცოცხლეს

<sup>11</sup> ვ ა ჟ ა - ფ შ ა ვ ე ლ ა, სიმღერა („სოფლისა წესი ასეა“), თხზ. ტ. I, 1945 წ., გვ. 180.

რომ აძლევს ყველაფერს, რაც კი მასში არსებობს, ყველა მოვლენას ერთ მთლიან კანონზომიერ პროცესში რომ აერთიანებს:

იმისგან ჰყვირის ირემი,  
ზისით დაფრინავს შველია;  
მისგანა გალობს ბულბული,  
მისგანითვე მწვანობს ველია;  
იმისგან ხარობს ბუნება—  
უკანასკნელი მწერია...

ზღვაში იღუპვის ჰაბუკი  
თავის სატრფოსთვის ხელია,  
დიდება ქვეყნის შემოქმედს,  
რა კარგად დაუწერია!..  
(იქვე)

ლექსში „სიმღერა“ („გული გავგზავნე ქვეყნადა სალალოდ, სანავარდოდა“) ვაჟა-ფშაველა დიდი სისადავითა და შთაგონებით იძლევა ამ უნივერსალურ სიცოცხლისადმი სიყვარულის გრძნობის მოძრაობას. პოეტი დიდი უშუალობით გადმოგვცემს იმ განსხვავებას, რომელიც აღმოჩნდა სალალოდ, სანავარდოდ გაგზავნილ „ნორჩ“ გულში. დაბრუნებისას ეს გული პოეტმა ვეღარ იცნო:

ათათასი წყლული სჭირს —  
ტანჯვა-ვაების ნიშანი.  
ღამდნარა, ნალევს მთვარეს ჰვავ,  
ს ულს ჰლევდა, თითქოს  
კვდებოდა...

ვაებად ქმნილსა მოლხენის  
აღარაფერი სცხებოდა...  
თვითეულს შეკითხვაზედა  
ცრემლი ზღვად გადმოსკდებოდა<sup>12</sup>.

პოეტი ცდილობს ანუგეშოს დაბრუნებული „ნორჩი გული“, მაგრამ ის მას აღარ უსმენდა, ვეღარა მშვიდდებოდა. თითოეულ შეკითხვაზე გულს „ცრემლი ზღვად გადმოსკდებოდა“. მგოსანი მიხვდა, რადა სტიროდა და რისთვისაც ბნდებოდა ველიდან დაბრუნებული „სულ უტიფარი და ნორჩი“ გული:

ქვეყნის აგ-კარგის გაცნობას  
თურმე თან ცრემლი ჰხლებოდა.  
(იქვე)

ეს მგრძნობიარე დამოკიდებულება — სიყვარულია, რომელიც მგოსნის გაგებით, ცხოვრებაში ყველაფერს აძლევს დასაბამს. მგოსანი უკვირდება რა სამყაროს, აღტაცებაში მოდის, როცა ხედავს ბუნებაში — მის ცხოვრებაში არსებული წინააღმდეგობანი როგორ კანონზომიერად იხსნებიან: მგოსნის გაგებით, თუ გულში გული ექვობდა, მძამედ იყო დაკოდილი, სწყევლიდა თავსაც, ბედსაც და მეტად მცირე იმედი ჰქონდა, დღეს მას ნავთსაყუდარი უბოვია; თუ ცხოვრება ადამიანს ხან ალაღებს. ტკბილს ასმევს, ხანაც მწარეს აწვდის, სამაგიეროდ, „დღეს მტირალს, ბედის მომდურავს, ხვალ ისევ გაახარებსა“; ღარიბს ამდიდრებს, მდიდრის სიმდიდრეს გამოლევის:

<sup>12</sup> ვ ა ჯ ა - ფ შ ა ვ ე ლ ა, სიმღერა („გული გავგზავნე ქვეყნადა...“), თხზ., ტ. II, 1950 წ., გვ. 136.

დაბმულს აუშვებს და ახსნის  
დაბაძს, გააკავებსა...  
საწუთროს ეინი შეიგნო,

დღე-ღამეობა ჟამისა;  
ხვალ განთადის მომლოდნეს  
შიში არა აქვ ღამისა<sup>13</sup>.

ვაჟა-ფშაველა აკვირდება თავის გარემო ცხოვრებას, თავის ეპოქას, მასში არსებულ სოციალ-პოლიტიკური ცხოვრების ცვალებადობას. ის გარკვეულად რწმუნდება, რომ მასში ხდება ანალოგიური ცვალებადობა იმ ურყევი კანონის მიხედვით, რომელიც არსებობს ბუნების მოვლენათა შორის.

მოაზროვნე და მხატვარი ვაჟა-ფშაველა თავისი მოღვაწეობის დასაწყისიდან დამთავრებამდე გამომხატველია გლეხის — ქართველი გლეხის ცხოვრებისა და სულისკვეთებისა, მისი თანდათანობითი გამოფხიზლებისა. გარეეოლუციონერებისა, მისთვის უკეთესი ცხოვრების პირობების შექმნის სურვილისა და უნარის გაღვიძებისა და გაღვივებისა.

გლეხობის განწყობილებას, განსაკუთრებით 900-იან წლებში, საზოგადოებრივი ცხოვრების დიდი ძვრების ხანაში, გლეხობის თანდათანობით რევოლუციური ენერჯის ზრდასთან დაკავშირებით, როგორც ზევითაც („ვაჟა-ფშაველა და 1905 წლის რევოლუცია“) აღვნიშნეთ, ვაჟა-ფშაველაც ჰქმნის რევოლუციური განწყობილებით გაქლენთილ პოეტურ სახეებს. მგოსანი თავისი (და გლეხთა მასების) განწყობილების მსგავს მოვლენებს ბუნების კანონზომიერ ცხოვრებაში, მის მოვლენათა ურთიერთობაშიც ხედავს. ამიტომ ბუნების ანალოგიურ მოვლენათა საშუალებით პოეტს სურს თავისი მისწრაფებანი, შეხედულებანი მკითხველთა მასებისათვის დამაჯერებელი გახადოს, დაიყვანოს ფართო მკითხველამდე. ის სიმართლე, სინამდვილე, რომელსაც ვაჟა-ფშაველა პოეტური ალეგორიებით თავის შემოქმედებაში იძლევა, მაგალითად, გაზაფხულზე მთელი ბუნების აღორძინების, სიცოცხლის სიკედილზე, მოდუნებულ ცხოვრებაზე გამარჯვების ცოცხალი სურათის დახატვით, — გაქლენთილია რევოლუციური ვნებიანობითა და გლეხთა გაღვიძებული მასების რევოლუციურ სწრაფვას შესატყვისად გამოხატავს.

გაზაფხულზე ყველას საშუალება ეძლევა განგების ძალა გამოიჩინოს „რისიც უნარი აქვს — აყვავდეს ქვა და ქვიშაცა“. გაზაფხულზე ამოშინდა და ამოძრავდა გარემო, „სამოთხის ფერი დაადვეს არე-მარეთა ტყიანთა“, გაჩნდა საერთო დიდი ზეიმი:

ყინვისგან შეწყუხებულმა  
ვნახე, ზამთარი კვდებოდა;  
ლელმა-ნაკრავი ყინული

მ დ ი ნ ა რ ე ე ბ ზ ე ტ ყ დ ე ბ ო დ ა ...

და გაზაფხული ზღაზვნითა  
სამარიდანა დგებოდა,  
ტანით სულარას იხდიდა,  
ღიბ-ფარჩით იმოსებოდა.<sup>14</sup>

<sup>13</sup> ვ ა ჯ ა - ფ შ ა ვ ე ლ ა, სიმღერა („კიდეც ხმა მესმა ციღამა“), თხზ., ტ. I, 1946 წ., გვ. 217.

<sup>14</sup> მ ი ს ი ე ე, გაზაფხული, თხზ., ტ. II, 1950 წ., გვ. 207.



ზამთრის (ე. ი. ძველი წყობილების) სიკვდილთან და გაზაფხულის (ახალი, სამართლიანი ცხოვრების) დადგომასთან ერთად გაღვიძებული, აღორძინებული ხალხთა ცხოვრებაც ვაჟა-ფშაველას ეხატება გაზაფხულზე გაღვიძებული ბუნების ანალოგიურად.

სიცოცხლე სცხოვრობს ყოველგან,  
სიკვდილი არ სჩანს, მომკვდარა,  
ეუყუნა წვიმამ დაუშვა,  
მთიდან ღვარები მომსკდარა.

გუნდი და გუნდი ყვავილთა  
მიწის გულ-შეკრდზე მომსხდარა;  
ნაშენი ცხვრის და ძროხისა  
ფარებად კარზე მომდგარა.  
(იქვე)

ეუყუნა წვიმა, ღვარები, გუნდი და გუნდი ყვავილები, ცხვრისა და ძროხის ნაშენი ფარებად კარზე მომდგარი — ყველა ეს პოეტური სიმბოლოებია ახალი დროის — მოქმედი ძალების რევოლუციური მოძრაობისა.

მგოსანი აღტაცებულია ბუნების ასეთი ცვლილებებით, ნახტომით. ამგვარსავე ცვლილებას ის ხედავდა საზოგადოებრივ ცხოვრებაში 1905 წლის რევოლუციის პერიოდში. ასეთი გზა, გარემოება მას მიაჩნია საერთო ცხოვრებისათვის მამოძრავებელ კანონად. თავის დამოკიდებულებას მთელი უნივერსალური სიცოცხლის კანონზომიერი და აუცილებელი ცვალებადობისადმი ვაჟა-ფშაველა ასე გამოხატავს:

დიდება უფლის სახელსა,  
რა კაი საქმე მომხდარა!

(იქვე)

ვაჟა-ფშაველას ასეთი განწყობილებით აიხსნება, რომ ის არ კმაყოფილდება, ცხოვრება აიღოს თუ მიიღოს რომელიმე ცალკეული კუთხით, უბნით, ნაწილით. მგოსანი განსაკუთრებით შეზღუდულად გრძნობს თავს ყოველდღიური ცხოვრების ჩარჩოებში, როცა მისი ამოძრავება მხოლოდ პირადი ინტერესით არის შემოფარგლული. ვაჟა-ფშაველას სწამს სიცოცხლის დაუსრულებლობა. ის მას მთლიანობაში განიცდის; სიცოცხლის ამ მთლიანობაში ხედავს ის პირად მორალურ და ესთეტიკურ დაკმაყოფილებასაც. პოეტისათვის მუდმივ განუყრელ და აუცილებელ მთლიანობაშია პირადი და ზოგადი, ყოველდღიური და მარადიული, სათავისო და სასხვისო.

ვაჟა-ფშაველას ჩანგიც, თვით პოეტისავე აღიარებით, მხოლოდ ამ მიმართულებით უღერს ლაღად, ამის გარეშე ის ვერა პოულობს შევებასა:

მოშეთ გონების სიმაღლე მწაღდა,  
იმათ გრძნობათა და ფიქრთ დიდობა.  
ვერაფერს გავხდი, ვერვის რა ვარგე,  
გულს დავეუკარგე რისთვის მშვილობა?<sup>15</sup>

<sup>15</sup> ვ ა ჟ ა - ფ შ ა ვ ე ლ ა , ქებათა-ქება, თხზ., ტ. I, გვ. 218.

მგოსანი ღრმა ლირიზმით აღსავსე, მომხიბვლელი ლექსით მკვეთრად გვაგებინებს, რაა მიზეზი მისი „გულის მშვიდობის“ დაკარგვისა. ის არც სწუხს. რომ მან „სიმშვიდე“ დაკარგა, რადგანაც, მისი ღრმა რწმენით, არსებულ ცხოვრების ეიწრო და მუხთალ პირობებში ის ვერ დამშვიდდება. ის ამ გარემოებაში ამას არც მოინდომებდა, ვინაიდან არსებულ მდგომარეობაში მისი გული, როგორც მუშაკისა, სავსეა „ბედის მღურვით, ნაღველ შხამითა“:

სიყმილი მკლავდა ძმათა რგებისა,  
ეს იყო ჩემთვის ბედნიერება,  
ეს იყო ჩემთვის ყოფნა შევებისა.  
და დღეს ისა მკლავს, გულს ეს მიქენჯნის,  
ცუდივ ამბავი მესმის ძმებისა.  
(იქვე).

ასეთი გარემოება მგოსნის გულს აღონებს, „ნაოხარ ბალად“ გადააქცევს. ვაჟა-ფშაველა განიცდის რა ხალხის მასების გმირული რევოლუციური მოძრაობის აღმავლობას, ახალი სამართლიანი ქვეყნისაკენ გმირული ბრძოლითა და მსხვერპლით გზის გაჭრის წადილის პათოსს, თვითონაც ეძებს საგმირო ჰანგებს — „სიტყვას და აზრსა ციურსა“. არსებული გარემო სინამდვილე ან როგორც თვით პოეტი ამბობს, „ამბავი ყოველდღიური“ მის აღფრთოვანებას ფრთებს აკვეცავს. პოეტისა და სამწუხაროდ, მისი „გრძნობა და ფიქრი ღვთიური“ მის გულს „იქით ვერ მოდის“.

ბრძოლა განსაზღვრულისა, ყოველდღიურისა განუსაზღვრელთან, მარადიულთან; პირადულისა — მაღალ, საერთო სახალხოლთან; წვრილმანისა — დიდ იდეურ — პრინციპულთან ერთი უმძიმესი ტკივილთაგანი იყო როგორც ეპოქისა, ისე ვაჟა-ფშაველას მსოფლმხედველობისა, რაც ასე მკაფიოდაა გამოვლინებული მგოსნის შემოქმედებაშიცა და მის პრაქტიკულ მოღვაწეობაშიც. ეს მტანჯველი პრობლემა არაერთხელ ძაბავს ვაჟა-ფშაველას ყურადღებას, ენერგიას, მის პოეტურ ნიჭს. მინდიას („გველის მჭამელი“) ტრაგედია ამის აპოგეაა, ამ ტკივილზე აღმოცენებული და გაშლილი. მინდიას ყოველი განცდა და წინააღმდეგობა თემთან თუ ცოლთან აღმფრთვებით კივის:

„ფრთებს მიკვეცს აღმფრენისა  
ამბავი ყოველდღიური...“  
(იქვე).

\* \* \*

ვაჟა-ფშაველას ცხოვრების „უკულმა ტრიალი“ (პოეტს, რა თქმა უნდა, მხედველობაში აქვს თანადროულობის საზოგადოებრივი ცხოვრების მოუწყვსრიგებლობა) იმის შედეგად მიაჩნია, რომ ადამიანთა ცხოვრება ბუნების ცხოვრების საერთო კანონს დაშორდა. ვაჟა-ფშა-

ველა ერთს თავას დაუბეჭდავ წერილში „სად არის პოეზია?“ ურყევი ტონით შემდეგს გვეუბნება: „ჩვენი ცხოვრება სრული გამომხატველია ბუნებისა<sup>16</sup>... ვინც ბუნების ავი და კარგი შეიგნო, იმას არ გაუძნელდება ცხოვრების გ-თარების გაგება. მხოლოდ უნდა მწერალი უყურებდეს ცხოვრებას, თუ შეიძლება ასე ვთქვათ, ბუნების თვალებით“<sup>17</sup>.

ვაჟა-ფშაველაც „ბუნების თვალთ“ აკვირდება ბუნების ცხოვრებას, მასთან ადამიანის კავშირს, რათა მის მარადიულ ყოფასა და მოძრაობაში „უამთა ტრიალის“ მყარი და სწორი სამართლიანი დასაყრდენი გამოიხატოს. ვაჟა-ფშაველა, პირველ რიგში, ცდილობს გაიგოს ცხოვრების ძირითადი მამოძრავებელი კანონების ბუნება. პოეტის შემოქმედებითი ალლო ლამობს მთელ სამყაროს შემოხვიოს თავისი გაგების სალტე, გააერთიანოს იგი და მის მთლიანობაში იპოვოს მისი მოძრაობის ღერძი და არსი და მასთან დაკავშირებით ადამიანთა სიცოცხლისა და ცხოვრების მოძრაობისა და განვითარების საფუძველაც.

ბუნების მოვლენებთან მჭიდრო კავშირში და გულსხმიერებით მასზე დაკვირვებამ ვაჟა-ფშაველას ბუნების მოვლენათა შესახებ გარკვეული რწმენა გამოუქმუშავეა. აი როგორ გვიხსნის ვაჟა-ფშაველა თავის შეხედულებას: „ყველა გრძნობას თავისი ბუნება აქვს, თავისი აგებულება: საათი დაბადებისა, ხანა სიყრმისა, სიჭაბუკისა და სიკვდილისა. ყველა ეს უნდა მხედველობაში ვიქონიოთ“<sup>18</sup>.

ამასთან ერთად ვაჟა-ფშაველას სამყაროს (ბუნების) ცხოვრების პროცესი წარმოდგენილი აქვს, როგორც გამუდმებული მოძრაობა და ბრძოლა კეთილსა და ბოროტს შორის (აქ ვაჟა-ფშაველაში იგრძნობა წარმართული მსოფლმხედველობის ნალექიც), პროგრესულსა და რეაქციულს, საზოგადოებრივსა და პირადულს შორის. ასეთი გაგებით ეძებს ვაჟა-ფშაველა ცხოვრების მყარ მამოძრავებელ კანონს.

ეს მწვავე საყოველთაო და კერძოდ ვაჟა-ფშაველასათვის მუდმივი მტანჯველი ტკივილი, განსახიერებელია მგოსნის მრავალ ნაწარმოებში („ია“, „მთის წყარო“, „მთანი მალანი“, „ქუჩი“ და სხვ.). ხოლო ყველაზე გამახვილებულად მოცემულია პოემაში „გველის მჭამელი“, მინდიას ტრაგედიის გაშლით.

აი, ვაჟა-ფშაველას გაგებით, როგორი ურთიერთდახმარება, ურთიერთ კავშირი და სიყვარული ამოძრავებს ბუნების ცხოვრებას, მის მოვლენებს:

„ულრანს ტყეში მოსული ვარ, — მოგვითხრობს ია, — მანამ ცოცხალი ვარ, ჩემის სილამაზით დავატყობ ტყეს, ბალახს და იმ გალმიდამ

<sup>16</sup> ვაჟა-ფშაველას ცნება ბუნება ესმის როგორც მთლიანი სამყარო—უნივერსალური სიცოცხლის პროცესით.

<sup>17</sup> ვ ა ჟ ა - ფ შ ა ვ ე ლ ა, სად არის პოეზია?, ხელნაწერთა ინსტიტუტი, ფონდო S, № 5317.

<sup>18</sup> ი ქ ე ე .

გამომცქერალს გულხავსიანს კლდესა, სუნელებას მივაფრქვევ არე-მარეს. ყველას ვუყვარავარ: აგერ იმ დამპალს ყუნქს თვალი სულ ჩემსკენ უჭირავს, მიცინის ხოლმე, უნდა ჩემთან მოვიდეს, — მაკოცოს, მაგრამ არ შეუძლიან, მხოლოდ შორიდან გამიციანებს, გაილიმება საცოდავი, თუმცა უშნოდ, მაგრამ გულკეთილობა-კი დიდი გადაეფინება ხოლმე პირზედ“<sup>19</sup>.

ან კიდევ:

„გუშინ ცამ იჭექა. ჭექა ქუხილი ჩვენ არ გვაშინებს: ქუხილი წვიმის მომასწავებელია და წვიმა ხომ ძუძუს გვაწოვებს დედამიწის გულზე. მზე მამაა, ზევიდამ დაგვყურებს და გვეალერსება, თვალ-ყურს გვადევნებს. წვიმის მოსვლა მცენარეთ უხარიანთ, — უხარიანთ, ყელამდის სიხარულით მოიყარნენ; ეხლა ისინი ახალს კაბებს და ქათიბებს ჩაიცმენ. აი ეს ორი დღეა, რაც ჩემი დობილი სასუტელა ცამოჩნდა; უხარიან, უხარიან საცოდავს, სულ თავს იქნევს დაბლა და მაღლა, უკრავს თავს დედამიწას. მზის სინათლეს, მეჩურჩულება, ზღაპრებს მიაშობს სიცოცხლეზე, სიყვარულზე; ხანდახან კიდევ გაიკასკასებს, გადმამეხვევა და მაკოცებს“<sup>20</sup>.

ასეთია სალი, ლალი, ერთიერთმანეთის გაგება და დანხარება, მთლიანი ცხოვრება ბუნების წიაღში. ბუნების ამ მთლიანი ცხოვრების პროცესს, იის (თვით ავტორის) დანახვითა და თქმით, არღვევს „შეუბრალებელი კაცი“, რომელიც „რასაც კი დაინახავს, უნდა რომ თავის სასარგებლოდ მოიხმაროს“. კაცი, იის გაგებით, ასე იმიტომ იქცევა, რომ ის „ვერ აფასებს ბუნების სილამაზეს“<sup>20</sup>.

ასეთი გაგების დასამტკიცებლად ია შემდეგ მაგალითს მოიტანს: „ჩვენ წინ კაცმა გამოიარა, ცალს მხარზე ცული ედო, მეორეზედ თოფი ეკიდა. მიაღდა ერთს მშვენიერ ტოტგადართხმულს წიფელს, დაუშინა ცული და წააქცია. საბრალო, როდესაც წაიქცა, დაიკვნესა... ცრემლები დასხმოდა ჩაღრმავებულს გულში“.

იგივე კაცი არა კმაყოფილდება ამ ცოდვით. იის გადმოცემით, ხეზე ზის „დადლილ-დაქანცული“ ქედანი, ლულუნებს, მასაც უხარიან გაზაფხულის მოსვლა. ტკება სილამაზით — სიცოცხლით. „უცებ თოფი გაღარდა, ქედანმა ხმა გაკმინდა, ჯერ ფეხით ჩამოეკიდა ტოტზე, შემდეგ ძირს ჩამოვარდა, ჩემს წინ დაეცა. სისხლი წამოუვიდა ნისკარტიდამ და თვალეები დახუჭა; გადმონადენი სისხლი წვეთ-წვეთად დაეტყო ფოთლებზე“<sup>20</sup>.

ასეთია კაცი. ის დასცილდა ბუნების კანონზომიერი განვითარების სიცოცხლის გზას, რითაც მან მისი გონიერებისა და სილამაზის გაგების სალი ალღო დაკარგა. ამიტომაც ადამიანთა ცხოვრება სავსეა უსამართლობით, ის მოუწესრიგებელია.

<sup>19</sup> ვ ა ე ა - ფ შ ა ვ ე ლ ა, ა, თხზ., ტ. V, 1936 წ., გვ. 31.

<sup>20</sup> ი ქ ვ ე.

როგორ უნდა მოეწყოს საზოგადოებრივი ცხოვრება? რა პირობები უნდა შეიქმნას ადამიანთა ცხოვრების საღ საფუძველზე დაყენებისათვის? საღ ან რაში უნდა ვეძიოთ ამ საფუძველის არსი? ამ მტანჯველ საკითხებს ვაჟა-ფშაველა თავის შემოქმედებაში არა ერთხელ უტრიალებს. ყველაზე მკვეთრად, თავისებური სიღრმითა და ორიგინალობით აღნიშნულ კითხვებით გამოწვეული ტანჯვის ასახვას და მათზე პასუხის გაცემას მგოსანი იძლევა პოემაში „გველის მჭამელი“.

\* \* \*

ვაჟა-ფშაველას „გველის მჭამელი“ ფილოსოფიური პოემაა, რომელშიც მგოსანმა დიდი უშუალობით გამოხატა სხვადასხვა მსოფლმხედველობათა შეჯახებისა და ბრძოლის საფუძველზე ცხოვრების არსისა და ადამიანის დანიშნულების ტკივილები. „გველის მჭამელში“ ვაჟა-ფშაველამ გაშალა ადამიანის ტრაგედია, აღმოცენებული ძლიერი პიროვნებისა (ფართო შემეცნებისა და მაღალი სიყვარულის მატარებლის, ახალი, მასებისათვის უკეთესი აზრიანი, სამართლიანი ცხოვრების მაძიებლისა) და საზოგადოების (არსებულით კმაყოფილის) ურთიერთობისა და შეჯახების ნიადაგზე.

ვაჟა-ფშაველას პოეტური შემოქმედების ერთ-ერთი ძირითადი ხერხი კონტრასტებით აზროვნებაა. პოემაში „გველის მჭამელი“ მთავარი გმირის — მინდიას რთული ტრაგედია დაპირისპირებითაა განვითარებული.

მინდიამ<sup>21</sup> მხოლოდ მაშინ იპოვა თავისი ნამდვილი სახე და განიცადა მაღალი შინაგანი დაკმაყოფილება, მხოლოდ მაშინ იგრძნო მან თავი ლალად, როდესაც მთელი თავისი არსებით, განცდებითა და გაგებით შეუერთდა, შეეზარდა ბუნების უნივერსალურ ცხოვრებას.

ვაჟა-ფშაველას გაგებით, ცხოვრების — სიცოცხლის ძირითადი და ხელშეუვალი თვისებებია მოძრაობა, დინება, მოქმედება. ადამიანისათვისაც მოქმედება აუცილებელი და არსებითი მოთხოვნილებაა, უამისოდ ის ჰკარგავს თავის სახეს, დანიშნულებას, უამისოდ ის მკვდარია, არაფრის მქნელია, მას „ფრთებს უკვეცს აღმაღრენისა ამბავი ყოველდღიური“ („ქებათა ქება“).

ასეთივეა მინდიას განცდა და გაგებაც.

ქაჯეთში ტყვეობამ, უაზრო, უმოქმედო ცხოვრებამ მინდიას თავის მოკვლა გადააწყვეტინა. თავის მოკვლის მიზნით მინდიამ შექაპა გველის ხორცი, ქაჯთათვის რომ იხარშებოდა. სიკვდილის მაგიერ მინდია გარდაიქმნა: მის სხეულს, თვალს, ყურს, გულსა და გონებას ბადე აეხსნა, უცნაურად გამახვილდა მინდიას შეგრძნებისა და გაგების უნარი.

<sup>21</sup> მინდია თავისი ძიებით, შემეცნებით, სიყვარულითა და მწვავე ტკივილებით ჩვენი გაგებით, თვით ვაჟა-ფშაველაა.

მან თავი დააღწია ცხოვრების გაგების ვიწრო განსაზღვრულობის ჩარჩოებს.

აი როგორ გვიხატავს პოეტი მინდიას გარდაქმნილ ბუნებას:

ახალად სული ჩაედგა,  
ახალი ხორცი აისხა.  
გულის ხედვა და თვალების,  
როგორც ბრმას და ყრუსს, გაეხსნა.

ესმის დღეიდან ყოველი,  
რასაც ფრინველნი ვალობენ,  
ან მცენარენი, ცხოველნი,  
როდის ილხენენ, წვალობენ.<sup>22</sup>

მინდიას ახალი მსოფლგაგება გამოუმუშავდა. ის რწმუნდებოდა, რომ „რაც კი რამ დაუბადია უფალს სულიერ-უსულო, ყველასაც თურმე ენა აქვს, არა ყოფილა ურჯულო“. ვაჟა-ფშაველას ასეთს თქმებში გამოიხატება რეალური იდეა — ძმობა-ერთობის, თანასწორობისა და თავისუფლებისა დამონებულ, შევიწროებულ ხალხთა მასებში რომ მწიფდებოდა და თანდათან ფეხს რომ იკიდებდა აღმავალ რევოლუციურ მოძრაობაში, რაც 1901 წელს, როცა პოემა „გველის მჭამელი“ დაიწერა, უკვე საგრძნობი ძლევამოსილებით მტკიცდებოდა „ხალხთა ბორკილის“ დასამსხვრევად და „ხალხთა ციხის“ კედლების დასანგრევად.

ვაჟა-ფშაველას ამ პოემაში და მის ზოგიერთ სხვა ნაწარმოებში მოცემული ლეგენდარული და გმირული სახეები თვითმპყრობელობისა და კაპიტალისტური ყოფის რევოლუციური განადგურების რეალური იდეის გამომხატველია.

მინდიას ახალი მსოფლგაგების მიღებიდან იწყება მინდიას გაკაცება, სრულყოფა — მინდიას ნამდვილი სიცოცხლე. მინდიასა (ადამიანსა) და მთლიან ბუნებას შორის მყარდება მჭიდრო კავშირი, ურთიერთ გაგება. მწერლის გადმოცემით, ამიერიდან მინდიას მუსაიფი და უწყყო ცამ, დედამიწამ, ტყემ. მინდიამ გაიგო მათი ცხოვრება, შეივსო მისი ცოდნა. მან ქაჯური ყველა ხერხი ისწავლა, მხოლოდ ბოროტმა მის გულში, — ამბობს მგოსანი, ვერ მოიკიდა ფეხია“.

მას შემდეგ, რაც მინდია შეუერთდა, გადაეჯაჭვა სამყაროს, გაიგო მისი უნივერსალური ცხოვრების დენა, ბუნება, დაიწყო მისი გონებრივი და მორალური ზრდაც; აქედან იწყებს მინდიას ბუნება გაღრმავებას, გაფართოებას, გამრავალწანაგოვანებას. მინდია არაჩვეულებრივი ნიჭით აღჭურვილი შეიქმნა, ის გრძნეული გახდა. მინდიამ გაარღვია შემოფარგლული ცხოვრების გარსი: ის გადასცილდა ყოველდღიურობის, ჩვეულებრივი ადამიანის შეგრძნების საზღვრებს: მან იცის მტრის „დასამარცხები ფანდი“, მძიმედ დაჭრილის უებრო მკურნალობა. ამიტომ, რომ არ მცირდება ომებში ქართველთა ჯარი.

<sup>22</sup> ვ ა ჟ ა - ფ შ ა ვ ე ლ ა . გველის მჭამელი, თხზ., ტ. IV, 1932 წ., გვ. 27, ასეთი პოეტური ხერხი ადამიანის ამგვარი გარდაქმნისა ლიტერატურის ისტორიაში ცნობილია, მაგალითად იხ. ა. ს. პუშკინის ლექსი «Пиррова».

მინდიას თავგადასავალი „შორს არის ამბად წასული“. ის ხალხის იმედი და ბურჯია. ხალხს სწამს (და ხალხის ეს რწმენა მგოსანმა რომ მძაფრად წარმოგვიდგინოს, ხალხში გავრცელებულ უზენაეს ავტორიტეტს — თამარ მეფის სახელსაც მოიშველიებს), რომ

მანამ მინდია ჰბელადობს,  
ხევსურებს არა უშავთ რა,  
ველარვინ ჰბედავს რჩოლასა,  
მყუდროობაა ყველგანა...<sup>23</sup>.

მინდია ისე მჭიდროდ ჩაექსოვა ბუნების მთლიან ცხოვრებას, რომ ის ახლო, უშუალოდ გრძნობს ყოველ მცენარესა და მღილსა, ყველას სიამოვნებით ჰხვდება. სანაგიეროდ, ისინიც მინდიას „ყიჟინით“ და „ვამას“ ძახილით ეგებებიან და ტიტინით უმხელენ თავიანთ ბუნების საიდუმლოებას: „მე ვარო ამის წამალი“, სხვა გაიძახის. — „იმასა“. მინდიაც მათ აგროვებს, სახლში მოაქვს, ადამიანთა საკეთილდღეოდ იყენებს.

ვაჟა-ფშაველას გაგებით, ყოველი მოვლენა ბუნებაში მიილტვის ზნეობრივი გაუკეთესებისაკენ, ამალღებისაკენ. ზნეობრივი გაუკეთესება ასპეტაკებს პიროვნებას; რამდენადაც პიროვნება მეტადაა ვასპეტაკებული, იმდენად ის, რა თქმა უნდა, თავის კეთილდღეობაზე ფიქრობს; მაგრამ ამასთან ერთად ის სხვათა კეთილდღეობაზეც ზრუნვას თავისად მიიჩნევს, იმდენად დიდი აქვს მას სიკეთის დანახვის, გაგებისა და გაკეთების მოთხოვნილება. ასეთი შეგნების შედეგია სიყვარული, ამ სიტყვის ფართო გაგებით.

ასეთია მინდიას გაგებაც.

მინდიამ ბუნებასთან ურთიერთობაში დაინახა და გაიგო მთლიანი სამყაროს სიცოცხლის მაღალი, ფაქიზი მორალური დასაბამი, რამაც ის თავდავიწყებით გაიტაცა. ბუნების ამ კეთილ დასაბამს. რომელიც მინდიამ ამოიკითხა, ვაჟა-ფშაველა ასე გვიხატავს:

თურმე ზნედა სჭირთ ყვავილთა:  
ოღონდ ეწამლოს სნეულთა,  
სიცოცხლით გაფუფუნებულს

არად აგდებენ სხეულთა:  
სალხინოდ ჰსახვენ, კაცთ სარგოდ,  
ძვალ ზორცთა ჩამორღვეულთა.<sup>24</sup>

მარტო მინდიას ესმის მათი ზრახვა და ჩივილი. მინდია რწმუნდება. რომ ბუნების ყველა მოვლენას უყვარს სიცოცხლე, ყველა ენერგიულად იცავს თავს: ბალახიც, ხეც, მდინარეც, იაც, კურდღელიც და სხვ. („მთის წყარო“, „ქუჩი“, „ია“ და სხვ.). მაგრამ, ყოველი მათგანი, თუ ხედავს, რომ სხვისთვის სასარგებლოა, თავს არ იზოგავს. მინდიამ კარგად იცის, რომ ყანას სეტყვა აშინებს, იმიტომ რომ კაცი უსაზღვროდ

<sup>23</sup> ვ ა ჟ ა - ფ შ ა ვ ე ლ ა, გველის მკამელი, თხზ., ტ. IV, გვ. 35.

<sup>24</sup> ი ქ ვ ე, გვ. 29.

დარჩება. ისიც სწორედ მისთვის ზოგავს თავს, თორემ განა ყანისათვის სეტყვას მეტი ზიანის მოტანა შეუძლია, ვიდრე ნამგალს? მაგრამ, მინდას გაგებით თუ ამოკითხვით, მათ (პურეულ მცენარეთ) „სურთ პურად იქცნენ, საჭმელად, რომ მითი გაძლენ მშვიერნი“-ო. ასე გარკვეულად განმარტავს მგოსანი მინდას გაგებას.

უცნაურია, მაგრამ მიმზიდველი, შეთანხმებული უშუალო ურთიერთობა მინდასა და ბუნების მოვლენათა შორის. მინდას წინაშე, როდესაც მინდორ-ველად სამკურნალო მცენარეთა მოსაყრეფად გადის, მცენარე „ათი ათასი ყოველ მხრივ დაიქვითინებს ერთადა“:

„არა მე მომჭერ, მინდავე,  
ნუ შტოვებ, შენი კენესა მე!“  
„არა მე, — სხვა გაიძახის,—  
უფრო მაშინებს ზეცა მე“.

ბუნების მოვლენათა შორის კეთილი ურთიერთობა, ვაჟა-ფშაველას დაკვირვებით, ფართოდაა გავრცელებული. მოთხრობაში „უ ძ ლ უ რ ი ვ ი რ ი“ — მწერალი ნიჭიერად გვიხატავს აზრს, რომ ბუნებაში, მის მოვლენათა შორის სიკეთის ძალა ტრიალებს — მათთვის დამახასიათებელი და წამყვანია სხვის შებრალება, დახმარება, ამ მიმართულებით სხვისთვის მსხვერპლის გაღებისათვის მზადყოფნა.

ვირო ოცი წლის მძიმე შრომის შემდეგ დაუძღურდა, შრომა აღარ შეეძლო. პატრონმა ტყვია-წამალიც კი დაიშურა მის მოსაკლავად. წაიყვანა ვირი ცივ, ქარბუქიან ზამთარში მიუვალ მინდორში, დატოვა ის იქ, დეე, სიცივითა და უჭმელობით მოკვდესო. ვირს ასეთს უმწეო მდგომარეობაში დაინახავენ ირმები. მათ შეეცოდებათ გადაგდებული ვირი. ერთი მათგანი ლადა დაუძღურებულ ვირს რქებით წაიყვანს ბუნაგში; იქ ვირს მოასულიერებენ, მოუტანენ ნეკერს, მაყვალს, ხავსს, ჩააბარებენ მას თვალშავას და თვითონ წავლენ.

თვალშავა ცდილობს, რითიც კი შეუძლია, დაეხმაროს სიკვდილის პირას მისულ ვირს; თვითონ უთმობს საწოლს, მოაქვს ნეკერი, ხავსი. მოსულიერდა ვირი. ადგილის დედამ თვალშავას მოუტანა ბალახი — გაახალგაზრდავებისა და ჯან-ლონის მომმატებელი. თვალშავა შეეხეწეწა ადგილის დედას: „ცოტა მაგ ბალახიღამა, ჩემთვის რო მოგიტანია, ამ საბრალოსაც უზიარო. დაე, მე დამაკლდეს, ოღონდ ეს მოლონიერდეს“<sup>25</sup>. ადგილის დედამაც ორივეს დაუყარა მოტანილი ბალახი და უთხრა: „ძალიან კარგი, აი, გაიყავით, ხვალ კიდევ გნახავთ და ბალახსაც ბლომად მოგიტანთ; შევიბრალოთ ეგეც. დღეს ჩვენია ჩვენის ადგილის შვილად დაწერილი. ჩვენმა ადგილმა უნდა შეინახოს“<sup>26</sup>.

<sup>25</sup> ვ ა ჯ ა - ფ შ ა ვ ე ლ ა, უძღური ვირი, თხზ., ტ. V, 1936 წ., გვ. 266.

<sup>26</sup> იქვე.



ნადირთა შორის, როგორც მცენარეთა შორის, მწერლის გაგებოჲ, ცხოვრებაში მამოძრავებელია იდეა — „სხვასაც ვარგოთ“.

ასეთი დამოკიდებულების, ზრუნვის შედეგად ვირი მოლონიერდა. ბალანი გამოეცვალა, რაშს დაიშვსა. კეთილმა მოპყრობამ, ნადირთა შორის რომაა დამყარებულჲ, ვირი გაახალგაზრდავა, გააძლიერა, გააღამაზა. ვირის ქებამ მეფემდე მიალწია. მეფემ მისი დაქერა ბრძანა. თავის რაშად აიყვანა. ვირს ძლიეს იმაგრებდნენ. გამოირკვა ვირის პატრონის ბოროტი დამოკიდებულება. მეფემ გადაწყვიტა დამნაშავე ამ რაშის კუდს მოაბან და ისე დააფლეთინონ მას. მოაბეს ვირის პატრონი ვირის კუდს, მაგრამ ვირმა უდიერი-ბოროტი ძველი პატრონი მაინც შეიბრალა. თუმცა მისგან ბევრი წყენა მოაგონდებოდა, სამაგიერო მაინც არ გადაუხადა, ის სიკვდილს გადააჩინა. ამის შემდეგ ვირიც გაქრა.

ხალხი გაკვირდა. მეფემ „მოიწვია ყვილა მწიგნობარნი, მოგენი, ბრძენნი, რათა გამოეძიათ, ეს ამბავი რას მოასწავებდა“. ვაჟა-ფშაველა განაგრძობს ადამიანთა გაურკვეველი მდგომარეობის დახატვას და ამ ზღაპრის სახით თავის ფანტასტიურ წარმოდგენას ასე ათავებს:

მეფის მოწოდებაზე, „შემოკრბენ ყოველი მხრიდამ კაცნი ბრძენნი და მეცნიერნი; იძიეს, იკვლიეს საქმე, მაგრამ ვერაფერი გამოიკვლიეს, ვერც თავი უპოვნეს და ვერც ბოლო, საიდამ მოხდა ასეთი საკვირველი საქმე. ბოლოს დაასკვნეს, რომ ეს ამბავი ქვეყნის დასასრულს მოასწავებსო, დღე-დღეზე წარღვნა მოვაო“<sup>27</sup>. ეს ამბავი მთელ ქვეყანას მოჰფინეს და დიდი გულისტკივილითაც მოელოდნენ წარღვნას, მაგრამ, როგორც ავტორი გვიდასტურებს, „არც არა წარღვნა მოხდა და არც არა გადარღვნა დღეს აქამომდე“<sup>28</sup>.

ამით ვაჟა-ფშაველას უნდა თქვას, რომ ბუნების ეს მამოძრავებელი კანონი — სიკეთის, შებრალების, დახმარების ძალა, ბუნების საერთო ცხოვრების პარმონიას, კანონზომიერებას რომ ქმნის, ადამიანთათვის აქამდე უცნობი და მიუღწეველია. ამ ძალას, კანონს ადამიანი დაშორდა. ამისათვის მისი ცხოვრება მოუწესრიგებელი, უსამართლო შეიქმნა.

ასეთ განწყობილებას — შეხედულებას ვაჟა-ფშაველა უფრო მკვეთრად და სისრულით მიხდის სახით ანვითარებს.

მიხდის ესმის მცენარეთა სურვილი, ტკივილი. ის კარგად გრძნობს მათი მისწრაფების მაღალ მორალს — სიკეთეს ადამიანისათვის. მიხდის ცდილობს შეასრულოს მათი წადილი, მაგრამ ვერ წვდება „ორის ხელით და თვალითა“, თავადაც ხდება „მოსაბრუნებელი წყალითა“.

ვაჟა-ფშაველას ამით უნდა უთხრას და მიუთითოს მკითხველს, რომ ცხოვრების, ახალი ცხოვრების სათანადო საფუძვლების გამონახვისა და განმტკიცებისათვის ადამიანთა შორის ძიებაა საჭირო; სამართ-

<sup>27</sup> ვ ა ჟ ა - ფ შ ა ვ ე ლ ა, უძღური ვირი, თხზ., ტ. V, გვ. 272.

<sup>28</sup> ი ქ ვ ე.

ლიან საფუძველზე ცხოვრების გარდაქმნისათვის საჭირო სათანადო ადამიანი ჯერ მეტად მცირეა. მინდები ერთეულები არიან ბუნების ცხოვრების საიდუმლოების გაგებაში და მისი ბრუნვის სალი დასაბამის — კანონის ადამიანთა ცხოვრებისათვის გაგებისა და გამოყენების საქმეში. ამ ერთეულებს არ ძალუძთ მისი დაძლევა. „ერთი კაცი ჰამაშიაც შესაბრაღისიან“, ამბობს ხალხი. და მინდიაც ამ ძიებაში ტრაგედიას განიცდის.

ბუნებასთან უშუალო ურთიერთობიდან მინდიამ გამოიტანა ურყევი შეგნება, რომ მაღალი, ეთიკური ცნება „არა ჰკლა“ (ე. ი. ნუ ვნებ სხვას, სიფრთხილითა და სიყვარულით მოეკიდე სუყველას) — ადამიანთა ცხოვრებისათვის სავალდებულო უნდა შეიქმნას. ვაჟა-ფშაველა თავის ამ შეხედულებას თუ რწმენას როგორც პოემაში „გველის მკამელი“, ისე მრავალ სხვა თავის ნაწარმოებში ავითარებს მითიურ სახეებში, რომელთა გაგება, რა თქმა უნდა, პირდაპირი მნიშვნელობით კი არ შეიძლება, არამედ გადატანითი, ადამიანთა ურთიერთდამოკიდებულების მიხედვით.

მინდია როცა დააპირებს ხის მოჭრას და ხეს ცულს შემოჰკრავს, უმაღ ხის კენესა-მუდარა მოესმის: „ნუ მომკლავ, ჩემო მინდია, ნუ დამიბნელებ შხესან“. ამ კენესა მუდარასთან ერთად მინდიას საყვედურიც ესმის: „უიარაღო რომა ვარ, მიტომ მიბრიყვებ ხესან?!“ (ე. ი. სუსტის დაჩაგვრა არამცთუ მოსაწონი არ არის, არამედ სასაყვედუროა, დასაგმობი). ამის გამგონს მინდიას „დაუდუნდება ხელები, შტერად გაჰხედნებს ზეცასა“.

მინდიას ესმის, რომ ხეთა ეს კენესა, საყვედური სამართლიანია; გრძნობს, რომ მათაც უნდათ სიცოცხლე, მათთვისაც სიცოცხლის მოსპობა უაზროდ, აუცილებლობის გარეშე, უსამართლობაა, ბუნების სიცოცხლის ძირითადი კანონის დარღვევაა. ამიტომ მინდია ტყიდან ხელცარიელი ბრუნდება, ცეცხლისათვის მიიშველიებს „ჩაღას, გამხმარ ჯოყრებს და წივასა“.

მინდია ამითაც კმაყოფილდება, სხვებსაც ურჩევს: „კაცებო მოდი ნუ შვრებით ცოდვასა, ნუ მოსჭრით ხესა, დავჯრდეთ ჯოყრებს, ხმელს წიწვრებს ცოტასა“.

რა თქმა უნდა, მინდიას (თვით ვაჟა-ფშაველას) ასეთი მოთხოვნა — ხეს ნუ მოჭრით — პირდაპირი მნიშვნელობით კი არ უნდა გავცვოთ, რომ მინდია უარს ამბობს ბუნების მოვლენათა გამოყენებაზე, როგორც ზოგიერთ ლიტერატორს ჰგონია<sup>29</sup>. მაშინ ხომ ადამიანი, მართლაც, ველარ იცოცხლებდა, ის მოკვდებოდა, კაცობრიობა მოისპობოდა (სიკვდილს კი ვაჟა-ფშაველა არაჩვეულებრივი აღშფოთებითა და სიძულვე-

<sup>29</sup> იხ. იხ. ვართაგავა, სიმღერა მთის შვილის — ვაჟა-ფშაველასი, ჟურნ. „განათლება“, 1914 წ., №2 და 4.

ლით ებრძვის — იხ. „ქუჩი“, „მთის წყარო“ და სხვ.). მაშინ მინდიას ტრაგედია (რაც, უდავოდ, თვით ვაჟა-ფშაველას ტრაგედიაც არის) ავადმყოფი, არასრულჭკუაზე მყოფი ადამიანის გამოვლინება იქნებოდა და თვით პოემაც ასეთი ადამიანის ბოღვა.

ვფიქრობთ, ასეთი შეხედულება არამართებულია, ასეთ აზრს უარყოფს არამც თუ ვაჟა-ფშაველას მთლიანი შემოქმედების გულისყურით გადაკითხვა, არამედ თვით ამ პოემის — „გველის მკამელის“ და მისი მთავარი გმირის მინდიას ტრაგედიის საფუძვლიანი გაცნობაც.

მინდიას განცდისა და მოთხოვნისათა ჩვენებით ვაჟა-ფშაველას უნდა მკითხველს შთააგონოს, რომ ადამიანთა ცხოვრებაში გამეფებული უსამართლობა, უსწორ-მასწორობა შედეგია სუსტის ძლიერისაგან დაჩაგვრისა, უაზრო ექსპლოატაციისა; არაა სამართლიანი საზოგადოებაში ღრმად ფესვგამდგარი დოვლათის მოხვეჭის დაუოკებელი გრძობა-მისწრაფება, რათა ფუფუნებისათვის (რაც მწერლისათვის მიღებულია და პოემაშიც არა ერთხელ დიდი სიმკვეთრითაა გამოხატული) განსაკუთრებული პირობები შეიქმნას, რადაც არ უნდა დაუჯდეს, — ძლიერის მიერ სუსტი მოძმის შევიწროების, დაჩაგვრის განადგურების საშუალებით; სხვისი და სახელმწიფო ქონების უკანონოდ, ფარულად მითვისების გზით, რაც ასეთი ხშირი და დამახასიათებელი იყო და არის კაპიტალისტურ-ბურჟუაზიული ყოფისათვის.

ასეთი მისწრაფება და გზა, რაც გაბატონებულია კაცთა ცხოვრებაში, მწერლის გაგებით, ჰყინჭავს კაცს, მის ბუნებრიობას ასუსტებს, ვნებს: მის ნიჭს, უნარს, საზოგადოებრივ ალღოს აჩლუნგებს, საზოგადოებრივ ცხოვრებას არღევეს; თავისზე სუსტს სჩაგრავს, სუსტის ნიჭს გაშლის საშუალებას არ აძლევს, საზოგადოებრივი ცხოვრების წინმსვლელობას აბრკოლებს.

ურთიერთგაგება, დახმარება, სიკეთის დარგვა — მინდიას (ვაჟა-ფშაველას) გაგებით, უნდა აძლევდეს კაცთა ცხოვრებას ბუნებრივი განვითარების ძალას. რომ ეს ასე უნდა გავიგოთ, რომ ხის მოჭრაც და საერთოდ მცენარეებისაც არ არის ცოდვა და არ არის აკრძალული, თუკი ეს აუცილებელია ადამიანის ზომიერი და აუცილებელი მოთხოვნილების დასაკმაყოფილებლად, ეს თვით პოემაშიც არამც თუ ნაჩვენებია სხვათა შორის, არამედ განაზღუდულია. მიუხედავად იმისა, რომ ბუნებაში ყოველი მოვლენა იცავს თავს, სიცოცხლე სწყურია, მინდიას თავთავნიც და ყვავილნიც ემუდარებიან „არა მე მომჭერ, არა — მე“. რათა მათ ამით კაცთ არგონ — „გაძლენ მშვიერი“. მინდიაც ამას ასრულებს.

მინდია, ავტორის გაგებით და დახატვით, ახალი ადაპიანია, სულ ახალი მსოფლგაგებით, ცხოვრების ახალი ჰუმანური გზებისა და საფუძვლების ძიებით. მართლაც, სინამდვილეში, ვაჟა-ფშაველას ეპოქა, განსაკუთრებით იმ ხანაში, როცა იწერებოდა პოემა „გველის მკამე-

ლი“, 900-იან წლების მიჯნაზე, დრო და მშრომელთა მასების აღმავალი რევოლუციური მოძრაობა თხოულობდა სწორედ სულ ახალ კაცს, ახალი მისწრაფებით, ახალი ეთიკით. ამ მოთხოვნილებას მტკიცენულად განიცდიდა ვაჟა-ფშაველაც. თავისი გენიალური ინტუიციით ის მკვეთრად გრძნობდა ცხოვრების გარდაქმნას სრულიად ახალ, არსებულის დიამეტრალურად საწინააღმდეგო, საფუძვლებზე.

მინდია ასეთი გამახვილებული ახალი განწყობილებითა და გაგებით უცხოა თემისათვის, რომელიც მჭიდროდაა შეკავშირებული საუკუნეობით შემონახულ, აწ უკვე დრომოჭმულ, ტრადიციებთან. მინდია (ვაჟა-ფშაველა) გარკვეულად გრძნობს ამ ტრადიციების შეუფერებლობას ახალ დროსთან. მინდიას რჩევა — ეს ახალი გზის გამონახვისა და ახალი გზით სიარულის რჩევაა.

მინდიას რჩევას თემი ბოლვად თვლის. თუ მინდია ცხოვრების ახალ გზებს, ახალ საფუძვლებს ეძებს, თემი, პირიქით, ძალუმიად ებლაუჭება უკვე დამყაყებულ, დრომოჭმულ, შესისხლხორცებულ ზნე-ჩვეულებებს.

ამ ნიადაგზე მინდიასა და თემს შორის კონფლიქტი თანდათან ღრმავდება. თემს არ ძალუძს მინდიას ახალ სიბრძნეს, ცხოვრების ახალ გაგებას ჩასწვდეს. თემის გაგება ვერ იტევს მინდიას ახალ, სამართლიან გაგებას ცხოვრების შესახებ — თემი ყველაფერს განიცდის ვიწრო განსაზღვრულობაში, განზომილებაში, კონკრეტულობაში. ამიტომ ჩაღხია, თემის მსოფლგაგების ტიპური გამომხატველი, თემს ადვილად დაარწმუნებს, რომ მინდია „ცრუობს სწორედ“. თემი, მინდიას ახალი აზროვნებით შემოფოთებული, თავის უკმაყოფილებას ჩაღხიას პირით ასე აცხადებს:

მაგ ფიქრს რომ მივყვით, შენს მტერსა.  
როგორღა გვეცხოვრებისა?  
ას რად ვიციოდვით, უფლისგან

რაიც არ გვეცოდებისა?!..  
თემთ რო გვარიგებს, მაგაზე  
ძალიან ცუდად შერებისა.

თემი ადვილად ვერ გაარღვევს ცხოვრების დადებულ და მიღებულ კალაპოტს, ტრადიციებით რომაა ჩაკირული. „კაი ყმისაგან“ (თემს მინდია ასეთად მიაჩნია) თემი ელის და თხოულობს „შველასა და რგებასა“, მიღებული წყობილების შენახვასა და გამტკიცებას. თემი არავის არ აბატებებს, არც თვით „კაი ყმას“, თემის ყოფის დარღვევასა და შეშლას. ამიტომ, მინდიას სიტყვა და ქცევა თემს მით უფრო აღელვებს და აჩოჩქოლებს. მინდიასა და თემს შორის ჩნდება გარდაუვალი წინააღმდეგობა.

ვაჟა-ფშაველა მინდიასა და თემს შორის კონფლიქტს დიდი ოსტატობით შლის. დაეჭვებულ და ამხედრებულ თემს მინდიამ თვალსაჩინოდ კონკრეტულ მაგალითზე (ჩიტების მდგომარეობის წინასწარ ახსნა-განმარტებით) დაუმტკიცა, რომ მას (მინდიას) მართლაც ესმის ბუნე-

ბის მოვლენათა საიდუმლო ენა და ცხოვრება. ხევსურნი დარწმუნდნენ, „საქმე წინ ედვათ ყველასა“, რომ მინდიას ცოდნა ჩვეულებრივი კაცის ძალებს აღემატება. ხევსურნი თითქოს რწმუნდებიან კადეც, რომ მინდიას პირით კემშარიტება ღალადებს —

მაგრამ ნაგრძნობსა გულითა,  
გონებით შევლენ ვერასა—

შენიშნავს ვაჟა-ფშაველა.

მგოსნის მიერ დიდი ჩაწვდომითა და პოეტური ხელოვნებითაა გაგებული და განსახიერებული თემის — მასის განზომილებაში გამომუშავებული ტრადიციების ზეგავლენით შექმნილი კონსერვატორულა ფსიქოლოგიის უარყოფითი ძალა, რომელიც ადამიანს (ამ შემთხვევაში მასას — თემს) გონების კარს უხშობს ახალის, უცნობის, თუნდაც პედნიერების მიმნიჭებელი მოვლენების მისაღებად, რაც, ცნობილია, რევოლუციური მოძრაობის ისტორიაში სწორად ერთი ურთულესი დაბრკოლებათაგანი იყო. ამიტომ, ვაჟა-ფშაველა აღრმავებს მინდიასა და თემს შორის კონფლიქტს: თემი აგრძელებს ძველ გზას, მამა-პაპით სწორად მიჩნეულსა, რომელსაც მინდია ეურჩება, უარყოფს. „ბალახსაც სთიბენ, ნადირს კვლენ, შეშით ანთებენ კერასა“.

ვაჟა-ფშაველა, რომ თავისი დამოკიდებულება მინდიასადმი, მისი უპირატესობა მკითხველს დაანახოს, აგრძნობინოს, ისწრაფვის თავისი ლირიკული გარემოქცევა ჩაურთოს — „ქათმის ხორცს რა შეაძლებს, თქვენვე მითხარით მელასა?“

მინდიას ტრაგედიის მეტი გათვალსაჩინოებისა და გამახვილების მიზნით, ვაჟა-ფშაველა მინდიას გარემოსთან კონფლიქტს ოჯახურ, პირობებშიც გვიხატავს.

მინდია მჭიდროდ გადაეჯაჭვა მთელ სამყაროს; მთელი თავისი დიდი ბუნების გულისყურით ჩაიხედა მისი ცხოვრების სიღრმეში და გაიგო მისი ძირითადი მამოძრავებელი დასაბამი „სხვას არგოს“ — მაღალი ჰუმანიური და, ვაჟა-ფშაველას გაგებით, სალი მოთხოვნილება ადამიანთა ცხოვრების სამართლიანად მოწესრიგებისათვის.

კაცთ სარგოდ თავსა ჰზოგავენ  
თავთავენი ოქროს ფერანი, —  
არ სწადით ოხრად ლებობდენ,  
ჰვენკდენ ყვავნი და ძერანი.  
მიტომ ჩქარობენ მომკასა

ერთად ჟივონ ყველანი,  
ჰს უ რ თ პ უ რ ა დ ი ქ ც ე ნ,  
ს ა ქ მ ე ლ ა დ.  
რ ო მ მ ი თ ი გ ა ძ ღ ნ ე ნ  
მ შ ი ე რ ნ რ ო.

აი, სწორედ მშიერთა მღვთმარეობა, მათი გაძღომის, მათი ცხოვრების ადამიანურ პირობებში ჩაყენების საკითხია ვაჟა-ფშაველას ეპოქას (80 — 900-იანი წლები) რომ აწვალებდა, ცხოვრებამოწყურებულ

მშრომელ მასებს რომ რაზმავდა, ამოძრავებდა, სამკვედრო-სასიცოცხლო ბრძოლისათვის რომ ამზადებდა. თვით პოეტიც ამ ჭრილობითაა მძიმედ დაკოდილი. სწორედ ეს ტკივილია მინდიას ტრაგედიის მძიმე კვანძიც.

ასეთი ძირითადი ღრმა და ფართო სურვილითა და მისწრაფებით — „სხვას არგოს“ — შებოქილ. მინდიასათვის, რა თქმა უნდა, ოჯახის ფარგლები უფრო ვიწრო და შემზობრკავი შეიქმნებოდა. ოჯახის ყოველდღიური მოთხოვნილებით გამოწვეული ფუსფუსი, რა თქმა უნდა, მინდიას და მინდიასებურ ადამიანებს ვერ დააკმაყოფილებდა. განსაკუთრებით თუ ეს მოთხოვნა ვერ გასცილდებოდა ჩვეულებრივ მეშჩანურ, ვიწრო ეგოისტურ ფარგლებს, რაც მუდამ დამახასიათებელია საზოგადოებისათვის დრომოქმული ცხოვრების პირობებში. გამონაკლისს არ შეადგენდა მინდიას ოჯახის დიასახლისის — მზიას მოთხოვნა.

მინდიასაგან ოჯახი მოითხოვდა, თუ ხშირად არა, თუ ყოველ ნაბიჯზე არა, ყოველ შემთხვევაში, არა იშვიათად მაინც კომპრომისს, რწმენის წინააღმდეგ მოქმედებას. ეს, სამწუხაროდ, არა იშვიათი მოვლენა იყო ძველი, ბურჟუაზიული ცხოვრების პირობებში, როდესაც მეშჩანური ოჯახის — ფუფუნებაში რომ ხედავდა ცხოვრების მიზანს — მოთხოვნილებათა დაკმაყოფილების აუცილებლობით ისე იყო საზოგადოებრივ გონება დახვსებული, რომ ახალი ადამიანის, — რომელიც ვერ ეგუებოდა ასეთს შეხედულებას სამართლიან მისწრაფებებს ძირშივე ჰკლავდნენ და ამით ბევრს უკეთესი ცხოვრების მოტრფიალეს გზას უხშობდნენ, გასაქანს არ აძლევდნენ და ხშირად მორალურად ანადგურებდნენ.

ეს გარემოება, ძველი ცხოვრებისა, ნიჭიერად იყო გამოვლინებული რუსულ ლეგალურ ლიტერატურაშიაც კი, მაგ., დრამატიულ ნაწარმოებში ს. ა. გარინისა „Пески сыпучие“. ეპოქის ამგვარი დაავადების გამო დიდ ჰუმანურ წუხილს გამოხატავს ვაჟა-ფშაველა მინდიას ტრაგედიის ჩვენებით.

მინდიას ცოლი მზია თემის ჩვეულებით შემოფარგლული ცხოვრების საფუძველზეა აღზრდილი. მისი ინტერესი, თვალი და გონება თემში საუკუნეობით გამომუშავებულ ტრადიციებსა და ცხოვრების საზღვარს ვერა სცილდება. ამიტომ მზია მინდიას ჩვეულებრივი ყოველდღიური ცხოვრებისა და ორდინალური ადამიანის საზომით უდგება და აფასებს. ის ქმრისაგან დაყინებით მოითხოვს ოჯახის კეთილდღეობაზე განსაკუთრებულ ზრუნვას, როგორც ეს მიღებული იყო თემში.

მინდიას მზიასადმი საყვედურში აშკარა და მკაფიოდ მოჩანს მზიას სულისკვეთება, მის მოთხოვნილებათა ხასიათიც და მინდიასა და მზიას შორის ოჯახური უკმაყოფილებისა და უსიამოვნების მიზეზიც. მინდია საყვედურით მიმართავს მზიას:

„შენ ჭიხვის ხორცსა ჰნატრობდი,  
თუ ვის მოკლული გსმენია,  
რამდენჯერ ჩემი გულ-მკერდი  
ამ ჩივილს გაუსენია:

„ყმაწვილს უხორცოდ დაზდილინი,  
რა გაეკაცობას იზამენ?  
არსად არ გამოგონია  
ასრე გაზდილი სხვისა მენ“.

ამგვარი ჩვეულებრივი, ყოველდღიური მეშხანური მოაზროვნე-  
ბითა და ჩივილით გაწამებული და შევიწროებული მინდიას გული უფ-  
რო მტკივნეულად მძიმდებოდა. მინდიას ცოლისადმი საყვედურში:  
„სულ შენგან გავხდი, წყეულო, უგერგილოდ და ყროლადა... თქვენ-  
გან დავკარგე გონება, წმინდა გავყიდე რჯულია, თქვენგან მჭირს ჰირი  
უწამლო, უფალს თქვენგანა ვცოლია“, — მწვავედ იგრძნობდა მინდიას წო-  
ნასწორობის დაკარგვა, მისი ნერვიული აშლილობა, მისი დაუძლეველი,  
გაუნელებელი შინაგანი მტანჯველი ბრძოლა და წვა. და ამისი მიზეზი  
ის კი არ არის, რომ მინდია წინააღმდეგია ოჯახის, ცოლ-შვილის ყო-  
ლისა, ან მასზე ზრუნვას უნდა გაექცეს, როგორც მინდიას საყვედუ-  
რობს მზია და აგრეთვე კრიტიკოსი იპ. ვართაგავა: „ცოლის სამართ-  
ლიანმა სურვილმა, — წერს იპ. ვართაგავა, — გონიერმა 'მთავონებამ  
და ცხოვრების მაგალითების დასახვამ... ოცნების ბურუსში გახვეული  
მინდია... მაინც საბოლოოდ ვერ გამოარკვია „გრძნეული“ მდგომარე-  
ობიდან: მისი გრძნობა-გონება მაინც ვერ ჩადგა საღ და რეალურ კა-  
ლაპოტში. მან „მელაობად“, სინდისის გატეხად მიიჩნია ყოველივე ის,  
რაც ჩაადინა ცოლშვილის არსებობისათვის და რაც წარმოადგენდა  
მისს უუწმინდეს ზნეობრივს მოვალეობას... ამ აღაღმანებმა (მინდიებმა.  
— მ. ზ.), — ერთგვარი წყრომის კილოთი ამბობს იპ. ვართაგავა, —  
ორში ერთი უნდა აირჩიონ: ან უნდა გააძითავისუფლონ თავი თვისის  
„გრძნეულობისაგან“ და იცხოვრონ ისე, როგორც ჩვეულებრივი ადა-  
მიანის შვილები ცხოვრობენ: „ბალახი სთიბონ, ნადირნი ჰკლან, შეშით  
აანთონ კერა, პირუტყენი ხოცონ“, ან და უნდა ამოწყდნენ, შიმშილ-  
წყურვილით დაიხოცნონ რამდენიმე დღის განმავლობაში“<sup>31</sup>.

ასეთი ახსნა მინდიას ტკივილისა სრულიადაც არაა მართებული. ის  
სრულ გაუგებრობაზეა აღმოცენებული.

მიზეზი მინდიასა და მზიას შორის კონფლიქტისა, უკმაყოფილებისა  
მათ მიერ ცხოვრების სხვადასხვანაირ გაგებაში მდგომარეობს. უფრო  
გულდასმით ჩაუუკვირდეთ ამ საკითხს.

ცოლის გაკვირვებაზე, რატომ სახავეს მინდია ოჯახს საფუძვლად  
„გუნების ცვლისადა“, მინდია მისდამი თავის უკმაყოფილებისა და  
სულიერი ტრაგედიის მიზეზებს შემდეგნაირად გადაშლის:

„სიცივე ბალღებს მიღვესო“,  
შვილ-მამკვდარივით ჰკიოდო:  
„ბერღიას რამდენ შეშა აქვ,

როგორს ცეცხლს ანთებს, ჰნახოდი“,  
ცხოვრების მაგალითადა  
ბრიყვები დამისახოდი.

<sup>31</sup> იპ. ვართაგავა, სიმღერა მთის შვილის — ვაჟა-ფშაველასი, უჯრნ. „გა-  
ნათლება“, 1914 წ., № IV, გვ. 250.

გულზე მოსაყვანს ქართულსა  
ჩემს გასაგონად ამბობდი,

გ ე წ ა დ ა კ ა ი ც ხ ო ვ რ ე ბ ა,  
მ ო წ ა მ ლ უ ლ ს ქ ა დ ა ს ა ო ც ხ ო ბ -  
ღ ი”.

მინდიას უკმაყოფილებას, შინაგან აფორიაქებას, მის გაუნელებელ ტანჯვას სწორედ ის იწვევს, რომ მზიას, — მის ცოლს ვერ გაუგია მინდიას მაღალი, ახალი რწმენის არსი; მზია მას აიძულებს წავიდეს გატყეპნილი ძველი გზით, პირადი კეთილდღეობისთვის ზრუნვის გზით; მინდიას გაგებითა და დახასიათებით „ბრიყვთა“ გზით; იმათი გზით, ვისაც ცხოვრების მიზნად მხოლოდ „კაი ცხოვრება“, ფუფუნებაში ყოფნა დაუსახავს, ვინც ამის იქით არავისა და არაფერს ხედავს.

მინდიასათვის ყველაზე მტანჯველი ისაა, რომ ის ამ ბრძოლას ვერ გაუმავრდა, შვილების სიყვარულმა და მათზე ზრუნვამ მას შეაძულევინეს ფიქრი. ის გაიბზარა, გატყდა; „დღეს ხვალეობითა“, „ცოტ-ცოტად“, „ნელაობითა“, როგორც თვითონ მინდიაც ღრმა გულსტიკვილითა და საყვედურით, არამართო ცოლისადმი, არამედ თავის თავისადმიც, ამბობს. დაიწყო „თავის რწმენასთან მოქცევა მელაობითა“.

რაში გამოიხატა მინდიას „რწმენასთან მელაობით მოქცევა?“ აი როგორ ხსნის თვით მინდია:

„დღეს მოვკერ ერთი ჭანდარი,  
თუმც მემულარა ბევრია...  
ხვალ ორი მოვკერ, და ასე  
გული ჩავიღე ქვისაო...“

მეც მიყვევ — ვსოცე ნადირი,  
გ ა ს უ ქ - გ ა ლ ა ლ ე თ ლ ე შ ი თ ა,  
თ ა ვ ი ს ბ ა ლ დ ე ბ ი თ ჰ ხ ა რ ო ბ -  
ღ ი,  
მ ე დ ა ვ რ ჩ ი თ ა ვ ი ს ტ ე ხ ი თ ა.<sup>22</sup>

აი სწორედ ეს დათმობის გზაა დამლუბველი, ჯამანადგურებელი, ასე მიუღებლად, მტანჯველად რომ მიაჩნია მაღალი მორალის მატარებელ მინდიას (თვით ავტორს).

მინდიას პირით ვაჟა-ფშაველა გამოხატავს წინააღმდეგობას, შეურიგებლობას ძველი და მოუწესრიგებელი, მდაბალი, უხეში პირადი ინტერესების მატარებელი ყოფისადმი, პოეტის ეპოქაში რომ იყო გამტკიცებული და რომელსაც გამოფხიზლებული მშრომელი მასების აღმავალი გამათავისუფლებელი რევოლუციური მოძრაობის გამო ნი-ადაგი ერყეოდა. ვაჟა-ფშაველა ებრძვის სწორედ ამ ყოფას, რომელიც ხშირად ამორალური მოქმედების გზაზე-დადგომას აიძულებდა ხოლმე პატიოსან ადამიანსაც, ხოლო ზოგჯერ გაღვიძებული სინდისის, საზოგადოებრივი ინტერესის მატარებელ ადამიანსაც კი.

მართლაც, რამდენი იყო ასეთი მსხვერპლი მაშინდელი ყოფისა, რამდენი, მართლაც, აფრქვევდა ასეთს, როგორც იტყოდა დიდი რუსი

<sup>22</sup> დაყოფა ჩვენა.



მწერალი გოგოლი, „გარემოსათვის უჩინარ ცრემლებს“ („незримые миру слезы“).

ცხოვრების ასეთ შემხუთავ, გამანადგურებელ პირობებს ვერ ურიგდებოდა ვაჟა-ფშაველა, ასეთ პირობებს ვერ ურიგდებოდა და ებრძოდა მწერლის ეპოქაში გარკვეული წრე, შეიძლება ვიწრო, მაგრამ მოაზროვნე საზოგადოების მებრძოლი, მოწინავე ნაწილი. სწორედ ეს გაუგებრობა ჰქმნიდა ტრაგედიას საზოგადოების მოწინავე ფენისას და თვით პოეტისასაც. ამ ტრაგედიას გამოხატავს ვაჟა-ფშაველა მინდიას სახით.

რომ ეს ასეა, საკმარისია გულისყურით ჩავუყვირდეთ მინდიას ზღაპრით ფიქრთა სელას.

დათმობის, კომპრომისის გზით წასვლის შემდეგ მინდიას თავისი ცხოვრება „ფუჭად“ მიაჩნია. მას შემდეგ, რაც მინდია იწყებს დათმობას, კომპრომისს, როცა ეს დაუბრუნდება ჩვეულებრივი ცხოვრების ეზას, რომლის ფარგლებსაც კარგა შორს გასცილდა მისი თვალი, გული და გონება, იწყება მინდიას სასიკვდილო აგონია, მისი თანდათანობითი დაცარიელება, დაკნინება. სწორედ ამის შემდეგ, როგორც თვითონვე მინდია ქვითინებს, მას სჭირს „ჭირი უწამლო“, ახლა მას „შავის კლდის ლოდი“ სჯობია.

მინდია დათმობას იწყებს მარტო ცოლის ყვედრებისა და მოთხოვნის ზეგავლენით კი არა (ასეთს დაბრკოლებას მინდია ადვილად გადალახავდა), არამედ იმიტომ, რომ მინდიას ცოლს — მზიას გვერდში უდგა და ზურგს უმაგრებს თ ე მი — ადამიანთა საზოგადოების ვიწროდ შემოფარგლული განზომილებისა და განსაზღვრულობის ცხოვრება, რომელიც მჭიდრო რკინის სალტესავით გარს შემორტყმია მინდიას მისწრაფებათ, როგორც ახალს, უცხოს და რომელთანაც შეგუება და შეზრდა თემში გარდატეხისა და გარდაქმნის მწვავე ტკივილებს იწვევს. შემფოთებელი თემი (ჩვეულებრივ ადამიანთა საზოგადოება) ამიტომ მინდიას ახალ მსოფლგაგებას ვერ სწვდება, ცვლილებისადმი შიშს განიცდის, ამიტომაც მას უხეშ წინააღმდეგობას უწევს, დასაბამივე ლამობს ჩაახრჩოს. აი ამ წინააღმდეგობის ნიადაგზე იქმნება მინდიას დიდი ტრაგედია.

ამგვარი ტრაგედიები ჩვეულებრივ ჩნდება და მწვავედება ისტორიული განვითარების მძაფრი მოქცევის პერიოდებში, მძაფრი სოციალური ძვრების ხანაში. ასეთი იყო, როგორც ზევითაც ხაზგასმით აღვნიშნეთ, ვაჟა-ფშაველას ეპოქა ქართველი ხალხის როგორც სოციალ-ეკონომიური, ისე პოლიტიკურ-კულტურული ცხოვრების განვითარებაში. მთელი თავისი სიმწვავეთ, წინააღმდეგობით, მტკივნეულობით.

მინდიასათვის (მოწინავე-მოაზროვნე საზოგადოების რჩეულთათვის) არსებული ცხოვრების პირობები, მოთხოვნები ვიწრო და

შემხუთავი შეიქმნა; არსებული ვეღარ აკმაყოფილებს მის ახალ მოთხოვნილებებს, რომელიც ფართო სიყვარულისა და სამართლიანობის საფუძველზე იშლება. მინდიას უნდა ახალი მსოფლგაგების საფუძველზე ცხოვრების ძირითადი გარდაქმნა, ახალი ურთიერთობის დამყარება.

მინდიამ ვერ შეძლო არსებული ცხოვრების პირობებით მჭიდროდ აგებული ჯებირი გაერღვია; ვერ შეძლო ცხოვრება ახალი გაგების მიხედვით — თანაგრძნობის, ლმობიერების, სიყვარულისა და სიკეთის საფუძველზე გარდაექმნა. იმან თავის რწმენისაგან უკან დაიხია, დათმობაზე წავიდა, ძველი გზისკენ გადაუხვია, რამაც გაანიავა და გაანადგურა მისი ნიჭი და პიროვნება, „მიტომ, რომ წინანდებული ცნება აღარ მაქვს თავში“ — მწარედ ქვითინებს მინდია. ის გრძნობს, რომ მისი „მთელი არსება აღარ იქნება სალადა“, სულიერი ტანჯვა მინდიაში იმდენად დიდია, რომ ფიზიკურ ტკივილებსაც კი იწვევს მასში:

„ყველასთან შარცხვენილი ვარ—  
ცოცხლებთანა და მკვდრებთანა.  
რისთვის-ღა მინდა აბჯარი,

რისათვის მინდა ხმალი,  
თუ კი ჩემს მტრისად დავარულსა  
აღარ ექნება ძალია?!“.

შინაგანი, მტკივნეული, მწვავე ბრძოლით გატანჯული, ნებისყოფა-მოდუნებული მინდია ლამობს თავის ცოლს გააგებინოს ის ჯოჯოხეთი, რომელსაც ის „მარად გულით ატარებს“ და ასეთი სიტყვებით გადაუხსნის თავის გაწამებულ გულს „წუთისოფლის თავის სასიამოვნოდ მცნობარე“ მზიას:

„არ უღირს, მკვდარმა იცოდეს  
თავის სიკვდილი, — მკვდარია,  
იგლოვოს თავისი თავი,

თვის ყოფნა შესაზარია?  
სხვა ყოფნა, ამაზე მწარე,  
მიპოვნე შესაღარაია!“

მართლაც, ვაჟა-ფშაველას მიერ არაჩვეულებრივი ოსტატობითაა განსახიერებული, რამდენად აუტანელია, მტანჯველია სიცოცხლე ადამიანისათვის, რომელიც თავისში გრძნობს ძალას, ნიჭს, შესაძლებლობას, მოქმედების დაუძლეველ ნდომას, რა ძნელია დარჩენა ცხოვრებაში, როცა ადამიანი ჰკარგავს თავის საზოგადოებრივ დანიშნულებასა და ღირებულებას არა მარტო საზოგადოების თვალში, არამედ, რაც უფრო მწვავე და გამანადგურებელია, თავისშიც; როცა ის თვითონ გრძნობს, რომ უშედეგოდ და სამარცხვინოდ თავისი რწმენის ლალატით გამოდის პატიოსან, იდეურად მოქმედთა რიგებიდან. აი ასეთია განცდა-ტრაგედია მინდიასი. ადამიანის ასეთს გაწამებულ მდგომარეობას ვაჟა-ფშაველა ასე გამოათქმევეინებს მინდიას:

„ამგვარი მკვდარი დღეს მე ვარ  
სხვა მკვდრებს რა უჭირთ მკვდრობითა!  
არაან მოსვენებულნი,  
არაფერს გრძნობენ გრძნობითა“.

მინდიას ეს ტკივილები და მწარე განცდები გამოწვეულია ეპოქაში (90 — 900-იან წწ.) ამოძრავებულ მშრომელთა მასების მისწრაფებით — დაინგრეს უსამართლობის ქვეყანა, აშენებული ურთიერთ გაუგებრობის, ჩაგვრის, ექსპლოატაციის საფუძველზე და დამყარდეს ქვეყანა — ძმობა-ერთობისა, თანასწორობისა, სამართლიანობისა. ეს ცხოველმყოფელი იდეა იწვევდა მშრომელთა მასების რევოლუციურ, გამირულ ბრძოლას ცხოვრების გარდაქმნისათვის ახალ, გონიერ, სამართლიან საფუძველებზე. ვაჟა-ფშაველა ამ მოძრაობის უდაგოდ დიდ გავლენას განიცდის, თვითონაც ამოძრავებულია ამ მისწრაფებით, აქეთ მიილტვის მისი დიდი გული და გონება, აქეთ უძახის თავის ალტყინებულ მკითხველსაც. და თუ მინდია (ე. ი. თვით ვაჟა-ფშაველა) თავის მოქმედებით, პრაქტიკული ცხოვრებით მარცხდება, ეს იმიტომ, რომ ვაჟა-ფშაველა თავისი მოქმედებით, ცხოვრებით არ იყო მკიდრო კავშირში ეპოქის რევოლუციურ მამოძრავებელ — წამყვან ძალასთან მუშათა კლასის მიერ წარმოებულ რევოლუციურ ბროლასთან. ვაჟა-ფშაველა გლახთა რევოლუციურ მოძრაობასთანაა დაკავშირებული, ამიტომაც ის გამოხატავს თავის შემოქმედებაში გლახურ სტიქიური ამბოხების განწყობილებას. აქაა ახსნა მინდიას, ალუდა ქეთელაურის და სხვათა ახალი სამართლიანი ქვეყნის მაძიებელთა მარცხის მიზეზისა. ეს მომავლის დადებითი გამირები მოწყვეტილნი იყვნენ მუშათა რევოლუციურ მოძრაობას.

ვაჟა-ფშაველაც ისე ცდება, როგორც რუსი და ქართველი ხალხოსნები რომელთა შეცდომას ზედმიწევნითი სიზუსტით განმარტავს ვ. ი. ლენინი: ხალხოსანი „გლახობაში ხედავდა სოციალიზმისათვის პირდაპირ მებრძოლს, — მაგრამ მას აკლდა, ერთი მხრით, თეორიული დამუშავება, დამამტკიცებელი ფაქტები რუსეთის ცხოვრებიდან და, მეორე მხრით, გამოცდილება ისეთი პოლიტიკური პროგრამის გამოყენებაში, რომელიც გლახის ამ ნავარაუდევ თვისებებს დაეყრდნობოდა... მუშაობამ ისეთი შედეგები გამოიწვია, რაც პირდაპირ საწინააღმდეგო იყო მისი გამოსავალი წერტილის მიმართ“<sup>33</sup>.

ასეთს პირობებში კაცი ირჩება, ცხოვრების გარეშე რჩება, შინა-არსეულად მჩატდება, იცლება, უიალქნოდ, უმიზნოდ, ინერციით აგრძელებს თავის მოღუწებულ და მოწყენილ სიცოცხლეს. ამისთანა პირობებში ადამიანი გრძნობს, რომ დროზე ადრე დამთავრდა მისი სიცოცხლე და მართლაც, მას სიკვდილი სანატრელი გაუხდება.

ამას ჩივის მინდიაც.

რაა მიზეზი მინდიას ამ ჯოჯოხეთური ტანჯვისა და ბრძოლისა არა მარტო გარემოსთან, არამედ თავის თავთან? რა იწვევს მინდიას ასეთს

<sup>33</sup> ვ. ი. ლენინი, რანი არიან „ხალხის მეგობრები“ და როგორ ომობენ ისინი სოციალ-დემოკრატების წინააღმდეგ?, თხზ., ტ. I, გვ. 323—325.

არაადამიანურ გაწამებას? ამას მინდია მეტად ჩამწვდომი დამაჯერებლობით აცნობს მკითხველს:

„რითი-ღა ვარგო ქვეყანას,  
დავცარიელდი ცოდნითა...  
მიტომ რომ წინანდებული  
ცნება აღარ მაქვს თავში“<sup>34</sup>.

აი ეს ტკივილი არის გამოსავალი და გამოსახსნელი კვანძი მინდიას ტრაგედიისა. აქ იხსნება პოემის კვანძიც. მინდია, როცა სხვის რგების უნარს ჰკარგავს, როცა ის ამ ნიჭისაგან დაცარიელდება, როცა მას, როგორც ვაჟა-ფშაველა პოეტის მიმართ აზბობს, „მადლი გამოუღევა“, — ის თავს ცხოვრებაში ზედმეტად თვლის, ის გრძნობს, რომ მის სიცოცხლეს აზრი ეკარგება, ფასი აღარა აქვს:

„ამ მიწის ამონაცენი  
ჩემი სესხი და ვალია,  
როგორ-ღა ან პური ვქამო,  
როგორ დავლიო წყალია?“<sup>35</sup>

მინდიას ასეთ განცდებში ვხედავთ თვით ვაჟა-ფშაველას გაგებას; ღირსეული კაცის, მოქალაქის მიერ თავისი დანიშნულებისა, მოვალეობისა და პასუხისმგებლობისადმი სწორ და საღ კრიტიკულ დამოკიდებულების გამოვლინებას.

როგორც პოეტი თავის ერთ-ერთ „სიმღერაში“ („როს ვუკვირდები თავის თავს...“) გამოთქვამს, მაშინაა იგი კმაყოფილი თავის თავისა, მაშინ მღერის ის ლალად და არც შეუძლიან არ იმღეროს, როცა ის გადახედავს რა თავის საქმიანობას, ათასობით მოსთვლის კეთილს, „მადლს“, ცოდვა კი „სამ რჩება კენტადა“. სწორედ ამ პირობებში ქუხს მისი ჩანგი, აღარ ისვენებს. ისიც მონაა ჩანგისა. ამგვარ მომენტში მგოსანი თავის განწყობილებას ახასიათებს:

იმლება, მღერაში დნება	თავზე მანანა დამდისა.
ბუდე ყველა სხვა დარდისა...	მადლობელი ვარ მშობლისა
კალთაში ვარდი მუშლება,	ჩემის გაჩენის, გაზრდისა. <sup>35</sup>

მაგრამ თუ ცოდვა მოსჭარბდა, მაშინაც ისევ ის კაცია, ის ჩანგი, მაგრამ ჩანგი სდუმს, ლალად ველარ მღერის, კაციც ამაოდ სტანჯავს თავის თავს.

იგივ მარჯვენა და კაცი,  
იგივ კალამი მჭრელია,

<sup>34</sup> დაყოფა ჩვენია.

<sup>35</sup> ვ ა ჟ ა - ფ შ ა ვ ე ლ ა, სიმღერა („როს ვუკვირდები თავის თავს...“), თხზ., ტ. II, 1950 წ., გვ. 72.

მაგრამ დაჩლუნგებულა, დამდგარა. მგოსანი ველარ მღერის, იტანჯება, ჯოჯოხეთია მისი ყოფა; „ასე ყოფილა, მგოსანსა თუ მადლი გამოელია“, — ამთავრებს ვაჟა-ფშაველა მგოსნის ტრაგედიის ახსნას.

ასევეა მინდიაც, როცა მასაც „მადლი“ გამოელია, მაშინ მისი ნიჭიც დაჩლუნგდა, დაკარგა უნარი „სხვას არგოს“, კეთილი სთესოს; ის აღარც ხალხის მარგებელია და აღარც ოჯახისა, არც შინ ვარგა — მოკეთესთან და არც გარეთ — მტერთან. აი ამას ჩივის ასეთი ტანჯვით:

„ან აქ რა პირით ვიცოცხლო?  
თავს რით ვიმართლებ ღმერთთანა?  
ყველასთან შარცხვენილი ვარ  
ცოცხლებთანა და მკვდრებთანა?..“<sup>36</sup>

ასეთმა ტანჯვამ მინდიას თავისი დალი დაასვა. მინდია გამოიცვალა, მოიღრუბლა, უფრო გულდახურული შეიქმნა. სულ მოკლე ხანში, როგორც მზია შესჩივის სანდუას, წვერი და თმა გაუჭალარავედა. ვერავენ მიუხვდა მინდიას გამოცვლის მიზეზს. ვერც მზია მიუხვდა. მზიას მხოლოდ ხშირად გაუგონია, რომ მინდია „თავსა და ხალხსა სტიროდა“, აგრეთვე ბევრჯელ უნახავს, მინდია „ჩუმად ბალღივით ტიროდის“, ბევრჯელ სმენია მინდიას გულიდან დაფარულად მწარე ამონაკენისი: „დავკარგე ძვირი საუნჯე...“ „ველარას ვარგებ ქვეყანას...“

ახალი რწმენის ღალატმა, უკან დახევამ, ცხოვრების ძველი გზით წასვლამ მინდია თანდათან დააცარიელა ქვეყნის — თემის სასარგებლოდ ამოქმედებული ნიჭის — მადლისაგან.

მინდია, როდესაც დარწმუნდა, რომ ის ქვეყნისათვის უსარგებლო შეიქმნა, ღირსეულად ველარ უწინამძღვრა ხევსურთ მტრის წინააღმდეგ, თავს იკლავს.

მინდიას ტრაგედია ნიჭიერი გამონახატულებათა იმ კოლიზიისა, იმ შეზრიგებელი ბრძოლისა, რომელიც ძღვევამოსილად იშლება კაცობრიობის განვითარების ისტორიაში ორ მოწინააღმდეგე მსოფლმხედველობას შორის. ერთი მათგანი (მზია, ჩალხია და თემი) გამუდმებით იმის ცდაშია, როგორმე შეინარჩუნოს არსებული, არ გადასცდეს ცხოვრებაში მიღებულ, განსაზღვრულ, დროს უკვე ჩამორჩენილ, დაბალეთიკით მტკიცედ შემოფარგლულ ყოფას, რომლის დამრღვეველს თემი საშინელი დაუნდობელი სისასტიკით ეპყრობა: ხოლო მეორე, ახალი, უფრო მაღალი, ჰუმანური იდეების მატარებელი, რომელიც გამოხატავს შეუკავებელ, დაუშრეტელ სურვილს ახალი, უფრო სამართლიანი, კეთილი ფართო ურთიერთდახმარების, წინმსვლელობის გზების გამონახვას.

<sup>36</sup> ვაჟა-ფშაველა, ველის მკამელი, თხზ., ტ. IV, 1932 წ., გვ. 41.

ამ ორი მოწინააღმდეგე მსოფლმხედველობის — მოწინააღმდეგე საზოგადოებრივი მიმართულების მძაფრი, მოურიგებელი ჭიდილი და მახასიათებელი და აქტუალური რეალური ამბავი იყო ვაჟა-ფშაველას გარდაშენება, დიდი სოციალური ძვრების ეპოქაში. რომ ეს ჭიდილი ვაჟა-ფშაველას მიერ, მართლაც, რეალური სინამდვილიდანაა ამოკინძული, რომ მართლა, საზოგადოების ერთი დიდი ნაწილი იმ ეპოქაში აწროვებდა როგორც მშენი, ჩაღბია და ებლაუქებოდა არსებულს, უცნაურად, მიუღებლად და უნიადაგო ოცნებად მიაჩნდა მონაჯალი ცხოვრების ფართო ჰუმანიურ საფუძველზე — ძმობა-ერთობა-თანასწორობის, ფართო ურთიერთ-დანმარების, სიყვარულისა და სამართლიანობის საფუძველზე მოწყობა, რასაც თხოულობდა აღმავალი რევოლუციურ-განმათავისუფლებელი მშრომელთა მოძრაობა, და ეს ბრძოლა დამახასიათებელი იყო როგორც 900-იან წლების კარიბჭეში, ისე, და მეტადაც. 1905 წლის რევოლუციის შემდეგ, ამას მკვერამეტყველურად ამტკიცებს იპ. ვართაგავას ზემოაღნიშნული კრიტიკული წერილი, სადაც სხვათა შორის შემდეგს ვკითხულობთ: „ჩაღბიაში ჩვენმა მკოსანმა დაგვიხატა ტიპი ნამდვილის რაციონალისტისა, რომელიც ცხოვრებას და მის ვითარებას ზომავს და აფასებს საღი გონების ჩაგონებით და ანგარიშს უწევს ნამდვილს რეალურს ცხოვრებას და არა იმას, რაც სურს იყოს და რაც ეჩვენება მეოცნებე იდეალისტებს“<sup>37</sup>. აი სწორედ ამ ორი საზოგადოებრივი მტრული ბანაკის ჭიდილია დიდი სიღრმით მოცემული პოემაში „გველის მკამელი“.

მინდია მთელი თავისი აგზნებული ბუნებით მომავლის მაღალი ჰუმანური მიმართულების განხორციელებაა. ის სამართლიანი ცხოვრების დამყარების წინამორბედი.

ვაჟა-ფშაველას შეხედულებით (რაც პოემა „გველის მკამელის“ დედაპირიც არის) მინდიას დამარცხება გამოწვეულია არა იმით, რომ მისი მაღალი მისწრაფება უსაფუძვლოა, უნიადაგო წარმოსახვის ფუქი, აჯადმყოფური ვარჯიშობის შედეგია, არამედ იმიტომ, რომ მინდიას ცხოვრების ახალი გაგება მასების და ინტელიგენციის დიდი უმრავლესობის შეგნებამდე ჯერ არ იყო დასული; მასა გონებით ჯერ ვერ ჩასწვდომოდა მინდიას „დიდ ცნებას“.

მგოსნის გაგებით, მინდია მხოლოდ რჩეულია, რომლის გონებამა და გულმა საგრძნობლად გაუსწრო თავის ღროს და თანამედროვეთ. მინდია, მგოსნის გაგებით, ნაადრევი მერცხალია ბედნიერი გაზაფხულისა (ცხოვრებისა) და თუ ნაადრევად მოფრენილ მერცხალს ზამთრის უკანასკნელმა სუსხმა არ მისცა გასაქანი, უდროოდ დაღუპა ის, ეს სრულიად იმას არ ნიშნავს, რომ გაზაფხული არ შეიძლება დადგეს. არა! მგოსნის სწამს, რომ გაზაფხული მიანიც დადგება. მერცხლის მოფრენა და თუნ-

<sup>37</sup> იპ. ვართაგავა, სიღერა მთის შეილის — ვაჟა-ფშაველასი, ჟურნ. „განათლება“, 1914, წ., № IV, გვ. 249.

დაც მისი ზამთრის უკანასკნელი სუსხით ნაადრევად დაღუპვა მაინც იმის მომასწავებელია, რომ განათხულები მაინც მოევა, მოიტანს სათბოს. ძალას, სიცოცხლისა. ზრდისა და გაფურჩქვნის შესაძლებლობას მისცემს გასაშლელად გამზადებულ მოვლენას.

ასეთივეა მინდიას გაგება ვაჟა-ფშაველას ჩვენებით.

მინდიას თვითმკვლელობა მხოლოდ დროებითი შეფერხებაა მინდიას მისწრაფებათა — სიკეთის თესვისა და ურთიერთ შოჩის თანასწორობი, სამართლიანი საფუძვლის დანერგვის აუცილებლობისა საყოველთაო ცხოვრების მოწესრიგებისათვის. მინდიას შეუცვლელი მრწამსით ადამიანისა და მთლიანად საზოგადოებისათვის მამოძრავებელი უნდა იყოს ქვეყნისათვის სასარგებლო მოქმედება.

ვაჟა-ფშაველას გაგებით, მინდიას მიმართულების ცხოვრებაში გატანა და განმტკიცება მისაღებია ჭერ-ჭერობით მხოლოდ რჩეულთათვის, „კაი ყმათათვის“. პოეტის ლექსიკონი რომ ვიხსნათ. მართალია, მინდიასი და მისთანების ასეთი მისწრაფება და მოქმედება ჩაღხიას, მზიას და მრავალ მათთანებს უცნაურად, მიუღებლად მიაჩნიათ, ისინი მთელი უხეში, პირადი პრიმიტიული თვითდაცვის უშუალო ინსტიქტით ებღუშებიან არსებულს, მამა-პაპით გამომუშავებულ ყოფას, მაგრამ, ხშირად როგორც პოეტი შენიშნავს, „ნაგრძობსა გულითა, გონებით შევლენ ვერასა“. საზოგადოების ამ ნაწილის განწყობილებას მშვენივრად გამოხატავს იპ. ვართაგავას დამოკიდებულება და შეფასება მინდიასი, გამოთქმული ზემოთ ნახსენებ წერილში: „მადლობა ღმერთს — დაწყნარებით წერს იპ. ვართაგავა, — კაცობრიობა ჩაღხიასთანა ჭკუისა და გონების ადამიანებისაგან არის შემდგარი და არა მინდიასთანა გალუციანციით და „გრძნეულობით“ შეპყრობილ პირებისაგან, თორემ ადამიანთა ცხოვრება შეწყდებოდა, დედამიწა დაცარიელდებოდა ადამიანისაგან და გახდებოდა მხოლოდ ნადირთა და ფრინველთა სათარეშოდ!“<sup>38</sup>

იპოლიტე ვართაგავას ამ არამართებული შეხედულების საპასუხოდ გვინდა დავიმოწმოთ ვლ. ლენინის მიერ 1919 წლის 1 მაისს გამოთქმული გინიალური სიტყვები. „ჩვენს შვილიშვილებს, — მიმართავენ ლენინი მსმენელებს, — უცნაურ რამედ მოეჩვენებათ კაპიტალისტური წყობილების ეპოქის დოკუმენტები და ძეგლები. ისინი ძლიერ წარმოიდგენენ, თუ როგორ შეიძლებოდა კერძო პირის ხელში ყოფილიყო პირველი საჭიროების საგნების ვაჭრობა, როგორ შეიძლებოდა ფაბრიკები და ქარხნები ცალკეულ პირებს ჰქონოდათ საკუთრებად. როგორ შეეძლო ერთ კაცს მეორის ექსპლოატირება, როგორ შეიძლებოდა არსებულიყვნენ ადამიანები, რომლებიც არ შრომობდნენ. დღემდე, როგორც ზღაპარზე, ლაპარაკობდნენ იმის შესახებ, რასაც ჩვენი ბავშვები

<sup>38</sup> იპ. ვართაგავა, სიმღერა მთის შვილის — ვაჟა-ფშაველასი, ეურნ. „განათლება“, 1914 წ., № IV, გვ. 250.

იხილავენ. მაგრამ ახლა, ამხანაგებო, თქვენ ნათლად ხედავთ, რომ სოციალისტური საზოგადოების შენობა, რომელსაც ჩვენ ჩაუწყარეთ საძიკველი — უტოპია როდია. კიდევ უფრო გულმოდგინეთ შეუდგებიან ამ შენობის აგებას ჩვენი შეილები“<sup>39</sup>.

ასევე უნდა იქნას გაგებული და შეფასებული ვაჟა-ფშაველას პოემა „გველის მკამელის“ იდეა, რომელიც, სამწუხაროდ, უცნაურ რამედ ეჩვენებოდა კაპიტალისტური წყობილების ეპოქის მრავალ მოქალაქეს.

ვაჟა-ფშაველა, ითვისისწინებს რა ცხოვრების ისტორიულ განვითარებას, ხედავს, რომ ადამიანთა საზოგადოებრივი ცხოვრება დროდადრო გუბდება, მისი მოძრაობა ნელდება, ძაბუნდება; ასეთ მდგომარეობაში, მგოსნის გაგებით, ადამიანთა ცხოვრება უმორდება, შემსუთავი ხდება, სიცოცხლე საღად მოაზროვნე ადამიანისათვის ძნელდება, ადამიანი იხრწნება, ჰკარგავს ნამდვილ სახეს, ნამდვილ მოწოდებას, ეგოისტური გრძნობები იპყრობს მას. ასე რომ დარჩეს, მგოსნის გაგებით, მართლაც, დედამიწა ნადირთა სათარეშოდ გადაიქცევა. საჭიროა ამ მომენტში ცხოვრების შერყევა, შეცვლა, გაჯანსაღება, გარდაქმნა.

მართლაც, რა იქნებოდა ცხოვრება, რომ დროდადრო ისტორიული ცხოვრების ასპარეზზე არ გაჩნდებოდნენ ხოლმე დიდბუნოვანი ადამიანები, რომელთაც შესწევთ ნიჭი და უნარი გაიგონ სიღუბნეობა არსებული ყოფისა, გაიგონ შევიწროებული, ჩაგრული მშრომელი მასების სამართლიანი ცხოვრების დამკვიდრების აუცილებლობა, გამონახონ თვით ცხოვრებაში მის მისაღწევად სათანადო გზა და საშუალებანი?! რა იქნებოდა, რომ წყვილიად მოცულ პირად ინტერესებში ჩამხრჩვალ ადამიანთა საზოგადოების ცხოვრებას არ მოევლინებოდნენ ხოლმე, როგორც ახალი, სამართლიანი გზის მაჩვენებელი ნათელი ვარსკვლავი, — „კაი ყმანი“, სწორედ მასებისათვის უკეთესი, ბედნიერი ცხოვრების მომთხოვნი, რომელნიც თავდავიწყებით, პირადის შეგნებულად გაწირვით, თავისი პირადი მოქმედების მიმზიდველი მაგალითით არ იტაცებდნენ თანამგრძობთ, თანაზიართ და მკერდით არ არღვეოდნენ განზომილების, დრომოკმული ცხოვრების სქლად შემოვლებულ ჯეზირს!

გავაგონდება დიდი რუსი პოეტის ნ. ნეკრასოვის სიტყვები, ნიჭიერი რუსი კრიტიკოსის ნ. დობროლიუბოვის დასაფლავებაზე თქმული:

Природа-мать! когда б таких людей  
Ты иногда не посылала миру,  
Заглохла б нива жизни...<sup>40</sup>

ასევე ესმის რჩეულთა საზოგადოებრივი ღირებულება ვაჟა-ფშაველაც. ეს რჩეული ჩვეულებრივზე მეტად მგრძნობიარეა და შორს-

<sup>39</sup> ვ. ი. ლე ნ ი ნ ი, „სამი სიტყვა წითელ მოედანზე 1919 წ. 1 მაისს“, თხზ., ტ. 29. გვ. 381.

<sup>40</sup> Н. Н е к р а с о в, Памяти Добролюбова.



მკვრეტელი. ის გაცილებით ადრე, ვიდრე ჩვეულებრივად მოაზროვნე, ალღოს უღებს ცხოვრებაში აღძრულ უფრო სამართლიან მოთხოვნებს, რომელთა შესაბამის ცხოვრების ახალ გზას, ახალ საფუძვლებს ეძებს, პოულობს და ღამობს სხვათაგან გააგებინოს ახალი მიმართულების აუცილებლობაც და შესაძლებლობაც. ეს რჩეული ცხოვრების მიმდინარეობის ორგანიზებას და აჩქარებას უწყობს ხელს მხოლოდ.

ასეა ვაჟა-ფშაველაც. მისი ჩვენებით, მიუხედავად იმისა, რომ მასეები „ნაგრძნობსა გულითა, გონებით შველენ ვერასა“, მაინც მინდია და მისთანების (ალუდა ქეთელაური, ჯოყოლა, ალაზა და სხვ.) წინაშე შეუცნობლად პატივისცემით ქედს იხრიან, რადგანაც გრძნობენ მათი პიროვნების, მრწამსის სიღიადეს, ხალხისათვის სარგებლობას, აუცილებლობას, ძალას, თუმცა ამის ათვისება მასისათვის ჯერ დაუძლეველია, უცნაურია, მიუღებელია. მინდია ახალი, სამართლიანი ცხოვრების გრიგალია.

მინდია განსახიერებაა კაცობრიობის დაუძლეველი მისწრაფებისა, ცხოვრების მოძრაობისა განვითარებისა და სრულყოფისადმი, მაღალი ჰუმანური პრინციპის — სიკეთე-სიყვარულის, „სხვას ვარგო“-ს საფუძველზე გაშლილი.

\* \* \*

ვაჟა-ფშაველას ცხოვრების, საზოგადოებრივი ცხოვრების სამართლიანი მოწესრიგების დულაბად კეთილი დასაბამი „მადლი“, როგორც თვით პოეტი იტყოდა, მიაჩნია. ინდივიდუალური, პირადი მასების, მოძმეთა ინტერესს უნდა უკავშირდებოდეს და ემორჩილებოდეს კიდევ. ასეთი განწყობილება და ცხოვრების ასეთი გაგება მგოსანს მთელი მოღვაწეობის მანძილზე აწვალებდა და ის დიდის გულისხმიერებით ავითარებდა არა მარტო ზემოთ აღნიშნულ ნაწარმოებებში, არამედ კიდევ მრავალ სხვაშიც, როგორებიცაა „უიღბლო იღბლიანი“, „სული ობლისა“, „სიტყვა“, „ახუნდი“, „კაცი მართალი“, „დარეჯანი“ და სხვ.

როგორც ვხედავთ, ვაჟა-ფშაველას დაკვირვებით, აღამიანთა არსებული ცხოვრება დაცილებულია ბუნების მთლიანი ცხოვრების კანონზომიერ-გონიერ გზას; ის ანგარების, გაუტანლობისა და გაუგებრობის საფუძველზეა გაშლილი. იგი ანადგურებს როგორც უსულოს, ისე სულიერს. ცრემლი, კვნესა, ნღველი და ჰირი — აი რაა განმტკიცებული ცხოვრების აწინდელ პირობებში. გამკითხავი არაუინაა.

პოემაში „სული ობლისა“ ობოლმა განვლო სხვადასხვა სახე ბუ-

ნებისა; ის ბუნების მოვლენათა ცხოვრებას კარგად ჩაუკვირდა, იცნო უოველივე და ასეთი შეხედულება გამოიტანა:

თავით ბოლომდე სიცოცხლე  
მათ გაეტარათ შწარვდა,  
ეცოცხლათ, თუმცა ამაოდ,  
საწყალთ საწუთროს გარეთა<sup>41</sup>

ობოლს, უპატრონოს არა და არ მიეცა საშუალება სიცოცხლისა, ცხოვრებისა; ყველგან შევიწროება ნახა, ყველგან მას „ჰმუსრავედა ხელი კაცისა მსახვრელი“, მიუხედავად იმისა, რომ საწყალი ობოლი კარდაკარ მოწყალებას თხოულობდა და, რასაც ნათხოვარს შოულობდა, ბეჩავთ უზიარებდა. და ეს იმიტომ, რომ ცხოვრება სავსეა „პირამდე ცოდვა-ბრალითა“.

მგოსანი გრძნობს, ხედავს ამას და იწვის კიდეც „ცეცხლის ალითა“. პოეტი გრძნობს და ხედავს, რომ კაცს ფართო ასპარეზი აქვს „ქეთილის საქმის სარგავად“, ბევრია „ხრიოკი ალაგია“, ე. ი. სადაც მიშველება, დანმარება აუცილებელია, რომელთაც განაყოფიერება ესაჭიროება, ამისათვის საჭიროა მათი („ხრიოკი ალაგების“) „შრომითა და მადლით მორწყვა“, რაც, სამწუხაროდ, ცხოვრებაში არ სრულდება.

პოეტი კარგადა გრძნობს და არც მალავს, რომ ქვეყნის დატოვება არსებული ცხოვრების ამ მდგომარეობაში, ამ სახით აღარ შეიძლება. ის კარგად ხედავს და რწმუნდება კიდეც, რომ „დამწიფებული იარა“ (ე. ი. ცხოვრების დრომოკმული პირობები — ყოფა) „ნესტარით გამოსარწყავია“.

უსამართლოდ „გულის საკლავი“ არსებულის განცდით გაწამებული, მძიმედ გულდასერილი და გონება ამღვრეული პოეტი აკვიატებული ნატვრით დადის და ამ თავის ნატვრას ვედრებითა და ჩივილით ასე გადმოგვცემს:

ნეტავი იმას, ვინაცა  
პირნათლად სოფლად იარა:  
თავის ნაღვანის ნაყოფი  
საწყლებსაც გაუზიარა;  
არავის ვნება არ მისცა,  
გული არ დაუზიანა, —  
მოყვასთ ნათელის ფიქრითა  
ბნელეთი გაუზიანა...  
ნეტავი იმას, ვინაცა

სულით ამაღლდა. გადიდდა,  
დათრგუნა გრძნობა დაბალი,  
ცის კიდურამედ ავიდა,  
პირნათლად, გულ-დასვენებით  
ცივს სამარეში ჩავიდა...  
ნეტავი იმას, ვინაცა  
მოამისთვის თავი გასწირა —  
მთელი თავისი სიცოცხლე  
კეთილსა მსხვერპლად შასწირა<sup>42</sup>.

ვაჟა-ფშაველას გაგებითა და განცდით, მხოლოდ ასეთს კაცს შეუძლია გაიგოს „ეჩრის გლოვა და ტირილი,“ მხოლოდ ასეთს კაცს აქვს

<sup>41</sup> ვ ა ე ლ ა - ფ შ ა ვ ე ლ ა, სული ობლისა, თხზ., ტ. IV, 1932 წ., გვ. 139.

<sup>42</sup> ე ქ ვ ე, გვ. 132—133.

დაკმაყოფილებული სინდისი, ასეთს კაცს „ვერც სააქაო აშინებს, ვერც საიქიო დავითა“.

ვაჟა-ფშაველას დაკვირვებით, თუ ბოროტის მქნელი ცხოვრებაში ბევრია და ისინი არიან გაბატონებულნი, მართალი კაციც ბევრია, მაგრამ მათი ნახვა ცხოვრების ასპარეზზე ძნელია, ისინი განდვომილან და ჩრდილში რჩებიან. მგოსანი სამართლიანად და გულისტკივილითაც შენიშნავს, რომ ასეთი ქცევა არ ვარგა, გაუმართლებელია, რადგანაც

უსაქმოდ კაციც არ ვარგა,  
მხოლოდ ფიქრების მჩმხავეი!<sup>43</sup>.

პოემაში „სული თბლისა“ გარკვეულად და კატეგორიულად მის მგოსნის მოთხოვნა კაცისადმი: საჭიროა ბრძოლა ცხოვრების მოუწესრიგებლობასთან, საჭიროა კეთილის მთესველთა შეკავშირება, საჭიროა კეთილ ზრახვათა საქმედ ქცევა. ასეთი მოწოდება არა მარტო ვაჟა-ფშაველასათვის, არამედ მისი ეპოქისათვისაც აქტუალურად იყო დასმული. ეს იყო ცხოვრების არსისა და ადამიანის დამოკიდებულება-მოვალეობის ახალი გაგების საკითხი.

ესევე პრობლემა ვაჟა-ფშაველას განვითარებული აქვს პოემაში „უიღბლო იღბლიანი“. მგოსანი პოემის შესავალშივე გვამცნობს, რომ მისი „გულის სიმთ ამაყდერელი მიზეზი“ ქვეყნის ცხოვრების ტრიალის საიდუმლოების გაგების დაუძლეველი სურვილია. ამ სურვილით გაწამებული მგოსანი ასე გვაცნობს თავის მტანჯველ ფიქრს, რომელიც მისთვის ჯალათადაა გადაქცეული:

უსამართლობა სიმართლეს  
რისთვისა სჯაბნის ძალათი?  
ზოგს ნიჭი მისცა უფალმა,  
ყოფა-ცხოვრების დავლათი;  
სხვას დაუწესა მკლავზედა  
სამთხოვაროდ კალათი;  
ლხინის, ქორწილის შემდგომი

გამწყრალი მოდის მაყარი  
და, ერთ დროს მლოცველით სავსე,  
დანგრეული სდგას საყდარი.  
ზოგს ამოშხამდა თვის ლუკმა  
ალალის ოფლით ნაღვარი.  
სხვას შეპრჩა, კიდევ შეერგო  
სარჩო ნაქურდალ-ნაპარი.<sup>44</sup>

ეს ტკივილია ვაჟა-ფშაველას რომ მოსვენებას უკარგავს, აწვალებს, თავის გარშემო ატრიალებს მას ცხოვრებაშიცა და შემოქმედებაშიც. ამიტომეა, რომ პოეტი ამ საკითხს გამუდმებით უბრუნდება.

პოემაში „უიღბლო იღბლიანი“ გადმოცემულია სამი შეძლებული ძმის ცხოვრება. მათ დარბაზში გამუდმებული ღზინი და სტუმრობაა. მათთან მიდის მდიდარიც, ღარიბიც. ორი ძმა ღარიბებს ყურადღებას არ აქცევს, სამაგიეროდ მესამე — საბრალო სწორედ ღარიბებს მასპინძლობს. თანაც წასვლისას მათ გუდაში საგზალსაც უღებს. ძმებს

<sup>43</sup> ვ ა ჟ ა - ფ შ ა ვ ე ლ ა, სული თბლისა, თხზ., ტ. IV, 1932 წ., გვ. 133.

<sup>44</sup> მ ი ს ი ვ ე, უიღბლო იღბლიანი, თხზ., ტ. IV, 1932 წ., გვ. 67.

მდგომარეობა შეეცვალათ. მოუსავლობა დაატყდათ თავს, საქონელი გაუწყდათ, ოჯახი გაულარიბდათ. უმცროსმა ძმამ — საბრალომ შრომას მოჰკიდა ხელი: „სთლის ნიჩბებს, სჩორკნის კეხებსა“, მუდამ ეამს ფიქრობს ოჯახის შემატებასა. სხვა, ისეთი სიმდიდრის მნახველი, ამბობს მგოსანი, არ იკადრებდა ასეთს საქმიანობასა. ძმები კი მას ორგულობენ, „ნაორგულობას“ მალავენ ცოლების სკივრში. საბრალო ამას ფიქრადაც არ გაივლებს. ის მხნეობას აორკეცებს, ზრუნავს „სახლის კეთილისყოფაზე“, თვითონ კი გლახაკად დადის, ძმების, რძლებისა და ძმისწულებისათვის ენატრება „თაფლი და შაქარი“, თვითონ კი „ნაფშრუკი ნაცრიით“ კნაყოფილდება.

მიუხედავად ამისა, მართალმა საბრალომ მაინც ვერ მოიგო გული ძმებისა, ძმებმა მოითხოვეს გაყრილიყვენენ. გაიყვეს სამი დღის ფეტვი. მოვიდა სეტყვა. მართალი ძმის საბრალოს ნაწილი სულ განადგურდა, დარჩა იგი ცარიელზე, მან გადაწყვიტა დაეტოვებინა სახლი, „მიენდო ბედისწერასა“. საბრალოს სწამს, რომ კაი-კაცობა ფუჭად არ ჩაივლის და ფიქრობს სიმართლის გზას შემდეგშიაც არ უღალატოს.

რაც უნდა ავი შევთხვას,  
თუნდა გააკრან ჭვარზედა...  
მიპყვეს ბოლომდე კეთილსა,  
იაროს კეთილს გზაზედა.<sup>45</sup>

მართალი კაცი — საბრალო თუ ვინმეს ნახავს საწყალს, მარტოხელა მუშას ყანაში, მიეშველება იმავე წამს, „დაეხმარება ჭაფაში“. გასამრჩელოს არაფერს თხოულობს, არ უნდა აილოს. ეს მას წესად აქვს. ხოლო თუ გასამრჩელოს ძალით მისცემენ, იმასაც მაშინვე გლახებს ურიგებს. მართალმა კაცმა ასე ოცი წელი იარა, ბედს ეძებდა, „ბევრჯელ ხილები აშენა, ბევრგან კოშკები მალალი“, სხვას ცხვარი უმრავლა, განები უმკო მრავალი. ვისთანაც საქმის დაჭერა მოუხდა, არაჩვეულებრივი სიმართლითა და სიკეთით იმუშავა. დადებულ პირობას მართალი, არაჩვეულებრივი უნაკლო სიზუსტითა და კეთილსინდისიერებით ასრულებდა. ის არავითარ შეღავათს არავისგან არ იღებდა. დადებული პირობის ოდნავი შეუსრულებლობა, თუნდაც მისგან დამოუკიდებელი მიზეზით, საკმარისი იყო, რომ თავისი თავი ცარიელზე დაერჩინა. ასეთი იყო მართალი ძმის საბრალოს მძიმე მგზავრობა სავესე ავითა, „უიღბლობითა“.

მართალ კაცს გაუტყდა ჯან-ლონე. დრომ, ჟამთა ტრიალმა, ნახულმა ვაებამ, გაუტანლობამ საბრალოს თავისი დალი დაასვა. მაგრამ მართალ კაცში მაინც ვერ მოჰკლა სიკეთის სამსახურის ურყევი რწმენა; მასში მაინც უცვლელად ღვივის მადლი და ნუგეში. მგოსნის გაგებით, კაცი კაცადვე რჩება.

<sup>45</sup> ვ ა ე ა - ფ შ ა ვ ე ლ ა , უიღბლო იღბლიანი, თხზ., ტ. IV, გვ. 74.

ცხოვრების გზაზე დაქანცული, გაუტანლობით დავრდომილი, ფიზიკურად დაძაბული, მაგრამ სულიერად მაინც ისევე მყარი მართალი კაცი ბრუნდება ძმებთან, რომელთა ოჯახი „ქურდობით თუ ძალით“ კვლავ აყვავებულა. საბრალოს დაბრუნებით ძმები ფრიად უკმაყოფილონი შეიქმნენ, წყევლით იხსენიებენ მას; ძმებმა მას სალამიც კი არ აღირსეს. ძმებს ეშინიათ, რომ მათი შესანახი არ გახდეს დასუსტებული, დოვლათის არმქონე დაბრუნებული ძმა.

მათ სასიხარულოდ საბრალომ დიდხანს არ იცოცხლა. ძმებმა ის დაასაფლავეს „ერთს უწყლო, მწირ და ხრიოკ ადგილზე“. ასეთია ვერაგობა, გაუტანლობა ადამიანთა ცხოვრებაში, რაც ვაჟა-ფშაველას უმოწყალოდ სტანჯავს.

მაგრამ ვაჟა-ფშაველას სწამს, რომ ბოროტსა სძლევს კეთილი. რომ მართალი კაცის საქმიანობა, მის მიერ დათესილი კეთილი არ შეიძლება უკვალოდ გაქრეს; მას სწამს, რომ ცხოვრებაში უკვალოდ არაფერი იკარგება, ხოლო შესაძლებელია ფერი თუ სახე იცვალოს. მართალია, კეთილის მთესველნი, ნაადრევად გამოსულნი ცხოვრების სარბიელზე, იღუპებიან, ვერ ახერხებენ უკულმართობით შეკრული ცხოვრების ჭებირი გაარღვიონ, ახალი სამართლიანი გზები დაკვალონ, მაგრამ ადამიანთა, მასების შეგნებაში შეუცნობლად მაინც იკრება ასეთებისადმი მიზიდველობა, რწმენა მათი ბუნების სიდიადისა, მოქმედების სიკეთისა, სიფაქიზისა, რაც ხალხის ჰკუთნის სასწავლებლად და მის სინდისის გამაფაქიზებლად რჩება. ეს გარემოება ხალხს არსებული ცხოვრების დრომოკმულ პირობებში აეჭვებს. ამით აიხსნება, რომ ასეთი პირების შესახებ ხალხი ქმნის თავის ასეთი დამოკიდებულების ამსახველ ლეგენდებს.

ასეთია ლეგენდა მართალი ადამიანის — საბრალოს შესახებ:

საკვირველს რასმე იტყვიან  
ძველის ამბების მცოდნენი:  
თურმე მის საფლავის თავით  
ერთი წყაროა მომდენი:  
და ხშირად საფლავის სტუმრად  
ღამ-ღამ ცით მთვარის ოდენი  
სხივი ჩამოდის და აღის,  
ქვეყნად სინათლის მომფენი.  
ვინაც კი დაძლევს იმ წყალსა,

რაც უნდა ჰქონოთ პყრობილი  
ოყოს, მორჩება იმ წამსვე,  
წყარო ისეა ცნობილი.  
რასაც საბრალოს საფლავი  
ჰხედავს მთებსა და ქალებსა,  
ყველგან რომ მადლი ტრიალებს,  
მადლით ჰრწყავს არე-მარესა...  
საბრალოს სამარის მადლი  
ცხოველ-მცენარეთ მცველია<sup>46</sup>.

ასეთი სასწაული ხდება კაცთა მიერ ცხოვრებაში არ დაფასებული, კეთილის მთესველის, მართალი კაცის — საბრალოს საფლავზე. ხალხის შეგნებაში, შეიძლება შეუცნობლად, მაგრამ ერთგვარი ძალის შემცველობით იმარჯვებს საბრალოს საქმიანობის — სამართლიანობის

<sup>46</sup> ვ ა ჯ ა - ფ შ ა ვ ე ლ ა, უიღბლო იღბლიანი, თხზ., ტ. IV, გვ. 117—118.

რწმენა, ხალხის შეგნებაში სხივოსნდება ცხოვრებაში შევიწროებული საბრალოს სახე, რაც დიდ აღმზრდელით გავლენას ახდენს მასზე.

ასეთია შეხედულება ვაჟა-ფშაველასი. ასეთია დიდი აღმზრდელით გავლენა ვაჟა-ფშაველას შემოქმედებისა საერთოდ და, კერძოდ, პოემისა „უიღბლო იღბლიანი“.

საბრალოს საქმიანობის მორალური ღირებულება და მისი გავლენის მიმზიდველი ძალა ხალხზე რომ გაზარდოს, ვაჟა-ფშაველა სულ სხვა სახითა და დამოკიდებულებით გვიხატავს საბრალოს ძმების საბასი და ოთარის საფლავებს: ძმების საფლავებზე ჭაობია დამდგარი; ოთხფეხნიც და ადამიანებიც, „ვით სიკვდილს ერიდებიან“. საბრალოს განწყობილებისა და მოქმედების ზნეობრივი სიმალლე და სიფაქიზე მკითხველს რომ მკვეთრად შთააგონოს, ვაჟა-ფშაველას გამოყენებული აქვს ჩვეული და დამახასიათებელი პოეტური ხერხი — კონტრასტი, რითაც მგოსანი მიზანს დიდი წარმატებით აღწევს.

საბრალოს სამართლიანმა ცხოვრებამ შესამჩნევი კვალი დატოვა ხალხის შეგნებაში. ხალხმა მის შესახებ შექმნა სათაყვანებელი ლეგენდა. მგოსანი ამ ლეგენდას ასე გადმოგვცემს: დედა შვილებს საიღუმლოებრივ შთააგონებს ერიდნენ იმ ჭაობს, სადაც საბრალოს ძმების საფლავია, თუ თავი არ უნდათ „დასაზიანად“. ხოლო, ამასთან ერთად. შვილს „სანთელს ატანს“, აანთოს იქ, სადაც მარტოდ, „ოხერ-ტიალად“ საფლავი არის. ეს საბრალოს საფლავია. მოხუციც ყრმათა უამბობს მართალი კაცის ამბავსა, —

რომ ყველამ მისი სურათი  
გულს ჩაისახოს, ჩაისვას,  
და ტრფიალება კეთილის  
თვალთა წამწამზე დაისვას,

თუ ჰსურთ, რომ მათი ხსენება  
კილით-კილიმდე გაიშას, —  
კაცთა გამხმარმა ცხოვრებამ  
იღ და ვარდი დაისხას<sup>47</sup>.

მოხუცის ეს განწყობილება თვით ვაჟა-ფშაველასიცაა, რომელიც ცხოვრების საშინლად მძიმე ეკონომიურ და პოლიტიკურ პირობებში ცხოვრობდა, როდესაც მგოსნის მრავალრიცხოვან ოჯახს მთის სოფლის მეურნეობა ვერ აკმაყოფილებდა; მას ცოლ-შვილი გამუდმებით აუტანელ შევიწროებულ ეკონომიურ მდგომარეობაში ჰყავდა<sup>48</sup>; ეს გარემოება ცოლის ხშირ საყვედურს იწვევდა, რაც ვაჟა-ფშაველას დიდ მწუხარებას აყენებდა. თვით პოეტურ მოღვაწეობასაც ის მხოლოდ ცხოვრების წვრილმანობისაგან გათავისუფლების მომენტებში ეძლეოდა. და ვინაიდან მას ხშირად ნავთის ფულიც კი არა ჰქონდა, რომ სანათი აენთო, წერდა თავის უკვდავ ნაწარმოებს ცეცხლის შუქზე. მიუხედავად ამისა, პოეტი მაინც არ მოილუნა, მისი ამაყი, დამოუკიდებელი ხა-

<sup>47</sup> ვაჟა-ფშაველა, უიღბლო იღბლიანი, თხზ., ტ. IV, გვ. 118—119.

<sup>48</sup> იხ. მისი კერძო წერილები ძმებთან, „ნაკადულის“ რედაქტორთან მ. დემუძისთან, ქ. შ. წ. კ. გამ. საზ. გამგეობისადმი მიმართვები.

სიათი არ გატყდა დათმობის გზით არ წავიდა. ცხოვრების წვრილმანებისაგან (რაც ვაჟა-ფშაველასათვის ყოველთვის მტანჯველი იყო) განთავისუფლებულ ბედნიერ მომენტებში მგოსანი მთელი თავისი დიდი ნიჭითა და შესაძლებლობით ეძლეოდა პოეტურ წვას, ქმნიდა თავის „ზეშთაგონებულ სიმღერებს“, რომლებშიც უცნაურად აწნავდა მთისა და ბარის ცხოვრებას, ძველს ახალთან, წარსულს აწმყოსა და მომავალთან.

ვაჟა-ფშაველას მთელი ცხოვრება განუწყვეტელი ბრძოლა იყო დაბრკოლებებთან, უსამართლობასთან, ძალმომრეობასთან. მიუხედავად ამისა, „ბილწმა“ მასთან კავშირი მაინც ვერ გამონახა.

ამით აიხსნება, რომ ვაჟა-ფშაველამ სიამაყე, სილალე, პოეტურა აღმაფრენის უნარი და ძალა სიკვდილამდე ხელშეუხლებლად შეინახა, ამით აიხსნება, რომ მისი „ბუკი და ნალარა“ გამუდმებით თავმომწონედ და ჩამწვდომი შთაგონებით გაჰკიოდა ყრმათა და მკითხველთა გასაგონადა და, „გულმკერდზე დასაწერადა“, —

რაც უნდა ჰქონი მოკერძო,  
ბილწთ არ შავეკვი ზავითა;  
მცნებას ვერ შემაცვლინებ  
მოზღვავებულის ავითა!..<sup>48</sup>

---

<sup>48</sup> ვ ა ჟ ა - ფ შ ა ვ ე ლ ა , ს ი მ ლ რ ა ( „ დ ა მ ს ე ტ ყ ვ ე , ც ა ო , დ ა მ ს ე ტ ყ ვ ე . . . “ ) , თ ხ . , ტ . I , 1946 წ . , გვ . 280 .

## თ ა ვ ი V

### თეზი და პიროვნება

ვაჟა-ფშაველას შემოქმედებაში არა ერთგზისაა დასმული თემისა და პიროვნების ურთიერთობის პრობლემა, რაც ეპოქის ტკივილებით დაკოდილ პოეტს ფართოდ ესმის, სახელდობრ, როგორც პიროვნებასა და საზოგადოებას შორის ურთიერთობის გარკვევის პრობლემა. ამ საკითხის სათანადო ახსნა-განმარტებისათვის საჭიროა გაკვირით მაინც გავიხსენოთ ვაჟა-ფშაველას ცხოვრებისა და მოღვაწეობის ხანის თავისებურებანი.

ქართველი მთის ხალხის ცხოვრების სინამდვილეში ამ ეპოქაში მეტად თავისებურად ერთმანეთში აირია და გადაიკვანძა სხვადასხვა საუკუნე — უძველესი, ძველი, ახალი; სხვადასხვა მსოფლმხედველობა — ფეოდალური, წვრილბურჟუაზიული, პროლეტარული; სხვადასხვა კულტურა — წარმართული, ქრისტიანული, ათეისტური. ეს გამოწვეულია ამ პერიოდში აღმავალი კაპიტალიზმის ისტორიული მოძრაობითა და ამის საფუძველზე მძლავრი სოციალური რღვევითა და გადანაცვლებით.

მართალია, მთის ცხოვრება თავისებური, ნაკლებად დიფერენცირებული კლასობრივი ურთიერთობით არ იძლეოდა შესაძლებლობას კაპიტალიზმის განვითარებით გაწვევებულ კლასობრივ წინააღმდეგობათა გამოვლინებისას, მაგრამ ერთი რამ კი ცხადია: ამ პერიოდში, თუ ბარი ახალი მოვლენებით მიღებულ ჭრილობებს იშუშებდა და საკითხთა გარკვევაში იყო, მივარდნილი, ჯერ კიდევ კარჩაკეტილი მთა ცხოვრებას განაგრძობდა ძველი ტრადიციებითა და მისწრაფებებით—ძველი, წარმართული მსოფლგაგებით, სადევეგმირო კულტით. მთა არა მარტო თანადროულობას გაუბოდა, არამედ ძლიერადაც ეწინააღმდეგებოდა მას. მაგრამ, მიუხედავად მისი ასეთი ურჩობისა, კარჩაკეტილობისა და ბარისაგან განდგომისა, ბარის ცხოვრების დამმორჩილებელმა — კაპი-



ტალიზმმა მთის სალ-კლდოვან უღელტეხილისაკენაც გაიწია და მისი ზღუდეების გადალახვაც შეეწლო. ეს წინააღმდეგობა თანამედროვეებში ქმნიდა მწვავე განცდებს.

ამ ვითარებაში მთა იწყებს ბართან გაერთიანებას, იქმნება ძველსა და ახალს შორის კონფლიქტი. ამ ბრძოლის ღერძზე დგას ვაჟა-ფშაველა თავისი მტანჯველი განცდებით.

ვაჟა-ფშაველა ასახავს ამ ტივილების ტრაგედიას, ამ მწვავე კონფლიქტს, რომელსაც ჰკვანძავდა გარემო ყოველდღიურობისა და მგოსნის დიდი ალღოს შეჭახება. ვაჟა-ფშაველას ეპოქა, როგორც გარდამავალი, ხასიათდებოდა რღვევითა და აღმავლობით: ძველი იშლებოდა, მიდიოდა, ახალი ფეხს იდგამდა, მოდიოდა. ამისთანა ეპოქაში ჩვეულებრივ საჭირო ხდება გმირი, რომელიც შეუპოვრად გაუწევს წინააღმდეგობას დაბრკოლებებს, გადალახავს მათ, დაიცავს, რაც საჭიროა საზოგადოებისათვის, მისთვის ახალ სასარგებლო გზის გაკვერვას დიდი გამპკრიახობით ხელს შეუწყობს.

ვაჟა-ფშაველა, თუ ერთი მხრით, თავის შემოქმედებაში გვიხატავს მთის, იდეალიზირებულ პატრიარქალურ ცხოვრებას თავის თემური წყობილებით, ზნე-ჩვეულებით, დევ-გმირული ვაჟაკობით, მთელი თავისი ეთიკითა და ესთეტიკით, მეორე მხრით, ის მკითხველს აგრძნობინებს დიდ ისტორიულ ძვრებს, ახალი ეპოქის დასაწყისს, სიცოცხლის ახალ რიტმს, მის პათოსს, ახალი ადამიანის განცდებში განსახიერებულს.

არსებულთ — ადამიანთა წვრილბურჯუაზიული, მეშხანური წვრილმანი ბუნებით, მოთხოვნილებითა და ყოფით უკმაყოფილო ვაჟა-ფშაველა ხარბად იყურება წინ, სადაც ცხოვრების ახალ გაგებას, ახალ მორალს არკვევს, იქით მიიწევს თავშეუკავებელი და მკითხველსაც იქით მიეზიდება („ადამიანი“, „გოგოთურ და აფშინა“, „ალუდა ქეთელაური“, „კაი ყმა“, „სტუმარ-მასპინძელი“, „გველის მკამელი“ და სხვ.).

ვაჟა-ფშაველას ბარი თავისი ყოველდღიური წვრილმანი ცხოვრებით უძარღვო, უფერულ ქვეყნად მიაჩნდა, სადაც ადამიანი დაჩაივებული, დაკნინებული, შინაარსეულად დაცარიელებულია. ამიტომ იყო, რომ ის ბარში დიდხანს ვერ ჩერდებოდა, გამუდმებით მთისკენ მიიწევდა, თუმცა მას იქაც თან სდევდა შავბედითი დაუკმაყოფილებლობა. მაგრამ, მისი „ბუკი და ნალარა“ მაინც იქ, მთაში, ლალად ხმინობდა, ხარბად უხმობდა დევებს და დევისებურ გმირებს, რომელნიც, მგოსნის განცდით, მთაში გამომუშავებული და შემონახული რაინდულ-დევ-გმირული მორალისა და მოქმედების ამსახველნი იყვნენ.

იშვიათი, მართლაც, უცნაური ინტენსიური შინაგანი ხედვის ნიჭითა და ალღოთი იყო ვაჟა-ფშაველა დაჯილდოებული. ის არა მარტო

ფანტაზიით, წარმოსახვით, არამედ ფიზიკურადაც, მთელი თავისი არსებით, თითქოს, უშუალოდ ეხებოდა იმ ზღაპრულ მოვლენებს, ავ თუ კეთილ სულებს, რაც ასე ცოცხლად და ასახული ხალხურ ზეპირმემოქმედებაში და რომელიც ვაჟა-ფშაველას თავის პოეტურ აღქმაში ასე ჭადონურად აქვს მოცემული („ეთერი“ და სხვ.).

მგოსანი, ამ ძველი ტრადიციული ვაჟკაცობისა და ეთიკა-ესთეტიკის ეშხით გატაცებული, ახალი დროით, ფერცვლილი ცხოვრებით უკმაყოფილო, „მოხუცის ნათქვამში“ მოხუც მთიელს ასე ამეტყველებს:

ეს რა დროებას მოვესწარ?  
გამოიცვალა ქვეყანა:  
მამალიც ყოვის სხვაგვარად,  
კაცსა სძულს მისვლა კაცთანა.

მოხუცი (თვით პოეტი) აღელვებულია ფერცვლილი, „აჭრელებული“ ცხოვრებით (რომელსაც ის ცალმხრივ ხედავს მხოლოდ), ახალგაზრდობით, რომელიც ამ ახალს, მისთვის მიუღებელ, ფუქსავეტ ცხოვრებას მისდევს, და თავის აღშფოთებას ასე გამოთქვამს:

სცხვენოდეს ახალ-უხლებსა,  
კაც იყოს, თუნდა ქალია,  
რომ მთელი მათი არსება  
ფუქმა საგნებმა დალია!<sup>1</sup>

მოხუცი კონკრეტულად აღნიშნავს — რატომ, რა მიზეზით არ მოსწონს მას ახალგაზრდები და მათი ყოფა-ქცევა:

ჩემს დროსა ქალი ვაჟკაცსა  
შეიყვარებდა მაშინა,  
როცა ჰხედავდა მებრძოლსა  
შეუპოვარად მტრის წინა.

ჩემს დროს ლამაზი ვაჟკაცი  
არ იყო ქალის პირისა,  
არამედ შავი, მამაცი,  
მუხლ-მგელი, გულით რკინისა<sup>2</sup>

მოხუცი აშკარად ხედავს და მწვავედაც განიცდის, რომ ძველი დრო, დრო ვაჟკაცობისა, რაინდობისა, თუ ჯერ სამუდამოდ არ წასულა, თუ უკვე ისტორიას, დავიწყებას არ მისცემია, ყოველ შემთხვევაში, სამწუხაროდ, მიდის და მიდის დაუბრუნებლად. ცხოვრება „ჭრელებსა“, მთლიანი, აქამდე ურყევი ცხოვრება და პიროვნება იზარება, კნინდება. მოხუცის ეს განცდები ვაჟა-ფშაველასათვის გასაგებია, მახლობელი და მტკივნეულიც. მთიელი მოხუცი თავის ტკივილს ასე გამოთქვამს:

ქალი და კაციც გაფუჭდა —  
ღარ სძევთ ძველი ფერია,  
მათ გულში ჭაჭი დაბუღდა,

კაცის ნაშუსის მტერია.  
აფსუსო, ძველო დროებაჲ!..  
არ დაბრუნდები ნეტარა?<sup>3</sup>

<sup>1</sup> ვ ა ჟ ა - ფ შ ა ვ ე ლ ა , მოხუცის ნათქვამი, თხზ., ტ. III, 1930 წ., გვ. 6.

<sup>2</sup> ი ქ ვ ე .

<sup>3</sup> ი ქ ვ ე .

მთიელი მოხუცი (რა თქმა უნდა თვით პოეტიც) აღფრთოვანდება ძველი დროის ვაჟკაცობის მოგონებით, სევდანარევი სიამოვნებით მოგვითხრობს ის ძველი დროის ამბავს, როცა ხალხს „ტყვიის ხმა ღედის ნანა“ მიაჩნდა, როცა მას „ომი ქორწილი ეგონა“, მაშინ ის მტერს შეუპოვრად ეკვეთებოდა ხოლმე, თავდავიწყებით იბრძოდა, მაშინ ვაჟკაცი „თითო ოც-ოცის მკვლელი“ იყო.

აი როგორი პათოსით აგვიწერს მოხუცი ძველი დროის ცხოვრებისა და ვაჟკაცობის მიმზიდველობას:

როგორც ღრუბელი, მოვიდა  
მრისხანედ თათრის ჯარია;  
ისეთი ესჩანდით იმასთან,  
ვით ზღვასთან წვიმის ცვარია...  
შემოკვალთულნი ჩოხებში  
მტერს უცდის ქართველებიო  
და გველის-პირულს ფრანგულებს  
აღნება ქარქაშებო.

რა ენახეთ მტერი, მიეცვივდით  
ხმალ-მოწოდით, გაძალულები  
და დავინთქენით სპარსეებში,  
ვარს მტრისგან შემორტყმულები.  
ხმალთ სტვენას, ცხენთა ჭიხვინსა  
ბანს აძლევს სისხლის ჩხრალი  
და თავმომწონე დროშებსა  
პაერში გააქვს ფრიალი<sup>4</sup>.

მკვეთრია ბრძოლის პათოსის გადმოცემა (რაც ვაჟა-ფშაველას პოეტური სტილის ერთ-ერთი დამახასიათებელი ნიშანია). მთიელი მოხუცის გაგებით, ესაა ნამდვილი ცხოვრება, აქა სცემს სიცოცხლის ძარღვი მაგრად, მიმზიდველად. ვაჟკაცური ტრადიციის შენარჩუნება, მტერთან მედგარი ბრძოლა. გაუტეხელობა — აი რაც მთიელთათვის განუყრელი, შესისხლხორცებული იყო. ჩვეულებრივ ცხოვრებაში, თავისებური გაგებით, შემცოდებელი, სიმატლის მაძიებელი და დამცველი მთიელი, ვაჟა-ფშაველას ასახვით, როცა მისი სამშობლოსი და მორალის შელახვას ვინმე მოიწადინებს, — მყის მრისხანე, გააფთრებულ ვეფხვს დაემსგავსება. სამშობლოს მტერთან ბრძოლა ამ ტრადიციებში აღზრდილი მთიელისათვის წმინდა მოვალეობის სიამოვნებითა და კმაყოფილებით აღსრულებდა. მართლაც, იქ „ტყვიის ხმა ღედის ნანა“ და მტერთან „ომი — ქორწილი“.

ვაჟა-ფშაველაც, ამგვარსავე ტრადიციაში აღზრდილი, ხომ თვით ცოცხალი ნატეხია ამ „გოლიათი“ მთისა. ისიც ხომ ამ რაინდული ტრადიციებით იყო ნასაზრდოები, გატაცებული, და ოცნებითაც კი, ამ ჩვენამდე ზღაპრად მოსულ ქვეყანაში, ვით ღვე-გმირი, დააბიჯებდა. აქ, მთაში, ვაჟა-ფშაველას აღგზნებული პოეტური შემოქმედება შესაფერ საზრდოს იღებდა. ეს სამყარო, ახლა ჩვენთვის ზღაპრული, ვაჟა-ფშაველასათვის რეალური და თითქოს მისაღებიც, ისეთი სიძლიერითაა მის მიერ განჭვრეტილი, ისეთი მძლავრი შინაგანი ხედვით შეგრძნებული და დიდი ოსტატის ხელით გამოჰყვდილი, რომ მისი ხილვით გან-

<sup>4</sup> ვ ა ჟ ა - ფ შ ა ვ ე ლ ა, მოხუცის ნათქვამი, თხზ., ტ. III, გვ. 12—13.

ცვიფრებაში მოყვანილი აღფრთოვანებული მკითხველიც მოჩადობულსავით მისდევს ავტორს.

\* \* \*

ვაჟა-ფშაველა დიდი პოეტური უნარით, ალღოთი და მღელვარებით ანსახიერებს მთიელის თუმცა პრიმიტიულს, მაგრამ უშუალო, მიწიღველ რკინის ბუნებას; ხაზს უსვამს მთისა და მთიელის ბუნებისა და ხასიათის უპირატესობას (უნდა აღინიშნოს, რომ ვაჟა-ფშაველა განსაკუთრებით მთიელთა დადებით თვისებებს სწევს წინ, თვისებებს. რომელთა გამოყენება, მწერლის გაგებით, ახალ ცხოვრებაშიც სასარგებლო იქნება).

ვაჟა-ფშაველა ვაჟკაცს გოგოთურს მორიდებით, მაგრამ მასთან ერთად მთის უპირატესობის შეგნებით, მეფის თხოვნაზე დარჩეს ის „მეფის კარადა“, შემდეგს ათქმევინებს:

მეფე, ვერ გაძლებ ბარადა,  
თუ მთის ნიავი, არა მცემს,  
გული ქალებურ ტირისა,  
არ მინდა პური, არც წყალი,

ალარც ვაღება პირისა!  
მამეხიზლება გუნება,  
ვერა ვარ გამძლე ჳირისა<sup>ბ</sup>.

იქ, მთაში, ვაჟა-ფშაველას მძლავრი ჩვენებით, იზრდებიან და მოქმედებენ ვაჟკაცი, მთლიანი ბუნების ადამიანებო, რომელნიც მომხიზლველნი არიან არა მარტო სამშობლოსათვის თავდადებულ ბრძოლაში, არამედ ჩვეულებრივ ცხოვრებაშიც; როგორც მამაკაცი, ისე დედაც-ნიც, ბრძოლაში რომ ლომკაცდებიან, ჳირში გაუტეხელნი რომ რჩებიან, რომელთა მთელი ცოცხალი გაღერეა მოცემულია ვაჟა-ფშაველას პოემებში — „ბახტრიონი“, „გიგლია“ და სხვ.

გოგოთური, პოეტის თქმით, ნამდვილი მთიელია. „გოგოთურს რკინის გული აქვს, ჳანი ხომ გადამეტია, რამდენჯერ მარტო შაბერტყის მტერი ჳვიშაზე მეთია“. ის ომის დროს ომობს:

ომში სიკვდილს ჳვავს გოგოთურ,  
შეუბრალები, უკვდავი,  
მტერსაც ჳარსა სცემს უზომოს,  
როგორაც სულთამხუთავი...<sup>გ</sup>

მაგრამ არც მშვიდობიანობის დროს არის ის უქმად: სახლში ის მუშაობს, მიწის მუშაა, ის მშრომელია, გლეხია (უნდა აღინიშნოს, რომ ვაჟა-ფშაველა გოგოთურის მოდგმის გმირების დახასიათებაში — ალუდა ქეთელაურის, ჳოყოლასი, მინდიასი, — რომელთა ტკივილებში თავ-

<sup>ბ</sup> ვ ა ჯ ა - ფ შ ა ვ ე ლ ა , გოგოთურ და აფშინა, თხზ., ტ. III, 1930 წ., გვ. 44.

<sup>გ</sup> ი ქ ვ ე , გვ. 43.

ვის პირად წევას ანსახიერებს, ხაზს უსვამს მათ გლეხურ სოციალურ მდგომარეობას).

გოგოთურის შეგნება და მორალი ძარცვით ცხოვრებას (მხედველობაშია ბარის ბურჟუაზიული „აჭრელბული“ ცხოვრება, რაც მთაშიაც იჭრებოდა, მგოსნის გაგებით) ვერ ეგუება. მისთვის არამი ცხოვრება მიუღებელია. ის თავის უპირატესობის შეგნებით ამაყად ამბობს:

„ნადავლით, ნაყაჩაღარით  
კაცის დარჩომა ძნელია“.<sup>7</sup>

გოგოთურს არ უნდა „ლუქმასა სჭამდეს სხვისასა“. ის კაცის ღირსებას და მის ყოველ ნიქს საზოგადოებრივი ცხოვრების სარგებლიანობისა და არა პირადი კეთილდღეობის თვალსაზრისით ზომავს. გოგოთურისათვის გაუგებარია და მწუხარების აღმძვრელი მისი ცოლის ბუზღუნა. ცოლის საყვედურზე, რომ გოგოთური „სახლისად არის ურგები“, და მის ანგარებიან წინადადებაზე —

„წადი, შენც ეინმე გაძარცვე,  
არ გინდა საჩო ნეტარა?  
ქისტებს თავები გაბალთე,  
ხევსურთ დაადე ბეგარა.  
ამბობენ, აფშინას ცხენს  
ტანი სრულ ვერცხლოთ ეფარა“<sup>8</sup>,—

გოგოთურ, თავისი ქცევითა და ცხოვრების გაგებით კმაყოფილი, მთამაგონებლის ტონით ცოლს ასე ეტყვის:

„ხმლის ქნევას მადლი მაშინ აქვს,  
როცა ხმალს ჰხედავ მტრისასა  
. . . . .  
ჩემი ფრანგული მტერსა კვლავს,  
ძმაზედ არა აქვს ხელით.  
. . . . .  
ომში რვა ხმალი გავცვიოთ,  
მეცხრე თერთტარა ხანჯარი...  
თუ ავი სული არა ხარ,  
ეგ საყვედური რა არი!“<sup>9</sup>

გოგოთურის ცოლთანა და შემდეგ აფშინასთან დაპირისპირებით პოეტი ამხნეილებს გოგოთურის მაღალ მორალს, მის ვაჟკაცურ სახეს. გოგოთურის ადამიანური, რაინდული მოქცევა აფშინასადმი, უკანასკნელს, კეთილ გზას აცდენილს, დაანახევებს ნამდვილი ვაჟკაცის გზას, ნამდვილი კაცის ღირსეულ და შესაფერ მოვალეობას.

დამარცხებული და შერცხვენილი აფშინა გოგოთურს სთხოვს ძმად გაეფიცოს. გოგოთურიც თანხმდება. ძმადგაფიცვის რიტუალის პროცესში ის აფშინას ცხოვრების ასეთს გზას დაულოცავს:

„ღმერთმა გაშოროს ბოროტი,  
ავ საქმე, ავი წადილი...  
ნუ მო გვიშალოს უფალმა  
ძმობა და ერთად ხადილი...“<sup>10</sup>

<sup>7</sup> ვ ა ე ა - ფ შ ა ვ ე ლ ა, გოგოთურ და აფშინა, თხზ., ტ. III, გვ. 44.  
<sup>8</sup> ი ქ ვ ე, გვ. 45.  
<sup>9</sup> ი ქ ვ ე, გვ. 46.  
<sup>10</sup> ი ქ ვ ე, გვ. 53.

ამის შემდეგ ძმადგაფიცულნი გოგოთურ და აფშინა ძმანი არიან „ვით ერთი დედის შვილები,“ აფშინა დაუბრუნდება საზოგადოებას, როგორც სასარგებლო და მზრუნველი წევრი. თემი მას ხევისბერადაც კი ირჩევს.

ასეთი ჰუმანური დამოკიდებულება, რომელშიც არამც თუ უცხო არ არის მაღალი ზნეობრივი განცდა, საზოგადოებრივი საწყისი, არამედ ის ძირითადი მამოძრავებელი ძალაა, ვაჟა-ფშაველას გაგებით, იქმნება იქ, მათში, მთის ზნე-ჩვეულებებში. ამგვარი ჩვეულებები, პოეტის ნიჭიერი ჩვენებით, მთიელთა ყოველდღიურ ცხოვრებაში ღებულობს რკინის ძალას, განსაკუთრებით კი თემური წყობილების ბუდეში.

თემი მთიელთათვის, ვაჟა-ფშაველას დახატვით, ის დულაბია, რომელიც თავისი ტრადიციების ხელშეუხებლობას იცავს და ამ გზით თემის ცხოვრებას აერთიანებს, მას რკინის ღობეს ავლებს, იმორჩილებს. დიდი პოეტური ძალითა და ოსტატობითაა მოცემული ალაზას („სტუმარ-მასპინძელი“) აფორიაქებული სულიერი განცდა, თემის ჩვეულებების დარღვევით გამოწვეული.

ალაზა მოწმე შეიქმნა ზვიადაურის („სტუმარ-მასპინძელი“) მტერთან ვაჟკაცური (როგორც ეს მთას ესმის) დახვედრისა. ზვიადაურს ერთს მტრის მთელი თემი შემოეხვია, შეკონილს ხანჯალს ყელში ურკობენ, მას სისხლი სდის, მისი სიცოცხლე ქრება, ის კვდება, მაგრამ მაინც არ იდრიკება, თვალსაც კი არ ახამხამებს, წარბსაც კი არ იხრის. „ძალდ იყოს თქვენი მკვდრისადა“ — ამ შეტევით დაეცემა მტრებით გარშემორტყმული ზვიადაური. „გული ვერ მოჰკლა მტრის ხელმა, გული გულადვე რჩებოდა“, აღტაცებით აგვიწერს პოეტი.

ზვიადაურის ვაჟკაცური სიკვდილით მოხიბლული ალაზა ველარ იმორჩილებს გულის მოძრაობას, თავიდან ვერ იშორებს იმის მიმზიდველ ლანდს, „კაცის კაცუ.რად სიკვდილი გულიდამ არა ჰქრებოდა“.

ალაზამ იტირა გმირი ზვიადაური, კაცი, რომელსაც მისი და მისი ქმრის ჯოჯოლას თემის სისხლი ემართა. ამას გარდა, მან, სხვისმა ცოლმა დაიტირა უცხო ვაჟკაცი. ვაჟა-ფშაველა არაჩვეულებრივი სიძლიერით ხატავს იმ დიდ შინაგან უხერხულობასა და ტკივილს, რომელთაც თემის ჩვეულებების დარღვევის გამო ალაზა ასე მწვავედ განიცდის. ალაზას ენათრება თავისი გრძნობისა. „ერთის მხრივ, — აგვიწერს ავტორი, — ხათრი აქვს თემისა, მეორით, — ღმერთი აშინებს, ქისტეთის მტრისა მოზარეს თავს რისხვას გადმოადინებს“, მაგრამ, გულთამხილავი პოეტის სწორი გაგებით, ეს ფიქრი გონებისაა, გული ალაზას სხვას ეუბნებოდა. ნახულმა ალაზას „დაკლულის გლოვა კისრად“ დაადვა. ალაზამ ვერ გაუძლო გულის ჰიდილს. დაარღვია თემის ჩვეულება.

ამოვლო კრძალვით საფლავთან,  
მკვდარსა მუხლ-მოყრით დაეყრდნო,  
ქვითინებს გულამოსკვნითა,  
ცრემლსა სიპი ქვა დაედნო.  
იხსნა დანა, მიპმართა

ზვიადურსა იძითა,  
ააქრა ნიშნად, სახსოვრად  
სამი ბალანი პირითა,  
ჩიქილის ტოტში შეხვია  
ბროლის თითებით თლილითა...<sup>11</sup>

თემის მორალური კოდექსის დარღვევამ ალაზა შეაქრთო, მთლად აიტანა, ააფორიაქა. მის ყურებში უცნაური, ადამიანის გამანადგურებელი ჟივილი და დგანდგარი გაისმა. ალაზას აშლილ შეგნებაში, მის მიერ თემის ჩვეულებათა დარღვევის გამო, მის წინააღმდეგ გაერთიანდა მთელი სამყარო — ხმელეთი, ზესკნელი და ქვესკნელი. ყველა მას ჰკიცხავს. გაირიყა ალაზა. მას ადგილი აღარსადა აქვს.

მგოსანი ასე აგვიწერს ალაზას აფორიაქებულ განწყობილებას:

საერთო წყრომის ხმა ისმის,  
საერთო გულის ტყვილი:  
„რას შერები უნამუსოვო“,  
გამწარებულნი ჩიოდენ, —  
„მაღალი ღმერთი გრისხავდეს!“  
სამართ შემოპკიოდენ.  
აჩქარებული ღრუბლები  
ცის პირზე გადმოდდოდენ.  
გაიქცა, მირბის, იხედავს, —  
მკვდარნი მისდევენ, სწორია...  
გარშემო დაყუდებული  
განა ერთი და ორია.  
„უნამუსოვო!“ მისძახდენ

ტან დაწევილინი დეკანი,  
ბლახნი, ქვანი, ქვიშანი,  
იმ არე-მარეს მღებარნი.  
აგერ, საფლავით ამოდგა  
მისი მკვდარი ძმა ებარი...  
თან მოპკიოდა თავის დას,  
ს: ტყვა პირს მოსდის მკებარი:  
„ვაჰ, დაო, დაო, რა მოყავ?  
რისხვა რად დამეც მღდარი?  
მეორეს საფლავში ჩამდეგ,  
ერთს სამარეში მღებარი!  
მაგით მიმტკიცებ დობასა,  
შენი ქალობა ვე არი?!“<sup>12</sup>

მართლაც, უცნაური პოეტური ძლიერებით, როგორც იშვიათად თუ რომელსამე სხვა მწერალს (ჩვენსას თუ უცხოს) გამოუჩენია, განსახიერებელია თემის ზნე-ჩვეულებათა გავლენის ძალა და მისი დარღვევით გამოწვეული სინდისის ჯოჯოხეთური ქენჯნა, შინაგანი ტანჯვა, ბრძოლა, მწვავე ტრაგედია.

\* \* \*

თემი ჩვეულებას წმინდად ინახავს, დაურღვეველ და გარდაუვალ რწმენად იხდის; ყველა უყოყმანოდ, გაუბზარავად მისდევს თემის ერთხელ მიღებულ ცხოვრების მოთხოვნილებებს; ყველა ცდილობს „იყოს, როგორც სხვა“, ჰქონდეს ისა და ისე, „როგორც სხვას.“ თემის წევრთა შორის რამდენადაც ნაკლები განსხვავება იქნება, იმდენად უფრო მძლავრად და მტკიცედ გამოიხატება თემის მთლიანობა-ერთიანობა. საკმარისია ჩვეულებრივი ტრაფარეტული მოქცევისათვის ერთი შეუ-

<sup>11</sup> ვ ა ე ა - ფ მ ა ვ ე ლ ა, სტუმარ-მასპინძელი, თბზ., ტ. III, 1930 წ., გვ. 250.

<sup>12</sup> ი ქ ვ ე, გვ. 250—251.

ფერებელი ნაბიჯიც კი და თემი მთლიანად, როგორც ერთი, სასტიკ წინააღმდეგობას გაუწევს ტრადიციის დამრღვევს. ყველა უმაღლესი, როგორც ერთი, აღსდგება თემის მორალური კოდექსის დასაცავად, ასეთია ბუნება თემური ყოფისა.

განსაკუთრებით მწვავეა რეაქცია, როცა ახალი ცხოვრების მოწოდების გამო, სოციალური ძვრების პერიოდში, თემი საფრთხეს გრძნობს და ხედავს, რომ საუკუნეებით შესისხლბორცებული ჩვეულება დარღვევის წინაშე დგას და მის დარღვევას კი, თემის შეგნებით, შესაძლებელია მოჰყვეს თემის მთლიანობის შერყევა, დაღუპვა. ამგვარ პირობებში თემის სურვილი ტრადიციის დაცვისა უფრო მკაცრია.

ასეთია ახალი საწინააღმდეგო ძალა ვაჟა-ფშაველას მოღვაწეობის დროს, მთის ცხოვრების პირობებში ჯერ კიდევ სათანადოდ არ იყო გაერთიანებული. ასეთი ძალა იქ აღძრული იყო ცალკეულ რჩეულ პიროვნებებში.

ასეთია, ვაჟა-ფშაველას გაგებითა და ასახვით, მთიელთა თემის ცხოვრება და განწყობილება.

ჯოყოლამ („სტუმარ-მასპინძელი“) ქისტთა მოსისხლე მტერი ხევსური ზვიადაური უნებლიეთ ისტუმრა. თემი ამის გამო ამხედრდა ჯოყოლას წინააღმდეგ; თემი მოითხოვს, ჯოყოლამ სტუმარი გასცეს. ჯოყოლა თემის ამ მოთხოვნას წინაღუდგა. აღშფოთებული ჯოყოლა თემს მოაგონებს, რომ ზვიადაური დღეს მისი სტუმარია, თემის ჩვეულებით კი სტუმრის ღალატი მიუღებელია. „ვის გაუყიდავს სტუმარი? ქისტეთს სად თქმულა ამბადა?“ — აღელვებით შესძახებს ჯოყოლა თემს.

ამის გარდა, ჯოყოლას ისიც აღელვებს, რომ თემი არღვევს თავის-სავე მეორე ადათსაც — ზვიადაურს თავს ესხმის, როცა ის უიარაღოა. ასეთი საქციელი, თემისავე გაგებით, სამარცხვინოა. თემს შთაგონებისათვის ჯოყოლა შესძახებს:

„თვის რჯული დავეიწყებიათ,  
მიტომ იქცევით მცდარადა!...“

უიარაღოს აწვალვით,  
გული რასა ჰგრძნობს თავადა? <sup>13</sup>

თემი აღშფოთებულია ჯოყოლას ასეთი „უგუნური ქცევით“. მას აღშფოთებს, რომ ჯოყოლა თემის განკარგულებას, სიტყვას ტეხს. ამიტომ თემი ჯოყოლასადმი უღმობელია, სასტიკია. ჯოყოლას თემი მოიკვეთავს, გარიყავს.

თავის ასეთს მკაცრ, შეუირიგებელ დამოკიდებულებას თემი ჯოყოლას ცოლზე ალაზახეც განაწვრტობს.

<sup>13</sup> ვ ა ე ა - ფ შ ა ვ ე ლ ა , სტუმარ-მასპინძელი, თხზ., ტ. III, გვ. 243.



„უცხოს კაცისა მოზარე,  
ხევსურთ მოგილეს ქმარია.  
წადი, იტირე, ალაზავ,  
სამარეს მიაბარია“<sup>14</sup>

თემს თავის გადაწყვეტილებას ის გარემოებაც კი არ შეაყვარებინებს, რომ ჯოჯოლა შეაკვდება ხევსურთ ბრძოლაში, როცა ხევსურნი ქისტებს თავს დაესხმიან ზვიადურის სისხლის ასაღებად. ალაზას თემიდან არაბინ მიეკარება, მას უფლებას არ მისცემენ ჯოჯოლა საერთო სასაფლაოზე დამარხოს. თვით ალაზაც თემის ტრადიციებითა და ავტორიტეტით ისეა შებოჭილი, რომ თემის ასეთ მკაცრ მოთხოვნას ის არ ებრძვის, არ ეწინააღმდეგება; ის თავის თავს და ქმარს დამნაშავედ თვლის; თემის გარეშე მას ცხოვრების შესაძლებლობა აღარა აქვს. ალაზა, განცდებით გატანჯული, გარიყულად იგრძნობს თავს და შემდეგი სიტყვებით თავს იკლავს:

„ორთვე შევეოდეთ ქისტებსა,  
მათ შამიჩენეს ქმარია...  
მე უფრო დიდი ცოდვა მაქვს,  
უცხოსთვის ცრემლი ვღვარია“<sup>15</sup>.

ასეთივე შეურიგებელია და უღმობელი თემი ალუდა ქეთელაური-სადმი („ალუდა ქეთელაური“). თემის უფროსს ბერდიას შეაძრწუნებს ალუდას თხოვნა მტრის — ქისტის მუტალის „ძოდან მოკლულის“ „სამხვეწრო“ მიიღოს, „როგორც უნდობლად მოკლულის თავის ლამაზის ძმისთვისა“. ალუდას მიერ დარღვევა თემის ჩვეულებისა ბერდიას წონასწორობას დააქარგვინებს. ბერდია, თითქოს ცა გასკდა, შეშინებული და განრისხებული მიმართავს ალუდას:

„გაურჯულებულს არჯულებ,  
შენ ეგ არ შავიხდებისა,  
ქისტისად საკლავის დაკვლა  
ქარგად არ მოგიხდებისა.  
მამით არ მოდის ანდერძი,  
პაპის და პაპის-პაპითა.  
...  
ემშაკს ნუ მისდევ... ეგ სიტყვა,

როგორ ამოცდა ბავთა?!  
...  
როგორ ვახვეწო უფალსა  
ძალდი, ძალუების ჯიშისა,  
მანამ სჯობს ცანი დამქეცენ  
ზურგი გამისკდეს მიწისა,  
ან თუ ზღვამ დამნთქას უძირომ,  
სადილი ვსქამო ქვიშისა“<sup>16</sup>

მიუხედავად ალუდას მრავალგზის თხოვნისა და დასაბუთებისა, ბერდიას მისი „ზღვენი არ გაესუბუქებინა“, ბერდია მაინც მტკიცედ, ურყევად იცავს თემის ჩვეულებას — „გაურჯულებულს“ არ „არჯულებს“,

<sup>14</sup> ვ ა ე ა-ფ შ ა ვ ე ლ ა, სტუმარ-მასპინძელი, თბზ., ტ III, გვ. 260.

<sup>15</sup> ი ქ ვ ე, გვ. 262.

<sup>16</sup> ვ ა ე ა-ფ შ ა ვ ე ლ ა, ალუდა ქეთელაური, თბზ., ტ. III, 1930 წ., გვ. 80—81.

„ქისტისად“ საკლავის დაკვლა მამა-პაპათა ანდერძის დარღვევად მიჩნია, რაც, ბერდიას გაგებით, თემის დარღვევის მომასწავებელია.

ბერდიასაგან შეუწყნარებელი ალუდა ვერ ერევა თავის ახალ გრძნობას „უნდობლად მოკლული“ ქისტისადმი; თვითონ შეასრულებს მსხვერპლის შეწირვის რიტუალს. ალუდას მიერ თემის ჩვეულებათა ასეთი დარღვევით „ჯაგარ აშლილი“ ბერდია მოძმეთ მიმართავს, „დაჯარდენ დიდნი და მცირენი“ სამართლის დასამყარებლად. შეკრებილ თემს შეძრწუნებული ბერდია მოსთხოვს, არ დაინდოს ალუდა, „უტიროს ცოლშვილი“. ბერდიას სასწრაფოდ გამოაქვს უმაღლესი განაჩენი ალუდასათვის:

„მოკვეთილ იყოს, სხვა ქვეყნის  
ცა-ღრუბლის შანამზირები.  
წადით, უმტვრიეთ შაე-ბნელსა  
სახლისა, ციხის კარები.  
ცეცხლი მიეცით საძნოვარს, —  
ცასა სწედებოდეს ალები,

სათემოდ გამოირეკეთ  
ცხვარი, ძროხა და ხარები.  
.....  
პრისხამდეს ჩვენი ბატონი  
არ არის შესაბრალები“.<sup>17</sup>

აქ თემის ყველა უფლებისა და შესაძლებლობის მობილიზაცია ჩანს. თემი არაფერს ზოგავს, არაფერს ერიდება, რომ ურჩი, წესის დამრღვევი წევრი, თუნდაც რჩეული და საამაყო, გაუგონრად დასაჯოს სხვის დასანახავად, რათა „რჯული“ შეინახოს, თემის ძალა და მთლიანობა დაიცვას.

\* \* \*

ვაჟა-ფშაველას შემოქმედებაში ეს ერთი ქვეყანაა — ძველი, პატრიარქალური, რომელსაც ჩვენი მგოსანი დიდი უშუალობით განიცდის და სიმკვეთრითაც გვიხატავს.

თემურ ყოფაში, ცხადია, პიროვნება არ მოჩანს. არსებობს თემის უფროსი — ხევისბერი, თემის მორალური და იურიდიული კოდექსის დამცველი და არიან თემის წევრნი, აღმსრულებელნი ამ კოდექსისა. ასეთია პატრიარქალური თემი.

მაგრამ ვაჟა-ფშაველას მხედველობას არ გამოეპარა, რომ ახალი ცხოვრების პირობებში, ძველი ყოფა რომ „აჭრელდა“, თემის მთლიან ყოფასაც ცვლილებების დაღი დააჩნდა, თემმაც ფერი იცვალა. ალუდა, ჯოყოლა, მინდია ახალ გრძნობებითა და გაგებით აღიჭურვნენ, თემის არსებულ ჩარჩოებში ველარ ეტევიან. ისინი, ახალი განცდებით დაისრულნი, ბედავენ თემის ადათის დარღვევას. იქმნება კონფლიქტი თემსა და ცალკეულ, რჩეულ პიროვნებათა შორის. ბრძოლა მათ შორის ხშირად მოურიგებელი და მწვავე ხდება. ამ ბრძოლაში თუმცა თემი

<sup>17</sup> ვ ა ე ა - ფ შ ა ვ ე ლ ა, ალუდა ქეთლური, თხზ., ტ III, 1930 წ., გვ. 82.

იმარჯვებს, მაგრამ ეს გამარჯვება მას ძვირად უჯდება. თემი გაბზარული, პირგატეხილი რჩება. ეს შედეგია ორი მოწინააღმდეგე მსოფლმხედველობის, — თემის — პატრიარქალურისა და ახალი ადამიანის — ჰუმანურის — შეჯახება-ჭიდილისა.

თემსა და პიროვნებას შორის კონფლიქტი ვაჟა-ფშაველას შემოქმედებაში დიდი სიმწვავეითა და სირთულითაა დასმული და განვითარებული. აქაა ვაჟა-ფშაველას ნიჭის სინთეტიური ბუნების დიადი გამოვლინება.

თემსა და პიროვნებას შორის კონფლიქტს შემდეგი სოციალური საფუძველი აქვს.

XIX საუკუნის დასაწყისიდანვე ჩვენში კაპიტალიზმის განვითარების გამო ზემოაღნიშნული სოციალური ძვრების საფუძველზე დაიწყო პროტესტი საზოგადოებრივი ცხოვრების დამჩაგვრელი ხასიათის წინააღმდეგ. დაიწყო უარყოფა მანამდე გამომუშავებული შაბლონისა და ტრაფარეტისა, ინდივიდუალურ ცხოვრებას რომ ასე ბოჭავდა. დაიწყო ბრძოლა პიროვნების განთავისუფლებისათვის. ამ ნიადაგზე მთელი XIX საუკუნის მანძილზე საზოგადოებრივ ცხოვრებაში და ლიტერატურაში, როგორც მის გამოვლინებაში, ჩნდება ბრძოლა პიროვნებასა და საზოგადოებას შორის.

საზოგადოების, პიროვნების განთავისუფლებისათვის ბრძოლა, ჩვეულებრივ, გამომხატველია ძველი ყოფის რღვევისა, მისი წყობილებით დაუკმაყოფილებლობისა, ახლის ძიებისა. ეს ბრძოლა ლიტერატურაშიაც ორი ძირითადი მიმართულებით მქლავნდებოდა. ამ ბრძოლის ერთი მიმართულება ცნობილია დეკადენტობის სახელწოდებით. დასავლეთ ევროპაში და რუსეთშიც XIX საუკუნის 90-იან წლებში ეს მიმართულება განვითარდა ბურჟუაზიის იმ ნაწილში, რომელსაც აღარ შეეძლო საზოგადოებრივი ცხოვრება ახალი კალაპოტით წაემართა, არ შეეძლო ადამიანის განვითარების შემაფერხებელი „მეშჩანობის“ წინააღმდეგ ცხოვრების ახალი გზები, ახალი ფორმები ეჩვენებინა.

დეკადენტობამ გამოხატა გემოვნება და საერთოდ სულიერი განწყობილება მდიდარი ფენების, რომლებიც შეძლების გამო განთავისუფლდნენ შრომისაგან, ჰქონდათ თავისუფალი დრო და, ცხოვრებით მოყირკებულნი, ცდილობდნენ პირადი სურვილები, თავისი „მე“ ტრაფარეტისა და შაბლონის გარეშე გამოემყდარებინათ. ამ მიმართულებამ თვითმიზნად გაიხადა უარყოფა და დანგრევა არსებული გაბატონებული ეთიკისა და ეტიკეტისა. მაგრამ მან დანგრეულის, თუ მის მიერ დასანგრევად გამზადებულის სამაგიერო კი ვერ შეძლო მიეცა. ეს კი მხოლოდ იმით აიხსნება, რომ ჯგუფს, რომლის ფსიქოლოგიის გამომხატველი იყო დეკადენტობა, ცხოველმყოფელი ძალა დაკარგული ჰქონდა. დეკადენტობამ ადამიანში დაინახა თავისთავადი დასაბამი. მისი შეხედულებით, ადამიანი არ არის დაკავშირებული საზოგადოე-

ბასთან, მის ტრადიციებთანა და მისწრაფებებთან. დეკადენტობამ საზოგადოებრივი ურთიერთობის საკითხის გადაწყვეტაში უარყო სოციალური დასაბამი, დაუპირისპირა ინდივიდუალობა საზოგადოებას და ამიტომაც ის თანდათან ცხოვრებიდან გაირიყა.

ამავე პერიოდში დეკადენტობის პარალელურად, იმავე რღვევისა და სოციალური ძვრების პროცესში ვითარდება მისი საწინააღმდეგო, ახალი საზოგადოებრივი ფენის — მშრომელი მასის — პროლეტარიატის იდეოლოგია. ეს ფენაც, უკმაყოფილო არსებული ცხოვრების ყოფით, უფრო მტკიცედ და ენერგიულად აყენებს პიროვნებისა და საზოგადოების განთავისუფლების პრობლემას. მაგრამ, ამ მიმართულების მიხედვით, თავისუფალი პიროვნება და საზოგადოება, არსებულს რომ უარყოფს, ეძებს და აყენებს მომავალი საზოგადოებრივი წყობილების, ყოფის ახალს, უფრო ჰუმანურ საფუძვლებს. ეს ფენაც ქმნის თავის „ახალ პოეზიას“, რომელშიც პიროვნების განთავისუფლება განუყრელადაა შეერთებული ახალი საზოგადოებრივი ყოფის შექმნასთან, სადაც უნდა დამყარდეს სამართლიანი ურთიერთობა ადამიანთა შორის, სადაც ცალკეული პიროვნების მოთხოვნილებათა და საზოგადოების ინტერესთა შორის წინააღმდეგობა მოხსნილია. პიროვნება, ამ მიმართულებით თავის „მე“-ს გამომჟღავნებით არა მარტო პირად დასაბამს ემსახურება, არამედ საზოგადოებრივ მოთხოვნილებას ასრულებს. აქ პიროვნება შეგნებულად ანგრევს არსებულს, უარყოფს დრომოქმულ ტრადიციებს ახალი საზოგადოებრივი ყოფის დამყარების დაუძლეველი მისწრაფებითა და მიზნით.

ვაჟა-ფშაველა ამ მიმართულებათა შორის დგას თავისი ბუმბერაზი ბუნებით. მართალია, ვაჟა-ფშაველას, როგორც ზევეითაც აღვნიშნეთ, მთა და მისი ჩვეულებანი ძლიერ იზიდავდნენ, — ის დიდი უშუალობით, ერთგვარი იდეალიზაციითაც კი, გვიხატავს კარჩაქეტილ მთაში შემონახულ ფანტასტიკურ ქვეყანას, რომელშიც პოეტის დროს ჯერ კიდევ ცოცხლად იყო დაცული წარმართული მსოფლმხედველობა — დევებით, ავი სულებით, ზღაპრული სამოქმედო ასპარეზით. ვაჟა-ფშაველა თვითონაც დევსავით დააბიჯებს ამ ფანტასტიკურ სამყაროში, ადვილად მისდევს თავის გმირებს არა მარტო ხილულ ქვეყანაში, არამედ ქვესკნელსა და ზესკნელშიც („ეთერი“), სადაც მკითხველსაც თან არაჩვეულებრივი სიძლიერით მიიზიდავს.

მაგრამ, ამასთან ერთად, ვაჟა-ფშაველას შეგნებაში (რაც მკვეთრადაა ასახული მის შემოქმედებაშიც) ახალიც ძლიერაა შეჭრილი, ახალი — ახალ ცხოვრებას რომ ჰქონოდა. ამ ახლის განხორციელების აუცილებლობას პოეტი დიდი სიმწვავეთ განიცდის, თუმცა ამ ახლის სახის გამორკვევა, მისი კონკრეტულად ჩვენება მას გამოუხსნელ კვანძად გადაექცა.

ეს გარემოება, როგორც ზევითაც აღვნიშნეთ, ვაჟა-ფშაველას გლახური, წერილობრივუაზიულო მსოფლგაგებით აიხსნება.

ვაჟა-ფშაველას ამ შინაგანი ტრაგედიის გაგების თვალსაჩინოებისათვის საკმარისია მოვიგონოთ იმავე ეპოქის, ამავე ტკივილების გენიალური ამსახველი რუსი მწერალი მ. გორკი, მ. გორკიმ ახალი სამართლიანი ქვეყნის ძიების ტკივილებით დაკოდილმა, შეძლო თავისი ახალი მისწრაფებების გარკვევა, ახალი ქვეყნის, რომლისაკენაც ის თავისი მდიდარი ბუნებითა და დიდი ტემპერამენტით მიისწრაფოდა, გარკვეული სახისა და შინაარსის მიცემა. და ეს იმიტომ, რომ მ. გორკი თავიდანვე დაუკავშირდა აღმაჯალ, მშრომელთა მასების რევოლუციურ მოძრაობას, რომლის ფსიქო-იდეოლოგიის გამომხატველადაც ის შეიქმნა — ჯერ კიდევ 1905 წლის რევოლუციამდელ მოთხრობებში: „Старуха Изергиль“, „Коновалов“, „Песня о Соколе“, „Песня о Буревестнике“ და სხვა.

ვაჟა-ფშაველა კი ბოლომდე დარჩა გლახობის პროტესტანტული განწყობილების საფუძველზე, მოწყვეტილი მუშათა რევოლუციური ორგანიზაციების მოძრაობას. აქა ტრაგედია ვაჟა-ფშაველასიც და არსებულთ უკმაყოფილო, ახალი უკეთესის მაძიებელი მისი გმირებისაც.

აღუდა („აღუდა ქეთელაური“), ჯოყოლა, აღაზა („სტუმარ-მასპინძელი“), მინდია („გველის მჭამელი“) ახალის, მაღალი ჰუმანური ცხოვრების მაძიებელი პიროვნებები თუ გმირები არიან. ამ მხატვრული სახეების ძირითადი თვისებაა — დამოუკიდებლობა, უკმაყოფილება, პროტესტი, ამბოხება, ძიება. ტრაგიკული კოლიზიის განვითარება ახალი თესლის მატარებელ გმირს, ტიტანსა (აღუდა, ჯოყოლა, მინდია) და დაძაბუნებულ ქვეყანასა და მის ხელმძღვანელთა შორის (თემი, ბერდია, ჩალხია, მზია) მტკივნეულია და ძირითადი ვაჟა-ფშაველას შემოქმედებაში. ვაჟა-ფშაველას შემოქმედების ამ ხაზის გაშლა და გახსნა წარმოადგენს ურთულეს და მეტად საგულისხმიერო ამოცანას. ჩვენც შევეცდებით მის გარკვევას.

დავიწყოთ აღუდა ქეთელაურის გაცნობით:

ხევსურეთში განთქმული ვაჟკაცი აღუდა ქეთელაური გამოედევნება ხევსურთა მტერს ქისტს მუცალს, ხევსურთ საქონლის წამსნმელს. დაიწყება მათ შორის ბრძოლა. ორივე იბრძვის დაუზოგავად. გმირულად. დაიძლია ქისტი მუცალი. მაგრამ დაიძლია, როგორც გმირი, ვაჟკაცი.

„მკერდზე ნაკრავმა ტყვიამა  
გაუნამომა გულთა.  
ნატყვიარს ბრძამით იფვდა,

ისრე დალია სულია.  
სულს არ აცილიდა ამოსვლას,  
კიდევ მიხსენა რჯულია“<sup>18</sup>

<sup>18</sup> ვ ა ჟ ა - ფ შ ა ვ ე ლ ა . აღუდა ქეთელაური, თხზ., ტ. III, გვ. 74—75.

ასე აგვიწერს ალუდა მუცალის გმირობას, მის გაუტეხელ ვაჟაკობას. დაძლეულმა მუცალმა დაინახა რა, რომ ბრძოლის გაგრძელებას აზრი აღარა აქვს, მოწინააღმდეგის ვაჟაკობით აღტაცებულმა, თავისი თოფი ალუდას გადაუგდო და თან მიაძახა: „ენლა შენ იყოს, რჯულ ძაღლო, ხელს არ ჩავარდეს სხვისასა“.

მკითხველიც დატყვევებულია მთიელის, თუმცა მეტად პრიმიტიული, მაგრამ მკვეთრი, მტკიცე, ლამაზი პიროვნებით. მუცალი ვაჟაკია, როგორც ეს მთას ესმის. ის უშიშარია, მოუდრეკელია. ის სიკვდილის მომენტშიც არ იბნევა; ის ურყევი, უცვლელი, როგორც იტყვიან, წარბ-შეუხრელი რჩება. ასეთ „განკითხვის წუთშიც“ კი მუცალი არ ჰკარგავს თავის სახეს, თვით მოწინააღმდეგის ღირსებასაც პატივისცემით ეპყრობა და ამ განცდას თავისებურად ვაჟაკურად ავლენს.

ალუდამაც, თვითონაც ვაჟაკმა, „კაი ყმამ“, როგორც მთაში ამბობენ, მუცალში დაინახა შეუდრეკელი ხასიათის ვაჟაკი, რომელსაც მოწინააღმდეგის გმირული დახვედრა შეუძლიან. ალუდას ასეთი ვაჟაკის, თუნდაც მოწინააღმდეგის, გაფუჭება, უპატივცემლობა უმძიმს. ატირდა ალუდა მუცალის სიკვდილით. ასეთი ჰუმანური დამოკიდებულება მტრისადმი, რაც თემის მორალური კოდექსით აკრძალული იყო, ალუდას ისეთი სიმძლავრით გაუჭდა, რომ მთისა და თემის საუკუნეთა მანძილზე შეუღახველ ჩვეულებათა დარღვევასაც კი გააბედინებს.

დამარცხებულ მუცალს ალუდა, წინააღმდეგ თემის ჩვეულებისა და სასტიკი მოთხოვნისა, არამც თუ იარაღს არ აპყრის, არამედ ისე მოეპყრობა, როგორც ეს გმირს შეეფერება:

ალუდას თოფი არ უნდა,  
ატირდა როგორც ქალით;  
არ აპყრის იარაღებსა,  
არ ეხარბება თვალით,  
თავით დაუდვა ხანჯარი,  
ზედ ეკრა სპილოს ძვალით,

გულზე ძვლოფი დაადვა  
მკლავზედ ფრანგული ხმალით.  
. . . . .  
სიგრძივ გაპხურა ნაბალი,  
ზედ გადაადვა ფარიო.<sup>18</sup>

მთიელთ რიტუალი ვაჟაკის გაპატიოსნებისა სისრულითაა შესრულებული. მაგრამ ალუდაში ასე მძლავრად ამოძრავებული ახალი ჰუმანური გრძნობა ამით აღარ კმაყოფილდება. ალუდა მთლად ახალი გრძნობის ტყვეობაშია. ის თავს ველარ იკავებს; თემის სხვა ადათებსაც თანდათანობით არღვევს. მან მუცალს მარჯვენა არ მოსჭრა, არ წაუღო თემს ის, როგორც ნიშანი მტერზე გამარჯვებისა. ეს ჩვეულებაც თემისათვის წმინდათაწმინდა იყო. მაგრამ ახალი ჰუმანური განცდა ალუდაში იმდენად დიდია, მკვეთრი, დაუძლეველი, რომ თემის ამ რკინის ადათსაც გადაალახვინებს, დაარღვევინებს.

<sup>18</sup> ვ ა ე ი-ფ შ ა ე ე ლ ა, ალუდა ქეთელაური, თხზ., ტ. III, გვ. 71—72.

მუცალის გმირული სიკვდილით მოხიბლული ალუდა ასე მიმართავს მას:

„გაუკაცო, ჩემგან მოკლულს,  
ღმერთმა გაცხონოს მკვდარიო,  
შკლავზედაც გეხას მარჯვენა,  
შენზედ ალალი არიო,

შენ ხელ შენს გულზედ დამიწლეს,  
ნურც ხარობს ქავის კარიო.  
კარგი გყოლია გამდელი,  
ღმერთმ გიღღეგრძელოს გვარიო“.<sup>20</sup>

ალუდაში ასეთი მტრისადმი — ვაჟკაცისადმი გაქრა მტრობა, შურისძიება. ალუდას ეს ახალი, მაღალი ჰუმანური გრძნობა მარტო მუცალის მოკვლის მომენტში კი არ არის ამოქმედებული, არამედ ეს განცდა მასში თანდათან უფრო იზრდება, თანდათან უფრო მტკივნეულად იპყრობს მის შეგნებას როგორც ცხადლივ, ისე სიზმრადაც. გული შეეკრა ალუდას; მისი შუბლი დაიჩრდილა; ეჭვმა შეიპყრო მისი გული და გონება.

ალუდას მუცალისადმი დამოკიდებულება ისეთი უშუალო კილოთი და მასთან ერთად ისეთი ემოციონალობითაა გადმოცემული, რომ მკითხველს ჰგონია, რომ ალუდას აღფრთოვანება და ტკივილი ჩაუქრობელ უცნაურ ვულკანსავით ბობოქრობს. მკითხველი მკვეთრად გრძნობს, რომ ტრადიციებით შებორკილი ალუდა თავს იკავებს, მასში მუცალის დანახვა-გაგებაში გული სჯაბნის თვალსაც, ყურსაც, ენასაც. ალუდა ქეთელაური, მუცალის ვაჟკაცობით აღტაცებაში მოსული, თავისი მისდამი დამოკიდებულებით გაბრუებული, თვით არანაკლები სილამაზისა და მიმზიდველობის მქონე, თანამომძმეებს ასე უმელავენებს თავის აფორიაქებულსა და გაწამებულ განცდათ:

„ვერ გავიმეტე მუცალი  
მარჯვენის მოსაჭრელად,  
გული გამიწყრა, არა ჰქნა,

რაც საქნელია ძნელად:  
„დაე, დააკლდეს სახელსა,  
მე გირჩევენივარ მრჩეულა.“<sup>21</sup>

ალუდას ახალი გრძნობის აღგზნებით დასერილი სახე დიდი სიციხოველითა და ბუნებრიობითაა გაშლილი. მკითხველს არამც თუ არ ეუცხოება, რომ მთიელში ასეთი მაღალი, ნაზი, ფაქიზი ადამიანური გრძნობები თავსდება, არამედ სრულიად ბუნებრივადაც კი მიაჩნია. მკითხველში ისეთი წარმოდგენა მუშავდება, თითქოს, ასეთი მძლავრი ბუნების პიროვნებები მხოლოდ იქ, მთაში, იწიდნებიან. ამავთა ვაჟა-ფშაველას მხატვრული სტილის ერთ-ერთი დამახასიათებელი თვისება.

ალუდას საქციელმა ხევსურნი მეტად შეაშფოთა. თემის წევრი, რამდენადაც ის ვაჟკაცია, „კაი ყმაა“, დიდბუნებოვანია, იმდენად თემისათვის სამწუხაროა ამ წევრის მიერ მიღებული ჩვეულების ან, როგორც თემში იტყვიან, „რჯულის“ დარღვევა. ხევსურთ ავად შეხედეს

<sup>20</sup> ვ ა უ ა - ფ შ ა ვ ე ლ ა, ალუდა ქეთელაური, თხზ., ტ. III, გვ. 72.

<sup>21</sup> ი ქ ვ ვ, გვ. 75.

აღუდას. თემისთვის გაუგებარი და მიუღებელია აღუდას განცდა. თემი დაჟინებით მოითხოვს თავის ადათის დაცვას: „მოჰკალ, მარჯვენა არ მოსტერ, უკვენ მისღევდი მა რადა?“ — ასე შესძრავს აღუფოთებული თემი აღუდას „ქევეას“.

მაგრამ აღუდა ქეთელაურისათვის თემის ამხედრებაც კი აღარაფერია იმ შინაგან ტანჯვასთან, რომელსაც ის მუცალის გმირული სიკვდილის შემდეგ განიცდის: აღუდა ველარც სჯამს, ველარც მშვიდდება, თითქოს ველარც გარემო ცხოვრებაში ერკვევა. ის ცხადლივ, თუ სიზმრად ახალი შინაგანი სევდით ცხოვრობს. მუცალთან საბედისწერო წამს მიღებული დამატყვევებელი შთაბეჭდილება აღუდაში არ განელდა. აღუდას წინ გამუღმებით დგას სასიკვდილოდ დაპირილი მუცალი, როგორც ბინდგადაკრული გაუტეხელი კლდე: რომელსაც „ცრემლ არ ჩამოსდის თვალისა“.

აღუდას ტკივილში მძლავრადაა არეული (და არაჩვეულებრივია მხატვრული ოსტატობითაც განსახიერებელი) ხმა უკმაყოფილებისა, საყვედურისა, ეჭვისა, სინდისის ქენჯნისა, უსამართლობისა, ცხოვრების ახალი მორალის გამონახვის აუცილებლობისა. ამ განცდამ ააფორიაქა აღუდა, მასში გააერთიანა სიზმარი და სიცხადე, ოცნება და სინამდვილე, ტკივილი და სიამოვნება, ტანჯვა და სიხარული. კმაყოფილება და დაუკმაყოფილებლობა, მადლი და ბოროტება, სილამაზე და სიმანხიჯე, გონება და გრძნობა, ყური და თვალი, გემოვნება და შეხება. აღუდაში მტკივნეულად აშლილი მტანჯველი განცდები ნიჭიერადაა გადმოცემული მის მიერ დედისადმი მოთხრობილ სიზმარში:

„მე პურ არ მინდა, დედაო,  
გული შამეკრა რადამე.  
წუხელ ცულ სიზმრები ვსინჯე,  
რიგში ვიყოდი სადამე.

.....  
შახედენ, მუცალი იყო,  
ტანთ ეცვა ჭაჭვი რვალისა,  
გულზე ემჩნივა ნიშანი  
მე-დ იმის ბრძოლის წამისა.

.....  
კლდედ იდგა გაუტეხლად,  
ცრემლ არ ჩამოსდის თვალისა.  
„მინდა სიკვდილი, არ ვკვდები,  
მამკალო, მითხრა ხვეწნითა.  
თქვენ დაგრჩეს წუთისოფელი,  
მე-კი წავიდე ქვეყნითა,

დაძელთ, ხევსურთ შვილებო,  
ლაშქრობით, ხმლების ქნევითა“.

დავჯე, ჯამ ვინამ დამოდგა,  
კაცის ხორც იყო წვენიანი,  
ესქამდი, მზარავდა თუმცა-და  
კაცის ხელ-ფეხი ძელიანი,  
რასა ვსჩადიო, ვსაჯვრობდი,  
უმსგავსი, შაჩვენებელი.  
„ჭამეო, რამამ მიძახა.

ნუ ჰხდები გაშტერებელი.  
კიდევ მიმირთვით აღუდას  
წვენ-ხორცი გაცხებელი“.  
შიმატეს კაცის უღვაშით  
წვენ-ხორცი შენელებელი...  
სინმართ დამტანჯეს, იმით ვარ  
გუნეა აღუღებელი“.<sup>22</sup>

ასეთი შინაგანი კოშმარული სულიერი ტანჯვის მატარებელია აღუდა ქეთელაური. ასეა გამარჯვებული მისი შინაგანი „მე“. აღუდა

<sup>22</sup> ვ ა ე ა - ფ შ ა ვ ე ლ ა, აღუდა ქეთელაური, თხზ., ტ. III, გვ. 77—78.



ველარ ეტევა თემური ყოფით შექმნილ ჩარჩოებში. ის სცილდება მათ, არღვევს თემს, მის ტრადიციებს ურჩობას უწევს.

ხევსურ მინდიას („ალუდა ქეთელაური“) უნდა ალუდასა და თემს შორის კონფლიქტი შეანელოს. მინდია წავა, ნახავს მოკლულ მუცალს, მოსპრის მარჯვენას, მოიტანს, თემის თანდასწრებით გადასცემს ალუდას და კმაყოფილებით ეტყვის: „წაილ. მიაკარ ქავადა“.

ალუდა ვერ ერევა თავის ამბოხებულ გრძნობას, საყვედურითა და უკმაყოფილებით ასე მიმართავს მინდიას:

„თუ ხელის მოჭრა მდომიყო,  
გან ვერ მოვსპრიდი თავადა?  
ვერ გიქნავ კარგად, მინდია  
საქმე მოგირთავ ავადა“<sup>23</sup>.

ალუდა, თავისი ახალი რწმენის სიმართლეში ღრმად დარწმუნებული, საყვედურითა და საბუთიანობით ცდილობს შთააგონოს თემს ღრმ-მოკმული ადათის უსაფუძვლობა, უაზრობა და მავნებლობა. მუცალის მოსპრილი მარჯვენის შესახებ ასე მიმართავს მინდიას:

„რაღ მინდარის, ვერ მიხმობს,  
არ გამოდგება ფარადა;  
მთაში წავილო, არ მითიბს,  
არც მარგებს თივის კავადა“<sup>24</sup>.

ამჟამად, ალუდა ქეთელაურს არა მხოლოდ ექვი ებადება საუკუნეებით გამომუშავებულ თემის ურყევი ტრადიციების სიმართლეში, არამედ ის რწმუნდება თემის ნრავალ ჩვეულების მიუღებლობაში, უაზრობაში.

ალუდას შეგნებაში, რაკი ერთხელ გაიბზარა მთისა და თემის ჩვეულებათა სიმართლის მთლიანობა, ექვი თანდათან გაღრმავდა და რწმენად გადაიქცა. ალუდა ამ განცდების ზეგავლენით, თუმცა ნიადაგშერყეული შეიქმნა, მაგრამ, სამაგიეროდ, ის მორალურად გაიზარდა, გაცილებით მაღალ ჰუმანურ საფეხურზე ავიდა, ვიდრე თემის ეთიკა. ალუგებული ალუდა ასე გამოხატავს თავის აღშფოთებულ განწყობილებას:

„რაღ სწყრებიან ხევსურნი  
რაღ ტყვრებიან ჯავრითა?  
მტერს მოვკლავ, კიდევ არ მოვსპრი  
მარჯვენას მაგათ ჯაბრითა!“<sup>25</sup>

ალუდა, მაღალ მორალურ სიმაღლეზე ასული, თითქოს, ზევიდან გადმოჰყურებს თემს, მის მსოფლგაგებას, რომელიც მას ველარ აკმა-

<sup>23</sup> ვ ა ე ა - ფ შ ა ე ე ლ ა, ალუდა ქეთელაური, თხზ., ტ. III, გვ. 77—78.

<sup>24</sup> ი ქ ე ე.

<sup>25</sup> ი ქ ე ე, გვ. 79.

ყოფილებს. ის, თავისი ახალი მსოფლგაგების ჭეშმარიტებაში ღრმად დარწმუნებული, სიბრალულით, სინანულით და საყვედურით ასე შეაფასებს თემის დრომოკმულ ტრადიციებს:

„წესი არ არის მტრის მოკვლა  
თუ ხელ არ მასჭერ დანითა“.  
ვ ა ი ე გ ე თ ა ს ს ა მ ა რ თ ა ლ ს,  
მ ო ნ ა თ ლ უ ლ ს ც ო ღ ვ ა - ბ რ ა ლ ი თ ა“.<sup>28</sup>

აქ აშკარადაა გამოვლინებული ალუდას ახალი, თემისაგან საგრძნობლად განსხვავებული მორალი, რომელიც მას აიძულებს დაარღვიოს თემის ადათები „კაი ყმის“ — ვაჟკაცისადმი, რა ტომისაც არ უნდა იყოს ის, ახალი ჰუმანური დამოკიდებულობა დაამყაროს. აქ ისმის ალუდას აშკარა პროტესტი თემის ძველი, დრომოკმული ეთიკის წინააღმდეგ. ალუდას თქმა — „ვაი ეგეთას სამართალს, მონათლულს ცოდვა ბრალითა“ — არსებული ყოფის შეუფერებლობას, უარყოფას დადადებს. ეს ძველი კერპების აფეთქებაა ალუდას მხრით, ახლის ძიებაა. და ალუდას ეს პროტესტი, ძიება ასეთს მწვავე ტკივილებში, რა თქმა უნდა, ეპოქისაა და ამასთანავე თვით ავტორისაც — ვაჟა-ფშაველასიც.

უდავოდ, ახალი ქვეყნის, ადამიანის ახალი, უფრო ჰუმანური ურთიერთობის გაგებისა და დამოკიდებულების გამომხატველია ალუდას დაქინებული მიმართვა ბერდიასადმი მიიღოს სამსხვერპლო მუცალისათვის, როგორც „უნდომლად მოკლულის ლამაზის ძმისთვინა“. ამ თხოვნას ალუდა ასაბუთებს ახალი, ჰუმანური მოსაზრებით: „მითომ ერთნი ვართ, ბერდიავ, მცხოვრებნი ერთი მთისაო“. ეს თქმაც, რა თქმა უნდა, თემის ვიწრო ჩარჩოების ნგრევის აუცილებლობითა და პოეტის მიერ ახალი, სამართლიანი ქვეყნის ხილვითა და ძიებითაა გამოწვეული.

თემის სულისკვეთებისა და მისი შეუბღალლობის სასტიკი დამცველი ბერდია ალუდასადმი, როგორც ძველი ყოფის დამრღვეველისადმი, შეუბრალელობას იჩენს, ის თემს ასე მიმართავს: „ცეცხლი მიეცი თ საძროვარს, — ცასა სწვდებოდეს ალები. სათემოდ გამოირეკეთ: ცხვარი, ძროხა და ხარები“. მაგრამ ალუდაში სიმართლის შინაგანი განჭვრეტა ისეთი მძლავრია, ეჭვი თემის ზნე-ჩვეულებათა სამართლიანობაში იმდენადაა მასში გამჭდარი, რომ ის ამჯობინებს თემიდან გაიდევნოს, დატოვოს დედითა და ცოლ-შვილით მამა-პაპით შექმნილი და შენახული მიწა-წყალი, ვიდრე უღალატოს რწმენად გადაქცეულ ახალ განცდა-გაგებას. მძიმეა ეს მსხვერპლი ალუდასათვის. ამ სიმძიმეს პოეტი მკითხველსაც დიდი სიმკვეთრით აგრძნობინებს.

<sup>28</sup> ვ ა ჟ ა-ფ შ ა ვ ე ლ ა, ალუდა ქეთელაური, თხზ., ტ III, გვ. 79; დაყოფა ჩვენა.

აღუდა ისეთი ჭიშის ადამიანთ მიეკუთვნება, პოეტის გაგებითა და ჩვენებით, რომელიც შეიძლება გატყდეს, მოკვდეს, მაგრამ ვერ და არ მოიღუწოს-კი. აღუდა ვაჟკაცურად შეხვდება მისთვის, როგორც მთა-ელისათვის, უდიდეს უბედურებას — თემის რისხვასა და მოკვებას. ძნელია ასეთი შინაგანი ჭიდილის დაუფლება, მაგრამ აღუდა მტკიცეა, მაგარი. ის უბედურობაში თავისიანებსაც ამაგრებს. აღუდას შინაგან ბრძოლას ვაჟა-ფშაველა მშვენიერად გვაძლევს პოემის დასასრულში. აღუდა ერთი კიდევ მოიხედავს დატოვებული ბუდისაკენ და მძიმე ამო-კენესასთან ერთად წამოიძახებს:

„მშვიდობით, საჯნხეებო,  
გამახარელო თვალისა,  
მშვიდობით, ჩემო სახლ-კარო,

გულში ამშლელო ბრალისა!  
მშვიდობით, ჩვენო ბატონო,  
ყმათალ მომცემო ქალისა.“<sup>27</sup>

ახალმა განცდამ აღუდაში მაინც დასძლია. აღუდა უკან არ იხევს.

აღუდას კენესაში ნიჭიერადაა ნაჩვენები, თუ საუკუნეთა განმავ-ლობაში შექმნილ ტრადიციებს როგორი სიმწვავით უპირისპირდება ახა-ლი ძალა, რომელსაც თემურ ყოფაში, მის ზნე-ჩვეულებათა ქეშმარი-ტებაში ეჭვი შეაქვს. ასეთ მძიმე ტკივილებში იბზარება თემის მთლიან-ობა, რაც შედეგია ახალი ცხოვრების მოწოლისა, შეხლისა ძველთან, მათი მოუერიგებლობისა, მათი მსოფლგაგების წინააღმდეგობისა.

აღუდა ქეთელაურის სახით ვაჟა-ფშაველა ახალი ცხოვრების პი-რობებში ახალი ქვეყნის დამნახველს, მისი უპირატესობის ამლიარე-ბელს გვაძლევს. მართალია, აღუდა ქეთელაურს ახალი ქვეყნის ში-ნაარსი, ფორმა ჯერ ნათლად არა აქვს წარმოდგენილი (რაც ზემოაღ-ნიშნული მიზეზების საფუძველზე გამომუშავებული ავტორის მსოფლ-მხედველობით აიხსნება), მაგრამ ძველი ქვეყნის ყოფის, ძველი ეთი-კის მიუღებლობა კი მისთვის აშკარაა. აღუდა არღვევს ძველს, ეძებს ახალს, უფრო მაღალს, უფრო ადამიანურს.

\* \* \*

ძველისა და ახლის ჭიდილის საფუძველზე ჩნდება ჯოყოლას („სტუმარ-მასპინძელი“) ამბოხებული განწყობილება.

ეს პრობლემა პოემაში „სტუმარ-მასპინძელი“ გაშლილია თემის ორი ტრადიციის დაპირისპირებაზე. ერთია, შურისძიება; სისხლის აღე-ბა: თუ ვინიცობაა თემის რომელიმე წევრი შემოაკვდა სხვა თემის წევრს, მაშინ თემი მთლიანად, ვალდებულია შური იძიოს — სისხლი აი-

<sup>27</sup> ვ ა ჟ ა - ფ შ ა ვ ე ლ ა, აღუდა ქეთელაური, თხზ., ტ. III, გვ. 85.

ლოს, მტერს სავაგიერო გადაუხადოს, რადაც არ უნდა დაუჭდეს. მეორე — სტუმარ-მასპინძლობა — რაკი სტუმარი მასპინძლის ზღურბლს გადასცილდება, მასპინძელი ვალდებულია სტუმრისათვის იზრუნოს, გაუფრთხილდეს, დაიცვას, როგორც თავისი ღვიძლი ძმა. შემთხვევით, მასპინძლის ჭერქვეშ თუ მისი პირადი მტერიც კი მოხვდა, იმაზედაც ისევე ვრცელდება მასპინძლის ვალდებულება.

აი რა საგულისხმიერო ცნობას გვაძლევს ვაჟა-ფშაველა სტუმარ-მასპინძლობის შესახებ თავის ეთნოგრაფიულ წერილებში: „სტუმარი ხევსურის სახლში ხელშეუხებელია. სტუმრის მოსისხლე მტერს, მასპინძლის მეზობელიც, თუნდა ძმაც რომ იყოს, არ შეუძლიან სტუმარს ხმა გასცეს; თუ ვინმე გაკადნიერდა, მაშინ თვითონ მასპინძელი გასცემს პასუხს სტუმრის მოდავეს, სისხლის დაქცევასაც არ დაერიდება, ოღონდ სტუმარი შეურაცხყოფისაგან დაიცვას“.<sup>28</sup>

ასეთს მდგომარეობაშია ქისტი ჯოყოლა აღხასტაისძე. ის გრძნობს, რომ უხერხულ, ყალბ მდგომარეობაში ჩავარდა ხევსური ზვიადაურის სტუმრობით. იწყება ჯოყოლას შინაგანი ბრძოლა — მტრის სისხლის აღება, თუ სტუმარ-მასპინძლობის ვალდებულება. ჯოყოლას გაგებით, თუ თემი ხელმძღვანელობს მიღებული ადათით — სისხლის აღებით, ისიც ამავე თემში მიღებული „საუფლო წესით“ — სტუმარ-მასპინძლობით ხელმძღვანელობს.

თემის უსამართლობით აღშფოთებული ჯოყოლა ასე მიმართავს მას:

„ვის გაუყოფა სტუმარი?  
ქისტეთს სად თქმულა ამბადა?  
რა დავაშავე ისეთი,  
რომ მომიხედით კარადა?

თვის რჯული დაგვიწყებიათ,  
მიტომ იქცევით მცდარადა:  
ჩემს ოჯახს პასუხს რით აძლევთ?  
სახლში ხართ, განა შარადა!“<sup>29</sup>

სტუმარ-მასპინძლის ვალდებულება ჯოყოლაში გაძლიერებულია მისი ზვიადაურისადმი დამოკიდებულებით. ჯოყოლას ისიც აშფოთებს, რომ თემი ზვიადაურს უიარაღოს თავს ესხმის, რითაც თავისისავე ჩვეულებას არღვევს. ამიტომ განრისხებული ჯოყოლა თემს შესძახებს: „უიარაღოს აწვალეთ, გული რასა გრძნობს თავადა?“ ჯოყოლაში იმარჯვებს სტუმარ-მასპინძლობის წესი და უიარაღოზე თავდასხმის მიუღებლობა, როგორც უფრო პუმანური, უფრო მაღალი, საზოგადოებრივი გრძნობის გამამტკიცებელი ჩვეულება. ჯოყოლა მთელი არსებით თემის წინააღმდეგ მაშინაც კი ამხედრდება, როცა თემი ჯოყოლას, უკან რომ დაახევინოს, გაახსენებს, რომ ზვიადაურს ბევრი ქისტისა და პირადად მისი ძმის სისხლიც მართებს.

<sup>28</sup> ვ ა ჟ ა - ფ შ ა ვ ე ლ ა , ეთნოგრაფიული წერილები, „ხევსურები“, გვ. 118.

<sup>29</sup> მ ი ს ი ვ ე , სტუმარ-მასპინძელი, თხზ., ტ. III, გვ. 243.

„ეგ მართალია, იქნება...  
რა უნდა მოთხრათ მაგითა,  
მითუ ვერ მიაბამთ ჩემს გულსა  
თქვენს გულისთქმასთან ძაფითა.

დღეს სტუმარია ეგ ჩემი,  
თუნდ ზღვა ემართოს სისხლისა,  
მითამც მე ვერ ვუღალატებ,  
ვფიცავ ღმერთს, ქმნილი იმისა.“<sup>30</sup>

აღშფოთებულ ჯოჯოლას კადნიერადა და უსამართლოდ მიაჩნია თემის უფროსის მუქარაც: თუ ჯოჯოლა ურჩობას განაგრძობს, თემის პირის გატეხისათვის მისი საქმეც დღეიდან „ცერად წავა“. თემის ამდენ ძალმომრეობას ჯოჯოლა ველარ ითმენს, მასში მეამბოხე ძალა იმარჯვებს და თემს მკაცრად შესძახებს:

„ჩემის კაცობის დამქცევნო,  
ლ ა ნ ძ ღ ვ ა ს ა ც მ ე მ ა რ თ ლ ე ბ ი თ ა?..  
გრისხავდესთ ცა-ქვეყნის მადლი  
უ ს ა მ ა რ თ ლ ო ბ ა ს შ ვ რ ე ბ ი თ ა.“<sup>31</sup>

აღელვებული ჯოჯოლა ხმალ-ხანჯალ გაშიშვლებული დაერევა თავისიანებს. ეს ჯოჯოლას მიერ თემის ყოფის, მისი მორალური და იურიდიული კოდექსის რღვევის შემდეგი ეტაპია, უფრო მძლავრი, უფრო გარკვეული. ვაჟა-ფშაველა დიდი სიმპატიით, ემოციონალობითა და ოსტატობით შლის ჯოჯოლას ქცევასა და სახეს.

ხელებშეკონილი ზვიადაური ქისტების გროვას მიჰყავს სასაფლაოზე; იქ ის თავიანთ მკვდრებს უნდა შესწირონ. მაგრამ ზვიადაური გაუტეხელია. მან შიში არ იცის, თვით სიკვდილსაც კი უშიშრად, წარბშეუხრელად ხედება, ამაყად, „ბეწვს იშლის ბრაზმორეული, როგორაც ვეფხი თმასაო“, მოუდრეკელია მისეულ მტრების წინაშე. გარშემორტყმულ ქისტთა თემს ზვიადაური შეუპოვრად შესძახებს: „ჩამიგდეთ ხელში, ძაღლებო, კარგი დაგიდგათ დარია“. ზვიადაურს ხმალს „ყელში აბჯენენ“, მაგრამ ზვიადაური თვალსაც არ ახამხამებს. „სიცოცხლე ჰქრება, სისხლი დის, — ზვიადაური კვდებოდა“, „მაგრამ გული ვერ მოჰკლა მტრის ხელმა, გული გულადვე რჩებოდა“, — აღტაცებით წყვეტს პოეტი ზვიადაურის ვაჟკაცური სიკვდილის აღწერას.

ზვიადაურს თავისი ახალი გაგებითა და განცდებით პოეტი გვაჩვენებს მთის ტიპიურ ეთნოგრაფიულ გარემოში.

საგულისხმოდ ვაჟა-ფშაველას ეთნოგრაფიული შენიშვნა სისხლის აღების ჩვეულების შესახებ. „სისხლის აღება, — გადმოგვცემს ვაჟა-ფშაველა, — მკვლელობისათვის მოკვლა, ყველა მთიელებსა აქვს წესად, მაგრამ საფლავზე დაკვლა და ამგვარად „შეწირვა“ მაჰმადიან

<sup>30</sup> ვ ა ჟ ა - ფ შ ა ვ ე ლ ა, სტუმარ-მასპინძელი, თხზ., ტ. III, გვ. 242—243.

<sup>31</sup> ო ქ ვ ე, გვ. 244; დაყოფა ჩვენია.

მთიელების ადათია. ქრისტიანი მთიელები ამას ერიდებიან. თუ ვისაც სწირავენ და საფლავზე ჰკლავენ არ შედრკა, მკვდრისათვის „შეწირულად“ არ ჩაითვლება“<sup>32</sup>.

მტრებიც კი მოხიბლა ზვიადაურის ვაჟკაცობამ. ზვიადაურის მოკვლის შემდეგ ქისტებს თავიანთ მოქმედებაში, კმაყოფილების მაგიერ, რალაც შეუფერებელი საქციელის ჩადენის ეჭვი ეპარებათ. ქისტების ამ განცდას ვაჟა-ფშაველა მოხდენილად ასე გამოხატავს: „დაკლულმა დაჰკლა მათ გული და გაუცრუა ქადილი“. ზვიადაურის ვაჟკაცობით მოხიბლული ქისტები ერთმანეთს ეუბნებიან: „კარგი ვაჟკაცი ყოფილა... იმიტომ ვეფხვებრ გვებრძოდა, თავის მიწა-წყალს იცავდა“. ავტორის გადმოცემით, მტერიც კი რალაც ტკივილით, რალაც მოკრძალებული თანაგრძნობით ფიქრობს ზვიადაურის შესახებ — „ცოდვია-ო“. ზვიადაურისადმი თვით ბუნებაც კი იმსჭვალება თანაგრძნობით. ესეც ვაჟა-ფშაველას პოეტური სტილის დამახასიათებელი ნიშანია. ამ ხერხს პოეტი მკითხველში გმირისადმი თანაგრძნობის გაძლიერების მიზნით ხმარობს.

ზვიადურსა გლოვობდა  
შფოთვა და ბორგვა წყლისაო,  
ნიავად ჩამონადენი

ოხვრა მალალის მთისაო,  
ცრემლი ნისლევის ჭარისა  
ნაბძანებია ღეთისაო<sup>33</sup>.

მაგრამ ყველაზე გამახვილებულად ზვიადაურისადმი თანაგრძნობა და გლოვა ჯოჯოლას ცოლის აღაზასია, რაც აგრეთვე თემის შეუვალი ტრადიციების რღვევის აშკარა მაჩვენებელია.

მთიელი ქალი, აღზრდილი თემის ყოფის ეთიკაზე, როგორც ზევითაც აღვნიშნეთ, ვალდებულად თვლის თავს თემის მტერს მტრულად მოეპყრას; ამას გარდა, ქმრიანი ქალისათვის უცხო მამაკაცისადმი ტრფიალი, თანაგრძნობა და გლოვა შეურაცხმყოფელია, როგორც ქალის ქმრისათვის, ისე თემისათვის და, რა თქმა უნდა, თვითონ პირადად ქალისათვისაც. თემი სასტიკად მოითხოვს ქალისაგან ამ მიმართულებით თავის დაჭერას. ამით აიხსნება, რომ ზვიადაურის ვაჟკაცობის მოწმე აღაზა, თუმცა „ბნდებოდა“ თანაგრძნობითა და სიბრალულთა ზვიადაურისადმი, მაგრამ ამის გამომჟღავნებას ვერა ბედავდა „ცრემლებს მალავდა, ხალხზე უკანა ღგებოდა“.

აღაზას განცდას ამ მომენტში პოეტი დიდი უშუალოდობით, მთიელი ქალის ხასიათის ბუნებრიობის ნიჭიერად დაცვით ასე გადაგვიშლის:

<sup>32</sup> ვ ა ჟ ა - ფ შ ა ვ ე ლ ა , სტუმარ-მასპინძელი, თხზ., ტ. III, გვ. 246, შენიშვნა.

<sup>33</sup> ი ქ ვ ე . გვ. 249.

მიშველებასა ჰლანობდა:  
„ნუ ჰკლავთ“ — ეძახის გულიო.  
ფიქრობდა ბრანზმორეული:  
ნეტავი მომცა ცულოო,

ნეტავი ნებას ჰაძღვედეს  
დედაკაცობის რჯულოო  
რომ ეგ ვაცოცხლო, სხვას ყველას  
გავაფთხოზინო სულოო.<sup>34</sup>

მძიმეა, მწვავე და მასთან ერთად ლამაზი თავის სიღრმით, სიძლიერითა და ქალური სინაზით აღსავსე ალაზას გლოვა. მკითხველი მკვეთრად განიცდის, რომ ალაზას გულში აშლილი გრძნობა დაძრულ ვულკანსავით მოიწევს; მკითხველი დიდი უშუალობით გრძნობს, რომ, როგორც მთა ვერ დაიჭერს ვულკანის მოძრაობას და ამოხეთქს, ისე ალაზაც ვერ გაუმაგრდება მოწოლილ აშლილ განცდებს და საშინელ კატასტროფამდე მივა. ასეც მოხდა. მოზღვავებულმა ახალმა გრძნობამ ალაზას თემის ჩვეულებანი დაარღვევინა. ალაზამ იცის, მას სწამს, რომ ეს გრძნობა მისთვის აკრძალულია, დანაშაულებია, საბედისწეროა, რომ ამით ის ჩირქს სცხებს, შეურაცხყოფას აყენებს თავის თავსაც, თემსაც. მაგრამ მან ყველაფერი ეს გადალახა... გმირს — ზვიადურს ცრემლი დაადინა.

პოეტმა ალაზას „დანაშაული“ რომ გაამართლოს, თემისათვის მიუღებელი ალაზას ჰუმანური გრძნობის კანონიერება რომ დაგვანახვოს, ალაზა და მისი ახალი გრძნობა მაღალი და მიმზიდველი რომ გახადოს, ჯოყოლას შემდეგნაირად შეაფასებინებს ალაზას საქციელს.

მთელი დღის განმავლობაში მძიმე სანახაობითა და განცდებით გატანჯული ალაზა ბინდისას და დაბრუნდება სახლში და ზღურბლზე გულშეწუხებული დაეცემა. ჯოყოლაც შეშფოთდება. მიზეზის გაგებას ცდილობს. ცოლი ეკრძალვის. შეშფოთების ნამდვილი მიზეზი უნდა დაუმალოს. შეთხზავს მშვენიერ პოეტურ ლეგენდას „შავ-ნაბღიანი“ დევების დადევნების შესახებ, რომელიც არაჩვეულებრივი ნიჭიერებით ასახავს ალაზას აშლილ შინაგან სამყაროს. მაგრამ ჯოყოლაში უშუალობა, ინტუიცია, დაკვირვებისა და გაგების უნარი დიდია, ალაზას სიცრუეს მიუხვდება. ალაზა რწმუნდება, რომ ჯოყოლას სიმართლეს ვერ დაუმალავს და ქმარს ერთგვარი ქალური მღელვარებითა და კრძალვით ასე გაუმხელს თავის შეშფოთების მიზეზს:

„რა დაგიძლო, ჯოყოლაჲ,  
ან რად შემრისხავ თქმისაღა?...  
ცრემლები შემოიწირია  
იმ შენის მეგობრისაღა“.<sup>35</sup>

ალაზამ იცის, რომ ეს „შეწირული ცრემლები“ მისთვის აკრძალულია, ცოდვია. ამიტომ ის ჩქარობს ახსნას, რამ გამოიწვია მასში ეს ცრემლი—

<sup>34</sup> ვ ა ე ა - ფ შ ა ვ ე ლ ა , სტუმარ-მასპინძლო, თხზ., ტ. III, გვ. 247.

<sup>35</sup> ი ქ ე ე , გვ. 254.

მისი დანაშაული. ის შემდეგ გაუმეღავენებს თავის ქმარს: მას „ძლიერ  
შებრაღდა ბეჩავი“ ზვიადურო, „უცხოეთში რომ კეღებოღა“. ზვიად-  
ურს ამ მღგომარეობაში მახლობლად არც ნათესავი, არც მოძმე არა  
ჰყავღდა, რომ „ვისმე შეჰბრაღებოღა“. მაგრამ, მიუხეღდავად ამ არაჩვე-  
ულებრივი მძიმე მღგომარეობისა, როს მას „ჰკლავღენ ხანჯრითა“, ზვიადური „ოღნავაც არა ჰკრთებოღა!“:

„იქნებ შენც ვცოღე, ლმერთსაცა,  
მაგრამ ვიტრე, რა ვქნაო!“ —

ათავებს თავისი „შეცოღების“ მხიღებას აღაზა.

არამც თუ კარჩაკეტილი მთის შვილი, არამედ „კულტურული“ ბა-  
რის მცხოვრებიც კი, შესაძღებელია, ცოლის ასეთი საჰციეღით მე-  
ტად განრისხღებოღა, წონასწორობას დაჰკარგავღდა, ამიტომ მკითხვე-  
ლის ყურადღება არაჩვეულებრივი სიმძაფრით იჰიღება, აქაა სიუჰეტის  
განვითარების უმალღესი მწვერვალიც. მკითხველი მოეღის ჯოყოღას  
სასტიკ მსჯავრს ცოლის მიმართ. მაგრამ მოლოღინის წინააღმღეგ ჯო-  
ყოღამ ცოლის საჰციეღი და განცდა კანონიერად მიიჩნია, მოუწონა  
კიღეც. ჯოყოღა სრულიად შეგნებულად ასე დაამშვიღებს ცოლს:

„მაგისთვის როგორ შეგრისხავ?	მე რა გამგევარ მაგისა?
ტყუიღს სჯობს სიღართლის თქმაო,	ღიაცს მუღამაც უხღება
იტორე? მაღლი გიქნია,	გლოვა ვაჰკაცის კარგისა.“ <sup>38</sup>

აქაა სწორედ ნაწარმოების და თვით ვაჰა-ფშაველას სიღიადეც,  
ორიღინაღობაც, გენიაღობაც, მაღალი ჰუმანურობაც. ჯოყოღას (თვით  
პოეტის) გაგება უფღების, ეთიკისა და ესთეტიკის კოღექსისა, რა თქმა-  
უნღა, ახალია, ფართოა, მაღალია და ფაქიზი, ვიღრე თემისა და ბარში  
გაბატონებული ბურჰუაზიული ყოფისა. ჯოყოღა, მგოსნის ჩვენებით  
და დამაჯერებელი ჩვენებითაც, არამც თუ თემის ტრადიციების ფარგ-  
ღებში ვეღარ ეტევა, არამედ მისი გაგება მოწინავე ქვეყნების ბურ-  
ჰუაზიულ ყოფაზეც კარგა შორსაც მიღის. ამაშია ვაჰა-ფშაველას პრო-  
ტესტანტი — მემამოხე გმირების (აღლუღა ქეთელაურის, ჯოყოღასი,  
აღნასი, მინღიასი და სხვ.) სიღიადე და მიმზიღვეღობა.

\* \* \*

პატრიარქალური თემის ზნე-ჩვეუღებათა რღვევა, რჩეული პი-  
როვნებების ქცევაში ასე მკვეთრად ასახული, შეუღმჩნეღლად იზიღავს  
თემის მასას, შეუღმჩნეღლად გადაღის მის შეგნებაშიც. იზარება თემის  
ჩვეუღებათა შეუღვალღი ქერქი და მცხოვრებთა შეგნებაში მათღა უნებ-

<sup>38</sup> ვაჰა-ფშაველა, სტუმარ-მასპინღელი, თხზ., ტ. III, გვ. 254. დაყო-  
ფა ჩვენია.



ლიელ მაგრად იქედება განწირულ რჩეულთადმი განცვიფრება, სიმპათია და პატივისცემა.

ვაჟა-ფშაველას გაგებითა და ნიჟიერი ჩვენებით, ის დიდი ზნეობრივი ძალა. რომელიც გამოიჩინეს ჯოყოლამ, ალაზამ, ზვიადაურმა (ასევე სხვა მემამბოხეთაც — მინდია, ალუდა ქეთელაურმა, გოგოთურმა და სხვათა), შეუძლებელია მასისათვის შეუმჩნეველად და უშედეგოდ გაქრეს. ამგვარი გმირების საქციელისა და პიროვნების ძალა, თემის — მასის განცლითაც, მძლავრი კვალის დამტოვებელია, მარადიულად მიმზიდველია.

ასეთი გმირების შესახებ იქმნება ლეგენდა, რომელიც ფართოდ ვრცელდება თემის მოსახლეობაში, როგორც მასის გამაფაქინებელი ძალა. ასეთია ლეგენდა, რომლითაც მთავრდება პოემა „სტუმარ-მასპინძელი“. ხალხის რწმენით, ჩვეულებრივ, როცა დაბინდდება, კლდის ნაპრალიდან ჯოყოლა ადგება, გასძახებს ძმობილ ზვიადაურს, ამ ძახილზე საფლავიდან წამოვა ზვიადაურის „ფარხმალიანი“ აჩრდილი, „მივა და მიესალმება თავის ძმობილსა მდუმარედ“. იქვე ამოდის ალაზაც „სახე მოწყენით მწუხარედ“.

ენტება ცეცხლი მათს გვერდით,  
მკრთალადა ბეუტავს მთაზედა;  
მათ ჰმასპინძლობს ალაზა,  
ჯიხვის მწვადს უწვავს ალზედა.

ვაჟკაცობისას ამბობენ,  
ერთ-ერთის დანდობით  
სასა,  
სტუმარ-მასპინძლის წეს-  
ზედა  
ცნობის და და-ძმობისასა.<sup>37</sup>

ასეთი სურათის ხილვით აღფრთოვანებული მასის განცდის გადმოცემას პოეტი ასე ამთავრებს: „როცა მათ ჰხედავს ერთადა, კაცუ ვერ ძღება ცქერითა“. და ეს მარტო მაღალი, სრული ესთეტიკური განცდა კი არ არის, არამედ ამასთან ეთიკურიც. და ეს განცდა მარტო თემის, თემის მასისა კი არ არის, არამედ თვით ავტორის — ვაჟა-ფშაველასიც. ასეთივე მაღალი, მიმზიდველი განცდით იმსჭვალება მათდამი მკითხველიც.

ასეთს უცილობელ გავლენას ტოვებს მასის შეგნებაში მაღალი ჰუმანური მისწრაფების საფუძველზე დამარცხებულ (მხოლოდ არა მოლუნულ) „კაი ყმათა“ ვაჟკაცური სიკვდილი. ამ „კაი ყმათა“ სიმტკიცეში და მაღალ მორალშია მათი გავლენის დიადი ძალა — მაღალი ზნეობრივი, სამართლიანი, არა კარჩაკეტილი, არამედ ფართო საზოგადოებრივი ურთიერთობა, — აი საითკენ გვეძახიან და გვეწვევიან ვაჟა-ფშაველას მემამბოხენი — ალუდა, ჯოყოლა, მინდია და სხვანი.

<sup>37</sup> ვაჟა-ფშაველა, სტუმარ-მასპინძელი, თხზ., ტ. III, გვ. 262; დაყოფა ჩვენია.

ვაჟა-ფშაველას მემბოხეთათვის ვიწროა არამც თუ თემური ცხოვრების პატრიარქალური ჩარჩოები, არამედ პოეტის თანამედროვე კულტურული ყოფის საზღვრებიც. ამიტომაც, რომ ვაჟა-ფშაველა მკითხველთ ეხატება, როგორც არსებულით დაუკმაყოფილებელი, როგორც სამართლიანი მომავლის მაძიებელი პოეტი. ის ხარბად იყურება ბრწყინვალე, სამართლიანი მომავლისაკენ; აქითკენვე მძლავრად მიეზიდება თავის მრავალრიცხოვან მკითხველსაც.

ამ შეხედულების დასტურს გვაძლევს ვაჟა-ფშაველას მეტად საგულისხმიერო პასუხი იპ. ვართაგავასადმი: „როგორ გგონიათ? — წერს თავის პოზიციის სიმართლეში დარწმუნებული პოეტი, — არა მაქვს მე წარმოდგენილი მომავალი ჩემის ქვეყნისა ბრწყინვალედ? ნუთუ ეს არა სჩანს ჩემი ნაწერებიდან? რომ ეს არ მწამდეს, თქვენ გგონიათ მე კალამს ავიღებდი ხელში?.. ურწმუნოთა შრომა ამაოა, შეუძლებელიც. მგონია, იმ ხილს, რომლის გადებაც მუშამ შეუძლებლად იცნო, თავისი-დღეში გასადებლად არ შეუდგება. ნუთუ ჩემი ნაწერები ამ მომავალს ჩვენს ყოფაცხოვრებაზე, ჩვენს ბედზე არას ამბობენ? ვერაფერი პოეტი ვყოფილვარ. თუ ეს მომავალი არა სჩანს იქ, არა სჩანს ის, რაც „დროთა სვლამ“ უნდა განახორციელოს... თუ მე ნიჭი მაქვს ჭეშმარიტი შემოქმედებისა, უეჭველად წარსულის თუ აწმყოს აღწერით უნდა რამეს ვამბობდე მომავალზე, თუ არა და ჩემი ნიჭიერება ცარიელი მცნება. უშინაარსო სიტყვებია“<sup>38</sup>.

იმის დასადასტურებლად, რომ მისი შემოქმედება მომავალზე ლაპარაკობს, ვაჟა-ფშაველა ამ წერილს მეტად მოხდენილად ურთავს ერთი გაუნათლებელი მკითხველის შთაბეჭდილებას, მისი ნაწერებით მიღებულს. „ერთმა უსწაჯელმა ფშაველმა მითხრა, — გადმოგვცემს ვაჟა-ფშაველა, — რომელსაც „ბახტრიონი“ წაეკითხა, მოსწონებოდა ძალიან და ყელგადაგდებით... მეხვეწებოდა, მეკითხებოდა: „ვაჟაჲ თუ ღმერთი გწამ, ნუ დამიმალაჲ, სწორედა თქვი, საქართველოს თავისუფლებას არა გულისხმობ „ბახტრიონში“ რომ ამბობ: „ელირსებაო ლუხუმსა ლაშარის გორზე შადგომაო“?

— იქნება გგულისხმობდე, — ვუპასუხე.

„სწორედ საქართველოს თავისუფლებაზეა ნათქვამიო“, დინიჲა ფშაველმა და ხუთმეტი ათასი მჭევრმეტყველი პროფესორი რომ მოგეყვანათ, იმას რწმენას, აზრს ვერ გამოუტყვლიდნენ.

თუ ჩემს მკითხველებს ამისთანა რამეს აგრძნობინებს ჩემი ნაწერები, საკმარისია. მაშასადამე, საკმარისად წარმოდგენილი მქონია საქართველოს მომავალი სვე-ბედი...“<sup>39</sup>

<sup>38</sup> ვაჟა-ფშაველა, კრიტიკა ბ. იპ. ვართაგავასი, თხზ., ტ. III, 1930 წ., გვ. 457.

<sup>39</sup> აქვე.

ვაჟა-ფშაველა, მიუხედავად იმისა, რომ დარწმუნებულია თავისი შემოქმედების ღირსება-ღირებულებაში, მასში, რომ ის, ბრწყინვალე და სამართლიანი, შინაარსიანი მომავლისაკენ უძახის მკითხველს, იპ. ვართაგავას წერილით გამოწვეული, იძულებულია განმარტება მისცეს მას და თავის საპასუხო წერილს ასე ამთავრებს:

„თქვენ ნუთუ დარწმუნებული არა ხართ, რომ მომავალს აწმყო ჰბადებს!.. ჩვენც, პოეტნი, მწერალნი და საზოგადო მოღვაწენი, რომელნიც ეროვნულ რეალურ თუ გონებრივ ღირებულებას ჰქმნიან, უნდა იყენენ გამსჭვალულნი იმ აზრით, რომ დღევანდელი დღე უკეთესი იყოს ქვეყნისათვის. დღევანდელი ხალხი, ცალ-ცალკე და საერთოდ, საჭირო აზრით და გრძნობით აღიჭურვოს. მოქმედებაც თვითეული ჩვენგანისა იყოს აზრშეწონილი. დღევანდელს თვითეული ჩვენგანის მოქმედებას უნდა იქ მივყავდეთ, საცა საჭიროა ჩვენი მისვლა. თვითეულის ჩვენგანის მოქმედება, მაშასადამე, ის გზა უნდა იყოს, რომელმაც უნდა რომში მიგვიყვანოს. ეს რომი ჩვენი მომავალია და თუ რომში მიმავალი გზით არ წავედით, სწორე გზით, რომს ავსცდებით. სწორე გზა აწმყოა. ვინც აწმყოს კეთილსინდისიერად ემსახურება, იგი დიდებულს მომავალსა ჰქმნის... მომავალიც იმისია, ვინც აწმყოს მიზანშეწონილად ემსახურება“<sup>40</sup>.

ეს პასუხი მგოსნისა იპ. ვართაგავასადმი, ყოველ ექვს გარეშე, გულწრფელია, სწორია, სამართლიანია, მისი მრწამსია. ვაჟა-ფშაველა, ზღაპოდ, მომავლის, ბრწყინვალე მომავლის მგოსანიცაა.

ვაჟა-ფშაველას ასეთი განწყობილება, რა თქმა უნდა, ეპოქის სოციალური ძვრებით, სოციალური რთული გადაჯგუფებით, ახალი ცხოვრების აუცილებლობითაა გამოწვეული. ახალი, სამართლიანი, ბედნიერი ცხოვრების მოახლოების აუცილებლობა მძლავრად იგრძნო მგოსანმა. მაგრამ მან, წვრილბურჯუაზიული, მერყევი, გლეხური იდეოლოგიის მატარებელმა, ვერ შეძლო ძველი ცხოვრების ჯებირის გარღვევა, ძველის სრულიად დატოვება. ვაჟა-ფშაველაც თავის გმირებსავით გულდასერილი, დაუკმაყოფილებელი, მძიმე ტკივილებით ტრიალებდა ძველსა და ახალს, მთასა და ბარს შორის. ვაჟა-ფშაველა რალაც მითიურ დევსავით ერთის თვალთ მძლავრად იყურება ძველი, პირქუში მთისაკენ, თავისი უცნაური მხატვრული შემოქმედებით მკითხველში მისადმი თანაგრძნობას იწვევს; ხოლო, მეორე თვალთ, — ახალი, მაღალი ჰუმანური ურთიერთობის, მომავალი ბრწყინვალე ქვეყნისაკენ გაშმაგებით იყურება — ძველს ანგრევს, ახალი სამართლიანი ცხოვრების საწყისებს ეძებს და მათ დანერგვას ლამობს.

ვაჟა-ფშაველას შემოქმედება ფაროო მკითხველებშიც ადამიანისა და სიცოცხლისადმი სიყვარულის, ცხოვრების პირობების გაჯანსაღებისა

<sup>40</sup> ვ ა ჯ ა-ფ შ ა ვ ე ლ ა. კრიტიკა ბ. იპ. ვართაგავასი, თხზ. ტ. III, გვ. 458.

და განახლებისადმი ცხოველ მიმზიდველობას ანთებს. ამითაა ვაჟა-ფშაველა ჩვენთან ახლო. ამაშია მისი და მისი შემოქმედების ისტორიული მნიშვნელობა. ამ გაგებაზე აქვს მგოსანს პიროვნებასა და თემს შორის წინააღმდეგობა — კონფლიქტი გაშლილი. ამავე გაგებაზეა გაშლილი ვაჟა-ფშაველას ნაწარმოებები, რომლებიც ჩვენი სოფლისა და საერთო ცხოვრების მოუწესრიგებლობის ცოცხალ და უტყუარ სურათს გვიხატავენ, რის გარკვევასაც შემდეგ თავებში შევეცდებით.

## თ ა ვ ი VI

### ვაჟა-ფშაველას თანამედროვე სოფელი და მისი მოსახლეობა

ვაჟა-ფშაველა სოფლის, ხალხის ღვიძლი შვილია, მის წილში და მის ჭირ-ვარამში აღზრდილი. ამით აიხსნება, რომ სოფელი და მისი მცხოვრებნი თავისი შრომით, ზრუნვით, ტანჯვითა თუ სიხარულით გამუდმებით იზიდავდნენ მწერლის ყურადღებას მთელი მოღვაწეობის მანძილზე.

მეტად ბუნებრივია და ამასთანავე დამახასიათებელი, რომ ვაჟა-ფშაველას პირველი პროზაული ნაწარმოები „სურათი ფშავლის ცხოვრებიდან“ სოფლის გაჭირვებული, უფლებააყრილი გლეხობის მდგომარეობის ამსახველია. „ჩვენსავით თავდანებებული, — მწარე გამოცდილების შედეგად ათქმევიანებს ავტორი გლეხ ბეჟანს, — ჯიანჭველაც არ არი. ყველა თავს ეშველება, მაგრამ გლეხკაცი ვერსა წავა. ყველა ქვას გვესვრის, ძირშიით დედამიწა გვაქვავებს და ზეითით ცა. მაგათ ყმანი ვართ. მე კი სუ შიშის ქვეშა ვარ, სუ რადმე მეშინიან, სუ იმას ვფიქრობ, — ვაი თუ გამითავდეს, რით გავუძლვე ან ხელმწიფეს, ან მტერს, ან მოკეთესაო. რალა ვქნა, ვინ მამცემს, რო გამათავდესო“<sup>1</sup>. ეს განცდა ბეჟანისა, უდავოდ, ტიპობრივი განცდა იყო გლეხისა ვაჟა-ფშაველას ეპოქაში. ამას მეტად მწვავედ განიცდიდა თვითონ ავტორიც და ამით აიხსნება, რომ გლეხთა უმწეო მდგომარეობის ასახვა, მისი ცხოვრების გაუმჯობესებაზე ფიქრი და ზრუნვა თავიდანვე ერთ-ერთ მწვავე და აქტიურ თემად გადაიქცა ვაჟა-ფშაველას შემოქმედებისათვის.

სოფლისა და მის მცხოვრებთა (გლეხთა) მძიმე მდგომარეობის მრავალმხრივ გარკვევა-შეფასებას მწერალი არა ერთხელ გვაძლევს თავის შემოქმედებაში. განსაკუთრებით კი 1892-1893 წლებში ვაჟა-ფშაველას დაწერილი აქვს მოთხრობათა მთელი სერია „სოფლის სუ-

<sup>1</sup> ვ ა ჯ ა - ფ შ ა ვ ე ლ ა, სურათი ფშავლის ცხოვრებიდან, თხზ., ტ. V, 1936 წ., გვ. 6-7.

რათების“ სათაურით, სადაც მწერალი, მისთვის დამახასიათებელი სიმკვეთრითა და სისწორით, გვიხატავს — სოფელს რა აწუხებს, რა სჭირდება, რა არის მიზეზი მისი ჩამორჩენილობისა. ამ ჯგუფის ნაწარმოებებში ყველაზე მეტად მოჩანს ვაჟა-ფშაველას ხალხოსნური მიმართულებით გატაცების კვალი. მაგრამ, ამასთან ერთად, ხაზგასმით უნდა აღინიშნოს, რომ სოფლის, გლეხობის ასახვა ვაჟა-ფშაველას მიერ არ არის იდეალიზირებული, როგორც ეს ხალხოსნებს სჩვეოდათ. მწერალი საკმარისი ფხიზელი თვალთ უყურებს მათ და რეალურ ფერებში გვაძლევს სოფლის ცხოვრების ნამდვილ სურათს.

ვაჟა-ფშაველას თანადროული სოფელი ახალი ცხოვრების პირობებში — ბატონყმობის გადავარდნის შემდეგ — კაპიტალიზმის განვითარების ეპოქაში მძიმე ეკონომიურსა და კულტურულ მდგომარეობაში იყო. სოფლის ნატურალური მეურნეობა, მიუხედავად მთის ეკონომიური ცენტრებიდან დაშორებისა, მაინც ემორჩილებოდა კაპიტალისტური განვითარების ძალას, გზას და კატასტროფიულად ირღვეოდა. „საზოგადოებრივ-ეკონომიური ვითარება, — გვასწავლის ვლ. ლენინი, — რომელშიც მოქცეულია თანამედროვე რუსი გლეხობა, არის სასაქონლო მეურნეობა. ცენტრალური სამიწათმოქმედო ზოლის ფარგლებშიც კი (რომელიც ამ მხრივ ყველაზე უფრო ჩამორჩენილია სამხრეთ-აღმოსავლეთ განაპირა მხარეებთან ანდა სამრეწველო გუბერნიებთან შედარებით) გლეხი საესეებით ექვემდებარება ბაზარს, რომლისგანაც ის დამოკიდებულია, როგორც თავისი პირადი მოხმარების, ისე მეურნეობის მხრით, გამოსაღებზედაც კი რომ არ ვილაპარაკოთ“<sup>2</sup>. ასევეა მთის გლეხობაც საქართველოში.

მაგრამ ცნობილია, ამ პერიოდში სოფლის ცხოვრება, განსაკუთრებით მთის სოფლისა, დიდად ჩამორჩა ქვეყნის ამოძრავებულ ცხოვრებას თავისი დრომოჭმული ტრადიციების გამო. „მიწათმოქმედება საზოგადოდ და გლეხობა განსაკუთრებით, — წერს ვლ. ლენინი, — ყველაზე მეტად განიცდიან ძველი ტრადიციების, პატრიარქალური ყოფაცხოვრების ტრადიციების ზეგავლენას და ამის გამო გარდამქმნელი მოქმედება კაპიტალიზმისა (საწარმოო ძალათა განვითარება, მთელი საზოგადოებრივი ურთიერთობის შეცვლა და სხვ.) აქ მეტისმეტად ნელა და თანდათანობით მქლავდება“<sup>3</sup>.

მიუხედავად მთის სოფლის პატრიარქალური თვისებებისა, 70—90-იანი წლებისათვის კაპიტალიზმის ძალამ ისიც საგრძნობლად დაარღვია. მის მოსახლეობაშიც შეიქმნა დამახასიათებელი დიფერენციაცია. საშუალო გლეხის ანგარიშზე იქაც გაჩნდა გლეხთა უკიდურესი ჯგუფები — სოფლის „თავი კაცები“ (სოფლის ბურჟუაზია ანუ შეძლებული

<sup>2</sup> ვ. ი. ლენინი, კაპიტალიზმის განვითარება რუსეთში, თხზ., ტ. 3, გვ. 185.

<sup>3</sup> იქვე, გვ. 186.

გლენები) და სოფლის ბოგანო (სოფლის პროლეტარიატი მოჯამაგირისა და დღიური მუშის სახით).

ვაჟა-ფშაველა თავის შემოქმედებაში გვაძლევს ცოცხალ სურათს მთის დარღვეული სოფლისა, რომელიც „შევიწროებულა, განადგურებამდელა მიყვანილი არა მარტო ეკონომიურად როგორც სოფლის ბურჟუაზიის მიერ, ისე ჩამორჩენილი, დრომოქმული პატრიარქალური ტრადიციების ზეგავლენით, არამედ, აგრეთვე, უფლებრივადაც, განსაკუთრებით უსამართლო და შეუფერებელი სახელმწიფო აპარატში მომუშავე მოხლეების მიერ, როგორცაა — მამასახლისი, გზირი, ბოქაული და სხვ.

ერთ-ერთ თავის მოთხრობაში ვაჟა-ფშაველა დაპირებისამებრ მკითხველს აუწერს სოფლის ცხოვრებას. მწერალს, როგორც თვითონ ხაზგასმით ამბობს, მხედველობაში აქვს ის სოფლები, რომლებიც ქალაქს გარს ახვევია, სადაც „სძინავს ფიქრს კაცისას ტყბილის ძილით, სადაც მყუდროებაა, სადაც აზრი მძლევრადაც არ გაიჭაჭანებს და თუნდა იგი, როგორც გაზაფხულზედ მერცხალი, შეფრინდეს საიდგანზე, უეჭველად კაკლის ფულტრო უნდა მოსძებნოს ბინად, კაცის ტერინის მაგივრად, და იქ მოიკალათოს, სადაც ცხოვრობენ ნინია-პეტრიკეები, ბერუეები, მუშაქნი მიწისა, ხელ-თოხ-ნიჩაბ-ბარიანები, მკერდოფლიანნი, გულით მართალნი, აზრით ჩამქრალნი, სწავლის მონატურნი მზა-მზარეულად და ცოდნის მოსახვეჭად ხელ-გაუნძრეველნი...“<sup>4</sup>

მეორე მოთხრობაში, ასეთივე სათაურით, ვაჟა-ფშაველა უფრო მკაცრ-მუქ ფერებში აგვიწერს ქართული სოფლის ჩვეულებრივ მძიმე და საეალალო მდგომარეობას. „ერთი საზოგადო თვისება სოფლებს ისა აქვს, რომ აქა ჰბუღობს უმეცრება, დათარეშობს ცრუმორწმუნეობის გუნდი, აქა მეფობს უზრუნველობა... უნივერსიტეტად სოფელს ქადაგ მკითხაუების ქონმახობა დაუფუძნებია, სადაც გონიერებისა და ზნეობის გაკვეთილებს მცხოვრებთ უვიცნი, უმეცარნი, და ბრიყუნი მამანი და დედანი უკითხავენ... უმთავრესი სოფლის მოთხოვნილება, ანუ უკეთ რომ ვსთქვათ, ერთადერთი, გაძლომაა. როცა ჰშიან სოფელს, მარტო მაშინ ამუშავენებს გონებას სიცოცხლის სახსრის მოსაპოვებლად, და როცა გაიძლობს კუჭს, მაშინ გონებას დააძინებს, აღარა სწადიან ფიქრი, სჯა, მოსაზრება... მოკლედ რომ ვსთქვა, მოსანათლავია ხელ-ახლად სოფლის გონება და მონათვლით კი მაშინ მოინათლება, როცა სოფელს აზრი ესტუმრება, სხვა აზრი, გარდა გაძლომისა, და ისიც ისეთ პატივისცემას მოაპოვებს, ისეთს ეხტიბარს გაიკეთებს, როგორც პირვილს აქვს გაკეთებული“...<sup>5</sup>

ცხადია, ვაჟა-ფშაველა მეტად მტკივნეულად განიცდის სოფლის ასეთს უმოქმედო, უაზრო, სათანადო შინაარსს მოკლებულ ცხოვრებას.

<sup>4</sup> ვ ა ჯ ა - ფ შ ა ვ ე ლ ა, სოფლის სურათები, თხზ., ტ. V, 1936 წ., გვ. 222.

<sup>5</sup> ი ქ ვ ე, გვ. 197.

ვაჟა-ფშაველა ფხიზლად სინჯავს სოფლის მდგომარეობას და როგორც მისი შეგნებული კეთილის მსურველი, თავის მოთხრობებში არა ერთგზის მეტად დამაჯერებლად, რეალურ ფერებში გვაძლევს სოფლის ცხოვრებისა და მდგომარეობის სავალალო მდგომარეობას.

ერთ-ერთი ასეთი მიზეზი სოფლის უნუგეშო მდგომარეობისა, მისი გაწროკებისა და გაჩანაგებისა, მწერლის გაგებითა და ჩვენებით, არის სოფლის ჩამორჩენილობა, უცოდინარობა, მისი სიჭიუტე დაიცვას დროისათვის უკვე შეუფერებელი ჩვეულებანი; მწერლის მოხდენილი ჩვენებით, ეს ჩვეულებები სოფლის გაუნათლებელ მოსახლეობის გონებას კოშმარივით აწვება და მძიმედ ბოჭავს.

სოფლის ცხოვრების სინამდვილით აღშფოთებული ვაჟა-ფშაველა ასე გვიხანიათებს მას: „ერთი ნაკლი სოფლისა ის არის, რომ იუმცა ექვს შეიტანს ზოგს საქმეში, მაგრამ ამ ექვს თავს ვერ მოაბამს, ვერ შეიგნებს, ვერ დარწმუნდება“<sup>6</sup>. ამის დასამტკიცებლად მწერალი აღნიშნავს მეტად გავრცელებულსა და დამახასიათებელ მოვლენას სოფლის ცხოვრებიდან, ხოლო მკითხველისათვისაც დამაჯერებლად: „სოფელს — გადმოგვცემს მწერალი, — ეჭვი აქვს, მკითხავი ალაღბედზე მკითხაობს და წინასწარმეტყველობს, რადგან ხშირად თავის თავისა, მის თავზე მომავლის უბედურებისა არა გაუგია-რაო. მაგრამ, როცა გაუჭირდება, ისევ მკითხავთან გარბის...“<sup>7</sup>

ამისა და ამგვარი ბევრი სხვა უარყოფითი მოვლენის მთავარი მიზეზი, მწერლის გაგებით, შემდეგია: „დღეს სოფელს რომ სანთელი სინათლისა, სწავლისა თვალებთან მიუტანო, თვალებზე ხელს იფარებს: ნათელი არ დავინახოვო. ნუთუ ეს უარესი აჯამობა არ არის? ნუთუ აჯამობა არ არის, ხატი და ღმერთი გაცვეთილ, ღლეტურა პოლიციელად რომ მიაჩნია?.. ნუთუ ამგვარი შეხედულობის მიზეზი იგივე აჯამობა და უცოდინარობა არ არის?!. — არა, სოფელს თუმცა ჭკვიანობაზე თავი მოაქვს... დღეს რომ იმას ბევრი ნაკლი აქვს, ეს თვითონაც კარგად იცის, თვითონაც აღიარებს“<sup>8</sup>, — ნაღვლიანად ასკვნის მწერალი.

ვაჟა-ფშაველა ამ სერიის მოთხრობებში („სოფლის სურათები“) სოფლის მდგომარეობას გვიხატავს როგორც მკვლევარი-სოციოლოგი, რაც ასე დამახასიათებელი იყო ხალხოსანი მწერლებისათვისაც. ის ამ მოთხრობებში გვევლინება როგორც სოფლის გულშემატკივარი, სოფლის „მოკეთე“, სოფლის უკეთესი მდგომარეობის მოპოვების მისწრაფებით აღსავსე, დატყვევებული. ამით აიხსნება, რომ ვაჟა-ფშაველა თავისი პრაქტიკული მოღვაწეობითაც, დაწყებული 1882 წ. უფლისციხეში ხალხოსანთა არალეგალურ კონფერენციაზე გამოსვლით და 1905

<sup>6</sup> ვ ა ჯ ა - ფ შ ა ვ ე ლ ა , სოფლის სურათები, თხზ., ტ. V, გვ. 232.

<sup>7</sup> ი ქ ვ ე ,

<sup>8</sup> ი ქ ვ ე .



წლის რევოლუციისა და შემდეგი ხანის ჩათვლით, გლახთა მოძრაობის აქტიური მონაწილე იყო<sup>9</sup>. ამითვე აიხსნება, რომ ვაჟა-ფშაველა სოფლის უარყოფითი ცხოვრების სხვადასხვა მიზეზებს დაუფარავად და გამახვილებულად გვიჩვენებს.

მწერლის ნიჭიერი ჩვენებით, სოფელი, გარდა უვიცობისა და ჩამორჩენილობისა, შევიწროებულია ეკონომიურადაც. მწერალი მშვენიერად გვიხატავს როგორ თანდათან ღარიბდება სოფლის მოსახლეობის უმრავლესობა. კაპიტალიზმის თანდათანობით განვითარებასთან დაკავშირებით დაირღვა სოფლის ნატურალური ჩამორჩენილი მეურნეობა. გლახობაში თავი იჩინა სოციალურმა დიფერენციაციამ. ვაჟა-ფშაველა კარგად ამჩნევს, რომ გლახობაში გაჩნდნენ მდიდარი (თანამედროვე ტერმინოლოგიით რომ ვთქვათ — ბობოლა), საშუალო შეძლებისა და ღარიბ-ღატაკი გლახები, რომელთაც, გარდა თავისი ჯანისა და ხელ ფეხისა, აღარაფერი აქვთ. უკანასკნელნი იძულებული არიან დაუდგნენ მოჯამაგირედ მდიდარ გლახს, იქნენ მისი მძიმე ექსპლოატაციის საგნად.

სოფლის ასეთი მდგომარეობა ვაჟა-ფშაველას მშვენიერად აქვს მოცემული თავის მოთხრობაში „პატარა მწყემსის ფიქრები“. აი როგორი გულისტკივილით ალაპარაკებს მწერალი პატარა მწყემს-მოჯამაგირეს: „ბეჩაობით გაზრდილი ვარ, ძმისავ. მას აქეთ, რაც ფეხზე სიარული შევიძელ, სულ სხვის შვილად (მოჯამაგირედ. — მ. ზ.) ვარ. შვილის წლისა მამაჩემმა დიდყურაანთ დამიყენა მოჯამაგირედ და ამ ხუთის წლის განმავლობაში მამაჩემი ჩემის ჯამაგირით იხდის მახტას<sup>10</sup>. წლისა და წლის თავზე მოდის ხოლმე ჩემის ჯამაგირის ასაღებად. მე კი ერთი ფრჩხილის საკვეთი დანაც არ მიყიდა. ჰე, ნეტავი მშობლები ცოცხლები მყვანდენ და რა ვუყოთ!..“<sup>11</sup>

ასეთია ჩვეულებრივი ტანჯვის ფიქრები სოფლის ღარიბი მოსახლეობისა. ასეთია ყველაფერს დანატრებული ჯან-ღონით, სიცოცხლის დაუშრეტელი წყურვილით აღსავსე, მაგრამ ქონებრივად ნიღბგამოცლილი ღარიბი გლახი.

ვაჟა-ფშაველა მწვავედ განიცდის სოფლის მოსახლეობის უმრავლესობის ასეთი ცხოვრების ჯოჯოხეთურ პირობებს და მკითხველსაც რომ გადასდოს თავისი განწყობილება-თანაგრძნობა გლახობის ამ ფენისადმი, პატარა მწყემსის — დიდყურაანთ მოჯამაგირის ცხოვრების სურათს ასე გადაამლის: „ამ ხუთს წელიწადში, — განაგრძობს პატარა მწყემსი-მოჯამაგირე თავისი ცხოვრების ოდისეას, — ერთხელ ძლივს-

<sup>9</sup> იხ. თავი „ვაჟა-ფშაველა და 1905 წლის რევოლუცია“.

<sup>10</sup> კომლზე წლიური გადასახადი.

<sup>11</sup> ვ ა ჯ ა - ფ შ ა ვ ე ლ ა , პატარა მწყემსის ფიქრები, თხზ., ტ. V, 1936 წ.,

ძლიოზით დამითხოვეს დიდყურაანთ შინა. დედას ჩემი დანახვა ძლიერ გაეხარდა, დიდხანა მკოცნა: „ენაცვალოს დედა ჩემს ბეჩავსაო“, — იტყოდა ხოლმე რამდენჯერაც მაკოცებდა... ყველაფერი დაწვრილებით გამომკითხა: — „როგორ გექცევინ დიდყურაანიო, ხომ არ გცემენ, ან ხომ არ გამშვევენ? დიდიხანია, შვილო, რაც ეს ტყავანი გაცვიანო?“ ბარემლაც დიდყურაანი ცუდად მექცევინ, მაგრამ იმათზე ცუდს როგორ ვეტყვოდი დედას. როდესაც დედამ ჩემი ტანისამოსი ნახა, დაგლეჯილი ტყავ-ნაბადი, დაუწყო ჩხუბი მამაჩემს: „შე დამეხილო, რაზე ჩაუგდე სხვათ ეს ბალლი ხელში, რად აკვლევინებ ქვეყანასაო?!“ — ამბობდა რა ამას, თან თხილის სიმსხო ცრემლები ჩამოსდიოდა თვალებიდან და კალთა ევსებოდა. მეც დამენანა, შამებრალა თავისი თავი და ტირილი დავიწყე... რადა ვყუვარ, მიკვირს, მამას სხვის შვილად? დიდყურაანი ერთხელ არ გამგზავნიან ქორწილში, არც ხატში... შენი ქორწილი ცხვარიაო, მეტყვიან. მომაგონდება წითელკაბიანი ქალების თამაშობა, ჩემი სწორების ლხინი, სიმღერა და გული მომიკვდება...“<sup>12</sup> სურათი უტყუარია, გლახთა ყოველდღიური ცხოვრების სინამდვილიდან აღებული.

ასე აბეჩავენს, ასე ავიწროებს, ყველაფერს აკლებს და ანატრულებს სიღარიბე სიცოცხლის წყურვილით აღსავსე გლახს.

მაგრამ, მწერლის დაკვირვებით, სოფელი თავს ვერ აღწევს ამ საშინელ პირობებს, ის ქედმობრილი ეწევა ცხოვრების მძიმე უღელს. ვაჟა-ფშაველა სევდიანად შენიშნავს და მკითხველსაც ნიჭიერად აჩვენებს, რომ სოფელი თავისი უვიცობისა, ჩამორჩენილობისა და სიჭიჭისა გამო ვერ ერკვევა ვინაა მისი მეგობარი და ვინ მტერი, რაა მისთვის საზიანო და რა სასარგებლო, არ შეუძლია ავი და კარგი ღირსეულად შეაფასოს და ეს იმიტომ, რომ, გარდა ზემოაღნიშნული ნაკლისა, სოფელს არა აქვს ერთი პირი, ვერ აფასებს თავის ძალას. ყველა ეს, ვაჟა-ფშაველას გაგებით, სოფელს ასწავლებს, აცნინებს. ამ სწავლებას, მწერლის რწმენით, ცოდნა მოაშორებს, ცოდნა განკურნავს. სოფელი კი განურჩევლობას, გულგრილობას, დაუდევრობას იჩენს სწავლისადმი, ცოდნის მიღებისადმი.

სოფელი მწერლის სწორი შეფასებით, — „ჰფიქრობს რაღაცას, სიზმრებსაც კარგს ჰხედავს, მაგრამ გამორკვევით კი ვერაფერს გეტყვით, ბურანშია ჯერ და იმიტომ“<sup>13</sup>.

ასეთს შეფასებას აძლევს ვაჟა-ფშაველა ჩვენ სოფელს 1891 წელსაც კი, მაგრამ მწერალი აქ არა ჩერდება. მას უნდა მკითხველს და განსაკუთრებით თვით მკითხველ ღარიბ გლახობასაც დაანახოს, როგორც მიზეზები, ისე შედეგები სოფლის ასეთი მდგომარეობისა. მთელ რიგ

<sup>12</sup> ვაჟა-ფშაველა, სოფლის სურათები, თხზ., ტ. V, გვ. 27—28.

<sup>13</sup> იქვე, გვ. 214.

მოთხრობებში, რომელთაც ნარკვევების ხასიათი აქვთ, მწერალი სოფლის ცოცხალ რეალურ სურათს ხატავს, შევიწროებულთა და შემაჯიწროებელთა ცოცხალსა და მდიდარ გალერეას იძლევა.

სოფელი, მწერლის ჩვენებით, ადვილად ხდება ასპარეზად გაყვლეფისა, ჩაგვრისა და აღვირახსნილ თარეშისა სხვადასხვა თანამდებობის პირებისა — მამასახლისისა, გზირისა, „ნაჩაღნიკისა“, „პრისტავისა“, „ურიაღნიკისა“, მედუქნისა, კნიაზ ფშატაძისა და სხვათა.

ვაჟა-ფშაველა ცოცხალ და შეუფერავ სურათს იძლევა გლეხისას, რომელსაც ყოველი მხრიდან მისევია სოფლის წურბელა — იქნება ეს მისი მოძმე გლეხი, თუ მოსული მოხელე: „როდესაც სოფელს გავიხსენებ, — სევდიანად გადმოგვცემს მწერალი, — მაშინვე თვალწინ წარმომიდგება ტყე, მინდვრები, მდინარე, მთები, მიწური და ჩალური გაბეჩავებული ქოხები და გაჭიმული გუთანნი, ცელი და ნამგალი, მკითხავი და ქადაგი, მღვდელ-დიაკვანი, მნათე და გონების სიჩლუნგე, ქულ-მომრუდებული მკადაზნაურა, სუდია-მამასახლისი, იღლიაში ჯოხ-ამოჩრილი გზირი... უნებლიედ მომაგონდება „კანცელია“, ცხრაგან ჩამონგრეული, და დუქანი. რომელშიც მეტად ავი სუნი ტრიალებს. დიად, დუქანი მისი განათლებულის დახლიდრითურთ, რომელიც „სოლოხო!“ ეუბნება გლეხებს და ლოქოსავით პირი დაუღია ყველას და ყველაფრის ჩასაყლაპავად. დუქანი სოფლის „კანცელიის“ განყოფილებათა, განსამართლებათა იქიდან იწყება ხოლმე და თვით სამართალიც ღვინის რუმბში ჩაუწყვედევით სოფლის მოხელეებსა. საბრალო სამართალი რუმბში ზის მობუზული და თვალთაგან ცრემლი ჩამოსდის დაჰალუპით“<sup>14</sup>. უდავოდ ჩვენი წარსულის სოფლის ცოცხალი სურათია!

სწორედ ამ „კანცელიას“ გადაუქცევია სოფელი „ტანჯვის ბუდედ“. „კანცელიას“, რომლის თანამდებობის პირები — მამასახლისი, გზირი, სოფლის მწერალი ხშირად თვით სოფლის მიერ იყენენ ხოლმე არჩეულნი, გუშინდელი მოძმე, გუშინ რომ ერთს ტყავში იყვნენ, თანამდებობის პირი რომ ხდებოდა, ჩვეულებრივ, უმალ იცვლებოდა, სუქდებოდა, განცხრომას ეძლეოდა, დიდკაცად ხდებოდა, სოფლის წურბელად გადაიქცეოდა ხოლმე.

ვაჟა-ფშაველა ნიჭიერად და დამაჯერებლად გვიხატავს, რა გზით ხდება გლეხობაში დიფერენციაცია, როგორ გამოეყოფა გლეხობის მასას მისივე მოძმე და გადაიქცევა მის მყვლეფავად, ე. ი. როგორ იქმნება გლეხობაში კულაკი, სოფლის ბურჟუა და აქმნება მასში სამკვდროსასიცოცხლო წინააღმდეგობა.

სოფლის ასეთი მდგომარეობა ალელვებდა და აშფოთებდა ვაჟა-ფშაველას მთელი ცხოვრების მანძილზე როგორც მასწავლებლობის დროს (დიდ-თონეთში და ერწო-თიანეთში), ისე საბოლოოდ მთაში და-

<sup>14</sup> ვ ა ჟ ა - ფ შ ა ვ ე ლ ა , ჩვენი სოფელი, თხზ., ტ. V, 1936 წ., გვ. 77.

ბინავეების შემდეგაც. პოეტს არა ერთხელ ჰქონდა გლეხობის მტრებთან, ექსპლოატატორებთან მწვავე შეტაკება. პოეტს ხშირად ცხოვრებისათვის აუცილებელი მატერიალური მდგომარეობის დაკარგვაც კი არ აჩერებდა და არც სოფლის მტერ-მოხელეებთან ბრძოლას ანელუბინებდა.

ვაჟა-ფშაველა სოფლის „კანცელიისა“ და მისი მოხელეების მოღვაწეობაზე ასე მოგვითხრობს: „ზამთარი რა-კი დადგა, „კანცელიამაც“ გაიღვიძა; თუ ზაფხულში კვირაში ერთხელ, და ისიც რის ვაივავლახით, შესდგება ყრილობა, ეხლა სამჯერ შესდგება ხოლმე. იმართება ყაყანი, ისმის მამასახლისის ძახილი; „დაამწყვდიეთ ეგ ასეთ-ისეთიო“. მამასახლისი მაშინათვე, რამ წამს ამ ხელობას ჩაიბარებს, ისწავლის ხოლმე ამ ვითომ დიდკაცობის სანიშნავ სიტყვა-პასუხს. უფროსი იმას ამ გინებით მოიხსენიებს ხოლმე, მაშასადამე იმასაც ნება აქვს, თავისზე უმცროსი ამგვარისავე გინებით მოიხსენიოს! უხდება კიდევ, სხვას რომ ლანძღავს მამასახლისი“<sup>15</sup>, — გესლიანად ამთავრებს ვაჟა-ფშაველა ამ სურათის აღწერას.

მოხელეების მგლური ჩვევები სოფლის მიმართ, სიმართლით გაკრიტიკებული, არა ერთხელ აქვს დახატული ვაჟა-ფშაველას თავის მოთხრობებში.

ცნობილია, სოფლის მამასახლისი, როგორც უშუალო მმართველი და მბრძანებელი სოფლისა, როგორ ითბობდა ხელს სოფლის დაბეჩავებული მდგომარეობით. „ეხლანდელი მამასახლისი, — აღელვებული გადმოგვცემს მწერალი, — რომ ამ ორი თვის წინათ, ე. ი. სანამ მამასახლისად დააყენებდნენ, გენახათ, შეგეცოდებოდათ, რადგან დონკიხოტის ცხენივით გამხდარი და გაბეჩავებული იყო. ეხლა რომ ნახოთ, გაჰკვირდებით: ფაშვი გაუსუქებია, ლაბაბი დაჰსახვია ნიკაპის ძირში, თვალებზედ ქონი და სიწითლე გადაჰკვრია“<sup>16</sup>. ვაჟა-ფშაველა სინამდვილის კარგი ცოდნით მრავალგზის გვიჩვენებს, გადიდკაცების გარემოება-შესაძლებლობა როგორ ადვილად აცვლევიანებს გლეხს შეგნებასაც და ქცევასაც (შესაძლებელია იმიტომაც, რომ ის გამუდმებული ჩავკრის გამო მოწყურებულია დამოუკიდებელ ცხოვრებას).

სოფელს, მწერლის ჩვენებით, მამასახლისი მრავალმხრივ არ მოსწონს: ჭერ ერთი, იმიტომ, რომ მანამ მამასახლისად ამოირჩევდნენ, კეკიანი, „ცხვარივით ბიჭი“ იყო, და სოფელმაც ის ამისთვის ამოირჩია. „როდესაც ამოირჩიეს და ჯაჭვი დაჰკიდეს ყელზე, მაშინ კი სრულიად გამოიცვალა: შედგა მალაქუსლიან „აპოიკის“ ჩექმებზე, დიაკერა ბუზმენტები ჩოხა-ახალუხზე, დაუჭერია ხელში მათრახი და, ვინც ქუდს არ მოუხდის, როგორც ყვინს, სალამს არ მიართმევს, გადუხტება და

<sup>15</sup> ვ ა ჯ ა - ფ შ ა ვ ე ლ ა, სურათები სოფლის ცხოვრებიდან, თხზ., ტ. V, გვ. 39.

<sup>16</sup> ი ქ ვ ე.

მათრახით „აპკრელებს“. უსწაველია რუსულად ლანძღვა. დაავიწყდა დღეს, გუშინ ვინ იყო და ხვალ ვინ იქნება“<sup>17</sup>.

მწერალს სურს სოფლის ამ მართველის სახე სისრულით დაანახვოს მკითხველს, ზემოაღნიშნულით არა კმაყოფილდება და აგრძელებს თავის გარკვევას, კიდევ რად არ მოსწონს სოფელს მამასახლისი: „იმიტომ, — აღელვებული განაგრძობს მწერალი, — რომ სოფლის ფულებსა სკამს და, როცა სოფელი უჩივის, მაშინ მეუფროსეს შემწეობასა სთხოვს. გამარჯვებული რომ დაბრუნდება, მამლაყინწასავით გაბეროლი წაუდგება სოფელს და შესძახებს: „ჰაი, თქვე „ბუნტოჩიკებო“, ჰაი, თქვე „მაშენიკებო“, ჰაი, თქვე „რაზბონიკებო“, დამაცადეთ, მე გიჩვენებთ თქვენ სეირს! თუ ჩემი ნაჩაღნიკი ცოცხალი მეყოლება, გაგიხაროიან, მე თქვენ ზურგზე ბოლი აგადინოთ-ყე...“<sup>18</sup>

მწერლის სამართლიანი დახასიათებით, მამასახლისი უპირო კაცია, მხოლოდ თავის ჯიბეზე და მუცელზე ფიქრობს. ადვილად და იაფად გადაუდგება და გაპყიდის სოფელს.

მამასახლისის ანგარებიანი, მგლური ხასიათის გამოაშკარავებაში ვაჟა-ფშაველა ამით არა კმაყოფილდება. მწერალი კარგადა გრძნობს, რომ მთლიანად სახელმწიფოებრივი აპარატია ასე უსამართლოდ და უმსგავსად მოწყობილი. მამასახლისი მარტო არ არის გლეხკაცის ზურგზე თარეშში. მამასახლისის ზურგს უმაგრებენ მასზე მალლა მდგომნი, ბრიყვნი და ანგარებიანი თანამედებობის პირნი.

ვაჟა-ფშაველა მოხდენილად სარგებლობს თავისი შემოქმედებით, რომ მამასახლისის ამგვარი საქციელის ნამდვილი მიზეზებიც გამოაშკარაოს. „მაინც და მაინც რას აკეთებს მამასახლისი? — კითხულობს მწერალი და თვითონვე, როგორც ეს მისი მხატვრული სტილისათვისაა დამახასიათებელი, იძლევა პასუხს, — იგი ასრულებს მაზრის უფროსის და ბოქაულის ბრძანებას, სოფელს აწიოკებს, საღ „სწრაფს“ ახდევინებს, რის გამოც გააქვთ გირაოდ გატანილს ქვაბებს, წალღუნებს, ნაჯახებს და სხვ. საბრალო ჩხარა-ჩხური, — აზიდვინებს გზირს დუქანში დასაგირაველად, — თითონაც უკან მისდევს, — მიღის და თანაც მისდევს სოფლის წყევლა და გინება“<sup>19</sup>.

სოფლის მოუწყობელი ცხოვრებით აღშფოთებული მწერალიც თავის უღრმეს გულისწყრომას უერთებს სოფლის ამ წყევლა-გინებას.

აღელვებული მწერლის გამახვილებული თვალი და ყური გულმოდგინებითა და თანაგრძნობით ჩაჰკირკიტებს სოფლის გაპირვებულ ცხოვრებას. სოფლის მცოდნე მწერალი კარგად ხედავს, რომ მარტო მამასახლისი არ არის სოფლის ზურგზე ხორცმეტი, მარტო მამასახლი-

<sup>17</sup> ვ ა ჯ ა - ფ შ ა ვ ე ლ ა, სოფლის სურათები, თბზ., ტ. V, გვ. 203—204.

<sup>18</sup> ი ქ ვ ე. გვ. 204.

<sup>19</sup> ი ქ ვ ე. გვ. 300.

სი არ ისქელებს მუცელსა, კისერსა და ჯიბეს უპატრონო, უუფლებო სოფლის ანგარიშზე; სხვაც ბევრი ჰყავს სოფელს გასაძღომ-გამოსაკვები. თუნდაც სოფლის მოსამართლე მწერლით და სოფლის კანცელარია მთელი თავისი შემადგენლობით.

აი როგორი ცოცხალი ხაზებით ავსებს სოფლის სურათს სოფლის ბედით გამწარებული და ბოღმამორეული მწერალი: „სოფლის „სუდიებს“, ცოტა არ არის, ჰმურთ მამასახლისისათვის კეთილი ცხოვრება, მაგრამ თავის თავმოყვარეობას სხვა გზით ასიამოვნებენ ისინიცა“<sup>20</sup>. მწერლის ნიჭიერი ჩვენებით, ამათაც უნდათ სოფელს თავისი ძალა აჩვენონ, ეჯიბრებიან მამასახლისს უფლებებში, სოფლის დაჩაგვრაში, გლეხაკის დამწყვედევაში, მის დარბევაში. ეს შეჯიბრი ჩვეულებრივ, რასაკვირველია, თავდება გლეხის ზედმეტად შევიწროებით, „შუკეთესად“ გაყვლეფით.

მოსამართლეთა უსამართლო მოღვაწეობით აღშფოთებული ვაჟაფშაველა, სინამდვილის კარგი მცოდნე, დაუნდობლად ჰგლეჯს მათ ნიღაბს, აშიშვლებს მათ სახესა და ბუნებას, და ამ გზით, რა თქმა უნდა, დაუნდობლად ჰკიცხავს, ძირს უთხრის იმ სახელმწიფოებრივ წყობას, რომელიც არამც თუ ითმენს ასეთს მოვლენებს, არამედ ხალხის საზიანოდ ხელს უწყობს, ამტკიცებს.

მოვუსმინოთ თვით ვაჟა-ფშაველას: „მკითხველმა უნდა იცოდეს, რომ „კანცელიობა“ მუდამ კვირა-უქმე დღეს არის... დაბარებულია „პოვესკით“ მოჩივარი და მოპასუხე. „სუდიანი“ მაღლაყინწებივით „კანცელიის“ სტოლს უსხედან გარშემო და უცდიან... რას უცდიან, ის უნდა იცოდეთ, და!.. ვიდრე „ლაზბორი“ დაიწყება, ესენი „ზაქუშკას“ მოელიან, რომელიც თავის თავად უნდა სადილად იქცეს და ბოლოს სამხრად „შეიწნას“ უსათუოდ. ეს ორთავე მხარემ უწყის და ერთმანეთის „მემჯობიას“ მოარბენინებენ სასმელს და საჭმელს, რომელიც მეტს შნოსა და უნარს გამოიჩენს ამ დროს, ღმერთიც და სამართალიც იმისკენ არის. ასე რომ „კანცელია“ ერთსა და იმავე დროს სასამართლოც არის და სამიკიტნოც, სალაყბოც, სამზარეულოც და სხვ. დასხვ. (მოხდება ხოლმე, რომ მწვადებიც იქვე შიშხინობენ ბუხარში). მამასახლისიც მოიზიდება, სასმელ-საჭმელის სუნს რომ გააგებს... თუ თავგზიანი მამასახლისია, ისიც გაიკრავს რასმე მშვიდობიანად, თუ არა და უნდა გაჩუმდეს და ჩამი-ჩუმად იმაზე დაიწყოს „კლეუნობა“, ვინც ლუქმას ართმევს და ნადავლს არ უყოფს შუაზე ძმურად. სიმართლით რომ ვსთქვათ, არც-კი დაიკლებს რასმე... არც არას გზირი იკლებს, ისიც მონაწილეა სამართლიანობისა. გაიმართება ერთი ყივყივი და ყაყანი. პატრონი ძაღლს ვეღარა სცნობს, ძაღლი — პატრონს. სდგას „შტოლზე“ ჩამწკრივებული „ბოთლიკები“ და იქვე „კნილაა“ გამლილი და

<sup>20</sup> ვ ა ჟ ა - ფ შ ა ვ ე ლ ა , სურათები, თხზ., ტ. V, ვვ. 39.

„პისერი“ სწერს გარდაწყვეტილებას. თითონ სუდიებმა არც-კი იციან, დღეს რომ კითხოთ, გუშინ რა გადასწყვეტეს: ვინ გააპართლეს, ვინ გაამტყუნეს — ეს „პისერს“ უნდა ეკითხოს, რადგან წერა-კითხვა იმან იცის და განჩინებასაც, როცა სუდიებს ის მსხვილ-მსხვილი გოგორები უფრო დაუმსხვილდებოდათ და ვეღარ ერევიან, — განაჩენს ის ადვენს, ხან ერთს მხარეს უშვრება თვალს, ხან მეორეს. სუდიანიც ამასვე სჩადიან, რა თქმა უნდა. მომჩივან-მოპასუხებთაც არა სძინავთ, ისინიც თვალს ამუშავებენ ხან ერთის, ხან მეორეს მიმართ. თანა სმენ, თანა ბჭობენ, თანაც ილანძლებიან. ახლა სუდიანი ერთმანერთსაც ეჯიბრებიან, ახლა მამასახლისიც იმათ კბილსა სცემს, „იურისდიქცია“ მე უნდა მეკუთვნოდესო, — უწყის იმანაც, რომ ეს სახეირო საქმეა. სუდიანი არ უთმობენ ჯერ ერთმანერთს, მერე მამასახლისს. ამასობაში დაიბრუყებიან, დაიბრუყებიან და დაერევიან ერთმანეთს, ჰა, დაკა, დაკა, ბიჭო!...“<sup>21</sup>

აი ცოცხალი და უტყუარი, შეუფერავი სურათი სოფლის მმართველთა „სამართლიანი“ მოღვაწეობისა, მათ მიერ სიმართლისა და წესიერების დაცვისა და განმტკიცებისა!.. გრძნობს სოფელიც მოსამართლეთა და ყველა მოხელეთა უმსგავსობას, აღელვებულთა, უილაჯო ნატრობს ეს სეირი „ღუბერნატორს“ თავისი თვალთ ენახა. უკმაყოფილების ხმა აქეთ-იქიდან სოფელში ხშირად ისმის. მაგრამ სოფელი ექვსა და შიშშია, მწერლის მკვეთრი ჩვენებით, გაურკვეველია, უილაჯოა, რადგანაც ისეა მოწყობილი, რომ უკმაყოფილების მთქმელი „დააყენე სოფლის სუდიად და ის უარესობას ჩაიდენს“<sup>22</sup>.

ასეა სოფლის ცხოვრება მოწყობილი და სოფლის მოხელეების სულისკვეთებაც ასეა მიმართული: დეე „ჭკუას ნუ ისწავლის სოფელიო, ბრიყვად დარჩესო, რომ უფრო ადვილად მოვატყუოთ, ტყავი ადვილად გადაძროთ. მგელსა და ქურდს ბნელი ღამე უყვარს“<sup>23</sup>, — დაასკვნის სოფლის ცხოვრების მოუწყობლობით გულდასერილი ვაჟა-ფშაველა, კრიტიკული რეალიზმის ერთ-ერთი ნიჭიერი გამომხატველი ქართულ ლიტერატურაში.

ასეთმა პირობებმა წარმოშვეს ბაგრატ ზახარჩი („ბაგრატ ზახარჩის სიკვდილი“) და მისთანა მოხელეები, რომელთაც ოცინა და მეტი წლის მანძილზე უფროსისათვის, მხოლოდ იმიტომ რომ ის უფროსი იყო, სიტყვა არ შეუბრუნებიათ, პირდაპირ ცქერასაც კი ვერ უბედავდნენ, სამაგიეროდ მხოლოდ ამ „დამსახურებისათვის“ სამსახურში წინ წაიწიეს, მთავრობისაგან დაფასება მიიღეს. აი ვაჟა-ფშაველას დროში ცხოვრებისა და დაწინაურების ერთადერთი გზა, რაც მწერლისათვის მიუღებელია, ხალხისა და ცხოვრებისათვის დამლუპველი.

<sup>21</sup> ვ ა ე ა - ფ შ ა ვ ე ლ ა, სოფლის სურათები, თხზ., ტ. V, გვ. 298—299.

<sup>22</sup> ი ქ ვ ე გვ. 210.

<sup>23</sup> ვ ა ე ა - ფ შ ა ვ ე ლ ა, ავტობიოგრაფია „ურიადნიცის“, თხზ., ტ. V, 1936 წ., გვ. 140.

სოფლის ცხოვრების ასეთივე პირობები ქმნიდა ბიჭიელა გაფრინდიას („ავტობიოგრაფია „ურიადნიკისა“) და მისთანეებს, რომელნიც უფროსებისათვის საჭირო და სასარგებლო იარაღად იყვნენ გადაქცეულნი.

მეტად დამახასიათებელია ბიჭიელა გაფრინდიას თავმომწონე აღიარება, როგორი გულმოდგინებით ასრულებდა ის უფროსის დავალებას: „საქმე სჭირდა სადმე, — გადმოგვცემს თავის „დამსახურების“ შესახებ ბიჭიელა, — და მაშინვე ნაჩაღნიკი მომიკითხავდა: ნუ, პაზავი ბიჭიელა გაფრინდიაო. ნელოიკა იყო სადმე ასაღები ხალხივამ, ზეკუცია, მისთანად ერთგულად შევასრულებდი, რომ ერთი ქათამიც-კი აღარ დარჩებოდა სოფელში, სულ ბღღვირს ავადენდი... მაღადეც და მაღადეც, მაღადეც ბიჭიელას! — მომაძახებდა ნაჩაღნიკი“<sup>24</sup> აი რით იქებს თავს ბიჭიელა გაფრინდია! აი როგორ აფასებს ის უფროსის „მაღადეცს“. ბიჭიელა გაფრინდია, რა თქმა უნდა, ტიპიური სახეა იმ შავ-ბნელი ცხოვრებისა, ვაჟა-ფშაველას რომ ასე აწუხებდა, სტანჯავდა. აშკარაა, მწერალი გაბედულად ხდის ნილაბს თვით სახელმწიფოში გამტკიცებულ სოფლის დარბევისა და აწიოკებისათვის მოხელეთა და გემის მიუღებელ სისტემას.

ვაჟა-ფშაველამ რომ უფრო მკვეთრად დაგვანახვოს ბიჭიელასა და მისთანების უარყოფითი სახე და მახინჯი ბუნება, ხაზს უსვამს იმ გარემობას, რომ ეს ვაჟბატონები, სოფლის ამომგდებნი, არამც თუ სრულიად არა გრძნობენ სინდისის ქენჯნას, არამედ დიდ თვითკმაყოფილებასაც განიცდიან. აი რას ამბობს, უდავოდ, თვითდაკმაყოფილების გრძნობით თავბრუდასხმული ბიჭიელა: „მარა, განა მარტო ნაჩაღნიკი მომახანოდა, ჩემი თავიც სულ მაღადეც და მაღადეცს მეუბნებოდა“<sup>25</sup>.

ასეთია სოფლის ცხოვრების პირობები. ასეთს ადამიანებს აძლევენ დარღვეული სოფელი სარბიელს.

ვაჟა-ფშაველა კარგად იცნობს სოფელს. ის მას ხატავს შეუფერავად, არ მაღავს და მუქ ფერებში იძლევა მის ბნელ მხარეებს. ამასთან ერთად მწერალი სოფელში, მის მცხოვრებ გლეხობაში კარგად ხედავს საღ ბუნებას, სიცოცხლის ჯანსაღ წყურვილს. მწერლის დაკვირვებითა და გაგებით, სოფელი ბურანშია, გამოურკვეველია, მაგრამ ხშირად არჩევს რაა და ვინაა მისთვის კარგი, სასარგებლო.

მერყევი, წვრილბურჟუაზიული ბუნება გლეხისა მკვეთრად აქვს გაგებული მწერალს, ერთი მხრით, დრომოკმულს რომ ებლაუჭება,

<sup>24</sup> ვ ა ჟ ა - ფ შ ა ვ ე ლ ა, ავტობიოგრაფია „ურიადნიკისა“, თხზ., ტ. V, გვ. 140.

<sup>25</sup> ი ქ ვ ე.



წარსულსა თუ წარმავლისაკენ რომ იყურება, მეორე მხრით, ძველი აღარ მოსწონს, ახალს, უკეთესს, სასარგებლოს ეძებს, მომავლისაკენ, უკეთესისაკენ გაშმაგებით იცქირება და ამ ორი მეზობლის სულსიკვეთებისათვის მას თავი ვერ დაუღწევია.

აი როგორ ახასიათებს სოფლის (გლეხობის) ამგვარ ბუნებასა და განწყობილებას ვაჟა-ფშაველა ერთ-ერთ თავის მოთხრობაში — „სოფლის სურათები“: „რა არის სოფელი, რასა ჰკავს სახითა და იერით?!“ — კითხულობს მწერალი. ის კარგადა გრძნობს, რომ ამ საკითხზე პასუხის გაცემა არც ისეთი ადვილია, სოფლის გარკვევით დახასიათება რთული საქმეა. ამიტომ თვითონ, როგორც ახლო მცნობი სოფლის ვითარებისა, იძლევა ამის პასუხს და, უნდა ითქვას, იმ დროისათვის (ეს მოთხრობა დაწერილია 1892 წელს) საკმარის მკვეთრ და სწორ პასუხსაც: „სოფელი თქვენთვის არ ვიცი რაა, და ჩემთვის სწორედ ზღვაა, ისეთი ზღვაა, რომელსაც რომაელთ ღმერთს იანუსსავით ორა თავი აქვს. როგორც მოგეხსენებათ, რომაელების ღმერთი იანუსი ქანდაკებული ორთავიანი იყო: ერთის თავით იცქირებოდა წარსულისაკენ დაღვრემილის, დაფიქრებულის სახით, თითქოს თვალებით ეუბნებოაო წარსულს... წადი, მშვიდობითო, მაგრამ თანაც ენანება მისი განშორებაო, მეორე სახით, მხიარულად შესცქეროდა მომავალს“.

„დიად, სოფელიც ის ორთავიანი, თუ შეიძლება ასე ვსთქვათ, იანუსიანი ზღვაა, მაგრამ განსხვავებული: როგორ? ერთის თავით თუმც ღმერთ იანუსსავით მკმუნვარედ გაჰხედავს წარსულს, ზოლო მეორე თავი, იმის მაგივრად, რომ მომავლისაკენ მოიბრუნოს, შავი მიწისკენ დაუხრია, თითქოს, იქ არის დამარხული იმისი მომავალი, თითქოს იქ უნდა ამოიკითხოს თავისი მომავალი ბედ-იღბალიო“<sup>26</sup>.

ვაჟა-ფშაველა, სოფლის გლეხობის ცხოვრების კარგი მცოდნე, აღნიშნავს, რომ სოფელს, გლეხობას უყვარს წარსული, აწმყო დროება — გარემოება აწუხებს მას. მწერალი გულისტკივილით შენიშნავს, რომ გლეხობა რატომღაც უწყურება მომავალს. ვაჟა-ფშაველამ კარგად იცის, რომ „სოფელმა თუმცა იცის ეს ნაკლი ძველისა, მაგრამ სულ იქით გაიყურება და მომავალს არ უცქერის“<sup>27</sup>.

სოფლის ასეთი განწყობილება მწერალს არ მოსწონს; ის თავის დამოკიდებულებას ამ გარემოებისადმი ასე გვიხსნის: „ამისათვის-კი (სოფელი რომ ძველისაკენ გაიყურება და მომავალს არ უცქერის. — მ. ზ.) ძალიანაც რომ დამემდუროს, ვერ ვაქებ სოფელსა, თუმცა არ შემეძლიან, ბრალი არ ავხადო: რა ქნას, არ იცის, რას მოიტანს დღევანდელი დროება შემდეგში; მომავლისაკენ მის თვალებს შუა გზაში

<sup>26</sup> ვ ა ჟ ა - ფ შ ა ვ ე ლ ა , სოფლის სურათები, თხზ., ტ. V, გვ. 222—223.

<sup>27</sup> ი ქ ვ ე , გვ. 230.

დიდი ჯანლი უწევს და უშლის ნამყო დროისაკენ ცქერას<sup>28</sup>. აქ სოფლის (გლეხთა) მერყევი წვრილბურჯუაზიული მსოფლმხედველობა აშკარადაა გამომჟღავნებული.

მწერალი მშვენივრად განიცდის და მშვენივრადვე, გარკვეულად აღნიშნავს, რომ სოფელს არც ძველი ანდერძი დარჩა ისე, რომ ექვი არ შეეტანა, მაგრამ მაინც მომავლისაკენ არ იცქირება.

ვაჟა-ფშაველა ამის ახსნას იქვე იძლევა: „იმიტომ, რომ არა აქვს პოლიტიკური იდეალი. უიდეალო ცალკე აღებული ადამიანიც ხომ ასეთიაო!“ — სამართლიანად ასკვნის მწერალი.

ვაჟა-ფშაველა კარგად გრძნობს, მან კარგად იცის, რომ სოფელი — ხალხი სალი, დიდი კინეტიკური ძალის შემცველია, დიდი შესაძლებლობის მქონეა, მაგრამ ერთი პირი არა აქვს და ეს ღუპავს მას, ეს აძლევს მის მტრებს შესაძლებლობას ყვლიფოს, კრიკოს, შეავიწროვოს, დაიმორჩილოს, დააბეჩავოს.

თავის მძლავრ კინეტიკურ ძალას სოფელი, მწერლის სწორი ჩვენებით, მხოლოდ უკიდურეს შემთხვევებში ავლენს; ამ მომენტებში მას სწამს თავისი ძალა, შესაძლებლობა და სხვასაც აჩვენებს ხოლმე.

სოფლის გლეხობის ამ თვისებას ის მხატვრულად შემდეგნაირად აგვიწერს: „ეს ზღვა როდის ჰღელავს?“ — კითხულობს პოეტი და უმაღლ თვითონვე აძლევს სწორე პასუხს, — „მაშინ, როცა სოფლის სიცოცხლე, მისი არსებობა ფათერაკში ვარდება; სოფელი მაშინ აიცქვეტს ყურებს, მაშინ დაიწყებს ტორტმანს, ფიქრს, პირველად მაშინ წამოიძახებს ძალაუნებურად: „რათა, რისთვისაო, ჩემო ძმაო?! მაშ სოფელი უნდა დაიღუპოს? ვაჰ, დედას ჩემის მტრისასა!.. აბა, სოსიკო, აბა, პეტრიკო, აბა, ნინიკო, ვიფიქროთ, ჩვენს თავს მოვუაროთ, თორემ ცუდად არის საქმე, ვიღუპებით, კაცებო!...“<sup>29</sup>

აი ასეთს მდგომარეობაში იღვიძებს, თითქოს, მთვლემავი დევი და განარისხებული თავის ხვედრს თხოულობს.

ამისთანა მომენტებში, ვაჟა-ფშაველას გადმოცემით, სოფელი თავის უკმაყოფილებას აღარა ჰფარავს. აღელვებულ ზღვასავით მზადაა წალეკოს შემზღუდავი, დამაბრკოლებელი მოვლენები. ამ დროს სოფელი, მართალია, ძველი დროების დაბრუნებას ნატრობს, მაგრამ მწერლის გარკვევით, ძველ დროს ნატრობს გარეშე ბატონებისა, „კანცელიისა“, სუღია-მამასახლისისა, გზირისა და ჩაფრისა, „ნაჩალიკისა“ და ბოქაულისა, დიამბეგისა. სოფელი, მართალია, ბურანშია, მაგრამ, მწერლის შენიშვნით, მას მაინც კაცად ის მოსწონს, ვინც იმას პატივსა სცემს, ვინც იმას არ აწუხებს, არა ძარცვავს. ვაჟა-ფშაველა სოფელში

<sup>28</sup> ვაჟა-ფშაველა, სოფლის სურათები, თხზ., ტ. V, გვ. 230—231.

<sup>29</sup> იქვე, გვ. 223.

(გლენობაში) ხედავს დიდ კინტიკურ, მეამბოხე ძალას, რასაც მხოლოდ სალი ორგანიზაცია სჭირდება.

მწერლის გადმოცემით, სოფელს მღვდელი, დიაკვანი. „ტარასტა“, ჩვეულებრივ, არ მოსწონს, რადგანაც ისინი „გაურჯულებული, მსუნაგები“ არიან, „გაკვრაზე და გამოცინცვლაზე უჭირავთ თვალი და ხატებს სანთლებსა ჰპარავენ“<sup>30</sup>.

სამაგიეროდ მათე მღვდელია დიდი სიმპატიით დახატული. იგი ქადაგებით ხალხს გონებაზე აყენებს, სოფლის ფიქრი მოძრაობაში მოჰყავს, შებრალება იცის, „ბეჩავს ჯვარს მუქთადა სწერს, კვდება და მუქთად ჰპარხავს“, ბეჩავის ობლებს იცავს, ნუგეშს სცემს; თვითონაც მუშა კაცია, „გუთანი თვითონ უჭირავს, ურმის თავზედ თვითონ უჯდება, ეზიდება თივას, ძნას თუ შეშას, ჰბარავს და სხლავს ვენახს, სთოხნის სიმინდსა, ერთ წამს არ დადგება, არ დაისვენებს... მკაში ერთიც ვერა სჯობია, ოფლში გასწურავს მუშებს, გვერდში ამომღგარი და თავზე ხელსახოცწაქრული „ჰოპუნას“ „ძახილით“<sup>31</sup>. ამასთან ერთად მათე მღვდელი „პურადია, გულუხვი“.

სოფელი მათე მღვდელში ხედავს თავის მოძმეს, სასარგებლო კაცს. მათე მღვდლის აღნიშნულ თვისებას სოფელი აფასებს, ამიტომ ის სოფელს მოსწონს და მას მისდევს კიდევც.

ვაჟა-ფშაველა აქაც თავისი ეპოქის საზოგადოების მოწინავე ნაწილის პოზიციებზე დგას. ახალი ადამიანის, ქვეყნისა და ხალხის სასარგებლო ადამიანის — მოქალაქის სახეს დიდი გულისყურით არაკვევს.

ვაჟა-ფშაველას სურს სოფლის დასაწონი და მოსაწონი პიროვნებების დახასიათება-ჩვენებით გამოაშქარაოს სოფლის, მდებრიო ხალხის ნამდვილი ბუნება, რა, ან ვინ ესაჭიროება მას, ვის სთვლის ის თავის კაცად და ვის შეუძლია გააღვიძოს, აამოძრაოს ეს „ბურანში“ მყოფი დევი. ამიტომ მწერალი ამ საკითხის ჩვენებას, მისთვის დამახასიათებელი ყურადღებითა და თანაგრძნობით აღრმავებს და აფართოებს.

მწერლის გადმოცემით, სოფელი ასეთსავე ყურადღებითა და პატივისცემით — ნღობით ეკიდება მასწავლებელსაც, მიუხედავად იმისა, რომ სკოლა სოფელს ვერ აკმაყოფილებდა და ამიტომ მასწავლებლისადმი სოფელი უკმაყოფილოდ იყო განწყობილი. სოსო მასწავლებელი, მწერლის ჩვენებითა და გადმოცემით, სოფელს მოსწონს იმიტომ, რომ ის „ხათრიანობს, ხალხის სიყვარული აქვს, ყველას ძმობით ესაუბრება, ყველას თავმდაბლად ეპყრობა. ატყობენ, რომ მასწავლებელს გული შესტკივა სოფლისათვის; თუკი რამ ღონე აქვს, სცდილობს ყვე-

<sup>30</sup> ვ ა ჟ ა - ფ შ ა ვ ე ლ ა, სოფლის სურათები, თბზ., ტ. V, გვ. 199—200.

<sup>31</sup> ი ქ ვ ე, მათე მღვდლის სახით ვაჟა-ფშაველა გვიხატავს თავის მამას პავლე რაზიკაშვილს.

ლას უშველოს, უსმელად მთერალია, საქმეზე თავდადებულია. ხალხს ესაუბრება სკოლის აშენების თაობაზე და, რომ ვერაფერი გააწყო... ერთს ფანჩატურში გამართა სკოლა და იქ ასწავლის ბაღებს... თუმცა სოფლის მხრივ ეს დაბრკოლება ჰნახა, — განაგრძობს მწერალი, — მაგრამ სოსომ მაინც თავისი არ დაიშალა და ამიტომ მოსწონს იგი სოფელს“<sup>32</sup>.

სოსოს იდეური და სასარგებლო მოღვაწეობა რომ უფრო დასაჯერებელი შექმნას, ვაჟა-ფშაველა ზემონათქვამს დაურთავს: „მე თვითონ ვნახე იმისი სკოლა, ფანჩატურში გამართული; თვით სოსო მშენებ-ტიტველია, როგორც მისი შეგირდები, მაგრამ მხნედ მყოფი, გაუტეხელად მშრომელი... მაგრამ ასწავლა, სკოლის საქმე კარგად წაიყვანა...“<sup>33</sup>.

ამისათვის და ამას გარდა კიდევ, სოფელი სოსოს ნდობით იმიტომაც ეპყრობა, რომ ის სოფელს „კარგებს ელაპარაკება“. „ჩვენ ძმანი ვართო, ძმურად ვიცხოვროთ, ძმურად ხელი მივაწოდოთ ერთმანერთს გაჭირების დროს, ერთმანერთის შებრალება გვექონდესო, ერთმანერთს ნუ დავჩაგრავთ, უსამართლოდ ნუ მოგეპყრობითო. ერთმანერთი შეიწყალეთ, რომ სოფლის საქმე კარგად წავიდეს, ერთმანერთში პირი გქონდეთ. საქმე ჯერ გასინჯეთ, ყველამ თავისი სათქმელი სთქვიეთ და რომელიც უკეთესს იტყვის, იმას დაუჯერეთ, იმის სიტყვაზე დადევითო; ნუ აიხირებთ, ნუ გეწყინებთ, ან-კი რა საწყყენია, ვინც ჭკვიანია და გონიერი, მას რომ მიჰყვეთ კვალზეო...“<sup>34</sup>

სოსოს ეს სურვილები, რა თქმა უნდა, ავტორის სურვილებია სოფლის მიმართ და ეს სურვილები ტიპიური, დამახასიათებელი იყო ეპოქის მოწინავე საზოგადოებისათვის, ვაჟა-ფშაველასათვის ხალხის, გლეხობის გაღვიძებისა და უკეთესი მომავლის მოსაპოვებლად დარაზმვისათვის რომ იღვწოდა.

ვაჟა-ფშაველა სოსოს სახით აღრმავებს მოწინავე საზოგადოების სოფლისადმი დამოკიდებულების ჩვენებას. ის მოხერხებულად აღნიშნავს, რომ ყველა ზემოაღნიშნულ სიკეთესთან ერთად სოფელს სოსო მასწავლებელი მოსწონს კიდევ იმიტომ, რომ „მისი სახლის კარი მუდამ ღიაა. ვისაც რა უნდა, ყველას შეუძლიან შევიდეს, დასაწერი ექნება — დააწერინოს უფასოდ, საკითხავი ექნება — ჰკითხოს. რასაც ამბობს, ასრულებს; შებრალებას ჰქადაგებს და თვითონაც შემბრალება. ბოქაულთან და მამასახლისთან უთანხმოება მოსდის ხალხის გულისათვის. ეუბნება: ხალხს ნუ აწუხებთ, ხალხს ნუ სცემთ... სოფელს თავმოყვარეობას, სიამაყეს ნუ უთრგუნავთ, ნუ უკლავთ გულშიო, სისხლს ნუ

<sup>32</sup> ვაჟა-ფშაველა, სოფლის სურათები, თბზ., ტ. V, გვ. 201—202.

<sup>33</sup> იქვე.

<sup>34</sup> იქვე, გვ. 202.

უწყალებთ ძარღვებში, გულზე სარქველს ნუ ჰხურავთ, პატივისცემით მოეპყარით, რომ ისწავლოს სოფელმა ერთმანერთის პატივისცემა“<sup>35</sup>.

ესეც ხომ ეპოქისათვის და თვით მწერლისათვის დამახასიათებელი იყო — დაეხმარე „უნცროს ძმას“ — დაჩაგრულს, შევიწროებულს, წაქცეულს; წამოაყენე, გამოესარჩლე, გზაზე დააყენე, დარაზმე, შეაგნებინე, რომ ქვეყნის ძალა მასშია და წაიყვანე ქვეყნის სამართლიან საფუძველზე გარდაქმნის გზით.

მწერლის იმედიანი ჩვენებით, მასწავლებელ სოსოში სოფელმა დაინახა თავისი მოძმე, სასარგებლო კაცი და მისდამი ნდობითა და სიყვარულით აღიჭურვა, ის მას მიჰყვება. სოფელში ასეთი ხალხია საჭირო. ასეთი ადამიანები, მართლაც, შეძლებენ სოფლის გამოფხიზლებას, გაღვიძებას, ნდობის დამსახურებას; შეაგნებინებენ მას თავის ძალას, უნარს, შესაძლებლობას. მაშინ ამ გაღვიძებული დევის ძალა მის მტერს უკან დაახევინებს, შიშის ზარს დასცემს.

მაგრამ, როგორც ვაჟა-ფშაველა შენიშნავს, ასეთი გამოფხიზლების მომენტები სოფლის — გლეხობის ცხოვრებაში არ იყო ხშირი და ხანგრძლივი. მწერალი სევდითა და უკმაყოფილებით აღნიშნავს, რომ ამ გარემოებას თვითონ სოფელი ვერ უწყევს სათანადო ანგარიშს. „ამ რათა“, „რისთვისა“, — წერს ვაჟა-ფშაველა, — დიდი მნიშვნელობა აქვს, ვინც იცის, მაგრამ სოფელი, საუბედუროდ, მანამ არ გაუჭირდება, როდის ხმარობს ამ სიტყვებს. ეს „რათა“ და „რისთვისა“, — განმარტავს ვაჟა-ფშაველა, — მიზეზის ძებნას მოასწავებს და ვინც ამ სიტყვას ხშირად იგონებს თავის მდგომარეობის შესახებ და კარგად შეიგნებს, კაცია თუ სოფელი, იგი არ იღუპება, იმის საქმე კარგად მიდის ამ წუთისოფელში“<sup>36</sup>.

ვაჟა-ფშაველაც მთელი თავისი მოღვაწეობის მანძილზე პრაქტიკული საქმიანობით, თუ თავისი მაღალმხატვრული კალმით ემსახურებოდა ხალხის გაღვიძების, გამოფხიზლების საქმეს. მან, როგორც სოფლის ხალხის ცხოვრების ნიჭიერმა მესაიდუმლემ, კარგად იცოდა, რომ გაღვიძებული დევი — სოფელი ნადირივით თავისუფლად ნავარდობას კი არ ეძებს — „უუფროსოდ, უხარჯოდ, არამედ ისწრაფის მოაწყოს თავისი ცხოვრება სწორუფლებიან საფუძველზე“. „არა, შენი ჰირამე, — ალაპარაკებს მწერალი გლეხს, — უფროსიც მინდა, ეგეთი კი არა, როგორიც მოგახსენე (ე. ი. მამასახლისი, სულაია, „ნაჩალიკი“, ბოჭაული, „კანცელაია“, გზირი, ჩაფარი, დიამბეგი. — მ. ზ.), და ხარჯსაც ვიკისრებ, რაც ჩემ საწყლობას შეეფერება, რაც შამიძლიან“<sup>37</sup>.

<sup>35</sup> ვ ა ჟ ა - ფ შ ა ვ ე ლ ა, სოფლის სურათები, თბზ., ტ. V, გვ. 203.

<sup>36</sup> ი ქ ვ ე, გვ. 223—224.

<sup>37</sup> ი ქ ვ ე, გვ. 225—226.

სწავლის საპირობების შესახებაც ასევე გონივრულად მსჯელობს ვაჟა-ფშაველას გლეხი: „სწავლაც მინდა, მაგრამ ეგეთი კი არა, ჩვენმა „ატუქანტმა“ „ნიკორამ“ რომ იცის: სხვისა ღლეტა-ცვეთისა. ეგეთი სწავლა ხელს არ მომცემს“<sup>38</sup>.

ასეთია ვაჟა-ფშაველას გაგებით სოფლის სულისკვეთება თავის ავითა და კარგით. ასეთია აუცილებელი ძირითადი მოთხოვნილებანი, რომელთა შესრულებას სოფელი დაჟინებით და პირველ რიგში მოითხოვს. დრომ და გარემოებამ ბევრი მძიმე ნიშანი დაასვა სოფლის ხალხის გულსა და ტვინს, მაგრამ, მწერლის სწორი გაგებითა და ღრმა რწმენით, ძირში მისი ბუნება მაინც სალია, სწორად მსჯელობს. ამით ამ საგულისხმიერო მოძრაობას ვაჟა-ფშაველა ბევრის მთქმელი და დამაფიქრებელი დახასიათებით ათავებს: „ბევრს რასმე ითხოვდა სოფელი, მაგრამ ზოგს სათხოვარზედ უნდა სდუმდენ ბაგენი ჩვენნი და სოფლისანიცა“<sup>39</sup>.

მკითხველთათვის ადვილი მისახვედრი ხდება, რომ მწერლის მიერ გლეხთა პირით წარმოდგენილი მოთხოვნილებანი აუცილებელი მინიმუმი იყო, რომ ისინი ისეთები არიან, რომლის შესახებაც შეიძლებოდა ხმის ამოღება ცარიზმის შემსუთავ პირობებში. მკითხველი კარგად ხვდებოდა, რომ ეს მოთხოვნები საკმარისი არ იყო სოფლის სათანადოდ გაჯანსაღებისათვის. კიდევ მრავალ სხვა პირობას თვლიდა ის საჭიროდ, მაგრამ ამ გარემოებაზე ლაპარაკიც კი ვერ გაბედა, რადგანაც აკრძალული, საშიში, სახიფათო იყო, ამიტომ „სდუმდენ ბაგენი“ სოფლისაცა და მწერლისაც.

ამასთანავე ერთად მკითხველი კარგად ხვდებოდა, რომ ვაჟა-ფშაველას პრაქტიკული მოქმედებაც და მისი პოეტური კალამიც დაუღალავად და შეუღრეკლად ებრძოდა იმ პირობებს, რომლებიც მძლავრად ბორკავდნენ სოფელსაც და მის მოკეთებებსაც.

მკითხველი ცხადად გრძნობს, რომ ვაჟა-ფშაველა ცხოვრების უკეთესი — სამართლიანი პირობების მისაღებადა და დასაწერგავად ამზადებდა როგორც სოფლის მოსახლეობას, ისე საერთოდ თავის მკითხველსაც.

<sup>38</sup> ვ ა ჟ ა - ფ შ ა ვ ე ლ ა , სოფლის სურათები, თხზ., ტ. V, გვ. 225—226.

<sup>39</sup> ი ქ ვ ე , გვ. 226.

**საზოგადოებრივი ურთიერთობის საფუძვლები  
აწმყოსა და მომავალში**

XIX საუკუნის მეორე ნახევრის, განსაკუთრებით მისი დასასრულისა და XX საუკუნის დასაწყისის საზოგადოებრივ-ეკონომიური ცხოვრება მძლავრი გარდატეხისა და გარდაქმნის პროცესია.

ეს ხანაა მსოფლიოში კაპიტალიზმის იმპერიალიზმში გადაზრდისა, კაპიტალიზმის განვითარების უმაღლესი სტადიისა. ამ ხანის საზოგადოებრივი ცხოვრების ხასიათის გენიალურ შეფასებას იძლევა ვ. ი. ლენინი თავის ისტორიულ გამოკვლევაში — „იმპერიალიზმი, როგორც კაპიტალიზმის უმაღლესი სტადია“.

ვ. ი. ლენინი, ახდენს რა აღებული საკითხის ფართო და ღრმა ანალიზს, წერს: „ერთი მხრივ, გიგანტური ფარგლები ფინანსური კაპიტალისა, რაც თავმოყრილია მცირეოდენთა ხელში და ქმნის კავშირურთიერთობის არაჩვეულებრივად ფართოდ გაშლილ და ხშირ ქსელს, რომელიც უმორჩილებს მას არა მარტო მრავალ საშუალო და წვრილ, არამედ აგრეთვე უწვრილეს კაპიტალისტებსა და მეპატრონეებს, ხოლო, მეორე მხრივ, გამწვავებული ბრძოლა ფინანსისტთა სხვა ეროვნულ-სახელმწიფოებრივ ჯგუფებთან მსოფლიოს განაწილებისა და სხვა ქვეყნებზე ბატონობისათვის, — ყოველივე ეს იწვევს ყველა მქონებელი კლასის პირწმინდად გადასვლას იმპერიალიზმის მხარეზე. „საყოველთაო“ გატაცება მისი პერსპექტივებით, იმპერიალიზმის გააფთრებული დაცვა, მისი ყოველნაირად შელამაზება — ასეთია დროების ნიშანი“<sup>1</sup>.

ასეთი მდგომარეობაა რუსეთშიც და საქართველოშიც. შეძლებულთა და ღარიბთა შორის ბრძოლა გამწვავებულია. ცხოვრების უსა-

<sup>1</sup> ვ. ი. ლ ე ნ ი ნ ი, იმპერიალიზმი, როგორც კაპიტალიზმის უმაღლესი სტადია, ტ. 22, გვ. 360.

მართლო საფუძვლების წინააღმდეგ ბრძოლა გააფთრებულ ხასიათს იღებს. ამ ატმოსფეროში სუნთქავს და მოღვაწეობს ვაჟა-ფშაველაც.

საზოგადოებრივი ცხოვრების მოუწესრიგებლობით გამოწვეული უკმაყოფილება, სევდა, ნაღველი და ზრუნვა, როგორც ზევეითაც აღვნიშნეთ, ვაჟა-ფშაველასათვის, როგორც ეს დამახასიათებელი იყო მისი თაობის მოწინავე მწერლებისა და საზოგადო მოღვაწეთათვის, ფრიად მტანჯველი იყო მთელი მისი მოღვაწეობის მანძილზე. განსაკუთრებით ეს გამახვილდა XIX საუკუნის მიწურულში და XX საუკუნის დასაწყისში.

არსებული ცხოვრების პირობებისა და რაობის მიუღებლობით აიხსნება, რომ ვაჟა-ფშაველა გამუდმებით და ენერგიულად ოპოზიციაში ედგა არსებულ ბიუროკრატიულ რეჟიმს, რომელშიც, მწერლის დაკვირვებითა და ღრმა ჩწმენით, გამეფებულია უსამართლობა, ძალმომრეობა, ჩაგვრა და ამ ნიადაგზე გავრცელებული — ცბიერება, გაუტანლობა, მანებლობა, მტრობა და შური.

ვაჟა-ფშაველას, როგორც რეალისტ მწერალს, თავისი შემოქმედებისა და მოღვაწეობის ერთ-ერთ მთავარ ამოცანად მიაჩნია მკითხველს გარკვევით აჩვენოს და აგრძნობინოს, ერთი მხრით, არსებული ცხოვრების ყალბი მიუღებელი საფუძვლები, ხოლო, მეორე მხრით, რა უნდა დაედევას საზოგადოებრივ ცხოვრებას საფუძვლად, რომ ადამიანის სიცოცხლე და მოქმედება წარმართოს სალი, ბუნებრივი, სამართლიანი გზით, რომ ადამიანისათვის ცხოვრება სიამოვნებისა და დაკმაყოფილების ასპარეზად გადაიქცეს. ამ ამოცანის შესრულება კი მოითხოვდა არსებული მდგომარეობის მკაცრ კრიტიკას, განქიქებასა და უკეთესი, ჭანსალი, სამართლიანი ცხოვრების ჭეშმარიტი საფუძვლების ჩვენებას. ეს კი, როგორც ზევეითაც აღვნიშნეთ, მწერლის ეპოქის პოლიტიკურ პირობებში მეტად სახიფათო და ხშირად შეუძლებელიც ხდებოდა.

სწორედ ამ გარემოებითაა გამოწვეული XIX საუკუნის ქართულ მწერლობაში, როგორც დამახასიათებელი სტილიური ნიშანი, ფართოდ გამოყენება ქარაგმებისა, ალეგორიებისა, სიმბოლოებისა. აგრეთვე გამოყენება ჟანრების — იგავ-არაკებისა, ზღაპრებისა, ძველი ამბებისა ან თქმულებებისა (ეს ტრადიცია ქართულ ლიტერატურაში განამტკიცეს ილ. ჭავჭავაძემ, ა. წერეთელმა და მათმა მიმდევრებმა). თავის ღრმად ეს სტილიური ნიშანი მკითხველს კარგად ესმოდა, იგი მკითხველის გრძნობასა და წარმოსახვას უფრო ინტენსიურად ამოქმედებდა. მკითხველი მწერლის მიზანდასახულობას, ნაწარმოების დედა-აზრს კარგად ხვდებოდა.

ვაჟა-ფშაველამაც თავისი მხატვრული შემოქმედებისათვის ამავე ტრადიციას მიმართა. აღნიშნული პოეტური ხერხებიც ფართოდ გამო-



იყენა საზოგადოებრივი ცხოვრების მოწესრიგების საფუძვლების ძიება-ჩვენებისათვის. საზოგადოებრივი ცხოვრების მძიმე პირობებითაა გამოწვეული ვაჟა-ფშაველას მრავალი ნიქიერი ლექსი, პოემა და პროზაული ნაწარმოებიც. მთის მგოსანი საზოგადოებრივ მოვლენათა თვალსაჩინო გაშლისათვის ხშირად მოხერხებულად იყენებს ბუნების მოვლენათა რეალური ურთიერთობის დახატვას. ბუნების მოვლენები ვაჟა-ფშაველას შემოქმედებაში ხშირად მხოლოდ ნიქიერი და დამაჯერებელი ალეგორიისა ან სიმბოლოს როლს ასრულებს.

ვაჟა-ფშაველა ერთ-ერთ თავის წერილში „რამე-რუმე“, როგორც ფხიზელი გუშაგი საზოგადოებრივი ცხოვრებისა და მისი ცვლილებებით მძლავრად დაკოდილი, წერს: „რანი ვართ, რას ველტვით, რა ძალი და ღონე გვაქვს გულისა და ტვინისა, მანც კი საჭიროა ვიცოდეთ. — უნდა აწონილი, შეგნებული გვქონდეს საით, რაზე მივაპყროთ ჩვენი ძალ-ღონე ამ შემთხვევაში ხელოვნება უნდა მოგვეშველოს“<sup>2</sup>.

ვაჟა-ფშაველასათვის მიუღებელია არსებული საზოგადოებრივი წყობა, მასში განმტკიცებული კაცთა შორის ურთიერთობა.

ასეთი შეხედულების თანახმად ის თავის შემოქმედებაში ფარაო სურათს იძლევა არსებული ცხოვრების მახინჯი, მიუღებელი. ადამიანისათვის მავნებელი მოვლენებისა და აგრეთვე მიგვიითივებს იმ მოვლენებზე, ცხოვრების იმ საფუძვლებზე, რომელთა განმტკიცებისაკენ უნდა მივისწრაფოდეთ, თუ გვინდა შეიქმნეს ადამიანისათვის დამაჯერებელი, აზრიანი, ბედნიერი ცხოვრება.

ვაჟა-ფშაველას მიერ ამის გაგება და ახსნა-ჩვენება არის ამ თავის ძირითადი ამოცანა.

ავიღოთ მოთხრობა „კლდემ მხოლოდ ერთხელ სთქვა“. მუდამ მღუმარედ კაცთა ცხოვრების თვალყურისმგდებელი შავი კლდე, კაცის იძულებითი გამოწვევით, ასე ახასიათებს კაცთა უმსგავს, ცბიერ ცხოვრებას: „რას ეძახით კაცნი ბოდიშს? — ერთგვარი მწარე და უკმაყოფილო განცდით ეკითხება კლდე მოკიეინე კაცს და თვითონვე ასეთს შეფასებას იძლევა, — „ვიცი, ვიცი... ერთმანეთს სულ მუდამ-ღლე გამარჯვებას ეუბნებით ენით, ხოლო საქმით ერთურთის დაღუპვაზე სდგხართ. კლდე იმით არის კლდე, რომ ენას არ ალაკლავებს წაღმა-უკლმა. როგორ გაგეხარდებოდა, როგორ მადლობელი იქნებოდი... შენს „გამარჯვებაზე“ გაგიმარჯოს, შენ გენაცვალე, შენი ჭირიმე, თავს შემოგველეო, რომ მეთქვა, არა?... არ გესმის, გამოუცდელი ხარ, ჯერ ბევრი რამ გაკლია“<sup>3</sup>.

<sup>2</sup> ვ ა ჟ ა - ფ შ ა ვ ე ლ ა , რამე რუმე, ხელნაწერთა ინსტიტუტი, ფონდი S, № 5317.

<sup>3</sup> მ ის ი ვ ე , კლდემ მხოლოდ ერთხელ სთქვა, თხზ., ტ. VI, 1939 წ., გვ. 21.

ცხადია, კლდის სახით ვაჟა-ფშაველა ხატავს დაკვირვებითა და გამოცდილებით გამობრძმედილს კაცს, რომელსაც გონებისა და გულის თვალთ ბრძნულად, გულისყურით აუწონ-დაუწონია ცხოვრების ორომტრიალი ან, როგორც თვით პოეტი იტყოდა, „სოფლის უკულმა ტრიალი“, და კაცთა მუხთალი ცხოვრების შესახებ ასეთი, თუმცა ჭეშმარიტი, მაგრამ სამწუხარო, მძიმე დასკვნა გამოუტანია.

ვაჟა-ფშაველა ილ. ჭავჭავაძის სკოლის მწერალია. მასაც ილ. ჭავჭავაძისავით უყვარს საკითხის გაშიშვლება, საკითხის გახსნის ბოლომდე დაყვანა, რომ ნაწარმოების, მისი თემის აზრი, იდეა ყოველ მკითხველამდე დავიდეს. ასეთია ვაჟა-ფშაველა კერძოდ ამ მოთხრობაშიც.

კლდის მიერ ადამიანთა აღნიშნული საქციელის დახასიათებით გაკვირვებული კაცი შეეპასუხება მას. კაცთა ბოღიშს ის ხსნის ზრდილობის მოთხოვნისგან, რაზედაც კლდე მწარე ღიმილით შემდეგ მკაცრს, მაგრამ უდავოდ სამართლიან განმარტებას აძლევს კაცთა ზრდილობას (კლდის პირით, ექვს გარეშეა, თვითონ ვაჟა-ფშაველა ლაპარაკობს):

„უზრდელთ ვინ მოგცათ ზრდილობა?! — აღელვებით ამბობს კლდე, — ერთმანერთს სჭამთ, ერთმანერთსა ჰყლეტთ. ვითომ კლდე ბრიყვია, არ იცისო, გგონიათ? ვიცი, ყრმაო, ვიცი! დიდი ხანია აქედან დავეყურებ ქვეყანას.. რაც იქ სისხლი და ცრემლი დაღვრილა და იღვრება, აქ ჩემს გულში გუბდება, აქა გროვდება... უნდა გაიცნოთ ჩემი გული, უნდა ჩაიხედოთ შიგ, იქნება მაშინ აღარ... შემიჯავროთ“<sup>4</sup>.

ვაჟა-ფშაველას სურს ცხოვრებაში არსებული ბოროტება, ადამიანთა ურთიერთობის სიყალბეზე აღმოცენებული, გააშიშვლოს. ამისათვის დიალოგს კლდესა და კაცს შორის მოხერხებულად შემდეგნაირად აგრძელებს.

კლდეს უნდა მოსაუბრე კაცს გააგებინოს, რამ აიძულა ის ასეთ უსიტყვო პირქუშად გადაქცეულიყო. კლდე უამბობს მას, თუ რამდენი უბედურებისა და უსამართლობის მნახველი და მოწმეა. მისი ჩვეულებრივი ზვედრია იყოს უბედურთა თანამგრძნობი და თანაზიარი. მოვეუსმინოთ თვითონ კლდეს: „თუ ვინმე სასოება მიხდილი, თავმოებზრებული დამადგება თავს და ამბობს: აქედან უნდა გადავევარდე, რომ მოვრჩე ტანჯვას, მოვისპო სიცოცხლეო, — თვალუმწიწი საზარელს სურათს დაუწყენებ სიკვდილისას, ვაგრძნობინებ — ნუო; დაიშლის — ხომ კარგი, არა და ჩემს კალთაზე სიკვდილს ჰპოვებს. იმის სულის დაღვევის წამი გულში ჩამეწვეთება და ტანჯვად მექცევა. დიდი ტანჯვის მტვირთველი ვარ, იმიტომ მუდამ მუნჯი, მუდამ პირქუში ვდგევარ, არ არის ჩემთვის მოსვენება, არ ვიცი, ლხინი რასა ჰქვიან“<sup>5</sup>.

<sup>4</sup> ვ ა ჟ ა - ფ შ ა ვ ე ლ ა , კლდე მხოლოდ ერთხელ სთქვა, თხზ., ტ. VI, გვ. 21.

<sup>5</sup> ი ქ ვ ე , გვ. 21—22.

ახალგაზრდა კაცზე კლდის სიტყვები გავლენას ახდენს, ის თხოვს — კლდემ აიღვას ფეხი, ჩადგეს კაცთა შორის, ამცნოს მათ თავისი ასეთი შთამბავონებელი სიტყვა, რაც ხალხს გამოაფხიზლებს, გამოასწორებს, გარდაქმნის, საღი ცხოვრების გზაზე დააყენებს. ეს კი, ახალგაზრდის განცხადებით, დიდად საჭირო და კარგი საქმე იქნება. ამახე სკეპტიციზმით შებოჭილი კლდე (ეს სკეპტიციზმი რეაქციის ხანაში, 90-იან წლებში, დამახასიათებელი იყო რუსი და აგრეთვე ქართველი საზოგადოების ერთი ნაწილისათვის — დამახასიათებელი იყო ამ პერიოდში თვით ვაჟა-ფშაველასათვისაც) ასე უპასუხებს: „კიდევ არ იცი, გამოუცდელი ხარ... ძალიან ცოტა ხნის გამარჯვება მექნებოდა, ბოლოს, ისევ ცილისწამება. მეძავობა, შური იჩენს თავს... ეგრე რომ არ იყოს, ეგ ზნე რომ არ ვიცოდე კაცისა, დღესვე მთელი ქვეყნის თვალწინ გავფენდი, რაც კაცობრიობას ცოდვა ჩაუდენია, რაც შეცდომა მოჰსვლია, რაც საცოდობა დატრიალებულა დედამიწის ზურგზე, მაგრამ ამაო შრომა იქნება“<sup>6</sup>.

ასეთია რეაქციის ხანაში ვაჟა-ფშაველას სკეპტიკური დამოკიდებულება ადამიანისადმი, რომელსაც ვერ გაუგია, აღარც უნდა გაიგოს ცხოვრების „უკულმა ტრიალის“ ბუნება, როცა ცხოვრების სათანადოდ გარდაქმნის ნდომა თითქოს შენელებული აქვს.

ადამიანთა ცხოვრების მოუწესრიგებლობისა, ადამიანთა შორის ცბიერებისა და დაუნდობლობის შესახებ ვაჟა-ფშაველას შეხედულება მკვეთრადაა ასახული აგრეთვე მოთხრობაში „ირემი“. აქაც ადამიანი დახასიათებულია როგორც ცბიერი, ანგარებიანი არსება, რაც ცხოვრებას ამახინჯებს, უსამართლოდ და აუტანლად ხდის. „ისეა ადამიანის ბუნება, — აღელებული დასევდიანებული კილოთი გვეუბნება მწერალი, — ბევრჯელ ისეთს რასმე ამბობს, რის წინააღმდეგი არ შეიძლება იყოს; მაინც ამბობს სათვალთმაქცოდ, რათა ერთიმეორეს ეჩვენოს კეთილმოწყალე და ქველ ადამიანად“<sup>7</sup>.

ვაჟა-ფშაველა ადამიანების და მათ შორის ურთიერთობის ასეთი დახასიათებით არ კმაყოფილდება. მას სურს მკითხველს ცოცხალი სურათი აჩვენოს ცხოვრებაში გაბატონებული უსამართლობისა, ცბიერებისა, ანგარებიანობისა. მოთხრობაში „ირემი“ ასახულია ადამიანთა ჩოჩქოლი, უკმაყოფილება. თვით ადამიანები წუხან, რომ „აღარ არის სიმართლე“ კაცთა შორის. აი, თითქოს, კაცთა ამ კანონიერი მოთხოვნის დასაკმაყოფილებლად გამოჩნდება მქადაგებელი, რომელიც ხალხში დადის და ჩასჩინებებს მას: „აღვადგინოთ, ხალხო, სიმართლე! უსამართლობა დაგვლუპავს, ქვეყანა წახდება: სიცოცხლეს, ცხოვრებას

<sup>6</sup> ვ ა ჟ ა - ფ შ ა ვ ე ლ ა , კლდემ მხოლოდ ერთხელ სთქვა, თხზ., ტ. VI, გვ. 22.

<sup>7</sup> მ ი ს ი ე ვ ე , ირემი, თხზ., ტ. VI, 1939წ., გვ. 125.

ლაზათი დაეკარგა, ცოდვა გამრავლდა... აღვადგინოთ სიმართლე“<sup>8</sup>... ხალხიც ერთბაშად მალალი ხმით აგუგუნდა მქადაგებლის ხმაზედ. „ყველა, — სარკასტული ტონით გადმოგვეცემს მწერალი, — დიდი და პატარა, ჰკვიანი და უჰკუო სიტყვით თანხმობას აცხადებდა სიმართლას აღსადგენად, წინააღმდეგი არავინ იყო, არავინ“<sup>9</sup>. აქ ვაჟა-ფშაველას, რა თქმა უნდა, მხედველობაში აქვს 1905 წლის რევოლუციის პერიოდში გამოვლინებული საერთო აღმავლობა, რომელსაც მალე მოჰყვა რეაქცია, რომლის გავლენითაც საზოგადოების საგრძნობი ნაწილი აღვილად მოიღუნა და ძველ გზას მიუბრუნდა.

ვაჟა-ფშაველა კარგად იცნობს ცხოვრების სინამდვილეს, მას დიდი უშუალოდით განიცდის. ის კარგად გრძნობს, თუ კაცთა, ძალაუფლების მქონეთა ასეთ თანხმობაში რამდენი სიყალბეა, ფარისევლობა.

ასეთი გარემოებით აღშფოთებულ მწერალს სურს ამ ცხოვრებასა და ადამიანის თვალთმაქცობის ნილაბი ჩამოგლიჯოს და ასე ახასიათებს კაცთა ამ თანხმობას სიმართლის აღსადგენად: „აღდგენა სიმართლისა ყველას თავისებურად ესმოდა: ღარიბს და მშვიერს თუ იმიტომ უნდოდა სიმართლის აღდგენა, რომ გამძღარიყო, გამთბარიყო, კარგად მოეწყუო თავისი ცხოვრება, არც მდიდარი ბრძანდებოდა თავის დაცვის და შენახვის ფიქრთან უკაცრავად. მდიდარიც ფიქრობდა: აღდგეს სიმართლე, ხოლო ჩემს სიმდიდრეს მოემატოს და ნურაფერი დააკლდება“<sup>10</sup>.

აქ ვაჟა-ფშაველა, მართალია, სათანადოდ ვერ ამახვილებს არსებულ წინააღმდეგობას ღარიბსა და მდიდარს, მშვიერსა და მძღარს შორის, მაგრამ, მიუხედავად ამისა, ის აშკარადა ხედავს, რომ კაცთა ცხოვრების მოუწყვსრიგებლობის ღერძეული მიზეზი სწორედ ღარიბთა და მდიდართა (ე. ი. კლასთა) საწინააღმდეგო თვალსაზრისი და საწინააღმდეგო ინტერესია. რა თქმა უნდა, მწერალიც თავისი სიმბათიებითა და გულისყურით ღარიბთა, ჩაგრულთა, უფლებაყრილთა მხარეზეა. მწერლის აზრით ამ ნიადაგზეა აღმოცენებული და გაშლილი ცხოვრებაში გაუგებრობა და შეუწყნარებლობა.

მეტად მახვილად ესმის მწერლის გულსა და ყურს ცხოვრებამოწყურებულის, დაჩაგრულის კვნესა და მას მკითხველსაც მახვილად აგებინებს: „უფალო, შეისმინე ეს ჩემი ვედრება, მომეცი წუთისოფელში მეც, ამ საწყალ ცხოველს, მყუდრო ბინა... თუ ეს არ იქნება, ჩემი სი-ცოცხლე ტყუილია, არარაობაა, ტანჯვაა, ჯოჯოხეთია“<sup>11</sup> — და ეს ხომ, ამკარად, კვნესაა შევიწროებულ კაცთა, რომელთაც სიცოცხლე სწყუ-

<sup>8</sup> ვ ა ჯ ა - ფ შ ა ვ ე ლ ა, ირემი, თხზ., ტ. VI, გვ. 126.

<sup>9</sup> ი ქ ე ე .

<sup>10</sup> ი ქ ე ე .

<sup>11</sup> ი ქ ე ე, გვ. 127.

რიათ, რომელნიც ადამიანური ცხოვრების სულ მცირე პირობების მოპოვებისათვის ილწვიან, მაგრამ საზოგადოებრივ ცხოვრებაში გაბატონებული უსამართლობა, ძალაუფლების მქონეთა უადამიანო ძალმომრეობა მათ გასაქანს არ აძლევს, ეს ხომ მათი კანონიერი მოთხოვნაა. ასეთია მწერლის გაგება, ასეთი აზრი უნდა მას გაუღვიძოს მკითხველს და, ვფიქრობთ, ის მიზანსაც წარმატებით აღწევს.

ვაჟა-ფშაველა წუხს ცხოვრების ასეთი ჯოჯოხეთური მოწყობილობით. მიუხედავად სკეპტიციზმისა, მას მაინც უნდა გამონახოს ამ მოუწყობლობის მიზეზი, და აგრეთვე უნდა გამონახოს ის საფუძველი, რაც კაცთა ცხოვრებას იხსნის ასეთი მიუღებელი. გამანადგურებელი მდგომარეობისაგან. ამიტომ დავუბრუნდეთ მოთხრობას „კლდე მხოლოდ ერთხელ სთქვა“. კლდის პირით ვაჟა-ფშაველას უნდა ახალგაზრდა კაცს (მკითხველს) მტკიცედ შთააგონოს, რომ სიმართლის თქმა, კაცთა ბიწიერი ცხოვრების მხილება მისი გამოსწორების, გაჭანსაღების მიზნით, ყველას შეუძლიან, ამისათვის მხოლოდ საჭიროა კაცმა, ქვეყანამ განსაკუთრებული ყურადღება მიაქციოს, რწმენად გაიხალოს ძველიდანვე თქმული სახელმძღვანელო ცნება: „გიყვარდეთ კაცნო, ერთმანერთი!...“ შინა და კარში ეს ხმა უნდა ისმოდეს. პირველი მცნება ეს უნდა იყოს. „ღედა, — შთამაგონებლად ამბობს კლდე (რა თქმა უნდა თვით პოეტი), — ამას უნდა ჩასჩინებდეს შვილს აკვანში — ისე გამუდმებით, რომ ეს ჩაძახილი ველარა გზით ვერ ამოიშალოს ადამიანის გულიდან... ანუ, უკეთ რომ ვსთქვათ, ის პატარა ბუშტი ლეშისა, რომელსაც თქვენ გულს ეძახით, იქცეს ერთ, მხოლოდ ერთ: სიტყვად — გიყვარდეს“<sup>12</sup>.

აი ეს მაღალი ჰუმანიზმი — „გიყვარდეთ, კაცნო, ერთმანერთი!“ ვაჟა-ფშაველას ღრმა რწმენით, ის საფუძველია, ის დუდაბია, რომელზედაც აუცილებლად უნდა აღმოცენდეს და განმტკიცდეს ქეშმარიტი საღი საზოგადოებრივი ცხოვრება. ეს ჰუმანიზმი ავსებს ვაჟა-ფშაველას მთელ შემოქმედებას. ვაჟა-ფშაველა ამ საფუძველს — მოძმისადმი სიყვარულის აუცილებლობას — დიდის დამაჯერებლობითა და შთამაგონებელი ძალით ანვითარებს როგორც პოემებში და ლირიკულ ლექსებში<sup>13</sup>, ისე მთელ რიგ მოთხრობებში: „ღარეჯანი“, „უძმოს ძმა“, „უსურვანის დასჯა“, „სათაგური“, „გასამართლებული ჩიბუხი“ და სხვა. ყველა ამ მოთხრობაში მიმზიდველადაა ნაჩვენები, რომ ურთიერთდახმარებასა და ერთობაში, ბეჩავთა, შევიწროებულთა შველაშია ადამიანის უდიდესი დაკმაყოფილების ძალა, მისი დანიშნულების ძირითადი მიზანი და გამართლება.

<sup>12</sup> ვ ა ჟ ა - ფ შ ა ვ ე ლ ა, კლდე მხოლოდ ერთხელ სთქვა, თხზ., ტ. VI, გვ. 23.

<sup>13</sup> იხ. ზევით I, II, III და IV თავები.

ნიმუშისათვის ავიღოთ მოთხრობა „უძმოს ძმა“. მოთხრობის მთავარი გმირია ჩალხო. მას სოფელმა მეტსახელად დაარქვა უძმოს-ძმა, რადგანაც ჩალხო დაბეჩავებულს, საწყალს, დაბრიყვებულს, ვინც არ უნდა ყოფილიყო, სრულიად უანგაროდ, ხშირად, ძალიან ხშირად, თავის თავის სავნოდაც კი, თავგამოდებით ეხმარებოდა. „ჩალხო, — გადმოგვცემს ვაჟა-ფშაველა, — ეს უძმოს ძმა, პირადად თავის შეუოცნხყოფელთ ხომ არ ეჩხუბებოდა, — ეს ძალიან იშვიათად მომხდარა, — არა, უძმოს-ძმა სხვის გულისათვის ჩხუბობდა, სხვას ეშველებოდა. როცა კი დაინახავდა, რომ ერთს ორი ან სამი სცემდა, იგი მოსვენებას ჰკარგავდა და, როგორც თვითონ იტყოდა, მაშინ „ეკლებზე იჯდა“. არ მოუთმენდა გული და პირდაპირ გადაიჩივდა: დაჩაგრულის ნაცნობობა მისთვის როდი იყო საჭირო. საქმარისი იყო, დაჩაგრული ვინმე ენახა უსამართლოდ, ძალმეტობით, კაცმრავლობით, რომ ჩალხოს თავი გადაედო სასიკვდილოდ“<sup>14</sup>...

ვაჟა-ფშაველას, როგორც ცხოვრების სინამდვილის კარგ მცოდნეს, მის რეალურ ფერებში ნიჭიერ ამსახველს, არ უნდა მკითხველს დაუმალოს, რომ ასეთი კეთილი საქმის ჩამდენს საზოგადოება — კაცთადიდი უმრავლესობა არ იღებს, არ ითვისებს, ვერ აფასებს. ასეთი ადამიანების გაგებამდე, მათ ეთიკამდე საზოგადოება ერთიანად, სამწუხაროდ, ჯერ ვერ ასულა. „ბევრნი, — გადმოგვცემს ვაჟა-ფშაველა, — ამისათვის ჰგომბდნენ (ჩალხიას. — მ. ზ.) და ამბობდნენ „უკეთურია, უჭკუაა, ბეჩავია, ეჩრება, საცა არავენ რასა ჰკითხავს; ძალად ჰირსა და ხათაბალას იცვამს თავზეო“<sup>15</sup>.

მართალია, ასეთმა ხასიათმა — „უძმოს-ძმობამ“ ჩალხიას ბევრი უსიამოვნება და ზარალიც მიაყენა; ბევრჯელ მისი დედა ცხარე ცრემლით ატირა. ჩალხიას დედა ბევრს არიგებდა. ეხვეწებოდა ასე ნუ იქცევით: ხშირად აშინებდა — თავს მოვიკლავ, წაველ მამის სახლშიო. მაგრამ ჩალხო, სანამ მუხლი მოსდევდა და მკლავი უჭრიდა, ხელს მაინც არ იღებდა ბეჩავისა და შევიწროებულისადმი ასეთს დახმარებაზე. „რა ექნა, გული არ იშლის ოხერი-და! — ამბობდა იგი. — ბევრჯელ მინდა თავი მოვარიდო, მაგრამ დაჩაგრულს რომ ვნახავ, ჩემი გული იწვევრნებს, მეზიდება, მიმართევს, აღარა მახსოვს მაშინ აღარც თავი, აღარც სახლი, აღარც დედა, არც ცხოვრება. აი ეგა ვარ... დამშალეთ და მეორედ ამავეთ!“<sup>16</sup>

ვაჟა-ფშაველას კარგად ესმის, რომ ჩალხოსებრ კაცებს მხოლოდ ასეთი მოქმედება მისცემს სრულ დაკმაყოფილებას. ასეთი მოქმედების

<sup>14</sup> ვ ა ჟ ა - ფ შ ა ვ ე ლ ა , უ ძ მ ო ს ძ მ ა , თ ხ ზ . , ტ . VI , 1939 წ . , გვ . 111—112 .

<sup>15</sup> ი ქ ვ ე , გვ . 112 .

<sup>16</sup> ი ქ ვ ე , გვ . 116 .

გარეშე ჩალხოსათვის სიცოცხლეს აზრი და მიზანი ეკარგება. ვაჟა-ფშაველამ ისიც კარგად იცის, რომ ჩალხოსებრი კაცები არსებულ, კლასობრივ მოუწყობელ, უსამართლო ცხოვრებაში იშვიათი მოვლენანი არიან; ისიც კარგად იცის, რომ არსებული კაპიტალისტური ცხოვრების პირობებში ჩალხო და მისთანები გაუფებარნი, უცნაურნი, „უკეთურნი“, „უჭკუონი“, „ბეჩავნი“ არიან. მაგრამ, ჩვენი მგოსნის გაგებითა და რწმენით, ნამდვილი კაცის სახელი სწორეთ ასეთს უცნაურთ უფრო ეკუთვნით, ვინაიდან ისინი თავიანთ ხელით ჰკირწყლავენ ეკლიან გზას უკეთესი, ბედნიერი მომავლისაკენ არა პირადად თავისთვის, არამედ საზოგადოებისათვის, დაჩაგრულთა, დაბეჩავებულთა და უფლებააყრილთათვის.

ჩალხოსებური პიროვნებები იმ დუხჭირ ცხოვრებაში პირველი მერცხლები იყვნენ, რომელნიც ხალხს — მასებს გაზაფხულის დადგომის აუცილებლობის იმედს აძლევდნენ, ხალხს აღვიძებდნენ და ანდამატივით იზიდავდნენ ბედნიერი მომავლისაკენ. აქეთკენ იყო ვაჟა-ფშაველას ყურადღება და ინტერესი მიმართული. ამაშია ვაჟა-ფშაველას შემოქმედების თავისებურება, ძალა და მიმზიდველობა. ამითაა ის თავისი დროისათვის დიდი ჰუმანისტი, ამით აიხსნება ის დიდი მიმზიდველი ზეგავლენის ძალა და ცხოველი ინტერესი ფართო მკითხველთა მასებისა, რომლითაც სარგებლობდა და დღესაც სარგებლობს ვაჟა-ფშაველა.

მეტად საგულისხმეოა ვაჟა-ფშაველას დაუმთავრებელი წერილი „სად არის პოეზია?“, რომელშიც, სხვათა შორის, აი რასაა წერს ის: „აბა კარგად დაუკვირდით ლამანჩელ აზნაურს დონკიხოტს. შეადარეთ თვით ბუნებასთან, რამდენს მსგავსებას ჰნახავთ მათ შორის. რა არის თვით ბუნება, თუ არა იგივე დონკიხოტი, რომელიც თავ-დაუზოგავად ჰღელავს, იბრძვის, მიისწრაფის ერთხელ არჩეულ, აჩემებულ გზაზე? აზრე მაღალი აქვს, ფიჭრი კეთილი, მაგრამ შეცდომაც ბევრში მოსდის, უნაკლო არც იგია. რამდენადაც ნიჭიერია მწერალი, რამდენადაც მაღალი და დიდებულია მისი გრძნობა-გონება, იმდენად საკსებით ჰხატავს იგი ბუნებას არჩეულ ტიპის მეოხებით“<sup>17</sup>.

ასეთი სახეა ჩალხო და მრავალი სხვა ვაჟა-ფშაველას მიერ ასახული. ასეთი თავდაუზოგველი იყო ჩალხო, სანამ მუხლი მოსდევდა, მკლავი უჭრიდა. დაბერდა ჩალხო, მაგრამ მას გული ძველებურად სიმართლისათვის, სხვის — ბეჩავის დახმარებისათვის ერჩოდა. ჩალხო სიბერეშიაც იგივე უძმოს-ძმად დარჩა. მართალია, გაჭირვებულს მუშაობით ვეღარ ეშველებოდა, სამაგიეროდ, რითაც შეეძლო, ძველებურად

<sup>17</sup> ვ ა ჟ ა - ფ შ ა ვ ე ლ ა, სად არის პოეზია?, ხელნაწერთა ინსტიტუტი, ფონდო S, № 5317.

ეხმარებოდა. გააკეთა საზიარო წისქვილი და ბეჩავთ, დაჩაგრულთ არასოდეს მიხდს არ ართმევდა, თუმცა მას მოზიარე ამისათვის მუდამ უწყობდა. „თუმცა, — გადმოგვცემს ვაჟა-ფშაველა, — ჩაღხო დღეს ემღურებოდა წუთისოფელს, სიბერეს, — აღარც თავს ვარგვიარ, აღარც ქვეყანასაო, მაგრამ დღეს უკეთესი უძმოს-ძმა იყო. სადაც რამე სარიდი ჭირით მიცვალებული გაჩნდებოდა, ის იყო პირველი მოზარე მკვდრისა და მანუგეშებელი ოჯახისა... დღეს უძმოს-ძმა, თუმცა სამოც წელს გადაცილებულია, მაგრამ კიდევაც არავინ გაიციინებს, რომ ეთქვათ: „შენი ჭირიმე პირშია, — კარგი ხარ გასაჭირშია“<sup>18</sup>.

აშკარაა ვაჟა-ფშაველას ამ და ამგვარი სხვა სახეებით უნდა მკითხველს გააგებინოს, შთააგონოს, რომ ადამიანის ერთ-ერთი ძირითადი დანიშნულებაა სხვისადმი დახმარება, სარგებლობის მოტანა, საზოგადოებრივ-კოლექტიური დასაბამის განმტკიცება. ამ საკითხს მტკივნეულად აყენებდა მწერლის თანადროულობა და მწერლის შემოქმედებაშიც ამ ტკივილის მძლავრი გამოძახილი გვესმის.

ვაჟა-ფშაველა ფხიზლად აკვირდებოდა ცხოვრებას. ის აშკარად ხედავდა, რომ კაპიტალიზმის განვითარებასთან ერთად ინდივიდუალური დასაბამი ძლიერდებოდა, რომ ცხოვრებაში პირადი ინტერესი და მისი დაცვა ყველაფრის შემწირველ და წამყვან ძალად გადაიქცა. დაირღვა საზოგადოებრივი, კოლექტიური დასაბამი, რაც, მართალია პრიმიტიული, უხეში სახით, მაგრამ მაინც არსებობდა თემურ წყობილებაში. „ყველა ერთისათვის და ერთი ყველასათვის“, რაც თემს ამოძრავებდა და აწესრიგებდა, ვაჟა-ფშაველასათვის დადებითია, მიმზიდველია, სალია. თემი სწორედ ამ კოლექტიური დასაბამით იზიდავდა ვაჟა-ფშაველას. რა თქმა უნდა, როგორც ზევეითაც აღვნიშნეთ, თემური ყოფის მთლიანი ძველი შინაარსით შენახვა დაცვა ვაჟა-ფშაველასათვის უკვე განვლილი ეტაპია („აღუდა ქეთელაური“, „სტუმარ-მასპინძელი“, „გველის მჭამელი“ და სხვ.).

მკითხველისათვის ცხადია, რომ, ვაჟა-ფშაველას რწმენითა და დახატვით, კაცს სიცოცხლე იმდენად უღირს, რამდენადაც ის საზოგადოებისათვის — კოლექტივისათვის სარგებლობის მომტანია; უამისოდ სიცოცხლე ცარიელია, უაზროა, მეტი ბარგია.

ასეთი შეხედულება ვაჟა-ფშაველას მრავალ ნაწარმოებში აქვს ასახული და, კერძოდ, ალეგორიულ მოთხრობაში „ვერხვი“.

ვერხვი უკმაყოფილოა თავისი განმარტობებული მდგომარეობით. „რასა ჰგავს ჩემი უმადლო სიცოცხლე, რას ვაკეთებ ამ ფრიალო მთაზე მარტოდ მარტო? თუ ვერაფერს გავიგონებ, ვერავის გავაგებინებ,

<sup>18</sup> ვ ა ჟ ა - ფ შ ა ვ ე ლ ა , უძმოს-ძმა, თხზ., ტ. VI, გვ. 119—120.



ვერავის გაგახარებ და თვითონაც ვერ გავიხარებ, ეს ხომ მკვდარი სიცოცხლეა?«<sup>19</sup>

ვერხვი (თვით მწერალი და, მისი გაგებით, ყოველი გონიერი ადამიანი) განდგომილ, უმოქმედო, მშვიდ ცხოვრებას ვერ ეგუება. ის ამჯობინებს სხვებთან ერთად, თავისიანებთან თუნდაც ვაი-ვაგლახში, შევიწროებაში ყოფნას. „ამომფხვერი აქედან, — ევედრება ვერხვი გამჩენს, — და გადამაგდე იმ ჩემ ძმებთან, ტყეში, ღეე, იქ მოვკვდე, იქ დავლბე, დაემიწდე იმათ კალთაზე; თუ ცრემლს არ მალირსებენ, ქოქოლას ხომ დამაყრიან და დამწყველიანო“<sup>20</sup>.

ვერხვი, ვაჟა-ფშაველას შეხედულებით, კაცთა იმ კატეგორიას გამოხატავს, რომელიც თავის დანიშნულებას მოძმისადმი სიკეთის მოტანაში ხედავს, რომელიც საზოგადოებას უანგაროდ უნდა ემსახურებოდეს, რომელიც წუხდება, იტანჯება, როცა ამ დანიშნულებას ღირსეულად ვერ ასრულებს, რომელიც კვდება და თავის სიკვდილითაც მოაქვს სხვებისათვის სარგებლობა.

ვაჟა-ფშაველასათვის, როგორც ილ. ჭავჭავაძისათვის („განდგომილი“, „მგზავრის წერილები“), მიუღებელია განდგომილი, განმარტობული ცხოვრება. ასეთს ცხოვრებაში, ამ მწერლების აზრით, კაცი დაჰმაცოფილებას, სრულ სულიერ სიმშვიდეს ვერ მიიღებს, ვინაიდან სიცოცხლის არსი და დასაბამი — მოქმედება, სიკეთე, სიყვარული, დახმარებაა.

დაჩაგრულის, დაცემულისა და დაზარალებულისადმი დახმარების იდეა მოცემულია ვაჟა-ფშაველას მოთხრობაში „გასამართლებული ჩიბუხი“.

ღარიბი გლეხი ღვთისუნელი ძალიან ეტანება ჩიბუხს, პირიდან გამოუღებელი აქვს.

მეზობელმა ბუთლიამ მისული სტუმარი ღვთისუნელი აღარ გაუშვა, დაიპატიჟა, დაალევინა, დამეც აღარ გაუშვა, დატოვა, რადგანაც გვიანი იყო. ღვთისუნელი, მისი სურვილისამებრ, საბძელში დააწვინეს. ღვთისუნელმა ჩვეულებისამებრ ჩიბუხის მოწვევა არ დაიშალა. ჩაეძინა, ჩიბუხი გადაუვარდა, საბძელში ცეცხლი გაჩნდა. დაიწვა საბძელი, ბზე, გოდორი ცხრა-ათი კოდი ქერით.

ღვთისუნელიცა და ბუთლიაც სასოფლო სამსჯავროს წინაშე ფაქტს სიმართლით აღნიშნავენ, ბრალს ერთიმეორეს მთლიანად არა სდებენ. მაგრამ ფაქტი ფაქტად რჩება; ბუთლია მიძიმედა დაზარალებული. სასოფლო სასამართლოს, მეზობელ ზურაბას პირით, სამართლიანი განაჩენი გამოაქვს: „კაცებო, — გამოაქვს მსჯავრი ზურაბს, — რო შაძლება და ღონე ჰქონდეს, თუ მთელი ზარალი არა, იმის ნახევარი მაინც

<sup>19</sup> ვ ა ე ა - ფ შ ა ვ ე ლ ა, ვერხვი, თხზ. ტ. VI, 1939 წ., გვ. 37.

<sup>20</sup> ი ქ ვ ე, გვ. 38.

უნდა ღვთისუნელისათვის გვეზღვევინა, რადგან იმის გაუფრთხილებლობის ბრალია ამ კაცის ზარალი. მაგრამ რადგან ღვთისუნელიც საწყალი კაცია, ჩვენი ვალია ყველასი დავებმარნეთ ჩვენს ძმას, ჩვენს მეზობელს... რითაც ვის შეგვიძლიან, იმით შევეწივნეთ, გავიყვანოთ ეს კაცი იოლად... ამისთანა საქმე დღეს ამის თავს არი, ხვალ ჩვენს თავზე იქნება. მიჩუქებია ერთი თივა და ერთი ტვირთი ჩალა; როცა გინდა, მოდი, ძმავ, და წამაიღე". — „გიშველა ღმერთმა! — გაისმა ხალხში ხმა: — მეც მიჩუქებია ერთი თივა... მეც, მეც, მეც... ამ სიტყვებმა, — კმაყოფილებით გადმოგვცემს მწერალი, — როგორც მილით გაყვანილმა წყალმა, მორწყო მთელი გუნდი ხალხისა“<sup>21</sup>.

ასეთი ადამიანური თანაგრძნობის გზით ყველა დაკმაყოფილებულია, ბუთლიაც მადლობელია — დაზარალებული ოჯახი აღდგენილია. ამაშია სოფლის, თემის ტრადიციის ჯანსაღი, სამართლიანი დასაბამი, რასაც ვაჟა-ფშაველა ასე მძლავრად ებლაუჭებოდა, რომლის გავლენისაგანაც ის ვერ განთავისუფლდა, რომლის მაღალ საფეხურამდე განვითარებაზე ოცნებობდა და ამის გამო ხშირად ვერ ხედავდა სოფლის — თემის ტრადიციების დრომოჭმულობას.

ვაჟა-ფშაველას შეხედულებით, ადამიანის სიცოცხლეს ძალას, შნოს და მიმზიდველობას შრომა და სიყვარული აძლევს. „იშრომე, იშრომე! ეგ არის ჩემი ანდერძი: ეგ იქნება მხოლოდ წამალი შენი დარდისა და ვარამისა“<sup>22</sup>, — ანდერძსავით შთააგონებს თავის მკითხველთა ფართო წრეს ვაჟა-ფშაველა მოთხრობით „ოცნება“.

მწერლის შეგნებით, სიყვარული და შრომა მოძმისადმი დახმარებაში, საქმით უნდა გამოვლინდეს.

ვაჟა-ფშაველასათვის სიყვარულისა და დახმარების იდეა იმდენად არსებითია, იმდენად ფართოა, რომ მას დახმარების, სიყვარულისა და თანაგრძნობის გაწევა საჭიროდ, აუცილებლად მიაჩნია ყველასადმი, განურჩევლად ეროვნებისა. „კაცი სულ კაცია, რა რჯულისაც არ უნდა იყოს,“ — გამოსთქვამს ვაჟა-ფშაველა თავის შეხედულებას პაპას პირით მოთხრობაში „პაპას მსოფლიო ფიქრები“. კაცთმოყვარეობის ასე ფართოდ გაგება და მკითხველის მისდამი მოწოდება, რა თქმა უნდა, ვაჟა-ფშაველას უფრო მიმზიდველი შარავანდელით მოსაეს.

\* \* \*

ვაჟა-ფშაველას სიყვარული ადამიანისადმი, მისდამი დახმარების აუცილებლობა და ამ დახმარების სათანადო შედეგებისათვის ხშირად

<sup>21</sup> ვაჟა-ფშაველა, გასამართლებული ჩიხუხი, თხზ., ტ. VI, 1939 წ., გვ. 283.

<sup>22</sup> ვაჟა-ფშაველა, ოცნება, თხზ., ტ. VI, 1939 წ., გვ. 78.

გაერთიანებული ბრძოლის აუცილებლობაც მის შემოქმედებაში 1905 წლის რევოლუციის პერიოდში და მის შემდეგ დაწერილ ნაწარმოებებში უფრო მკვეთრადაა გამოვლინებული.

1905 წლის რევოლუციის აღმავლობამ, მუშათა და გლეხთა დარაზმულმა მზადებამა და გამოსვლამ რევოლუციაში, უდავოდ, საგრძნობლად გაამახვილა მთის მგოსნის რევოლუციურ-დემოკრატიული განწყობილება. ვაჟა-ფშაველას აღნიშნული პერიოდის ნაწარმოებებში ცხადად გასდევს ავტორის ღრმა რწმენა — მხოლოდ გაერთიანებული ძალითა და ბრძოლით შეიძლება იქმნას მიღწეული თავისუფლება და ბედნიერი ცხოვრება.

მოთხრობაში „უსურვაზის დასჯა“ (ალეგორიული ჟანრის) უსურვაზის სახით ბიუროკრატიული ძალა და მმართველობაა განსახიერებული, ხოლო ხეები — გამოღვიძებული ხალხის ფენებია — უსურვაზი უხეშად ავიწროებს ნორჩ ხეებს, მათ ზრდის შესაძლებლობას არ აძლევს. ტყე ზიანდება. ხეები თათბირობენ, როგორ ამოფხვრან უსურვაზი, რომ მისი თესლი და ხსენებაც კი სამუდამოდ მოსპონ და, ყოველი მოსალოდნელი ხიფათის თავიდან აცდენის მიზნით, თავიანთი გადაწყვეტილება იმავე დამეს სისრულეში მოიყვანონ. ხეებმა ბრძოლის შემდეგი გადაწყვეტილება გამოიტანეს: „წიფელმა, ვერხვმა და მუხამ დაჰხარონ ტოტები, ჩაავლონ ხელი, ასწიონ და ამოჰგლიჯონ ძირიან-ფესვიანად, რადა მის შემდეგ აღარავინ ჰნახოს ტყის შემადრწუნებელი პარაზიტი. ასეც მოიქცენენ, — განაგრძობს მწერალი, — დასწვდენ სამივენი ტოტებით, ზოგმა სად ჩაავლო ხელი, ზოგმა სად, და ასწიეს, რაც ძალი და ღონე ჰქონდათ“<sup>23</sup>.

მოთხრობა „უსურვაზის დასჯა“ ვაჟა-ფშაველას დაწერილი აქვს 1907 წელს. აქედან, როგორც ზევითაც აღვნიშნეთ, აშკარაა, რომ ვაჟა-ფშაველას 1905 წლის რევოლუციის შემდგომ რეაქციის ხანაშიც შერჩა მემამბოხე, ოპოზიციური განწყობილება. მწერლის რწმენა, რომ გაერთიანებული რევოლუციური მოძრაობა ხალხის გათავისუფლებისათვის აუცილებელი მოთხოვნილებაა, — შემდეგაც ამოძრავებდა და მისთვის, როგორც პრაქტიკულ მოქმედებაში, ისე მხატვრულ შემოქმედებაში წამყვანი დარჩა.

უსურვაზის სახით ვაჟა-ფშაველა, ცხადია, ხატავს საზოგადოებრივი ცხოვრების პარაზიტს — „ცარიზმს“, პრივილეგიურ კლასს, რომელსაც რევოლუციამ სასტიკი ბრძოლა და წინააღმდეგობა გაუწია. უსურვაზის უქმაცოფილებაზე ტყის მიმართ — „გაგიჟირდათ ამოდენა ტყეს საწყალი უსურვაზის შენახვა? უმადლონო, უსამართლონო!“ — ტყის (ხალხის) სახელით ვერხვი აი რას უპასუხებს: „როგორ თუ უსამართ-

<sup>23</sup> ვ ა ჟ ა - ფ შ ა ვ ე ლ ა , უსურვაზის დასჯა, თხზ., ტ. VI, 1939 წ. გვ. 142.

ლონო და უმადლონო? გელანძღავ კიდეც? მაშ მადლი და სამართალი ის არის, ჭამო ჩვენი ძმები, ჩვენი შვილები: დღეს ერთი, ხვალ სხვა, ხვალზეთ კიდეც სხვა? საიდან მობრძანებულხარ მაგ სამართლის პატრონი?! თუ კი ჩვენ ასიათასი ვცხოვრობთ ჩვენი ოფლით და შრომით, ვჯერვართ იმას, რასაც დედამიწა გვაძლევს, შენც უნდა დასჯერდე; თუ არა და უნდა აღიგავო პირისაგან ქვეყნისა, როგორც მავენე წევრი ტყისა, სადაც სთესია მხოლოდ მადლი და სიწმინდე“<sup>24</sup>.

ცხადია, ეს დამახასიათებელი და ჭეშმარიტი პასუხი იყო შეერთებულ, ამბოხებული ხალხისა რეაქციისა და რეაქციონერების წინააღმდეგ, რასაც, რა თქმა უნდა, ვაჟა-ფშაველა არამც თუ თანაუგრძნობდა, არამედ აქტიურად იზიარებდა, აქტიურად აღვივებდა თავისი კალმითა თუ პრაქტიკული მოღვაწეობით.

ვაჟა-ფშაველას ამ პერიოდის შემოქმედება ხაზგასმით უტრიალებს გაბედული და მოქმედი პიროვნების განსახიერებას. როგორც რევოლუციის აღმავლობის ეპოქისათვის, ისე ვაჟა-ფშაველასათვის დამახასიათებელია ლოზუნგი — „გაბედული, კადნიერი აღწევს მიზანს“. მართლაც, განსაკუთრებით გარდამავალ ხანებში კაცი, რაც უნდა ნიჭიერი, განათლებული იყოს, თუ ის გაბედული, კადნიერი არ არის, სათანადოდ ვერ გამოადგება ქვეყანასა და ხალხს წინმსვლელობის საქმეში; ის შემბორკავ ჯებირს, დრომოკმულ ტრადიციებით განმტკიცებულს, ვერ გაარღვევს, ცხოვრების ახალ გზას ვერ გაკვალავს. ამიტომაც, რომ გაბედული, კადნიერი, შეუპოვარი იწვევს ხალხის სიმპათიას, მიმზიდველობას. გაბედულს და შეუპოვარს უჩინდებიან მიმდევარნი.

ასეთი შეხედულება ვაჟა-ფშაველას დიდი სიცხადითა აქვს მოცემული თავის შემოქმედებაში. ნიმუშისათვის ავიღოთ მისი ალეგორიული მოთხრობა „სათაგური“ (თაგვებში, რა თქმა უნდა, იგულისხმებიან ადამიანები).

ფიცხელა გაბედული, ნიჭიერი, ინიციატივის მქონე და კადნიერი თავია. ის ტყვეობაშიც (ხაფანგში) არა კარგავს გაბედულის, შეუპოვრის სულისკვეთებას. ფიცხელას ასეთი განწყობილება სხვა თაგვებშიც იწვევს შესაფერ გაბედულებასა და ინიციატივას (კუდა, ცქმუნა, ფხორა და სხვ.). თაგვების (ცქმუნასი, ფხორასი, კუდასი, ნემსასი) დიფერენცირებული დამოკიდებულება ფიცხელასადმი, გამოვლინებული მათ ბჭობაში, ნიჭიერსა და დამახასიათებელ ხაზებში გვიხატავს რეაქციის ხანაში საზოგადოების სხვადასხვა ფენის ფსიქოიდეოლოგიას და დამოკიდებულებას რევოლუციური მოძრაობისადმი.

ფიცხელას შეუპოვრობით გამხნეებული თაგვები, კუდას წინააღმდეგობის თანახმად, გადაწყვეტენ გაერთიანებული ძალით გაათავისუფ-

<sup>24</sup> ვ ა ჯ ა-ფ შ ა ვ ე ლ ა, უსურვაზის დასჯა, თხზ., ტ. VI, გვ. 141.

ლონ ფიცხელა, რისთვისაც მათ განიზრახეს სათაგურის გადაკარგვა. მიუხედავად იმისა, რომ მათთვის ეს შეუძლებელი იყო, მაინც შეეცადნენ. მართლაც, მიზანს მიაღწიეს. ფიცხელა გათავისუფლდა, რადგანაც თავების გაერთიანებულმა ამგვარმა ცდამ, შებრალებამა და თანაგრძნობამ ესტატეს გული მოიგო. „ეგ თავგეცი, — ამბობს ესტატე, — ალბათ, რითიმე შესანიშნავია, რომ თავის თანამომძმეთა თანაგრძნობა მოუპოვებია. ხომ ნახეთ, როგორ ეშველებოდნენ თავგეცი და უნდოდათ მისი განთავისუფლება, უნდა გავანთავისუფლოთ“<sup>25</sup>, — მოითხოვს ესტატე და ეფემიაც (ცოლი ესტატესი) იძულებული შეიქმნა ფიცხელა გაეთავისუფლებინა.

ასეთი იყო ტიპიური განწყობილება რევოლუციური მოწინავე საზოგადოებისა, მშრომელი მასებისა და მკაფიო კარნახიც 1905 წლის რევოლუციის ხანისა. ეს ის ხანაა, როდესაც ძველი ქვეყნის, მეფის რუსეთის ამღვრეულ, ამობოქრებულ ცხოვრებაში ძალმომრეობის. შრომისა და პიროვნების ძარცვისა და ტყვეობის წინააღმდეგ ატეხილი ბრძოლის განსამტკიცებლად რუსეთის რევოლუციის გრიგალამ — გორკიმ, ვაჟა-ფშაველას თანამედროვემ გაღვიძებული და ბედნიერი მომავლისათვის გამზადებული მშრომელი ხალხის გულის სიღრმიდან აღტყინებული ამოძახილი გამოხატა ეპოქისათვის დამახასიათებელი გმირული სიტყვებით — „Безумству храбрых поём мы славу!“.

მაქსიმ გორკისა და ვაჟა-ფშაველას განწყობილებები ანალოგიურია, მსგავსია, მათი ტყვივლებისა და აღტყინების წყარო საერთოა — ძველი ქვეყნის, მეფის რუსეთის საზოგადოებრივი ურთიერთობის მოუწესრიგებლობა, მიუღებლობა და მისი გარდაქმნის აუცილებელი და გადაუდებელი მოთხოვნილება. საგულისხმეოა, რომ ვაჟა ფშაველას ეს განწყობილება რჩება რეაქციის ხანშიც, როცა დაწერილია მოთხრობა „სათაგური“ და სხვები. და თუ ვაჟა-ფშაველას არ ახასიათებს ისეთი რევოლუციური სიმკვეთრე, სიმტკიცე, ის გარკვეული პერსპექტივა რევოლუციონური ბრძოლისა, როგორც მაქსიმ გორკის, ეს იმიტომ, როგორც ზევითაც აღვნიშნეთ, რომ მაქსიმ გორკიმ შეძლო თავის მოქმედება მჭიდროდ, ორგანიზაციულად დაეკავშირებინა მებრძოლ რევოლუციონერ მუშათა კლასთან, მას დაყრდნობოდა, გამოეხატა მუშათა — პროლეტარათა იდეოლოგია. განსაკუთრებით რომანში „Мать“ მ. გორკიმ დიდი გარკვეულობით გამოხატა მუშათა კლასის ფსიქოიდეოლოგია და ნათელი გახადა მისი განვითარების გზა, მახლობელიც და შორეულიც. ამიტომ მ. გორკის ამ რომანს მაღალი შეფასება მისცა დიდმა ლენინმა: „Книга нужная. Много рабочих участвовало в революционном движении несознательно, стихийно, и теперь они гро-

<sup>25</sup> ვ ა ჟ ა - ფ შ ა ვ ე ლ ა , სათაგური, თხზ., ტ. VI, 1939 წ., გვ. 174.

читают „Мать“ с большой пользой для себя. Очень своевременная книга“.

ვაჟა-ფშაველა კი თითქოს ვერ ამჩნევდა მუშათა კლასს, მის ორგანიზებულ ბრძოლას, მის ისტორიულ მნიშვნელობას, მკიდროდ იყო დაკავშირებული პატრიარქალურ, თუმცა ამბოხებულ, გლეხობასთან და მის წვრილბურჟუაზიულ იდეოლოგიას გამოჰხატავდა. აი სწორედ აქაა ვაჟა-ფშაველას იდეოლოგიური სისუსტის დასაბამი, ამაშია მიზეზი მისი მსოფლმხედველობის შეზღუდვისა და წინააღმდეგობისა.

\* \* \*

1905 წლის რევოლუციის შემდეგ გაბატონებული რეაქციის ხანაში ვაჟა-ფშაველა, როგორც ჩანს, ძველსა და ახალს შორის ბრძოლის ჭრილობებით კვლავ საგრძნობლად დააკოდილი. მწვავე პოლიტიკური და მკაცრი ცენზურული პირობების გამო, როგორც არაერთხელ გვქონდა აღნიშნული, ჩვენი XIX საუკუნის მწერლები და კერძოდ ვაჟა-ფშაველა თავიანთი შეხედულებების გამოსატანად, გამუდმებით მიმართავდნენ ხოლმე ალეგორიებს, სიმბოლოებს, ქარაგმებს, გარდათქმებს; აგრეთვე ხშირად იყენებდნენ დაპირისპირების ხერხს. ეს პოეტური საშუალებები განსაკუთრებით აუცილებელი შეიქმნა 1905 წლის რევოლუციის შემდეგ რეაქციის ხანაში. ამავე პირობების სისასტიკითაა გამოწვეული ვაჟა-ფშაველას (და სხვათა) მიერ ბიბლიური სიუჟეტების გამოყენებაც. ასეთი ხასიათისაა, სხვათა შორის, ვაჟა-ფშაველას მოთხრობა „ეშმაკი“.

ვაჟა-ფშაველა მოთხრობაში „ეშმაკი“ ბიბლიური სიუჟეტის გამოყენებით საკმარისი სიცხადით ახერხებს ძველის, მის თანადროულობის, დრომოკმულის, უკვე მახინჯის დაპირისპირებას ახალთან, მომავალთან, სამართლიანთან, სასურველთან, აუცილებელთან, რასაც კაცობრიობის ბედნიერება, წინმსვლელობა მოითხოვს და ამით მას ფართო მკითხველთა მასებში გააქვს ახალი ჰუმანური პროგრესული იდეები.

ამ მოთხრობაში ეშმაკი გარკვეული სიმბოლოა ძველის, ბოროტის, შემფერხებელისა და უსამართლობის დასაბამი ძალისა (რეაქციული ძალებისა), ხოლო იესო ნაზარეველი — ახლის, სამართლის, კაცთმოყვარეობის, სიკეთისა და წინმსვლელობის დასაბამი ძალისა (რევოლუციური ძალებისა).

იესოს მოძღვრება — „შეიყვარე მოყვასი შენი, ვითარცა თავი თვისიო!“ ეშმაკს აღელვებს და ამხედრებს. ამ მაღალი კაცთმოყვარე მოძღვრებით შეძრწუნებულ ეშმაკს მწერალი ასე ალაპარაკებს: „ღმერთმა დაიფაროს! მართლა რომ დაიჭეროს ეს მოძღვრება ქვეყანამ და ამ გზას დაადგეს, ხომ დავიღუპე მე, მე — ეშმაკი. არა, არ შეიძლება... სიყვარული მოყვასისა?! ეს ხომ უხამი და ბალღამია, ეს ხომ წაწყმე-

და სიცოცხლისა?! ამიტომ მე ამთავითვე ვწყველი ამ მოძღვრებას და ვამბობ: — არ იქმნას აღსრულება შენი კაცთა შორის არაოდეს... იესო ნაზარეველო!.. მე მუდამ მზად ვიქნები გადაველობო წინ შენს მოძღვრებას. ვაკვეცო მას ფრთები...“<sup>26</sup>

ამხედრებული ეშმაკი — ეს ბოროტი, რეაქციული ძალის სიმბოლო არა მალავს, რომ ის მუდამ იმის ცდაში იქნება, რომ ადამიანის გულიდან ამოფხვრას „ის ჭუჭყი, რომელიც მიეკვრის მას (იესოს. — მ. ზ.) მოძღვრების წყალობით“<sup>27</sup>.

ვაჟა-ფშაველა ამ მოთხრობაში მკვეთრად, დიდი დამაჯერებლობით ხატავს ამ ორ მოწინააღმდეგე ძალთა შორის მოურიგებელ მოცილეობასა და ბრძოლას. თუ ეშმაკი ასეთი წინასწარი უარყოფითი განწყობილებითაა გამსჭვალული იესოს სამართლიანი, კაცთმოყვარე მცნების მიმართ, ეს განწყობილება ეშმაკში, ვაჟა-ფშაველას სწორი გაგებითა და ჩვენებით, უფრო ღრმავდება და მტკიცდება იესოს დაეჯკაცებიდან, ე. ი. როცა ახალი, სამართლიანი, კაცთა ფართო მასებისათვის ბედნიერი, თავისუფალი ცხოვრების დამყარების მოთხოვნილება და დამყარების შესაძლებლობა საზოგადოებრივ ცხოვრებაში ფეხს იკიდებს; როცა ხალხთა შორის მძლავრად გაისმა სამართლიანი, დამაჯერებელი ხმა იესოსი — ახალი რევოლუციური მოძღვრებისა — „ნეტარ იყვენ, რომელთა შიოდეს და სწყუროდეს სიმაართლისათვის, რამეთუ იგინი განსძლენ!“

ეშმაკი, შეძრწუნებული იესოს ამგვარი მოძღვრებით, გააფთრებით მიმართავს მას: „ნაზარეველო, მოვკლავ მე შენს სიმაართლეს! რათ არ ძალმიძს შეგახო შენ ხელი, მოგისპო სრულიად სიცოცხლე? ვინ დამიშლის შეეცვალო სიმაართლე უსამართლობით? დავამკვიდრო იქ ტაცება და ჩავგრა, შეუბრალებლობა, სასტიკობა, საცა შენ გინდა დარგო რადაც სიმაართლე, სათაყვანებელი მხოლოდ ბრყვეთა, უბირთა გონებით?! არ მწამს მე და ვეცდები არ ვაწამებინო იგი კაცობრიობას!“<sup>28</sup>

ეშმაკისა და იესოს დაპირისპირებაში დიდი სიმკვეთრითა და ძალითაა გამოვლინებული გამწვავებული, შეურიგებელი მუდმივი ბრძოლა ორ მოწინააღმდეგე კლასს — გაბატონებულსა და დაჩაგრულს, კმაყოფილსა და უკმაყოფილოს შორის, არსებულს სოციალურ ცხოვრებაში, არა მარტო მწერლის თანამედროვე ეპოქაში, არამედ კაცობრიობის მთლიან ისტორიაში. ვაჟა-ფშაველა მწვევედ გრძნობს ამ სოციალური მოვლენის ბოროტებას, მავნებლობას კაცობრიობის წინმსვლელობისათვის და მასთან ბრძოლის აუცილებლობასაც გადაუდებელ მოთხოვნილებად აყენებს. ამიტომ ის აქ არ ჩერდება; ამ წინააღმდეგობას დიდი სიცხადით აღრმავებს.

<sup>26</sup> ვ ა ჟ ა - ფ შ ა ვ ე ლ ა , ე შ მ ა კ ი , თ ხ . , ტ . VI , 1939 წ . , გვ . 187 .

<sup>27</sup> ი ქ ვ ე .

<sup>28</sup> ი ქ ვ ე , გვ . 188 .

ეშმაკის ამ ბოროტი, ბნელი ზრახვების საპასუხოდ გაისმის იესოს ნათელი, სიმართლის მძლავრი რწმენით აღსავსე ხმა: „ნეტარ იყვნენ მშვიდნი, რამეთუ მათ დაიმკვიდრონ ქვეყანა!.. ნეტარ იყვნენ მოწყალენი, რამეთუ იგინი შეიწყალნენ!“<sup>29</sup>

კვლავ შფოთავს ეშმაკი. მას არა სწამს, არც უნდა იწამოს, რომ შეიძლება ცხოვრებაში სიმშვიდე იყოს, ეს მის ბუნებას ეწინააღმდეგება. მისი აზრით, მშვიდობიანობის ქადაგება მტკნარი სიცრუეა. ამიტომ ნილაბჩამოგლეჯილი ეშმაკი გაცოფებული გაჰკვივის: „არ დაეამშვიდებ არავის... შეექმნი ცხოვრების ისეთ პირობებს, არ იყოს არსად სიმშვიდე. — სტაცებდეს, არბევდეს ერთი მეორეს, იყვნენ გლახაკნი და მდიდარნი, მადლარნი და მშიერნი ხორციელად და სად იქნება მაშინ სიმშვიდე? არსად. ვინ დაიმკვიდრებს მაშინ ქვეყანას? არავინ. მხოლოდ მე. მაშინ დამკვიდრდება ქვეყანაზე ჩემი მეუფება“<sup>30</sup>.

უნდა ითქვას, არაჩვეულებრივი ნიჭიერებითაა განპყვრებული დღევანდელი დაუნდობელი მსოფლიო ჭიდილიც ორი ქვეყნისა — ძველისა და ახლის შორის. აქაა, სხვათა შორის, ვაჟა-ფშაველას გენიალური ინტუიციის გამოვლინებაც. მაგრამ მივეყვით მწერალს ამ დაპირისპირების ნიჭიერ გამოვლინებაში, ვინაიდან ამ დაპირისპირებაში საკმარისი სიმკვეთრითაა გამოვლინებული ვაჟა-ფშაველას რადიკალური მსოფლმხედველობა, მისი მრწამსი. თუმცა აქაც უნდა აღინიშნოს, რომ მწერალი, თავისი წვრილბურჯუაზიული იდეოლოგიის გამო, თავის მრწამსს იძლევა არა კონკრეტულ ფორმებში, არამედ ზოგადი სახით.

ეშმაკს აგრეთვე მიუღებლად მიაჩნია ისიც, რომ მოწყალეებამ უკმაყოფილო დაამშვიდოს სიყვარულითა და შებრალებით. „მაშ მე სადლა ვარ? — კივის პირისხლიანი ეშმაკი. — ჩავუდებ ადამიანს გულს ქვისას, არ იცოდეს მან შეწყალება, არ მიეკაროს გრძნობა სიბრაულისა, გავამხეცებ მის ბუნებას, რომ არც იწყალებდნენ კაცნი ერთმანეთს, ძლიერი თავის ძალას მეტის ნაყოფიერებით ავარჯიშებდეს უძლურთა ქედსა და ზურგზე, რათა განმტკიცდეს მეუფება ჩემი!“<sup>31</sup>

ეშმაკის ველური, მხეცური, ბნელი ზრახვების საპასუხოდ კვლავ მედგრადა და დინჯად გაისმის მტკიცე რწმენის ხმა იესოსი: „ნეტარ იყვნენ დევნულნი სიმართლისათვის, რამეთუ მათი არს სასუფეველი ცათა“<sup>32</sup>...

ამის საპასუხოდ ეშმაკი კვლავ შეუპოვრად, კადნიერად, უსირცხვილოდ განაგრძობს იესოს მოძღვრების — კეთილი დასაბამის —

<sup>29</sup> ვ ა ჟ ა - ფ შ ა ვ ე ლ ა, ეშმაკი, თხზ. ტ. VI, გვ. 188

<sup>30</sup> ი ქ ვ ე.

<sup>31</sup> ი ქ ვ ე. გვ. 189.

<sup>32</sup> ი ქ ვ ე.



წინააღმდეგ მდაბალ ბრძოლას. ვაჟა-ფშაველას სურს ეშმაკს — ამ ბოროტ ძალას, ნილაბი სრულიად ჩამოგლიჯოს, მისი ბუნება და საქციელი მთლიანად გააშიშვლოს.

ეშმაკი განაგრძობს ურცხვად სასტიკ მუქარას: „არა, მე შევამცირებ რიცხვს დევნულთა სიმართლისათვის, რათა დაკარგონ მათ სასუფეველი ცათა, ჩაირიცხენ ჩემს ლაშქარში და ემსახურონ უსამართლობას, რომელსაც უნდა ეკუთვნოდეს მხოლოდ სასუფეველო ცისა და ქვეყნისა. მივცემ დიდ პალატთა საცხოვრებლად, შევმოსავ ძვირფასი სამოსლით, მივუჩინ კეკლუცთა ბანოვანთა, დავატკობ ყოვლის ქვეყნიერის სიკეთით და ვნახოთ მაშინ, იქნებიან-ლა ისინი დევნულნი სიმართლისათვის?! ჰნახეთ მაშინ, უკმევდენ რა გუნდრუქს უსამართლობას, სცემდენ მას თაყვანს. ეძიე, ნაზარეველო, მაშინ დევნული სიმართლისათვის და უკეთუ ჰპოვო, დაუთმე სასუფეველი ცათა!“<sup>33</sup>

რა მშვენიერი, ზუსტი და სამართლიანი გაგება და შეფასებაა მოცემული გაბატონებული კლასის მიერ საშუალებების გამოყენებისა, რათა თავის მხარეზე გადაიბიროს და გამოიყენოს არა მარტო მდაბალი გრძნობით გამსჭვალულნი, არამედ აგრეთვე სუსტნი, და უკაცური გზით აამოქმედონ თავისი მოძმის — სიმართლის მატარებლისა და მლაღადებლის, კაცთმოყვარის წინააღმდეგ. არაჩვეულებრივი სიმკაცრითა, სიმტკიცითა და სიძლიერითაა ვაჟა-ფშაველას მიერ ჩამოგლეჯილი გაბატონებული ფენების ნილაბი.

გათავხედებული ეშმაკი არა მალავს თავის ბნელ ზრახვებს. ის მოურიდებლივ განაგრძობს თავის ურცხვ მუქარას სიმართლის წინააღმდეგ. ის შემდეგი სიტყვებით მიმართავს კაცთა შორის სიყვარულისა და სათნოების დამყარების მომხრე კეთილ ძალას — იესოს: „ვერ შესძლებ განახორციელო ვერც ერთი მუხლი შენის მოძღვრებისა. რადგანაც... მოვმართავ ქვეყნის გონების ჩარხს ისე, რომ ყველა ამბობდეს: „რაც სთქვა იესომ, სათქმელია ადვილად, ხოლო საქმნელად ძნელია“. ვათქმევინებ და ვაფიქრებინებ ამას ადამიანთა; ურწმუნოებით, იმ ფიქრით, რომ ყოველი შენი რჩევა მიუწოდებელია ადამიანისაგან, — გავუღენთავ მთელ ქვეყანას... ასე უნდა იქმნას, ამას ვეცდები მე ღა მივალწევ კიდევაც ჩემს მიზანს“<sup>34</sup>.

მწერალი დიდი სიციხადით აგრძნობინებს და შთააგონებს მკითხველს, რომ ახალსა — სამართლიანსა და ძველს — ბოროტს შორის: სამკედრო-სასიციოცხლო ბრძოლა წარმოებს. ვინ ვის დასძლევს. ასე დგას საკითხი, რაც ასეთი სიციხადითაა გაშლილი ჩვენი თანამედროვე ცხოვრების სინამდვილეში. ორივე ძალა თავისთავად გამოხატავს გამარჯვე-

<sup>33</sup> ვ ა ჟ ა - ფ შ ა ვ ე ლ ა , ე შ მ ა კ ი , თ ხ . , ტ . VI , გვ . 189 .

<sup>34</sup> ი ქ ვ ე .

ბის ცდასა და რწმენას. მწერალი თვითონ ახალის — სამართლიანის მხარეზეა მთლიანად და შემდეგნაირად აგრძელებს საკითხის გაშუქებას.

ეშმაკის მუქარის გამგონი იესო, დარწმუნებული თავისი კეთილი დასაბამის საბოლოოდ გამარჯვებაში, აღშფოთებული, მაგრამ დინჯად და მტკიცედ შესძახებს ბოროტს ძალას — ეშმაკს: „განვედ, მაცდურო სატანავ, ჩემგან! ბნელეთის ქურუმო, განვედ! სიცოცხლე ჩემი არს დაუსრულებელი, ხოლო შენი — წუთიერი... ნუთუ არ იცი, რომ სახლს, რომელსაც აშენებს ღმერთი (კაცთა სიყვარულისა, თანაგრძობისა და დახმარების კეთილი ძალა. — მ. ზ.), შენ ვერ დაანგრევ? იცი, კარგად იცი, მაგრამ... სიკერზე გონებისა და სირეგვნე გიშლის შეიგნო სიმართლე, მიჰხვდე, რომ პირველად ყოვლისა ხარ თავისთავის მტერი! მტრობა შენი ადამიანთადმი მოგიძღვნის მხოლოდ წყევლას და შეჩვენებას, თვით იმათგანაც-კი, ვინც შენს გზაზე დადის, ვინც შენს რჩევას უგდებს ყურს, — ვისაც მოეწამლა ფიქრი და გრძნობა შენის გესლით, თვით ისინიც კი მოგაფურთხებენ, როდესაც დაუკვირდებიან თავიანთ საქმეთა და ხმა ჩემი, შთანათესი იმათ გულში, დაუდგებათ თვალწინ“<sup>35</sup>...

ამასთანავე, მეტად საგულისხმიეროა, რომ ვაჟა-ფშაველა დაჭიმული გულისყურით, მახვილი გონების თვალთა და კაცისადმი დიდი სიყვარულით ამოძრავებული, ბოროტსა და კეთილს შორის ბრძოლის დამთავრებას ოპტიმისტურად გამსჭვალული თვალთა უყურებს. მით უფროა საგულისხმიერო, რომ ვაჟა-ფშაველას ასეთი ოპტიმისტური განწყობილება — კეთილი დასაბამის, ახალი სამართლიანი ურთიერთობის დამყარების გამარჯვება — რეაქციის ხანაშიც ახასიათებდა. ეს განწყობილება მწერლისათვის რეაქციის ხანაშიც წამყვანი შეიქმნა.

მწერალი დიდი კმაყოფილებით, თვითონაც სიმართლის გამარჯვებაში ღრმად დარწმუნებული, გადმოგვეცემს, რომ ეშმაკი, იესოს წინააღმდეგობის გამო, სიბრაზისაგან თვალებიდან ცეცხლს აკვესებდა, უნდოდა მოესპო სიცოცხლე იესოსათვის, მაგრამ „წინ წადგმული ფეხი უკან უვარდებოდა, გაშლილი ფრთა უდუნდებოდა, აწეული ხელი თავში ჰხედებოდა... იწყევლებოდა, ემღურებოდა იმ ძალას, რომელიც უბოროტად ხელებს ბოროტ განზრახვის ასასრულებლად“<sup>36</sup>.

ვაჟა-ფშაველა ღია, გამჭვირავი თვალთა უყურებს ცხოვრებას. ის კარგად იცნობს სინამდვილეს, კარგად გრძნობს, რომ ბოროტი, ბნელი ძალები თავის ნებით არ დათმობენ თავის „კეთილ მდგომარეობას“, არაფერს არ დაზოგავენ, რომ მომავალშიც შეინარჩუნონ ბატონობა. ამიტომ, გადმოგვეცემს ვაჟა-ფშაველა: ეშმაკი „უტატანებდა ბეთლემის

<sup>35</sup> ვაჟა-ფშაველა, ეშმაკი, თბზ., ტ. VI, გვ. 189—190.

<sup>36</sup> იქვე, გვ. 190.

ვარსკვლავს (ბედნიერი მომავლის იმედს-რწმენას. — მ. ზ.), საუცხოოდ ცაზე მოკაშვანეს, რათა ჩამქრალიყო იგი და ჩაექრო ადამიანთა გულში სასოება ქრისტეს (ქეშმარიტი ცხოვრების. — მ. ზ.) დაბადებისა<sup>37</sup>.

ამ სანახაობით შეძრწუნებული და შეწუხებული ეშმაკი (ბოროტი ძალა) იძულებული ხდება უფსკრულში ჩაიჭრას, თავის მოძმეებს ამცნოს საშინელი განკითხვის მოახლოება. იქ თავმოყრილი ბოროტი სულები ბოროტების მეუფის ბელზებელის თაოსნობით საშინლად გაჰყვიან: „წყეულიმცაა სიმართლე ქვეყანათა ზედა და გაუმარჯოს ბოროტებას!“<sup>38</sup> ჯოჯოხეთი საზარელი ხმით გრიალებდა და მთელი დედამიწა ზანზარებდა.

ხოლო სიმართლის დამყარების ღრმა მისწრაფებით გატაცებული და მისი გამარჯვების დიადი რწმენის მატარებელი მწერალი, ასეთი სურათის ხილვით აღშფოთებული, იესოს პირით მტკიცედ შესძახებს ეშმაკს — ბოროტ ძალას: „განვედი, სატანავ, ჩვენგან!“<sup>39</sup>

მოთხრობაში „ეშმაკი“, ვიმეორებთ, ვაჟა-ფშაველას მიერ გასაოცარი სიცხადითაა განჭვრეტილი ჩვენი თანადროულობის მსოფლიო მდგომარეობაც, როცა მთელი მსოფლიო, თითქმის გამოუკლებლივ, ორ მოპირდაპირე მებრძოლ ბანაკადაა გაყოფილი: საბჭოთა და დემოკრატიული ქვეყნები და კაპიტალისტური სამყარო. ამ მოთხრობიდანაც მკითხველისათვის ადვილი გასაგები ხდება, რომ ვაჟა-ფშაველას მთელი სიმპათიები, უდავოდ, სამართლიანი, კეთილი, კაცთმოყვარე დასაბამის გამარჯვებისაკენაა. მწერლის რწმენა, რომ მშრომელი მასები ბედნიერსა და თავისუფალ ცხოვრებას დაამყარებენ, — ურყევია.

მკითხველი, როდესაც ეცნობა ვაჟა-ფშაველას ნაწარმოებთა დაწერის თარიღებს, ადვილად და ურყევად რწმუნდება, რომ რეაქციის ხანაში, 1905 წლის რევოლუციის შემდეგაც, როდესაც დაიწერა მოთხრობა „ეშმაკი“ და სხვ. ვაჟა-ფშაველა თავის მისწრაფებას კაცთმოყვარეობისა და სამართლიანობის საფუძველზე მოწყობილ ქვეყნისადმი, ხოლო შეურიგებელ დამოკიდებულებას ბოროტი, ბნელი ძალებისადმი, რეაქციისადმი აშკარად გამოხატავს. ცხადია, რეაქციას, როგორც ზევეითაც დაეინახეთ, მთის მგოსანში არამც თუ ვერ ჩაუკლავს გამათავისუფლებელი პროგრესული იდეებისადმი ცხოველი მისწრაფება, არამედ თითქოს ვერც კი შეუხელებია; რეაქციას ვერ ჩაუკლავს მასში რევოლუციური იდეების გამარჯვების რწმენა და ამ რწმენის მკითხველთა მასებში გატანის აუცილებლობა თავისი შემოქმედების საშუალებით.

<sup>37</sup> ვ ა ჟ ა - ფ შ ა ვ ე ლ ა , ეშმაკი, თხზ., ტ. VI, გვ. 190.

<sup>38</sup> ი ქ ვ ე ე .

<sup>39</sup> ი ქ ვ ე ე .

ანალოგიური განწყობილება და თემაა ასახული ვაჟა-ფშაველას მიერ რეაქციისავე ხანაში (1909 წელს) დაწერილ იგავისებურ მოთხრობაში „დათვი“.

ამ მოთხრობაში ვაჟა-ფშაველა გვიჩვენებს უსამართლო, ძალმომრეობის საფუძველზე აშენებული საზოგადოებრივი ცხოვრების სხვა მხარეებს.

დათვმა დაურაზმავ, უიარაღო გლეხობაზე გაიმარჯვა. გამარჯვებამ დათვს თავი მოაწონებინა, სამერმისოდ იგი გაათამამა და გაამხნევა. გაბატონდა, გამედიდურდა, გათავხედდა დათვი: „როცა იციან მამბრიყვებმა, — ქედმალლობითა და კმაყოფილებით ამბობდა დათვი, — რომ ვერაფერს ჩამომრჩებიან, რატომ თავისთვის არა ყრიან?!. ჩვენი შრომაო, ჩვენი ოფლი დათვს მოუნდაო, — გაიძახიან. მომინდა? ალბათ, შამერგება კიდევ. თუ არ შამერგება, წაიღონ! ეცადონ; ვის, ან რაღას ელიან?... გაგიხარიან, კარგად მოვტორე ყველანი, ვგონებ, რომ ველარ გაბედონ კრინტის დაძვრა“<sup>40</sup>...

მოთხრობა „დათვი“, რა თქმა უნდა, ალეგორიაა. როგორც დათვისა, ისე სხვა მხეცთა სახით ვაჟა-ფშაველა მასში გვიხატავს ადამიანთა ფსიქოლოგიასა და მათ შორის ურთიერთობას. და გადაჭრით უნდა ითქვას კიდევ, რომ მწერალი მაქსიმალურად რეალურ სურათსაც იძლევა. მიუხედავად იმისა, რომ დათვი მოულოდნელად, სრულიად შემთხვევით და დაუმსახურებლადაც სოფლის მბრძანებელი გახდა, გარემოებამ მისი ფსიქოლოგია უმალ შესცვალა. იგი დაუნდობელი, დაუოკებელი შეიქმნა. მისი სურვილები უგნურ თავხედობამდე მიდის, ქეშმარიტად სურათი ცხოველია, ნამდვილია, დამაჯერებელია და, დიალაც, მკითხველის თვალის ამხილველი.

დათვმა ბობოქრობით გული როცა მოიჭერა, დაფიქრდა და მედიდურად წარმოსთქვა: „ვიდრე ერთი ურჩია ქვეყანაზე, ჩემი ბედნიერად ცხოვრება ყოველად შეუძლებელია. სრულს ბედნიერებას მხოლოდ მაშინ მოვიპოვებ, როცა ურჩინი მთლად გასწყდებან, აღიფხვრებიან პირისაგან ქვეყნისა, ამიტომ საჭიროა ყველას გონების ჩარხი ასე მოიმართოს, ასე ფიქრობდეს და სხვანაირად არა: და ე მ ო რ ჩ ი ლ ე ნ ი თ უ ძ ლ უ რ ნ ი ძ ლ ი ე რ თ ა, რ ა მ ე თ უ მ ა თ ხ ე ლ თ ა რ ი ს ს ი ც ო ც ხ ლ ე თ ქ ვ ე ნ ი, ე. ი. ჩ ვ ე ნ ი ო“<sup>41</sup>.

ასეთია, ჩვეულებრივ, სინამდვილეში ტიპური ფსიქოლოგია და განწყობილება გაბატონებული ელემენტებისა საზოგადოებრივ ცხოვ-

<sup>40</sup> ვაჟა-ფშაველა, დათვი, თხზ., ტ. VI, 1939 წ., გვ. 249.  
<sup>41</sup> იქვე, ხაზი ვაჟა-ფშაველასია.

რებაში, განსაკუთრებით, როცა გაბატონებული ელემენტები დაუმსახურებლად, უღირსად, შეუფერებლადაა გაბატონებული მმართველ პოზიციებზე. ასეთი ფსიქოლოგია, ვაჟა-ფშაველას გაგებითა და მკვეთარი ჩვენებით, უსამართლოა, მავნებელი და გაბატონებულთა გონების სიბეცისა და გაწროვების მაჩვენებელი. სწორედ ესაა, რომ ხელს უშლის საზოგადოებრივი ცხოვრების საღ მიმდინარეობასაც და ხელს უწყობს თვით ამგვარი გაბატონებული ელემენტების დაღუპვასა და მათ სამარცხვინო მოხსნას ისტორიის ასპარეზიდან.

ასეთი შეხედულება რომ თვალსაჩინო და მკითხველისათვისაც დამაჩერებელი გახადოს, ვაჟა-ფშაველა ამის პარალელურად მოთხრობაში ნიჭიერად ავლინებს კლასობრივ საზოგადოებაში დამორჩილებული ფენების „ობივატელურ“ სულისკვეთებას, გაბატონებულის — ძლიერის წინაშე ადვილად ქედის მოხრას, ხანდახან მოთხოვნილების გარეშეც კი. ასე იქცევიან დათვის წინაშე მხეცნი: მგლები, მელები, ტურები, მაჩეები, კურდღლები და სხვანი. ყველა ცდილობს მლიქვნელობით მეორეს აჯობოს ერთგულებისა და უქვეშევრდომილესი გრძნობების გამოხატვაში მბრძანებელი დათვისადმი, რათა მის გული მოიგოს, თავისი პირადი მდგომარეობა გაიუმჯობესოს. რა დამახასიათებელი — ტიპიურია ხაზებია მოცემული ბურჟუაზიული საზოგადოებრივი ყოფისა!

ესაპეს ენით აი როგორ გვისურათებს ვაჟა-ფშაველა ასეთს საზოგადოებრივ მდგომარეობას: „გავიდა ცოტაოდენი ხანი და დათვის სრასახლის კარებზე ჯაშუშების გუნდი გაჩნდა. ვინ გინდა, რომ არ ჯაშუშობდა: მაჩეებიც კი, რომელთა ათი ნახტომი ერთი ადლი არ გამოვა; და ყველა დათვისაგან რალაც გამოუთქმელს და დიდს წყალობას მოელოდა... ყოველი ჯაშუში იმას ცდილობდა, საუკეთესო რამ ცნობა მოეტანა ბატონისათვის“<sup>42</sup>.

დამახასიათებელ ხაზებშია მოცემული ცოცხალი სურათი კლასობრივი ქვეყნების ცხოვრებისა, მონური, უიდეო ქცევისა, რასაც ვაჟა-ფშაველას ბუნება და გაგება ვერ ეგუებოდა და მთელი თავისი არსებით ეწინააღმდეგებოდა.

მწერალი მახვილი თვალთ ხედავს ამ ქვეყნის ზნეობრივად გახრწნილ ცხოვრებას. ის აღშფოთებით, თუმცა კი თავშეკავებულა ობიექტურობით აგვიწერს, როგორ მიდიან სათითაოდ მხეცები მბრძანებელ დათვთან, მიაქვთ სხედასხვა ცნობა, ყოველი მათგანი როგორ ცდილობს დათვი აამხედროს პირადი ინტერესების მიხედვით პირადი მტრების წინააღმდეგ: მელია — კურდღლების, მგელი — ციყვების, კვერნების, შვლების, ირმების, არჩვების, გარეული ღორების და ა. შ. ერთს მშვენიერ დღეს მგელი დათვს მოახსენებს, რომ შვლები,

<sup>42</sup> ვ ა ჯ ა - ფ შ ა ვ ე ლ ა , დათვი, თხზ., ტ. VI, გვ. 253.

ირმები, არჩევები და ღორები თათბირობდნენ, ის მათ ჩუმად მიეპარა და ყური დაუგდო. „ერთხმად იძახოდნენ, — მოახსენებს მგელი დათვს, — უსათუოდ უნდა დათვი განვდევნოთ, დავაშოთო, მთელი ტყე, ტყისა და დედამიწის მოსავეალი მაგას მოუნდაო“<sup>43</sup>.

ქვეშევრდომთა ასეთი განზრახვით განრისხებული დათვი ეკითხება მგელს, ვინ უპირებს მას დამხობას და, გაკვირვებული მხეტთა ასეთი კადნიერებით, დაცივნით შესძახებს: „შვლები? ირმები? არჩევები? ჰმ, ჰმ!“

მგელი ერთგულებისა და მორჩილების გრძნობით მოახსენებს დათვს, რომ ამ ამოცანის შესასრულებლად მხეტებმა აირჩიეს ტახები, რომელთაც „თითოს ოროლი მტკაველი კბილი აქვს... თქვენთან საბრძოლველად, — განაგრძობს მოხსენებას მგელი, — ისინი ამოირჩიეს ერთხმად, და ტახებმაც თანხმობა გამოუცხადეს, დაიწყეს ეშვების ღესა და ისეთი ხმაურობა გამოსცა იმათმა კბილებმა, თითქოს ცა სქექდა“<sup>44</sup>. აქ, რა თქმა უნდა, ვაჟა-ფშაველას მხედველობაში აქვს კარგად ცნობილი რევოლუციონერთა არალეგალური მუშაობა, როცა რეაქციის ძალმომრეობას არალეგალურმა ორგანიზაციებმა დაუპირისპირეს ძალა, გაერთიანებული შეიარაღებული ძალა, რაც ასე შესამჩნევი შეიქმნა 1905 წლის რევოლუციის ხანაში.

მართალია, დათვი ერთგვარი ქედმძღვლიანი, გაბერილი ამაყი ტონით ეტყვის მგელს — „მობრძანდენ, იმათ მე გავსცემ პასუხსო“, მაგრამ ეს ამბავი კი მას ძალიან არ ესიაშოვება. საქმარისად დააფიქრებს დათვს და შიშსაც აგრძნობინებს. დათვთან მალე გაჩნდება მაჩვიც. ის დათვს მოახსენებს, რომ მის წინააღმდეგ სოფელიც აწყობს შეთქმულებას და მასზე თავდასხმას აპირებს. მაჩვიც მორჩილებისა და ერთგულების კილოთი ურჩევს დათვს სიფრთხილით მოიქცეს. დათვს მაინც არ უნდა იხტიბარი გაიტეხოს და მაჩვს ხელოვნური რიხიანი ხმით ეუბნება: „ძალას სიფრთხილე არ ესაჭიროება... ამ ტოტებს უყურებ?... ამათი პატრონი და სიფრთხილე?! სასაცილოც არის!“<sup>45</sup>

აქაც მაქსიმალური სიზუსტითაა ასახული გაბატონებულის ქედმძღვლიანი ფსიქოლოგია, ერთის მხრით, ხოლო, მეორეს მხრით, დამორჩილებულის, სუსტის მონური ბუნება. ნიჭიერად აქვს ვაჟა-ფშაველას განჭვრეტილი და ნაჩვენები არა მარტო მისი თანადროული საზოგადოებრივი მდგომარეობა და ურთიერთობა, არამედ კლასობრივ საზოგადოებაში არსებული მთელი კაცობრიობის ისტორიის მანძილი.

მაგრამ, მიეყვით მწერალს ცხოვრების სურათის ჩვენებაში. მიუხედავად დათვის ასეთი მოჩვენებითი სიმტკიცისა, ის მაინც შეფიქრიანდა,

<sup>43</sup> ვ ა ჟ ა-ფშაველა. დათვი, თხზ., ტ. VI, გვ. 255.

<sup>44</sup> ი ქ ვ ე.

<sup>45</sup> ი ქ ვ ე, გვ. 256—257.

სათანადო ზომების მიღებაზე დაიწყო ზრუნვა. მან მგელსაც, მაჩვსაც და სხვა ქვეშევრდომთაც უბრძანა ტყეს ხელი უშვან, რადგანაც „აქაური ცხოველი და ფრინველი არსად გაგექცევათ“<sup>46</sup>, და თვალყური ადევნონ სოფელს, იქ ინადირონ, რათა სოფელს უჩვენონ მისი ძალა. თვითონ დათვი კი შევიდა სოროში და იქიდან შიშით აღარ გამოდიოდა.

„ჩვეულებისამებრ, — გადმოგვცემს მწერალი, — ყოველ-დღე დათვის ამორჩეული ჯაშუშები ატყობინებდნენ, ვინც რა ამბავსაც გაიგონებდა“. მგლები, ტურები, მელები, მაჩვები და სხვანი მუშაობდნენ სოფლად დათვის მიერ მიცემული გეგმის თანახმად. „ააოხრეს, — ბოლმინად აგვიწერს მწერალი, — დააწიოკეს სოფლები ქურდობით, ტაციობით, სხვადასხვა ავაზაკობით“. ისე შეავიწროვეს სოფელი დათვის კაცებმა, რომ სოფლელებმა დათვის აკვაცობა დაივიწყეს: დათვის თითქმის კიდევ ემადლიერებოდნენ, ამბობდნენ: „დათვის იმის მეორედი ზარალიც არ მოუტია ჩვენთვის, რაც ამ მგლებმა და მელა-ტურებმა მოგვცესო“. დათვი კი, გადმოგვცემს მწერალი, კმაყოფილი იყო ამით და „ჩუმ-ჩუმად გუნებაში იცინოდა“<sup>47</sup>.

შეწუხდნენ ტყის „ალალი ლუკმის მკამელი ცხოველები“, მაი არ ესიამოვნებოდათ დათვის მეზობლად ცხოვრება; ისინი აშკარად ხედავდნენ, რომ მათი დარბევის, შევიწროების მთავარი მიზეზი დათვია.

მალე დათვის ორი ამორჩეული ტახი თავს დაესხა. შეშინებული დათვი სოროდან ვერ გამოიყვანეს. მოთმინებადაკარგულმა ტახებმა დათვის საბრძანებელს ძირი გამოუთხარეს და დათვიც დაგლიჯეს, მოკლეს.

„დათვის დამარცხებით, — გადმოგვცემს მწერალი, — ყველა მტაცებელი ცხოველები აღელდნენ: — როგორ გაბედეს ღორებმა ჩვენის ბატონის მოკვლაო, გაიძახოდნენ. სწყინდათ დათვის უდროოდ სიკვდილი, რადგანაც იმისაგან დიდსა და მდიდარს წყალობას მოელოდნენ, ხოლო წმინდა, ალალის ლუკმის მკამელი ცხოველები სიხარულით ცას დაეწივნენ“<sup>48</sup>.

ვაჟა-ფშაველას უნდა აქაც საბოლოოდ ნიღაბი ჩამოგლიჯოს არსებულ საზოგადოებრივ ცხოვრებას და, კერძოდ, საზოგადოების იმ ნაწილს, რომელიც გაბატონებულის, მბრძანებლის მახლობლად ტრიალებს, მას ერთგულებას უცხადებს, გამუდმებულ ფუსფუსშია. ვითომც-და მბრძანებლისადმი უანგარო, ერთგული სამსახურით აღკურვილი, სინამდვილეში კი უალრესად ანგარიანი, ცბიერი, პირმოთნე და ვერაგულია. ის ძლიერის ერთგულია მხოლოდ მანამდე, სანამ ძლიერს

<sup>46</sup> ვ ა ქ ა - ფ შ ა ვ ე ლ ა, დათვი, თხზ. ტ. VI, გვ. 260.

<sup>47</sup> ი ქ ვ ე.

<sup>48</sup> ი ქ ვ ე, გვ. 259.

ძალა აქვს. კარგად ცნობილია თქმა „Лишь право сильного раб свято почитает“.

აი როგორ ცხოველსა და ნამდვილ სურათს იძლევა ვაჟა-ფშაველა ამ ცბიერ ქვეშევრდომთა დამოკიდებულებისას დამარცხებული, განადგურებული მბრძანებლისადმი: „მელა წამოსულიყო დათვთან რაღაც ამბის მოსატანად. რა ნახა ტახებისა და დათვის ომი, იქვე შორი-ახლოს დაიშალა, ხოლო თვალ-ყურს ადევნებდა ბრძოლას: დათვის სიკვდილი კიდევაც ესიამოვნა გუნებაში. ტახების თვალი რომ იცდინა, ჩუმად მივიდა დათვთან და მთელი ჩალაღაჯი მოაღრღნა, თუმცა ცხოველების წინაშე სწყევლიდა ტახებს, ჰგმობდა, კისრად ძრახვას ადებდა: „ბატონი დათვი ღალატით მოკლეს იმ უღმერთოებმაო“ — ამბობდა... „მელას მოჰყვა ტურა, ნახა ნაომარი ადგილი — სისხლი, მიეყუდა მკვდარს დათვს, ახლოს მისვლას ვერ ჰბედავდა, მაგრამ რაკი დარწმუნდა, რომ მკვდარი იყო და თანაც ლეშიც რაღაცას ეჭამა, ტურამაც არ იუკადრისა პირი გაესველებინა... კარგად რომ გამოძღა დათვის ლეშით, გაიპარა და ტყეში ჩხავილს მოჰყვა გლოვისა და ტირილის ხმაზე. როგორც მელამ და ტურამ დაიტირეს დათვი, იმავე წესით მგელმა, აფთარმა და სხვებმა. ასე რომ მეორე დღეს, როცა მთელი ცხოველების კრება მივიდა დათვის დასატირებლად, თავიანთ ბატონისა ნახევარ ლეში-ლა დაუხვდათ, ისიც ნაჯიჯანი, ნაჭამ-ნუჭამი“<sup>49</sup>.

ქვეშევრდომთა ამგვარი ვერაგული მოქმედება თავის მბრძანებლისადმი, ვაჟა-ფშაველას სწორი შეხედულებითა და ნიჭიერი ჩვენებით, ბუნებრივი შედეგი და გამოვლინებაა არსებული უსამართლო, მანკიერი ცხოვრების წესწყობილებისა. მწერლის გაგებით, სწორედ ეს ფლღი და არაჯანსაღი გარემოება, ცბიერებასა და მლიქვნელობაზე შექმნილი ურთიერთობა ძირს უთხრის არსებულ ყოფას. მწერალი ამ უსამართლო ცხოვრების ცოცხალი სურათის გადმოცემაში ასეთს აზრს ჩააქსოვს: დათვის მომხრე ნადირები „მართლა სწყრებოდნენ თუ არა, ეს ღმერთმა უწყის, ხოლო ერთი მეორეს ისე აჩვენებდნენ, ვითომ ძალიან გვწყინსო, უფრო დიდსა და ბევრს ოხრავდნენ, ცხელს ცრემლებს ისინი ღვრიდნენ, რომელთაც მკვდარი დათვი არ დაინდეს და იმის ლეშს გიახლენ; დათვის სხეულის გაჯუღურებაც ღორებს დააბრალებს“<sup>50</sup>. ასეთია ვერაგი და დაუნდობელი ბუნება მონობის ქვეყნის მცხოვრებთა უმრავლესობისა, შთააგონებს მწერალი ამ სურათით თავის მკითხველს.

ვაჟა-ფშაველა არც ამით კმაყოფილდება, არც აქ სვამს წერტილს. ის განაგრძობს არსებული დაძაბუნებული, სადაც მხოლოდ პირადი ინტერესი მძვინვარებს, ცხოვრების ყალბი ბუნების გაშიშვლებას, ჩვენ-

<sup>49</sup> ვ ა ჯ ა - ფ შ ა ვ ე ლ ა, დათვი, თხზ., ტ. VI, გვ. 259—260.

<sup>50</sup> ი ქ ვ ე, გვ. 260.



ბას ამ საზოგადოების ადამიანთა აგრეთვე სხვა დამახასიათებელი თვისებებისა...

მიუხედავად დათვისადმი ასეთი დამოკიდებულებისა, მტაცებელმა მხეცებმა (ამათში მწერალი, რა თქმა უნდა, გულისხმობს პრევილიგირებულ ფენებს) გაითვალისწინეს, რომ ამას შესაძლებელია მოჰყვეს მათი პირადი ინტერესების შელახვა, ამიტომ საჭიროა „თავხედთ“ სუსხი და შიში აგრძნობინონ. ამ მიზნით მათ ერთხმად გადაწყვიტეს ესარგებლათ შემთხვევით და დათვის მოლალატე მხეცები სასტიკად დაესაჯათ. ამისათვის მათ „თავხედი“ ეშვიანი ღორების გზაზე ორმოები ამოთხარეს, რათა ბნელ ღამეში ისინი ჩაცვენილიყვნენ შიგ და დამსჩრვალყვნენ. მტაცებელმა მხეცებმა, რა თქმა უნდა, პირადი მდგომარეობის გაუმჯობესების მიზნით, „უზარმაზარი ნადირის ჯოგი მოაქუჩეს ერთად, და აჩოქეს ყველა და აბღავლეს: „ცხონება დათვსა, ხოლო მის ერთგულთა და პატივისმცემელთა დღეგრძელობა და გამარჯვება!“<sup>51</sup>

მართლაც, რა მძლავრი, მიუდგომელი და ნამდვილი სურათია ძველი ყოფის საზოგადოებრივ ცხოვრებაში გაბატონებული ყალბი და ანგარებნიანი ურთიერთობისა!

მტაცებელთა ამდენი სიყალბით, ანგარებითა და ძალმომრეობით აღელვებული მწერალი ნადირთა ჯოგის — დამორჩილებულთა ფენების ბღავილს ადარებს „ჯოჯოხეთის ცეცხლში ტანჯულთა გოდებას“.

მაგრამ მტაცებლებმა, მწერლის გადმოცემით, უპატრონო ცხოველებს ეს როდი აკმარეს, „დასცეს კიჲინა... დაერივნენ და დაუწყეს ქლუტა... მტაცებელნი ნადირნი დღესასწაულობდნენ. დაჩაგრულნი, უმწეონი, ბეჩავნი, წიოდენ, კიოდენ. იმათ გოდებას მთა და ბარი ზეცას აჰქონდა... გოდება ისმოდა ყოველ მხრით, ხოლო შებრალება არსადიდან“<sup>52</sup>.

ამ მოთხრობით ვაჟა-ფშაველა, ცხადია, გვაცხადებს მძლავრ აღვგორიულ სურათს 1905 წლის რევოლუციის შემდეგი დროისა, გამძევინებულნი რეაქციისას, რომლისადმი უარყოფითი, მიუღებელი დამოკიდებულება მწერლისა, უდავოდ, აშკარაა. ეს მოთხრობაც მკვერმეტყველურად გვიდასტურებს, რომ რეაქციამ ამ წლებშიც ვაჟა-ფშაველა ვერ გატეხა, ვერ მოლუნა, რეაქციის ხანაშიც ვაჟა-ფშაველა ენერგიულად განაგრძობს ძველი ყოფის, ბიუროკრატიული წყობილების მიუღებელი საფუძვლების, საზოგადოებრივი ურთიერთობის მკაცრ განქიქებას.

\* \* \*

ვაჟა-ფშაველას მსგავსი განწყობილება აქვს გამოხატული 1913 წელს დაწერილ მოთხრობაში „დროშა“.

<sup>51</sup> ვ ა ჯ ა - ფ შ ა ვ ე ლ ა, დათვი, თხზ., ტ. VI, გვ.-260.

<sup>52</sup> ი ქ ვ ე, 261.

ვაჟა-ფშაველას ჩვენებით, დროშა სიმბოლოა ხალხის სიმართლისა, მისი ერთობლივი, კოლექტიური ცხოვრების სიმტკიცისა, ერთი პირისა. თემს, მწერლის ჩვენებით, ძველიდგანვე სწამს ძალა და სიწმინდე დროშისა. მას ხალხი პატივს სცემს, საიდუმლოებრივ იცავს, როგორც წმინდათა წმინდას ბიუროკრატიული ხელისუფლებისაგან. დროშას პასუხისმგებელ მკველად მიყენებული ჰყავს ხევის ბერი ბეკი. ბეკი, ვინაიდან თემის მიერაა არჩეული, უფრო პატივცემულია თემისაგან, ვიდრე ხელისუფლებისაგან დანიშნული მღვდელი.

ხელისუფლება სასტიკად ებრძვის თემის მოსახლეობას ასეთს, მწერლის გაგებით, სამართლიან, სასარგებლო სიმტკიცეს ადათების შენახვის საფუძველზე. ხელისუფლება ებრძვის ხალხის ასეთ განწყობილებას; ვერაგული გზით, მის მიერ გადაბირებული ანგარებიანი მღვდლის საშუალებით, გაიგებს, სადა აქვს თემს გადამალული დროშა. თემს ხელისუფლება წაართმევს დროშას. მძიმე ტკივილებით დაუთმო ხალხმა ბოქაულს დროშა. რა ქნას თემმა, „ძალა აღმართსა ჰხნავს!“ და თემიც იძულებით უთმობს დროშას.

ხევისბერი ბეკი დარწმუნებულია, რომ ხალხს დროშა კვლავ დაუბრუნდება. ბეკს სწამს დროშის, როგორც წმინდა საგნის, სასწაულებრივი მოქმედება. ასეთივე რწმენითაა დროშისადმი გამსკვალული ხალხიც.

მართლაც, თემი მალე იბრუნებს თავის სათაყვანებელ დროშას. ხელისუფლება იძულებულია თვითონვე, თავისი ნებით წართმეული დროშა ხალხს დაუბრუნოს.

მოთხრობაში „დროშა“ ვაჟა-ფშაველა გამოხატავს რწმენას, რომ რეაქცია უძლურია ხალხთან ბრძოლაში. ხელისუფლება იძულებული გახდება დაუბრუნოს ხალხს დროშა; ე. ი. მისცეს ხალხს უფლება, საშუალება თავისუფალი, სამართლიანი საზოგადოებრივი ცხოვრების მოწყობისა, ხალხის სურვილისა და მოთხოვნების თანახმად.

მიუხედავად ვაჟა-ფშაველას ღრმა რწმენისა, რომ რეაქცია უძლურია ხალხის მასებთან ბრძოლაში, რომ ის იძულებული შეიქმნება ხალხს მისცეს წართმეული თავისუფლება, რათა ხალხმა მოაწყოს თავისი ცხოვრება თავისი სურვილების მიხედვით, უნდა აღინიშნოს, რომ მწერალი თავის ამ განწყობილებას ვერ ანუითარებს რევოლუციური ბრძოლის გზით, სათანადოდ ვერ ამახვილებს გამწვავებულ ბრძოლას ხალხსა და ბიუროკრატიულ აპარატს — ხელისუფლებას შორის.

მოთხრობაში შემდეგნაირადაა განვითარებული თემის მიერ დროშის დაბრუნების ცდა. ხევისბერი ბეკისა და დასტურების უუამდგომლობით მაზრის უფროსის, ბოქაულისა და სხვა მოხელეების წინაშე თემს სურს დროშა დაიბრუნოს. მაგრამ ამ გზამ არ გასჭრა. ხელისუფლება ხალხთან ბრძოლაში შეუდრეკელია, უღმობელია.

მხოლოდ თამარისეული დროშის სასწაულებრივმა მოქმედებამ გაიმარჯვა. მალე სწორედ იმ სტრატეგიკს, რომელმაც ხევისბერ ბეკს დროშა გამოგლიჯა და „ჩიხაურში“ მოათავსა, გაუგებდა ცხენი: ცხენმა წხედარი გადმოაგდო და თაი: მიახლევინა სწორედ იმ ადგილას, საცა „ჩიხაური“ იყო. თავგაჩენ ღმა დარაჯმა იმწამსვე სული განუტევა. ეს გარემოება ყველამ, ხალხმაც და მთავრობის მოხელეებმაც. ახსნა თამარისეული დროშის სასწაულებრივი მოქმედებით.

ამიტომ მაზრის უფროსიც შეშინდა და, ავტორის გადმოცემით, თვითონვე ეხვეწებოდა ხალხს: „წაიღეთ, თქვე მამაძაღლებო, და მომაშორეთ ეს თქვენი დროშა აქედან, თორემ, ლამის არი, სტრატეგიკების ცხენები კი არა მარტო, ლამის სტრატეგიკებიც დაყოფდენ, და ეს ცოტაა კიდევ, — იქნება მთელი „ჩიხაურიც“ გაგყდეს, — თოფებმა თავის-თავად სროლა დაიწყონო. მომაშორეთ ჩქარა, მომაშორეთ თავიდანაო“<sup>53</sup>.

მოთხრობაში „დროშა“, თუ ერთის მხრით, ვაჟა-ფშაველა ააშკარავებს მაზრის უფროსისა და სხვა მოხელეთა განუვითარებლობას, ცრუმორწმუნობას, ჩამორჩენილობასა და უხეშობას, მეორეს მხრით, ხალხსაც ხომ ის ამავე მდგომარეობაში გვიხატავს? ხალხსაც ხომ სწამს თამარისეული დროშის სასწაულებრივი ძალა! საბოლოოდ ხალხის ძველი რწმენა — „დროშის მადლი“ იმარჯვებს და არა ეპოქისათვის დამახასიათებელი „ბრძოლის გზა“, მისი აუცილებლობის შეგნება.

აქაც მკლავდება ვაჟა-ფშაველას წვრილბურჯუაზიული მსოფლმხედველობა. მწერალი, როგორც ეს მისთვის დამახასიათებელია, არ ამხევილებს კლასობრივ წინააღმდეგობას. ბრძოლა ხალხსა და ბიუროკრატიულ აპარატს შორის მწერალს ამავე მიზეზის გამო შერბილებული აქვს ამ ბრძოლის ბეკის სიზმარში გადატანით.

მოთხრობა „დროშა“ ვაჟა-ფშაველას დაწერილი აქვს რეაქციის ხანაში, 1913 წელს. ამ წლიდან მწერალს ავადმყოფობამაც მოკიდა ხელი. აქედან რეაქციისა და ავადმყოფობის გავლენით ვაჟა-ფშაველას პოეტური ალლო ერთგვარ მოღუწებას იწყებს და მისი მერყევი წვრილბურჯუაზიული მსოფლმხედველობაც უფრო აშკარავდება.

ამრიგად, ვაჟა-ფშაველა მთელი მოღვაწეობის მანძილზე თანადროულობის საზოგადოებრივ ურთიერთობის საფუძვლებს უარყოფითად აფასებს, დაუნდობლად ააშკარავებს მათ დრომოკმულ, მიუღებელ, უსამართლო, დამღუპველს და ადამიანთათვის შეუფერებელ ხასიათსა და ძალას. ამასთან ის ენერგიულად ავითარებს და მკითხველს აჩვენებს ახალი, მომავალი საზოგადოებრივი ცხოვრების — კაცთა ურთიერთობის შესაფერ, სამართლიან წინწამწევ საფუძვლებს. თუმცა ეს საფუძ-

ვლები კონკრეტულ სახეებში არაა მოცემული (მწერლის იდეოლოგიური შეხედულების გამო), მაგრამ, რომ ცხოვრება აუცილებლივ უნდა გარდაიქმნას გაერთიანებული კოლექტიური საზოგადოების სიყვარულისა და მოძმისადმი დახმარების საფუძველზე (რაც მრავალ შემთხვევაში მსხვერპლსაც მოითხოვს) — დაჟინებით და, შეიძლება ითქვას, განუხრელად მძაფრად იგრძნობა. ამასთან იგრძნობა დაუოკებელი სურვილი ვაჟა-ფშაველასი, ყველაფერი ეს მკითხველსაც შთააგონოს.

**ვაჟა-ფშაველა და ქართული ხალხური ზეპირსიტყვიანობა**

ვაჟა-ფშაველას სამწერლო ასპარეზზე გამოსვლისთანავე როგორც მკითხველი საზოგადოება, ისე ლიტერატურული კრიტიკა დაყინებით და ხაზგასმით აღნიშნავდა პოეტის შემოქმედების ხალხურ ხასიათს. ქართული კრიტიკა თავიდანვე დაინტერესდა გაერკვია ვაჟა-ფშაველას შემოქმედების ურთიერთობა ქართულ ხალხურ ზეპირსიტყვიანობებთან.

მართლაც, ვაჟა-ფშაველას შემოქმედების ზერელე გაცნობაც კი აშკარადა ხდის, რომ იშვიათად თუ სხვა რომელიმე მწერალი ისე მჭიდროდ იყოს ხალხურ შემოქმედებასა და მეტყველებასთან დაკავშირებული და ისე უხვად, მოხდენილად და თავისებურად სარგებლობდეს ხალხის მდიდარ ზნე-ჩვეულებათა და სულიერი მემკვიდრეობის საღაროს მასალით, როგორც ვაჟა-ფშაველა.

ამიტომაც ბუნებრივია ამ საკითხით ქართული კრიტიკისა და ფართო მკითხველთა დაინტერესება. ეს საკითხი ამასთან ერთად რთულია და მრავალმხრივი. ამ მოვლენის სათანადო გარკვევა საგულისხმეოა არა მარტო ვაჟა-ფშაველას შემოქმედების გაგება-შესწავლისათვის, არამედ ქართული ლიტერატურისა და ქართული საზოგადოებრივი აზროვნების ისტორიის მართებული გაგებისათვისაც, ვინაიდან ვაჟა-ფშაველას შემოქმედების სიახლოვეს ქართულ ფოლკლორთან მრავალი და მასთან ერთად მძლავრი ფესვი აქვს ქართველი ხალხის ისტორიულ განვითარებასთანაც.

ეს სიახლოვე ვაჟა-ფშაველას შემოქმედებისა ხალხურ პოეზიასთან აიხსნება, რა თქმა უნდა, ჯერ იმით, რომ პოეტი წარმოშობით ხალხის დაბალი ფენის, მთიელთა წრიდანაა; იმ მთის ღვიძლი შვილია. ის გლეხია.

ვაჟა-ფშაველა მთაში არა მარტო დაიბადა, არამედ მთაშივე, გაქირვებულ, შევიწროებულ, ბარსა და კულტურულ ცენტრს დაშორე-

ბულს, მაგრამ თავისებურებისა, სილადისა და ძველი რაინდული ყოფის შემნახველი მთიელი ხალხის ყოფაშივე აღიზარდა და ცხოვრობდა. მისი მშობლები ორივენი მდაბიო ხალხის ღვიძლი შვილები იყვნენ თავიანთი აღზრდით, გაგებით, მისწრაფებითა და ზნე-ჩვეულებით.

ვაჟა-ფშაველას მამამ, პავლე რაზიკაშვილმა, დიდი ბრძოლითა და ვაი-ვაგლახით გაიკვლია თავისი ცხოვრების გზა; დიდი წვალებით შეისწავლა წერა-კითხვა და მღვდელმსახურება, რის შემდეგაც ის ჯერ დიაკვნად იყო და შემდეგ მღვდლად ხევსურეთსა და ფშავეში. პავლე, როგორც მღვდელი, მუდამ მქადაგებელი იყო კაცთმოყვარეობისა და სადა, სამართლიანი ცხოვრებისა. მოსახლეობას გადასახადებს არ ართმევდა.

პავლე და მისი ცოლი გულქანი იშვიათი გამრჩელნი იყვნენ. შრომობდნენ და ცხოვრობდნენ, როგორც ჩვეულებრივი მთიელი გლეხები და შვილებსაც ასეთივე შრომისა და სადა ცხოვრების საფუძველზე ზრდიდნენ. აი რა საგულისხმეო ცნობას გვაძლევს თავის „ავტობიოგრაფიაში“ თედო რაზიკაშვილი, ძმა ვაჟა-ფშაველასი: „სანამ მკასა და თიბვას შევიძლებდი, საქონელში დავდიოდი, მერე კი ყველა გლეხურ საქმეს ვაკეთებდი... ისე გავიზარდე, რო წითელი კიტაიას ახალუხი მენატრებოდა და ვერ ველირსე“<sup>1</sup>. ასევე იზრდებოდნენ პავლეს სხვა შვილებიც და მათ შორის ვაჟა-ფშაველაც. არდადეგებზე ძმებო სახლში რომ ბრუნდებოდნენ, მაშინაც მამა შვილებისაგან სასტიკად თხოულობდა შრომას. ეს გარემოება ძმათა რაზიკაშვილებს მკიდროდ აკავშირებდა მთის მოსახლეობასთან, მის ყოფა-ცხოვრებასთან, მის გაგება-შემოქმედებასთან.

ამას გარდა, პოეტის მშობლებს ხალხთან დაახლოების მხრივ დიდი გავლენა ჰქონდათ ვაჟა-ფშაველაზე და მის ძმებზე სხვა მიმართულებითაც. მათი მშობლები დაჯილდოვებულნი იყვნენ პოეტური ნიჭით, ორივე კარგად იცნობდა ხალხურ შემოქმედებას, ორივემ იცოდა მრავალი ნიმუში ხალხური შემოქმედებისა და მათი ნიჭიერი გადმოცემაც მღერით, ლილინით თუ ფანდურის დაკვრით.

ამასთან ერთად, პოეტის მამა პავლე ქართული წიგნის დიდი მოყვარულიც იყო. რაზიკაშვილების ოჯახში ჩვეულებრივი იყო შემდეგნაირი გონიერული აღმზრდელობითი გართობა: დღიური მუშაობის შემდეგ, საღამოთი, ოჯახის წევრები, ხშირად მეზობლებიც, მოუსხდებოდნენ ბუხარს ან დერეფნის ღირეს, დაიწყებდნენ ამა თუ იმ თქმულების ან ზღაპრის გადმოცემას, ან გამოცანებში შეჯიბრებას, ანდაზების მოსწრებულად თქმას, ან ხალხურ სიმღერებს და ფანდურის დაკვრას. იმარ-

<sup>1</sup> თედო რ ა ზ ი კ ა შ ვ ი ლ ი, „ავტობიოგრაფია“, ვაჟა-ფშაველას ცხოვრებისა და შემოქმედების მატ. ნე, შედგენილი ს. ყუბანეიშვილის მიერ, გვ. 243.

თებოდა გულისხმიერი სჯა-ბაასი, შეფასება ნათქვამისა თუ სიმღერა დაკერის ირგვლივ. ამგვარ გართობას ხშირად ერთოდა ხოლმე ქართული წიგნის კითხვა, ან მისი შინაარსის პავლეს მიერ ნიჭიერად გადმოცემა.

აი როგორ ახასიათებს მამას ვაჟა-ფშაველა: „იშვიათი ნიჭის პატრონი, ორატორი, ცნობისმოყვარე და მწიგნობარი... ქართულ ენაზე წიგნი არ მოიპოვებოდა, იმას არ შეეძინა, არ წაეკითხა... დანაშაულობისათვის სიტყვით სასტიკად შეიღების დამსჯელი, უმისოდ ჩვენი ტოლი და ამხანაგი იყო, გვებაახებოდა ათას საგანზე, საბაასო საგანს თავადვე გამოსძებნიდა. უყვარდა დიდებულ, გამორჩენილ ისტორიულ პირებზე ლაპარაკი. დავით აღმაშენებელი უყვარდა ყველაზე მეტად ჩვენს მეფეებში“<sup>2</sup>.

ამგვარივე თვისებით აღჭურვილად ახასიათებს თავის მამას თედო რაზიკაშვილიც: „უკვე მეცამეტე წელში ვიყავი... მთელი ღამეები წიგნების კითხვას ვუნდებოდი. წინადაც ბევრი მქონდა წაკითხული ქართული წიგნები, რადგან მამაჩემი გამოსულ წიგნს უქველად იყიდდა და დიდი ღრესასწაული იყო იმისათვის ქართული წიგნის გამოსვლა. ახირებული მოყვარული იყო სამშობლო ქვეყნისა და მისი მწიგნობრობისა. ვინც იმის მსჯელობას გაიგონებდა, იფიქრებდა, ყოველმხრივ განათლებულ და ღრმად განსწავლულ მეცნიერთანა მაქვს საქმე და არა უბრალო მღვდელთანა“<sup>3</sup>.

არანაკლები ნიჭისა და უნარის პატრონი იყო ვაჟა-ფშაველას დედა — გულქანი, ძმები რაზიკაშვილები ყველა ერთხმად, არაჩვეულებრივი ნაზი გრძნობითა და ღრმა სიყვარულით მოგვითხრობენ მასზე. აი როგორ გვინახიათებს დედას თედო რაზიკაშვილი: „დედაჩემი მდიდარი ფანტაზიის პატრონი იყო. უბრალო რამე ამბავს ისეთი ამბით, ისეთი ფერადებით შეზავებულს გადმოგვცემდა, რომ იხიბლებოდა მსმენელი. ის რომ დევებზედ ან ეშმაკებზედ, მოჯალაფეებზედ დაიწყებდა ლაპარაკს, მე სადღაც მოჯადოებულს, არა არსათა სამეფოში გადამიტაცებდა ოცნება და ჩემი თავი მნახველ-გამგონედ მეჩვენებოდა. იცოდა აუარებელი ლექსი და ზღაპარი. ცალკე კაცთა და ქალთა ცხოვრება, ლეგენდები და ამბები ჩვენს მეფეებზედ, უფრო თამარზედ და ერეკლეზედ. წაკითხულ-გაგონილსაც თავის გემოვნებაზედ გადააკეთებდა და თავისი დაბალი სასიამოვნო ხმით გვიზუზუნებდა. როცა გვამბობდა რამე სამწუხარო ამბავს, თანა ტირილდა ხოლმე. თვითონ წერა-კითხვა არ იცოდა. იყო ბუნებით პოეტი“<sup>4</sup>. დედის ასეთსავე დახასიათებას იძლევა ვაჟა-ფშაველა თავის მოგონებაში „ჩემი წუთისოფელი“.

<sup>2</sup> ვ ა ჯ ა - ფ შ ა ვ ე ლ ა, ჩემი წუთისოფელი, თბზ., ტ. V, 1936 წ., გვ. 511.

<sup>3</sup> თედო რ ა ზ ი კ ა შ ვ ი ლ ი, „ავტობიოგრაფია“, ვაჟა-ფშაველას ცხოვრებისა და შემოქმედების მატინე, შედგენილი ს. ყუბანიშვილის მიერ, გვ. 245.

<sup>4</sup> ი ქ ე მ, გვ. 247.

როდესაც ვაჟა-ფშაველას ქართულ ხალხურ ზეპირშემოქმედებასთან დამოკიდებულების საკითხს ვარკვევთ, არ შეიძლება არ გავიხსენოთ ვაჟა-ფშაველას დედის ბიძა — პარასკევა, რომელიც დიდად დაჯილდოებული იყო პოეტური ნიჭით. პარასკევა „პირველი მელექსე იყო ფშავეში, — გადმოგვცემს ვაჟა-ფშაველა. — იმან შექმნა სატირული ლექსები და დღესაც ყველა ფშაველი იმის ჰანგზე „ლექსობს“; საუბედუროდ, წერა-კითხვა სრულიად არ სცოდნია, რომ ქალაქის წყალობით შენახულიყო მისი ნაწარმოებები, თუმცა მისი ლექსები... ღრმა იუმორით არიან სავსენი“<sup>5</sup>. პარასკევას რაზიკაშვილებზე დიდი გავლენა ჰქონდა.

რაზიკაშვილის პოეტურ მიმართულებაზე საკუთარ ოჯახს რომ დიდი გავლენა ჰქონია, ამას თვითონ პოეტი-ძმები — რაზიკაშვილები — ვაჟა-ფშაველაც („ჩემი წუთისოფელი“), ბაჩანაცა და თედოც თავიანთ მოგონებებში ხაზგასმით ადასტურებენ.

აი როგორ იგონებს ამ გარემოებას თედო რაზიკაშვილი: ჩვენზე „გავლენა ჰქონია თვით ოჯახსაც. მამაჩემი დიდი თაყვანის მცემელი იყო ჩვენი პოეტ-მწერლებისა, აღმერთებდა საქართველოს, იმისი სამსახური ყველაზე უდიდეს მოვალეობად მიაჩნდა. გვიამბობდა მთების პიროფლიანებზედ (ე. ი. მთის გმირებზედ), აგვიწერდა პოეტურად იმათ ღვაწლს და გვანატრებდა სამშობლოსათვის თავდადებას. „ვეფხვის ტყაოსანი“, გურამიშვილის ლექსები, ი. ჭავჭავაძის „დამიტრო თავდადებული“ ზეპირად იცოდა. ზეპირად იცოდნენ ჩვენმა ბიძა-ბიძაშვილებმაც, რომლებიც მუდამ კვირა იყრიდნენ ჩვენსა, თავს, კითხულობდნენ და ზოგიც ფანდურზე დაჰმღეროდა. ეს ფანდურის ხმა ჰხიზლავს კაცს, აჯადოვებს და ატყვევებს, აღვიძებს გულში გრძნობათა ცეცხლს, თუ კი სულ გაპირუტყვეებული არ არის კაცი. და როცა ისმენ დიდებული კაცის სიტყვებს ისეთი ალტაცებით და მოწიწებით ფანდურზედ დანამღერს, შენც წაგძლევეს ოცნება და იმ დიდებულებთან სახელის განაწილებას განატრებს“<sup>6</sup>.

მოყვანილი ცნობებიდან აშკარაა, რომ ოჯახმა მნიშვნელოვანი გავლენა იქონია ვაჟა-ფშაველას პოეტური ნიჭის ამოძრავება-გამახვილება-მიმართულებაზე. ოჯახი ვაჟა-ფშაველასა და მისი პოეტი-ძმებისათვის, ექვს გარეშეა, პირველი და ნაყოფიერი აკვანი შეიქმნა მათი პოეტური ნიჭის გაშლისა და მიმართულების მიცემისა, განსაკუთრებით კი ხალხურ ზეპირშემოქმედებასთან მათი დამოკიდებულების საქმეში.

მთის გარემო, მის მოსახლეთა, მახლობელთა წრე ვაჟა-ფშაველასათვის რომ შემდეგშიც მისი პოეტური ნიჭის მიმზიდველი და მისაზრ-

<sup>5</sup> ვაჟა-ფშაველა, ჩემი წუთისოფელი, თხზ., ტ. V, გვ. 509.

<sup>6</sup> თედო რაზიკაშვილი, „ავტობიოგრაფია“, ვაჟა-ფშაველას ცხოვრებისა და მოღვაწეობის მატარებელი ს. ყუბანეიშვილის მიერ. გვ. 217.



დოებელი წყარო იყო, ამას ვაჟა-ფშაველა თვითონაც ხშირად აღნიშნავდა. აი რა საგულისხმეო ცნობას — ვაჟა-ფშაველას ნათქვამს — გვაძლევენ მ. და ნ. შამანაურები: „ქორწილში, ხატობაში თუ სხვა ლხინის დროს, შემომისხდებიან ფშაველები, მეტყვიან: „ვაჟაჲ, შენ თუ მართლა პოეტი ხარ, აბა ჩვენ გველექსო“ და დამიწყებენ ლექსაობას. მეც ძალაუნებურად უნდა ავყვე და ბევრჯელ ისინი მაჯობებენო. უალრესად ნიკიერი ხალხია ეს ჩვენი ფშაველები და ხევსუჭბო. მე ვგრე ლექსს ვერ ვიტყვი: მე უნდა დავჯდე ჩემთვის მარტოდ, მყუდროდ მაგიდასთან, სრული სიწყნარე და სიჩუმე უნდა სუფევდეს და გაფრენილ ბუზის მყუდროება არაფრით არ უნდა ირღვეოდეს“<sup>7</sup>.

ნაწილობრივ მაინც, შესაძლებელია, ამით ახსნება ის, რომ ვაჟა-ფშაველას წერა მთაში უფრო ეხერხებოდა. მას თავისი ლექსების, მოთხრობების, პოემებისა და სხვა წერილების დიდი უმეტესობა დაწერილი ჰქონდა მთაში და დამზადებულ მასალას ან თვითონ ჩამოიტანდა ხოლმე თბილისში, ან იქიდან გზავნიდა რედაქციებისათვის გაქსაცემად. იქ, მთაში, უხვად პოულობდა და ჰკრეფდა საზრდოს მისი პოეტური ხმა.

თვით ვაჟა-ფშაველა ყველაზე უკეთ გრძნობდა, რაოდენად იყო ის დავალებული მთის ცხოვრებით, ზნე-ჩვეულებითა და პოეზიით. მას თავის შემოქმედებაშიც არა ერთხელ აღუნიშნავს მთისადმი თავისი მაღლიერი გრძნობა. ნიმუშისათვის მოვიყვანთ ნაწყვეტს პოეტიდან „ბახტრიონი“:

მოგესალმებით, ქედებო,  
 მომაქვს სალაში გვიანი,  
 ჩემსამც სიშარეს ამკობენ  
 თქვენი ღეკა და ღვიანი  
 თქვენგანა გულობს ეს გული,  
 შოგ გრძნობა უღუღს ღეთანი.  
 თქვენი მიწოვაჲ მეც ძეძე,  
 ღალიან-ბარაქიანი,

ნუმ გაჯავრდება პირნიზე,  
 ნემც დამწყველიან იანი,  
 რომ იმა ღედის ძეძუთა  
 ვსუქლები ცოდვილიანი.  
 მეც მოგეზებაჲ იგი რძე.  
 რითაც თქვენ დაიზარდენით;  
 თქვენავე გარგებს, ღობილნო,  
 თუ უხვად დაიხარჯნით!<sup>8</sup>

თუ რაოდენ დიდი გავლენა ჰქონდა ვაჟა-ფშაველას პოეტურ ნიჭზე ქართულ ხალხურ ზეპირსიტყვიერებას. ამას მთის მგოსანი არა მარტო თავის მხატვრულ შემოქმედებაში გამოხატავდა ხოლმე, არამედ თავის კრიტიკულ-პუბლიცისტურ წერილებშიც, აი როგორი გულწრფელობით წერს ის ამის შესახებ: „თქვენს უმორჩილეს მონაზედ — ვაჟა-ფშაველაზედაც, უნდა მოგახსენოთ, დიდი შემოქმედება აქვს ხალხურ თქმულებათა. უმეტესი ჩემი პოემები ხალხში გაგონილ ორ-სამ სატყუანება

<sup>7</sup> ს. ყ უ ბ ა ნ ე ი შ ვ ი ლ ი, ვაჟა-ფშაველა, დოკუმენტები და მასალები, გვ. 274.

<sup>8</sup> ვ ა ჯ ა - ფ შ ა ვ ე ლ ა, ბახტრიონი, თხზ., ტ. III, 1930 წ., გვ. 165.

ამენებული. იქნება ეს ჰირიც იყოს? რა ვქნათ, ასე კია და... ნათქვამია: კაცმა ჰირი მალა, ჰირმა თავი არ დაძალაო“<sup>9</sup>.

ვაჟა-ფშაველა სრულიად სამართლიანად თვლის მცდარად იმ გარემოებას, რომ ჩვენში ძალიან სათაკილოდა და ნიჭის დამამცირებლად მიაჩნიათ მწერალზე სხვისი გავლენა. მისი შეხედულებით, ასეთი გავლენა წესიერი, საღი, ნორმალური და აუცილებელი მოვლენაა „იმ კანონის ძალით, — ამბობს ვაჟა-ფშაველა, — რომელსაც ჰქვიან კანონი თანდათანობისა“.

ვაჟა-ფშაველას სამართლიანი გაგებით, ამგვარი გავლენა დიდი მწერლებისათვისაც დამახასიათებელია, ბუნებრივი და არა დასაძრახი. ასეთი შეხედულების დასამტკიცებლად მას მოჰყავს მაგალითი რუსი დიდი მწერლების ლ. ტოლსტოისა და ა. პუშკინის შემოქმედების ისტორიიდან და ასკვნის: „დიალ, პუშკინის შემოქმედობაზე საერო (იგულისხმება ხალხური ზეპირშემოქმედება. — მ. ზ.) ნაწარმოებთა, ვინც-კი იცნობს რუსეთის საერო ლიტერატურას, დამეთანხმება, რომ დიდი ზედმოქმედება ჰქონდა. იმან შეისისხლხორცა ერის სულიერი საღარო და ამაშია კიდევ მისი დიდებულება, ამას ნაკლად-კი არა, ღირსებად უთვლიან ჰქვათამყოფელნი“<sup>10</sup>.

\* \* \*

მარტო მთისა და მშობელთა ოჯახის გავლენით არ შეიძლება აიხსნას ვაჟა-ფშაველას ასე ახლო და მჭიდროდ მისვლა ქართულ ფოლკლორთან და ასე უხვად მისი მასალით სარგებლობა. ამას კიდევ სხვა საზოგადოებრივი ხასიათის ღრმა მიზეზებიცა აქვს. ამისი ახსნა უნდა ვეძიოთ ვაჟა-ფშაველას საზოგადოებრივ პოზიციაში, მის საზოგადოებრივ სიმპათიებში, მის მიერ ლიტერატურისა და საზოგადოებრივი განვითარების ამოცანის გაგებაში, ე. ი. ვაჟა-ფშაველას საზოგადოებრივ მსოფლმხედველობაში, რაც მასში საკმარისად მკვეთრად გამოემუშავდა გორის საოსტატო სემინარიაში სწავლის დროიდანვე<sup>11</sup>.

60-იან წლებში, მძლავრი სოციალური ძვრების პერიოდში, თერგდალეულებმა სამწერლო და სამოღვაწეო ასპარეზზე გამოსვლისთანავე გამახვილებულად წამოაყენეს საკითხი ხალხისა, საკითხი, — რა გზით უნდა წარიმართოს ამიერიდან ქართველი ხალხის ისტორიული განვითარება!

<sup>9</sup> ვ ა ჯ ა - ფ შ ა ვ ე ლ ა, Pro domo sua, თბზ., ტ. V, 1936 წ., გვ. 508.

<sup>10</sup> ი ქ ვ ე, გვ. 507—508.

<sup>11</sup> იხ. სვ. სა ლ ა რ ი ძ ე, „მოგონებანი“, ლიტერატურული მემკვიდრეობა, 1935 წ., ტ. I. ალ. გ ა რ ს ე ვ ა ნ ი შ ვ ი ლ ი, „ვაჟა-ფშაველა მოწაფეობის ხანაში (1881—1883)“. იხ. ს. ყუბანეიშვილის „ვაჟა-ფშაველა“.

ესევე საკითხი იმავე 60-იან წლებში მტკიცებულად იდგა რუსეთის საზოგადოების წინაშეც.

ილია ჭავჭავაძე — ეს თერგდალეულთა იდეური ბელადი, გარკვეულად და მტკიცედ გამოსთქვამს უფრო. „საქართველოს მოამბის“ საპროგრამო წერილში არა მარტო თავის პირადს, არამედ თერგდალეულთა მთელი ჯგუფის მიმართულებას: „ჩვენი საქმე, — მტკიცე შეგნებით წერს ილია ჭავჭავაძე, — საქართველოს ხალხის ცხოვრებაა. მისი გამჭობინება ჩვენი პირველი და უკანასკნელი სურვილია“. ამიტომ ისინი (ე. ი. თერგდალეულები) ცდილობენ საქმე „დაიჭირონ, თუ არა სრულიად ხალხთან, მომეტებულ ნაწილთან მაინც“<sup>12</sup>.

ქართველი ხალხის ცხოვრების სინამდვილესთან ახლო მისულამ ილია ჭავჭავაძესა და თერგდალეულებს, აღზრდილთ რუსეთის 60-იანი წლების რადიკალურ-დემოკრატიულ იდეებზე, აშკარად დაანახვა, რომ საჭიროა დაითრგუნოს ძველი და გაიჭრას ახალი ცხოვრების გზა, ახალი მიმართულებითა და შინაარსით. ამ მეტად რთული და საჭირო პრობლემის სათანადოდ გადაჭრა ილ. ჭავჭავაძემ მეტად სწორად, ძარღვინადა და მიმზიდველად გამოთქვა თავის ლექსში „ქართლის დედას“:

მას ნულარ ვსტირით, რაც დამარხულა,  
რაც უწყალის დროთ ხელით დანთქმულა,  
მოვიკლათ წარსულ დროებზედ დარდი...  
ჩვენ უნდა ვსდით ახლა სხვა ვარსკვლავს.  
ჩვენ უნდა ჩვენი ვშვათ  
მყოლობადი,  
ჩვენ უნდა მივსცეთ მომავალი ხალხს...<sup>13</sup>

აი სწორედ ახალი ვარსკვლავის, ახალი, საჭირო და შესაფერი გზის გამონახვა, „მომავლის შვა“ და მისი ხალხისათვის მიცემა, რაც იმ დროის ცხოვრების პირობებში აუცილებელი და გადაუდებელი იყო, თერგდალეულთა და აგრეთვე შემდეგ 70—80 წლებში ხალხოსანთა წინაშეც, 60-იანი წლებიდანვე მეტად მწვავედ სვამდა ხალხის პრობლემას. თერგდალეულნიც და ხალხოსნებიც, რა თქმა უნდა, არამცთუ ყრუდ არა რჩებოდნენ, არამედ, თავთავიანთი სპეციფიკური გაგებით, ხალხის პრობლემას თავიანთი მოღვაწეობის ძირეულ საკითხად აყენებდნენ.

თერგდალეულნი თავიანთ შემოქმედებაში ცოცხლად, ხაზგასმით გვიხატავენ თუ რაოდენი მორალური ძალაა ხალხში, მაგრამ ამ ძალას რომ არავითარი გასაქანი არ ეძლეოდა, რომ ცხოვრების პირობები —

<sup>12</sup> ილ. ჭავჭავაძე, საქართველოს მოამბეზედ. „საქართველოს მოამბე“, № 1, 1863 წ.

<sup>13</sup> დაყოფა ჩვენია.

ყმის, გლეხის დაჩაგრული, უფლებდააყრილი მდგომარეობა მას ბორკავე-  
და, აკნინებდა, ჰკლავდა. მიუხედავად ასეთი მდგომარეობისა, ქვეყნის  
— ერის შემნახველი ძალა. ქვეყნის ბურჯი, ილ. ჰავჰავაძის (და სხვათა  
თერგდალეულთა) გაგებით, მაინც ხალხია<sup>14</sup>. ამიტომაც, ილ. ჰავჰავა-  
ძემა და მთლად თერგდალეულებმა უკუაგდეს ფეოდალური დარბაზე-  
ბის ენა და ლიტერატურულ ენას საფუძვლად ხალხის ენა დაუდვეს. ისი-  
ნი უხვად სარგებლობდნენ ხალხის მეტყველებით — ენით, გამოთქმე-  
ბით, ანდაზებით, სიტყვათა შემადგენლობით და სხვ.

ამასთან დაკავშირებით, ილ. ჰავჰავაძემ ერთმა პირველთაგანმა აღ-  
ნიშნა ქართული ხალხური ზეპირშემოქმედების ღირსება და მნიშვნე-  
ლობა, და დიდი ყურადღება მიაქცია მის შეკრება-შესწავლას, როგორც  
ხალხის ისტორიული და ეთნოგრაფიული ცხოვრებისა და ხასიათის  
თავისებურების გამოხატულების დადასტურებას.

ილ. ჰავჰავაძის ასეთი მიმართულებით აიხსნება. რომ ის დიდი გუ-  
ლისყურით ეკიდება გლეხობის — ხალხის ზნე-ჩვეულებას, ზეპირ-  
სიტყვიერებას. მას კარგად ესმოდა, რომ ხალხური პოეზიის მხატვრულ  
სახეებში აშკარად მეღავნდება მისი გამომწვევი და წარმომშობი ხალ-  
ხის ყოფა. ამიტომაც, ილია და აკაკი თვითონაც აგროვებდნენ და სხვა-  
თაც ურჩევდნენ მიექციათ სათანადო ყურადღება ხალხური ზეპირშე-  
მოქმედებისათვის, რომელშიც, როგორც სარკეში, ვლინდებოდა ხალ-  
ხის ბუნება, ძალა, ნიჭი, იდეალები და მთელი მისი ყოფა.

60-იანი წლებიდან შეიქმნა მთელი პლეადა ქართველი მწერლები-  
სა, რომელიც დიდის ინტერესითა და გატაცებით ჩაება ქართული ხალ-  
ხური ზეპირმეტყველების შეკრება-შესწავლის საქმეში: აკ. წერეთელი,  
პ. უმიკაშვილი, ი. გოგებაშვილი, გ. წერეთელი, ნ. ხიზანიშვილი, რაფ.  
ერისთავი და სხვანი.

მათ შორის განსაკუთრებული ადგილი უჭირავს აკ. წერეთელს.  
მან დიდი გატაცებით მოჰკიდა ხელი ქართული ფოლკლორის მასალებ-  
ის შეკრებას. ჩაწერა-შეგროვებას. სხვებსაც დაბეჯითებით მოუწო-  
დებდა ხელი მოეკიდათ ამ მეტად საჭირო და გადაუდებელი საქმისა-  
თვის. მან არა ერთი და ორი წერილი დასტამბა ქართულ პერიოდულ  
გამოცემებში ხალხური შემოქმედების ღირსება-მნიშვნელობაზე. არა  
ერთი და ორი მეთოდური ხასიათის წერილი მოათავსა, რომელშიც  
მკითხველთ სახელმძღვანელო მითითებებს აძლევდა, როგორ უნდა  
ჩაეწერათ ხალხური ზეპირსიტყვიერების ნიმუშები.

აკ. წერეთლის აზრით, ქართველ მოწინავე საზოგადოებას ბევრი  
საჭირო და გადაუდებელი საქმე აქვს, მაგრამ ყველაზე გადაუდებელია  
ზეპირგამოცემის ჩაწერა და შეგროვება-შესწავლა. „შედარებით ამ

<sup>14</sup> ილ. ჰავჰავაძე. „ცხოვრება და კანონი“ და სხვ.

დიდ საქმესთან, — დაბეჭივებით მოუწოდებდა ფართო საზოგადოებას აკაკი, — სხვები ხველა თითქოს ჩხირკედელაობად უნდა ჩაითვალოს“<sup>15</sup>. და ეს არა მარტო აკ. წერეთლის აზრი და მოთხოვნაა, არამედ მთელი ეპოქისა, რასაც რუსეთის საზოგადოებრივ აზროვნებაშიაც გარკვეულად ადგილი ჰქონდა.

აკ. წერეთლის ინიციატივითა და ჟურნალ „კვალის“ რედაქციის დახმარებით 90-იანი წლების დასაწყისიდანვე დაარსდა კიდევ კომიტეტი ქართული ხალხური ზეპირსიტყვიერების შეკრება-შესწავლის სახელმძღვანელოდ. აღნიშნული მიზნისათვის ფონდის დასაარსებლად ქართველ საზოგადოებაში დაიწყო ფულის შეგროვებაც. შემდეგ, როცა 1897 წელს აკ. წერეთელს ნება დართეს ჟურნ. „კრებული“ გამოეცა, აკაკიმ თავის ამ ჟურნალში ხალხური პოეზიის ნიმუშების გამოქვეყნებას განსაკუთრებული განყოფილება დაუთმო.

აკ. წერეთელი ქართული ხალხური შემოქმედების შესწავლის საქმის წარმატებით ისე იყო დაინტერესებული, რომ ამ საქმის წარმოების ფონდის გასაძლიერებლად თავისი ქონების უდიდესი ნაწილი (თავისი მამული სოფ. სხეიტორში) ანდერძით ქართულ საისტორიო და საეთნოგრაფიო საზოგადოებას დაუტოვა. „ვენახს და დანარჩენს ჩემს უძრავ ქონებას სრულ საკუთრებაში ვუტოვებ ქართულ ეთნოგრაფიულ საზოგადოებას, რათა მან შექრიბოს და გამოსცეს ქართული ზღაპრები, ლექსები და საზოგადოდ ზეპირი თქმულებანი“...<sup>16</sup>

დიდებული ჩვენი მგოსანი ამ საქმის საფუძვლიანად მიმართვით ისე იყო გატაცებული, რომ თავის „ანდერძში“ შესაძლებლად და საჭიროდაც დაინახა აღენიშნა: „თუ ვინცობაა ვინმე მოსურვებს ჩემს ხსოვნას პატივი სცეს გვირგვინით, მე ეთხოვ მას გვირგვინის საფასური შეიტანოს ხსენებულ ეთნოგრაფიულ საზოგადოებაში ზემოაღნიშნული მიზნისათვის“<sup>17</sup>.

აკ. წერეთელმა თავის პოეტურ შემოქმედებაშიც უხვად და მოხდენილად გამოიყენა ქართული ხალხური შემოქმედების მასალა. როგორც ხალხური ენა, ისე ჟანრები — სიმღერა, ლექსი, ზღაპარი, ლეგენდა, თქმულება, იგავი და აგრეთვე ხალხური პოეზიის ლექსთაწყობა და ეთნოგრაფიული მასალა („საიდუმლო ბარათი“, „ნაცარქექია“. „გოგია მეჩონგურე“, „ბაში-აჩუკი“ და მრავალი სხვ.).

XIX საუკუნის მეორე ნახევრის ქართველი მწერლობისათვის ქართული ხალხური ზეპირსიტყვიერების ასეთი გამოყენება საგრძნობლად დამახასიათებელია.

<sup>15</sup> აკ. წერეთელი, ხალხური ზეპირსიტყვიერება და მისი მნიშვნელობა, „თემი“, 1913 წ., № 118.

<sup>16</sup> მ ი ს ი ე ვ ე, ანდერძი, ჟურნ. „ვანათლება“, 1915 წ., № 11.

<sup>17</sup> ი მ ე ვ ე.

უნდა აღინიშნოს, რომ ხალხური ზეპირსიტყვიერებით გატაცებას ჩვენში ხელს უწყობდა აგრეთვე ამავე საკითხით დიდი დაინტერესება და აქტიური ნაყოფიერი მუშაობა მთელი XIX საუკუნის მანძილზე რუსული ფოლკლორის მკვლევართა და რუს მწერალთა მიერ (ა. პუშკინის, მ. ლერმონტოვის, ნ. გოგოლის, ნ. ნეკრასოვის და მრავალ სხვათა) ნიჭიერად გამოყენება რუსული ფოლკლორული მასალისა, რაც ჩვენს საზოგადოებაზე და მწერალთა შემოქმედებაზე, უდავოდ, დიდ გავლენას ახდენდა.

ქართველი ხალხის — გლეხობის ცხოვრებით, მისი ზეპირშემოქმედებით დაინტერესება ქართულ საზოგადოებრივ აზროვნებაში და მწერლობაში ღრმადება ხალხოსნების გამოსვლით სამოღვაწეო ასპარეზზე 70-იანი წლებიდან. ხალხოსნები ჩვენშიც და რუსეთშიც კულტად აყენებდნენ ხალხის ცხოვრების შესწავლას, მისი ძალისა და მნიშვნელობის გამოაშკარავებას. ამ მიზნით ისინი უხვად სარგებლობდნენ ხალხური ზეპირსიტყვიერების ბარაქიანი მასალით.

ნ. ხიზანაშვილი, ერთ-ერთი თვალსაჩინო წარმომადგენელი ქართველი ხალხოსნებისა, გარდა ფრიალ საგულისხმიერო წერილებისა, რომელთაც ის ბეჭდავდა ჟურნ. „იმედში“ და ქართულ სხვა პერიოდულ გამოცემებში ქართველი ხალხის, გლეხობის ისტორიული ცხოვრების შესახებ, აგრეთვე საგულისხმიერო წერილებს ათავსებდა ქართველი ხალხის ზნე-ჩვეულების შესახებაც. „ჩვეულებასაც, — წერს ნ. ხიზანაშვილი, — თავისი აზრი და მნიშვნელობა აქვს. და თუ იგი ხალხის ვინაობის გამომხატველია და ამასთანავე ზნეობითს კანონს არ ეწინააღმდეგება, მისი დაცვა ყოველად საჭიროა. სხვათა შორის, სწორედ ასეთი ჩვეულება აძლევს ხალხს განსაკუთრებითს ფერს, პიროვნულს ხასიათს. როგორც ცალკე პირისათვის საჭიროა მისი პიროვნული თავისებურება, ისე ხალხისათვის საჭიროა გონივრული ხალხოსნური ჩვეულება. სადაც ასე არ არის, იქ არც ცხოვრებაა, იქ არც პროგრესია შესაძლო... ჩვეულებას აქ (ფშავ-ხევსურეთში. — მ. ზ.) ღრმად ძირი გაუდგამს მთელს ცხოვრებაში. ხალხის აზრით, მისი საზოგადო შეხედულება მხოლოდ ამ ჩვეულებით მოძრაობს, მოქმედობს, თვით კანონიც აქ ჩვეულებაა და სხვა არაფერი“<sup>18</sup>.

ასეთი ინტერესი ხალხური შემოქმედებისადმი საქართველოში განსაკუთრებით გაცხოველებულია 80—90-იან წლებში. მიუხედავად მრავალ არახელსაყრელ პირობათა, ქართული ფოლკლორული მასალის შეკრება-შესწავლა ქართველ მკვლევართა და მწერალთა შორის მაინც დიდ ინტერესს იწვევდა. ქართველი მწერლები იმ მძიმე

<sup>18</sup> ნ. ხიზანაშვილი, „ფშავ-ხევსურეთი“, ეთნოგრაფიული წერილები, გვ. 3—4.

ცენზურულ პირობებში თანადროულობის მოწინავე იდეებს, ირიბი გადატანითი გზით გამოსახატავად ხალხური ზეპირშემოქმედებით სარგებლობდნენ. ისინი ხშირად ხალხურ ზეპირსიტყვიერებაში პოულობდნენ თემასაც და მასალასაც (ილ. ჭავჭავაძე, აკ. წერეთელი, რაფ. ერისთავი, ალ. ყაზბეგი და მრავალი სხვ.) და ამ გზით გაჰქონდათ ახალი იდეები მკითხველთა მასებში.



ვაჟა-ფშაველაც სრულიად შეგნებულად არ ასცდა შემოქმედების ამ გზას. ის არა მარტო ქრონოლოგიურად იყო თანამედროვე ზემოთ დასახელებული მწერლებისა და პოეტებისა, არამედ თანაზიარი და თანამოკალმე მრავალ ზრახვათა და განწყობილებათა იმ ჯგუფისა, რომელიც 60-იანი წლებიდან ცხოვრების ახალ გზას ეძებდა, ჰკაფავდა ნარ-ეკლიან სარბიელს, თავგამოდებით იბრძოდა საზოგადოებრივი ცხოვრების იდეურ-ლიტერატურულ ფრონტზე და ამ მოღვაწეობაში ხალხის ცხოვრების საღაროში შენახულ გონებრივ-იდეურ და მორალურ განძს იყენებდა. ვაჟა-ფშაველაზე, რა თქმა უნდა, ამ მწერლების შემოქმედებაც ახდენდა გავლენას.

აი რა საგულისხმიერო ცნობას გვაძლევს თვითონ ვაჟა-ფშაველა: „ჩემზე უნდა მოგახსენოთ, ყველაფერს, რაც კარგი და ხელოვნური რამ დაწერილა, ზემოქმედება, ძალა ჰქონია, ალტაცებაში მოუყვანივარ, მომწონებია. რა თქმა უნდა, თ. რაფიელის ლექსებმა. როგორც საერო კილოთი ნაწერმა და ისიც ჩვენებურ მთის კილოთი, სხვანაირად ააჩქროლა ჩემი გული, სხვაგვარად შესძრა იგი... უნდა გატეხილი მოგახსენოთ, რომ თუმცა არავითარი მსგავსება არ არსებობს, და იქნება ვერცა ვის შეენიშნოს „მოხუცის ნათქვამსა“ და თ. ილია ჭავჭავაძის „ღიმიტრი თავდადებულს“ შორის, მაგრამ ამ პოემის წერის დროს „ღიმიტრი თავდადებულს“ ჰქონდა ჩემზე გავლენა, ვიდრე სხვა რომელიმე მშობელ ლიტერატურის ნაწარმოებს, უფრო კი მის ფორმას“<sup>19</sup>...

ასეთი ოჯახური, საზოგადოებრივი და ლიტერატურული განწყობილების ატმოსფეროში იზრდებოდა ვაჟა-ფშაველა. სრულიად ბუნებრივია, რომ მის მდიდარ შემოქმედებაში უხვადაა ჩაქსოვილი მასალა ხალხური შემოქმედებისა და ხალხის ზნე-ჩვეულებათა მდიდარი საღაროდან. ვაჟა-ფშაველაც, როგორც ქართველი საზოგადოების სხვა მოწინავე იდეური მოღვაწენიც, ხალხს აფასებს, როგორც ერის ბურჯს, რომელმაც უფრო წმინდად შემოინახა როგორც ფიზიკური, ისე კულტურული და მორალური ეროვნული ძალა.

<sup>19</sup> ვ ა ჯ ა - ფ შ ა ვ ე ლ ა, Pro domo sua, თხზ., ტ. V, გვ. 506—507.

ვაჟა-ფშაველა მთელი თავისი დიადი უშუალოებით კარგადა გრძნობდა როდენი სიმდიდრე, ძალა და სილამაზე იყო ჩაქსოვილი ხალხურ შემოქმედებაში; მას, როგორც ზევითაც აღვნიშნეთ, ბავშვობიდანვე კარგადა ჰქონდა ხალხის ეს ისტორიულ-კულტურული მემკვიდრეობა შესისხლხორცებული. აი რა საგულისხმეორო ცნობას გვაძლევს ვაჟა-ფშაველას ხალხურ ზეპირშემოქმედებასთან დაპოკიდებულების შესახებ ცნობილი საზოგადო მოღვაწე აკადემიკოსი ექვთიმე თაყაიშვილი: „ვაჟა-ფშაველა მე პირველად გავიცანი პეტერბურგში, როდესაც უნივერსიტეტში შევედი, ის მოვიდა თავისუფალ მსმენელად უნივერსიტეტში და ესწრებოდა ქართული სტუდენტების სხდომას სათვისტომო საკითხების შესახებ. ფშავ-ხევსურეთის სახალხო პოეზიიდან აუარებელი ლექსები იცოდა ზეპირად. არაფითარი რვეული, ან წერილობითი საბუთები ხელში არა ჰქონია და ყველანი განცვიფრებულნი ვიყავით, როგორ შეეძლო ამდენი ლექსების ზეპირად დამახსოვრება. ლექსები, რასაკვირველია, დიდ შთაბეჭდილებას ახდენდა ჩვენზე“<sup>20</sup>.

ვაჟა-ფშაველა შემდეგაც, მომწიფების ხანაშიც, როცა ის სამწერლო ასპარეზზე, როგორც პოეტი, უკვე ბრწყინავდა და სახელს იხვეჭავდა, მაინც არ წყვეტდა ზეპირშემოქმედებასთან მკვიდრო კავშირს, განაგრძობდა როგორც ხალხური ზეპირსიტყვიერების მასალით სარგებლობას, ისე მის შესწავლა-შეკრებას. ვაჟა-ფშაველამ, როგორც ხალხური ზეპირშემოქმედების შემკრებმა, საგრძნობი სამსახური გაუწია ქართულ ფოლკლორის შესწავლის საქმეს.

აი როგორ აფასებს ვაჟა-ფშაველა ფშაურ ხალხურ პოეზიას: „ფშავლები პოეტური ხალხია და მათი პოეზია წარმოადგენს უძირო ზღვას. რასაც ფშავლის თვალი და გონება მისწდომია, იმას ყველაფერზე უთქვამს ლექსი, მოყოლებული სიცოცხლიდან სიკვდილამდე და საიქიმდე. ფშავლების პოეზია გაიყოფა ორ ნაწილად — ძველისა და ახლის დროისა. ძველს ლექსებში არის გამოხატული ვაჟაკობა, გმირობა და ზნეობრივი სიმალე. ძველს ლექსებში უფრო იდეალურობა გამოსჭკვივის. ახალი ლექსები რეალურ გზას ადგანან და მათში ჰყენვის სატირული ნაღველი; რეალური მიმართულება ახლის დროის ლექსებისა უწმამურობამდე, ცინიკობამდე გადის... მაგრამ რა ქნას ახლის დროის ფშაველმა. საგმირო საქმე აღარა აქვს და გულს იფხანს სხვადასხვა საგნებზე შაირობით“<sup>21</sup>.

ვაჟა-ფშაველა ღვიძლი შვილია და ნიჭიერი გამომხატველი ჩვენი ცხოვრების გარდამავალი ეპოქისა, როცა ხდებოდა დიდი სოციალური

<sup>20</sup> ექ. თაყაიშვილი, „მოგონებანი ქართველ მწერლებზე“, ლიტერატურული მატანე, 1952 წ., № 6, გვ. 58.

<sup>21</sup> ვაჟა-ფშაველა, ეთნოგრაფიული წერილები, 1956 წ., გვ. 100.



ძვრები, როცა არსებული ირღვეოდა, კნინდებოდა, ცხოვრების ახალი გზის გამონახვის აუცილებლობა სტანჯავდა საზოგადოების ყოველ მოაზროვნე წევრს, როცა ყოველი საღად მოაზროვნე გრძნობდა ცხოვრების გარდაქმნის აუცილებლობასა და ამ მიზნის განხორციელებისათვის საჭიროებას ძლიერი პიროვნებისა, რომელიც შესძლებდა ბურჟუასიანი ცხოვრების გარსის გარღვევას და ხალხის მასებისათვის ახალი გზის ჩვენებას.

ვაჟა-ფშაველა ახალი დროითა და ყოფით უკმაყოფილო, ეძებს დამკმაყოფილებელ სამყაროსა და მასალას ფშაველთა და საერთოდ მთიელთა ძველ პოეზიაში. რომელსაც, მისივე სიტყვით, „მშვენიერი და მაღალი კილო აქვს“<sup>22</sup>. მართლაც, ხალხი თავის პოეზიაში ხატავდა როგორც სიხარულს, კმაყოფილებას, იმედს, იდეალებს, ისეც ჭირს, განსაცდელს, უკმაყოფილებას, ეჭვს. ცნობილია, მთიელთა ზეპირსიტყვიერებაში მკვეთრად აღბეჭდილი ხალხის, მისი გმირების შეუპოვარი, მამაცი, გაბედული, ფიზიკურადაც და მორალურადაც ამტანი, ძლიერი ბუნება. მთიელთა სიმღერა-თქმულებაში მძლავრად ისმის ხმა ლალი, შეუპოვარი ვაჟკაცისა, რომელიც დაჭილდოებულია სამაგალითო გონიერებით, სულგრძელობით, თავდაპერილობით, თავმდაბლობითა და თანაგრძნობით მოძმისადმი; ამ ვაჟკაცის სიტყვა და საქმე ერთია; ის არა მარტო თავის თავზე ზრუნავს, არამედ უფრო მეტად მოძმესა და სამშობლოზე.

აი სწორედ აქ, ხალხურ მდიდარ პოეზიაში ვაჟა-ფშაველას მეზამ იპოვა მაღალი და შესაფერი მასალაცა და ფორმაც თავისი შემოქმედებისათვის. ვაჟა-ფშაველამ თავის შემოქმედებაში ხალხური პოეზია მრავალმხრივ გამოიყენა: მან ისარგებლა ზეპირსიტყვიერების თემათა ნაირ-ნაირობით: 1) ვაჟკაცობა, 2) ქვეყნისა და პირადი ღირსების დაცვა, 3) შემოსეულ მტერთან თავდადებული და შეუპოვარი ბრძოლა. 4) კულტი ერეკლე მეფისა, როგორც ქვეყნისათვის თავდადებული, ნიჭიერი გმირისა, 5) კულტი თამარ მეფისა, როგორც გონიერი, თავმდაბალი, შემბრალებელი, მზრუნველი მმართველისა და სხვა, რაც ზევით თავის ადგილზე გვაქვს აღნიშნული.

ვაჟა-ფშაველა თავის შემოქმედებაში ცოცხლად და მკვეთრად გვიხატავს მთიელის, განსაკუთრებით კი მთიელი ვაჟკაცის — „კაი ყმის“ მსოფლმხედველობასა და მოქმედებას, რომელშიც მთელი მორალური და იდეური შინაარსი ზედმიწევნით განსახიერებულია და განჭვრეტილი არა მარტო პირადი, არამედ ხალხური ათვისების პრიზმათაც. ამიტომაც, როდესაც ვაჟა-ფშაველა ამგვარ ნაწარმოებებს ქმნის, იქნება ეს ლექსი, პოემა თუ პროზაული, ის არა მარტო მოქმედ პირთა

<sup>22</sup> ვ ა ჟ ა - ფ შ ა ვ ე ლ ა, ეთნოგრაფიული წერილები, 1956 წ., გვ. 100.

სახეებით სარგებლობს, არამედ ამომწურავად იყენებს ფოლკლორულ სიმდიდრეს, იქნება ეს ხალხის ზნე-ჩვეულება, ხალხური პოეზიის სახეები, მოტივები, პოეტური ხერხები, თუ მისი პოეტური ენა. თავის პოემებში ვაჟა-ფშაველა ცდილობს გამოავლინოს ისტორიული სინამდვილე, შესაძლებელია არა ზუსტი ობიექტურობით, მაგრამ, სამაგიეროდ, ენთოგრაფიულად სისწოროთ გადმოცემული. და ეს იმიტომ, რომ მთის მგოსნისათვის არსებითი იყო მოეცა ისტორიული სინამდვილე თანადროულობის პოზიციებიდან — განსახიერებულ ისტორიულ სახეებს პოეტის თანადროულობის სინამდვილე უნდა დაემოწმებინა, უნდა აღედგინა ისტორიული წარსული და მხატვრული სისწოროთ ეპოქის სული მიეცა.

ქართულ ფოლკლორსა და საქართველოს წარსულს ამავე მიზნით მიმართავდნენ ხოლმე ილ. ჭავჭავაძე, აკ. წერეთელი, რაფ. ერისთავი და სხვანი ეროვნული გამათავისუფლებელი ბრძოლის იდეის ფართო მკითხველთა მასებში გატანის მიზნით. ასეთივე მიზანდასახულობა ამოძრავებდა ვაჟა-ფშაველასაც. ეს ამოცანაც, როგორც დავინახეთ, მრავალგზის და ნიჟიერად შეასრულა მან თავისი შემოქმედებით.

ისტორიზმი და ფოლკლორიზმი ვაჟა-ფშაველას პოეტურ შემოქმედებაში ერთ მთლიანობაშია მოცემული. მაგალ., მისი „მოხუცის ნათქვამი“, „ბახტრიონი“, „ეთერი“ და მრავალი სხვა ხალხური მეტყველების, ხალხური ზნე-ჩვეულების ზედმიწევნითი დაცვით მთლიანად გაქლენთილია ფოლკლორიზმით. ფოლკლორული ელემენტები, როგორც დასახელებულ, ისე ვაჟა-ფშაველას მთლიან შემოქმედებაში მხოლოდ მასალის გამოყენებასთან ესთეტიკური მიდგომა კი არ არის, არამედ უფრო ზშირად გარკვეული პოლიტიკური კონცეფციის პოეტური გამოვლინების ხერხია.

ვაჟა-ფშაველას მიერ ფოლკლორული მასალის ასეთი გამოყენება მხატვრულ შემოქმედებაში ამყლავნებს ქართველ საზოგადოებაში ახალი სოციალურ-პოლიტიკური ტენდენციების გამოვლინებას. ვაჟა-ფშაველა, როგორც ჩვენი ამ პერიოდის ლიტერატურისა და საზოგადოების ერთი საუკეთესო წარმომადგენელთაგანი, ხალხში ხედავდა ქართველი ერის ისტორიული პროგრესიის ძირითად წამყვან ძალას. მას სწამდა, რომ თანამედროვე საზოგადოებრივი ცხოვრების გამოსწორება და გამოჯანსაღება მხოლოდ ხალხის, მისი ნიჭისა და უნარის საღ და ორგანიზებულ გამოვლინებას შეუძლია. ამით აიხსნება მთის მგოსნის გატაცებით მუშაობა როგორც სახალხო სკოლის მასწავლებლისა, როდესაც ის არა მხოლოდ მასწავლებელი იყო, არამედ კეთილი აღმზრდელიც, როგორც ბავშვებისა, ისე მთლად მოსახლეობისა, რომელთანაც გამუდმებით ატარებდა სასარგებლო საუბრებს, კითხვას გამომაფხიზლებელ თემებზე. ასეთი კავშირი ჩვენს პოეტს ხალხთან მთელი

ცხოვრების მანძილზე არ დაუკარგავს და არც შეუწელებია. აი გზა, რომლითაც ვაჟა-ფშაველა შედის როგორც პრაქტიკულ მოღვაწეობაში, ისე პოეტურ ქმედობაში.

\* \* \*

ვაჟა-ფშაველამ, აღნიშნულ პირობათა გამო, განიცადა რა დიდი გავლენა ხალხური, განსაკუთრებით ფშაურ-მთიულური პოეზიისა, რომლიდანაც მან გამოიყენა როგორც ჟანრები, თემები, პოეტური სახეები და ხერხები, რა თქმა უნდა თავისი თანადროულობის თვალსაზრისით გააზრებული, აგრეთვე უხეად, ძალიან ხშირად დიდი გადაჭარბებითაც, გამოიყენა ფშაურ-ხევსურული დიალექტიც. ვაჟა-ფშაველას შემოქმედების ამ მიმართულებით დაფასებაში შემდეგი გვინდა აღვნიშნოთ.

ვაჟა-ფშაველას მოღვაწეობისა და პოეტური შემოქმედების ეპოქაში, 80—900-იან წლებში, ქართველი მოწინავე საზოგადოებისათვის ერთ-ერთი მეტად დიდმნიშვნელოვანი და გადაუდებელი საბრძოლო-ეროვნული საკითხი იყო ცხოვრების ახალ მოთხოვნილებათა მიხედვით ახალი ქართული სალიტერატურო ეროვნული ენის დადგენა და განმტკიცება. ახალი სალიტერატურო ენისათვის ბრძოლა ილ. ჭავჭავაძემ და აკ. წერეთელმა 60-იანი წლების დასაწყისიდანვე მათთვის დამახასიათებელი დიდი სიმკვეთრითა და რადიკალიზმით დაიწყეს, და, შეიძლება ითქვას, გადაწყვიტეს კიდევ. საჭირო იყო ახალი სალიტერატურო ენის განმტკიცება მწერლობაში, მისი ფართო მასებში გატანა.

ილ. ჭავჭავაძემ, სრულიად ბუნებრივია, რომ 60-იანი წლებიდან, როდესაც კაპიტალიზმის განვითარების ნიადაგზე გაერთიანდნენ ქართველი ტომები ერთ მთლიან ერად, საჭიროება იგრძნო ერისათვის მთლიანი საერთო სახმარებელი ენის განმტკიცებისათვის მკაცრი და გაბედული ბრძოლა ეწარმოებინა, რაც მან დაიწყო თავისი პირველივე კრიტიკულ-პუბლიცისტური წერილით „ორიოდე სიტყა თ. რევაზ შალვას ძის ერისთავის მიერ კაზლოვის „შეშლილის“ თარგმანზედა“.

ილ. ჭავჭავაძესთან ერთად ქართველი საზოგადოების მოწინავე ნაწილმა, ე. წ. თერგდალეულებმა 60-იანი წლებიდანვე ენერგიულად მოსჭიდეს ხელი ამ საპასუხისმგებლო საქმეს, მალე გაიმარჯვეს კიდევ ამ ეროვნული საქმის სათანადო გადაწყვეტაში. ახალმა სახალხო ენამ სავესებით განდევნა დრომოკმული არქაული ენა, რომელსაც ხელოვნურად იცავდნენ ფეოდალური არისტოკრატის ლიტერატორები. საქართველოს ყველა კუთხეში ახალი სალიტერატურო ენის გავრცელებისა და დამკვიდრებისათვის უდიდესი მნიშვნელობა ჰქონდა ილ. ჭავჭავაძისა და აკ. წერეთლის შემოქმედებას, განსაკუთრებით მათ პროზას, იაკობ გოგებაშვილის სახელმძღვანელოებს, „დედა-ენასა“ და

„ბუნების კარს“, რომელზედაც ქართველი ხალხის თაობები აღიზარდნენ.

ახალ ქართულ სალიტერატურო ეროვნულ ენას — ილ. ჰავჭავაძისა და აკ. წერეთლის სწორ ხაზს ამ მიმართულებით, ქართველ მწერალთა და საზოგადო მოღვაწეთა შემდეგი თაობა ენერგიულად განაგრძობდა, რითაც ხელს უწყობდა ქართული სალიტერატურო ენის განუწყვეტლივ განვითარებას და განმტკიცებას.

ვაჟა-ფშაველამ ამ დიდ ნაციონალურ-კულტურულ საქმეში ვერ გამოიჩინა სათანადო სიფხიზლე. სალიტერატურო ენის დადგენის და დამკვიდრების საკითხის გადაჭრაში მან არასწორი პოზიცია დაიკირა: ვაჟა-ფშაველას მიერ ფშაური დიალექტის გადაჭარბებულად გამოყენება, რა თქმა უნდა, ეწინააღმდეგებოდა, აბრკოლებდა ქართული სალიტერატურო ენის დამკვიდრებას.

ვაჟა-ფშაველას პოეტური ენა ამ განხრით ჩვენს მწერლობაში თავიდანვე იწვევდა დავას, რაც ხანდახან მის თხზულებათა დაბეჭდვასაც კი აგვიანებდა. მაგალითად, ისეთი დიდი და კარგი მცოდნე ქართული ენისა და პოეტური ქმედობის დიდი ოსტატი, როგორც იყო აკაკი წერეთელი, 90-იან წლებში, როგორც უყურნ. „კვალის“ რედაქციის წევრი, ვაჟა-ფშაველას ლექსებს უწუნებდა და მათ დაბეჭდვას აბრკოლებდა.

ამგვარი დამოკიდებულება მთის მგოსნისადმი პრესაშიც იჩენდა ხოლმე თავს. ილ. ჰავჭავაძეს ვაჟა-ფშაველას შემოქმედება თავიდანვე მოსწონდა, დიდი წარმოდგენისა იყო მის პოეტურ ნიჭზე და თავის ვიწრო წრეში, როგორც ამას ადასტურებენ მისი თანამედროვენი, — მახლობელი თანამშრომელნი „ივერიისა“ — გ. ყიფშიძე, ა. ახნაზაროვი და სხვანი, არაერთხელ უთქვამს: „გულახდილად უნდა გითხრათ, რომ ამიერიდან ძველმა პოეტებმა ხელიდან კალამი უნდა გავაგდოთ. ვაჟას ამ საუცხოო ლექსების შემდეგ სირცხვილიცაა კალამს ხელი მოვიკიდოთ და ლექსების წერა განვაგრძოთ“-ო<sup>23</sup>. ილ. ჰავჭავაძის მიერ ვაჟა-ფშაველას პოეტური ნიჭის მაღალ შეფასებას გვიდასტურებს აგრეთვე იკადემიკოსი ექვთ. თაყაიშვილი: „ყველაზე უფრო მისი (ვაჟა-ფშაველას. — მ. ზ.) ნიჭის დამფასებელი იყო ილია ჰავჭავაძე, რომელიც ამბობდა: „რუსთაველის შემდეგ ჩვენ ასეთი ნიჭიერი პოეტი არა გვყოლიაო“<sup>24</sup>. მაგრამ, მიუხედავად ამისა, მაინც ილ. ჰავჭავაძე თავის გაზეთის „ივერიის“ ფურცლებზე ვაჟა-ფშაველას ენის კრიტიკას აწარმოებდა.

<sup>23</sup> სოლ. ყ უ ბ ა ნ ე ი შ ვ ი ლ ი, ვაჟა-ფშაველა, გვ. 309.

<sup>24</sup> ექ. თ ა ყ ა ი შ ვ ი ლ ი, მოგონებანი ქართველ მწერლებზე, ლიტერატურის მატანი, 1952, წ., № 6, გვ. 59.

ჯერ კიდევ 1888 წელს გაზ. „ივერიაში“ პ. მირიანაშვილმა მოათავსა წერილი — „საერთო ენა და სათემო კილო“, რომელშიც ავტორი ვაჟა-ფშაველას ენას უწუნებდა. ის აღნიშნავდა, რომ პროვინციალური კილოების ხმარება ლიტერატურულ ენას შებღაღავსო. „დღეს ჩვენს მწერლობაში — წერდა პ. მირიანაშვილი, — ენა მეტად აპრელდა და ქიზიყურის პროზისა და ფშაურის პოეზიის მოვლინებამ ხომ მთლად არია ენის ტაძარი... რამდენად ბ-ნ მაჩხანელის ქიზიყურმა პროზამ ბევრი მეტბარგად ჩასარიცხი სიტყვები შესძენა ქართულ საერო პროზას, იმდენად ბ. ვაჟა-ფშაველას ფშაურმა პოეზიამ დღევანდელ ქართულთან შედარებით უკან ჩამორჩენილი გრამატიკული ფორმები შემოიტანა და ამასთანავე ზოგიერთი მეტხორცი სიტყვებიც. ჩვენი მწერლობა მოვალეა, რომ სამწერლო ხელოვნება უმნიშვნელო და მეტხორცის პროვინციალებით არ გაახორკლიანოს გასუფთავების მაგიერ“<sup>25</sup>.

ამგვარი შეხედულებითვე იყო გამოწვეული საკმარისად ვახშაურებულები ცნობილი მნიშვნელოვანი ლიტერატურული პოლემიკა აკ. წერეთელსა და ვაჟა-ფშაველას შორის.

აკ. წერეთელმა 1913 წელს („თემში“, № 111) დაბეჭდა ლექსი „ვაჟა-ფშაველას“, რომელშიც ჩვენმა დიდმა მგოსანმა სწორად და ღირსეულად შეათასა მთის მგოსნის პოეტური ნიჭი:

ჯერ არ ვყოფილვარ ფშავეთში,  
მაგრამ კი ვიცნობ ცნობითა;  
შენ დამიხატე ის მხარე  
ფშაურის ჰკუა-გრძნობითა.

და რაც არ გადმოგოცო  
მისს შევნებაზე ენითა,  
მე თეითონ მივხვდი ყოვლიფერს  
შენთანვე აღმაფრენითა.

მიუხედავად ვაჟა-ფშაველას პოეტური ნიჭის ასეთი მაღალი შეფასებისა, მიუხედავად იმისა, რომ აკ. წერეთელმა ვაჟა-ფშაველას პოეტური შემოქმედების მეოხებით ცოცხლად და მკვეთრად, დამაჯერებლად განიციდიდა „მაღალი მთა“, მთიელი და მისი „ენამეჭყველი სიმართლის, გულმკერდი ფოლადისა“, — ენა მთის მგოსანს მაინც დაუწყუნა:

ენას გიწუნებ, ფშაველო,  
მგოსანო მაღალ მთისაო.  
თუმც კი გვითესავ მარგალიტს!...  
მკითხველც იმას მკისაო!..

რა თქმა უნდა, აკ. წერეთელი, როგორც კარგი მცოდნე ქართული სალიტერატურო ენისა, როგორც შეგნებულად მებრძოლი ქართველი ხალხის საერთო ეროვნული სალიტერატურო ენის დამკვიდრების საქ-

<sup>25</sup> პ. მირიანაშვილი, გაზ. „ივერია“, 1888 წ., № 166.

მეში, რასაც დაჟინებით თხოულობდა აკ. წერეთლისა და მოწინავე ქართველი საზოგადოების ცხოველი მისწრაფება, დანაწილებული ქართველი ერის გაერთიანებისა და განმტკიცების სურვილით ამოძრავებული, — სამართლიანად არ უთმობდა ფშაურ კილოს სალიტერატურო ენის ადგილსა და უფლებას. სწორედ ამ პოზიციიდან უსაყვედურებდა აკ. წერეთელი მთის დიდ მგოსანს.

ვაჟა-ფშაველამ აკ. წერეთლის ეს მიმართვა სათანადოდ ვერ შეაფასა. მან აკ. წერეთელს პასუხი გასცა მხოლოდ როგორც პოეტმა, როგორც „მარგალიტების მთესველმა“ და არა როგორც ეპოქის აქტუალური, ერისათვის საჭირო საკითხის სათანადოდ გადაწყვეტისათვის მებრძოლმა:

უვარგისობის მიზეზი  
ფშაველობა არის სწორედა.

რატომ არ ჰგუობს, არ ვიცი,  
ამ ჰანგს ბუნება ბარისა?  
აქაც ხომ ქართველები ვართ,  
ყვავილი აქაც ჰყვავისა.  
ხატად ჰყავ, სალოცავ ხატად,  
მთელთ სამშობლო თავისა.  
და ენა მთისა სიმტკიცით  
მსგავსია კლდისა სალისა;  
იქნებ, აკლია, არ ვიცი,

ამ ლომს სინაზე ქალისა?  
ამისთვის დასაგმობია  
და წასაღები წყალისა?

მინც წინ მივალ, მინცა,  
არ მეშინიან შარისა,  
გულს მისევნია ხატადა  
ენა მთისა და ბარისა.

ნუ შეგაშინებსთ, არ გაენებსთ  
მთიდან ყვირილი ხარისა<sup>26</sup>.

მაგრამ ვაჟა-ფშაველა თავის მცდარ პოზიციას მთელი სიცხადით ამჟღავნებს იმავე პასუხის შემდეგ სიტყვებში:

მე არც ერთს კილოს არ ვწუნობ,  
თუა ქართველის გვარისა.  
მოთაყვანე ვარ ყოვლისა  
იმათ ტყბილის და მწარისა<sup>27</sup>

აქ ვაჟა-ფშაველა, თითქოს, ძალაში ტოვებს ძველი, უკვე დრომოკმული ფეოდალური ყოფის ძლიერ ნაშთს — ყოველ კუთხეს თავისი ენა, როგორც თავისი განსხვავებული ყოფის ამსახველი. ვაჟა-ფშაველას ასეთი პოზიცია არაა სწორი და არც მისი ეპოქისათვის შესაფერი.

რა თქმა უნდა, ვაჟა-ფშაველას იმას არავინ ედავება, რატომ სარგებლობდა ფშაური კილოთი, არა. ცნობილია, ცოცხალი სალაპარაკო ენა ლიტერატურული ენის გამდიდრების დაუშრეტელი წყაროა. ამიტომ ფშაურ-ხევსურული კილოს გამოყენებაც ლიტერატურუ-

<sup>26</sup> ვ ა ჟ ა - ფ შ ა ვ ე ლ ა , დაგვიანებული პასუხი აკაკის, თხზ, ტ. II, 1950 წ., გვ. 237.

<sup>27</sup> ი ქ ვ ე , გვ. 239.

ლი ენის დადგენისა და შევსებისათვის შესაძლებელია და საჭიროც არის. მხოლოდ მთავარი ისაა, რომ ეს გამოყენება უნდა ხდებოდეს შერჩევით. საჭიროა ფხიზლად ვადევნოთ თვალი ახალ ენობრივ მოვლენებს, ახალი სიტყვებიდან და გამოთქმებიდან შევარჩიოთ მხოლოდ ისეთები, რომლებიც მართლა საჭიროა ლიტერატურული ენისათვის და ისინი საყოველთაო კუთვნილებად გავხადოთ. ჩვენ, ენათმეცნიერების მყარი მოთხოვნილებითა და დებულებებით აღქურვილნი, ვალდებულნი ვართ ვაწარმოოთ მტკიცე ბრძოლა ენის სიწმინდისათვის.

\* \* \*

ზემონათქვამი იმას კი არ ნიშნავს, რომ მხატვრულ შემოქმედებაში სრულიად მიუღებელია დიალექტის გამოყენება. არა. როდესაც მწერალი თავისი ეპოქის მოთხოვნილებათა თანახმად იყენებს მდიდარ ფოლკლორს, რათა მისი საშუალებით დაიცვას ხალხის ცხოვრების კოლორიტი — მკვეთრად და სისრულით დაგვიხატოს ხალხის მდიდარი სულიერი სამყარო, მისი ძლიერი, მტკიცე ხასიათი და გრძნობები, ადგილობრივი კოლორიტის დაცვის მიზნით (რასაც ვაჟა-ფშაველას შემოქმედებაში გარკვეულად ვამჩნევთ), მაშინ ზეპირსიტყვიერებისა და ხალხური დიალექტის მოხდენილი, ზომიერი გამოყენება მნიშვნელოვანი პოეტური ხერხია, რაც ნაწარმოებს, მოქმედ პირთ ადგილობრივ კოლორიტს უნარჩუნებს და მით მეტ დამაჯერებლობას აძლევს. ამ მიმართულებით ვაჟა-ფშაველას შემოქმედება წარმოადგენს უცნაურ მდიდარ პოეტურ სამყაროს და თვით ვაჟა-ფშაველა გვევლინება, როგორც დიდი ვირტუოზი-შემოქმედი, რომლის პოეტური ძალა დაუშრეტელია, ამოუწურავია.

ნიმუშისათვის ავიღოთ მწერლის პოემა „მოხუცის ნათქვამი“ და ზოგადად მაინც გავსინჯოთ, რა მდიდარი ფოლკლორული მასალითაა ის აკინძული. ამ პოემაში ვაჟა-ფშაველას ნიჭიერად აქვს განსახიერებული ხალხური ზეპირგადმოცემაში შემონახული ნათქვამის სახე. ნათქვამის ეპიკური ტონი ზედმიწევნით დამახასიათებელი, ტიპური სტილითაა დაცული მოხუცში, რომელიც ახალგაზრდებს მოუთხრობს ძველ ამბავს ქვეყნის — სამშობლოს თავდადებული დაცვის ისტორიიდან, რათა მსმენელნი გაამხნევოს, ვაჟაკურად აღზარდოს, პატრიოტული გრძნობა, სამშობლოს დაცვის ვალდებულება მათში გააცხოველოს, მაღალ საფეხურზე აიყვანოს.

მოხუცი წუხს თავის სიბერეს, ფიზიკურად დაუძლურებას — „თრევას — ზეზე ადგომას მთელი დღე-ღამე“ უნდება. მიუხედავად ამისა, მოხუცის „ტიალი გული წინანდებურად ცხელია“, როცა თოფის გრი-

ალი ესმის, მას ხელი აღარ ასვენებს. აქაა ამ უკანასკნელში მისი ტრაგედის საფუძველი: დარღვეულია მთლიანობა მის ბუნებაში; მისი ჯანღონე ვეღარ ესიტყვება მის სულიერ მოთხოვნილებას; სიბერემ ის „რკალად მოხარა წელშია“. ეს გარემოებაა მას რომ ასე აღონებს, ტანჯავს:

რომ საქართველო თათარმა  
აიკლოს, ჩაწვას ცეცხლშია,  
ვერ მოვახტები ლურჯასა,

ხმალს ვერ შევირტყამ წელზეღა,  
ჩვენის რაჯულის მტერს, მუხანათს  
ზიანს ვერ დავღებ მკერღზეღა<sup>28</sup>.

ამას და ასე ჩივის მოხუცი. აი ეს უწყლავს მას მძიმედ გულს.

მოხუცს (რა. თქმა უნდა, მასში იგულისხმება თვით ვაჟა-ფშაველა) არ მოსწონს ახალგაზრდობის დაჩიავება; მას აღელვებს მათი უიღვალო, უმიზნო ყოფა, მათი მოღუწებული ცხოვრება, „გალაჩრებული ბიჭები მთელ ცისმარე დღეს ერთბირად“ რომ სხედან დუქნის წინ ერთადა; მათი სასიმღერო ლექსები „ღვინო და ქალია“. ქალებიც ასეთს ვაჟებს თან სდევენ, „ვით ყანას კალია“. მოხუცი აღმუფოთებულია, რომ ახალგაზრდების—ქალისა თუ კაცის „არსება ფუჟმა საგნებმა დალია“.

მოხუცის განუშორებელი სურვილია ახალგაზრდობის ცხოვრება გამოასწოროს. ამ მიზნით ის მოთქვამს ძველ დროებაზე, როცა ვაჟაკისათვის სასახელო იყო მტერთან შეუპოვარი ბრძოლა, სამშობლოს თავდადებული დაცვა, როცა დიაციც „ქმრის სიმამაციით“ ამაყობდა, თავი მოჰქონდა. ამით ვაჟა-ფშაველა ეუბნებოდა მკითხველს, რომ ასეთი ვაჟაკობა დღესაც ისევე საჭიროა, როგორც ძველად. და რომ ასეთი შთაგონება მკითხველისადმი უფრო მძლავრი და დამაჯერებელი შექმნილიყო, მწერალი მოხუცის „ახალ-უხლებისადმი“ ძველი დროის მძლავრი და მიმზიდველი მაჯისცემის გადმოცემას იძლევა ხალხური კილოს ზედმიწევნითი დაცვით, როგორც ეს მათქვამისათვის იყო დამახასიათებელი.

ამ პოეტური ხერხით აიხსნება, რომ მკითხველის წინაშე მთელი სიცხადით იშლება ძველი, მართალია, თანამედროვე თვალსაზრისით ჩამორჩენილი, პრიმიტიული ცხოვრება, მაგრამ სავსე უშუალობით, ვაჟაკობით, დიადი პატრიოტული თავგანწირვის გრძნობით, რამაც მოხუცის (თვით ვაჟა-ფშაველას) გაგებით, გადაარჩინა სამშობლო აუარებელ განსაცდელს, რამაც სამშობლოს ჩაუქრობელი კერა დღემდე მოიტანა.

თვით კილო გადმოცემისა ზედმიწევნით მოგვაგონებს მათქვამის ეპიკურ ტონს:

<sup>28</sup> ვ ა ჯ ა - ფ შ ა ვ ე ლ ა, მოხუცის ნათქვამი, თხზ., ტ. III, 1930 წ. გვ. 5.



ერთს ამბავს გეტყვით, შვილებო,  
ჩემის თვალითა ნანახსა,  
მაშინდელს, როცა ტყვიის ხმას  
ვეძახდით დედის ნანასა.  
ერთხელ გავარდა ამბავი,  
ზოდის თათრების ჯარიო,

ჯარს მოთავეობს მაჰმადი,  
ქრისტიანების მსრავო...  
მამინ მეთობდა ერეკლე,  
ჩვენი პატარა კახია:  
ქვე-კირით არის ნაგები,  
გულთაფლი, სახით მკვახია...<sup>29</sup>

არაჩვეულებრივი სიზუსტითა აქვს ვაჟა-ფშაველას გამოყენებული ზეპირსიტყვიერებაში შემონახული ერეკლე მეორის სახე, რომელიც ხალხს უყვარს, რომელსაც უმღერს, არა როგორც მეფეს, არამედ როგორც სიმბოლოს ქვეყნის თავდადებული დაცვისა, ვაჟაკობისა, „ჭირსა შიგან“ სიმტიციისა; რომელსაც ხალხი პატივსა სცემს, როგორც ხალხთან ერთად და მასთან უშუალო კავშირში ქვეყნის ჭირ-ვარამისა და სიხარულის გულწრფელ გამზიარებელს, როგორც მედგარ, შეუპოვარ, უტეხ ჯარისკაცს, ნიჭიერ სტრატეგ-სარდალს, თავმდაბალსა და მზრუნველ ხელმძღვანელს.

ამ შემთხვევაშიც ვაჟა-ფშაველა განსაცვიფრებელი სიზუსტით იცავს ხალხურ შემოქმედებაში მძლავრად და მრავლად შემონახულს ერეკლესა და ხალხს შორის მკერძო, უშუალო ურთიერთობის ეპიზოდებს. ხალხი აღფრთოვანებულია ერეკლეს პიროვნებით; ის გამსჭვალულია მისდამი სიყვარულით, პატივისცემით, ერთგულებით იმიტომ, რომ ესეც ხალხს ისე ექცევა, როგორც თანასწორი; ის, ბუნებით უხვად დაჯილდოებული, მხოლოდ პირველია თანასწორთა შორის. ის ხალხის შეგნებაში სამშობლოს ფარის სიმბოლოა. ვაჟა-ფშაველა აქ, უდავოდ, ერეკლე II-ის ერთგვარ იდეალიზაციას ახდენს, და ეს აჩხნება იმიუ, რომ ეს იდეალიზაცია დამახასიათებელია ხალხისათვის, რომელმაც ასეთი შეხედულება ძალუმად ასახა თავის ზეპირშემოქმედებაში.

ვაჟა-ფშაველა ხალხური პოეზიის საფუძველზე აი როგორ აღბეჭდავს ერეკლესა და ჯარს — ხალხს შორის თანამშრომლობას:

ის (ე. ი. ერეკლე.—მ. ზ.) უცნობა მო-  
სულთა.

როგორც ძმა თავის ძმათა...  
რომელთაც სიყრმე აქციეს  
სიბერედ მტრისა ლევაში,  
და წამოსულან ნებთა,  
რომ გასწყდენ ქვეყნის წვეთში<sup>30</sup>.

როგორც ჯარია მხნე, უტეხი, ჯანიანი, ლამანი, რომლის „ზაუთი ზღვას ჰგავდა, კლდე უყელყელბსთ მკერდზედა“, ისევეა ერეკლეც, რომელიც „სხენზედ ჰმვენოდა, მამაცად მოცქერალა, უხდება ბებერს

<sup>29</sup> ვ ა ჯ ა - ფ შ ა ვ ე ლ ა , მოხუცის ნათქვამი, თხზ., ტ. III, გვ. 6—7.

<sup>30</sup> ი ქ ვ ე , გვ. 10.

არწივსა შექმუხვნით სახე მკრთალია. მთელი სიტუარფე ქართლისა იმას  
ესვენა მხრებზედა“. აღტაცებაში მოსული ერეკლეს ასეთი მხნე სახით,  
მოხუცი სასოებით ამთავრებს მისი მომხიბლველობის აღწერას:

ზედ აკვდებოდა საცმელი  
წმინდად ნალესი ხმალია,  
მე თვითონ ვიყავ მნახველი,  
ვისაც ჰკრა, — სული დალია<sup>31</sup>.

ერეკლეს სახის განსახიერებაში ვაჟა-ფშაველა სარგებლობს არა  
მარტო ხალხურ პოეზიაში შემონახული ერეკლესადმი ხალხის განწყო-  
ბილებით, არამედ იმავე ხალხის მიერ შექმნილი და ხალხურ პოეზიაში  
ჩაქსოვილი ეპითეტებით — შედარებებით: „ჩვენი ერეკლე“, „მამაცი“,  
„პატარა კახი“, „კახი ბატონი“, „ბებერი არწივი“, „თეთრცხენიანი“,  
„შავარდენი ვით მერანი“, „ლომგული“ და მრავალი სხვ. როგორც ჩანს,  
ერეკლე როგორც გმირი, ნიჭიერი და თავდადებული მმართველი, ვაჟა-  
ფშაველასაც ძალიან იტაცებდა, მისი სახე პოეტს განსახიერებული აქვს  
მრავალ ნაწარმოებში. მაგალ., „მეფე ერეკლე“, „ერეკლეს სიზმარი“,  
„ივანე კოტორაშვილის ამბავი“, „ირაკლი ბრძოლის წინ“, „კაი-ყმა“...  
ხალხური ზეპირშემოქმედების უდავო დიდი გავლენითვე, ასეთი-  
ვე თვისებებითა და განწყობილებითაა განსახიერებული თამარ მეფის  
სახეც ვაჟა-ფშაველას შემოქმედებაში.

ერეკლესი და თამარ მეფის დახატვა ვაჟა-ფშაველას აინტერესებს  
არა მარტო იმიტომ, რომ მათი სახით მოცემულია გმირული პერიო-  
დები ქართველი ხალხის ისტორიისა, არა მარტო იმიტომ, რომ „აწ-  
მყო, შობილი წარსულისაგან, არის მშობელი მომავლისა“, არამედ  
იმიტომ უფრო, რომ მკითხველს შთააგონოს, რომ ერეკლესა და თამა-  
რის დიდი ავტორიტეტი, სიყვარული, პატივისცემა, დაფასება შეიქმნა  
არა ხალხის მონური დამოკიდებულებით მათდამი, არამედ სამშობლოს  
დაცვისა და აყვავების, მათი დადებითი გონივრული, ვაჟკაცური და  
თავდადებული მოღვაწეობით. ვაჟა-ფშაველას ამით უნდა გაამახვილოს  
ხელმძღვანელის — მმართველის ყურადღება ასეთი თვისებებით აღ-  
ჭურვის აუცილებლობისადმი, რასაც ასეთი დაქინებით თხოულობდა  
მწერლის ეპოქაც.

ვაჟა-ფშაველამ, რომ გამოავლინოს თავისი უარყოფითი შეხედუ-  
ლება და დამოკიდებულება თავისი დროის ბიუროკრატიული მმართვე-  
ლობისადმი, რომელნიც არამც თუ ხალხთან, მასებთან ახლო არ იყვნენ  
და სათანადო მზრუნველობას მისდამი არ იჩენდნენ, არამედ მისგან  
სრულიად მოწყვეტილნი მის ჯალათად იყვნენ მოვლინებულნი, — ამ  
ციკლის ნაწარმოებები მოხერხებულად გამოიყენა, რათა ეჩვენებინა,

<sup>31</sup> ვ ა ჟ ა - ფ შ ა ვ ე ლ ა . მოხუცის ნათქვამი. თხზ. ტ. III. გვ. 11.

რომ ერეკლესა და თამარისებურ ხალხის ინტერესებით გამსჭვალულთ, ხალხთან მჭიდრო თანასწორუფლებიან კავშირში მყოფთ თავდადებულ მმართველთ ხალხი მისდევს, ენდობა, მათთვის თავს არ ზოგავს.

ამ შეხედულების ნათელსაყოფად შემდეგ ეპიზოდს გვიხატავს პოეტა: მტრის შემოსევას ერეკლე ხალხს აცნობებს. მთაშიც მიდის ერეკლეს მოწოდება აჩქარდნენ, თათრების ჯაფრს ნუ აჰმევენ, თათრები თუ თბილისს აიღებენ, ქართველებმა „სჯობს დაითხარონ თვალები“. ამ მოწოდებამ ააღელვა მთა, „ფხიზლადა მყოფნი გუშაგნი მთილამ ამცნობენ სოფელსა“. მთა დაუყოვნებლივ ვაჟკაცურად ირაზმება. მოხუცი ასე აგვიწერს ამას:

„ყმაწვილად ვიყავ მაშინა,  
ახლად წვერ-შემოძრინარი,  
ომი ქორწილი მეგონა,  
სისხლის რუ — წყარო მდინარი.

შკლავთა დამიწყეს თამაში,  
და მირბენს ერუანტელა;  
ხირიმე მიძე კალთაში,  
ხმალზედ მიქიდავს ხელა“<sup>32</sup>

აწ მოხუცი, ძალა დაღეული, მაშინ ახალგაზრდა გულის ფრიალით ელოდა, როდის დაიწყებდა ჯარი თქრიალსა და ისიც კმაყოფილებით შეუერთდებოდა მას ქვეყნის დაცვის დიად საქმეში. ასეთი განწყობილება საერთო, საქვეყნო იყო მაშინ. მოხუცი, როგორც ყველა, ამგვარ ქცევას თავის წმინდა მოვალეობად თვლიდა.

„მეც მერგოს წილად ომს ყოფნა,  
მფარველად მაშულისაო, —  
ისე ჰგონია მაშინ კაცს, —  
ნათლული არის ღვთისაო“<sup>33</sup>.

ასეთი განცდა და მოხუცის სახეც ტიპიურია. ხალხის სწორედ ასეთმა განწყობილებამ, მისმა დიდმა პატრიოტიზმმა შეინახა ჩვენი ქვეყანა, გადაარჩინა ერი გადაგვარებას, კულტურა განადგურებას. ასეთი განწყობილებით მიდიოდნენ ომში — ქვეყნის მტერთან ბრძოლაში ვაჟკაცი — „დინჯმოუბარნი, გულტკბილნი, გაჭირვების დროს მაგარნი“. ისინი რკინას იცვამდნენ ტანზედა, თავზედ მუზარადს იდგამდნენ, და თუ საქმე ხმალზედ მიდგებოდა, „შენ მტერს, რომ საქმეს იზამდნენ“. ლაღად, სიმღერა-ყაყინით მიდიან ისინი ომში, გამზადებულნი, რომ სიცოცხლე სამშობლოსათვის ჩალად დასწვან.

მოგონებითაც კი აღტაცებაში მოსული მოხუცი ასე გადმოგვცემს ამ ვაჟკაცთა ბრძოლის პათოსს და ღინამიკას:

„რაც უნდა მტერი მოვიდეს,  
არეინ შეიჩნევს კირადა,  
ხმალს აშველებენ ფარებსა,  
მტრისას დაიკვრენ ძვირალა“<sup>34</sup>.

<sup>32</sup> ვ ა ე ა - ფ შ ა ე ე ლ ა, მოხუცის ნათქვამი, თხზ., ტ. III, გვ. 7.

<sup>33</sup> მ ქ ვ ე, გვ. 8.

<sup>34</sup> მ ქ ვ ე.

ვაჟა-ფშაველას მიერ დავიწყებული არ არის „თეთრწვერა“ ხევისბერი, რომელიც ჯარს წინ მიუძღვოდა დროშითა. არც ქართველი ქალის გამპკრიახობა და როლია უგულვებელყოფილი.

მოხუცის თქმით, ძველად ქალები ასეთივე რკინა-გულით იყვნენ, ისინიც მამაკაცებთან ერთად მამულისათვის ანთებულ ჩაღასავეთ იწეოდნენ. მაღალი პატრიოტიზმი მათაც ეუფლებოდა.

მწერალმა მკითხველზე შთაბეჭდილებისა და გავლენის მოხდენის მიზნით რომ გააძლიეროს ძველ მთიელთა ეს ვაჟკაცური პატრიოტული სულისკვეთება, მათი მიმზიდველობა, დაიცვას ხალხური ზეპირსიტყვიერების კოლორიტი, ნიჭიერად ჩააქსოვს თავის აღფრთოვანებულ ნათქვამს მთიელ ქალთა სიმღერას, ქართულ კილოზევე შექმნილს.

მთიელი ქალები ომში ისტუმრებენ, ვინ ქმარს, ვინ შვილს, ვინ ძმას, ვინ მანლობელს. ყველას თავი მოსწონს თავისიანის ვაჟკაცობით, სიმხნით. ისინი ამით კეთილშობილურ თავმოყვარეობას განიცდიან. ისინი ამ დროს ტირილსა და მწუხარებას კი არ ეძლევიან, არამედ, ვაჟკაცთა უშიშარი, შეუპოვარი განწყობილებითა და ქცევით გამხნეებულნი, ფერხულში ჩაებმიან და თან მდინარე არაგვს, ამ „მრავალ დროების მოწამეს“, შეუპოვრადვე გასძახიან:

„არაგვო, უყარაულე  
ომში მიმდინარს ლაშქარსა.  
თუ ვინმე გამოქცეული

ურცხვად მოადგეს შენს კიდეს,  
ლამი აჭამე შერცხვენილს,  
რომ სახლში ველარ მოვიდეს! „<sup>35</sup>

ვაჟა-ფშაველას „მოხუცის ნათქვამი“ არაა გამომხატველი გარკვეული ცნობილი ფოლკლორული სიუჟეტისა. ის ნიჭიერი სინთეზური პოემაა, რომელშიც მაღალი ხელოვნებითა და მომხიბვლელი მხატვრული ალღოთი და გემოვნებითაა შეკრებილი და შეკინძული ნაირნაირი ფოლკლორული ელემენტი — აქაა თქმულებაც, საომარი სიმღერაც, ბრძოლისათვის მხნე ხალისიანი მზადებაც, ბრძოლის სურათიც, ერეკლეს — გაუტეხელი მებრძოლის, ნიჭიერი და საყვარელი წინამძღოლის სახეც და მრავალი სხვა ელემენტი ქართული ხალხური პოეზიისა. და ყველაფერი ეს თითქოს ეპოქის მოთხოვნილებების თანახმადაა ერთს მთლიან მიზანდასახულობაში ჩამოყალიბებული, თანამედროვე მკითხველშიც რომ აღძრას მაღალი პატრიოტული გრძნობა და შესაფერი ვაჟკაცობა.

\* \* \*

ასეთივე სინთეზური ხასიათისაა ვაჟა-ფშაველას ცნობილი პოემა „ბახტრიონი“. რა სიუჟეტითა და დიდი ხელოვნის ვირტუოზობითაა ჩაქ-

<sup>35</sup> ვ ა ჯ ა - ფ შ ა ვ ე ლ ა , მოხუცის ნათქვამი, თხზ., ტ. III, გვ. 9.

სოვილი ამ პოემაში ქართული ხალხური ზეპირსიტყვიერებას ელემენტები, ასე ნიჭიერადა და მძლავრად რომ სკიმავეს ქართული ხალხის მთელი ისტორიული ცხოვრების მხატვრულ ტილოს და მკვეთრად ააშკარავენ მის ნიჭს, უნარსა და გამძლეობასაც.

პოემაში „ბახტრიონი“ დიდი რელიეფითაა ნაჩვენები მთიელთა სხვადასხვა ზნე-ჩვეულებანი ერთმანეთთან მკიდრო კავშირში — ერთი მთავარი თემის — სამშობლოსათვის თავდადების გარშემო თავმოყრილი. აქ მკითხველი თვალსაჩინოდ ეცნობა: ჯარის საომრად შეკრებისა და მტერთან საბრძოლველად გამგზავრების მიმზიდველ დინამიკას, ჯარის ფიცით შეკვრას, ხატის, სალოცავების დიდების ჩვეულებას, ქადაგის, ხვეისბერის მოქმედებისა და მონაწილეობის ჩართვით; სიზმრის, როგორც წინათმომასწავებლის, რწმენას, მთიელთ ვედრება-სიმღერას, რომელშიც იხატება საქართველოს მძიმე ისტორია და ხალხის დაუძლეველი წყურვილი სამშობლოს დაცვისა და დაშვილებული შემოქმედებითი ცხოვრებისა. აქვეა მოცემული სამშობლოსათვის თავგანწირულ გმირთა მდიდარი ცხოველი ვალერეა, საქართველოს სხვადასხვა კუთხის წარმომადგენელთაგან შემდგარი.

თუ რამდენად ნიჭიერად იყენებს ვაჟა-ფშაველა ხალხურ ზეპირსიტყვიერების მასალას ამ მიმართულებით, აღვნიშნავთ ზოგიერთ აღგილებს.

კვირიას მიერ გადაცემული მოწოდება მთიელთ ელვასავით მოედვა. ყველა იარაღის მზადებას შეუდგა და დაუყოვნებლივ დანიშნულ ადგილას მიაშურა. აი როგორი სიმძლავრით გადმოგვეცემს პოეტი მხედართ ომში გამგზავრების პათოსს და დინამიკას:

ივსება ლაშარის გორი  
ქორ-შავარდნების ფარითა;  
დროშები გზას უკვრთხებენ  
ელერით, აწვდილის ტარითა...  
მგლური დაწყვეს ნაბიჯი,

მოკლედ გადმოვლეს გზანია  
თითოს ხეეს არაჯინასა  
თან მოსდევს ლაშქრის ღვარია.  
ფშაველის შვილებიც პოიდენ,  
სულთქმა თან მოპყვა ჩქარა<sup>36</sup>.

მგოსანი აღწერს რა ჯარის ერთობლივ ხალისით, გაბედულებით, მამაცობით ომში მისწრაფებას, თვითონაც, ასეთი სანახაობით აღტაცებაში მოსული, გადამდები სიხარულითა და კმაყოფილებით დასძენს:

რა საამური დრო არის,  
რა საამური წამია!  
. . . . .  
კლდეთაც კი ესმისთ, სალს კლდეთა,  
მთურელთ გულის ძგერანი...

მოგროვდნენ ყოველის მხრიდან  
ვაყები ლომის ფერანი.  
ღიაცთ-ლა დაჩრჩათ მარტოთა  
მატყლის სართავად კერან<sup>37</sup>.

<sup>36</sup> ვ ა ჟ ა - ფ შ ა ვ ე ლ ა , ბახტრიონი, თბზ., ტ. III, გვ. 177.

<sup>37</sup> ი ქ ე ე , გვ. 177—178.

გაერთიანდნენ ქართველთა ტომები, გაერთიანდა მათი ჯარი, დარწმუნებული თავისი მოქმედების — მტრის წინააღმდეგ საომრად გამზადების — სიმართლეში. ხალხის რწმენით, კარზე მომხდარ მტერს დაზოგვა არ უნდა, რადგანაც მტერი მას ძალაუვნებურად საომრად აღებინებს იარაღს. „ვისაც ჩვენ არ ვებრალებით, ჩვენ შავებრალთ რისადა?“ — ხალხის საერთო აზრს სრული შეგნებით გამოსთქვამს ზეზვა, თუშთა ბელადი.

ასეთი განწყობილებით შეკრებული ჯარი ერთ-ერთი მისალმების შემდეგ „ფიცით შეიკრა“. მგოსანმა მკითხველთათვის დამაჯერებელი რომ გახადოს შეკრებილი ჯარის რწმენა, რომ მისი ბრძოლა თავდაცვითი ხასიათისაა და ამიტომ სამართლიანი, არ ეწინააღმდეგება კაცის მალალ მორალს, ფიცით შეკრულს ჯარს, პოეტის გადმოცემით „მადლიდან მაკურთხებელი თავზე დაადგა ჯვარია“ — ეს, ხალხის ღრმა რწმენით, მაღალი ზნეობრივი ძალაა.

აქაც, უდავოდ, დიდი ხელოვნებითა და გაგებითაა დაცული და გამოყენებული ყოველი დეტალიც კი ფშავ-ხევსურული ფოლკლორისა, რათა, შეპარვით, ვითომ ძველი თქმულების გადმოცემით, ადგილის კოლორიტის დაცვით, სინამდვილეში, კი, თავისი ეპოქის საკითხები ჩააქსოვოს და მკითხველსაც დამაჯერებლად აჩვენოს, რომ ხალხთა გაერთიანებულ ძალას ღირსეულად შეუძლიან მტრის დაძლევა, თავისუფლების მოპოვებაც და მოქალაქის წმინდა ვალის მოხდაც ქვეყნისა და ხალხის წინაშე.

ასევე ბევრის მთქმელია და მთის ეთნოგრაფიული ელემენტების ნიჟიერი შემცველი ქმრისა და შვიდი ვაჟიშვილის მტერთან ბრძოლაში დამკარგავის მთიელი ქალის სანათას კოლორიტული სახე და მისი ღრმა ღირსებით აღსავსე ვედრება მთიელთა ხატებისადმი გაამარჯვებინონ სამშობლოს დახსნისათვის ამოძრავებულ ჯარს. სანათას ამ ვედრებაში ცხოვლად იგრძნობა არა მარტო საქართველოს მძიმე ისტორია, რომელიც ძვირად უღირდა და უჭდებოდა ქართველ ხალხს, არამედ აგრეთვე მთიელთა (იგულისხმება საერთოდ ქართველი ხალხის) დიდი მოვალეობის შეგნება სამშობლოს წინაშე, დიდი პატრიოტული გრძნობა და გაუტეხელი ხასიათი, რაც ასე აკლდა და ესაჭიროებოდა ვაჟაფშაველას და ქართველი მოწინავე საზოგადოების გაგებით, XIX საუკუნის ქართველობას:

„ღმერთო და ჩვენო გამჩენო,  
ხატებო ფშავეთისაო!  
აავსეთ თათრის სისხლითა  
ველები კახეთისაო...  
შენ გაუმარჯვე ჩვენს ჯარსა,  
დავლათო ახმეტისაო!

გვაკმარე, ღმერთო, ზარალი,  
გვეყო, რაც სისხლი, გვიღვრია,  
კვეყო, რაც მტერთან ბრძოლაში  
ძვალეზი ვადაგვიყრია.  
გვეყო ამდენი ცრემლის ღვრა,  
დაუშრომელი ვაება;

არ თუ ვებრალეთ საყზონი,  
რო აღარ გეწყალობს ლეთაება?!  
გვიშველე, ლაშარის ჯვარო,  
დაგვეკირდა შენი თავისი;  
შენის ფრანგულთ აკურთხე

თ უ მ - ფ შ ა ვ ე ლ - ხ ე ვ ს უ რ თ  
ზ ა ე ი ა ...  
გვიკირს და გამოგვაყენე  
შეუმუსრავე ძალია“<sup>28</sup>

მთიელთა საერთო ცხოვრების ეპოპეის გადმოცემაში ვაჟა-ფშაველას ნიჭიერადა აქვს ჩაქსოვილი სიზმარი, როგორც მათი ზნე-ჩვეულებების დამახასიათებელი დეტალი, სიზმრის, როგორც წინათმომასწავებლის რწმენა.

კვირიამ ნახა ავის მომასწავებელი სიზმარი, რამაც ის ძალიან ჩააფიქრა. ჯარი დაფიქრების მიზეზს მიუხედა და სთხოვს კვირიას უამბოს სიზმარი. კვირიას სიზმარი ჯარსაც და მის წინამძღოლს ლუხუმსაც ავად ენიშნათ<sup>29</sup>. ასეთივეა ლელას სიზმარიც.

მიუხედავად ცუდის მომასწავებელი სიზმრისა, ვაჟა-ფშაველას გაგებითა და ჩვენებით, კვირიაც, ლელაც და მთლად მთიელთა ჯარი შეუპოვარია, შავს ბედს არ უშინდება, ის ბოლომდის მებრძოლი, გაუტეხელი სულის მატარებელია. ხალხურ ზეპირსიტყვიერებაში შენახული ამ დამახასიათებელი ნიშნის ჩვენებითაც, ვაჟა-ფშაველა ერთი ხაზის მოსმით დიდი ხელოვნებით ახერხებს გამოავლინოს მთიელის გვირუკი გაუტეხელი სახე. კვირიამ ცუდის მომასწავებელი სიზმრის მბოზა რომ დაამთავრა, მაინც შეუპოვრად „ჩაიკასკასა ტკბილადა“. ლუხუმსაც ასევე ეწყინა კვირიას სიზმარი, მას „ცრემლები მოსდის წყვილად“, მაგრამ მაინც გაუტეხელად ამბობს — „კეთილად ახდეს“, და ომისათვის სამზადისს არ ანელებს, რაც ასე დამახასიათებელია ქართული ხალხური ზეპირსიტყვიერებისათვისა და მწერალიც ზუსტად, თუმცა თავისებურად, სარგებლობს როგორც აქ, ისე სხვაგანაც ამ და ამგვარი ნიშნებით.

ხაზგასმით უნდა აღინიშნოს, რომ ვაჟა-ფშაველა ძველ დროს, მთიელთა ყოველ ჩვეულებას, ვაჟკაცთა თუ ქალთა გმირულსა თუ უარყოფით ქცევას, დადებით თუ უარყოფით სახეებს რომ გვიხატავს თავის შემოქმედებაში, ყველასი და ყველაფრის მნიშვნელობას ჭკრეტს და აფასებს თავისი თანადროულობისა და მომავალი, პოეტისათვის სანუკველი ცხოვრების პოზიციებიდან. მთის მგოსანი ხომ „იმავ ჭირითაა სნეული“, რაც ბარის დიდ მწერლებსა და მოღვაწეებს აწუხებდა. ვაჟა-ფშაველაც, როგორც ზევითაც გვქონდა აღნიშნული, უკმაყოფილოა თანადროულობით; მთელი თავისი დიდი ბუნებითა და მისწრაფებით, უკეთესი, აზრიანი ცხოვრების გზას ეძებს. ამისათვის მისი „ბუკი

<sup>28</sup> ვ ა ჟ ა - ფ შ ა ვ ე ლ ა , ბახტრონი, თბზ., ტ. III, გვ. 174—175.

<sup>29</sup> ი ქ ვ ე , გვ. 182—183.

და ნაღარა“ მაღალი საზოგადოებრივი მისწრაფებითა და მისი განხორციელების დიდი უნარით დაჯილდოებულ ვაჟკაცთ უკივის. მთის მგოსანს სწამს, რომ ასეთი გმირების საშუალებით ხალხი განთავისუფლება მონობის უღლიდან; ახლა დანაწილებული, დაქუცმაცებული ქვეყანა გაერთიანდება, შეიკრიბება „ძმობა-ერთობა-თავისუფლების“ რწმენის საფუძველზე. პოეტსა სწამს, რომ ეს ძალა თვით ხალხში, მღაბიო ხალხში და პირველ რიგში მთის მოსახლეობაშია.

ყველა და ყველაფერი ვაჟა-ფშაველას შემოქმედებაში და, კერძოდ, პოემაში „ბახტრიონი“ უმთავრესად ამ იდეის გარშემოა გაერთიანებული. „ბახტრიონშიც“ ფოლკლორული მასალა ამ მიმართულებითაა ზედმიწევნითი სიზუსტით გამოყენებული. ქადაგიც კი, ამ პოემაში ასე მხატვრულად განსახიერებული, იმავე რწმენითაა გამსკვალული და მთიელთ ხატის სადიდებლის აზრსაც ამგვარივე გაგებით ამოკითხავს. საომრად გამზადებული ჯარი „თავმოხდით სდგას თავის ბატონის (ე. ი. ხატის. — მ. ზ.) კარზედა“, გამოჩნდება ქადაგი „განაცრებულის სახითა“. ისიც შემკრთალია, მაგრამ მბრძანებლური ხმით ლაშქარს ხატის სახელით შემდეგს შესძახებს:

„უამს ჩვენს ლაშარის ჯვარსა,  
მის კარს რომ შავიყარენით,  
ქვეყნის წიმუყმედთან საომრად  
მალეუ რო ავიყარენით“.<sup>40</sup>

ქადაგი, ხალხის, ჯარის ასეთი განწყობილების გამოვლინებით კმაყოფილი, დარწმუნებულია, რომ ლაშარის ჯვარიც ასევეა ამით კმაყოფილი, ამიტომ ის ჯარსაც ბუნებრივი დამაჯერებელი ტონით არწმუნებს, რომ ბატონი — ხატიც კმაყოფილებით მათთან დგას და ომშიაც მათ წინ წაუძღვება, თვითონ ჯარიც დაინახავს ლურჯს ცხენზე მჯდომს მხედარს (ლაშარს წმ. გიორგის სიმბოლოს). ქადაგის სიტყვები ჯარს უფრო გაამხნეებს. ქადაგი თავის წინასწარმეტყველებას ასე ათავებს: ლაშარის ხატს — მთიელთ სადიდებელს „უყვარან, ფშაველ-ხევსურნი, დამდგარნი ერთსა პირზედა.“ და ეს ერთ პირზე დადგომა ხომ სანატრელი მისწრაფება იყო, როგორც თვით ვაჟა-ფშაველასათვის, ისე იმ დროის ქართველი მოწინავე საზოგადოებისათვის, ეროვნულ-გამათავისუფლებელ ფრონტზე რომ იბრძოდა.

პოემის VI თავში ვაჟა-ფშაველას მიერ დიდი ხელოვნებითაა მოცემული ომში წასასვლელად გამზადებული ჯარის განწყობილებისა და მოქმედების სურათი, რომელშიც ჩაქსოვილია ეპოქის მაღალი განცდებიც. ამასთანავე ეს მშვენიერი, მკითხველისათვის დაუვიწყარი, ცხო-

<sup>40</sup> ვ ა ჯ ა - ფ შ ა ვ ე ლ ა , ბ ა ხ ტ რ ი ო ნ ი , თ ხ ზ . , ტ . III , გვ . 179 .



ველი ეთნოგრაფიული სურათია, რომელშიც ხალხის ყოფა, ტრადიცია  
ნიშანდობლივი რეალური ფერებიტაა აღბეჭდილი:

სამლო ქნეს ფშაველ-ხევსურთა,  
დაკლეს ხარი და ცხვარია.  
ჩამოსხდენ, ბელეს საჯარეს  
გარს შემოერ-ყა ჭარია.  
ყველას თან უდგა საგზაო,  
საჩქაროდ წადულარია.  
ადიდეს ლაშარის ჭვარი,  
თამარის ნაჩუქარია;  
ადიდეს დიდი თამარი, —  
ის ღმერთთან წილნაყარია, —  
თავის ოფლით და ამავეთ  
ხმელეთი დაუფარია.

მოხსენიეს მსედარნი,  
ვინც ველზე დარჩა მკედარია.  
არსადა მათთვის სამარე  
და მიწა ზედ საფარია.  
ყორნებს რო უთსრავ თვალები,  
სევთ მხრებით დაუფარია,  
მავრამ იმათი სახელი  
დროთ-სვლას ვერ მოუპარია!  
ხევისბრობს ბერი ლუხუში,  
ხმა-ტკბილად შოუბარია.  
ემირთა ქებით და დიდებით  
გული ვერ მოუფხანა<sup>41</sup>

ასეა ვაჟა-ფშაველას პოეტურ ქარგაზე მეტად თავისებურად გაერ-  
თიანებული ქართველი ხალხის ცხოვრების წარსული აწმყოსთან და  
აწმყო-მომავალთან მთიულური ყოფის მთელი კოლორიტის დაკვირვებით.



მთიელისა და მისი მსოფლმხედველობის ჩვენება და მიმართულე-  
ბით ვაჟა-ფშაველას მიერ ქართული ხალხური შემოქმედების დიდი ხე-  
ლოვნებითა და სიუხვით გამოყენება დაახლოებით მაინც რომ აღვნიშ-  
ნოთ, შეეჩერდებით მთის მგოსნის მდიდარი პოეტური პალიტრის კი-  
დევე ერთს მხარეზე.

ცნობილია, რომ ხალხის მსოფლმხედველობასა და მის პოეზიას,  
ჩვეულებრივ ახასიათებს ანიმიზმი. ვაჟა-ფშაველას პანთეისტური  
მსოფლმხედველობა — „რაც კი რამ დაუბადია უფალს სულიერ-უსუ-  
ლო, ყველასა თურმე ენა აქვს, არა ყოფილა უსჯულო“<sup>42</sup>, — თავისებუ-  
რადაა შეგუებული ანიმიზმთან: ბუნების ყოველ მოვლენას, როგორც  
ადამიანს, სული აქვს, განიცდის; ამიტომ ბუნების მოვლენათა და ადა-  
მიანს შორის გაგება ბუნებრივია. სიყვითეს ბუნების მოვლენებიც დი-  
დი უშუალობით განიცდიან, ხშირად ისეთი ცხოველებისაც კი, რომელ-  
თაც, ჩვეულებრივ, ვნება მოაქვთ ადამიანისათვის. ასეთია, ვაჟა-ფშავე-  
ლას გაგებით, ბუნება. ასეთია პოემა „ბახტრიონში“ „გულჯავრიანი“,  
„ჯაგარ-აშლილი“ გველის დამოკიდებულება „სასომიხდილი, სნეულა“  
ვაჟკაცის ლუხუმისადმი.

<sup>41</sup> ვ ა ჯ ა - ფ შ ა ვ ე ლ ა, ბახტრიონი, თხზ., ტ. III, გვ. 180.

<sup>42</sup> მ ი ს ი ვ ე. გველის მკამელი, თხზ., ტ. IV, 1932 წ., გვ. 27.

კაცთა და ნადირთ შორის გაგებას ვაჟა-ფშაველა სხვა ნაწარმოებშიც იძლევა. მაგ., პოემაში „დაჭრილი ვეფხვი“. სანადიროდ გასული მონადირე თვარელი ტყეში ჰხედავს დაჭრილს, მკვნესარე ვეფხვს, რომლის „სისხლი, ნადენი ტოტითა“, მდინარეს შერეოდა. თვარელს შეებრალება დაკოდილი ნადირი, აღარ ჰკლავს მას. თვარელი დაჭრილ ვეფხვში ჰხედავს თავისავით მონადირეს, რომელსაც „ნადირობაში მთა-ბარი დაუკეცია“. ვეფხვი იგრძნობს მონადირის ამ განწყობილებას. მივა მასთან კოპლობით, „ტოტი დაადვა ფეხზედა“. თვარელმა გაუსინჯა ვეფხვს ფეხი და კლანჭიდან ამოუღო „სიპი მომსხო და სრულია, ნაშალი კლდისა სალისა“.

თვარელმა წყლული შეუკრა  
ვეფხვსა ნაკუნით ჭრელითა  
და ჩირქიც ამოუფხვია  
წყლულიდამ დანით მჭრელითა.<sup>43</sup>

მადლიერმა ვეფხვმა გადაირბინა მთა-ბარი. მალე მონადირესთან მოვარდა ჯერ ხარი-ირემი, შემდეგ ჯიხვი, თვარელმა გაიხედა და ამ ნადირთა ნადგომში დაინახა ნაცნობი ვეფხვი, რომელიც მკერდში ტოტს იცემდა. თვარელი მიხვდა, რომ ვეფხვმა მას სიკეთისათვის სამაგიერო გადაუხადა.

ასეთი დამოკიდებულება ადამიანსა და ნადირს შორის ერთ-ერთი დამახასიათებელი სტილიური ნიშანია ხალხური ზეპირსიტყვიერებისა, განსაკუთრებით ზღაპრებისა. დიდაქტიკურ ზღაპრებში ეს სტილიური ნიშანი მსმენელთა სამოძღვროდ იყო ხოლმე ხშირად ჩაქსოვილი.

ხალხი კაცთათვის საჩვენებლად და აღსაზრდელად ქმნიდა ისეთს ზღაპარს, არაკს, რომელშიც პირუტყვიც კი გამოჰყავდა სიკეთის დამნახველად, სიკეთისათვის სიკეთის გადამხდელად, მაშინ როდესაც ადამიანი სიკეთისათვის ადამიანს ბოროტს მიუძღვნიდა ხოლმე. ხალხმა რომ ცხოვრების მოუწესრიგებელ პირობებში ხანგრძლივი დაკვირვების საფუძველზე გამოიტანა დასკვნა — „სიკეთისათვის სიკეთე არავის უქმნიაო“. თავისი ზღაპრებითა და სხვა ჟანრის შემოქმედებით ხალხი ცდილობდა საზოგადოების ამ მიმართულებით გაჯანსაღებას. ვაჟა-ფშაველაც ხალხური შემოქმედების ამ სტილიური ნიშნის გამოყენებით თანადროულობის პოზიციებიდან იყურება, დაკნინებული საზოგადოების გამოფხიზლებას, მის მორალურ ამაღლებას ემსახურება.

როცა ვაჟა-ფშაველას შემოქმედებას, განსაკუთრებით მის პოემებს კითხულობთ, აშკარად გრძნობთ, რომ თანადროული საზოგადოებრივი და პოლიტიკური ცხოვრებით უკმაყოფილო მგოსანი ხალხის (გლახო-

<sup>43</sup> ვ ა ჟ ა - ფ შ ა ვ ე ლ ა , დაჭრილი ვეფხვი, თხზ., ტ. III, 1920 წ., გვ. 148.

ბის) ცხოვრებაში, მის ისტორიულ წარსულში ეძებს საზოგადოებრივი ურთიერთობის საღსა და სასურველ დასაბამს. მკითხველი აშკარად გრძნობს, რომ ვაჟა-ფშაველამ ზედმიწევნით გაიგო ხალხის (გლეხობის) მაჯისცემის მოძრაობა, გაიმსჭვალა მისი აშკარა თუ ილუმალა, უღრმესი თუ უმწვავესი კმაყოფილებისა თუ უკმაყოფილების განცდებით; აითვისა მისი მეტყველების წყობა, კილო, მის ზნე-ჩვეულებათა სადა, გულუბრყვილო სიმკაცრე, გონების ძალა და გრძნობის მძლავრი გაქანება; დაგვანახვა მისი უხეში, ჩამორჩენილი ცხოვრების პირობები ყოველი დამახასიათებელი დადებითი თუ უარყოფითი წვრილმანებით და შექმნა თავისებური მდიდარი პოეტური სამყარო, რომელშიც არაჩვეულებრივი სინამდვილითა და სიმკვეთრითაა ჩაქსოვილი ხალხის ცხოვრებისა და მისწრაფებათა წარსული, აწმყო და მომავალი. და ყველაფერი ეს ისეთი დიდი ორიგინალობით, დიდი ოსტატობითაა განსახიერებული, რომ ძნელი ხდება გარკვევა და გარჩევა, რა ეკუთვნის ხალხსა და რა თვით პოეტს — ვაჟა-ფშაველას; სად თავდება ხალხის შემოქმედებითი გენია და სად იწყება ვაჟა-ფშაველასი.

ნიმუშისათვის შეიძლება ავიღოთ პოემა „ეთერი“, რომელაც სიუჟეტურად ხალხურ „ეთერიანზეა“ გაშლილი.

ნიშანდობლივი სიზუსტითაა დაცული პოემაში „ეთერი“ ხალხური მეტყველების კილო, ხალხური ზეპირშემოქმედების ეპიური სტილი და ცრუმორწმუნეობის საფუძველზე შექმნილი მდიდარი ფანტასტიკური სამყარო, რაც, მდაბიო ხალხის რწმენით, ისეთივე რეალური სამყარო იყო, როგორც გარემო.

აი როგორ ზღაპრულ კილოზე ავითარებს ვაჟა-ფშაველა სამყოფსა და სახეს კუდიანი ბებრისას, რომელთანაც შერე გავმზავრება:

ცხრას ზღვასა, ცხრას მთას იქითა,  
 უდაბურს ადგილს მთიანსა,  
 სცხოვრობდა ერთი ბებერი  
 გამოქვამულსა კლდიანსა,  
 გველი, შხამი და ბოროტი  
 ყველას ის აძლევს ზიანსა.  
 ქაჯთათვის სული მიეცა,  
 ქაჯებში იყო გართული.  
 დევთა და ალთა შორისა  
 ზემოთა თავში ჩართული.

ქარს ის აჩენდა და ღვარსა,  
 სეტყვას და დელგმას მეხთა,  
 თუ კი ერთს დაიწოვლებდა,  
 ან მიწას სცემდა ფეხითა,  
 ხმელს მოხრილს ზურგზე დადგმულს  
 ეშმაკ-ცხენაის კენითა.  
 შავია, როგორც ნახშირი,  
 როგორც ფისი და კუპრია,  
 სუყველა იმაში ბუდობს:  
 ანგარება და შურია<sup>44</sup>.

ამ ავი სულის, კუდიანი ბებრის გარეგნული აღწერაც სრულიად შეეფერება მის შემზარავ, არაბუნებრივ სულიერ თვისებებს, შეეფერება ხალხის ფანტასტიკურ წარმოდგენას, ხალხურ შემოქმედებაში რომაა ასახული. აი რა ნიშნებითა და ფერებითაა თავისთავად, დამოუ-

<sup>44</sup> ვ ა ჯ ა - ფ შ ა ვ ე ლ ა, ეთერი, თხზ., ტ. III, 1930 წ., გვ. 124.

კიდებლად დახატული ბებრის გარეგნობა ვაჟა-ფშაველას მიერ, შექმნილი ხალხური ზეპირსიტყვიერების ელემენტების გამოყენების საფუძველზე:

თვალეზი ცეცხლისა უსხდა,  
კბილები ჰქონდა მინისა,  
ცალიერს ძელებზე ზედ ეკრა  
ტყავად ფურცელი რკინისა;

ფეხები ჰქონდა კაცისა,  
ხელებად ბჯლები ციცისა,  
და, თმის მაგივრად, სულძალღასა.  
მოკლე ფაფარი კვიცისა<sup>45</sup>.

ვაჟა-ფშაველას შემოქმედების ბუნებრიობა და დიდი ოსტატობა აქ, მართლაც, ისეთს სიმაღლეზე აღის, რომ ზღვარი ინდივიდუალურსა და ხალხურ-კოლექტიურ შემოქმედებას შორის თითქოს სრულიად იშლება.

ასეთს შთაბეჭდილებას იძლევა მთის მგოსნის შემოქმედება მთლიანად. ჩავუღრმავდეთ „ეთერის“ ანალიზს, რა ზედმიწევნით მსგავსებას ეამჩნევთ ხალხურ შემოქმედებასთან.

ეს კუდიანი დედაბერი, რომელიც „ერთხელ არ იტყვის სხვას ვარგო“, რომელსაც „მულამ სხვის ვნება სწყურია“, სუყველაფრის მცოდნეა და უცდის დროს, რომ კარგი საქმე ჩაშალოს, გააცუდოს. მას ამის ძალაც შესწევს, ვინაიდან ხელთ უკავია მთელი სამყაროს „ძაფები სახათაბალო“.

პოემაში „ერთი“ კუდიანი ბებრის სახის — მისი გარეგნობის, თვისებების, სამყოფისა და მოქმედების დახატვაში ჯადოსნურადაა გაერთიანებული მდაბიო ხალხის რთული სულიერი სამყარო; მისი სარწმუნოების სხვადასხვა ნაღვეები ერთს თავისებურ კოლორიტულ მსოფლმხედველობაშია გამთლიანებული; აქვეა ასეთივე თავისებური შეერთება ქვის, რკინის, მინის ეპოქებისა. ასეთი შემოქმედებით მოჯადობული მკითხველიც დიდი ცნობისმოყვარეობით მისდევს მგოსანს ამ ფანტასტიკურ ქვეყანაში.

აი ამ უცნაურ ქვეყანაში მყოფ დედაბერთან, ამ ავ ქმნილებასთან, როცა ის „ჩაჰკირკიტებდა ჯადოსა ორად მოხრილი წელშია“, მიღის ავი განწყობილებით აღსავსე შერე.

ნამდვილი ხალხური სტილითაა „ეთერში“ გაშლილი საუბარი „გულდაკოდილი“ შერესა და ამ ავ-გრძნეულ ბებერს შორის: ავი ბებრის რჩევა, როგორ უნდა მოიქცეს შერე, რომ მან საწადელს მიაღწიოს, ნამდვილი ხალხური ზღაპრული ნიშნებითაა მოცემული.

ბებერი შერეს საჭირო პირობას რომ ჩამოართმევს, შემდეგს გაანდობს:

ნუ ჰკრთები, შერევე, ნუ სწუხარ,  
ყური დაზოდვ ბებერსა.  
შალედვე მიგწევ საწადელს,

ხელში ჩავიგდებ ეთერსა.  
რაც მე ვასწავლო წამალი,  
აწამლე იღუმალადა:

<sup>45</sup> ვ ა ჯ ა - ფ შ ა ვ ე ლ ა, ეთერი, თხზ., ტ. III, გვ. 124.

ფეტეს მოცემ, ღვეთა ნათესა,  
 მოსულსა ღვეთა ქალადა;  
 ის ურწყავს სისხლსა კაცთასა,  
 ღვეთაგან ნახმარს წყალადა;  
 შოგვე ღედის რძე ურევევ  
 ქაჭთი, მაცილოთი კვალადა.  
 შოგვეა ფერფლი იმ სულთა,  
 ჩვენ რომელიც გვხვდა წილადა,  
 ვინც თავის მიუფესთანა  
 გამოჩნდა განაწილადა;

შოგვე ღაფია იუდის,  
 ქრისტეს გამცემის სულისა  
 და ანაფხეკი სასყიდლად  
 მის მიღებულის ფულისა...  
 დაგონავ ქაჭის ქალმანსა,  
 შოგ ჩავერი, ჩავეწკრილებ,  
 შოგ ჩაველს გრძნეულთ სიტყვასა,  
 რა ენას დაეატრიალებ,  
 საქმეს გაეჩარხავ, გოდურძის  
 დაეწოვ და ავაპრიალებ<sup>46</sup>...

მკითხველი თითქოს შეუმჩნეველად, თავისით შედის ხალხის ფანტასტიკურ სამყაროში. ის თითქოს უშუალოდ. ცოცხლად ხედავს არა მართო ამ კუდიანს, „ავის მთესელს“ ბებერს, არამედ მთლიანად ხალხის მიერ შექმნილს ირეალურ ქვეყანას, რომელიც მკითხველისთვისაც, როგორც ხალხისათვის, რეალურზე ძლიერი და ექვემიუტანელი ხდება.

ცხადია ამ მიმართულებითაც მქდავენდება ვაჟა-ფშაველას ღიღი პოეტური გაგება და აღქმა. ის, როგორც არაერთგზის აღვნიშნეთ, ზედმიწევნით, ნიშანდობლივ გვიხატავს მთის ცხოვრებასა და მთიელის ბუნებას, ზნე-ჩვეულებას; მოხდენილად იყენებს როგორც ხალხის ენას, ისე მის შემოქმედებას, მაგრამ, ხაზგასმით უნდა აღინიშნოს, რომ მგოსანი ხალხის ცხოვრებასა და შემოქმედებასთან მივიდა არა როგორც ბრმა მიმბაძველი, არა როგორც მონა, თუ გნებავთ, არა როგორც ეთნოგრაფიული მასალის ზუსტად შეტანისა ან მთიულური კოლორიტის ზუსტად დაცვის მისწრაფებით აღჭურვალი. არა. ვაჟა-ფშაველამ შეძლო ხალხური გავლენის გარეშე დამდგარიყო, რათა ამ გავლენას არ დაეფარა მისგან თვით ქვეშარიტი გაგება ხალხის ცხოვრებისა და მისი ნამდვილი სიცოცხლის მაჯის ცემისა.

ვაჟა-ფშაველა ქართულ ხალხურ ზეპირშემოქმედებასთან მივიდა, როგორც დამოუკიდებელი ძალით მორჭმული გიგანტი-შემოქმედი. ვაჟა-ფშაველამ ხალხის ზნე-ჩვეულება, მისი კოლორიტული ენა უხვად მიიღო, როგორც მასალა და თავის მღიდარ შემოქმედებით ლაბორატორიაში გადაადულა, გადაადნო, გადაამუშავა და მთიულურ კოლორიტში მძლავრად დაფერადებულ-დასევადებულ თავისი, ვაჟასებური უცნაური სამყარო დაგვიხატა. ვაჟა-ფშაველას პოეტური ენა, რა თქმა უნდა, მთიულურია, მთიულური კილოს მატარებელია, მაგრამ ის ვაჟა-ფშაველას უცნაური ნიჭითაა ზეშთაგონებული, ამიტომ ის ვაჟა-ფშაველას საკუთარი სტილია.

<sup>46</sup> ვ ა ჯ ა - ფ შ ა ვ ე ლ ა , ეთერი, თხზ., ტ. III, გვ. 127—128.

ვაჟა-ფშაველას პოეტური შემოქმედების ხალხური ხასიათი, პოეტის ინდივიდუალობისა და ხალხურ შემოქმედებას შორის ზღვარს თითქმის რომ სპობს, ზოგიერთ მკითხველს, ხანდახან კვალიფიციურ მკითხველსაც კი, არა სწორ შთაბეჭდილებას და წარმოდგენას უქმნიდა მთის მგოსნის პოეტურ შემოქმედებაზე. მათ ეგონათ, რომ ვაჟა-ფშაველას შემოქმედება, განსაკუთრებით მისი პოემები, ძირითადად ხალხური პოეზიის ნიმუშების გამოყენებაა, ცოტა უხეშად რომ გამოვთქვათ ეს აზრი, — ვაჟა-ფშაველას პოეზია ხალხური ზეპირსიტყვიერების ნიმუშების ერთგვარი გადამღერებაა.

აი რასა წერდა ცნობილი ლიტერატორი იპ. ვართაგავა 1914 წელს ჟურნ. „განათლების“ IV №-ში: „დედააზრი ამ პოემისა („გველის მკაშელი“-სა და „სტუმარ-მასპინძელი“-სა — მ. ზ.) (უნდა ვიფიქროთ), ხალხის საერთო სულიერი ძალითაა გამოკვედილი. მათში გატარებული იდეა ვაჟას გონების სინტეზის ნაყოფს ან ინტუიტიურად მის სულიერ ძალთა ქმნილებას არ წარმოადგენს. ვაჟამ ხალხის მიერ შეზავებულ იდეას მხოლოდ შედარებით შესაფერი სამოსელი შეუქერა, მხოლოდ კოხტად მორთო და ლამაზი მხატვრულ ქმნილებად აქცია“.

იქვე, ცოტა ქვემოთ იპ. ვართაგავა უფრო აღრმავებს თავის შეხედულებასა და თითქმის ურყევად წერს: „ეჭვს გარეშეა, ვიმეორებთ, რომ ვაჟაც უხვად და ხშირად სარგებლობს ხალხში შექმნილ-შენახულ ეპიკურ მასალით: საგმირო სიმღერებით და თქმულებებით. ეს მასალა თავისთავად ისეთი აზრიანი და მხატვრულია, რომ მათი შეუშუშავებლადაც გაცნობა ასიამოვნებს და ჩააფიქრებს მკითხველს“<sup>47</sup>.

ამიტომ იპ. ვართაგავას სურს თავისი მკაცრი კრიტიკა შეანელოს და მთის მგოსნის მიერ ხალხური პოეზიის ნიმუშების ასეთი გამოყენებაც სასარგებლო საქმედ მიიჩნიოს და ასეთი სესხი ვაჟა-ფშაველას შეუხდოს. ის წერდა: „ვაჟას სახელს და დიდებასაც ბევრი არაფერი დააკლდება მაშინაც, თუ რომ ყველა პოემების ფაბულას და სიუჟეტს დედანი მოუძებნეთ ხალხურ თქმულება-გადმოცემაში“<sup>48</sup>.

მაგრამ იპ. ვართაგავა ამით არა კმაყოფილდება; ის აქაც არა სვამს წერტილს. ის თავისი აზრის მთლიან გაშლას განაგრძობს: „ვაჟამ კი თავს იღო მათი შეუშუშავება, ხელოვნურ ფორმაში ჩამოსხმა, მთლიან ნაწარმოებად გარდაქმნა. კარგი, ლამაზი და მხატვრულია ეს ცდა მგოსნისა, მაგრამ, სამწუხაროდ, მან ჩვენის აზრით, მაინც ვერ მოახერხა, — ვერ ვიტყვით, — ვერ შეძლო — მათი რთული, ღრმა და ფართე მხატვრულ ნაწარმოებებად გადააქმნა-გადადღუღა. ჩვენმა პოეტმა

<sup>47</sup> იპ. ვართაგავა, სიმღერა მთის შვილის — ვაჟა-ფშაველასი, ჟურნ. „განათლება“, 1914 წ., № IV, გვ. 241—242.

<sup>48</sup> იქვე, გვ. 242.

არამც თუ ვერ გაართულა ეს ქმნილება ხალხის ფანტაზიისა, არამედ მას თავიც ვერ დაუღწევია მისი ზეგავლენისათვის როგორც იდეის, ისე მომეტებულად ფორმის მხრით. როდესაც კითხულობთ ვაჟას პოემებს, თქვენ გგონიათ, რომ ვიღაცას უცვლელად ჩაუწერია ხალხში დარჩენილი ლამაზი თქმულება და თქვენდა დასატყობად დაუბეჭდიაო: იგივე ხალხური ენა, იგივე რითმა, იგივე ხალხური შედარებები. ეპიტეტები, ტროპები, იგივე ხალხის შეხედულების, რწმენის მოხაზულობა და ხასიათი, იგივე ხალხური საგმირო ჰანგები, იგივე ხალხური იდეალები<sup>49</sup>.

მთის მგოსნისადმი ასეთი მწვავე განაჩენი რომ შეანელოს, იპ. ვართაგავა ასე ამთავრებს თავის შეფასებას: „ამას ჩვენ, რასაკვირველია, პრობლემატიურად ვამბობთ, მხოლოდ აპრიორულად უთითებ აღნიშნულ მშგავსებაზე. ისე კი, სანამ ის „ძველი ამბები“, რომლებიც არაქად აუღია ვაჟას თვისის პოემებისათვის, შეუცვლელად არ ჩაუწერება და არ გამოქვეყნდება, მანამდის ძნელია გადაჭრით თქმა, თუ რა ეკუთვნის პოემაში ხალხის გენიოსობას და თუ რა შეუტანია თვით მგოსანს“<sup>50</sup>.

მართალია, პატივცემული კრიტიკოსი ბრძანებს, რომ მისი ეს შეხედულობა ვაჟა-ფშაველას შემოქმედების შესახებ „პრობლემატიურია“, ის მას „აპრიორულად“ მიუთითებს აღნიშნულ მშგავსებაზე, მაგრამ პრობლემატიურსა და აპრიორულ შეხედულებასაც ხომ აქვს რაიმე არსებითი საფუძველი?

რა საბუთი აქვს იპ. ვართაგავას ვაჟა-ფშაველას პოეტური შემოქმედების შესახებ ასეთი შეხედულების გამოთქმისათვის?

სამწუხაროდ, მეტად მცირე და ისიც მეტად გულუბრყვილო და სუსტი. მაგრამ ჭერ ბოლომდე მოვისმინოთ იპ. ვართაგავას გამოთქმული აზრი ვაჟა-ფშაველასა და ქართული ხალხური ზეპირმოქმედების ურთიერთობის შესახებ.

აი ამ მიმართულებით კიდევ რასა წერს იპ. ვართაგავა ზემოაღნიშნულ წერილში: „რომ ვაჟასი თითქმის ყველა პოემას საფუძვლად უდევს ხალხის თქმულება, გადმოცემა, ზღაპარ-ლეგენდა, — ეს ექვს გარეშეა; ამას თვით მგოსანიც არ მალავს, როდესაც პოემის სათაურის ქვეშ ფრჩხილებში შენიშნავს ხოლმე: „ძველი ამბავიო“<sup>51</sup>.

გადაჭრით უნდა ითქვას, რომ იპ. ვართაგავას ეს საბუთი არათერს ამტკიცებს. იპ. ვართაგავას მოყვანილი აზრი მხოლოდ მკვერმეტყველურად ადასტურებს ჩვენ მიერ ზემოთ გამოთქმულ დებულებას, რომ ვაჟა-ფშაველამ ისე მძლავრად და ნიჭიერად შეისისხლხორცა ხალხური, ფშავ-ხევსურული დიალექტიც, ზეპირსიტყვიერებაც, როგორც შინა-

<sup>49</sup> იპ. ვართაგავა, სიძღვრა მთის შეილის — ვაჟა-ფშაველასი, ეურნ. „განათლება“, 1914 წ., № IV, გვ. 242—243.

<sup>50</sup> იქვე, გვ. 243.

<sup>51</sup> იქვე, გვ. 242.

არსის, ისე ფორმის მხრივ, რომ მის შემოქმედებაში მკითხველისათვის იკარგება ზღვარი პირად-ინდივიდუალურ შემოქმედებასა და ხალხურ ზეპირსიტყვიერებას შორის.

ვაჟა-ფშაველას შემოქმედება, თითქოს, ხალხურ ზეპირსიტყვიერების ელემენტებზეა აკინძული, ასეთს შთაბეჭდილებას ტოვებს მკითხველზე (და, როგორც ჩანს, ისეთს მაღალკვალიფიციურ მკითხველზედაც კი, როგორიც არის იპ. ვართაგავა), მაგრამ, ვიმეორებთ, ის ხალხის გენიის ნამოქმედარი კი არ არის, არამედ თვით პოეტის ნიჭის ნაყოფია, ის მთლად ვაჟასებურია.

მაგრამ გავერკვიოთ უფრო მეტის გულისყურით იპ. ვართაგავას ამ შეხედულებაში.

მხატვრული ნაწარმოებისადმი ასეთი შენიშვნები — „ძველი ამბავი“, „მონადირის ნაამბობი“ და ა. შ. — ჩვეულებრივი და დამახასიათებელი სტილიური ნიშანი, თუ პოეტური ხერხი იყო ჩვენი მწერლებისათვის XIX საუკუნის მანძილზე, რათა ამ ნაწარმოებთა პროგრესული თუ ოპოზიციური იდეის, მათში აღძრული მწვავე აქტუალური საკითხის მკითხველთა ფართო მასებში გატანა არ დაბრკოლებულყო მეფის რეაქციონური ცენზურის მიერ.

ასევე იქცეოდა ვაჟა-ფშაველაც: „ძველი ამბავი“ და სხვა ამგვარ შენიშვნებს ის სწორედ ისეთს პოემებს ან მოთხრობებს მიუწერდა ხოლმე, რომელნიც უფრო მეტად იყვნენ დაცილებულნი ხალხური შემოქმედების სიუჟეტს და რომლებშიც უფრო მკვეთრად ჩანდა პოეტის ინდივიდუალური ბუნებაც, ფანტაზიაც, იდეაცა და შემოქმედების ხერხებიც. მაგ., „გველის მჭამელი“, „ბრძენი ვირი“, „გოგოთურ და აფშინა“, „სტუმარ-მასპინძელი“, „ილო“, „ახუნდი“, „სული ობლისა“ და სხვა.

მოვუსმინოთ თვითონ ვაჟა-ფშაველას, რას გვიდასტურებს ამ საკითხის შესახებ იპ. ვართაგავასადმი თავის ცნობილ პასუხში: „ბევრი ამბავი და ზღაპარი მე შევქმენ და იოტის ოდენი იმათში ხალხის თქმულებისა არაფერი ურევია, თუმცა ფრჩხილებში ვსვამდი: „ძველის-ძველი ამბავი“, „ზღაპარი“, „თქმულებაო“, იმ მოსაზრებით — დაბეჭდვის დროს დაბრკოლება არა ჰქონიყო. ეს, რა თქმა უნდა, დანაშაულად უნდა ჩაითვალოს იმდენადვე, რამდენადაც ხალხური თქმულების შითვისება. როგორც ამის უფლება არა აქვს არავის, ისე — თავის ფანტაზიის ნაცოდვილარის ხალხისათვის მისაკუთრება, ხალხურ ამბად გასაღება. ამ ნაკლს გავასწორებ მხოლოდ მაშინ, როცა დაიწყება ჩემის ნაწერების ცალკე წიგნებად გამოცემა, — მაშინ აღვნიშნავ, რომელია მართლა ძველი ამბავი და რომელი მთლად ჩვენგან დაძველებული, ძველ ამბად მონათლული“<sup>52</sup>.

<sup>52</sup> ვ ა ჯ ა - ფ შ ა ვ ე ლ ა , კრიტიკა ბ. იპ. ვართაგავასი, თხზ., ტ. III, გვ. 451.



ცხადია, იბ. ვართაგავას წარმოდგენილი საბუთიანობა არ გამოდგება მისი მოსაზრების გასამართლებლად. აგრეთვე ყოველ ექვს გარეშე ცხადია ისიც, რომ იბ. ვართაგავა ღრმად არ აფასებს ვაჟა-ფშაველას მეტად რთულსა და საგულსხმიერო ლიტერატურულ შემოქმედებას.

იბ. ვართაგავას მიერ დასმულ კითხვაზე, თუ რა ეკუთვნის ვაჟა-ფშაველას პოემებში ხალხის გენიას, თვით მგოსანი გეაძლევს გულწრფელს, კონკრეტულსა და თავისი ძალების, დიახაც, შემგნებს შექმედებს პასუხს: „ბ. ვართაგავას ძალიან გულთ უნდა გაიგოს, ამ პოემებში („სტუმარ-მასპინძელსა“ და „გველის მკამელში“.—მ. ზ.). რა ეკუთვნის ხალხს და რა მე, როგორც ავტორს. სურვილი საფუძვლიანია და ღირსი დაკმაყოფილებია. ამ სურვილს კრიტიკოსისას მე დაეკმაყოფილებ. თუმცა ეს მეტ შრომად მიმაჩნია და თანაც მწყინს: ბ. ვართაგავამ, თუ მას კარგი კრიტიკული ალღო აქვს, უნდა ჩემ დაუხმარებლად გაიგოს, რაა ამ ნაწარმოებებში ხალხური და რა ინდივიდუალური. უნდა ყველამ კარგად იცოდეს — ხალხის თქმულება, რაც უნდა იგი მდიდარი შინაარსისა იყო, აზრიანი და ხელოვნური, თუ პოეტმა იგი არ გარდაქმნა, საკუთარ სულიერ ქურაში არ გადაადნო, არ გადაადულა, მასალიდან ახალი რამ არ შექმნა და დაწერა ისე, როგორც ხალხი ამბობს, არაფერი გამოვა, ერის გულში ამისთანა ნაწარმოები ბრნას ვერ იპოვნის, იქ ვერ დაისადგურებს და ვერც ხელოვნურ ნაწარმოებად ჩაითვლება“<sup>53</sup>.

ვაჟა-ფშაველა თავისი ამ აზრის დასაბუთებას განაგრძობს რუსი და უცხო მწერლების პუშკინის, ლ. ტოლსტოისა და გოეთეს შემოქმედების მაგალითის აღნიშვნით. სახელდობრ, რა მნიშვნელოვანი კვალი დატოვა მათ შემოქმედებაზე ფოლკლორმა. მაგრამ, მიუხედავად ამისა, ისინი ლიტერატურის ისტორიაში განუმეორებელ შემოქმედებად დარჩნენ. ბოლოს ვაჟა-ფშაველას თავისი შემოქმედების შესახებაც შემდეგს გვეუბნება: „ჩემი პოემები, თითქმის ყველა, სულ ხალხურ თქმულებებზე, ძველ ამბებზე არიან დაფუძნებულნი, თვითეთლი მათგანი სხვადასხვანაირად, ზოგი ცოტად თუ ბევრად უახლოვდება დედანს. სხვა სრულიად დაშორებულია მათზე, ე. ი. ზოგი ნაწარმოების არაკი ძალიან თავისებურად არის შემუშავებული და ზოგი ნაკლებად შემუშავებული, ნაკლებად თავისებურია, და, წარმოდგინეთ, ნაკლებად სახელოვანიც. დიდი სახელი მხოლოდ მეტად თავისებურად შემუშავებულმა ამბებმა მოიპოვეს საზოგადოებაში. ამ პოემების ჯგუფს ეკუთვნიან „სტუმარ-მასპინძელი“ და „გველის მკამელი“<sup>54</sup>.

ამ შეხედულებას ვაჟა-ფშაველა უფრო აღრმავებს მეორე სტატი-

<sup>53</sup> ვ ა ჟ ა - ფ შ ა ვ ე ლ ა, კრიტიკა ბ. იბ. ვართაგავასი, თხზ., ტ. III, გვ. 451.

<sup>54</sup> ი ქ ვ ე .

ამი — „ფიქრები „ვეფხისტყაოსნის“ შესახებ“, რომელიც ის აგრეთვე განზოგადებულ შეხედულებას იძლევა პოეტის მიერ ფოლკლორული მასალის მხატვრული გამოყენების შესახებ: „საზოგადოდ, — წერს ვაჟა-ფშაველა, — უნდა ვსთქვა, რომელ ლეგენდას თუ ზღაპარს გაუვლია ჩემის ფანტაზიის მანგანაში, რომელიც თავისებურად შემიმუშავებია, კვალი დაუმჩნევია მკითხველების გულ-გონებაში და რომელიც პირდაპირ გამიღექსია, როგორც, მაგ., „ნახევარ წიწილა“ — არც ერთს შეგნებულ მკითხველს ჩემთვის სახელად არ მოულოცია. აქედამ, ცხადია, რომ პოეტმა, თუ ყოველივე თავისთავად არ შეიმუშავეა, თავის გრძნობა-გონების საკუთრებად არ გადააქცია, ამაოდ დაშვრება, მის ნაწარმოებს არავინ ჰქვათა-მყოფელი ხელოვნურს არ უწოდებს. ეს ჰეშმარიტება დღესავით, მზესავით აშკარაა“<sup>55</sup>.

ვაჟა-ფშაველას თავის შეხედულების დამადასტურებელ მაგალითად მოაქვს „ფაუსტის“ ლეგენდა, რომელსაც, მგოსნის სამართლიანი მტკიცებით, „ათასი ჰყავდა ავტორი“, მაგრამ, გარდა გოეთეს „ფაუსტისა“, ყველანი „შთაინთქენ უფსკრულში“. ასეთი მაგალითის ჩვენების შემდეგ ვაჟა-ფშაველა, ამყად კითხულობს: „რა უფლება გაქვთ არ დამეთანხმოთ, რომ უგიოტეოდ „ფაუსტი“ არ ექნებოდა კაცობრიობას? მამსადამე, თავი და თავი ავტორი ყოფილა და არა ლეგენდა. ეს ლეგენდაც რომ არ ყოფილიყო, ის აზრი, რაც „ფაუსტშია“ გამოთქმული. მაინც გამოითქმოდა გიოტეს პირით და ფაუსტსაც შეიძლება სხვა რამ სახელი ჰქმეოდა“<sup>56</sup>. რა ღრმა, ფართო და სწორია ვაჟა-ფშაველას მხატვრული ხედვის ალლო და გასაქანი!

ვაჟა-ფშაველას მკითხველი მკვეთრადა გრძნობს პოეტის შემოქმედების სიდიადეს, თავისუფლებას, თავისებურებასა და ამასთანავე მისი შემოქმედების სიახლოვეს, ნათესაობას ქართულ ხალხურ ზეპირსიტყვიერებასთან, რომელიც არამც თუ არა ჩრდილავს მთის მგოსნის შემოქმედების დიდ შინაარსეულ ორიგინალობასა და ესთეტიკურ მომხიბვლელობას, არამედ უფრო ამახვილებს, აძლიერებს კიდევც.

მაგრამ როდესაც საკითხი კონკრეტულობით ისმის, აუცილებელია, რაც თვითონ პოეტმაც აშკარად იგრძნო, გაირკვას, კონკრეტულად იქნას განცხადებული და ნაჩვენებიც ვაჟა-ფშაველას შემოქმედებაში, განსაკუთრებით კი პოემებში. რა ეკუთვნის მათში ვაჟა-ფშაველას და რა ხალხს.

ამის გაგება და განსაზღვრა, რა თქმა უნდა, შეიძლებოდა ხსენებული პოემების სიუჟეტსა და თემაზე ხალხური ზეპირსიტყვიერების ნიმუშების შესწავლისა და მათი მგოსნის პოემებთან შედარების საფუძველზე გამოკვლეულიყო. მაგრამ ამ მუშაობას, ასეთს კვლევა-ძიების

<sup>55</sup> ვაჟა-ფშაველა, ჩემი პოემების შესახებ, უტრნ. „მნათობი“, 1934 წ., № 11—12, გვ. 201.

<sup>56</sup> იქვე, გვ. 200.

გზას, როგორც წერს ვაჟა-ფშაველა, თვითონვე მგოსანი როგორც თანისი პასუხით იპ. ვართაგავასადმი, ისე სტატიით „ფიქრები ზეფხის-ტყაოსნის“ შესახებ“ გვიადვილებს და თვითონვე ნიშანდობლივ აღნუსხავს რა ეკუთვნის მის პოემებში ხალხურ ზეპირშემოქმედებასა და რა — მას.

მოუსმინოთ ვაჟა-ფშაველას, რას გვეუბნება ის იმ პოემების შესახებ, რომლებსაც იპ. ვართაგავა შეეხო თავის კრიტიკულ წერილში.

პოემა „სტუმარ-მასპინძლის“ შესახებ ვაჟა-ფშაველა წერს: „ზეპირგადმოცენამ მომცა მხოლოდ ერთი ადამიანის, ზვიადაურის, სახელი და ერთი ეპიზოდი, სახელდობრ ის, როცა მას ქისტები თავიანთ მკვდრის, დარლას, საფლავზე ჰკლავენ, ხანჯარს ურჭობენ ნელ-ნელა ყელში და ცდილობენ როგორმე შეაშინონ, მოდრიკონ, რომ მსხვერპლი მსხვერპლად გამოდგეს, მაგრამ ზვიადაური ქვავდება და გაიძახის: „ძაღლ იყოს თქვენის მკვდრისადა!“ დანარჩენი პოემაში საკუთარი ფანტაზიის ნაჩმახი გახლავთ“<sup>57</sup>.

პოემა „გველის მკამელი“-ს შესახებ მგოსანი შემდეგს გვეუბნება: „ამ პოემისათვის ხალხის თქმულებამ მომცა მხოლოდ შემდეგი მასალა: მინდია ქაჩეთს იყო ტყვედ; დამტყვევებელთ მოუხარშეს გველი და აჰამეს, რომ მოეწამლათ. მაგრამ საწამლავემა, ქაჩების მიერ შემზადებულმა, ზიანის მაგივრად არგო მინდიას: ხევსური შეიქნა ბრძენი, იმას ესმოდა ყველა მცენარეთა-ყვავილების ენა. ამის წყალობით იმან შეისწავლა ექიმობა და პირველი ჯანაოზი დადგა: ყველა მცენარე შესძახოდა: მე ამა და ამ სნეულების წამალი ვარ, ამგვარად სახმარიო და ისიც ამ ყვავილებს აგროვებდა და ყოველგვარ სნეულს არჩენდა. ამის მეტს ხალხური თქმულება მინდიაზე არაფერს არ გვეუბნება“<sup>58</sup>.

ამგვარსავე განმარტებას იძლევა ვაჟა-ფშაველა სხვა პოემების — „გოგოთურ და აფშინა“, „ალუდა ქეთელაური“, „ბანტირონი“ და სხვათა შესახებ მაგრამ საკითხის გარკვევისათვის ამ ორი პოემის მაგალითიც რომ გავანალიზოთ, საკმარისი და დამაჯერებელი იქნება.

ვაჟა-ფშაველას მიერ მოცემული განმარტებები სრულიად ნათელსა და გასაგებს ხდის, რა დიდი და არსებითი განსხვავებაა, როგორც იდეური, ისე ფაქტიური მგოსნის პოემებსა და იმავე თემაზე შექმნილ ხალხურ ზეპირშემოქმედების ნიმუშთა შორის. ხსენებული პოემები — „სტუმარ-მასპინძელი“ და „გველის მკამელი“ გავსინჯოთ ამ მიმართულებით.

რა ეკუთვნის პოემა „სტუმარ-მასპინძელში“ ხალხს, ეს ვაჟა-ფშაველამ თვითონვე გარკვევითა და სიმართლით გვითხრა. ახლა ვნახოთ, რა ეკუთვნის ამ პოემაში მგოსნის გენიას.

<sup>57</sup> ვ ა ჯ ა - ფ შ ა ვ ე ლ ა , ჩემი პოემების შესახებ, ჟურნ. „მნათობი“, 1934 წ., № 11—12, გვ. 200.

<sup>58</sup> ი ქ ვ ე , 200—201.

„სტუმარ-მასპინძელში“ ვაჟა-ფშაველას ფანტაზიის ნაყოფია პოემის ფაქტობრივი მხარის უდიდესი ნაწილი და მისი გამთლიანება, შეკვრა, პოემის განვითარების თვალსაზრისით: ჯოჯოხეთის ნადირობა, მისი ზვიადაურთან შეხვედრა-გაცნობა, მათი ურთიერთმოწონება, ზვიადაურის სტუმრად მიწვევა, ჯოჯოხეთის ოჯახობა, მოხუცი ქისტი, მოყურადე, სოფლის აღლვება და ზვიადაურზე თავდასხმა, ჯოჯოხეთის თემთან დაპირისპირება, ზვიადაურის შეპყრობა, აღაზას გლოვა, მისი აკრძალული მძიმე განცდები და საქციელი, ჯოჯოხეთის პასუხი, ხევსურთა გალაშქრება ქისტებზე ზვიადაურის ნეშტის „გადმოსასვენებლად“, აღაზას სიკვდილი, პოემის ეპილოგი და პროლოგი. აი მგოსნის ფანტაზიით შექმნილი ნაწილები და ეპიზოდები, რომელთა საფუძველზე არსებითად გაშლილია პოემა „სტუმარ-მასპინძელი“.

პოემის აღნიშნული ეპიზოდები პოეტის ფანტაზიას, რა თქმა უნდა, ხალხის ეთნოგრაფიული ცხოვრების ზედმიწევნითი ცოდნის საფუძველზე აქვს მიღებული, გააზრებული და გაშლილი. მაგრამ, გარდა ამისა, მათი მხატვრული გაფორმება, რეალური ცხოვრების სხვადასხვა დამახასიათებელი მხარის მთლიანობაში მოცემა, მათი თავისებურად ორიგინალურად გააზრება ავტორის ნიჭისა და უნარის ნაყოფია. ამაში ვაჟა-ფშაველა დამოუკიდებელია, თავისთავადია, დიდია, ჯადოქარი შემოქმედია. პოეტი აქ არა მარტო მთელი ცხოვრების ფართო და ცოცხალ სურათს იძლევა, არამედ მახვილი განჭვრეტის უნარით ხედავს და ხატავს ახალსაც, რაც მწერლის გარემო სინამდვილეში მხოლოდ ისახებოდა და, მწერლის გაგებით, თანდათან უნდა განვითარებულიყო (სოციალური ცხოვრებისა და მისი დასაყრდენი საფუძველების რღვევა, ამ ნიადაგზე მცხოვრებთა დიფერენციაცია და მათ შორის წინააღმდეგობის შექმნა).

ეს ახალი იყო უკეთესი, მომავალი, ჰუმანურ საფუძველზე განვითარებული, რაც იწვევდა არსებულის დარღვევას, სამართლიანი ცხოვრების გზის გაკვლევას. ასეთი შეხედულების, მართალია, არა სათანადო სიმკვეთრით, მაგრამ მაინც დამადასტურებელია პოემის შემდეგი ადგილები: ჯოჯოხეთის პასუხი ცოლისადმი: — „იტირე! კარგი გიქნია, მე რა გამგე ვარ მაგისა“... პოემის ეპილოგში მოცემული კულტი ძმობისა, ერთობისა, დანდობისა, და-ძმობისა არა მარტო ერთი თემის ან ტომის მცხოვრებთა შორის, არამედ სხვადასხვა ტომთა წარმომადგენლებს შორისაც.

აი ეს ახალი, რომელიც ცხოვრების ახალ გზებს ჰკვერავდა, აღმართა შორის ახალი, სამართლიანი, ჰუმანური ურთიერთობის დამყარებისათვის ხალხის ცხოვრების დუღილში შეუმჩნეველი იყო ჩვეულებრივი თვალისა და გონებისათვის.

ვაჟა-ფშაველამ, რომლისთვისაც მახლობელი იყო თემური ყოფა, მაინც სწორედ ამ ახლისადმი გაამახვილა თავისი გულისყური და ნიჭიც, ამ ახალი ცხოვრების გზების ძიებამ მიიზიდა მთის მგოსნის გრძნობა და გონება. მომავალი ცხოვრების საფუძვლად მან იწამა იდეა თავისუფლებისა, ძმობისა, ერთობისა, ჰუმანურობისა. ამ ახალი ქვეყნის სახე მწერლისათვის, მართალია, ბუნდოვანია, მაგრამ ის მაინც არაჩვეულებრივი სითბოთი და მიმზიდველობით განიცდის თვითონაც და მკითხველსაც გააცდევინებს. სწორედ ამ მდგომარეობით აიხსნება მკითხველთა დიდი თანაგრძნობა, სიმპათია, მიმზიდველობა ვაჟა-ფშაველას გმირებისადმი: ზვიადაურისა და ჯოჯოლა-ალაზასადმი. ეს სიმპათია ამ გმირებისადმი ავტორისაცაა. ეს ამ პოემებში ახალია, ვაჟა-ფშაველას ეკუთვნის, ეს მას ხალხური ზეპირსიტყვიერებიდან არ აუღია. აქაა ვაჟა-ფშაველას ნიჭის სიახლე და ძალა.

გავსინჯოთ ახლა პოემა „გველის მკამელი“. ამ პოემაშიც არსებითი და მრავალი ეპიზოდი ეთნოგრაფიული ხასიათისა თუ მოქმედ პირთა ურთიერთობის მაჩვენებელი ავტორის — ვაჟა-ფშაველას პოეტური ფანტაზიის ნაყოფია. აღენიშნოთ ძირითადი: მინდიას დაპირისპირება თემსა და ჩალხიასთან; მინდია ოჯახურ გარემოში; მინდიასა და მზიას განსხვავებული შეხედულება ცხოვრებაზე; მინდიას დამოკიდებულება ცოლ-შვილთან; მინდიას ტრაგიკული განცდები; მზიას ჩივილი; მზიას სიზმარი; მთიელ ქალთა საუბარი; მინდიას მიერ თემის წინამძღოლობა მტერთან ბრძოლაში და მისი სიცოცხლის ბოლო.

გარდა აღნიშნულისა, ვაჟა-ფშაველას ინდივიდუალური ნიჭისა და გაგების ნაყოფია შემდეგიც: მინდიასა და ბუნების მოვლენათა ურთიერთობა გაცილებულია ხალხურ ანიმიზმს; მაღალ საფეხურზეა აყვანილი მინდიას რწმენა სოციალური ცხოვრების გარდაქმნისა, მაღალ ეთიურ ურთიერთ სიყვარულისა, დანმარებისა და გაგების საფუძველზე. ამასთან, როგორც ზევითაც გვქონდა აღნიშნული, სიახლე, სიღრმე და ძალა ვაჟა-ფშაველას ამ ფილოსოფიური პოემისა, წინააღმდეგ იბ. ვართაგავას გაგებისა, რომ „მინდია და მისი მსოფლ-მხედველობა არაფერს ისეთს განსაკუთრებულს არ წარმოადგენს, როგორც ეს ზოგაერთ ჩვენს პანეგირისტებს ჰგონიათ... მინდიას იდეალი, — წერს ვართაგავა, — ცხოვრების რეალურს ვითარებაზე არ არის დამყარებული, ასე წარმოდგინეთ, თითქმის ზღაპრულის ხასიათისა“<sup>59</sup>.

იბ. ვართაგავას მიერ მინდიას არასწორი გაგების გასაბათილებლად საკმარისი ითქვა ზევით, როდესაც პოემა „გველის მკამელის“ ანალიზს ვიძლეოდით. აქ კიდევ ვიტყვი: ვინ იცის იქნება ჩვენი წინა თაობე-

<sup>59</sup> იბ. ვ ა რ თ ა გ ა ვ ა, სილერა მთის შვილის — ვაჟა-ფშაველასი, ეურნ. „განათლება“, 1914 წ., № IV, გვ. 249.

ბის, არა შორეულისაც კი, დიდ უმრავლესობას დღევანდელი ჩვენი მისწრაფებანი, ჩვენი მიღწევანი, ჩვენი წყობილება და ჩვენი ტექნიკა არამც თუ ზღაპრად, არამედ გრძნეულთა საქციელადაც კი მიაჩნდებოდათ, მაგრამ ეს დღეს სინამდვილეა. ასეთია ცხოვრების ვითარება, ასეთია მისი მოძრაობის გარდაუვალი კანონი. ეს კარგად, მკვეთრად, მტკივნეულად იგრძნო მინდიას ავტორმა, მისკენ მიუთითებს თავის მკითხველთაც. ნეტარება და დიდება მას, ვინც ცხოვრების მოძრაობის ამ აუცილებელსა და საჭირო მოვლენას დროზე, შთასახვაშივე მიჰხედება, მიიღებს და შეეცდება სხვასაც გაუშუქოს, შთააგონოს მისი აუცილებლობა და სარგებლობა. სწორედ ასეთებს, უდავოდ, მიეკუთვნება ვაჟა-ფშაველა.

თუ როგორ იქმნებოდა ცალკეული ეპიზოდებისაგან თუ ელემენტებისაგან ვაჟა-ფშაველას პოეტურ „მანგანში“ მისი პოემები, ამის გასაღებსაც თვით პოეტი გულწრფელად გვაძლევს თავის პასუხში იპ. ვართაგავასადმი და აგრეთვე სტატიაში „ფიქრები „ვეფხისტყაოსნის“ შესახებ“, როდესაც, ის გვაცნობს პოემა „ბახტრიონის“ გამომწვევ ელემენტებს. მგონის ეს ჩვენება, უდავოდ, მეტად საგულისხმიეროა და ბევრის მთქმელი არა მარტო ვაჟა-ფშაველას შემოქმედებითი პროცესის, არამედ საერთოდ პოეტური ქმედობის შესახებ.

აი რას გვეუბნება ვაჟა-ფშაველა: „ბახტრიონი“, მაგალითად, რამ დამაწერინა? რა მასალა მქონდა ხელთა? საიდან წარმოიშვნენ პოემის გმირები? აი, რაზე უნდა გესაუბროთ სიმართლით, უნაკლოდ, გადაუქარბებლად. ხალხური თქმულება დაწვრილებით მასალას არაფერს იძლევა ბახტრიონის აღებისას. იმ დროის მებრძოლთა სახელებიც კი დაკარგულია, გარდა ზეზვასი (თუშია). ზეპირგადმოცემა ჰღალადებს, რომ ფშაველებისათვის ამ დეაწლისათვის ნაჩუქარი აქვთ პანკისი, ალვანი და სხვ. ეს ერთი. მეორე — სახალხო ლექსები:

ბიჭი ვარ გოგულაური  
რად მწუნობ ტალავარზედა,  
წინ-წინ მე გადავფრინდები

ბახტრიონს გალავანზედა.  
მე მოვკლავ თარაქამსა,  
ზედ მივალ ფალავანზედა.

კიდევ:

პანკისს იყრება ლაშქარი  
ბელადსა ღონდებიანო.  
ზეზვავ, შე გაფრინდაულო,  
ლურჯას შენ გიქებდიანო...  
წინ თუშნი, უკვენ ხევსურნი,  
ფშაველნ ნელ-ნელა დიანო.  
ჯავრობენ თუში შვილები:  
„ხევსურნი არ გინდიანო!“

— მაგას რად იტყვიო, თუშებო,  
ომი ჩვენც ქვე გვწადიანო.  
ფშაველნი, უკვენ ხევსურნი  
ბახტრიონს ვადადიანო“.

—  
დალივეს თათრის ლაშქარი,  
თავებს უკვენა ჰყრიანო.  
მეორე დილა გათენდა,  
თუშებიც ჩამოდიანო.

„სად ეყარნით, თუშებო,  
სადაცენო, თმანანო?!“

ზეზვა რა სანახავია (თათრებო)  
მოკლული თქვენის ხელითა,

მაშინ კარგ იყო ზეზვაი,  
როცა მოგდევდათ ცხენითა,  
მოგდევდათ მოგაწუხებდათ.  
მოგჩხელუკდათ შუბის წვერითა!

„ყველაზე მეტი გამბედაობა, — განაგრძობს ვაჟა-ფშაველა, — „ბახტრიონის“ დაწერისა მომცა იმ შემთხვევებამ, თუმც მაშინვე ეს ზემორე მოყვანილი ლექსებიც ვიცოდი და ხალხური მშრალი თქმულებაც ბახტრიონის ადებისა, რომ ხელში ჩამივარდა „კალმასობა“ (იხ. გვ. 406 — 407 — 408). წავიკითხე ის ადგილი, სადაც ბერი იოანე ხელაშვილი შეჰხვდება ლალისყურისკენ მიმავალ ორ ფშაველს და გაუბამს მათ საუბარს. ამან მუჯღუგლნი წაჰკრა ჩემს ფანტაზიას, გაათამაზა, როგორც უტყუარმა დოკუმენტმა მთიელთა გმირობისამ და გაბედულად ამადებინა ხელში კალამი“<sup>60</sup>.

საკითხში გარკვევისათვის საჭიროა ჩვენც მოვიყვანოთ „კალმასობიდან“ ის ადგილი, რომელმაც გადამწყვეტი ბიძგი მისცა ვაჟა-ფშაველას ფანტაზიას; მით უმეტეს, რომ თვითონ მგოსანსაც მოყავს თავის სტატიაში ეს საგულისხმიერო ადგილი: „მიმავლობასა შინა იხილა ორნი ფშაველნი მიმავალნი ბახტრიონისაკენ და მათ იცნეს იოანე, რომელიც ენახათ ალავერდს, და მოვიდნენ იოანესთან, და შენდობა მოითხოეს. მაშინ ერთმა მათგანმა უთხრა იოანეს, უცხოდ აამე გულსა ჩემსა და ჩვენი დედოფალი კარგად აქეო, მე ასე არ ვიცოდი. თუ ამდენის სატანჯველით იმ წყეულმან შაჰაბასმან ჰსტანჯა ჩვენი დედოფალიო. ის დედოფალი ლაშქრის ჯვრის მოსავიც იყო, თუ არაო. გვითხარო. იოანე — ლაშქრის ჯვრის მოსავი იქნებოდა, რასაკვირველია, რომ ლაშა გიორგის ქალობა ეთქმოდაო — და იმან მოგაქცივით თქვენ, რომელიც იქ ფშავეში მარხია და თავის უნჯ ყმად გამოგელოდათ. ეს დედოფალიც ქეთევან თქვენის გულისათვის ეწამა და სისხლი დააქცია წყეულმან შააბას რომ კახეთი მოაოხრა, მერეთ თქვენზე გამოგზავნა ჯარი. პირველად ბაჩალზედ წამოვიდნენ და თქვენ იმ ფშავის გადასავალში დაჰხვდით და გამოაბრუნეთო და მერე გაჯაერებულმან კიდევ ფშავის არაგვის წყალზედ ასიათასი კაცი გამოგზავნა თქვენ წასახდენად და ის ჯარი მოვიდა შუაფხოს ქვევით რომ წყალის პირზედ დიდი კლდის ქვაბია, იქამდის მოაწივა იმათმა მხედრობამ და თქვენ წმინდის ლაშქრის ჯვრის და წმინდის ქეთევან დედოფლის მადლით ჰსძლიეთ და გააქციეთ იქილამ ის მტერი და ესეოდენი მტერი გასწყვიტეთ, რომელ მთლად ის წყალი სულ სისხლმან ასე შეღება, რომ აღარ დაილეოდა და სულ ხო-

<sup>60</sup> ვ ა ჟ ა - ფ შ ა ვ ე ლ ა, ჩემი პოემების შესახებ, ჟურნ. „მნათობი“, 1934 წ. № 11—12, გვ. 197—198.

ციტ მოჰყევით ჟინვალის ხიდამდისინა და აქეთ თქვენთვის ველარავის შემოუბედნიაო, ეს სულ იმათის მაღლით არის და უნდა ძლიერ გიყვარდეთ ბაგრატიონები, რომ თქვენთვის ასე თავდადებით ყოფილანო და თქვენ ჰყვარებიხართო“ და სხვ. „ასეთსავე ქება-დიდებას ასხამს ბერი ზელაშვილი თუშებს“, მიაწერს ვაჟა-ფშაველა მოყვანილ ციტატას, — აი ყველა ის მასალა, რომლითაც მე ვხელმძღვანელობდი „ბახტრიონის“ წერის დროს“<sup>81</sup>, — დაასკვნის მგოსანი.

„ბახტრიონში“, ამ მეტად საგულისხმიერო და მდიდარი შინაარსის შემცველ პოემაში, დანარჩენი დიდი და რთული ნაწილი ეკუთვნის ვაჟა-ფშაველას. თვით მოქმედი პირების სახელებიც კი არ მოსჩანან ბახტრიონის ბრძოლაში მონაწილედ, „თუმცა კი, — როგორც თვით ვაჟა-ფშაველა გვიმოწმებს, — გმირებად იხსენიებიან ხალხურ ლექსებში სრულიად სხვა ბრძოლაში, სხვა დროს — ასეთები არიან ლუხუმი, ხოშარეული. ხოლო სუმელჯი და სანათა ეკუთვნიან იმ შავსა და ბნელს დროს, როცა ფშაველები და თუშები ერთი მეორესა ჰლაშქრავდნენ, არ იყო მათ შორის ძმობა და თანხმობა... ეს ორივე გმირი — სუმელჯი და სანათა მე შეურიე „ბახტრიონის“ გმირებში; სანათა როგორც ენით, სიტყვით გამამხნეველები დიაცი და სუმელჯი-კი როგორც თავის ქვეყნისათვის მებრძოლი ვაჟკაცი. კვირია და ლელა არიან საკუთარი ფანტაზიის ნაყოფნი. იმათი ხსენება არც ხალხურ ლექსში და არც ზეპირგადმოცემაში არსად არ მოიპოვება: დედაკაცს რომ რაიმე როლი ეთამაშნოს ბახტრიონის აღებაში, ამაზე არც ლექსები, არც ზეპირ-გადმოცემა არავითარ ცნობას არ იძლევა“<sup>82</sup>.

გარდა იმ დამოუკიდებლობისა და ორიგინალობისა, რომელიც აღნიშნული აქვს თვითონ ვაჟა-ფშაველას დასახელებულს წერილებში, პოემა „ბახტრიონში“ კიდევ მრავალი მომენტია შეტანილი, მგოსნის ფანტაზიის ნიჭიერი ნაყოფი, ან როგორც დიდი თავმდაბლობით ამბობს თვითონ პოეტი, მისი „ფანტაზიის ნაცოდვილარი“.

ვაჟა-ფშაველას მიერ აღნიშნულ აღიარებიდანაც აშკარა ხდება რა დიდი ალღო და უნარი ჰქონდა მას დაქსაქსული ელემენტებისაგან დამოუკიდებლად შეექმნა არა მარტო დამაჯერებელი ცოცხალი ეთნოგრაფიული სურათი, არამედ დროსა და გარემოსთან შესატყვისი მძლავრი ტიპიური ხასიათები.

ჩვენის მხრით კიდევ აღვნიშნავთ ზოგიერთს ძირითად მომენტს „ბახტრიონის“ კომპოზიციიდან, რაც ვაჟა-ფშაველას შემოქმედებით ნიქს ეკუთვნის: პოემა „ბახტრიონის“ კომპოზიციური გამთლიანება

<sup>81</sup> ვ ა ჟ ა - ფ შ ა ვ ე ლ ა, ჩემი პოემების შესახებ, ქურონ. „მნათობი“, 1934 წ., № 11—12, გვ. 198—199.

<sup>82</sup> ი ქ ვ ე. გვ. 199—200.



— პოემის ყველა პერსონაჟის მოქმედება ერთი ძირითადი თემის — ბახტრიონის ციხიდან (საქართველოდან) მტრის განდევნის, ციხის (საქართველოს) განთავისუფლების გარშემოა გაშლილი.

გარდა ამისა, პოემის შემდეგი შემადგენელი ელემენტები: კვირიას საუბარი სანათასთან, სანათას გლოვა, მისი გაუტეხელი ხასიათი და ძირითადი ტკივილი; ფშავ-ხევსურთა საომრად, ქვეყნის დასაცავად სწრაფი ვაჟკაცური შეკრება და ხალისიანი — გმირული გალაშქრება. თუშ-ფშავ-ხევსურთა ლაშქრის გაერთიანება, მათი მხნე განწყობილება. აგრეთვე დაჭრილი ლუხუმისადმი „გულჯავრიანი“ გველის დამოკიდებულება. ყველა ეს ეპიზოდიც პოემაში გაშლილია ფოლკლორის კარგი ცოდნისა და ათვისების საფუძველზე და ტიპიურობამდეა აყვანილი.

ამასთან ერთად ყველა ეს მგოსნის მიერ გააზრებულთა და მკიდროდ შემოკრებილი საქართველოსა და ქართველი ხალხის თანადროულობისა და მისი სანუკველი მომავლის მდგომარეობასთან შეფარდებით.

სანათასა და კვირიას უკიდურესად შევიწროებული და დაჩაგრული მდგომარეობის ჩვენებით ვაჟა-ფშაველა ქართველი ხალხის დაჩაგრულ, დაქინებულ მდგომარეობას ხატავდა, ხოლო ქართველ ტომთა შეერთებული ძალით ბახტრიონის განთავისუფლებაში ავტორი გულისხმობდა ქართველი ხალხის მეფის რუსეთის მონარქიული ბორკილებიდან განთავისუფლებას, თუშ-ფშავ-ხევსურთა გაერთიანებულ, ანაკადებულ, მტრის დამძლევ ძალაში კი ქართველ ხალხში არსებულ დიდ შემოქმედ კინეტიკურ ძალასა და შესაძლებლობას. აქედან პოემის დედააზრიც ცხადია — ქართველი ხალხის ცხოვრება შეიძლება წავიდეს თავისუფალი, სამართლიანი, სასარგებლო აღორძინებული კულტურული გზით ქართველი ტომების გაერთიანებისა და სოლიდარობის საშუალებით.

პოემა „ბახტრიონის“ ასეთი გაგება რომ მართებულია, ამას მეტად დამაჯერებლად ადასტურებს ვაჟა-ფშაველას მთელი შემოქმედების დაფიქრებული გაცნობა და აგრეთვე ის მშვენიერი მაგალითი, რომელიც თვით მგოსანს თავის პასუხში იბ. ვართაგავასადმი აქვს აღნიშნული, როდესაც უსწავლელმა ფშაველმა, რომელსაც „ბახტრიონი“ წაეკითხა და ურყევი რწმენა გამოეტანა, რომ ავტორის სიტყვები პოემაში — „ელირსებაო ლუხუმსა ლაშარის გორზე შადგომა“, — „სწორედ საქართველოს თავისუფლებაზეა ნათქვამი“<sup>63</sup>.

და რომ ეს ფშაველი „ბახტრიონის“ გაგებაში მართალი იყო და ავტორსაც სწორედ ასე ესმოდა ამ პოემის საზოგადოებრივი და იდეური მნიშვნელობა, ეს მგოსნის შემდეგი სიტყვებიდანაც ჩანს: „თუ

<sup>63</sup> ვ ა ჯ ა - ფ შ ა ვ ე ლ ა , კრიტიკა იბ. ვართაგავასი, თხზ., ტ. III, გვ. 457.

ჩემს მკითხველებს ამისთანა რამეს აგრძნობინებს ჩემი ნაწერები, საკმარისია. მაშასადამე, საკმარისად წარმოდგენილი მქონია საქართველოს მომავალი სვე-ბედი“<sup>64</sup>.

\* \* \*

ვაჟა-ფშაველას პოეტურ შემოქმედებასა და მის მიერ შექმნილ პოეტურ სამყაროს რომ ეცნობა მკითხველი, აშკარად გრძნობს, რომ მგოსანი მძლავრად განიცდის ხალხის მიერ ზეპირსიტყვიერებაში განსახიერებულ საყოფაცხოვრებო გარემოსა და მასში განსახიერებულს სამყაროს არა როგორც მასთან მისული უცხო, რომელიც დაინტერესებულია გაიცნოს ის და შეძლებისა და საჭიროებისამებრ გამოიყენოს, როგორც ამას იპ. ვართაგავა ფიქრობს და აფასებს. „როდესაც კითხულობთ ვაჟას პოემებს, — წერს იპ. ვართაგავა, — თქვენ გგონიათ, რომ ვიღაცას უცვლელად ჩაუწერია ხალხში დარჩენილი ლამაზი თქმულება და თქვენდა დასატკბობად დაუბეჭდილია: იგივე ხალხური ენა, იგივე რითმა, იგივე ხალხური შედარებები, ეპიტეტები, ტროპები“<sup>65</sup>. არა. მთის მგოსნის ასეთი შეფასება არ იქნებოდა მართებული.

ვაჟა-ფშაველა თავისი შემოქმედებით გვევლინება, როგორც ხალხური, ფოლკლორული მასალის სრულმპყრობელი, რომელსაც შეუძისხლხორცებია მისი სული, განწყობილება, არსი, რომელიც მისი შენადღულია და რომელმაც თავის შემოქმედებაში ნიჭიერად აღბეჭდა მხოლოდ მისი ზედმიწევნითი გაგება, მასთან ახლო ნათესაობა და არავითარ შემთხვევაში იგივეობა.

თვით შემოქმედების პროცესში ვაჟა-ფშაველა ხალხის ყოფასა და მის სულიერ საუნჯეს სჭვრეტდა მხოლოდ როგორც საგანს, მასალას და აქედან ის თავის სურვილისამებრ სულ სხვა, ახალ, თავის სამყაროს ქმნიდა. სწორედ ამაშია ვაჟა-ფშაველას ორიგინალობა, თავისთავადობა, ძალა, სიახლე ძიებისა, სიახლე ქვეყნისა, საითკენაც ფვითონაც ძალუმაღ მიიწევდა და მკითხველსაც ასევე მიიზიდავდა, რის შესახებაც ზევით, თავის ადგილზე ფართოდა გვაქვს აღნიშნული.

\* \* \*

ვაჟა-ფშაველას შემოქმედება მკითხველის დიდ მიმზიდველობასა, ინტერესსა და ესთეტიკურ განცდას აძლიერებს პოეტური შემოქმედების მრავალი საშუალებით, რომელთაც ხალხურ ზეპირსიტყვიერებაში აქვთ ძირი.

<sup>64</sup> ვ ა ჟ ა - ფ შ ა ვ ე ლ ა. კრიტიკა იპ. ვართაგავ-სი, თხზ., ტ III, გვ. 457

<sup>65</sup> იპ. ვ ა რ თ ა გ ა ვ ა, სიმღერა მთის შვილის — ვაჟა-ფშაველასი, უღრნ, „განათლება“, 1914 წ., № IV, გვ. 243.

დავას არ იწვევს, რომ ვაჟა-ფშაველას პოეტური შემოქმედების ლაბორატორია დადუღებულია ქართული ხალხური მდიდარი პოეტიკის დერიტაზე, ხოლო მთის მგოსნის მძლავრი მრავალფეროვანი ნიქითაა გამახვილებული და მაღალი პოეტური ოსტატობის სიმალღეზეა აყვანილი.

ამასთან ერთად ვაჟა-ფშაველა თვით ჩვეულებრივ ხალხურ ზეპირ-სიტყვიერებაში გავრცელებული პოეტური ხერხებითაც სარგებლობს არა როგორც უბრალო მიმბაძველი, არამედ როგორც დიდი თავისთავადი შემოქმედი. ამა თუ იმ მოვლენის მრავალმხრივ ჩვენებას ის გვაძლევს სხვადასხვა პოეტურ საშუალებათა თავისებური პოეტური კომპლექსების შექმნით. ხშირად ერთი პოეტური სახის მოცემაში გაერთიანებულია ეპითეტი, მეტაფორა, ჰიპერბოლა, კონტრასტი და მრავალი სხვა, რაც მგოსნის შემოქმედებას, მის პოეტურ მეტყველებას ამკვეთრებს, ამძლავრებს, ასხივოსნებს.

აღვნიშნავთ ვაჟა-ფშაველას პოეტიკიდან ზოგიერთ დამახასიათებელ მოვლენას, რომლებიც მას ხალხური შემოქმედების პოეტიკასთან აახლოვებს, ანათესავენ და მის შემოქმედებასაც ხალხურ ხასიათს აძლევს.

1. ვაჟა-ფშაველა თავის შემოქმედებაში, როგორც ლირიკულ ლექსებში და პოემებში, ისე მოთხრობებშიც ხშირად სარგებლობს მთიულური კილოსათვის დამახასიათებელი მრავალგზითი ფორმით. რომელიც თანამედროვე სალიტერატურო ქართულში აღარ იხმარება, ახლა ის არქაული ფორმაა; მაგრამ ეს ფორმა ვაჟა-ფშაველას შემოქმედებას, განსაკუთრებით მის პოემებს, ისტორიულ ხასიათს, კოლორიტს უნარჩუნებს, მეტ დამაჭერებლობას აძლევს:

ა) აიხსნა იარაღები,  
გ ა ა ფ ხ ა ვ ა დ ის ხმალი,  
გ ა უ შ ი ნ ჯ ი დ ის ვადანი,  
ხმალს არ მ ა უ ტ ყ დ ის ტარიო.  
(„აღუდა ქეთლაური“)

ბ) სთვლობით გულ-გაცოფებულმა  
ირემმა დ ა ი ღ რ ი ა ლ ის;  
ან მ ო ს ქ დ ის ზოვი მთიღამა,

დ ა ი ძ რ ის, დ ა ი ხ რ ი ა ლ ის;  
ა ხ ა ვ ლ დ ის შველი დამთხვარი,  
კოდალმ დ ა ი კ რ ი ა ლ ის;  
ჭალას ა ძ რ ა ხ დ ის ხოხობი,  
ზარივით დ ა ი ზ რ ი ა ლ ის;  
ზღაპარს უამბობს ნიავი,  
ფოთლებმა დ ა ი შ რ ი ა ლ ის.  
(„ეთერია“)

და მრავალი სხვა.

2. ვაჟა-ფშაველას მიერ აგრეთვე ხშირია ხმარება მთიულური კილოსათვის ზმნების დამახასიათებელი ფორმის — „მა“-„შა“ — პრეფიქსით ლიტერატურული „მო“-სა, „შე“-სა და „მე“-ს მაგიერ. მაგალ-მაჰკალ, მასჰერ, შაჰხედნეს, შაუძახიან, მაუნდა და მრავალი სხვა.

3. ვაჟა-ფშაველას შემოქმედებაში სახელები მრავლობით რიცხვში, მართალია, ები-ანი დაბოლოებითაც გვხვდება, მაგრამ უფრო ხში-

რად იხმარება ნ-არიანი და თ-ანიანი დაბოლოებით, რაც დამახასიათებელია ხალხური ზეპირსიტყვიერებისათვის, ხოლო თანამედროვე სალიტერატურო ენაში კი შედარებით იშვიათია. მაგალ:

ა) კლდეთაც კი ესმით, სალს კლდეთა, მათურელთ გულის ძგერანი“ („ბახტრიონი“).

ბ) „მოგროვდენ ყოველს მხრიდამა ვაჟები ლომის ფერანი, დიაცთლა დარჩათ მარტოთა მატყლის სართავად კერანი“ (იქვე).

გ) „უყვარან ფშაველ-ხევსურნი, დამდგარნი ერთსა პირზედა“ (იქვე).

დ) „თვალნ დამრჩნენ გაღმა გორზედა ვნახენ ხავსიან ყორენი“ („მონადირე“) და ა. შ.

4. წინადადებაში (ხშირად უფრო ლექსში) გამოყენებულია ბოლოკვეცილი, როგორც სახელები, ისე ზმნებიცა და კავშირებიც. ეს ლექსის ზომის გაჩაღვის აუცილებლობით არ არის გამოწვეული, იგი ფშავ-ხევსურული კილოსათვისაა დამახასიათებელი, ხშირად ჩვეულებრივ სასაუბრო ენაშიც. მაგალ:

ა) „მა მიგქონ ჩემნ იარაღნი, კიდევ არ შაირცხვენია!“ („გოგოთურ და აფშინა“); ბ) „მე შენ იარაღ რად მინდან“ (იქვე); გ) „მე პურ არ მინდა, დედაო“ („ალუღა ქეთელაური“) დ) „მე და იმან უნდა ვიომოთ, ნაქებ რომ არი მკლავითა“ („ბახტრიონი“) ე) „თავი გაგორდა მიწაზე, ტუჩებმ დაიწყო კაპუნი“ (იქვე); ვ) „ბრალია გიგის სიკვდილი, ფშაველნ ნუმც გაიგონებენ“ („გიგია“); ზ) „სრულ აიკრიბა თოვლები, ბილიკებ დაჩნდა მთებისა“ („გალაშქრება ლაშარის ჯვრის დროშით“) და მრავალი სხვა.

5. აგრეთვე ხშირია და დამახასიათებელი ფშავიზმების ხმარება ვაჟა-ფშაველას მიერ, როგორც ცალკეული ტერმინებისა, ისე ფონეტურ-მორფოლოგიური ფორმებისა, რასაც პოეტი იყენებს ადგილობრივი კოლორიტის დაცვის მიზნით:

ა) „მყისვე ჩახმახი დავღრიჯე, გულზედ დავადევ ლიშანი“ (მიზანი. — მ. ზ.); „კორაში (თოფის გასახედში. — მ. ზ.) ვნახე დაემხო, წვეგრნ გადიქნევა რქისანი“ („მონადირე“);

ბ) „ვაჟკაცის ილეთი (შნო. — მ. ზ.) ჰქონდა...“ (იქვე);

გ) „მზირმა (ჯაშუშმა, ჩასაფრებულმა. — მ. ზ.) მზირობა არ გვიყოს... დუშმანი (მტერი. — მ. ზ.) არ გაგვიფრთხილოს, საქმე ქნას ნახლართანია“ (გაფუჭებული. — მ. ზ.) — („ბახტრიონი“);

დ) „რომ გაუბანდოს (დაუკეროს. — მ. ზ.) ჯღანია“ (დაგლეჯილი ფეხსაცმელი ან ტანსაცმელი. — მ. ზ.) — („სტუმარ-მასპინძელი“);

ე) „ჩოღროს (უსწო-მასწორო. — მ. ზ.) გზას მოუნათებდენ“... („ეთერი“);

ვ) „და ჩვენც დოსტოლრივ“... (ტყვიასავით პირდაპირ, შეუპოვ-რად. — მ. ზ.) — („მოხუცის ნათქვამი“) და მრავალი სხვა.

ამ მიმართულებით ვაჟა-ფშაველას მთის კილოს სალაროდან ზოგი-ერთი მოხდენილი სიტყვაც მოაქვს ქართული სალიტერატურო ენის საგანძურში: მაგალ., მზირი (ჯაშუში, ჩასაფრებული), მზირობა (ჯაშუ-შობა, მალულად თვალყურის დევნება), კორა (გასახედი თოფისა), დოს-ტოლრივ (ტყვიასავით შეუპოვრად წინ სვლა) და სხვა, რომელთა გამო-ყენება და ლიტერატურულ ენაში შეტანა, შესაძლებელია ურიგო არ ყოფილიყო. ამ მხრივ სპეციალური შესწავლა ვაჟა-ფშაველასი, რო-გორც ფშავ-ხევსურულ დიალექტის კარგი მცოდნისა, უსარგებლო არ იქნებოდა.

\* \* \*

ვაჟა-ფშაველას პოემები კომპოზიციურადაც უახლოვდება ხალ-ხურ თქმულებებს. მათაც, ხალხური თქმულების მსგავსად, აქვთ თავი-სი დასაწყისი (зачин), რომლითაც მათქვამი ცდილობს დაიპყროს თავისი მსმენელები და მათი ყურადღება თავიდანვე გაამახვილოს ში-ნაარსის გადმოცემაზე, რათა მსმენელი უფრო ბუნებრივად, ძალდაუ-ტანებლად შეიყვანოს თქმულების (ვაჟა-ფშაველამ — პოემის) პოეტურ სამყაროში.

ხალხური თქმულების დასაწყისში, ჩვეულებრივ, მოცემულია გარემო, რომელის საფუძველზედაც განვითარებულია შინაარსის მთა-ვარი ხაზები; მაგრამ არის შემთხვევებიც, როცა მოუშზადებლად, უც-ბად იწყებს თქმულებას.

აღვნიშნოთ ვაჟა-ფშაველას პოემების დასაწყისის რამდენიმე სა-ხე, რომლითაც ისინი ენათესაებებიან ხალხურ თქმულებებს:

ა) ვაჟა-ფშაველა პოემას ხშირად იწყებს *ex abrupto* — უცბად, მოუშზადებლად; მკითხველი პირდაპირ შეჰყავს შინაარსის მამოძრავე-ბელ არსში. მაგალითად, პოემა „მთათა ერთობა“:

ბარს შეთვალა მთებისთვის  
უცხო რამ ერთი ქართული,  
მაშინ როს მთების ანდაფი  
ღრმა ფიქრში იყო ვართული.  
რასა ფიქრობდენ, ვინ იცის  
ჰსურთ დაგბრუნათ წართმული,  
თუ ცაში ასასვლელადა  
სურდათ გაეზათ მავთული?!

ორმა გორაკამ ითავა  
ამცნონ მთებს ნება ბარისა,  
იმათ აუწყეს ყოველი  
ქვეიდან დანაბარისა.  
მთების შიკრიკებს გადასცეს  
ახალი მცნება დილია,

ორბა და არწივს წერილი  
გულ-შეკრღზე გაღუკილია.  
ბარს შეთვალა მთებისთვის:  
„მთაო, ერთობას სცვილია,  
ჩვენ კი ერთმანეთს შორისა  
გავსდეთ ერთობის ხილია;  
უწყოდეთ, ბედნიერ-ყოფა  
ამ მოძღვრებაზე ჰკილია;  
ბარად სუსტსა და ძლიერსა  
ხელი-ხელს ჩაუკილია.  
მგელი ვერ ჰბედავს მვლობასა,  
ეხლა კრავიეთ შვეილია.  
ცხვარი სძოვს ბალახს უშიშრად,  
სწამს, ვერ უმტერებს ფლილია.

და კატას — თავგების მტერსა —  
ყელზე ევენანი ჰკილია.

ერთობის გზაზე ვიაროთ,  
კერძობის გზა ფინთია“<sup>66</sup>.

აი ეს „ერთობის ხილის“ გაღება, „ერთობის გზაზე“ სიარული, რაც ზნაღია, საჭირო და ფრიად საგულისხმეოა, ამაზე ჰპირდება ავტორი მსმენელებს — მკითხველთ განავითაროს პოემის შინაარსი და მკითხველის ყურადღებაც სათანადოდ დაპყრობილია.

ბ) ვაჟა-ფშაველა, სანამ ძირითადი ამბის გაშლას შეუდგებოდეს, პოემის დასაწყისში იძლევა დიადი გარემოს სურათის აღწერას, რომელშიც გმირთა მოქმედება უნდა განვითარდეს. გარემოს ასეთი აღწერით მსმენელის თუ მკითხველის ყურადღება დასაწყისიდანვე დაძაბული ხდება. მას ეს არაჩვეულებრივი სურათი იტაცებს, ის იხიბლება, ივიწყებს გარემო სინამდვილეს და გატაცებით მისდევს ავტორს, თითქოს ისიც მონაწილედ ხდება მოქმედი პირების საქმიანობისა, მათი ურთიერთობისა.

მაგალითად, პოემა „სტუმარ-მასპინძელი“:

ღამის წყვილიაღი ჩაფლული,  
გამტანარებულის სახითა,  
მოსჩანს ქისტეთის მიდამო  
სალის კლდეების ტახტითა.  
ბნელს ხევზე მოჰყვფს მდინარე,  
გულამღვრეული ჯავრითა.  
გადმოხრილაყენენ მთანიცა,  
ხელ-პირს იბანდენ წყალზედა;  
ბევრი მომკვდარა მათს მკერდზე,

სისხლს ვერ იხდენენ ტანზედა;  
ძმის მკვლელის სისხლი სწყურია,  
კაცი რამ მოღის გზაზედა.  
გზას ვამბობ, თორემ რა გზაა,  
ვიწრო ბალიკი კლდეზედა?  
სავალად მეტად ძნელია,  
ფეხს ძლივს აცილებს ფეხზედა,  
გალმა სჩანს ქისტის სოფელი  
არწივის ბუდესავითა...<sup>67</sup>

ასეა მთელ I თავში ვაჟა-ფშაველას მიერ დახატული მთის ატეხილი სტიქიური ბუნება. მასში მოხერხებულად არის შექსოვილი ხალხური ზნე-ჩვეულებების მოტავები, პოემაში რომ უნდა გაიხსნას და გაიშალოს და რაც მოცემულია ჩვეულებრივი მკითხველისათვის მიმზიდველ, უჩვეულო ხაზებში. აი ამ გარემოში ავტორი გამოაჩენს პოემის მთავარ მოქმედ პირთ: ჯოყოლასა და ზვიადაურს მათი გარეგნული ვაჟკაცური მიმზიდველობით.

გ) შევჩერდებით აგრეთვე ვაჟა-ფშაველას პოემის დასაწყისის კიდევ ერთს სახეობაზე, რომლითაც ვაჟა-ფშაველას პოემები ემსგავსებიან ხალხურ თქმულებას. მათქვამი (მთავარი მოქმედი პირი პოემისა) გამოსთქვამს თანადროულობით უკმაყოფილებას; ის ამ უკმაყოფილების მიზეზსაც ხსნის. თანადროულობით უკმაყოფილებას ის განსაკუთ-

<sup>66</sup> ვ ა ჯ ა - ფ შ ა ვ ე ლ ა, მთათა ერთობა, თხზ., ტ. IV, 1932 წ., გვ. 203—204.

<sup>67</sup> მ ი ს ი ვ ე, სტუმარ-მასპინძელი, თხზ., ტ. III, 1930 წ., გვ. 233.

რებით იმით ამხველებს, რომ ის ძველის შინაარსიანი, იდეური ცხოვრებისა და დროის მოწამეა, მოზიარეა. ამის შემდეგ ავტორი გადადის ძველი დროის დამახასიათებელი მოვლენების გადმოცემაზე.

ნიმუშისათვის მოვიყვანოთ პოემა „მოხუცის ნათქვამი“:

ერთს ამბავს გეტყვით, შეილებო,  
ჩემის თვალითა ნანახსა,  
მაშინდელს, როცა ტყვის ხმას  
ვეძახდით დედის ნაწასა.  
ერთსელ გავარდა ამბავი,  
მოდის თათრების ჯარო,  
ჯარს მოთავეობს მაჰმადი,  
ქრისტიანების მსრავო...  
მაშინ შეფობდა ერეკლე,  
ჩვენი პატარა კახია:  
ქვა-კირით არის ნაგები,  
გულთაფლი, სახით მკვახია.

ჟინვანს მოვიდა ქალაღი,  
მოწერილობა მეთვისა:  
„აბა, არავო, აჩქარო,  
შენი ერეკლე გელისა.  
ნუ მაქმევთ თათრების ჯარსა,  
თქვენს მკლავებს ენაცულებო,  
თუ აიკლებენ ტუფილისა,  
სჯობს დავითხაროთ თვალბი“.  
ეს ხმა გავარდა სოფელში,  
აღუღღენ ვაჟ-ცუბია,  
სოფლიდამ სოფელს ვასძახის  
ბუკის, ნალარის ხმება...<sup>65</sup> და სხვა.

ამას მისდევს ძველთა ვაჟკაცობის გამოვლინება, იწყება ქვეყნისა და თავისუფლების გმირული დაცვის ეპოპეა — ხალისიანი, გაბედული მზადება მამაცთა, საომარი იარაღის — თოფის, ხმლისა და ხანჯლის წმენდა და დაპირვა; ცხენების კაზმვა; ერთმანეთის ხმის მიწვდენა „ბუკითა და ნალარითა“; სრული მზადყოფნა „ქუღზე კაცისა“; ყველა ყოყინითა და სიმღერით მწყობრად მიდის ომში, როგორც ქორწილში, ქვეყნისათვის უანგაროდ თავის დასადებად.

ასეთი იყო, მათქვამის (ავტორის) გაგებითა და განცდით, ძველად ქართველი, სავსე სიცოცხლით, მამულიშვილური სიყვარულითა და ვაჟკაცობით. ახლა კი ის დაჩივდა, დალაჩრდა, შეიქმნა „ქალის პირისა“. ეს იწვევს მძიმე ტკივილებს მათქვამში. ასეთი ჩივილით იწყება პოემა „მოხუცის ნათქვამი“ და ასეთივე ჩივილით ბოლოვდება:

„არავის პირით წასული  
მე დავრჩი ვარმად ცალი,  
მაოვნა ერთმა მეცხვარემ  
დაპრილი, ცოცხალმკედარია.  
გადავრჩი, მაგრამ სიცოცხლე,  
შვილებო, ჩემთვის მწარეა:  
ქართველთ ქვის სეტყვა გვეწია,  
სპარსთ-კი დაუღვათ დარია.

ამ ქირთა ქირმა, სიბერემ  
შექმა გული, ტვინია.  
არ მომდევს ღონე, არც მუხლი,  
რომ მით მოვიყლა ჟინია...  
ეს სთქვა თეთრწვერა მოხუცმა  
და გადმოჰყარა ცრემლები,  
ოან ჩამოსოა წვერზედა  
დამქნარი, წმინდა ხელები.“<sup>66</sup>

ამასთან ერთად ისიც უნდა აღინიშნოს, რომ ვაჟა-ფშაველას კარგადა აქვს შეთვისებული და თავის შემოქმედებაში მტკიცედ ჩაქსოვილი ქართულ ხალხურ ისტორიულ და საგმირო თქმულებებში გატარე-

<sup>65</sup> ვ ა ჟ ა-ფ შ ა ვ ე ლ ა, მოხუცის ნათქვამი, თბზ., ტ. III, 1930 წ., გვ. 6-7.

<sup>66</sup> ი ქ ვ ე, გვ. 13.

ბული იდეა — ქვეყნის ხმა დიდ ისტორიულ მოვლენად ხდებოდა, როცა მთა და ბარი, მთისა და ბარის ქართველი ტომები ერთიანდებოდნენ გარეშე თუ შინაური მტრის წინააღმდეგ. ვაჟა-ფშაველას ზოგიერთ პოემაში („ალუდა ქეთელაური“, „სტუმარ-მასპინძელი“, „მთათა ერთობა“), როგორც ზევით თავის ალაგზე დავინახეთ, იდეა გაერთიანებისა უფრო მაღალ ჰუმანურ საფეხურზე — მეზობელ ერთა გაერთიანების პრინციპამდეც კი აქვს აყვანილი.



ვაჟა-ფშაველას შემოქმედებას მკითხველი რომ ეცნობა, კარგად გრძნობს, რომ ხალხური ზეპირსიტყვიერება მასში მრავალგზის არის გამოყენებული, მაგრამ აქაც ხაზი გვინდა გაუსვათ, რომ მთის მგოსანი ყველგან და ყოველთვის დამოუკიდებლობასა და თავისთავადობას იჩენს. ვაჟა-ფშაველა ხალხური შემოქმედების ნიმუშებს უცვლელად, გადაუმუშავებლად კი არ ურთავს თავის ნაწარმოებს, არამედ ამჯობინებს ხალხურის მსგავსად, ცალკეული მასალის თუ ელემენტების გამოყენებით, შექმნას თავისი პოემა, ლექსი, სიმღერა თუ მოთხრობა.

ასეა, როგორც ზევითაც დავინახეთ, შექმნილი ვაჟა-ფშაველას პოემები, ასევეა მისი შემოქმედების ცალკეული ნაწილებიც. მაგალითისათვის:

პოემაში „მოხუცის ნათქვამი“ ქალები ვაჟაკთ ომში მხიარულად „ფერხულის გაბმით“ ისტუმრებენ და თან არაგვს სიმღერას გასძახიან:

„არაგვო, უყარაულე  
ომში მიმდინარს ლაშქარსა.  
თუ ვინმე გამოქცეული

ურცხვად მოადგეს შენს კიდეს,  
ლამი აჭამე შერცხვენილს,  
რომ სახლში ვეღარ მოვიდეს!“<sup>70</sup>

ეს სიმღერა ვაჟა-ფშაველას ინდივიდუალური შემოქმედებაა, თუმცა წმინდა ხალხურობის მძლავრი ელფერის მატარებელია. ასეთივეა ამავე პოემაში ფიცი, როდესაც მტერთან საბრძოლველად გამზადებული ქართველთა სხვადასხვა კუთხის ჯარი შეერთდა და შეჰკრეს ძმური პირობა:

„ქული ნუ ჰხურავ თავზედა,  
ვინც არ იჩინოს გმირობა;  
ვინაც ცოცხალი მტერს დაპრჩეს  
საყმედ და სასაცილოდა,  
ღვთისაგან წყეული იყოს

გვართ საშვილიშვილოდა!  
თუ ვერ შევიძლოთ საცადი,  
გაგვწირონ სასიკედილოდა,  
მოკვდეთ — გვეხუროს მიწისა  
ნაბადი, გასათბილოდა.“<sup>71</sup>

ასევეა გადამუშავებული ვაჟა-ფშაველას მიერ, მეტად თავისებურად, მთელი რიგი ხალხური ლექსებისა მათი რეალიების გამოყენებით,

<sup>70</sup> ვ ა ჯ ა - ფ შ ა ვ ე ლ ა , მოხუცის ნათქვამი, თხზ., ტ. III, გვ. 9.

<sup>71</sup> ი ქ ვ ე , გვ. 11—12.



მაგრამ არსებითად დაშორებული იმ კონკრეტულ ისტორიულ ფაქტს, დროს და პიროვნებებსაც, რომელთაც ლექსის შექმნა გამოიწვიეს. გარდაქმნილი სახით გამოყენებული მასალა ვაჟა-ფშაველას მიერ ბუნებრივადაა შერწყმული თავის დამოუკიდებელ ნაწარმოებში სხვა გარემოსა და თემასთან დაკავშირებით.

ნიმუშისათვის ავიღოთ ხალხური ლექსი „როშკის ჯარის მოსვლა“.

ერთსა მეც ვიტყვი სიტყვასა, მათაც რომ მამქრან თავიო,  
საძელეს გარმოდოდა თავუჩინარი ჯარიო.  
ჩამოდის როშკის ზორხშია ქუჩუშინან: ფარიო,  
ღეეცენს ჭმოსატს როშკასა უდროთს დროში ცანიო.  
ციხეთ როშკის გორ ნადგომთა ჩაიციეს გორის ტყავიო,  
შოგ ჟოყოლიკა შეუდა, შეიღო საომარიო,  
წინ-წინ მოსულსა ლურჯასა არ მისცა რბოლის ხანიო,  
ზედა ნაჯდომსა მხედარსა წითლად უღება ტანიო.  
როშკის გორ შუშპრობს ღიღველი: ხევსურებს შესსდევ ზარიო,  
კეშლად მოვსთხოვე ბეგარი თითო შიშაგი ცხვარიო.  
ამბობენ ხევსურთ შვილები: რად უნდა საუბარიო,  
წინ წინ მოვიდეს ღულითა ჭრელისშვილინი მხანიო,  
ბრალთა ჭრელისშვილო, არ გექნას თმის ხანიო,  
ფარს ქვეთით შემოგაპარეს ტყვთა მჯერისა ჩქარიო.  
გუნდი ლიქოკით გარმობდა ქორის შავარდნის ჯარიო.  
მოუძღვა ლოხაურაი ყვირილობისა ხარიო,  
მეშველათ ხათუთისძემბა თოფს ახალ მისცა ტალო,  
თინიბექს გაულესაეის ღერენას შვილსა ხმალიო,  
წამოხკრა საკაისშვილსა, გალოს მოვიდეს კვეანიო,  
ჯარიამ ჟინჰარაულმა ხელით მოილა ხმალიო.  
გიყვეხნავ, საკაისშვილო, ხევსურნი მინდან რვანიო,  
ეხლად კი ვერ ღნახენია ფარს ქვეშ ნაწურთნი ყმანიო?<sup>72</sup>

ეს ლექსი რომ შევადაროთ ვაჟა-ფშაველას „ბანტრიონში“ ფშავ-ხევსურთა სპარსელების წინააღმდეგ ბანტრიონის განთავისუფლებისათვის გალაშქრების გადმოცემას, მსგავსება თუ ხალხური შემოქმედების რეალებისა და სტილიური ნიშნების გამოყენება აშკარა აქნებამაგრამ ვაჟა-ფშაველა ყველა ამას თავისებურად დაწოდებულად გარდაქმნის, ვაჟასებურ სახეს, ფორმას აძლევს.

აი ფშავ-ხევსურთა ლაშქრის შეკრებას როგორ ხატავს ვაჟა-ფშავ-ბანტრიონში“:

ივსება ლაშარის გორი  
ქორ-შავარდნების ფართითა;  
დროშები გზას უკურთხებენ  
ქღერით, აწვდილის ტართითა:

როშკით მოიღწე ხევსურნი.  
სუმელჯაურნი ცხრანია,  
ანლითა — ბათაკა-ჭიქა.  
ჭინჭარაულნი იმანია:

<sup>72</sup> პეტრე უშაკაშვილი, ხალხური სიტყვიერება, 1937 წ., გვ. 36—37.

გუდანელთ ჩამასძლოლია  
ხოშარეული ხარია;  
ხევსურთ, რო ზევემა მთისამა,  
წინ მაიმძღვარეს ქარია;  
ქორმეშელთ, კიელთ ბიკებსა

ლულელებიცა სტანია.  
ხანატელთ ცხენთა ფეხის ხმამ  
შაზრიალა მთანია;  
მგლური დააწყევეს ნაბიჯი,  
მოკლედ გადმოვლეს გზანია...

და ასე მთელი ეს თავი გამონატავს ფშავ-ხევსურთა ბრძოლის უნარს, განწყობას და წარმოებებს.

ვაჟა-ფშაველასათვის ეს სტილიური ნიშანი მეტად დამახასიათებელია, ის ხშირად სარგებლობს ხალხური პოეზიის ნიმუშებით, მათი დედააზრით, მაგრამ თავისებურად იცის მათი გარდაქმნა და მათი მოხდენილად ჩაქსოვა თავის შემოქმედებაში. ნიმუშისათვის:

ხ ა ლ ხ უ რ ი:

ერეკლემ ცხენი გაქუსლა  
ცხენსაც ხო გაჰდა ჩქაფანი.

აივსო ხევი, ხეე-ხევი,  
ცხენს უსველდება ფაფარი  
უკრავად კაცსა მოკლავდა  
იმისი ცხენის ქაქანი<sup>73</sup>

კიდეე:

ერეკლე ჩვენი ბატონი,  
ერთი პატარა კახია.  
ჩაიღვა ჭაჭვის პერანგი  
გაჰკრა ხელი და გაჰხია<sup>74</sup>.

გადი-გამოდი, გუთანო,  
ღირღიტავ ბანი უთხარო,  
სახნის საკვეთო, გაუსვი,  
რომ კაქაქს ძირი უთხარო.

ვ ა ჟ ა - ფ შ ა ვ ე ლ ა

ერეკლე ცხენზედ ჰშვენოდა,  
მამაცად მოცქერალია;

უხდება ბებერს არწივსა  
შექმუხვნით სახე მკრთალია.  
მთელი სიტურფე ქართლისა  
იმას ესვენა მხრებზედა,  
როგორაც შუქი მთვარისა  
იალბუზისა ქედზედა.  
ზედ აკვდებოდა საცმელი,  
წმინდად ნალესი ხმალისა,  
მე თვითონ ვიყავ მნახელი,  
ვისაც ჰკრა, — სული დალია.<sup>75</sup>

მაშინ მეფობდა ერეკლე,  
ჩვენი პატარა კახია:  
ქვა-კირით არის ნაგები,  
გულთათფლი, სახით მკვახია...<sup>76</sup>

გადი-გამოდი, კალამო,  
გრძნობავ, შენ ბანი უთხარო!  
რით დავაჩუშო, არ ვიცი  
გულის ტკივილი მდლუარი?<sup>77</sup>

მეტად დამახასიათებელია და მასთან ერთად საინტერესო ის, თუ ვაჟა-ფშაველა ბრძნულ აზრს, აფორიზმის სახით გავრცელებულს

<sup>73</sup> ხალხური სიტყვიერება, ნ. I, საისტ. და საეთნოგრ. საზ. გამოცემა, გვ. 178.

<sup>74</sup> ი ქ ვ ე, გვ. 180.

<sup>75</sup> ვ ა ჟ ა - ფ შ ა ვ ე ლ ა, მოხუცის ნათქვამი, თხზ., ტ. III, გვ. 10—11.

<sup>76</sup> ი ქ ვ ე, გვ. 6—7.

<sup>77</sup> მ ი ს ი ვ ე, ქებათა-ქება, თხზ., ტ. I, გვ. 165.

ხალხურ ზეპირსიტყვიერებაში, როგორ გარდაქმნის დედაზრის შენახვით და როგორ აქსოვს თავის ნაწარმოებებს. ნიმუშისათვის:

ხ ა ლ ხ შ ი გ ა ე რ ც ე ლ ე ბ უ ლ ი  
რ უ ს თ ე ე ლ ის ა ფ ო რ ი ზ შ ი :

სჯობს სიციცხლესა ნაძრახსა  
სიყვდილი სახელგანთ.

ვ ა ე ა - ფ შ ა ე ე ლ ა :

ა) ერთხელ სჯობია სიყვდილი  
შავს ყოფნას ქვეყანაზედა.  
(„სმე სამარადნა“)

ბ) სიყვდილი ბევრად სჯობია  
ჩაუარდნას ქვეყნის ყბაშია.  
(„სისხლის ძიება“)

გ) მაგრამ ვაჟაკი, თუ ვერ იმარჯვებს  
თავს არ შეირცხვენს, მტერს რჩება  
მკვდარი.

დ) აზრის და სიმათლისათვის  
მხოლოდ ვაჟაკი კვდება.  
(„სიმღერა“, ტ. I, გვ. 85).

შესაძლებელია კიდევ ბევრი შესატყვისი მოგვენახა მოყვანილი ხალხური თქმისა ვაჟა-ფშაველას შემოქმედებაში, მაგრამ ესეც საკმარისად დამაჯერებლად გვაჩვენებს ჩვენ მიერ გამოთქმული აზრის სიმათლეს.

ვაჟა-ფშაველასათვის აგრეთვე დამახასიათებელია ხალხური ლექსის, ანდაზის, გამოთქმის ხანდახან შეუუცვლელადაც შეტანა თავის შემოქმედებაში, რასაც, ის უდავოდ, თავის ადგილზე ნიჭიერადაც აქსოვს. ნიმუშისათვის:

პოემაში „სულა და კურდღელა“ მოცემულია ორი ლომგული ძმა — სულა და კურდღელა, რომელთაც „სოფლისათვის შრომა, სოფლისათვის ბრძოლა“ „სიყრმიდანვე თანდაყოლილი“ ჰქონდათ და რომელნიც „ხალხის შველისთვის გულდამშეულნი საჭირო ადგილს მიიჭრებოდნენ“ ხოლმე. ძმები მხოლოდ მაშინ ჩააგებდნენ ხმალს ქარქაშში, მხოლოდ მაშინ ტოვებდნენ ბრძოლის ველს და სისხლში მოსერილნი, დაქანცულნი ბრუნდებოდნენ სახლში, როცა მტრები დამარცხებულნი გარბოდნენ. ომიდან დაბრუნებულ ძმებს, ფიზიკურადა და მორალურად დაქანცულთ, საუბარიც კი აღარ შეეძლოთ. აი ამ დროს მათი დედა ამ გმირების გასართობად „მაღალის ხმით ვაჟაკურად დამღერის“ და შვილებიც სიამოვნებით ყურს უგდებენ:

ომ-უჩვეველსა ვაჟაკსა  
ომი ქორწილი ეგონა;  
ხმლის ქნევა, ფარის ფარება  
ფარიკაობა ეგონა;  
ჯარად მოღენა ისრისა  
ცთ ხორხოშელა ეგონა;

გულზედ დაჩნევა წაღულისა  
კოცნა ღედისა ეგონა;  
დაღება საკაცეზედა  
თავის ლურჯი ეგონა;  
მიტანა სამარის კარსა  
თავის სახლკარი ეგონა;

ჩადება სამარეშია  
თავის ლოგინი ეგონა;  
ზედ შავის ლოდის დადება

თავის ნაბადი ეგონა;  
ქალისა, რძლისა ტირილი  
იმათ სიმღერა ეგონა.<sup>78</sup>

ეს სიმღერა ხალხურია, ქართველი ხალხის ცხოვრებაში, მის ჭირსა და ვარამში მისი გაუტეხელი ხასიათით გამოჭედილი და შემდეგ თაობათა აღსაზრდელად, გასამტკიცებლად, როგორც ანდერძი, გადმოცემული. ვაჟა-ფშაველას ამ სიმღერის ასეთი ხასიათი და მიზანდასახულობა კარგად აქვს გაგებული და ამიტომაც მას ნიშანდობლივ შესაფერადგილას ბუნებრივად ურთავს თავის პოემაში, რითაც მგოსანი პოემის იდეასაც ამკვეთრებს და მის გავლენასა და შთაბეჭდილებასაც მკითხველზე, უდავოდ, აძლიერებს.

ასევეა მოხდენილად ჩაქსოვილი ვაჟა-ფშაველას მიერ პროზაულ ნაწარმოებებში ცხოვრების სინამდვილეზე დაკვირვებით ხალხის გენიის შემოქმედება. ნიმუშისათვის მოვიყვანოთ მოთხრობას „ჩვენი სოფელი“.

სოფელმა (მშრომელმა ხალხმა — გლეხკაცობამ) შემოდგომაზე თავის მარჯვენით მოყვანილი ჭირნახული აიღო. წლიური ნაოფლარი მოსავლით დაკმაყოფილებული გლეხი მსიარულებას ეძლევა. მას ამ პირობებშიც არ ავიწყდება, რომ კაცი „ეჩო არ არის, რომ სულ თავისკენ მიითლიდეს“, ის თავისსა და სხვათა მუდმივ საყურადღებოდ ასე დამღერის:

წუთსოფლის სტუმრები ვართ,  
ჩვენ წავალთ და სხვა დარჩება;  
კარგი ვსოთ და კარგი ვჰამოთ,  
ამის მეტი რა შეგვრჩება!  
პარუნანო, თარუნანო, ჰა ბიკო, ჰეო!

მე სოფლის თავსა ვესახლე,  
არა სოფელი ჩემს თავსა, —  
რაც მე სოფლისთვის მიწოდდა,  
წინ-წინ მოვიდა ჩემს თავსა! აა-ო.<sup>79</sup>

ვაჟა-ფშაველა დაკვირვებული, ღრმად მოაზროვნე და ცხოვრების მოვლენათა თავისებური შემფასებელია. მკითხველთათვის ცხოვრების მოვლენათა დამაჯერებლად ჩვენებისა და, თავისი შეხედულების მიხედვით, ღირსეული შეფასების მიზნით, ის მოხდენილად და გონივრულად იყენებს ხალხურ ანდაზებს, მრავალ საუკუნეთა განმავლობაში ხალხის დაკვირვების შედეგს.

<sup>78</sup> ვ ა ჯ ა ფ შ ა ვ ე ლ ა, სულა და კურდღელა, თხზ., ტ. III, გვ. 61—62.

<sup>79</sup> მ ი ს ი ე ე, ჩვენი სოფელი, თხზ., ტ. V, გვ. 80.

სამაგთროოდ ესევე ხალხური ლექსი ვაჟა-ფშაველას გამოყენებული აქვს ერთ-ერთს თავის „ს ი მ ლ ე რ ა შ ი“ („სოფლისა წესი ასეა“. .), მაგრამ აქ საგრძნობლად გადაუკეთებია, როგორც ეს მას ხშირად სჩვევია.

სოფლისა წესი ასეა:  
ჩვენ წავალთ, სხვანი რჩებიან;

ავიღოთ მოთხრობა „პაპას მსოფლიო ფიქრები“, რომელშიც ვაჟა-ფშაველა პაპას ფიქრების სახით თავის პირად შეხედულებას გამოჰხატავს ცხოვრების სხვადასხვა მოვლენების შესახებ.

პაპა გადაჰხედავს თავის ცხოვრებას და კმაყოფილია, ვინაიდან, ვინც მას ჰყავს ოჯახის წევრები, ყველა კარგადაა; დოვლათიც საკმარისი აქვს და ეს იმიტომ, რომ ყველა მისიანი მშრომელია, გონიერია. სამი ვაჟიშვილი ჰყავს, სამივე დაქორწინებული და ოჯახური ცხოვრებით მადლიერი. და ეს იმიტომ, რომ ისინი ცოლის შერთვისას ხელმძღვანელობდნენ პაპის გონიერი რჩევით, ე. ი. ხალხური ანდაზით: „ქალს ნუ ჰკვლევე ხატობაშია: ტანთ ნათხოვარი აცვია; ქალი თუ გინდა ლამაზი, დაჰკვლიე ქერის მკაშია“<sup>80</sup>.

მართლაც, პაპას რჩევა შეიღებს კარგად დაუჭდათ. ამ ხალხური სიბრძნით ხელმძღვანელობის სისწორეში მკითხველი რომ დააჩვენოს, გაარკვიოს და თავისი შეხედულებაც სიზუსტით გამოამყავნოს, ვაჟა-ფშაველა პაპას კმაყოფილებას შემდეგით ხსნის: „რძლებიც კარგები გამოადგა, არც სილამაზე აკლიათ და სხვაფრივაც შემკობილები არიან. ცისმარე ღღეს ჭარასავეითა ტრიალებენ. ქმრებიც უყვართ, მახლებიც, ერთმანერთიც, ღვდამთილ-მამამთილსაც ღიღად პატივსა სცემენ. მუშაობა იმათი ხელობაა“<sup>81</sup>.

პაპასვე პირით ვაჟა-ფშაველა სხვათა შორის თავის შეხედულებას ყმაწვილების აღზრდის შესახებაც გვაცნობს. პაპას აღზრდის მეთოდიც ხალხის მრავალსაუკუნოვან გამოცდილებაზეა დაფუძნებული. ამიტომაც ამ მეთოდის ჰუმანარიტებაში ღაწმუნებული პაპა, საცა კი შემთხვევა მიეცემოდა, შინ თუ გარეთ, ყველგან ამას ქადაგებდა: „შვი-

მკვდრების მაგივრად მალუდვე  
მეორეები ჩნდებიან.  
სიცოცხლეს სიცოცხლე უყვარს,  
ეს მიტომ დაღვა წესადა;  
სიყვდილი გაუჩენია  
მას თავის გასაკეებადა.  
იმიტომა სძულს უძლური,  
გთო ტანსაცემლი ძველია;  
რომ უყვარს ნორჩი, ახალი —  
მით დაიმშვენოს წელია.  
დავიხოცებით, სიყვარულს  
საკუთარს ნადებს გულადა,  
ვკარგავთ პირადად და ვფიქრობთ  
საქვეყნოდ დაკარგულადა.

მკვდარი ვეკარგვით სიყვარულს,  
ის ისევ რჩება ცხოვლადა,  
დაფრინავს, როგორც ფარვანა  
ს ა ა მ ო , კ ა რ გ ი ყ ო ვ ლ ა დ ა .  
იმისგან ყვირის რემი,  
მისით დაფრინავს შველია;  
მისგანა გალობს ბუღბული,  
მისგნთვე მწვანობს ველია;  
იმისგან ხარობს ბუნება —  
უკანასკნელი მწერია...  
ზღვაში იღუპვის ჰაბუკი  
თავის სატრფოსთვის ხელია.  
ღიღება ქვეყნის შემოქმედს,  
რა კარგად დაუწერია...  
რა კარგად დაუწერია...

<sup>80</sup> ვ ა ჟ ა - ფ შ ა ვ ე ლ ა , პაპას მსოფლიო ფიქრები, თხზ., ტ. VI, 1939 წ., გვ. 71—72.

<sup>81</sup> ი ქ ვ ე .

ლი გაზარდე მტრულად, მოყვარედ გამოგადგებაო“. და ამ სხარტ, ბრძნულ გამოთქმაში მკითხველი რომ გაარკვიოს, ცნებამ „გაზარდე მტრულად“ არ დააშინოს მკითხველი, ვაჟა-ფშაველა ასეთს განმარტებას იძლევა პაპას პირით: — „შვილს ნუ მოამშვევ, ნუ შეაცეიბ, უსამართლოდ ნუ მოექცევი; კარგი მოუწონე, ავი დაუგმე, და, თუ საჭიროა, დაკა კიდევ; კარგს, სასარგებლო ყოფაქცევას სიყრმითვე შეაჩვიეთ; უსაქმურობას ნუ დასჩვევთ; დილით ადრე ააყენეთ, უფროსის ხათრი ასწავლეთ, ყბედობას ნუ დასჩვევთ; რაც გკითხოს, თუ იცით, ასწავლეთ, ცუდს მაგალითს ნუ აჩვენებთ, იმასთან ცუდს ქართულს ნუ დაჰხარჯავთ: ბალღი რასაც ჰხედავს და რაც ესმის, იმასა სწავლობს. ბევრს ჰამას ნუ დააჩვევთ... რიგზე აჰამეთ — „მუცელს აქორებ — ქორია, აღორებ — ღორიაო“<sup>82</sup>.

თქვენ შეგიძლიათ დაეთანხმით ან არ დაეთანხმით მწერლის შეხედულებას, ეს სხვა საკითხია, მაგრამ ხალხური მკვეთრი თქმები რომ ნიჟიერადაა ჩაქსოვილი მწერლის ინდივიდუალურ ნაწარმოებში, ეს კი ფაქტია.

ასეა მოხდენილად, ადგილზე ვაჟა-ფშაველას ბევრ ნაწარმოებში გამოყენებული მრავალი ხალხური ანდაზა, არაკი და სხვა ბრძნული თქმა, რაც დიდ დამაჭერებლობასა და მხატვრულ სიმკვეთრეს აძლევს მწერლის შეხედულებებს.

აღნიშნული ნიმუშები, როგორც ხალხური ზეპირსიტყვიერების ნიმუშების შეუცვლელად გამოყენება, ისე მათი მეტად თავისებური, ორიგინალური გარდაქმნის სახით ვაჟა-ფშაველას შემოქმედებაში შექსოვა, შეიძლებოდა დიდად გაგვემრავლებინა, მაგრამ აღნიშნულიც საკმარისია, რომ მკითხველმა არამც თუ იგრძნოს, არამედ ნათლად დაინახოს და გაიგოს კიდევ, რომ მთის მგოსნის შემოქმედებაში ხალხური პოეტური არა მარტო თქმულებები, თქმები, არამედ ხერხები, სიტყვები მრავალნაირადაა გამოყენებული. ამასთან ერთად, თუ მკითხველი ოდნავ სერიოზულად ჩაუყვირდება მგოსნის პოეზიას, აგრეთვე აშკარად დარწმუნდება, რომ ხალხური ზეპირსიტყვიერების ელემენტები ისეთი ორგანულობითა და ორიგინალობითაა შექსოვილი მის ინდივიდუალურ შემოქმედებასთან, რომ ძალიან ხშირად, როგორც აღნიშნულიც გვქონდა, ხალხური ელემენტების კვალიც კი დაკარგულია.

ეს აიხსნება იმით, რომ მგოსნის, როგორც ლექსებსა და პოემებში, ისე მოთხრობებში, ხალხური პოეტური ენისა და სტილის განხორციელების მთელმა სისტემამ ჰპოვა ადგილი და არა მხოლოდ მისმა ცალკეულმა ელემენტებმა. და ეს იმიტომ, რომ ვაჟა-ფშაველა ფოლკლორს — ხალხურ ზეპირშემოქმედებას კი არ ბაძავდა, არამედ თავის ნაწარმო-

<sup>82</sup> ვ ა ჟ ა - ფ შ ა ვ ე ლ ა , პაპას მსოფლიო ფიქრები, თხზ . ტ . I , გვ . 74 .

ებთ ქმნიდა ხალხური პოეტური შემოქმედების ორგანულად ათვისების საფუძველზე, თავისი ლექსებისა და პოემების მხატვრული განსახიერება ვაჟა-ფშაველამ დასძლია ძალდაუტანებელი დამაბულობისა და წერილმანების გულისხმიერი შემონახვის გარეშე<sup>83</sup>, ფოლკლორიდან მან შეითვისა გაცილებით მეტი, ვიდრე პოეტური ფორმა, ან ხალხური მეტყველებისა და შემოქმედების ელემენტები.

ვაჟა-ფშაველამ მშვენივრად და თავისებურად აითვისა შემოქმედი სახალხო მათქვამის, თუ მთქმელის თვით მსოფლგაგება, მისი დამოკიდებულება თავის მასალასთან. ამიტომ, როგორც გარკვეულად დავინახეთ, ვაჟა-ფშაველას თავის შემოქმედებაში ხალხური პოეზიის უკვე გამზადებული ნაწარმოები ან გამზადებული დამთავრებული ნაწყვეტები კი არ შეაქვს, არამედ თვითონ ჰქმნის თავის ნაწარმოების როგორც მთლიან სიუჟეტს, ისე იმ ნაწილებსაც კი, რომელთა გაფორმებისათვის შეიძლებოდა გამოეყენებინა მზა ნაწარმოები ან მზა ნაწილები.

გადაჭრით უნდა აღინიშნოს, რომ ვაჟა-ფშაველა ხალხური პოეზიის იმიტაციას კი არ აკეთებს, ან უბრალო კომპილაციას, არამედ ის თვით თავისთავადი შემოქმედი, მის ნაწარმოებთა მეტყველებაც მისია, თავისებურია — ვაჟასებური, თუმცა, რა თქმა უნდა, მთის კლოსი და იქაური ფოლკლორის, უდავოდ, საერთო სტილის მატარებელია.

ვაჟა-ფშაველას შემოქმედების ამ მიმართულებით განხილვისა თუ შეფასების დროს არ უნდა დავივიწყოთ თვით მგოსნის გულწრფელი და სამართლიანი შემდეგი განცხადება: „უნდა ყველამ კარგად იცოდეს, — ხალხის თქმულება, რაც უნდა იგი მდიდარი შინაარსისა იყოს, აზრიანი და ხელოვნური, თუ პოეტმა იგი არ გარდაქმნა, საკუთარ სულიერ ქურაში არ გადააღწო, არ გადააღწა, მასალიდან ახალი რამ არ შექმნა და დაწერა ისე, როგორც ხალხი ამბობს, არაფერი გამოვა, ერის გულში ამისთანა ნაწარმოები ბინას ვერ იპოვის, იქ ვერ დაასადგურებს და ვერც ხელოვნურ ნაწარმოებად ჩაითვლება“<sup>84</sup>.

თუ როგორ გარდაქმნიდა ხოლმე ვაჟა-ფშაველა თავის შემოქმედებით „მანგანაში“ ხალხური შემოქმედებიდან ამოკრეფილ მასალას და როგორ იძლეოდა მოქმედ პირთა თუ მოვლენათა დასახელებულ სახეს, სიუჟეტის გამთლიანებასა და თავისებურ პოეტურ ენას მთიულური დიალექტის თავისთავადი გამოყენებით. ამას საკმარისი სიკბადით თვით პოეტი გვეუბნება თავის პასუხში იპ. ვართაგავასადმი. ეს საკითხი

<sup>83</sup> უნდა აღინიშნოს, რომ ვაჟა-ფშაველა ფოლკლორული მასალის წერილმანების შეკრებასაც გულმოდგინეობით, დიდი ხალისითა და პასუხისმგებლობით აწარმოებდა, როგორც ხალხის ცხოვრების, ბუნებისა და შემოქმედებითი ძალების გაგების, შესწავლის ერთ-ერთ საუკეთესო წყაროს, როგორც ეს დამახასიათებელი იყო მისი ეპოქის მოწინავე მოაზროვნეთათვის, როგორც საქართველოში, ისე რუსეთშიც.

<sup>84</sup> ვ ა ჟ ა - ფ შ ა ვ ე ლ ა , კ რ ი ტ ი კ ა ბ. იპ. ვართაგავასი, თხზ., ტ. III, გვ. 450.

ჩვენც ზევით, როდესაც ამ მიმართულებით ვიხილავდით ვაჟა-ფშაველას პოემებს, ხოლო კერძოდ პოემას „ბახტრიონი“, შევეცადეთ შეძლებისდაგვარად გაგვერკვია და, ვფიქრობთ, მკითხველისთვისაც ნათელი და დასაჯერებელიც შეიქმნა.

დასმული საკითხის და ჩვენ მიერ გამოთქმული აზრის მეტად ნათელსაყოფად, გარდა ზემოთ აღნიშნული საბუთიანობისა, ერთ-ერთ თვალსაჩინო ნიმუშად გამოგვადგება ვაჟა-ფშაველას ლექსი „კაი ყმა“.

ვაჟა-ფშაველას ეს ლექსი რომ ქართულ ხალხურ ზეპირსიტყვიერებაში „კაი ყმაზე“ შექმნილ ლექსებს და მათ ვარიანტებს შევადაროთ, გარეგნული შთაბეჭდილებაც კი ცხადყოფს მათ შორის დიდს არსებითსა და თავისებურ განსხვავებას.

მოვიყვანოთ ხალხური ვარიანტები „კაი ყმისა“<sup>85</sup>.

კაი ყმა, მგელი, არწივი. — არც ერთ არ გაიწურთნება.  
მგელი არ მაშლის მგლობასა, კაი ყმა მამაცობასა.  
არწივი არწივობასა, მთის ყურეს ნაღირობასა.  
მგელი გაივლის მთაზედა, ნამ დაბერტყილი დარჩება.  
არწივი დაიხულება, მთით ბარად ჩამოვარდება,  
დაიქერს შუნის თიკანსა, ჯორცი ძვალადავ დაშჩება.

კიდევე: მაში კარგია კაი ყმა, დილა რომ ბინდი დგებოდეს,  
იცივმდეს ჭაჭვის პერანგსა, „ომს ვიქამ“, ემზადებოდეს,  
ცხენი რომ ხრავდეს ლავამსა, წალმა-უკულმა ხტებოდეს.

კიდევე: კას ყმას ნუ შურობთ, სოფლელნო, — კაი ყმა სოფლის ფასია,  
კაის ყმის ცხენი, აბჯარი თავ-და-თავ ცუდის ფასია.

კიდევე: კარგს ყმას არ იპატივებენ, — ჭარს არ აყენებს წარზედა.  
იმას კი აღარ ფიქრობენ. მტერს დაგვიყენებს კარზედა.

კიდევე: კაის ვაჟისა ცოლობა, ნუ გიხარან, ქალაო;  
კაი ყმა მალედ მავდება, დამჩხები ცარიელაო.

ან კიდევე ხევსურული სხვა ლექსები — ვაუკაცობაზე შექმნილი:

ვაუკაცსა გული რკინისა, აბჯარი უნდა ხისაო.  
თვალნი ქორებულ მხედავნი, გულ-მკერდი შავარდნისაო.

კიდევე: ვაუკაცს რას გამოადგების სოფელთ შევენება ტანისა,  
ბანებზე მღვგომ-მოდგომა, გამჩვენება ქალისა?  
ვმალს უნდა აკრევინებდეს, იმედი ხქონდეს მკლავისა.

კიდევე: ოშკაცნო, მშვილდნო რქისანო, გოზა-წითელნო, ფალთონო,  
არც მაშინ მაშინდებითა, ომში რო შახლთ მარტონო.

კიდევე: დაფრეზება არწივი. მთით ბარად ჩამოვარდება.  
მზას უნდა იყოს ოშკაცი, ვმა რამე შამალვარდება.

<sup>85</sup> ხალხური „კაი ყმა“ ვარიანტებით აღებული გვაქვს აკად. აკ. შ ა ნ ი ძ ი ს ქართული ხალხური პოეზია“-დან, ნაწ. I, ხევსურული, 1931 წ., გვ. 122—124. ვფიქრობთ, ვაჟა-ფშაველა სწორედ ამ ხევსურული ვარიანტებით სარგებლობდა თავის „კაი ყმის“ შექმნისას.



ხალხურ ზეპირსიტყვიერებაში „კაი ყმის“ შესახებ ლექსების (რომლებითაც შეედლო ვაჟა-ფშაველას ესარგებლა) სისრულით მოყვანის მიზნით, მოვიყვანთ აგრეთვე ხალხურ-ხევსურულ ლექსებს, სადაც ხალხი, „კაი ყმის“ დადებითი თვისებების გამახვილების მიზნით, მათ უპირისპირებს ცუდს:

ატირდა კაი ყმის ცოლი: „აღარ მაძივა წინაო“.   
 იცინის ცუდაის ცოლი: „გამოიქცევა წინაო“.   
 გამაქცეულის მასვლას არ-მასვლაი სჯობს შინაო.

კიდევ: კას ყმას აქმიო, დედაო, დილა აღრიან სადილი:   
 ან კმა რა შამაღვარდების, ან მთას გაუვას ნაღირაო.   
 ცუდას რად უნდა, დედაო, მზის დაცხომამდე სადილი?   
 არც რა კმა შამაღვარდების, არც მთას გაუოს ნაღირაო\*.

ხალხური შემოქმედების ამ და ამგვარი მცირეოდენი განსხვავებული მასალის საფუძველზე ვაჟა-ფშაველამ შექმნა თავისი ხელი-ხელ საგოგმანები ლექსი „კაი ყმა“ („ხევსურულ პანგზე“), რომლის შესახებ ზევითაც გვქონდა საუბარი.

ვაჟა-ფშაველას „კაი ყმის“ ხალხური ამგვარი ლექსებისაგან განსხვავების, თვალსაჩინოებისა, სიმკვეთრისა და მთლიანი შთაბეჭდილების მიღების მიზნით მოვიყვანთ ამ ლექსს მთლიანად:

კარგ ყმად ვინა ვსთქვათ, ვაქებო,   
 ნათქვამი არა გეცხვენოდეს,   
 მსმენლის გულს აბორავებდეს,   
 არავის არა სწყენოდეს?   
 ვინა, ვინ არი კაი ყმა,   
 ვის ტანზე ხმალი შეენოდეს?   
 მიღით, იქ მიღით, სადაცა   
 ხალხი ხალხზედა ჰღელავდეს:   
 მტერი ჩვენ გეცემდეს, ჩვენ— მტერსა,   
 ხმლები, ხანჯრები ელავდეს.   
 სისხლის ტბა მუხლებს სწვდებოდეს,   
 ცოცხლები მკვდრებსა სთელავდეს;   
 ფარების დადგეს ჭრადები,   
 თვალეზ თვალეზს სწველავდეს;   
 მოციქულობდენ ტყვიანი,   
 შუბები შუბებს სწვერავდეს;   
 ჭიაფრად მუზარადებსა   
 სისხლის წვიმი პფერავდეს;   
 დაგლაობდეს სიკვილი,   
 სუღარავებსა ჰკერავდეს.   
 ვინც მიუგებოს მტერს წინა,

წინ-წინ ვინც რისხვას ეტყოდეს,   
 სახე-სისხლ-გაღამდინარი   
 ტყვიის არ გამოიტყოდეს,   
 თაზარსა სცემდეს სიკვილითა,   
 ზედ ქორებულად ფრინავდეს;   
 სიციხეში სიოდ დაჰბეროს,   
 დაათბოს, როცა ჰყინავდეს.   
 პირველად ომის დამწყები,   
 ბრძოლის ველს ბოლოს სწირავდეს;   
 სხვანი იყოფდენ ნადავლსა,   
 ის ისევ მტრის წინ გრკვინავდეს;   
 მიძღვნილსა საუფროსოსა   
 ამხანაგებზე სწირავდეს.   
 დარაჯად ეღვას ლაშქარსა,   
 როს ის ღრმა ძილით ხვრინავდეს,   
 სწორს ფიქრს აძლევდეს თემ-სოფელს,   
 ცდუნება არა სძირავდეს.   
 მტრის ჭაერის ეღვას ლოგინი,   
 მტრის ჭაერი საბნად ჰფარავდეს.   
 იქ იღვას ხმალ-ამოწვდილი,   
 საც ძალა აღმართს ჰკვალავდეს.

\*8 აკ. შ ა ნ ი ძ ე, ქართული ხალხური პოეზია, ნაწ. I, ხევსურული, 1931 წ., გვ. 123—124.

გაბეჩავებულს სიმართლეს  
უსამართლობა სძალავდეს.  
სხვისა იუბნოს სახელი,  
თავის გარჯასა კმალავდეს.  
მზედ იღვეს ხევსურეთისა,  
უხვად შუქს ჩამოკლალავდეს.  
სჯობს, მოკვდეს მშვიერ-ტიტველი,  
კვდებოდეს, არა გმინავდეს;  
თავის სამარხად, სუღრადა  
მარტო სახელსა სწორავდეს.  
ვადღეგრძელებდეთ ცოცხალსა.  
მკვდრისა ვსევთ შესანდობარა.  
წყლული სცნას დედის კოცნადა,  
თავის ლოგინად — სამარი,  
საკაცე — თავის ლურჯადა,  
ქვა-ლოდი — ნაბდად საფარი,  
ქალისა, რძლისა ქეთინი  
ეგონოს სიცილ-ხარხარი,  
დენა ცრემლისა — ხორხოსა,  
ღრუბელთა გადმონაყარი.  
სულეთს შავიდეს ხმლიანი  
ლალი, ლალისა ცხენითა,  
წინ მიუძლოდე! არწივი  
ხმით მოყაყაშე, ფრენითა.  
ქება უყვიღონ გმირებმა,  
გადასრულებმა ჩვენითა.

ერიკლემ ხელი მაჭხიოს,  
დაისვას თავის გვერდითა,  
გამაეგებოს თამარი  
მცინარი, თავის ფეხითა.  
გახარებულ ი უფალი  
კარგს ემას ჯვარს სწერდეს ზენითა,  
ანგელოზები ხარობდენ,  
ალ-ქაჯნი იყენენ წყენითა.  
აი ვინაა კაი ყმა,  
მოსაგონარი ქებითა!  
არა თქვენ, სადაცენო,  
რომ ძროხებივით სძლებითა,  
ღამე მძღრები დასწვებით,  
ღილით მშვირები სღებითა,  
თავის ჯამს ჩასტქერთ, საქვეყნოდ  
არც როს არ გამასდგებთა.  
თავისად სცოცხლობთ, მცონარედ,  
ღეში ალალოთ, ჰკეებდითა,  
გაიგებთ კარგის გარჯასა  
გწყინსთ და შურითა ხდებთა;  
უქმად ჩამაძლევეთ სიცოცხლეს,  
უქმად საფლავში სწვებთა.  
დაქარგავთ სააქაოსა,  
ვერც საიქიოს სწვებთა,  
არ იცით, დასჩნდით რისადა  
ან რისათვისა ჰკვდებთა!...<sup>87</sup>

ამონაწერი მეტად დიდი მოგვივიდა, მაგრამ, ვფიქრობთ, საჭირო იყო მთლიანად ლექსის მოყვანა, რათა მისი მთლიანობით მიღებული მხატვრული შთაბეჭდილებით მკითხველის მიერ მკაფიოდ იქნას განცდილი და გაგებული, როგორი განსხვავებული სრული სახე, შინაარსი მიიღო ხალხში დაბუდებულმა წარმოდგენამ და მის ზეპირსიტყვიერებაში განსახიერებულმა „კაი ყმამ“ ვაჟა-ფშაველას შეგნებასა და პოეტურ გაფორმებაში.

ვაჟა-ფშაველას ლექსის „კაი ყმის“ წაკითხვისთანავე მკითხველი აშკარად ხედავს, რომ ეს ლექსი პოეტს ხალხურ შემოქმედებაში ცნობილ თემაზე აუგია. მასში არა მარტო ხალხური შემოქმედების პოეტური რეალიებია დაცული, არამედ აგრეთვე ხალხის მიერ ვაჟკაცურ, მოქმედ ცხოვრებაში გამომუშავებული გაგება „კაი ყმის“ მაღალი ეთიკისა, მისი სიცოცხლის მიმზიდველობისა, ღირებულებისა; აგრეთვე აშკარად იგრძნობა, რომ პოეტის მიერ მთიულური დიალექტიც ფართოდაა მასში გამოყენებული. მაგრამ ამასთან ერთად ამ ლექსის ზერე-

<sup>87</sup> ვ ა ჟ - ფ შ ა ვ ე ლ ა , კ ა ი ყ მ ა , თ ხ . , ტ . II , გვ . 133 .

ლე შედარებაც კი იმავე თემაზე ხალხურ პოეზიაში შექმნილ ნიმუშებთან აშკარად ხდის, რომ ვაჟა-ფშაველას „კაი ყმა“ პოეტის უაღრესად არაჩვეულებრივი ინდივიდუალობის მატარებელია. ვაჟა-ფშაველას „კაი ყმის“ ფორმაცა, შინაარსიცა და ენაც ავტორის ორიგინალური ნიჭის თავისთავადობისა და ქმედების თავისებურების მკვეთრი გამოვლინებაა.

ვაჟა-ფშაველას ლექსში კაი ყმის დიდი ფიზიკური და მორალური ძალა არაჩვეულებრივ რთულ პოეტურ სახეშია დახვეწილი და მალალ-მორალურ-საზოგადოებრივ სიმაღლეზეა აყვანილი. ვაჟა-ფშაველას კაი ყმა არა მარტო გაბედულია, მტკიცე და გაუტეხელი, ბრძოლაში რომ იღებს თავის მოქალაქეობრივ ნათლობას, არამედ ის, ამასთან ერთად, დიდი მორალური და საზოგადოებრივი ძალაცაა; ის უანგაროა, ქვეყნისა და მოძმეთათვის თავდადებული, მოძმეთა მდგომარეობის შემსუბუქებელი ჭავის პირად ანგარიშზე, ის თავმდაბალია, თავდაპირილი, მორიდებული, გონიერი, წინდახედული. ის თავის სიცოცხლეს ქვეყნის საკეთილდღეოდ „ისე სწავას, როგორც ჩალასა“. მას თავისი მოქმედებით არა მარტო ცოცხლები მოჰყავს აღტაცებაში, არამედ გარდასულნიც უზომოდ ხარობენ მისი სიკეთით. ხალხურ ზეპირშემოქმედებაში ასეთი სისრულითა და მთლიანი სახით კაი ყმის განსახიერებას არ ვხვდებით. კაი ყმის ასეთს განსახიერებაში ვაჟა-ფშაველა, უდავოდ, ორიგინალურია, თავისთავადია; ის დამოუკიდებელი შემოქმედია.

ასევე თავისთავადი და დამოუკიდებელია ვაჟა-ფშაველას „კაი ყმის“ პოეტური ენაც. მართალია, მკითხველი აქაც აღვივალდა და ნათლად გრძნობს, რომ „კაი ყმის“ ენასაც ძირი და, შეიძლება ითქვას, მტკიცე ძირიც ხალხის (მთიელთა) ენაში აქვს, მაგრამ დაკვირვებული მკითხველი იმასაც კარგად გრძნობს, რომ ამ ლექსის ენა, როგორც საერთოდ ვაჟა-ფშაველას პოეტური ენა, რადიკალურად განსხვავდება ხალხური (მთიულური) ენისაგან თავისი მდიდარი პალიტრით, მდიდარი ფერებით, მკითხველს არაჩვეულებრივად ხიბლავს ამ ლექსში (როგორც საერთოდ მის პოეზიაში) ვაჟა-ფშაველას მიერ გამოყენებული უხმარი მეტაფორები, ეპითეტები, შედარებები, ჰიპერბოლები და სხვ. ნიმუშისათვის მოვიყვანთ „კაი ყმის“ ერთს პატარა ნაწყვეტს:

ვინა, ვინ არი კაი ყმა,  
ვის ტანზე ხმალი შეწოდეს?  
მიდით, იქ მიდით, სადაცა  
ხალხი ხალხზედა ჰღვავდეს:  
მტერი ჩვენ გვემდეს. ჩვენ -- მტერსა,  
ხმლები, ხანჯლები ელავდეს.  
სისხლის ტბა მუხლებს სწვდებოდეს,  
ცოცხლები მკვდრებსა სთელავდეს;  
ფარების დადგეს ჭდრღეები,

თვალეი თვალებს სწველავდეს;  
მოციქულობდენ ტყვანი,  
შუბები შუბებს სწვერავენს;  
ჭიფრად მუზარადებსა,  
სისხლის წვიმი ჰფერავდეს;  
დაგელობდეს სიკვდილი,  
სუღარაებსა ჰკერავდეს.  
ვინც მიეგუბოს მტერს წინა,  
წინ-წინ ვინც რისხვას ეტულდეს და ა. შ.

ეს ვაჟა-ფშაველას პოეტური გენიის უდავო კუთვნილებაა. ვაჟა-ფშაველას პოეტური ენა და მისი შემოქმედების ბუნება თხოულობს სპეციალურ შესწავლას. ვაჟა-ფშაველას პოეტური შემოქმედების ლაბორატორია, ან როგორც თვითონ მგოსანი იტყოდა, — „პოეტის საკუთარი სულიერი ქურა“, მეტად მდიდარია; ის მდიდარია არა მარტო მასში შექმნილი სახეებით, პოეტური ენითა და ხერხებითა, არამედ ის მდიდარია აგრეთვე ჯადოსნური ქმნის თუ შემოქმედების პროცესითაც, ან თვით ვაჟა-ფშაველას თქმით, — „გარდაქმნისა, გადადნობისა, გადადუღებისა, ახალის შექმნის“ პროცესით.

ვაჟა-ფშაველას პოეტური მემკვიდრეობა ამ მიმართულებით თავის სპეციალურ მკვლევარს დაჟინებით ელის და ეს მკვლევარი უხვსა და საგულისხმიერო მასალას პოეებს მასში. ჩვენ კი წინამდებარე შრომის შემდეგ თავში დავკმაყოფილდებით ვაჟა-ფშაველას პოეტური შემოქმედების ზოგიერთი საკითხის გარკვევით.

## თ ა ზ ი IX

### ვაჟა-ფშაველას პოეტიკის ზოგიერთი საკითხი

ვაჟა-ფშაველას ნაწარმოებთა ანალიზის დროს გზა და გზა გამოვავლინეთ მისი შემოქმედების სტილის დამახასიათებელი ნიშნები. საპირისპიროდ მიგვაჩნია დამატებით შევჩერდეთ მგოსნის შემოქმედების სტილის კიდევ ზოგიერთ დამახასიათებელ ნიშანზე, რომელთა შესახებ ზევით შემთხვევა არ მოგვეცა შევჩერებულიყავით

ვაჟა-ფშაველას შემოქმედება მთლიანად ლირიკულ-ეპიკური ხასიათისაა. ყოველი მისი ნაწარმოები, გარდა იმისა, რომ მკითხველზე დიდ ემოციურ ზეგავლენას ახდენს, ამასთანავე მას დიდი ხალასით აცნობს, მოწმედ და მონაწილედ ხდის იმ პოეტური სამყაროსი, რომელსაც პოეტის შემოქმედებაში დიდი ორიგინალობითაა გაშლილი და რომელშიც თვით ავტორი დიდი უშუალობითაა გამოვლინებული.

ვაჟა-ფშაველას შემოქმედებაში ეპოსისა და ლირიკის შერწყმა ხდება ორგვარად: ა) ეპიკურს სურათს ნაწარმოების განვითარებაში სცვლის ლირიკული განცდის მკვეთრი გამოვლინება; ბ) ეპიკური მოვლენის განსახიერება ღრმა ლირიზმითაა ნაჭერი. ორივე ეს საშუალება მთის მგოსნის შემოქმედებაში მკაფიოდ და სისრულთაა გამოყენებული.

ამრიგად, ვაჟა-ფშაველას შემოქმედებაში, როგორც ლირიკულ-ეპიკურში, გაერთიანებულია ლირიკისა და ეპოსის დამახასიათებელი სტილიური ნიშნები. ცნობილია, ეპოსისათვის დამახასიათებელია მოვლენისა და მოქმედ პირთა დახატვა მათ გარემოში. ამიტომ, ეპიკურ ნაწარმოებში მწერალი განსაკუთრებულ ყურადღებას აქცევს შინაარსსა და გადმოცემის თვალსაჩინობას: მწერალი ცდილობს ესა თუ ის პერსონაჟი გადმოგვეცეს ენის, მისი მეტყველების საშუალებით და აგრეთვე გვაჩვენოს გარემო, რომელშიც პერსონაჟი მოქმედებს და ურთიერთობას ამყარებს ნაწარმოების სხვა პერსონაჟებთან. პერსონაჟთა ეს ურთიერთობა გამოვლინებულია მათ ქცევა-მოქმედებაში, მათ ურ-

თიერთობაში, რომელსაც ისინი აწარმოებენ. ამისათვის, მწერლის მოვალეობას შეადგენს ცხოვრების მოვლენებში, რომელთაც ის ჰკრეფს გარემო სინამდვილიდან, გამონახოს უფრო დამახასიათებელი, განაზოგადოს ისინი, გამოჰყოს უფრო ტიპური. მწერალმა ეს რამდენიმე კონკრეტულ მაგალითზე უნდა აჩვენოს — მან უნდა აჩვენოს ტიპური გარემო, რომელშიც ეს ტიპური სახე (პერსონაჟი თუ მოვლენა) ჩნდება და ვითარდება.

ცნობილია, მწერალი, განსაკუთრებით რეალისტი მწერალი, გეინატავს არა მხოლოდ იმას, რაც იყო და არის, არამედ უფრო იმას, რაც შესაძლებელია ყოფილიყო, ან რაც შესაძლებელია და უნდა კიდევ შეიქმნეს სინამდვილეში, როგორც ტიპური.

ასეთი ამოცანა მწერლისაგან თხოულობს არა მარტო ნანახის, გავონილ-ის გადმოცემას, არამედ მის ღრმა განცდას, გადამუშავებას. მწერალი თავის პერსონაჟებს აყენებს გამოგონილ პირობებში და ამგვარ მიზანს ის აღწევს მხოლოდ იმ შემთხვევაში, თუ ეს გამოგონილი პირობები ან ამბები ხელს უწყობს გააძლიერონ, გაათვალსაჩინონ, მართლაც სინამდვილეში არსებული მოვლენა. ასეთს პირობებში წარმოსახვა, რა თქმა უნდა, თხოულობს დიდ ოსტატობას, დიდ პოეტურ ალღოსა და ზომიერებას. ამასთან ერთად მწერალი ვალდებულია ყველაფერი გადმოგვეცეს ცხოვლად, მთელი თავისი სიცხადითა და სიცოცხლით. ამას კი მწერალი აღწევს ლირიკული სტილის დახმარებით.

ლირიკული გრძნობებით მწერალი აცხოველებს, ათბობს მთლიანად ნაწარმოებს, ქმნის განწყობილებას. ეს განწყობილება, ჩვეულებრივ, გამოვლინებულია როგორც გადმოცემის ტონში, ისე სტილის წვრილმანებშიც, რომლებშიც იხატება ავტორის მიერ მოვლენისა თუ პერსონაჟის განდიდებისა თუ დაკნინების სურვილი. ამიტომ, ნაწარმოებში შეიძლება იყოს და ჩვეულებრივ არის კიდევ მწერლის გულწრფელი, თბილი, თანაგრძნობითი, ან, პირიქით, დამციხავი, გამკიცხავი; ამაღელვებელი დამოკიდებულება. მწერლის ასეთი დამოკიდებულების გამოხატვა შესაძლებელია ერთსა და იმავე ნაწარმოებში სხვადასხვანაირი იყოს იმისდა მიხედვით, თუ როგორ საგანს ან მოვლენას გვიჩვენებს მწერალი.

ამ მიმართულებითაც, როგორც ზევითაც დავინახეთ, ვაჟა-ფშაველას შემოქმედება, მართლაც, მდიდარია; უხვი და დიდი ხელოვანის ოსტატობითაა ის შესრულებული. აღფრთოვანება, თანაგრძნობა, აღელვება, გაკიცხვა, სიყვარული, პატივისცემა, სიძულვილი და სხვა ნიუანსის მდიდარი განწყობა-დამოკიდებულება ამა თუ იმ პერსონაჟისა თუ მოვლენის მიმართ სისრულითა და მკვეთრადაა აღბეჭდილი და ნიჭიერადაა შექსოვილი ნაწარმოების მთლიან სიუჟეტში. ნიმუშისა-

თვის მოვიგონოთ გაკვირით პოემა „მოხუცის ნათქვამი“. მოხუცის ნაღველი, აჭრელებული დროთი, მისი სიბერითაა გამოწვეული. ის აღფრთოვანდება, თანაგრძნობით აღელდება: ძველი, გმირული დროის მოგონებით — ძველ გმირთა ვაჟკაცური, საქვეყნო საქმიანობით, ერეკლე მეფის ხალხისადმი, დაბალი ფენებისადმი, მეგობრული, თანასწორი დამოკიდებულებით, ჯარის მამაკ, ხალისიანი შეკრებითა და ომში, როგორც ქორწილში გამგზავრებით, ბრძოლის ეინით, ყიყინით, პათოსით, მთიელ ქალთა დიდი პატრიოტული, ქვეყნის თავისუფლებისათვის ყველაფრის გამწირავი, გრძნობით და სხვა.

ასევეა, როგორც შესაძლებლობა ვეჭონდა გვეჩვენებინა, პოემებში „ბახტარიონი“, „სტუმარ-მასპინძელი“ და სხვა, აგრეთვე მის მოთხრობებშიც — „დარეჯანი“, „უძმოს ძმა“ და სხვა.

ასეთი განწყობილების მოცემას ვაჟა-ფშაველა აღწევს ლირიკული სტილის სხვადასხვა პოეტური ემოციური საშუალებებით, როგორცაა — ეპითეტი, შედარება, მეტაფორა, განპიროვნება, ჰიპერბოლა, დაპირისპირება, პარალელიზმი, გამეორება და სხვა მრავალი, რაც განსაკუთრებით მომარჯვებული აქვს მას და რაც საგანს თუ მოვლენას აძლევს ემოციურ სიმკვეთრესა და თვალსაჩინოებას.

ვაჟა-ფშაველა, ძირითადად ხალხურ ზეპირსიტყვიერებაში გამომუშავებულ პოეტურ საშუალებებს იყენებს, მაგრამ მთის მგოსანი ხალხური შემოქმედების სადა ხერხებს პირდაპირ, უცვლელად კი არ იმეორებს, არამედ ის მათ ართულებს, ამდიდრებს, ხვეწავს, ამკვეთრებს, უდავოდ აყავს მაღალი პოეტური შემოქმედების საფუძველზე, რაც პოეტის შემოქმედებას აძლევს მეტ ძალას, სიახლეს, ორიგინალობასა და მნიშვნელობას.

ვაჟა-ფშაველას პოეტიკა, ძირითადად, ხალხური შემოქმედების პოეტიკის შემდგომი განვითარებაა პოეტის თანადროულობის პირობებში. ვაჟა-ფშაველას შემოქმედება, ზეპირსიტყვიერებასთან შედარებით, ხასიათდება მეტი ემოციონალობით, დახვეწილობით, გაღრმავება-გაფართოებით, გაშინაარსებით, გამკვეთრებით.

ამჟამად, წინამდებარე შრომაში, ჩვენს მიზანს არ შეადგენს ვაჟა-ფშაველას პოეტიკის მთელი სისტემა წარმოვადგინოთ. ჩვენ მიზნად ვისახავთ მგოსნის პოეტიკიდან მხოლოდ ზოგიერთი, მისთვის უფრო დამახასიათებელი საშუალებების ჩვენებითა და განმარტებით დავკმაყოფილდეთ.

ვაჟა-ფშაველას შემოქმედების გაცნობა მკითხველს აძლევს პოეტის მდიდარი, შეიძლება ითქვას, ამოუწურავი სურათოვანი და ემოციური მეტყველების ახალს, მაღალს დამატყვევებელ ესთეტიკურ განცდას. ამ რთულ და ძნელ ამოცანას მგოსანი აღწევს სხვადასხვა სახის

პოეტური საშუალებების გამოყენებით, ხშირად რამდენიმე პოეტური ხერხის ბუნებრივ შერწყმა-გაერთიანებითაც.

\* \* \*

ვაჟა-ფშაველას პოეტური მეტყველების ერთ-ერთი ასეთი მოქმედი საშუალებაა ეპითეტი. ჩვეულებრივ საგანი თუ მოვლენა სინამდვილეში მრავალმხრივია. მწერალიც და მკითხველიც საგანს თუ მოვლენას ითვისებს გარკვეულ კონკრეტულ გარემოცვაში, სხვა საგნებთან თუ მოვლენებთან ურთიერთობაში. ამიტომ საგნისა თუ მოვლენის უკეთესი, მკვეთრი დანახვისა თუ გაგებისათვის მწერალი ხშირად მიმართავს ეპითეტს, ე. ი. ისეთი სიტყვის თუ თქმის ხმარებას, რომლის საშუალებითაც იგი მოხდენილად ახერხებს მკითხველის ყურადღების გამახვილებას საგნისა თუ მოვლენის სწორედ იმ მხარის მიმართ, რომლის წინ წამოწევას, როგორც არსებითისას, ალებულ მდგომარეობაში მწერალი ცდილობს, რათა მკითხველსაც ალებული საგანი თუ მოვლენა სწორედ იმ მხრით, ისე დანახვოს და აათვისებინოს, როგორც მას იმ მომენტში თვით მწერალი განიცდის.

ეპითეტების ხმარება ამგვარი მიზნით ძველიდგანვე გავრცელებული საშუალება იყო ხალხურ ზეპირსიტყვიერებაში. მაგალ., ვაჟკაცი — მამაცი, მუხლმგელი, გულით რკინისა, გულმაგარი; გველისპირული ფრანგული, გაბოროტებული გული, კეთილი თვალი, ოფოჟი სავარცხლიანი, ლურჯა ცხენი და სხვა მრავალი.

ხალხური პოეტური შემოქმედებიდან ეპითეტები გადმოდის მწერლობაში, მაგრამ მათ დროთა განმავლობაში დაკარგეს სურათოვნობაცა და ემოციონალობაც; ისინი თანდათან უამთა ვითარებაში გაბუნდოვანდნენ; ხშირად მათ ჩვეულებრივი განმარტების ხასიათი მიიღეს. ამიტომ საპირო ხდება ფერდაკარგული სიტყვისა თუ ცნების გაახლება, გაცხოველება, გადახალისება ახალი სიტყვებით, ახალი ფერადებით. აი ამ დანიშნულებას მწერლობაში ასრულებს სხვათა შორის, ეპითეტებიც.

ამასთან ერთად, მწერლის უნარისა და ნიჭის მიხედვით, ეპითეტმა შეიძლება მიიღოს დახასიათების მნიშვნელობა, საგნის შინაგანი არსის გარკვევა. „Автор, — წერს ა. შალიგინი, — может вложить в него (в эпитет. — მ. ზ.) много ума, наблюдательности, остроумия и чужества“.<sup>1</sup> სწორედ ასეთი შინაარსის ეპითეტებითაა მდიდარი ვაჟა-ფშაველას პოეტური შემოქმედება.

ნიმუშისათვის მოვიყვანთ:

1. მინდა შევეთმი მომღერალს  
სტუმრად მწვევიყუნენ მთანია,

თან კლდენი შავ ვერძანანი,  
მთების მამშვენნი ძვანია;

<sup>1</sup> А. Ш а л ы г и н, Теория словесности, стр. 38.



იანიც მინდან მტირალნი  
ქველკაბიანნი დანია.  
მორცხეთა, უშაქვროთ, უგესლოთ  
მხრებს უშშვენებენ თმანია,  
გულს ნალახვრს, ჩამოდაგულსა  
დაპყრათ ცრემლთა ცვარნია.  
(„წაილილი“).

2. არ დაივიწყა სამშობლომ  
შენი მის ბედზე ტირილი,  
მედგარი სულის კვეთება,  
შაებედობაზე ჩივილი,  
დაუშრეტელი ნაღველი,  
წყრომა და გულის ტკივილი,  
მადლი შენს თანამოძმეთა,—  
მიწა გახილეს მშობელი.  
შენი სატრფო და სადარო,  
გულს ლახვარ-დამასობელი.  
(„ნიკოლოზ ბარათაშვილის ნეშტს“)

3. ვინ ანლო ცხენსა აბჯარი,  
ფრანგული მელანქრიანი?!  
ან ეგ სამეფო გვირგვინი,  
ზურმუხტალმასის თვლიანი?  
წყლის პირს მხედარიც გამოჩნდა,  
მოხუცი ცხერის ტყავიანი.  
(„დანაბარები“)

4. რა მოსდრეკს წარბ-დარბრულულსა,  
ქედ-ჩაყანგებულ მთასაო,  
(„სტუმარ-მასპინძელი“)

5. ეულიც შენია, ლეშიცა,  
ულვაშიც შელერებული.  
ვერ გავცვლი მაინც სხვაზედა  
ბედისგან გახელებული.  
შენს ყოფნას ვანდობ თვალებსა,  
ვდარაჯობ გამკვლებული!  
(„ქებათა-ქება“)

და სხვა ამგვარი აურაცხელი ემოციური, სურათოვანი ღრმა ლირიზმის  
გამომხატველი ეპითეტია ვაჟა-ფშაველას შემოქმედებაში სხვა პოეტურ  
თქმებთან ნიჭიერადა და ორიგინალურად შეერთებული, რაც მკითხ-  
ველს თავისი სიახლით, სიღრმითა და სიფართოვით, სიმკვეთრითა და  
მიწიზიდველობით აძლევს მაღალსა და სრულ ესთეტიკურ განცდას.<sup>2</sup> ნი-  
მუშთა რიცხვი ადვილი იყო საგრძნობლად გაგვედიდებინა, მაგრამ  
მოყვანილიც, ვფიქრობთ, საკმარისია.

\* \* \*

ვაჟა-ფშაველას შემოქმედება, აგრეთვე, მდიდარია თავისებური,  
ორიგინალური მეტაფორებითაც. მეტაფორაც ხომ ერთ-ერთი მძლავრი  
საშუალებაა, როგორც პოეტური ენის გამდიდრებისათვის, ისე, და გან-  
საკუთრებით, როგორც ერთ-ერთი საუკეთესო პოეტური ხერხი მეტ-  
ყველების სურათოვნებისა და ემოციურობის გამახვილებისათვის.

ცნობილია, რომ ყოველი ენის არსებული მარაგი მეტად ღარიბია  
მოვლენათა თუ საგანთა სხვადასხვა ნიუანსთა ზუსტ გამოსახატავად.  
ხშირად ჩვეულებრივი განცდების გამოთქმაშიც კაცი მტკივნეულად  
განიცდის „სიტყვის ტანჯვას“ („а:чужа с.т.об.“), როცა მას თავისი გრძნო-  
ბის თუ აზრის სისრულის გამოსახატავად სიტყვის მარაგი შემოაკლდე-

<sup>2</sup> ერთგვარი გულისტკივილით გვინდა აღვნიშნოთ, რომ შრომის მოცულობის გა-  
დიდების მიზით, ვაჟა-ფშაველას ამ და სხვა ქვევით ნაჩვენები მხატვრული თვისებების  
დამადასტურებელი ნიმუშების რიცხვი ძალიან შევამცირეთ.

ბა ხოლმე. ამგვარი ტანჯვა მით უფრო მძიმეა და მწვავე პოეტისათვის, განსაკუთრებით პოეტური ქმედების პროცესში.

ამ ტკივილს საკმარისად ანულებს მეტაფორა, ე. ი. სიტყვის გამოყენება არა მარტო მისი პირდაპირი მნიშვნელობით, არამედ აგრეთვე გადატანითაც — მსგავსების საფუძველზე. მაგალითად: მახვილი, ე. ი. მკრელი, აქედან სხვადასხვა მნიშვნელობით მისი გამოყენება: მახვილი ხმალი, მახვილი ენა, მახვილი თვალი, მახვილი ყური, მახვილი ნიჭი, მახვილი კალამი და ა. შ.

რაც არაჩვეულებრივ სწრაფი, უშუალო და მკვეთრია მსგავსების შეგრძნების შესაძლებლობა საგანთა თუ მოვლენათა შორის და რამდენადაც ეს მსგავსება ადამიანს აოცებს, იმდენად მეტაფორაც მკვეთრი, სურათოვანი და ემოციურია, იმდენად ის ძლიერი, დამაჭერებელი და გამართლებულია, იმდენად ის მძლავრი ესთეტიკური შთაბეჭდილების მომხდენია.

მეტაფორების მოთხოვნილებაც ძველთაგანვე მწვავედ იგრძნობოდა. ძველთაგანვე ხალხურ ზეპირსიტყვიერებაში ხშირია მეტაფორის გამოყენების შემთხვევები. ღრთა განმავლობაში მეტაფორებიც, ცნობილია, კარგავენ სურათოვნებას, ემოციონალობას, ისინიც ცვდებიან. ისინი მხოლოდ გონებისათვის რჩებიან პირობით ნიშნად, გრძნობაზე მოქმედების ძალას კარგავენ, წარმოსახვას აღარ ამოქმედებენ. მაგალითად: წყარო — დასალევი, ისტორიული წყარო, შემოსავლის წყარო, კვლევის შესწავლის წყარო, ან თუნდაც რკინის გული და ა. შ.

მწერლის ღირსებას წარმოადგენს არა გაცვეთილი, მობეზრებული მეტაფორების გამოყენება; ან თუნდაც გაცვეთილი მეტაფორების ვადახალისება ახალი სიტყვების მიმატება-გადასხმით ან გრამატიკული ფორმების შეცვლით, რათა მეტაფორა დაუახლოვდეს თავის დაკარგულ მნიშვნელობას, არამედ ამა თუ იმ ცნების გამომხატველი გაცვეთილი მეტაფორის მაგიერ ახალ მოვლენათა შორის მსგავსების საფუძველზე ახალი შესატყვისი-მეტაფორის შექმნა, რომელიც მანამდე პოეტურ ენაში არ იყო შემოსული. სწორედ ასეთი მეტაფორა აცხოველებს ემოციას, საგანს თუ მოვლენას აძლევს სახეობას, სურათოვნებას, სიახლეს, მიმზიდველობას. ამიტომაც, მეტაფორის განახლება, გადახალისება და, განსაკუთრებით კი, ახალის შექმნა, უდავოდ, პოეტური ენისა და თვით პოეტის ძალისა და სიმდიდრის მაჩვენებელია.

ასეთი მეტაფორის, ახალის გარდაქმნის გზით მიდის ვაჟა-ფშაველას პოეტური ნიჭის გაშლა. ვაჟა-ფშაველა არაჩვეულებრივი ნიჭიერებით ეუფლება მეტაფორასაც. მრავალფეროვანი, გავრცელებული და მოკლე მეტაფორა მთელ მის შემოქმედებას დიდი სიუხვითა და მიმზიდველობით ავსებს; მკითხველიც განცვიფრებაში მოდის, როცა ვაჟა-ფშაველას შემოქმედებას ამ თვალსაზრისით იხილავს, გიძნელდებათ თქვათ,

რომელი მეტაფორა რომელზე უფრო მძლავრია, რომელი რომელსა სჯობს.

ნიმუშისათვის მოვიყვანოთ რამდენიმე:

- |  |  |
|--|--|
| 1. გალესეს ჳირის შუბები,<br>ზედ მი დამავეს ტარადა.<br>(„ქებათა-ქება“)  | ამგვარ საქმელის კეთებას<br>დიდი სდომნია ჭაფაო.<br>(„დავით გურამიშვილის ხსოვნას“)   |
| 2. შშორდება, თუ რამ ქვაზედა<br>ან გულზე ჟანგი მდებოდა...<br>გული ამგერდა სჯეა რივად:<br>ვნახე ზამთარი კვდებოდა.<br>(„გაზაფხული“) | 5. ზღვა ბობოქრობდა, ტალღები<br>ვით მთები მთებზე სხდებოდა,<br>ფაფარსა სცივდა ცის სივრცეს,<br>ძირს დედამიწა სჯდებოდა.<br>ვინ გააჯავრა, არ ვიცო,<br>არ ვიცო, რაზე სწყურებოდა.<br>(„ადამიანი“) |
| 3. ვეფხესა დააცვდა კლანჭები:<br>ბაკურმა დაიძინაო...<br>(„ბაკური“)  | 6. ნისლი ფიქრია მთებესა,<br>იმათ კაცობის ვეირგვინი...<br>(„ბახტრიონი“)   |
| 4. შენის ცრემლებით მოეხარშე<br>ჩემის გრძნობების ფაფაო,   |  |

მოყვანილი და სხვა მრავალი ამგვარი ორიგინალური, გაბედული, ახალი დამატყვევებელი მეტაფორა ალამაზებს, ამღიდრებს, აძლიერებს ვაჟა-ფშაველას ისედაც მდიდარ, მიმზიდველ შემოქმედებას და პოეტის დახვეწილ აზრსა და გრძნობას მკითხველის შეგნებაში დიდი მიმზიდველობით, თანაგრძნობითა და ენერგიულობით სქედავს.



ვაჟა-ფშაველას მიერ აგრეთვე ნიჟიერადაა გამოყენებული ხალხური პოეზიისათვის მეტად დამახასიათებელი პოეტური ხერხი — განპიროვნება ანუ პერსონიფიკაცია, რომელიც მის შემოქმედებაში მალალ პოეტურ მწვერვალზეა აყვანილი.

განპიროვნება ანუ პერსონიფიკაცია თავისებური სახეობაა მეტაფორისა, ვინაიდან განპიროვნებაც იქმნება მოვლენათა თუ საგანთა მსგავსების საფუძველზე, ხოლო ერთი არსებითი შეზღუდვით — ცოცხალი არსების (ხშირად ადამიანის) თვისებები მიეწერება ბუნების მოვლენებს.

განპიროვნების მოთხოვნილებასა და გავრცელებას ღრმა საფუძველი აქვს ადამიანის მიღრეკილებაში ანიმიზმისადმი, ე. ი. არაორგანული და ორგანული ბუნების მოვლენების განპიროვნებისადმი. ამგვარ მოთხოვნილებას განსაკუთრებით ნოყიერი ნიადაგი აქვს ხალხთა ცხოვრების დაბალ საფეხურზე. ამიტომაც ხალხურ ზეპირსიტყვიერებაში დაბალ საფეხურზე მცხოვრებ ხალხის ყოფა-ცხოვრებაში ფართო ადგილი აქვს განპიროვნების განვითარებას, არსებობას.

მართლაც, ნაკლებ განვითარებული ფანტაზიაც კი ადვილად განიცდის ილუზიას ბუნების უსიცოცხლო საგნებში, მათ მექანიკურ პროცესში დაინახოს სიცოცხლე და აზრი.

პოეტური განპიროვნება იქმნება ბუნების მოვლენათა მოძრაობის, ფორმის, ხმის, ფერების და სხვათა მკვეთრი მსგავსების საფუძველზე. ბუნების მოვლენათა მოძრაობა, ხმა და ა. შ. იწვევს სიცოცხლის ილუზიას, გვევლინება როგორც თვითნებური, შეგნებული მოქმედება, რომელშიც მონაწილეობას იღებს ნებისყოფა, სურვილი, მიზანდასახულობა.

ბუნების მოვლენათა განპიროვნებულნი განსახიერება ვაჟა-ფშაველას შემოქმედებაში, გარდა ხალხური ზეპირსიტყვიერებისა და მისი ყოფაცხოვრების გავლენისა, უდავოდ, მგოსნის პანთეისტური მსოფლგაგებით უნდა აიხსნას. ვაჟა-ფშაველას შეგნებაში ეს ორი გავლენა — ხალხური ანიმიზმისა და ფილოსოფიური პანთეიზმისა თავისებურად გადაიკვანდა და მის პოეტურ შემოქმედებაში ორიგინალურად განსახიერდა.

განპიროვნება, გასულიერება არაორგანული და ორგანული ბუნების არასულიერი მოვლენებისა ვაჟა-ფშაველას შემოქმედებაში მრავალფეროვნადაა განსახიერებული:

1) ბუნების მოვლენებზე გადატანილია ცოცხალი არსების გარეგნული იერი, ფორმა; მათი მდგომარეობა გამოხატულია, როგორც თვითნებური მოძრაობის, დაბადების, სიკვდილის, ურთიერთობის პროცესის ნიმუშისათვის:

1. ხევებში ჩაწვა ნისლები,  
განზედ დაყრილან მთანია,  
ერთ-ერთზე მიქაღლებულნი,  
როგორც ერთგულნი ძმანია.  
(„მთათ ძილი“)

2. მთებს ჩაუცვიათ შავები,  
კმუნეთ დასცქერენ ხევებსა:  
ციეს ნიავს შესთავაზობენ  
უფსკრულს მოარულს დევებსა;  
ტყისთვისაც ძაძა ჩაუცვამს  
სიბნელეს დანატევებსა!  
(„ღამე მთაში“)

3. გორით-გორს ბუვი გასძახის,  
თრთიან ყვავილნი მთებისა,  
ქოჩორს უვარცხნის ნიავი,

დარაჯად დაადგებისა.  
მითამ იციან ღველუვი,  
რად არ ჰყეფს ჯოგი მგლებისა?!  
(იქვე)

4. ჭაქვად გადაბმულთ, მხარ-ბეჭ  
მიყრდნობილთ  
ერთი სიზმარი ეზმანათ მთათა;  
ერთი ნაღველი და ერთი ფიქრი  
ამ მოჩვენებამ აღუძრა მათა.  
(„მთების სიზმარი“)

5. ჩამოიწყვიტეს მთებმა საკინძი,  
ჩამოგლიჯეს ჩოხების კალთა.  
რა დაესიზმრათ, ნეტავ, ისეთი,  
რომ ასე გაწყრენ, ასე აშფოთდენ?  
(იქვე)

და მრავალი სხვა ამგვარი ნიმუშითაა შეფერადებული ვაჟა-ფშაველას პოეტური მეტყველება.

2) განპიროვნებით მცენარეებსა და არაორგანული ბუნების საგნებს ვაჟა-ფშაველა მიაწერს სულიერი საგნის რთულ ცხოვრებას: სხვადასხვა გრძნობას, სიყვარულს, აზრს, მისწრაფებას, მორალს და სხვ.

პოეტი მცენარეთა და არაორგანული ბუნების საგნებს აგრეთვე აღჭურავს ადამიანის სულიერი ცხოვრებისა და მისი მეტყველების გაგების ნიჟითაც, რაც შესაძლებლად ხდის ადამიანსა და ბუნების მოვლენათა შორის დამყარდეს მრავალმხრივი ურთიერთობა.

ნიმუშისათვის:

1. ხეებზე მოჰყვებს ღვარია;  
აქით არაგვი აყვირდა,  
იქით ბანს აძლევს მტკვარია,  
არ მოეწყინა ამათა  
ჭ ა ვ რ ბ ა შ ე ს ა ზ ა რ ი ა .  
იმ ალაზანსაც შეესმის  
ძმით ბრძოლა მცხეთის კართთა,  
ისიც წინ მოეგებება,  
წვერ-ბასრის შუბის ტარითა.  
ამძიმებს იმით სიფიცხეს  
თავის ტალღების ღვარითა.  
მთას იქით მოსთქვამს რიონი  
გაშიშვლებულის ხმალითა...  
რა ძლიერ მოსწყურებია  
თქვენი დანახვა თვალითა!...  
იყურთხოს თქვენნი ერთობა  
სამის სამების ძალითა!  
(„გაზაფხული“)

2. იბრძვის ღრუბელი გულ-შმაგად,  
თუშც არსითა პჩანს წამალი;  
უფრო შეედება, რომ იმით  
მზეს გზა ურთოს სავალი.  
(„შავი ღრუბელი“)

3. ის, ბნელს ხეში მოსულსა,  
ღიღი ქანდრები ჰქარავდა,  
ეწადა ღიღხანს სიციცხლე,  
წადილს აღარა მძალავდა:  
ინაბებოდა, ჰკრთებოდა.  
მზის სხივს ელოდა მალღითა;  
შეჰფოფინებდა სამყაროს  
გამტერებულის თვალითა.  
(„უნუგუმო ყოფნა“)

4. ქარი ქეთინებს... ღრუბელსა  
ზარი თქვეს შესაზარები.  
გული ვერ მოუფხანათ,  
ცრემლი სდით ალაზნინანი;  
ჩარეცხეს, ჩაალამაზეს  
მთების გულ-მკერდი კლდიანი.  
გაციცხლდა, ცას ეშუქრება  
ღრმა ღელე, წყარო-ფშანი.  
გადაიკრიფენ ღრუბელნი  
ქუჩი გაწირეს ცვრთანი.  
(„ბახტრიონი“)

აღნიშნული და სხვა ამგვარი ნიმუში მრავლადაა მიმობნეული ვაჟა-ფშაველას შემოქმედებაში. უნდა აღინიშნოს, რომ განპიროვნებულ სახეები პოეტს მრავალ შემთხვევაში გამოყენებული აქვს როგორც პოეტური ალეგორიები და სიმბოლოები თავისი დროის საზოგადოებრივი მოვლენებისა, რომელთა შესახებ პირდაპირ ლაპარაკი სახიფათო იყო პოლიტიკური მდგომარეობის გამო და პოეტიც სარგებლობდა ნიჟიერი ზემოქმედი ალეგორიებითა და სიმბოლოებით.

3) ვაჟა-ფშაველას უყვარს და ის ხშირად ნიჟიერად ახერხებს კიდევ ბუნების განსახიერებელი — განპიროვნებული მოვლენით თუ საგნით მკითხველს ცოცხლად გააცდევინოს სტიქიური მსოფლიო, კოსმიური ძალა.

1. ცაზე ჰყვავიან ღრუბელნი,  
ზნის სხივებს ჰსვამენ დღითა.  
.მთებს აუხსნიათ პირბაღე  
შვილებით, შვილი-შვილითა;  
გულგრილად იცქირებთან  
გაუმაძლარნი ძილითა;  
ქათიბს უღუქავს ნიავი  
ბროლ-მინანქარის კბილითა.  
ერთმანეთს გადაჰხვევიან  
შალშავ, იონჯა წბილითა.  
უკვდავებასა სთესავენ  
ირგვლივ ყვავილნი პირითა.  
(„სისხლის ძიება“)
2. ბუნება მბრძანებელია,  
ოგი მონაა თავისა.  
ზოგჯერ სიკეთეს იხვეჭავს,  
ზოგჯერ მქნელია ავისა;  
ერთდფრად მტვირთველი არის

საქმის თეთრის და შავისა;  
საცა პირიმზეს ანარეზს,  
იქვე მოხრელია ზვავისა...  
მაინც კი ლამაზი არის,  
მაინც სიტურფით ყვავისა!  
(„ღამე მთაწი“)

3. იეიურბინდა, ცისკარი  
სულს ჰღვეს, თანდათან ჰქრებოდა,  
ნეტავი ყველა ლამაზსა  
ესრე სიყვდილი ჰხედებოდა.  
(„ბახტრიონი“)
4. დაბნელდა, წყალნი ტირიან,  
კალთა გვეხურვის ღამისა;  
დროა ვარსკვლავთა ჟივ-ჟივის,  
მცერევა ბალახზე ნამისა,  
მკვდართ სულთ საფლავით გამოსვლის,  
დრო მათ სიმღერის წყნარისა.  
(„ალულა ქეთელაური“)

და კიდევ სხვა მრავალი ამგვარი ნიმუშია ვაჟა-ფშაველას შემოქმედებაში, რასაც პოეტის განცდა და აზრი ფილოსოფიურ სიმაღლემდე აჰყავს.

4) მაგრამ, ვაჟა-ფშაველა აღნიშნული მდიდრად დართული პოეტური განპიროვნებითაც არა კმაყოფილდება. ის მოვლენათა შორის შენიშნულ მსგავსებათა საფუძველზე მიღებულ შთაბეჭდილებას პოეტური ფანტაზიის მეოხებით ავითარებს და ბუნების მოვლენებს თუ საგნებს გაამთლიანებს ბუნების მთლიან უნივერსალურ ცხოვრებაში, ამ მოვლენებს აღჭურავს აზროვნების, განცდის, საუბარ-მეტყველების ნიჭითა თუ უნარით, როგორც ეს ადამიანისათვისაა დამახასიათებელი.

ვაჟა-ფშაველა ბუნების ამა თუ იმ მოვლენას აღნიშნული თვალთახედვით რომ განსჭკრეტს, მრავალფეროვან და მრავალშინაარსიან განცდას რომ მიაწერს, მას ამ განცდებს წარმოათქმევიანებს მთელი ღრმა ფილოსოფიური ტირადის საშუალებით. ასეთს განპიროვნებას, როგორც ცნობილია, ეწოდება სრული განპიროვნება.

ვაჟა-ფშაველამ სრული განპიროვნების გამოყენების საფუძველზე ქართულ ლიტერატურაში შემოიტანა ახალი ჟანრი, ე. წ. განწყობილების მოთხრობა თუ ნოველა („მთის წყარო“, „ბუნების მგოსნები“, „ხმელი წიდელი“, „ქუჩი“, „ფესვები“, „შვლის ნუკრის ნაამბობი“, „ია“ და სხვ.).

შემოქმედების ასეთი ხერხი იძლევა ბუნების მთლიანი სიცოცხლის განცდის ილუზიას, რაც მკითხველში დიდ ემოციონალობას იწვევს. განწყობილების მოთხრობა თუ ნოველა მკითხველში ამახვილებს

სიყვარულის, თანაგრძნობის, სიხარულის, შებრალების გრძნობას. სრული განპიროვნების უნარის ნაწარმოები საერთოდ მწერალს და კერძოდ ვაჟა-ფშაველას საშუალებას აძლევს განსახიერებელი საგანი თუ მოვლენა წარმოგვიდგინოს, როგორც ინდივიდუალური პიროვნება, როგორც მთის წყარო, ქუჩი, ფესვები, ია და სხვ. ამგვარი სრულ განპირობებით ვაჟა-ფშაველა უფრო მკვეთრად აგრძნობინებს მკითხველს ბუნების მოვლენაში რაღაც უნივერსალურს, კოსმიურს.

ნიმუშისათვის კარგი იყო მოგვეყვანა მთლიანად ერთი მაინც რომელიმე განწყობილების მოთხრობა, მაგრამ, ვფიქრობთ, ნაწყვეტიც საკმარისად აგრძნობინებს მკითხველს ამ პოეტური საშუალებით გამოწვეულ დიდ ემოციონალობასა და განცდის დიდ სიღრმე-სიგანეს.

მოვიყვანთ ნაწყვეტს მოთხრობიდან „მთის წყარო“:

„არაფერი ცოდვა არ მიქნია ჩემს სიცოცხლეში. ვერც ერთი სულიერი, თუნდ უსულო, ჩემს ცოდვას, ჩემს სიავეს ვერ იტყვის. ღმერთს ესე დაუწესებვიარ: უნდა ვიღინო, ვიღინო; ყველამ ჩემით უნდა მოიკლას წყურვილი. გახურებულს ზაფხულის დღეში რამდენი ნადირი მოდის, სვამს ჩემს წყალსა, რამდენი დაღალულ-დაქანცული გეშა მოვა, მოიტანს ცელს, ნამგალს გასალესად. კაცნი მსმენ და ათასში ერთი თუ იტყვის: „დაილოცე, ცივო მთის წყაროვ, რომელი ღვინო შეგედრებაო?“ უმრავლესობა ზედ მაფურთხებს. რა ვქნა, მე ვერავის მივაფურთხებ. დეე, ისევე მე მაფურთხონ! რა ბედნიერადა ვგრძნობ ჩემს თავსა, ღმერთო! რა კარგი მეგობრები მყვანან გვერდსა! აი ჭერ ეს ლოდები, სქლად მწვავე ხავსი რომ გადაჰკვრიო; აი კიდევ ჩემს თავზედ პირყვითელი კლდე რომ დაყუდებულა და დამცქერის, მეხურება თავზე მუზარადივით. ეს დევებივით ქორაფები როგორ აწვილან ზეცად და მზის სხივსაც არ უშეებენ ჩემამდის! სქელი, გველებივით დაკლანილი ფესვები ჩემს უბე-კალათაში ჩაუწყვიათ. ორისა თუ სამის ვერსის სიგრძეზე ვარ მხოლოდ ბედნიერი და უცოდველი, მერე დამლევს, ჩამთქავს უზარმაზარი მდინარე, დაიკარგება ჩემი სახელი, ჩემი ვინაობა. როგორც უნდა, ისე მათაძაშებს. თითონ ხომ ღრალებს, ბორგავს, აწყდება აქეთ-იქით, ანგრევს დედამიწას, გლეჯავს ხეებსა და მიათრევს, მეც იმასვე ჩამადნინებს. მაგრამ მაშინ მე ის აღარა ვარ, რაც ეხლა, ამ წამში, როდესაც პირველად კლდიდამ ვიბადები. ოჰ, ამ მდინარისაგან გული მაქვს გახეთქილი! რამდენჯერ აქ მესმის ხოლმე ხალხის ჟივილ-ხივილი: „დაარჩო წყალმა კაცი, უშველეთ, ღმერთი არავის გწამსთო!“ ცოტა არ არის, მეც ბრალი მედება. ვაჰ, ჩემო თავო! [ეტაჟი დამბადებელს ესე არ დავეწესებინე და სულ დაუსრულებლად მეღინა, მერწყო მცენარენი, დედამიწის ლამაზი გული, მომეკლა კაცთა და ცხოველთათვის წყურვილი“ და სხვ.

აქ მკვეთრად, სრულადაა მოცემული ბუნებრივი ილუზია. მთის წყარო მოცემულია, როგორც ცოცხალი არსება, როგორც პიროვნება — ადამიანი თავისი შინაგანი მდიდარი ჰუმანური განცდებისა და მისწრაფებების სამყაროთი. ასევეა „ქუჩი“, „ფესვები“, „მთანი მაღალნი“ და სხვ.

მოყვანილი ნაწყვეტიც იმდენად ტიპურია ვაჟა-ფშაველას შემოქმედების ამ უნარის ნაწარმოებთათვის და, ვფიქრობთ მკითხველისთვისაც დამაჯერებელია, რომ ზემოაღნიშნული ჩვენი დებულებებისათვის დასამოწმებელ სხვა ნიმუშებს აღარ მოვიყვანთ.

გვინდა მხოლოდ ზაზგასმით აღვნიშნოთ, რომ თუ ხალხურ შემოქმედებაში განპიროვნება ხშირად გამოყენებულია მარტივი სახით, ვაჟა-ფშაველას შემოქმედებაში, როგორც მოყვანილი ნიმუშებიდანაც შეიძლება დავრწმუნდეთ, განპიროვნებაც შეუდარებლად გართულებულია, დახვეწილია, მრავალმხრივი მთლიანი შთაბეჭდილებისა და განცდის მომცემია, ხშირად განპიროვნების აღნიშნული სხვადასხვა საშუალებები კომბინირებულადაა გამოყენებული, რაც ვაჟა-ფშაველას პოეტურ სტილს დიდ თავისებურებასა და ორიგინალობას აძლევს.



ვაჟა-ფშაველასათვის, აგრეთვე, დამახასიათებელია ხალხურ ზეპირსიტყვიერებაში გავრცელებული პოეტური შედარების გამოყენებაც. რაც მან თავის შემოქმედებაში აგრეთვე განვითარების მაღალ საფეხურზე აიყვანა.

შედარებაც ძირითადში აღმოცენებულია და განვითარებული იმავე ფსიქოლოგიურ საფუძველზე, რომელზედაც მეტაფორა და განპიროვნება — ორი საგნისა თუ მოვლენის მსგავსების საფუძველზე. მაგრამ მათ შორის არსებითი განსხვავებაც არის. თუ როგორც მეტაფორაში, ისე განპიროვნებაში მოცემული გვაქვს ილუზიური გაერთიანება ერთს სახეში ორი მსგავსი საგნისა ან მოვლენისა, — შედარებაში ასეთს გაერთიანებას, შერწყმას ადგილი არა აქვს. პირიქით, შედარებაში ორი საგანს გამუდმებით ვაცალკევებთ, ერთმანეთს კი არ ვუერთებთ, არამედ ვუპირისპირებთ, ვადარებთ. მათ ჩვენ ვჭვრეტთ, თუმცა ერთდროულად, მაგრამ აუცილებლივ განცალკევებულად. „В метафоре, — წერს ა. შალიგინი, — больше пылкости воображения, в сравнении больше обдуманности, вдумчивости, отчётливости, созерцательности“<sup>3</sup>. მართლაც, შედარება, გარდა მეტი ჩაფიქრებისა და სიცხადისა, მეტ ცოდნას და თუნდაც გარკვეულ ზუსტ ცოდნასაც თხოულობს, ვიდრე მეტაფორა, ან თუნდაც განპიროვნება.

<sup>3</sup> А. Шалигин, Теория словесности, გვ. 71.



შედარებაში, ჩვეულებრივ, ორი ნაწილია, ორივე სათანადოდ გამოკვეთილი: რა არის შედარებული და რას ვადარებთ მას. შედარება გულისხმობს უცნობი, ახალი, ძნელად გასაგები განცდა თუ წარმოდგენა საგნისა ან მოვლენისა დააძლევინოს ნაცნობი მოვლენის ან საგნის საშუალებით მათი შედარების გზით. შედარების ზემოქმედება იმაში მდგომარეობს, რომ საგანს (უცნობს), შედარებულს მეორესთან (ნაცნობთან), ნათელი ეფინება მეორე საგნის საშუალებით; თითქოს, მეორე საგნის (ნაცნობის) თვისებები გადადის პირველზე.

მაგალითად:

რამ გაგაჩინა, ქალო,  
ლერწმად აკრილო წელშია.  
(„სიმღერა“)

მკითხველს თვალსაჩინოდ, კონკრეტულად რომ აგრძნობინოს ქალის მოხდენილობა, მისი სხეულის სისუბუქე, გრაცია, სინაზე, ვაჟა-ფშაველა მას ადარებს ყველასათვის კარგად ნაცნობს მცენარეს — ლერწმს.

ერთი საგნიდან მეორეზე შეიძლება გადატანილ იქნას არა ერთი თვისება ან ნიშანი, არამედ რამდენიმეც, რაც შედარების გაღრმავება-გაფართოების შესაძლებლობას იძლევა.

მაგალითად:

თითო ისეთი მოჩანდა,  
როგორც ვეშაპი ცხენზედა,  
ზავთი იმათი ზღვას ჰკვანდა,  
კლდე უყელყელვებს მკერდზედა.  
(„მეფე ერეკლე“)

ვაჟა-ფშაველა ამ მოკლე შედარებით მკითხველს აგრძნობინებს ერეკლე II დროის ქართველ მეომართა ფიზიკურ ძალასაც, სილამაზესაც, სიმტკიცესაც, სიდიადესაც. აქ, ამ შედარებაში, მოხდენილადაა შერწყმული ჰიპერბოლაც — გაზვიადების ელემენტი, რაც ვაჟა-ფშაველას პოეტიკისათვის მეტად დამახასიათებელია და რაც მთლიან მხატვრულ და ზუსტ შთაბეჭდილებას კი არ ანელებს, ან კი არ ბღალავს, არამედ უფრო აძლიერებს, ამახვილებს, მეტი ზემოქმედების ძალას აძლევს.

ამასთან ერთად, შედარება, როცა ერთი საგნის თვისება მეორეზე გადაგვაქვს, მკითხველში თუ მსმენელში იწვევს მოთხოვნილებას შედარებას გულისყურით ჩაუფიქრდეს, რადგანაც შედარებაში, გარდა გარეგნულ თვისებათა მსგავსებისა, გადატანილია მსგავსება აზრისა, იდეისა.

მაგალითად:

მშენლის გულსა ჰქარ მალამოდ  
სიტყვა მართალი, წყლიანი.  
ადულე გრძნობა. ადულე,  
ჰკვა იქნას დავლათიანი.  
(„მგოსანს“)

აქ მარტო სიტყვის ძალა, გავლენა, მნიშვნელობა კი არაა შედარებული მალამოს ამგვარვე თვისებებთან, არამედ ამ შედარებაში აგრეთვე გვესმის მძლავრი მოწოდება ადამიანისადმი (განსაკუთრებით მწერლისადმი) აუცილებლივ ძლიერად დახვეწოს გრძნობა და გონება, რათა კაცმა აზრიანი, სასარგებლო, საჭირო მუშაობა აწარმოოს, რითაც ის შეძლებს თავის დანიშნულების გამართლების და დაკმაყოფილების გრძნობის განცდას.

შედარება არა მარტო აცხოველებს ენის სურათოვნებას, არამედ აგრეთვე, როგორც სხვა პოეტური საშუალებებიც, მკითხველში დიდ ემოციასაც იწვევს. შედარება მაშინაა გამართლებული, როდესაც საგანი თუ მოვლენა, რომელსაც მწერალი უცნობს, ახალს საგანსა თუ მოვლენას ადარებს, მკითხველისათვის კარგადაა ნაცნობი, წინააღმდეგ შემთხვევაში მკითხველი ადვილად ვერ გაიგებს ახალი საგნის თუ მოვლენის არსს; სათანადოდ ვერ გაიგებს, ვერ იგრძნობს შედარების პოეტურ მარილს.

მომდენილი შედარებები ვაჟა-ფშაველას შემოქმედებაში უხეადაა მიმობნეული. ნიმუშისათვის მოვიყვანოთ რამდენიმე:

- |  |  |
|--|--|
| 1. ცა ვაიბურვის ნისლებით,<br>როგორც მურით და ლაფითა.<br>(„დაუსრულებელი კენესა“)  | როგორაც ალყა ტანადა,<br>ვარსკვლავი ციღამ მოცილილი.<br>(„სტუმარ-მასპინძელი“)  |
| 2. მთელი სიტურფე ქართლისა<br>იმას ესვენა მხრებზედა,<br>როგორაც შუქი მთვარისა<br>იალბუზისა ქედზედა.<br>(„მეფე ერეკლე“)                  | 5. ბეწვს იშლის ბრაზმორეული,<br>როგორაც ვეფხვი — თმასაო,<br>საკირის ცეცხლი ეღება<br>სამსხვერპლოს ვულის-თქმასაო.<br>(იქვე) |
| 3. როგორც ქვას, ცრემლი არ მოსდის,<br>გული თუმც სტკივა მწარედა,<br>გულშივე ჰხარშავს ნალველსა,<br>არ გამოაჩენს გარეთა.<br>(„ჭირისუფალი“) | 6. ლომია, უფალსა ვფიცავთ,<br>სწრაფი, ვით ეღვა-ქარია,<br>ჰშვენოდა, ძიობამ, ვაჟაცსა<br>დაზარნიშული ფარია.<br>(„ბახტრიონი“) |
| 4. გამოჩნდა ქალი ლამაზი,<br>შავის ტანსაცმლით მოსილი,   | 7. ისრ შვენის ცხენზე, ვით ველზე<br>გაზაფხულისა ყოილი.<br>(იქვე)  |

და კიდევ მრავალი სხვა ამგვარი შედარებითაა ვაჟა-ფშაველას ლალი პოეზია შემკობილი.

ვაჟა-ფშაველას შემოქმედებაში აგრეთვე ნიჭიერადაა გამოყენებული ხალხურ ზეპირსიტყვიერებაში გავრცელებული ერთ-ერთი მნიშვნელოვანი პოეტური ხერხი — ჰიპერბოლა. ჰიპერბოლას, როგორც ცნობილია, მწერალი მიმართავს მაშინ, როცა მას სურს მკითხველში შთაბეჭდილება გააძლიეროს, რათა საგანზე თუ მოვლენაზე მკითხველს უფრო მკვეთრი შთაბეჭდილება და მკვეთრი და სწორი წარმოდგენა შეუქმნას.

ჰიპერბოლის საშუალებით მწერალი დროსა და სივრცეში საგანსა თუ მოვლენას ხატავს არაჩვეულებრივი გაზვიადებული, გრანდიოზული (გადიდებული თუ შემცირებული) თვისებებით, განსაკუთრებული ზომისა და ძალის შემცველად. ჰიპერბოლის საშუალებით მწერალი მკითხველის შთაბეჭდილებას აქტუალურად ჰიმავს, მიღებულ ემოციას მძლავრად აცხოველებს, ამძაფრებს.

ჰიპერბოლა მაშინაა გამართლებული, როცა ის მკითხველს სინამდვილეს კი არ აშორებს, არამედ ხელს უწყობს სინამდვილე ინტენსივობით, სიმკვეთრით ახლო და ზუსტად განიცადოს და გაიგოს: როცა საგნისა თუ მოვლენის ხილვითა თუ განცდით ზომაზე მეტად აღტაცებული, განცვიფრებული თუ აღშფოთებული მწერალი ჰიპერბოლის საშუალებით ახერხებს მკითხველშიც გადაიტანოს თავისი განწყობალება და მასშიც სწორი რეაქციებიანი განცდა და გაგება გამოიწვიოს.

ჰიპერბოლა საგნისა თუ მოვლენის ძალისა თუ თვისების გრანდიოზულობას სამი სახით გამოხატავს — განფენილობისა, რიცხვისა და ინტენსივობის მიხედვით. ყველა სახის ჰიპერბოლას მიზნადა აქვს ავტორის პირადი აღფრთოვანება თუ აღელვება, თანაგრძნობა თუ უარყოფა, სიყვარული თუ სიძულვილი და ა. შ., გამოხატოს, გადასდოს მკითხველსაც.

ამ გაგებითა და მიმართულებით ხმარობს ვაჟა-ფშაველაც ჰიპერბოლას, როგორც პოეტურ ხერხს.

ვაჟა-ფშაველამ, რა თქმა უნდა, ქართულ ხალხურ ზეპირსიტყვიერებაში გავრცელებული ჰიპერბოლა კარგად აითვისა და თავის შემოქმედებაში გამოიყენა კიდევ. მაგრამ მან ეს ხალხური შემოქმედების პოეტური ხერხიც უცვლელად, გადაუმუშავებლად კი არ მიიღო, არამედ ხალხურ შემოქმედებასთან შედარებით მან ეს სტილიური ნიშანიც თავის შემოქმედებით ქურაში გადაადულა, გაინდივიდუალურა, განავითარა და რთული პოეტური შემოქმედების მწვერვალზე ააყვანა. ჩვეულებრივ ჰიპერბოლა ვაჟა-ფშაველას შემოქმედებაში გამოყენებულია არა მარტივი სახით, არამედ ის გაერთიანებულია სხვა სტილიურ ნიშნებთან (შედარება, მეტაფორა და სხვ.), რაც ქმნის მეტად რთულ, მკვეთრად შთამბეჭდავსა და მიმზიდველს სურათს.

## ნიმუშისათვის მოვიყვანთ რამდენიმე მაგალითს:

1. ხუზაურ გოგოლაური  
შავარდენივით ჩქარია,  
იანვარ ელისბარის-ძე  
გორის მდრეკელი არია,  
სუმელჯი სუმელჯიშვილი —  
ამომავალი მთვარია.  
(„გალაშქრება ლაშარის-ჭვრის დრო-  
შებით“)
2. იმატებს ტანჯვა? უწყიდღე,  
ტრფობაც აიწევს მეტადა.  
აიშლის ფაფარს მრისხანედ,  
სდგეს იალბუზის ქედადა;  
ის მუხლს გიყრიდეს და შენ კი  
თავს დასტკვეროდე ღმერთადა.  
(„შენდაში“)
3. მაგრამ ამოდ: ქვეითა,  
სადაც თვალი ძლივსა სწევდებოდა,  
ზღვასაებ უზარმაზარი  
შავი ვეშაპი დგებოდა;  
ჰსვამდა და ჰხვრებდა ცრემლის წყალს,  
ქვეით მდინარე შრებოდა...  
მთელი არსება ხალხისა  
ცრემლის მდინარედ დნებოდა.  
(„ცრემლები“)
4. ქვითინებს გულ-ამოსკენითა,  
ცრემლსა სიბი ქვა დაედნო!  
(„სტუმარ-მასპინძელი“)
5. შენმა სურვილმა დამლია,  
შენზე ფიქრმა და სევდამა;  
შორს წასვლამ, ხშირად გაყრამა,  
გულის თვალებით ხედვამა..  
კარგი ხარ, აღარც კარგი ხარ,  
მე გულს მაწევხარ ნისლადა,  
მინდა, რომ მძულდე, მოგშორდე,  
გულზე მობმულო ღვიძლადა.  
(„სიყვარული“)

და ამგვარი მრავალი სხვა. როგორც მოყვანილი ნიმუშებიდანაც ჩანს, ვაჟა-ფშაველას შემოქმედებაში ჰიპერბოლა ხშირად — განფენილობის, რიცხვისა და ინტენსივობის ერთდროულად მოხდენილად და ბუნებრივად შემცველი სახეა.



ვაჟა-ფშაველას პოეტიკის ერთ-ერთი მძლავრი საშუალება, მისთვის დამახასიათებელი ოსტატობით გამოყენებული, — არის კონტრასტი ანუ ანტითეზა. კონტრასტი უკიდურესი საწინააღმდეგო თვისებების, მატარებელი საგნების თუ მოვლენების შეპირისპირებაა. კონტრასტი მიზნად ისახავს ამგვარ საგანთა თუ მოვლენათა დაპირისპირებით მკითხველში უფრო მძლავრი, გამახვილებული შთაბეჭდილება, ემოცია გამოიწვიოს, მით მწერლის აზრი უფრო გაამკვეთროს და მკითხველამდე ადვილად დაიყვანოს. ამიტომ კონტრასტში მთავარია ემოციის, განწყობილების პროცესი. მკითხველის წარმოსახვა და მასთან დაკავშირებით მისი ემოცია მაშინ ცხოველდება, როდესაც კონტრასტის ორივე მოწინააღმდეგე ნაწილი მკვეთრადაა მოცემული.

კონტრასტი ხელსაყრელი პოეტური საშუალებაა მრავალწახნაგოვანი საგნისა თუ მოვლენისადმი დამოკიდებულების გამოსახატავად. კონტრასტი მკითხველს აძლევს დიდ ემოციონალურ ეფექტს, ვინაიდან ჩვეულებრივ მოვლენებს შორისაც შესაძლებელია გამონახული იქნას

საკმარისი მძლავრი კონტრასტი. კონტრასტი მრავალფეროვანია: კონტრასტი მოცემული სივრცეში, დროში; კონტრასტი ფორმის, სმენის, ემოციისა და სხვ.

ვაჟა-ფშაველას შემოქმედებაში კონტრასტი მრავალი სახითაა გამოყენებული, მაგრამ, მისთვის მომეტებულად დამახასიათებელია ემოციონალური კონტრასტი, რომელშიც სხვა ელემენტებიცაა შერწყმული.

ნიმუშისათვის მოვიყვანთ რამდენიმე მაგალითს:

1. დღეს მტრალს, ბედის მომღურავს.  
ხვალ ისევ გაახარებსა.  
ლარიზს ამღიდრებს, მღიდრისას  
სიმღიდრეს გაათავებსა.  
დაბმულს აუშვებს და ახსნილს  
დააბამს, გააკავებსა...  
(„სიმღერა“)

2. მოჰმეთ გონების სიმაღლე მწაღდა.  
იმათ გრძნობათა და ფიქრთ დიდობა.  
ვერაფერს გავხდით, ვერვის რა ვარგე,  
გულს დაეუკარგე რისთვის მშვიდობა?  
რისთვის მეწადა ასეთი ქცევა,  
სიემილი მკლავდა მშათა რგებისა;  
ეს იყო ჩემთვის ბედნიერება,  
ეს იყო ჩემთვის ყოფნა შვებისა.  
და დღეს ისა მკლავს, გულს ის მიქნენ-  
ჯნის:  
ცული ამბავი მესმის ძვებისა.  
(„ქებათა-ქება“)

3. ვერაფერს ვიტყვი. ენა სდუმს,  
თავზე დაგვიხავის ყორანი;

და ამგვარი სხვა მრავალი.

მაგრამ, ვაჟა-ფშაველა ხშირად არ კმაყოფილდება მოვლენათა თუ საგანთა წინადადებისა თუ სიტყვების საშუალებით შედარების მოცემით მოკლედ, თუნდაც მეტად ნიჟიერად გამომხატველი კონტრასტი. მისთვის, აგრეთვე, დამახასიათებელია მთელი ნაწარმოების ძირითად ხაზში, ნაწარმოების სიუჟეტის კომპოზიციური კონტრასტის საშუალებით განვითარება. მაგალითად, „გოგოთურ და აფშინა“, „ალუდა ქეთელაური“, „სტუმარ-მასპინძელი“, „გველის მკამელი“ და სხვა.

აღნიშნულ პოემაში იღვია ვაჟა-ფშაველას გაშლილი აქვს გმირთა მორალურსა და მსოფლგაგების თვალსაზრისით შეპირისპირებაზე: გოგოთური უპირისპირდება აფშინას, ცოლს; ალუდა ქეთელაური — ბერდიას, თემს; ჯოყოლა, ალაზა — თემს, მუსას; მინდია — თემს, ბერ-

გაღმა გასვლისა მსურველთა  
უკულმა მოგვყავს ბორანი.  
(„ილია ჭავჭავაძის სახსოვრად“)

4. სტიროდა, მაგრამ ტირილი  
არ იყო, ეხატებოდა:  
ერთ მხრზე ხათრი აქვს თემისა,  
მეორით — ღმერთი აშინებს;  
ქისტეთის მტრისა მოზარეს  
თავს რისხვას გაღმადინებს.  
ეს ფიქრი გონებისა,  
გული თავისას შერებოდა,  
კაცის კაცური სიკვდილი  
გულიდამ არა ჰქრებოდა.  
(„სტუმარ-მასპინძელი“)

5. დაბლა ჰალა და ხეუბი,  
გუშინ საესენი ზევაითა,  
დღეთ სიოცხლითა ხარობენ,  
გაბადარულნია მწვანითა.  
(„გველის მკამელი“)

დიას, მზიას. ეს პოეტური ხერხი ვაჟა-ფშაველამდე ნიჟიერად განავეითარა ქართულ ლიტერატურაში მთელ რიგ ნაწარმოებში ილია ჭავჭავაძემ — „გლახის ნაამბობში“, „აკაკო ყაჩაღში“, „განდეგილში“, „ოთარაანთ ქვრივში“ და სხვ.



ვაჟა-ფშაველას პოეტიკა მდიდარია, აგრეთვე, პარალელიზმების ირაჩვეულებრივი მოხდენილი ხმარებით. ცნობილია, რომ მხატვრული მეტყველება მკითხველის გრძნობისა და წარმოსახვის ამოქმედებას უფრო უმიზნებს, ვიდრე გონებისას. ამიტომაც პოეტი გამუდმებით იმის ცდაშია, რომ პირველ რიგში მკითხველი თუ მსმენელი ააღელვოს, შეუქმნას მას განწყობილება მწერლის განცდისა და გაგების სათანადოდ ასათვისებლად. ეს გარემოება კი თხოულობს, რომ მხატვრული მეტყველება მიემსგავსოს აღლვებულ, აგზნებული კაცის მეტყველებას. ამ ამოცანას, სხვათა შორის, ემსახურება პოეტური პარალელიზმიც.

პარალელიზმი აძლიერებს და ამდიდრებს მხატვრული სტილის სურათოვნობასაც და აგრეთვე მძლავრად მოქმედებს მკითხველის გრძნობასა და ყურადღებაზეც. პარალელიზმის ზეგავლენით მკითხველის ყურადღება თანდათან იზრდება, იჭიმება და მკითხველში იწვევს ძლიერ ემოციურ შთაბეჭდილებას.

ვაჟა-ფშაველა სარგებლობს მრავალი სხვადასხვა სახის პარალელიზმით. შევჩერდებით პარალელიზმების სამს მთავარ და მდიდარ ჯგუფზე, რომელთაც ვაჟა-ფშაველა იყენებს თავის შემოქმედებაში.

1. განმეორება, როდესაც ერთი და იგივე სიტყვა, ერთსა და იმავე წინადადებაში, ან შემდეგი ფრაზის დასაწყისში მეორდება. უკანასკნელი სახის პარალელიზმს პოეტიკაში ჩვეულებრივ ეწოდება ანაფორა. ამ პოეტური ხერხის დანიშნულებაა წინ წამოსწიოს რომელიმე საგანი ან მოვლენა, ან საგნისა თუ მოვლენის რომელიმე თვისება და განმეორების საშუალებით გაამახვილოს და გაზარდოს მკითხველის ყურადღება. ეს გარემოება მკითხველში იწვევს საგნის თუ მოვლენის ამა თუ იმ თვისების ზემოქმედების გაძლიერებას.

განმეორება პოეტური სტილის ერთ-ერთი საუკეთესო ემოციონალურ საშუალებათაგანია; ის მეტყველებას, გარდა მხატვრულობისა, აძლევს მღელვარე, მგზნებარე ხასიათს.

ნიმუშისათვის მოვიყვანთ რამდენიმე დამახასიათებელ მაგალითს:

1. აქ გამოთხარონ ცივი სამარე,  
აქვე დამმარხონ, ამ მაღალ მთაზე.  
(„ნიბლიას ანდერძი“)

2. ჯვარს არ აწყინოთ, თემს ნუ სწყევთ,  
ნუ გადიქცევით ცეტათა!  
(„ალუდა ქეთელაური“)

3. ნეტავ, ან სახე მახსოვდეს,  
ან ხმა მახსოვდეს ღედისა!  
ნეტავ, ტირილი შემძლოს  
შეცვლა ამ შავის ბედისა!  
(„ეთერი“)

4. მშვიდობით, საჩინვევბო,  
გამხარებელნო თვალისა!  
მშვიდობით, ჩემო სახ-კარო,

გულში აშლულო ბრალისა!  
მშვიდობით, ჩვენო ბატონო,  
ყმათად მიმცემო ძალისა!  
(„ალუდა ქეთელაერი“)

5. არ დაიფიწყო, თუ გწამს უფალი,  
არ დაიფიწყო, შენი კვნესა მე!  
(„ნიბლას ანდერძი“)

2. ვაჟა-ფშაველას შემოქმედებაში აგრეთვე ხშირია ბგერითი სახის განმეორებანიც, რასაც მრავლად ვხვდებით ხალხურ ზეპირსიტყვიერებაში, საიდანაც პირველ რიგში ათვისებული აქვს მგოსანს ეს საშუალება.

მოვიყვანოთ რამდენიმე ნიმუში:

1. მილუწ-მოლუწა კლდები,  
მტკვარს გაადინა ჭახანი.  
(„გაზაფხული“)

2. არაგვის პირ-პირ აჩქამებს  
გოგლიას ცხენი ნალბესა;  
აქა-იქ ავლებს ლამივით  
იმ ცეცხლ-მოდებულ თვალბესა.  
(„გოგლია“)

3. ხშირად მოდიან ღრუბელნი,  
ლაღად მიდგიან-მოდგიან.  
(„კობალა“)

4. მიყრილ-მოყრილან კლდებო  
პირქუშნი, სახე მწირთა.  
არც დადნენ, არც გაიშალნენ  
დაუდულარი კირითა.  
(„სისხლის ძიება“)

5. სოფლებში სმაურობაა,  
ძახილ-ძუხილი დიდია.  
(იქვე)

ეს პოეტური ხერხი თავისებურ, ადგილობრივ კოლორიტს უნარჩუნებს საგანს თუ მოვლენას და მკითხველშიც, რა თქმა უნდა, იწვევს სათანადო განცდასა და წარმოსახვას.

3. პარალელიზმის ჯგუფის ერთ-ერთ სახეობას წარმოადგენს განმეორება, როდესაც ლექსის შემდეგ სტრიქონში ან შემდეგ ფრაზაში მეორდება ერთი და იგივე სიტყვა, ფრაზა, ან ერთგვარი გრამატიკული ფორმა. ამ პოეტური ხერხის დანიშნულებაა მკითხველში მხატვრული შთაბეჭდილება გააღრმავოს, გაახანგრძლივოს და გამოწვეული ემოციონალური განცდა თანდათანობით გააძლიეროს — გაზარდოს.

ნიმუშისათვის:

1. სანამ იცოცხლე, გოვოთურ,  
სანამ ცასა სდის ნამია,  
სანამ მზე ათბობს ქვეყანას,  
დილა-სალამოს უამია;  
სანამ ტყეს ესხმის ფოთოლი,  
მიწა ამცენებს მწვენილსა,

სანამ ჟინველა ქალაქით  
ზურგით მიიტანს მარილსა...  
(„გოვოთურ და აფშინა“)

2. მე არც არავეინ დავარჩე,  
არცვეინ წყალს წავალბინე.  
ჩემს ცოდვა-დანაშაულში

არცვის-რა გავაღებინე.

ჩემს გულსა მხოლოდ საწილა

თავისი ავაღებინე.

ჩემს მშობლებს გულის წადილი

უკანვე ჩავაგებინე.

იმით რა წავაგებინე,

რომ ცოლი ისე შევირთე

მშობლებს არ გავაგებინე...

(„ეთერი“)

3. რა გითხრა უცხოზ უცხოსა,

ეგ სადაური ძალა?

რა შნობება ვაქვაცის,

ქალზე იხმაროს ხმალი!

რა დავაშავე ისეთი,

რა მაქვს ისეთი ბრალა?

(იქვე)

4. ოღონდ მე ჩემი წადილი

და მღელვარება გულისა

ვასრულო, აზრს ვემსახურო,

ერთგული ვიყო რჯულისა:

ვაკეთო, რაცა მწადიან,

რაც მიყვარს, რაცა მწყურისა!

(„სიმღერა“)

5. მე ჩემთვის ჩემად ვიციანი,

მისი კეთილის-წყოფელი.

ვიციანი... იმას, ქვეყანას,

ან რა საქმე აქვს ჩემთანა?

მიხარის, ჩემმა გაზდილმა,

რომ ბინა ჰპოვა ერთანა, —

ერთმა საწყალმა სიტყვამა,

ბოროტ კაცთაგან წყეულმა.

ბეჩავმა, ცრემლით ნაბანმა,

თავს მანდილ-ჩამოსხეულმა...

(„სიტყვა ეული“)

და მრავალი სხვა ამგვარი მაგალითი ამშვენებს ვაჟა-ფშაველას პოეტურ სტილს. ეს სტილური ნიშანიც მძლავრად ახასიათებს ხალხურ ზეპირშემოქმედებას, საიდანაც, რა თქმა უნდა, ჰკრეფს ვაჟა-ფშაველა მასალას, მაგრამ თავისებურად ხვეწავს, აშალაშინებს და უფრო მიმზიდველს ხდის.

4. პარალელიზმის შემდეგი განვითარებისა და გართულების საფეხურია მთლიანი წინადადებებისა და ხან მთლიანი ტაეპების განმეორების შემცველი — გაშლილი პარალელიზმი, რომელშიც მეორდება წინადადების ან ტაეპის აზრი სინონიმური გამოთქმებით. გაშლილი პარალელიზმი უმაღლეს მხატვრულ ვითარებას აღწევს, როდესაც ის შეერთებულია პარალელურ მსგავსებასთან ან შედარებასთან.

მოვიყვანოთ რამდენიმე ნიმუში:

1. ცაზე იარე, მთვარეო,  
მზეო, აბაძანი-დაბაძანი!...  
მთებო, იშიშვლეთ გულ-მკერდი,  
ხან მოიხვიეთ ნაბადი...  
დაწვიმე, შავო ღრუბელო,  
დააღბე მკერდი მიწისა;  
გაუცინოდი ლაშაზო,  
ახარე გული ბიჭისა!  
(„სიმღერა“)

ათროლოდებიან ხეები,  
კლდეებზე დაიკეცება  
სვავთა და არწივთ ფრთები.  
(„ღამე მთაში“)

3. მრავალმა ხმალი აველა,  
მრავალმა — ჭკუა-გონება,  
სხვამ — თავ-მომწონედ იარა,  
რომ დიდი ჰქონდა ქონება.  
(„სიმღერა“)

2. ხან ხომ ცა მოიღრუბლება,  
ჩაბნელებიან ხეები,  
გაჩნდება მეხთა ტარციალი,

4. სიკვდილსა გლოვა უხდება,  
მკვდარს მძას — ტირილი დისაო,



ტყესა — ხარ-ირმის ნაფრენი,  
 ზოგ დროს — ყმული მგლისაო.  
 ვაეკაცსა — ომში სიკვდილი,  
 ხელში — ნატეხი ხმლისაო,  
 ომს — ლხინი გამარჯვებულთა  
 და დამარცხება მტრისაო.  
 („სტუმარ-მასპინძელი“)

5. ზომ დეი უდარდელადა  
 ცრემლი არ დადინების,  
 ვთ კაცი უმინეზოდა  
 სხვისგან არ შაოინების?  
 („სისხლის ძობა“)

ეს და სხვა მრავალი ამგვარი ნიმუში გაშლილი პარალელიზმისა სავესე მაღალი, დახვეწილი მხატვრულობით, ემოციით ასხივოსნებს ვაეა-ფშაველას პოეტურ მეტყველებას. ზეპირსიტყვიერებაში გავრცელებული ეს პოეტური ხერხი ვაეა-ფშაველას შემდეგი მაღალი განვითარების საფეხურზე აპყავს მთელი თავისი მრავალფეროვანებით.

\* \* \*

მეტყველების ემოციონალობას, ცნობილია, ფრიად ეხმარება დიალოგის ფორმა, რომელსაც ვაეა-ფშაველა დიდი მხატვრული ოსტატობით ეუფლება. დიალოგი მეტყველებას საშუალებას აძლევს მღელვარე, უშუალო მოქმედებისა და ზემოქმედების ხასიათი მიიღოს.

მოვიგონოთ ალუდასა და მუცალს შორის დიალოგი, როცა ისინი სამკვდრო-სასიცოცხლო ბრძოლაში შეხვდნენ ერთმანეთს:

გამასტყვრა მუცალის თოფი, —  
 კლდის პირი დაიშლებოდა,  
 ნამოძი ტყვიის ალუდას  
 კალთაში ჩაეშლებოდა.  
 — არა გჳირსაა, რჯულ-ძაღლო?! —  
 მუცალი ეუბნებოდა.  
 — ნუ გგონავ, მჳირდეს, რჯულ-ძაღლო  
 ყმასა გუდანის ჳვრისასა.  
 ხმა ალუდაის თოფისა

ჳეხასა ჳვეანდა ცისასა.  
 — არ მოგვხდაუა, რჯულ-ძაღლო? —  
 ისეუ ეძახის იმასა.  
 — მუცალს არა სჳირს, რჯულ-ძაღლო, —  
 ნამტვრევს მაშლიდა კლდისასა....  
 — ოჳო, ჳულ გაუხერგოთა,  
 წვერებსა სტუსავს თმისასა.  
 — ძაღლა და:იცდა. ბეჩაუო.  
 კენჩხას არა სჳირს ძელისასა... და სხვ.

აჳ, ამ დიალოგში მკითხველი არა მართო მოქმედებასა და მღელვარებას გრძნობს, არამედ ის მთელი დაჳიძული ყურადღებით ვანიცდის, რომ ალუდასი და მუცალის ბრძოლის ძალა გარემოსაც აჳოქმედებს, მასაც ახმაურებს, თითჳოს მიწაც კი ჳანზარებს. მკითხველი არაჩვეულებრივი სიცხოველით გრძნობს ამ, მართლაც, კლდეადამიანების შეუპოვარ ბრძოლას და მიუხედავად იმისა, რომ ის, რა თჳმა უნდა, არ იზიარებს ასეთი საშუალებით ურთიერთობის საკითხის გადაჳრას. მაინც ჳემოქმედება ისეთი დიდია, რომ ძალა-უნებურად იმჳვეალება ამ კლდეადამიანებისადმი უცილო სიმჳათიით.

მხატვრული მეტყველების ამგვარ ემოციის გამოწვევას ემსახურება პოეტური მიმართვაც. მწერალი საგანს თუ მოვლენას მიმართავს,

თითქოს, მას ესაუბრებოდეს და გამოხატავს ალტაცებას, გაკვირვებას, მისალმებას, თხოვნას, სამღურავს და ა. შ. მიმართვა, ჩვეულებრივ, მოზღვავებული გრძნობითაა გამოწვეული, სწორედ ამიტომაც მეტყველების ამ თვისების გამო მას მღელვარე ემოციონალური ელფერი ენიჭება. პოეტის მიმართვა შეიძლება იყოს ადამიანისადმი, ხალხისადმი, სამშობლოსადმი, ბუნების მოვლენებისადმი, თავისთავისადმი და ა. შ. ესევეა ვაჟა-ფშაველას შემოქმედებაშიც.

მიმართვის ხერხი გავრცელებული პოეტური საშუალებაა ხალხურ ზეპირსიტყვიერებაშიც. ვაჟა-ფშაველას, აღზრდილს ქართულ ხალხურ ზეპირშემოქმედებაზე და ხალხის ყოფაში, ეს მისი პოეტური ხერხიც ნიჭიერადაა აქვს ათვისებული; ხოლო მან ეს პოეტური ხერხიც თავის შემოქმედებაში დახვეწა და მაღალ საფეხურზე აიყვანა. ვაჟა-ფშაველას შემოქმედებაში მიმართვა დიდი სიღრმით ამჟღავნებს პოეტის ემოციას, მის მისწრაფებას. ვაჟა-ფშაველას მიმართვები ხშირად შერწყმულია ალეგორიას და სხვა სტილიურ ნიშანს.

მოვიყვანო მიმართვის რამდენიმე ნიმუშს:

1. ღმერთმა გიშველოს, სიკვდილო,  
სიცოცხლე შეენობს შენთა,  
და შენც, სიკვდილო, ფასი გქე,  
სიცოცხლის ნაწყენობითა.  
(„მოგონება“)

მეცა გყვევიარ ავადა.  
ცდა ვაუქარწყლოთ საწუთროს,  
ნუ დაებრდებით შავადა.  
(„სიმღერა“)

2. მშვიდობა შენს ნეშტს, მგოსანო,  
ქართლისა წყლულთა მოზარე,  
მშვიდობა, სულო ძლიერო,  
თავის სამშობლოს მოყვარე...  
(„ნიკოლოზ ბრათაშვილის ნეშტს“)

4. ჩემის კაცობის გვირგვინო,  
ჩემო სამშობლო მხარეო!  
შენგან შობილი ოცნება  
გულს შანთად გავიყარეო...  
(„სიმღერა“)

3. გულო, არ გასტყდე, გამაგრდი,  
კლდეო, კლდეთ იდეგ სალადა!  
რა ვქნათ, რომ ჯნლი გვეხვევა,

5. მუხავ, უთხარი შენს მგოსანს,  
ასწიე მკლავი გმირისა!  
შენ უპასუხე, მუხავ, შენ,  
მე მეტს ვერ ვიტყვი ვერასა...  
(„პასუხი ბაჩანას“)

და სხვა მრავალი ამგვარი ნიმუში ამშვენებს მგოსნის სტილს.

ემოციის გაღრმავების ამოცანას აგრეთვე ემსახურება შეკითხვა. რიტორიული შეკითხვა ხშირად მწერლის პირად მტკიცებას შეიცავს. კითხვითი ინტონაცია გამოყენებულია მხოლოდ იმისათვის, რომ მკითხველის ემოციური ყურადღება გაამახვილოს, გაზარდოს, გაადიდოს.

შეკითხვას მწერლის მეტყველებაში უფრო მეტი, ვიდრე მიმართვა, სიცოცხლე და მღელვარება შეაქვს. შეკითხვა მკითხველზეც უფრო მკვეთრ და ძლიერ შთაბეჭდილებას ახდენს, მკითხველში ის ემოციასა და მკვეთრ განწყობილებას იწვევს, განსაკუთრებით, როდესაც მწერალი მოვლენის გაღმოცემას თუ აღწერას შეკითხვა-პასუხის სახით ავი-

თარებს, რაც ვაჟა-ფშაველას შემოქმედებაში ხშირად თავისებური დი-  
ალოგის ხასიათს იღებს.

ვაჟა-ფშაველა ლირიკულ ლექსებში, ხოლო უფრო პოემებსა და  
მოთხრობებშიც ხშირად და მოხდენილად იყენებს შემოქმედების ამ  
საშუალებასაც.

მოვიყვანო რამდენიმე ნიმუშს:

1. მამ არცვინ ვიკვარს,  
შე კარგო, შენა?...  
მამ რასა ჰნიშნაევ  
ევ მძღავრი ქშენა?!

(„არწივი“)

2. — „გვამბე. ელიზბარაო,  
რა ამბავ მოხდა ელოსა?  
როგორ დაეცნენ ლექები  
ბაკურის ციხე-უხოსა?“  
— „არ მინდა ძველი დარდები,  
რომ გულში აიწეწოსა.  
მე რა ვსთქვა? უნდა კაცობა  
ბაკურმა დაიკეხოსა...“

(„ბაკური“)

3. „ვის მოვილოცოთ სახელი,  
ვინა ხართ სახელიანი?“  
— „პირველ—ობოლი კვირია,  
სახე აქვს ნათელიანი“...  
— „თუმში ვინ ვარგდა, მოთხარით,  
კაცად ვინ უფრო არია?“  
— „ზეზვი, შმაო, ზეზვი,  
მთელს თუმების დარია...“  
— „ახლა ისა სთქეთ, მოყმენო,  
ვინ დარჩა სირცხვილიანი?“  
— „წიწოლამ ლაფთი გაგვთხიდა,  
გაგვექცა სირბილიანი!  
ნეტარ სად დამალება  
სიოცხლით სიკვდილიანი?“

(„მბახტრონი“)

4. „სკოლა თუ არ მოსწონს სოფელს, მასწავლებელი რადლა მოს-  
წონს? იმიტომ რომ ახალგაზრდა კაცია,... ხათრიანობს, ხალხის სიყვა-  
რული აქვს, ყველას ძმობას ესაუბრება, ყველას თავმდაბლად ეპყრობა.  
ატყობენ, რომ მასწავლებელს გული შესტკივა სოფლისათვის; თუ კი  
რამ ღონე აქვს, ცდილობს ყველას უშველოს... საქმეზედ თავდადებუ-  
ლია“ („სოფლის სურათები“).

5. „რატომ არ მოსწონს სოფელს მამასახლისი?“ „იმიტომ, რომ მა-  
ნამ მამასახლისად ამოირჩევედენ, ჰკვიანი, ცხვარივით ბიჭი იყო და ამი-  
სათვისაც ამოირჩია სოფელმა. როდესაც ამოირჩიეს, ეს ჭაჭვი დაჰკ-  
დეს ყელზე, მაშინ კი სრულიად გამოიცვალა: შედგა მაღალქუსლიანს  
„აპოიკის“ ჩექმებზე, დაიკერა ბუზმენტები ჩოხა-ახალუხზე, დაუქერია  
ხელში მათრახი და, ვინც ქუდს არ მოუხდის, როგორც ჩინს, სალამს არ  
მიართმევს, გადაუხტება და მათრახით „აჭრელებს“ (იქვე).

ბევრ შემთხვევაში ვაჟა-ფშაველას ნაწარმოების მთლიანობას  
ქმნის პერიოდულად განმეორებული შეკითხვა-პასუხი, რომელთა თანა-  
მიმდევრობა თავისებურ რიტმსაც ქმნის და ნაწარმოებსაც გარკვეულ  
ხასიათს აძლევს — მაგალ.: „სოფლის სურათები“, ერეკლეს სიზმარი“,  
„სიმღერა“ („შინ ბრუნდებიანი“), „ბაკური“, „არწივი“, „ნიბლიას ან-  
დერძი“, „ჩივილი ხმლისა“, „გიგი“, „მბახტრონი“ და სხვ.

ჩვენ აქ ვაჟა-ფშაველას მდიდარი შემოქმედებიდან მხოლოდ რამ-

დენიშე მისთვის დამახასიათებელი ხერხი აღვნიშნეთ. ამასთან ერთად, ხაზგასმით უნდა ვთქვათ, რომ მგოსნის მიერ ზემოაღნიშნული ყოველი პოეტური ნიმუში მარტო ერთი რომელიმე პოეტური საშუალების გამომხატველი კი არ არის, არამედ ყოველ მათგანში ძირითადად წამყვან პოეტურ საშუალებასთან ერთად ბუნებრივად შერწყმულია სხვადასხვა საშუალებებიც. ვაჟა-ფშაველას ყოველი პოეტური თქმა, შეიძლება ითქვას, პოეტურ საშუალებათა კომპლექსია მოვლენის თუ საგნის მრავალმხრივი პოეტური გამოვლინებისა. სწორედ ესაა მიზეზი, რომ მკითხველში ვაჟა-ფშაველას პოეტური შემოქმედება იწვევს მაღალსა და რთულ ესთეტიკურ განცდას. ამაშიცაა მისი შემოქმედების დამატ-ყვევებელი ძალა.

\* \* \*

ვაჟა-ფშაველას პოეტური სტილისათვის აგრეთვე დამახასიათებელია აფორიზმების უხვად ხმარება. ავტორი აფორიზმში, ჩვეულებრივ, შეკუმშული და ამომწურავი სახით მკითხველს აძლევს თავისი ხანგრძლივი წლების მანძილზე ცხოვრების დაკვირვების შედეგს. აფორიზმში, როგორც სხვა მის მსგავს ლიტერატურულ სახეში, ნათლად და მკაფიოდ იგრძნობა „საუკუნეთა სიბრძნე“. აფორიზმში, თუმცა არ არის არც ეპიგრამის პოლემიკური მიმართულება, არც ლოზუნგის სააგიტაციო მოქმედი ელემენტი, არც მეცნიერული ბრძნული ნათქვამის აზრი, რომელიც მთელი ისტორიული ფორმაციის სოციალური გამოხატულებაა, ლოგიკური მტკიცების ხასიათს რომ ატარებს, არც ანდაზის მახვილი გამოთქმის ბუნებაა, მაგრამ, მიუხედავად ამისა, მათსა და აფორიზმს შორის საზღვრის დადება ხშირად ძნელი ხდება. მიუხედავად არსებითი განსხვავებისა, აფორიზმში აღნიშნული სახეების ელემენტები საგრძნობლადაა ბუნებრივად ჩაქსოვილი. აფორიზმს აღნიშნულ სახეებთან მაინც საერთო ბევრი რამ აქვს; განსაკუთრებით კი მათში საერთოა დიდაქტიკური ელემენტი და ლაბიდარული გამოთქმის ფორმა. ამით აიხსნება, რომ აფორიზმი ხშირად იღებს ბრძნული თქმის, ანდაზის, ეპიგრამის, ლოზუნგის თუ მნიშვნელობას არა, ხასიათს ან იერს მაინც. ამასთან ერთად, აღნიშნული ჟანრებისაგან აფორიზმის არსებითი განმასხვავებელი ნიშანია — დამთავრებული აზრის გამოხატვა და უპარესად ინდივიდუალური ხასიათი. მაშინ, როდესაც ბრძნული ნათქვამი, ანდაზა, ეპიგრამა უფრო ანონიმური ხასიათისაა. აფორიზმი მხატვრული სტილის საშუალებით სწრაფად და ძალდაუტანებლად ახერხებს ნათქვამს დამაჯერებლობა მისცეს.

ვაჟა-ფშაველასათვის დამახასიათებელია ნიჭიერი, მახვილი გამოყენება, როგორც ჩართული აფორიზმისა, როდესაც აფორიზმი შექ-

სოვილია ნაწარმოების არა აფორისტულ კონტექსტში, ისე მთლიანი აფორისტული ლირიკული ნაწარმოებისა.

ნიმუშები ჩართული აფორიზმებისა:

1. ერთი იცინის, სხვა სტირის:  
ესეთი არის ქვეყანა.

(„სიმღერა“)

და ყველა იმის ხსოვნასა  
გულს ინთებს როგორც სანთელსა.

(„სისხლის ძიება“)

2. შაჰირვებულა სოფელი,  
ძებნა სჭირდება ბაღლისა:  
ვაი რომ ცუდი ბევრია,  
პოვნა ძნელია კარგისა!

(„სიკვდილი გმირისა“)

7. რაც ციხე აქამდის ვაგე,  
ახლა დაეშალო კარგია?  
სხვას ყველას ვპოვებთ სახელს ვერ,  
თუ ერთხელ დავეყარვია.

(იქვე)

3. მამულის სხივი აქარვებს  
გმირის ოხერას და გმინვასა.

(„სიმღერა“)

8. ფლიდა ესე სოფელი,  
ფლიდათა საყრელი ხელისა;  
კარგებსა სჩაგრავს, უმსგავსთ კი  
კალთას აფარებს, პშველისა;  
მართალი წუთისოფელში  
შეებას ამოდ ელისა.

(იქვე)

4. ცოტა ნაქვს, ცოტას ვჯერდები,  
ბეჩაფთაც გაუზიარებ.  
სიკეთისათვის სიკეთეს  
არავის დაუღვდიანებ.

(„სიმღერა“)

9. თავის მარცხს კაცნი ვერ ვიტყვით,  
ჩქარა ვიუბნეეთ სხვისისა.

(„გველის მკამელი“)

5. სიკვდილისათვის ერთია  
მდიდრის და საწყლის ცხოვრება,  
სიკვდილის დათრგუნვას ვცდილობთ,  
როს გვწადს სახელის პოება.

(„სიმღერა“)

10. ყველაც არ ნატრობს იმასა,  
რომ მოკვდეს დაუძრახავი? —  
უსაქმოდ კაცი არ ვარგა,  
მხოლოდ ფიქრების მჩაბხავი...  
(„სული ობლისა“).

6. ნეტავი იმას, ვინაცა  
მკვდარი გასწირავს სახელსა,

აფორიზმის მრავალი სხვა ამგვარი ნიმუშის მოყვანა შეიძლებოდა ვაჟა-ფშაველას შემოქმედებიდან, მაგრამ, ვფიქრობთ, მოყვანილიც საკმარისი სიმკვეთრით აგრძნობინებს მკითხველს მისი შემოქმედების ამ თვისების ძალასაცა და ხასიათსაც.

ვაჟა-ფშაველას ბუნებისა და მსოფლმხედველობის ფილოსოფიური და საზოგადოებრივი მიმართულება აფორიზმის გამოყენებაშიც, უდავოდ, თავისებურებით და მკვეთრად გამოვლინებული. მგონის ცალკეულ ნაწარმოებთ ჩართული აფორიზმი ხშირად ისე მრავალფეროვნად, უხვად და მჭიდროდა აქვთ შექსოვილი და მასთან ერთად ისეთი ბუნებრივობით, რომ მკითხველს დაფიქრება სჭირდება გაარკვიოს, სად იწყება აფორიზმი და სად თავდება ნაწარმოების არააფორისტული კონტექსტი. ვაჟა-ფშაველას მრავალი ნაწარმოები ნიჭიერადაა აფერადებული ჩართული აფორიზმებით. მაგალ: „სისხლის ძიება“, „სული ობლისა“, „გველის მკამელი“ და მრავალი სხვა.

ვაჟა-ფშაველას, როგორც ზევეთაც აღვნიშნეთ, ახასიათებს, გარდა ჩართული აფორიზმების გამოყენებისა, აგრეთვე მთლიან აფორისტული ნაწარმოების შექმნაც. მაგალითად: „სიმღერა“ („როგორც იქნება მოვეკვდები...“), „ქეიფი“, „ომის წინ ჯარის სიმღერა“, „სიმღერა“ („რა გინდა ბედმა მიმტყუნოს“), „სიმღერა“ („ყელასაცა გვაქვს, ნუ გიკვირთ“), „სიმღერა“ („მრწამს, მარად მიწამებია...“), „პაპიჩემის ანდერძი“, „მთანი მალალნი“, „მთის წყარო“, „ქუჩი“ და სხვა.

ნიმუშისათვის მოვიყვანოთ აღნიშნულთა შორის ყველაზე პატარა მოცულობის ნაწარმოები — ლექსი „ქეიფი“.

დამისხი, დამალევინი,  
ე ღვინო, ოხერ-ტიალი,  
ეგება წალმა ვიფიქრო  
სოფლის უქულმა ტრიალი  
ეგება გულის ვარამი  
ჩავკლა მა ჯიხეის რქაშია:  
თვალთ წინ დამიდგეს ლამაზი,

ერჯოლა მომკიდოს ტანია,  
ღეზი ვკრა ჩემსა ლურჯასა,  
გადავეროო ზღვაშია.  
თქვენთან ძალღურად სიციცხლეს,  
სიკვდილი მიჯობს ცაშია,  
ვერ მიაწონებ კარგ ყმასა  
რაც არ უჯდება ჭკვაშია!

ამგვარად, როგორც მოყვანილი ნიმუშებიდანაც ადვილად შეიძლება დავრწმუნდეთ, ვაჟა-ფშაველას აფორიზმებს ინდივიდუალური ხასიათი აქვთ. ისინი მშვენიერად ამახვილებენ და ამჟღავნებენ მთის მგოსნის თავისებურ ორიგინალურ ბუნებას, განწყობილებას, მსოფლმხედველობას.

ძირითადი თემა ვაჟა-ფშაველას აფორიზმებისა, როგორც აღნიშნულიდანაც შეიძლება დავინახოთ, არის პოეტის მიერ ცხოვრების არსის გაგების დაუძლეველი სურვილი, ვაჟაკის მიერ ქვეყნისა და მოქმისათვის თავდადება, სიკეთისა, სიმართლისა და სიყვარულის საუფუძველზე ცხოვრების მოწესრიგება, არსებული ცხოვრების სიმუხთლის გამოაშკარავება. სწორედ ამ მტკივნეული საკითხების ჯარშემოა აკვესებული ვაჟა-ფშაველას დიდი პოეტური ნიჭიც.

\* \* \*

ვაჟა-ფშაველას პოეტური მეტყველება ძლიერია და მიმზიდველი არა მხოლოდ თავისი სურათოვნობით და ემოციონალობით, რითაც ის მკითხველის გრძნობასა და წარმოსახვას მეტად თავისებურად, ინტენსიურად აღელვებს და ატყვევებს, არამედ აგრეთვე იმიტაც, რომ ის მკითხველის გონებასაც ისეთივე ინტენსივობით ამოქმედებს. ვაჟა-ფშაველა მთელი თავისი მოღვაწეობის მანძილზე მგოსნისაგან დაყინებით მოითხოვდა საზოგადოებრივ-სასარგებლო, გამოფხიზლებულ მოღვაწეობას. მგოსანი, ვაჟა-ფშაველას გაგებით, ხომ პირველ რიგში

მოქალაქეა, საზოგადოების ცხოვრების ფხიზელი გუშაგია. ის მგოსანს-  
თხოვს:

სმენლის გულსა ჰქარ მალამოდ  
სიტყვა მართალი, წყლიანი,  
აღუღე გრძნობა, აღუღე,  
ჰქვა იქმნას დავლათიანი  
რა ტურფა სანახავია

ქვეყანა ჰქვათა-ყოფელი,  
ერთის ფიქრით და გრძნობითა  
გამტკიცებული სოფელი.  
მტერს რა ლამაზად დაჰხვდება  
არსებით განუყოფელი.

(„მგოსანს“)

და მთის მგოსანიც ხომ თვითონვე ამ ამოცანის განხორციელებას ემ-  
სახურებოდა მთელი თავისი მოღვაწეობის მანძილზე. ვაჟა-ფშაველა,  
პირველ რიგში, ცდილობს გამოთქვას „აზრი წმინდა“, „სიტყვა მართა-  
ლი“, რათა ეს მსმენელის გულს მალამოდ მოსცხოს და მისი გულიც  
აადუღოს.

თუ მერიმეს შეეძლო ეთქვა, რომ ჰუშკინი აზრს ეძებს და არა ლა-  
მაზ სიტყვებსო, ესევე შეიძლება ურყევად ითქვას ვაჟა-ფშაველას მი-  
მართაც; მიუხედავად მისი მეტყველების დიდი სურათოვნობისა და  
ემოციონალობისა, თუ მთის მგოსანს სიტყვა მოსდის „წყლიანი“ და  
მასთან ერთად აზრისაც მკვეთრი, ზუსტი გამომხატველია, ეს მხოლოდ  
იმიტომ, რომ ვაჟა-ფშაველას სიტყვის მარაგი მდიდარია და მასთან  
ერთად მაქსიმალურად ზუსტი და ნათელი.

აზრის ზღვრულ სიზუსტეს ვაჟა-ფშაველა აღწევს მით, რომ მას  
დიდი და საღი ალღოთი ემარჯვება შეარჩიოს საგნის თუ მოვლენის  
ძირითადი დამახასიათებელი თვისებები, დეტალები და მათი ორიგინა-  
ლური და ორგანული შერწყმა, შეხამება. ვაჟა-ფშაველა ადვილად  
ეუფლება აზრის ზუსტი გამოხატვისათვის შესაფერი სიტყვის მონახ-  
ვას. გარდა ამისა, ვაჟა-ფშაველას სტილისათვის განსაკუთრებით დამა-  
ხასიათებელია სიტყვის მეტად ეკონომიური გამოყენება. ის, ჩვეულებ-  
რივ, სასტიკად გაურბის საგნის თუ მოვლენის დეტალების აღწერას,  
იძლევა მხოლოდ ძირითად დამახასიათებელ ხაზებს, ნიშნებს. ხაზგას-  
მით უნდა ითქვას, ყველაფერს, რასაც კი შეუძლია აზრის სიზუსტეს  
აგნოს, მკითხველის წარმოსახვა და მთლიანი ესთეტიკური შთაბეჭდი-  
ლება ზედმეტად დატვირთოს, რაც კი მოცემული განუუმეორებელი შე-  
ხამების შთაბეჭდილებას მკითხველში შეანელებს, შეასუსტებს —  
მგოსანი, უდავოდ, გაურბის.

მაგალითად, ვაჟა-ფშაველა, შეიძლება ითქვას, ერთის კალმის მოს-  
მით, მკირე მაგრამ დამახასიათებელი შედარება-ეპითეტის გამოყენე-  
ბით ახერხებს აღაზას წარმტაცი სახე მკითხველს გააცნოს, მძლავრად  
შთაუბეჭდოს და ღრმად დააინტერესოს:

გამოჩნდა ქალი ლამაზი,  
შავის ტანსაცმლით მოსილი,

როგორაც ალყა ტანადა,  
ვარსკვლავი ციღამ მოცილილი.  
(„სტუმარ-მასპინძელი“)

ან ავიღოთ მეორე შემთხვევა ამავე პოემიდან: ზვიადაურის ვაჟაკობა, მისი გაუტეხელი, მტკიცე ხასიათი, მის მიერ მთის ტრადიციის მედგარი დაცვა, ზვიადაური როგორც „კაი ყმა“, რომ მკითხველს სისრულით გააცდევინოს, გააგებინოს, ვაჟა-ფშაველა კმაყოფილდება უიარალო ზვიადაურის მიერ გარს შემორტყმულ შეიარაღებულ ქისტთა თემის წინააღმდეგ რამდენჯერმე არაჩვეულებრივი შეუპოვრობით გამეორებული თქმით — „ძალდ იყოს თქვენი მკვდრისადა“. და მკითხველიც დაკმაყოფილებულია — ზვიადაური ვაჟაკობა, მდიდარი არა მარტო ფიზიკური ძალით, არამედ აგრეთვე მდიდარი სულიერი სამყაროთი. ამიტომაც მგოსნის აღტაცება, ზვიადაურის ქცევით გამოწვეული, ღირიკულ განდგომაში გამოვლინებული —

სიოცხლე ჰქრება, სისხლი დის, —  
ზვიადაური კვდებოდა,  
გული ვერ მოჰკლა მტრის ხელმა,  
გული გულადვე რჩებოდა.  
(„სტუმარ-მასპინძელი“)

მკითხველზედაც ადვილად გადადის. მკითხველიც ზვიადაურისადმი ავტორის გრძნობითა და გაგებით იმსკვალება.

ამ დამახასიათებელი სტილიური ნიშნის გამოვლინებაში ვაჟა-ფშაველას, უდავოდ, დიდად ეხმარება ხალხური სიტყვიერების ზედმიწევნით კარგი ცოდნა და მისი ნიჭიერი გამოყენება. მართალია, როგორც ზევეთაც აღვნიშნეთ, ფშაური დიალექტის გამოყენებაში ვაჟა-ფშაველა აკარბებს, რითაც ის ხელს არ უწყობდა ილ. ჭავჭავაძის, აკ. წერეთლის, ი. გოგებაშვილის და სხვათა მიერ ქართული სალიტერატურო ენის სწრაფი განმტკიცების საქმეს, მაგრამ, მეორე მხრით, ახლო და კარგი ცოდნა და თავისუფალი გამოყენება ხალხური მდიდარი მეტყველებისა, რომელიც ხასიათდება სისადავით, სურათოვნობით და წმინდა ხალხური ელფერით, რაც, რა თქმა უნდა, არ შეიძლება ითქვას მრავალი უცხო ენებიდან შემოტანილი სიტყვებისა და ნეოლოგიზმების შესახებ, უდავოდ, მგოსანს საგრძნობ სამსახურს უწევდა.

ვფიქრობთ, ამ გარემოებით (ნაწილობრივ მაინც) უნდა აიხსნებოდეს, ის, რომ ვაჟა-ფშაველას პოეტურ მეტყველებაში სრულიად განდევნილია ევროპული და საერთოდ უცხო სიტყვები.

ცნობილია, რომ ხალხურ მეტყველებაში სიტყვის ძირი არ არის დაჩრდილული. მასში ადვილად იგრძნობა სიტყვის პირვანდელი აზრი. ამას მშვენივრად გრძნობდნენ როგორც უცხო, ისე ქართველი ცნობილი დიდი შემოქმედი მწერლები და უხვად სარგებლობდნენ ხალხური მეტყველების სალაროთი თავიანთ შემოქმედებაში — ა. პუშკინი, ა. გრიბოედოვი, ი. კრილოვი, მ. გორკი, შ. რუსთაველი, სულხან-საბა



ორბელიანი, დავ. გურამიშვილი, ილ. ჭავჭავაძე, აკ. წერეთელი და მრავალი სხვა. ექვს გარეშეა ამ მიმართულებით მათ შორის ვაჟა-ფშაველასაც თვალსაჩინო ადგილი უჭირავს.

\* \* \*

ვაჟა-ფშაველას პოეტური მეტყველების სიზუსტეს, ნიშანდობლობას, ძალას, ზემოაღნიშნულს გარდა, მნიშვნელოვნად ხელს უწყობს მგოსნის დიდი უნარი და აზრი გამოთქვას თუ გამოხატოს მარტივი, ხშირად მოკლე, სხარტი დამოუკიდებელი წინადადებებით.

ნიმუშისათვის:

გულში მატულობს ვარამი,  
გარს მოღებული ცეცხლითა,  
მას ვერ გაჰქურნავთ, ეცადოთ  
ქვეყნის მეფეთა ვერცხლითა.

არა აქვს ჩემს წყლულს წამალი,  
ქვეყნად ვერ ეპოვე მკურნალი,  
ალარცა ვრჩები, არც ვკვდები,  
განკურნებისა მწყურვალად.

(„ბუღში მატულობს ვარამი“)

ვაჟა-ფშაველა აზრის მკვეთრს, ზუსტსა და დამაჯერებელ გამოთქმას ხშირად იძლევა მოკლე, მარტივი წინადადებებით, სურათოვან საშუალებათა გარეშე ან უკანასკნელთა მინიმუმამდე დაყვანით.

ნიმუშისათვის:

აგერ ამოდგა აჩრდილი.  
აკლდაჰის კარი გაიღო:  
რა ფრიად შეწუხებულა,  
ხელში ფრანგული აიღო...  
მოჰგვარეს ლურჯი ტაიქი.  
ნალმა ძვრალი გაიღო,

თვალთაგან ცრემლ-დანადენსა.  
სისხლი უცინის მკვლავზედა.  
მაინც არ სტყდება მოხუცი,  
ხელი უვლია ხმალებდა;  
გასცქერის ტფილისისაკენ,  
აღმფოთებულა ძალზედა.

(„1795 წ. სახსოვრად“)

აქ ყველა წინადადება დამოუკიდებელია, ყოველი მათგანი, თითქოს, დამოუკიდებელი აზრის გამომხატველია. მათ შორის არ არის დამოკიდებულებების ან შეერთების კავშირიც კი. სამაგიეროდ, ამ წინადადებებს შორის, ავტორის მიერ გამოთქმული ერთი მთლიანი აზრის ფარგლებში, არსებობს და მძლავრადაც იგრძნობა ენობრივი ფორმალური კავშირი.

ასევეა ვაჟა-ფშაველას პროზაშიაც: „ერთხელ ძლიერ დაცხა. დედაჩემი საწოლიდან აღგა და მითხრა, წყალზე წავიდეთო. წავედით, დავყვეით წვრილიანს სერს, ჩავიარეთ შამბაზე, ჩავედით ხევში. ხევი ღრმა იყო, მზის სხივები ვერ ჩასწვდომოდა. აქეთ-იქით ნაპირებზე ხეები ერთმანეთზე გადაკვანძულიყო წვერებით. ხის ძირებზე, იქვე ხევის პირად, ჟოლის ფესვები იყო ამოსული, წითლად თავი დაეხარათ და გადმოჰყურებდნენ წყლის დენას. ცივი ანკარა ხევი მოჩუხჩუხებდა.“

დედაჩემი მივიღა და ჩადგა შიგ გუბებში. მე ძლივს დავდიოდი ქვევზე, — ჩლიქები მტკიოდა“ („შვლის ნუკრის ნაამბობი“).

მოვიყვანოთ კიდევ ერთი ნიმუში: „მთელი ღამე დავდიოდი ველზე. აღარ გვეშინოდა. გავედით სვილში და ტკბილად შევეცქეროდით, თენება დაიწყო. მივიქექეთ ტყეში. წყეული იყოს იმ დღის გათენება! ველზედ სქლად იწვა ბალახი. ველში იდგა ორი-სამი ძირი ბალი; ჭგუფ-ჭგუფად ეხვეოდნენ ჩიტები, შაშვები; ყვილ-ხივილი ისმოდა; ზოგნი მოდიოდნენ და ზოგნი მიდიოდნენ: მიეზიდებოდნენ შვილებისთვის საზრდოს. დედამ გამაფრთხილა და მითხრა: საშიშია ამ დროს სიარული, ჩვენი მტერი ნაწვიმზე დაგვეძებს, აქეთ-იქით თვალი გვეჭიროსო“... (იქვე) და მრავალი სხვა ამგვარი.

ვაჟა-ფშაველა გაუბრბის რა გრძელ წინადადებებს, წინადადებათა რთულ კონსტრუქციებს, ამით ახერხებს მეტყველებას მეტი დინამიურობა მისცეს და აზრის ლოგიკური განვითარებაც მეტი რელიეფურობით გამოხატოს, ამიტომ ვაჟა-ფშაველას ფრაზა ჩვეულებრივ მოკლეა. მის მეტყველებაში მოცემულია შერწყმა მარტივ მოკლე წინადადებათა, რომელთა შორის მკაფიოდ იგრძნობა პაუზა. ვაჟა-ფშაველა ენერგიულად გაუბრბის დაქვემდებარებულ წინადადებებს და დამაკავშირებელ სიტყვებს:

სიკოცხლემ შხამი მასშია,  
მე კახურ ღვინოდ შავირგე;  
შავსვი და არც მოვერიდე,  
თუმც მის სიმწარე გავიგე.  
ვიცოდი, ეს იქნებოდა:

ეკლის ლოგინიც დავიგე,  
ეწვეარ და მძინავ ტკბილდა,  
აი ბიჭობაც ეს არი  
მალლიდან შავი ღრუბელი  
თავს დამწოლია მქეხარი.

(„სიმღერა“)

ასეთივე სტილიური ნიშანი ახასიათებს ვაჟა-ფშაველას პროზასაც: „იღგნენ და ელოდენ. უსაზღვროა მთების მოლოდინი; უსაზღვრო ზღვდა სდგას იმათ გულში. წითლად, სისხლისფრად შედედებული უთიმთიმებთ გულ-მკერდში. გარეთ, სახეზე-კი არაფერი ეტყობათ, გარდა მტრობისა. ეს არის კიდევ ნიშანი მოლოდინისა („მთანი მალანი“).

მართალია, ვაჟა-ფშაველა ხმარობს დამაკავშირებელ სიტყვებს, მაგრამ ძალიან იშვიათად, განსაკუთრებით კი პოეზიაში, და იმათაც მარტივს — დ ა, თ უ; აგრეთვე იშვიათად გვხვდება რთული წინადადება და ისიც არა უმეტესი ორი წინადადებისაგან შემდგარი და მარტივი კავშირით — რომ, რა, თუმცა, მაინც, მაგრამ-ით შეერთებული:

მოვმართავ მჭვარტლიანს ჩონგურს,  
სამნი იწყებენ ჟღერასა,

და მეც ძმობილის სასსოვრად  
ასე დავიწყებ მღერასა.

(„რუს-იმერელს“)

იმა კირით ვარ სნეული,  
რაც შენ გატყვია წყლულადა.  
რა ვუყოთ? ბედი, შავბედი  
თუმცა გვექცევა მგლურადა.

მანც ვაღერებ ჩონგურსა  
ცტარვალთა შესამუსრადა, —  
შენს სამახსოვროდ, მოხუცო,  
თავს ჩაჩქნად დასახურადა...  
(„აკაკის საიუბილეოდ“)

ასევეა ვაჟა-ფშაველა პროზაშიც:

„გოჩს რამდენის ჩიტის ხმა გაუგონია, მაგრამ ყური არ უგდია. სი-  
ყვარულის მღერაზე-კი დაჰკიდა დიდრონი, გაწეწილი თავი, თვალები  
მოუწყლიანდა, გაელიმა პირველად თავის სიცოცხლეში. საუცხოო ძალა  
იგრძნო გოჩმა. მოინდომა სიყვარულთან ახლო მისვლა, მაგრამ მანამ ის  
ადგებოდა, სიყვარული თვითონ მიფრინდა და დაუჯდა წინ. სიყვარულ-  
მა ნახა ძვლები კაცისა, გასისხლული კარის-პირი და შეეზარა“ („გოჩი“).

კიდევ: „არუთინა თავივით წვრილს თვალებს აციმციმებს და  
თხელს, მოკლე წარბებს შეათამაშებს. ვაქრობის დროს დარბაისლობს,  
არ გაიცინებს, თუმცა იოხუნჯებს-კი, მაგრამ გამჭრიახი, გამოცდილი  
თვალი მალე შეატყობს, რომ არუთინა თავიდან ფეხებამდე სიცრუისა-  
გან, სიფლიდისაგან და ეშმაკობისაგან არის მოქსოვილი“... („დარეჯა-  
ნი“).

უნდა ითქვას, რომ ვაჟა-ფშაველა როგორც პოეზიაში, ისე პროზა-  
შიც გარკვეულად მარტივი მოკლე წინადადებებით აზროვნებს.

ვაჟა-ფშაველას წინადადებაში სიმძიმის ცენტრი გადატანილია არ-  
სებით სახელზე და ზმნაზე.

ნიმუშისათვის:

თოვლი სთოვს, ქარი ბობოქრობს,  
ველებ შაკრულა მთებისა;  
ჩამოდის ხევად ზოვები,  
ჩამონასხლეტნი კლდებისა.

გაუბამს ყინულს ლურჯადა  
უბე კალთების წყლებისა,  
მიუნაქრია ერთიან  
ვიწრო სავალი გზებისა.  
(„ალუდა ქეთელაური“)

ასევეა ვაჟა-ფშაველას პროზაშიც:

„ახალწლის წინა ღამეა. სოსიკა და მისი გუგული კერაზე სხედან.  
გუგული კალთაში უჯდა თავის პაპას და მოუსვენრად ფეხებს უსვამდა  
დაბლა კერის პირზე“ („მელია-კუდაგრძელია“).

აღნიშნული სტილიური ნიშნებიც ვაჟა-ფშაველას შემოქმედებისა-  
თვის იმდენად დამახასიათებელია, რომ მაგალითების კიდევ მოტანა  
აღარ მიგვაჩნია საჭიროდ.

\* \* \*

ვაჟა-ფშაველა მკითხველზე შთაბეჭდილების გარღმავებისა და  
გამახვილების მიზნით, საგნისა თუ მოვლენის ძირითადი დამახასიათე-  
ბელი თვისებების შერჩევაში იყენებს აგრეთვე გრადაციას. გრადაცია

საგნის თუ მოვლენის თვისებების თანამიმდევრობითი განლაგებაა, რაც მისგან მიღებულ შთაბეჭდილებას მკითხველში თანდათან ამკვეთრებს, ზრდის, აძლიერებს.

როცა გივლია კვდებოდა,  
მთებ სატირელზედ სხდებოდა;  
ერთი ბებერი არწივი  
ზეით ქიუხში წყრებოდა,  
საყორნის თავი მაღალი  
ზედ შუა გულზედ ტყვრებოდა,  
მაღლით მომფრენი მთის წყარო

სიბრალულსიგან შრებოდა.  
ბეჩავი იმის ლურჯაი  
გივლიას თავით ბნდებოდა,  
ტოტ დასცის, დაიჭიხინის,  
თვალეში ცრემლი ჰხლებოდა,  
სამყარომ შავი ჩაცევა...  
მყვირალი რაღას შერებოდა?  
(„გივლია“)

კიდევ:

ჩემს ტურფა მხარეს მკერდს დაეკერე  
სიტყვა საგმირო, სიტყვა ლამაზი,  
და ამ ჩემს მღერას ყურს რომ უგდებენ  
ქართლელ-კახელი, იმერ-აფხაზი.  
მამა-პაპათა აკლდამებოდა  
გამოვიწვიე გმირთა აჩრდილი  
და დაუქოცნე იმათ მკლავები,

სახე შუბის წვრით და ხმლით აჩრჩინილი;  
მე გავაცოცხლე ხელის შეხებით  
ლუში მდუმარე, ლუში გახრწნილი.  
თავზე დავეადგი დაფნის გვირგვინი,  
წელი შევეუმე ისევაც ხმლითა,  
ნოყიერად ვქმენ ამგვალი მიწა,  
როგორაც წვიმამ, მოსულმა ცითა.  
(„ნუგეში მგოსნისა“)

ასევეა ვაჟა-ფშაველა პროზაშიც:

„საბრალლო წიფელი! ერთი დრო იყო, რომ ესეც ამაყად გაბარჯლული იდგა, სხვა ხეებს ბევრით მაღლა ასცილებოდა და თავის დიდრონ ტოტებითა და ფოთლებით ქოხივით ეხურებოდა თავს მთელს ტყეს“ („ხმელი წიფელი“).

კიდევ: „სდგან და ელიან. წვიმა წვიმს იმათ თავზედ, ელვა უტუსავს ოქროს ქოჩორს, მეხი ეთამაშება იმათ თვალებს და ხშირადაც ერქობა ისარივით გულ-მკერდში. არაფერია. ინგრევა ხშირად ნახევარი მთა და ზვავად მიდის ხევში“ („მთანი მაღალნი“) და მრავალი სხვა.

ეს სტილიური ნიშანიც დამახასიათებელია ვაჟა-ფშაველას შემოქმედებისათვის. ისე სადად, მკვეთრად, დამაჯერებლად რომ დახატოს საგანი თუ მოვლენა, როგორც ეს ჩვენ მოცემული გვაქვს ვაჟა-ფშაველას შემოქმედებაში, საჭიროა: მძლავრად, თავისუფლად ფლობდეს კაცი ენას; ღრმად, ფართოდ იცნობდეს და ითვალისწინებდეს ცხოვრების მოვლენებს; ეს მოვლენები ბოლომდე გაიგოს, გამოარკვიოს და გამოავლინოს იმათი ძირითადი თვისებები; დააჯგუფოს ისინი ისე, რომ მათ შეერთებაში გამოაშკარავდეს საგნისა თუ მოვლენის არსი და ავტორის იდეა, რომლებიც მათგან წარმოიშობა. ყველა ამ თვისებით ვაჟა-ფშაველა უხვად იყო დაჯილდოებული. სწორედ ამითაც აიხსნება, რომ მის შემოქმედებაში არამც თუ ყოველ წინადადებასა და სიტყვას აქვს თავისი შესატყვისი რეზონანსი მკითხველის შეგნებაში, არამედ ყოველ ბგერასაც კი.

ვაჟა-ფშაველას შემოქმედებისათვის, აგრეთვე, დამახასიათებელია ცხოვრების მოვლენების მოკლედ, შეკუმშულად, ეკონომიურად მოცემა. ამაში მას ეხმარება მარტივი სინტაქსური კონსტრუქციები, რომლებიც ხალხური ჩვეულებრივი მეტყველების სინტაქსს ეყრდნობა, ყოველ შემთხვევაში მას რომ უახლოვდება.

„მემღერება და ვიმღერო;  
გულზე მჭირს სამი იარა:  
წარსულზე ფიქრი მაწუხებს,  
აწმყოში არა ყრია-რა  
და მომავლის ფიქრებიც  
არაეინ გამიზიარა!“

(„სიმღერა“)

აქ ყოველი წინადადება მარტივია, მოკლე, სხარტი, აზრის ზუსტად და ზედმიწევნით შეკუმშულად გამომთქმელი.

ვაჟა-ფშაველას სინტაქსთანაა მჭიდროდ დაკავშირებული მისი პოეზიისა და პროზის რიტმიული წყობაც — საგნისა თუ მოვლენის მარტივ, მოკლე წინადადებათა საშუალებით ლაპიდარული გამოცემა, რაც იწვევს მეტყველების სისწრაფეს, დინამიკას, აჩქარებულ რიტმს, რაც უმაღლეს წერტილამდეა მისული.

ნიმუშისათვის მოვიყვანთ რამდენიმე მაგალითს:

„რა ვნახეთ მტერი, მიეცვივლით  
ხმალ-მოწვდით, გამალულები  
და დაეინთქენით სპარსეებში,  
გარს მტრისგან შემორტყმულები.

კიდევ:

ძმებმა ხმალს ჰკითხეს, ფარი იფარეს,  
ცხენების ბორჯენას მისციან ნება;  
კარი გაიღო თათრის ჭარისა,  
გუბე და გუბე სისხლისა ღვება.

ხმალთ სტვენას. ცხენთა ჭიხვისა  
ბამს აძლევს სისხლის ჩხრალი,  
და თავმომწონე დროშებსა  
ჰაერში გააქვს ფრალი.

(„მოხუცის ნათქვამი“)

სისხლი ხმლის წვერმა ზეცას აწვიმა,  
მერე მიწაზედ დაიწყო დენა,  
როგორაც წყალმა. ნადენმა კოკით.

(„სულა და კურდღელა“)

ასეთივეა ვაჟა-ფშაველას პროზის ბუნებაც:

„სდებს თოვლს. ჰყინავს. ცივა. ქვა ტყვრება. მთებს სულარი ჩაუცვამთო ტანზე, თითქოს მკვდრები იყვნენ. დაგვმარხეთ, დაგვმარხეთო — გვეძახიან“ („მთანი მაღალნი“).

კიდევ:

„რას ჰხედავდა ზაფხული? რა აღონებდა იმას? რა აშფოთებდა? იცით რას? ზაფხული ჰხედავდა, რომ მთელი მისი სიმდიდრე, მისი ქონება იღუპებოდა; შნო და ლაზათი ეკარგებოდა; რჩებოდა ტიალ-ოხ-რად. მოვარდა საშინელი მდინარე: წალუკა მთა-ბარი, გაატიალა მინდვრები; ურიცხვი კონა მისი საამაყო ყვავილებისა იტურტლებოდა ლამ-

ში და ლაფში; მთები ინგრეოდა, ხეები ტყდებოდა; მდინარეები, ზღვე-  
ბი, ტბები დამშრალიყვნენ“ („ზაფხულის სიზმრები“).

ამ მოტანილ ნაწყვეტებში, როგორც სხვა მრავალშიც, ვაჟა-ფშავე-  
ლას საზოგადოებრივი განწყობილება გადაკვრით, ალეგორიულადაა  
მოცემული, რაც აგრეთვე აძლიერებს, სჭიმავს მკითხველის ყურადღე-  
ბას.

მოცემულ ნიმუშებში და სხვა მრავალ ამგვარში ვაჟა-ფშაველას  
მეტყველების დინამიურობა შეიძლება აიხსნას აგრეთვე იმითაც, რომ  
ის ხატავს აქტიურ მოვლენებს, რომელნიც მაქსიმალურად არიან გა-  
ჟღენთილი მოქმედებით, ინტენსივობით. ამასთან ერთად ვაჟა-ფშაველა,  
მართალია, ცდილობს სინამდვილე ობიექტურად ასახოს, მაგრამ, ვი-  
ნაიდან ის ამ მოვლენებთან მჭიდროდაა დაკავშირებული, მათდამი სი-  
ახლოვესა და დაინტერესებას დიდად განიცდის და ამას ვერც მალავს.  
ვაჟა-ფშაველას გადმოცემაში მკითხველს გამუდმებით ესმის მის მიერ  
აღწერილი მოვლენისადმი თუ მოცემული მოქმედი პირისადმი ავტო-  
რის აღელვებული ხმა, მისი თანაგრძნობა თუ უკმაყოფილება. მწერ-  
ლის ასეთი დამოკიდებულება საკმარისი გამპვირვალეობით (რომელიც  
მხატვრულობას არამცთუ არა ვნებს, არამედ ამახვილებს) ვლინდება  
ეპითეტის, ჰიპერბოლის, მეტაფორის, ანტითეზის, შედარებისა და სხვა-  
თა საშუალებებით.

\* \* \*

აღნიშნულ პოეტურ საშუალებათა გარდა, ვაჟა-ფშაველას შემოქ-  
მედებაში ნიჟიერადაა გამოყენებული ლირიკულ წიაღსვლათა ხერხიც.  
მგოსანი „ობიექტურ“ გადმოცემისას მოვლენის და მოქმედი პირის  
ხასიათის გაშლაში მოხდენილად და ბუნებრივად აქსოვს თავის შენიშ-  
ვნებს. გადმოცემაში ვაჟა-ფშაველა, თითქოს, შემთხვევით, უნებლიეთ  
იჭრება და სხვათა შორის ამკლავნებს თავის პირად დამოკიდებულება-  
საც, რაც გამოწვეულია პერსონაჟის სიმამაცით, გამბედაობით, ვაჟკა-  
ცობით, მაღალი საზოგადოებრივი განწყობილებით, ან სიმხდალით,  
ვერაგობით თუ მოვლენის სასურველი ან გასაკიცხი განვითარებით.  
ავტორის ამგვარი წიაღსვლა ნათელს ჰფენს საგანს თუ მოვლენას, მის  
განწყობილებას მეტი სიმკვეთრით ააშკარავებს და მკითხველის გაგე-  
ბასაც სწორ მიმართულებას აძლევს, გარკვეულ ჩარჩოებში აყენებს.

ნიმუშისათვის ავიღოთ პოემა „სტუმარ-მასპინძელი“.

ვაჟა-ფშაველაში დიდ თანაგრძნობას იწვევს ზვიადაურის ვაჟკა-  
ცობა-შეუპოვრობა. ის ზვიადაურისა და ჯოყოლას შორის მეგობრულ  
ურთიერთობაში საზოგადოებრივი ცხოვრების განმტკიცების საღ და-  
საბამს ხედავს. ამიტომ ის პოემის შინაარსს, — ჯოყოლასა და ზვიადა-

ურის ურთიერთობას, — ავითარებს რა „ობიექტურად“ რთული კო-ლიზიების საფუძველზე, გზა და გზა ურთავს თავის შენიშვნებსაც, რათა მკითხველის ყურადღებას სათანადო მიმართულება მისცეს. სახელდობრ: ჯერ დასაწყისშივე, ჯოჯოლას შეკითხვაზე — „რა გქვიაან? სახელი მითხარ, ხევსური სჩანხარ იერთ?“ — ზვიადაური თავის სახელს დამალავს და ასე უპასუხებს: „ნუნუა მქვიაან, ძმისაო, გადმოხვე-წილი ჭიელით!“

ვაჟა-ფშაველამ კარგად იცის, რომ კაი ყმას, როგორათაც მას უნ-და მკითხველს ზვიადაური აჩვენოს, არ შეშვენის სიცრუე. ამიტომ მწე-რალი ცდილობს ეს დანაშაული თუ სისუსტე ზვიადაურს შეუძმსებუ-ქოს და გადმოცემას ასეთს შენიშვნას ჩაურთავს:

იცრუა ზვიადურმა,  
თავის სახელი დამალა  
რა ქნას? მის სახელს იცნობენ,  
ქისტებს ბევრს სისხლი ავალა.  
(„სტუმარ-მასპინძელი“)

ქისტ ჯოჯოლას მოეწონა ხევსური ვაჟკაცი ზვიადაური. მას ის სახლში მიჰყავს სტუმრად, „როგორც ძმა ძმასთანა“. მწერალს სურს აგ-რძნობინოს მკითხველს, რომ ზვიადაურს მთელი თავისი პიროვნებით შეუძლიან ადამიანზე დიდი შთაბეჭდილება ადვილად მოახდინოს და სიუჟეტის განვითარებაში ასეთი შენიშვნა შეაქვს:

ეტყობა თავმოწონება  
მასპინძელს საუბარშია.  
(იქვე)

ასეთი წიაღსეულით ვაჟა-ფშაველა აადვილებს თავის განწყობი-ლება-დამოკიდებულება ზვიადაურისადმი გადასდოს მკითხველსაც.

ქისტებმა შეიტყვეს, რომ ჯოჯოლამ შეცდომით ისტუმრა ზვიადა-ური, მათი თემის „ამომგდებელი“. თემმა ჯოჯოლასთან გაგზავნა მოყუ-რიადღე, გაიგოს, ზვიადაურს სად მოათავსებენ. მოყურიადღე ფარული განზრახვით მიდის ჯოჯოლასთან, „ლაქანდრიანის ენით ლაღობს, არ არის წყენითა, ხალბათობს, ამბობს ამბებსა, ენას აკვერებს კვესითა“. მწერალმა მკითხველი საშინელი ტრაგიკული ამბებისათვის რომ შეამ-ზადოს, მისი ყურადღება რომ დაჭიმოს და თანაც გააფრთხილოს, რომ მოყურიადღე აქ თავის ლალ ქცევაში ბოროტ განზრახვას მალავს, გადმო-ცემას უცებ შეწყვეტს და ასეთს შენიშვნას ჩაურთავს:

ვინ იცის გული სავსე აქვს  
გველის შხამით და გვისლითა.  
(იქვე)

მოყურიადემ გაიგო, სად დაიძინებს ზვიადაური. გახარებული მიდის, რათა თემს შეატყობინოს. მწერალი მკითხველის გაფრთხილებისა და ყურადღების დაჭიმვის მიზნით, რომ მოყურიადის სინარული აუცილებელივ ავის მომასწავებელია, გადმოცემაში კვლავ შეიჭრება და შემდეგს ჩააკვესებს:

მამლის საჯდომი თუ იცის,  
მეტი რა უნდა მელასა?  
(იქვე)

ვაჟა-ფშაველა, ალტაცებული ზვიადაურის ვაჟკაცობით, წარმტაცი დინამიურობითა და მიმზიდველობით გადმოგვცემს ზვიადაურზე, ერთზე, ისიც უიარალოზე, ქისტების მთლიანი თემის თავდასხმას, მის შებოკვას. გარშემორტყმული ქისტები ზვიადაურს ხანჯლის წვერს ყელში ურჭობენ, უნდათ შეაშინონ; ვინაიდან მხოლოდ ამ პირობებში შეეწირება ზვიადაური მათ მკვდრებს; მაგრამ ზვიადაური წარბს არ იხრის, სიცოცხლის უკანასკნელ წუთშიც კი გაუტეხელი, შეუპოვრად შესძახებს ქისტებს: „ძალდ იყოს თქვენის მკვდრისადა!“ მწერალი ველარ იმაგრებს მოზღვავებულ ალტაცებულ გრძნობებს და გადმოცემას წყვეტს შემდეგი სიტყვებით:

სიცოცხლე ჰქრება, სისხლი დის, —  
ზვიადაური კვდებოდა,  
გული ვერ მოჰკლა მტრის ხელმა.  
გული გულადვე რჩებოდა!  
(იქვე)

და ასეა ლირიკული წიაღსვლა დიდი ხელოვანის ოსტატობით გამოყენებული როგორც ამ პოემაში, ისე სხვებშიც. შემოქმედების ამ ხერხითაც ვაჟა-ფშაველა, უდავოდ, საგრძნობლად ამახვილებს მკითხველის შთაბეჭდილებას, მის ემოციას. ნაწარმოებთა სიუჟეტების განვითარებასაც ამით, რა თქმა უნდა, დინამიკას მატებს.

\* \* \*

მწერალი, ჩვეულებრივ, თავის შემოქმედებაში მხატვრული კონკრეტული სახეების საშუალებით გვაძლევს ცხოვრების მოვლენებს და ხშირად მეტად რთულ მოვლენებსაც. მასთან ერთად ამ მოვლენებს მწერალი გვაძლევს არა განცალკევებულად, არა ერთიერთმანეთისაგან იზოლირებულად, არამედ ბუნებრივ მჭიდრო ურთიერთობაში, მათ ბუნებრივ მთლიანობაში, როგორც ეს სინამდვილეში იგრძნობა, სინამდვილეში არსებობს.

მწერალი, რამდენადაც ის მდიდარი ბუნების მატარებელია, რამდენადაც ის მრავალწახნაგოვანია, იმდენად მისი შემოქმედებაც მრავ-



ვალფეროვანია და რთული, მდიდარი შინაარსისაა, იმდენად მის შემოქმედებაში მოცემული საზოგადოებრივი ცხოვრების ამსახველი მხატვრული ტილო ფართოა. ამიტომ, მწერალი რამდენადაც ახლო და ღრმად იცნობს საზოგადოებრივ ცხოვრებას, იმდენად საზოგადოებრივი მოვლენები მის მიერ უფრო მკვეთრად და სისწორითაა გაგებული.

მწერალი თავის შემოქმედებაში რთულ და მრავალფეროვან საზოგადოებრივ ურთიერთობასა და თავის პირად დამოკიდებულებასაც მათდამი, ჩვეულებრივ, კინძავს ნაწარმოების ძირითადი მოქმედი პირის გარშემო. ყველა რთულ და წამყვან მოტივს, ნაწარმოებში ჩაქსოვილს, მწერალი პირველ რიგში ადამიანში ანსახიერებს. ნაწარმოების ყურადღების ცენტრში ადამიანია, ადამიანი ხომ საზოგადოებრივ ურთიერთობათა ერთობლიობაა (კ. მარქსი). ამიტომაც ადამიანის საშუალებით მწერალს ეხერხება ცხოვრების უკუფენა. ასევეა ვაჟა-ფშაველაც.

მწერალი და კერძოდ ვაჟა-ფშაველა მხატვრულ სახეებს, ამა თუ იმ პერსონაჟის სხვადასხვა თვისებებს ქმნის არა მათი მექანიკური გადმოცემებით, არამედ ყურადღებიანი, იმ დეტალებისა, იმ ნიშნების დაკვირვებული შერჩევით, რომლებიც მისთვის სინამდვილეში, მართლაც, სპეციფიკურია, დამახასიათებელია, რომელთა საშუალებითაც პერსონაჟის ან მოვლენის ცოცხალი, მკვეთრი წარმოდგენა მკითხველისათვის ადვილი შესაძლებელი გახდება. ასეთი შემოქმედების გზაა ვაჟა-ფშაველასათვის დამახასიათებელი, რაც მას საშუალებას აძლევს პერსონაჟი თუ ცხოვრების მოვლენა მკითხველს ცოცხლად დაანახვოს, გააცდევინოს, როგორც მკვეთრი კონკრეტული ფიგურა.

ამასთან დაკავშირებით ვაჟა-ფშაველასათვის, აგრეთვე, დამახასიათებელია შემოქმედების პროცესის შემდეგი საშუალებაც.

ცნობილია, რომ მწერალი თავისი ნაწარმოების პერსონაჟებს კი არ გამოიგონებს, არამედ უშუალოდ ცხოვრებიდან ჰკრეფს მათ დამახასიათებელ შემადგენელ ელემენტებს. ტიპიური სახის შექმნისათვის ვაჟა-ფშაველაც ხშირად სარგებლობს კერძო, კონკრეტული შემთხვევებით, კერძო პიროვნებით, ინდივიდუალური მოვლენით, რომლებიც მას თავისი პოეტური გამონაგონის (ВЫМЫСЕЛ) საშუალებით ტიპიურობამდე აყავს.

შემოქმედების პროცესში მწერალი საგანს თუ მოვლენას ჩამოაცილის, მოაშორებს ზოგს კერძო თვისებას, წმინდა ინდივიდუალურს, სამაგიეროდ დაურთავს სხვას, ახალს, ამოკრეფილს ცხოვრების სხვადასხვა მოვლენებიდან; ხშირად ამატებს პირადი თვისებებიდანაც, ვინაიდან მწერალი თვითონაც ხომ ტიპიური წარმომადგენელია თავის ეპოქისა, და მისი ტიპიური თვისებების მატარებელიც. მეტად საგულისხმევია დიდი რუსი მწერლის ნ. ვ. გოგოლის მახვილი განცხადება ამის შესახებ: „შეეკრიბე რუსეთში არსებული ყველა საძაგლობა, მას და-

ვუმატე ჩემი პირადი საძაგლობა და აქედან შეიქმნენ ჩემი ნაწარმოებების მოქმედი პირებიო“. ცხადია, მხატვრულ შემოქმედებაში როლი ასეთი მეთოდისა დიდია. დაახლოებით ასეთს შეხედულებას გამოსთქვამს მეორე დიდი რუსი მწერალი მ. გორკი: „ლიტერატორმა უნდა ისწავლოს, დაამყნოს, მიაწეროს ერთეულს თავისი კლასის განსაკუთრებულად დამახასიათებელი თვისებები“.

ასევე იქცევა ვაჟა-ფშაველაც. ის ხშირად, როგორც ზევითაც აღვნიშნეთ, გამომდინარეობს კერძო ინდივიდუალური პირიდან თუ მოვლენებიდან, ან მათ კერძო ელემენტებიდან, ხოლო პოეტური გამონაგონის საშუალებით მათ ავსებს, აერთებს, გადაამუშავებს, გარდაქმნის, „გადაადლებს“ თუ „გადაადნობს“, როგორც თვითონ პოეტი იტყვოდა, და ტიპიურობამდე აპყავს.

თუ რა დიდი ინტენსიურობისაა ვაჟა-ფშაველას პოეტური გამონაგონის ძალა, მშვენივრად ჩანს მის პასუხში იპ. ვართაგავასადმი — „კრიტიკა ბ. იპ. ვართაგავასი“ და წერილში „ფიქრები „ვეფხისტყაოსნის“ შესახებ“, რაც ზევით (თავში „ვაჟა-ფშაველა და ხალხური ზეპირსიტყვიერება“) შევეცადეთ მკითხველისათვის დაგვენახევიდინა.

აი, სხვათა შორის, დასმული საკითხის შესახებ, რასა წერს ვაჟა-ფშაველა:

„აღუდა ქეთელაური“, რომელიც აგრე ძალიან მოსწონს ბ. ვართაგავას, არის აშენებული სრულიად უბრალო მარტივს ამბავზე, უბრალო შემთხვევაზე. აღუდა ქეთელაურს ქისტებმა ცხენი მოჰპარეს. ქურდებს მღევრად გამოუდგება, ერთს მათგანს თოფით მოჰკლავს — ხოლო მოკლულის ამხანაგი ვაჟკაცურად დაუხვდება, თუმცა ესეც მსხვერპლი ზდება აღუდასი, მაგრამ მოჰხიბლავს მას თავის ვაჟკაცობით და როცა ჩამოვარდება საუბარი მუცალის მოკვლაზე, ხანდახან შესანდობარს დაჰლევს აღუდა ქისტისას, — ლუდს ან არაყს. მარჯვენის მოჭრა-მოუჭრელობაზე ზეპირგადმოცემა არაფერს გვეუბნება. ხალხური თქმულებისა მთელი თავი და ბოლო ეს არის“<sup>4</sup>.

მეტი დამაჯერებლობისათვის მოვიყვანთ ვაჟა-ფშაველას კიდევ ერთს ჩვენებას პოემა „გოგოთურ და აფშინას“ შესახებ. „ეს პოემა, — წერს ვაჟა-ფშაველა, — საკუთარმა ინციდენტმა დამაწერინა, გოგოთურად ვგუობდი თავის თავს. ხედავთ საქმე სანამდის მიდის, მხოლოდ სახეში მყვანდა ის გოგოთური, რომელიც მართლა სცხოვრობდა ამ მეცხრამეტე საუკუნეში, იყო მცხოვრები სოფელ ყოფჩისა, როგორც პოემაშია მოხსენებული, იყო ძალიან ღონიერი, მძლავრი და მშრომელი ადამიანი. იმისი მოტანილი ბრტყელი სიბი ქვა დღესაც გდია კობალის სამლოცველოსთან და ორ კაცს გაუჭირდება ასაწევად. იყო წყნარი და სათნოიანი ადამიანი, როგორც გამიგონია. იმის ვაჟკაცობისა

<sup>4</sup> ვ ა ჟ ა ფ შ ა ვ ე ლ ა , კ რ ი ტ ი კ ა ბ . ი პ . ვ ა რ თ ა გ ა ვ ა ს ი , თ ხ . , ტ . III , გვ . 453 .

მხოლოდ ის მსმენია და, რომ ერთხელ ქურდ-ბაცაცობისათვის შეეპყრო ორი ხევსური, მოეყვანა სახლში შეკონილები. ცოლისათვის ეთქვა, სალაფავი გააკეთე, ამ ძაღლებს უნდა ვაჭამოვო... მართლაც, ძაღლის საჭმელ გეჭამი ჩაესხა ქურდ ხევსურებისათვის და დაედგა წინ: „ეს ჭამეთ, ქურდი და სხვის სარჩოს მტაცებელი ამის ღირსიაო!“ ხევსურები თურმე შეხევეწნენ: ოღონდაც, გოგოთურის ჰირიმე, ძაღლის სალაფავს ნუ გვაჭმევ და ჩვენს სიცოცხლეში აღარ ვიქურდებთო. გოგოთურმა შეიწყინარა მათი თხოვნა, ჩამოართვა ფიცი და გაანთავისუფლა. ეს ხევსურები ორი ერთკაცად — აფშინად გარდავქმენ და ამგვარად პოემა დაიწერა“<sup>5</sup>.

აი ასეთმა კერძო კონკრეტულმა შემთხვევებმა, ინდივიდუალურმა მოვლენებმა ბიძგი მისცეს ვაჟა-ფშაველას თავისი პოეტური გამონაგონის საშუალებით შეექმნა მთლიანი პოემები, დახვეწილი სიუჟეტით, ტიპიური სახეებით გოგოთურისა, აფშინასი, ალუდასი, მუცალისა და სხვათა. ცხადია, ვაჟა-ფშაველას პოეტურ ფანტაზიას დიდი შემოქმედებითი მუშაობა აქვს ჩატარებული ხსენებული მოვლენების საფუძველზე მთლიანი სიუჟეტების შექმნისა და მოქმედი პირების ტიპიურობამდე აყვანისათვის. ვაჟა-ფშაველას შემოქმედების პროცესის ასეთ თავისებურებაშია მისი პოეტური ქმედების ერთ-ერთი ძალა, სიღრმე და სიმკვეთრე.

ნათქვამიდან, რა თქმა უნდა, ისეთი დასკვნა არ უნდა გამოვიტანოთ, რომ მწერალი უნდა ცდილობდეს გინდა თუ არა აუცილებლივ გამოიგონოს, ასცდეს სინამდვილეს. არა. გამოგონება მხოლოდ მაშინაა გამართლებული, როცა მისი ამოქმედების საფუძველი სინამდვილეა და ამასთან ერთად, როცა მწერლის წარმოსახვის საშუალებით შექმნილი სახე მწერალს ეხმარება თავისი დამოკიდებულება ცხოვრების მოვლენისადმი ცხოვლად მოგვცეს, როგორც ამას მშვენივრად ახერხებს ვაჟა-ფშაველა თავის შემოქმედებაში, იქნება ეს მისი ღირიკული ლექსები, პოემები, თუ მოთხრობები.

კერძოდ, ინდივიდუალური მოვლენა-პროტოტიპი ხშირად მხოლოდ ბიძგის როლს თამაშობს მწერლისათვის, რომელიც ნახულის, ნაცნობის ფოტოგრაფიულ სურათს კი არ იძლევა, არამედ გადაამუშავებს: ნახულს, ნაცნობს ავსებს ზოგიერთი ახალი, არსებითი თვისებით, სამაგიეროდ ზოგს ინდივიდუალურს, შემთხვევითს თვისებას აცილებს, ასეთი თვისებების რიცხვს ამცირებს, ისე კი, რომ ზომიერ ფარგლებს არ გადასცეს, კონკრეტული სახე შეუენარჩუნოს.

ამ მიმართულებით მწერალი მხატვრული წარმოსახვის საშუალებით ქმნის ახალ სახეს, ახალ ხასიათს, რომელშიც ის ჰკრებს, აერთებს

<sup>5</sup> ვ ა ჟ ა ფ შ ა ვ ე ლ ა, ჩემი პოემების შესახებ, ჟურნ. „ნათობი“, 1934 წ., № 11—12.

საზოგადოების ამა თუ იმ კლასის, ჯგუფის თვისებებს, რომლებიც მან ცხოვრების სინამდვილეში ნახა, გაიცნო, შეისწავლა. ამ გზით მწერალი ინდივიდუალურ, კერძო სახეს ტიპიურ ხასიათად აქცევს.

როგორც ზემომოყვანილი მასალებიდან შეგვიძლიან დავინახოთ, ვაჟა-ფშაველას შემოქმედების გზაც სწორედ ასეთია.

ვაჟა-ფშაველა თავისი შემოქმედების პერსონაჟების მთლიან ხასიათს ისეთი სასიცოცხლო ნიშნებით ქმნის, რომ ყველა მისი საქციელი ერთი-მეორის შემვსებელი, ერთიმეორის გამმახვილებელი, როგორც შემქმნელი ერთი მთლიანი მოქმედი არსებისა.

მაგალითად: ალუდას ყოველი საქციელი — მისი მტერთან — მუცალთან შეხვედრა, მასთან გამეტებული ბრძოლა, შინაგანი ტანჯვა, მუცალის მოკვლით გამოწვეული, ძველ ტრადიციებში ეჭვის შეტანა, თემთან წინააღმდეგობა, თემისაგან განდევნილი ალუდას დამოკიდებულება თემისადმი და სხვა.

ალუდას აღნიშნული ყველა ნიშანი თუ თვისება ერთიმეორეს ავსებს, ქმნის მთლიან, მჭიდროდ დაწნულ ხასიათს, პიროვნებას; ყველა აღნიშნულ თვისებათა საფუძველია ალუდას ვაჟკაცობა, მისი წარმოდგენა „კაი ყმაზე“, რაც მას შესისხლხორცებული აქვს მთელი თავისი არსებით. ასევეა ვაჟა-ფშაველას შემოქმედებაში მოცემული სხვა მოქმედი პირების ხასიათი: გოგოთურ, ჯოყოლა, მინდია, ალაზა და მრავალი სხვა.

ვაჟა-ფშაველას კარგად ესმის, რომ ტიპიური პერსონაჟისა თუ მოვლენის განსახიერების საიდუმლოებას შეადგენს განსახიერებულის ცხოველმოსილობა. მან კარგად იცის, რომ მხოლოდ ასეთი პირობის დაცვით შეუძლიან მკითხველს ადვილად, მეტის სისრულითა და უშუალოდით განიცადოს მწერლის მიერ დახატული სამყარო, გაიგოს პერსონაჟთა სულისკვეთება, გახდეს მათი ცხოვრების არა მარტო მოწმე, არამედ მონაწილეც.

აი რას გვეუბნება ამის შესახებ დიდი რუსი მწერალი მ. გორკი: «Писатель должен смотреть на своих героев именно как на живых людей, а живыми они у него окажутся, когда он в любом из них найдет, отметит и подчеркнет характерную, оригинальную особенность речи, жеста, фигуры, лица, улыбки, игры глаз и т. д.»<sup>6</sup>

Отмечая все это, литератор помогает читателю лучше видеть и слышать то, что им, литератором, изображено. Людей совершенно одинаковых нет, в каждом имеется нечто свое и внешнее и внутреннее»<sup>6</sup>.

<sup>6</sup> М. Горький, Письма начинающим литераторам, сборник «О литературе», стр. 255.

სწორედ ასეთია ვაჟა-ფშაველას შემოქმედების პროცესი პერსონაჟების დახატვაში. ის მშვენივრად იცნობს ცხოვრებას, მოსახლეობას, მის საქმიანობას, გარემოს. მოქმედი პირის განსახიერებისას მასალის გამოყენებაში ვაჟა-ფშაველას არაჩვეულებრივი ზომიერება ახასიათებს, ზედმეტს სიტყვას არ ხმარობს, მხოლოდ არსებითს, დამახასიათებელ მკვეთრ ნიშნებს იძლევა, ყოველ მათგანს შესაფერ მომენტში, თავის ადგილზე იყენებს და დიდი დამაჯერებლობით და ხაზგასმით სკეძს. ვაჟა-ფშაველა ტიპიური სახის მკვეთრსა და დამაჯერებელ სახეს ხშირად იძლევა შემთხვევითი ქცევის მოცემით, მაგრამ ისე კი, რომ ეს შემთხვევითი მოქმედი პირის ბუნების, ხასიათის არსს ნიშანდობლივი სიზუსტითა და სიმკვეთრით აქანდაკებს.

ნიმუშისათვის: ხევსური ზვიადაურის ვაჟკაცობა, გაუტეხლობა, მისი მთლიანი ფიზიკური და მორალური სახე რომ მკითხველს მძლავრად დაანახვოს, ვაჟა-ფშაველა მას მეტად რთულ და მძიმე მომენტებში გვიხატავს. ზვიადაურს, ქისტების სისხლი რომ მართებს, ქისტები სისხლის აღების მიზნით, მოუნდომებენ დაკვლას თავის მიცვალებულთა საფლავზე, ზვიადაურს შეკრავენ, უნდათ ჯერ შეაშინონ წესის თანახმად, შემდეგ დააკლან მკვდართ. მაგრამ ზვიადაური არ შედრკა, წარბიც არ შეიხარა, თვალიც კი არ აახამხამა.

განცდა ზვიადაურისა დიდია. მისი გადმოცემა, რომ მკითხველმა სრული, მხატვრული შთაბეჭდილება მიიღოს, ძნელია. ვაჟა-ფშაველაც ამას მშვენივრად გრძნობს. მწერლის მხრივ შეცდომა იქნებოდა დაეწყო აქ ზვიადაურის მღელვარე განცდების აღწერა — ეს, უდავოდ, გადმოცემის პროცესს გააპიანურებდა, სიუჟეტის განვითარების დინამიკასაც შეანელებდა, რაც ადვილი შესაძლებელია, მკითხველის მძლავრად დაჭიმულ ყურადღებას შეასუსტებდა და, შესაძლებელია, მოწყენილობაც გამოეწვია.

ვაჟა-ფშაველა, როგორც მხატვრული ზომიერების დიდი ალლოტი დაჯილდოვებული, სხვა საშუალებას — ლაკონიურს, შეკუმშულს, ხერხს, შემთხვევით გამოვლინებულ, მაგრამ ტიპიური ქცევის ხაზგასმას, მიმართავს. მწერალი ერთი კალმის მოსმით, ერთი ფრაზის საშუალებით მკითხველს ზვიადაურის — ვაჟკაცის დაუფიწყარსა და დამაჯერებელს სახეს სისრულით უქანდაკებს, როცა ის სიკვდილის პირზე მყოფ ზვიადაურს ქისტებისადმი შეუპოვრად შეაძახებინებს: „ძაღლ იყოს თქვენის მკვდრისადა!“

ასეთივე ხასიათისაა ვაჟა-ფშაველას მიერ გამოყენება შემფასებელი ეპითეტებისა და შეხედულებებისა. რომელთაც წიაღსვლის ხასიათი თუ მნიშვნელობაც აქვთ.

## მაგალითად, იმავე ზვიადაურის შესახებ:

საქირის ცეცხლი ეღება  
სამსხვერპლოს გულის თქმასაო.  
რა მოსდრეკს წარბ-დაღრუბლულსა,  
ქელ ჩაქანებულ მთასაო!

ვაჟა-ფშაველა ასეთივე ზომიერებით იყენებს პერსონაჟთა შორის ურთიერთდამოკიდებულებას, განსაკუთრებით მთავარი გმირისადმი დამოკიდებულებას, რაც აგრეთვე ხელს უწყობს ნაწარმოებში დახატულ პერსონაჟთა და მოვლენათა ტიპიურობას.

ნიმუშისათვის: ქისტებმა ზვიადაური დააკლეს გიგანებულთ. მაგრამ ზვიადაურის ვაჟაკურმა დახვედრამ მტრის გულიც კი დაიპყრო. ვაჟა-ფშაველა სხარტადა და მოხდენილადაც გვეუბნება — „დაკლულმა დაჰკლა მათ გული და გაუცრუვა ქადილი“. სასაფლაოდან დაბრუნებული ქისტები ზვიადაურზე ერთგვარი გაუბედაობით ფიქრობენო, ამბობს პოეტი:

„ცოდვია!“... ყველა ჰფიქრობდა...  
ხომ მაგას არ მოვეუკლავდით  
მტრებს, ავს რომ არ სჩადოდენ?  
კარგი ვაჟაკი ყოფილა,  
ყველა ალღახსა ჰფიცავდა,  
იმიტომ ვეფხვებრ გვებრძოდა,  
თავის მიწა-წყალს იცავდა.

ამით, რა თქმა უნდა, გამახვილებულია ზვიადაურის — ვაჟაკის სახე. ამითვეა გამახვილებული პოემის დედა-აზრიც — სისხლის აღება უკვე დრომოჭმული, უვარგისი, მიუღებელი ჩვეულებაა და ყველა ამას მგოსანი ახერხებს განსაცვიფრებელი ეკონომიური ხერხით: რამდენიმე სიტყვით, მაგრამ ბევრის მთქმელი თუ შემცველი სიტყვით. ყოველ შემთხვევაში ვაჟა-ფშაველა დაჟინებით ინარჩუნებს მხატვრული შემოქმედების ძირითად მოთხოვნილებას დაიჭიროს მოვლენის თუ პერსონაჟის ტიპიური, დამახასიათებელი, სპეციფიკური; აჩვენოს ის ცხოველმყოფელი და ინდივიდუალური სახით.

ეს გარემოება სხვა პოეტურ საშუალებებთან ერთად ხელს უწყობს ვაჟა-ფშაველას მოცემული პერსონაჟი თუ მოვლენა ტიპურ სიმაღლეზე აიყვანოს, მკითხველსაც გააცდევინოს ის, როგორც ტიპიური მოვლენა. აი ამაშიცაა ვაჟა-ფშაველას პოეტური ნიჭის ერთ-ერთი ძალა.

ვაჟა-ფშაველას შემოქმედების აღნიშნულ თვისებათა კომპლექსს მთელი სიმკვეთრით შეჰყავს მკითხველი მწერლის მიერ შექმნილ პოეტურ სამყაროში. ამაშია დასაბამი იმ დიდი პოეტური ილუზიისა, რომელიც ასე მძლავრად ახასიათებს ვაჟა-ფშაველას შემოქმედებას.

ვაჟა-ფშაველას შემოქმედების მხატვრული ძალა მკითხველზე იმდენად ძლიერია, რომ მკითხველს უჭირს მისი გავლენისაგან განთავისუფლება; ის ხშირად იძულებულია თავს ძალა დაატანოს, რომ ნაწარმოებში მოცემული სამყაროს სფეროდან გამოვიდეს და თავის რეალურ სამყაროს დაუბრუნდეს.

სამართლიანია ა. შალიგინის აზრი მკითხველზე პოეტური ილუზიის გავლენის შესახებ: «Настроение, которое вложил в свое произведение поэт, вытесняет из души читателя его собственное настроение и властно становится на его место, заставляя его среди самой обыкновенной обстановки пережить восторг, умиление, волнение страсти, отвагу и пр.

Под влиянием поэтического произведения читатель иногда открывает в себе такие стороны души, о которых он раньше не знал, часто живет теми ее сторонами, которые не находят в себе применения в действительности»<sup>7</sup>.

ასეთი პოეტური შთაგონება მკითხველზე იმდენადაა ძლიერი, რამდენადაც ნაწარმოების პოეტური ილუზია სრულია. ნაწარმოების პოეტური შთაგონების ძალა, მისი პოეტური ილუზია განსაზღვრულია ნაწარმოების პოეტური ღირებულებით, მასში მოცემული სახეების სისრულით, დამთავრებულობით, რაც, უსათუოდ ვაჟა-ფშაველას შემოქმედებას ახასიათებს.

სრულიადაც არ არის საჭირო, რომ მწერალმა პერსონაჟის შესახებ ყველაფერი თქვას — არსებითიცა და მეორეხარისხოვანიც. ასეთი გზა ხშირად ნაწარმოებს ტვირთავს ზედმეტი მასალით და მკითხველსაც ინტერესს თუ არ უკარგავს, უნელებს მაინც. უფრო სწორი და მიზანშეწონილია რამდენიმე დამახასიათებელი ხაზი იქნას მკვეთრად მოცემული, რომელთა განცდა გააღვივებს, ამოქმედებს მკითხველის ფანტაზიას და ნაწარმოებში მოცემული სახის თუ მოვლენის შევსებას თვით მკითხველი აქტიურად და ძალდაუტანებლად შეძლებს.

ვაჟა-ფშაველასათვის შემოქმედების ეს მეორე გზა უფრო დამახასიათებელია, როგორც პოეზიაში, ისე პროზაში, რასაც შემონათქვამი და მოყვანილი ნიმუშებიც აშკარად ადასტურებს. სწორედ შემოქმედების ამ მეორე გზით იქმნებოდა მგოსნის მიერ თითქმის ყველა მისი შეამბოხე გმირი — ალუდა ქეთელაური, ზვიადაური, ჯოყოლა, აღანა, მინდია, გოგოთური, დარეჯანი და მრავალი სხვა. ესევე ახასიათებს მგოსნის ლირიკასაც, მის ქარაგმებით ნათქვამებსაც.

ნაწარმოების პოეტური ილუზიისა და ნაწარმოების პოეტური შთაგონების ძალა, გარდა თვით პოეტურ ნაწარმოებთა ღირებულები-

<sup>7</sup> А. Ш а л ы г и н, Теория словесности, стр. 124—125.

სა, დამოკიდებულია აგრეთვე მკითხველის ამთვისებლობაზე, განსაზღვრულია მკითხველის ბუნებით: რამდენადაც მდიდარია მკითხველის ცოდნა და პირადი გამოცდილება, რამდენადაც ფართოა და ღრმა მისი ბუნება და შინაგანი სამყარო, რამდენადაც დიდია და დახვეწილი მისი ესთეტიკური ალღო, იმდენადაც მკითხველის დამოკიდებულებაც მწერლისადმი, განსაკუთრებით დიდი დიაპაზონის მქონე მწერლისადმი, როგორცაა ვაჟა-ფშაველა, — ღრმაა, მდიდარი, მრავალწახნაგოვანი, თავისებური.

მწერლისა და მკითხველის ურთიერთობას მშვენივრად ახასიათებს მაქსიმ გო რ კ ი: «Произведение литератора лишь тогда более или менее сильно действует на читателя, когда читатель видит все то, что показывает ему литератор, когда литератор дает ему возможность тоже «вообразить» — дополнить, добавить — картины, образы, фигуры, характеры, данные литератором из своего читательского, личного опыта, из запаса его, читателя, впечатлений, знаний. От слияния, совпадения опыта литературы с опытом читателя и получается художественная правда, — та особенная убедительность словесного искусства, которой и объясняется сила влияния литературы на людей»<sup>8</sup>.

ვაჟა-ფშაველას შემოქმედების მასალის, შინაარსის, განწყობისა და ფორმის თავისებურება, მრავალფეროვნება, განსაკუთრებით ფორმისა, ერთ-ერთი მიზეზია იმ მრავალი სხვადასხვა, ზშირად დიამეტრულად საწინააღმდეგო შეხედულებებისა, რომელიც ჩვენს მწერლობაში იმის შესახებ არსებობს.

\* \* \*

ვაჟა-ფშაველა კარგად იცნობს გარემო ცხოვრებას. ის იქიდან ადვილად კრებს შესაფერ მოვლენებს, პირობებს, პერსონაჟებს. დიდი ალღოა და თავისებური გაგებით გამოჰყოფს მათში დამახასიათებელს, ტიპიურსა და არსებითს ნიშნებს; მათ ის ანზოგადოებს და მძლავრ ჩამოყალიბებულ, ტიპიურ სახეებში აძლევს მკითხველს განსაზღვრულ დროსა და სივრცეში; ის გვიხატავს ტიპიურ მოვლენებს ტიპიურ გარემოში.

ვაჟა-ფშაველა, როგორც ეს დამახასიათებელია ნიჭიერი მწერლისათვის, თავის შემოქმედებაში გვიჩვენებს არა მარტო იმას, რაც იყო მის დროში დამახასიათებელი, გავრცელებული, არამედ მეტის გატაცებით უფრო იმას, რა უნდა ყოფილიყო ან რა უნდა იყოს, რაც სინამდვილეში უნდა განვითარდეს და შეიქმნეს ტიპიურ მოვლენად. ამას მწერალი ახერხებს პირადი შემოქმედებითი უნარითა და პოეტური ალღოთი. ამ მიმართულებით მწერალი ნაწარმოების მასალის ცალკეული

<sup>8</sup> М. Горький, Письма начинающим литераторам, сборник «О литературе», стр. 254.



შემადგენელი ელემენტებისაგან ქმნის ორგანიზებულ მთელს, ქმნის ნაწარმოების ყველა ელემენტის თანაზომიერადა და თანამიმდევრულად, მიზნობრივი კავშირით განლაგებულს, თანაფარდობას.

ნაწარმოებში ასახულ მოვლენათა მიზნობრივი გამთლიანება და მისი ნათელი, ხალისიანი და მიმზიდველი გადმოცემა, რაც საჭიროა, რომ მკითხველი მასში არ დაიბნეს და სისწორით გაერკვეს, როგორც ცნობილია, შეადგენს ნაწარმოების კომპოზიციის საკითხს, რაც ვაჟა-ფშაველას მხატვრულ შემოქმედებაში ერთ პირველხარისხოვან საკითხთაგანია. კომპოზიციის მხატვრული გაშლა ერთ-ერთი ძირითადი თვისებაა ნაწარმოების მხატვრული ზემოქმედებისა მკითხველზე.

ვაჟა-ფშაველას კარგად ესმის, რომ მხატვრული ნაწარმოების კომპოზიციის შექმნისათვის, გარდა იმისა, რომ საჭიროა მწერალს შესწევდეს უნარი გარემოცხოვრებაში გამოიხატოს მოვლენების დამახასიათებელი, არსებითი ნიშნები, ამასთანავე აუცილებელია გამოიხატოს და გაიგოს ამ მოვლენათა საზოგადოებრივი მნიშვნელობა, შეძლოს მათი განზოგადება, კანონზომიერად გამოხატოს მათი ტიპური ნიშნები, რომელიმე კონკრეტულ მოვლენასა თუ სახეში შეკრებილი. ამასთანავე ერთად ვაჟა-ფშაველამ ისიც კარგად იცის, რომ საჭიროა ნაწარმოების შემადგენელი ყველა ელემენტი განალაგოს ისეთი თანაზომიერებითა და თანამიმდევრობით, რომ მკითხველის შეგნებაში ნაწარმოებებში მოცემული სახეები კონკრეტულად, ცოცხლად, დამაჯერებლად იშლებოდეს და იბეჭდებოდეს, როგორც ეს დამახასიათებელია საზოგადოებრივი ცხოვრებისათვის — წინააღმდეგობების საშუალებით განვითარება, წინააღმდეგობათა მოხსნა და სხვა. მწერლის პოეტურ ნაწარმოებში ხომ მოცემულია ცოცხალი ცხოვრების — სინამდვილის ნატეხი, რომელშიც არამც თუ იგრძნობა, არამედ გაიგება კიდევ თვით ცხოვრების სინამდვილე თავისი კანონზომიერი, დიალექტიკური განვითარებით, კანონზომიერი სიცოცხლით.

ვაჟა-ფშაველა ნაწარმოების სიუჟეტს, როგორც ეს დამახასიათებელია მხატვრული შემოქმედებისათვის, ჩვეულებრივ, ავითარებს ცხოვრების რომელიმე წინააღმდეგობის საფუძველზე. გვიჩვენებს ამ წინააღმდეგობაში მყოფ ადამიანთა შორის ბრძოლას, ამ ბრძოლის ცალკეულ პერიპეტეებს, მებრძოლ მხარეთა წარმატებასა თუ დაბრკოლებასა და ამ ბრძოლის პროცესის საბოლოო შედეგს.

ვაჟა-ფშაველას შემოქმედებას როგორც პოეტურს, ისე პროზაულს კომპოზიციურადაც უაღრესი შეკუმშულობა ახასიათებს. მის კომპოზიციაში მკითხველი, შეიძლება ითქვას, ვერ იპოვის ვერც ერთს ზედმეტს ხაზს გმირისა თუ მოვლენის განსახიერებისას, ყოველი სახე იქ მკვეთრი, ნათელი, დამაჯერებელია და თავის ადგილზეა მიზნობრივ კავშირ-

ში მოთავსებული. ასეთია ვაჟა-ფშაველას „გოგოთურ და აფშინა“, „ალუდა ქეთელაური“, „სტუმარ-მასპინძელი“, „ემშაკი“, „დათვი“, „დარეჯანი“ და მრავალი სხვა.

ვაჟა-ფშაველას ნაწარმოების კომპოზიციის განვითარებაში მწერლისათვის დამახასიათებელი ოსტატობით გამოკვეთილია ნაწარმოების ყველა შემადგენელი ნაწილი თუ მომენტი: ექსპოზიცია, კვანძი, კულმინაცია, გახსნა და დასასრული მოქმედების განვითარების პერიპეტეობითა და მათი მატებით. ყველა ამ მომენტს ვაჟა-ფშაველა ისეთი განსაცვიფრებელი კანონზომიერებითა, თანამიმდევრობათა და დინამიურობით ავითარებს, რომ მკითხველი მთლიან, დამთავრებულ ესთეტიკურ შთაბეჭდილებას იღებს. ნიმუშისათვის ავიღოთ პოემა „ალუდა ქეთელაური“.

პოემა „ალუდა ქეთელაურის“ მიზანდასახულობაა: აჩვენოს მკითხველს, რომ თემური ცხოვრების პირობები თანამედროვე ადამიანს ვეღარ აკმაყოფილებს (ჯერ-ჯერობით რჩეულთ — ალუდა ქეთელაურის სახით). ამ ნიადაგზე იქმნება წინააღმდეგობა ალუდა ქეთელაურსა და თემს შორის.

პოემის ექსპოზიციაში ვაჟა-ფშაველა გვაძლევს მოქმედ პირთა — ხევსურს ალუდა ქეთელაურსა და ქისტს მუცალის შორის შეუპოვარ ბრძოლას, ორივეს სურვილს მოწინააღმდეგეზე გაიმარჯვოს. მტერმა მუცალმა დააფასა ღირსეული მოწინააღმდეგე — ალუდა ქეთელაური; მიუხედავად მტრობისა, ის მისდამი პატივისცემით გაიმსჯვალა. ამიტომ დაძლეულმა მომაკვდავმა მუცალმა თოფი ალუდას გადაუგდო, როგორც მისი იარაღის ღირსეულ მატარებელ ვაჟაკს:

ვხლა შენ იყოს, რჯულ ძაღლო,  
ხელს არ ჩავარდეს სხვისასა.

ამის თქმისთანავე მუცალს „სიტყვა გაუშრა პირზედა, დაბლა გაერთხა მიწასა“.

ასეთი ექსპოზიციით ვაჟა-ფშაველა მშვენივრად ამზადებს მკითხველს პოემის ძირითადი ხაზის გასაგებად და იქვე, სრულიად ბუნებრივად ქმნის პოემის კვანძს.

ვაჟაკს ალუდა ქეთელაურშიც მუცალის შეუპოვარი ბრძოლა და გაუტეხელი ხასიათი ბუნებრივად გამოიწვევს მოწინააღმდეგისადმი პატივისცემას. აქ იწყება კვანძი პოემისა. პატივისცემა და დაფასება ვაჟაკი მუცალისა ალუდა ქეთელაურში იმდენად ძლიერია, იმდენად მომხიბვლელი, რომ მას აიძულებს თემის ჩვეულება, — რკინის ხასიათი რომ აქვს თემის წევრთათვის, — დაარღვიოს. მან მოკლული მტერი — მუცალი, გააპატიოსნა, როგორც იტყვიან მთაში, იარაღი არ აპყარა. მარჯვენაც არ მოსჭრა, შეეცოდა.

აქ კვანძი სრულიად გამართულია. აქედან იწყება ახალი გრძნობის გავლენით ალუდა ქეთელაურის მიერ თემის ჩვეულებათა ერთიმეორეზე რღვევა და თემთან — ბერდიასთან წინააღმდეგობა, ბრძოლა მღიდარი პერიპეტიებით.

თანდათან ღრმავდება და ფართოვდება ალუდაში ახალი ჰუმანური გრძნობა, ამ ნიადაგზე მისი დაეჭვება თემის ღრმომოქმულ, უხეშ ტრადიციებში. ყოველ ახალ მომენტს შემოაქვს ახალი ნიუანსი ალუდას გრძნობის გამახვილებისათვის; მეორე მხრივ, ალუდასადმი თემის წინააღმდეგობაც ალუდას წინააღმდეგობის შესატყვისად თანდათან ძლიერდება.

წინააღმდეგობა მათ შორის აღწევს უმაღლეს წერტილს — კულმინაციას მაშინ, როცა ხევისბერ ბერდიასაგან შეუწყნარებელი ალუდა თვითონ ასრულებს მისთვის აკრძალულ წესს — მოზვერს ხატის წინაშე თვითონ დაჰკლავს.

აქაა თემისაგან აკრძალული საზღვარს აცილებული ალუდას პროტესტანტული განწყობილება. აქვეა თემის დაუნდობელი წინააღმდეგობაც ალუდასადმი, მისი თემისათვის დაუშვებელი საქციელით გამოწვეული. წინააღმდეგობა ალუდასა და თემს შორის უზენაეს საზღვარს აღწევს — მკითხველს მკაფიოდ, ნათლად ესმის, რომ თემსა და ალუდას შორის სამკვიდრო-სასიცოცხლო საბოლოო შეტაკება აუცილებელია. გნარისხებული ხევისბერი ბერდია მოუხმობს თემს, თემის წესის დამრღვეველის მიმართ უმაღლეს სასჯელს მოითხოვს თემის კოდექსის თანახმად:

სამართალი ვქნათ, ვუმტვრიოთ  
ალუდას სახლის დირენი;  
ნუ დაინანებთ, ექმნენით  
ცოლ-შვილის ამბირენი.  
მოკვეთილ იყოს სხვა ქვეყნის  
ცა-ღრუბლის შანამზირები.  
წადით, უმტვრიეთ შავ-ბნელსა  
სახლისა, ციხის კარები.

ცეცხლი მიეცით საძნოვარს —  
ცასა სწვდებოდეს ალები,  
სათემოდ გამოირეკეთ  
ცხვარი, ძროხა და ხარები.  
შატის ცოლ-შვილი უტრიეთ,  
გუდანს — შინში და ქალები;  
პრისხამდეს ჩვენი ბატონი,  
არ არის შასაბრალები.

ხევისბერ ბერდიას წინააღმდეგობა და მოთხოვნა თემისათვის კანონია, კანონი თემისათვის გარდაუვალი. ალუდას მიმართ განაჩენი გამოტანილია. აქაა კვანძის ბუნებრივი გახსნა.

პოემის უკანასკნელი VI თავი გვიხატავს განდევნილი ალუდასი და მისი ოჯახის წევრების მძიმე მტანჯველ განცდებს, მათი თემისაგან დარბევითა და განდევნით გამოწვეულს.

ვაჟა-ფშაველა რამდენიმე მცირე, მაგრამ მკვეთრი ხაზის მოცემით მკითხველს მძლავრად აგრძნობინებს განდევნილ-მოკვეთილთა სიტყვით გამოუთქმელ მწუხარებას. ამასთანავე ერთად, მწერალი შეკუმშულად,

სიმკვეთრითა და თანაგრძნობის გამომწვევი მიმზიდველობით მკითხველს შთააგონებს, რომ ალუდა ქეთელაურში, მიუხედავად ასეთი მძიმე სასჯელისა, სინანულის გრძნობა მაინც არ არის; მასში საბოლოოდ გამარჯვებულია ახალი, ჰუმანური გრძნობა სიყვარულისა, სამართლიანობისა, თანაგრძნობისა. მკითხველი აშკარად გრძნობს, რომ ალუდა დამარცხებული არ არის. ალუდა დაეჭვიანდა თემის ზოგიერთი ტრადიციის ქვემარტებაში. ამიტომ ის თემს უხეშ მოთხოვნილებაში აღარ უთმობს. დათმობას მან ოჯახობით თემიდან განდევნა, მოკვეთა ამჯობინა.

გაღვიდნენ, ქელი გადავლეს,  
თხრილი აღარ ჩანს კვალისა —

გვეუბნება დასასრულს ავტორი. აქ არის მოქმედების განვითარების დასასრული.

მიუხედავად საშინელი ტრაგედიის განცდისა, პოემიდან მკითხველს მაინც ნათელი განწყობილება რჩება. მკითხველი ალუდაში აშკარად გრძნობს დიდ მორალურ ძალას და მის გამარჯვებას. ამიტომ მკითხველი და თვით ავტორიც მთელი თანაგრძნობით, სიმპათიით ალუდას მისდევენ. ამაშია ამ პოემის პოეტური შთაგონების ძალა, ამაშია მისი კომპოზიციის დიდი ოსტატობა და დიდი ზემოქმედების გავლენა.

ამგვარივე კომპოზიციური ოსტატობით ხასიათდება ვაჟა-ფშაველას მრავალი ნაწარმოები: „სტუმარ-მასპინძელი“, „გველის მჭამელი“, „გოგოთურ და აფშინა“, „უიღბლო იღბლიანი“, „სული ობლისა“, „ივანე კოტორაშვილის ამბავი“ და სხვა.

\* \* \*

მხატვრული ნაწარმოების კომპოზიციის გაშლისათვის ვაჟა-ფშაველას, როგორც ერთ-ერთი ელემენტი, ხშირად და მოხერხებულად გამოყენებული აქვს სიზმარი. ამ კომპოზიციური ელემენტით სარგებლობა, უსათუოდ, გამოწვეულია ვაჟა-ფშაველას შემოქმედების მასალის ეთნოგრაფიული ხასიათით. ზევითაც აღვნიშნეთ, რომ მთიელი სიზმარსა და წინათგრძნობას დიდ ყურადღებას აქცევდა და მნიშვნელობასაც დიდს აძლევდა; ის მათი დიდი გავლენის ქვეშ იმყოფებოდა. ხშირად ის მათი ზეგავლენითა ცხოვრობდა და ხელმძღვანელობდა.

ძველად მთიელს, ვაჟა-ფშაველას დროის მთიელსაც კი, სჯეროდა, რომ ბუნების იღუმალი ძალები, რომლებთანაც ის იღუმალი კავშირითაა შეერთებული, სიზმრისა და წინათგრძნობის სახით წინაღვე აჩვენებს მას მომავალ უბედურებასა თუ ბედნიერებას. ამით აიხსნება, რომ ხალხურ ზეპირშემოქმედებაში, როგორც ეპოსში, ისე სიუჟეტიან ლირიკულ ლექსებში სიზმარს, როგორც ხალხის სულიერი განწყობილე-

ბის გამოვლინების ერთ-ერთს მხარეს, დიდი ადგილი უჭირავს. სიზმარი, ხალხის რწმენით, სიმბოლურად წარმოადგენს მომავლას ჩვენებას. ამის მაგალითია ხალხური „სიზმარი“ („წუხელის სიზმარი ვნახე“...).

ამიტომაც სიზმარი, როგორც შემოქმედების სტილიური ნიშანი, ვაჟა-ფშაველას მრავალგზის აქვს გამოყენებული.

სიზმარს ვაჟა-ფშაველა იყენებს, როგორც საშუალებას, ნიღაბს დამალოს თავისი პირადი განწყობილება, საზოგადოებრივი სავალალო მდგომარეობით გამოწვეული, რათა თავის ნაწარმოებს ააცდინოს ცენზორის ბრწყალი და თავისი აზრები ფარულად მიანიც გაიტანოს ფართო მკითხველთა წრეში.

მაგალითად, „სიზმარი“ („სიზმარი ვნახე, თუმც ბევრად უნახველობა მერჩივნა“...). მგოსანს ესიზმრება, რომ ის „სისხლის მორევში“ ცურავს. ეძებს ფონს, სურს გაიქცეს, თავის სახლის კარები მოხუროს, მაგრამ მის სახლში „სისხლის მორევი“ შეიქრა. მგოსანი სისხლის მორევში ცურავს; ხედავს „პერიდან წვიმა წითელი კოკის-პირულად დიოდა“; გარედან კივილი ესმის: „ეს შენთა მოძმეთ სისხლია!“ მგოსანი იტანჯება, გამოუვალ მდგომარეობაშია, გაქცევას ვერ ახერხებს. ყოველი მხრიდან ესმის „წივილ-კივილი, გოდება“ — გარემოშიც „შავი იკვროდა ღრუბელი, დაბლა წვებოდა ციდანა“. ამ დროს გაისმა მთიდან კივილი კაცისა: „ხალხო, მოვიდა ვეშაპი!“

პოეტი ხედავს, რომ მოძრაობს „უზარ-მაზარი ცხოველი“ — ვეშაპი, რომელმაც „რაც კი წინ შეჰხვდა, ერთს წუთში შთანთქა ყოველი“. ხედავს, რომ ამ საზარელ ცხოველს ვერაფერს თხოვ, ის უდიერია, ის გველეშაპია — „სისხლის გულა“ — „თხოვნით ვინ შეუწყალაია სიკვდილს და სულთამხუთავსა?“ — ფიქრობს სიზმარში.

ამ საშინელი სანახაობის აღწერას შეძრწუნებული ვაჟა-ფშაველა ასე ათავებს: „ნულარ მაჩვენოს უფალმა გულის საკლავი ძირ-მწარი“<sup>9</sup>.

ვაჟა-ფშაველა აღნიშნულ „სიზმარში“ არაჩვეულებრივი სიცხადითა და სიმკვეთრით გვიხატავს 1905 წლის რევოლუციის შემდეგ გამძვინვარებულ რეაქციას, მართლაცდა „სისხლის წვიმებს“ — ხალხის ტანჯვას, მის მძიმე მდგომარეობას, გენერალ ალიხანოვ-ავარსკის მიერ ქართლისა და გურია-იმერეთის დარბევითა და სოფლებში ეგზეკუციების ჩაყენებით გამოწვეულს; ამასთან ერთად, მგოსანი უარყოფით დამოკიდებულებასაც ამჟღავნებს რეაქციისადმი და ლამობს მკითხველსაც გადასცეს, გადასდოს თავისი ასეთი განწყობილება, რასაც სინამდვილეში, უდავოდ, კარგად აღწევდა.

ასეთივე ხასიათისაა ვაჟა-ფშაველას ცნობილი ლექსი-პოემა „ერეკლეს სიზმარი“. აქაც ვაჟა-ფშაველას სიზმარი გამოყენებული აქვს,

<sup>9</sup> ვ ა ჟ ა - ფ შ ა ვ ე ლ ა , სიზმარი თხზ., ტ. II, 1950 წ., გვ. 88—89.

როგორც ნიღაბი იმავე ცენზურული პირობების გამო და იმავე საზოგადოებრივი სურვილით მკითხველს აჩვენოს საქართველოს პოლიტიკური და კულტურული შევიწროება ბიუროკრატიული ხელისუფლების კოლონიური პოლიტიკის მწვავე და უხეში გატარებით.

შემოკრებილ ხევსურთა თხოვნით შემამოფოთებელ სიზმარს ერეკლე ასე გადმოსცემს:

„მე ის მესიზმრა, რომ საქართველოს  
თავით ბოლომდე ცეცხლი ვკიდა,  
თვით ჩემს სრა სახლსა, სამეფო ტახტსაც...  
მტერი სთელავდა ხალხსა ფეხითა.  
ჩემი ლაშქარი აბჯარ-აყრილი

იღვა უძრავად და არა სწუხდა,  
თუმცა ვიძახდი: „აბა, ბიჭებო,  
უპირს ქვეყანას!“ ხმა ჩემი ჰქუხდა.  
გაქვევებულან, თითქოს სტკებზიან,  
რომ საქართველო ცეცხლშია სღულდა“.<sup>10</sup>

თანადროულობისა, ქართული საზოგადოების მდგომარეობისა და მათდამი პოეტის დამოკიდებულების ასახვის საშუალებადაა გამოყენებული სიზმარი შემდეგ ლექსებშიც: „სიზმარი ამირანისა“, „მთების სიზმარი“, „დედის სიზმარი“, „სიზმარი“ („ვიჯექი ოქროს ტახტზედა“) და სხვ.

ვაჟა-ფშაველას სიზმარი, როგორც შემოქმედების ხერხი, გამოყენებული აქვს ეპიურ ნაწარმოებებშიც. აქ მგოსნისთვის სიზმარი სიუჟეტის განვითარების საშუალებაცაა და გმირის დახასიათებისაც. სიზმრის შემწვობით მწერალი ეპიურ ნაწარმოებებში მშვენივრად ახერხებს პერსონაჟის განცდების გამახვილებულად გადმოცემასაც და მისი ადგილობრივი მთიულური კოლორიტის დაცვასაც. მაგალითად: „ბახტრიონი“, „გველის მჭამელი“, „ალუდა ქეთელაური“, „მთის წყარო“ და სხვა.

ნიმუშისათვის ავიღოთ პოემა „ალუდა ქეთელაური“.

ალუდას დაეჭვებასა და შინაგან მტანჯველ განცდებს, მუცალის მოკვლით გამოწვეულს, ვაჟა-ფშაველა პოეტური დინამიური მატებით ავითარებს. ალუდას მთლიანი არსება შეიპყრო მუცალის მოკვლისა და თემის მკაცრი მოთხოვნის, — დამარცხებულ მტერს უეჭველად მაჯა უნდა მოეჭრას, — უსამართლობის შეგნებამ. დიღია და მწვავე ეს განცდა თემის პირობებში აღზრდილი ალუდასათვის. რთულია ამ განცდების გადმოცემა — აქ აშლილია ალუდას ცნობიერება და არაცნობიერი სამყაროც. მკითხველს რომ განაცდევინოს ალუდას შინაგანი ტანჯვის მთელი სიმწვავე, ვაჟა-ფშაველა ნიჭიერად იშველიებს სიზმარს, რომლითაც მკითხველი მკვეთრად გრძნობს, რომ ეს შინაგანი წვა-ტანჯვა ალუდას არამც თუ ცხადლივ, არამედ სიზმრადაც კი არ ასვენებს, რომ ტანჯვა ალუდასი დაუძლეველია.

<sup>10</sup> ვ ა ჯ ა - ფ შ ა ვ ე ლ ა , ერეკლეს სიზმარი, თბზ., ტ. II, 1950 წ. გვ. 158.

ახალი განცდით გაბრუნებული ალუდა ჭამის მადასაც კი ჰკარგავს (ფსიქო-ფიზიოლოგიურადაც გამართლებულია განცდა). დედის რჩევაზე — პური ჭამოს, დასევდიანებული, გატანჯული ალუდა გადაშლის თავის მძიმე მწუხარებას სიზმრის სახით — „მე პურ არ მინდა დედაო“... და სხვა.

ამ სიზმრის პოემაში ჩართვით ვაჟა-ფშაველა არაჩვეულებრივი სიმკვეთრითა და სისრულით აგრძნობინებს მკითხველს ალუდა ქეთელაურის შინაგან ტრაგედიასაც, მის გამომწვევ მიზეზებსაც და ამ ტრაგედიის ალუდაში კატასტროფული მატების ბუნებრიობასაც.

სიზმრის ჩართვით, უდავოდ, პოემა „ალუდა ქეთელაურის“ კომპოზიციის გაშლაც მხატვრულობის თვალსაზრისით ფრიად იგებს და ალუდას მორალური სახეც მკვეთრად, მძლავრად და სისრულით გამოიყურება. ასეთივეა სიზმრის როლი ვაჟა-ფშაველას სხვა ნაწარმოებებშიც.

\* \* \*

ვაჟა-ფშაველას პოეტურ შემოქმედებაში, როგორც ზევითაც არა ერთხელ გვქონდა შემთხვევა აგვენიშნა, დიდი ადგილი აქვს დათმობილი ბუნების მოვლენათა დახატვასა და მათდამი პოეტისა და მისი ნაწარმოების მოქმედ პირთა დამოკიდებულებას. ვაჟა-ფშაველას ბუნებისადმი დამოკიდებულება თავისებურია და მრავალფეროვანი, რაც მკვიდროდაა დაკავშირებული მწერლის ფილოსოფიურ შეხედულებასთან ბუნებაზე.

ა) ბუნებას ვაჟა-ფშაველა, როგორც შემთხვევა გვქონდა დაგვეჩვენა, აწერს არა მარტო ელემენტური განცდების თვისებას, არამედ აგრეთვე სურვილს, ნებისყოფას, მაღალ მორალს. მწერლის გაგებით, ბუნებასა და ადამიანს შორის განუწყვეტელი ურთიერთკავშირია. ასეთი შეხედულებით აიხსნება, რომ ბუნება, პეიზაჟი ვაჟა-ფშაველას შემოქმედების კომპოზიციის ერთ-ერთი ქმედითი კომპონენტია („გველის მკამელი“, „სტუმარ-მასპინძელი“, „ქუჩი“, „ტრედები“, „მთანი მაღალნი“ და მრავალი სხვა).

ნიმუშისათვის:

ბუნებას, მის მოვლენას, ვაჟა-ფშაველას დახატვით, არა მარტო განცდა, არამედ სურვილი, მოქმედება, აქტიურობა ახასიათებს.

დილაზე ფრთა-დაკეცილთა,  
ნამტირაღევთა ღამითა,  
მთებზე ეძინა ნისლებსა  
მიტკლით შაკრულის თავითა;

ზოგჯერ რო გაგვახარებენ  
მაცოცხლებელის ცვართა,  
სხვა დროს ბედს გვაწყველინებენ  
ჩანადინარის ავითა.

(„გველის მკამელი“)

ასევეა ვაჟა-ფშაველას პროზაშიაც:

„კლდე ღამ-ღამობით სტირის, რომ არავინა ნახოს და არ დაჰგმოს. ცის ტირილზე მეტია იმის ტირილი. კიდევაც იმდენს ცრემლს არა ჰღერის, რამდენიც შეუძლიან, შიშობს, ბარი არ წაღეკოს. ეს არავინ იცის და ამიტომ იტყვიან ხოლმე: „კლდეა, მაგარია, მაგან ტირილისა რა იცის, რა ჯაფრი მოერევაო“. კლდის ტირილს თავდაკიდებით ყურს უგდებენ მთანი და შავს ნისლს შავის ფიქრებისას მუზარადად იხურავენ“... („კლდე მტირალი“).

ვაჟა-ფშაველას გაგებით, ბუნების მოვლენათ მაღალი მორალური განწყობილებაც ამოძრავებთ.

ყანასა სეტყვა აშინებს —  
კაცთ უსაზრდოთ დარჩენა,  
თორემ ვით ნამგალს, სეტყვასა  
სით შეუძლიან წახდენა?!  
კაცთ სარგოდ თავსა ჰზოგავენ  
თავთავნი ოქროს ფერანი, —

არ სწადით ოხრად ღებოდენ,  
ჰკენკლენ ყვეანი და ძერანი.  
მიტომ ჩქარობენ მომკასა,  
ერთად ევიან ყველანი,  
ჰსურთ ჰურად იქცნენ, საჰმულად,  
რომ მათი გაძღნენ შშიერნი.

(„გველის მკამელი“)

ასევეა ვაჟა-ფშაველას პროზაშიც:

„ნეტავ ვიცოდე, სად მიდიან ზამთრობით ყვავილნი? ვგონებ, ამას სიკვდილი ჰქვია. ვინ მასწავლა მე სიტყვა სიკვდილი? აი ამ ლოდმა, ჩემს გვერდზე რომ ცხვირი წამოუშვერია და მრისხანედ დასჩერებია ჰქვეყანას. ამან და იმ ორასის წლის ბებერმა არწივმა. არა. სიკვდილი კარგი არ უნდა იყოს. გუშინ რომ მაგ დაუსვენარმა ბებერმა ერთი როჰო შეყლაპა ჩემს თავზე, რამდენსა ჰკენესოდა საბრალო და ის კი შეუბრალებლად სწიწქნიდა, ჰგლეჯდა თავისის აღმასის ნისკარტით“ („ქუჩი“).

ასეთია ფართო განსულიერება ბუნების მოვლენათა ვაჟა-ფშაველას მიერ; ასეთია ბუნების მოვლენათა მაღალი თვისებებითაც კი გააღამიანება მის შემოქმედებაში.

ვაჟა-ფშაველას თავის შემოქმედებაში ბუნება სხვადასხვა სახითა და პოეტური დანიშნულებით აქვს გამოყენებული.

ა) ვაჟა-ფშაველას შემოქმედებაში ხშირია პეიზაჟის გამოყენება, როგორც ექსპოზიციისა, რასაც ნაწარმოების შინაარსის განვითარებაში მკითხველი ადვილად და ბუნებრივად შეჰყავს.

ნიმუშისათვის ავიღოთ პოემა „სტუმარ-მასპინძელი“.

ღამის წყვილადში ჩაფლული,  
გამტანარებულის სახითა,  
მოსჩანს ქისტეთის მიღამო  
სალის კლდეების ტახტითა.  
ბნელს ხეზე მოჰყეფს მდინარე,  
ულმძღვრეული ჯაფრითა.

გადმოხრილიყვნენ მთანიცა,  
ხელ-პირს იბანდენ წყალზედა:  
ბევრი მომკვდიარა მათს მკერდზე,  
სისხლს ვერ იხდენენ ტანზედ;  
ემის მკვლელის სისხლი სწყურია,  
კაცი რომ შოდის გზაზედა...

(„სტუმარ-მასპინძელი“)



ასევეა ვაჟა-ფშაველას პროზაშიც:

„გაზაფხულდა. ჭეჭილები გაბზინდა, თოვლის წყლებმა დაიწყეს ცელქად დენა მინდვრად და ხევებში. ზღვამაც ფერი იცვალა, გაისქელა ქედი. მისნი კიდენი, ხშირჩალიანნი და ზამთრისაგან გაყვითლებულნი, ამწვანდნენ. ღამდებოდა. ის-ის იყო, რომ ზღვის იქილამ დაღლილ-დაქანტული ორი ტრედი მოფრინდა და ზღვის პირად დაჭდა. დედა-შვილსა ჰგევანდნენ. ნისკარტი-ნისკარტს გადაადევს, საკმაო ხანს ჩუმად ისაუბრეს და მერე ორთავეს დასთვლიმა... დედა ტრედს გამოელვინა და ამოიკვნესა...“ („ტრედები“).

ბ) პეიზაჟი კომპოზიციის გაშლაში გამოხატავს ვაჟა-ფშაველას თანაგრძნობას პერსონაჟისა ან მოვლენისადმი. ბუნება, თითქოს, ეხმარება მოქმედ პირს, მის შესაფერისადაა ამოქმედებული; პეიზაჟი გმირის ემოციურ განცდასთანაა დაკავშირებული, მას ეხამება, მას თანაუგრძნობს.

ნიმუშისათვის მოვიყვანთ მაგალითებს:

ქისტებმა ვაჟაკი ხევსური ზვიადაური, სტუმრად მისული, ვერაგულად მოჰკლეს, უიარაღო, მძინარე შეკონეს და თავიანთ მკედრებს დააკლეს. ზვიადაური არ შეშინდა, წარბიც არ შეიხარა, მოყვდა ისე, რომ თვალიც კი არ დაახამხამა. ზვიადაურის ასეთმა ვაჟაკობამ ყველა დამსწრე განცვიფრებაში მოიყვანა. თვით ავტორიც აღტაცებულია ზვიადაურით. და ეს საერთო აღფრთოვანება ვაჟა-ფშაველამ რომ უფრო გააძლიეროს და მკითხველსაც ადვილად გადასდოს, მოიშველიებს ბუნების თანაგრძნობასაც ზვიადაურისადმი. ზვიადაურს ბუნებაც კი გლოვობს:

ჩამოდგა საღამოს უამი,  
მთილამ მზის სხივი ჩამოხდა,  
სიბნელე მოიპარება.  
სინათლეს სული ამოჰხდა.  
დადგნენ, სულ დადგნენ მზის სხივნი,  
აღარ ელავდა ქვიშაო;  
აღარსადა სჩანს, გამჭრალა

თეთრი თმა შავის მთისაო;  
ნაღვლით ნაქარგი, ნაქსოვი  
სახე იმ საღის კლდისაო,  
რომ მუდამ მგლოვოარეა,  
ცრემლი ანკარა სდისაო...  
(„სტუმარ-მასპინძელი“)

ასევეა ამავე პოემაში ბუნების მოძრაობა შეხამებული აღაზას განცდებთან, როგორც ზვიადაურის გლოვის მომენტში, ისე თემიდან გარიყული, მარტოდ დარჩენილი, შინაგანი დაუკმაყოფილებლობით გატანჯული აღაზა დახრჩობასაც კი გადაწყვეტს.

ასევეა ვაჟა-ფშაველას პროზაში. ნიმუშისათვის ავიღოთ „ღარეჯანი“.

დარეჯანი წყალწადებულ მწყემსს ღვთისოს მიეშველა; უნდოდა მისი გადარჩენა. მოუფიქრებლად შეეკარდა წყალში; წაავლო ღვთისოს ხელი: მამაცურად ებრძოდა ტალღებს; წყალი თანდათან მატულობდა. წყალმა დარეჯანი ღვთისოსთან ერთად მიიტანა მორევში და კლდეზე მიაწყვრიტა. დარეჯანს, თითქოს, გონება წაერთვა, რამდენჯერმე კიდევ წამოიწია ასადგომად, მაგრამ უშედეგოდ. დარეჯანი და ღვთისო ორივენი ილუპებიან. დარეჯანი საუკუნოდ გამოეთხოვა წუთისოფელს. ვაჟა-ფშაველას განცდითა და დახატვით, ბუნებაც ამ მდგომარეობის შესაფერისად გამოხატავს თავის დამოკიდებულებას: „ზეცაც დაბნელდა, — გადმოგვცემს ავტორი, — მთებმა შავი ნაბადი წამოისხეს და მალღლიდამ ამაყად გადმოსცქირეს არაგვის ხეობას“... („დარეჯანი“).

გ) ვაჟა-ფშაველას კომპოზიციისათვის აგრეთვე დამახასიათებელია პეიზაჟის გამოყენება, როგორც კონტრასტისა ადამიანის განცდასთან, რათა ადამიანის განცდები და მისი ხასიათი უფრო გამახვილებულად იქნას გამოჩენილი და სისწორით გაგებულნი.

ნიმუშისათვის:

აღუდა ქეთელაურმა ბრძოლაში მოჰკლა მუცალი. მუცალის ვაჟაკობამ აღუდა მოხიბლა (რა თქმა უნდა, თვით ავტორიც); აღუდას ის ენანება. იგი თავის საქციელის სიმართლეში დაეჭვიანდა. ის მძიმე განცდით ბრუნდება სახლში.

ბუნებაში კი ამ მოვლენისადმი საწინააღმდეგო დამოკიდებულებაა:

„აშლილან სანადიროდა  
ქორებ, ფრინველთა მღევლები;  
სოფნი არწივებს მასღვეენ,  
მუქთად ჭამისთვის მხლებლები.  
ჯიხენი მაებნენ მყინვარსა,  
მადლი რქათ ადგა ღვთისაო.

ხევი-ხევ შამოყრანტალებს  
ყორანი ავის ხმისაო:  
„მომკვდარა ქისტი მუცალი,  
თვალნ უნდა ვსჯამნე ყმისაო.  
გულ-ღვიძლი ამოვარიდო,  
კალთა დავხურო მხრისაო“.  
(„აღუდა ქეთელაური“)

ასევე ახასიათებს ეს სტილიური ნიშანი ვაჟა-ფშაველას პროზასაც. ნიმუშისათვის ავიღოთ მოთხრობა „ჩვენი სოფელი“. „დადგა შემოდგომა. კაცის მარჯვენამ მთა-ბარს, მინდვრებს ნაღები მოჰხადა; დარჩა გახრიოკებული დედამიწა; რაც რამ სარჩო-საბადებელი ჰქონდა დედამიწას, კაცს უძღვნა და თითონ კი დარჩა ცალიერი.

მინდვრებზე აღარაფერი ჩანს; მარტო პატრონისაგან მოძულელებული, სიბერისაგან გადახრწნეული კუდა-ცხენები-ლა თუ დახეტიალობენ და ჰხონნიან ხმელს დედამიწას; სოფელი კი მხიარულობს, თვრება, „პარუნანო-თარუნანო“ გაისმის. სოფელი შემოსძახებს სუფრულს“... („ჩვენი სოფელი“).

ვაჟა-ფშაველას მთლიან შემოქმედებაში ახასიათებს პეიზაჟის სხვა საშუალებების გამოყენებაც. ჩვენ ჩამოთვლილი საშუალებების ჩვენებით დავკმაყოფილებით, ვინაიდან, ჩვენი ფიქრით, აღნიშნულიც საკმარისად ნათლად გვიდასტურებს, რომ პეიზაჟი ვაჟა-ფშაველას შემოქმედებაში მნიშვნელოვან როლს თამაშობს.

ასეთია ზოგადად ვაჟა-ფშაველას შემოქმედების პოეტუკის თავისებური, მდიდარი, მიმზიდველი და დამახასიათებელი სტილიური ნიშნები.

**ვაჟა-ფშაველას ლექსი**

წინამდებარე შრომაში ზედმეტი არ იქნება ორიოდ სიტყვით მაინც აღინიშნოს ვაჟა-ფშაველას ლექსის ბუნებაც. მგოსნის პოეტური შემოქმედების ეს მხარე, შეიძლება ითქვას, ჯერ-ჯერობით. სრულიად ხელუხლებელია, იგიც სპეციფიკური კვლევის საგანია. ჩვენც მხოლოდ ცდისა თუ საკითხის დასმის სახით მის შესახებ მხოლოდ რამდენიმე სიტყვას ვიტყვით.

ვაჟა-ფშაველას ლექსის ძირიც, უდავოდ, ქართული ხალხური ლექსის ბუნებაშია. მრავალ შემთხვევაში და უმთავრესად იქიდან საზრდოობს არა მარტო მისი ლექსის მეტრი, არამედ მისი ლექსის რიტმიც და რითმაც.

ვაჟა-ფშაველას ლექსი ძირითადად დაწერილია ხალხური შაირის ზომით, რომელიც ქართულ მწერლობაში აღრიდანვე დამკვიდრდა და ჩვენი კლასიკოსი მწერლების — შ. რუსთაველის, ჩახრუხაძის, თეიმურაზ I, გურამიშვილისა და სხვათა შემოქმედებაში დაიხვეწა.

ცნობილია, რომ ქართული ხალხური და საშუალო საუკუნეების პოეზია, ე. წ. შაირის თექვსმეტმარცვლოვანი ლექსის ზომით იწერებოდა. შ. რუსთაველის „ვეფხისტყაოსნის“ შემდეგ თექვსმეტმარცვლოვანი შაირი მთავარი ცეზურით მერვე მარცვლის შემდეგ ძირითად და მთავარ ზომად გადაიქცა როგორც ხალხურ ზეპირ პოეზიაში, ისე მწერლობაში. სამართლიანია ს. გორგაძის აზრი: „ამ უმაგალითო ფაქტის ახსნა, რასაკვირველია, მარტო რუსთაველის პირადი გენიით არ შეიძლება ავხსნათ, არც მარტო მისი რომანის ძირითადი ფაბულის ლირსებებით („ვით მარგალიტი თბოლი ხელი-ხელ საგოგმანები — ვპოვე“); არამედ, ვფიქრობთ, სინამდვილესთან უფრო ახლოს ვიქნებით, თუ ვიტყვით, რომ რუსთაველის გენიოსობა აქ სწორედ იმაში გამოიხატა, რომ ხალხში „ობოლმარგალიტად“ მიჩნეულსა და „ხელიხელსაგოგმანებელ“ ფაბულას მან სალექსო ფორმაც, მეტრიც ხალხური შეურჩია, ე. ი. ის

მეტრი, რომელიც რუსთაველზე ბევრად ადრე ხალხურ პოეზიაში იყო მიღებული და გავრცელებული, ხოლო მწერლობის კარები რუსთაველამდე მას, როგორც „მდაბიო-ხალხურს“, „ვულგარულ“ მეტრს (რომელსაც ხალხი ნახევრად წარმართულ დღეობებში და სიმღერებში ხმარობდა), ისე მაგრად ჰქონდა დახშული, რომ იქ შესვლა მხოლოდ იშვიათი სტუმრის სახით შეეძლო“<sup>1</sup>.

ვაჟა-ფშაველამაც თავის მილიდარ, ორიგინალურ შემოქმედებას შეუერთა სალექსო მეტრი, რომელიც განმტკიცებული იყო როგორც მწერლობაში, ისე, და განსაკუთრებითაც, ხალხურ ზეპირსიტყვიერებაში.

ლექსის ზომის თვალსაზრისით, ვაჟა-ფშაველას შემოქმედება, შეიძლება ითქვას, არ არის არც ორიგინალური და არც მრავალფეროვანი. ის უფრო ერთგვარია მცირეოდენი განსხვავებით. ძირითადი და წამყვანი ზომა მის შემოქმედებაში 16 მარცვლოვანი გატეხილი შაირია, რომლის ძირითადი მეტრია ლოგაედურ-დაქტილური დიმეტრი — 53 ან 35.

სქემა ვაჟა-ფშაველას ლექსის ლოგაედურ-დაქტილური დიმეტრისა ასეთია:

ა) — ა — აა | — აა = ანტიადონისური ლოგაედი + დაქტილი:

მკედარი ნურავის | გჭონივართ !  
გრძნობა მჩხდილი ლეშია...

ან: — აა | — ა — აა = დაქტილი + ანტიადონისური ლოგაედი:

კრდევაც | მიღულ ვაქასა |  
მთური | სისხლი მჭერღშია.

როგორც ვთქვით, ძირითადი ზომა ვაჟა-ფშაველას ლექსისა არის აღნიშნული — ლოგაედურ-დაქტილური დიმეტრი. მაგრამ გვხვდება, თუმცა შედარებით ნაკლებ, მისი მონაცვლე ზომებიც. მაგალითად, ანტიბაქე + ქორე + დაქტილი, რომლის სქემა შემდეგია:

— — ა — ა | — აა  
ნუ მიწყენ, ქალო, | ვისი ხარ ||  
ტყე ველთ რას დაი | არები?  
(„ეთერი“)

თუმც კი არ არის | უროგო, |  
თუ კი უნარი | გვექნება.

<sup>1</sup> სერ. გოგაძე, ქართული ლექსი, გვ. 27.

ამას გარდა გვხვდება ლოგაედური დიმეტრები სრული სახით (55):

ა) წმინდა აღონისური, რომლის სქემა ასეთი იქნება:

— აა — ა ა | — აა — აა |  
წამოველ, მტრზე | სულ და ვიარე ||

თუ სადმე სწეალთ | სნდგური იყო („დაჩაგრული მესტირე“).

ბ) ანტიადონისური, რომლის სქემაც ასეთი იქნება:

— ა ა — აა | — აა — აა ||  
ყველა დაჩაგრულს | ბჭე მრგხადე ||  
მართლაც ამ გუდამ | გუდობან მიყო.  
(იქვე)

გ) აღონისურ-ანტიადონისური, რომლის სქემაც ასეთი იქნება:

— აა — ა ა | — აა — აა |  
ნემსი და ძნფიც | ღარბთ მრვთხოვე, ||  
მღრღრის მრცემულს | ვუთხარ უარი.  
(იქვე)

ვაჟა-ფშაველას პოეზიაში სრული სახით ლოგაედურ დიმეტრებიდან შედარებით ხშირად გვხვდება უკანასკნელი სახის აღონისურ-ანტიადონისური მეტრი.

\* \* \*

ვაჟა-ფშაველას ლექსის დამახასიათებელი ტაეპია ორი ლოგაედურ-დაქტილური დიმეტრის შეერთება. ამ ტაეპის სქემა შემდეგი სახისაა:

ა) 53 || 53 | : — ა — ა — აა | — აა || — ა — აა | — აა | —  
ჩრგურს სრმები | დამიწყდა || | მღერა მწადრან | ალარა.. („სიმღერა“)

ესაა შიარის ლოგაედური ტაეპი, რომელიც მეორე მონომეტრის შემდეგ მთავარ ცეზურას ატარებს, ხოლო დანარჩენთა შორის მცირე პაუზას. ეს ტაეპი თანაბარრიტმიანია; ორივე ნახევარში აღმავალი რიტმისაა — 233 || 233 — ქორე + დაქტილი + დაქტილი || ქორე + დაქტილი + დაქტილი.

ვაჟა-ფშაველა მეტრების გადანაცვლებით აღნიშნული სქემის ტაეპის სხვადასხვა ვარიაციებს იყენებს, რითაც საგრძნობლად ამრავალფეროვანებს ლექსის მეტრსაცა და რიტმსაც.

მაგალითად:

ბ) 35/35 = — აა | — ა ა — აა | — აა | — ა ა — აა:

დაბერდა | ღრმში, დაბერდა | კლანჭებსა—ხმარობს ველარა ... („ბებერი ღომი“).

ეს ტაეპიც თანაბარიტიმიანია, ორივე ნახევარში რიტმი გარდამავალია — 323/323 =

დაქტილი + ქორე + დაქტილი || დაქტილი + ქორე + დაქტილი.

მაგრამ ვაჟა-ფშაველა არც ამით კმაყოფილდება, უფრო ხშირად ის მიმართავს შაირის კომბინირებულ ტაეპს, რომლის ერთს ნახევარში რიტმი აღმავალია, ხოლო მეორეში გარდამავალი, ან პირიქით: ერთში გარდამავალია, ხოლო მეორეში აღმავალი.

გ) კომბინირებული ანუ აღმავალ-გარდამავალი რიტმიანი ტაეპის სქემა:

— ა — აა | — აა || — აა | — ა — აა =

ქორე + დაქტილი + დაქტილი || დაქტილი + ქორე + დაქტილი:  
გლეხის შარჟენის | ნაღაწო || რა გლეხის... | რფლით | მზრწყულო („ჩვეილი“).

დ) კომბინირებული გარდამავალ-აღმავალი რიტმიანი ტაეპის სქემა:

— აა | — ა — აა : — ა — აა | — აა =

დაქტილი + ქორე + დაქტილი || ქორე + დაქტილი + დაქტილი:  
რა გინდა | ბქმა | მბტყუნოს || რა გინდ ვარამა | მბჩნოსა... („სინღეცა“).

ნიმუშების რიცხვის გადიდება ზედმეტად მიგვაჩნია, რადგანაც, ვიმეორებთ, ამ ზომის ტაეპი ვაჟა-ფშაველას შემოქმედებაში მეტად დამახასიათებელია. ერთფეროვნება რომ თავიდან ააცილოს, მგოსანი მიმართავს ამ ზომის სხვადასხვა ვარიაციას, რითაც ის, უდავოდ, მიზანს აღწევს. ამის შესაძლებლობას მას აძლევს შაირის მეტრის ბუნება. ქართულ ხალხურ პოეზიაში და შემდეგ მწერლობაშიც შაირის გავრცელების მიზეზი, უდავოდ, შაირის მეტრის მრავალფეროვნებასა და მის რიტმის მოქნილობაშია ჩამარხული.

ს. გორგაძე სამართლიანად წერს, რომ „არც ერთი სხვა მეტრი ისე თავისუფლად ვერ უდგება და ვერ იტევს, ისეთის ბუნებრივობით ვერ იწყნარებს რიტმოვნად აჩქარებულს ქართულ მეტყველებას, როგორც ამას ქართული „შაირი“ ახერხებს. ამაშივეა ქართული „შაირის“ სასიცოცხლო ძალა და მისი გამძლეობის საიდუმლო“<sup>2</sup>.

ვაჟა-ფშაველას პოეზიაში, გარდა შაირის ლოგაედური ტაეპებისა, მართალია, არა ისე გავრცელებულად, გვხვდება თანაბარი რიტმიანი შავთელური ტაეპი, რომლის სქემა არსებითად წარმოადგენს ლოგაედური მონომეტრებისა და ლოგაედური დიმეტრების შეერთებას — 55||55.

ვაჟა-ფშაველას პოეზიის ამგვარი ტაეპი შედგება: 1) ან ოთხი სრული ლოგაედური მონომეტრისაგან (5), რომელთა შორისაც სამი სა-

<sup>2</sup> ს. გორგაძე, ქართული ლექსი, გვ. 69.

ვალდებულო პაუზა ანუ ცეზურაა, რომელთაგან ერთი მთავარს წარმოადგენს. სახელდობრ ისა, რომელიც მეორე და მესამე მონომეტრის საზღვარზეა. ნიმუშისათვის:

აბა მრამბე,  
მკრთხავდი რასა, ||  
რანზე რღალავ |  
ენას და ყბასა?  
(„არწივი“)

2) ან ორი სრული ლოგაედური დიმეტრისაგან (55), რომელთა შორისაც ასევეა სავალდებულო სამი ცეზურა; მთავარი ცეზურა ამ შემთხვევაშიც მოთავსდება ლოგაედურ დიმეტრებს შორის:

თან დაყოლილი | ტანჯვა-ვანება ||  
პრ ჩამრმეხსნა | მრქენჯნის მჭერდსა.  
(„მესტიერის ანდერძი“)

რაც შეეხება ვაჟა-ფშაველას შავთელური ტაეპის შინაგან რიტმით შემადგენლობას, ამ მხრივ ის დიდ მრავალსახეობას წარმოადგენს. ჩვენ აქ აღვნიშნავთ მხოლოდ ძირითადს, ხშირად რომ გვხვდება ვაჟა-ფშაველას პოეზიაში და დამახასიათებელი რომაა მისთვის.

ა) ლოგაედური მონომეტრი — წმინდა ა დ ო ნ ი ს უ რ ი :

— ა ა — ა (5)  
ჩავიდა ვულში, I  
ჩაუძვრა სულში, II  
მთელს მის არსებას I  
ჩაველო ბრჯღალი.  
(„სვინინდისი“)

ბ) ლოგაედური მონომეტრი — ა ნ ტ ი ა დ ო ნ ი ს უ რ ი :

— ა — ა ა (5)  
რხ, რა ცუდი,  
რცით დანბლობა  
ქვე მძრომელობა  
დნ სულმდნბლობა...  
(„მთას“)

გ) ვაჟა-ფშაველას მიერ უფრო ხშირად იხმარება მესამე ვარიანტი ამ ზომისა — ა დ ო ნ ი ს უ რ - ა ნ ტ ი ა დ ო ნ ი ს უ რ ი :



— აა ' ა | ' ა ' აა = შენაცვლებით  
 უდაბნოდ რქვა |  
 ჩემი არსება, ||  
 უოაზისო,—  
 ტრალი რჩება.  
 („სიმღერა“)

შენაცვლებით:

ერთმ იქ ნახო |  
 ხეები დრდი ? ||  
 მწვანე კარღები  
 და წყალზე ხრდი ...  
 (იქვე)

გაეა-ფშაველას ლექსში ლოგაედური დიმეტრი (55) სხვადასხვა სახით გვხვდება:

ა) წ მ ი ნ დ ა ა დ ო ნ ი ს უ რ ი :

' აა ' ა | ' აა ' ა | :  
 წამოველ მერმე | სულ დავარე, ||  
 თუ სადმე სწყალთ | სადგური რყო.  
 („დაჩაგრული მესტერი“)

ბ) ა ნ ტ ი ა დ ო ნ ი ს უ რ ი :

' ა ' აა | ' ა ' აა | :  
 ყველა დაჩაგრულს | ბეი მრგხადე, ||

გ) ა დ ო ნ ი ს უ რ - ა ნ ტ ი ა დ ო ნ ი ს უ რ ი :

' აა ' ა | ' აა ' ა || ან შეცვლით;  
 — აა ' ა | ' ა ' აა:  
 ის მამის ქრხიც | ჩამომეშალა ||  
 რაჩხიც განდა | გაოხრებული.  
 (იქვე)

ან კიდევ პირიქით:

' ა — აა | ' აა ' ა ||  
 ' აა ' ა | ' ა ' აა;

(იქვე)

შეიძლებოდა ვაჟა-ფშაველას ლექსის ზომის სხვა სახეებიც მოგვეცა, მაგრამ იმ კონკრეტული საკითხის ზოგადი დახასიათებისათვის, როგორსაც ჩვენ წინამდებარე შრომაში ვისახავთ, ვაჟა-ფშაველას ლექსის აღნიშნულ ძირითად ხასიათზე, ვფიქრობთ, მკითხველს გარკვეულ შთაბეჭდილებასა და წარმოდგენასაც მისცემს. ამ საკითხს კვლავ სპეციალური კვლევა ესაჭიროება, რაც შემდგომისათვის ვეცდებით შევასრულოთ.

\* \* \*

ვაჟა-ფშაველას ლექსის დინამიკას, მის რიტმს, გარდა მეტრის მრავალფეროვანებისა, ხელს უწყობს აგრეთვე მისი ტაეპის ბუნებრიობა, ვაჟა-ფშაველას ლექსის ტაეპის სქემაში სიტყვები თავისი ბუნებრივი აქცენტუაციითა და სწორი გრამატიკული ფორმებით თავსდებიან.

ნიმუშისათვის:

ღამიწყდა ჩონგურს სიმები,  
აღარ აესხმის, აღარა;  
სხვისამ იელროს ჩონგურმა,  
სხვამ ააქუხოს ნაღარა.  
აღარ სჭრის ჩემი იღბალი,  
გაცუღდა ჩემი ჳალარა!

სხვა დასტკბეს ტკბილის ჳანგითა,  
ტკბილის ლექსების მღერითა,  
სხვას ესაუბროს უფალი  
ტკბილის ღვთიურის ენითა;  
სხვა დასტკბეს, სხვამ იქვიფოს  
განწყობით ამაზრზენითა.

(„სიმღერა“)

აქ ყოველი სიტყვა ბუნებრივ მდგომარეობაშია, გრამატიკულად სწორია: არც შეკვეცა, არც შევსება, ისეა როგორც ჩვეულებრივ მეტყველებაში იხმარება. ამას გარდა, რიტმითი მახვილებიც ჩვეულებრივი მეტყველებისას ხვდება. ცეზურაც ბუნებრივია, ყოველი მათგანის სიტყვების ბუნებრივ ზღვარზე ზის.

ვაჟა-ფშაველა იშვიათად მიმართავს სიტყვის ხელოვნურ შეკვეცასა და შევსებას. სადაც კი ასეთს მოვლენასა აქვს აღგილი, მგოსანი ხალხური (მთიულური) მეტყველების ბუნებრიობიდან გამომდინარეობს.

ნიმუშისათვის:

იქნებ ცხოვრებამ ღამლა,  
მოშხედოს კიდევ უფალმა,  
იქნება არ შერცხვის ჳალარა?!  
(„სიმღერა“)

## ნიმუში შევსებისა:

მთვარეო, ბევრმა გიძღერა,  
ბევრმა გაშტერა თვალები,  
შენს სადიდებლად მომართა

ბევრმა ჩონგურის ძაღლები,  
მაგრამ წაეღენ ამ სოფლით  
უკმაყოფილო, მწყარალები.  
(„სიმღერა“)

ვაჟა-ფშაველას ლექსის რიტმს კიდევ ის აძლიერებს, რომ მისი მეტყველება, როგორც ზევითაც გვქონდა აღნიშნული, მარტივ წინადადებებს შეიცავს. მის შემოქმედებაში, კერძოდ მის ლექსში ხშირია შემთხვევა, როცა ერთი ტაეპი შედგება ორი, ხანაც მეტი მარტივი წინადადებისაგან. ვაჟა-ფშაველას ლექსში გავრცელებული წინადადებაც ფრიად მოკლეა. ხოლო რთულ წინადადებას მგოსანი ენერგიულად გაუარბის.

## ნიმუშისათვის:

შთას ვიყავ, მწვერვალზე ვიდეგ.  
თვალწინ მეფინა ქვეყანა.  
გულზე მესვენა მზე-მთვარე,  
ვლაპარაკობდი ღმერთთანა.

საკეთილ-ღლეო ქვეყნისა  
მედვა სულად და გულადა;  
სიცოცხლე, მისთვის სიყვდილი  
მქონდა მეორე რჯულადა...  
(„სიმღერა“)

სინტაქსური დამთავრებულობისადმი ეს ტენდენცია კიდევ უფრო მეტს ბუნებრიობას, მეტს ანაკადებულობასა და რიტმულობას სძენს ვაჟა-ფშაველას ლექსს, მის ტაეპს.

\* \* \*

ვაჟა-ფშაველას ლექსის რიტმს აგრეთვე აძლიერებს რითმა. ცნობილია, რომ რითმა ლექსის ბგერითი ელემენტების ერთი უდიდესი მომწესრიგებელი ძალაა. ამასთან ერთად, რითმა ამტკიცებს იმ წინაგან (ლოგიკურ-სინტაქსურ) კავშირს, რომელიც ლექსის მეტრულ ელემენტთა შორის არსებობს.

ქართულ ხალხურ ზეპირსიტყვიერებასა და მწერლობასაც თუ გადავხედავთ, ადვილად დავრწმუნდებით, რომ რითმა, თითქოს, „ორგანიული კუთვნილებაა“ ქართული ლექსისა. ურითმო ლექსი, როგორც სამართლიანად აღნიშნავს ს. გორგაძეც თავის გამოკვლევაში — „ქართული ლექსი“, — ქართველს ლექსად არ მიაჩნია. ქართული ხალხური პოეზიაც არაჩვეულებრივად მდიდარია რითმით. ქართველი ხალხი, განსაკუთრებით მთაში, უფრო კი სწორედ ფშავში, ჩვეულებრივი მომაკვდავიც კი რითმებით საუბრობს. ხატობასა თუ ქეიფში მთიულები, განსაკუთრებით ფშაველები, შეჯიბრს მართავენ, ვინ უფრო მოხდენილად გაეკამათება თუ გაესაუბრება მოწინააღმდეგეს. კითხვა-პასუხის ლექსად წარმოება, რასაც კაფია ჰქვია, გავრცელებული ჩვეულებაა ძველიდანვე ქართველ ხალხში.

ამ პირობებში აღზრდილმა, დიდი პოეტური ნიჭით დაჯილდოებულმა ვაჟა-ფშაველამ ბავშვობიდანვე, როგორც იტყვიან, დედის რძესთან ერთად, შეითვისა და შეისისხლხორცა ქართული ხალხური მეტყველებისა და მისი მხატვრული პოეზიის რითმის მუსიკალობა, ძალა და შემდეგში იშვიათი ნიჭიერებითა და ოსტატობით გამოსჭედა თავის ლექსში.

ვაჟა-ფშაველას ლექსი მდიდარია გარეგანი რითმებით. მას ახასიათებს ქართული ლექსის ძირითადი რითმები: დაქტილური, ქალური და ვაჟური.

ვაჟა-ფშაველას ლექსისათვის ყველაზე ტიპური და დამახასიათებელია დაქტილური (—ა) რითმა. დაქტილური რითმა ახასიათებს მგოსნის ტაეპს, შესრულებულს ლოგაედური შაირით, მისი სხვადასხვა ვარიაციებით, როდესაც ტაეპში უკანასკნელი ტერფი დაქტილურია. ვაჟა-ფშაველას ლექსი, შეიძლება ითქვას, უმეტეს წილად დაქტილური რითმითაა შესრულებული.

ა) დაქტილური რითმის ნიმუში.

აბა, შეგხედოთ ქვეყანას: ძირს ვაკე, მალღა მთებია;  
ზოგან ხეები, სხვაგან ტყე, კლდედ მიუვალი გზებია.  
რამდენჯერ დაფიქრებულვარ, გულშიაც ცეცხლი მნთებია;  
სხვაზედ ვერაზედ დავმდგარვარ, მარტო ეს მიფიქრებია...  
(„გლეხის სიმღერა“)

ბ) ვაჟა-ფშაველას ლექსში მრავალი შემთხვევაა ჰიპერდაქტილური რითმებისა. ეს სახეც შაირის ლოგაედურ ტაეპში გვხვდება. ნიმუშისათვის:

მცარე რამ ნისლის ნაწყვეტი მთას ეკრა ბუმბულ ივითა,  
ჰშენოდა ფიქრებში გართვა, მინდორზე სუმბულ ივითა;  
მთის წვერებს მოსდევს ნიაგი ნადირის სუნსულ ივითა.  
ბუნება ნანობს ცოდვასა, იულა სულ-კრულ ივითა.  
(„მოლოდინი“).

გ) ქალური რითმა (—ა) ახასიათებს ვაჟა-ფშაველას სრულ ლოგაედურ ტეტრამეტრს.

ნიმუშისათვის:

დარაზმდა ქარი, აღშებს ასწიეს, ბაირახტრები დაუდგნენ წინა.  
უხარის ყველას: კმაყოფილია, გამარჯვებული ბრუნდება შინა.  
(„ეგრეკლეს სიზმარი“)

დ) ვაჟური რითმა (—) ვაჟა-ფშაველას შემოქმედებაში გვხვდება სრულ ლოგაედურ ტეტრამეტრში:

რა ვუთხრა ამ მთებს, რა ვუთხრა ამ კლდეს?  
იგრძნობენ, კი, რომ გული მომიკლეს?  
(„სიმღერა“)

ვაჟა-ფშაველას ლექსისათვის როგორც ქალური რითმა, ისე (და უფრო მეტადაც) ვაჟური რითმა, შედარებით დაქტილურ რითმასთან ნაკლებადაა დამახასიათებელი; ისევე როგორც ვაჟა-ფშაველა სრული ლოგაედური ტეტრამეტრით შედარებით ნაკლებ სარგებლობს, ვიდრე ლოგაედური შაირით.

იმისდა მიხედვით, თუ ერთსა და იმავე სტროფში ან მეზობელ სტროფში რამდენჯერ მეორდება რითმები, ვაჟა-ფშაველას ლექსში ვხვდებით ო რ ჯ ე რ ა დ ს, ს ა მ ჯ ე რ ა დ ს, ო თ ხ ჯ ე რ ა დ ს ა და მ რ ა ვ ა ლ ჯ ე რ ა დ ს რითმებს.

ვაჟა-ფშაველას ლექსის ტენდენცია უფრო ს ა მ, ო თ ხ და მ რ ა ვ ა ლ ჯ ე რ ა დ ი რითმისკენაა მიმართული.

ნიმუშისათვის:

სხვა დასტუმებს ტკბილის ჰანგიოთა, ტკბილის ლექსების მღერითა,  
სხვას ესაუბროს უფალი ტკბილის ლეთიურის ენითა;  
სხვა დასტუმებს, სხვამ იქეიფოს განწყობით ა მ ა ზ რ ზ ე ნ ი თ ა  
მე ვინუგეშებ დღეს თავსა წინად ნამღერის სმენითა,  
შავიმსუბუქებ კაეშანს ცხელს ცრემლისა დენითა.

(„სიმღერა“)

ამ „სიმღერაში“, მის თითქმის ყველა ტაეპში მეორდება ერთგვარი რითმა. ასეთი მოვლენა — სიუხვე ერთგვარი რითმებისა, თუმცა ვაჟა-ფშაველას ლექსის ყოველი ჟანრისათვისაა დამახასიათებელი, მაგრამ ეს განსაკუთრებით ახასიათებს მის „სიმღერებს“.

ვაჟა-ფშაველას ლექსის რითმების ნიმუშების აღწერასა საფუძველს გვაძლევს ვიფიქროთ, რომ მისი ლექსისათვის დამახასიათებელია აგრეთვე ზუსტი რითმები, ე. ი. მას ახასიათებს: ა) სარითმო კლაუზულუების იგივეობა; ბ) იგივეობა მახვილიანი ხმოვნებისა ამ კლაუზულუებში; გ) იგივეობა და ერთიანი თანამიმდევრობა უმახვილო ხმოვნებისა და დ) იგივეობა და ერთიანი დალაგება თანხმოვნებისა.

აღნიშნულის დადასტურებას ზემოთ ჩამოთვლილი ნიმუშებიც იძლევა, მაგრამ მეტი თვალსაჩინოებისათვის მოვიყვანთ კიდევ ნიმუშებს:

დაქტილური კლაუზულე ბი და დაქტილური რითმა:

დამიწყდა ჩონგურს სიმები, აღარ აესმის აღარა;  
სხვამ იღეროს ჩონგურმა, სხვამ ააქუხოს ნაღარა...  
მომხედოს კიდევ უფალმა, იქნებ არ შერცხვეს ჭაღარა.  
რა ბედნიერი ვიქნები, მაშინ ვიგლოვებ აღარა.

(„სიმღერა“)

როგორც ვხედავთ, ყველა ტაეპში მოცემულია დაქტილური რითმა და დაქტილური კლაუზაცია — აღარა, რასაც ახასიათებს იგივეობა: მახვილიანი ხმოვნებისა — ა; სრული იგივეობა და ერთნაირი თანამიმდევრობა უმახვილო ხმოვნებისა — ა — ა; იგივეობა და ერთნაირი გან-

ლაგება თანხმობებისა — ღ — რ. ამ თვისებებით მქლავნდება ზუსტი რითმა.

ამგვარი მოვლენის სხვა ვარიაციებიც გვხვდება ვაჟა-ფშაველას ლექსში:

ა) როდესაც დაქტილურ რითმაში თანხმობენი მონათესავენი და არა აბსოლუტურად იგივენი არიან.

ნიმუშისათვის:

დაბერდა ლომი, დაბერდა, კლანჭებსა ხმარობს ვ ე ღ ა რ ა :

დაედვა შეუღრეკს ძალას ჟამთ ვითარების ბ ე გ ა რ ა .

(„ბებერი ლომი“)

კიდევ:

მამა ამკაცრებს როსტია, გული წაჰსვლია დ ე ღ ა ს ა ,

ეურჩა შეილი მოხუცსა, მამას არ აძლევს ნ ე ბ ა ს ა :

ვერ იტანს ვაჟკაცის ფიქრი გულზე ხელების კ რ ე ფ ა ს ა ...

(„სიყვდილი გმირისა“)

აქაც ყოველ ტაეპში მოცემულია დაქტილური კლაუზულა და დაქტილური რითმა, რომელსაც ახასიათებს: იგივეობა მახვილიანი ხმოვნისა — ე; სრული იგივეობა და ერთიანი თანამიმდევრობა უმახვილო ხმოვნებისა — ა — ა; ერთნაირი განლაგება თანხმობებისა, ხოლო პირველნი მათგანნი მონათესავენი (ღ — გ; დ — ბ — ფ) და არა აბსოლუტურად იგივენი არიან. ამგვარი დაქტილური რითმის ვარიაციები ნაირ-ნაირი სახითაა წარმოდგენილი ვაჟა-ფშაველას ლექსში.

ბ) ვაჟა-ფშაველას ასევე მომარჯვებული აქვს ქ ა ლ უ რ ი რ ი თ - მ ე ბ ი ც . ნიმუშისათვის:

მე არ ვუთხარე მოძმესა ორმო, ჳთხრელი შევმურე კუპრით და ღ ა ფ ი თ ;

არვის გავტაცე მე ლუკმა-პური, სხვასაც ვაფუყავ ნაშოვნი ჟ ა ფ ი თ ,

და სიყვარული ჩემს თანამოძმეთ ვაუწყე შედგრად ნალარით. დ ა ფ ი თ .

(„ნუგეში მგოსნისა“)

როგორც ვხედავთ, აქაც ნიმუშის ანალოგიური მოვლენაა: კლაუზულა — ა ფ ი თ , რასაც ახასიათებს: მახვილიანი ხმოვნების ა-ს იგივეობა; იგივეობა თანამიმდევარი უმახვილო ხმოვნის — ი; იგივეობა და ერთნაირი განლაგება თანხმობებისა — ფ — თ.

გ) ქალური რითმის სხვა ვარიაციებიცაა გამოყენებული ვაჟა-ფშაველას ლექსში. მაგალითად: როდესაც ქალურ რითმაში თანხმობენი მონათესავენი და არა აბსოლუტურად იგივენი არიან.

ნიმუშისათვის:

ალარსად არჩვის სიფრთხის განგაში, სიტურფით სავსე ჟიხვების მ ზ ე რ ა  
ებრძვან სულსა, იხოცებიან, არ შეუძლიანთ ცოცხლად დარჩენა.

აქაც კლაუზულა — ე ნ ა — ე რ ა , რასაც ახასიათებს იგივეობა მახვილოვანი ხმოვნებისა — ე; იგივეობა თანამიმდევარი უმახვილო ხმოვ-

ნისა — ა; თანხმოვნები მონათესავენი (რ — ნ) და არა აბსოლუტურად იგივენი. ამ მიმართულებითაც ვაჟა-ფშაველას ლექსს მრავალფეროვნება ახასიათებს, მაგრამ ჩვენ მოტანილით დავეკმაყოფილდებით.

მაგრამ, ვაჟა-ფშაველა ლექსის დახვეწისა, მისი ჟღერადობის გამახვილების მიზნით ლექსის რითმის აღნიშნული თვისებებითაც არა კმაყოფილდება. ის მდიდარი ქართული ენის პოეტური რესურსებით მაქსიმალურად სარგებლობს და უფრო მაღალი ხარისხის რითმებსაც იძლევა. ვაჟა-ფშაველას ლექსის რითმის ყოველი სახის წარმოდგენა სპეციალური გამოკვლევის საგანი იქნება. ჩვენი შრომის ამოცანის გარკვევისათვის საკმარისი იქნება აღვნიშნოთ კიდევ ორგვარი სახის რითმა: მდიდარი რითმა და ღრმა რითმა.

ცნობილია, რომ მდიდარი რითმა ჩნდება მაშინ, როდესაც სრულ სიზუსტესთან ერთად საყრდნობი თანხმოვანიც, ე. ი. ის ბგერა, რომელიც რითმის მახვილიან ხმოვანს წინ უზის და რომელსაც მთელი რითმა თითქოს ეყრდნობა — იგივეა.

ნიმუშისათვის:

მითამ სუყველას ბოლო აქვს, ზღვანიც-კი დაშრე ბ ი ა ნ ო ;  
მაშ ჩემის გულის დამკრეღნი რატომ არ გასწყვე ბ ი ა ნ ო ?!  
(„სიმღერა“)

კიდევ:

მოგვიყვება ქიტოხელაი, ბოსელშია წვეს მ კ ვ დ ა რ ი ა,  
ძროხა, რა ძროხა, ვაიბე, მთელის ხმელეთის დ ა რ ი ა.  
(„პაპას ცოლშვილის გლოვა“)

ვაჟა-ფშაველას ლექსში ასეთი ზუსტი მდიდარი რითმის პარალელურად ხშირია ამ მოვლენის ვარიაციებიც, როდესაც მახვილის წინ მდგომი თანხმოვნები — საყრდნობი თანხმოვნები მონათესავენი და არა აბსოლუტურად იგივენი არიან.

ნიმუშისათვის:

თმებს უკუიყრის ნაკადი, ცისაკ დაიწყებს ც კ ე რ ა ს ა,  
შაჰყურებს გაოცებული შავის ღრუბლების მ ღ ე რ ა ს ა.  
რა ყურმა უნდა გაუძლოს იმ მთების გულის ძ გ ე რ ა ს ა.  
(„არაგვს“)

კიდევ:

ლურჯავ შენც გრძნობა გქონია, როგორც კაცს, ა დ ა მ ი ა ნ ს ა:  
ბარით რო მთაში წამავალ, შენ ღროს ახანებ გ ვ ი ა ნ ს ა,  
მუხლში ქარს ჩამაიყენებ, დაემსგავსები ნ ი ა ვ ს ა.  
არ აბედნებ კლდე-ღრეებს, მკერდს იქნევ ყალამ ქ რ ი ა ნ ს ა,  
შენც გული გოგებს, ტიალო, მივალთ სამშობლოს მ თ ი ა ნ ს ა,  
კლდეზედაც კარგა მიჰტრინავ, უგზოს გზასა ჰქმნი გ ზ ი ა ნ ს ა.  
(„ლურჯას“)

მოტანილ ნიმუშებშიც ყოველ ტაეპში მოცემულია დაქტილური რივი: ა, ხოლო საყრდნობი თანხმონებები მონათესავენი არიან (ქ — ლ — გ; და მ — ნ — რ — ვ — ზ — თ) და არა აბსოლუტურად იგივენი. ასეთი რითმებიც, რა თქმა უნდა, მდიდარს რითმებს მიეკუთვნებიან. ამ მიმართულებითაც ვაჟა-ფშაველას ლექსში მრავალი სხვადასხვა ვარიანტიც გამოყენებული.

ვაჟა-ფშაველა აგრეთვე ხშირად მიმართავს ღრმა რითმასაც, რომელსაც სიზუსტესთან ერთად, მახვილიანი ხმოვნის წარმავალი ხმოვნებიც ერთი და იგივე აქვს.

ნიმუშებისათვის:

დაწყნარებულმა, არაგვო, რო გნახე, გ ა ე ი ხ ა რ ე ო,

სრულიად გამოვიცვალე, წელშიაც ა ვ ი ხ ა რ ე ო.

(„არაგვს“)

კიდევ:

გულით ხომ გხედავ, თუ თვალით, ვაჟო, ვერ და გ ი ნ ა ხ ე ო:

გენაცვლე, მთანი და კლდენი შაგნებით შ ა მ ი ნ ა ხ ე ო.

(„გაზაფხული“)

აქაც იგივეობაა რითმისა; იგივეობაა საყრდნობი თანხმონებისა; იგივეობაა როგორც მახვილიანი ხმოვნებისა, ისე მახვილიანი ხმოვნის წინამავალი ხმოვნებისაც — ა—ი. ამგვარი რითმების გამოყენებაც ვაჟა-ფშაველას ლექსს აძლევს სიღრმესაც, სიმდიდრესაც და აგრეთვე მუსიკალობასაც.

სამაგიეროდ ვაჟა-ფშაველა არაზუსტი რითმების გამოყენებას გაუბრბის. უფრო მკაცრადაც, გამონაკლისის სახითაც კი, ვაჟა-ფშაველა გაუბრბის კონსონანსისა და არათანაბარმახვილიანი რითმების ხმარებასაც. კონსონანსებიდანაც ვაჟა-ფშაველას ლექსში მხოლოდ ერთ სახეს ვხვდებით: შინათანხმოვნების ნაკლებობას რითმის ერთ-ერთს თანაწევრში.

ნიმუშისათვის:

ხან რომ ცა მაიღრუბლება, ჩაბნელებიან ხ ე ე ე ბ ი,

გაჩნდება მეხთა ტკრციალი, ათრთოლდებიან ხ ე ე ბ ი,

კლდეებზედ დაიკეცება, სვაეთა და არწივთ ფ რ თ ე ე ბ ი.

(„არაგვს“)

კიდევ:

ბედშავ სამშობლოს პატრონსა სხვა ვერა გამომ ე გ ო ნ ა,

რა მექნა გულდათუთქულსა, შველა არვისთვის მ ე თ ხ ო ვ ნ ა?

(„სიმღერა“)

ასეთი დისონანსები ვაჟა-ფშაველას ლექსში ცოტაა, უმნიშვნელო და სრულიადაც ვერ ბღალავს მგოსნის მთლიან მდიდარსა, ღრმასა და მუსიკალურად მკლერ რითმას.



ვაჟა-ფშაველას ლექსის რითმასა და რიტმს აგრეთვე ამახვილებს, აძლიერებს და მუსიკალობას მატებს ალიტერაცია, როგორც რიტმის ერთ-ერთი დამახასიათებელი ელემენტი.

ალიტერაცია ძველთაგანვე გავრცელებული პოეტური ხერხია, როგორც ქართულ ზეპირსიტყვიერებაში, ისე ქართულ მხატვრულ მწერლობაშიც. ცნობილია, რომ ჩახრუხაძემ თავის „თამარიანში“ განსაკუთრებით კი შ. რ უ ს თ ა ვ ე ლ მ ა თავის „ვეფხისტყაოსანში“ ალიტერაცია მხატვრულობის უმაღლეს მწვერვალებზე აიყვანეს, ხოლო მათ შემდეგ ალიტერაცია ქართულ მხატვრულ მწერლობაში საკმარისად გავრცელებული შეიქნა — თეიმურაზ I, დავ. გურამიშვილის, ბესიკისა და სხვათა შემოქმედებაში.

ვაჟა-ფშაველა ამ მიმართულებითაც ნიჭიერად სარგებლობს, როგორც ქართული ხალხური ზეპირშემოქმედების მონაპოვრებით, ისე ქართული მწერლების მიღწევებით.

ვაჟა-ფშაველას შემოქმედება ამ მიმართულებითაც საგრძნობლად მდიდარია, როგორც ხმოვანი, ისე თანხმოვანი ბგერების გამოყენებით. ნიმუშისათვის:

ა) არვის მოცი პასუხი და მეც ამასვე მოველი;  
მე შენ იმიტომ არ გიძღერ, რისამე ვიყო მთხოვნელი.  
(„სიმღერა“)

ამ ორ ტაეპში თანხმოვანი ბგერა — მ გამეორებულია ათჯერ; თანხმოვანი ბგერა — ვ — ხუთჯერ; თანხმოვანი — ს — ოთხჯერ. უფრო საგრძნობია ხმოვანი ბგერების გამოყენება: ამავე ორ ტაეპში ხმოვანი — ი მეორდება თორმეტჯერ, ხმოვანი ე — ცხრაჯერ; ხმოვანი — ა — ექვსჯერ და ა. შ.

ბ) ნეტარ რატუ არ ვიძღერი, სტვირთან რა მაქვის საწკრამი,  
რატომ არა ვსწმენდ გულს ჟანგსა, არ ვიტყვი რაც მაქვს სათქმელი...  
(„წადილი“)

ალიტერაციით სარგებლობა ვაჟა-ფშაველას მიერ აქაც თვალსაჩინოა: ხმოვანი — ა მეორდება თექვსმეტჯერ, ხმოვანი — ი — რვაჯერ; თანხმოვანი — რ — თერთმეტჯერ; თანხმოვანი — ს — რვაჯერ; თანხმოვანი — ვ — ხუთჯერ; თანხმოვანი — ტ — ხუთჯერ და ა. შ.

გ) მთვარეო, ბევრმა ვიძღერა, ბევრმა გაშტერა თვალები,  
შენს სადიდებლად მომართა ბევრმა ჩონგურის ძალები.  
(„სიმღერა“)

ამ შემთხვევაშიც ალიტერაცია ძალუმაღ იგრძნობა: ხმოვანი — ა გამეორებულია ცამეტჯერ; ხმოვანი — ე — ათჯერ; ხმოვანი — ი —

ხუთჯერ; ასევე — თანხმოვანი —მ— გამეორებულია შვიდჯერ; თან-  
ხმოვანი — რ— რვაჯერ; თანხმოვანი — ვ — ოთხჯერ და ა. შ.

ვაჟა-ფშაველას პოეტური შემოქმედების საშუალებებიდან წინამდებ-  
არე წრომაში ჩვენ მიერ აღნიშნულიც კი, ჩვენის გაგებით, სრულიად  
საკმარისია იმის დასამტკიცებლად, თუ რა არაჩვეულებრივი ნიჭიერე-  
ბით გამოყო ენა ვაჟა-ფშაველამ, როგორც ქართული ხალხური ზეპირ-  
სიტყვიერების, ისე ქართული მხატვრული ლიტერატურის პოეტიკის  
მდიდარი მემკვიდრეობა, მეტად თავისებურად, ორიგინალურად გარ-  
დაქმნა თავის შემოქმედებით „მანგანაში“, თუ „ქურაში“, როგორც  
თვით პოეტი იტყვოდა, და ამით ქართულ ლიტერატურის გრეხილი ხე-  
ლოვნების მაღალ მწვერვალზე აიტანა.

## გოლოსიტყვა

ვაჟა-ფშაველას შემოქმედების ძირითადი ხაზების განხილვა დავამთავრეთ.

ვაჟა-ფშაველას მდიდარ პოეტურ მემკვიდრეობაზე ხანგრძლივი და შეძლებისდაგვარად დაკვირებული მუშაობის დასასრულს ასეთი განცდა გვრჩება: ვაჟა-ფშაველას შემოქმედება და მოღვაწეობა, მისი შემოქმედების პოეტური ხერხები და პროცესი, მისი პიროვნების ბუნება რთულ და მეტად საგულისხმიერო ძიებისა და კვლევის უშირეტი წყაროა. ჩვენ კარგად ვგრძნობთ, რომ კიდევ ბევრი რამ შეიძლებოდა გვეთქვა ვაჟა-ფშაველას შემოქმედების ღირსება-თავისებულების შესახებ, მაგრამ რა დალევს მასში ჩაქსოვილ ზღვა აზრებსა, განცდებსა და პოეტური ქმედების თავისებურ წარმტაცს, მდიდარს ხერხებს.

ვაჟა-ფშაველას შემოქმედების ძირითადი ხაზების ახლო გაცნობაც კი მკილხველში გარკვეულ შეფასებას იწვევს: ვაჟა-ფშაველა მიეკუთვნება სწორედ დიდბუნებოვანთა იმ მცირე ოჯახს, რომელნიც კაცობრიობის ცხოვრების დიდი ისტორიული განვითარების მაგისტრალზე დგანან, როგორც რთული საზოგადოებრივი კომპლექსების სიმბოლოები, როგორც კაცობრიობის განვითარების არა მარტო მახლობელი, არამედ აგრეთვე შორეული გზის მაჩვენებელი.

ტკივილებით სავსე კაცობრიობის ისტორიაში, მისი შემოქმედებითი ძალების გამუდმებული დაჭიმვის ისტორიაში, მცირეა რიცხვი ისეთ შემოქმედთა, რომელნიც ისე მწვავედ, გულწრფელი უშუალობით ანსახიერებდნენ თავის დიდსა და რთულ ეპოქას მისი მტკივნეული საჭირობოროტო საკითხებით და ჟამთა ვითარებაში არ იფერფლებოდნენ, ცოცხლობდნენ, შემდეგი ეპოქებისათვისაც თანამედროვენი იყვნენ. როგორც ვაჟა-ფშაველა.

ახლაც, ჩვენ დროშიც, როდესაც ქართველმა ხალხმა შეძლო საუკუნეების მანძილზე შეენახა თავისი მდიდარი ენა, თავისი ძველი მრავალფეროვანი კულტურა, თავის მძლავრი მისწრაფება გამარჯვებისა და თავისუფლებისადმი, ვაჟა-ფშაველას ხმა, მაღალი ჰუმანური ტკივილე-

ბით სავსე, ისმის როგორც კაცობრიობის შემდეგი განვითარებისათვის ბრძოლის ენერგიული მოწოდება.

ამაშია ვაჟა-ფშაველას გასხვივოსნებული შემოქმედების უკანობი ძალა და მიმზიდველობა. ამიტომაც ვაჟა-ფშაველა ჩვენთვის დღესაც მახლობელი, აღმაფრთოვანებელი. ამიტომაც, რომ ვაჟა-ფშაველას მკითხველთა წრე კი არ მცირდება, არამედ უფრო და უფრო ფართოვდება.

პირთა საძიებელი

- აბაშელი ა. 389  
 აბაშიძე გრ. 7  
 აბღუშელიშვილი დ. 28, 29, 40, 193, 226, 227  
 აივანოვი 264  
 ალექსანდრე II 39, 51, 184, 248  
 ალექსანდრე III 39, 48, 184, 249, 432  
 ალიხანოვ-ავარსკი 709  
 ამბარდნაოვები 321  
 არაგვისპირელი შიო 204  
 არადელი (იხ. სტ. კრელაშვილი)  
 არდაზიანი ლ. 6, 29  
 ასათიანი იოსებ 66  
 ასათიანი მიხ. 6, 20, 21, 37, 45, 46, 59, 60, 65—95, 98, 225, 235  
 ასათიანისა ეკატერინე 35, 66, 67, 70—82  
 აღმაშენებელი დავით 599  
 ახნაზაროვი ა. 612
- ბაბუშკინი 443  
 ბაგრატ დიდი 426  
 ბაგრატიონ-დავითაშვილი ვახტანგ 320  
 ბაგრატიონ-დავითაშვილი სოფიო 320  
 ბაირონი 265, 383  
 ბარათაშვილი ნ. 386, 387, 396, 411, 420, 665, 682  
 ბარბარე (ეკ. გაბაშვილის დედა) 321  
 ბარბიე 265  
 ბაჩანა 436, 437, 479, 480, 600, 682  
 ბეკონი 383  
 ბელინსკი ბ. 179, 271, 321  
 ბენაშვილი ანდრო 82  
 ბერანეე 265  
 ბესიკი 729  
 ბიუხნერი 383  
 ბოკლი 18, 180, 383
- გაბაევი გიგო 23  
 გაბაშვილი ალ. 82 322  
 გაბაშვილი ეკ. 59, 60, 140, 225, 309, 320—375  
 გაბიჩვაძე ვარლამ 24  
 გაბრიელი (ეპისკოპოსი) 79  
 გაბუნია კესო 23  
 გაბუნია ნატო 23  
 გადაღმელი 225—227  
 გამბეტა 18  
 გარიბალდი ჟუზეპე 287  
 გარინი ს. ა. 502  
 გარსევანიშვილი ალ. 602  
 გედევანიშვილი ბარბარე 263  
 გერკენი ა. 51, 308  
 გიზო 18  
 გოგებაშვილი ი. 322, 400, 604, 611, 688  
 გოგოლი ნ. 179, 505, 606, 697  
 გოეთე 383, 633, 634  
 გორგაძე ს. 716, 717, 719, 723  
 გორკი მ. 461, 533, 581, 688, 698, 700  
 გრიბოედოვი ა. 688  
 გროზდოვი 80  
 გულისაშვილი ერ. 158  
 გულისაშვილი ზ. (შაქრო) 6, 20, 37, 40, 43, 46, 57, 59 —62, 90, 94, 152—190, 225, 235  
 გულისაშვილი მიხეილ 153  
 გულქანი (ვაჟა-ფშაველას დედა) 598, 599  
 გურამიშვილი დ. 386—388, 600, 667, 689, 716, 729  
 გურგენიძე მ. 19, 20, 38, 39, 55, 68, 69, 78—80, 82, 111, 225  
 გურიელი შამია 7, 168

დავითაშვილი გიგო (გიორგი) 236  
დავითაშვილი იოსებ 60, 235—249  
დავითაშვილი კეკელა 236  
დავითაშვილი სვიმონ 235  
დავითაშვილი (დავიდოვი) შიო 23, 24,  
36, 37, 153, 192  
დანტესი 383  
დარვინი 18  
დედაბრძენი ნიკო 322  
დეკანოზოვი ვასო 23, 24  
დეკარტე 154  
დემურია მ. 518  
დისტერვეგი 154, 185  
დიტეხი 185  
დიურინგი 154, 183  
დობროლუბოვი ნ. 51, 52, 70, 72, 179,  
267, 271, 311, 321, 512  
დრეპერი 383  
ევდოშვილი (ხოსიტაშვილი) ი. 252  
ეკალაძე 22  
ელისაბედი (ანტ. ფურცელაძის ბიძის  
ცოლი) 263  
ენგელსი 406  
ეპიკური 383  
ერეკლე II 146, 147, 410—414, 420,  
478, 599, 609, 617—620, 647, 658,  
663, 673, 674, 683, 709, 710, 724  
ერისთავი გ. 6, 61, 358  
ერისთავი დ. 7, 426  
ერისთავი თორნიკე 426  
ერისთავი ლუარსაბ 23  
ერისთავი მიხეილ 23  
ერისთავი რაფ. 6, 168, 604, 607, 610  
ერისთავი რევაზ 611  
ესრაძე 589  
ვართაგავა იბ. 498, 503, 510, 511, 630—  
633, 635, 637, 638, 641, 642, 655, 698  
ვირგილიუსი 383  
ვოსტორგოვი 206  
ზირაქიშვილი სიდონია 66  
ზლატოვრატსკი 58, 59  
თამარ მეფე 410, 478, 495, 599, 609,  
618, 619, 625, 658  
თარხან-მოურავი გრ. 12  
თარხნიშვილი რევაზ 320, 321

თაყაიშვილი ექვთიმე 608, 612  
თეიმურაზ I 287, 716, 729  
თულაშვილი ვ. 6  
თუმანიშვილი მ. 6  
ი. ა-ძე 43, 44  
ივანოვი კ. 264  
იმედაშვილი მ. (იხ. მ. ასათიანი)  
ინაშვილი ნიკო 6, 15, 16, 87, 322  
იოსელიანი ეგნატე 24

კახლოვი 611  
კალანდაძე არსენ 24  
კანტი 154  
კარაკოზოვი 51  
კვიციანიძე პოლიექტ 24, 153  
კეზელი დ. 71  
კერესელიძე მათე 23  
კეცხოველი ლ. 382  
კლდიაშვილი დ. 294  
კომენსკი ამოს 154, 185  
კონტი 383  
კორინთელი ბაბო 23  
კრილოვი ი. 265, 688  
კუეშინსკი ი. 153

ლაველი 383  
ლავროვი პ. 271  
ლამარტინი 384  
ლასალი 154  
ლაშა გიორგი 639  
ლებლოვი 383  
ლენინი ვ. ი. 10, 11, 25—28, 31, 41, 49,  
60, 63, 64, 86, 164, 183, 379, 380,  
400, 406, 407, 416, 440, 441, 507,  
511, 512, 550, 567, 581  
ლენინი გ. 190  
ლეოპარდი 265  
ლერმონტოვი მ. 606  
ლიხაჩევი 173  
ლომოუვი ნ. 6, 37, 40, 46—48, 56, 57,  
59—62, 71, 72, 90, 94, 96—151, 195,  
203, 225, 235, 247  
ლუარსაბ II 287  
ლუიბლანი 18  
ლუქსემბურგი როზა 400  
მაიაშვილი გ. 12, 13, 16—18, 21, 27, 55,  
56

მამაცაშვილი ქ. 263, 266  
მარქსი კ. 154, 183, 271, 406, 407, 697  
მატარაძე ს. 82  
მაჩხანელი დ. (იხ. დ. ნადირაძე)  
მაჭვარიანი ი. 23  
მგალობლიშვილი ზაქარია 191, 192  
მგალობლიშვილი ს. 6, 23, 24, 31, 32,  
37, 40, 45, 46, 57, 59—61, 71, 72, 90,  
94, 178, 181—235, 247  
მდივანი 264  
მერიმე 687  
მესხი ს. 6, 12—14, 87, 286, 401  
მექანაროვი 76  
მთვარელიშვილი ნ. 237, 243, 245,  
246  
მილი 271  
მილტონი 383  
მირზაშვილი დ. 263  
მირიანაშვილი პ. 613  
მიქელაძე ა. 154  
მიხაილოვსკი ნ. 271  
მოენიძე ზურ. (იხ. ა. ფურცელაძე)  
მოლემოტი 383  
მოსულიშვილი ნ. 252  
ნადირაძე დ. 154, 251—261, 613  
ნადირაძე ვ. 251  
ნეკრასოვი ნ. 51, 52, 265, 512, 606  
ნიკოლაძე ნ. 6, 12, 263, 270, 401  
ნიკოლოზ I 429, 432  
ნ-ო ხ-ი (იხ. ნიკო ხიზანაშვილი)  
ნოვალისი 384  
ორბელიანი ალ. 7  
ორბელიანი გრ. 167, 245, 247  
ორბელიანი ვახტანგ 7, 168, 247  
ორბელიანი სულხან-საბა 688, 689  
ოუენი რობერტ 154, 271  
პაიჭაძე გ. 264  
პარასკევა (ვ. ფშაველას დედის ბიძა) 600  
პესტალოცი 154, 185  
პეტრიაშვილი მ. 82  
პისარევი დ. 51, 72, 179, 267, 269, 271,  
321  
პლატონი 383  
პლენანოვი გ. 48, 49  
პომილოვსკი ნ. 177, 178

პუშკინი ა. 450, 494, 602, 606, 633, 687,  
688

ფორდანი თედო 80, 98

რადიშჩევი 406  
რაზიკაშვილი თედო 598—600  
რაზიკაშვილი პაულე 563, 599, 599  
რობესპიერი 183  
როინიშვილი ა. 251, 257  
როშფორი 18  
რუბცოვი პ. 237  
რუსთაველი შ. 386, 388, 465, 688, 716,  
717, 729  
რუსო 154, 185

სააკაძე გ. 287—290

სალარიძე სვ. 51, 52, 383, 384, 439,  
440, 602

სალტიკოვ-შჩედრინი 51, 52

სამადოვი ვ. 23, 24

სარქისოვი 264

სემიონოვი 443

სკანდელი ნ. (იხ. ნ. ნიკოლაძე)

სოფიო (ა. ფურცელაძის ბიძის ცოლი)  
263

სპენსერი 154, 180, 195, 271, 383

სპინოზა 154, 383

სტალინი ი. 382

სტრუვე 64, 164

ტატალა (იხ. სტ. ჭრელაშვილი)

ტატიევი ნ. 76

ტეტიკაშვილი მ. (იხ. მ. ასათიანი)

ტიერი 18

ტლაშაძე 442

ტოლსტოი ლ. 39, 40, 379, 380, 602, 633

ტურაშვილი (გულისაშვილი) ანასტასია  
153

ტურაშვილი მ. 153

ტურაგენევი ი. 308, 310

უმიაკაშვილი პ. 12, 264, 604, 649

უსპენსკი გლ. 58, 59

ფაბრი 321, 322

ფავლენიშვილი კოლია 23

ფავლენიშვილი რომან 23, 24

ფეიერბახი 383

ფლეროვსკი 154  
ფოხტი 383  
ფურაიე 372, 374  
ფურცელაძე ა. 6, 15, 23, 46, 57, 59,  
60, 262—319, 358, 372

ფურცელაძე დ. 23, 24  
ფურცელაძე ნ. 262  
ფშაველა ვაჟა 7, 28, 379—732

ქეთევან (წამებული) 639  
ქერელი ბექა (იხ. ა. ფურცელაძე)  
ქიქოძე გ. 15, 384

ღაზნელი თამარ 290  
ღვინიაშვილი ე. 80, 87

უახბეგი 7, 28, 607  
ყიფიანი დავითი 6  
ყიფიანი დიმიტრი 263, 264  
ყიფიანი მიხეილ 24, 439  
ყიფიანი ნიკო 264  
ყიფშიძე გრ. 20, 27, 225, 612  
ყუბანეიშვილი ს. 440—443, 598—602,  
612

შალიგინი ა. 664, 672, 703  
შამანაური მ. 441, 442, 601  
შამანაური ნ. 601  
შანიძე ა. 389, 656, 657  
შაქრო (იხ. ზ. გულისაშვილი)  
შაპ-აბასი 639  
შელინგი 154  
შექსპირი 383  
შილერი ფ. 298

ჩახრუხაძე 716, 729  
ჩერნიშევსკი ნ. 51, 52, 70, 72, 87, 267,  
313, 315—317, 372  
ჩიმაკაძე დ. 82

ცაგარელი ა. 322  
ციციშვილი ა. 235  
ცხვედაძე ა. 154  
წერეთელი ა. 6, 12, 18, 19, 52, 54, 72,  
97, 168, 247—249, 286, 293, 386—

390, 392, 394, 395, 397, 398, 400, 403,  
407—409, 413—415, 417, 420, 426,  
427, 438, 568, 604, 605, 607, 610—  
614, 688, 689, 691

წერეთელი გ. 6, 12, 270, 286, 604

ჭავჭავაძე ა. 167  
ჭავჭავაძე ი. 6, 12, 14, 52—54, 85, 121,  
135, 136, 168, 245, 247—249, 264,  
270, 286, 293, 298, 320, 349, 386 —  
390, 392, 394, 400, 403, 407—409,  
413, 414, 417, 420, 426, 427, 432,  
437, 462, 568, 570, 577, 600, 603,  
604, 607, 610—612, 677, 678, 688,  
689

ქალაღიდელი გ. 6  
კეიშვილი 76  
კიკინაძე ზ. 123, 265, 269  
კონჯაძე დ. 6, 235, 267, 272, 277, 278  
კრელაშვილი გიორგი 20, 45, 46  
კრელაშვილი თედორე 66  
კრელაშვილი სტ. 6, 18, 20—22, 26, 29,  
30, 32—41, 55, 66, 71, 82, 208, 209

ხერხეულიძეები (ძმები) 290, 291  
ხიზანაშვილი ნ. 6, 20, 21, 30, 31, 34,  
35, 37, 42, 44, 71, 168, 225, 226, 604,  
606

ხიმშიაშვილი ი. 23, 24  
ხუდადოვი ალექსი 98  
ხუდადოვი ნიკო 98  
ხუდადოვი სოფიო 98  
ხუთურგაული 82

ჯავახიშვილი დ. 15  
ჯანაშვილი მ. 153  
ჯორჯაძე ბ. 168

მაინე 265, 384  
პეგელი 154  
პერაკლიტი 383  
პომეროსი 383  
პუგო 384



# შ ი ნ ა ა რ ს ი

## I

### ხალხოსნური მიმართულება ქართულ ლიტერატურაში

წინასიტყვაობა პირველი გამოცემისათვის 5

### ნ ა წ ი ლ ი პ ი რ ვ ე ლ ი

#### ხალხოსნური მიმართულება ქართულ ლიტერატურაში

ხალხოსნები და მათი მისწრაფებანი . 8  
ხალხოსნების მხატვრული შემოქმედება 51

### ნ ა წ ი ლ ი მ ე ო რ ე

#### ხალხოსანი მწერლები და მათი შემოქმედება

მიხეილ იოსების ძე ასათიანი 65  
ნიკოლოზ იოსების ძე ლომოური . . . . . 96  
ზაქარია მიხეილის ძე გულისაშვილი (შაქრო) . 152  
სოფრომ ზაქარაის ძე მგალობლიშვილი . 191  
იოსებ სიმონის ძე დავითაშვილი . . . . . 235  
დამიტრი მიხეილის ძე ნადირაძე (დ. შაჩხანელი) . 251  
ანტონ ნიკოლოზის ძე ფურცელაძე . 262  
ეკატერინე რევაზის ასული გაბაშვილი . 320

## II

### ვაჟა-ფშაველა

შესავალი . 379  
თ ა ვ ი I. ვაჟა-ფშაველა და ქართული კლასიკური ლიტერატურა . 386  
თ ა ვ ი II. ვაჟა-ფშაველა და 1905 წლის რევოლუცია . 439  
თ ა ვ ი III. გმირის (კაი ყმის) სახე ვაჟა-ფშაველას შემოქმედებაში . 461  
თ ა ვ ი IV. სიცოცხლე და მისი „ტრიალის“ კანონი . 481  
47. მ. ზანდღველი 737

თ ა ვ ი V. თემი და პიროვნება	. 520
თ ა ვ ი VI. ვაჟა-ფშაველას თანამედროვე სოფელი და მისი მოსახლეობა .	. 549
თ ა ვ ი VII. საზოგადოებრივი ურთიერთობის საფუძვლები აწმყოსა და მომავალში . . . . .	. 567
თ ა ვ ი VIII. ვაჟა-ფშაველა და ქართული ხალხური ზეპირმემოქმედება	. 597
თ ა ვ ი IX. ვაჟა-ფშაველას პოეტიკის ზოგიერთი საკითხი	. 661
თ ა ვ ი X. ვაჟა-ფშაველას ლექსი	. 716
ბალასიტყვა	. 731
ბირთა საძიებელი	. 733

გამომცემლობის რედაქტორი ჯ. ჭირია  
ტექნედაქტორი ი. ხუციშვილი  
კორექტორი დ. მანჯგალაძე

გადაეცა წარმოებას 30/XI-76  
ხელმოწერილია დასაბეჭდად 12/II-78  
ქალაქის ფორმატი 60×90<sup>1</sup>/<sub>16</sub>  
ნაბეჭდი თაბახი 48,15  
სააღრიცხვო-საგამომცემლო თაბახი 43,9  
სბ 129  
შეკვეთა 3855                      ტირაჟი 4000

ფასი 8 მან. 41 კაპ.

თბილისის უნივერსიტეტის გამომცემლობა  
თბილისი 380028, ი. ჭავჭავაძის პროსპექტი, 14

Издательство Тбилисского университета,  
Тбилиси 380028, пр. И. Чавчавадзе, 14

საქ. სსრ მეცნ. აკადემიის სტამბა,  
თბილისი, 380060, კუტუზოვის ქ., 19  
Типография АН ГССР, 380060,  
Тбилиси, ул. Кутузова, 19